

清
實
錄

文宗顯皇帝實錄（一）卷一至卷八〇
道光三十年至咸豐二年

清實錄

第四〇冊

中華書局影印

清 實 錄

(第 四〇 冊)

文宗實錄(一)

•

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

•

787×1092 毫米 1/16 · 68 印張

1986 年 11 月第 1 版 1986 年 11 月北京第 1 次印刷

印數 0,001 — 1,500 冊

統一書號: 11018 · 1355—40 定價: 51.00 元

清實錄第四〇冊目錄

文宗顯皇帝實錄(一)

首卷一	序	一
首卷二	凡例	五
首卷三	目錄	一三
首卷四	進實錄表	三三
	修纂官	四三
卷一	道光三十年正月上	六五
卷二	道光三十年正月下	七七
卷三	道光三十年二月上	八六
卷四	道光三十年二月下	九六
卷五	道光三十年三月上	一〇六
卷六	道光三十年三月下	一一九
卷七	道光三十年四月上	一三〇
卷八	道光三十年四月下	一四六
卷九	道光三十年五月上	一六〇
卷一〇	道光三十年五月下	一七三

卷一一	道光三十年六月上	一八一
卷一二	道光三十年六月下	一八八
卷一三	道光三十年七月上	一九五
卷一四	道光三十年七月下	二〇三
卷一五	道光三十年八月上	二一四
卷一六	道光三十年八月下	二二六
卷一七	道光三十年九月上	二三四
卷一八	道光三十年九月下	二四八
卷一九	道光三十年十月上	二六七
卷二〇	道光三十年十月下	二八〇
卷二一	道光三十年十一月上	二九九
卷二二	道光三十年十一月下	三一二
卷二三	道光三十年十二月上	三二五
卷二四	道光三十年十二月下	三四二
卷二五	咸豐元年正月上	三五七
卷二六	咸豐元年正月下	三六七
卷二七	咸豐元年二月上	三七七
卷二八	咸豐元年二月下	三九二
卷二九	咸豐元年三月上	四〇三

文宗實錄

卷三〇	咸豐元年三月下	四一五	卷四九	咸豐元年十二月上	六五七
卷三一	咸豐元年四月上	四二九	卷五〇	咸豐元年十二月下	六六五
卷三二	咸豐元年四月下	四四〇	卷五一	咸豐二年正月上	六八二
卷三三	咸豐元年五月上	四五一	卷五二	咸豐二年正月下	六九二
卷三四	咸豐元年五月下	四六八	卷五三	咸豐二年二月上	七〇四
卷三五	咸豐元年六月上	四八四	卷五四	咸豐二年二月下	七一三
卷三六	咸豐元年六月下	四九三	卷五五	咸豐二年三月上	七二四
卷三七	咸豐元年七月上	五〇八	卷五六	咸豐二年三月中	七三八
卷三八	咸豐元年七月下	五二一	卷五七	咸豐二年三月下	七四九
卷三九	咸豐元年八月上	五三五	卷五八	咸豐二年四月上	七六二
卷四〇	咸豐元年八月下	五四九	卷五九	咸豐二年四月中	七七五
卷四一	咸豐元年閏八月上	五六〇	卷六〇	咸豐二年四月下	七八九
卷四二	咸豐元年閏八月下	五七四	卷六一	咸豐二年五月上	七九九
卷四三	咸豐元年九月上	五九〇	卷六二	咸豐二年五月下	八一九
卷四四	咸豐元年九月下	六〇二	卷六三	咸豐二年六月上	八三三
卷四五	咸豐元年十月上	六一五	卷六四	咸豐二年六月下	八四二
卷四六	咸豐元年十月下	六二六	卷六五	咸豐二年七月上	八五〇
卷四七	咸豐元年十一月上	六三五	卷六六	咸豐二年七月中	八五九
卷四八	咸豐元年十一月下	六四五	卷六七	咸豐二年七月下	八七一

文宗顯皇帝實錄序

我

大清肇造丕基。統壹方夏。

聖以繼

聖久道化成荷

上天眷佑之隆。承

祖

宗貽謀之遠。洪惟我

皇考文宗顯皇帝。聰明天畀。大孝性成。恪遵

皇祖宣宗成皇帝。硃諭。總以國計民生為重。十

一年中。有如一。日。批章召對。日昃不遑。每

念時勢孔艱。四海瘡痍未復。輒中夜傍徨。

不能自己。以至

聖體違和。然猶且宵旰憂勞。不自暇逸。至十年

八月秋。彌木蘭。子臣扈從

鑾輿。次年即

命於山莊就傳。方冀

吳蒼垂佑。頤養康疆。詎意

聖心屢欲回鑾。未及啟行。浸至大漸。捐棄臣民。

攀號莫及。閔予小子。嬛嬛在疚。遽膺

付託。悚慟倍加。幸蒙我

兩宮

皇太后於摧傷哀慕之中。思有以竟

皇考未竟之志。予小子始得有所禀承。敬奉

神輿還京成禮。仰述舊規。命儒臣敬謹纂輯

實錄。閱六年而書成。凡三百五十有六卷。炳炳

麟麟。治法心法。粲然具備。粵稽自古帝王。

握乾符。闡坤珍。罔不兢兢業業。以敬天法。

祖。勤政愛民為先務。

皇考在青宮時。即奉

皇祖恩命。恭代

郊壇大祀。百神受職。俎豆居歆。

御極後。每遇

圜丘

方澤

卒祈

霄祭齋居虔肅翼翼小心無時不以省咎報

天恩為念對越精誠形諸

手諭瞻齋宮畏天命扁額

聖懷乾惕發為詠歌其昭事之忱有如此者

皇祖至德謙沖

特申遺諭於

郊配

升祔大典欲及身而罷之我

皇考詳咨眾議參酌禮經曲體

在天之靈爰定萬年之制於建立豐碑一節恪
遵

成命含淚濡毫

御製鴻文敬揚

先志追念

孝全成皇后誕育聖躬愴懷靡已

孝靜成皇后恩勤撫育

堯門奉養典禮加崇視

皇祖之奉

孝和睿皇后侍膳承歡無少異以及潔蠲

廟享展謁

橋山祖述

憲章隆禮由禮其績緒之勤有如此者傳籤警

寐東燭視朝載籍所陳咸資考鏡

皇考健行不息日理萬幾部務軍情農桑禮樂

事無鉅細綜攬靡遺莫不求精意而絕具

文燭先機而籌盡善煌煌

訓諭力戒因循期與百職羣工交修罔懈

特派翰詹各官恭繕朱子全書貞觀政要以進
性功治術一以貫之其措施之正有如此

者民惟邦本食為民天

皇考躬履耨田勞農勸相建元之始

詔免天下錢糧千有餘萬

湛恩汪濊率土優霑嗣因江南豐北決隄發數

百萬帑金為民捍患浙東海塘傾圯河南

蘭陽告災

念切鴻敷屢頒

恩旨並纂及京師粥廠蹕路丁徭僻省偏隅偶遭荒歉無不議蠲議賑視民如傷免稅則以示招徠編保甲以防邪惡其慈惠之數有如此者若夫揆文奮武修己治人則又本一心以垂為典謨而為百王之大法壬子秋
皇考初御經筵癸丑春
臨雍講學宏敷
聖教嘉惠士林
命各直省學臣於考試時增性理論頒示四言韻文以端士習
敕武英殿增刊孝經合璧大學衍義新語以重國書
慶榜兩開正科四舉各省疊臣奏請增加中額學額邀
恩准者指不勝屈人才樂育藹吉彈冠此則文教之隆也粵西小醜萌禁金田自楚而吳擾及晉衛齊燕之境

皇考赫然震怒簡命親藩征勦巡防膚功疊奏當北方軍務肅清凱旋之日
御勤政殿賞賚諸王大臣腹心干城極一時之選大江南北收復諸城
指示機宜霆擊雷震此則武功之盛也在昔神禹卑宮菲服後世幹衣弋綠傳為嫩談我皇考躬行節儉為天下先鹵簿不令增華宮室從無侈飾納諫臣之疏緩興作之工停歲進之例貢以省轉輸辨喪祭之等威以坊奢濫聲為律而身為度嘗
書事示廷臣曰即使天下既安更防恬嬉之漸持盈保泰惟懷永圖此則制節謹度之宜也明罰敕法國有常經
皇考天縱英明大公至正於穆彰阿之固寵竊權耆英之巧詐欺罔
諄諄曉諭在廷諸臣舉以為戒其帶兵大員有糜餉勞師擁兵自衛遽延貽誤越境偷生者或立寘典刑或嚴加譴謫薄海內外咸

曉然於

天威之不容假借寬典之不可倖邀激厲有為爭先恐後故能

乾綱在握駕馭羣材如張國樸李忠等奮迹探丸濯磨效命恩威並濟宇內歸心此則飭紀整綱之效也

皇考盛德巍巍卓越今古誠非稱揚所得而罄於惠親王以叔父之尊具奏不名內廷免其叩拜歲時賜禮有加是周成王之展親

也於恭親王清同一體迥異尋常棟華實鏐諸編奎文彪炳惇親王醇郡王等分錫

桐珪永盟帶礪是漢顯宗之友愛也軍務

未平民生未遂輒引為己咎從不諉過諸臣責躬之詔至再至三是禹湯之罪己也

蒙古內外扎薩克諸部獻馬納金輸將效

順科爾沁親王簡率精銳躬冒矢石勦力

行間東北羣藩稽首來庭無侮無拂是堯

舜之賓門也褒揚忠烈破格推恩以獎殉

節之蓋臣以勵從征之將士是采薇出車之遺意也

御製詩文初集

敕內廷翰林編次成書

幾餘揮灑

宸章輒令諸臣賡和是明良颺拜之殊風也迺

猶起廢員訪遺逸矜庶獄拯困窮謹開梁

速郵驛飭官寺肅門禁防微杜漸慮遠思

深

閭澤宏猷際天蟠地自來躬處艱虞斡旋氣運

未有如

皇考之神功默運佑啟後人者也予小子繼序

以來先收安慶蘇杭克復金陵蕩平羣逆

殲石達開於蜀境縛陳玉成於蒙城所任

將帥曾國藩胡林翼駱秉章等皆

皇考委用舊人克親成功景懷

前烈今日之震寓祖安兆民相慶者何一非

皇考所貽留哉繼自今任人立政制治保邦凡

經國典章悉載於玉簡琅函之內肆予冲人永敬承於無斁以仰酬

皇考付託之恩紹

列祖創垂之統用綿我

大清億萬年無疆寶祚。是則夙夜孳孳。勿敢逸豫者云爾。謹序。

同治五年十二月初八日

清實錄文宗實錄凡例

文宗顯皇帝實錄

修纂凡例

登極典禮書

一恭上加上

帝

后尊諡書

冊

寶文全錄

下祀

天

地

太廟

山陵

日

月

社

稷

五

郊祀躋配	太廟	奉先殿升祔配享祭	堂子年神月神	列祖誕辰忌辰拈香書詣	壽皇殿	恩佑寺	安佑宮	雍和宮	恩慕寺	元靈宮	永慕寺	永佑寺行禮書遣官行禮亦書	一尊封	皇貴太妃	皇太后書	冊	寶文全錄尊封
------	----	----------	--------	------------	-----	-----	-----	-----	-----	-----	-----	--------------	-----	------	------	---	--------

貴太妃亦書	一恭詣	壽康宮	皇貴太妃前問安侍奉書恭詣	皇太后宮問安侍奉書	一冊立	皇后書封	貴妃妃嬪皆書	一立	皇太子書	皇子生書	一	皇貴太妃慈壽禮儀祝頌貢獻書	萬壽節	皇后千秋節及除夕元早上元冬至凡大慶賀禮儀筵宴舉行停止皆書	一	升殿視朝
-------	-----	-----	--------------	-----------	-----	------	--------	----	------	------	---	---------------	-----	------------------------------	---	------

御門聽政書	一 祈穀耕藉詣學經筵書其禮儀宴賚亦書	地宮禮儀碑文書	一 恭謁	山陵禮儀賞賚書行園停蹕皆書	一	臨蒞親王公主園第書	一	詔敕	上諭全錄	御製各體文有關文教武功民生國政者全錄	一纂輯	實錄	聖訓	玉牒	國史方略	起居注
-------	--------------------	---------	------	---------------	---	-----------	---	----	------	--------------------	-----	----	----	----	------	-----

欽定各種書籍皆書	一 宗室分爵親郡王以下奉恩將軍以上冊封晉封及降革皆書冊封王妃公主郡主等書	一 公主下降郡主郡君等出嫁授固倫額駙和碩額駙多羅額駙固山額駙書	一 異姓王公侯伯子男封授襲替書升降黜革亦書	一 外藩王貝勒貝子公封授襲替書升降黜革亦書	一 文武大臣加三公三孤及宮衛書降銜復銜亦書	一 宗人府宗令宗正宗人府丞領侍衛內大臣內閣大學士學士六部理藩院尚書侍郎都察院左都御史左副都御史倉場盛京五部侍郎總管內務府大臣陵寢總管翰林院掌院學士通政使司通政使大理寺卿詹事府詹事太常寺卿太僕
----------	--------------------------------------	---------------------------------	-----------------------	-----------------------	-----------------------	---

寺卿光祿寺卿順天府奉天府府尹及

直隸各省總督漕運河道總督巡撫提

督學政布政使司布政使按察使司按

察使等官除授皆書

一鑾儀衛掌衛事鑾儀使八旗都統副都

統前鋒統領護軍統領提督九門步軍

統領奉天等處直省鎮守將軍都統副

都統提督總兵等官除授皆書

一滿漢文武官員奉使外國外藩書奉差

直省事關重大者亦書

一除授新疆將軍辦事參贊領隊大臣書

一鎮守將軍都統督撫提鎮

陛見書藩臬道府等官曾加

獎訓書州縣等官

召見亦書

一各直省督撫奉

旨派閱營伍書

一保舉翰林入直

南書房

上書房及充補講官書

一內官京察外官大計武職軍政皆書

一滿漢大學士協辦大學士病卒書

親臨賜奠書滿漢文武內外大臣以老疾乞休

書蒙

恩慰留及起用皆書緣事休致降革亦書

一滿漢文武內外大小官制添設更改裁

併皆書衙署改移亦書

一文武選法品級考及考課則例有更定

者書刑名律例有更正增添者亦書

一府州縣衛所改設分置裁併皆書立學

定額書

一每歲人丁戶口田地稅糧茶鹽鑄錢之

數並於歲暮書開墾軍屯丈量地畝園

撥地土編審人丁折徵漕糧蠲除賦役

停罷歲辦諸物並錢法茶鹽權關及俸

祿廩餼軍糧則例有更定者皆書

漕運事宜書籌辦海運亦書	一官員俸祿行伍錢糧裁減增給書	一	恩詔蠲賦	特旨免徵發粟賑荒截漕平糶及常例外	特恩普免減賦緩徵皆書	一。天象雲物氣候徵應及日蝕月蝕星變	地震河決書	一	聖德謙沖不言符瑞凡有臣下稱頌	功德	特頒諭旨加意警勉書	一。頒朔進春書	一頒	詔天下書	詔文全錄	一。每歲祭	歷代帝王廟
-------------	----------------	---	------	------------------	------------	-------------------	-------	---	----------------	----	-----------	---------	----	------	------	-------	-------

先師孔子	先農	太歲凡在祀典諸神書遣官祭長白山岳鎮	海濱	歷代陵寢	先師闕里書	敕封山川神號書	御書扁額書釐定加崇祀典亦書祈謝及載在	祀典神祇拈香亦書	一。襲授衍聖公及先賢後裔五經博士書	一。王公以下文武大臣蒙	恩賜章服	賜宴書	賜紫禁城騎馬書王公大臣之祖父母父母蒙	恩賜聯額綺玩亦書	一。優禮高年	特恩賞賚	欽賜職銜皆書
------	----	-------------------	----	------	-------	---------	--------------------	----------	-------------------	-------------	------	-----	--------------------	----------	--------	------	--------

一。直隸各省鄉試。文武會試	殿試傳臚書繕譯鄉會試書文	殿試	策問全錄	特開恩科書增廣鄉會試中額書加增取進府	州縣衛學文武生員書	一。	御試翰詹及	欽賜舉人一體會試	實錄凡例	殿試選庶吉士。派教習散館授職皆書。	特命薦舉孝廉方正舉行宗室鄉會試增設駐	防中額。及大挑舉人拔貢皆書。	一。國子監及直隸各省學政條例科場條	例。有更定者皆書。	一。遠方外國慕化歸誠遣使進貢書	賜封爵給敕印外藩來朝。及遣使進年貢遣人	入學請通市皆書。定年貢則例。及	特恩減免留抵貢物書宴賚亦書。
---------------	--------------	----	------	--------------------	-----------	----	-------	----------	------	-------------------	--------------------	----------------	-------------------	-----------	-----------------	---------------------	-----------------	----------------

一。王以下奉恩將軍以上民公以下男以	上及在京文武官三品以上在外將軍	都統副都統督撫提鎮等官及在外藩	王貝勒貝子公。節終卹典並	賜諡皆書於常例外	特恩優卹亦書	一。各路軍營文武大小官員及軍士陣亡	蒙	恩予卹書	實錄凡例	賞授世職於常例外	特加優卹建立專祠亦書卹典條例有更定者	亦書	一。旌表八旗各直省孝子順孫義夫節婦	某人等若干名並於歲終書有奇節予	旌者另書	一。諸臣條奏奉	旨允行及飭駁者書。彈劾有當允行者亦書	一。
-------------------	-----------------	-----------------	--------------	----------	--------	-------------------	---	------	------	----------	--------------------	----	-------------------	-----------------	------	---------	--------------------	----

命將出征調兵籌餉一切		
指示方略書軍中奏捷俘馘納降及凱旋迎勞書其城池被擾用兵克復收復亦書		
巡幸行圍冰嬉。瑞雪善撲旗祖等賞賚皆書		
一。出征將軍文武大臣及督撫提鎮等以軍功加銜		
賞授世職世爵書以失誤軍機降革問罪正法者書		
特恩寬宥者亦書其文武大小官員軍功議敘特恩升賞者並書		實錄凡例 三
一。邊遠地方土司酋長宣撫宣慰等使授職襲職書		
一。八旗及直隸各省水陸標營兵額兵制及驛傳烽堠添設裁減歸併書		
一。八旗及直隸各省綠旗軍士奉恩詔及特旨頒賞書出征戍防軍士於常例給餉外		

特加恩賞亦書		
一。文武大臣犯罪拘禁遷謫書		
特恩寬宥亦書不論官吏軍民犯叛逆大罪正法者亦書		
一。肆赦停刑恤刑榜示皆書		
一。修葺壇廟書營建		
山陵書修葺前代陵寢闕里		實錄凡例 三
文廟凡在祀典諸神廟宇並各省先賢廟宇書院皆書建設功臣專祠亦書凡賜御書扁額皆書		
一。修建兵丁營房及工役重大者書		
一。經理南北兩河。浙省海塘疏濬各省及邊塞地方河渠水利建築城垣修防隄岸。平治道塗。一切工役皆書		
一。書內		

今上皇帝恭書

皇長子緣本書凡遇擡寫款式俱祇高一格仍

照舊例高一格擡寫

一每歲季春吉巳日祭

先蠶之神

皇后親饗或遣妃行禮及遣官致祭之處皆書

一

硃批奏摺敬展

丹毫事事皆蒙

實錄凡例

古

訓示惟原摺有拜發而無批迴之日均照檔冊

按日恭載

一○奉

旨查詢之件當時未及奏覆者應查後文有豫

載者則書尋奏云云有應追書者則書

先是云云

一○編纂之法必須恭查

御製詩文集

硃批摺奏

起居注內記注軍機檔絲綸簿外紀檔及

國史方略三通會典官纂諸書而六科史書

一項每帙一二寸每年二百餘帙一有

未經閱採動輒漏略抵牾其中事蹟或

始見於此而結案遠在隔年或奉

旨於前而議上見諸後月且檔案不無疑誤須

按其時事考其異同原委脈絡畫一流

通尤須與上下各卷互相考訂庶脫稟

如出一手以免歧異

實錄凡例

五

大清文宗協天翊運執中垂謨懋德振武聖孝
淵恭端仁寬敏顯皇帝實錄目錄

卷之一

道光三十年正月上

卷之二

道光三十年正月下

卷之三

道光三十年二月上

卷之四

道光三十年二月下

卷之五

道光三十年三月上

卷之六

道光三十年三月下

卷之七

道光三十年四月上

卷之八

道光三十年四月下

卷之九

道光三十年五月上

卷之十

道光三十年五月下

卷之十一

道光三十年六月上

卷之十二

道光三十年六月下

卷之十三

道光三十年七月上

卷之十四

道光三十年七月下

卷之十五

道光三十年八月上

卷之十六

道光三十年八月下

卷之十七

道光三十年九月上

卷之十八	道光三十年九月下
卷之十九	道光三十年十月上
卷之二十	道光三十年十月下
卷之二十一	道光三十年十一月上
卷之二十二	道光三十年十一月下
卷之二十三	道光三十年十二月上
卷之二十四	道光三十年十二月下
卷之二十五	咸豐元年正月上
卷之二十六	咸豐元年正月下

卷之二十七	咸豐元年二月上
卷之二十八	咸豐元年二月下
卷之二十九	咸豐元年三月上
卷之三十	咸豐元年三月下
卷之三十一	咸豐元年四月上
卷之三十二	咸豐元年四月下
卷之三十三	咸豐元年五月上
卷之三十四	咸豐元年五月下
卷之三十五	咸豐元年六月上

卷之三十六	咸豐元年六月下		
卷之三十七	咸豐元年七月上		
卷之三十八	咸豐元年七月下		
卷之三十九	咸豐元年八月上		
卷之四十	咸豐元年八月下	實錄目錄	五
卷之四十一	咸豐元年閏八月上		
卷之四十二	咸豐元年閏八月下		
卷之四十三	咸豐元年九月上		
卷之四十四	咸豐元年九月下		

卷之四十五	咸豐元年十月上		
卷之四十六	咸豐元年十月下		
卷之四十七	咸豐元年十一月上		
卷之四十八	咸豐元年十一月下		
卷之四十九	咸豐元年十二月上	實錄目錄	六
卷之五十	咸豐元年十二月下		
卷之五十一	咸豐二年正月上		
卷之五十二	咸豐二年正月下		
卷之五十三	咸豐二年二月上		

卷之五十四	咸豐二年二月下
卷之五十五	咸豐二年三月上
卷之五十六	咸豐二年三月中
卷之五十七	咸豐二年三月下
卷之五十八	咸豐二年四月上
卷之五十九	咸豐二年四月中
卷之六十	咸豐二年四月下
卷之六十一	咸豐二年五月上
卷之六十二	咸豐二年五月下

實錄目錄

七

卷之六十三	咸豐二年六月上
卷之六十四	咸豐二年六月下
卷之六十五	咸豐二年七月上
卷之六十六	咸豐二年七月中
卷之六十七	咸豐二年七月下
卷之六十八	咸豐二年八月上
卷之六十九	咸豐二年八月中
卷之七十	咸豐二年八月下
卷之七十一	咸豐二年九月上

實錄目錄

八

卷之七十二	咸豐二年九月下	
卷之七十三	咸豐二年十月上	
卷之七十四	咸豐二年十月中	
卷之七十五	咸豐二年十月下	
卷之七十六		九
卷之七十七	咸豐二年十一月上	
卷之七十八	咸豐二年十一月下	
卷之七十九	咸豐二年十二月上	
卷之八十	咸豐二年十二月中	
	咸豐二年十二月下	

卷之八十一	咸豐三年正月上	
卷之八十二	咸豐三年正月中	
卷之八十三	咸豐三年正月下	
卷之八十四	咸豐三年二月上	
卷之八十五		十
卷之八十六	咸豐三年二月下	
卷之八十七	咸豐三年三月上	
卷之八十八	咸豐三年三月中	
卷之八十九	咸豐三年三月下	

卷之九十	咸豐三年四月上
卷之九十一	咸豐三年四月中
卷之九十二	咸豐三年四月下
卷之九十三	咸豐三年五月上
卷之九十四	咸豐三年五月中
卷之九十五	咸豐三年五月下
卷之九十六	咸豐三年六月上
卷之九十七	咸豐三年六月中
卷之九十八	咸豐三年六月下

卷之九十九	咸豐三年七月上
卷之一百	咸豐三年七月中
卷之一百一	咸豐三年七月下
卷之一百二	咸豐三年八月上
卷之一百三	咸豐三年八月中
卷之一百四	咸豐三年八月下
卷之一百五	咸豐三年九月上
卷之一百六	咸豐三年九月中
卷之一百七	咸豐三年九月下

卷之一百八	咸豐三年十月上
卷之一百九	咸豐三年十月中
卷之一百十	咸豐三年十月下
卷之一百十一	咸豐三年十一月上
卷之一百十二	咸豐三年十一月中
卷之一百十三	咸豐三年十一月下
卷之一百十四	咸豐三年十二月上
卷之一百十五	咸豐三年十二月下
卷之一百十六	咸豐三年十二月下

卷之一百十七	咸豐四年正月上
卷之一百十八	咸豐四年正月下
卷之一百十九	咸豐四年正月中
卷之一百二十	咸豐四年二月上
卷之一百二十一	咸豐四年二月下
卷之一百二十二	咸豐四年二月中
卷之一百二十三	咸豐四年三月下
卷之一百二十四	咸豐四年三月上
卷之一百二十五	咸豐四年三月中
卷之一百二十六	咸豐四年三月下

卷之一百二十六	咸豐四年四月上
卷之一百二十七	咸豐四年四月中
卷之一百二十八	咸豐四年四月下
卷之一百二十九	咸豐四年五月上
卷之一百三十	咸豐四年五月下
卷之一百三十一	咸豐四年六月上
卷之一百三十二	咸豐四年六月下
卷之一百三十三	咸豐四年七月上
卷之一百三十四	咸豐四年七月中
卷之一百三十五	咸豐四年七月下
卷之一百三十六	咸豐四年八月上
卷之一百三十七	咸豐四年八月下
卷之一百三十八	咸豐四年九月上
卷之一百三十九	咸豐四年九月下
卷之一百四十	咸豐四年十月上
卷之一百四十一	咸豐四年十月下
卷之一百四十二	咸豐四年十一月上
卷之一百四十三	咸豐四年十一月下
卷之一百四十四	咸豐四年十二月上
卷之一百四十五	咸豐四年十二月下

卷之一百三十六	咸豐四年七月上
卷之一百三十七	咸豐四年七月中
卷之一百三十八	咸豐四年七月下
卷之一百三十九	咸豐四年八月上
卷之一百四十	咸豐四年八月下
卷之一百四十一	咸豐四年九月上
卷之一百四十二	咸豐四年九月下
卷之一百四十三	咸豐四年十月上
卷之一百四十四	咸豐四年十月下
卷之一百四十五	咸豐四年十一月上
卷之一百四十六	咸豐四年十一月下
卷之一百四十七	咸豐四年十二月上
卷之一百四十八	咸豐四年十二月下
卷之一百四十九	咸豐五年一月上
卷之一百五十	咸豐五年一月下
卷之一百五十一	咸豐五年二月上
卷之一百五十二	咸豐五年二月下
卷之一百五十三	咸豐五年三月上
卷之一百五十四	咸豐五年三月下
卷之一百五十五	咸豐五年四月上
卷之一百五十六	咸豐五年四月下
卷之一百五十七	咸豐五年五月上
卷之一百五十八	咸豐五年五月下
卷之一百五十九	咸豐五年六月上
卷之一百六十	咸豐五年六月下
卷之一百六十一	咸豐五年七月上
卷之一百六十二	咸豐五年七月下
卷之一百六十三	咸豐五年八月上
卷之一百六十四	咸豐五年八月下
卷之一百六十五	咸豐五年九月上
卷之一百六十六	咸豐五年九月下
卷之一百六十七	咸豐五年十月上
卷之一百六十八	咸豐五年十月下
卷之一百六十九	咸豐五年十一月上
卷之一百七十	咸豐五年十一月下
卷之一百七十一	咸豐五年十二月上
卷之一百七十二	咸豐五年十二月下

卷之一百四十四	咸豐四年九月上
卷之一百四十五	咸豐四年九月中
卷之一百四十六	咸豐四年九月下
卷之一百四十七	咸豐四年十月上
卷之一百四十八	咸豐四年十月下
卷之一百四十九	咸豐四年十一月上
卷之一百五十	咸豐四年十一月中
卷之一百五十一	咸豐四年十一月下
卷之一百五十二	咸豐四年十一月下

卷之一百五十三	咸豐四年十二月上
卷之一百五十四	咸豐四年十二月中
卷之一百五十五	咸豐四年十二月下
卷之一百五十六	咸豐五年正月上
卷之一百五十七	咸豐五年正月下
卷之一百五十八	咸豐五年二月上
卷之一百五十九	咸豐五年二月中
卷之一百六十	咸豐五年二月下
卷之一百六十一	咸豐五年三月上

卷之一百六十二	咸豐五年三月下
卷之一百六十三	咸豐五年三月下
卷之一百六十四	咸豐五年四月上
卷之一百六十五	咸豐五年四月上
卷之一百六十六	咸豐五年四月下
卷之一百六十七	咸豐五年五月上
卷之一百六十八	咸豐五年五月下
卷之一百六十九	咸豐五年六月上
卷之一百七十	咸豐五年六月下

卷之一百七十一	咸豐五年七月上
卷之一百七十二	咸豐五年七月下
卷之一百七十三	咸豐五年八月上
卷之一百七十四	咸豐五年八月下
卷之一百七十五	咸豐五年九月上
卷之一百七十六	咸豐五年九月下
卷之一百七十七	咸豐五年十月上
卷之一百七十八	咸豐五年十月下
卷之一百七十九	咸豐五年十一月上
卷之一百八十	咸豐五年十一月下

卷之一百八十	咸豐五年十月中
卷之一百八十一	咸豐五年十月下
卷之一百八十二	咸豐五年十一月上
卷之一百八十三	咸豐五年十一月中
卷之一百八十四	咸豐五年十一月下
卷之一百八十五	咸豐五年十二月上
卷之一百八十六	咸豐五年十二月下
卷之一百八十七	咸豐五年十二月下
卷之一百八十八	咸豐六年正月上

卷之一百八十九	咸豐六年正月下
卷之一百九十	咸豐六年二月上
卷之一百九十一	咸豐六年二月下
卷之一百九十二	咸豐六年三月上
卷之一百九十三	咸豐六年三月下
卷之一百九十四	咸豐六年四月上
卷之一百九十五	咸豐六年四月下
卷之一百九十六	咸豐六年五月上
卷之一百九十七	咸豐六年五月下
卷之一百九十八	咸豐六年五月上

卷之一百九十八	咸豐六年五月中
卷之一百九十九	咸豐六年五月下
卷之二百	咸豐六年六月上
卷之二百一	咸豐六年六月中
卷之二百二	咸豐六年六月下
卷之二百三	咸豐六年七月上
卷之二百四	咸豐六年七月下
卷之二百五	咸豐六年八月上
卷之二百六	咸豐六年八月下

卷之二百七	咸豐六年九月上
卷之二百八	咸豐六年九月下
卷之二百九	咸豐六年十月上
卷之二百十	咸豐六年十月下
卷之二百十一	咸豐六年十一月上
卷之二百十二	咸豐六年十一月中
卷之二百十三	咸豐六年十一月下
卷之二百十四	咸豐六年十二月上
卷之二百十五	咸豐六年十二月中

卷之二百十六	咸豐六年十二月下	
卷之二百十七	咸豐七年正月上	
卷之二百十八	咸豐七年正月下	
卷之二百十九	咸豐七年二月上	
卷之二百二十	咸豐七年二月下	實錄目錄
卷之二百二十一	咸豐七年三月上	三
卷之二百二十二	咸豐七年三月下	
卷之二百二十三	咸豐七年四月上	
卷之二百二十四	咸豐七年四月下	

卷之二百二十五	咸豐七年五月上	
卷之二百二十六	咸豐七年五月下	
卷之二百二十七	咸豐七年閏五月上	
卷之二百二十八	咸豐七年閏五月下	
卷之二百二十九	咸豐七年六月上	實錄目錄
卷之二百三十	咸豐七年六月下	三
卷之二百三十一	咸豐七年七月上	
卷之二百三十二	咸豐七年七月下	
卷之二百三十三	咸豐七年八月上	

卷之二百三十四	咸豐七年八月下
卷之二百三十五	咸豐七年九月上
卷之二百三十六	咸豐七年九月下
卷之二百三十七	咸豐七年十月上
卷之二百三十八	咸豐七年十月下
卷之二百三十九	咸豐七年十一月上
卷之二百四十	咸豐七年十一月下
卷之二百四十一	咸豐七年十二月上
卷之二百四十二	咸豐七年十二月下

卷之二百四十三	咸豐八年正月上
卷之二百四十四	咸豐八年正月下
卷之二百四十五	咸豐八年二月上
卷之二百四十六	咸豐八年二月下
卷之二百四十七	咸豐八年三月上
卷之二百四十八	咸豐八年三月下
卷之二百四十九	咸豐八年四月上
卷之二百五十	咸豐八年四月下
卷之二百五十一	咸豐八年五月上
卷之二百五十二	咸豐八年五月下

卷之二百五十二	咸豐八年四月下	卷之二百五十三	咸豐八年五月上	卷之二百五十四	咸豐八年五月中	卷之二百五十五	咸豐八年五月下	卷之二百五十六	咸豐八年六月上	卷之二百五十七	咸豐八年六月下	卷之二百五十八	咸豐八年七月上	卷之二百五十九	咸豐八年七月下	卷之二百六十	咸豐八年八月上
實錄目錄									无								

卷之二百六十一	咸豐八年八月中	卷之二百六十二	咸豐八年八月下	卷之二百六十三	咸豐八年九月上	卷之二百六十四	咸豐八年九月中	卷之二百六十五	咸豐八年九月下	卷之二百六十六	咸豐八年十月上	卷之二百六十七	咸豐八年十月中	卷之二百六十八	咸豐八年十月下	卷之二百六十九	咸豐八年十一月上
實錄目錄									无								

卷之二百七十	
咸豐八年十一月下	
卷之二百七十一	
咸豐八年十二月上	
卷之二百七十二	
咸豐八年十二月下	
卷之二百七十三	
咸豐九年正月上	
卷之二百七十四	
咸豐九年正月下	
卷之二百七十五	
咸豐九年二月上	
卷之二百七十六	
咸豐九年二月中	
卷之二百七十七	
咸豐九年二月下	
卷之二百七十八	
咸豐九年三月上	

卷之二百七十九	
咸豐九年三月下	
卷之二百八十	
咸豐九年四月上	
卷之二百八十一	
咸豐九年四月下	
卷之二百八十二	
咸豐九年五月上	
卷之二百八十三	
咸豐九年五月中	
卷之二百八十四	
咸豐九年五月下	
卷之二百八十五	
咸豐九年六月上	
卷之二百八十六	
咸豐九年六月下	
卷之二百八十七	
咸豐九年七月上	

卷之二百八十八	咸豐九年七月中	卷之二百八十九	咸豐九年七月下	卷之二百九十	咸豐九年八月上	卷之二百九十一	咸豐九年八月中	卷之二百九十二	咸豐九年八月下	卷之二百九十三	咸豐九年九月上	卷之二百九十四	咸豐九年九月中	卷之二百九十五	咸豐九年九月下	卷之二百九十六	咸豐九年十月上

卷之二百九十七	咸豐九年十月中	卷之二百九十八	咸豐九年十月下	卷之二百九十九	咸豐九年十一月上	卷之三百	咸豐九年十一月中	卷之三百一	咸豐九年十一月下	卷之三百二	咸豐九年十二月上	卷之三百三	咸豐九年十二月中	卷之三百四	咸豐九年十二月下	卷之三百五	咸豐十年正月上

卷之三百六	咸豐十年正月下
卷之三百七	咸豐十年二月上
卷之三百八	咸豐十年二月下
卷之三百九	咸豐十年三月上
卷之三百十	咸豐十年三月中
卷之三百十一	咸豐十年三月下
卷之三百十二	咸豐十年閏三月上
卷之三百十三	咸豐十年閏三月中
卷之三百十四	咸豐十年閏三月下

卷之三百十五	咸豐十年四月上
卷之三百十六	咸豐十年四月中
卷之三百十七	咸豐十年四月下
卷之三百十八	咸豐十年五月上
卷之三百十九	咸豐十年五月中
卷之三百二十	咸豐十年五月下
卷之三百二十一	咸豐十年六月上
卷之三百二十二	咸豐十年六月中
卷之三百二十三	咸豐十年六月下

卷之三百二十四	咸豐十年七月上
卷之三百二十五	咸豐十年七月中
卷之三百二十六	咸豐十年七月下
卷之三百二十七	咸豐十年八月上
卷之三百二十八	咸豐十年八月下
卷之三百二十九	咸豐十年九月上
卷之三百三十	咸豐十年九月下
卷之三百三十一	咸豐十年十月上
卷之三百三十二	咸豐十年十月下

卷之三百三十三	咸豐十年十月中
卷之三百三十四	咸豐十年十月下
卷之三百三十五	咸豐十年十一月上
卷之三百三十六	咸豐十年十一月下
卷之三百三十七	咸豐十年十二月上
卷之三百三十八	咸豐十年十二月下
卷之三百三十九	咸豐十一年正月上
卷之三百四十	咸豐十一年正月下
卷之三百四十一	咸豐十一年正月下

卷之三百四十二	咸豐十一年二月上
卷之三百四十三	咸豐十一年二月中
卷之三百四十四	咸豐十一年二月下
卷之三百四十五	咸豐十一年三月上
卷之三百四十六	咸豐十一年三月中
卷之三百四十七	咸豐十一年三月下
卷之三百四十八	咸豐十一年四月上
卷之三百四十九	咸豐十一年四月中
卷之三百五十	咸豐十一年四月下

卷之三百五十一	咸豐十一年五月上
卷之三百五十二	咸豐十一年五月中
卷之三百五十三	咸豐十一年五月下
卷之三百五十四	咸豐十一年六月上
卷之三百五十五	咸豐十一年六月下
卷之三百五十六	咸豐十一年七月

[illegible][illegible]

流徽事徵諸見知聞知市方區而騰誦
本親親仁民以愛物疇弗欽

怙冒於

先皇法經經緯史以陳編罔克罄贊揚於

邛德三薰捧牘萬拜摘辭欽惟

文宗協天翊運執中垂謨懋德振武聖孝淵恭

端仁寬敏顯皇帝

性洽生安

化參亭育

天無私覆

地無私載

日月無私照兢兢乎

嚴命親聆上有立

德次有立

功其次有立

言蕩蕩乎

盛名不朽溯

降祥於基福奇徵鍾儀蓋之春逮

謁

祖而祈

慈

吉什定神人之恭

初膺

昊貺崇壇則

代展精禋早契

宸歡中所則親承

壽暉

太廟

奉先之妥侑

列聖馨聞

西陵

東阜之瞻依百神祇護

召從玉座

紹聞尊

丹絳之藏絨秘金繩

豫立定青宮之器

冠加頂而	珠垂項合	先聖	後聖以	傳心	面授璽而	手宣綸仰	高宗	仁宗而雖美緬	潛德以來之叢事已括孝慈仁敬之原洎	升華以後之成謨尤臻美大聖神之備綜十一	年下蟠上際以闕	全量曰	悠久博厚高明等千百王洪庥景鑠以論	治功惟堯舜禹湯文武敬揚萬徽約舉六端有	如	誕荷	穹慈擬承
------	------	----	-----	----	------	------	----	--------	------------------	--------------------	---------	-----	------------------	--------------------	---	----	------

帝春	闢丘	方澤典重	親行	右社	先農禮隆分秩暘曰暘而雨曰雨	申禱將度扈云扈而鳩云鳩	辛祈錫聞	敷報	天恩之	明詔捧絨而	澤洽桐生	詠畏	天命之	奎題下筆而神符	奎宰常懷	監觀在上	齋心請命層見乎篇章凡有功德於民
----	----	------	----	----	---------------	-------------	------	----	-----	-------	------	----	-----	---------	------	------	-----------------

頒額崇封。弗踰乎晷刻。璧合珠聯之勿侈。

皇所寶者。甘澍祥雲。風雨日仄之偶愆。

詔最急者。昌言庶獄。用是嘉禾瑞麟。駢川嶽以

效珍。玉粒精鏐。普京垓而藏富。枕被直

彌於宙合。

欽明上契乎

穆清。此

至誠昭假之實。實乎一堯之則天也。

志疊紹庭。

心塵纘服。

道法奉

八朝之錄。惟

天子能讀

父書典謨。皆一家之言。故

全集多依

祖韻

橋山奠筭。告嘉粟以居歆。

寢廟升薌。答君蒿以合漢。酌萬年永遵之制。

位配

郊丘。定百世不祧之經。

祀躋

宗祏。懔

遺戒於錫

碑陳

器

宏文閣

虛己之誠。惓

前徽於侍宴。擎杯

聖慕冠

宸章之首。廿餘歲

幼勞誌感。愿春秋霜露以銜悲。十五年

尊養酬

恩合

壽考康強而進祝。推之

誼敦收長。廷不拜而奏不名。

愛篤展親。主錫奠而藩錫爵。超古昔桐葉分封。

之盛見

自序棣華協力諸篇

殊恩獨首於宗支

一念無忘乎

先志此

大孝繩承之實淵乎一舜之格祖也四方多事

五夜求衣

治懷乎無怠無荒

心存乎不敢不忍朝

待章而秉燭

智本如神夕

接對以籌軍

容常無倦誦

第一憂勞之句知

聖人情見乎辭校

九重綸綍之多與

考訓數幾相埒下

褒直諫

誅欺罔

戒因循

防恬嬉之

手諭一而再再而三定改鹽法行海漕權酷稅

更錢幣之新章變則通通則久敘官方

兼清吏蠹

乾之斷胥本

離之明停例進並緩歲工益以興更思節以制

縱

省覽猶勤

聽政詎聞靈囿之經營

謂鹵簿異事增華無取漢儀之烜赫匪侈譽於

卑宮菲食惟

軫懷於尺日分陰此

聖治勵精之實一大禹之克勤克儉也

式古訓獨重民依

籲

天眷速消民劫

憫吾民塗炭

親裁罪己詔書

惜吾民脂膏

凱示在廷臣宰免十八省田額丁道之入仰

大君錫極斟元發數百萬疏河導海之資為兆

姓禦災捍患徵兵合諸道一言蔽曰安

人轉餉逾十年兩字不聞加賦

賑覃鴻野特資調鼎之重臣

赦普難竿奮起登壇之名將歲沐

春祺錫羨九垓盡擊壤歌衢時當冬令加

恩三輔悉含哺挾纊水毀木饑之甫告

釀施即沛於崇朝窮鄉僻壤之難周

實惠嚴防夫中飽他若

紺轅日麗

舉藉田勸相之上儀

焚蓋星臨

寬蹕路經行之兩稅偶值松楸迎暄之際仍

念茅檐忍凍之人雲雷弗筮夫屯膏

雨露同歌於解網此

帝澤涵濡之實一成湯之克寬克仁也

宥密彈心

緝熙念典膺五千年往牒借舊學以精研積十

四載

聖功迪新知於罔懈欽

履信上承

養正懷

賜名而

身範彌嚴惟修辭皆本立誠逮

御極而

天章益富上下卷

文符苞易睚睚皇皇三百篇

詩儷葩經麟麟炳炳

宣克敬惟親之奧旨辟水修儀探自強不息之

大原

講筵著論正心正筆

命詞臣繕朱子全書鑑古鑑人

資往訓覽貞觀政要而且發揮	心畫璀璨	神毫鳳翥鸞翔頌福壽平安之	吉字龍文虎脊	繪騰驤磊落之雄姿允哉	君子多能共仰	至人游藝由是宏敷雅化嘉惠儒林端士習增	性理一篇重國書刊孝經合璧	兩開恩榜磐鴻偕庭鸞齊升	四舉制科東箭與南金畢獻懋場屋闡通之弊	嚴朱墨對勘之條表章並及於前賢選	舉普增乎舊額此	文德誕敷之實軼美於文謨之丕顯也	濯征紹	祖烈十三甲騎射垂型	鏖藝博	親娛卅六勢刀槍製譜當	玉宸臨宸之日正金田肆虐之年疊臣貽患於
--------------	------	--------------	--------	------------	--------	--------------------	--------------	-------------	--------------------	-----------------	---------	-----------------	-----	-----------	-----	------------	--------------------

養癰逆擊難圖於滋蔓	霆威一振露羽交馳	搗廟略以總師干	簡宗藩而為上帥	廣羅英俊楚材杞梓之兼收	親畫儲胥費誓芻茭之罔竭煜煜乎	批朱萬牘懸六幕之明光肫肫然	保赤一心握百全之勝策團丁編甲保障交資	勅罰衰忠瘁彰並用拔堅城而扼要江南鵠焰	滑消	御廣殿以酬勳河北狼烽盡熄蓋綏靖燕齊腹	壤則穎淮之窟穴可以平吞而廓清武	漢上游則吳越之樓船何難飛渡所以	蜚鋒螳斧逢絕地而悉摧并鉞參旗迅	膚功之疊奏閩粵滇黔之鬼域不血刃	而胥殲變正雍絳之鼠狐倏揚戈而盡	殪猶且	誠邊吏勿開邊釁
-----------	----------	---------	---------	-------------	----------------	---------------	--------------------	--------------------	----	--------------------	-----------------	-----------------	-----------------	-----------------	-----------------	-----	---------

擴遠圖以服遠人惟稱兵犯順之難寬	特彰聲討逮奉約輸忱之恐後終荷	生民安民和眾豐財總七德而	惠孚于羽服教畏神享利合九譯而統一車書	此	武功書定之實抗隆於武烈之難揚也如上所	系備	肅	又	哲	謀	聖九疇五事之休徵由前以觀協唐虞夏商周	二帝三王之茂矩惟	嘉樂顯顯德八瀛普荷乎	陶甄用永保丕丕基百祀常遵夫	法守方冀	紫圓就日長載	皇穹臨御之暉何期
-----------------	----------------	--------------	--------------------	---	--------------------	----	---	---	---	---	--------------------	----------	------------	---------------	------	--------	----------

蒼狩勤民遠符	睿祖鼎成之誥建極保極歸有極沐	賢親樂利於無窮大書特書不一書纂	懿鏢珍碑而難盡	駿業之昭回靡既	鴻圖之佑啟方新恭維	皇帝陛下	孝理淳熙	誠修甄度承	九廟統業幾康之大統	成憲	憲章荷	兩宮撫育教誨之	深慈	亶聰	聰聰不改臣不改政	嗣服而國任舊人	善將將善將兵
--------	----------------	-----------------	---------	---------	-----------	------	------	-------	-----------	----	-----	---------	----	----	----------	---------	--------

繼

志而削平大慙恢張威際曰迪惟

前人光詳輯

考謨使世為天下法期廣大精微之悉備描墀

絃柱極以無疆爰於咸豐十一年十月

持勅開館先後

命臣為監修總裁官臣為纂本總裁官臣

副總裁官臣為總裁官臣為纂本總裁官臣

官臣為纂本總裁官臣為纂本總裁官臣

官臣為纂本總裁官臣為纂本總裁官臣

官臣為纂本總裁官臣為纂本總裁官臣

官臣為纂本總裁官臣為纂本總裁官臣

官臣為纂本總裁官臣為纂本總裁官臣

官臣為纂本總裁官臣為纂本總裁官臣

官臣為纂本總裁官臣為纂本總裁官臣

官臣為纂本總裁官臣為纂本總裁官臣

官臣為纂本總裁官臣為纂本總裁官臣

丹毫於瑀府出納按鈞樞之籍

動言釐記注之編編按官牒於政典之儲恭本

御集為史法之祖繫年繫月繫日大撓之甲子

重排其事其義其文史佚之蒐摩敢懈

仰

晨興而端冊暑寒彈六載之勤經

乙覽以示程聞見極三生之幸敬叩槃而捫

籥勉測海以窺天恭成

文宗顯皇帝實錄聖訓合凡例目錄清漢蒙古

文共一千三百卷救繕

御製序文於簡首盟沐進

呈等竊睹

琳策喬皇

寶書煇耀字詳校上

持隆展杖於親藩儀居慶成

中命捧函於宗冑受

錄肅

九重之拜藻耀

珠旒同文備三體之書儀光版宗

桂宮燦設西楹之虹玉交輝蔽省珍儲東

序之球國埒重行啟	踏門秘鑰史成垂太乙之觀待齋	幽館層樓	家法炳帝魁之簡伏願	敬承無斁	率履彌虔惟	一人不愆不忘俾萬世是彝是訓	聲為律	身為度法	峻德於庸庸祇祇威威	言有物	行有恆珍	聖籍於渾渾噩噩灝灝從此同符壹揆咸欽	垂裕	詒謀八會奠金甌合漢鉛祝栗秦遠邠國之人	而	尊親共戴三霄崇	王檢邁循蜚合雅因提敘命之紀而
----------	---------------	------	-----------	------	-------	---------------	-----	------	-----------	-----	------	-------------------	----	--------------------	---	---------	----------------

魏煥常昭臣等無任瞻	天仰	聖度肅抃幸之至謹奉	表隨	進以	聞	同治五年十二月初八日	臣等謹將前奉 聖訓 恭錄 謹此 奏聞	臣等謹將前奉 聖訓 恭錄 謹此 奏聞	臣等謹將前奉 聖訓 恭錄 謹此 奏聞	臣等謹將前奉 聖訓 恭錄 謹此 奏聞	臣等謹將前奉 聖訓 恭錄 謹此 奏聞	臣等謹將前奉 聖訓 恭錄 謹此 奏聞	臣等謹將前奉 聖訓 恭錄 謹此 奏聞	臣等謹將前奉 聖訓 恭錄 謹此 奏聞	臣等謹將前奉 聖訓 恭錄 謹此 奏聞	臣等謹將前奉 聖訓 恭錄 謹此 奏聞	臣等謹將前奉 聖訓 恭錄 謹此 奏聞	臣等謹將前奉 聖訓 恭錄 謹此 奏聞
-----------	----	-----------	----	----	---	------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------

修纂官

監修總裁官

經筵講官奉直學士兼翰林院學士兼秘書監丞兼修纂司丞臣賈楨

原任大學士街管理工部事務臣翁心存

總裁官

經筵講官奉直學士兼翰林院學士兼秘書監丞兼修纂司丞臣周祖培

太子少保對引大臣軍機大臣戶部尚書管理內繕書房事務臣寶鋆

經筵講官弘德殿行走清文館直學士兼翰林院學士兼秘書監丞兼修纂司丞臣倭什琿布

原任協辦大學士兵部尚書臣麟魁

原任兵部尚書臣愛仁

原任禮部尚書臣李棠階

副總裁官

經筵講官李太僕對引大臣軍機大臣戶部尚書管理內繕書房事務臣文祥

經筵講官工部尚書臣單懋謙

兵部尚書臣董恂

經筵講官軍機大臣都察院左都御史臣汪元方

弘德殿行走兵部右侍郎臣伊精阿

刑部左侍郎臣宗室靈桂

禮部左侍郎兼管太常寺事務臣察杭阿

禮部左侍郎順天學政臣龐鍾璐

前任山西巡撫臣沈桂芬

致仕吏部右侍郎臣孫葆元

原任工部尚書臣李萬

提調官

三品銜花翎記名以道員用軍機章京兵部員外郎臣英祥

三品銜內閣侍讀學士臣瑚圖禮

內閣學士兼禮部侍郎銜臣劉崑

弘德殿行走清文總校內閣學士兼禮部侍郎銜臣宗室奕慶

記名以道員用先授頂戴理藩院郎中臣鄂雲布

四品頂戴軍機章京理藩院員外郎臣奎綬

日講起居注官詹事府左春坊左庶子臣邵亨豫

盛京兵部侍郎臣宗室延煦

泰甯鎮總兵兼總管內務府大臣臣衍秀

太僕寺少卿臣丁紹周

五品銜翰林院編修臣黃鈺

大理寺卿臣童華	理藩院郎中臣松壽	前任太常寺少卿臣楊泗孫	前任盛京戶部侍郎臣寶珣	總纂官	二品銜正藍旗印務參領兼公中佐領臣連步廷	工科掌印給事中兼公中佐領臣恩震	刑部郎中臣祥奎	理藩院候補主事臣訥蘇肯	日講起居注官弘德殿行走翰林院侍講臣徐桐	光祿寺卿臣胡瑞瀾	盛京工部侍郎臣桂清	理藩院郎中臣海道	五品銜詹事府左春坊左中允臣錢寶廉	前任翰林院侍講臣羅嘉福	總校官	翰林院侍講學士兼公中佐領臣廣壽	詹事府少詹事臣訥仁
---------	----------	-------------	-------------	-----	---------------------	-----------------	---------	-------------	---------------------	----------	-----------	----------	------------------	-------------	-----	-----------------	-----------

三品銜候選知府內閣侍讀兼公中佐領臣瑞康	知府銜工部員外郎臣額哲克	三品銜內閣侍讀學士臣阿昌阿	日講起居注官國子監祭酒臣車順軌	日講起居注官詹事府詹事臣宗室瑞聯	日講起居注官詹事府少詹事臣景其濬	翰林院編修臣張丙炎	江西道監察御史臣王朝榮	纂修官	日講起居注官翰林院侍講學士臣孫毓汶	日講起居注官弘德殿行走翰林院侍講臣翁同龢	日講起居注官翰林院侍講世襲騎都尉臣常恩	日講起居注官升用詹事翰林院侍講學士臣夏同善	日講起居注官五品銜翰林院檢討臣董文渙	日講起居注官升用中允翰林院編修臣李文田	詹事府右春坊右庶子臣周壽昌	翰林院侍讀世襲騎都尉臣呂錦文	日講起居注官國子監祭酒臣宗室寶森
---------------------	--------------	---------------	-----------------	------------------	------------------	-----------	-------------	-----	-------------------	----------------------	---------------------	-----------------------	--------------------	---------------------	---------------	----------------	------------------

掌浙江道監察御史臣朱學薦	掌貴州道監察御史臣夏獻馨	掌雲南道監察御史臣馬元瑞	四品銜掌湖廣道監察御史臣蔣彬蔚	掌江南道監察御史臣周星譽	湖南寶慶府知府臣杜瑞聯	山東濟東泰武臨道臣衛榮光	翰林院侍講湖北學政臣孫家鼐	詹事府右春坊右中允陝甘學政臣鍾寶華	翰林院侍講學士雲南學政臣梁肇煌	都察院左副都御史江蘇學政臣鮑源深	內閣學士兼禮部侍郎銜廣東學政臣杜聯	翰林院候補侍讀臣惠林	侍講銜翰林院檢討臣許應騤	詹事府右春坊右贊善臣徐申錫	記名御史翰林院編修臣崔穆之	升用侍講翰林院編修臣英啓
--------------	--------------	--------------	-----------------	--------------	-------------	--------------	---------------	-------------------	-----------------	------------------	-------------------	------------	--------------	---------------	---------------	--------------

內閣侍讀臣奎麟	戶部堂主事臣慶春	兵部員外郎臣毓孚	日講起居注官記名遇缺提奏翰林院侍讀臣文奎	原任福建道監察御史臣洪調緯	前任翰林院編修臣錢桂森	前任翰林院編修臣祁世長	前任翰林院編修臣馬傳煦	侍講學士銜前任翰林院編修臣徐昌緒	前任翰林院編修臣顏宗儀	前任翰林院編修臣孫念祖	前任雲南迤東道臣沈秉成	前任詹事府右春坊右庶子臣章鑒	江南道監察御史臣樓震	浙江道監察御史臣盧士杰	河南道監察御史臣彭桂馨	山西道監察御史臣王師曾	江南道監察御史臣胡毓筠
---------	----------	----------	----------------------	---------------	-------------	-------------	-------------	------------------	-------------	-------------	-------------	----------------	------------	-------------	-------------	-------------	-------------

理藩院員外郎	臣長祿
副參領	臣德瑞
印務章	京臣溥泰
刑部主事	臣祥成
兵部堂主事	臣默得理
內務府額外主事	臣玉崑
印務參領兼公中佐領	臣德溥
印務參領兼公中佐領	臣徐鈐
候選知府工部郎中	臣崑玉
戶部候補主事	臣福泉
禮部候補員外郎	臣松林
工部筆帖式	臣文溥
四品銜兵部郎補主事	臣英敏
泰陵禮部員外郎	臣慶斌
理藩院候補主事	臣齡昌
主事用理藩院候補筆帖式	臣崇綱
蒙古諸達理藩院員外郎	臣英符

四品銜理藩院郎中	臣清瑞
太僕寺員外郎	臣文增
理藩院員外郎	臣華福
理藩院額外主事	臣桂芬
欽天監學壺正	臣文炳
理藩院筆帖式	臣奎成
理藩院員外郎	臣松鶴
國子監助教	臣音德賀
理藩院額外主事	臣德勝
國子監助教	臣其昌
戶部候補主事	臣恩福
主事職銜國子監助教	臣福勒洪阿
太僕寺主事	臣恩常
四川雅州府知府	臣松瑞
理藩院員外郎	臣郭勒敏布
察哈爾張家口蒙古協領	臣塔清阿
察哈爾游牧主事	臣清祥
直隸古北口理事同知	臣文麟

前任理藩院主事	文訓
前貴州委用知州	郭勒明阿
原任吏部郎中	富和
主事職銜原任國子監助教	阿呢揚阿
協修官	
升用侍講翰林院編修	許其光
升用侍講翰林院編修	劉桂年
翰林院編修	林彭年
翰林院編修	貴州學政黎培敬
翰林院編修	河南學政歐陽保極
翰林院庶吉士	楊仲愈
翰林院庶吉士	雲茂濟
湖廣道監察御史	范熙溥
浙江按察使	王凱泰
雲南鹽法道	彭瑞毓
前任翰林院編修	王珊
侍講銜前任翰林院編修	杜庭琛
四川候補知府	劉其年

前任翰林院編修	王 澐
前任掌京畿道監察御史	周恆祺
原任翰林院編修	宗室常珩
兵部候補主事	張毓川
內務府候補主事	慶 順
五品銜工部筆帖式	羣 常
主事職銜起居注筆帖式	松 濤
世襲輕車都尉世管佐領兼印務章京	達 春
知府銜戶部員外郎	長 年
工部員外郎	松 椿
起居注筆帖式	通 泰
吏部筆帖式	松 瑞
工部員外郎	覺羅福壽
奉恩將軍兼護軍參領	宗室祥亨
候補內閣中書工部筆帖式	書 春
主事銜起居注筆帖式	奎 啟
內閣中書	豐仲泰
候補筆帖式	黃世祥

驍	騎	校臣富隆額
內閣	中書臣奎齡	
護軍	校臣唐武邑	
兵部候補主事	臣瑛彬	
原任鴻臚寺主簿	臣喀爾滿	
理藩院候補筆帖	式臣玉岱	
理藩院候補筆帖	式臣錫齡	
理藩院員外郎	臣定陞	
理藩院候補筆帖	式臣福聯	
理藩院主事	世襲騎都尉臣明瑞	
理藩院候補主事	臣祥陞	
五品銜兵部候補主事	臣慶泰	
理藩院員外郎	臣文衡	
候選	知府臣多銘	
理藩院郎中	臣多隆武	
理藩院候補員外郎	臣文德	
理藩院員外郎	臣福裕	
候選	知州臣福昌	

國子監助教	臣榮俊	
兵部員外郎	臣福源	
四品卿銜戶部郎中	臣鍾源	
理藩院八品筆帖	式臣國仁泰	
理藩院候補筆帖	式臣阜凌	
知府銜理藩院員外郎	臣祥明	
禮部主事	臣郭齊康阿	
監生	臣端俊	
太常寺讀祝官	臣志勳	
唐古忒學士	臣志斌	
理藩院筆帖	式臣誠廣	
理藩院候補筆帖	式臣多歡	
理藩院筆帖	式臣多壽	
理藩院筆帖	式臣圖伽布	
理藩院筆帖	式臣志全	
兵部筆帖	式臣希彭阿	
理藩院候補筆帖	式臣松昌	
戶部學習筆帖	式臣有泰	

五品銜工部候補主事	臣	耀年
理藩院筆帖式	臣	常榮
唐古忒學士	臣	文清
理藩院筆帖式	臣	兆麟
唐古忒學教習	臣	承慶
禮部筆帖式	臣	松秀
理藩院學習筆帖式	臣	恩崇
理藩院候補筆帖式	臣	常通
理藩院候補筆帖式	臣	成續
理藩院候補筆帖式	臣	玉崑
六品廕生	臣	格僧額
理藩院筆帖式	臣	文龍
理藩院筆帖式	臣	錫蘭珠
托忒學士	臣	聯祥
監生	臣	兆恩
監生	臣	誠厚
候選縣丞	臣	祥陞
理藩院筆帖式	臣	常鎮

五品銜試用同知	臣	瑞珊
理藩院筆帖式	臣	全喜
主事職銜塔爾巴哈台印務章京	臣	賡音布
收掌官		
內閣侍讀	臣	圖坦
候選知府內閣侍讀	臣	錦成
內閣侍讀	臣	昌善
知府銜刑部郎中	臣	瑞璋
候補侍讀內閣典籍	臣	成善
候選撫民同知內閣典籍	臣	英連
主事職銜翰林院筆帖式	臣	長豐
主事職銜翰林院筆帖式	臣	郁文
翰林院筆帖式	臣	舒清阿
主事職銜翰林院筆帖式	臣	桂芬
內閣貼寫中書	臣	榮麟
內閣中書	臣	岳齡
內閣中書	臣	常海
詹事府主簿	臣	韓榕

六品頂戴翰林院筆帖式	王福祥
內閣貼寫中書	臣安良
翰林院筆帖式	臣玉綬
翰林院筆帖式	臣潤琦
翰林院筆帖式	臣宜敬
翰林院筆帖式	臣扎爾蘭
內閣侍讀	臣武林布
戶部銀庫筆帖式	臣錫昌
江蘇委用知州	臣瑞玉
雲南恩安縣知縣	臣松昌
福建委用知縣	臣富釗
內閣侍讀兼公中佐領	臣富泰
理藩院候補主事	臣舒俊
主事職銜內閣中書	臣慶春
主事職銜內閣中書	臣桂年
理藩院額外主事	臣志文
戶部候補主事	臣鍾珂
候選筆帖式	臣玉璞

主事職銜禮部筆帖式	臣承志
主事職銜兵部筆帖式	臣常申
候選知府內閣侍讀	臣福年
前任內閣中書	臣明存
校對官	
戶部員外郎	臣奎隆
五品頂戴禮部主事	臣麟椿
工部郎中	臣紹誠
戶部員外郎	臣榮溥
宗人府七品筆帖式	臣宗室桂勛
內務府額外主事	臣錫晉
候選直隸州知州	臣文惠
吏部候補員外郎	臣惠齡
四品銜員外郎用兵部即補主事	臣恭鐸
中書科八品筆帖式	臣富僧阿
大理寺候補寺丞	臣玉權
四品銜禮部候補員外郎	臣文暉
內務府候補七品筆帖式	臣福海

禮部八品筆帖式 <small>臣</small> 英惠	內務府堂主事 <small>臣</small> 祥豐	內務府員外郎 <small>臣</small> 德壽	中書科筆帖式 <small>臣</small> 宗培	戶部八品筆帖式 <small>臣</small> 瑛瑞	主事職銜內閣中書 <small>臣</small> 景雲	刑部員外郎 <small>臣</small> 英瑞	刑部八品筆帖式 <small>臣</small> 托佛歡	侍衛處主事 <small>臣</small> 富瑞	詹事府筆帖式 <small>臣</small> 慶勳	翰林院八品筆帖式 <small>臣</small> 景紱	太僕寺筆帖式 <small>臣</small> 隆秀	五品銜咸安宮筆帖式 <small>臣</small> 潤玉	候選通判 <small>臣</small> 定福	候選員外郎吏部堂主事 <small>臣</small> 聯海	翰林院八品筆帖式 <small>臣</small> 慶亮	刑部繕本筆帖式 <small>臣</small> 廷蔭	候選知縣 <small>臣</small> 毓斌
-----------------------------	----------------------------	----------------------------	----------------------------	-----------------------------	------------------------------	---------------------------	------------------------------	---------------------------	----------------------------	------------------------------	----------------------------	-------------------------------	--------------------------	--------------------------------	------------------------------	-----------------------------	--------------------------

戶部繕本筆帖式 <small>臣</small> 建衡	候選通判 <small>臣</small> 慶喜	欽天監八品筆帖式 <small>臣</small> 扎普善	世管佐領兼世襲騎都尉 <small>臣</small> 壽連	內閣候補中書 <small>臣</small> 薩炳阿	內繕書房繕譯官 <small>臣</small> 德克吉訥	戶部八品筆帖式 <small>臣</small> 賽崇阿	候選通判 <small>臣</small> 增榮	鴻臚寺主簿 <small>臣</small> 覺羅鈺寶	內閣貼寫中書 <small>臣</small> 恭寅	定陵讀祝官 <small>臣</small> 國斌	陝西榆林府神木理事同知 <small>臣</small> 增保	江西建昌府同知 <small>臣</small> 安福	內務府委署主事 <small>臣</small> 英奎	工部主事 <small>臣</small> 覺羅三熙	戶部郎中 <small>臣</small> 晉翼	鑾儀衛筆帖式 <small>臣</small> 長青	國子監助教 <small>臣</small> 榮俊
-----------------------------	--------------------------	-------------------------------	--------------------------------	-----------------------------	-------------------------------	------------------------------	--------------------------	-----------------------------	----------------------------	---------------------------	---------------------------------	-----------------------------	-----------------------------	----------------------------	--------------------------	----------------------------	---------------------------

工部郎中臣伊鏗額	國子監筆帖式臣桂和	理藩院候補筆帖式臣桂林	理藩院學習筆帖式臣恒康	主事職銜理藩院筆帖式臣承壽	理藩院候補筆帖式臣吉慶	理藩院筆帖式臣恩禧	候補鹽大使臣福格	主事職銜內閣中書臣啟秀	理藩院學習筆帖式臣長銳	主事職銜內閣中書臣德蔭	理藩院學習筆帖式臣鳳鳴	主事職銜理藩院筆帖式臣惠俊	理藩院候補筆帖式臣呈翔	員外郎用理藩院郎補主事臣格圖鏗額	主事職銜吏部筆帖式臣敬裕	唐古忒學助教臣奎鳳	理藩院學習筆帖式臣長清
----------	-----------	-------------	-------------	---------------	-------------	-----------	----------	-------------	-------------	-------------	-------------	---------------	-------------	------------------	--------------	-----------	-------------

四品銜兵部員外郎臣諾敏	理藩院筆帖式臣文和	主事職銜理藩院題署主事臣斌綬	理藩院題署主事臣玉春	主事職銜理藩院筆帖式臣奎彰	理藩院候補筆帖式臣承恩	理藩院候補主事臣耀恆	印務章京公中佐領臣常陞	理藩院候補筆帖式臣玉川	太僕寺筆帖式臣文泳	戶部候補主事臣佈彥	國子監助教臣賡音布	刑部學習筆帖式臣郭齊嵩阿	理藩院筆帖式臣德喜	欽天監博士臣慶麟	欽天監壺正臣約奎	理藩院主事臣景桂	四品銜戶部員外郎臣升泰
-------------	-----------	----------------	------------	---------------	-------------	------------	-------------	-------------	-----------	-----------	-----------	--------------	-----------	----------	----------	----------	-------------

內閣中書	書臣全善
理藩院員外郎	書臣榮惠
內閣中書	書臣明煜
盛京刑部主事	書臣裕忠
四品銜刑部候補員外郎	書臣鄧華熙
記名同知內閣中書	書臣許善長
三品銜戶部郎中	書臣董潤
大理寺少卿	書臣鄭錫瀛
兵部候補主事	書臣史大立
禮部主事	書臣高文銘
四品銜兵部即補員外郎	書臣上官煜
宗人府主事	書臣范鳴鏞
工部主事	書臣何瑞章
四品銜刑部員外郎	書臣李汝弼
即選知府國子監助教	書臣李和
員外郎銜吏部候補主事	書臣邵子彝
禮部員外郎	書臣梁僧寶
四品銜兵部候補郎中	書臣黃雲鵠

刑部候補主事	書臣蔡琳
按察使銜記名道戶部郎中	書臣蔡世俊
工部即補主事	書臣黃毓桂
禮部主事	書臣周家楣
戶部即補主事	書臣崔國慶
戶部郎中	書臣張緒楷
內閣中書	書臣常如楷
禮部候補主事	書臣張錫基
翰林院待詔	書臣劉啟鏞
兵部學習主事	書臣黃錫燾
刑部郎中	書臣宋邦德
內閣中書	書臣蔡世保
記名同知內閣中書	書臣戴燮元
吏部候補主事	書臣楊鴻吉
記名同知內閣中書	書臣汪元慶
升用員外郎戶部即補主事	書臣楊鴻典
吏部主事	書臣傅慶貽
內閣中書	書臣翁曾翰

文宗實錄 首卷四

前任吏部候補主事臣孫汝霖	前任吏部候補主事臣潘觀保	前任禮部候補主事臣胡廷燮	道銜知府用前任戶部郎中臣馮柏年	前任內閣中書臣邵文煦	侍讀銜前任內閣中書臣李德城	前任戶部候補郎中臣錢葆瑩	前任內閣侍讀臣何承禧	繙譯官
內閣中書臣陳文霧	陝西鳳翔府知府臣李慎	廣東試用知府臣許潤身	運同銜陝西委用知州臣胡燾	知府銜貴州委用知州臣袁開第	禮部額外主事臣萬培因	廣西左州知州臣孫源	前任內閣中書臣丁士彬	前任吏部郎中臣陳元楷

戶部繕本筆帖式臣文英	刑部候補筆帖式臣松山	候補國子監滿洲助教臣善年	翰林院庶吉士臣崇勳	都察院筆帖式臣恩立	戶部學習員外郎臣耆齡	兵部學習員外郎臣多齡	候補筆帖式臣伊精額	工部筆帖式臣吉誠
候補筆帖式臣錫芝	候補教習臣玉良	候補筆帖式臣良弼	咸安宮滿洲教習臣閻斌	兵部筆帖式臣成環	候補筆帖式臣霍順武	候補筆帖式臣德存	候補筆帖式臣盛齡	

候補筆帖式臣奎光	刑部額外主事臣增林	主事銜理藩院筆帖式臣慶禧	吏部筆帖式臣明禧	工部額外主事臣卓克遜	刑部筆帖式臣文元	候補筆帖式臣長元	候補筆帖式臣富壽	主事銜刑部筆帖式臣魁元	候補筆帖式臣松山	候補筆帖式臣鉦斌	候補筆帖式臣剛毅	主事銜銜兵部筆帖式臣祿祥	候補筆帖式臣景昌	翰林院筆帖式臣恩緒	候補筆帖式臣額爾經額	候補筆帖式臣文達	候補筆帖式臣謙恕
----------	-----------	--------------	----------	------------	----------	----------	----------	-------------	----------	----------	----------	--------------	----------	-----------	------------	----------	----------

候補筆帖式臣崇山	理藩院學習筆帖式臣奎隆	理藩院候補筆帖式臣全善	理藩院候補筆帖式臣伊松阿	理藩院候補筆帖式臣宜善	理藩院候補筆帖式臣桂齡	理藩院候補筆帖式臣桂芳	理藩院候補筆帖式臣林受	理藩院候補筆帖式臣德新	理藩院學習筆帖式臣恆慶	理藩院學習筆帖式臣恆安	理藩院筆帖式臣志善	理藩院筆帖式臣志道	理藩院學習筆帖式臣景祺	理藩院候補筆帖式臣阿勒達爾泰	候選知縣臣德興	理藩院候補筆帖式臣訥勒賀
----------	-------------	-------------	--------------	-------------	-------------	-------------	-------------	-------------	-------------	-------------	-----------	-----------	-------------	----------------	---------	--------------

理藩院候補筆帖式	福海
理藩院候補筆帖式	臣威斌
理藩院候補筆帖式	臣恭額
理藩院候補筆帖式	臣榮椿
理藩院候補筆帖式	臣奎華
理藩院候補筆帖式	臣祥兆
理藩院候補筆帖式	臣恭訥春
理藩院候補筆帖式	臣榮元
理藩院候補筆帖式	臣文恆
理藩院候補筆帖式	臣文網
理藩院候補筆帖式	臣恩善
理藩院候補筆帖式	臣文志
理藩院候補筆帖式	臣威楨
謄錄官	
刑部筆帖式	臣寅恭
刑部繕本筆帖式	臣田芸
刑部七品筆帖式	臣景泉
理藩院候補七品筆帖式	臣志寬

起居注筆帖式	臣恩瑞
吏部繕本筆帖式	臣鍾彥
工部繕本筆帖式	臣慶全
刑部筆帖式	臣維先
刑部筆帖式	臣塔斯哈
起居注筆帖式	臣達春
候補中書臣	輔成
兵部候補繕本筆帖式	臣盛貴
兵部筆帖式	臣鍾俊
翰林院筆帖式	臣玉寬
刑部繕本筆帖式	臣榮普
戶部筆帖式	臣查隆阿
工部筆帖式	臣春祥
太常寺庫使	臣文秀
戶科筆帖式	臣志變
理藩院七品筆帖式	臣愛新
理藩院筆帖式	臣慶銳
主事用光祿寺七品筆帖式	臣威茂

候補筆帖式臣富林	候補筆帖式臣文廣	候補筆帖式臣忠明	候補筆帖式臣伯銓	候補筆帖式臣慶增	候補筆帖式臣秀奎	候補筆帖式臣慶寶	候補筆帖式臣世衍	候補筆帖式臣裕昆	候補筆帖式臣吉拉敏	候補筆帖式臣裕安	候補筆帖式臣雙奎	候補筆帖式臣王祜	候補筆帖式臣克興額	候補覺羅學滿洲教習臣伊勒東阿	候補覺羅學滿洲教習臣忠禧	兵部繕本筆帖式臣存聯	理藩院筆帖式臣達斌
----------	----------	----------	----------	----------	----------	----------	----------	----------	-----------	----------	----------	----------	-----------	----------------	--------------	------------	-----------

候補筆帖式臣錫順	候補筆帖式臣吉祥	候補筆帖式臣德全	候補筆帖式臣奎昌	候補筆帖式臣連祥	候補筆帖式臣廣濂	候補筆帖式臣成玉	候補筆帖式臣延齡	候補筆帖式臣成章	候補筆帖式臣白玉林	候補筆帖式臣福瀛	候補筆帖式臣馥桂	候補筆帖式臣明倫	候補筆帖式臣松祿	候補筆帖式臣慶魁	候補筆帖式臣恩齡	候補筆帖式臣耀珩	候補筆帖式臣吉興
----------	----------	----------	----------	----------	----------	----------	----------	----------	-----------	----------	----------	----------	----------	----------	----------	----------	----------

候補筆帖式臣福森	候補筆帖式臣德善	候補筆帖式臣福盛	候補筆帖式臣魁聯	候補筆帖式臣齊普森	候補筆帖式臣瑞恆	候補筆帖式臣祥麟	候補筆帖式臣伊立泰	候補筆帖式臣覺羅炳戩	候選筆帖式臣綢先	候選通判臣桂森	候選知縣臣尚政英	候選知縣臣榮安	候選直隸州判臣清齡	候選直隸州判臣兆琮	候補鹽大使臣鍾良	候補鹽大使臣全慶	候補鹽大使臣蘭慶
----------	----------	----------	----------	-----------	----------	----------	-----------	------------	----------	---------	----------	---------	-----------	-----------	----------	----------	----------

候補鹽大使使臣聯慶	鹽大使使臣尚宗濂	鹽大使使臣張晉	鹽大使使臣全裕	候選縣丞臣海瀛	候選縣丞臣文濬	候選從九品臣保泰	文生員臣承祀	文生員臣恩祥	文生員臣文海	文生員臣桂福	文生員臣作謙	文生員臣崇元	繙譯生員臣常明	繙譯生員臣英魁	繙譯生員臣長清	繙譯生員臣隆斌	繙譯生員臣雅拉哈
-----------	----------	---------	---------	---------	---------	----------	--------	--------	--------	--------	--------	--------	---------	---------	---------	---------	----------

[illegible]

義學	生臣嵩壽
義學	生臣尚昌謹
義學	生臣恩錫
義學	生臣玉芳
義學	生臣奎英
義學	生臣慶麟
義學	生臣世昌
義學	生臣存山
義學	生臣希彰阿
義學	生臣額外主事臣希彰阿
吏部筆帖	式臣榮昌
兵部筆帖	式臣瑞壽
公中佐	領臣恩長
理藩院筆帖	式臣瑞昌
理藩院筆帖	式臣玉舒
理藩院筆帖	式臣崇勳
理藩院筆帖	式臣連科
理藩院筆帖	式臣奎祿
理藩院候補筆帖	式臣雙福

理藩院候補筆帖式臣崇光	理藩院候補筆帖式臣鄂爾哲依	理藩院候補筆帖式臣桂秀	理藩院候補筆帖式臣松英	理藩院候補筆帖式臣奎文	理藩院候補筆帖式臣奎經	理藩院候補筆帖式臣塔思哈	理藩院候補筆帖式臣吉順
理藩院候補筆帖式臣玉斌	理藩院候補筆帖式臣德源	理藩院候補筆帖式臣官祿	理藩院候補筆帖式臣玉亮	理藩院候補筆帖式臣阜海	理藩院候補筆帖式臣奎源	理藩院候補筆帖式臣富爾松阿	理藩院候補筆帖式臣聯昌
理藩院候補筆帖式臣隆							

理藩院候補筆帖式臣福堃	理藩院候補筆帖式臣錫拉綱阿	理藩院候補筆帖式臣全山	理藩院候補筆帖式臣恒鈺	理藩院候補筆帖式臣清山	理藩院候補筆帖式臣文瑞	理藩院候補筆帖式臣奎山	理藩院候補筆帖式臣豐伸布
理藩院候補筆帖式臣奎林	理藩院候補筆帖式臣雙奎	理藩院候補筆帖式臣德徵	理藩院候補筆帖式臣衍祥	理藩院候補筆帖式臣承惠	理藩院候補筆帖式臣恒瑞	理藩院候補筆帖式臣善林	理藩院候補筆帖式臣慶齡
理藩院候補筆帖式臣文興							

理藩院學習筆帖式臣志昂	理藩院學習筆帖式臣毓馨	理藩院學習筆帖式臣連惠	理藩院候補筆帖式臣文瑞	理藩院候補筆帖式臣祿緒	理藩院候補筆帖式臣郭勒敏泰	理藩院候補筆帖式臣崇奎	理藩院候補筆帖式臣哲克東額	理藩院候補筆帖式臣國仁	理藩院候補筆帖式臣夢麟	理藩院候補筆帖式臣善存	理藩院候補筆帖式臣吉安	理藩院候補筆帖式臣崇喜	理藩院候補筆帖式臣緒良	理藩院候補筆帖式臣保恒	理藩院候補筆帖式臣廣泰	理藩院候補筆帖式臣榮安	理藩院候補筆帖式臣士良
-------------	-------------	-------------	-------------	-------------	---------------	-------------	---------------	-------------	-------------	-------------	-------------	-------------	-------------	-------------	-------------	-------------	-------------

舉人臣馬廷斌	舉人臣史柏	舉人臣憚祖翼	舉人臣許以保	舉人臣夏輔成	托武學生臣文壽	候補鹽大使臣熙平	候補鹽大使臣玉印	候補鹽大使臣成祥	候選筆帖式臣廣昌	候選筆帖式臣恩榮	候選筆帖式臣成秀	候選筆帖式臣成福	理藩院貼寫筆帖式臣伊哩彰阿	理藩院學習筆帖式臣琦成額	理藩院學習筆帖式臣呈書	理藩院學習筆帖式臣達德	理藩院學習筆帖式臣多祥
--------	-------	--------	--------	--------	---------	----------	----------	----------	----------	----------	----------	----------	---------------	--------------	-------------	-------------	-------------

舉	人臣	王庚
舉	人臣	張佑璧
舉	人臣	張壇
舉	人臣	李昆池
舉	人臣	車翹
舉	人臣	葉仲恂
舉	人臣	恩潭
舉	人臣	王錫命
舉	人臣	王震乙
舉	人臣	恩沐
舉	人臣	龍景恬
通判	生臣	陳允震
通判	生臣	高士柏
通判	生臣	高士枝
通判	生臣	朱恩瀚
通判	生臣	楊憲曾
布政司經歷	生臣	吳廷楨
候選	縣臣	劉彥

候選	縣臣	紀堪瑜
就職直隸州州判	生臣	崔允勤
就職直隸州州判	生臣	李慶軒
州判	生臣	凌道增
州判	生臣	王銘泰
候選	諭臣	陳樹勳
候選	諭臣	陳泳舫
候選	諭臣	董榮
候選	諭臣	王玠
候選	諭臣	張翰文
鹽大使	生臣	周錫祿
鹽大使	生臣	郭似祖
鹽大使	生臣	沈頌元
鹽大使	生臣	汪守先
鹽大使	生臣	劉東琮
鹽大使	生臣	湯鳳誥
鹽大使	生臣	趙元壩
鹽大使	生臣	張德林

鹽大使銜監生	章文慶 <small>臣</small>
鹽大使銜監生	康俊
鹽大使銜監生	莊其震 <small>臣</small>
鹽大使銜監生	孔慶第 <small>臣</small>
鹽大使銜監生	張元溥 <small>臣</small>
鹽大使銜監生	卽夢旦 <small>臣</small>
鹽大使銜監生	張德峻 <small>臣</small>
鹽大使銜監生	孫桐 <small>臣</small>
鹽大使銜監生	梁瑞麟 <small>臣</small>
鹽大使銜監生	何庭紹 <small>臣</small>
縣丞銜監生	蔣霽 <small>臣</small>
候選縣主簿 <small>臣</small>	王文模
候選州吏目 <small>臣</small>	蔡允釐
拔貢生	岳鎮東 <small>臣</small>
附貢生	陳增 <small>臣</small>
附貢生	王顯 <small>臣</small>
貢生	李恩多 <small>臣</small>
附貢生	朱遵彝 <small>臣</small>

[illegible]

監	生臣	隋鵬振
監	生臣	梁承頤
監	生臣	孫肇燃
監	生臣	侯彬
監	生臣	張文鈞
監	生臣	葉星會
監	生臣	李漢
監	生臣	陸應寶
監	生臣	饒志循
監	生臣	卓兆蕃
監	生臣	龔壽昌
監	生臣	張載銘
監	生臣	吳寶三
監	生臣	何金詔
監	生臣	韓蔭榮
監	生臣	羅鳳翔
監	生臣	吳顯高
監	生臣	周志鏞

監	生臣	汪以和
監	生臣	劉葆章
監	生臣	孫鑾
監	生臣	樊觀玉
監	生臣	冉孟銑
監	生臣	何榮恩
監	生臣	徐元達
監	生臣	林祖述
監	生臣	胡松喬
監	生臣	郭豫培
監	生臣	李祖謙
監	生臣	高銜
監	生臣	李鵬圖
監	生臣	李德炯
監	生臣	常慧
監	生臣	金承祖
監	生臣	韓曾祺
監	生臣	章文瀚

靈壇展祀。則句詠同雲。援筆成吟。胥垂典則。陳	經偶暇。練藝習勞。常製槍法二十八勢。曰棣	華。協力。刀法十八勢。曰寶鏑。宣威。皆	宣宗所賜名。而	上在潛邸時。與恭親王奕訢所講肄者。博	慈顏之愉悅。勛同氣以匡襄。惟	孝惟	友乃	武乃	文。非甚	盛德。其孰能與於斯。庚子。正月。當	孝全成皇后大事。悲深罔極。擗踊哀傷。	宣宗俯鑒。肫誠。每值忌辰周年。必	命躬親行禮。用展孝思。	上。孺慕銜悲。屢形章什。二十餘年。如一日焉。丙	午。六月十六日。	宣宗遵密建	家法
------------------------	----------------------	---------------------	---------	--------------------	----------------	----	----	----	------	-------------------	--------------------	------------------	-------------	-------------------------	----------	-------	----

親書	上名。絨置祕函。豫立儲貳。元良慎簡。胥寓	深心。越戊申。	祈穀大祀。特	命恭代行禮。蓋默示以神器攸歸。豫祈	昊。眎精禋對越。景福靈承。由是	北郊禮神。則代陳琮幣。	東陵數土。則代謁	橋山。以至	太廟薦新。	奉先展拜。寅承主鬯。	聖春日。加隆矣。是年二月。辛未。	賜成大婚禮。是為	孝德顯皇后。三月。	宣宗恭謁	西陵。至龍泉峪。	大殿。召	上至
----	----------------------	---------	--------	-------------------	-----------------	-------------	----------	-------	-------	------------	------------------	----------	-----------	------	----------	------	----

御座旁命讀

硃諭藏諸東極蓋

聖意深遠默定

陵名而亦以付託得人俾無忘

先志

上恪遵

遺訓恭鐫諸

慕陵石牌坊南善繼善述不益見

聖人之大孝乎十月癸卯

宣宗幸

上所進膳

上捧觴鞠脰怡色趨承問視婉愉

歡心允愜己酉十二月己亥

孝德顯皇后升遐適值

孝和睿皇后大事維時

宣宗聖壽臻古稀矣萬幾勞垂毫之躬七袂把

靡依之痛銜哀積慕

聖體違和至庚戌正月疾大漸特召

上至寢宮並召宗人府宗令御前大臣軍機大

臣內務府大臣繼入

手宣

硃諭立

上為皇太子命諸臣同心輔政總以國計民生

為重無恤其他並

親賜御用冠服朝珠為

上加諸頂項

上辭遜再三而

聖意彌堅即宣

遺詔命即皇帝位以嗣大統緬維

高宗

仁宗授受一堂稟承三載論者謂開闢未有之

隆

上以出震乘乾面荷

宣宗付畀仰視丙辰

受璽輝映後先雖茂典崇儀未遑備舉而

親承

顧命誕荷丕基用是寰海歸心天人協應貽萬

億年無疆之祚乃益歎道協揆一而

祖武之繩信有徵也夫摹天繪日縱擬議而難

工撮壤酌蠡於高深乎何補謹就

宣宗實錄暨

御製詩文集條次

臨御以前之事實敬臚簡端

道光三十年庚戌春正月甲午朔丁未

宣宗成皇帝賓天時

宣宗居圓明園慎德堂

孝和睿皇后苫次卯刻召宗人府宗令載銓御

前大臣載垣端華僧格林沁軍機大臣穆彰

阿賽尚阿何汝霖陳孚恩李芝昌內務府大

臣文慶宣示

硃諭立皇四子為皇太子午刻

宣宗疾大漸

上哭詣慎德堂少頃

宣宗升遐

上稽顙哀慟呼號擗踊無算扈從近臣等遵奉

硃筆遺旨請

上即正尊位

上恭視小殮畢奉

大行皇帝靈駕進城戌刻奉安乾清宮西次間

上翦髮成服親王以下有頂帶官員以上宗室

覺羅及三旗內務府官員俱成服齊集舉哀

亥刻

上敬視大殮畢奉安

梓宮於乾清宮正中行殮奠禮○

上呼號哭泣哀傷薦至竟日水漿不入口羣臣

伏地環跪懇

上節哀

上悲慟不能自己左右皆弗忍仰視○

上以上書房為倚廬席地寢苫每日詣

几筵前供奠三次自是日至初祭以前有常禮

哭必盡哀○諭內閣朕受

皇考大行皇帝鞠育訓誨深恩昊天罔極

聖壽年齒七十精神強固方謂期頤可卜愛日
彌長上年入夏以來偶爾違和雖氣體稍遜
於前猶復

躬親視事內外奏牘披覽如常嗣因

皇祖妣大事哀慕毀瘠以致氣血大虧本日卯

刻力疾召見宗人府宗令御前大臣軍機大

臣內務府大臣親降

硃諭立朕為皇太子

聖訓周詳諄諄以國計民生為念朕痛哭受

命哀迫戰兢方冀朝夕有所稟承

慈躬稍節勞勩永保康和詎意親奉

顧命後病勢增劇遂致大漸

龍馭上賓搶地呼天攀號莫及敬思

皇考御宇三十年

宵旰憂勤

萬幾鮮暇舉凡敬

天法

祖勤政愛民文德武功不可殫述至於

覃敷閭閻軫念痼瘼各直省偶遇偏災發帑蠲
租

恩膏立沛以及籌思積貯厯念河防無非為保

衛蒼生之計

深仁淪浹凡有血氣者其悲哀自必出於至誠

朕泣血椎心尚忍言乎惟念

付畀至重凡所以勉紹

前猷仰承

先志者實藐躬之責兢兢在疚惶懼日深朕忍

痛抑哀兢兢即位尚賴內外文武大小臣工

共矢公忠弼予邦治至喪服之制欽奉

皇考遺詔令依舊制二十七日而除朕心實所

不忍仍當恪遵古制敬行三年之喪庶幾稍

盡孺慕之誠至於

郊

廟祭祀大典自不應因大喪而稍略其禮其應

如何遣官恭代及親詣行禮之處著各該衙

門查照向例集議以聞其天下臣民應持服

制。仍照定例行。將此通諭中外知之。○命禮親王全齡。定郡王載銓。吏部尚書文慶。工部尚書特登額。恭理喪儀。○戊申。

上詣弘德殿。問

皇貴妃安。○諭內閣載銓。文慶現已改派恭理大行皇帝喪儀。前經派令前往。

昌西陵備料興工之處。著改派魏元烺。吉倫泰。會同靈桂。彭蘊章。前往敬慎將事。○又諭。昨日已降旨。特派禮親王全齡。定郡王載銓。尚

書文慶。特登額。恭理

大行皇帝喪儀。惟詳稽典禮。儀節繁多。著添派

仁壽。奕誌。阿靈阿。翁心存。會同敬謹辦理。○

又諭。御前侍衛中山。巴清德。特興額。西凌阿。

德崇額。皆係充當

皇考御前歷馬頂馬之人。今仍令其在朕前充當歷馬頂馬差使。朕心實有未安。中山。巴清德。特興額。西凌阿。德崇額。皆毋庸充當御前歷馬頂馬差使。仍在御前侍衛上行走。○又

諭恭理喪儀之王大臣照例成服百日外。莊親王奕仁。惠親王綿愉。淳郡王奕諱。瑞郡王奕誌。成郡王載銳。固山貝子綿岫。綿勳。奕續。載鈞。御前大臣。軍機大臣。內務府大臣。御前行走之喀爾喀扎薩克和碩親王車登巴咱爾。索曼扎薩克多羅郡王固倫額駙德木楚克扎布。固山貝子德勒克色楞額。御前侍衛固倫額駙景壽。都統中山。前鋒統領巴清德。護軍統領特興額。副都統德崇額。乾清門行走

之和碩額駙恩醇等。俱著成服百日。其餘王大臣官員等。俱於大祭後釋服。焚化。○又諭。據鄭祖琛奏。勦捕楚匪。疊獲勝仗。現仍嚴密防捕。一摺。湖南餘匪竄入楚粵之交。叢山峻嶺。東突西衝。勢甚猖獗。經該撫督飭文武員弁。疊次殲擒。屢獲勝仗。該匪等無路可奔。逃回深崗。尚復踞險以守。當此賊勢窮蹙。正可乘機追勦。以期淨絕根株。前有

旨。令裕泰帶兵督辦。不日當可抵界。著鄭祖琛

仍嚴飭文武員弁會同楚兵分路兜剿其要隘處所確探路徑奮力夾攻不難一鼓成擒剋期奏捷首匪李沅發及緊要各犯久稽顯戮務即設法撙節毋令漏網所需經費著准其借用濠租監銀兩項事竣分別籌補○修湖北漢陽縣隄壩從總督裕泰請也○己酉上詣弘德殿問皇貴妃安○諭內閣朕恭讀

硃諭遺命四條內除無庸建立

聖德神功碑及斟酌各件供奉收貯謹當遵行外至

諭令毋庸

郊配

廟祔二條事關尊崇鉅典朕不忍遽從不敢遽定著王大臣會同九卿翰詹科道敬謹詳晰妥議具奏○又諭朕痛遭

大行皇帝大故遵例安奉

梓宮於乾清宮悲深罔極惟奉移

陵寢尚需時日稽諸舊典理宜殯宮移奉以展哀誠因念圓明園為皇考多年聽政之地清華靜穆神御所安況皇祖妣梓宮現方暫奉綺春園仰維皇考哀切肫誠自以近依慈靈乃克隱慰在天之孺慕雖乾隆年間存記有正大光明殿不可改換黃瓦之

諭然禮貴因時孝先承志謹即定於圓明園正大光明殿敬設

几筵蠲吉二月初二日卯時舉行奉移典禮所有應行事宜著各該衙門敬謹豫備俟奉移後朕即以圓明園之飛雲軒為倚廬以便朝夕侍奠用申哀悃○庚戌

上詣弘德殿問

皇貴妃安○諭內閣朕惟自古帝王功德丕著必有隆稱顯號昭示無窮此萬世不易之典

也。欽惟我

皇考大行皇帝御宇三十年來。寅畏嚴恭。憂勤

惕勵。每歲

郊壇大祀。躬親昭格。展敬

陵

廟。盡制盡倫。遇

皇祖仁宗睿皇帝

皇祖妣孝淑睿皇后忌辰。必追感灑泣。愴懷彌
日。孺慕終身。侍奉

皇祖妣大行皇太后。娛志承歡。三十年有如一

日。尊養兼至。終始無虧。大孝肫誠。實千古所
未有。至於

聖謨廣運。勤勞萬幾。夕惕朝乾。有加無已。節以

制度。儉以持躬。當

御極之初。即特頒

手諭。嚴聲色。貨利之誠。以身作則。垂訓方來。寡

欲清心。孜孜典學。一切游觀玩好。概從屏斥。

自居潛邸

智勇邁倫。躬御神槍。殲除賊匪。嫺騎射而發必

中的。詰戎兵而備豫不虞。戡定西陲。勦擒逆

裔。四城克復。一鼓蕩平。綏藩服而琛賁偕來。

柔遠人而烽煙永息。愛民如子。一視同仁。偶

值水旱偏災。無不恩膏立沛。蠲租發粟。惠澤

滂流。肆赦省刑。好生德洽。整飭吏治。敦睦宗

支。獎忠節而篤勳耆。育人才而厚風俗。

天心助順。有感必通。眾志成城。無思不服。凡此

難名之美善。宜揚盛典於

尊親。顧予冲人。嗣膺大統。雖

聖德極謙。沖之致。而永懷承

佑。啟之恩。詳考彝章。宜升

謚

號。著大學士九卿會同。敬謹擬議。以聞。用副朕

顯揚

謨烈。怙戴尊崇至意。○又諭。據王大臣等奏。三

年之喪。難以舉行。請仍依舊制。以日易月。一

摺覽奏。愈增哀痛。朕受

皇考大行皇帝鞠育深恩。並親承付畀之重。雖哀慕終身。尚難仰報。

慈恩於萬一。豈持服三年。遽謂盡哀盡禮。且三年之喪。達於天子。禮經所載。振古如茲。若朕以日易月。於心實所不忍。除臣民服制。仍各欽遵舊例。朕恪遵古制。持服三年。稍伸孺慕之忱。至

郊社

宗廟祀典朝儀。仍可於持服中舉行。並不相妨。其如何舉行三年之喪。仍著各該衙門詳稽典禮。妥議具奏。○又諭道光二十六年三月。皇考特降

諭旨。以二名不偏諱。將來繼體承緒者。上一字仍舊無庸改避。亦無庸缺筆。其下一字應如何缺筆之處。臨時酌定。以是著為令典。朕敬遵

成命。將御名上一字仍舊書寫。毋庸改避。下一

字著缺寫末一筆。書作訖字。以示改避之意。其奉旨以前所刻書籍。俱無庸議。○又諭嘉慶二十五年。

皇祖仁宗睿皇帝大事。

皇考曾遵成例。停止各省將軍督撫提鎮藩臬及鹽關織造等。來京叩謁。

梓宮。今

大行皇帝升遐。其各直省將軍督撫都統副都統提鎮城守尉。並盛京侍郎。奉天府尹。及西

北兩路將軍大臣。並學政鹽政織造關差等。均不必奏請來京叩謁。

梓宮。致曠職守。各該員等。惟當竭誠盡職。以期無負委任。不在儀節虛文也。將此通諭知之。○又諭各游牧蒙古王貝勒貝子公等。俱係多年受

皇考重恩之人。茲聞

皇考大故。自必同深哀慟。各欲奏請。迅即來京叩謁。

梓宮。若令其全行來京。往返跋涉。反失

聖意。且各游牧均有應辦事件。所有各游牧內

外。扎薩克。青海。杜爾伯特。烏梁海。土爾扈特。

和碩特等處之蒙古王公額駙台吉等。及回

子伯克等。俱停止來京。著交理藩院。迅即行

文遵行。又諭。各省督撫鹽關。向有呈進方

物。朕現在諒陰之中。食處皆所不安。著通諭

各省督撫。鹽政。織造。關差等。一應貢獻。概行

停止。即食品亦不准呈進。俟三年之後。再候

諭旨。又諭。朕弟英訥著封為恭親王。英譔

著封為醇郡王。英詒著封為鍾郡王。英聰著

封為孚郡王。百日釋服後。俱加恩准其戴用

紅絨結頂冠。朝服蟒袍。俱准用金黃色。○辛

亥。

上詣弘德殿。問

皇貴妃安。○諭內閣。朕惟致孝務極夫尊崇。隆

稱必臻。夫美備。功齊覆載。無疆協健。順之符。

德厚生成。罔極深闡。揚之慕。欽惟

孝穆皇后

孝慎皇后

孝全皇后作配

皇考懋著坤儀

孝全皇后誕育朕躬。親承顧復。

懿德咸孚於宮壺。

徽音永式乎邦家。朕追念

恩慈。彌殷感慕。茲恭上

皇考大行皇帝尊諡。宜並追崇。敬上

尊諡。用展孝思。式垂萬禩。該衙門詳察典禮具

奏。○又諭。本日禮部奏。朕登極日期。及頒詔

典禮一摺。覽奏。朕心益增感慟。惟念

皇考以

祖宗丕緒

傳付朕躬。勉從所請。依欽天監所擇吉日。於本

月二十六日己未巳時。舉行登極頒詔鉅典。

各該衙門遵照舊儀。敬謹豫備。○又諭。朕長

兄大阿哥早年薨逝

皇考深為悼惻蒙

恩追封多羅貝勒。今朕嗣承大位。緬惟同氣。倍切愴懷。著晉封為郡王。其有應行典禮。著宗人府會同禮部。內務府酌議具奏。○諭軍機大臣等。據馮德馨奏。餘匪竄回湖南。添派官兵堵捕一摺。前已有

旨。交裕泰馳往督辦矣。又據奏稱。拏獲癩子山糾搶匪徒首夥多名。著馮德馨嚴行究審。從

重懲辦。並著督飭文武員弁。將該處山內藏匿及竄逸他處各餘匪。認真擒捕。務期全數弋獲。不准一名漏網。以期淨絕根株。儻捕拏不力。致留餘孽。貽患將來。一經發覺。該撫其何以副

大行皇帝簡任厚恩耶。將此由四百里諭令知之。壬子

上詣弘德殿問

皇貴妃安。諭內閣。古稱三年之喪。達於天子

持服特其一端。昨據王大臣等請依舊制。以

日易月。業經降旨明白宣諭。朕受

皇考大行皇帝深恩罔極。今猝遭大故。哀痛方深。惟有恪守禮經。藉申永慕。非以持服三年。遂為盡孝也。今王大臣等復援引舊章。合詞奏請。覽奏。彌增感慟。敬稽嘉慶四年

高宗純皇帝大喪。

皇祖仁宗睿皇帝係持服百日。嘉慶二十五年皇祖大喪。

皇考大行皇帝亦持服百日。俱因臣工等籲請再三。未遂。

聖志。今朕孺慕雖殷。亦何敢有逾

成憲。不得已勉從所請。縞素百日。仍素服二十

七月。該王大臣等不必再行瀆請。至三年內

恭遇

郊

社

宗廟祀典。則儀一切服色。著王大臣等均查照

成例敬謹辦理○癸丑頒

大行皇帝遺詔大學士恭奉

遺詔內閣官前引引至

几筵前乾清宮簷下

上跪恭受安奉於黃案上行禮大學士入殿右

門至黃案前跪行禮奉

遺詔興由中門出

上跪哀慕涕泣敬竢

詔出乃起

上還倚廬禮部堂官宣讀

遺詔頒示天下王以下文武官員俱齊集跪聽

舉哀行禮○詣弘德殿問

皇貴妃安○諭內閣據恭理喪儀王大臣等奏

二月初二日卯刻

大行皇帝梓宮奉移圓明園正大光明殿請朕

步送至東華門外即乘輿出神武門先至圓

明園祇候等語朕仰受

皇考顧復深恩昊天罔極且自揣年力正富謹

當恭隨

靈駕親送至圓明園稍申哀戀之忱○又諭朕

長兄大阿哥昨已降旨追封郡王因思二阿

哥三阿哥早年殤逝均係朕兄誼切同懷追

念實深悼惻二阿哥三阿哥均著追封為郡

王應行典禮著宗人府會同禮部內務府酌

議具奏○以捕盜不力革山東登州鎮總兵

官德通職

奉
上

奉
上

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一

止舉哀一日並經恭理喪儀王大臣等援引

成貴人晉封為

成嬪

祥貴人晉封為

祥嬪

順常在晉封為

順貴人

蔡答應

尚答應

李答應

那答應並晉封為常在所有應行事宜著各

該衙門察例具奏又諭惇郡王奕諱著加

恩在內廷行走百日釋服後仍准其戴用紅

絨結頂冠朝服蟒袍俱准用金黃色福建

建甯鎮總兵官陳述祖緣事休致以候補總

兵官曹三祝為福建建甯鎮總兵官乙卯

上詣

大行皇帝几筵前行殷奠禮詣弘德殿問

皇貴太妃安諭內閣

如皇貴妃承侍

皇祖多年夢經

皇考加崇位號現在年齒最尊允宜特晉隆稱

以申敬禮謹尊封為

如皇貴太妃所有應行事宜該衙門察例具奏

又諭御前行走之科爾沁圖謝圖親王色

登端噶布卓哩克圖親王巴圖色林郡王那

木濟勒旺楚克喀喇沁都楞郡王色伯克多

爾濟乾清門行走之翁牛特郡王喇特那吉

哩迪喀喇沁和碩額駙布達西哩外班之扎

噶特貝勒薩迪爾喀喇沁固山額駙布達德

勒格爾年班來京尚未回牧及聞

皇考大行皇帝大故均行叩謁

梓宮實出伊等悃誠若令伊等在京久住朕心

有所不忍著於二十七日釋服後即行請安

各回原牧又諭上年南河吳城七堡啟閉

不能如法以致河湖受淤軍船回空遲滯當

將河督楊以增等一併交部嚴加議處經該

部分別議以降調革職仍令福濟等將是否

不誤歸次情形詳查覆奏茲據奏稱回空軍船現經陸續歸次受免比較嘉慶十四五年新漕尚可趕辦並將各河挑挖深通俾清水易於攻刷楊以增著加恩改為降四級留任陸建瀛著加恩改為降二級留任均不准其抵銷淮揚道查文經著即照部議革職並照該侍郎等所議工費分別開銷罰賠另片奏參各員等語所有玩視塘河要工又復遲誤之署外南營豐北守備張上著即革職枷示

河干以昭儆戒督催不力之參將呂邦治遊擊安振業均著交部議處署外南同知海阜同知婁晉於灌塘事宜尚能慎重無誤其前參暫行革職之案著加恩開復（丙辰

孝聖憲皇后忌辰遣官祭

泰東陵

上詣弘德殿問

皇貴太妃安諭內閣理藩院奏科爾沁圖謝圖親王色登端魯布等八人呈請成服百日

秋季隨扈恭送

大行皇帝

梓宮等語色登端魯布等均受

皇考大行皇帝

養育之恩淪肌浹髓伊等傾心感戴一聞

皇考大故即在

梓宮前慟哀稽顙叩首伊等當差皆屬至誠洵為可嘉惟念蒙古性情不能耐熱若令成服百日已及四月盛暑之際伊等自係難堪朕

心實有不忍所有圖謝圖親王色登端魯布

卓哩克圖親王巴圖色林郡王那木濟勒旺

楚克喀喇沁都楞郡王色伯克多爾濟翁牛

特郡王喇特那吉哩迪喀喇沁和碩額駙布

達西哩扎魯特貝勒薩迪爾喀喇沁固山額

駙布達德勒格爾等著仍遵前旨於二十七

日釋服後即行請安回牧秋季內扎薩克御

前行走之王貝勒貝子公台吉等俱著來京

隨扈

梓宮恭送到

陵所有乾清門行走及在外行走者俱著毋庸前來至外扎薩克道路遙遠尤不能耐熱不論在御前乾清門行走者俱著毋庸前來此朕體恤伊等之意諒必知感其本日來到之扎賚特貝勒拉木果木布扎布郭爾羅斯公揚咱巴拉著該院一併曉諭外嗣後如再有叩謁

梓宮者該院即將此旨明白曉諭以示朕軫念

蒙古之至意○丁巳

上詣弘德殿閣

皇貴太妃安○戊午

上詣弘德殿閣

皇貴太妃安○派刑部左侍郎全慶為正使鑲

藍旗滿洲副都統聯順為副使前往朝鮮國

頒

大行皇帝遺詔○己未

上即皇帝位於太和殿分遣官祇告

天

地

太廟

社稷是日黎明大駕鹵簿全設百官齊集於朝

上素服詣

梓宮前行禮祇告受

命於

大行皇帝更禮服詣弘德殿

皇貴太妃前行禮出御中和殿內大臣執事各

官行朝賀禮

上御太和殿即

皇帝位升座王貝勒貝子公文武百官行朝賀

禮禮成

上還居倚廬

上追念

大行皇帝感愴彌甚雖勉強抑制

聖容哀傷涕泗交頤不能自己近侍諸臣仰見

皇上孝思篤摯莫不感動是日登極禮成頒詔

天下詔曰我大清篤承

天眷粵自

太祖

太宗肇建丕基

世祖統一函夏

聖祖

世宗

高宗

仁宗德盛化神重熙累洽我

皇考大行皇帝臨御天下三十年宵衣旰食郵

治勤求熙績釐工朝廷祇肅

深恩厚澤洽於寰區用是中外乂安羣黎蒙福

方期景錫延洪永膺多祜詎意正月十四日

諭立朕為皇太子甫經半日

龍馭遽升即以神器屬於藐躬朕自維薄德深

懼弗勝顧念

列聖詒謀

皇考付託天位不可久虛勉抑哀忱恪遵

成命於正月二十六日祇告

天

地

宗廟

社稷即皇帝位以明年為咸豐元年仰紹

前徽撫衷寅惕際茲新綸之布用推錫類之恩

所有應行事宜條列於左一在京在外諸王

以下至公等以上俱加恩賜一內外自公主

以下至格格各加恩賜一內外滿漢文武大

小官員俱加一級一內外大小各官除各以

現在品級已得封贈外凡升級及改任者著

照新銜封贈一文官在京四品以上在外三

品以上武官在京在外二品以上照現任品

級各廕一子入監讀書一內外文職自四品

以下武職自三品以下降革留任及住俸罰

俸處分准其開復一會試額數俟禮部臨期

奏明人數請旨酌量廣額鄉試大省加三十

名次省加二十名小省加十名滿洲蒙古加

六名漢軍加三名。一各直省入學額數大學加七名中學加五名小學加三名。一國子監貢監生及各官學教習免坐監一月。一各直省儒學無論府州縣衛俱於本年以正貢作恩貢以次貢作歲貢。一每府州縣衛各舉孝廉方正暫賜以六品頂帶榮身以備詔用務期採訪真確毋得濫舉。

歷代帝王陵寢

孔子闕里及五嶽四瀆等祀應遣官致祭者照舊例行。一官吏兵民人等有犯除謀反叛逆子孫謀殺祖父母父母內亂妻妾殺夫奴婢殺家長殺一家非死罪三人採生折割人謀殺故殺真正人命蠱毒魘魅毒藥殺人強盜妖言十惡等真正死罪不赦外軍務獲罪隱匿逃人亦不赦外其餘自道光三十年正月二十六日以前已發覺未發覺已結未結者咸赦除之有以赦前事告許者以其罪罪之一各省軍流人犯查明到配三年實在安

靜守法及年逾七十者釋放回籍。一各旗籍內務府及五旗包衣人等凡侵貪那移一切賠罰應追銀兩實係本人家產盡絕者查明准予豁免其分賠代賠以及牽連著賠者一概豁免。一凡官員因公賠罰等項而其子孫又代祖父著賠者查明豁免。一旗營官兵有因出征及被災借支俸餉者免其扣還。一滿漢兵丁有曾經效力行間因被傷年老閒住者除例得優卹外查明酌加恩養。一各直省有同堂五世及親見七代者除例賞扁額外查明各加恩養。一天下之本農為重各府州縣衛果有勤於耕種務本力作者地方官不時加獎以示鼓勵。一除五旗包衣佐領下披甲人等不賞外八旗滿洲蒙古漢軍護軍披甲人礮手步軍各賞一月錢糧。一軍民年七十以上許一丁侍養免其雜派差役八十以上者給與九品頂帶九十以上者給與八品頂帶百歲以上者給與七品頂帶一百二十

歲以上者給與六品頂帶百歲至一百二十歲以上者均仍題明給與建坊銀兩一各處養濟院所有鰥寡孤獨及殘疾無告之人有司留心以時養贍無致失所於戲膺茲繼體用惠錫於垓埏弼予仔肩式撫綏夫兆庶諸王文武大小臣工其各行忠悃翊贊鴻猷以昭我國家億萬年無疆之祚布告天下咸使聞知○庚申

上詣弘德殿問

皇貴太妃安○大學士九卿等恭擬上

大行皇帝

尊諡徽稱曰

效天符運立中體正至文聖武智勇仁慈儉勤

孝敏成皇帝

廟號曰

宣宗天下萬世稱曰

宣宗成皇帝奏入

上宣諭曰大學士九卿會同議上

皇考大行皇帝

尊諡曰

成皇帝

廟號曰

宣宗上配

列祖永極尊崇欽惟

皇考澤普垓埏

覃敷聲教

功垂宇宙

丕顯光華備

至德以難名實羣倫所共戴今廷臣所擬詳慎

公允於

皇考建中立極之宏模洵相符合深協朕懷此

天下萬世之公論非朕一人哀慕顯揚之私

願亦非臣下尊親頌美之私情也謹據所奏

恭上

尊諡

廟號所有應行典禮該部敬稽成例以聞○又

諭朕惟禮先報本徽稱務極乎尊崇義在制宜孝思不過夫典則雍正十三年

皇曾祖高宗純皇帝恭加上

列聖

列后尊諡曾欽奉

聖諭崇先特典後世子孫不得奉為成式是以

我

皇考大行皇帝於嘉慶二十五年恭加上

列聖

列后尊諡於

列聖尊諡已加至二十二字者未敢復議加上

列后尊諡已加至十六字者亦未敢復議加上

朕紹承大位祇遵

成憲敬念

詒謀其有

列聖尊諡未加至二十二字

列后尊諡未加至十六字者均宜恭議增崇顯

揚

威美該衙門詳稽典禮敬擬奏聞尋大學士等議奏

仁宗睿皇帝尊諡謹擬經武下加光裕二字曰

仁宗受天興運敷化綏猷崇文經武光裕孝恭

勤儉端敏英哲睿皇帝

孝賢純皇后尊諡謹擬徽恭下加康順二字曰

孝賢誠正敦穆仁惠徽恭康順輔天昌聖純皇

后

孝儀純皇后尊諡謹擬端恪下加敏哲二字曰

孝儀恭順康裕慈仁端恪敏哲翼天毓聖純皇

后

孝淑睿皇后尊諡謹擬慈懿下加敦裕二字曰

孝淑端和仁莊慈懿敦裕光天佑聖睿皇后得

旨是又諭朕紹承大位自應敬避

皇考大行皇帝聖諱惟宮殿廟宇舊名及省郡

州縣名印宜如何分別避易之處著禮部詳

慎妥議具奏又諭朕元妃薩克達氏應追

封為

皇后所有應行典禮該衙門察例具奏○辛酉

上詣弘德殿問

皇貴太妃安○修湖北武昌府沿江石岸並潛

江縣土隄從總督裕泰請也 壬戌

孝儀純皇后忌辰遣官祭

裕陵

上詣弘德殿問

皇貴太妃安○派吏部左侍郎花沙納刑部左

侍郎周祖培知貢舉○癸亥

上詣弘德殿問

皇貴太妃安○諭內閣王大臣會同戶部遵議

清查各省倉庫章程著照所擬辦理惟有治

法貴有治人各直省州縣經此次清查以後

自應痛除積習力杜新虧但恐不肖官員以

為寬其既往妄冀恩可倖邀圖便已私仍前

骫法何以肅綱紀而儆官常特再明諭各督

撫大吏督率藩臬道府正己率屬各勵廉隅

則屬吏自知儆畏仍隨時認真稽覈務須激

發天良不憚煩勞不避嫌怨查有劣員因循

玩泄漸致新虧視憲典為具文者立即嚴行

叅辦儻該督撫等毫無覺察或甘為徇庇經

朕訪聞確實不但本員應置重典定將該管

各上司從重治罪朕惟知仰遵

諭旨法在必行決不寬貸也將此通諭知之○

又諭前據張芾奏遵查副將知府被叅各款

當奉

旨交刑部速議茲據該部覈議具奏江西袁州

協副將達崇阿身任武職二品大員不知認

真操練又不能約束兵丁性好演戲並縱容

子弟演唱實屬有玷戎行達崇阿著即革職

發往新疆充當苦差九江府知府劉熾昌於

地方撫恤事宜未能細心查辦致動用倉穀

與賑務戶口不符復以倡修隄工書院任聽

紳士立碑邀譽不勝表率之任劉熾昌著先

行革職交陸建瀛按照原叅各款嚴行審訊

如有那移倉穀重情及詳報戶口有意存蒙
混情事即從嚴懲辦又諭本年輪應查閱
山東河南江蘇安徽江西等省營伍之期山
東著即派陳慶偕河南著即派潘鐸江蘇安
徽江西著即派陸建瀛逐一查閱認真簡校
如查有訓練不精軍實不齊者即將廢弛之
將弁據實嚴叅毋得視為具文以刑部左
侍郎周祖培辦理秋審事繁改派大理寺卿
邵燦知貢舉

貴針卷二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三

[illegible]

救修

道光三十年庚戌二月甲子朔

省儉美士

上以奉移

大行皇帝梓宮日期祇告

几筵前行啟奠禮○詣弘德殿問

皇貴太妃安○嚮夕復詣

几筵前行辭奠禮遣官祭

先醫之神○諭內閣順天府現辦籌賑事例

著即停止○乙丑恭移

大行皇帝梓宮安奉正大光明殿

上先於

几筵前奠酒。慟哭盡哀。屆時

靈駕啟行。

上前導由景運門出。

梓宮升大昇輦。

上西向跪哭奠酒。

梓宮出東華門。

上步行偏左哭不停聲。恭送至地安門外跪俟。

梓宮過由間道先詣綺春園。

大行皇太后几筵前奠酒。隨詣圓明園宮門外。

實錄

上

祇候

梓宮至自大昇輦升小輦。

上跪哭盡哀。

梓宮入正大光明殿。

上隨入立殿檐東。

皇貴太妃率妃嬪跪迎於正大光明殿後。隨安

奉。

梓宮於正大光明殿正中。

上號泣行奠祭禮。王以下大臣官員俱舉哀行。

禮

上哀號瞻戀不忍。暫離王大臣等奏請節哀。至

於再四乃退。○詣永春室問。

皇貴太妃安。賞恭請。

大昇輦校尉民夫銀。自是日始。

上居飛雲軒。苦次。遣官祭。

關帝廟。丙寅。

上詣永春室問。

皇貴太妃安。大學士穆彰阿等遵旨謹擬崇

實錄

上

上

孝穆皇后尊諡曰。

孝穆溫厚莊肅端誠孚天裕聖皇后。

孝慎皇后尊諡曰。

孝慎敏肅哲順和懿熙天詒聖皇后。

孝全皇后尊諡曰。

孝全慈敬寬仁端慈符天篤聖皇后得旨是。

遣官祭。

文昌帝君廟。○遣官祭。

歷代帝王陵寢

孔子闕里

長白山

松花江

五嶽

四鎮

四瀆之神 禮親王全齡等籲懇節哀得旨

朕惟念

祖

實錄

由

考付託之重故不自知哀傷之至 濬江蘇丹

徒丹陽二縣運河從巡撫傳繩勦請也 貸

江蘇京左京右高資江陰靖江平望吳淞提

標中左前後城守劉河金山青村南匯孟河

常州鎮江蘇鎮標太湖左右提右柘林川沙

撫標左右蘇州二十八營駐劄災區一季餉

銀 丁卯

上詣永春室問

皇貴太妃安 祭

先師孔子遣協辦大學士杜受田行禮 諭

軍機大臣等朕憶

大行皇帝前於祇謁

西陵時曾將

硃筆存記一匣留貯

龍泉峪正殿交該總兵敬謹看守 歸入交代茲

朕亟思展視著德春將此匣妥慎封固即日

派委妥員恭齋送京交軍機處呈覽將此諭

令知之 戊辰祭

實錄

上

大社

大稷遣克勤郡王慶惠恭代行禮 諭內閣三

月二十日卯刻

大行皇太后梓宮奉移

昌陵

隆恩殿暫安屆期朕於綺春園大宮門跪送後

仍步行恭送至紅橋用申哀悃俟

梓宮漸遠朕進福園門還飛雲軒倚廬 添派

都察院左都御史柏葰內務府大臣基溥恭

辦

呂西陵工程○湖廣總督裕泰奏道州甯遠等

處連界之癩子山間有匪徒竄擾現在飭屬

確查得旨確查究辦○己巳

上詣正大光明殿

几筵前行初祭禮 詣永春室問

皇貴太妃安 諭內閣朕泣讀

皇考大行皇帝硃筆遺諭訓誠精詳懇至伏誦

悲愴慟深五中

書集卷十

下

諭令毋庸升配升祔二條事關明裡鉅典天下

萬世觀瞻所繫是用博諮廷議令王大臣等

會同九卿翰詹科道詳考典禮務求至當茲

據集議以聞韋稽周人郊祀后稷以來唐宋

及明或三祖並侑或數帝分配我朝

聖

聖相承均經升配

郊壇永崇裡祀第配位遞增而

壇壝之規制有定敬繹

殊諭若世世視為成例率行無已豈止有背於

古訓更難示信於後人再四籌思不能不定

以限制仰見

聖德謙光超邁前古而所以為萬世慮者至深

且遠今禮親王全齡等所奏謂宜仍遵

列聖成憲朕詳加披閱因思尊崇之典莫大於

嚴

父配

天如我

書集卷十

下

皇考之德澤彌綸同符

列祖而遽停升配雖係仰遵

遺命朕心究有難安展轉詳思應照王大臣等

所請

郊壇大祀俟祔

廟禮成後恭奉

皇考神牌升配並曲體

遺訓定以限制嗣後

郊祀配位歷億萬年總以

三祖

五宗為定自朕躬而下不復舉行並恭錄

皇考硃諭首條及朕此次諭旨懸奉

南郊齋宮垂示久遠著為成式世世遵循罔斁

萬不准再議更張則非徒朕克展孝思實於

皇考之功德允稱而於

貽謀垂裕訓迪周詳之意亦庶克稍慰矣禮經

三昭三穆與太祖之廟而七宋儒朱子謂百

世不祧之廟如周之文武世室商之成湯三

千集

本

宗不在數中則天子七廟特禮之常制非合

不祧之室而言我

皇考功德隆盛允宜祔

廟稱宗自應恭俟

山陵禮成後祇奉

神主升祔以致孝享而盡尊崇凡此仰稽

舊典俯順輿情

聖謨洋洋萬世所當效法而朕權衡審慎務求

協乎天理人情之至以下副四海臣民尊親

愛戴之公心惟我

皇考在天之靈當亦默垂鑒格也所有應行典

禮各該衙門屆時敬謹詳察具奏將此宣諭

中外知之侍郎曾國藩所奏頗有是處其餘

京堂及科道等所奏各行已見殊少折中各

摺均著發還○怡親王載垣等奏召對時與

陳孚恩語言辯論舉措失儀自請嚴議得旨

爾等雖失小節究屬忠悃之誠而陳孚恩雖

為廣言起見於大體殊屬乖謬仁壽載銓載

千集

本

垣端華僧格林沁陳孚恩均著一併交各該

衙門議處尋議上得旨仁壽等著罰俸六箇

月准其抵銷陳孚恩著降三級留任准其抵

銷○庚午

孝淑睿皇后忌辰遣官祭

昌陵

上詣綺春園迎暉殿

大行皇太后几筵前供奠○詣永春室問

皇貴太妃安○辛未春分朝

日於東郊遣成郡王載銳恭代行禮
上詣正大光明殿

几筵前行大祭禮○詣永春室問

皇貴太妃安○諭內閣朕仰承

皇考付託之重兢兢圖治深恐幾務紛繁措置

未能悉當敬念

列聖御極以後俱頒

詔旨求言蓋一人之聰明智慮或有未周必公

聽並觀而後上下之情通措施可期於允協

書

十

矧朕德薄何敢不虛衷延納博採讜言特此

通行曉諭凡九卿科道有奏事之責者於用

人行政一切事宜皆得據實直陳封章密奏

俾庶務不至失理而民隱得以上聞諸臣務

須虛公詳慎毋偏毋私凡有裨於官方吏治

國計民生者各抒所見切實論奏以副朕集

思廣益之至意○又諭楊殿邦奏同空漕船

辦理延玩嚴叅河工道廳一摺除准揚道查

文經業經革職毋庸議外署外南同知海阜

同知婁晉一員前據福濟等奏請開復革職

處分已降旨允准茲據楊殿邦奏稱開復係

屬歧誤仍請將該員交部嚴加議處著福濟

據實覆奏○諭軍機大臣等所有道光三十

年以前緣事降調革職及遣戍釋回已未錄

用文武各廢員除業經病故及已復原官者

無庸議外餘著該部查明原案開具簡明事

由分繕清單呈覽○准江南江安蘇松各幫

丁緩買行月等米○壬申

書

十

上詣永春室問

皇貴太妃安○諭內閣朕恭讀

大行皇帝祇謁

西陵時留貯

龍泉峪正殿存記奉

硃筆敬瞻東北永慕無窮雲山密邇嗚呼其慕

與慕也欽此仰見我

皇考感念松楸孝思不匱用垂

遺訓昭示來茲朕抱痛終天期先繼

志望

佳城而悲愴觀

手澤之如新尋繹再三○彌深感慟所有

龍泉峪陵名應即敬稱

慕陵朕當和淚濡墨敬謹書寫命武英殿選工

鐫刻以彰

聖孝而慰

先靈○又諭昨因楊殿邦奏參廳員與福濟等

前奏兩歧當交福濟據實覆奏茲據奏稱此

十集本

上

次塘河工程並非署外南同知海阜同知婁

晉經手奏請開復係查照舊章辦理婁晉仍

准其開復楊殿邦奏請嚴議之處著毋庸議

諭軍機大臣等

龍泉峪陵寢石牌樓中間應行鐫字之處著德

春敬謹量度將高寬尺寸若干用紙比對準

確即將樣紙迅即送京交軍機處呈覽將此

諭令知之 癸酉

上詣正大光明殿

几筵前供奠○詣永春室問

皇貴太妃安 諭內閣德勒克多爾濟奏請來

京叩謁

梓宮一摺德勒克多爾濟曾受

皇考大行皇帝重恩茲請叩謁

梓宮情詞懇切著照所請所有庫倫辦事大臣

印篆著玉明暫行署理德勒克多爾濟著加

恩准其馳驛來京 又諭哈勒吉那奏吹布

藏呼圖克圖為伊姪喇科呼圖克圖前赴多

十集本

上

倫諾爾廟呈請給與路引請旨等語喇科呼

圖克圖暫行毋庸前赴多倫諾爾廟著仍駐

原牧數年俟經呢嫺熟再行請旨 諭軍機

大臣等向來奉安

山陵例由禮部奏派大臣官員前往守護恭查

道光二十八年欽奉

上諭此例著永遠停止交軍機大臣敬謹存記

著傳知禮部恪遵辦理 又諭本日據裕泰

馳奏查探逆匪竄赴廣西襄脅漸多現派官

兵分投迎勦。又據鄭祖琛馳奏湖南匪徒竄入粵境。現在籌辦情形各一摺。並據鄭祖琛片奏咨會湖南貴州分投截勦等語。此次湖南匪徒滋事。先經竄入廣西。經該省官兵擊退。竄回。若使湖南兵勇得力。何至復由城步翻山竄至龍勝一帶。因思該匪等如此竄擾。實由湖南省文武各官圍捕不密所致。目下匪黨益肆兇殘。湖南員弁尚皆觀望不前。而粵省文武乃能不分畛域。越境窮追。以致瑪

字未奉

字

隆阿奮勇捐軀。湖南各官捫心自問。其能靦顏無愧乎。現在該匪等西路奔竄。該處山徑叢雜。若非各省協力兜拏。必至乘間逃遁。裕泰接奉此旨。務當激發天良。會同鄭祖琛督飭兵弁。激勵紳勇。解散脅從。併力夾攻。其龍勝一帶。現無提鎮大員。著廣西提督閔正鳳即日馳往。以期堵勦得力。至湖南之長安堡等處。可通懷遠之沙宜。並通貴州永從等處。該匪已欲覓路逃往。尤不可不嚴為防堵。並

著喬用遷選委員弁在於界連湖南地方督率兵勇認真堵截。斷不可令其竄逸。本日已有旨將向榮調補湖南提督。計日可到。至永州鎮一缺。裕泰即於孫應照谷韞燦二員內揀選奏請補用。裕泰統轄兩省。當此防勦失機。匪蹤日肆之時。若再不奮力殲擒。致使蔓延為害。該督其何顏以對鄰封文武及兩省士民耶。鄭祖琛喬用遷均久任封圻。目擊鄰匪衝突。亦必憤切同仇。協勦不遺餘力。無俟

字未奉

字

朕諄諄告誡為也。將此由四百里諭知裕泰。鄭祖琛喬用遷並諭令閔正鳳向榮知之。調四川提督向榮為湖南提督。以四川北鎮總兵官蘇布通阿為提督。以調度乖方。革湖南提督英俊。永州鎮總兵官雙德等職。仍留勦賊。予廣西陣亡參將瑪隆阿祭葬。世職如副將例。甲戌。孝康章皇后忌辰。遣官祭孝陵。

上詣綺春園迎暉殿

大行皇太后几筵前行月祭禮 詣永春室問

皇貴太妃安○以原派前往朝鮮國頒

大行皇帝遺詔之副使聯順差使較繁改派正

藍旗漢軍副都統德興為副使○湖北巡撫

龔裕奏請將蒲圻黃陂孝感安陸雲夢應城

隨應山八州縣應解荆南米石與崇陽等州

縣漕米互相抵兌免誤運行下部知之○以

直隸河屯協副將博勒洪武為四川北鎮

集

十

總兵官 乙亥

上詣正大光明殿

几筵前供奠 詣永春室問

皇貴太妃安

孝德皇后殯宮月祭遣官行禮 頒給京師太

學山東闕里暨各直省府州縣學宮

御書扁額曰德齊懋載 予故浙江鎮海縣知

縣王夢弼江蘇崑山縣教諭何錫九江西廣

信府同知顧麟趾雲南迤南道胡啟榮四川

巴縣知縣毛輝鳳陝西白水縣知縣徐元潤

平利縣知縣司徒修河南河南府知府蕭元

吉湯陰縣知縣馬應宿入祀名宦祠從總督

劉韻珂李星沅陸建瀛林則徐琦善布彥泰

巡撫潘鐸請也○予浙江故封職黃鳳福建

故舉人王錫齡安徽故訓導夏鑾四川故訓

導倪坤江西奉新縣知縣陳鳳廷山東故道

員李廷揚廣東故禮部郎中馮成修學正勞

潼入祀鄉賢祠從總督劉韻珂陸建瀛琦善

集

十

徐廣縉巡撫陳慶偕請也○丙子

上詣永春室問

皇貴太妃安○諭內閣為政以得人為首務我

朝

列聖御極建元均於三年大比之外特開鄉會

恩科廣羅俊彥今朕續承大統宜遵成式嘉

會士林著於咸豐元年舉行鄉試恩科二年

舉行會試恩科用副朕作育賢才至意○定

郡王載銓等奏遵議江西清查案內墊解民

欠銀兩請令各州縣按限追繳不准再斂於民儻限滿無完照那移倉庫例懲辦所繳銀兩於年終奏報以憑稽覈嗣後各應徵解錢糧隨徵隨解不准再有墊解名目凡遇交代務令於印結內聲明並無墊解民欠字樣至該省上次清查案內應完銀七萬五百餘兩此次清查案內應提銀二十九萬餘兩應令該撫轉飭趕緊造報戶部剋期撥用從之○
丁丑

上詣正大光明殿

几筵前行月祭禮嚮夕復詣

几筵前供奠○遣官祭昭忠祠諭內閣直省

司道府廳州縣以及營伍員弁內各督撫見聞所及隨時察看自必知之最悉如查有才德兼優誠心任事確有實據者著出具切實考語秉公具摺酌保數員候朕簡用歷任後除公罪不論外如有作奸犯科身罹私罪惟該保之督撫是問其有貪婪不法以刻為明

或年老昏憤不能辦事者亦著據實奏不准姑容爾督撫等均受

皇考深恩簡用封疆大吏各矢公忠為國為民毋稍瞻徇冒濫用副朕整飭官方至意
戊寅

上詣永春室問

皇貴太妃安諭內閣惠親王係朕之叔內廷召對與朝會迥不相同若動輒叩拜與諸臣略無區別朕心實有不安嗣後除朝會大典

仍遵定例行禮其尋常召對以及三年後內廷宴賚均無庸叩拜至宮中祭

神賜食祭肉禮應向

上叩拜惟不必於朕前隨眾行禮遇有賞賜物件著具摺謝恩無庸當面叩首以示朕敬長親親之至意○以正黃旗滿洲都統賽尚阿署鑲白旗漢軍都統正紅旗漢軍都統阿勒清阿署鑲白旗蒙古都統科爾沁郡王僧格林沁署鑲黃旗蒙古都統鑲白旗滿洲副都

昭靈沛澤龍王之神玉泉山

惠濟慈佑靈渡龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圖明圓惠濟祠

河神廟○諭內閣沿海各省設立水師營汛遇有洋匪竊發巡邏緝捕是其專責現據御史王本梧奏浙省水師廢弛已極兵則怠惰

偷安官則因循推諉且有吸食鴉片煙者間或撻捕零匪塞責遇大幫洋盜不敢過問等語水師營務積久廢弛勢所不免緝捕之要首在整飭舟船礮械嚴杜奸民接濟而總在將弁得人方足勵戎行而收實效著通飭沿海各督撫按照該御史所陳六條覈實辦理並督飭弁兵按期出洋會哨不准虛應故事儻查明將弁中有怯懦無能視巡洋為畏途者即行據實嚴參懲治總期督率得人於巡

還緝捕認真講求庶盜風寢息商旅安行洋面可期靜謐矣將此通諭知之○辛巳

上詣正大光明殿

几筵前供奠○詣永春室問

皇貴太妃安○諭軍機大臣等有人奏湖南寶

慶賊匪滋事上年冬間疊據該撫馮德馨奏

報勦辦情形均經

大行皇帝諭令妥速勦辦勿使竄逸蔓延乃馮

德馨不知仰稟

廟謨屢誤機會由長沙前往寶慶十二日之久僅行三百里該撫既畏葸不前以致官兵皆不用命賊眾直衝永州營之前鎮軍營之後搶掠器械而逃兩營無一人敢櫻其鋒又該撫於賊逃之後謬以收復城池入奏且言教官典史尚無下落殊不知兩學教官均在城尚無恙是其於城內官之存亡亦不能探問真確徒因賊眾已逃率以凱撤入奏歸途州縣辦差稍不如意大為震怒及至後來賊勢

復振乃倉皇自請處分各等語。若如所奏。馮德馨身任封圻。於軍務緊急之時。任意遷延。貽誤匪淺。著裕泰按照所奏情節。逐款詳查。據實奏。斷不准稍涉徇隱。原摺著鈔給閱看。至巡撫大員。已經查辦。其擁兵不行捕賊之武職大員。更非尋常失事可比。著即遵大行皇帝諭旨。一面拏問嚴訊。一面具奏。馮德馨現已批准來京。如有應質對之處。著即傳旨扣留。裕泰現已馳抵軍營。其應如何按捕。流匪諒必習有成竹。迅速辦理。斷不可再失機會。致令賊勢蔓延。是為至要。將此密諭知之。○命湖南巡撫馮德馨來京。以布政使萬貢珍署巡撫。按察使春熙署布政使。○壬午上詣永春室問。

彼竄。且據現獲賊匪供稱。匪黨已有一千數百餘人。首要五人。其首犯即係李沅發。若不會合兜拏。必至蔓延為患。此次流匪。已經廣西兩次堵截。若使湖南兵勇得力。何至蔓延。裕泰已抵軍營。責無旁貸。不得聽信劣屬蒙稟。遽謂匪徒四散。仍當首先出力。設法嚴勦。並著鄭祖琛。奮用遷。迅速多派官兵。不分畛域。分投堵截。一面多方曉諭。散其會匪黨與。毋任勾結苗獠。並激勵紳勇。懸賞購緝。務將李沅發及首要各犯。剋日殲擒。如被脅之人。有將要犯縛獻者。除重賞外。仍應量減其罪。總期犯無漏網。餘黨悉就殲除。不至復有竄擾之虞。方為不負委任。將此由五百里各諭令知之。○修湖北武昌府城外路隄。從總督裕泰請也。○癸未上詣正大光明殿。几筵前供奠。○詣永春室問。皇貴太妃安。○遣官祭。

歷代帝王廟○恭修

宣宗成皇帝實錄○命大學士穆彰阿為監修總裁官○協辦大學士戶部尚書祁寯藻吏部尚書文慶○戶部尚書賽尚阿○工部尚書杜受田為總裁官○戶部左侍郎阿靈阿○李芝昌○右侍郎福濟○兵部左侍郎瑞常○刑部左侍郎周祖培○工部左侍郎翁心存為副總裁官○賽尚阿兼蒙古副總裁官○諭內閣現在記名應用水師總兵人員○業經用竣○著兩江閩浙兩廣

實錄卷六

六

總督各於水師副將內○即行遴選堪勝總兵者○保奏數員○送部引見○候朕記名○以備簡用○該督等統轄全省營伍○當此整頓洋務之際○需材孔亟○其水師將領果有涉歷風濤熟諳沙綫者○必應保奏○用備干城之選○不得以無員可保○一奏塞責○至所保各員○即著迅速送部引見○毋稍稽遲○又諭周祖培陳奏一摺○致治首宜除弊○而除弊先當戒欺○若如該侍郎所奏○近日外任上司多為賄徇○同官互相

營私倉庫河漕在在皆有虛飾為大吏者亟須洗心滌慮率屬秉公而澄敏官方尤在嚴察牧令愛民者必登諸上考害民者則立挂彈章斷不可任意姑容置民生於不問至衛民莫先於弭盜武營有訓練之責文員亦有緝捕之司尤宜實力整頓務使日有起色其設防江海之處礮隄火器該督撫各宜隨時修葺有備無患其各一體祇遵毋得因循弛懈至於

實錄卷六

七

列聖實錄每日進呈恭讀宏綱鉅典朕自當默識勤編所請另行選錄之處著毋庸議○又諭陸建瀛奏請立限清查運庫一摺兩淮鹽務近年商引滯銷以致庫款支絀若竟任其那墊套搭必且覆成虧空亟應趕緊清釐確求辦法所有兩淮運庫款目准其予限半年責成該督遴派妥員逐款鉤稽仍分別商欠官虧勒限從嚴參追不准稍有姑容該督職兼鹽政責無旁貸務當認真覈辦俾舊弊悉

清○新○虧○永○杜○以重幣項而肅驕政○以浙江黃巖鎮總兵官鄭高祥為福建水師提督○贈故福建水師提督寶振彪○太子太保○子祭葬○子縣丞鑒○俟服闋後送部引見○甲申○上詣永春宮問

皇貴太妃安○諭內閣○前經

皇祖妣大行皇太后大事○曾經降

旨令輪應年班之內各扎薩克蒙古喇嘛回

子等○均著過二十七箇月○再行按班來京○茲

遇

皇考大行皇帝大事○著不論內外扎薩克○阿拉

善○青海杜爾伯特○烏梁海○土爾扈特○碩特

伊克明安等處○輪應年班之蒙古○汗○王○貝勒

貝子○公○額駙○台吉○塔布囊○公主之子孫○御前

乾清門○及在外行走者○均遵前奉

諭旨○仍過二十七箇月後○再行按班來京○其各

項應來之呼圖克圖喇嘛等○亦著過二十七

箇月○照例來京○其藏內呈進丹書克使臣○堪

布察木多之帕克巴拉呼圖克圖等使臣回子伯克吐斯吐舍廓爾喀等○均著過二十七箇月○再行各按年班來京○旌表守正捐軀江蘇寶應縣民王桂春妻馬氏○安徽阜陽縣民趙春守妻甄氏○修山東運河○泗河○捕河○上河○四廳隄牘各工○從河東河道總督顏以燠請也○乙酉○

上詣正大光明殿

几筵前○供奠○詣永春宮問

皇貴太妃安○湖廣總督裕泰奏○懇懇節哀○並

請入覲○得旨○爾但實心勤辦○庶不負

皇考重任之恩○俟軍務告竣○再行奏請可也○

丙戌○清明節

上詣綺春園迎暉殿

大行皇太后几筵前○行清明大祭禮○詣正大

光明殿

几筵前○行清明大祭禮○遣官祭

永陵

福陵	昭陵	昭西陵	孝陵	孝東陵	景陵	泰陵	泰東陵	裕陵	昌陵○遣官祭	孝穆皇后	孝慎皇后	孝全皇后陵寢○遣官祭	孝德皇后殯宮○遣官祭	端慧皇太子園寢○詣永春室問	皇貴太妃安○丁亥	上詣永春室問	皇貴太妃安○遣官祭
----	----	-----	----	-----	----	----	-----	----	--------	------	------	------------	------------	---------------	----------	--------	-----------

清 實 錄 道光三十年二月下

先農之神○以惠親王綿愉署正黃旗領侍衛內大臣怡親王載垣署鑲藍旗滿洲都統鄭親王端華署管欽天監事戶部右侍郎福濟署管奉宸苑事吏部尚書文慶署管武備院事○以頭等侍衛薩凌德為正紅旗漢軍副都統散秩大臣純壽為葉爾羌幫辦大臣○以詹事府詹事杜綱為內閣學士兼禮部侍郎銜○戊子	上詣正大光明殿	几筵前供奠○詣永春室問	皇貴太妃安○以睿親王仁壽署宗人府宗令怡親王載垣署左宗正○賞定郡王載銓銀五百兩治母喪○己丑	孝昭仁皇后忌辰遣官祭	景陵○	上詣綺春園迎暉殿	大行皇太后几筵前供奠○詣永春室問	皇貴太妃安○諭內閣三月二十日
---	---------	-------------	--	------------	-----	----------	------------------	----------------

大行皇太后梓宮奉移

昌陵所有沿途蘆殿內步軍統領衙門應行豫備激桶差使著派明剴督率照料○庚寅

上詣永春室問

皇貴太妃安○諭內閣給事中李道生奏盜劫

肆行請嚴飭查辦一摺山東一帶為南北通

衢即非會試之年地方官亦宜加意防範使

行旅免有戒心茲據該給事中奏稱山東滕

縣南沙河地方於正月三十日有舉人王言

奏

上

堯等被盜執持刀械劫去銀物同日嶧縣小

山子地方又有舉人吳嘉善被盜持刀嚇劫

之事殊屬不成事體著山東巡撫嚴飭文武

員弁速將行劫正賊按名弋獲追取真贓照

律嚴辦但恐鄰近各省亦有疏於防範者遙

賊竄逃勢所不免並著直隸河南江蘇各督

撫一體嚴密偵緝認真整頓勿稍疏懈以肅

捕務而安行旅○諭軍機大臣等昨日據鄭

祖琛閔正鳳馳奏楚匪竄擾戕害備弁逃回

楚境仍飭兵勇追勦並將擒獲要犯先行正

法一摺所辦甚屬可嘉湖南逆匪滋事疊次

竄往廣西龍勝等處均經該省文武督率兵

勇奮力攻擊屢有殲擒雖將備弁兵間有傷

亡究係認真堵禦迫險立功乃湖南省竟未

勦捕疊經裕泰馳奏未據聲敘殲擒若干不

過舉其大概情形鋪張聲勢一奏塞責是湖

南將弁之不能調度兵勇之不用命已可概

見現在賊匪業已竄至湖南通道縣屬該處

奏

上

路通貴州若不亟籌堵剿深恐勾結苗獠蔓

延日甚裕泰業已馳至武岡州著仍遵前旨

散其黨與激勵紳勇認真搜捕務將首要各

犯迅就殲擒儻再遷延觀望任聽庸劣將弁

畏葸不前貽誤事機試思統轄兩省責無旁

貸其能當此重咎否耶至匪蹤逃逸靡定並

著鄭祖琛喬用遷閔正鳳各遵前旨多派弁

兵分投截擊尤在杜其勾結庶可剋日殲除

諒該撫等必能不失機宜也將此由四百里

各諭令知之○又諭寄諭伊犁將軍薩迎阿等御史張廷瑞奏新疆兵餉請酌量變通一摺新疆底定幾及百年歲調兵餉百餘萬該御史所奏屯田宜行開墾宜廣杜奸民之影射改換防之兵丁於國計民生大有關繫著該將軍等將所陳四條通盤籌畫酌量變通會同妥議具奏原摺著鈔給閱看將此各諭令知之○予廣西陣亡都司鄧宗武守備蘇秉華千總周榮祭葬世職○

上以恭上

大行皇太后尊諡自是日始齋戒三日○辛卯上詣永春宮問

皇貴太妃安○諭內閣鴻臚寺少卿劉良駒奏陳一摺前有旨令督撫切實保舉才德兼優之員大臣以人事君自應周知徧察秉公慎選惟外省積習相沿或有以保舉為捷徑者冒進濫登不可不嚴行申禁著直省各督撫力天公忠破除情面訪察屬員如果廉能足

稱務將實蹟臚列以聞其貪劣者嚴加甄別不准稍有徇徇儻所保不實將來犯有奸私劣蹟惟原保之督撫是問至於文武官員處分酌除苛細無使輕重歧異以及南河工用之樽節淮南鹽法之變通均著各該部悉心妥議具奏○諭軍機大臣等有人奏捕務廢弛請飭查辦一摺據稱奉天府復州城東百餘里有地名栗子寺四山險峻向有回匪等潛居其中竊掠鄉民牛馬勒贖變賣遠近居民無不受害地方官置之不問自上年十二月至本年二月搶劫重案層見疊出等語盛京為根本重地若如所奏緝捕廢弛以致盜劫肆行尚復成何事體著奕興書元文俊按照原奏各案嚴飭地方文武官員認真捕拏正賊務獲按律懲辦仍著將各案情形現在曾否破獲逐案據實覆奏不准隱飾取咎原摺著鈔給閱看將此各諭令知之○以南河防汛出力予道員法良等加銜升敘有差○

壬辰以恭上

大行皇太后尊謚前期遣官告祭

天

地

太廟

社稷

大行皇帝几筵○

上詣永春宮問

皇貴太妃安○遣官祭賢良祠○頒

書

示

御筆褒答倭仁手詔示大小臣工曰夫言不逆

耳不為諫今倭仁之言其庶幾歟然時異勢

殊或有難於必行者如彼引程顥所云擇天

下賢俊使得陪侍法從名雖甚善而實有難

行日與賢俊相處固與狎宦官宮妾之益相

去萬萬矣然賢俊之士或有才而無德日與

習者非翰墨之場即馳騁之樂反不如以禮

相接互相警戒之為善矣至於所言辨君子

小人之分洵為切直之言朕虛懷納焉嗣後

凡大小臣工尤須以國計民生為重有所見

聞剴切直陳以倭仁之直諫為法豈非朕之

幸歟○諭軍機大臣等裕泰馳奏賊匪竄聚

黔楚交界現復添調官兵並分派將領相機

進剿一摺據稱賊匪大隊屢次衝突雖經該

處兵勇殲擒多名該逆熟諳山徑屢從間道

逸出焚搶村市戕害官兵等語該匪現已竄

聚黔楚交界山內若不乘機堵剿致令四出

奔突為害何可勝言惟統兵貴專責成軍餉

書

示

尤應籌裕本日已由五百里寄諭調任提督

向榮飭令兼程前赴軍營並飭徐廣縉等迅

即籌撥銀二十萬兩委員星夜解交軍營以

濟要需如兵力尚單應如何添調官兵著裕

泰酌量檄調總期兵精糧足一鼓作氣掃蕩

餘氛且有廣西貴州追擊堵截趁此機會四

路進剿使該逆腹背受敵自無難聚而殲殲

全在該督詳察形勢激勵弁兵紳士同心勦

力勿失機宜勿存畏葸儻不知振作坐使逃

竄蔓延。糜餉勞師。該督身罹重咎。非惟無以對朕。其何以副

皇考簡擢重任耶。懍之勉之。將此由五百里諭知裕泰。並諭向榮知之。○又諭前已有旨。著向榮調補湖南提督。令其速赴新任。現在湖南勦匪軍務緊要。該提督接奉此旨。著即兼程迅速前赴湖南軍營。毋稍遲滯。將此由五百里諭令知之。○先是。山西巡撫兆那蘇圖奏清查口外各廳虧短銀米。仍照前案章程

追補。命定郡王載銓等議奏。至是覆奏。山西口外豐鎮等九廳。虧短各項。既無侵蝕重情。應即准照山西清查成案。照數追補。又據稱口外地多沙磧。民欠較多。現經委員履勘。如實有不堪種植者。准予題豁。豁缺遺糧。擇無礙游牧之荒地。試種撥補等語。查口外地方多係蒙古游牧之所。前於道光年間。歷奉諭旨。將各王公馬廠禁止開墾在案。今因豁缺遺糧。議以墾荒撥補。誠恐辦理不善。即於游

牧有礙。應令再行妥議。至稱道光十年以前漏豁民欠。應請補豁銀八百九兩零。查豁免民欠。向由地方官造冊開列年分數目。由該上司覈明奏請。從無漏豁補豁之事。若此端一開。恐紛紛效尤。實屬不成事體。所請應無庸議。仍令該撫將前欠銀八百九兩零。或勒限催追。或設法彌補。附入奏銷冊籍。報部備查。從之。○撥廣東司庫銀二十萬兩。解赴湖南。以備軍需。

晉錄杏

十九

大清文宗協天翊運執中垂謨懋德振武聖孝淵恭端仁寬敏顯皇帝實錄卷之四

大清文宗協天翊運執中垂謨懋德振武聖孝淵恭端仁寬敏顯皇帝實錄卷之五

世修我官經進月得赴唐准官太寸太係上書乃總師傳文淵閣領閣事翰林院掌院學士稽察欽奉上諭事件處國史館總纂官五其修

大興寺管理諸事務加十三級起錄十四次臣賈毓堂奏總裁官理巡講官太子太保文淵閣領閣事武英殿編纂官教習庶吉士體仁閣

大正十一年戶部三庫事務官增補事務加二十三級紀錄十六次。江戶橋塔邊農官太子少保管理內務省唐下藩對引大臣軍機大臣

鎮忠張州都統戶部尚書管理三庫事務加四級隨帶加五級紀錄十二次臣等鑒通義官照道撰官杜德殿敷其清文指達上書居總

南火燒城。官正監獄。方都統領。萬書堂人。幸平陽。遂至王珍。口四級。直下八人。及犯賊五火。臣奏卜畢。帝手奉。

敕修

道光三十年庚戌三月癸巳朔

上素服詣太和門恭閱

大行皇太后

尊諡

冊

寶行禮畢還圓明園詣綺春園更編素恭候

冊

寶至

上
韻

大行皇太后几筵前行禮○恭獻

冊

寶

冊文曰

道協坤元樹

壺儀而著範

化均義曜襄

祖烈以垂模嚴對越之

鴻名虔伸玉策仰肅雍之

懿行彩煥璆函欽惟

皇祖妣大行皇太后華閼鍾祥。

椒塗正位

蘭殿表安貞之度。

璇闈式敦厚之型。含章而

德懋徽柔體順而

儀昭光大

躬節儉以彰令則深宮成澣濯之風

本愷悌以布鴻庥寰海溥

仁慈之化回疆底績臚歡特晉乎

徽稱	壽寓延釐	介福壘膺夫	慶典惟	令德常綿第祿秩枯無疆宜	慈躬益懋升恆揚麻未父何	升遐之忽遽竟攀慟以難追率土均哀	重聞永隔緬思	芳矩	儀範如親仰溯	遺規顯揚莫罄用推原於百行	孝思徵不匱之忱更聞實於千秋	和氣乃致祥之本集僉言而咸翕垂萬禩以無	窮謹奉	冊	寶上	尊諡曰	孝和恭慈康豫安成應天熙聖睿皇后於戲鏤
----	------	-------	-----	-------------	-------------	-----------------	--------	----	--------	--------------	---------------	--------------------	-----	---	----	-----	--------------------

清 實 錄 道光三十年三月上

赤文而衍慶宜特隆冠古之聲鐫華玉而揚	芬庶稍展追崇之悃伏冀	慈靈默佑	神貺式憑	寶錄常新等球圖而並重	隆名周極與日月以齊昭祇備	崇儀茂昌景祚謹言○詣永春室問	皇貴太妃安○遣官祭	先靈之神○以都察院左都御史柏復為兵	部尚書○以正黃旗滿洲副都統惠豐為正	藍旗漢軍都統○贈故兵部尚書保昌太子	太傅予祭葬諡敬僖○甲午	上詣正大光明殿	几筵前供奠○詣永春室問	皇貴太妃安○以恭上	孝和睿皇后尊諡禮成頒詔天下詔曰朕惟坤	貞示範瓊闈協厚德之承履順詒庥鏡海仰	隆名之著緬含宏於壺掖竹蔭垂慈闈懿嫺
-------------------	------------	------	------	------------	--------------	----------------	-----------	-------------------	-------------------	-------------------	-------------	---------	-------------	-----------	--------------------	-------------------	-------------------

於家邦。萬覃溥化。惟至行為宮庭所重。斯徵	音與宇宙同流。欽惟	皇祖妣孝和皇后。	德式肅雍。	教敷柔順。儀天下而為	大母。共戴尊親。合宮中知有	聖人。咸深儼恪。	儉能養德。淳風洽自編茅。	敬以持躬。雅化彰於保艾。燕翼之源流既遠。鴻	基之矩矱常存。溯自	皇考大行皇帝。膺圖已紀卅年。娛	志直如一日。塵清函夏。賴	厚祐以併懋。	園侍綺春。迓	歡心於尊養。	蘭馥表潔。欣禹甸之昇平。	椒殿怡神。	備箕疇之福壽。靖邊陲而特崇
----------------------	-----------	----------	-------	------------	---------------	----------	--------------	-----------------------	-----------	-----------------	--------------	--------	--------	--------	--------------	-------	---------------

懿號祝	純嘏而疊播宏庥。慶典頻頒。晉	隆稱於一十二字。	洪釐懋集。介繁祉於億萬千齡。	慈恩冀自此引長。前史真罕有倫比。詎意	春暉頓隔。徒留遺慕於	璇闥。愛景難追。遽痛歸	神於珠闕。企	深仁而同符高厚。審	上諡而莫罄推崇。於道光三十年正月初五日	奉	皇考大行皇帝諭旨。恭上	尊諡。稱曰。	孝和恭慈康豫安成應天熙聖睿皇后。	性成至孝。芳型聿煥。夫黃裳。	德蘊太和雅範。允貽於彤管。當	先帝撫誡之日。	鳳綍將宣。洎冲人嗣統之時。
-----	----------------	----------	----------------	--------------------	------------	-------------	--------	-----------	---------------------	---	-------------	--------	------------------	----------------	----------------	---------	---------------

鴻慈可溯是用恪修鉅典謹擇良辰祇告	天	地	宗廟	社稷於三月初一日率諸王貝勒文武羣臣恭奉	冊	寶上	尊諡曰	孝和恭慈康豫安成應天熙聖睿皇后	仁徽丕著撫報本而恩深	聖善孔彰念追崇而志肅	孝既隆夫不匱慎守詒謀福惟衍以無疆永資	遺澤既展加尊之禮宜推錫類之仁所有應行	事宜開列於左	歷代帝王及	先聖先賢陵墓所在地方官隨時察看酌量	修葺守護丁內外大小各官除現在品級從
------------------	---	---	----	---------------------	---	----	-----	-----------------	------------	------------	--------------------	--------------------	--------	-------	-------------------	-------------------

前已得封贈外其升級改任者著照新銜封贈一滿漢孝子順孫義夫節婦該管官諮訪確實奏聞禮部覈實旌表丁貢監生在監肄業者免坐監一月丁在京各省軍流以下人犯分別減等發落丁各省養濟院所有鰥寡孤獨及殘疾無告之人有司留心養贍丁窮民無力營葬並無親族收瘞者地方官擇地多設義冢掩埋毋使暴露於戲女中尊堯舜之稱光昭萬國域內景	如任之德譽重千秋布告中外咸使聞知○以吏部左侍郎花沙納為都察院左都御史調兵部左侍郎瑞常為吏部左侍郎工部左侍郎恩華為兵部左侍郎禮部右侍郎廣林為工部左侍郎以內閣學士瑞麟為禮部右侍郎○轉京營右翼總兵福濟為左翼總兵以吏部左侍郎瑞常兼右翼總兵○調正黃旗蒙古副都統豐伸為正黃旗滿洲副都統以刑部右侍郎恆春兼正黃旗蒙古副都統○
---	--

改派兵部右侍郎慶祺知貢舉○乙未
上詣永春室問

皇貴太妃安○諭內閣御史文光奏特交查議
事件未據覆奏恐各省相率效尤等語奉天
沒溝營田莊臺等處為糧商囤聚之所有匪
徒把持行市設立私斗前經奉

旨交該將軍等查議裁汰已逾一年之久未據
確實覆奏實屬延緩著該將軍等迅將如何
緝私納課之處遵照前

旨據實具奏並將該御史所指串通關稅私放
偷漏之水經紀及報船店各匪犯按名拏獲
從嚴究辦毋再玩延至各直省有前經奉

旨交查事件含混積壓不行覆奏者著各該督
撫迅即詳查具奏毋稍稽延致滋咎戾將此
通諭知之○又諭御史黃兆麟奏急籌三事
一摺保甲為弭盜要務無如積久生玩有司
視為虛文大吏置之不問鄉保甲長既不得
其人盤查守禦諸法廢弛甚至窩藏匪類旬

引奸究是安民適所以害民不可不急思整
頓著各直省督撫嚴飭各州縣力復舊章實
心辦理並飭該管各官隨時巡查毋少疏懈
儻有搶劫及教匪各案即將州縣官從嚴叅
處至社倉廣建尤為備荒善政果能勸導有
方紳富亦樂於輸納著飭各州縣按照里數
酌設社倉勸令富民捐輸米石以備積儲斷
不可令胥吏經手致滋弊端儻能辦有成效
准其將捐輸姓名奏請議敘各省營務捍禦

攸資若如所奏操防訓練視為具文提鎮參
遊役使兵丁發餉剋扣種種弊端廢弛已極
著各督撫提鎮嚴率所屬實力操防嚴除積
弊毋稍瞻徇各省大吏受

皇考簡任重恩安民養民及武備各要務宜如
何悉心經畫覈實認真以圖報稱經此次曉
諭之後儻仍奉行故事有名無實除將該地
方文武各員從重懲治外定將該督撫提鎮
一併嚴懲不貸勿謂言之不早也將此通諭

知之○大學士潘世恩因病賞假命大學士卓秉恬署管理戶部事○丙申

上詣正大光明殿

几筵前供奠○詣永春室問

皇貴太妃安○協辦大學士陝甘總督琦善以
大行皇帝升遐奏懇節哀懇陳下悃得旨爾惟
於陝甘弊政實力整頓破除情面痛改積習
尤須慎爾廉隅慎終如始庶不負

皇考再造之恩未有己不正而能正人者勉之

慎之○丁酉

上詣永春室問

皇貴太妃安○諭內閣御史陳枚奏稱病民積
弊一摺課吏之法以去害民者為先各省漕
務積弊久經禁革如該御史所奏州縣不恤
民困多有借催科為賸削者當此整飭庶政
之時該督撫首當痛戒屬員務各肅除錮習
毋得浮收勒折與小民升斗相爭至鹽法先
在恤商若以招商病民勢必望風退避於國

課殊有關係非大吏秉公覈辦將何以整肅
嵯網耶其尤為害民者莫如縱蠹縱賊兩端
若不明查暗訪將貪劣玩縱之員嚴參民何
以安如有吏役把持公事以及盜賊窩贓著
各督撫實力懲辦不得因循玩忽自干咎戾
將此通諭知之○諭軍機大臣等有人奏山
東日照縣知縣黃虎臣侵用官項百計聚斂
諸城縣知縣何堂藉案索詐贓私纍纍單縣
知縣徐麟濫用非刑串通諱盜等語若如所

奏各該員貪酷昭著以牧民之官竟致民不
聊生可恨已極陳慶偕甫經到任無所用其
迴護著即按照所參各款嚴密查明悉心訊
究按律定擬具奏儻稍涉徇縱致有不實不
盡山東距京甚近經朕訪聞或別經發覺不
難另派大員前往查辦該撫彼時代人受過
身罹重咎不惟無以對朕其何以對山東官
民耶懍之原片著鈔給閱看將此諭令知之
○又諭有人奏貴州苗匪肆劫上年十二月

聞有雲南舉人王湜等九人同行至黃平州遇苗匪百餘人持械攔劫銀物一空。家丁人夫並皆身受械傷。實緣近年黔省苗匪糾聚愈多。不但商民時被劫殺。且有焚掠鄉村。淫擄婦女之事。大吏意存消弭。州縣瞻徇不理。等語。若如所奏。貴州地居竄遠。苗匪抗官藐法。擾害閭閻。莫此為甚。著喬用遷接奉此旨。迅飭文武員弁。按照所奏情節。嚴密偵緝。務期賊匪並獲。大加懲辦。其有聚眾滋事。難以理喻者。並著設法解散。勿令養癰貽患。儻延案不辦。仍致搶掠肆行。即將辦理不善之地。方官從嚴叅懲。斷不准姑容取咎。懍之慎之。原摺著鈔給閱看。將此諭令知之。○戊戌。

上詣正大光明殿

几筵前供奠。○詣永春室問

皇貴太妃安。○諭軍機大臣等。喬用遷馳奏湖南匪徒竄偏黔境。嚴飭堵剿一摺。此次湖南逆匪滋事。先已竄往廣西。經該處兵弁奮力

追擊。隨即折回楚境。往來奔突。旋復竄偏黔省。疊經降旨。飭令該撫調集官兵。分投截剿。茲據奏稱。探聞匪徒逃竄。偏近黎平府屬。又據裕泰飛咨。賊匪自懷遠之葫蘆江過渡。竄入貴州地界。業經調派兵勇。分防要隘。並籌備應需兵糈。自不致有疏虞。惟該省山叢路險。苗蠻雜處。一經逆匪竄入。必致勾結蔓延。為患匪淺。著喬用遷嚴飭將弁。務於毗連要隘處所。密加巡防。儻遇賊匪奔竄。即著親督兵勇。不分畛域。奮力殲除。總期匪蹤淨絕。疆圉肅清。方為不負委任。將此諭令喬用遷。並諭令秦鍾英知之。○以大學士卓秉恬為會試正考官。吏部尚書賈禎。都察院左都御史花沙納。兵部左侍郎孫葆元。為副考官。○己亥。

上詣綺春園迎暉殿

孝和睿皇后几筵前供奠。○詣永春室問

皇貴太妃安。○調廣東高州鎮總兵官余萬清。

為四川北鎮總兵官○庚子

上詣正大光明殿

几筵前供奠○詣永春室問

皇貴太妃安○以工部尚書杜受田兼署吏部

尚書○辛丑

上詣永春室問

皇貴太妃安○諭內閣本日據裕泰由四百里

馳奏官兵獲勝賊勢窮蹙現在催兵分勦一

摺據稱本年二月十三日賊匪竄至靖州哨

圍地方經護提督孫應照派令千總哈心發

等帶領兵勇槍械兼施殲斃多名並生擒夥

匪吳志全等三名十六日夜追至大石橋地

方擊斃賊黨二十餘人生擒謝安南等十五

人遊擊李英等於十九日馳抵地平突有賊

匪四千餘人分作二隊撲擁前來我兵兩路

夾攻賊始大潰共計轟斃賊眾五百餘名現

在賊多逃散勢甚窮蹙等語該逆等始踞城

池抗拒官兵繼復肆行竄擾屢戕官弁殊堪

痛恨現在我兵既獲勝仗正可乘此機會大

振軍威翦除黨與迅將首要各犯盡數追剿

其脅從之人僅只隨行並無助虐之事務當

訊明解散如有將脅從老弱劉級獻功反致

正賊漏網一經發覺定將冒功之人治罪至

勦辦初次得手尤須倍加小心斷不可因偶

獲勝仗稍涉驕惰其粵黔兩處防堵亦勿稍

形弛懈總期同心勦力將賊匪剋日蕩平以

靖邊圉而安黎庶將此通諭知之○諭軍機

大臣等本日據戶部遵議陸建瀛奏准嵯輿

利除弊一摺據原擬各條如按舊科則酌減

外費酌復額引加帶乙鹽均以輕成本而恤

疲商永禁整輪覈實岸費以及刪除繁文務

歸簡易亦與從前奏案相符至改捆鹽包以

剔除弊混分年批補以調劑災商均屬妥協

已依議行矣惟分岸運銷一層水販領照之

後不由地方文武員弁稽查能否不致越界

侵灌有礙鄰省引地且改運九江已寓行票

之意如何杜絕奸商。不令詭名領票致鹽引虛懸。同課無出事窮則變。固不能拘泥舊章而創始之時。必須熟籌全局。為可大可久之計。其綱食科則請歸一律。官定場價。以免居奇兩條。亦皆議改章程。有無窒礙。殊難懸揣。該督身膺重寄。當國用支絀之時。獨能不避嫌怨。力籌整頓。於淮嵯疲極之秋。籌補偏救弊之策。但於此三層。果否確有把握。可以久行無弊。並如何嚴禁竈私。均未據切實指陳。著該督博採旁諮。秉公妥議具奏。又戶部片奏裁費為救弊要著。淮南與漢岸。必須相助為理。設再任不肖官吏。藉詞掣肘。相率阻撓。是名為革除浮費。而仍託諸空言。妄望日有起色。著陸建瀛咨商各該督撫。不分畛域。督飭所屬實力會辦。務須破除情面。不顧己私。一洗向來惡習。是為至要。前據給事中曹履泰奏。請復窩單。以符舊制。並陳利弊八條。一摺。於現在辦理情形。有無可以採擇之處。著

鈔給閱看。該督肩此鉅任。責無旁貸。朕深加倚賴。惟當堅持定力。認真辦理。中飽之弊。亟應禁革。所論裁減浮費。必不便於貪蠹官吏。儻有掣肘阻撓之員。即行叅辦。但須著有成效。方為不負委任。設將來並無起色。甚至日見疲敝。朕惟該督是問。將此諭知陸建瀛。並諭令裕泰。王植。費開綬知之。○又諭有人奏本年二月初一日。有雲南舉人羅羣書馬長春黃榛。向丹綸等。於直隸柏鄉縣之張村。突遇盜匪數十人。執械持刀。搶去銀兩衣物。並谷丈火牌等件。車夫身受重傷等語。該處距京纔八百里。如果似此剽掠公行。捕務實屬廢弛。著訥爾經額。即查明飭屬嚴拿賊犯。務獲究辦。儻該縣有縱盜及諱飾情弊。即著嚴叅不得顛預了事。將此諭令知之。○又諭前因有人奏貴州苗匪肆劫。當即寄諭該撫嚴飭訪緝。茲復有人奏稱貴州鎮遠府屬之革夷寨苗匪。以搶劫為事。首匪盤踞寨中。設有

頭目該寨為匪等巢穴有五六百戶之多。附近各寨聽其驅使。並製有槍礮器械。分掠鄉村。劫殺姦淫。無所不至。經紳耆約甲呈報。地方官畏蒞姑容。延宕至今。又片稱滇黔兩省之赴試北來者。被苗匪劫去衣服銀兩。已有九案等語。除暴安良。疆吏之責。果能弭患於未形。何至苗匪肆劫。毫無顧忌。著喬用遷。懾遵前旨。督飭文武員弁。將首從各苗匪嚴密購拏。按律懲辦。毋令一名漏網。平時藉詞經費無出。現當楚匪滋擾。毗連黔界。該撫已籌款調兵。即可以剿楚匪之兵餉。兼為撫黔苗之費用。一舉兩得。孰便於此。儻該地方文武。剿撫無方。藉詞諱飾。但願目前不思後患。著即從嚴叅處。喬用遷受。

簡昇重恩。宜何如激發天良。整頓地方。以圖報稱。如玩泄從事。致苗匪鳴張。或與楚匪勾結煽動。朕惟喬用遷是問。恐不能當此重咎也。懍之。原摺片著鈔給閱看。將此諭令知之。○

貸湖南安鄉縣修築堤垸銀。○壬寅。

上詣正大光明殿

几筵前供奠。○詣永春室問

皇貴太妃安。○諭內閣。前據禮部遵議

皇考大行皇帝聖諱上一字。擬以靈明字樣改

避下一字。擬以安定靜康字樣改避。今據大

學士耆英奏稱。天下省郡州縣名印以下一

字誌禎祥者甚眾。四海臣民藉獲嘉休。似可

仍遵嘉慶二十五年欽奉

諭旨。中間避寫一畫一撇與

高宗純皇帝聖諱下一字。避從止字之

命意相合等語。著照所請。所有宮殿廟宇舊名

及各省地名官名。均著毋庸改易。凡奏章文

移遇有援引官殿地名官名

聖諱上一字。即照禮部所擬。以靈明二字恭代

遇下一字。仍遵

聖諭。中間避寫一畫一撇。不從心字。毋庸以安

定靜康四字代易。非此概不准用。仍應敬避。

該部即行通飭一體敬謹遵行○又諭通政使羅惇衍所奏甚是臚陳往蹟勸朕以學實出有愛君之誠庶慰朕求諫之心其奏請保舉京員及廣闊言路等語外省司道以下文武各員曾降旨令各督撫等保舉以備簡用至在京部院各衙門例有京察截取保送京堂御史等官該臣等身受

皇考重恩天良具在斷不致有蔽賢之患著再飭諭在京部院大臣各舉所知果有品學純

正才德出眾之員無論京外家居准其保奏均俟召對後再降諭旨設後來名實不符或竟犯有奸贓劣蹟惟原保之大員是問至於督撫提鎮學政藩臬本有言事之責惟近來率多循例敷奏於用人行政諸大端自願身家緘默不言非藉口於整頓不易即恐眾怨歸己均未能剴切直陳於政體毫無裨益嗣後各該督撫提鎮學政於政事有關得失者著據實臚陳備朕採擇其藩臬兩司亦許各

抒所見密封交本省督撫代為呈奏以副朕明目達聰集思廣益至意將此通諭中外知之○命葉爾羌幫辦大臣純壽留京賞前任陝甘總督布彥泰三等侍衛為葉爾羌幫辦大臣○以兩江督標中軍副將恩長為浙江衢州鎮總兵官○癸卯

孝賢純皇后忌辰遣官祭

裕陵○

上詣綺春園迎暉殿

孝和睿皇后几筵前行月祭禮○詣永春室問皇貴太妃安○諭內閣左副都御史文瑞奏陳四事朕詳加披閱所論剴切真摯深協朕懷並錄進乾隆元年左都御史孫嘉淦三習一弊疏其論為君之道洵屬切直精深堪為聽言臨政之助臺端為言路表率文瑞首進讜言朕虛懷納受諒九卿科道斷不緘默畏蒞負朕諄切求言之意也○又諭禮部侍郎曾國藩奏陳用人三策朕詳加披覽剴切明辯

切中情事深堪嘉納連日左副都御史文瑞大理寺卿倭仁通政使羅惇衍等各陳時事朕皆降旨褒嘉其通政使司副使王慶雲鴻臚寺少卿劉良駒及科道等摺均分別准行交議如該侍郎摺內所請保舉人才廣求直言屢經降旨宣示諒內外大小臣工必能激發天良仰體虛懷弼予郵治惟便殿日講為求治之本我

聖祖仁皇帝登極之初即命儒臣逐日進講無

間寒暑朕紹承

丕業夙夜孜孜景仰

前徽勉思繼述著於百日後舉行日講所有一切應行事宜著各該衙門察例詳議以聞○諭軍機大臣等奏用遷馳奏遵旨防堵匪徒添兵協剿一摺此次湖南逆匪竄入粵黔往來奔突前日已據裕泰奏獲勝仗正可乘此機會深入窮追惟貴州山路叢雜苗蠻錯處清江一帶盜賊充斥雖據該撫奏稱另案獲

盜三百餘名恐倖逃者尚復不少儻經楚匪勾結必致蔓延日甚著著喬用遷嚴飭文武員弁親督現調官兵分布要路晝夜密防遇有賊黨潛入即行盡數殲擒毋任一名漏網至拏獲後訊明如只被脅隨行並無助虐情事即當設法解散一面傳諭招降肅清黨與若訊證實已從逆攻城戕官罪在不赦又不可養癰貽患全在該撫調度有方安良除莠方不負委任也將此諭令知之○安徽巡撫王

植奏報校閱各營所用糧礮多不輕利庫中舊有擡槍四桿捐廉做製分發各營隨時演放臣本書生不諳戎事但閒暇時講求製造終勝於倉卒所成得旨爾既不諳戎事但須實力講求講求既久自有熟諳之時斷不可以此為推諉地步○開復衍聖公孔繁灝革職留任處分○調英吉沙爾領隊大臣特克星額為喀什噶爾辦事大臣賞頭等侍衛富隆阿副都統銜為英吉沙爾領隊大臣○甲

辰

上詣正大光明殿

几筵前供奠○詣永春室問

皇貴太妃安○

孝德皇后殯宮月祭遣官行禮○諭內閣鄭祖

琛閱正鳳馳奏楚匪竄至粵界官兵大獲勝

仗一摺此次楚匪竄入三省交界地方分投

滋擾拒捕戕官前經裕泰奏獲勝仗賊膽已

落本日復經鄭祖琛奏報疊次接仗大挫賊

書卷六

鋒官兵紳勇志切同仇奮勇爭先不遺餘力

所辦甚屬妥協鄭祖琛閱正鳳調度有方均

著交部議敘其餘在事文武員弁有始終尤

為出力者酌保數員候朕施恩毋許冒濫該

撫惟當振作精神激勵士卒會同楚黔官兵

同心協力將逃散餘匪盡數殲擒切不可稍

涉驕惰以靖邊疆而安黎庶將此通諭知之

○乙巳命工部員外郎文彩禮部員外郎聶

澐每日一員以次聽候召見○改鑄江蘇學

政關防從學政青麐請也○丙午

上詣正大光明殿

几筵前行月祭禮○詣永春室問

皇貴太妃安○嚮夕復詣

几筵前供奠○丁未

上詣永春室問

皇貴太妃安○命光祿寺卿許乃普在南書房

行走

實錄卷五

五

大清文宗協天翊運執中垂謨懋德振武聖孝

淵恭端仁寬敏顯皇帝實錄卷之五

臣等謹將起居法管太子太保上書房總師傅文淵閣領事翰林院掌院學士稽察外奉上諭事件處國史館總裁官式典

大學士掌理兵部事務加十三級紀錄十四次
賞補兼不題奏官經選官太子太保文淵閣領閣事
又於康熙間官教習歷官士體仁閣

大學士管理戶部三庫事務管理刑部事務加二十三級紀錄十六次_臣周祖培總纂官太子少保管理內務府事務欽引大臣軍機大臣

鎮監學洲郡院戶部尚書管理三庫事務加四級隨帶加五級紀錄十二次臣等蒙總裁官擬進請官引德祿祿督清丈謹達上書房總稽

達因史館題成日正藍旗家古都頭禮部尚書管理太常寺鴻臚寺事務加二級筆功加四級隨帶加八級紀錄五次臣倭什穆布崇奉

道光三十年庚戌三月戊申

皇貴太妃安○諭軍機大臣等喬用遷馳奏楚

匪竄入黔境。現在追剿情形一摺。此次逆匪

由湖南竄擾粵黔兩省交界已據裕泰奏報

督兵迎勦獲勝復據喬用遷鄭祖琛各奏堵

擊追捕並有斬擒。豐經降旨。令各該督撫激

勵兵勇。乘勢殲除。勿任蔓延。貽患。茲據喬用。

遷奏稱該省文武各官分路堵剿行抵空洞

山梁賊匪蜂擁而至。該文武員弁督率兵勇。

平家末六

昌陵前期遣官告祭

天	天
---	---

地

太廟

社稷○壇

奉先殿

上親詣告祭

大行皇帝几筵○詣綺春園迎暉殿

孝和睿皇后几筵前行百日祭禮○詣永春室問

皇貴太妃安○諭軍機大臣等吏部尚書文慶保奏前任刑科給事中蘇廷魁才堪簡用請飭來京供職著徐廣縉葉名琛即查明該員是否在籍能否來京候簡據實具奏將此諭令知之○鎮國公永康輔國公載岱恭甯鎮總兵官德春奏

大行皇太后梓宮暫安

昌陵

隆恩殿謹即籌議添派官兵敬謹守護仍率領該總管等不時進內周歷巡查以昭慎密得旨今

梓宮暫安在

隆恩殿時日既久所關甚大除德春有地方之責外爾二人應輪流在彼長川住宿或日間在署辦公至晚間再往住宿亦可若寓所離昌陵不甚遠不時稽察毋庸住宿亦可要之守

護辦公不致有礙勤力率屬不可盡委之員弁也其如何住宿之處著妥議以聞所議添設兵弁俱依議○庚戌

上詣永春室問

皇貴太妃安○諭內閣陸建瀛傳繩勛奏清查未能剋期完竣懇請展限等語江蘇各屬道光二十五年以後清查倉庫錢糧因勘災查賑未能兼顧案卷間有漂失藩司署任未久未及次第勾稽著准其展限四箇月該督等

即飭藩司督同局員上緊逐款查覈趕造各冊迅速藏事不准稍有舛錯遺漏如再逾限不結隨時奏參毋任延宕以昭覈實○諭軍機大臣等奏用遷馳奏遵添官兵堵截賊匪一摺此次楚匪竄入黔界疊經降旨令該撫多派官兵分路堵截茲據奏稱黎平府前後所調兵勇已有四千餘名尚堪驅策並據查明實無苗人出境勾結亦無逸盜涸跡等語著仍遵前旨嚴飭官兵激勵士卒迅

將首要各犯剋日殲擒一面徧行曉諭散其
叢脅俾免日久蔓延儻在事文武稽察不密
致有苗蠻盜賊勾通楚匪鴟張為患朕惟該
撫是問恐不能當此重咎也將此諭令知之

○以

孝和睿皇后梓宮暫安迎暉殿加賞綺春園外
園添派值班兵丁一月錢糧○以

孝和睿皇后梓宮奉移

昌陵賞修墊道路步甲等半月錢糧○頒賜衍

聖公孔繁瀨歷代通鑑輯覽○以修建喀喇
沙爾城垣予出力人員升敘有差○辛亥

上以

孝和睿皇后梓宮發引前期詣綺春園迎暉殿

孝和睿皇后几筵前行祖奠禮攀戀呼號備極

哀慟王以下文武大臣官員俱舉哀行禮

申刻復詣

孝和睿皇后几筵前行辭奠禮○諭內閣吏部

尚書文慶保舉之直隸宣化府知府炳綱刑

部尚書陳孚恩保舉之湖北候補知縣饒拱
辰禮部侍郎曾國藩保舉之江南陞署淮陽
道嚴正基浙江秀水縣知縣江忠源均著各
該督撫迅即飭令來京交吏部帶領引見伺
候召見○禮部以宗室會試中額請得旨取
中二名○江蘇巡撫傅繩勛奏白茆河年久
淤塞海口石牆啟閉不能見功必須移建距
海較遠之老腦橋地方現已議定挑辦得旨
依議妥辦○以

孝和睿皇后梓宮奉移

昌陵免經過地方本年額賦十分之五易州十
分之七○壬子

孝和睿皇后梓宮發引

上詣

几筵前奠獻擗踊哀慟屆時奉移

梓宮出迎暉殿至綺春園門外升

大昇輿啟行

上攀掖呼號步引至大紅橋跪送祇候

梓宮過號慟不已王以下文武大臣等叩請節哀至於再四

上乃盡哀悵立良久始還圓明園命惠親王綿愉恭送

梓宮暫安

昌陵

隆恩殿○詣永春室問

皇貴太妃安○諭軍機大臣等昨據協辦大學士戶部尚書祁寯藻保奏前任翰林院修撰

劉鐸才堪簡用請飭令來京供職著費開緩

查明該員現在有無事故能否來京供職據

實具奏將此諭令知之○江西巡撫費開綬

奏廬陵縣抗糧刁徒楊習堂聚眾拆毀鄉徵

糧局吉水縣知縣楊昇帶兵拏辦該匪徒輒

敢持械抗敵拒傷兵役知縣陳雋先行撤任

遴委楊曉昀署理責成拏辦得旨嚴行查辦

○癸丑

上詣正大光明殿

几筵前供奠○詣永春室問

皇貴太妃安○遣怡親王載垣詣

孝德皇后殯宮行百日祭禮○以通政使司副

使王慶雲為詹事府詹事○甲寅

上詣永春室問

皇貴太妃安○諭軍機大臣等穆騰額等奏達

賴喇嘛等徵阿齊圖諾們罕聞

大行皇太后

慈馭升遐不勝哀泣叩請

聖安呈進佛尊哈達並率集各喇嘛盡心諷經

修造善事一摺正月十四日當

皇考大行皇帝大故朕曾降旨諭令應行來京

呈進丹書克之使臣堪布等均俟二十七月

後再行來京茲達賴喇嘛等徵阿齊圖諾們

罕聞

皇祖妣大行皇太后大故即出至誠率集眾喇

嘛等於諷經畢會同班禪額爾德尼差派使

臣堪布等恭請

聖安。殊屬可嘉。惟思

皇考大行皇帝大故之信。此時計可抵藏。該達賴喇嘛聞之。自必出於至誠。差派使臣堪布等。恭請聖安。呈進丹書克。著穆騰額等轉行曉諭達賴喇嘛等。即將

皇祖妣大行皇太后大故。及

皇考大行皇帝大故。遣派堪布一分來京。且將朕體恤達賴喇嘛之意。轉行曉諭。並著賞給達賴喇嘛。珊瑚念珠一串。椰子念珠一串。大

荷包一對。小荷包四箇。賞給喀爾喀阿齊圖諾

們罕。水晶念珠一串。大荷包一對。小荷包四

箇。均著於抵藏之時。轉行賞給。○改鑄兩江總督中軍營遊擊關防。從總督陸建瀛請也。

○乙卯

上詣永春室問

皇貴太妃安。○諭內閣。裕泰奏。逆匪在城逃竄。

文武大員疏於防範。請俟事竣後詳查一摺。

馮德馨身任巡撫。遷延貽誤。咎無可辭。著即

行革職。仍著來京聽候查辦。餘著照所擬辦

理。○諭軍機大臣等。據裕泰奏。喬用遷馳奏。堵

剿逆匪情形各一摺。此次楚匪竄入黔境。屢

遭懲創。勢將窮蹙。現已竄回。且據現獲之犯

供稱。分途於湖南廣西探信。明係恃其翻山

便捷。希圖乘間滋擾。既據喬用遷咨會提督

秦鍾英。選帶得力官兵。相機會剿。該匪等被

追情急。自不能不折回湖南。況據裕泰奏稱。

審度賊情。非直趨廣西之西。延全州。即從五

排折回楚省。若在沿邊苗疆地界堵剿。散漫

難圖。不如虛留一路。引其竄回。為聚而殲。旃

之計等語。是此時匪蹤奔突。折回楚省。若裕

泰再不乘機督剿。尚待何時。著裕泰激勵兵

勇。四面圍捕。毋令該匪乘間逃逸。以致滋蔓

難圖。並著喬用遷知會粵西督飭員弁。併力

夾攻。以期不留餘孽。是為至要。將此各諭令

知之。○湖廣總督裕泰奏。各營官兵會剿新

甯縣匪徒。現在添調官兵較多。需銀接濟。請

在司庫酌撥銀九萬兩解濟軍營以供支用。

下部知之○丙辰

孝和睿皇后梓宮至

昌陵惠親王綿愉遙向

泰陵

泰東陵恭代行禮至

隆恩門惠親王綿愉詣

仁宗睿皇帝神牌前恭代行禮安奉於

隆恩殿西間○遣官告祭

奉陵

泰陵

泰東陵

昌陵並

后土

永寧山之神○

上詣正大光明殿

几筵前供奠○詣永春室問

皇貴太妃安○諭軍機大臣等有人奏大興縣

屬之西營東安縣屬之東營通州所屬之余

家府各地方回民多搶奪勒贖之事天津府

城匪徒聚會名曰鍋夥索擾鋪戶貨船本年

正月有拆毀住房一案又定興縣姚村鎮正

月間有錢鋪被賊明火持械劫去錢文衣服

一案易州東關於本月有騎馬賊匪百餘人

施放火槍打劫布鋪銀兩布疋並砍傷鋪夥

三人捆縛數人一案其賊均未弋獲又涞水

縣已革武生曹漢廣膽敢嘯聚賊盜主使強

劫開拏拒捕種種不法等語畿輔重地亟宜

除莠安良若如所奏是盜賊橫行商民被擾

緝捕之不力已可概見不可不急加懲創著

卓東恬陸應穀訥爾經額嚴飭文武員弁迅

速查拏從重懲辦如有地方官諱盜彌縫緝

捕懈弛分別嚴叅毋稍姑息以儆奸宄而安

善良原摺著鈔給閱看將此各諭令知之○

又諭前據戶部議覆陸建瀛奏淮鹺興利除

弊並給事中曹履泰奏復窩單各一摺當交

陸建瀛悉心妥議期為經久之計茲據御史

周炳鑑奏淮南改票未可輕行等語著陸建瀛按照所奏體察情形統籌全局總期確有把握計出萬全方為不負委任原摺著鈔給閱看將此諭令知之○又諭南河外南同知婁晉先經楊殿邦奏參該員辦理灌塘事宜甚為草率奉

旨暫行革職旋據福濟陸建瀛會同楊殿邦楊以增以塘河挑工及灌塘事宜均非婁晉經手即經加恩開復嗣據楊殿邦奏稱福濟等

將婁晉聲請開復係屬歧誤請將婁晉嚴加議處當令福濟據實覆奏據稱前請開復係查照舊章會同督臣漕臣河臣商辦未敢歧誤是以仍准開復茲有人奏大臣舉劾不應各執意見朕思該督等同在工次自必同有見聞楊殿邦等先嚴參而後請開復福濟所稱循照舊章是否確有例案楊殿邦既已會請開復於前何又獨請嚴議於後種種意見紛歧殊不可解著陸建瀛楊殿邦楊以增即

將辦理歧異之故明白回奏毋稍迴護將此各諭令知之○禮部以會試中額請得旨滿洲取中六名蒙古取中一名漢軍取中五名直隸取中十八名奉天取中二名山東取中十五名山西取中七名河南取中十八名陝甘取中十六名江蘇取中十四名安徽取中十名浙江取中十七名江西取中十六名湖北取中八名湖南取中七名福建取中九名廣東取中十一名廣西取中六名四川取中

八名雲南取中七名貴州取中六名○以雲南布政使駱秉章為湖南巡撫雲南按察使

張亮基為布政使廣東南韶連道梁星源為

雲南按察使○丁巳以

孝和睿皇后梓宮安奉

昌陵

隆恩殿遣惠親王綿愉恭代行饗奠禮○

上詣永春室問

皇貴太妃安○貸福建金門鎮標兵存營穀價

銀○戊午

上詣永春室問

皇貴太妃安○諭內閣刑部尚書阿勒清阿保舉之直隸通永道譚廷襄廣東惠潮嘉道張春育吏部侍郎侯桐保舉之江西督糧道鄒鳴鶴戶部侍郎福濟保舉之甘肅甘涼道李恩慶直隸冀州直隸州知州陳稼生刑部侍郎周祖培保舉之廣東廣州府知府易棠奉天錦州府知府崇祥刑部侍郎恆春保舉之

十一

十一

山西解州直隸州知州陳景曾直隸通州糧運通判畢昌緒陝西安康縣知縣陳僅均著各該督撫迅即飭令來京交吏部帶領引見伺候召見○又諭實源局匠役張來太等圖借工食銀兩膽敢聚眾喧鬧已屬不法迨經該地面官及監督大使等到局彈壓復敢閉門扣留尤屬目無法紀若不大加懲治必致釀成事端所有現獲之張來太李有成王景幅趙餘年孫大會楊榮田恩照任玉邱泳壽

等俱著交刑部嚴行審訊按律辦理○己未上詣正大光明殿

几筵前供奠○詣永春室問

皇貴太妃安○諭內閣趙光奏陳時務四條請亟為整飭一摺據奏吏治日壞武備不修緝捕廢弛虧空累積均切中時弊至所稱將帥惟耽安逸養尊處優以營卒為廝役不事操防以空名冒錢糧專事肥己沿海水師率皆畏葸無能等語尤當痛懲其弊著各直省督

十一

十一

撫提鎮按照摺內所陳認真講求破除積習務使吏治蒸蒸日上水陸營伍有勇知方除暴安良力行保甲並遵照上年王大臣議定清查章程彌補舊欠杜絕新虧以副朕孜孜求治之至意將此通諭知之○諭軍機大臣等據大學士潘世恩兵部尚書魏元烺先後保奏前任福建臺灣道降補四川蓬州知州姚瑩才堪簡用請旨徵召等語著王植即查該員如果在籍並無事故能否來京豫備召

見據實具奏。將此諭令知之。○庚申。
上詣永春室問。

皇貴太妃安。○諭內閣。御史長秀奏。外藩入貢。請肅體制。而重懷柔一摺。藩服使臣入貢。所有到邊過境。到京。一切備辦供具。定例極為周密。自宜恪守成規。妥為備辦。方足以昭體制。若如所奏。貢使在途。夫馬缺乏。到京供具。任意剋扣。伴送各員。並不慎加遴選。殊非撫馭遠人之道。不可不亟加整頓。著各該省督撫。

軍機處

十一

於使臣過境。嚴飭所屬務按站妥備。夫馬毋令缺乏。僅供給之外。護送人等。藉端夾帶貨物。騷擾地方。即著該地方官指名奏。至到京後。著光祿寺內務府等衙門。嚴飭承辦各員認真查察。如於供具賞賜各物。查有剋扣情事。即從嚴叅處。所有派員伴送。節經奉旨。不准以衰庸之員充數。著各該督撫。懷遵聖訓。慎加遴選。不得以衰邁庸員。率行派委。如仍積習相沿。致失懷柔之意。必將中外司事

各員重懲。以恤藩封。而肅體制。將此通諭知之。○又諭。昨據御史戴綱孫奏。殿試為掄才鉅典。不宜專尚楷字。本日候補京堂張錫庚奏。貢士試策。聽其發揮。不必限以字數。並請刪去頌聯。兼請復開博學鴻詞科。以廣儲人才等語。策語向無限字之例。頌聯舊習。從前曾經奉

軍機處

十一

旨。戒諸貢士刪去。惟士子日久相沿。襲成惡套。其應如何剋切示諭。及開詞科有無裨益之處。均著禮部悉心妥議具奏。尋奏。查科場條例內載。殿試試卷。果有通達治體。學問淹通。聽其發揮。不必限以字數。惟最短者亦必以千字為率。不及一千字者。以不入式論。至於四六頌聯。併一切泛語。概不准用。又載。臨軒策士。本欲得明體達用。文義醇茂之卷。拔置上第。以備他日之用。務令取擇適中。除條對精詳。楷法莊雅者。儘登上選外。其有繕錄不能甚工。而援據典確。曉暢事務。即為有本有

用之本亦應列為上卷各等語。每科遵行在案。擬照舊出示曉諭。謹將向來刷印之對策款式副本附摺進呈。併照式另行刷印。於貢士納卷時人給一紙。令其敬謹遵照。至請開博學鴻詞科。似非當時之急務。應無庸議。從之。又諭。候補京堂張錫庚奏整頓營務捕務一摺。據稱。近日營伍之弊。莫大於冒濫。頂名二端。致盜之由。一在州縣賠償推諉。一在地方文武不協等語。國家設兵所以衛民。各

軍機處

十七

直省封疆大吏。自應督率將弁認真稽察。俾一兵有一兵之用。方能有備無患。儻應募入伍。任意冒濫。偶有徵調。頂替逃亡。尚復成何政體。至於除暴安良。尤為地方要務。近來各省州縣。遇有強劫之案。懼干吏議。往往賄贓希圖消弭。其於交界犯事之案。互相推諉。以致盜風日熾。間有一二賢員留心捕務。而將弁不協。畛域各分。緝捕亦難得力。著各直省督撫提鎮。按照摺內所指各情。悉心講求。實

力整飭。務期兵歸實用。餉不虛糜。盜源淨盡。良民安堵。方不負朕孜孜求治之至意也。將此通諭知之。○辛酉。

上詣永春室問

皇貴太妃安。○諭軍機大臣等。前因兩淮運司一缺。關繫緊要。曾降旨令陸建瀛於所知道員內酌保候簡。旋因穆彰阿保奏聯英。前在山東運司任內辦理著有成效。復有旨令聯英暫署此缺。俟簡放有人。仍隨同陸建瀛總

軍機處

三十

理鹽務。連日召見鴻臚寺少卿劉良駒。知係戶部司員出身。詢以鹽務甚為熟悉。因即授為兩淮運司。無非為整飭淮釐起見。惟淮網之利弊。全在楚岸之能否疏銷。如楚岸督辦得人。則淮網自必日有起色。當此釐務疲敝。國課支絀之際。必應因地制宜。量材器使。方期兩有裨益。劉良駒到任後。聯英即應交卸運篆。著陸建瀛於伊二人內詳加斟酌。兩淮運司既已實授有人。或即令聯英前赴湖北。

辦理楚岸事宜。或因劉良駒於兩淮情形尚
未深悉。先即委令督辦楚岸鹽務。仍令聯英
暫署運篆。亦無不可。惟在該督隨時察看。酌
量調度。總期用當其才。俾鹽務從此改觀。乃
為妥善。至分任之中。仍有專責。聯英劉良駒
自不致罔知振作。惟知之匪艱。行之維艱。儻
劉良駒籌辦鹽務。日久未能協宜。該督仍當
據實奏請改調。斷不可稍有瞻徇。致滋貽誤。
將此諭令知之。○壬戌。

實錄卷六

三

上詣正大光明殿

几筵前供奠。○詣永春室問

皇貴太妃安。○諭軍機大臣等。據大學士潘世

恩。禮部尚書孫瑞珍。工部尚書杜受田。先後

保奏前任雲貴總督林則徐。又據戶部侍郎

朱鳳標。保奏前任工科給事中陳慶鏞。均堪

備簡用。請飭令來京各等語。著劉韻珂。徐繼

畬。即查明該員等能否來京候簡。據實具奏。

將此諭令知之。○又諭據禮部尚書孫瑞珍。

保奏前任任兵部侍郎三品頂帶休致戴際尚
堪宣力等語。著吳文鎔即查明該員是否在
籍能否來京候簡。據實具奏。將此諭令知之。
○命惇郡王奕諒帶領侍衛十員。往奠故禮
親王全齡茶酒。予祭葬。諡曰慎。

實錄卷六

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之六

中方為無忝厥職。乃者英前奏用人行政理財諸大端。朕詳加披閱。其於君子小人之辨。持論過偏。反謂小人且當保全。君子亦恐誤事。顯違古訓。流弊曷可勝言。大臣立言不朽。方將永垂史乘。似此率意敷陳。殊於進言用人。大有關繫。本應交部議處。姑念此外所陳各條。尚有切於時務之處。者英著加恩免其議處。仍傳旨申飭。○又諭本日翰林院奏請將前次定期大考後因病不到。現在銷假之

瑞崑補行考試。係屬遵查舊章辦理。瑞崑自應靜候考試。乃率行遞摺條奏。已屬不合。又另片奏稱。此時不宜以詩賦試士。請待二十七月之後。獨不思本年會試。豈無試帖。至其摺內所陳。亦政治所當然。且言甫經病痊。似不合冒昧陳言。蓋以為所陳率皆謬論。雖詩賦未成。猶應錄用。種種取巧。實屬卑鄙之極。將原摺擲還本人。瑞崑即著於本月初四日。在上書房中天景物補行考試。○以詹事

府詹事王慶雲。充日講起居注官。○乙丑常雩祀。

天於

園丘。遣豫親王義道。恭代行禮。○

上詣正大光明殿。

几筵前供奠。○詣永春室。問

皇貴太妃安。○諭內閣。前任鴻臚寺少卿劉良

駒。條陳南河工用。請飭覈實辦理一摺。當交

該部悉心妥議具奏。茲據戶部工部奏稱。南

河工用。奏准每歲動用銀以三百萬兩為率。

此外不准絲毫濫支。並將用贖銀數報部。聲

明作何扣抵。該河督自當實力奉行。經久不

渝。乃於餘銀抵款一節。輒以河庫應收之款。

掙欠甚多。動用之外。並無餘贖。龍統奏報。殊

與成案不符。著該河督覈實報銷。如有餘贖。

明晰咨部。聽候撥用。並著該部隨時查覈。不

得任其支飾牽混。○諭軍機大臣等。前據薩

迎阿。奕山奏。查明伊犁。塔爾巴哈台。喀什噶

爾三處貿易情形一摺。當交理藩院。妥議具奏。茲據奏稱。俄囉斯於伊犁塔爾巴哈台二處通商。既據該將軍等查明尚無窒礙。應由該將軍妥議章程。以期日久無弊。其喀什噶爾一處。查明窒礙難行。應如所奏。毋庸再議等語。國家撫馭外夷。必期日久相安。方能永靖邊陲。不致藉端滋事。所稱俄囉斯來伊犁通商。礙難照恰克圖事例。如仿照哈薩克貿易章程辦理。庶可相安。惟該國甫議通商。與

哈薩克久經內附者不同。所有進卡出卡。查明人數。與牲畜貨物多寡。撥兵接護。其貨物或由章京酌量易換。或聽其與商民自行易換。換贖貨物。仍令自行帶回。不得藉貨未換完。逗遛赴街市置買食物。發給執照。限以時刻呈繳。有犯罪名。應如何覈辦。方不致激生事端。必須公同酌議。方可永遠照辦。著薩迎阿通知該國。揀派大員前來會議。妥立章程。詳細具奏。塔爾巴哈台一處。成凱現已離任。

扎拉芬奏。初次履任。恐於交易情形。未能備悉其詳。僅所議未能妥協。必致漸開邊釁。所關非細。著薩迎阿。徑行妥議規條。毋庸會商。至應議規條。必須體察情形。細心妥籌。總期日久奉行。有利無弊。該將軍即廣諮博謀。會同該國悉心商辦。斷不可草率定議。是為至要。至喀什噶爾。既據查明窒礙難行。自係實在情形。著即照理藩院所請。毋庸再議。並將理藩院咨行俄囉斯文底。鈔給閱看。將此諭

令知之。○又諭。前據御史張廷瑞奏。新疆兵餉亟應變通。請酌派換防兵丁等四條。當降旨交薩迎阿等會同妥議。茲據刑部侍郎恆春具奏。回城綠營防兵積弊。請一體改為眷兵等語。著薩迎阿等會同琦善悉心酌覈。與前次張廷瑞條陳事宜。一併妥議具奏。其現在防兵。如有老弱充數。及技藝平常。素著劣蹟者。務須隨時甄汰。一律挑選精壯。其考驗將弁。勿任庸懦濫等。尤為至要。原摺著鈔給

閱看將此各諭令知之○又諭據禮部侍郎曾國藩保奏前任太常寺少卿因案降調李崇階堪備簡用等語著潘鐸即查明該員是否籍有無事故能否來京候簡據實具奏將此諭令知之○又諭有人奏休致阿克蘇換防陝西參將成現前於道光二十八年冬間在潼關協副將任內猝中風痰改委雙來接署此次派令換防何以將此等衰病之員又行派充係在何人任內因何若此遷就著琦善查明據實覆奏毋稍含混將此諭令知之○丙寅

上詣永春室問

皇貴太妃安○諭內閣御史何冠英奏請通飭嚴禁一摺所稱劣生宜革蠹役宜除訟師宜禁土棍宜拏皆地方官分應辦理之事若不實力整飭必致流害閭閻該御史所奏皆係積弊相沿亟應查辦著通諭各省督撫學政及在京步軍統領衙門順天府五城各飭所

屬認真訪緝查有刁衿蠹胥訟師土棍每犯必懲嚴拏究辦以端風化而靖地方○又諭陸建瀛揚以增奏通籌河湖大局酌請次第辦理一摺據稱挑挖天然引河現已如式完竣補築淮揚運河西隄勒限四月初旬辦結等語著該督等親往查看覈實驗收儻作法未能如式工科稍有偷減即將承辦各員指名嚴參至所稱添塘避牆即著緩至秋後籌辦其王營減壩據稱俟重運過竣覆勘固因

經費未齊分別次第辦理茲轉瞬大汛經臨於減洩盛漲是否確有把握不致誤事著該督等悉心商酌通盤籌畫不得以籌款維艱將要工置之從緩也○又諭前據潘世恩魏元烺先後遵旨保舉告病知州姚瑩當降旨飭令王植查明具奏茲據陸建瀛奏稱前任福建臺灣道降補四川蓬州知州姚瑩曾任南監掣同知護理兩淮運司頗有成效現已病痊請飭該員赴淮差委等語姚瑩著即迅

赴兩淮聽候差遣委用。俟離務辦有起色再行送部引見。○諭軍機大臣等。內閣侍讀學士董瀛山奏。緝盜詰奸一摺。據稱邪教盜賊。在在皆有。而避藏之巧。蔓延之多。惟交界處所為最。歷舉從前查辦教匪會匪各案。以漏網餘匪。支流蔓延。近又結黨成羣。如江蘇盛行喫俸名目。而淮安一帶尤甚。直隸盛行在裏名目。而天津靜海等處尤甚。在官人役亦多習教之人。妄言禍福。煽惑鄉愚。於世道人心大有關繫。又如直隸滄州一帶回匪。往往與山東滕縣嶧縣蘭山縣等處教匪。以盜犯為生業。竟至父子習傳。師徒授受。近來廣西貴州。均有大夥劫搶拒捕之案。直隸山東。均有劫奪公車齋本捐差之案。屢經降旨嚴飭密拏。而地方文武。視為具文。已可概見。其直隸山東山西河南安徽湖北陝西四川江西廣東湖南廣西各水陸交界之區。盜賊公行。此等彼竄。地方官吏。以界址轉轄。巧為推諉。

之門。行旅商民。因人地生疏。苦無控訴之路。固由處分例案不嚴。該管官得以取巧規避。遂置緝捕於不問。而各督撫養尊處優。縱有嚴參勒緝之文。並無埽除盜藪肅清地面之實效。著各直省督撫。順天府府尹等。於各教會名目。嚴密察訪。將各匪犯餘黨遺孽。掩捕淨盡。從重懲辦。以彰國法。而正人心。並隨時嚴飭各道府督率該管州縣。會同營汛員弁。於交界處所。加意偵緝。兩地均任責成。嚴查兵役。賄縱包庇。使匪徒無託足之所。鄰境盜犯。認真堵截拏。不得稍分畛域。庶盜風戢而民生安矣。原摺著鈔給閱看。該侍讀學士所請嚴定交界協緝章程。斟酌允當。不致兩歧之處。著吏部妥議具奏。將此各諭令知之。○禮部侍郎曾國藩奏。陳日講事宜。並繪圖呈覽。命禮部會同翰林院議奏。尋奏日講一節。於聽言之道。取人之法。兩無裨益。與其弊生而停止。莫若先事而不行。該侍郎所陳。應

請毋庸置議從之○兩江總督陸建瀛奏遵籌驢務設局辦理得旨卿所奏已與軍機大臣商酌依議行矣惟朕弱齡親政毫無見聞於利弊實未能深悉卿受

皇考重恩簡任封圻自必激發天良實心辦理但此時係整頓之始尤須敬慎乃心斷不可有見長高興之意暴露於外俾胥役得窺測也勉之○丁卯

上詣永春室問

皇貴太妃安○諭內閣御史李維翰奏剔弊須責實效一摺海防河工漕務三大端民生國計攸關非以實心行實政斷不能剔奸釐弊若如所奏山東徵納錢糧增加日多海防透漏日甚河工劣員借報險為開銷以冒支恣浮靡漕糧則官吏浮收幫丁需索東南之民竟為辦漕所困司漕大吏隱忍姑容尚復成何政體著海疆並漕河各督撫破除情面認真釐剔各將利弊所在悉心妥籌具奏儻仍

前玩忽並不實心整頓必將該督撫重懲不貸將此通諭知之○又諭此次病痊補行大考之翰林院侍講學士宗室瑞貴著附入二等末仍以侍講學士候補毋庸帶領引見○修湖北鍾祥縣高家隄等工從總督裕泰等請也○戊辰

上詣正大光明殿

几筵前供奠○詣永春室問

皇貴太妃安○以故土爾扈特汗那木扎拉珠

爾默特策林弟嗎哈巴咱爾襲爵○以故哈

薩克公阿奇木伯克長子都喇禮襲爵○以

甘肅洮岷協副將保恆為直隸大名鎮總兵

官○己巳

上詣永春室問

皇貴太妃安○諭內閣內閣學士車克慎奏摠誠陳言一摺朕詳加披覽所奏十條其於敬天繼

志用人行政所言皆平正邇達足徵學養尚醇

而繼

志二事尤覺言之切中時事。朕願身體力行。仰承

先志。更願中外臣工。敷政立言。無偏無倚。庶內外交修。政治蒸蒸日上。是則朕所願與諸臣共勉者也。將此通諭知之。○又諭戶部議覆。毓書奏採買迪化州兵糧等語。烏嚕木齊所屬之迪化州。每年不敷兵糧。向於各屬分別遠近撥運。如有不敷。奏明採買。其應行採買

之數目。以冊造倉存備抵不敷之數為憑。乃該處應造道光二十六年以後倉穀奏銷冊籍並未到部。即就該處上年清查應存糧數及每年應徵糧數覈計。均與現在備抵之數不符。其駁運附近各屬存糧。亦與奏定酌留之數未合。事關動帑採買。豈容稍涉含混。著該都統二面採買。一面飭將該州應存應徵糧石詳晰造報。以憑覈辦。嗣後務於奏請採買之時。造冊隨摺送部。毋再延漏。○庚午

上詣正大光明殿

几筵前供奠。○詣永春室問

皇貴太妃安。○諭內閣。太僕寺卿龔文齡奏。請飭部臣實心輔政一摺。國家設官分職。內外相維。部臣疆吏。均有稽查督率之責。乃日久相沿。漸成怠忽。各部堂官。或未能督飭司員。嚴剔蠹弊。考覈限期。各省督撫。於奉到部文後。亦往往以照鈔轉行。自謂了事。甚至受屬員蒙混。無怪利不興而害不除。安能漸收實效。嗣後內外大臣。務須大加振刷。遇事講求。如有司員屬吏怠惰因循者。即隨時甄覈。勿避嫌怨。其有臺吏藉端索詐。立即拏辦。毋稍迴護。庶幾上以實求。下以實應。大法小廉。吏治蒸蒸日上。朕實有厚望焉。將此通諭知之。○又諭刑部。奏覈議光祿寺卿許乃普條陳服制案罪名一摺。卑幼犯尊。法難曲宥。豈容避重就輕。著照所議。嗣後各省遇有毆死期功尊長之案。該督撫嚴飭承審各員。無稍

遷就開脫裝點情節。指為無心干犯。希圖夾
簽聲請。儻聲敘稍涉裝點。該部即行駁斥。務
得實情。以昭平允。○雲貴總督程喬采奏。湖
南新甯逆匪。竄越黎平境內。已飭地方文武。
扼要嚴防。得旨。所辦甚是。著認真防堵。○大
學士潘世恩。因病賞假。命大學士卓秉恬。管
戶部事。○辛未。

上詣永春室問

皇貴太妃安。○諭內閣。琦善奏請將知縣革職

審辦一摺。甘肅金縣知縣李振序。於未報丁
憂之先。捏病稟請代理。並將該員應徵應解
銀款。含混敘入。現又有民人控告。及典史稟
訴各情。是其呈報丁憂。及患病日期。顯有那
改情弊。必應切實根究。李振序著即革職。交
該督提集人證卷宗。嚴行審訊。按律懲辦。○
諭軍機大臣等。琦善奏。固原提標兵習。向稱
驕驁。該提督成玉。性近粗率。語言駕馭。均多
失宜。以致不洽眾心。激而生鬩等語。現在整

頓營伍之際。提鎮大員。必須平時表率。有方
兵心悅服。然後訓練操防。可期日有起色。既
據該督奏稱。成玉平日舉措。不足服眾。仍著
琦善詳加訪察。如無別項劣蹟。僅止與地方
不甚相宜。即著據實奏聞。再行簡調。將此諭
令知之。○以刑部尚書阿勒清阿。為滿洲繙
譯會試正考官。理藩院右侍郎奕毓。為副考
官。

上以恭上

大行皇帝尊諡。自是日始。齋戒三日。○壬申。
上詣永春室問

皇貴太妃安。○以降調禮部尚書麟魁。為烏什
辦事大臣。○癸酉。以恭上

大行皇帝尊諡。前期遣官告祭

天

地

太廟

社稷。○

上詣永春室問

皇貴太妃安○諭內閣奕興奏

聖容供奉處所繪圖呈覽一摺

保極宮尊藏

大行皇帝御題幾暇時乘

聖容一軸應即敬謹供奉於

鳳凰樓中層北面正中金櫃頂上以昭誠敬著

欽天監擇吉行知該將軍屆期欽奉遵行所

有應行豫備各事宜著該將軍查照成案會

同該部敬謹辦理○又諭戶部奏鹽引暢銷

首重緝私等語淮南鹽務全在漢岸疏銷而

湖廣各州縣均居腹地鄰私處處可通現當

整頓淮鹽之際若仍前梟販橫行甚至奸商

亦藉官鹽為影射安望日有起色該處鹽務

雖統歸兩江總督管轄而相隔既遠有鞭長

莫及之勢且緝私係地方文武應辦之事著

湖廣總督湖廣湖南各巡撫嚴飭鹽道督率

所屬不分畛域協力查拏每獲一起私鹽具

詳咨部仍於一年期滿奏報銷引分數摺內

彙數以憑稽考如有查緝不力或始勤終怠

之員即著嚴叅毋得視為具文以挽頽綱而

懲積弊○又諭據戶部覈覆大學士耆英條

奏理財之要以地丁鹽課關稅為歲入之大

端以兵餉河工為歲出之大端得其弊之所

在認真革除害去而利自見著各直省督撫

河道總督鹽政各關監督查照該部指出各

弊振刷精神實力剔除所有陋規浮費全應

禁革並將現在如何整頓積弊辦理之處據

實具奏至於漕倉諸務亦應各除各弊勿分

畛域著漕運總督倉場侍郎隨時稽察幫丁

經紀花戶人等毋得婪索俾得藉口務使正

額常充撥解無誤以實倉庫而裕度支將此

通諭知之○又諭通政使司參議齊承彥奏

請飭約束匠役嚴禁棍匪等語戶工兩部錢

局人數眾多平時管束有方何至寶源局有

恃眾抗官之事著寶泉寶源兩局堂官妥籌

約束彈壓之方。先事嚴防。俾不至恃眾滋事。至地方土棍。尤宜嚴禁。司坊營汛。協同查拏。方能得力。嗣後遇有營城緝捕交涉之件。如何兵役協力。不至呼應不靈。著各該衙門。分別妥議章程具奏。○又諭琦善奏。請將採辦鉛斤不力之員。撤任查辦一摺。甘肅安西直隸州知州丁元森。在任已經一載。於前任已故知州黃文炳。虧用鉛本。不行揭報。轉藉詞例價不敷。希冀加增。顯係有挾而求。必至有誤要需。丁元森著先行摘去頂帶。撤任提省。委員接署。責令確查該處新舊各廠實在情形。並曾否開挖之處。據實奏辦。該員經手倉庫。有無虧那。亦著確查。勿稍瞻徇。○又諭琦善奏。參疏防馬匹被搶之遊擊一摺。甘肅甘州城守營參將鎮標左營遊擊汪存魁。大馬營遊擊王玉汝。疏防孽廠馬匹。被賊番搶掠至二千餘匹之多。均屬庸懦無能。著一併革職。俟查明被搶實在情形。及搶失確數。再行

分別覈辦。提督羅應龍。未能督飭營員。豫為防範。亦有應得之咎。著交部照例議處。至被搶馬匹。著即照議。著落提督暨疏防司牧各員。弁分。成賠繳。○甲戌。上素服詣太和門。恭閱大行皇帝尊諡廟號冊。寶。行禮畢。還圓明園。更編素詣正大光明殿。恭候冊寶至。上詣大行皇帝几筵前行禮。恭獻冊寶。冊文曰。臣聞

大中出治千秋崇美善之稱

至聖垂型萬禩極尊親之典合

文煥功巍以述德鴻號難窮體

皇煌帝諦以揚庥駿聲通啟肇稱殷禮肅舉隆

儀欽惟

皇考大行皇帝

道協登咸

功隆位育

乘乾布化一二日常教萬幾

保泰持躬三十年猶如一息每屆

瑤壇薦醴親齋祓以迓和甘粵當

珠阜升香展精誠以隆孝享

永懷

柏寢

養志

萱闈肥誠無間於始終孺慕倍深於今昔盡倫

盡制

辰居端百行之原作肅作謀

寅畏懷九圖之式

敷文而勤念典春啟丹筵

奮武而詰戎兵秋高紫塞溯自

神槍殪逆早占助順於

天心

潛邸膺封默契詒謀於

祖志洎乎西陲戡亂悉本

中禁宣猷騰奎壁之光芒宸瀛鏡朗埽橈槍之

閃爍邊塞風清由是琛賫梯航遐荒吐款

軒鼓舞黎赤輸忱顧猶卑奉

禹宮嚴玩好游觀之戒融調

舜軫沛賑鏐蠲漕之仁厚生而肆赦省刑馭吏

則懲奸剔蠹近宗遠支之並篤蓋忠勳舊之

加隆凡

臨御之實政實心胥臣庶所共聞共見雖

聖度務存謙挹而輿情彌切尊崇已順僉謀合

禘

嘗而並舉仰惟

至德。豈。蠡。管。所。能。名。綜。繹。	淵。衷。旁。稽。彝。典。	徵。稱。丕。協。眾。議。昭。乎。緬。頌。德。於。周。詩。	宣。哲。立。一。人。之。極。溯。紀。功。於。虞。典。	成。平。宏。萬。世。之。基。謹。奉。	冊。	寶。恭。上。	尊。諡。曰。	效。天。符。運。立。中。體。正。至。文。聖。武。智。勇。仁。慈。儉。勤。	孝。敏。成。皇。帝。	廟。號。曰。	宣。宗。於。戲。紹。	顯。承。而。嗣。服。難。酬。	啟。佑。之。無。疆。憑。擬。議。以。追。崇。仰。副。	鑒。臨。之。有。赫。伏。祈。	昭。格。永。奠。昌。圖。謹。言。○。詣。永。春。室。問。	皇。貴。太。妃。安。○。	孝。德。皇。后。殯。宮。月。祭。遣。官。行。禮。○。諭。內。閣。楊。殿。
---------------------	--------------	------------------------------	----------------------------	--------------------	----	--------	--------	--------------------------------------	------------	--------	------------	----------------	----------------------------	----------------	------------------------------	--------------	--------------------------------------

清 實 錄 道光三十年四月上

利。運。行。而。免。濡。滯。乙。亥。以。恭。上。	定。章。迎。幫。查。驗。立。即。放。行。毋。任。稍。有。羈。留。以。	提。押。令。晝。夜。趲。行。並。飭。九。江。蕪。湖。各。關。查。照。	西。湖。廣。各。督。撫。飛。飭。沿。途。文。武。各。員。迅。速。迎。	水。未。漲。以。前。灌。塘。北。上。著。兩。江。江。蘇。安。徽。江。	過。九。江。關。瞬。屆。大。汛。亟。應。加。緊。趲。輓。期。於。黃。	尚。未。全。行。離。次。江。廣。幫。船。雖。已。開。行。亦。未。輓。	遲。以。致。兌。開。延。緩。現。在。松。江。常。州。安。徽。各。幫。	邦。奏。飭。催。新。漕。等。語。上。年。回。空。軍。船。歸。次。較。	宣。宗。成。皇。帝。尊。諡。禮。成。頒。詔。天。下。詔。曰。朕。惟。自。	古。帝。王。受。錄。提。釐。斟。元。御。寓。倅。二。儀。以。徧。德。	被。四。表。而。崇。光。爰。是。薦。廟。奉。儀。升。彝。顯。號。洪。	昭。美。善。永。戴。尊。親。蓋。以。迪。前。光。揚。聖。憲。迓。上。	祉。總。崇。章。也。欽。惟。	皇。考。大。行。皇。帝。	秉。理。中。和。	懋。修。精。一。	勳。華。延。祚。宣。繼。述。之。光。
--------------------------	------------------------------------	------------------------------------	------------------------------------	------------------------------------	------------------------------------	------------------------------------	------------------------------------	------------------------------------	--------------------------------------	------------------------------------	------------------------------------	------------------------------------	----------------	--------------	----------	----------	--------------------

健順符神式崇卑之度

帝祺肇煥

皇道維新若夫乎

吳升歆奉

先潔饗肅三登而鬯節諧七始而迎嘉

盛德承以顯融

靈庥貺乎陟降

慈宮穆穆喜洽祥流

尊履蒸蒸色愉儀恪山淵格於榮耀日月昭其

光華若乃合氣承光披元養化規

天理物六通四辟之謨任地依神八則九宜之

治下方決矣

上緒融焉然且勗逸加勞簡心兢志去甚去泰

休其無華為風為愆

誠於有位而乃

敷言炳藻崇學甄書斟酌百家光輝萬宇彬儀

雅頌襲六以成編韜映疇圖兼三而立極聿

昭

文德載奮

武功

大勇宣威蕩諸蠹類中樞肅政詰爾戎兵延舉

南來聲靈北變綏疆獲醜皇皇西伐之勲輯

遠柔藩赫赫東漸之化由是埏埴永乂興蓋

咸敷洽易氣於

祈年登農功於

御耦游原泳沫區宇覃和佩惠蒙慈浮潛育澤

乃復

敬予是惕眷彼非劬恤儉矜災蠲租賚實水平

土茂召泰象於雍雍罰當刑平崇時風以晏

晏至於省官省吏典穆三升澄外澄中弊嚴

六計功庸實顯康哉百爾之良道德相親熙

若九宗之好培材毓俊標賞忠清舉孝興廉

優旌耆乂陶鈞品物榮晏區方庶政和而八

風平民氣洽而九歌作惟煌惟燁乃

聖乃

神臨六合而均禧協三才以闡極巍巍蕩蕩蓋

三十年。倂倂峴峴。垂億萬載。朕幸承	覆載。恪奉	儀型。殷承	啟牖之恩。冀永	頤和之侍。	升遐遽痛。載懔	詒謀。銜恤彌懷。永懷	聖德。思升	諡	號。丕著崇閎。延曜來章。比榮往哲。百辟卿士。僉	言允符。用是謹擇良辰。恪修鉅典。祇告	天	地	宗廟	社稷。於道光三十年四月十二日。率諸王貝勒	文武羣臣。敬奉	冊	寶。恭上
-------------------	-------	-------	---------	-------	---------	------------	-------	---	-------------------------	--------------------	---	---	----	----------------------	---------	---	------

皇考大行皇帝	尊諡曰	效天符運立中體正至文聖武智勇仁慈儉勤	孝敏成皇帝	廟號曰	宣宗。禮備崇親。恩推錫類。所有事宜。開列於後。	一。嶽鎮海瀆廟宇傾頽者。該地方官查明修	葺。以致誠敬。一。內外大小各官。除各以現在	品級。已得封贈外。著照新銜封贈。一。在京滿	漢文武大小官員。俱各加一級。一。在京王公	文武官員。任內有革職留任。及降級罰俸者。	咸與開復。又在京官員。現在議降議罰者。悉	行豁免。一。外藩蒙古王公以下。台吉以上。有	罰俸住俸者。咸與開復。其現在議罰者。悉行	豁免。一。會試文武舉人。已經中式者。除過犯	黜革外。其有殿試謄寫錯誤。不合體式者。禮	兵二部。察明覈實。准其再行殿試。一。鄉試已	經中式文武舉人。除過犯黜革外。其有磨勘
--------	-----	--------------------	-------	-----	-------------------------	---------------------	-----------------------	-----------------------	----------------------	----------------------	----------------------	-----------------------	----------------------	-----------------------	----------------------	-----------------------	---------------------

原卷字句錯誤以致停科者俱著寬免准其會試一滿漢孝子順孫義夫節婦該管官細加諮訪確具事實奏聞禮部覈定以憑旌表一各省道路橋梁間有損壞者著地方官查明修理以利行旅一各處養濟院所有鰥寡孤獨殘苦無告之人有司留心以時養贍勿致失所一現在內外監候質審及干連人等俱著准其保釋一軍流人犯有本人身故其妻子情願回籍者該管官報明該部准令各

實錄

上

回原籍於戲長世延祺允膺受乎多福廣寰耀德用敷錫厥庶民慰順羣情昭揚盛典布告天下咸使聞知○諭內閣兵部尚書魏元烺侍郎趙光保舉之陝西督糧道陳景亮魏元烺保舉之貴州大定府知府黃宅中四川劍州知州魏煜均著各該督撫迅即飭令來京交吏部帶領引見伺候召見○

上詣正大光明殿

几筵前行月祭禮○諭軍機大臣等喬用遷馳

奏遵查盜犯業經就獲楚匪現已出境一摺前因有人疊奏貴州苗匪肆劫盜案多起先後寄諭該撫嚴密查辦茲據覆奏原摺內所稱革夷上中下三寨及山丙沙邦附近各盜巢穴均經焚燬滋事各犯除格殺外共獲二百九十一名分別治罪保未等犯及舉人王提等被搶案犯均已拏獲楚匪早經奔逸出境日遠一日等語該撫仍當嚴飭地方文武員弁於要隘處所慎密防守斷不可因盜犯就獲逆匪稍遠遂涉大意致令該匪等乘間復來再滋擾累儻有外匪入境苗民出境意圖勾結附和者尤當嚴密查拏有犯必懲不准一名漏網以靖邊疆而安良善將此諭令知之○丁丑

實錄

上

上詣永春室問

皇貴太妃安○諭內閣大理寺卿邵燦奏請舉錯並行一摺為政首在得人定例舉劾並重原期旌別淑慝以肅吏治而勵人材前經降

肯令京外大臣各舉所知必有出眾之材堪
備簡用惟賢能既選卓薦而不肖亦難姑容
著各督撫等力振因循各於所屬官員秉公
考覈非但劣蹟素著者嚴行叅覈即才具平
庸性情疲玩亦著一律甄別不得稍涉瞻徇
至京職人員雖無地方之責亦有優劣之分
並著各部院堂官認真查察隨時甄別以清
仕途中外大臣務宜各矢公忠明昭勸懲用
副朕澄欽官方至意將此通諭知之○又諭

實錄卷七

七

訥爾經額奏借動海稅墊發剝船銀兩請飭
催扣解一摺南糧辦理迎剝調用官剝並添
雇民船應給口糧雇價前經借動海稅銀兩
墊發現據該督遵照部咨查明均係實用實
銷此項例應解部著漕運總督轉飭糧道迅
即照數扣解以清墊款○署湖南巡撫萬貢
珍奏採買拔米一萬三千石搭運京倉下部
知之○以詹事府詹事戴齡為內閣學士兼
禮部侍郎銜○以福建閩安協副將陳世忠

為浙江黃巖鎮總兵官

實錄卷七

七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七

大清文宗協天翊運執中垂謨懋德振武聖孝淵恭端仁寬敏顯皇帝實錄卷之八

出燕邸去官經三月講起唐生官入太仆上書及總師博文潤閣領閣事翰林院改宣院貢士指舉欽奉上清事件是國史館題表官爲於

大學士去書理兵部事務加十三級紀錄十四次○賞積案不題職官經筵講官太子太保文淵閣領閣事武英殿總纂官教習庶吉士體仁閣

大學士掌理戶部三庫事務掌理刑部事務加二十三級紀錄十六次臣周祖培總裁官太子少保管理內閣書房事務計引大臣軍機大臣

環顧遠近而都統戶部尚書管理三件事務加四級隨帶加五級紀錄十二次臣實參總稅官經送議官外德版教習清文誦達上書房總管

至周史館納義官止蘇聯蒙古郡縣曜部尚書管理大索寺鴻臚寺事務加二級軍功加四級隨帶加八級紀錄五次¹¹倭什臻布等奉

救修

道光三十年庚戌四月戊寅

上詣永春室問

皇貴太妃安○諭內閣○前據御史范承典○參奏

山東登州洋面盜匪屢肆劫搶道協各員畏

蕙推諉文武員弁束手無策等語當經奉

旨交陳慶偕查明據實具奏茲據奏稱前護山

東登萊青道登州府知府諸鎮於所屬洋面

盜匪肆劫之時並不親至海口督查畏難苟

安已可概見自未便因其別無劣蹟稍事姑

容諸鎮著即撤任交部嚴加議處○又諭陳

慶偕奏。洋面防捕情形一摺。東省洋面甚長。

水師四散分巡。習成怯惰。以致船礮廢棄。劫

掠橫行亟應大加整飭茲據該撫親勘情形

奏請將三汛師船四縣水勇合而為一專派

統帶協帶等官往來策應並於最要島嶼安

設大礮以壯聲援責成登萊青道督查調遣

隨時勸懲所辦尚稱妥協該水師將弁等自

當振刷精神。不使兵勇狃於積習。如能出洋。

盡力防捕奏聞即予恩施若再因循懈弛著

即從嚴叅辦○庫爾喀喇烏蘇領隊大臣惠

林因病解任。以副都統銜協領固呢杭阿為

庫爾喀喇烏蘇領隊大臣○己卯○

孝端文皇后忌辰遣官祭

昭陵○

上詣正大光明殿

几筵前供奠○詣永春室問

皇貴太妃安○諭內閣○內務府奏請飭催兩淮

欠交各款銀兩。並開單呈覽等語。兩淮應交

內務府各款銀兩均係按年支發要需豈容任意延欠。茲據奏稱自道光二十六年起至二十九年應交各款銀一百八十三萬餘兩。迄今未據解交。並上年奏准令其先解銀三十萬餘兩。亦未據報解。實屬疲玩。著陸建瀛迅於三箇月內按款解交。毋再遲延。以濟要需而清款目。○湖廣總督裕泰奏報續獲搶劫拒捕匪徒黃三等犯。因在武岡督辦軍務距省較遠。不克分身親訊。得旨嚴行審辦。爾稱現辦軍務不克分身親訊。理固屬然。但爾現在軍營。不聞辦理如何。數十日並未見奏報。似屬怠玩。抑或別有緣由。朕實不解。此等言語。爾或能出諸口。為爾深恥之。○以散館懷挾庶吉士陳鳳劉崧駁革職治罪。○貨湖北黃州興國二營駐紮災區常平倉穀。○庚辰。

上詣永春室問

皇貴太妃安。諭內閣馬蘭鎮總兵慶錫春。樓

陳營伍弊病一摺。設兵所以衛民。必應勤加訓練。庶可恃為緩急之用。若如所奏種種積習。總由統轄之員不能整躬率屬。以致將備廢弛。百弊叢生。嗣後各省督撫提鎮。務當認真講求。實心整頓。使兵歸實用。餉不虛糜。以挽頹風。而除積習。方為不負委任。至所稱兵額多不足數。著各提鎮等於所屬營汛。自行挑拔。不准委之將備。限一年內挑補精壯。以足兵額。如日後查有諸弊。惟該督撫提鎮是問。○將此通諭知之。○又諭前因南河署外南同知婁晉開復處分。楊殿邦又請將該員議處。事涉兩歧。先後飭令福濟陸建瀛楊殿邦。楊以增據實明白回奏。茲據各該員奏齊。詳加披閱。福濟陸建瀛楊以增所奏皆同。惟楊殿邦一人拘執。謾為福濟陸建瀛於附片專奏拜發後。始另文鈔稟移知。該大臣等於辦理河漕交涉事件。宜如何和衷商榷。詳慎具奏。乃意見不合。致令公事參差。是楊殿

邦之拘執自是以己忘公不能與福濟陸建瀛楊以增和衷共濟已可概見實不勝漕督之任即將伊撤任未為不可姑從寬將楊殿邦交部議處與其自新以觀後效至福濟陸建瀛楊以增未能與楊殿邦商酌妥協亦有不合著一併分別交部議處至婁晉處分已據福濟陸建瀛等奏請開復應毋庸議○又諭前據給事中曹履泰奏請復報寫舊制又御史周炳鑑奏稱淮南改票未可輕行各一

摺當交陸建瀛體察情形悉心妥議具奏茲據奏稱淮鹽舊網疲累已極若不變法萬難支持並將該給事中等原奏各條逐層辨駁又片奏現在楊州開局商民踴躍已酉網上半奏銷可以趕辦無誤等語淮南鹽課帑項攸關該督綜理鹽務實力講求既經屏絕眾議必係確有把握即著責成陸建瀛統籌全局除弊興利總期於國計民生均有裨益不致趕辦一二次奏銷後又形竭蹶方為不負

委任○諭軍機大臣等據陸建瀛先後馳奏嘆首求遞公文循案咨送並該首不肯守候欲赴天津各一招嘆夷以進城一事復來嘵瀆且動稱欲赴天津虛聲恫喝乃其故智原可置之不理惟該首擅遞穆彰阿耆英咨文意在以後瀆請之件竟不向廣東等省督撫投遞若非剴切曉諭於妄念初萌之際示以限制勢必以無厭之詞向在京各衙門紛紛呈投成何事體中外大臣非派令兼辦夷務

本無外交之義除飭穆彰阿耆英將不能咨覆該夷之處咨明陸建瀛轉告該酋外仍著陸建瀛查照穆彰阿等咨文內各種情節逐層詳加開導俾該酋恍然於前說之不容堅執文件之毋得妄投俛首無詞挂帆南駛方為妥善諒該督必能仰體朕意動以利害曉以情理使之廢然而返也勉之慎之將此由五百里諭令知之○又諭寄諭兩廣總督徐廣縉等嘆夷進城之說上年經該督等盡心

籌畫聯官民為一氣。故能消其桀驁。俾就範圍年餘以來。頗覺安靜。茲據陸建瀛奏。以該國呈投大學士穆彰阿耆英及該酋自投耆英公文二角。並鈔錄前次照會該督等底稿。求為代遞。復稱轉遞日久。不能等候。須遣人赴天津呈遞。候覆等語。已諭知陸建瀛詳細開導。據理回覆矣。該督等辦理海疆諸務。頗有定見。此次該夷潛赴上海。呈遞公文。恐有反間之計。經陸建瀛遵旨曉諭後。自必駁回粵東。著該督等仍與該酋堅明約束。如有商辦之件。即由該督等相機妥辦。不得於成約之外。潛往他處。致滋疑擾。總須折其虛憍。破其要挾。俾華夷共享安平。朕實有厚望焉。陸建瀛原摺二件。及該國公文二角。並本日所發穆彰阿耆英致陸建瀛底稿。均著鈔給閱看。將此由四百里諭令知之。○又諭據陸建瀛奏。該酋自投耆英公文二角。求為

代遞。並以轉遞日久。不能等候。須遣繙譯麥華陀等赴天津呈遞。候覆等語。已諭知陸建瀛詳細開導。據理回覆。該酋遣人赴津之處。當可中止。惟夷性反覆無常。著訥爾經額迅飭天津鎮道。如果夷船前來。妥為駕馭。告以此事辦理緣由。令其駁回上海。聽候覆諭。並曉諭居民。毋稍驚擾。本日所發穆彰阿耆英知照陸建瀛底稿。著鈔給訥爾經額閱看。將此諭令知之。○又諭據陸建瀛奏。該酋自投耆英

以該國呈投大學士穆彰阿耆英及該酋自投耆英公文二角。求為代遞。並以轉遞日久。不能等候。須遣繙譯麥華陀等赴天津呈遞。候覆等語。已諭知陸建瀛詳細開導。據理回覆。該酋遣人赴津之處。當可中止。惟夷性反覆無常。或潛往登郡游奕。著陳慶偕密飭沿海文武員弁。如果前來。只可不動聲色。隨時探訪。妥為防範。是為至要。將此諭令知之。○又諭據裕泰馳奏。楚省赴粵官兵。得獲勝仗。

並新任提督馳赴邊界堵剿情形一摺。逆匪自黔省擊敗後，復又翻山遁入粵西。經裕泰派副將博春遊擊李英等分途追剿，並續派文武員弁至粵境會合兜截。於三月下旬，在修仁縣屬之上思村各山內焚殺賊匪，生擒賊目李恭照等十四名。該逆等竄赴永福縣之草鞋塘，現今各路跟追圍剿。提督向榮已抵軍營，現赴楚粵邊界駐劄調遣等語。惟所稱懷遠至修仁一帶山險路歧，居民多被脅

掠，狼奔豕突，不實力會剿，安能即為驅除。著裕泰向榮會同鄭祖琛激勵將士，奮勇爭先，探明賊蹤，必竄之途，設伏計誘，併力兜剿。至首逆日久稽誅，必應購緝捕獲，使餘逆可以立平。萬勿坐甲裹糧，徒延時日，以致逆黨流散，益不可制。該督等其能當此重咎耶。將此各諭令知之。○禮部以繙譯會試中額請得旨：京旗取中二名，各省駐防取中八名。湖廣總督裕泰奏拏獲逆匪李沅發案內夥黨

李沅字等多名，訊明正法，並續行解到各犯，另行審擬得旨：嚴行審辦。○辛巳

上詣正大光明殿

几筵前行百日大祭禮，禮成，釋編素。○詣永春

室問

皇貴太妃安。○自是日始

上居保合太和養心室。○以捐修英吉沙爾城

濠臺卡子伯克阿布都哈里克等獎敘有差。

○壬午

上詣永春室問

皇貴太妃安。○諭內閣：戶部遵議楊殿邦奏官

剝油艙錢文，請照舊例等語。剝船修費向於

旗丁例給剝價內扣存制錢，作為歲修之用。

如再將不敷銀兩責令攤出，丁力未免拮据。

且修艙銀兩改發制錢，所發外尚有贏餘，儘

可充添補不敷之費。著照該漕督所奏，仍遵

舊例妥為辦理，毋庸另議更張。至天津道庫

每年收各省油艙銀兩，除動支外，實存若干。

著訥爾經額速飭分晰查明造冊報部以憑查覈母任延宕○諭軍機大臣等寄諭直隸總督訥爾經額有人奏直隸省盜賊公行捕役包庇據稱景州鄰境皆盜賊盤踞之區如饒陽獻縣武強等處皆有著名賊匪擾害良民且有盡役窩家聚賊分贓情事著該督按照摺內所指姓名住址選派妥員嚴密查拏毋任一名漏網儻該州縣等官實有縱容諱飾各情即著指名嚴參以肅吏治而靖閭閻

原摺著鈔給閱看將此諭令知之○定郡王載銓等會議現辦各省清查案内一切追賠銀款請將著追各項凡在道光三十年正月二十六日頒詔以前本員業經病故應於子孫名下著追而其子孫又無官職力不能完查明實係家產盡絕無可著追者由各籍旗出具切實印結咨報到部准予豁免如本員尚在無論升任現任候補候選以及降革離任並續經病故各員其將來按限追交及著

落分賠代賠之處悉令查照各該省奏定清查章程暨冊造各員銀數覈實辦理均不在此次應豁之例至本案內如有由通省各官按缺攤廉及酌提州縣坐支等項分年歸補者亦無庸查辦請豁以清界限而重帑項從之○以協辦大學士戶部尚書祁寯藻吏部尚書賈禎禮部尚書孫瑞珍兵部尚書柏蔭工部尚書杜受田刑部左侍郎周祖培工部右侍郎靈桂內閣學士車克慎為殿試讀卷

官 癸未

上詣永春室問

皇貴太妃安○策試天下貢士鄒石麟等二百

九名於保和殿制曰朕誕膺洪祚寅紹丕基

荷

穹昊之佑申緬

祖

考之彝訓孜孜求治日昃不遑恆思任賢去邪之道典學稽古之謨立政宜民之方敦本善

俗之則冀與中外臣庶致上理於大同茲值臨軒發策之初虛衷博採爾多士其敬聽之人君之職在於用人登選之途寬則賢愚並進薦剡之路闢則真偽相淆知人善任厥維艱哉唐李絳謂循其名驗以事所得十七可取法歟至如夾袋之儲材館之錄薦拔既多能無濫歟書曰任賢勿貳去邪勿疑賢奸之顯然者固易辨也其或貌似樸誠而中藏險詐外示正直而內蓄詖邪何以洞燭情偽俾無所售其欺歟君子小人各從其類若李泌之薦竇參司馬光之舉蔡京又何說也朕寤寐旁求命中外大臣各舉所知期得賢能以康庶事將使野無遺賢朝無倖位程子所云知言窮理則能察人斯為濬源之論歟唐虞授受不外一中所以辨危微而致其精一者本於聖性之自然歟抑亦有存心養性之聖學歟禹之告舜曰安汝止周公之稱文王曰克厥宅心與執中之旨同否書說命言遜敏

而推其效於道積厥躬詩敬之篇言就將而課其實於緝熙光明固未有不切於身心而可以言學者也三代以還史所載留意經術好學右文之君代有人矣乃考其行事或顯與古訓相違豈非舍本逐末所學未得其要歟朕惟典謨與義孔孟微言以之修己治人若規矩準繩之不可易欲身體力行以為正位凝命之本審端致力宜何從歟道揆法守制治保邦之要務也宋朱子有言為治之本在正心術以立紀綱夫紀綱不立而能治安者未之有也欲振肅而整齊之厥道何由禮樂刑政號為治具其所以行之者命令而已乃淑世牖民之道興利除弊之方詰誠屢頒而奉行不力是渙號僅為空言播告祇循故事何由振頽風而收實效歟易曰窮則變變則通通則久今承平日久法非不大備也而怠玩從事奸弊潛滋或偏廢而不舉或積重而難反若鹽漕河工諸大端利弊所在何以

策出萬全俾國計民生兩受其益歟民風之
淳漓繫乎政教周書武成篇曰重民五教君
牙之命亦以敷五典和民則告其臣蓋開創
之君守成之主未有不以化民成俗為先務
者夫孝弟忠信禮義廉恥固有之良盡人同
具而轉移化導之權則操之自上仁讓之風
何以興囂凌之習何以靖侈靡相高何以防
其漸奇袤相扇何以破其迷欲使海內之民
還淳返樸臻道一風同之盛將何道之從歟

史稱韓延壽守潁川教民略依古禮不得過
法黃霸班行條教勸以為善防奸之意民皆
信從今之守宰豈遂無其人歟抑大吏視教
化為末務美績無由上聞遂相率而趨於刀
筆筐篋歟多士通經致用學古入官且來自
民間見聞親切其推之往古驗之當今悉心
敷陳毋泛母隱朕將親覽焉○引見丁未科
敬館人員得旨此次敬館之修撰張之萬編
修龐鍾璣業經授職二甲庶吉士許彭壽徐

樹銘鮑源深陸秉樞陳元鼎李鶴年師達燁
曹登庸黃彭年何璟劉其年沈桂芬沈葆楨
陳濬李鴻章袁希祖郭椿壽蘇仲山潘斯濂
陳毓麒胡壽椿周德榮栗增煥林之望李品
三唐士森周士炳張炳堃孫觀蔣兆鯤華祝
三伍肇齡尹國珍劉有銘俱著授為編修三
甲庶吉士毛昶熙張修府彥昌俱著授為檢
討周悅讓周道治文啟白恩佑丁壽昌蕭銘
卣朱夢元宗室載鏗俱著以部屬用繙譯庶

吉士伍忠阿廣鳳俱著授為編修桂豐勒爾
精阿俱著以部屬用○賞會試年老舉人劉
璋等二十五人編修檢討學正銜有差○修
浙江仁和縣海甯州東塘工程從巡撫吳文
鎔請也○甲申

上詣永春室問

皇貴太妃安○命貴州大定協副將雙魁留京
賞頭等侍衛在大門上行走○乙酉
上詣正大光明殿

几筵前供奠。

皇貴太妃幸保合太和養心室。

上恭迎於富春樓。仍奉還永春室。○諭內閣陳

慶偕奏。被叅知縣自縊身死一摺。山東諸城

縣知縣何堂。被人叅奏詐贓多款。當降旨交

該撫嚴查訊究。經該撫飭調來省。該員旋即

自縊身死。並身懷冤單。聲訴各情。事關職官

被劾贓私。臨審自盡。虛實均應徹底根究。著

陳慶偕親提卷宗人證。將該故員被叅各案。

並冤單內聲訴各情。秉公研訊。據實具奏。其

同時被叅各員。著一併悉心訊辦。毋稍寬縱。

○又諭升任內閣侍讀學士董瀛山。奏請嚴

定交界協緝章程。降旨飭吏部妥議。茲據覆

奏各條。緝捕處分。本已嚴密。例文亦屬詳明。

自無庸另議添設。惟所奏兩地均任責成。其

中界分輕重。易啟互相推諉之漸。恐致緝捕

不力。亟應申禁。嗣後各該督撫。務飭各州縣。

於交界處所。嚴行巡緝。毋使疏防盜劫。至鄰

境各項匪徒。竄入本境。立即訪拏。毋任潛匿。

如有疏懈。即行叅辦。以重捕務。而安閭閻。將

此通諭知之。○諭軍機大臣等。寄諭直隸總

督訥爾經額。據奏夷船駛至海口一摺。又另

片奏夷人投遞文書。作何辦理等語。該夷背

約而來。意主虛張聲勢。且欲尋釁。稍不檢點。

便墮其術中。不可不加意慎重。該督日內馳

抵天津。即當派委從前曾經在事文武員弁。

剴切開導。諭以上海所遞公文。業經地方官

入奏。已詳諭兩江總督。飭令安撫夷船。速回

粵東。勿背成約。此次來遞文書。亦不過重敘

入城之語。僅能領悟。自不必多費脣舌。若詢

明此次所遞文書。並非入城之說。或堅勸不

肯回帆。該督即接收。由驛馳遞。靜候諭旨。至

沿海各處防堵。數年以來。想早有備無患。但

恐該夷狡譎。難保無續到船隻。種種尋釁。亦

惟有不動聲色。密飭將弁。加意防守。勿令駛

入驚擾地方。並著嚴諭各兵弁。不得首先開

礮致釀事端其沿海居民妥為曉諭該夷之來因投遞公文並非滋事爾等照常安堵切勿驚惶致失本業如有土著游民藉端聚眾搶掠即時嚴辦以安眾心至應如何遣調將弁豫為防堵之處諒該督久任封圻胸有成竹必能處以靜鎮剛柔得宜毋庸諄囑也慎之勉之將此諭令知之○調兵部右侍郎慶祺為倉場侍郎盛京禮部侍郎春佑為兵部右侍郎○丙戌

上詣永春室問

皇貴太妃安○御勤政殿召讀卷官入親閱定進呈十卷甲第○諭內閣通政使司參議倭什琿布奏習清文以培根本一摺清文為滿洲本業各旗士子自應習之有素據稱考試八旗繙譯生員向有各該旗考試後錄送之例嗣後凡遇考試八旗中書筆帖式繙譯官譯漢官該旗錄送時即照考試繙譯生員之例一體先由各旗佐領考試如佐領不諳清

文即由參領考試仍俟都統副都統與查旗御史會考甄別錄送儻有冒名傳遞情弊立即嚴參懲辦不得視為具文稍涉怠玩○又諭喬用遵奏拏獲疊劫盜犯審明定擬一摺貴州苗匪聚眾搶劫多至一百餘案復敢聞拏拒捕戕斃弁兵實屬罪大惡極經該撫飭委候補知府胡林翼等深入搜捕將各案巨盜二百九十餘名悉數擒獲不致勾結貽害辦理尚屬迅速該地方官雖經失察於前尚

能協拏於後功過足以相抵所有應得處分均著加恩寬免在事文武員弁著擇其尤為出力者酌保數員候朕施恩毋許冒濫○諭軍機大臣等寄諭湖廣總督裕祿秦廣西巡撫鄭祖琛此次湖南逆匪竄擾三省雖經協防會剿未能剋日殲除深恐蔓延為患茲據奏稱月餘以來楚粵兩省文武督飭兵勇會合進剿或分途追擊或併力殲捕計先後接獲大小勝仗十數次殲斃賊匪九百餘人生擒

二百數十人。現在賊匪僅有三四百人。該匪
壘被兜擒窮蹙。竄匿已成釜底游魂。該督撫
等惟當嚴飭將備。督率兵勇。無分晝夜。四路
擊捕。擒拏。以期迅就殄滅。斷不可稍涉疏懈。
仍致乘間逃逸。留為後患。至匪首李沅發。罪
大惡極。萬難日久稽誅。該督撫等更當親提
現獲各犯。悉心研究。務得實在下落。設法追
拏。生擒投首。斷不准誤信已被焚燒之說。致
令元惡逃遁。廣西臬司升任藩司。勞崇光著
准其暫留粵西督辦。俟軍務告蒞。再赴湖北
藩司新任。將此由四百里諭令知之。○調工
部左侍郎廣林為盛京禮部侍郎。轉工部右
侍郎靈桂為左侍郎。調理藩院右侍郎奕毓
為工部右侍郎。以內閣學士和色本為理藩
院右侍郎。○以署正黃旗蒙古副都統多爾
濟那木凱為鑲白旗漢軍副都統。○予廣西
陣亡守備張周南千總陳洪興。縣丞賴錦榮。
祭葬世職。○撥廣東司庫銀十萬兩。解赴廣

西以濟軍需。○丁亥

上詣永春室問

皇貴太妃安。○賜一甲陸增祥許其光謝。增三
人進士及第。二甲黃統等一百四人進士出
身。三甲鍾昌勤等一百五人同進士出身。○
戊子

上詣正大光明殿

几筵前供奠。○詣清夏齋問

如皇貴太妃安。○詣永春室問

皇貴太妃安。○諭內閣。戶部奏請飭各省於應
解應支各款。不得率請改撥。協濟等語。近來
各省於向有本款可支。無待協濟者。率請協
濟。於常年例用之項。不應改撥者。率請改撥。
而於該省積欠未完之款。反延不催解。支絀
日形。實原於此。嗣後著各直省督撫。鹽政。監
督等。於戶部指撥各款。務須覈實籌解。不得
恃有成案。率請改撥。其本省應支之項。即偶
有不敷。亦當自行籌畫。不得率請協濟。其積

欠未完之款。必應破除情面。上緊嚴催。該督撫等。如果視國事如家事。斷無催徵罔效者。至各省造送春秋二季撥冊。每逾例限。向由戶部隨摺附參。嗣後著該部於每年二月八月到限之時。查明撥冊未到省分。專案奏參。以重帑項而肅功令。○又諭。戶部議覆湖南糧船運義造費不敷。借動藩庫銀兩。又另片奏報災防弊等語。湖北荊州等四衛及湖南岳州衛軍船。載運湖南漕糧。應徵運義造費。業經因災緩徵。自應准其借給。以濟運行。惟運務既不能稍緩。借項又未便久懸。應查舊案。該五衛每歲必災。每災必借。其應徵之款。每歲必緩。每緩必展。習成故套。竟未有不需奏借之年。從未有如數徵還之日。明目張膽。其為捏報災荒。希圖草恩豁免。已可概見。著萬貢珍。即將此案辦理蒙混緣由。迅速查明。據實具奏。不得因本任藩司。自行迴護。因思湖南一省如此。他省可知。並著各該督撫嚴

飭所屬。偶遇地方偏災。務須查照定例。勘驗明確。分別輕重。准駁毋得任意報災。有心欺罔。該管道府亦應親往履勘。覈實辦理。儻有扶同影射情弊。即著該督撫嚴行參處。經此次通諭之後。仍敢怠玩欺蒙。一經查出。或經該部指參。該地方官等。試思能當此重咎否。耶懍之。○又諭。前據程喬采等奏。滇省試辦銀廠。未臻成效情形。飭部議奏。茲據王大臣等會同戶部奏稱。該省試辦無效。自未便必令開採。著程喬采等。悉心查勘。如果弊多利少。即遵照前奉諭旨。奏明停止。○己丑

上詣
大高殿行禮

時應宮拈香。還宮。○諭。內閣。陸建瀛奏。訪聞湖北江西兩岸。現辦鹽務情形。請飭嚴查一摺。淮南新辦鹽務章程。前經降旨永禁整頓。裁減岸費。並令陸建瀛查有掣肘阻撓之員。即行參辦。茲據該督奏稱。訪聞湖北鹽道

鄒之玉仍諭各商板提售價不遵永禁整輪
辦法以致存鹽滯銷民食增貴江西署鹽道
慶雲需索月費爭競不已並有應照廉俸支
繳謬論等語現在整頓鹽務之時似此不遵
札飭甚至需索陋規於釐政實大有害著湖
廣總督江西巡撫秉公嚴查據實叅辦毋稍
姑容○又諭祥厚惠密奏請將開墾城坡之
職官人等革訊一摺據奏江南省城垣有久
經倒塌處所積為土坡查出愚民開種者六
段自應訊明嚴禁以資保障鑲黃旗驍騎校
波勒和納著即革職文舉人春年武舉前鋒
廣志武生連中馬甲舒翁額哩步甲成全均
著斥革交陸建瀛就近訊明照例辦理該處
土坡是否該民人舊有房基圍地或係任意
開墾始自何年均著悉心查明覈辦不得株
連無辜祥厚惠密及歷任失察各官均俟定
案後由該督奏明分別議處○朝鮮國使臣
徐佐輔等三人於西安門內瞻觀○

上以加上
孝賢純皇后
孝儀純皇后
仁宗睿皇帝
孝淑睿皇后
尊謚致祭
太廟自是日始齋戒三日○庚寅以拏獲鄰境
巨盜予廣東千總楊衛邦羅逢濤升補並加
都司銜改鑄江蘇句容縣知縣印信從巡
撫傅繩勛請也○辛卯
孝慎成皇后忌辰遣官祭
陵寢諭內閣戶部議覆御史涂文鈞條奏徵
收加耗毋庸另議科則等語著依議至東南
各省近年疊被災荒應如何興修水利籌裕
倉儲及編查守禦各事宜均照所議著各該
督撫嚴飭所屬認真籌畫加意撫綏一切救
災禦患之計務使利濟於民不致有名無實
其有辦理失宜奉行不力者即行據實叅辦

以飭吏治而蘇民困。○又諭賡福奏。委拏賊盜冒昧具稟之縣丞一摺。熱河建昌縣四家子縣丞龔行淮。於委拏著名巨盜之案。並不訪查確實。輒聽信弓兵一面之詞。率行具稟。冒昧已極。龔行淮著先行交部議處。並著賡福提集該弓兵等。研訊確實。有無別情。並飭緝逸犯。務獲究辦。至捕務廢弛。豈止熱河一處。近日劫竊之案。層見疊出。雖有一二緝獲懲辦。其隱匿不報。或報不以實。地方文武員弁。往往改劫為竊。規避處分。承緝兵役。甚至誣良為盜。冒功邀賞。此等情弊。在所不免。著各直省督撫等。嚴飭所屬認真訪查。如有似此劣員。即著從嚴叅辦。毋稍迴護。致屬吏無所儆畏。公事益形玩泄也。將此通諭知之。

授一甲一名進士陸增祥翰林院修撰。二名進士許其光三名進士謝增編修。○命工部尚書杜受田吏部左侍郎瑞常教習庶吉士。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之八

大清文宗協天翊運執中垂謨懋德振武聖孝淵恭端仁寬敏顯皇帝實錄卷之九

聖修經史官廷日講起居注官太子太保上書房總辦傅文蔚閣學閣部翰林院掌院學士稽察奉天上書事件處國史館總纂官武英殿

大學士管理兵部事務加十三級紀錄十四次。賈賴宣奉親王、經提議官太子太傅文淵閣領侍中直學殿前監官兼督廣西三體仁廟。

上學士官鹽戶部三庫事務並刑部事務加二十五級紀錄十六次_臣周振鴻經燕管太子少保官陞內閣學士及事務對引大臣軍機大臣

三頭河州都統戶部尚書管理三庫事務加四級隨帶加五級紀錄十二次戶部堂官巡道該省莊德嚴教習清丈總達上書房總辦

二國文館通表正並探書部從部內書管理不字熱腰字重降加二級平功加四級平功加八級紀錄五級 健什孫布等奉

救修

道光三十年庚戌五月壬辰朔

上以加上

尊諡前期遣官告祭

天

地

太廟

社稷

宣宗成皇帝几筵至日親詣

太廟致祭行加上

孝賢純皇后

孝儀純皇后

仁宗睿皇帝

孝淑睿皇后

尊諡禮禮成詣

奉先殿行禮還圓明園詣永春室問

皇貴太妃安諭軍機大臣等據訥爾經額奏

夷船尚未起碇一摺據奏該夷麥華陀等乘

坐杉板船隻進口經該鎮道明白開導即行

折回大船是其於投文之外別無他意已可

概見該督現已委員會同鎮道在海口傳見

該夷如果唯命是聽。即日起碇駛回上海。應

聽陸建瀛遵旨妥辦。設該夷必欲在天津投

遞文書無論文內是否專為廣東入城之說。

諒其伎倆已窮。亦不必過於拘執。即著委員

等接收由驛馳遞呈覽仍一面曉諭該夷投

文事畢儘可回帆南駛聽候覆諭其餘辦理

情形該督隨時奏聞並著仍遵前旨示以鎮

定密為防範俾該夷無從窺測而居民不致

驚惶。是為至要。將此密諭知之。○又諭寄諭兩江總督陸建瀛。據訥爾經額兩次奏稱。四月十九日。有喚夷火輪船一隻。駛至天津。有夷目駕杉板船進口。求遞公文。自仍係前此所遞各書。已諭令訥爾經額接收馳奏。仍曉諭該酋速回粵東。照舊貿易。該夷初到天津。頗形桀驁。數日來風色不利。未見舉動。或因開導明白。大船不能駛入。無所施其伎倆。惟查從前耆英約以二年後入城。原係屆時察看民情之意。迨民情不願。既已罷議。何以仍復嘵嘵。若粵東商民聞之。仍如上年各停貿易。於該夷又有何益。叻叻等現在上海。該督當以情理利害。剴切開導。令其回帆向粵。照常通商。是為至要。至江海各口。及澎湖等處。應如何設備。以防不虞。久已議立章程。行所無事。該督身膺疆寄。諒必不動聲色。嚴密巡防。無待朕之諄囑也。所有現在查辦情形。仍著隨時據實由驛馳奏。將此諭令知之。○改

鑄福建建安縣知縣印信。從巡撫徐繼畲請也。癸巳

上詣正大光明殿

几筵前供奠。詣永春室問

皇貴太妃安。諭內閣。刑部奏審擬寶源局匠役圖借官銀糾眾滋鬧一案。並請由工部錢法堂飭令該監督隨時約束。已依議分別辦理。自足儆戒。將來惟戶工二部錢局人數眾多。如果該監督大使等平時管束有方。何至

有特眾抗官之事。前因通政使司參議齊承彥條奏。曾經降旨令寶泉寶源兩局堂官。妥籌約束章程。因思該工匠等均係在官人役。近在輦轂之下。膽敢鳴鐘聚眾。復敢不服彈壓。將地面及該管官閉門扣留。雖未貽誤鼓鑄。實屬目無官長。大干法紀。儻不嚴加整頓。必致釀成事端。所關匪細。嗣後應如何嚴定規條。先事豫防之處。著該堂官仍遵前旨。迅速妥議具奏。尋戶部工部奏擬約束匠役章

程○各廠匠役平時責成大使查察朔望點驗責成滿漢監督覈對年貌○各廠開門各有定期責成中廠大使並派筆帖式一名分赴抽查○閒匠額數鑪房八人磨房六人不得於額外私相容留○各匠出外買辦食物責成地面堆撥弁兵隨時查察○各廠閒匠令八行正匠管束八行正匠令鑪頭管束有不安本分者稟明本廠大使究辦從之○又諭奕興等奏拏獲偷木開地人犯送部嚴審

並請將失察各員分別議處一摺此案賊犯遲文洪等膽敢潛越煙筒山紅椿界內偷砍木植私開地畝實屬藐法著交盛京刑部會同奕興等嚴訊治罪所有該管地方失察之興京城守尉通判界官等著該部查取職名分別議處○庫倫辦事大臣德勒克多爾濟等奏管理圖謝圖汗車臣汗二部落二十八卡倫之扎薩克貝子密珠爾多爾濟五年期滿請派車臣汗部落扎薩克貝子德濟特多

爾濟管理允之○甲午

孝誠仁皇后忌辰遣官祭

景陵○

上詣永春室問

皇貴太妃安○諭內閣據戶部禮部會議升任給事中呂賢基陳奏四條一摺學校為教化之原士子訓課責在校官校官賢否責在學政近日校官一途半皆年老衰庸及末學淺見之士著各省學政嚴行考覈文行兼優者

方准列薦庸劣不職者即行甄別至於月課歲考尤須認真舉行所課試卷按季申送學政諸生優劣學冊三歲咨部備查總期實力奉行毋得日久生懈其安徽江蘇江西湖北等省捐賑銀米及道光二十八年推廣捐米事例俱著一律停止至不肖官員藉公營私夤緣腹削尤應查辦著各直省督撫等於所屬各員內留心訪察無論是否捐輸出身但有夤緣腹削及擾累民生者隨時指名嚴參

懲辦以儆官邪而挽頹風。又諭戶部議覆給事中王東槐奏停止捐輸籌畫倉儲並枚舉耗財四害一摺。各直省督撫有整理地方之責。如果措置得宜。一切悉臻妥協。何至耗損經費。至河務修防。動款甚鉅。近來銀價增昂。工料多係以錢折算。為數本有盈餘。尤應力求撙節。州縣為親民之官。若不崇廉懲貪。屬吏何從激勸。陋規不裁。則挾制之風不絕。流弊不禁。則虧那之弊不除。著各該督撫及河道總督。實心整頓。於貪墨各員。隨時汰黜。務使吏治肅清。地方靜謐。庶屬吏咸知儆畏。而經費不至虛糜。其南河工用。疊經嚴飭。不准絲毫濫支。東河事同一律。並著該河督飭屬一體撙節辦理。又諭王大臣等。遵議給事中王東槐奏封禁礦廠一條。開採山礦。原期裕課便民。除貴州一省。仍令開採外。其餘各省。著該督撫確切查明。如果於民未便。著即遵照前奉。

諭旨。奏明停止。又諭戶部議覆徐澤醇奏陸續歸補辦理夷務借動各款銀兩一摺。四川省辦理馬邊等處兩次夷務。借動鹽茶耗羨銀二十六萬餘兩。官民捐輸餘贖銀三十萬六百萬兩。餘茶銀八萬餘兩。封存銀十八萬餘兩。均經奏明。入於本省。各官按年公捐銀二萬兩還款。計自道光十八年起。至二十九年止。已應歸補銀二十餘萬兩。何以僅歸補銀七萬七千餘兩。且二十九年奏銷冊籍。亦未報部。經該部屢次奏催未到。著該督迅將前項借動銀兩。遵照奏定成案。按年迅速歸補。務須年清年款。不得稍有延宕。即將所收銀兩。入冊報部候撥。其借動捐輸餘贖銀兩。前經奏明。俟廓爾喀達州軍需未完。銀兩扣竣後。再行接扣。其前案何年可以扣竣。此案何年可以起扣。亦著該督查覈具奏。諭軍機大臣等。有人奏閩浙總督劉韻珂。自到閩後。聲名大減。眾口一詞。洋面搶劫勒銀取贖。

之案甚多。墮不上聞。門丁王瑞肆行貪黷。眾目昭彰。該督不能約束。以致士民敢怒而不敢言。前該督親赴臺灣。因該門丁濫索多費。幾有覆舟之禍。其事合省皆知。並上年夏間。漁山洋面會剿盜匪。有台州遊擊被盜焚擊落水。該督捏奏。先時落水。又有温州武弁在瑞安海口被戕之案。該督並未具奏。漁山盜匪肆劫。漁戶數百人不能出洋。至該管道署鼓譟。幾至激成事端。各等語。著裕瑞、黃贊湯會同嚴密訪查。該督辦理公事。聲名如何。該門丁王瑞有無倚勢招搖貪婪不法實據。該督有無縱庇情事。其被參各款均著逐件悉心探訪明確。據實具奏。不准稍涉含混。儻有隱飾徇庇。經朕查出。或別經發覺。該將軍等其能當此重咎。取將此各諭令知之。○又諭前任雲貴總督林則徐、經大學士潘世恩等先後保奏。已有旨令劉韻珂等查明該員是否。在籍能否來京。該督等務即傳旨飭令該

員迅速北上聽候簡用。毋稍延緩。如病體實未復元。諭令上緊調理。一俟痊愈。即行來京。將此諭令知之。○以福建臺灣協副將葉常春為江南蘇松鎮總兵官。○乙未。

上詣永春室問

皇貴太妃安。○引見新科進士。得旨。一甲三名陸增祥許其光。謝增業。經授職外。黃統、孫衣言、慎毓林、楊慶麟、錢鍔、晉康、何福、咸、張雲望、武廷珍、袁保恆、季念詒、俞樾、吳焯、朱文汧、咸

士彥、岳世仁、趙樹吉、梁巍、陳元楷、丁紹周、鄭守誠、李嗣元、王敦敏、儲德燦、梁駿觀、錢桂枝、葉炳華、曾璧光、陶紹緒、邵亨豫、周譽芬、朱金鑑、呂耀斗、吳蘭芳、孫學駒、張大椿、徐桐、杜聯、劉傳祺、王道壩、鄒石麟、姚詩彥、沈史、雲崇實、袁嵩齡、寇嘉相、楊書香、李義鈞、壽昌、童秀春、傅觀海、宗室載肅、楊彝珍、濮慶孫、馬佩璠俱著改為翰林院庶吉士。何元輔、蔣繼洙、王繼庭、匡汝諧、畢應辰、羅家勤、丁先庚、楊映奎、吳

台壽郭桐生尹耕雲程祖誥孫成基張祺恆
鄭植成琦杜如芝劉銳崔雲章鍾琇段啟宜
張瀛李時敏但紳高欽中張允熙吳可讀吳
鼎元鄒溥霖呼震劉毓勤唐正恩李可琳宗
室謙惠徐寶治劉名馨王世遠杜義山林述
訓靳文蔚李鏡江洪璫楊先澤王書瑞李廷
楠韋承瀛俱著分部學習賴子猷何元愷來
秀方葆珊陸大年俱著以內閣中書用張瑞
珍何傳興張師石吳鼎立劉維嶽李吉言馬

斌沈善昌高鑾宣宋恪符馮承基張爾周饒
豐李鼎徐光第衛元燮徐引馮拱宸孔繼中
黃榮庚符鼎庸夏獻烈吉惠常恩鍾昌勤張
仁法張崇本徐繼達楊承烈喬家槐李信芳
邵春卿孫志銘張亮采鄭惠常徐步雲尹式
芳楊汝為黃崇禮楊順時陳渭川周必超謝
慶雲胡叔琳黎樹楨侯猷尹佩瑋李人鏡晏
湘宋來賓劉鍾璟林廷杰李兆煦陳五典陳
繼仁薩炳阿李漸鴻伊麟泰裴嗣錦徐宗海

郭珍暴大儒祝壽昌教彤臣李際昌王寶權
劉觀光蓋星階歐陽黎照俱著交吏部掣籤
分發各省以知縣即用餘著歸班銓選○以
福建辦運緝私出力予知縣婁治等升敘有
差○丙申

上詣正大光明殿

几筵前供奠○詣永春室問

皇貴太妃安○諭軍機大臣等據訥爾經額奏

開導喚表業已領悟起破南旋一摺又另片

奏督同鎮道辦理情形等語此次喚夷北駛
意在投遞公文迨示以寄覆兩江總督傳諭
之詞反覆勸導該夷心折隨即起破南旋所
辦甚屬妥協可見該督靜鎮不致墮其術中
即不受公文恐稍不遂意即來天津更恐味
拂二夷相率效尤均不為無見惟念夷情巨
測其折回上海以後難必其俯首帖耳即起
粵東且到粵後多方挾制設法離間亦難豫
料除已有旨諭令江南閩浙廣東各地方官

一體嚴防開導並將該督此次所奏摺片鈔給閱看外該督當乘此閒暇之時率領鎮道相度海口形勢選擇將弁加意防守夷去布置周密夷來行所無事不可因暫時無警即萌怠心統俟從容辦理周受文武職守均已得人再行旋省將此諭令知之○又諭本日據訥爾經額奏委員開導喚夷現已起碇南旋一摺已有旨諭以該夷將來難免復來令訥爾經額布置周密嚴加防範矣因思喚首心懷叵測此次先至上海投遞公文旋即遣人駛赴天津雖經訥爾經額委員親赴夷船諭以所備公文二件已由江南驛遞一分呈覽何必重複投文再三開導該夷情願折回上海聽信不復投遞隨即起碇南旋而夷性譁張往往聲東擊西言此意彼即使陸建瀛等遵旨曉諭仍難保無妄念挑釁沿海滋擾從前夷船由海入江江浙一帶屢經失事追溯前因能勿早為之計最可慮者如江南之

海口及澎湖等處一經夷艘闖入不惟驚擾居民兼恐阻礙漕運而浙江之定海孤懸海外尤為夷人所覬覦著陸建瀛傳勦福珠洪阿吳文鎔各就緊要處所悉心察看豫為籌防斷不可稍存大意文武官員總須慎選曉事得力者分布防堵其一味卑諂懦弱者概應更換經此飭諭儻有疏虞惟該督撫提督等是問其福州向准通商且夷酋在城居住平日尚屬相安惟當此夷情浮動之際劉韻珂徐繼畲亦應留心察看擇要密防切勿恃其日久安靜致有猝不及防之患至徐廣縉葉名琛連年籌辦夷務一切悉臻周妥此時該夷忽有反覆欲行反間未墮其術亦應多方準備勿致激怒生變使有藉口惟防夷之策各省皆可籌維而馭夷之權粵東似有把握將來該夷回至粵東如果俯首聽命自可仍前貿易儻因所請不遂挾其故智駕駛兵船竄擾腹地則防之於後仍不若制之於

先徐廣縉葉名琛惟當督率紳士激勸夷商告知上年議欲進城各國便停貿易歸怨嘆夷使之利鈍曉然暗消桀驁自遠勝於捷伐申威諒徐廣縉等必能善體此意設法控馭使之類然自沮也總之有備無患惟在先事豫防夷燄縱復鴟張靜鎮必可得力該督撫提督等共輸忠悃振刷精神藉口無由防堵足恃朕實有厚望焉訥爾經額此次摺片均著鈔給閱看將此各諭令知之○以奉宸苑

卿基溥為總管內務府大臣○丁酉

上詣永春室問

皇貴太妃安○諭內閣吳鍾駿奏請慎擇州縣一摺州縣為親民之官撫字催科責任綦重必得為守兼優之員方克勝任若如所奏近年以來登進冒濫流品猥雜短於才者恃胥吏為腹心急於利者賤閭閻之膏血以致政治墮壞民生窮蹙不可不亟加整飭以儆官邪著各該督撫等留心察訪嚴加考覈廉能

稱職者登諸薦剡以為激勸之階貪鄙闖茸者亟予罷斥以絕夤緣之路牧令得人則官方自飭而民困漸蘇吏治蒸蒸日上朕實有厚望焉將此通諭知之○又諭據裕泰鄭祖琛尚榮由六百里馳奏生擒首逆殲除匪黨地方一律肅清一摺覽奏欣慰此皆仰荷皇考在天之靈俾首逆速就擒獲黔庶得以稍安思及此敬感交綏至湖南逆匪李沅發本係山野莽民烏合小醜自上年冬間結會糾

黨戕官踞城竄擾三省蔓延愈甚迨裕泰親往督剿數月之久竟未肅事日盼捷音何能稍釋茲據裕泰等奏稱該匪自屢次潰敗之後東奔西突經該督等設計誘至金峯嶺山內該逆仍復抵死抗拒該督等復督率將弁一鼓作氣距躍登山統計殲斃二百餘人生擒大小頭目羅登爵等五十八名滾巖跌斃者不計其數首逆李沅發帶傷由後山滾落崖澗當被鄉勇生擒縛獻梟槍頓掃地方一

律肅清。裕泰接手辦理軍務。雖不免遲延。然首逆就擒。斬獲甚夥。著免其處分。三省所調官兵。均卽裁撤歸伍。仍飭撥捕零匪。勿留餘孽。裕泰著妥辦善後事宜。不可只顧目前。因循草率。兇暴雖除。而良善未安。該督必當體朕之心。為久安之計。已革巡撫馮德馨道員楊炳堃。提督英俊。總兵雙德等。失誤事機。奏報不實。仍著裕泰遵奉前諭。查明根由。分別文武失事輕重。定擬具奏。不准因業已報捷。稍為開脫。自干重咎。所有傷亡官弁兵勇。應行給予卹典之處。著裕泰查明分別題咨。照例辦理。該省失察之文武官員。本應議處。姑念首惡就擒。均著加恩寬免。至此次逆匪擾及三省。各該督撫等會籌協勦防堵。均稱得力。裕泰著加恩。晉加太子太傅銜。廣西巡撫鄭祖琛。貴州巡撫喬用遷。並著賞加太子少傅銜。與湖南提督向榮。廣西提督閔正鳳。貴州提督秦鍾英。一併交部從優議敘。此外各

該省在事實出力文武官員及紳士鄉勇人等。著裕泰鄭祖琛喬用遷查明實蹟。分別酌保。候朕施恩。毋許冒濫。逆匪李沅發著卽遣委妥員。檻送京師。盡法處治。以申國憲而快人心。諭軍機大臣等。有人奏廣西會匪猖獗。請飭嚴辦。一摺。廣西向多會匪。近因楚匪竄入境內。各府匪徒乘間四起。地方官不能兼顧。以致蔓延為患。如所奏上年馬平縣高圩被焚劫者數十家。遷江縣樸佑村焚劫至數百家。今年正月有貴縣永福永安等州縣焚劫之案。近日宣化慶遠東鄉桂平等縣及象州地方皆有賊首嘯聚。分夥肆掠。由永福至雒容修仁各縣屬村莊被其荼毒者數十百家。惟象州報劫至五百村為最甚。而蒼梧縣赤水村至於燒毀一空。果如此等情形。賊之害民已極。現在楚匪已經勦平。該撫鄭祖琛當督率文武員弁奮力嚴拏。分路掩捕。不得任其裹脅勾結。坐使滋蔓難圖。遇有擒

獲隨即奏辦切勿稍存諱飾也。懷之原摺着鈔給閱看。將此諭令知之。○又諭寄諭順天府都察院步軍統領巡視中城御史德奎曹懋堅奏湖南匪徒聚眾滋事恐有湖北匪黨裝成逃荒之人勾串滋事等情。該匪徒等既有勾串情形難保不竄入他省京師地廣人稠奸匪易於藏匿尤不可不加意防範。著該大臣等各飭所屬並傳知五城巡城科道於所轄地面嚴密稽查如有湖北湖南兩省

形跡可疑語言混雜之人即行盤詰訊出實據奏明交部訊辦毋稍疏忽原摺着鈔給閱看。將此各密諭知之。○改鑄浙江黃巖縣知縣印信從巡撫吳文鎔請也。○以等獲鄰境洋盜多名予浙江知縣王有齡以同知直隸州儘先選用。○戊戌。

上詣永春室問

皇貴太妃安。○諭內閣此次大學士潘世恩禮部尚書孫瑞珍工部尚書杜受田同保之告

病前任雲貴總督林則徐協辦大學士戶部尚書祁寯藻保舉之告病翰林院修撰劉鐸吏部尚書文慶保舉丁憂回籍之前任刑科給事中蘇廷魁工部尚書杜受田保舉之休致前任漕運總督周天爵禮部尚書孫瑞珍保舉之休致前任兵部侍郎戴熙戶部右侍郎朱鳳標保舉之降調前任工科給事中陳慶鏞禮部右侍郎曾國藩保舉之降調前任太常寺少卿李崇階均著各該督撫傳旨飭

令各該員迅速來京聽候簡用該員等行抵京後除應行具摺人員外其餘具呈吏部代奏候旨。至大學士潘世恩與兵部尚書魏元烺同保之前任福建臺灣道降補四川蓬州知州姚瑩著仍遵前旨赴兩淮差遣俟離任辦有起色即行送部引見。○修山東運河。加河捐河上河四廳隄壩牆座等工從河東河道總督顏以燠請也。○己亥。

上詣永春室問

皇貴太妃安。○諭內閣浙省歷屆辦運借動庫項二十二萬七千兩著該漕督巡撫查明應徵新舊漕白錢糧嚴飭各屬按限徵解分別歸款毋任延宕其辦漕經費既有減船津貼嗣後不得再行援案動借以重庫項。○諭軍機大臣等據荊州右翼副都統榮玉德奏荊州將軍台湧自拾匿名揭帖並未銷燬又臚列該將軍款蹟五條虛實均應徹底根究著裕泰於軍務辦理善後完竣即赴荊州確切查明據實覆奏原摺著鈔給閱看將此諭令知之。○戶部議准漕運總督楊殿邦浙江巡撫吳文鎔疏請灑裁湖屬疲幫漕船二十隻從之。○命實錄館副總裁官刑部左侍郎周祖培敬謹專勘彙本。○庚子。上詣正大光明殿几筵前供奠。○詣永春室問皇貴太妃安。○山海關副都統富勒敦奏奏報

奕夷船隻駛至老龍頭即日南旋等語得旨操演兵丁應嚴於平日不可因有事而現訓練亦不可因事了而疏防備爾為人明白此事猶應細心。○塔爾巴哈台參贊大臣成凱等奏土爾扈特親王翰克濟爾噶勒扎薩克頭等台吉圖布慎克什克等會同副盟長扎薩克頭等台吉喇特那巴咱爾稟稱伊等奉聞大行皇帝大故當即成服齊集游牧喇嘛等諷經四十九日今復進貢銀兩馬匹懇在塔爾巴哈台諷經及進貢之處停止此項銀兩馬匹即給予游牧諷經喇嘛從之。○改鑄福建銅山營參將關防從總督劉韻珂請也。○辛丑。上詣大高殿行禮。○還宮。○轉宗人府右宗人綿勳為左宗人以貝子奕縉為右宗人。○予故宗人府左宗人貝子綿岫祭葬如例。○

上以夏至祭

地於

方澤自是日始齋戒三日○壬寅諭內閣張芾奏現出學差可否比照在京大臣保舉人員等語張芾係由侍郎外放學政准其保舉○諭軍機大臣等有人奏浙江甯紹台道咸齡前任蘇松道時駐劄上海惟夷酋之言是聽前年因致書夷酋措詞失當以致夷船駛入大江徑抵江南省城後經奏調今職聞其在

浙仍以縱容夷人為事且其眷屬竟與夷婦往來等語辦理夷務原有羈縻之說究竟該員有無因過於卑諂致長桀驁之處該員業經開缺送部引見著吳文鎔一面將該員送部一面秉公訪查平情據實具奏毋稍瞻徇迴護將此諭令知之尋奏咸齡經理夷務尚為得體並無眷屬與夷婦往來事報聞○癸卯

孝德皇后殯宮月祭遣官行禮○諭內閣御史

隆慶等奏請嚴禁鑄錢違式一摺寶泉局鼓鑄制錢配用銅鉛輕重向有定式自應局員隨時查驗有輕重不均者飭令回鑪不使支放之時臨期挑換茲據該御史等奏稱每月監放八旗餉錢竟有薄小易碎字樣模糊者每千攪雜數十文勢難逐串查驗而兵丁食用所關豈容任意以偷減之錢強為支領等情因思戶部寶泉局如此工部寶源局其弊略同嗣後著兩局滿漢侍郎督率該監督廠

大使等實力整頓悉遵定制毋任草率偷減如有厚薄大小輕重不符及文字模糊磨鑿不精等弊隨時查驗將鑪頭人等嚴行懲辦並將監督等官叅處現在新章甫定勸懲兼施該侍郎等若祇有保舉而無叅劾錢法安望有起色耶懍之○江蘇布政使李璋煜因病解任以福建按察使陳玠為江蘇布政使調甘肅按察使蘇敬衡為福建按察使○移建江蘇白茆河海口石牯於老牯橋從巡撫

傅繩勛請也○甲辰夏至祭

地於

方澤

上親詣行禮○還圓明園○詣永春室問

皇貴太妃安○遣官祭

闕帝廟○賞太常寺讀祝官圖桑阿五品頂帶花翎○乙巳

上詣正大光明殿

几筵前行月祭禮○詣永春室問

實錄卷九

五

皇貴太妃安○嚮夕復詣

几筵前供奠○以

方澤大祀引導錯謬革贊引官察杭阿職○丙

午

上詣永春室問

皇貴太妃安○諭內閣京倉以放代盤原以釐

剔積弊著倉場侍郎及各查倉御史實力嚴

查如有虧缺微變情弊立即據實叅辦毋稍

徇隱○諭軍機大臣等前據裕泰奏擎獲首

逆李沅發當有旨著令遴委妥員檻送京師

惟思該督摺內有李沅發於就擒時身受多

傷之語現在天氣暑熱路途遙遠設該首逆

中途因傷身死轉得倖逃顯戮著裕泰詳細

察看該首逆可以來京即遵前旨辦理儻中

途慮有別故著迅速截回一面奏聞一面即

行正法以彰國典而快人心將此諭令知之

○貸湖南鳳凰乾州永綏古丈坪保靖五廳

縣苗疆丁佃籽種口糧

實錄卷九

五

大清文宗協天翊運執中垂謨懋德振武聖孝

淵恭端仁寬敏顯皇帝實錄卷之九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之十

監修總纂官臣等謹將文宗顯皇帝實錄卷之十目錄開列於左
大學士管理戶部三庫事務等因奉旨著照所請欽此

大學士管理刑部事務等因奉旨著照所請欽此

大學士管理工部事務等因奉旨著照所請欽此

大學士管理禮部事務等因奉旨著照所請欽此

大學士管理兵部事務等因奉旨著照所請欽此

教修

道光三十年庚戌五月丁未

上詣

大高殿行禮○還宮○戊申諭內閣前飭諭在

京部院大臣保舉人才經大學士穆彰阿等

遵旨陸續保奏按次召見並令軍機處將各

該員履歷考語分晰開單呈覽隨時披閱此

次特旨保舉原期拔十得五以昭激勵而廣

揆羅即在外任並在籍各員亦經降旨飭令

來京召見候簡除大學士穆彰阿所保宗室

文彩聶鴻已降旨以京堂錄用並將所保臬

司聯英飭令辦理鹽務以現其才外其餘各

部院大臣所保內外各員朕當量材器使或

予內擢或授外任自毋庸照尋常升轉以示

破格用人之意至現任學政杜翰吳福年于

憂學政龍啟瑞均俟任滿服滿到京時由吏

部題奏辦理○己酉

上還圓明園○詣永春室問

皇貴太妃安○諭軍機大臣等陸建瀛馳奏查

明上海夷情親往籌辦並鈔錄照會呈覽一

摺又另片奏夷酋神色消沮俟天津船回即

可相機開導使之回粵等語該夷此次赴津

投文原不過意存嘗試現在天津委員既未

接收文件告以江蘇業經馳遞公文正言辨

論令其折回上海已絕其不時赴津之妄念

該夷廢然而返此時如已到滬該督自當仍

遵前旨相機曉諭即令挂帆南駛不致再行

肆擾惟夷情叵測儻駕馭稍失機宜即難保

不藉端擾及沿海該督現既親赴澎湖與提

督福珠洪阿將設防處所。逐一布置周密。又以閱伍為名。馳赴江海交匯之區。督飭鎮將密為豫備。第念福山一帶。已經該督察看籌防。自臻周妥。其後路江口。如防範偶疏。仍應乘虛恫喝。即使船未聞入。而居民已覺驚恐。惟在該督通盤籌畫。務令江海各口。防堵悉臻嚴密。仍示以鎮靜。不致顧此失彼。方臻妥善。惟山東奏報該夷火輪船仍往東北一帶行走。已諭令盛京將軍嚴防矣。將此諭知陸

建瀛。並諭令傅繩勳。福珠洪阿知之。○又諭寄諭盛京將軍奕興。據陳慶偕奏。查探夷船由登州外洋東北行駛一摺。此次喫夷之船。於五月初二日自天津開行。於初四日即至山海關。先據該副都統奏報。已起碇駛往西南。乃東省員弁。於初七日在隍城島瞭望。有火輪船一隻。從外洋向東北駛去。該島為山東與奉天交界。洋面相隔不遠。夷情詭譎。恐其欲赴奉天。著該將軍等隨時查探。密飭沿

海文武各員。小心防範。一俟探明夷船是否實赴奉天。抑或轉帆南旋之處。即速奏聞。總當示以靜鎮。勿令兵民惶惑。該夷在天津演放空礮二十餘出。地方官置之不聞。該夷技窮而去。將此諭令知之。○朝鮮國使臣成遂默等三人。於西安門內瞻覲。○庚戌。

上詣正大光明殿

几筵前供奠。○詣永春室問

皇貴太妃安。○諭軍機大臣等。前有人奏。廣西

會匪猖獗。已寄諭鄭祖璥。飭令督率嚴辦矣。本日復有人奏。廣西自去年賊首張家祥滋事。官兵不能捕獲。而強為招安。餘黨四散。勾結。慶遠則張家福。鍾亞春。柳州則陳東興。陳亞潰。陳亞分。陳山緒。羊武宣則梁亞九。劉官生。象州則區振祖。潯州則謝江。嚴平樂則紫金山一夥。皆分股肆擾。而陳亞潰一股為尤甚。似此盜風日熾。該省州縣緝捕懈弛。已可概見。提督駐劄柳州。即為賊蹤出沒之區。何

以任其往來。不加懲創。難保無欺。周吳縮情事。著該撫將前後所奏各情。按照摺內所指賊匪姓名。實力查拏。盡法懲辦。並將廢弛捕務各員。先行叅劾。責成文武員弁。痛改錮習。上緊會緝。無任一名漏網。以除民害。而安邊境。原摺著鈔給閱看。將此諭令知之。○刑部尚書陳孚恩。以母病乞解職。侍親回籍。允之。調工部尚書杜受田。為刑部尚書。禮部尚書孫瑞珍。為工部尚書。以署禮部左侍郎何汝霖。為禮部尚書。○辛亥。

上詣永春室問

皇貴太妃安。○諭內閣。前經降旨。令兩江閩浙兩廣總督。於水師副將內。遴保堪勝水師總兵人員。以備錄用。現在記名人員。均已簡放。仍著各該督。於副將內。擇其涉歷風濤。熟諳沙綫者。迅速覈實保舉。不得以無員可保。一奏塞責。至參將遊擊都司守備中。如有才識諳練。熟習水師情形者。均准據實保奏。豫為

儲備。各該督任重海疆。得人為要。總在平日隨事留心。因材激勸。何應簡用乏人耶。○又諭山東登州鎮現既改為水師。本任總兵許聯鑣。係陸路人員。自應另候簡用。惟各該省保舉水師堪勝總兵人員。現尚未據奏到。著照該撫所請。暫令許聯鑣督辦。仍著於該省現任副將內。悉心遴選。如果得人。署理。再令許聯鑣交卸。此後水師人才。亟應豫為儲備。並著陳慶偕於各營將備中。隨時留心。如有

不畏風濤。巡防得力者。准即據實保奏。用備異日干城之選。○諭軍機大臣等。鄭祖琛。閩正鳳。奏報楚匪搭捕淨盡。地方肅清。各路官兵壯勇。分起凱撤。一摺。廣西與湖南交界各山。據稱搭捕無餘。現已撤兵散勇。恤民復業。所辦尚俱妥協。惟查廣西山深箐密。此番懲創之後。尚恐有零匪潛匿。仍應實力查拏。勿留餘孽。致滋後患。前據該撫於正月間奏稱。追剿遷隆等屬匪徒。擒獲者七百數十名。前

此所獲各案。復有數百名。可見該省匪徒充斥。難以遽言淨盡。近日疊有人奏。本年劫盜又復疊疊。本月已兩次寄諭。飭令嚴辦。該撫值軍務完竣。該提督已回柳州。亟當激勵文武員弁。將各路大夥盜匪。趕緊緝拏。勿任蔓延。勾結。查有懈玩之員。先行嚴參。不可因楚匪剿辦已畢。即以全境肅清一奏了事也。將此諭令知之。○改山東登州鎮為水師。兼轄陸路。原設水師後營遊擊為登州鎮水師中軍遊擊。文登協陸路副將為水師副將。兼轄陸路。原設陸路都司一員。仍為文登協陸路中軍都司。添設水師守備一員。為文登協水師中軍守備。撥水師前營東汛千總一員。水師後營把總一員。水師後營登中營登右營即墨營。經制外委各一員。該協存營水師後營登中營。即墨營。額外外委各一員。俱隸文登協水師。並撥該協馬兵三十名。守兵一百四名。水師後營兵一百名。登中營馬兵十七

名。守兵四十九名。登右營馬兵十五名。守兵五十一名。膠州營馬兵四名。守兵四十名。萊州營守兵二十六名。青州營馬兵九名。守兵二十名。即墨營馬兵十名。守兵二十五名。共五百名補之。令新舊水師三營。分轄山東洋面。從巡撫陳慶偕請也。○壬子。

上詣永春宮問

皇貴太妃安。○諭軍機大臣等。有人奏江蘇捕務廢弛。屢釀重案。請飭查辦一摺。近因盜劫

肆行。緝捕疏懈。疊經飭諭各疆吏。查拏究辦。如果隨時破獲。按律嚴懲。何至盜風日熾。劫案疊疊。若如所奏。自上年以來。蘇州府屬城鄉搶劫重案。層見疊出。甚至紳衿家屬。慘遭開棺者兩案。地方文武各官。扶同隱匿。民生莫保。深恐別滋事端。著傳繩勛。接奉此旨。按照原奏案情。迅即遴委賢員。督同地方員弁。認真訪查。務將各案賊盜。全數弋獲。盡法懲辦。以靖閭閻。儻敢仍前懈玩。或僅獲一二盜

犯希圖塞責。即著從嚴叅辦。毋稍姑容。原摺著鈔給閱看。將此諭令知之。○四川總督徐澤醇奏報。春季合操省標官兵情形。得旨。所陳係屬實在情形。但先言弓力軟弱。因訓練不嚴。賞罰不明之故。繼又稱止齊整肅。技藝精熟。何移易若是之速哉。前後矛盾。自不知早可見閔伍之奏。率皆紙上空談。爾到任未久。如是直陳。尚有良心。惟再一二歲以後。恐不能振作也。近聞川省營伍。實屬廢弛。勿謂千里而外。朕耳目不能及也。○以內閣侍讀學士琦昌為詹事府詹事。○以陝甘總督琦善兼署青海辦事大臣。○癸丑。

上詣永春室。問。

皇貴太妃安。○諭內閣。工部議覆。顏以燠奏。募子民堰添建滾壩。並挑挖十字河引渠一摺。此案請建滾水石壩工程。既經河漕督臣會同勘明。必不可緩。自應及時興建。乃東南兩河互相護卸。空文往返。已閱年餘。殊非實心。

任事之道。著楊以增。顏以燠。親往履勘。會同陸建瀛。楊殿邦。破除成見。秉公商榷。將擬建之滾水石壩。究應建於何地。並囊沙引渠。應否改為減牘之處。詳覈妥議。迅速聯銜具奏。務期和衷共濟。籌及久遠。俾漕運民田。均受其益。毋得各執一詞。彼此觀望。至所需銀兩。無論在何地興辦。均著入於另案。比較數內。不准藉辦專案。以歸摺節。儻復推諉。因循。致誤漕行。並致貽害民田。即著該部指參懲辦。

○山東巡撫陳慶偕奏。探明夷船向登州府屬迤東。外洋行駛。得旨。仍應嚴密防範。○朝鮮國王李昇遣使進香。並帶呈前貢方物。命留抵下次正貢。賞賚如例。○以太僕寺卿法福禮。為內閣學士。兼禮部侍郎銜。○以成都將軍裕誠。署正白旗漢軍都統。調吉林將軍倭什訥。為成都將軍。○甲寅。

景陵。

上詣正大光明殿

几筵前供奠○詣永春室問

皇貴太妃安○以杭州副都統固慶為吉林將軍○乙卯

上詣永春室問

皇貴太妃安○命署正白旗漢軍都統裕祿恭理喪儀○以前任西甯辦事大臣達洪阿署鑲白旗滿洲副都統○以鑲藍旗漢軍副都統耆瑞為杭州副都統○丙辰

上詣永春室問

皇貴太妃安○諭軍機大臣等鄭祖琛奏各屬盜匪竊發擬將撤回官兵會督勦捕等語廣西界連東粵滇黔一帶自上年以來時有土匪勾結竄擾肆行搶劫經該撫飭派員弁調集兵勇會同鄰省節次勦捕獲犯不少而盜風總未盡息邇因防堵楚匪官兵不敷派撥該盜匪遂敢乘機竊發四出搶掠非痛加勦洗不足示懲前有人先後條奏該省會匪肆

擾屢經降旨飭令督率嚴辦茲據該撫奏稱即將提標撤回官兵移同協剿並飭司籌濟兵食以期大加懲創淨絕根株自應如此辦理著會同提督閔正鳳嚴飭帶兵各員會督漢土文武分途前往實力捕拏務將首要匪犯悉數殲擒不准稍留餘孽一面出示曉諭解散脅從以安良善而靖地方儻勦辦未能迅速致餘匪仍前蔓延為害惟該撫等是問其升任知府張熙宇如果緝捕得力即著暫留該省派委妥辦事竣再行飭令赴任將此諭令知之○以兵部右侍郎春佑兼鑲藍旗漢軍副都統戶部左侍郎阿靈阿署鑲紅旗蒙古副都統○丁巳

上詣永春室問

皇貴太妃安○諭軍機大臣等徐廣縉葉名琛奏盜匪悔罪投誠酌擬安插並撥歸營伍等語此次廣東拏辦盜匪殲斃淹斃及生擒應正法者計共一千數百餘名已足大示懲創

其隨同投誠之夥黨。既據該督查係堅志投誠。率眾來歸。自應貸其一死。著即照該督等所擬。交地方官妥為安插。嚴加管束。並將頭目張開平等十一名。分別撥歸營伍。藉資鈐制。責令捕盜自效。如果奮勉出力。方准量加策勵。惟此輩習成犢悍。性復狡黠。現雖聞拳投首。難保日久不復萌故智。別滋事端。該督等務須推誠示信。俾不致故智復萌。尤應隨時查訪。如果不安本分。即應嚴行懲辦。亦不可遷就姑容。迴護處分。將此諭令知之。○釋遣戍吉林已革鎮國公溥喜。已革覺羅學副管慶成穆精額。○戊午。上詣正大光明殿。几筵前供奠。○詣永春室問皇貴太妃安。○諭內閣。本年六月初九日。為朕誕辰。王公大臣俱著無庸呈遞如意。俟二十七箇月後照常舉行。○以順承郡王春山。吏部尚書文慶。兵部尚書柏後。為內大臣。○己

未。上詣永春室問皇貴太妃安。○諭內閣。御史麟光奏整頓學務一摺。國家建立官學。原以教養宗室。及八旗子弟。自應循名責實。無令曠功。據稱。近日各學。勤學者少。僅止按時呈交月課。多不入學。殊非認真教督之道。嗣後著管學王大臣。嚴飭各該學正副管。助教。教習等。督率諸生。勤加講課。以整學規。毋任虛糜餼廩也。○又諭。據御史趙東昕奏。直隸大興等屬。有匪徒聚眾搶劫拒捕。種種不法情事。當交訥爾經額飭屬查拏。茲據奏稱。委員嚴密偵緝。先後獲犯多名。現在嚴行審辦。直隸為畿輔重地。必應嚴為防捕。有犯必懲。庶宵小咸知斂跡。除將現獲各犯按律懲辦。並勒緝逸犯務獲外。仍著訥爾經額督飭地方員弁。隨時認真緝捕。毋任隱匿諱飾。以靖奸宄。而安善良。○以左翼前鋒統領巴清德。為鑲黃旗蒙古都統。

正藍旗護軍統領華山泰。為左翼前鋒統領。鑲黃旗蒙古副都統西凌阿。為正藍旗護軍統領。調鑲黃旗蒙古副都統西興阿。為鑲藍旗滿洲副都統。以署鑲白旗滿洲副都統達洪阿。為鑲黃旗蒙古副都統。○命恭親王奕訢帶領侍衛十員。往奠故瑞郡王奕誌茶酒。諭曰。敏。○命柰曼扎薩克郡王德木楚克扎布。帶領侍衛十員。往奠故喀爾喀扎薩克郡王那遜巴圖茶酒。賞銀五百兩治喪。予祭葬。

實錄卷十

事

庚申。

上詣永春室問

皇貴太妃安。○命總管內務府大臣明訓辦理。
故瑞郡王奕誌喪事。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之十

寶錄卷中

皇貴太妃安。諭內閣。楊殿邦奏。淮揚運河水淺。籌催漕船情形一摺。據稱。本年運口。各引河挑竣。後下游河道。仍復間段淺澀。各船均須起剝。方能北來。現值重運。遄行之際。因河道淺滯。以致添剝運送。尚復成何事體。且時交大汛。設遇黃水漲發。放渡更形棘手。著陸建瀛。楊以增。嚴飭該管文武員弁。迅將淤淺處所。認真趕緊挑撈。務期一律深通。並著楊

免脫別滋事端。著裕泰嚴飭密拏。務淨根株。勿留餘孽。其湖南廣西貴州交界及苗疆雜處地方。向有會匪出沒。結黨滋擾。亟應乘此軍務告蒞之時。妥擬章程。力圖整頓。其應如何設兵添防。並團練保甲各事宜。即著會同鄭祖琛。奮用遷悉心籌議。歸入善後案內。奏明辦理。○朝鮮國王李昇以奉到宣宗成皇帝遺詔。遣使奉表稱慰。報聞。○撫恤琉球國遭風難夷如例。○癸亥。

上詣永春室問

皇貴太妃安。○諭內閣。訥爾經額奏永定河北七工隄埝漫口。請將防護不力之道員廳汛分別懲處一摺。永定河北遙隄地勢低窪。因上游山水下注。大清河水又復同時並漲。以致北七工八九兩號相連處所。隄頂漫溢三十餘丈之多。該管廳汛先時既不能豫防。臨時又未能搶護。實屬玩誤。永定河北七工東安縣主簿鄭慶恬著即革職。北岸通判徐敦

義著摘去頂帶。責令隨工效力。永定河道熊守謙管轄全河。未能豫為籌防。直隸總督訥爾經額有督飭防護之責。著一併交部議處。○諭軍機大臣等。據陸建瀛傳繩勛馳奏。天津夷船已回上海。即日起碇回粵一摺。據稱夷目麥華陀於五月十六日由天津駛回上海。經蘇松太道等開導。現已情願回粵。定於五月二十七八日起碇等語。是該夷徒勞往返。其技已窮。惟夷性巨測。難保其不竄赴沿

海各岸遊奕。著該將軍督撫等密飭各海口文武員弁隨時偵探。加意防守。不可稍涉張皇。如遇該夷船駛近口岸。仍當妥為曉諭。勸令迅速回粵。不得違約恣行。設該夷因船隻未齊。啟程遲緩。陸建瀛等尤當飭屬嚴防。該督現在前赴江陰一帶。距海口甚近。務期隨時察看情形。妥為防制。毋稍疏虞。該夷起碇出洋。即行奏報。並著徐廣縉葉名琛於該夷船回粵後。具摺奏聞。仍遵前旨。持以鎮靜。俾

其安心貿易。不致更萌妄念。是為至要。陸建瀛等摺片均著鈔給閱看。將此各密諭知之。○直隸總督訥爾經額奏籌防海口情形。得旨依議妥辦。○兩江總督陸建瀛等奏雷擊上海口天主堂十字架得旨。敬感之餘。更深慚愧。○大學士潘世恩因病乞休。命以大學士致仕。賞食全俸。○命協辦大學士戶部尚書祁寯藻為大學士。刑部尚書杜受田協辦大學士。調工部尚書孫瑞珍為戶部尚書。以

都察院左都御史王廣蔭為工部尚書○以大學士卓秉恬為國史館總裁官○以戶部尚書孫瑞珍為翰林院掌院學士○朝鮮國王李昇以奉到

孝和睿皇后遺詔遣使奉表稱慰報聞○甲子○上詣永春室問

皇貴太妃安○臨故瑞郡王奕諱第賜奠○補行引見丁未科散館編修袁績懋得旨著留館○以戶部左侍郎李芝昌為都察院左都

御史轉戶部右侍郎朱鳳標為左侍郎兼管

三庫事調工部左侍郎翁心存為戶部右侍郎兼管錢法堂事務以禮部右侍郎曾國藩

兼署工部左侍郎○以詹事府詹事琦昌充日講起居注官○乙丑

上詣永春室問

皇貴太妃安○諭內閣本年九月十八日

皇考宣宗成皇帝梓宮由京奉移

山陵所有應行典禮並一切事宜著各該衙門

及直隸總督敬謹豫備○又諭巡視中城給事中德奎曹楫堅奏訪獲編造妖言之醫生薛執中又名薛精一及薛李氏均著交刑部

嚴行審訊○戶部奏遵議兩江總督陸建瀛

條陳淮甌新章未盡事宜得旨依議惟立法

雖極周備尤須任事之臣克己裕人方可令

行禁止著兩江總督暨湖廣江西安徽江蘇

各督撫各矢公忠照新定章程認真籌辦務

使引暢課充以整饬綱而收實效○丙寅

上詣正大光明殿

几筵前供奠○詣永春室問

皇貴太妃安○撫恤朝鮮國遭風難夷如例○

丁卯

上詣永春室問

皇貴太妃安○陝西巡撫張祥河奏嚴飭交界

地方偵緝盜賊得旨總須實力實心認真辦

理不可為紙上之空言也○和闐辦事大臣

德勒克呢瑪因病解任賞內閣學士法福禮

副都統銜為和聞辦事大臣（戊辰）									
上詣永春室問									
皇貴太妃安（諭內閣刑部奏議御史涂文鈞條陳恤刑事宜一摺州縣為親民之官自理詞訟必當隨到隨審使民間是非曲直判決無遺乃近來疲玩成風率置民事於不問懸案不結者日多守候羈押者因之日眾甚至有私息巨案抑勒諱盜等情殊屬有乖吏治亟應申明禁令以肅刑章著各直省督撫嚴飭所屬遵照例定期限迅為審理務令案無留牘庭無滯囚如查有藉詞展緩任意稽延隨時叅劾毋稍事姑息為也 己巳									
萬壽節遣官祭									
太廟後殿遣官祭									
福陵									
昭陵									
昭西陵									
孝陵									

孝東陵									
景陵									
泰陵									
泰東陵									
裕陵									
昌陵（遣官祭）									
孝和睿皇后暫安寢殿（遣官祭）									
孝穆成皇后									
孝慎成皇后									
孝全成皇后陵寢（遣官祭）									
孝德皇后殯宮（遣官祭）									
顯佑宮									
東嶽廟									
城隍廟									
上詣									
安佑宮行禮（詣正大光明殿）									
几筵前行禮（詣永春室）									
皇貴太妃前行禮（諭內閣工部錢法堂奏請）									

嚴催銅運等語。銅運為鼓鑄攸關。斷不容遲延貽誤。所有已過淮關之宋淇。已入安徽境之姚光璐。二運現在何處。還著沿途各督撫。督飭地方官。設法催趲。務於七月內解京。至已入湖北境之戊申一運。已酉二運。並著轉飭領運各員。務於九月內解局。其餘已酉各運。亦著趕緊嚴催。迅速趲運。以重鼓鑄而濟要需。○庚午。

上詣正大光明殿

几筵前供奠。○詣永春室問。

皇貴太妃安。○諭內閣。安徽按察使李本仁奏。精訓練以作士氣等語。國家設兵衛民。兵有定額。原期餉不虛糜。各將軍督撫提鎮等。果能訓練於平時。何至徵調不能得力。如該臬司所奏。各省兵餉。不無扣剋攤派供應之弊。額兵之中。又多各項差使。各營員署內。工匠僕役。均占兵糧。應操之兵。率皆兼趁傭販。其不能專意講求武備。已可概見。著通諭各直

省將軍督撫提鎮等。認真校閱。督飭所屬將弁。隨時查察。汰其老弱。革其冗濫。尤在抽練精壯。勤加訓演。使各營皆有選鋒勁旅。平時甘苦與共。臨事指臂相聯。不致徒耗兵糧。無裨實用。庶足挽頹風而振士氣。儻仍不知振作。甘蹈相沿惡習。一經訪聞得實。定將該管官從嚴懲辦。不貸。勿謂言之不豫也。將此通諭知之。○賞故瑞懷親王福晉伯都氏。郡王半休。○吏部以大學士祁寯藻應定何殿閣

請得旨。卓東恬著為武英殿大學士。祁寯藻著為體仁閣大學士。○辛未。

上詣永春室問。

皇貴太妃安。○壬申。

上詣永春室問。

皇貴太妃安。○

孝德皇后殯宮月祭。遣官行禮。○諭軍機大臣等。據裕泰奏。首逆李沅發傷已平復。委員解京。並錄供單呈覽。前因該逆身受多傷。恐中

途因傷身死。轉得倖逃。顯戮降旨。令裕泰察看。僅慮有別故。即行截回。正法。今據奏該逆跌挫各傷。業已平復。現經委員解京。著即飭令該員弁等一路小心押解。檻送來京。毋稍疏失。將此諭令知之。○以戶部尚書賽尚阿署步軍統領。○以湖南常德協副將孫應照為永州鎮總兵官。○癸酉。

上詣永春室問

皇貴太妃安。○諭內閣。理藩院。奏喀爾喀扎薩

克郡王托克托呼圖魯呈請入京叩謁

梓宮。恭送

陵寢一摺。托克托呼圖魯因受

皇考宣宗成皇帝重恩。請自備資斧。恭送

梓宮。復遣人恭請朕安。愈見肫誠。但前已降旨

派定護送

梓宮之蒙古王公等。礙難復行添派。托克托呼

圖魯著仍遵前旨。毋庸恭送。○又諭戶部奏

請飭催銅斤等語。京局鼓鑄錢文。全賴滇黔

二省。按時運到銅鉛。方資應用。豈容任意稽延。所有甫經運過淮關。及尚在湖北江西地方之滇運。戊申己酉等年銅斤各員。著沿途各督撫嚴飭沿河文武員弁。押令晝夜遄行。剋期北上。其奏提湖南江蘇局存洋滇高銅。並著趕緊管押運京。總期速益加速。以重鼓鑄而濟要需。○諭軍機大臣等。前經召見新選甘肅平慶涇道張璈。察其才具平庸。著琦善於該員到省時。詳加察看。是否能勝監司之任。即據實具奏。毋稍瞻徇。將此諭令知之。○甲戌。

上詣正大光明殿

几筵前行月祭禮。○詣永春室問

皇貴太妃安。○諭內閣。禮部奏。

慕陵神道碑亭內碑上恭鐫字樣。是否遵用三

體等語。著照例恭書滿洲蒙古漢字。三體以

符定制。○又諭琦善奏。請除積弊。以恤民艱

一摺。據稱甘肅地瘠民貧。前此承查官吏。將

畸零地畝指為隱墾私開勒限升科以致民力不支流離潛匿殊失朝廷重農本意著照所請所有該省民地一萬六千餘頃番貢地四萬一千餘段共應繳銀一萬七千餘兩糧二萬三千餘石准其概予豁免仍照向來舊額徵收以恤窮黎○又諭刑部奏現審案內牽涉大員並御史職官等語此案醫生薛執中以治病為名編造妖言現經該城訪獲交部據供有傳授道術等情著文慶福濟豐紳據實明白回奏御史謝榮堦侍衛宗室海枚刑部主事宗室載鏗均暫行解任並宗室奕紀著宗人府飭傳會同刑部質訊在京候選之盛京刑部郎中長啟著該旗查傳送部備質○又諭已革湖南巡撫馮德馨於該省匪徒滋事輒因兵力未集啟程遲延復輕信屬員率眾遽以收復城池入奏撤兵回省雖非有心貽誤實屬辦理不善咎無可辭馮德馨著照部議從重發往新疆效力贖罪○諭軍

機大臣等本日據刑部奏現審案內牽涉大員並御史職官等語已有旨令文慶等明白回奏並將謝榮堦海枚等解任備質矣此案據醫生薛執中所供前在新疆改換道裝在將軍衙門傳授延年益壽之法並經明誼薦伊至吐魯番見領隊大臣海枚拜伊為師等語著薩迎阿即照該犯原供各情據實明白回奏並傳旨令參贊大臣奕山總兵穆特布前任葉爾羌幫辦大臣忠泰各自具摺明白回奏毋稍隱飾忠泰前經奉旨令其來京僅已啟程在途即著琦善查明該員行抵何處即傳旨令其查照犯供明白回奏甘肅按察使明誼著琦善飭具親供奏明送部覈辦至該犯所供前至蘇州遇大學士潘世恩之在籍長子傳授道術等語並著傳緝查明取供具奏刑部原摺均鈔給閱看將此各諭令知之○命陝西提督成玉來京陛見○乙亥

上詣永春室問

皇貴太妃安。○諭內閣據文慶福濟豐紳各遞摺明白回奏。著將原摺發交刑部。即提該犯薛執中。逐層研鞫。務得確情。其另案革職之南營守備金國治。著一併歸案審訊。至該犯薛執中。又名薛精一。並有蘇生一。黃魯香等姓名。若無詭秘不法情事。何以屢易名姓。並著刑部悉心究詰。毋任狡飾。文慶等自請嚴議。議處治罪之處。著俟定案時。再降諭旨。

寶錄卷廿一

十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之十二

[illegible]

道光三十年庚戌六月丙子

上詣永春室問

皇貴太妃安○諭內閣吏部奏各省保舉人員一摺所有安徽巡撫王植保舉之布政使蔣文慶按察使李本仁山東巡撫陳慶偕保舉之布政使劉源灝按察使王懿德浙江巡撫吳文鎔保舉之布政使汪本銓按察使黃宗漢均著各該撫飭令分起先後來京陛見○又諭吳文鎔奏海塘石工被水衝缺一摺本年夏間浙省雨水較多潮勢洶湧致將海塘

石工衝缺六十餘丈。口門現已過水。浙省海塘為本省抗嘉湖及蘇省之蘇松常鎮七郡田廬保障。攸關緊要。著該撫督同藩臬嚴飭道廳等員趕緊設法搶護。毋得再有疏虞。以致潮水內灌。一面查明下游州縣有無被淹處所。迅即據實由驛具奏。吳文鎔於轄境要工未能先事豫防。著先行交部嚴加議處。○以通政使司副使托倫布為太僕寺卿。○丁丑。

上詣永春室問

皇貴太妃安。○戊寅。

上詣正大光明殿

几筵前供奠。○詣永春室問

皇貴太妃安。○河東河道總督顏以燠奏議覆

大學士耆英福建道御史李維翰先後陳奏

河工節費剔弊各等語。得旨。以實心行實政。

不徒為紙上空談。慎勉為之。○己卯。

上詣永春室問

皇貴太妃安。○諭軍機大臣等。有人奏兩廣盜

匪充斥。一摺。據稱近日盜匪之多。莫如兩廣。

一日擄人勒贖。一日分界打單。始於順德新

會。漸及番禺東莞廉州之欽州靈山廣西之

橫州等處。皆有著名巨盜。夥眾搶掠等語。盜

賊擾害閭閻。殊堪痛恨。似此猖狂無狀。若非

大加懲創。尚復成何事體。著徐廣縉葉名琛

鄭祖琛按照摺內所指各情。迅速派委員弁

分路緝拿。合力圍捕。悉數殲擒。毋任一名漏

網。以衛居民而安行旅。至所稱各鄉村團練

壯勇。隨同官兵協捕之處。並著該督撫悉心

籌議。實力辦理。勿致養癰貽患。是為至要。原

摺著鈔給閱看。將此各諭令知之。○又諭寄

諭雲貴總督程喬采。據載垣等奏鑾儀衛馴

象所內象隻不敷當差。著該督迅速採買數

隻。陸續解京。交鑾儀衛馴熟備差。以崇典禮。

將此諭令知之。○庚辰。以兵部左侍郎孫葆

元兼署禮部左侍郎。○以勦平湖南逆匪李

沅發出力。予按察使春熙等議敘。賞副將博春守備鄧紹良。吳支清。巴圖魯名號。花翎。知府劉若珪。魁聯。知州俞舜欽。副將谷韞燦。遊擊傅振邦。韓世禧。都司瑚松阿。王重望。守備王忠祿。等。花翎。遊擊西拉布等。藍翎。餘加銜升補有差。○以籌辦兵餉無誤。予署湖南巡撫萬貢珍議敘。○辛巳。

上詣永春室問

皇貴太妃安。○以霍碩特貝子多爾濟那木扎

勒展為正盟長。○以告替扎薩克郡王達錫望展子綽依扎襲爵。○緩徵山東齊甯濟陽禹城。陵德德平。平原。東平。甯陽。汶上。陽穀。壽張。臨淄。金鄉。嘉祥。臨清。東阿。濮范。觀城。朝城。聊城。堂邑。博平。茌平。清平。莘。冠。館陶。高唐。恩。邱。魚臺。定陶。泰安。滋陽。河澤。曹鉅野。益都。四。十州縣。及臨清。德州。東昌。三衛。被風被旱村莊新舊額賦。○壬午。

上詣正大光明殿

几筵前供奠。○詣永春室問

皇貴太妃安。○諭內閣薛執中編造妖言一案。著派軍機大臣。會同宗人府。刑部。嚴行審訊。並著原奏此案之給事中德奎。曹楫堅。併會審辦理。○以禮部尚書惠豐。著吏部尚書兼署鑲白旗滿洲都統。○癸未。

上詣永春室問

皇貴太妃安。○遣官祭

火神廟。○甲申。諭內閣。御史端昌奏舉劾數

實一摺。督撫薦舉甄別。原以激勵人材。必須將舉劾各員實在事蹟。詳細臚陳。方足以昭懲勸。嗣後著各直省督撫。於大計舉劾及平時豫保。並叅劾之員。務將該員應舉應劾實蹟。詳列具奏。不得以空言塞責。用昭覈實。而飭官方。將此通諭知之。○又諭。御史王之斌奏。善馭捕役。以剔賊窩一條。州縣緝捕。必資捕役。如該御史所奏。每遇重大案件。勸費解費。責成捕役。墊發種種賠累。以致庇護賊窩。

資為衣食。似此貪利縱賊。即使按期比捕。安望其賊。並獲耶。著各省督撫。飭諭守令。善馭捕役。明定賞罰。必信必嚴。毋使藉口賠累。案懸不結。概以海捕了事。將此通諭知之。○先是閩浙總督劉韻珂奏。閩省釐政敝壞。請豁除積欠。招募殷商。下部議行。嗣以新商陸續倒退。請著落未倒各商。將原認蓬額。不拘年限。永遠承辦。不准告退。下戶部議。至是議上得旨。依議。所有認辦各商。續屆三年限滿。即令永遠接充。仍著劉韻珂。飭查向來一切浮費陋規。徹底清釐。實力裁革。務使該商人漸獲餘資。自不至妄行求退。並將如何裁革浮費陋規之處。據實奏明。以整釐綱而除錮習。○命塔爾巴哈台領隊大臣都爾通阿。往奠故土爾扈特親王額英科濟爾噶勒茶酒。賞銀五百兩治喪。○乙酉。

上詣永春室問

皇貴太妃安。○丙戌。

上詣正大光明殿
几筵前供奠。○詣永春室問
皇貴太妃安。○諭內閣。朕於九月十八日。恭送皇考宣宗成皇帝梓宮。二十三日。暫安奉慕陵饗殿。二十四日。致祭禮畢。啟行。二十七日。還宮。○又諭。本年九月十八日。恭送宣宗成皇帝梓宮。沿途地方。無庸為朕另備御道。○復引見各衙門京察保送一等未經記名人員。得旨。穆蔭洪。觀寶。郭沛。霖。戴。鸞。翔。顧開第。趙。昀。祥。裕。慶。岳。鳴。鐸。三。壽。趙。霖。保。衡。鍾。秀。瑞。琛。祥。奎。文。煜。伊。霖。郭。景。傳。文。輝。祥和。林。揚。祖。俱著記名。以道府用。○丁亥。

上詣永春室問

皇貴太妃安。○諭軍機大臣等。有人奏。山西省大同府督民馬常自縊一案。該廳任聽吏胥等索贓。捏改。詐稱勒斃。忻州民人張永清。扎斃。部慎修一案。該縣任聽鄉約索贓。捏稱自戕。銷案不辦等語。案關縱役得贓。任意出入。

如果屬實。何以懲蠹役而重民命。著該撫督同臬司。親提兩案人證卷宗。秉公研鞫。務期水落石出。以成信讞。如查有胥吏索賕捏改案卷等情。即著從嚴究辦。原摺著鈔給閱看。將此諭令知之。○戊子。

上詣永春室問

皇貴太妃安。○諭內閣。禮部奏。九月十八日奉移。

宣宗成皇帝梓宮。擬請步送至紅橋乘輿由閒

道先詣第一站祇候等語。朕追慕

皇考罔極深恩。瞻仰

靈輦。尤深攀戀。屆期應步行恭送至南海淀地方。藉以稍申哀悃。○又諭。向來發遣軍流等犯。每於經過州縣。陵虐解役。需索驛站。甚至中途脫逃。及夥劫奪犯毆差。到配後。又復行兇滋事。不遵約束。殊堪痛恨。本年閩省督撫辦理洋盜投首一案。將盜首陳雙喜等十二犯發往新疆等處安插。因思此等兇犯。從前

在洋擄劫勒贖。抗官拒捕。因悔罪投誠。免其一死。已屬法外之仁。儻起解後。故智復萌。所過地方。及到配以後。如有脫逃。及強橫不法情事。即著沿途各省督撫。伊犁將軍。烏魯木齊都統。一面奏聞。一面從重辦理。此外各省發遣重犯。沿途及配所。均當實力防範。一有前項情事。即行嚴拏。重治其罪。斷不可稍存姑息。以儆兇頑而正法紀。將此通諭知之。○乙丑。

上詣永春室問

皇貴太妃安。○諭內閣。據恭理喪儀王大臣等合詞奏懇奉移。

宣宗成皇帝梓宮。請朕準禮節。仍步送至紅橋一摺。朕受

皇考顧復深恩。哀思罔極。即照前旨。步送至南海淀。亦豈足以盡依戀之忱。且朕年力方強。雖積哀之餘。自揣精力步履。尚不至過形勞瘁。今王大臣等。諄詞籲懇。若依所請。祇送至

紅橋而止。朕心實所難安。惟念從前奉移皇祖仁宗睿皇帝梓宮時。曾奉皇考諭旨。步送至阜成門。嗣因王大臣等合詞籲請。仍躬親步送至地安門外。敬溯舊儀。朕亦不敢過禮。此次奉移皇考梓宮。朕當步送至恩佑寺恩慕寺之南。跪俟靈輦經過。再由間道先赴大營。祇候跪迎。藉以少伸哀慕。王大臣等不必再行瀆請。○又諭據恭理喪儀王大臣等奏。宣宗成皇帝梓宮奉移慕陵暫安。開列王大臣名單。請派輪流守衛一摺。皇考梓宮暫安慕陵寶殿。自應敬謹值宿。所有恭理喪儀王大臣著派仁壽特登額。裕誠。宮門值宿。王貝子公著派慶惠。載鈐。有鳳。散秩大臣著派景嵩。

承志繼善盛福。巴雅爾。綽克托。克興額。稽查值班兵丁大臣著派希興阿。慶興。興貴。並著御前大臣戴垣。瑞華。僧格林沁。御前侍衛景壽。特興額。西凌阿。乾清門侍衛恩醇。肅順。安興。阿國瑞。蘊秀。惠略。與單開派出各項人員。均著分為三班輪流在陵守護。著一箇月一換。○又諭惠親王之第六子著命名奕謨。○先是御史何冠英奏。閩浙總督劉韻珂。前以鹽務倒敕。疏請勸捐運本。改行官運。現在各省捐輸。概行停止。未便獨留運本。為閩省官員移東補西之計。應飭該督將勸捐運本。即行停止。迅將捐戶姓名銀數造冊報部。以憑查覈。下戶部議。至是議上得旨。依議。所有劉韻珂前奏。於藩庫報撥款內暫借銀五萬兩。是否已於捐項內全數歸還。著該督查明據實覆奏。如庫款業已歸清。運本收有成數。即著將該省捐輸運本奏明停止。儻該委員等有假公濟私。侵蝕拖欠情。

事即著從嚴叅辦。仍著落專管鹽務之該上司。按成分賠。以肅鹺綱。而除弊混。○以擒獲湖南逆匪李沅發。出力賞布政使勞崇光。道員楊彤如。知府林士傳。張其翰。同知吳德徽。知州甯斌。副將奚應龍。王廷獻。遊擊成安。都司葉上雄。麻長慶。守備麻維紀。蘇紹猷等。花翎。知縣黃本齡等。盡翎。餘加銜升敘有差。○庚寅。

上詣正大光明殿

几筵前供奠。○詣永春室問

皇貴太妃安。○諭內閣。徐廣縉。葉名琛。奏廣西軍務告竣。請將籌撥銀兩。仍解部庫一摺。廣西堵剿楚匪。現已事竣。所有前經降旨。令廣東籌撥銀十萬兩。解赴廣西。此時自毋庸再行撥解。即將此款解交部庫備用。至廣東前已撥解湖南銀二十萬兩。如廣西現有應行動用之項。著鄭祖琛。與裕泰。駱秉章。會商協濟辦理。該督撫等。務當通盤籌計。不分畛域。

遇有緩急。尤在權其輕重。不得以應解部庫之款。紛紛截留也。○諭軍機大臣等。前經召見新選廣東肇羅道謝昌稼。察其才具平庸。著徐廣縉。葉名琛。於該員到省時。詳加察看。是否能勝監司之任。即據實具奏。毋稍瞻徇。將此諭令知之。○兩廣總督徐廣縉等。奏報。瑛夷現在情形。得旨。前已有旨諭知矣。惟該夷詭譎性成。其窺伺伎倆。不過如是。即或別有要求。卿等亦必有定見。卿等為地方大吏。尤須敬慎。乃心舍小嫌。而顧大體。俾民心益固。則夷計自蹙。治海疆之要。不可妄聽浮議。致寬猛兩難。總之內地百姓。皆吾赤子。該夷之心。姑不深問。自有上蒼鑒臨也。又奏嚴緝交界地方盜匪。不得稍分畛域。批。認真查辦。勿得稍形鬆懈也。又奏。兩廣教匪會匪情形。又批。實心體訪。隨時密奏可也。○改鑄湖北漢陽縣知縣印信。從巡撫龔裕請也。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之十二

賈錄卷十

畜

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之十三

聖躬臨戎官廕日講起居注官太子太保上書房總師傅又湖廣總督兼翰林院掌院學士由振繁欽奉上前事件處國史館編纂官武英殿

大學士管理兵部事務加十二級紀錄十四次
貴州景泰總兵官巡迴講官太子太師文淵閣領閣事武英殿總教習教習庶吉士體仁閣

大學士管理戶部三庫事務管理刑部事務加二十三級紀錄十六次。周規培題為官太子少保管理內閣書庫事務對引大臣軍機大臣

得此後滿洲都統戶部尚書管理三庫事務加四級隨着加五級紀錄十二次

立國大綱通纂卷五 正監親王 斷光聖師尚書管理太常寺鴻臚寺事務加二級原加四級是帶八級以紀錄五次臣後計聖考子孫

蚊修

道光三十年庚戌秋七月辛卯朔享

2025-01-01

[illegible]

太廟遣恭親王奕訢恭代行禮

上詣永春室問

皇貴太妃安。諭內閣徐廣縉華名琛奏兵勇
殲斃匪徒並生擒首犯一摺廣西匪徒李士
奎等竄至廣東廉州府屬分出滋擾經該省
鎮道各員率帶弁兵督同合浦靈山兩縣紳
士練勇將首犯李士奎擒獲所有該兩縣紳
勇實心捍禦奮勇可嘉著徐廣縉查明奏懇
恩施分別獎卹近年兩粵毗連地方匪徒疊

出肆擾分遣夥匪打單嚇詐焚掠姦淫無惡不作實堪痛恨若不大加懲辦何以戢兇暴而安善良著廣東廣西督撫督率鎮道等嚴飭兵弁合力兜擒並激勵紳勇隨地隨時設法擒緝毋令稍留餘孽擾害閭閻方不負朕委任○又諭御史金昉善奏海防陸路總兵應改水師當交兵部議奏茲據奏江南狼山鎮總兵本係水師兼轄陸路毋庸另議更改至每年巡洋一節或責令狼山鎮總兵出洋

○奏

上

統巡或仍專責蘇松福山兩鎮總兵出洋巡緝之處著陸建瀛酌覈現在情形妥議具奏○諭軍機大臣等安徽布政使蔣文慶奏夷務仍宜修備等語海疆防範不容稍疏如該藩司所奏無事之時沿海各營將備弁兵於海洋必親習風濤於礮火必親習點放於船隻器械火藥必力求堅緻精利日日訓練講求而其最要尤在沿海各郡守牧令平時與紳民講求聯絡力行團練之法並稱各省巡

道似可仿照臺灣定制凡海疆道府皆得與聞兵事以期緩急易於措手等語著各該督撫按照該藩司原奏各就地方情形悉心體察認真籌辦總期海防嚴密民氣奮興無事則相安有事則相衛先聲可奪眾志成城方為克盡職守其各該省如何酌覈妥辦並道府與聞兵事果否可行之處著一併籌議具奏原片均鈔給閱看將此各諭令知之○廣西左江鎮總兵官盛筠因病解任以浙江紹興協副將德亮為廣西左江鎮總兵官○撫恤安徽霍山望江二縣被水災民○壬辰上詣永春室問皇貴太妃安○予廣東捕匪陣亡守備葉恩詔把總彭耀才祭葬世職○癸巳上詣永春室問皇貴太妃安○兩廣總督徐廣縉等奏改首北行早與各夷商熟籌密計僉稱廣東官民一氣眾志成城上年甫經照會不復辯論此事

○奏

上

勢難反覆何必再申前說互相推諉不作主意而攻首總以該國既有來文若不能投遞恐無顏以對巴酋是以不得已必須遣人赴津投文伊專在上海候信方見盡心盡力現在來文既由江蘇轉奏又專人赴津復求呈遞且業經大學士穆彰阿耆英移咨兩江督臣陸建瀛據理傳知可見勢有難行並非彼之不辨該首儘可卸責似不至鋌而走險況該夷從前屢次稱兵全賴眾夷商簽費今夷商既不附和即有妄念亦恐力有未逮且粵省新茶雲集將次開盤正貿易興旺之時各國商人皆出貲本誰肯以必不可行之事再至停貿虧貲甘蹈覆轍總之間諜雖已常通而防維不可不豫上年籌備舊規一切具在不至臨事周章得旨仍遵前旨妥為控馭俟夷船回粵後密查情形隨時具奏○甲午上詣正大光明殿

几筵前供奠○詣永春室問

皇貴太妃安○諭內閣避寫朕名下一字現俱書作壽字但與原字無所區別嗣後如遇單字著書作壽無庸書作日○乙未

上詣永春室問

皇貴太妃安○諭內閣程喬采奏總兵稟請更名一摺拴住著毋庸更名嗣後凡與朕名同音之字均著毋庸改避○又諭吳文鎔奏海塘缺口陸續刷寬趕緊搶築等語據稱西防廳屬海塘缺口續又刷寬十餘丈現在廣集人夫晝夜搶築著該撫督率工員加緊搶辦剋期堵合以贖前愆至附近之仁和海甯二州縣沿河低窪村莊田廬被淹著即確切勘明妥為安撫無令失所○又諭程喬采張日昇奏思茅邊外遊匪滋擾車里土境沿及近甲猛地調集兵練堵剿一摺據稱沿邊土境蠻觸相爭事所時有向係責令猛弁集練擒捕鄰封土弁策應今該匪等滋擾土境竟至沿及近甲猛地逼近茶山經官兵防堵膽敢

恃眾抗拒。戕斃員弁。實屬昏不畏法。現據該督等。派委鎮道等。調集弁兵。馳往兜捕。並飭各猛土弁。合力堵截。務期悉數殲除。淨絕根株。迅速嚴事。毋任遷延。現獲匪犯。尤須嚴切根究。務得確情。盡法懲治。○又諭。前據榮玉德奏。叅將軍台湧各款。當交裕泰前往查辦。茲據逐款查明。台湧並無廢弛操演。恥辱屬員等事。其咨行本旗承廕。不關旗營公事。自可毋庸會銜。至挑選官缺。亦據查明。該將軍並無偏護。榮玉德以二品大員。輒因意見不合。摭拾多款。率行具奏。實屬冒昧。著交部議處。將軍台湧。於挑選騎校。與榮玉德互相爭執。以致員缺久懸。亦有不合。著交部察議。○河南巡撫潘鐸奏。豫省分發試用佐雜本多。兼以地處中州。各省親老告近人員。改發來豫者。亦倍於他省。以致各班多形擁擠。懇飭部將布政司經歷。布都事。布庫大使。按察司經歷。府屬州同。州判。府經歷縣丞主簿。州

吏目。從九品。未入流等。十二項。暫停分發豫省。從之。○予雲南堵匪陣亡守備毛三元。把總郭顯。外委王永壽。祭葬世職。○丙申。上詣永春室。問皇貴太妃安。○以乾清門侍衛肅順。為內閣學士。兼禮部侍郎銜。○撫恤琉球國遭風難夷。如例。○丁酉。上詣永春室。問皇貴太妃安。○引見八旗及直省考取拔貢生。得旨。瀉慶等五十七名。以七品小京官分部學習。英恒等七十八名。以知縣試用。姚亮祖等五十六名。交吏部詢問。以教職佐貳等官分用。○定郡王載銓等。會同戶部。議覆奉天清查案內。未豁民欠。墊買運通立價。去省在省各官。虧短承德縣墊發攤捐。辦公移居京旗尖宿飯食。共銀十三萬九千餘兩。制錢七萬五千餘串。小數錢六萬五千餘吊。粟米十萬六千餘石。按照議定章程。依限追繳。從之。

○戊戌

上詣正大光明殿

几筵前供奠○詣永春室問

皇貴太妃安○禮部奏文舉人承襲世管佐領

文璣引案呈請會試可否准行得旨承襲世

管佐領文舉人文璣有掌管圖記之責與閒

散世職不同所有呈請一體會試之處著不

准行○國子監祭酒勝保奏薛執中編造妖

言一案書寫悖逆言語妄談禍福因而道路

閭傳人心聳動開奸徒玩法之漸啟愚民藐

上之心至其牽涉大員醫術惑眾猶屬案中

枝節異端為邪教所由開妖言為叛逆所自

始光天化日之下固不慮其惑世誣民而履

霜堅冰不可不防其漸得旨此摺深合今日

之案情著現審之王大臣公同閱看務期無

枉無蹤執法公平爾等身受厚恩斷不能稍

有迴護然認真訊究何難於水落石出夫懲

惡勸善國家之大經也卿等慎之○己亥

上詣永春室問

皇貴太妃安○諭內閣吳文鎔奏海塘缺口現

已堵合並下游州縣尚無被淹一摺此次浙

江海塘石工衝缺六十餘丈續又將搶做土

塘衝缺過水吳文鎔等未能先事豫防前經

降旨將該撫照部議革職留任並飭查道廳

等員職名送部覈議茲據奏衝缺口門剋期

堵合辦理尚為迅速下游亦無被淹受害處

所所有該撫革職留任處分著加恩開復其

道廳等員應得處分亦著加恩一併寬免又

另片奏現籌塘工大概情形其應如何遴委

賢能籌款估辦之處著該撫等迅即通盤籌

畫悉心妥議具奏○又諭裕泰龔裕泰請將

濫刑釀命之同知撤任審辦一摺湖北安陸

府同知多瑞本無審案之責乃輕信差役等

口稟輒將民人鄧正國等杖責以致釀成命

案且難保無縱容誣詐情事自應徹底根究

以成信讞多瑞著即撤任交該督等提同全

案人證嚴行審訊並將鄧正國杖責後是否被毒身死之處研訊確情按律定擬具奏鍾祥縣知縣馬晉圖原驗屍格漏填傷痕著俟定案時查明辦理○調直隸大名鎮總兵官保恒為江南徐州鎮總兵官以直隸督標中軍副將炳文為大名鎮總兵官○湖北巡撫龔裕泰江夏嘉魚等縣多被漫淹江陵公安二縣民隄漫缺業民遷居高阜當飭該管道府查勘安輯缺隄趕緊堵築以資捍衛得旨

妥速勘辦○庚子

孝懿仁皇后忌辰遣官祭景陵○

上詣永春室問

皇貴太妃安○辛丑

上詣永春室問

皇貴太妃安○諭內閣工部奏成造鹵簿需用金件一摺所有金織頂金龍頭金鈴及旗織頂扇頁肅頂俱著遵前奉

諭旨改用黃銅其父戰旗槍等件著仍用鐵鍍金○戶部議准福建巡撫徐繼畬疏報古田縣開墾地六十七畝有奇照例升科從之○

壬寅

上詣正大光明殿

几筵前供奠○詣永春室問

皇貴太妃安○

孝德皇后殯宮月祭遣官行禮○癸卯諭內閣陸建瀛楊以增奏淮揚運河水勢有盈無絀無庸議挑一摺前因楊殿邦奏該處水淺漕船均須起剝特降旨令陸建瀛等飭屬挑撈茲據該督等查明現在毫無淺阻運河一律深通惟前因江西各幫行抵瓜州為日已遲咨商漕臣提前趕灌二塘北上楊殿邦未允以致轉多守候等語所有現已駛到清江之湖南尾幫著陸建瀛楊殿邦楊以增嚴飭所屬剋期灌放催趲北上不得推諉遷延再滋貽誤該督等皆

皇考簡用大臣河漕事宜關繫甚重宜如何和衷共濟悉心籌畫俾河工不致糜費而天庾無誤正供乃該督等各執已見動輒齟齬運弁以河道淤淺為詞工員以船身笨重為說該督等輕聽偏信遽以入奏殊非公忠體國之道陸建瀛楊殿邦楊以增均著傳旨嚴行申飭○又諭吳文鎔奏塘工復被衝塌現在設法搶護一摺據稱西防廳屬呂字號土塘缺口經堵合後並無墊損復於六月三十日夜間潮汛猛烈將調字號已成埽工塌開十丈有奇水勢下注等語現在秋潮正旺必應加意防護著該撫迅即督飭工員多備料物剋期堵合無稍遲延貽誤其前次堵合之缺口並飭設法保衛勿令掣動塌損下游被淹地方是否不致較前寬廣亦著確切查明妥速辦理○諭軍機大臣等據鄭祖琛奏越南國王阮福時因先後奉到

孝和睿皇后

宣宗成皇帝遺詔擬請遣使恭進香禮並進香品祭物又齋遞表文方物慶賀登極等語越南國備列藩封虔脩職貢今該王阮福時以接奉

遺詔欲遣使臣遠來進香自係出於至誠惟是孝和睿皇后梓宮已於本年三月內奉移山陵

宣宗成皇帝梓宮亦擇於本年九月內奉移

慕陵該國王遣使進香已在奉移之後不及恭

薦著該撫即行知該國王令其不必遣使遠

來進香其慶賀登極方物亦毋庸呈進以示

懷柔藩服至意將此諭令知之○戶部疏請

山西巡撫王兆琛奏豐鎮廳徵收牧廠地畝

改徵折色及耗銀解交直隸藩庫令造冊題

報從之○甲辰

上詣正大光明殿

几筵前行月祭禮○詣永春室問

皇貴太妃安○嚮名復詣

几筵前供奠○諭內閣慶錫春拏獲創它護苗之弁兵請交刑部審辦一摺此案已革外委李斌兵丁賈連生等守護風水重地膽敢於紅椿以內屢次創它護苗實屬藐法已極李斌賈連生吳太王寬王克仲並買贓之民人朱丹書著一併解交刑部審明辦理至該管將備雖失察於前旋將人贓立即查獲所有應得處分著加恩寬免○以故一等承恩侯晉封三等承恩公瑚圖哩長子文壽襲爵次									
子文瑞襲所兼二等男爵○乙巳中元節									
上詣									
安佑宮行禮○詣正大光明殿									
几筵前行中元大祭禮○遣官祭									
永陵									
福陵									
昭陵									
昭西陵									
孝陵									

孝東陵									
景陵									
泰陵									
泰東陵									
裕陵									
昌陵○遣官祭									
孝和睿皇后暫安寢殿○遣官祭									
孝穆成皇后									
孝慎成皇后									
孝全成皇后陵寢○遣官祭									
孝德皇后殯宮○遣官祭									
端慧皇太子園寢○詣永春宮問									
皇貴太妃安○諭軍機大臣等駱秉章奏廣東匪徒滋事鄰近湖南地方現派文武大員防堵一摺廣東英德一帶賊匪聚集多人戕官滋擾並有欲往湖南之語湖南之永州郴州桂陽等府州所屬多與廣東廣西連界該匪等一經粵省官兵兜捕勢必竄入楚境況現									

在該匪踞住之里松墟市即距江華縣濠界卡所僅止五十餘里堵截尤關喫緊該撫務即督飭鎮道管帶兵勇於毗連各要隘處所嚴密堵禦加意巡防並飭各屬士民互相保衛遇有賊匪竄入立即兜拏解究總期官民聯絡防守森嚴俾匪徒無隙可乘方免蔓延貽患楚省甫當勦捕之餘地方已不堪擾累萬難任其再肆蹂躪該撫宜如何盡心籌防以副委任耶懷之慎之將此諭令知之

實錄卷十三

十六

大清文宗協天翊運執中垂謨懋德振武聖孝淵恭端仁寬敏顯皇帝實錄卷之十三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之十四

大清文宗協天翊運執中垂謨懋德振武聖孝淵恭端仁寬敏顯皇帝實錄卷之十四
奏請將前經奏定服色一體遵行又諭舒興阿奏請將另款餘贍銀兩豫抵經費一摺阿克蘇應調咸豐二年官兵經費銀二萬一千四百

道光三十年庚戌七月丙午

上詣永春室問

皇貴太妃安 諭內閣九月十八日恭送

皇考宣宗成皇帝梓宮至

慕陵饗殿安奉禮成後啟程於二十七日由黃

新莊還京是日朕仍御青長袍褂冠綴纓緯

毋庸改用常服其王公百官均照王大臣等

前經奏定服色一體遵行又諭舒興阿奏

請將另款餘贍銀兩豫抵經費一摺阿克蘇

應調咸豐二年官兵經費銀二萬一千四百

六十兩零著准其於另款存庫餘贍軍餉銀內照數撥出劃抵以免撥解（以故禮親王金齡子世鐸襲爵）丁未

上詣永春室問

皇貴太妃安（山西巡撫兆那蘇圖奏遵辦編查保甲嚴緝奸匪情形得旨平日漫不講求一有旨飭查則極力振作一奏了事實外省之積習也爾為人謹慎尤當引以為戒毋忽）戊申

上詣永春室問

皇貴太妃安（諭內閣徐廣縉葉名琛奏知府怯懦無能請即撤任並交部嚴議一摺廣東署廉州府知府李嶸於所屬合浦靈山等縣賊匪圍城之時並不親身前往意圖卸事實屬怯懦無能李嶸著即行撤任並交部嚴加議處）諭軍機大臣等前任漕運總督周天爵奏喫夷和不可恃宜思患豫防一摺並夾片密陳兵事等語著該將軍及沿海各督撫

按照所奏各條各就地方情形悉心體察於無事之時為有事之備總期不動聲色慎密籌防斷不可稍有洩漏致啟疑釁乃為妥善原摺片均著鈔給閱看將此各密諭知之（又諭有人奏喫夷突欲借住福建省城之神光寺侯官縣知縣不察輿情遽將租約用印經該士民疊次呈控並公給該夷書信明白勸阻該夷仍執印文不肯退租地方官意在遷就有帶兵護送入寺之說朕思馭夷之要

莫先於固結民心若如所奏強民縱夷勢必激生事端關係非淺著劉韻珂徐繼畲按照所奏情節妥為曉諭不可致生夷釁亦不可稍拂民情總期民夷兩安方為不負疆寄其地方官如查有辦理不善之處必當從嚴叅辦不可稍存姑息原摺並士民公信刊本均著鈔給閱看將此諭令知之）封

皇貴太妃弟刑部員外郎恩齡為二等子（己酉）

上詣正大光明殿

几筵前供奠○詣永春室問

皇貴太妃安○諭內閣琦善奏續經查出濫借
司庫銀款各員請分別追賠一摺據查從前
辦理番案升任甘肅蘭州道唐樹義曾詳明
前督臣富呢揚阿批令借動司庫銀一萬兩
經前署藩司王兆琛於暫存糧價內照數借
發至今並未歸補此項銀兩係應發給各屬
買糧還倉之款前司道等率行借用以致無
款可歸前督臣既經批准又不據實奏明均
屬錯誤現當清釐庫款之際豈容再任虛懸
著鑲紅旗滿洲都統貴州山東各巡撫轉飭
富呢揚阿家屬並唐樹義主兆琛各員名下
每員各賠交銀三千三百三十三兩零即速
解甘肅省歸款○陝西提督成玉因病解任
調湖南提督向榮為陝西提督以四川北
鎮總兵官余萬清為湖南提督以甘肅西
甯鎮總兵官薩炳阿署西甯辦事大臣○庚

戌

上詣永春室問

皇貴太妃安○先是御史存葆奏外省州縣應
升缺出必於合例人員中擇其著有勞績者
奏題升補其他概不得飾詞遷就致有功者
向隅亦鼓勵人才之道下吏部議至是奏應
如所請從之○山東巡撫陳慶偕奏督飭水
師兵勇擊沈盜船十隻擒獲洋盜多名親往
登州審辦得旨嘉獎予陣亡外委范景增祭
葬世職○以山東臨清城守營副將楊霖為
四川北鎮總兵官○予因公淹斃貴州遊
擊張萬吉祭葬卹廕○辛亥

上詣永春室問

皇貴太妃安○諭內閣此次查辦武職廢員圈
出之宗室綿性琦琛順保宗室輯瑞孟保長
春覺羅崇恩鍾方宗室禧恩容照經額布文
蔚宗室奕經著自本月二十三日起重每日
買豫備召見過推班之日以次遞推其三品

以下圈出各員著兵部帶領引見。壬子
上詣永春室問

皇貴太妃安。諭內閣前據御史陶恩培奏盛
京地方捕務廢弛。臺出搶劫重案。當交該將
軍。府尹認真查辦。茲據奕興等覆奏。委員分
途訪查各案。與該御史原奏大略相符。雖經
各該地方官詳報有案。並獲犯解審。而逸犯
尚多未獲。所有已屆疏防限滿各員。應即照
例分別題參。其緝捕不力之小凌河管界佐

領常祿錦縣知縣周良卿均著交部議處。未
獲各犯。仍飭嚴密查拏務獲。歸案究辦。盛京
為根本重地。似此盜劫肆行。成何事體。該將
軍府尹務必隨時認真整頓。嚴飭地方文武
各員實力緝捕。勿令盜風日熾。方為不負委
任。至復州城守尉春英於家人劉成拐騙銀
物。捏詞報劫。旋即潛逃。未能即時弋獲。實難
辭咎。春英著交部議處。仍飭嚴緝。劉成獲案
究訊確情。按例懲辦。再據奏稱復州城東栗

子寺地方。間有回民潛住山內。業經查拏驅
逐。仍著嚴飭該界官常川稽察。不准容留匪
類盤踞滋擾。其七道嶺盜窩。既據查明係在
熱河朝陽縣界內。著熱河都統惟勤迅速查
明窩盜處所。嚴密緝拏。悉數弋獲懲辦。以肅
捕務而靖地方。○又諭張芾奏遵旨保舉人
員一摺。江西南康府知府邱建猷。鄱陽縣知
縣沈衍慶著該撫飭令來京。交吏部帶領引
見。伺候召見。在籍前任御史朱琦著廣西巡

撫傳旨飭令該員來京聽候簡用。丁憂翰林
院編修何紹基俟服滿到京時。由吏部題奏
辦理。○又諭吏部續奏各省保舉人員一摺。
所有江蘇巡撫傅繩勳保舉之江甯布政使
楊文定。江蘇按察使聯英。山西巡撫兆那蘇
圖保舉之布政使蔣蔚遠。按察使孔慶鏞。協
辦大學士陝甘總督琦善保舉之甘肅布政
使張集馨。貴州巡撫喬用遷保舉之按察使
武棠均著該督撫飭令來京。陛見其所保同

省之藩臬著該撫飭令分起先後來京○
以翰林院掌院學士孫瑞珍充日講起居注
官○陝甘總督琦善奏報甘肅省河州渭源
西河安化莊浪崇信等處間有被旱被雹被
霜地方平樂縣渠水猛漲衝淹皋蘭縣黃河
上游暴漲漫淹沿河一帶俱飭查辦得旨妥
速勘辦○癸丑
上詣正大光明殿
几筵前供奠詣永春室問

皇貴太妃安○諭內閣戶部錢法堂奏請飭催
銅斤等語滇運銅斤遲滯屢經降旨飭催並
特派沿途各省藩臬大員實力催趲何以漫
不經心任令延宕可見各省藩臬直將特派
事件視為具文殊負委任茲據戶部錢法堂
奏稱在途各起運員均未據經過各省報抵
何處其已入山東境之宋淇一運亦未據報
出境日期若再耽延致誤鼓鑄所派催趲大
員豈能當此重咎著直隸總督山東巡撫先

將宋淇一運銅斤星夜迎提飛挽北上○一俟
行抵通壩即著倉場侍郎迅速盤驗務於八
月中旬運交京局其餘在途各運亦著經過
各該省督撫勒限加緊嚴催不准片刻停留
並著漕運總督飭令於重運軍船內插檔行
走毋得藉稱擁擠再有遲延至湖廣等省銅
斤亦著一律趲進勿任虛報阻滯儻各該運
員仍復逗遛地方官催趲不力即著各該督
撫指名嚴叅以儆怠玩而濟要需○賞已革

輔國公綿性三等侍衛在大門上行走○甲
寅

上詣永春室問

皇貴太妃安○諭內閣車林多爾濟奏請進京

叩謁

梓宮瞻覲朕顏一摺車林多爾濟曾受

皇考重恩現請進京叩謁

梓宮瞻覲朕顏洵屬意念至誠著照所請准其
入都並著加恩准其馳驛○乙卯

仁宗睿皇帝忌辰遣官祭

昌陵

上詣

安佑宮行禮○詣永春室問

皇貴太妃安○諭軍機大臣等劉韻珂徐繼畲

奏。喫夷租賃城內房屋。現經設法籌辦等語。

喫夷欲住福建省城之神光寺。侯官縣知縣

遽將租約用印。士民疊次呈控。並公給該夷

書信勸阻等情。前有人奏及此事。已降旨令

劉韻珂等妥為曉諭矣。總之通商定約。原期

民夷兩安。若辦理稍有偏倚。必致激成事端。

惟當恪守成約。不惟城內房屋。未便聽其居

住。即城外租賃地方。亦須查照成約。妥為安

置。儻成約之外。稍為遷就。不獨民心不服。即

夷商亦有後患。該督等仍應密之又密。慎益

加慎。勿存畏葸。勿涉張皇。務使夷釁不生。民

心共順。方為久遠之計。地方官查有辦理不

善之處。即遵前旨嚴行參辦。勿稍迴護。至所

稱該夷欲求採購臺灣鷄籠山煤炭一節。該

督等以不應違約。正詞拒絕。自是正辦。仍當

密飭文武加意防備。切勿稍存大意。致有疏

虞。將此諭令知之。○丙辰

上詣永春室問

皇貴太妃安。諭內閣永康等奏籌議添設堆

撥。汛撥並官員兵丁輪流值班一摺。另片奏

動支庫款等語。

慕陵宮門外兩旁添設堆撥五處。圍牆外添設

汛撥五處。及

隆恩門外東西朝房分班值宿之處。均著照所

擬敬謹辦理。永康戴岱德春均著隨時恭往

周歷稽巡。以昭敬慎。所需添設堆撥支放銀

兩。著准其在於廣恩庫另款收存。項下動支。

又片奏。

昌陵

孝和睿皇后八筵前致祭。應用銀兩等語。著即

在於廣恩庫地租項下動用。敬謹豫備。○又

論此案薛執中以道士屢次改名易裝藉醫招搖行蹤詭秘到處煽惑人心所寫書信擅議時政妄談休咎情詞尤為狂悖即立正典刑亦屬罪無可逭惟念朕御極之初法外施仁稍從末減薛執中著從寬定為斬監候秋後處決仍著刑部隨時查察如該犯在監復有不法情事即行奏明正法已革效力雲騎尉李若昌經文慶委令查拏知而不捕著照部議杖一百徒三年宗室奕紀以已革大員

疊經獲咎釋回乃復不知自愛輒從薛執中學習坐靜按摩工夫復聽其在伊家求雨實屬任意妄為著照宗人府所擬實發吉林交該將軍嚴加管束已革御史謝榮堧以風憲官吏輒與薛執中講求坐靜工夫並有往來投契字蹟實屬不自檢束已革候補通判葉廷樞亦與薛執中講究坐靜工夫時相往來實屬比匪該二員業已革職應毋庸議吏部尚書文慶延請該犯治病學習按摩身任步

軍統領與戶部侍郎左翼總兵福濟既察知該犯詭秘情形商同飭拏何以不立時緝獲究辦其回奏不實不盡之處姑弗深究即此遷延疏縱均屬有乖職守護軍統領豐紳前在新疆辦事大臣任內既因該犯講按摩法募給銀兩到京後復與見面二次且回奏亦甚含混文慶福濟豐紳均身受重恩不知自愛若不立予罷斥何以飭官方而儆將來著一併革職毋庸再交部議頭等侍衛宗室海

校身任邊陲大員既知前在吐魯番該犯登塔招搖無難立即拏獲到京後該犯屢次往找並不呈送究辦實屬糊塗荒謬亦著照宗人府所擬即行革職仍罰養贍銀一年刑部主事載鐸屢聽薛執中講說坐靜工夫盛京刑部郎中長啟令薛執中用藥治病並代覓鋪房幫給銀兩均有不合著與接收薛執中書信對聯隨即燒燬之文舉人宗室豫璋一併交部分別議處餘俱照刑部所擬辦理○

又諭慶祺朱嶠奏請飭催南糧幫船等語。南糧幫船銜尾北上。原不容片刻稽延。茲據該侍郎奏稱。二進幫船。雖已跟接抵壩。尚有六幫在後。至三進江廣十六幫。現不知行抵何處。似此任意遲延。必致有誤回空。著漕運總督將二進之鳳陽常等幫。並三進江廣各幫漕船。趕緊督催。務令跟蹤前進。並著東南兩河直隸各總督。山東巡撫。一併督催迅速北上。儻押運各員。藉詞耽延。及地方官催趲不力。即著嚴叅。毋稍寬貸。○諭軍機大臣等。昨據劉韻珂徐繼畬奏。喫夷欲往臺灣採煤一節。已寄諭於拒止之後。加意防備矣。本日據徐廣縉葉名琛奏。探得夷酋咬。回香港後。連日在港與商人私議。福建港口。虧折甚多。思換臺灣作為港口等語。此說雖出自新聞紙。為其生心設計之端。然與採煤之詞相合。其陰謀覬覦。必非無因。臺灣為懸海要區。民番雜處。平時尚易生事。豈容奸夷到彼借貿

易為窺伺。現已密飭徐廣縉等靜俟其間。先折其萌。惟恐其侈心不肯中止。勢必向臺灣附近洋面尋釁。不可不豫為之防。著劉韻珂等密諭臺灣鎮道。督率文武。嚴密防備。於從前夷船撞遇礁石之處。加意布置。勿存畏怯。亦毋得張皇。如該夷自有求換港口文書。即答以成約內通商五口。本無臺灣地方。斷難允准。該督等仍一面飛咨粵省。正詞駁斥。絕其妄念。慎勿稍涉游移。致貽後患。是為至要。

將此密諭知之。○又諭徐廣縉葉名琛奏。夷酋回港安靜一摺。又另片密陳購得新聞紙。實在情形等語。昨據劉韻珂等奏。接到夷酋咬。照會。欲求採購臺灣鷄籠山煤炭。以備火輪船之用。經劉韻珂等正詞拒絕。已降旨密諭嚴飭文武。加意防備矣。茲復據該督等奏。稱夷酋咬。連日在港招請商人。言福建港口。虧折甚多。欲換臺灣地方。作為港口。是該夷窺伺臺灣。生心已久。在粵雖甫有此議。

究不可不豫為籌防。本日已密諭劉韻珂等仍遵前旨。嚴密防備。該督等如接到該夷求換臺灣港口照會。即行查照。成約臺灣不在五口通商之內。據理斥駁。妥為曉諭。絕其妄念。並隨時偵探情形。如有潛往臺灣窺伺之信。即一面奏聞。一面飛咨閩浙總督。趕緊防範。該督等總宜慎守成約。示以鎮靜。勿致別生枝節。是為至要。將此密諭知之。○調兵部尚書柏葰為吏部尚書。以前任成都將軍裕誠為兵部尚書。○以戶部尚書賽尚阿為步軍統領。○轉京營右翼總兵瑞常為左翼總兵。以鑲黃旗蒙古副都統達洪阿為右翼總兵。○以都察院左都御史花沙納兼鑲藍旗漢軍都統。○調正黃旗蒙古副都統恆春為正黃旗滿洲副都統。以頭等侍衛明慶為正黃旗蒙古副都統。調正藍旗漢軍副都統德興為正藍旗滿洲副都統。以總管內務府大臣基溥兼正藍旗漢軍副都統。○調鑲紅旗

護軍統領瑞常為正白旗護軍統領。以兵部右侍郎春佑兼鑲紅旗護軍統領。丁巳上詣正大光明殿。

几筵前供奠。詣永春室問。

皇貴太妃安。○命吏部尚書柏葰恭理喪儀。○

命禮部尚書惠豐為

實錄館總裁官。刑部左侍郎全慶為副總裁官。

○以吏部尚書柏葰為翰林院掌院學士。兼管戶部三庫事。○以工部尚書裕誠左侍郎

靈桂為總管內務府大臣。○以吏部左侍郎

瑞常教習庶吉士。○調盛京戶部侍郎書元為戶部右侍郎。兼管錢法堂事務。○調盛京

兵部侍郎恆毓為戶部侍郎。禮部侍郎廣林為兵部侍郎。以杭州副都統耆瑞為禮部侍

郎。○以陝西西安協副將巴彥岱為杭州副都統。○賞前任江南徐州鎮總兵官順保藍

翎侍衛。在大門上行走。○以訪獲要犯薛執中。予巡視中城給事中德奎等議敘。○戊午

上詣永春室問

皇貴太妃安○諭軍機大臣等前有人奏喚夷突欲借住福建省城神光寺該縣遽於租約用印並有帶兵護送入寺之說復據劉韻珂徐繼畲奏稱現經設法籌辦均經先後降旨飭令該督撫加意防備慎密辦理矣本日又有人奏官紳意見不合一摺並鈔錄往來信函及該夷揭帖呈覽該夷詭譎性成固當示以鎮靜然過於遷就必失民心馭外之道莫

先安內但不可稍露偏袒之意致該夷轉有所藉口該督閱伍計將竣事著即迅速回省與該撫遵照前旨妥密籌商總宜恪守成約凡該夷稍有違約之處即當嚴詞拒絕俾該夷感而知畏不致遂生嫌隙至民氣民情尤須固結閩粵之民皆吾赤子該督撫身任海疆若民意稍有不安即係爾等辦理不善務當曲體朕意妥為控馭平心開導毋得苟且目前致貽後患侯官縣知縣興廉於該夷賃

住房屋何以不稟上司遽將租約率爾用印與成約不符致令民夷兩相爭執著即查明嚴行叅辦毋稍迴護除福州士民致該夷公信前已鈔寄外所有此次原奏並紳士公致巡撫及巡撫覆紳士信函該夷揭帖一併鈔給閱看將此密諭知之○熱河總管經文圖毓祺奏熱河

綏成殿供奉

聖容應辦工程得旨著總管內務府大臣派員

敬謹勘辦○以盛京戶部侍郎恆毓兼管奉

天府府尹事○己未

上詣永春室問

皇貴太妃安○諭內閣陸建瀛奏甄別道員州縣一摺江西候補道慶雲性情貪鄙輿論不平江蘇候補知縣胡春居心巧猾聲名平常安徽補用知州劉汝剛眼目昏眊素多嗜好候補知州陳允中年將八旬聲名狼藉撤任青陽縣知縣劉漢翼辦事顛預不洽輿情涇

縣縣丞陳壇捕務廢弛搶劫頻聞均著即行革職江蘇豐縣知縣朱學海才具平庸不能振作江西安遠縣知縣李廷楷見識短淺性情鹵莽試用知縣閻彤恩貌似有才不恤民隱均著勒令休致江蘇江都縣知縣陳第誦才本迂拘辦事日形竭蹶吳江縣知縣姚銑精力漸疲辦事勉強均著撤任留於該省以簡缺酌量改補○以湖南勦匪出力賞通判劉鑄等藍翎餘開復升敘有差○以淮北緝私出力予知州魏源參將聶金鏞等升敘有差	實錄卷十四	三
---	-------	---

大清文宗協天翊運執中垂謨懋德振武聖孝淵恭端仁寬敏顯皇帝實錄卷之十四	實錄卷十四	三
-----------------------------------	-------	---

上詣永春室問

皇貴太妃安○諭內閣賽尚阿等奏委驗甲米攬雜情形並據御史仙保等奏甲米進城探驗米色不符各等語著刑部查傳萬安倉花戶等嚴行審訊務得確情按律懲辦該倉監督並著聽候傳質○又諭通政司參議齊承彥奏請將特旨交辦事件附入月摺奏報等語各直省大吏原有興利除弊之責於地方要務平日自當講求整頓遇有特旨交辦事

件尤應實力奉行即使辦理稍有窒礙亦應酌覈情形據實具奏若奉到諭旨徒以通行了事何以收實效而專責成嗣後各該督撫於一切條陳交辦之事務將已否舉行及行之有無成效隨時覆奏其有奉行不力之員亦著隨時叅處斷不准經年累月任意積壓自取愆尤至該參議請令附入月摺覆奏之處日久轉成具文著毋庸議○又諭前據給事中黃兆麟候補四品京堂李莚先後奏稱

廣西盜匪充斥疊經降旨交該撫嚴拏懲辦茲據鄭祖琛覆奏查明原奏各案獲犯究辦並疊次擒獲首夥要犯多名現在督飭文武各員分投拏辦情形各一摺比年廣西盜風日熾雖屢經懲辦而匪徒仍復結夥肆行此拏彼竄若不大加懲創何以戢奸暴而衛民生該撫議請責成各道府會營分投嚴拏各章程均著照所請行該撫仍當會同提督嚴飭鎮道等督率各屬晝夜巡防並勸諭紳民

團練保衛遇有盜賊竊發總當不分畛域合力兜擒不得以業經拏獲多名稍形鬆懈其劫案內逸犯必應按名捕獲盡法懲治勿留餘孽致貽後患○諭軍機大臣等齊承彥奏山東現獲洋盜多名請飭追究巢穴一摺山東登州府屬洋面盜匪業據該撫奏稱生擒三百餘名並現赴登州親提審辦海洋劫盜聚至數百餘名自必有窩頓之地主謀之人著陳慶偕於審辦此案時即向各犯嚴究巢

穴所在黨與若干一經得實即飛咨各該省督撫派委勇幹各員設法擒捕掃滌窩巢庶奸宄無所潛匿洋面亦可漸次肅清將此諭令知之○又諭劉韻珂徐繼畬奏遵查夷船自上海起碇後未至福廈兩口業經密飭嚴防並喚夷租賃神光寺房屋現在相機勸諭各等語夷船已由上海駛回香港安靜如常惟防範不容少疏該督等仍當密飭各海口文武員弁加意巡防慎勿張皇漏洩至夷人

租住神光寺一事疊有旨諭令該督等密籌妥辦茲據奏稱講經行醫兩夷人現雖同住而不時爭論其勢似難久處等語該督等正可乘勢開導務令及早遷移俾各紳士等均無異詞而民心亦可安帖總之海疆要地夷釁固不可開而固結民心實為制夷之本權其輕重寬猛兼施該督等身膺重寄惟當遵奉前旨平心籌辦以衛民生而弭夷患儻因民夷爭執激成事端朕惟該督撫是問懍之

慎之將此密諭知之○以捕獲江南洋盜出力予道員麟桂等加銜升擢有差○予廣西勦賊陣亡千總陽碧高曾初先扼總錢世達徐忠傑陽榮亮麻維綱外委張文華馬超芳海威謝玉龍蕭玉珍祭葬世職○癸亥

上詣永春室問

皇貴太妃安○諭內閣朕親詣

社稷壇致祭是日如遇風雨仍照例恭詣

壇上拈香於拜殿內行禮○又諭鄭祖琛奏請

將勦捕未能迅速之都司革職等語此次廣東英德賊匪竄至廣西賀縣縣境內經該縣知縣鶴年捐貲練勇力圖守禦乃該署都司李慶什明知賊已入境輒以守城為詞並不下鄉堵捕迨該縣鶴年自縊之後盜匪尚在縣境該署都司仍復藉口兵單延不進剿以致賊匪竄逸李慶什庸懦無能著即先行革職並著鄭祖琛確查該縣鶴年如因李慶什遷延退縮以致戰守無據愁急自盡其情殊堪

憫惻。李慶什亦豈革職所能蔽辜。事關地方官保衛城池。營員畏葸。擊肘必應徹底根究。明示勸懲。斷不可稍涉瞻徇。○又諭據刑部奏湖南戕官踞城首逆李沅發一犯。現經裕泰等派員押解到部。著軍機大臣會同刑部嚴審定擬具奏。○諭軍機大臣等。前任漕運總督周天爵奏。扼要設防並繪圖呈覽一摺。此圖著發交訥爾經額於天津裏河直沽河等處。按照摺內所陳並圖中布置一切情形。

悉心體察形勢。總期設施得宜。並著陸建瀛傳繩勛吳文鎔各就該地方情形。周歷察看。凡有內河可以通海之處。均按摺內所陳相度地勢。妥為布置。該督撫等。均當嚴密設防。不可稍有漏洩。是為至要。原摺均著鈔給閱看。將此各諭令知之。○又諭黃贊湯奏豫籌防夷一摺。又片奏華夷相安。總在地方官能服夷心等語。著沿海各督撫。按照該學政所奏悉心體察。總期於安撫之中。寓防維之策。

不得以暫時無事。稍涉懈弛。原摺片均著鈔給閱看。將此各密諭知之。○浙閩總督劉韻珂奏。遵查南澳鎮總兵官顧清連。堪以稱職。得旨。隨時查訪。據實覆奏。○以雲南布政使張亮基為巡撫。四川按察使徐有壬為雲南布政使。廣東高廉道呂佺孫為四川按察使。○予廣西剿賊被害苗生楊廷芳。生員呂廷頌。賞卹如例。○甲子。

上詣正大光明殿

几筵前供奠。○詣永春室問。

皇貴太妃安。○諭內閣。大理寺卿邵燦奏。漕政亟宜整頓一摺。漕糧自開兌以迄驗收。例有常則。立法極為周密。無如奉行日久。率皆視為具文。以致諸弊叢生。如所奏州縣浮勒。弁丁需索。以致漕船捏報開行。任意逗遛。又江廣幫船。近多全數起卸。船戶得以偷盜攪雜。又委員索取陋規。水手訛索滋事。種種弊端。雖屢經申諭嚴禁。而相沿已久。積習迄未漸。

除著有漕各督撫及漕運總督加意稽查認
真整頓總期開行依限起卸如期裁兌員以
杜需索懲水手以儆刁頑庶使弊實不生丁
胥知畏以肅漕政而裕正供將此通諭知之
○命甘肅按察使明諲解任候質○乙丑

上詣

大高殿行禮○還宮○遣官祭

文昌帝君廟○諭軍機大臣等前據鄭祖琛
奏土匪竄至廣西賀縣境內署都司延不進

九

剿知縣愁急自盡當降旨交該撫徹底根究
明示勸懲茲又有人奏廣西流賊滋擾知縣
受偏身死平樂協副將伊靈阿富賀營都司
李慶什千總劉大剛勞玉榮聞風逃竄並開
城不出等語著鄭祖琛按照摺內所指督飭
該管地方文武各員迅即分投勦捕悉數殲
擒毋任一名漏網並嚴查知縣鶴年因何自
盡伊靈阿李慶什等畏葸縱賊各情據實具
奏毋稍含混至編查保甲本係地方應辦之

事現當盜賊充斥尤須嚴定章程激勸紳民
互相稽察守衛使本地土匪無處藏身外來
流賊無從裹脅以靖地方而安良善原摺著
鈔給閱看將此諭令知之○又諭程裔奏
拏獲匪徒詳加研鞠等語雲南思茅邊外獮
匪與游匪滋擾疊經拏獲要犯據供係被匪
黨糾約與猛弁為仇不期猝遇巡防官兵互
相抵禦以致官兵被戕現在各匪畏罪紛紛
逃散人心安定著該督遵照前旨體察情形

十

妥為籌辦嚴訊已獲各犯務令供出戕官為
首之人拏獲懲治並飭該鎮道等檄行各猛
土弁趕緊擒擒於勦捕之中仍寓安撫之意
總期寬猛得宜迅速肅事以靖邊隅將此諭
令知之○以刑部左侍郎周祖培在刑部主
稿事繁改命刑部尚書杜受田敬謹專勘

宣宗成皇帝實錄彙本○
上以祭

社稷壇自是日始齋戒三日○丁卯祭

先師孔子遣大學士祁寯藻行禮○諭軍機大臣等寄諭兩廣總督徐廣縉據鄭祖琛等奏盜匪擁入修仁縣城並竄至荔浦逼近城垣一摺又另片奏請飭督臣迅赴粵西會剿並酌派廣東官兵前往等語修仁荔浦兩縣城距桂林省垣甚近且係四通八達之區深恐賊匪裹脅愈多稍事遷延即難撲滅且粵西各州郡匪徒竊發到處須防勾結其界連廣東各地方尤恐蔓延亟應及早兜擒免致

勞師糜餉該督前經奉

旨校閱營伍應即前赴廣西著於接奉此旨後迅赴廣西會同鄭祖琛閱正鳳督飭文武員弁不分畛域合力勦辦並先酌調廣東各標官兵一二千名派員管帶分起兼程前往會剿所有應用軍需著該督即行籌畫撥解以資調用至廣東勦捕盜匪亦關緊要該督務當通籌兩省情形合力會剿不可顧此失彼是為至要將此由四百里諭令知之○又諭

據鄭祖琛閱正鳳馳奏盜匪擁入修仁縣城滋擾調派兵勇勦捕並親往督辦一摺廣西各府州屬盜匪充斥節經降旨責成該撫會同該提督督飭所屬文武合力兜擒毋任此拏彼竄茲據奏稱該匪等於七月十九日由象州竄入修仁縣因城角缺口擁入城內拒傷委員兵壯人等殊堪髮指該匪又竄至荔浦地方誠恐路近兵單不敷防守該二縣四通八達且距省僅止二百餘里亟應防其裹

卷一百一十五

十一

脅日多分投竄擾該撫等既委署臬司督同署桂林府前往勦捕即著該撫迅即催提各路官兵親自帶往會同閱正鳳督飭文武員弁分路兜剿毋令逼近省城絕其逃竄後路一面解散脅從曉諭安撫免致愈裹愈眾滋蔓難圖其修仁城內文武各官如何下落倉庫監獄有無失損該委員楊詠咸退入郡城與城守各員弁有無望風先遁戰守不力情事荔浦縣城曾否被賊蹂躪迅即查明馳奏

將此由四百里各諭令知之。○又諭前任雲南提督張必祿由京回籍現在行抵何處著徐澤醇迅即查明傳旨飭令該提督馳驛前往廣西會同徐廣縉鄭祖琛等勦辦盜匪毋得稍有遲誤將此由四百里諭令知之。○戊辰祭

大社

大稷

上親詣行禮。○

太宗文皇帝忌辰遣官祭

昭陵。○還圓明園。○詣永春室問

皇貴太妃安。○己巳

宣宗成皇帝誕辰

上詣正大光明殿

几筵前率王以下文武大臣官員行禮畢復詣

几筵前供奠。○詣永春室問

皇貴太妃安。○諭軍機大臣等有人列款奏參

縣令一摺據稱直隸盧龍縣知縣蔡五辰徵

收緩免錢糧並將新徵錢糧加銀三分採買號草實不發價信任官親門丁串通卑賄勒令市民交納麥麩又因控案釀命及縱盜不捕廢弛已極撫甯縣知縣徐天秩於鹽務巡役裁贓訛詐毫無覺察致鹽巡頭目槍斃人命反將頂兇通詳豐潤縣知縣宋復新吸食鴉片縱容門丁詐索陋規銀兩委任典史歸洽與門丁朋比為奸又延案不辦致被傷原告情急自縊等語似此貪官污吏恣意妄行

若不嚴加懲辦何以儆官邪而肅吏治著飭爾經額按照所參各款提集人證卷宗詳細研究從嚴參辦毋稍徇隱原摺著鈔給閱看將此諭令知之。○又諭昨據鄭祖琛等馳奏盜匪擁入修仁縣城並竄至荔浦逼近城垣當降旨令鄭祖琛親往督辦並飭徐廣縉酌帶廣東官兵一二千名迅往會勦兼令徐澤醇傳諭張必祿馳赴廣西會同勦捕矣茲據駱秉章奏接准廣東咨聞英德一帶賊匪四

散首逆李元寶亮已經拿獲。並探得該匪黨竄至懷集縣交界之南豐地方。距廣西賀縣三百餘里。距湖南境五百餘里。現飭文武兵勇實力嚴防等語。英德匪徒雖漸逃散。而修仁等處勢更猖獗。著駱秉章迅飭所屬於粵楚交界處所扼要防範。毋任賊黨竄入越界肆擾。並飭邊界各員。如果迎勦得手。即當不分畛域。相機追捕。以期速即殲滅。向榮前已有旨調任固原提督。約計此時尚未啟程。著

即選派官兵馳往湖南邊界督同防勦。俟余萬清接任湖南提督時。儘廣西賊匪尚未淨盡。即著向榮馳赴廣西。併力勦辦。毋稍遲誤。將此各諭令知之。○又諭昨據鄭祖琛馳奏盜匪擁入修仁縣城。並竄近荔浦縣城。勢甚猖獗。已飭徐廣縉馳往會勦。並令湖南省一體嚴防。貴州與廣西地界毗連。誠恐賊匪逃竄入境。勾結蔓延。著喬用遷迅飭所屬於交界處所嚴密防範。儻有賊匪竄入。務須扼要

堵截。勿任越界肆擾。並飭邊界各員。如果迎勦得手。即當不分畛域。相機跟追。合力兜捕。以期速就撲滅。將此諭令知之。○庚午

太祖高皇帝忌辰。遣官祭

福陵。

上詣永春室問

皇貴太妃安。○諭內閣御史吳若準奏。劫盜肆行。請飭嚴辦等語。近來各省監犯越獄解犯。脫逃搶劫。摺差擾害商民之案。層見疊出。此

等匪徒或數十人。或百餘人。忽聚忽散。出沒靡常。盜首勾結黨與。到處分布。始不過劫奪錢財。久則裹脅愈多。釀成巨案。若不力加整頓。何以戢奸暴而衛善良。著各省督撫督飭所屬嚴查盜窩。講求捕務。遇有脫逃搶劫等案。立即按名拏辦。斷不准以緝捕無獲。一叅了事。並著刑部於年終詳查各省咨題盜案彙齊具奏。儻各省市縣諱盜不報。督撫寬縱徇隱。別經發覺。除將該州縣嚴行懲辦外。定

將該督撫一併懲處不貸。懷之慎之。將此通諭知之。○諭軍機大臣等。前經降旨。令徐廣縉。迅赴廣西。並調撥廣東官兵一二千名。會剿賊匪。籌發軍餉。協濟兼令張必祿。自川馳往。會同剿辦。昨又諭令駱秉章。奮用。遷於楚黔兩省界連廣西處所。一體嚴防迎剿。並諭向榮。於楚匪肅清後。馳赴廣西會辦矣。茲據鄭祖琛等馳奏。盜匪竄至荔浦。入城滋擾一摺。又片奏。右江各屬盜風四起。並請撥餉等

語。賊匪於數日之內。竄擾修仁荔浦兩城。實堪憤恨。該撫現已出省。親往督剿。計徐廣縉接奉前旨。亦當兼程馳往。著即督率在事文武。激勵將士。奮力攻剿。四面兜捕。該處距省垣甚近。萬不可再令分竄。致有疏虞。該匪等股數不一。同時並發。必有渠魁詭謀。分我兵力。惟須先行訪明盜首何人。設法擒獲。並廣張告諭。懸賞購緝。散其黨與。自可一鼓成擒。該省兵力較單。若待鄰省紛紛徵調。誠恐緩

不濟。急該督撫務即勸導本處紳民。互相團練。藉資捍禦。必須剴切詳明。鼓其忠義之氣。其有固守城鄉。俾賊匪無從竄越。或能奮勇殺賊。斬馘立功者。即著該督撫破格奏請施恩。從優獎敘。庶兵民協力同心。賊匪速就殲滅。儻因兵少盜多。分剿不及。即著飛咨貴州酌調官兵。赴粵協剿。該督撫於剿辦修仁荔浦賊匪時。仍當嚴飭各路文武員弁。探明賊匪股數。其盜首潛藏何股。分投兜剿。併力殲

擒。毋令彼此寬突勾結。致釀巨患。所有剿捕楚匪案內。撥解廣東銀十萬兩。仍著徐廣縉葉名琛。籌款解赴廣西。以濟支發。署荔浦縣知縣薩畢圖。據稱赴鄉集團堵禦。致盜匪倉卒入城。著先行革職。交該督等查明是否屬實。再行覈辦。修仁荔浦兩縣。查無下落。文武各官。即著迅速查明具奏。將此由四百里各諭令知之。○又諭有人奏廣西提督閔正鳳。係由武巡捕出身。專講應酬。於紀律運籌。一

無所知駐劄柳州按兵不出賊匪逼近府城
住及一月目無提督可知等語著徐廣縉秉
公確查該提督於土匪肆擾之時如果縱賊
養寇畏葸無能即行據實嚴叅懲辦毋稍瞻
徇至所稱兩廣土匪日熾分夥勾結至二萬
餘人之多若不及早撲滅勢恐滋蔓難圖該
督務當通盤籌畫迅速勦辦其團練保甲諸
事宜尤應隨地布置使賊匪不敢肆行庶不
致釀成巨患原摺著鈔給閱看將此諭令知
之○辛未

上詣永春室問

皇貴太妃安○

孝德皇后殯宮月祭遣官行禮○遣官祭

關帝廟○諭軍機大臣等有人奏陝西延榆
綏道萬保遠邇省垣營謀鑽刺該撫張祥河
詩酒風流不理公事等語該道因何盤踞省
城總不赴任其所屬公事如何廢弛其三次
署理糧道如何營私取巧該撫不理公事是

否確實著琦善悉心查訪秉公據實具奏毋
稍徇隱原片著鈔給閱看將此密諭知之尋
奏張祥河並無延誤公事萬保不免藉端逗
邀得旨陝西延榆綏道萬保著以內務府郎
中候補○又諭有人奏陝西郃陽縣知縣沈
壽曾任意妄為濫刑斃命貪婪不法該縣教
諭王步元捉獲賊銀羅列該縣沈壽曾贓款
七案控經臬司批交同州府始終未據提審
並有委員李東旭甯邁臣秦占鼈及翰林王

姓從中串通說合又因偏還倉麥該府委大
荔縣知縣熊兆麟解府訊辦熊兆麟酷刑嚴
押致斃五命並沈壽曾竊使庫銀及因案索
贓各等語事關知縣貪贓枉法肆行無忌若
不嚴行審辦何以肅綱紀而儆官邪著張祥
河按照摺內臚列各案親提人證卷宗秉公
嚴訊確情按律懲辦毋得稍有不實不盡儘
瞻徇屬員代人受過將來經朕訪聞或別經
發覺恐不能當此重咎也懍之原摺著鈔給

閱看將此諭令知之○壬申

上詣

安佑宮行禮○詣永春室問

皇貴太妃安○遣官祭昭忠祠○諭內閣前據

陸建瀛奏湖北鹽法道鄒之玉不遵永禁整

輪辦法仍令各商板提售價以致存鹽滯銷

當經降旨交裕泰嚴查叅辦茲據該督奏稱

該道因各商減價速售諭令兼顧商本係在

未奉奏定新章以前迨接奉新章即督飭岸

商趕銷存河舊鹽尚無不遵永禁整輪辦法

及拘執板價情事惟於各商減價之際僅諭

令兼顧商本並不稟商該管總督及兩江總

督叅辦實屬疏忽鄒之玉著交部議處○又

諭顏以煥奏趕催漕船等語本年南糧各幫

二三塘灌放渡黃已形遲滯若再耽延水勢

日消必致有淺阻之虞著漕運總督嚴催各

幫趕緊趲行連檣北上並著該河督及沿途

各督撫嚴飭該管道廳及司漕文武員弁星

夜趕催不准片刻停留致誤回空期限○又
諭此案陳鴻以書吏承辦稿件輒敢捏詞誣
騙業經刑部照例定擬惟此外難保無另有
撞騙得贓重情所有案內牽涉人證皆遠在
山東自未便紛紛提質陳鴻及程伊湄家人
陳霖並備查信函著一併解往山東交陳慶
偕親提人證秉公研訊務得確情按律定擬
毋許稍有實不盡尋奏程伊湄訊無賄囑
情弊惟既經給與銀兩未便竟與免議應請

交部議處從之○又諭向來各衙門書吏因
承辦案件往往藉端詐騙影射婪贓種種作
奸犯科雖經重懲嚴辦無如此輩積習相沿
惟利是圖肆無忌憚即如刑部現審之書吏
陳鴻輒敢寄信外省任意索詐此外未經破
案者尚不知凡幾若不隨時查察何以儆貪
蠹而杜弊端嗣後著責成各部院堂官嚴飭
司員認真查察承辦書吏儻有身後辦事及
指騙訛索等情一露端倪立即回堂究辦庶

鬼域技窮。不致為若輩所蒙蔽也。將此通諭知之。○以翰林院掌院學士柏後充日講起居注官。○旌表守正捐軀河南汝陽縣民婦李董氏。○癸酉。

上詣正大光明殿

几筵前行月祭禮。○詣永春室問

皇貴太妃安。○嚮夕復詣

几筵前供奠。○諭內閣戶部奏請飭催江蘇迅

解銅斤等語。江蘇省局存銅斤前經戶部奏

提解京。並節次行文催提。迄今已逾半載。未

據咨報起解。實屬延玩。著傳繩勳迅即遴委

妥員。將戶部指提該省局存洋銅。按數解京

交局。毋任遲誤要需。仍將委員銜名及啟程

日期先行報部查覈。並查明因何遲滯之處

報部覈辦。○甲戌。

上詣永春室問

皇貴太妃安。○諭內閣載銓等奏宗人府庫款

足數支放。請照舊制量給宗室覺羅等繼娶

妻室恩賞銀兩。又片奏添給盛京宗室覺羅

等紅白恩賞銀兩各等語。嗣後宗室覺羅等

繼娶妻室。紅白恩賞銀兩著即照載銓等酌

擬減給之數給與。○又諭楊殿邦奏漕船在

塘稽阻。現今加緊催趲等語。昨因南糧各幫

二三塘灘放渡黃後。諸形遲滯。曾經降旨。飭

令漕運總督東河總督及沿途各督撫嚴催

各幫趕緊趲行。茲據該漕督奏稱各船放渡

後。因風水頂阻。以致稍稽時日。現在節候已

遲。水勢日消。該督務當仍遵前旨設法挽運。

趕催北上。以速補遲。毋得藉口稽延。回空遲

誤。以致趕辦新漕。又形掣肘也。懍之。○諭軍

機大臣等。本日據訥爾經額奏。兩奉廷寄。體

察海防情形。繪圖呈覽。並遵旨議覆海防事

宜各一摺。周天爵先後陳奏兵事數條。並繪

具圖樣之處。既據該督悉心體察。不敢輕於

一試。自係酌量地方情形。確有把握。又據奏

稱蔣文慶所陳均在疊次籌防暨善後章程

之中等語。天津為京師屏障。自當以嚴防海
口。賊不敢來。來不敢入。為扼要之圖。尤須密
籌後路。使賊匪無從繞越。各口聲勢相應。固
我藩籬。該督既稱津沽地利情形。久在心目。
是平時早有籌畫。不致臨時張皇。現在該處
人心堅定。志切同仇。該督惟當督飭鎮道。聯
絡兵民。訓練必勤。礮械必備。自足常操勝算。
慎固疆圉。原不在紛更煩擾為也。將此諭令
知之。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之十六

[illegible]

道光三十年庚戌八月乙亥

上詣永春室問

皇貴太妃安
丙子。

上詣永春室問

皇貴太妃安○諭內閣前據薩迎阿奕山穆特
布明白回奏各摺當交刑部查覈茲據該部
提犯研訊覈與原奏相符薩迎阿等延請薛
執中治病講論擦摩工夫並各布施銀兩雖
在該犯未曾改名易裝之先究有不合薩迎
阿奕山穆特布著一併交兵部議處尋議降

三級調用得旨。改為降四級留任。諭軍機大臣等。寄諭兩江總督陸建瀛。閩浙總督劉韻珂。兩廣總督徐廣縉。山東巡撫陳慶偕等。據刑部奏審擬民人丁光明。赴大學士者英宅內呈遞稟函一案。已照議將該民人發遣矣。惟該犯供稱。有大西洋國羅瑪府人羅類思。曾至山東泰安府城外店內住宿。該犯與同教人郭四。投往服役。羅類思在廣東。隨者英辦理夷務有功。後自山東赴上海。修蓋房屋居住。並於二十九年三月間。遣手下人高姓來京探聽。旋即出京等語。著各該督撫密委妥員。詳加察訪。有無羅類思及高姓其人。是否在內地居住。何時到過上海及泰安府。逐一查訪明確。據實密奏。毋稍張皇漏洩。將此各密諭知之。兩江總督陸建瀛等。奏報節屆白露。河湖各工。修防平穩。得旨。仍當加意修守。毋稍疏懈。湖南首逆李沅發。伏法。○丁丑秋分夕

月於西郊遣惠親王綿愉恭代行禮。上詣正大光明殿。几筵前供奠。詣永春室問。皇貴太妃安。○戊寅。上詣永春室問。皇貴太妃安。諭內閣。此次查辦文職廢員。圈出之廖鴻荃。宗室訥勒亨。額張秉德。顏伯燾。文冲。梁夢涵。趙光祖。陶士霖。何其興等。九員。著吏部查明在京各員。自本月二十五日起。每日一員。豫備召見。其在籍各員。即由該部行咨各該員原籍督撫。飭令來京伺候召見。其四品以下。圈出京外各員。著該部查明在京在籍分別帶領引見。諭軍機大臣等。有人奏藩司辦公顛預於浮收積弊。不知禁革。含混批示一摺。據稱湖南省前因彌補苗疆軍需案內。長沙府屬各縣加徵湘潭縣正銀項下。每兩額外加徵四錢。有零。迄今久已彌補完訖。浮收如故。時歷三十年之久。銀逾五

十餘萬兩之多。且經戶書呈繳底簿。委員清查。並戶書等公同遞呈。該藩司萬貢珍。含混批示。仍置浮收積弊於不問等語。著裕泰駁秉章。按照摺內所指各情。秉公查覈。據實具奏。毋稍徇隱。至額外浮收。久干例禁。此外各州縣有無似此積弊。均應一體訪察究辦。原摺著鈔給閱看。將此各諭令知之。○命陝甘總督琦善。撥銀五萬五千兩。解赴塔爾巴哈台。備成豐二年經費。○己卯。諭內閣。程喬采等奏。審明職官錢債控案一摺。雲南降調通判趙堉林。前因委管瀘店銅務。稟控准升知州丁楚玉降旨。分別革職。審訊。茲據該督等查明。趙堉林認真挑揀。係為慎重京銅起見。惟因索取墊付煎費。輒行具稟。丁楚玉不早償還。以致興控。均屬不合。現既查無營私捏飾情事。所有革職之降調通判趙堉林。及暫行革職之前任蒙自縣准升廣西直隸州知州丁楚玉。著准其一併開復。仍交部分別議

處 庚辰
上詣永春室問
皇貴太妃安。○遣官祭黑龍潭。
昭靈沛澤龍王之神。玉泉山。
惠濟慈佑靈渡龍王之神。昆明湖。
安佑普濟沛澤廣生龍王之神。密雲縣白龍潭。
昭靈廣濟普澤龍王之神。○遣官祭圓明園惠濟祠。
河神廟。○以
宣宗成皇帝梓宮奉移
山陵。免所過宛平良鄉涿房山涿水易六州縣本年額賦。○辛巳
上詣正大光明殿
几筵前供奠。○詣永春室問
皇貴太妃安。○壬午
世宗憲皇帝忌辰。遣官祭
泰陵。

上詣

安佑宮行禮○詣永春室問

皇貴太妃安○以江蘇布政使陳旣為江西巡撫貴州按察使武棠為江蘇布政使調山西按察使孔慶鋤為貴州按察使以山西冀甯道多慧為按察使○癸未

上詣永春室問

皇貴太妃安○遣官祭賢良祠○以內閣學士車克慎為工部左侍郎大理寺卿邵燦為內

閣學士兼禮部侍郎銜以湖南布政使萬貢珍為大理寺卿○以廣東按察使祁宿藻為湖南布政使廣東南韶連道崔侗為按察使○廣西布政使張雲藻因病解任調湖北布政使勞崇光為廣西布政使陝西布政使常大瀉為湖北布政使以前任廣西布政使雲麟為陝西布政使○甲申

上詣永春室問

皇貴太妃安○諭內閣陳慶偕奏豫籌剝運事

宜一摺本年重運漕船行入東境較晚衛河水勢日見消涸需用剝船甚多除東省小米

軍船業經就近調用四百隻外著倉場侍郎直隸總督飛飭將楊村官剝船二千五百隻全數迅速調赴臨清牕外挨次剝運不致守候延誤並著查照成案分別剝運先後遠近俾資輪轉另片奏經費不敷等語著准其於司庫存貯雜款內借動銀二萬五千兩以備支發仍歸提解各屬坐支項下彌補歸款如

臨時水長停剝即著仍行撥還原款○又諭慶祺朱嶠奏幫船脫空遲延請飭嚴催等語本年南糧北來節次阻滯疊經降旨嚴催茲據奏稱二進在後鳳陽常等六幫並三進江廣幫船脫空遲延本年南漕減歇較多河水足資浮送果能實力催趲何至延玩如是現在節候已遲即使銜尾而來已恐趕辦不及不但回空逾限必致貽誤新漕責有攸歸該漕督能當此重咎耶楊殿邦著傳旨嚴行申

飭並著山東巡撫直隸總督一體飭屬飛速迎提設法籌催添剝濟運總期以速補運償再因循玩泄將疊次嚴催諭旨視為具文定將該漕督等重處不貸懷之慎之○又諭此案張二楊九以回民窩留積匪王六全兒等於南苑附近地方糾夥疊竊並有嚇禁更夫重情現照部議分別改發新疆給官兵為奴酌撥種地當差著沿途督撫嚴飭經過地方官小心押解毋致疏脫並著該將軍大臣將

該犯等到配日期即行咨報刑部嗣後似此改發重犯著一體將到配日期咨明該部以憑查覈○諭軍機大臣等據哈勒吉那奏庫倫四部落赴藏熬茶之蒙古喇嘛於青海口外扎哈那林地方被番賊搶去牧駝該地方在青海迤北道途遙遠應否派兵護送如何不致搶劫著琦善體察情形悉心籌辦總期於事有濟而輕重不致失宜方為妥善原摺著鈔給閱看將此諭令知之又諭慧成額

勒亨額奏本年六月二十七日自唐努烏梁海交界齊斯大壩地方越入四十餘名俄囉斯逃脫之人攜帶器械搶奪羊隻並將佐領哈勒察克砍傷身死奪去槍馬等物逃走經總管派員通知管理俄囉斯雅什達喇城官員烏斯巴拉納克據稱逃脫之人傷斃數名拏獲數名現在監禁等語此案砍死佐領哈勒察克之俄囉斯兇犯既經俄囉斯雅什達喇城官員處拏獲監禁著庫倫辦事大臣德

勒克多爾濟玉明迅即轉行俄囉斯國照例覈辦原摺著鈔給德勒克多爾濟玉明閱看將此各諭令知之○又諭鄭祖琛閱正鳳馳奏修仁荔浦兩縣賊匪逃竄出城道路已通現在親督勦辦一摺又另片奏上林明江武緣等處盜匪滋擾分派弁兵往捕等語該匪等竄擾修仁荔浦兩城旋即退出踞守青山復由青山竄至修仁之四排賊勢糾紛必應四面兜勦遏其奔突之路聚而殲旃該撫現

駐平樂府城居中調度計徐廣縉張必祿向榮先後接奉諭旨亦均可馳赴軍營著即會商督飭文武員弁激勵將士紳勇合力兜擒其已經退出之兩縣地方務即剴諭紳民妥為安撫互相守助俾該匪不敢復行竄入並飭各路官兵奮力直前將青山賊巢埽穴擒渠密探股首姓名懸賞購獲一面解散脅從使賊首尾不能相應毋致此拏彼竄平樂近接省城尤為緊要如果兵力不敷調遣前飭

酌調貴州官兵之處該撫迅即飛調協防毋誤事機其思恩太平等屬賊匪股數更多尤當及早勦捕向榮既已調授廣西提督即將廣西各路形勢通盤籌畫與徐廣縉鄭祖琛等和衷商辦若將備中有臨事畏葸藉詞推諉者立即執法從事毋稍姑容以作士氣而懲積習總期周密無遺該匪無從乘間竄突並飛咨湖南貴州各省於交界處所堵禦勿令蔓延並嚴飭各土司認真協捕以期速就

職銓閔正鳳仍著留於廣西襄辦軍務事竣後再赴調任所有賊匪入境防範不嚴致任竄入城內之署廣西修仁縣知縣劉益謨典史鍾壽春荔浦縣典史梁虹把總郭維先外委蘇紹英代防荔浦汛外委嚴正榮均著即革職隨營效力將此由五百里各諭令知之○命前任工部尚書廖鴻荃以四品京堂候補充

實錄館總纂官○陝西布政使雲麟因病解任

以按察使朱履為布政使調山西按察使多慧為陝西按察使○調陝西提督向榮為廣西提督廣西提督閔正鳳為陝西提督○賞己革戶部右侍郎福濟四品頂帶署山西按察使○以二等輔國將軍禧恩署馬蘭鎮總兵官兼總管內務府大臣○以貴州擒獲鎮遠苗匪賞知府胡林翼花翎千總王敦倫藍翎餘升敘有差○乙酉

上詣正大光明殿

几筵前供奠。諭內閣。朕於九月十八日恭送皇考宣宗成皇帝梓宮奉移。

慕陵啟行後著派肅親王敬敏順成郡王春山大學士卓秉恬尚書賽尚阿阿勒清阿留京辦事。丙戌。

上詣永春室問。

皇貴太妃安。諭內閣。潘鐸奏審明京控案件。按例定擬一摺。著文刑部議奏。朕思各省糾眾滋事搶奪斃命重案。層見疊出。屢經言官

陳奏。降旨嚴飭查辦。即如潘鐸審擬劉小成京控王大香一案。糾眾擅帶火藥。燒斃八名之多。該地方官平日果能密訪嚴拏。何至任令搶匪肆行兇暴。至於此極一省如此。他省可知。著各直省督撫嚴飭所屬。於地方土棍匪徒及鄰省滲入盜匪。隨時查拏。認真整頓。遇有糾眾滋事重案。立即擒獲。嚴加懲辦。俾兇頑知儆。不至肆無忌憚。儻地方文武員弁容隱捏飾。化大為小。化有為無。該上司一經

查出。或被入控告。必當據實嚴參。斷不准稍事姑容。致釀巨案。至河南搶匪結黨成羣。尤為地方之害。甚至竄入鄰省。劫掠橫行。該督撫自應不分畛域。隨時嚴捕。以期淨絕根株。封疆大吏除莠安良。是其專責。若寬縱於事前。復彌縫於案後。以致盜風日熾。擾害閭閻。其平時廢弛因循。諒亦難逃朕鑒。自此次諄諭之後。再有仍前怠玩。不知振作者。經朕訪聞得實。惟有將該督撫等從重治罪。決不寬貸。以為玩視捕務者戒。懍之慎之。將此通諭知之。○以江西布政使陸元烺署巡撫。河南巡撫潘鐸奏報秋收分數報聞。又批。朕近聞河南藩司嚴良訓性情疏懶。於公事漠不關心。竟有日前所辦之事。不數日則已忘矣。若真如朕所聞者。何能勝任。抑或另有別項情節。爾可隨時訪察。密奏以聞。如或稍有洩漏。朕必以國法從事。斷不姑容。慎之。此諭看畢。著先行繳回。特諭。○漕運總督楊殿邦等

奏報全漕尾幫催入山東境日期得旨嚴行催趲毋再延玩○丁亥

上詣永春室問

皇貴太妃安○諭內閣向例推恩襲爵之人罪至革爵者不准承襲從前和世泰外任將軍獲咎革去公爵其應否承襲

皇考諭令該旗候旨辦理仰維

聖意亦欲從緩加恩朕追思

孝和睿皇后母家尚未襲封有人敬體

皇考諭令候旨之意和世泰之子崇恩著加恩准襲承恩侯爵其敬慎從公以保祿位毋忝朕命○戊子

上詣永春室問

皇貴太妃安○諭軍機大臣等據徐廣縉馳奏廣西修仁縣城失守擬親往督辦一摺廣西賊匪擁入修仁荔浦兩縣城旋即退出踞守青山復有另股賊匪分擾上林明江武緣等處前據鄭祖琛先後馳奏情形疊經降旨令

其酌調兵勇剋日殲擒並諭知徐廣縉帶兵籌餉馳往會剿計此時徐廣縉已應行抵粵西著即與鄭祖琛督率文武嚴防要隘激勵紳民散其裹脅之徒堵其分竄之路一鼓作氣悉數殲除勿任逃匿蔓延方為不負委任本日又據都察院奏廣西舉人李宜用紳士莫子升等各遣抱告呈訴並生員何可元自行呈控逆匪橫行各情並著徐廣縉等按照原呈及鈔單所開案由姓名確切查明指名嚴拏斷不可稍有迴護該舉人等原呈並鈔單均著鈔給閱看將此由四百里諭令知之

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之十六

十六

十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之十七

光緒二十九年庚戌九月己丑朔
上詣正大光明殿
八筵前供奠○詣永春室問
皇貴太妃安○改鑄河南歸德府知府印信從
巡撫潘鐸請也○庚寅
上詣永春室問
皇貴太妃安○諭內閣通政司副使扎克丹奏
請仍設巡漕御史一摺○科道巡漕舊例久經
停止○道光十九年該員御史任內曾經奏請
復設欽奉

道光三十年庚戌九月己丑朔

上詣正大光明殿

八筵前供奠○詣永春室問

皇貴太妃安○改鑄河南歸德府知府印信從

巡撫潘鐸請也○庚寅

上詣永春室問

皇貴太妃安○諭內閣通政司副使扎克丹奏

請仍設巡漕御史一摺○科道巡漕舊例久經

停止○道光十九年該員御史任內曾經奏請

復設欽奉

皇考宣宗成皇帝諭旨。此項差使。裁撤已久。著毋庸議。扎克丹以必不可復之事。又行陳奏。實屬不知事體。現今河漕諸臣。本屬不能和衷共濟。然操縱之權。惟朕持之。何得輕議紛更。沽名市譽。況省事不如省官。徒滋流弊。著不准行。○諭軍機大臣等。徐廣縉華名琛奏接奉廷寄。查辦盜匪情形。並游匪滋擾。現經提督臬司前往會勦。各一摺。又片奏軍務緊要。請留應行引見之知府。暫緩送部等語。兩

廣盜匪充斥。前有人奏種種擾害情形。當經降旨飭令認真查拏。並籌議團練壯勇。茲據奏稱原摺內開之匪黨李自葵等各股業經先後殲擒。惟首犯方晚等尚未就獲。仍著嚴飭挖捕。至擄人勒贖。分界打單之風。深堪痛恨。不得因拏辦多案。遂謂其勢漸熄。致涉鬆懈。該督等惟當通飭州縣。即照廣西省橫州博白兩處團練章程。認真辦理。俾官民合力同心。不致互相推諉。方於捕務有裨。其游匪

竄擾南韶等屬。雖經各縣營先後獲犯三百餘名。該匪餘黨復敢糾約大肆猖獗。致將武職大員圍困。不法已極。必應痛加勦洗。現經提督祥麟臬司祁宿藻督帶兵勇馳往勦辦。該督等務令嚴飭毗連各縣營併力防堵。以期四面兜擒。分其黨與。勿令兩省賊匪互相勾結。致留餘孽。所稱副將王浚受困。不知下落。是否陣亡。並著該督等確查具奏。臬司祁宿藻現已升任湖南藩司。著俟勦辦事竣。再

行奏明請旨。至應行引見之南雄州直隸州知州郭超。凡候補知府史樸。現據隨營差遣。均著准其暫緩來京引見。該督現赴廣西會勦。務須通籌兩省全局。知人善任。懲勸兼施。俾地方迅就肅清。勿致顧此失彼。是為至要。將此由四百里諭令知之。○以廣東大鵬協副將溫賢署陽江鎮總兵官。○辛卯。上詣永春室問皇貴太妃安。○以故貝子綿岫子奕櫟降襲鎮

國公○錦州副都統祁俊因病解任調正藍旗滿洲副都統德興為錦州副都統○戶部議准陝甘總督琦善疏報甘肅高台縣開墾屯地一十九頃五十八畝有奇照例升科從之○戶部議准江蘇巡撫傅繩勛疏報靖江縣新漲平田十頃五十四畝有奇照例升科從之○壬辰

上詣永春室問

皇貴太妃安○諭內閣御史文光奏請飭查禁

貪污一摺據稱直隸易州知州朱家學署內有書吏胡人棟在該州署外土地祠私立銀櫃包攬租糧任意折算錢文糧銀租銀折錢俱較市價增昂該州錢糧本年三月間降旨蠲免十分之七該書吏竟敢捏稱

梓宮經過道路兩旁三里為度按三分蠲免餘俱照舊催徵似此蠹吏殃民該州豈竟毫無知覺若不嚴加懲辦何以除積蠹而重民生著訥爾經額提集人證徹底根究如該州有

知情故縱情事著一併從嚴叅辦至勒折浮收貽害閭閻恐他省亦所不免著各直省督撫隨地隨時嚴查密訪如有蠹吏貪官仍行浮收勒折一經查出即行叅辦毋得姑息容隱將此通諭知之○又諭陸建瀛傳繩勛奏委員擒獲洋盜多名仍飭合力擒捕等語江浙洋面盜匪潛入北洋石島等處伺劫商船經委員千總周鼐督帶兵勇在山東省洋面先後獲盜寨船七起生擒盜犯三百餘名尚屬奮勇出力該督等務當乘此勦捕得力之時督飭委員等合力擒捕總期淨絕根株毋留餘孽斷不可始勤終怠並著咨明山東省不分畛域一體嚴拏毋致養癰貽患○諭軍機大臣等陸建瀛等奏俄囉斯國李頓北船本年七月二十二日來滬寄泊海口行文喚夷領事阿利國轉求通商該督等以上海非俄囉斯應至之地轉飭該道查照成案諭令回帆旋於八月十二日起碇向東南洋面駛

去等語。俄羅斯國李頓北船前於道光二十八年曾至上海。亦係由英夷領事轉求通商。經李星沅陸建瀛開導曉諭。起碇出口。今事隔一年。又復重來。是俄羅斯妄念未息。亦難保非英夷暗中招致。儻此次回帆以後。再來嘗試。該督等惟當堅守定例。飭令回國。並嚴禁內地民人與之交易。以杜事端。而免覬覦。將此各諭令知之。○又諭上年俄羅斯頭人私入邊界。阻攔查邊道路。當由理藩院咨文

行知該國。並將咨文鈔給薩迎阿等閱看。現據該國薩納特衙門咨覆稱。接奉咨行後。當即劉交總理。迤西錫畢爾邊界之官。令其查明回報。俟該處查來。再行咨覆。並稱必不至因此事有傷和好等語。所有薩納特原文。著鈔給薩迎阿等閱看。現在哈薩克邊外。該國帶兵頭人。是否業已撤回。該將軍等仍當隨時密防相機妥辦。俟庫倫接有續到咨覆。再行飭知查照辦理。將此各諭令知之。○旌表

守正捐軀山東高密縣民杜純女省嫗。○修築江南銅山蕭二縣牆堰各工。從總督陸建瀛請也。○癸巳

上詣正大光明殿

几筵前供奠。○詣永春室問

皇貴太妃安。○諭內閣陸建瀛楊以增奏洪澤湖猝遭風暴搶辦各工平穩等語。洪澤湖信壩等處。經風雨暴作。掣塌石工多段。現已將信壩賠堵穩固。智林兩壩護堤。亦均修補完

整。其沿隄所塌各工。著即督飭確實查勘補修。毋稍疏懈。○陝西巡撫張祥河奏遵審郿陽縣知縣沈壽曾等濫刑貪婪各款。委員密查。並將該知縣等摘印解省。得旨認真審訊。務須嚴飭屬員。不可顛預了事。○調正紅旗漢軍副都統全慶。為正藍旗滿洲副都統。以前鋒參領隆慶。為正紅旗漢軍副都統。○甲午。

上詣永春室問

皇貴太妃安○諭內閣僧格林沁阿靈阿奏請將聚眾毆差之匪徒查辦等語密雲縣所屬穆家峪地方稅局有販羊回民膽敢聚眾多人持械逞兇闖關劫犯不法已極著順天府府尹迅速查拏按名弋獲交刑部從嚴審辦○諭軍機大臣等有人奏江西袁州府屬山礦上年曾經原任巡撫費開綬奏請禁止近來各處流民開挖偷採聚而不散並有差役分肥地方官驅逐不力情事著陳旰到任後速派幹員前往履勘是否該處礦苗豐旺致有流民聚集私採該撫務須酌量情形認真查辦毋令滋生事端原摺著鈔給閱看將此諭令知之○以乾清門侍衛甯夏將軍舒倫保為御前侍衛○命正白旗蒙古都統中山御前侍衛德崇額兵部右侍郎春佑前往西陵查看紅椿○戶部議准陝甘總督琦善疏報靖縣開墾早田十頃五十三畝有奇照例升科從之○乙未

上詣永春室問皇貴太妃安○諭內閣理藩院奏阿嘉呼圖克圖洞闊爾呼圖克圖請於皇考宣宗成皇帝梓宮奉移山陵時隨往誦經一摺阿嘉呼圖克圖洞闊爾呼圖克圖著每日帶領達喇嘛四名在梓宮前念經毋庸在行宮奉誦○諭軍機大臣等徐廣縉馳奏出省堵剿匪徒一摺又片奏廣西盜匪情形並請酌撥軍需各等語廣西盜匪蔓延五府一州疊經降旨命徐廣縉馳往勦辦並諭張必祿前赴粵西會剿兼令向榮勞崇光馳赴新任辦理矣該匪等竄擾廣東廣西兩省股數既多自不能以土匪外匪之眾寡強分畛域該督身任兼圻兩省事宜責無旁貸且受皇考宣宗成皇帝逾格厚恩錫爵酬庸自必殫竭血誠通盤籌畫以期賊匪速就殲滅地方一律肅清既據奏稱駐劄梧州著即在彼居

中調度與鄭祖琛向榮張必祿和衷商榷督同藩司勞崇光嚴飭文武員弁激勵將士紳民合力兜擒鄭祖琛撫粵有年未能先事豫防以致盜匪充斥儻不力加振作復事遷延糜餉勞師各將誰執向榮接奉前旨定已星夜馳抵軍營閱正鳳侯向榮到後即著來京陛見所有各股賊匪責成該督會同該巡撫提督等酌量兵力迅速勦捕廣西地瘠民貧不堪任其蹂躪如果廣東官兵因韶廉兩府

正須防勦即遵前旨迅調貴州官兵協勦古州一帶與粵西毗連計不難兼程前進應用軍需若由部籌撥恐致遲緩著徐廣縉仍遵前旨迅即由廣東籌款就近撥解銀十萬兩以濟急需其廣東各屬盜匪滋事仍著徐廣縉著名琛熟籌迅辦毋得顧此失彼朕拭目南望佇盼捷音務須首逆就擒脅從解散修仁荔浦各縣被擾地方加意安撫並飭地方文武各員隨時隨地堅壁清野以絕其擄掠

實力團練以杜其勾結不得任令滋蔓以致曠日罔功其有平時廢弛臨事推諉及稟報不實互相蒙蔽之員著該督撫等據實嚴行叅辦毋稍隱飾懍之慎之將此由四百里諭知徐廣縉鄭祖琛向榮張必祿並傳諭勞崇光知之○戶部議准陝甘總督琦善疏報烏魯木齊頭屯等所開墾閒地三十四頃六十畝照例升科從之○丙申

上詣永春室問

皇貴太妃安○遣官祭

都城隍之神○諭軍機大臣等本日據鄭祖琛閔正鳳馳奏勦捕盜匪已獲勝仗現仍調兵堵剿並另股盜匪闖入遷江縣城請將營縣等官一併革職各一摺又另片請飭向榮選帶湖南精兵赴粵會剿等語廣西逆匪肆擾昨已降旨令徐廣縉駐劄梧州居中調度與鄭祖琛向榮張必祿和衷商榷並督同藩司勞崇光嚴飭勦辦矣茲據鄭祖琛等奏稱

賊匪由修仁四排竄赴寨沙鹿寨等處。現今攻勦斬殺賊夥約二百餘人。並奪獲大小礮械火藥多件。賊復逃竄。雖容之道江運江一帶。且遷江地方。亦有另股賊匪入城劫掠之事。該省賊勢業已蔓延。即偶獲勝仗。豈遂足以挫其逆鋒。著徐廣縉等仍遵前旨。調派官兵。分路嚴防。乘機痛勦。斷勿任其竄逸。句結尤須地方紳士商民協力同心。庶眾志成城。勦辦更可得力。著徐廣縉等出示剴切曉諭。

激以大義。並遴選賢員。廣為勸導。如紳士商民中有能自為團練。並出資協助有裨軍需者。既可自衛身家。即宜量為甄敘。事竣著該督撫查明奏請優加獎勵。以為好義急公者勸。所有防範不嚴。致令逃匪撲入縣城之廣西遷江縣知縣許鵬典。史孟嘉。蔡把總。周發琪。著一併革職。並先經革職之署修仁縣知縣劉益謨。典史鍾壽森。署荔浦縣知縣薩畢圖。典史梁虹。把總郭維光。外委蘇紹英。代防

荔浦汛外委嚴正榮。均不准其留營效力。仍確查有無臨事逃避情事。據實具奏。將此由四百里諭知徐廣縉。鄭祖琛。向榮。張必祿。並傳諭勞崇光知之。○又諭有人奏廣西巡撫鄭祖琛。釀亂欺飾。請嚴覈功罪一摺。據稱廣西盜匪充斥。該撫專務彌縫。迨經奏查。問覆奏尚涉含混。至失守二城以後。又復將債事員弁。奏請革職隨營。其八府紳民航海叩關。前此豈無見聞。何以不據實陳奏。種種跡

近欺罔。著徐廣縉按照所奏各款。秉公查覈。據實奏參。前有旨令該督確查提督閔正鳳縱賊養寇。畏葸無能等情。著即將該提督如何玩誤之處。一併查明嚴參。毋稍瞻徇。原摺著鈔給閱看。將此由四百里諭令知之。○調湖南貴州兵各二千名赴廣西勦賊。○緩大通橋車戶應扣本年豆價。並二十八年逾額掣欠銀。○丁酉。

上詣正大光明殿

八筵前供奠○詣永春室問

皇貴太妃安○諭內閣楊殿邦奏豫籌剝運情形一摺本年南糧北來較晚前已降旨令倉場侍郎直隸總督飛飭將楊村官剝船二千五百隻迅速調赴臨清挨次剝運該督務須相度情形察看水勢督率在事各員迅速籌辦將運到剝船分別先後輪轉濟運毋得再有貽誤至臨德等倉暫行卸囤之處事涉紛繁著楊殿邦行抵臨清後察看情形與陳慶偕會商妥辦具奏不可豫存成見致催趨疏懈轉費周章也○又諭吳文鎔奏大雨水漲田廬被淹塘工亦續有衝塌現飭查勘並搶堵一摺浙省上年甫被災歉民鮮蓋藏茲復於八月中旬大雨兩晝夜低鄉田廬悉被淹浸災黎難免流離殊堪憫惻著吳文鎔遴委賢員迅赴各屬確實查勘設法疏消即將現辦情形覈實具奏其雲騰二號石塘續有衝塌十餘丈並著吳文鎔嚴飭工員多備料物

趕緊將土塘口門堵築勿致潮水內灌該撫身膺疆寄值此災患頻仍宜如何盡心經理以副委任勉之慎之○又諭前據程喬采等奏稱滇省辦運京銅因長途磕損鑿字不全並無攙換等語飭該部議奏茲據戶部奏稱現在該局所收銅斤破碎者甚少而整圓大塊並未鑿鑿廠名數十萬斤中鑿字不過數塊並據詢問運員率以迫於程限未候鑿鑿廠名具結皆與該督等原奏懸殊著該督撫查明認真覈辦據實具奏毋稍含混○又諭毓書奏稟訴道員之知縣現經身故提案嚴訊一摺烏魯木齊所屬阜康縣知縣兼攝濟木薩縣丞廉九皋因鎮迪道和祥催繳欠解銀糧具稟訴辯並牽涉歷任清查及交代各款該縣廉九皋現已身故著毓書嚴飭委員將該故員任內經手錢糧有無虧短認真盤查仍提集丁胥人等嚴訊該故員原交代及清查款項有無輟轉並將稟訴該道之處

嚴訊明確。按律定擬具奏。○雲南道御史朱應元奏請買補各省常平倉穀。並嚴禁州縣侵冒勒派。及丁書需索。經紀把持諸弊。下部議行。○杭州將軍奕湘等奏。乍浦滿營壯丁乏人。遇缺不敷挑補。請援案陸續暫停大甲改補養育兵。以資養贍。下部議行。○命陝甘總督琦善撥銀六萬七千九百兩有奇。解赴烏魯木齊。備咸豐二年經費。○命五城於冬春二季設廠煮賑。○撫恤琉球國遭風難夷。

如例。○戊戌。

上詣永春室問。

皇貴太妃安。○諭內閣。向例文武各衙門。均於

圓明園輪班值日奏事。宮內惟武職衙門輪

班嘉慶二十五年。

皇考於二十七月內。令文職部院各衙門。及三

品以下京堂各官。與武職衙門一體輪班值

日。朕九月二十七日還宮後。著自二十八日

為始。文武各衙門。均照圓明園之例輪班值

日奏事。俟二十七月後。仍照舊例行。○以前任金州副都統貴陞。為荊州右翼副都統。○科爾沁扎薩克圖謝圖親王色登端魯布等六人。烏珠穆沁扎薩克車臣親王彭蘇克那木濟勒。巴林扎薩克郡王那木濟勒旺楚克等三人。喀喇沁扎薩克都楞郡王色伯克多爾濟。教漢郡王布彥德勒格。喀爾喀克齊阿巴噶扎薩克郡王阿爾他什迪。扎賚特扎薩克貝勒額外侍郎拉木棍布扎布。於勤政殿

瞻觀。○己亥。

上詣永春室問。

皇貴太妃安。○諭內閣。兵部議奏萬貢珍條陳

練兵弭盜事宜一摺。練兵以火器為重。弭盜

以禁火器為先。私造私藏。例禁至為周密。惟

地方官平日疏於稽察。浸至編號立冊。視為

具文。即非濱海近山。亦多擅製。甚至不逞之

徒。收藏日眾。轉滋事端。於綏輯地方。大有關

繫。著各省督撫嚴飭所屬。認真查禁。如有私

藏私鑄。即照例懲辦。毋得日久生懈。將此通諭知之。○又諭劉韻珂奏。查明水陸各營並無空糧夥糧等弊。一摺。國家設立營制。必須一兵得一兵之用。豈容影射捏冒。虛糜糧餉。閩浙兩省水陸各營。據稱並無空糧夥糧等弊。該督仍當嚴飭各營。隨時認真挑補。毋稍疏懈。至各營坐支提塘及渡兵糧餉。著即照議一律裁汰。因思此等情弊。他省亦所不免。並著各直省督撫一體嚴行查察。如有糧餉

虛占兵數缺額等弊。即嚴行禁革。力加整頓。其衰庸員弁。尤須隨時甄別。不准稍事姑容。經此次飭諭之後。該督撫等儘不能激發天良。前除積習。仍復容隱欺蒙。致營務日就廢弛。一經訪聞。定即重懲不貸。毋謂言之不豫也。懍之慎之。將此通諭知之。○以兵部左侍郎孫葆元。知武舉。工部尚書王廣蔭。為武會試正考官。翰林院侍讀學士萬青藜。為副考官。○予江蘇因公淹斃典史黃鶴年祭葬卹

廢。○修江蘇華亭縣沿海塘工。從總督陸建瀛請也。○庚子。

孝德皇后殯宮月祭。遣官行禮。○

上詣永春室問。

皇貴太妃安。○命密雲副都統德順前往

西陵查看紅椿。○添建

東陵王平石撥房。派員帶兵駐守。從馬蘭鎮總

兵官慶錫請也。○辛丑。

上詣正大光明殿。

八筵前供奠。○詣永春室問。

皇貴太妃安。○諭內閣。廣西各屬盜匪充斥。前

經竄擾。修仁荔浦兩縣。其另股匪徒。復又闖

入遷江縣城。各地方被其蹂躪。民不聊生。朕

甚憫焉。業經降旨。令徐廣縉帶兵馳赴廣西。

並起張必祿於四川。調向榮為廣西提督。會

同該撫鄭祖琛。迅籌勦辦。並諭知湖廣貴州

各督撫。揀派精兵協剿。惟廣東亦有游匪滋

擾。現經提督臬司前往勦辦。儘令該督久駐

粵西恐有顧此失彼之虞。朕曠懷南服。民生一日不安。朕心一日不釋。前任雲貴總督林則徐。先經疊次宣召。尚未來京。著即作為欽差大臣。頒給關防。馳驛迅赴廣西。會同鄭祖琛。向榮。張必祿。督率藩司勞崇光。悉心勦撫。徐廣縉。俟林則徐到後。會籌周妥。再回廣東。專辦該省游匪。其未到以前。仍著徐廣縉等認真堵剿。協力籌辦。不得以特派有人。稍存推卸之見。林則徐受

皇考簡任重恩。前在雲南辦理漢回軍務。迅速藏事。朕所夙知。著即星馳就道。蕩平羣醜。綏靖巖疆。毋違朕命。○諭軍機大臣等。有人奏廣西匪徒滋擾情形一摺。勦賊之法。以保民固本為要。必先撫恤流離。解散脅從。使賊勢日孤。則渠魁易獲。其平時地方官。因何肇釁。必應確切查明懲辦。庶羣情翕服。志切同仇。辦理賊匪。可期迅速藏事。著徐廣縉按照摺內所指各條。悉心體察。有無可採之處。斟酌

妥辦。又有人奏廣東盜風素熾。近來尤甚。圍城勒索。設廠收稅。賊目有陸和。李和。李法。善。黎東。狗單。眼德。大鯉魚。大頭羊等名號。為八千子弟。與廣西賊匪勾通一氣。皆由提鎮賣缺肥己。參遊等扣餉虐兵。府廳州縣縱盜殃民等語。著徐廣縉迅速添派兵勇。剋期勦捕。並嚴飭所屬文武。激發天良。為民除害。務期盡數擒拏。不准一名漏網。以儆兇頑而安良善。並查明文武各官。養癰貽患。實據嚴行叅辦。毋稍徇庇。各摺片均著鈔給閱看。將此由

四百里諭令知之。○又諭前據齊承彥奏請飭究洋盜巢穴。當經降旨。令陳慶偕於審辦。東省現獲洋盜案內。嚴究沿海窩頓地方。茲據覆奏。提訊盜犯等。供稱浙江漁山。東甯南磯。北磯。普陀。山東頭山等處。皆為盜匪歷年窩頓之所。漁山經官兵擣毀。而東甯等處。不免乘隙出沒。該犯等籍隸閩浙。以捕魚為名。潛匿該處等語。洋盜恃有島嶼窩藏。肆出劫

據大為商旅之害。著劉韻珂徐繼畲吳文鎔照該撫咨開未獲各犯按名嚴拏。並督飭水師弁兵於東甯南磯北磯普陀山東頭山各處嚴密搜查盜窩蹤跡立即掃蕩平毀其漁山一處擣毀以後是否有餘匪藏匿並著覈實查明務令一律肅清以清盜原而安行旅原片著鈔給閱看將此諭令知之○吏科給事中趙東昕疏請嚴禁冒籍跨考等弊命禮部議奏尋奏原擬章程五條一寓籍中式之

舉貢士未經覆試者應如所請概不准其改籍至未經殿試朝考係在取結覆試之後仍准其呈改原籍一冒籍跨考之人兩籍均不准其應試嗣後凡因跨考斥革者並不准其捐復一起送冒考之州縣教官本有應得處分仍照舊例辦理一冒籍童生犯案先將廩保斥革審訊有無受賄分別治罪永遠不准捐考並將審音御史照例議處至改籍之進士舉貢士生員請照監生例只准頂帶

榮身不得以原資捐考一條覈與例意未符應毋庸議從之○以甘肅甯夏鎮總兵官索忒為提督直隸督標中軍副將雙銳為甘肅甯夏鎮總兵官○以山東登州海防出力賞道員英桂花翎餘升敘有差○以軍臺緝捕出力予副參領達米林扎布等升用有差○予故甘肅提督羅應鰲祭葬諡簡恪○壬寅上詣正大光明殿

八筵前行月祭禮○詣永春室問

皇貴太妃安○嚮夕復詣

八筵前供奠○諭內閣本月十八日奉移

皇考宣宗成皇帝梓宮經行道路理宜加倍整肅著傳諭管道大臣督率官兵各在該管段落駐守敬謹稽查概不准隨扈執事員役車馬踐踏如有疏縱或經人叅奏或由朕查知惟該管道大臣是問並著直隸總督訥爾經額飭知地方官一體管束以昭嚴肅○又諭兵部奏查明武會試文批擅用驛遞請飭查

辦等語。江蘇銅山縣知縣將武舉張天常等會試文移擅寫五百里飛遞兵部字樣實與定例不符。著江蘇巡撫查明該縣因何濫用驛遞照例覈辦。○諭軍機大臣等哈勒吉那奏卓扎巴地方產生章嘉呼圖克圖呼畢勒罕奏聞一摺章嘉呼圖克圖係勳舊有為之呼圖克圖自涅槃以來已歷四載茲據哈勒吉那奏稱所生幼童噶勒藏楚克噶布據扎薩克喇嘛爵木磋稱此子似識章嘉呼圖克圖之物即係呼圖克圖之呼畢勒罕等語朕聞之殊深欣慰惟此子甫經九月尚未能言從前乾隆年間若有呼圖克圖呼畢勒罕出世均將所生數子年歲花名書寫籤支入於瓶內掣定著哈勒吉那轉諭吹布臧呼圖克圖扎薩克喇嘛爵木磋等於該地方再為訪察二三幼童及此子之名一併具奏再降諭旨辦理○以

宣宗成皇帝梓宮奉移

山陵免經過之宛平良鄉涿房山涿水易六州縣來年額賦暨各項旗租並賞給平毀麥田籽種銀○癸卯以

宣宗成皇帝梓宮奉移

山陵前期三日遣官告祭

天

地

太廟

社稷

上御太和門恭閱

孝和睿皇后冊寶並

孝穆成皇后

孝慎成皇后

孝全成皇后冊寶行禮畢遣官恭送

陵寢○還圓明園○詣永春室問

皇貴太妃安○以

宣宗成皇帝梓宮奉移

山陵賞看守圓明園護軍一月錢糧墊道步甲

等半月錢糧○兵部以武會試中額請得旨	滿洲蒙古取中四名漢軍取中三名奉天取	中一名直隸取中十五名陝甘取中一名廣	東取中二名河南取中九名山東取中四名	江蘇取中一名安徽取中一名山西取中三	名湖北取中一名湖南取中一名四川取中	二名廣西取中一名福建取中一名浙江取	中一名江西取中二名雲南取中一名貴州	取中一名○添造山東登州水師戰船礮位	從巡撫陳慶偕請也
-------------------	-------------------	-------------------	-------------------	-------------------	-------------------	-------------------	-------------------	-------------------	----------

大清文宗協天翊運執中垂謨懋德振武聖孝	淵恭端仁寬敏顯皇帝實錄卷之十七
--------------------	-----------------

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之十八

道光三十年庚戌九月甲辰

上詣永春室問

皇貴太妃安諭內閣給事中方允鑲奏稱奉
天昌圖廳所屬十六社佃戶領墾地畝納租
向有定制近來該王辦事人等藉詞勒徵據
為利藪以致閭閻窮困盜案紛多等語著盛
京將軍奕興查明具奏照例辦理毋稍含混
又諭楊殿邦奏全漕尾幫催過濟城一摺
湖南尾幫船隻於九月初六日始行催過濟
城較之上年已屬遲滯若再不實力催趨不

但回空逾限必致貽誤新漕。咨將誰屬著楊殿邦迅飭封閉汶上。迤南各插俾河水足資浮送。抵臨清後更須亟籌起剝。並著山東巡撫直隸總督一體設法嚴催。添剝濟運。儻再因循有誤回空。定將該督等重懲不貸。○諭軍機大臣等有人奏新授江西巡撫陳旴。剛愎自是。荒淫無度。前在江西吉安府任內。勒增落地稅幾至罷市。又因收漕斃命。並與參將通判結拜兄弟。挾優演戲。種種不守官箴等語。著張芾嚴密查訪。明確據實具奏。毋許瞻徇含混。致有不實不盡。懍之慎之。原片著鈔給閱看。將此密諭知之。又諭有人奏新授江西巡撫陳旴。前由進士分發福建知縣。假借聲援遇事營求。該管上司被其欺蒙。濫列保薦。其歷任地方日以飲酒賭博為事。前在侯官縣任內有該縣發賣珠翠之民婦出。入衙署並與該民婦飲酒。其胞兄陳四在署干預公事與錢鋪丁二結交。無所不至等語。

著劉韻珂按照原奏所指各情。嚴密查訪。秉公據實具奏。毋得稍有。不實不盡。懷之慎之。原片著鈔給閱看。將此密諭知之。○又諭。前因廣西游匪滋事。曾經降旨。令徐廣縉前往。會同鄭祖琛。向榮督辦。茲據徐廣縉馳奏。廣東現值匪徒滋事。調度籌維。均關緊要。勢難親往。仍派文武員弁。分帶兵勇。前赴梧州會辦等語。該督統轄兩省。責無旁貸。惟東省現值多事。自難兼顧西省。係屬實在情形。現在

欽差大臣林則徐甫經派往。前任提督張必祿。藩司勞崇光。計亦未抵粵西。鄭祖琛向榮。統兵督剿。是其專責。向榮接奉前旨。想已兼程帶兵。星馳赴粵。著即與鄭祖琛督飭文武員弁。激勵紳勇。相機進剿。前派湖南兵二千名。即飛催該管將弁。率領前往。其貴州備調之兵二千名。如現需用。即一面奏聞。一面飛咨黔省調取。總期迅速。嚴事。毋留餘孽。以副朕望。將此由四百里諭令知之。○又諭。徐廣

縉等馳奏。匪徒滋擾。請將回營之文武員弁革職一摺。廣東英德等縣。游匪滋擾。據奏調集兵勇。殺斃賊匪二百三十餘名。內有頭目九名。該匪等分股竄匿。經候補知府史樸。與署遊擊蘇崇阿。並參將齊誠。額等帶兵夾擊。因鄉民導引。不諳紀律。以致衝散隊伍。文武員弁。同時被困。旋復回營。現在賊匪出沒數縣。毗連界內等語。匪徒圍困官兵。殊堪髮指。非大集兵勇。四面兜剿。不能迅就撲滅。徐廣

縉既未能分身前往廣西。著即專辦廣東軍務。務須督飭提督祥麟。臬司祁宿藻。嚴飭文武員弁。相機設法。分別堵剿。所有水陸各隘口。尤須加意嚴防。勿令東西兩省匪徒。勾結蔓延。並當斷其接濟。解其脅從。迅速進攻。一鼓殲除。剋期嚴事。其有奮勇出力。及捐貲募勇者。無論官員紳民。准其從優奏請獎。屬如有畏葸退縮。不用命者。立即嚴行懲辦。候補知府史樸。輕進失利。著與巡檢顧侃。千總蔣

朝綱黃大全把總黃舜全外委姚連發王定祥黃雄泰記委任茂方均暫行革職仍責令隨營效力署提標中軍參將齊誠額卸清遠營遊擊強其修是否有意遷延著該督確查參辦前奏副將王淩受困不知下落亦著查明具奏毋許稍有隱飾至所稱佛岡鄉民情願幫同擊賊用為前隊何以一遇賊匪即紛紛逃回致令官兵受困是否不諳紀律抑係勾通誑誘致墮術中鄉民導引勢所必需但

須洞悉情形確有把握方能得力著諭知帶兵各員臨事制宜不可稍存大意將此由四百里諭令知之○太常寺卿陶樞奏稱

宣宗成皇帝於嘉慶十八年九月十五日殲除教匪一事當時只知神槍斃賊不知由內訊出首逆林清住址是以連俘拏獲剋日蕩平請敬謹登載

實錄以昭

聖武得旨交

實錄館敬謹詳查纂辦○漕運總督楊殿邦奏報幫船脫空遲延實情得旨經朕此次批飭訓諭後爾若能痛改前非非特為實心任事之人將見歷盡艱辛更為老成可靠者懍之○命喀爾喀扎薩克郡王托克托呼圖魯子二等台吉三音蘇察刺勒圖在乾清門行走○予廣東陣亡千總伍嘉猷祭葬世職○乙巳

上詣

安佑宮行禮○以

宣宗成皇帝梓宮發引前期詣正大光明殿

几筵前行祖奠禮午刻復詣

几筵前行啟奠禮申刻行辭奠禮酉刻行夕奠

禮攀轡呼號備極哀慟○以恭懸

慕陵

隆恩殿

隆恩門

御書扁額前期遣官告祭

宣宗成皇帝几筵○詣永春宰問

皇貴太妃安○諭內閣徐澤醇奏西昌地方地震委員前往撫恤一摺並酌帶銀兩接濟等語四川西昌縣城內於八月初七地震逾時衙署監獄倉庫倒塌軍民壓斃甚多並有教授曾習傳教諭滕曷甲均被壓傷殞命實堪憫惻著該督迅委賢員前往詳加查勘妥為撫恤毋使一夫失所所需銀兩著即在於捐備經費項下動支以資接濟○諭軍機大

臣等駱秉章奏防堵廣西匪徒一摺廣西修仁荔浦兩縣賊匪滋擾雖距湖南地面較遠但經粵省勦捕難保該匪不竄入楚境現在向榮調任廣西想已帶兵赴粵著該撫會同署任提督文安嚴飭所屬各營縣扼要防範如探明迎勦得手即著不分畛域跟蹤追捕合力兜擒以期速就撲滅為要將此諭令知之○湖南巡撫駱秉章奏縣丞王逢吉稟計藩司春熙考覈不公提省審辦得旨秉公確

查毋稍含混看來王逢吉雖屬妄稟而該藩司亦不得不認真究辦○貸河南城守尉修理衙署銀○丙午

宣宗成皇帝梓宮發引

上詣

几筵前奠獻擗踊哀慟卯刻奉移

梓宮出正大光明殿至圓明園宮門外升

大昇輦啟行

上步從哭不停聲至

恩慕寺南跪送後豫詣

蘆殿敬視陳設祇候

梓宮至哭泣跪迎於黃布城北門外奉安訖行

夕奠禮自是每日黎明

上詣

蘆殿行朝奠禮跪送

梓宮啟行出黃布城南門

上步從一里有餘始由間道至前途

蘆殿跪迎

梓宮奉安訖行夕奠禮如前儀 詣

皇貴太妃行宮問安至還宮皆如之 遣官祭

歷代帝王廟 諭內閣程裔奏思茅邊外

土匪疊被殲擒現將防兵分別留撤一摺雲

南普洱府屬之思茅廳邊外車里土境游匪

滋擾疊經降旨令該督調集弁兵迅速殲除

並飭務將戕官要犯拏獲懲辦茲據該督奏

稱疊次殲斃賊匪焚燒賊寨並生擒匪犯一

百數十名其勾結滋擾之刀準臣業已落江

身死是此案匪徒現經疊加懲創自不值久

勞兵力所有該省調集各鎮營兵練除酌留

各要隘防緝外餘著分起撤回歸伍現獲各

犯分別審擬按律懲辦未獲餘匪仍著飭屬

嚴拏毋任一名漏網其善後一切事宜著該

督悉心妥議具奏 又諭向榮奏迅赴調任

酌帶官兵前往會剿一摺並另片奏請將已

革守備周萬遠調赴粵西隨同勦捕等語前

已有旨令向榮馳赴粵西帶兵進剿茲據奏

稱前經鄭祖琛奏調湖南精兵二千名已分

派遴員管帶前往該提督前次派禦楚匪之

鎮軍鎮標官兵四百名親帶常德官兵二百

名著准其添派帶赴軍營會同勦辦周萬遠

亦准其調往隨營效力該提督務當督率官

兵迅速掩捕立殲羣醜以靖巖疆 諭軍機

大臣等徐廣縉馳奏遵旨通籌調兵撥餉分

別勦辦粵東西各匪情形一摺粵西匪徒分

竄縣城粵東英德一帶賊匪亦甚猖獗已屢

經降旨令徐廣縉等妥籌迅勦並諭令該督

毋庸前赴梧州專辦粵東勦捕事務海疆夷

務均關緊要徐廣縉駐守省垣用資控制葉

名琛此時計已親赴韶州督兵勦捕務須擇

要防勦勿使兩省賊匪合而為一轉致愈難

肅除一俟追勦得手即將現辦情形由驛馳

奏粵東現在夷情是否安靜並著隨時奏聞

至粵西軍務該督亦須兼籌熟計迅奏膚功

以慰朕念將此由四百里諭令知之 雲貴

總督程爾采奏遵查滇省新開礦廠雖未大臻成效尚有利於民生行之亦無流弊請暫緩議停下部議行○山東曹州鎮總兵官三星保奏南糧重運首幫催入臨清牘口其在後各幫亦嚴催前進得旨實力挽催毋稍疏懈○命御前大臣載垣端華僧格林沁恭理喪儀○以貴州勦捕楚匪出力賞總兵官秦定三巴圖魯名號道員周作樞知府淡樹琪總兵官崇福參將任大貴德安都司韓永育田學韜守備馬清傑花翎知縣陶履誠等藍翎餘升敘有差○旌表守正捐軀安徽泗州民高允恭妻姚氏四川富順縣民楊蓬妻許氏○命陝甘總督琦善撥銀四千九百兩有奇解赴喀喇沙爾備歲豐二年經費○是月駐蹕黃新莊行宮○丁未駐蹕半壁店行宮○戊申諭內閣永康載岱奏請將領催人等交訊並請議處一摺據稱

慕陵西朝房內靠山二柁有熏焦情形立時澆

減等語

慕陵重地當差人等何以不小心火燭致有疏虞領催至瀋拜唐阿雙如幼丁穆騰額等均著交刑部嚴行訊究據實具奏內管領喜順副內管領常貴均著聽候傳訊所有永康等及失察司員處分俟定案時再降諭旨○湖廣總督裕祿奏遵查藩司萬貢珍奏款委員訪察得旨認真查辦不許稍有迴護○賞恭請

大昇輦民夫銀○是日駐蹕秋瀾行宮○己酉以恭上

孝和睿皇后

孝穆成皇后

孝慎成皇后

孝全成皇后尊諡前期遣官告祭

天

地

太廟

社稷	宣宗成皇帝几筵以移奉	孝穆成皇后	孝慎成皇后	孝全成皇后神牌於	東配殿前期遣官告祭	陵寢是日駐蹕古解村御營庚戌命惇郡王奕諱恭代行朝奠禮	上御素服冠綴纓緯先詣	西陵恭謁	泰陵	泰東陵	昌陵行禮畢至西朝房南金殿詣	隆恩殿	孝和睿皇后神位前行禮恭上	尊諡	冊	寶
----	------------	-------	-------	----------	-----------	---------------------------	------------	------	----	-----	---------------	-----	--------------	----	---	---

冊文曰臣聞	思齊起化	重闡則翼子詒孫	長樂流芳萬世則祥圖瑞史佑啟方隆於初服	顯揚更闡夫崇稱金彤床延瑤編彩煥欽惟	皇祖妣孝和恭慈康豫安成應天熙聖睿皇后	孝孚惟孝	和以致和履誥含聰位長秋而	恭贊配曩循晷陰函夏以	慈垂	康居之色養旋膺	豫占崇德	安宇之徽稱屢晉	成驗綏猷	應運參	天三十載歡承軒紀	熙光作	聖七旬餘福備箕疇式表既遵孫謀孔固彝章
-------	------	---------	--------------------	-------------------	--------------------	------	--------------	------------	----	---------	------	---------	------	-----	----------	-----	--------------------

載攷孺慕靡涯威儀悉備曰欽慈和徧服曰	順乾符夙協惟	欽爰媿於媯型坤道時行克	順彌昭夫姒嗣謹奉	冊	寶恭加	尊諡曰	孝和恭慈康豫安成欽順應天熙聖睿皇后於	戲雕俎維馨仰	懿範而庶幾妥侑寶鏐是饒湖	徽音而曷罄數陳	睿鑒如臨	繁祺永錫謹言禮成復詣	孝和睿皇后梓宮前行祇告禮畢恭謁	孝穆成皇后	孝慎成皇后	孝全成皇后陵寢奠酒行禮畢御更衣幄次更	禮服詣
-------------------	--------	-------------	----------	---	-----	-----	--------------------	--------	--------------	---------	------	------------	-----------------	-------	-------	--------------------	-----

隆恩殿	孝穆成皇后	孝慎成皇后	孝全成皇后神位前行禮恭奉	冊	寶上	孝穆成皇后尊諡	冊文曰臣聞	芳徽永播尊	親將豫薦之誠	令則宏昭述	德闡坤貞之義奉	鴻稱而展孝彤管垂型稽鉅典以陳詞琅函耀	彩欽惟	皇妣孝穆皇后	毓粹簪纓	揚芬輦悅	儷儲宮而著嫩
-----	-------	-------	--------------	---	----	---------	-------	-------	--------	-------	---------	--------------------	-----	--------	------	------	--------

嫺內則以修儀

勤問視於

庭闈溫恭有恪

守箴規於詩禮敬戒彌敦繭館程功

迪訓播璇闈之化藩封拜

命承

恩荷金冊之榮逮

靈馭之遐升緬

音徽之未闕我

皇考誕膺景祚典重追封著號中宮禮隆定諡

孝道深於慈愛

家法長留

穆義備於肅雍史編永煥洎藐躬之嗣統仰

慈範以如親敬舉彝章聿修秩祀

祔享加崇於芬苾殫忱莫盡乎揄揚謹奉

冊

寶恭上

尊諡曰

孝穆溫厚莊肅端誠孚天裕聖成皇后於戲金

書瓊檢互萬葉以流光

清廟闕宮協

兩儀而合撰伏冀

仁恩布獲振繩垂燕翼之庥

靈貺豐融昌熾衍鴻龐之澤

隆名罔數

福陰逾長謹言又恭奉

冊

寶上

孝慎成皇后尊諡

冊文曰 臣聞

撰合乾行輦服表

承天之度

德彰履福鴻名揚

儷日之徽緬

懿範之光昭褒稱異既展孝思於崇報茂矩維

新金祀流輝瑤函溢采欽惟

皇妣孝慎皇后	型垂淵謚	性協安貞內壺修儀夙著	溫恭於	蘭掖	中宮正位彌徵	雖肅於	椒庭	慈闈摠愛日之誠禮執清溫而有恪	黼座協同風之治勤襄	宵旰以忘劬溯	母儀共式彤閨	恩誼早旁推九御逮	仙馭遽辭	丹禁貌躬實甫紀三齡敬仰	前徽十七載	音容未遠紹承丕緒億萬年	佑啟方長舉隆儀而成憲式循冀申美報議
--------	------	------------	-----	----	--------	-----	----	----------------	-----------	--------	--------	----------	------	-------------	-------	-------------	-------------------

清 實 錄 道光三十年九月下

崇號而詢謀僉協合煥彝章謹奉	冊	寶恭上	尊諡曰	孝慎敏肅哲順和懿熙天詒聖成皇后於戲典	隆享祀允符健順於二儀義重尊親用楹顯	揚於百世庶衍燕貽之澤大啟昌符載騰	鳳紀之光長叨	慈蔭極鋪荼之莫罄迓	保艾於無疆謹言又恭奉	冊	寶上	孝全成皇后尊諡	冊文曰臣聞華渚流虹用啟璇宮之瑞壽邱繞	電聿彰黃室之符儀	夏曜於重霄貽型楹著緬	春暉於闕殿報	德靡窮祇考彝章敬崇
---------------	---	-----	-----	--------------------	-------------------	------------------	--------	-----------	------------	---	----	---------	--------------------	----------	------------	--------	-----------

顯號欽惟

皇妣孝全皇后

體隆儷日

道協配天溯正位於

椒庭贊

宵衣而調幕佐問安於

萱祀馨夕膳以和羹奉

九廟之烝嘗潔將蘋藻

率六宮以儉約禮式禕榆

安貞應而四海平

穆清合而三階正凡

聖母柔嘉之令德皆藐躬髣髴所親承追思

弓韜之猶存彌慟

音容之已遠仰流徽於

姒室未由再奉夫

坤儀痛

鼎陟於軒湖復切追攀夫

乾陰屬忝前星而纘緒爰諏吉日以升薌春露

秋霜遽閱十年之駒隙鏤金勒石永昭萬禩之

鴻稱念形容無得而名惟典禮於今為烈稍竭

顯揚之願庶酬

鞠育之恩謹奉

冊

寶恭上

尊諡曰

孝全慈敬寬仁端愷符天篤聖成皇后於戲琅

函闡實欽

粹範以流光茗玉鐫華舉鴻儀而告備伏冀

慈靈默鑒陟降居歆載以彤編與球圖而並壽

藏之金匱偕日月而長新謹言禮成

上更縞素還詣

蘆殿跪迎

梓宮奉安訖行夕奠禮諭軍機大臣等徐廣

縉奏接奉廷寄籌勦廣西逆匪情形並遵查

閱正鳳被參款蹟一摺另片奏添調兵勇馳

赴粵西等語。又據葉名琛奏出省勦辦南韶游匪一摺。粵西逆匪肆擾。既據該督等遵旨籌撥餉銀。添調兵勇。現經鄭祖琛親駐平樂督辦。且計向榮張必祿。林則徐均可次第馳抵軍營。會商勦辦。廣東英德等處游匪。葉名琛現已馳往。想亦能相機進剿。以期剋日殲除。據稱兩省匪徒互相猜忌。正可趁此解散。脅從使賊首孤立。不致合而為一。勾結滋蔓。其毗連兩省之江西湖南貴州各省。該督等尤當隨時飛咨。併力堵截。所稱委員稟報昭平縣屬有廣東英德賊匪竄入。雖未盡確。亦係意中之事。總期粵匪不致逃竄出境。擾及隣省。不可稍存大意。且恐匪徒假作嚮導。誘我官兵。前次諭旨已慮及此。該督撫密飭文武各員。隨地相機。勿致墮賊術中。方臻周密。仍當飭屬勸諭紳民。舉行團練。必使志切同仇。切不可視為具文。轉致有名無實。將此由四百里諭令知之。○革廣西提督閔正鳳職。

命來京聽候查辦。賞請轎之鑾儀衛校尉銀。是日駐蹕神石莊御營。辛亥。上詣蘆殿。行朝奠禮。跪送梓宮啟行。步從里許。由間道先至元寶山。跪迎梓宮。恭奉至大紅門外。代行謁泰陵。泰東陵。昌陵禮復先至。慕陵前跪迎。梓宮號慟失聲。步隨至隆恩門外。梓宮自大昇輦升小輦。上跪候。候昇奉安。梓宮於隆恩殿奠酒。行禮號慟不止。羣臣叩請節哀。至於再四。上乃盡哀而退。○以

宣宗成皇帝梓宮至

陵遣官告祭

泰陵

泰東陵

昌陵

孝和睿皇后暫安寢殿

孝穆成皇后

孝慎成皇后

孝全成皇后陵寢並

慕陵

后土

永宣山之神詣

永福寺拈香○諭內閣訥爾經額奏籌辦迎

剝南糧情形一摺本年南糧重運因在途節

節耽延現抵山東境內節候已晚自應籌辦

截剝以免回空遲誤惟此次楊村剝船除已

分遣迎剝外餘船一千五百隻已儘數解赴

臨清若在連鎮安陵一帶截剝又須添雇民

船難期應手著漕運總督山東巡撫仍照倉
場侍郎原奏在於臨清截剝迅調東省小米
軍船並官民剝船將江西後六幫湖南三幫
糧米裝運抵通毋得互相推諉致誤回空期
限○又諭陸建瀛奏覆南漕改折會議需時
請仍照舊章辦理一摺又另片奏改折窒礙
情形請免再議等語前因傳繩勛陳請蘇松
太倉三屬改折漕糧給事中曹楫堅極言其
難行經部議指出各情節諭令陸建瀛會同

傳繩勛妥議茲據該督奏稱以辦漕現已屆
期倉猝既虞貽誤復以折漕必致缺米更張
更屬非宜在傳繩勛因收漕棘手欲為變通
自係為裕國均賦起見而陸建瀛從本計深
籌慮多窒礙亦係實在情形著如所請江蘇
折漕仍照舊章辦理無庸會議仍飭嚴禁大
戶小戶名目並不准幫丁於奏定幫費外稍
有勒索總之南漕為天庾正供果能變通盡
利亦應隨時制宜該督撫惟當熟籌利弊國

計民生期於兩有裨益方為不負委任勉之
○兩江總督陸建瀛奏疏防洋面劫案年餘
未獲請將都司趙長庚革任得旨似趙長庚
之庸懦無能者不一而足況當廢弛已極爾
地方大吏時時事事加意從嚴庶可挽回頹
風又奏沿海籌防先事豫備批實力實心妥
為辦理○以直隸通永鎮總兵官陶文煊為
陝西提督○以恭送
宣宗成皇帝梓宮奉移

山陵賞蒙古王貝勒台吉等各一級○以恭送
宣宗成皇帝梓宮奉移
山陵賞直隸辦差大小員弁各一級沿途當差
兵丁一月錢糧鑾儀衛校尉及工部雇備夫
役銀○河東河道總督顏以燠奏報秋汛安
瀾命詣
河神廟祀謝並下部議欽出力員弁升敘有
差○是日駐蹕梁格莊行宮○壬子
上服編素詣

慕陵未至碑亭即降輿慟哭步至
隆恩殿

梓宮前行饗奠禮哀慟深切至燎所奠酒復至
東朝房南金殿詣

隆恩殿奠酒行禮○諭內閣張祥河奏請將被
叅之知縣等員分別革職解任一摺另片奏
請飭拏案內之生員康成等並聲明率行審
結之知府等員俟分別傳質附叅等語陝西
郃陽縣知縣沈壽曾訓導王聘均著革職拏

問教諭王步元前任典史楊德懷均著革職
大荔縣知縣熊兆麟著即解任交該撫提同
全案人證嚴訊確情按律定擬具奏○郃陽縣
生員康成現住京城著步軍統領順天府五
城一體嚴拏解往陝西以憑質訊翰林院編
修王鳳翔著傳旨飭令迅即回籍投案備質
○諭軍機大臣等喬用遷奏黔省毗連廣西
各屬遵旨迅飭堵捕一摺前已有旨令喬用
遷於貴州各營派兵二千名豫備廣西調用

茲據奏稱正在選派得力弁兵以備堵剿著即遵照前旨挑選精兵二千名並派勇敢將弁管帶迅赴廣西毋稍遲誤至貴州邊界業經該撫分飭各屬嚴密防範並移行古州安義兩鎮總兵督率堵禦該撫仍察看情形如須親往即於扼要處所帶兵駐劄務使文武勦力紳民一心不致鄰境賊匪稍滋蔓延是為至要將此諭令知之○陝甘總督琦善奏報甘肅河州等屬夏秋禾苗被傷請俟秋成再行勘辦得旨妥為勘辦不可被吏胥蒙蔽○調江南徐州鎮總兵官保恆為直隸通永鎮總兵官以廣東惠州協副將黃慶春為江南徐州鎮總兵官○甘肅涼州鎮總兵官趙承德以捏詞告病革職以前任廣東瓊州鎮總兵官鮑起豹為甘肅涼州鎮總兵官○賞總理喪儀王大臣暨承辦喪儀禮部工部內務府堂司各官二級添派總理喪儀之御前大臣在任未久之禮部工部堂官太常寺隨

從堂司各官恭送

梓宮及扈從之王大臣官員守護

陵寢之大臣一級守護

慕陵拜唐阿兵丁並隨從兵丁半月錢糧○賞

看守各行宮弁兵半月錢糧○是日回鑾駐

蹕秋瀾行宮○癸丑浙江巡撫吳文鎔奏報

風潮漲溢州縣被淹得旨速行勘辦斷不可

稍有諱飾○福建按察使蘇敬衡因病解任

以前任江南淮揚道查文經為福建按察使

○修建浙江沿海塘工從巡撫吳文鎔請也

○是日駐蹕半壁店行宮○甲寅以祈禱靈

應頒發清江浦

海神廟

御書扁額曰朝宗普慶○諭軍機大臣等劉韻

珂徐繼畲奏揣度夷情並臚陳居住寺屋情

形各一摺另片奏疊奉廷寄查辦夷人租約

用印地方官辦理不善並拒絕採購臺灣煤

炭又覈議周天爵前陳思患豫防各等語○

夷強租神光寺一事。幾至激成釁端。降旨查辦。不啻至再至三。該督等既稱該夷寂處蕭寺。斷難日久遷延。究竟何時方可搬去。前此何以聽其任意闖入。事關紳民與夷人互相爭執。該督等惟當持以鎮靜。出以公平。總期該二夷及早搬去。庶紳民均可相安。儻籌辦終不妥協。竟至釀成事端。惟該督撫是問。候官縣知縣興廉辦理地方公事。不知詳慎。著即行革職。至該夷覬覦臺灣。希冀採購煤炭。並欲求換港口。自當與該處紳民聯為一氣。正言拒絕。仍堅執成約。明白理諭。斷不可稍涉遷就。致貽後患。總之為政不在多言。顧力行何如耳。朕為天下臣民主。不特封疆大吏陳奏。不能逆料其虛誣。即紳民眾論。亦豈肯遽存膜視。該督等果能團結民心。外撫內防。籌及久遠。自不致為士民藉口。轉滋事端。若徒託空言。夷患未消。民情亦怨。試問身膺重寄。所謂好惡同民者。安在耶。懍之慎之。將此

諭令知之。○江南河道總督楊以增奏報秋汛安瀾。命詣河神廟祀謝。賞還頂帶。並偕總督陸建瀛。下部議敘出力員弁。升敘有差。○是日駐蹕黃新莊行宮。○乙卯。孝慈高皇后忌辰。遣官祭福陵。上幸盧溝橋。詣龍神廟拈香。○詣

大高殿行禮。○還宮。○詣鍾粹宮問皇貴太妃安。○諭軍機大臣等。鄭祖琛奏修仁等處盜匪游匪殲擒擊退情形。又明江盜匪竄至龍州滋擾。各一摺。廣西修仁荔浦賊匪經官兵轟擊。殺斃多名。而賀縣地方游匪竄入昭平。分為兩股。膽敢圍困官兵。傷亡將士。覽奏實深忿恨。其明江匪徒復敢竄擾龍州。戕害該廳官親家丁。並擄去千總家屬。同知王淑元不知下落。尤堪髮指。現已飛飭雲

南督撫迅調官兵二千名馳往應援並諭知林則徐兼程赴粵督勦著鄭祖琛向榮張必祿會同妥籌督飭文武激勵兵勇迅速勦辦張必祿即未到營林則徐或亦尚需時日該撫等不可稍事遷延致存觀望之意其湖南貴州各官兵迅即飛催前來分路堵禦毋令該匪此擎彼竄並分咨鄰近各省不分畛域實力勦辦總須先分賊勢不得令其各股勾結其已就殲擒各匪地方又須安撫居民毋

令失所致為賊匪誑誘龍州同知王淑元並千總家屬如何下落甯明道蘇兩州營及龍州倉庫監獄有無疏失一併查明具奏將此由四百里諭令知之又諭鄭祖琛等奏修仁等處盜匪疊次殲擒賀縣道石墟一股游匪被擊逃回又明江盜匪現在竄至龍州滋擾派兵往捕各一摺粵西游匪殲獲殆盡昭平一股游匪四出滋擾亟應厚集兵力大加懲創林則徐前已有旨授為欽差大臣頒給

關防計已迅速馳往屢接粵西馳奏總以賊多兵少股數不一鞭長莫及為辭未見其因地相機扼要布置現在貴州湖南雲南各省調兵赴粵已有六千餘名林則徐惟當通盤籌畫酌量地勢遠近賊數多寡派文武各員分投進勦務將大夥渠魁併力殲擒其脅從各匪設法解散總期迅速奏功毋致老師糜餉是為至要鄭祖琛原摺片四件著鈔給閱看將此由四百里諭令知之又諭徐廣縉

葉名琛奏遵查夷人情形一摺夷酋咬啞前求採購臺灣雞籠山煤炭該督接據照會即立行斥駁該酋在粵並未續陳亦未聞在閩復申前說其欲換換臺灣地方作為港口現亦並無動靜惟夷情叵測於成約之外稍准通融此端一開勢必妄生覬覦昨已諭知劉韻珂豫為籌防該督撫仍當嚴飭文武加意防備持以鎮靜勿致別生枝節是為至要將此諭令知之以廣西勦匪遲延革副將李殿

元王廷獻舒春遊擊宋煜都司陶玉德守備
李進榮知州彭作檀職均仍留任予廣西
陣亡千總陳沛霖蘇成仁把總譚正元外委
劉繼成祭葬世職調雲南兵二千名赴廣
西剿賊丙辰

上詣

壽皇殿行禮詣鍾粹宮問

皇貴太妃安諭內閣慶祺朱嶠奏節候已晚
糧多限迫請豫為籌備一摺據稱本年重運

漕船北上節候已遲湖北三幫及江西前七
幫現已起剝北上至江西後六幫及湖南三
幫自安陵一帶剝運赴通道路遙遠恐有偷
漏使水等弊且虞河水凍結不能抵壩即相
機卸國德州倉等語著漕運總督山東巡撫
趕緊催趲總期以速補運一律到壩儘因限
期迫促隨後各幫不能全數抵壩應否卸國
德州倉以便回空南下該漕督等務當即速
籌商斟酌妥辦毋稍遲誤諭軍機大臣等

理藩院奏據昭烏達盟長巴林扎薩克多羅
郡王那木濟勒旺楚克呈報該郡王於本年
八月內啟程赴京行至翁牛特旗地方盤獲
外夷二人攜有夷書一本及喇嘛晒國文憑
一紙已將該夷人轉送熱河都統衙門等語
喇嘛晒屢遣夷人私赴內地意圖傳教遠至
蒙古遊牧地方實違成約著惟勒即將該郡
王所交喇嘛二人解往直隸並夷書及鈔錄
文憑一併發交訥爾經額派員轉解廣東並

咨明徐廣縉飭交該國領回並向該夷切實
開導嗣後除五口等處不准私遣夷人潛赴
遊奕致乖成約原摺著鈔給閱看將此各諭
令知之

上以孟冬時享

太廟自是日始齋戒三日丁巳

孝敬憲皇后忌辰遣官祭

泰陵

上詣鍾粹宮問

皇貴太妃安。戊午。

上詣鍾粹宮問。

皇貴太妃安。諭內閣漕糧為天庾正供。近來重運漕船不能如期抵壩。以致回空歸次。兒受新漕。節節耽延。上年空運軍船。因運河淤墊阻滯。直至春季始行催歸。水次本年南漕減歇較多。幫船起運。為數本少。乃沿途並不實力催趲。節次脫空遲延。江廣各幫。或在臨清。或在途次。分別起卸。剝運。現在節逾霜降。

水勢日消。若不趕緊趲令歸次。本年新漕受兌。必至貽誤。關繫甚鉅。著漕運總督嚴飭起卸空船。即刻連檣南下。銜尾趲行。不准片刻停留。並著東河南河。河督兩江湖廣山東。江蘇安徽江西湖北湖南各督撫。分飭軍船經過地方。派委妥員。嚴切提催。及早歸次。毋任稍有遲滯。並嚴飭約束。經由各牘。及啟堰灌塘役夫人等。相度水勢。分別蓄洩。回空軍船一到。立即放行。不得稽留阻擯。再有玩延。致

千重咎。來年新漕尤當趕緊辦理。按限兌開。統限於四月初十日以前全數趲至清江。剋期渡黃北上。毋得因本年回空較晚。又復藉口耽延。儻將節次所降諭旨。視為具文。仍致臨事周章。有逾例限定。將該漕督及有漕各省督撫。嚴行懲處。決不寬貸。懍之慎之。將此通諭知之。又諭楊殿邦等奏全漕尾幫催至臨清牘河及籌辦截堵一摺。本年南漕遲緩。節經降旨飭令嚴催。茲據奏稱九月十九日。將湖南尾幫催出臨清牘河。漕船已全數過竣。現在節逾霜降。著該督仍嚴行催趲。相機妥籌。無論在臨清起剝。抑或在途起剝。總期迅速剝運。俾各幫及早回空。歸次受兌。毋再延玩。貽誤新漕。緩江西湖南各幫。丁本年應交餘米。

泰陵

泰東陵

裕陵

昌陵○遣官祭

孝和睿皇后暫安寢殿○遣官祭

宣宗成皇帝暫安寢殿○遣官祭

孝穆成皇后

孝慎成皇后

孝全成皇后陵寢○遣官祭

孝德皇后殯宮○遣官祭

端慧皇太子園寢○詣鍾粹宮問

皇貴太妃安○頒咸豐元年時憲書○試中式

武舉江培筠等五十二名於太和殿前○諭

內閣穆騰額等奏由西藏所屬地方訪有應

得哲布尊丹巴呼圖克圖呼畢勒罕聰慧幼

童請旨歸入金瓶發掣等語哲布尊丹巴呼

圖克圖涅槃已及二載茲據穆騰額等奏稱

訪得聰慧異常英靈夙著幼童二名實屬祥

瑞之事覽奏實深欣慰著班禪額爾德尼來
藏會同駐藏辦事大臣達賴喇嘛及伊弟子
達喇嘛羅布桑巴勒卓爾等將此二童之名
歸入金瓶敬謹奉經以便定掣呼畢勒罕○
改鑄山西忻州知州印信從巡撫兆那蘇圖
請也○以緝捕認真子奉天協領海明等議
欽○以山東歷城等屬本年麥收歉薄改徵
粟米○庚申

上奉

皇貴太妃居

壽康宮詣

前殿拈香後殿

皇貴太妃前行禮侍午膳○御紫光閣閱中式

武舉馬步射○諭內閣兆那蘇圖奏被水地

方情形等語山西薩拉齊廳屬三道河等濱

河三十五村七八月間河水漲發隄壩田廬

間有衝決被淹處所著該撫委員速往查勘

奏明辦理○諭軍機大臣等裕泰奏選派官

兵揀員帶赴粵西一摺據稱粵西盜匪分股滋擾湖南永州寶慶等府屬多與毗連現有零匪竄入永明縣境搶擾等語匪徒擾及鄰境必應防其蔓延著裕泰駱秉章嚴飭地方員弁務於界連要隘處所併力截拏認真防堵切不可因偶有職檢稍存大意是為至要將此諭令知之○署江西巡撫陸元烺奏雨水糧價情形得旨認真查勘再行具奏○旌表守正被戕廣東花縣民黃李壽妻吳氏○

辛酉

上詣

壽康宮問

皇貴太妃安○御箭亭閣中式武舉技勇○諭內閣御史富興阿奏陳一摺軍報發遞自應加意嚴密著兵部查照舊例慎重加封傳知各省有驛地方謹慎接遞毋得稍有磨損以致拆動滋弊如查有何處損溼及有拆動形跡一面加封遞往前途一面稟請該管上司

查辦毋稍玩忽至所陳軍務改用清文事涉紛更著毋庸議○諭軍機大臣等有人奏熱河朝陽縣民公立太平社幫同地方官捕盜甚為得力有匪徒江隴海等聚眾阻止並呈控社長捕務遂廢該匪徒等結黨搶劫拒捕傷差並有大王名號等語熱河地接蒙藩旗民雜處豈容奸宄溷跡肆行無忌若不嚴拏重懲必致釀成巨案著訥爾經額惟勤按照摺內所開匪徒各姓名飭屬嚴密訪拏從重懲辦以靖兇頑而安善民至太平社應否仍照舊章辦理及社長有無侵公情事著惟勤就近查明具奏原摺著鈔給閱看將此各諭令知之○又諭有人奏江蘇省盜風日熾始而在鄉鎮搶掠鋪戶近則公然在城內行劫統計三月之中一里之內被劫者六起地方官置之不問等語若如所奏省城內盜賊公行劫案疊出該地方官弁所司何事乃竟未破一案未獲一犯捕務廢弛已極著陸建瀛

傳繩勛按照原奏各案嚴飭所屬認真緝拏務期賊盜悉獲按律懲辦以靖閭閻。僕地方員弁始終玩忽不知振作即著指名嚴叅毋稍瞻徇。原片著鈔給閱看將此諭令知之。○命兵部尚書裕誠都察院左都御史花沙納季芝昌戶部左侍郎翁心存鑲黃旗蒙古副都統達洪阿正藍旗蒙古副都統巴雅爾在紫禁城騎馬。○命陝甘總督琦善撥銀三千三百兩有奇解赴和闐。七萬七千六百兩有奇解赴喀什噶爾英吉沙爾備咸豐二年經費。○壬戌

上御乾清宮引見中式武舉親定甲乙賜一甲彭陽春岳汝忠二人武進士及第二甲王三錫等六人武進士出身三甲毓恩等四十四人同武進士出身。○諭軍機大臣等廣西盜匪肆行前已授林則徐為欽差大臣並續經降旨飭催迅速前進茲據徐廣縉馳奏盜匪又復闖入遷江縣城拒傷員弁旋即退竄等

語數月之間連劫縣城披猖已極實堪髮指現已諭令徐廣縉鄭祖琛向榮等各督飭文武員弁確探賊蹤實力追剿並令程喬采喬用遷等各飭前調官兵星馳赴粵合力兜拏林則徐此時計已啟程在途接奉此旨著即兼程馳抵該省乘此大兵雲集會同鄭祖琛向榮張必祿等激勵將士一鼓殲除以慰朕望毋稍遲誤原摺著鈔給閱看將此由四百里諭令知之。○又諭徐廣縉馳奏盜匪闖入

遷江縣城滋擾現飭嚴行追剿一摺廣西盜匪充斥數月以來據報竄入廳州縣城拒傷官弁肆行劫掠迨經追捕又復飽颺雖據稱賊眾兵單亦何至官兵束手任聽搶劫各城如入無人之境耶此時向榮早已馳抵廣西現復降旨飭催林則徐兼程馳往督辦前調湖南之弁兵業據裕泰奏稱調撥前進續調之貴州雲南弁兵亦經嚴催迅速赴粵當可陸續到齊著鄭祖琛向榮張必祿會同悉心

籌畫督飭文武員弁確探賊蹤實力追剿該撫身膺疆寄業因辦理遷延以致盜風日熾宜如何殫竭心力稍贖前愆該提督係朕特簡昇以重任張必祿亦久歷戎行尤當激勵將士一鼓殲除斷不准因林則徐暫時未到稍形委卸將此由四百里諭令知之○又諭廣西逆匪連竄數城疊據徐廣縉鄭祖琛等馳奏情形已屢經降旨交該督撫等妥籌迅剿矣茲復據奏盜匪擁入遷江縣城肆劫將

該縣及委員等拒傷旋即退竄等語與鄭祖琛前奏略同該匪等肆行劫掠實堪髮指亟應厚集兵力以期剋日殲除現已降旨分別飭令鄭祖琛向榮督飭兵勇及時追剿林則徐兼程赴粵並令程喬采喬用遷等選派將弁迅將前調雲貴官兵各二千名管帶馳往指日大兵雲集林則徐張必祿計將先後馳抵軍營惟兵貴神速現在賊勢披猖已極林則徐未到以前不可令在事文武稍存觀望

徐廣縉務須通籌全局隨時知照鄭祖琛向榮督飭員弁防剿兼施既不可聽其分擾屬境尤不可任其竄入鄰封總期截擊兜捕俾免蔓延方為萬全之計將此由四百里諭令知之○又諭寄諭雲貴總督程喬采等廣西賊勢披猖亟應厚集兵力剋日殲除所有前調貴州官兵二千名該撫想已揀派將弁督帶啟程其續調雲南官兵二千名該督等務即札飭鎮將管帶啟程星夜前往以期會合

兜擎至各該省與粵西連界之區仍相度地勢於各路要隘處所一體嚴防毋致稍有疏失是為至要將此由四百里各諭令知之○癸亥睿親王仁壽等奏遵旨將

慕陵平臺等工拆卸恭遇

東配殿致祭時擬於階下搭黃布棚陳設供品報可○甲子

上詣

奉先殿

壽皇殿行禮○詣

關帝廟拈香○諭內閣訥爾經額奏永定河
缺口合龍一摺另片請酌保出力各員等語
本年永定河北七工漫口現經挑挖引河補
築長隄起日合龍全河復歸正道此項工程
著免其造冊報銷所有在工各員著擇其尤
為出力及捐數較多者酌量保奏候朕施恩
毋稍冒濫○諭軍機大臣等哈勒吉那奏琦
善帶領官兵將海蘭插帳雅沙番子殲斃淨
盡奪獲牲畜擊打番帳一摺據稱該番等係
奏明今歲應回玉樹原牧現在海蘭地方住
牧其平素有無為匪未據營員稟報何以琦
善帶兵輒將該番等殲斃淨盡該大臣據稟
陳奏情節是否確實著哈勒吉那迅速查明
並飭令該管之郡王等詳細確查據實具奏
以憑覈辦將此諭令知之○又諭朕聞琦善
帶兵出巡將海蘭地方住牧番子殲斃淨盡
並奪獲牛羊馬匹三千有餘擊打該番帳房

一百餘頂該番等何時住牧海蘭地方共有
若干戶何以未歸原牧該督因何將其殲斃
淨盡著琦善據實迅速明白回奏毋許稍有
隱飾含混將此諭令知之○緩徵山東濟甯
平原新城臨邑鄒平陽信樂陵商河海豐霑
化魚臺歷城章邱濟陽長山齊河禹城齊東
惠民滋陽鄒單金鄉嘉祥朝城濱蒲臺利津
陽穀壽張張范羊聊城冠莊平恩館陶清平邱
臨胸陵德汶上鉅野鄆城濮觀城定陶四十

八州縣並德州東昌臨清濟甯四衛被水被
旱地畝新舊額賦有差○己丑

上詣

壽安宮西所問

如皇貴太妃安○詣

壽康宮問

皇貴太妃安○諭內閣刑部奏回民滋擾稅局
現獲各犯並未在場等語密雲所屬穆家峪
地方稅局有販羊回民滋擾當經降旨飭拏

人犯送部茲據訊供販羊之人皆散在天津保定河間等處著將現獲案犯解交直隸總督委員前赴該處嚴密訪拏悉數弋獲按律懲辦以重稅務而肅法紀○守護

西陵鎮國公永康等奏

宣宗成皇帝梓宮於

慕陵饗殿安奉恭遇

東配殿致祭時擬將

隆恩門中門右門敬開承祭官敬依

隆恩門左門邊樞出入不得經由正路庶於吉

禮喪儀兩不相違請下部議得旨原應如是

毋庸再議禮部知道○丙寅諭內閣現在

實錄館纂輯彙本漸次成書杜受田專司勘辦

著毋庸赴刑部辦事○又諭戶部奏奏漕運

遲延一摺漕運抵通限期例有明文本屆遲

延將及一月而在後江廣各幫尚無埤數抵

通日期該漕督奏報摺內率以無聞之年與

有聞之年牽混計算實與前奉

諭旨不符楊殿邦著摘去頂帶仍星夜督催儘

力趕趲不得以奏明截撥在前稍形疏懈總

期多到一幫少截一船以節經費而免滋弊

至本年漕糧為數本少若地方河漕各督撫

同心籌辦實力催趲何至渡江渡黃遲滯如

此其各該省開兌遲誤及淮揚一帶運河淺

阻與河水漲發灌放稽延之處著該管各督

撫逐一查明據實嚴奏具奏不得因去年辦

理回空遲延又因該漕督現已降旨懲處遂

爾各存成見自為推卸地步轉瞬接辦新漕

亟宜先期豫籌冬兌冬開按照定限設法趲

辦各州縣衛所交兌新漕後立即催令開行

總以渡江渡黃無誤期限經過運河無令淺

阻為要儻再藉口回空遲滯致明歲漕糧仍

不能如期埤數抵壩實心任事之謂何各該

督撫其能當此重咎耶懍之○又諭鄭祖琛

等馳奏勦捕修仁荔浦大股盜匪連獲勝仗

一摺據稱賊匪竄至武宣之三里墟經副將

李殿元等連日攻勦。疊獲勝仗。計轟擊殲斃至一千數百名。生擒四百餘名之多。雖首匪未獲。而此股黨夥。殲擒甚多。鄭祖琛此次勦賊。尚屬認真。所有奮勇出力之文武員弁。著酌量保奏。候朕施恩。毋許冒濫。匪首陳亞潰。現仍逃匿。必當嚴密搜捕。勿任免脫。其夥匪鄭廷威等。並著趁勢追勦。以絕根株。毋稍疏懈。諭軍機大臣等。鄭祖琛等馳奏修仁荔浦大股盜匪。勦除殆盡。太平及右江各股盜匪。勦辦大獲勝仗。各一摺。賀縣昭平另股盜匪。與永安等州縣各匪。分別勦捕情形。各等語。該撫於大兵未集之前。連獲勝仗。生擒擊斃賊匪。不下一二千名。辦理尚屬認真。惟修仁荔浦賊匪。雖經殲擒幾盡。而首惡陳亞潰。尚未弋獲。現計向榮不過甫經到粵。林則徐張必祿到尤需時。該撫等不可因獲有勝仗。稍存大意。仍當嚴飭文武各員弁。督率兵練。於賊所往來處。扼要搜捕。懸賞購緝。務期必

獲。勿留餘孽。紳民有能縛獻賊首者。朕必立加重賞。其太平及右江河下各股盜匪。勢雖退怯。難保該匪等不圖糾合。或仍由土田州河道上駛。以乘兵勇之隙。亟應乘勢奮力相機截勦。該處地隸極邊。尤防竄逸。勾結著督飭在事各員弁。一面守護郡城。一面會籌兜捕。以期迅就殲滅。至賀縣昭平兩股匪徒。先既猖獗。傷亡弁兵。茲復抗拒燒山。致帶兵奮勇之縣丞白良棟巡檢胡成宗等身受重傷。現尚不知下落。兵勇傷斃無數。尤堪憤恨。著該撫選調精兵。督飭儘力攻勦。嚴防分竄他處。或逃回東省英德等處。愈滋蔓延。務須一鼓殲除。仍遵前旨。迅速咨行湖南雲南貴州。將前所調之兵。催令管帶赴粵。協力勦辦。其永安藤縣平南鬱林貴縣宜山各州縣。四竄盜匪。股數不一。並有竄至河池州屬滋擾情事。亦當一併飭屬分投往剿。不可顧此失彼。致貽除惡未盡之患。該撫身受重恩。先既未

能弭患於未萌。茲當各路文武員弁勦辦得力之時。即著會同向榮督率兵勇一鼓擒渠。以贖前愆。而著後效。朕不勝南望殷盼之至。所有白良棟、胡成宗等並龍州同知王淑元各下落。仍著迅即查明具奏。護理新泰協副將謝陞恩據稱勇敢素著。其接仗情形一併據實奏聞。將此由五百里各諭令知之。○丁卯諭內閣。楊殿邦奏江西後六幫湖南三幫漕船均已起剝北上。無須卸囤德倉等語。著

該漕督飛催沿途趕緊提挽。迅速通倉。一面嚴飭江西湖南等幫。迅押回空歸次。毋再延誤。○准湖南頭幫漕船因風沈失米一百九十五石有奇。分限買補。○戊辰諭內閣。傅繩勛奏。縷陳漕務情形。一摺。前因陸建瀛奏。南漕改折。事多窒礙。已諭令仍照舊章。毋庸會議。矣。該撫所陳。原為甦民積困起見。惟舊章驟難更變。而錮弊必須力除。該撫當嚴飭有漕各屬。先去浮收。並節漕費。尤須將大戶小

戶包戶等名目。遵照道光二十六年欽奉諭旨。概行禁絕。如查有玩法不悛者。分別叅懲。拏究。毋稍瞻顧。以肅漕政。○又諭吳文鎔奏。海塘續坍。口門業已堵合。一摺。浙江省本年秋間。因大雨奔注。續經衝塌之雲騰二號海塘缺口。現已搶築堵合。其前二次堵合之呂調字號土塘。托壩亦屬穩固。並無掣動。仍著嚴飭工員。隨時加鑲防護。一面採購石料。次第建復。並將前奏險要處所柴埽等工。趕緊

興辦。以資保衛。吳文鎔前後督辦。尚知奮勉。所有前經革去頂帶之處。著加恩賞還。○先是兵科給事中袁甲三奏。遣犯脫逃流弊甚多。請嚴定章程。以期官民相儆。下部議。至是刑部申明舊例。覆得旨。例有明文。固無庸再議。增添嗣後。如奉特旨解審。發遣人犯中途脫逃。其簽差官處分。奏明請旨定奪。毋得視為具文。○刑部奏審明素有綽號土棍。分別定擬罪名。得旨。徐國柱等。改發新疆給官

兵為奴張得保等八犯著改發極邊足四千里俱不准留養收贖追魂太歲等七犯著改杖一百徒三年雙三楊十雖有廢疾亦改為杖八十枷號三箇月以上各犯到配後如仍有別項重情著加意從嚴辦理○命盛京將軍奕興在紫禁城騎馬○己巳

上詣

壽康宮問

皇貴太妃安侍午膳○詣

慈甯宮拈香○陝西布政使朱騰因病解任以山東按察使王懿德為陝西布政使調山西按察使福濟為山東按察使以江西吉安府知府孫毓淮為山西按察使○緩徵吉林三姓地方被水歉收旗民額賦○庚午

上詣

時應宮拈香○

李德皇后殯宮月祭遣官行禮○諭軍機大臣等喬用遷馳奏選派官兵赴粵堵剿並委署

臬司前往都勻一帶巡防一摺廣西勦辦盜匪已據鄭祖琛等馳奏修仁荔浦大股逆匪業經勦除殆盡惟首惡陳亞潰現未弋獲此外太平右江以及賀縣昭平永安藤縣平南鬱林貴縣宜山等處尚有各另股匪徒四路竄擾已有旨令鄭祖琛向榮等督飭將弁追擊兜拏以期盡數殲除該匪被追情急勢必分投奔竄且難保陳亞潰不潛蹤逃入鄰境所有黔省毗連廣西地方該撫已派委署臬

司周作楫等帶兵防堵務令督飭各屬相度要隘嚴密巡防慎勿稍有疏虞致使匪徒乘隙闖入並須偵探陳亞潰蹤跡一體截拏尤不可任其遠颺漏網致貽後患將此諭令知之○調陝西提督陶煜文為廣東陸路提督烏魯木齊提督石生玉為陝西提督以前任湖北提督桂明為烏魯木齊提督○以緝捕出力予福建總兵官曹三祝等升敘有差○予故廣東陸路提督祥麟祭葬諡恭愍○辛

未諭內閣慶祺朱嶧奏漕船後幫抵壩太遲
驗運不及請截卸天津北倉等語南漕後幫
現已起剝北上仍著訥爾經額嚴飭飛速迎
攔儘力催趲務期遄行到通趕緊驗卸並速
將天津北倉騰空豫備暫行截卸以便山東
小米軍船及早南下趕辦新糧如實在轉運
不及必須截卸北倉即著慶祺一面奏聞一
面帶同坐糧廳一員迅往天津驗收一切准
照舊章辦理總須熟籌妥辦毋滋流弊○又

諭陸建瀛奏鹽務新章試行有效等語淮南
鹽務新章經陸建瀛督同聯英劉良駒等掃
除積弊自開局至今五月有餘已辦過上下
兩半奏銷約十一月內外淮南全綱可清合
之淮北鹽課協餉計應共收銀五百餘萬兩
辦理尚屬妥善陸建瀛聯英劉良駒均著加
恩交部議敘至楚西兩岸為商販行銷要地
各該督撫務當飭屬一體督銷毋因新章初
立稍存畛域如果認真妥辦日有成效朕必

加以鼓勵儻藉詞觀望致令滯銷責有攸歸
勿謂能逃朕鑒也○又諭楊殿邦奏銅鉛船
隻挽出東境等語戶工兩局需銅孔亟現在
節逾立冬宜防凍阻所有委員姚光璐椿齡
陳然青等三起及在後之李崢嶸等各船著
該漕督迅飭嚴催並著倉場侍郎直隸總督
酌量情形是否應須起剝迅即設法押催抵
通毋任延誤○諭軍機大臣等陸建瀛奏江
西吉南贛道黃樂之南贛鎮總兵德坤稟報

探聞廣東游匪屯聚佛岡廳屬之高岡墟等
處有奔竄江西長甯縣一帶之信該督已飛
飭該鎮道遴派勇幹員弁酌帶兵役以截拏
私梟為名盤詰彈壓等語廣東英德匪徒滋
事前已有旨令江西等省併力堵截茲據查
明定南廳等處接壤之區處處可通且大庾
嶺界連南雄尤為扼要自應嚴防以杜竄逸
著陸建瀛並署巡撫陸元烺轉飭該總兵德
坤暫緩巡閱營伍會同該道黃樂之就近調

集官兵分路防守。僅有游匪竄入。立即按數截拏。毋任一名漏網。以固疆圉。而靖地方。將此各諭令知之。○又諭陸建瀛。傳繩勳奏。遵查西洋人羅類思。曾於道光二十六年。前來上海。二十七年九月。即駕坐火輪船。望南洋駛去。此後並未重到上海。亦無高姓其人。既據查明。應無庸議。該督等惟當隨時查察。杜絕勾結。總期堅守成約。毋令別生枝節。是為至要。將此諭令知之。○命陝甘總督琦善。撥

銀六十六萬五千兩。解赴伊犁。備咸豐二年經費。○貸湖南各幫漕船撥價銀。○壬申。

上詣

壽康宮問

皇貴太妃安。○諭內閣。步軍統領衙門。奏。叅右翼副翼尉玩視公事等語。偷竊倉糧。賊犯現據該衙門拏獲五十餘名之多。該副翼尉德勝。先經密派嚴拏。何以並未訪查。僅以犯無蹤跡。言語支吾。實屬有心推諉。德勝著先行

交部嚴加議處。如有應行質訊之處。即著刑部傳訊。○諭軍機大臣等。御史姚福增奏。粵東防夷團練章程簡易可行。已著成效。請飭發廣西酌量施行。並鈔錄章程呈覽。上年粵東籌防。夷由紳士議行團練。據稱不旬日間。得眾十萬。得餉八十餘萬。是廣東省城團練。著有成效。現在該省韶州。廉州。及廣西平樂等屬。均有盜匪滋擾。屢經飭令激勵士民。舉行團練。據鄭祖琛覆奏。現已試行。並據徐廣縉等奏明。已照廣西橫州。博白兩處團練章程。通飭辦理。該御史所奏。上年省城章程。與該二省現在情形。諒可仿照變通辦理。著鄭祖琛。督同藩司。勞崇光。悉心酌覈。並俟林則徐到後。會同熟籌妥辦。其廣東韶州等處。並著徐廣縉。葉名琛。參酌辦理。總期因地制宜。仿堅壁清野之法。使游匪無從擄掠。閭閻得遂安居。行之既久。必有實效。原摺均著鈔給閱看。所錄廣東團練章程。著鈔給鄭祖琛。

閱看將此諭令徐廣縉葉名琛鄭祖琛並傳諭勞崇光知之○刑部奏審明

慕陵朝房失火人犯按律從重定擬永康等及失察司員均有應得處分得旨永康戴岱著交部議處德春著交部察議失察司員等著照例議處○朝鮮國王李昇遣使奉表謝恩恭賀

登極進貢方物命留抵下次正貢賞賚如例○癸酉諭內閣給事中善琳奏倉廩附近城牆

實錄卷九

五

稽查宜嚴等語現在倉米被竊查有經由城牆痕跡著查城大臣步軍統領等通飭嚴禁不許閒雜人等上城往來其看守柵欄兵丁尤宜實力巡邏毋稍疏懈○諭軍機大臣等有人奏順天府屬香河武清甯河寶坻直隸天津等縣及黃村地方搶劫頻聞文武官弁緝捕不力隱忍諱飾致令盜賊遠颺並有摺差被搶情事又片奏永平府盧龍縣地方劫案與遷安縣互相推諉捕役奏盜分贓各等

實錄卷九

五

語畿輔重地理宜肅清若如摺內所指盜賊橫行地方官畏葸不辨尚復成何事體著卓秉恬陸應穀訥爾經額按照摺內臚列各案遴委妥員分往該處嚴密查拏按名弋獲毋任漏網至各地方官近來諱盜推諉相習成風實堪痛恨並著密訪確查指名叅奏毋稍姑容以靖地方而重捕務原摺片俱著鈔給閱看將此各諭令知之○又諭寄諭閩浙總督劉韻珂有人奏福建南平縣客商黃萬勝被劫捕役目兵侵吞贓銀該縣將目兵陳中魁監斃滅口並將盜犯供詞改重就輕嗣又有客商謝萬盛在南平縣被劫尤溪縣差役串通棍徒截吞贓銀該縣庇差不究據盜犯供出首要姓名居址南平縣知縣始終諱飾等語果如所奏盜賊肆行兵役吞贓縣令庇護若不嚴行懲辦何以儆兇頑而肅吏治著該督嚴飭所屬逐案查拏務將首要各犯全行弋獲按律懲治毋使一名漏網並查明諱

盜吞贓之官役從嚴叅辦毋稍徇隱原片著鈔給閱着將此諭令知之（貸山東汶衛兩河修堰銀

實錄卷十九

壬

大清文宗協天翊運執中垂謨懋德振武聖孝淵恭端仁寬敏顯皇帝實錄卷之十九

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二十

奏參買補倉穀虛報全完並被控藉辦軍需科斂民財之知縣一摺湖南湘鄉縣知縣師鳴鳳短買倉穀六千餘石輒以全數完倉通報迨委員盤查又以已買未運陸續待買捏詞搪抵其被控科斂等情尤應徹底根究師鳴鳳著暫行革職交該撫提同經手丁書及控告之職員唐廷弼等一併嚴切訊究據實參辦毋稍徇隱○諭軍機大臣等據林則徐奏遵旨啟程馳抵廣西一摺昨據鄭祖琛奏

道光三十年庚戌十月甲戌諭內閣駱秉章

奏參買補倉穀虛報全完並被控藉辦軍需科斂民財之知縣一摺湖南湘鄉縣知縣師鳴鳳短買倉穀六千餘石輒以全數完倉通報迨委員盤查又以已買未運陸續待買捏詞搪抵其被控科斂等情尤應徹底根究師鳴鳳著暫行革職交該撫提同經手丁書及控告之職員唐廷弼等一併嚴切訊究據實參辦毋稍徇隱○諭軍機大臣等據林則徐奏遵旨啟程馳抵廣西一摺昨據鄭祖琛奏

報修仁荔浦兩處大獲勝仗賊匪殲殆盡而首惡陳亞漬現尚稽誅所調貴州湖南官兵各二千名計已先後到粵其雲南官兵二千名著該大臣即速催調酌量分派堵剿所有軍需除本省籌款外其廣東湖南並戶部籌撥共四十萬兩該大臣仍當督飭覈實支用毋許稍有冒濫設有緩急不敷著與該撫鄭祖琛並藩司勞崇光妥為豫籌勿致臨時支絀該省賊匪滋擾將近一年近乃大肆狺

猖出入修仁荔浦遠江各城左右江各屬均被擾害疊據該督撫奏稱或係外來游匪或係土匪互相勾結是否各股絕不相謀抑有總頭目為之號召何以四處搶掠同時並發究竟起於何時何地文武各官有無激變情事該大臣馳抵軍營逐一查訪該撫鄭祖琛在粵有年何以無弭患未萌之策是否辦理延緩不能振作前任提督閔正鳳擁兵不出其營務廢弛已可概見業經降旨革職仍著

查明平素是否別有劣蹟據實奏奏貽誤地方各員查明一併嚴叅其實在出力素嫻韜畧或民情愛戴之員並紳士中有團練義勇互相保衛或捐貲助餉者均著該大臣查明據實保奏候朕破格施恩一切惟該大臣酌量情形辦理朕亦不為遙制張必祿曾否到粵向榮係特調之員均必盡心協力總期勦撫兼施俾醜類速就蕩除良民獲登衽席以慰朕望將此諭令知之○又諭駱秉章奏查

探廣西匪徒離楚漸遠仍籌防堵一摺據稱廣西富川縣匪徒於八月二十五日丑刻竄至湖南永明縣源口地方肆搶經官兵開放槍礮立時擊退獲犯數名現在逃竄離楚較遠等語粵西匪徒股數甚多蔓延數府來去靡常修仁荔浦大股賊匪現經鄭祖琛等乘勝追剿難保不復竄入楚境其兩粵游匪毗連楚界者均應嚴密防範不得以賊蹤稍遠遂形鬆懈著提督文安計已到任署永州鎮

谷韞燦現在帶兵防堵孫應照已有旨令其馳驛速回湖南本任著駱秉章會同該提鎮督飭文武員弁率同兵勇扼要設防儻有游匪竄入立即盡數殲擒毋任一名漏網另摺奏撥廣西軍需除已解五萬兩外其餘銀五萬兩仍著迅速撥解以濟要需毋稍遲誤將此諭令知之○湖南巡撫駱秉章奏請將發遣已革道員楊炳堃留辦軍需報銷得旨速行覈算一俟報銷完結即令啟程不可稍有

耽延○以正黃旗滿州副都統珠勒亨署鑾儀衛鑾儀使 乙亥諭內閣兵部奏請飭催地租生息銀兩等語直隸各州縣應解兵部馬館地租生息銀兩歷年積欠至二萬四千餘兩之多屢催未據完解並本年歲徵銀三千六百餘兩亦未解交實屬延宕著直隸總督轉飭藩司嚴飭各屬將歷年積欠並本年歲徵各銀兩趕緊如數解部嗣後歲徵銀兩務當年清年款不准再行拖欠○又諭鄭祖

琛馳奏生擒竄擾修仁荔浦大夥首匪並殲擒逃竄夥匪仍飭分投勦捕一摺據稱賊匪逃至賓州交界地方經遊擊戚保等督帶兵壯馳赴勦捕潯州府知府顧元凱所調團長黎建勳首先將逆首陳亞潰擒獲委員兵練等並將該匪之弟陳火交一併生擒此次連日攻勦疊獲勝仗俾首匪不致免脫鄭祖琛勒辦頗能認真在事文武實力追勦尚知愧奮所有前經革職留任之潯州協副將李殿

元署義甯協副將舒春提標署遊擊宋煜署都司陶玉德署守備李進榮署象州知州彭作禮均著加恩准其開復團長黎建勳奮勇爭先擒獲首逆殊堪嘉尚著即查明保奏候朕施恩其餘出力各員並紳勇人等著確查據實保奏修仁荔浦首匪雖經擊獲太平慶遠等處各股匪徒勢尚蔓延必有渠魁互相糾結務即密訪嚴拏懸賞鼓勵紳民中有能縛獻著名逆首者朕必破格施恩現在林則

徐計將到粵著與鄭祖琛向榮督率文武員弁激勵紳勇埽除餘孽以靖嚴疆勉之望之○諭軍機大臣等據鄭祖琛片奏賊匪擁入永康河池兩州滋擾等語廣西逆匪連竄數城經該撫督飭員弁分投勒捕疊獲勝仗殲擒一千餘名並生擒首逆陳亞漬等是修仁荔浦一股賊匪勒辦尚能得手惟太平慶遠各屬賊匪股數衆多現復竄入永康州劫獄放走人犯並將該署州妻女殺斃又有賊匪

竄入河池州滋擾守備吏目均被圍困該州亦被攔截雖有參將岳齡帶兵接應而衆寡不敵攻擊難期制勝向榮現已抵粵林則徐計亦將次趕到著與鄭祖琛悉心會商通盤籌畫所有已經檄調尚未到營之兵著即飛咨提催如兵力仍屬不敷即一面奏開一面咨調想林則徐必能酌量情形不致輕於徵調也其石江鎮總兵惠慶前據奏稱調派兵弁迎擊追剿尚知機宜並著飭令因地相機

盡力勒捕當能得力林則徐鄭祖琛向榮三人駐劄處所無論分合總以扼要制勝追捕截拿俾賊匪不能互相糾結分竄滋擾庶可殲除羣醜迅速歲功朕有厚望將此由五百里諭令知之○以正黃旗滿洲副都統恒春署正紅旗滿洲副都統正藍旗蒙古副都統巴雅爾署鑲黃旗滿洲副都統○丙子

上詣

壽康宮問

皇貴太妃安○諭內閣前據御史陳枚奏參山東知縣黃虎臣等各案當經降旨交該撫查訊茲據陳慶偕逐案訊明定擬具奏山東解任日照縣知縣黃虎臣查無虧那倉庫浮收錢糧等弊惟考試文章勸捐桌椅辦理不善又失察伊弟宿倡著間缺交部議處單縣知縣徐鑄訊無濫責生員及刑偏改竊情事惟於該縣賊犯拒傷事主重案辦理顛預該縣典史左德元並不即時往勘徐鑄左德元著

一併革職以為玩視捕務者戒已故諸城縣知縣何堂賊私累累實屬玩法其身懷冤單聲訴各情亦屬無據並先經該撫查有虧缺錢糧重情該故員原任寓所資財及原籍家產著一併查鈔仍提同該故員家屬及經手書吏人等嚴行審訊按律懲辦其失查之歷任各上司著該部查取職名照例議處陳慶偕到任未久所請交部議處之處著加恩寬免○諭軍機大臣等有人奏閩省夷情巨測

漸至蔓延霸占省城內外各寺強買民房起造樓屋並釘塞礮眼騎馬夷人四處踏勘經各鄉民驅斥地方官反為出示禁阻又片奏閩浙商船多雇夷船護送該督反謂水師巡緝之功又夷人用鳥槍打傷幼孩該督委員查驗含糊稟覆賄和了事各等語若如所奏該省民夷既不相安官民又復不協劉韻珂等身任疆寄何以聽其滋擾毫無辦理之法徐廣縉總理五口通商事務且閩粵接壤必

有見聞著即按照摺內所指各情逐加訪查果否實有其事並該督撫現在能否設法撫馭之處據實具奏毋稍瞻顧儻該省夷情日肆民怨已深此時控馭之方亟應相機熟計夷酋咬啞亦必與在閩夷人暗通信息現在情形究竟如何著即確查具奏儻稍有齟齬當先思釜底抽薪之法勿令轉生枝節是為至要原摺片並公稟均著鈔給閱看將此密諭知之○又諭朕聞喫夷強占神光寺經福

州閩縣侯官三學生員稟請驅逐該督將此稟送給夷人閱看告以城內未便多留城外都不攔阻以致夷情益肆不惟神光寺不肯搬出更將東門外之鼓山寺西門外之西禪寺全行霸占並南門外之銀鑲浦水部門外之路通橋強買民房起造樓屋甚至五虎門礮臺內道光二十一年所鑄六千斤大礮釘塞一尊南門大樹下嘉慶二十五年所鑄四千五百斤大礮順治十一年所鑄二千斤大

礮釘塞二尊其時守礮弁兵意存規避因暗雇打銅匠名旺者起釘修補然火門釘壞實已不堪施放該督委永春知州王光鐸詣驗乃以並未釘塞含糊稟覆又日有騎馬夷人四處踏勘口出狂悖之言鄉民協力驅斥地方官反出示禁阻又閩省南臺停泊火輪船五六隻向商船每隻索洋銀三百圓代其護送往來於閩浙間又八月間夷人在南臺中亭街用鳥槍打傷兩幼孩衆人向該夷索償

該督委府經歷郭學典以查驗為名賄和了事各等情該督撫身膺疆寄撫馭之道豈竟毫無主見任令滋擾何以並無一字奏及其生員等公稟又何以送給夷人閱看殊不可解以上各情節著劉韻珂徐繼畬逐一據實覆奏不准再有迴護其神光寺所住二夷究於何時可以搬出並著隨時奏聞毋涉含混此旨該督等閱看畢毋許稍有漏洩將此密諭知之○兵部尚書裕祿輪赴

慕陵守護以工部尚書特登額兼署兵部尚書予故前任刑部尚書李振祜祭葬謚莊肅添備直隸永定河工稽料二百四十萬束並酌增運腳銀從總督訥爾經額請也○戊寅諭軍機大臣等惟勤奏遵查朝陽縣七道嶺現無窩盜處所並擬定緝捕章程一摺朝陽縣七道嶺地方既係著名窩盜之區所稱委員挨戶編查並無窩留盜賊之家等語難保非聞拏逃匿掩飾一時仍著該都統選派

員弁不時輪往巡查務期探悉匪蹤拏獲究辦斷不可恃有按月詳報章程僅以一奏塞責日久致成具文轉多廢弛至該處與奉天省接壤此拏彼竄自所難免並著隨時知照盛京將軍奉天府府尹督飭文武各於交界處所無分畛域實力堵緝庶兇徒不致漏網另摺覆奏太平社有益緝捕著即按照舊章認真辦理所有該處著名各匪現在有無弋獲未據詳細奏明著仍遵前旨一併飭屬密

訪嚴拏不可任令遠颺是為至要將此諭令知之○直隸總督訥爾經額奏報得雪情形得旨獲此祥霽實堪欣慶爾大吏能無時無事罔不以敬慎存心則地方皆被福矣懷之京師亦於十六日戌時雪霰續紛至十七日卯時止亦有三寸餘特諭汝知○以宗人府右宗正春山兼署鑲黃旗滿洲都統○改鑄山西臨晉縣知縣印信從巡撫兆那蘇圖請也○已卯諭內閣戶部議覆朱嶧奏南糧到

遲豫籌暫囤一摺漕糧儲積理宜慎重若分段蘆園易滋流弊較之在船守凍尤難防範現在河冰未至堅結仍著該侍郎相機督催儘力趕趨運進京倉總期多進一石多得一石之益此後酌量情形如實在轉運不及只可將餘賸米石暫卸通倉寄囤一俟冰融再行妥速運京以便幫丁卸米趕即南旋受兌無誤新漕其運赴通倉腳費准其覈計應用銀數咨部給款墊發由漕督河督查取辦運

遲滯各員分成賠補解部歸款至驗收漕糧係倉場侍郎專責如現在剝運有潮溼不堪存收之米應飭認真查驗設法妥辦儘進倉以後微變虧損責令該侍郎等照例分成賠補以重倉儲而杜誣卸○諭軍機大臣等據琦善奏按捕柯柯烏蘇羣賊並勒滅雍沙番賊一摺另片奏各犯解省並斥革格窩嚴查漢奸各等語據稱該番族連年夥搶為西甯甘州涼州肅州之巨害該督派兵勦捕而柯

柯烏蘇地方羣賊先已竄去因將雍沙番賊勒除並訊據生擒各犯供認搶劫多案且百戶尕噶噶百總凍都噶父子糾搶戕害大員自應嚴切訊究毋任狡展所有與賊通信令其逃避之察罕喇嘛旗下蒙古章京格窩著即革去翎頂一併嚴訊青海大臣衙門蒙古通事何以有三十餘名之多據稱有偷漏消息等情亦應確查覈辦惟前據哈勒吉那奏稱該督將海蘭地方插帳雍沙番子殲斃淨

盡該番等平素有無為匪未據營員具報該管蒙古郡王等亦稱該番素無冒番行搶情事甚至痛哭流涕懇請辦理並稱恐附住之阿里克族番與察漢諾們罕旗蒙番人戶心懷疑懼等語當經降旨令該督明白回奏著琦善遵照前旨一併查明據實具奏毋稍含混將此諭令知之○又諭劉韻珂奏由閩赴浙閱伍迎摺北上等語前已有旨令俟明年秋間再行奏請陛見著該督於巡閱事竣即

行旋閱朕聞夷人強占神光等寺勒買民房起造樓屋甚至釘塞大礮數尊向商船索洋銀護送並用槍打傷幼孩等情昨有旨令該督查奏茲據奏稱福廈兩口夷情極為安靜是否確實該督出省閱伍夷人是否不至乘隙滋擾民夷現在情形能否相安著仍遵前旨詳細查明據實具奏將此諭令知之○以甘肅肅州鎮總兵官桂齡為喀什噶爾換防總兵官○庚辰

上詣

壽康宮問

皇貴太妃安○諭內閣明年正月十四日

皇考宣宗成皇帝初周年忌辰是日恭值

祈穀大祀祇承之義統於一尊自應虔詣

南郊行禮惟霜露之感歲序倏周瞻望

几筵未克躬親奠獻即屆期恭遣代祭朕心追

慕實有難安謹於十四日

祈穀禮成後次日啟行十八日駐梁格莊十九

日祇謁

西陵禮成後恭詣

皇考慕陵饗殿几筵前補行初周年祭禮稍申

哀戀之忱是日仍駐梁格莊二十三日還宮

所有先期遣派恭代及補行初周年致祭典

禮著恭理喪儀王大臣會同禮部敬謹詳議

以聞並著各該衙門直隸總督一體敬謹豫

備○又諭現值天氣嚴寒

實錄館人員朝夕恭纂書籍著加恩於例支柴

炭外十一月十二月正月每月賞銀五十兩
在廣儲司支領○諭軍機大臣等徐廣縉葉
名琛馳奏廉州擒獲匪黨并英德一帶勒辦
情形一摺據稱賊匪方晚一股竄匿合浦縣
之常樂墟經護理海口營參將黃開廣施放
連環大礮轟斃賊匪二十餘名殺斃四十餘
名生擒三名受傷後死者一百餘名等語此
股賊匪最為强悍且與粵西處處毗連該鎮
道等勒辦尚屬得手該督等趁此機勢仍宜

諄飭文武併力圍擊毋稍疏懈其英德一帶
賊匪經南韶連鎮總兵崑壽偵探匪徒由山
徑闖出意欲越河搶渡親督兵勇極力抵禦
斃賊多名勒辦頗能認真著南雄協副將王
浚既已失利於前又復偷生於後庸懦無能
著即革職枷號兩箇月在軍營示衆該督撫
等仍當悉心籌畫將廉州英德兩處匪徒盡
力搜剿不可因偶有殲獲稍涉大意文武各
員及紳勇中有能殺賊立功者據實保奏候

朕施恩僅有臨陣退縮貽誤事機者立即嚴
叅懲辦至廣西橫州博白兩處團練章程前
已有旨令徐廣縉分飭兩省仿照妥辦茲據
奏稱業經通飭各州縣因地制宜並刊刻學
政許乃釗所輯鄉守團練之法通行辦理著
即飭令各屬實力奉行毋致有名無實將此
由四百里諭令知之○又諭徐廣縉奏廣西
賊匪竄擾龍州情形並叅奏潯州文武防堵
不嚴及覆陳籌餉添兵等情各一摺前因廣

西各屬賊匪滋事廣東廉州韶州各屬亦正
在勒辦賊匪之時恐徐廣縉未能兼顧特命
林則徐為欽差大臣馳往督辦業據該大臣
馳報於十月初二日由福建汀漳廣東肇慶
一帶馳赴粵西計在途已與徐廣縉籌商一
切矣鄭祖琛先後奏報將竄擾修仁荔浦賊
匪殲除甚多並獲逆首陳亞潰與其弟陳火
交業經明降諭旨仍飭將太平慶遠各匪扼
要分剿茲據該督具奏各情所有龍州同知

王叔元與千總家屬如何下落該廳倉庫監獄有無疏失即著該大臣等查明具奏其潯州府知府顧元凱據鄭祖琛奏稱飭調團長黎建勳堵截揔捕該逆首實由黎建勳首先擒獲署武宣縣劉作肅與副將李殿元等均

在武宣桂平交界各山村揔捕出力該督參奏顧元凱劉作肅革職留任自係在首逆未獲之先是否該員等始終堵禦不嚴抑此次拏獲首逆尚有微勞之處著林則徐徐廣縉復行確查據實奏聞再降諭旨現在向榮已抵粵西所調湖南貴州各官兵計將陸續到齊滇省官兵徵調較遲如有未到各兵迅即嚴催俟到後分路扼要堵截徐廣縉專辦東省賊匪仍遵前旨毋庸前赴梧州惟兩省皆係統轄勦賊事宜著隨時與林則徐咨商辦理聲息相通不致隔閡杜絕匪徒互竄蹤跡庶兩省勦辦更可得力至廣西舉人李宜用等呈控各案單開姓名並著督飭文武指明

嚴拏究辦勿任漏網將此由四百里各諭令知之吏部奏前任浙江鹽運使蔡瓊因督催考成誤扣分數被議業經查明開復呈懇奏請補給封廕得旨蔡瓊著准其補給封廕此係朕格外加恩爾部嗣後不得援以為例

予廣東陣亡守備翟黼文祭葬世職如遊擊例（辛巳諭內閣御史汪元方奏浙江水災多由棚民開山水道淤阻所致請飭查禁等語浙江杭州湖州等府屬近山各縣多有外來游民搭棚羣聚山中開種苞穀翻掘山土以致每遇大雨沙礫盡隨流下良田化為硿礮下游溪河受淤水無去路近年雨水稍多漫溢成災實為地方之害該御史所稱棚民於買山時不肯稅契過戶巧立名目謂之召租鄉民貪受小利日後賠納錢糧而該棚民等去留無定往往潛行竊盜盜案之多亦由於此著該撫吳文鎔飭屬嚴查未開各山永不准容留棚民私買私開其現有棚民壑

山各處亦宜察看情形設法清理事關民田水利務須認真查辦始終無懈不得視為具文朕思窮民謀食原所不禁惟以開山致礙水道且恐日久藏奸轉難稽查浙省如此其江蘇安徽江西湖廣等省傍山沿江各州縣難保無私墾山田使下流填注淤塞民田受害之處著各該督撫通飭所屬一體實力稽查各就本地情形設法妥辦不得謂積重難返將就目前致釀後患另片奏每年取造棚

民戶冊如餘杭一縣府房需索規費為數甚多並用空白印冊捏填姓名戶口似此虛應故事且任聽蠹胥婪索成何事體著吳文鎔嚴確訪查提究懲辦以後務令該地方官親自履勘造冊詳報不准假手書吏以昭覈實而杜流弊○又諭戶部奏吉林所轄伯都訥等處官荒地畝中禁私墾等語雙城堡珠爾山涼水泉夾信溝四處間荒地畝前於道光二十七年該部奏請封禁奉

旨責成該將軍副都統及各協領等認真查禁並於年終查明有無私墾奏報一次乃自奏定章程以後惟二十八年曾經奏報二十九年並未具奏足見奉行不力視為具文著吉林將軍固慶等欽遵前奉

諭旨實力查察按年具奏毋稍懈玩至珠爾山荒地一萬九千七百九十二晌現准撥給官兵承種以資津貼其餘存贖閒荒地畝仍著該將軍等按照戶部奏明定畝數隨時確查

毋令流民闖入私行開墾再滋流弊○旌表守正捐軀廣東歸善縣民何辛秀妻郭氏○壬午以冊謚

孝德皇后前期遣官告祭

奉先殿○諭內閣廣西自上年以來盜犯充斥搶掠城邑分股肆行朕早聞鄭祖琛閔正鳳廢弛貽誤疊經嚴諭勒辦並將閔正鳳先行革職旋據給事中袁甲三奏稱鄭祖琛欺飾彌縫各情並都察院奏該省各屬紳民赴京

控告當降旨交徐廣縉秉公查覈據實奏
茲據覆奏鄭祖琛抵任以後專事慈柔工於
粉飾州縣亦相率彌縫遂至釀成巨患等語
該撫平日如果振刷精神講求緝捕何至粵
西一省羣盜如毛數郡民生受其蹂躪現在
賊首陳亞潰雖已擒獲正法修仁荔浦大股
賊匪殲滅將盡而左右江各屬賊勢尚復蔓
延且據徐廣縉奏稱該撫年老多病文武皆
不知畏服若仍令戴罪自效亦難望其振作

鄭祖琛著即革職林則徐著以欽差大臣暫
署廣西巡撫督同向榮等盡力勦捕仍將徐
廣縉所奏鄭祖琛欺飾各情及閩正鳳畏蕙
無能前任左江鎮總兵盛筠苟且貽誤並地
方失事文武各員諱飾縱弛之處一併逐細
查明分別據實具奏毋得稍有不實不盡○
諭軍機大臣等據徐廣縉奏查覆廣西賊匪
情形並遵旨參奏巡撫鄭祖琛各一摺本日
已明降諭旨將鄭祖琛革職令林則徐以欽

差大臣暫署廣西巡撫事務矣該大臣現計
可以馳抵粵西所有竄擾修仁等處盜首陳
亞潰業經擒獲正法其同夥之鄭廷威一犯
尚在稽誅難保不糾合餘黨復圖分竄況該
省各郡賊匪尚多著名頭目亦必不少亟宜
迅速勦捕著林則徐專辦廣西勦匪事務督
飭在事文武務將鄭廷威並各股首匪設法
購緝擒獲庶夥匪易於解散地方迅就蕩平
據徐廣縉奏廣西捕賊團練之力居多鄭祖

琛前奏陳亞潰即係團長黎建勳擒獲該省
紳民急公奮勇實屬可嘉若各屬皆能協力
同心何患賊難殲滅紳民自衛尚且助兵殺
賊豈各營兵弁不能出力衛民該大臣惟當
整飭紀律激勵兵民乘此聲威剋期肅事前
經招降之賊首張亞祥聞投首後仍與賊暗
通消息深恐勾結各股或引誘兵勇失路遇
伏尤應密訪嚴防切勿墮其術中致滋後患
賀縣知縣鶴年究係如何身死之處著該大

臣抵粵後就近覆查具奏徐廣縉參摺鈔給該大臣閱看至廣東韶廉各屬游匪滋擾亟須大加懲創葉名琛出省督勦該督徐廣縉駐省調度一切正可專心籌畫迅期肅清兩省勦捕事機總宜互相知照勿令賊勢勾結是為至要將此由四百里各諭令知之○癸未以冊謚

孝德皇后前期

上御太和門閱視冊寶○安徽巡撫王植奏霍

邱縣支王二姓挾仇互鬪知縣許垣親往查拏支全翠恃衆拒捕現飭嚴拏支全翠務獲並將王溶度職銜咨革提訊得旨支全翠固屬可恨而王溶度亦應嚴究不可復蹈外省顛頊了事之惡習○甲申

上詣

雍和宮行禮

火神廟拈香○諭內閣杜受田奏按據前任漕運總督周天爵來信內稱九月間經過河

隄詢知本年黃河入海之處坍塌數百丈是以盛漲旋落乘此冬令水小按其坍塌之所多築草壩偏溜攻刷可期事半功倍等語近來黃河形勢日淤日高每歲增培隄工河身受病滋深若如周天爵所稱現在海口坍塌甚寬乘機築壩藉以偏溜攻刷亦係因勢利導之法惟河流入海之處因何忽有坍塌必應如何籌辦方期疏導深通永除河患著陸建瀛楊以增親往查勘情形悉心籌議迅速

具奏毋致坐失機會○乙酉

上詣

壽康宮問

皇貴太妃安○命莊親王奕仁為正使成郡王載銳為副使恭齋冊寶詣

孝德皇后殯宮冊謚

孝德皇后冊文曰朕惟禮詳內治六宮端正始之原易首坤貞萬物仰資生之化矧淑範揚芬於彤史遽悼淪徂期榮名儼體於紫宸式

隆位號瑤緘丕煥玉几維歡

皇后薩克達氏圖史名門晉纓甲族蚤嫺姆

教溫恭循禮法之傳長勗女歲動靜協莊妹

之度憶欽承於

考命作配朕躬逮奉侍於

重闈允循婦職柔嘉維則播宮掖之賢聲敬戒

無違藉昕宵之內助澣濯之衣裳在御儉以

持身燕閒而織組常親勤能率下方冀永綏

福履何期頓阻音容芝寢匱空椒塗鑑失茲

者仰承

付託撫有寰區緬維元配之儀型宜正中宮

之典禮載稽彝訓綜百善而孝冠乎先言

念芳徽備四行而德居其首茲以冊寶追

封為

孝德皇后於戲望珠輶於近甸隆稱長著千

秋頒琬刻於靈筵令譽聿彰兩字祇膺寵賁

默鑒哀悰諭內閣廣西各屬近來被賊蹂

躪吾民顛沛流離致多失業現在徵調頻仍

兵差絡繹各處紳民猶能舉行團練殺賊立

功朕每覽該省奏報嘉尚之餘益深憫惻因

念窮黎蕩析杼柚幾空若仍令其輸納正供

不惟民力拮据朕心實有不忍所有廣西本

年應徵錢糧著林則徐迅即遴委賢員查明

被賊滋擾及官兵經過各地方分別蠲免緩

徵其已經徵收之區尤應確查覈實辦理毋

令官吏蒙混滋弊林則徐務當悉心體察軫

恤民艱迅速詳查具奏以慰朕懷○丙戌以

冊諡

孝德皇后禮成頒詔天下詔曰朕惟作儷乾儀

協坤維而比載齊明曦曜資月馭以周輝緬

貞淑之風彰宜隆顯號溯順承於內治肇錫

嘉名

皇后薩克達氏門積慶靈家崇禮教英媛表

異瞻鳳集而翔仁皇儷來嬪迓鴻庥而颺度

逮事

皇祖妣孝和睿皇后善承色笑克勵婉心蘭殿

春融奉槃匝而手進椒闈夏啟潔滌澣以躬親祇奉

皇考宣宗成皇帝恪勤之禮翕習於上儀誠敬之忱修成夫內則惟禋躬以仁順用起化於柔雍衣褱翟而有光政班中壺服締綌而無黷儉懋深宮宜家齊美於葛覃厚下嫺寐於樛木芳猷日晉資變贊以開模蘭馭雲升示柔嘉以垂範儀型聿著諡號猶虛茲當景命之維新瞻念徽音而宛在允宜瑤編著熾華

玉延輝追崇用協夫輿情揚闡式符乎軌制

周咨憲典謹擇令辰祇告

奉先殿以道光三十年十月二十七日冊諡為孝德皇后於戲奉母儀於萬國震區仰治化之基昭懿行於千秋率土播皇風之邇布告天下咸使聞知

硃筆罪穆彰阿耆英諭曰任賢去邪誠人君之首務也去邪不斷則任賢不專方今天下因循廢墮可謂極矣吏治日壞人心日澆是朕之

過然獻替可否巨朕不逮則二三大臣之職也穆彰阿身任大學士受累朝知遇之恩不思其難其慎同德同心乃保位貪榮妨賢病國小忠小信陰柔以售其奸偽學偽才揣摩以逢主意從前夷務之興穆彰阿傾排異已深堪痛恨如達洪阿姚瑩之盡忠盡力有礙於己必欲陷之耆英之無恥喪良同惡相濟盡力全之似此之固寵竊權者不可枚舉我皇考大公至正惟知以誠心待人穆彰阿得以

肆行無忌若使

聖明早燭其奸則必立寘重典斷不姑容穆彰阿恃恩益縱始終不悛自本年正月朕親政之初遇事模稜緘口不言迨數月後則漸施其伎倆如奕夷船至天津伊猶欲引耆英為腹心以遂其謀欲使天下羣黎復遭荼毒其心陰險實不可問潘世恩等保林則徐則伊屢言林則徐柔弱病軀不堪錄用及朕派林則徐馳往粵西勦辦土匪穆彰阿又屢言林

則徐未知能去否。偽言熒惑使朕不知外事。其罪實在於此。至若耆英之自外生成。畏蕙無能。殊堪詫異。伊前在廣東時。惟抑民以奉夷。罔顧國家。如進城之說。非明驗乎。上乖天道。下逆人情。幾至變生不測。賴我

皇考炯悉其偽。速令來京。然不即予罷斥。亦必有待也。今年耆英於召對時。數言及英夷。如何可畏。如何必應事周旋。欺朕不知其奸。欲常保祿位。是其喪盡天良。愈辯愈彰。直同狂

吠。尤不足惜。穆彰阿暗而難知。耆英顯而易著。然貽害國家。厥罪維均。若不立申國法。何以肅綱紀而正人心。又何以使朕不負

皇考付託之重歟。第念穆彰阿係三朝舊臣。若一旦寘之重法。朕心實有不忍。著從寬革職。永不敘用。耆英雖無能已極。然究屬迫於時勢。亦著從寬降為五品頂帶。以六部員外郎候補。至伊二人行私罔上。乃天下所共見者。朕不為已甚。姑不深問。辦理此事。朕熟思審

處。計之久矣。實不得已之苦衷。爾諸臣其共諒之。嗣後京外大小文武各官。務當激發天良。公忠體國。俾平素因循取巧之積習。一旦悚然改悔。毋畏難。毋苟安。凡有益於國計民生。諸大端者。直陳勿隱。毋得仍顧師生之誼。援引之恩。守正不阿。靖共爾位。朕實有厚望焉。布告中外。咸使知朕意。命戶部尚書賽尚阿協辦大學士。○展八旗兵丁應扣借支庫銀限期兩月。○丁亥諭內閣。裕泰奏荆江

三汛安瀾。萬城大隄防護穩固一摺。此項隄工。為荊州全郡及下游各州縣田廬保障。最關緊要。該督仍當飭屬實力巡防。俾一律穩固。足禦來年汎漲。前因濱江處所棚民開山。致礙水道。降旨令各省督撫確查妥辦。果使沙土不致淤墊。江流自可暢行。於隄工大有裨益。該督等務當體察情形。隨時防護。勿稍懈弛。○又諭。裕泰、龔裕奏。同知議論驕務新章。其子率行刊刷。請將該同知交部議處。一

摺淮南鹽務新定章程必須楚岸各員實力奉行不分畛域方可收暢銷實效該同知議論新章利病顯有阻撓情事其子又復刊板刷送雖經自行檢舉板片亦查明銷燬而刊刷散布難免商情不為搖惑於釐務大有關係武昌府同知勞光泰著交部嚴加議處仍著陸建瀛查明該同知所論利病係何意見據實具奏○諭軍機大臣等寄諭欽差大臣林則徐等據徐廣縉奏報廣西拏獲兩次攻

平集卷十

三十一

城戕官首匪一摺前據鄭祖琛奏獲首匪陳亞潰並其弟陳火交當經明降諭旨飭將奮勇爭先之團長黎建勳並將出力各員及紳勇人等查明保奏茲據該督奏稱該匪等經署桂平縣知縣李孟羣著武宣縣知縣劉作肅並府經歷楊潤等帶同黎建勳等擒獲首匪其該犯之弟陳二是否即陳火交此外有無著名逆匪在內其分夥之鄭廷威一犯尚在稽誅著該大臣遵照歷次諭旨查明並嚴

飭文武員升迅即設法將鄭廷威擒獲懲治其餘各屬盜匪亦著迅速勒辦毋令兩省句結蔓延至此次出力各員並團壯紳士等與鄭祖琛原奏是否相符著該大臣會同該督確切查明奏請恩施毋許冒濫將此各諭令知之○又諭徐廣縉葉名琛奏勒辦匪徒及澳夷情形一摺廣東各路追捕漸次得手其餘游匪尚多急宜乘勢追剿一鼓殲除著徐廣縉葉名琛督飭在事文武分路進勒務將

平集卷十

三十一

首要各犯迅獲脅從解散兩省交界處所尤應嚴防勿任勾結至所稱澳夷兵頭潛至香港向啖首咬唆唆播一節仍著徐廣縉加意防範隨時偵探據實密奏不得以現在無事稍涉大意將此諭令知之○又諭有人奏貴陽府知府廖惟勳才本平庸性工鑽刺前在鎮遠府任內苗匪滋擾強劫斃命之案甚多經舉人金誥等控訴概置不理以致匪勢蔓延養癰成患又復輾轉營謀調任首府喬用

遷輒以該員審辦逆匪出力屢次奏請議敘現又濫膺保舉等語該員廖惟勳經總督程喬采巡撫喬用遷先後保舉若如所奏何得濫登薦牘著翁同書嚴密查訪務得確情秉公據實具奏毋得稍有不實不盡原摺著鈔給閱看將此諭令知之○緩徵湖北嘉魚蒲圻漢陽黃陂孝感沔陽黃梅應城江陵公安石首監利松滋漢川枝江咸甯廣濟鍾祥京山潛江天門江夏黃岡蘄水雲夢武昌興國蘄荆門通山三十州縣並武昌武左沔陽蘄州黃州德安荊州荊石九衛被水被旱莊屯新舊額賦有差○緩徵安徽懷甯桐城潛山太湖宿松望江貴池青陽銅陵建德東流當塗蕪湖繁昌無為合肥舒城廬江巢宿鳳陽懷遠定遠靈璧壽鳳臺穎上霍邱霍山泗盱眙天長五河全椒和含山建平宣城南陵阜陽亳太和滁來安涇蒙城四十六州縣並安慶建陽廬州鳳陽長淮泗州宣州滁州

實錄卷三

三十四

八衛被水被旱民田新舊額賦有差○戊子上詣壽皇殿行禮○詣壽康宮問皇貴太妃安○諭內閣札拉芬泰等奏添造礮位一摺塔爾巴哈台所存礮位僅有劈山子母等礮著照所議准其捐造擡礮一百尊並著於滿洲換防兵丁內挑選精壯合陣操演所需鉛丸火藥准其照數在烏魯木齊一帶按年派員採辦應給價值即在本處充公項下動用仍於年終造冊報銷○又諭徐澤醇奏查辦地震被災情形一摺四川西昌縣城鄉一帶於八月初七日地震城垣衙署倉庫監獄概行倒塌壓斃男婦二萬六百餘名口覽此情形深堪憫惻朕為天下主一夫失所皆朕之過也著該督迅委賢員確切查勘按戶給予賑卹其被災處所應行蠲緩錢糧之處迅速查明具奏甯遠府教授曾習傳西昌

實錄卷三

三十五

縣教諭滕昂甲把總吳應貴蔡福雲騎尉賈志先胡祥外委馬坤戴文熙同時被壓身死著照例賜卹其會理州屬亦於同日地震並著該督迅即委員查勘撫恤據實具奏餘著照所擬辦理○山東巡撫陳慶偕奏報校閱省標營伍情形得旨汝自到任以來事事整頓深可嘉尚靡不有初鮮克有終不可不引為龜鑑也又奏登州鎮水師總兵員缺需人請旨簡放批水師總兵實屬乏員汝姑待之

實錄卷二十

三十六

又批周天爵之子周光碧朕聞其於水師甚屬去得汝可令伊在洋面學習隨時察看能否再行具奏現既經汝委署都司如無人接署亦可暫緩○命大學士祁寯藻為

實錄館監修總裁官都察院左都御史季芝昌為總裁官戶部左侍郎朱鳳標為副總裁官○命協辦大學士賽尚阿稽察欽奉上諭事件處

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二十

實錄卷二十

三十七

天津道通永道並派鎮將大員嚴督地方官

撫相度水勢先事豫籌總期和衷辦理毋得

陸建瀛奏。江西省防堵粵匪情形。得旨。嚴行防堵。毋稍疏懈。又奏。遵查江蘇巡洋章程。甫見成效。請照舊辦理。批。既有成效。自應不必更張。又奏。現辦鹽務。裁汰冗費情形。又批。雖百計阻撓。不可為浮言所惑。○廣西提督向榮奏。帶兵赴粵。籌畫剿捕情形。得旨。所奏各情形。甚屬明白。調度亦合機宜。○賞已革都統敬徵。副都統銜署正白旗滿洲副都統。○以鑲白旗蒙古都統柏俊兼署步軍統領。○

辛卯。諭軍機大臣等。徐廣縉奏。廣西永康州城失守。賊匪竄逸。現飭追剿一摺。廣西逆匪竄入永康州。劫獄放走人犯。殺斃該署州妻女。前據鄭祖琛奏報情形。已有旨。令林則徐等。會籌剿辦。茲據徐廣縉奏。該署知州高汝霖。據稱。先在隴東地方防守。迨聞信趕回。賊已入城肆擾。是當時該員並未在城。究竟在隴東所防何匪。因何不知賊匪徑行入城。其城守各武弁。有無在城堵守。均未切實稟報。

且該匪等。志在搶掠。從未占踞城池。該署州所稱。親往各團。勸集團練。四面火攻。賊始遁去等語。難保非逃避於前。裝點於後。以遮飾其失守城池之罪。所有廣西署永康州事。即用知州高汝霖。暨該州吏目時榮。均著先行革職。現在林則徐。計已到粵。見聞較近。著將該署州。及該吏目。有無與城守各武弁。臨時逃避情事。訪查明確。據實參辦。毋許徇隱。至鄭祖琛。咨會徐廣縉。所稱。此股賊匪。即係前次擁入明江龍州之匪。何以與前奏。太平文武。節次攻剿。賊鋒大挫等語。前後情形不符。其賊匪頭目。是否與滋擾修仁荔浦之陳亞漬等。同黨分夥。並著林則徐。查覈確情。一併奏聞。不可稍涉含混。將此各諭。令知之。○以拏獲浙江漁山盜匪。出力。賞署知府胡應泰道銜。縣丞寶興。藍翎。餘升敘有差。○壬辰。

上詣

壽康宮問

皇貴太妃安。○諭軍機大臣等。據孫瑞珍奏。現接前任漕運總督周天爵來信。內言十字河些許小工。竟為全漕之害。若於河西隄改挖新河一段。以舊河為囊沙之渠。於彭口牐作滾水壩。納濁水而漾清流。漕船無阻。淺起撥之費。可省通漕之費。幾二十萬金等語。著顏以燠悉心查勘。妥議具奏。又稱清江三牐實係平水。舟可牽挽而過。牐實可廢。孫瑞珍則稱此項漕費。既可節省。即以所省之費。為辦理添塘之用。既非動用正款。又與福濟等前奏相符。各等語。著陸建瀛。楊以增。即於查勘海口坍塌之便。確查惠濟通濟福興三牐。是否上下水。仍前平流。可否節省漕費。為辦理添塘工用。其三牐果否可廢。並著詳細履勘。悉心籌議具奏。事關保民利漕。為久遠之計。斷不可惑於浮言。稍存畏難苟安之見。諒該督等。均能認真籌辦。以副委任也。原摺均著鈔給閱看。將此各諭令知之。○密雲副都統

德順緣事解任。以開原城守尉倫恭為密雲副都統。○癸巳

上詣

宣仁廟。

凝和廟。

普度寺拈香。○諭內閣。潘鐸奏。請將曾經犯案受刑。改名蒙捐。並許告挾制之職官。革職審辦一摺。河南告病在籍候選知州張繼周。著即革職。交該撫提集人證。嚴審定擬具奏。

其許告河南府知府賈臻各款。並著查明照例辦理。毋稍含混。尋奏。張繼周捏款許告。於未經定案之先。已具悔呈。其改名蒙捐。事犯在恩詔以前。罪名應予援免。下部議從之。○又諭。毓書奏。查閱滿洲營官兵一摺。烏魯木齊防禦富克精阿。精力漸衰。難期振作。著以原品休致。該員曾經出兵打仗。殺賊。應否食俸之處。著兵部照例辦理。世襲雲騎尉福珠哩馬步箭俱生疏。惟年力正壯。著勒限三箇

月飭令趕緊練習限滿再行考驗儻仍不能長進即著斥革○河南巡撫潘鐸奏查明渭川等縣被災徵收錢糧尚無弊混下部知之又奏請將本年應買倉穀緩至來年買補從之○甲午遣官祭

先賢之神○諭內閣倭什訥盛桂奏叅曠誤坐卡之佐領請旨議處一摺吉林世管佐領依三布派守額赫穆坐卡因中途患病私自回家月餘之久並未稟請另派接班經該將

軍等查出傳詢始行面稟顯係臨時捏病有心玩誤依三布著交部嚴加議處以為因循懶惰者戒○陝西巡撫張祥河奏現任藩司王懿德尚未到任請將本年大計展限三月舉行從之○以戶部尚書孫瑞珍部務較繁命毋庸在上書房行走○命翰林院侍講楊式穀編修何桂珍在上書房行走○乙未諭軍機大臣等琦善奏遵旨明白回奏並續捕黑城回匪各一摺據稱海蘭地面漢名雍沙

現在勦滅之番子係大囊謙千戶所屬並非玉樹番族近因大囊謙頻年荼毒良民戕害大員是以帶兵痛勦又摺奏黑城回匪恃險抗拒槍斃官兵經署提督桂齡總兵薩炳阿等分堵該城南北兩門大兵占住山梁用大礮轟擊弁兵蜂擁直前殲斃多名各撒拉回眾投誠獻賊各等語該番等賦性獷悍擾害善良據該督所奏情形自應如此懲辦所獲各犯經甘肅兩司訊明供招後妥為監禁仍

著琦善親提研訊自行具奏候旨辦理該督前奏甘省近邊番賊以柯柯烏蘇為羣聚之所外來番族層集於此西路之雍沙東路之黑城等處皆為賊之腰站是該督此次閱邊既以柯柯烏蘇為扼要之地何以帶兵前往聽其竄匿僅將未逃之番賊什加外榮額摩本三名擎獲正法又稱窮追深入勢有不能乃回兵於雍沙黑城等番大加勦滅該督本意是否欲勦除柯柯烏蘇之外賊因不得手

始將雍沙等處之內賊掩其不備痛加勦辦該督出省巡閱摺內僅稱遇有番匪潛出滋擾乘勢掩勦等語未將如何辦理主見詳悉聲明而哈勒吉那陳奏情節又多不同著琦善仍遵前旨將前後勦辦根由據實覆奏毋稍含混至所稱現在撒拉既知畏威懷服獻賊投誠著即體察情形相機妥辦不值再勞兵力也將此諭令知之○又諭程蔭棠奏調派官兵馳赴粵西協勦一摺粵西賊匪猖獗

該督遵旨飛調開化等鎮廣西等營及督標撫標各兵共二千名派臨沅鎮總兵李能臣曲澤協副將王錦繡分路統領馳赴廣西百色地方會齊聽候調遣計此時當已次第行抵軍營矣滇省與粵西連界廣南府最為緊要其曲靖府屬之羅平州廣西州屬之師宗縣均與廣西之西隆州接壤中有河道可通百色尤不可不嚴密防堵著該督伺度地勢督飭文武員弁於各路要隘處所無分晝夜

偵探巡邏遇有形跡可疑者即行拏辦不可稍有疏虞致令匪徒竄擾是為至要將此由四百里諭令知之○又諭鄭祖琛向榮奏勦捕賀縣昭平等處賊匪殲獲首要多名分帶兵勇進勦一摺並片奏太平府屬州營被擾情形等語據稱賀縣昭平遊匪與土匪勾結復分股四竄延入富川之太平墟而賀縣另股匪徒又由老鴉寨出擾馬峰經署撫標中軍參將成安暨印委各文武分路進擊生擒

賊首葉天良要犯陳稅並將要匪陳三滿殲斃統計平樂府屬及連界潯州之平南梧州之懷集藤縣各處先後斃匪一千八百餘名生擒四百六十餘名現在餘匪無多該參將成安等認真勦捕尚為得力所有賀縣富川懷集連界山內逃匿餘匪恐其復出勾結仍前恣肆著林則徐向榮張必祿等督飭文武員弁實力窮搜毋使稍留餘孽所有此次出力之文武官兵壯勇及紳民團練著該大臣

查明據實保奏候朕施恩現在左右江各屬盜匪股數尚多必應乘勢分路勦洗而道途相距遠兵力尚單所有未到之貴州兵一千二百名湖南兵一千四百名並雲南兵二千名著該大臣等迅速催到分別險隘相機堵截至龍州被擾戕害同知及其家屬深堪髮指該匪等既由明江竄擾該處復分擾各州營衙署及左州與萬承土州等處西奔東突來去自如著即飛咨廣東於欽州靈山各處扼要堵截不得令游匪互相勾結一面分飭文武帶領兵勇合力兜擒痛加勦洗逐股訪查將各頭目設法擒拏嚴堵奔竄總期擣其巢穴淨絕根株為要將此由四百里各諭令知之○署江西巡撫陸元烺奏委員防堵粵匪情形得旨周玉衡於防堵事宜既為可靠即責成該員盡心防堵如粵匪擾及鄰省惟周玉衡是問爾大吏亦難辭咎懍之又奏分造直隸二限制船動款辦理下部知之○

湖南巡撫駱秉章奏遵旨會同防堵粵匪得旨隨時察看情形速行奏聞不可玩視○修墨爾根城

關帝廟從黑龍江將軍英隆請也○予廣西陣亡同知王淑元縣丞白良棟巡檢胡成宗外委黃俊英祭葬世職武舉康壽等賞卹如例○蠲緩湖南武陵龍陽沅江華容巴陵臨湘安鄉澧益陽湘陰十州縣及岳州衛被水村莊本年額賦有差並貸澧安鄉二州縣貧

民籽種銀○丙申

上詣

壽康宮問

皇貴太妃安○貸雲南黑鹽井修理房倉隄岸銀○丁酉諭內閣戶部奏請飭各省查明藩庫濫支等項分別賠補一摺各省動用銀兩均由藩庫支發自應按款覈實不得任意濫行支借前因四川甘肅等省查出借墊虧短等項銀兩經該督奏明著落前任藩司賠交

此外各省藩庫似此流弊亦必不免著各省督撫嚴飭現任藩司查明各前任濫支濫借等款據實奏明分別責令經手之藩司等按款賠補其現任藩司任內濫行支借等款亦著一併據實詳報追繳賠補儻藩司含混不報經督撫或後任藩司查出參奏即著落現未查出之藩司獨賠如督撫徇庇不奏即由藩司自行奏明辦理毋得通同隱飾以致庫款虛懸又片奏山東歷任藩司借支各款未

完銀八十九萬四千四百餘兩經該部列款指詢其無著之款即應在於濫行支借各員覈實賠繳著陳慶偕嚴飭該藩司迅即逐款分晰查覆毋再稽延○戊戌諭軍機大臣等有人奏蓋平縣復州金州廳岫巖廳地方時有海盜出沒江浙商船停泊多被殺傷劫掠又該處盜案滋多番役捕役秦盜分肥本年海城縣舉人王以感自外歸家及錦州知府差人進京均被搶劫復州知州王安業吸食

鴉片置捕務於不問署岫巖廳通判劉榮桂為巨盜梁洪春等行賄開脫僅將夥盜馬泳德孫雲沛擬斬餘皆釋放羣匪仍復窩聚肆行該廳疊出盜案犯無一獲另片請禁止私挖金礦等語盛京根本重地盜風日熾疊經嚴諭飭拏如果認真緝捕何至恣行無忌若如所奏巨盜歟血結盟黨與甚眾該署通判暗使官親勾通胥吏委曲代為行賄用束錢萬串之多實出情理之外係向何衙門行賄

受賄何人必須嚴行查辦著奕興按名密拏親提覆訊並知州王安業是否吸食鴉片不理民事一併嚴參懲辦不准稍有瞻徇迴護其曲姓被劫案內首夥各盜未獲及已獲後釋放者均著按照所開姓名密速查拏毋許一名漏網牛莊等處盜案一體嚴拏按律辦理至該處額設水師兵船自應實力出洋巡哨海盜因山東捕拏嚴緊竄入北洋即宜扼要堵截乃任其搶貨殺人毫無顧忌實屬廢

弛該將軍務須認真整頓將巡緝懈弛各員
并分別查參其通溝地方奸民私挖金礦不
免聚眾滋事該處與朝鮮接壤尤應嚴飭封
禁將匪徒概行驅逐不得虛應故事以除匪
窩而靖邊圉原摺片著鈔給閱看將此諭令
知之○軍機大臣大學士祁寯藻等奏遵旨
酌擬軍機處章程九條○軍機處應立用印
簿於用印之日滿漢章京內輪派一員監印
登簿畫押用過印封印花數目於下一次請

印時覈對○兵部送來印花數目應與用過
數目詳細覈對一字寄中遇有機密查辦事
件於承旨後派章京一二員在堂上繕寫密
封呈遞發下後仍由堂上用印封印交兵部領
去將底彙押封封訖俟查辦事竣再行拆封
登檔如有漏洩查明繕寫之章京嚴參○逐
日改定草彙應責成每日該班章京與領班
章京公同檢齊焚銷○每日明發諭旨同奏
摺交內閣發鈔寄信印封夾板交兵部驛遞

速議事件交各該衙門領去應嚴飭各衙門
仍遵照舊有堂諭承領事件人員未到傳領
時不得進軍機直房違者叅處並嚴禁各衙
門人員不許在軍機堂並章京直房階外附
近處所站立竊聽○方畧館值宿章京佩帶
請印金牌接收各處文書關繫較重應責令
稽查館上庫上一切事務不得曠班貽誤○
軍機堂章京直房蘇拉人等由堂司隨時稽
查其方畧館供事蘇拉廚役應責令滿漢提

調收掌各員認真稽查毋許任意出入滋生
事端仍密訪如有串通在外閑人將補授官
員等事爭先送信報喜者即行革役究辦○
隆宗門內軍機章京直房後身另有小門空
院恐供事等於此傳遞透漏消息應請將此
門封閉以昭慎重○軍機冊檔二分一存方
畧館一存圓明園該章京等在內該班不及
兼顧園中直房應片行圓明園八旗值宿官
兵小心守護如有應行取用檔案開單交片

提取派員領回從之○山東巡撫陳慶偕奏
 陳剝運南糧辦理棘手請明定章程下部議
 尋議剝運章程如在白露以前一切費用統
 歸東省籌辦如已逾白露所需剝費照臨清
 例雇剝船報銷之案由幫丁自行按日給發
 從之○以鑲藍旗蒙古副都統綿勳為正黃
 旗護軍統領調鑲黃旗蒙古副都統達洪阿
 為鑲白旗滿洲副都統以戶部右侍郎書元
 兼鑲黃旗蒙古副都統○命河南布政使嚴
 良訓來京以三品京堂候補○命伊犁將軍
 薩迎阿科布多參贊大臣慧成塔爾巴哈台
 領隊大臣都爾通阿古城領隊大臣阿彥達
 回京以伊犁參贊大臣奕山為伊犁將軍調
 葉爾羌幫辦大臣布彥泰為伊犁參贊大臣
 以頭等侍衛瑞元為科布多參贊大臣賞四
 川督標中軍副將常山頭等侍衛為塔爾巴
 哈台領隊大臣賞已革正黃旗滿洲副都統
 豐紳二等侍衛為古城領隊大臣賞大理寺

卿倭信副都統銜為葉爾羌幫辦大臣○己
 亥
 上詣
 壽康宮問
 皇貴太妃安○貴州巡撫喬用遷奏護送赴粵
 官兵出境及拏獲煙犯得旨外匪固應嚴密
 防堵內匪尤應認真緝拏若稍有不虞惟爾
 等是問懍之○調甘肅布政使張集馨為河
 南布政使以前任江蘇布政使李鴻為甘肅
 布政使○蠲緩山西太原薩拉齊二廳縣被
 雹被水村莊新舊額賦賑薩拉齊托克托城
 二廳災民一月口糧並給衝坍房屋修費○
 庚子
 李德皇后殯宮月祭遣官行禮○
 上詣
 永安寺拈香○諭內閣前據刑部奏覆叢明
 誼親供與各供不符當將明誼解任送部質
 訊茲據該部訊明明誼延請薛執中治病講

論擦摩工夫並布施銀兩轉薦他處行醫雖在薛執中未經改裝更名之前究屬不合其前次親供聲敘未能詳盡亦屬含混明誼著交部嚴加議處飭令回旗聽候部議○又諭前任雲貴總督林則徐由翰林游歷外任疊蒙

皇考簡膺疆寄宣力有年上年勦辦雲南保山匪徒調度有方渥荷

恩施賞加太子太保銜並賞戴花翎旋因病請

假回籍朕御極之初知林則徐平素辦事認真不避嫌怨疊經降旨宣召來京嗣以廣西匪徒滋事特授為欽差大臣頒給關防令其速赴軍營勦辦前據馳奏已由本籍啟程方冀迅掃邊氛以綏南服茲據徐繼畲馳奏該大臣沿途勞頓舊疾復發於廣東潮州途次遽爾溘逝念其力疾從戎歿於王事覽奏殊深悼惜林則徐著加恩晉加太子太傅銜照總督例賜卹歷任一切處分悉予開復應得

卹典該衙門察例具奏伊子編修林汝舟文生林聰彝文童林拱樞均著俟服闋後由吏部帶領引見候朕施恩尋予祭葬諡文忠○諭軍機大臣等林則徐行至廣東普甯縣途次病逝其欽差大臣關防並歷次所奉寄信諭旨各件著徐廣縉派委妥員迅速齎送廣西交李星沅祇領毋稍遲誤遺漏至廉州南韶等處勦捕事務亦關緊要徐廣縉著仍遵前旨籌辦廣東軍務以專責成將此由五百

里諭令知之○又諭廣西左右江各股逆匪情形現尚披猖兵貴神速不容一日疏懈李星沅周天爵未抵粵西以前著勞崇光向榮張必祿隨時妥籌堵剿前調湖南雲貴之兵計已到齊該署撫等正可乘機殲捕迅掃機槍地方責任綦重慎勿遷延觀望致有貽誤將此由五百里各諭令知之○又諭粵西賊勢披猖疊竄城邑戕害官弁蹂躪地方雖經鄭祖琛等督兵追捕於平樂一帶屢獲勝仗

並擒首要各匪而左右江各屬股數眾多四出搶掠勢甚蔓延李星沅自楚抵粵程途較近周天爵未到任以前已命勞崇光署理撫篆現計湖南貴州雲南等省所調官兵已有六千名次第可到該大臣即會同該署撫及向榮張必祿等悉心籌商督飭文武相機兜剿務期擒渠殲醜淨絕根株勿致竄逸旬結方為不負委任其鄭祖琛前在巡撫任內周旋粉飾各情已革提督閔正鳳畏葸無能及

該省地方失事官弁率多逃避捏飾之處疊經寄諭林則徐認真訪查現已諭令徐廣縉將林則徐所奉諭旨各件檢齊封固派員齎至粵西李星沅接收後即當逐加訪查務令水落石出據實覆奏斷不可稍有不實不盡將此由五百里各諭令知之○直隸總督訥爾經額奏遵查天津縣關廟劫案請將署知縣陳政典撤任勒緝得旨經朕詢問始行察訪要爾地方大吏何為汝貌似老成心實因

循以後務須惕勵慎勉為之○以前任漕運總督周天爵署廣西巡撫未到任前以布政使勞崇光署理○命前任兩江總督李星沅為欽差大臣馳赴廣西會同署巡撫周天爵勞崇光提督向榮張必祿剿賊○辛丑

聖祖仁皇帝忌辰遣官祭

景陵○

上詣

壽皇殿行禮○詣

關帝廟拈香○諭內閣工部奏東河應解銀兩延不解交請旨飭催等語東河應解水利飯銀前經該部奏明作為正款解交部庫節經該部行催尚欠解銀十五萬餘兩之多實屬延玩著顏以燝潘鐸覈明前項銀兩轉飭迅速解部以濟公需儻再遲延即著該部查取職名奏明交部議處○諭軍機大臣等有入奏直隸廣平府威縣有門丁書役蒙官舞弊本年三月間借

蘆殿大差為名恣意勒索百姓有田一項者出制錢一千文又於八月間以永定河挑挖引河為名有田一項者出制錢八百文共計索制錢不下兩萬餘串等語若如所奏該縣丁役膽敢藐法殃民藉端滋擾若不嚴究重懲何以儆貪蠹而除弊端著訥爾經額嚴密訪查丁役如何藉端科歛該縣知縣何以形同聾瞶難保無知情故縱情事且一縣如此其他州縣例外科派亦恐不免著該督一併查明從嚴叅辦訥爾經額若狃於積習不以民瘼關心一奏了事迨經朕查出朕惟知將訥爾經額重處不貸懍之原摺著鈔給閱看將此諭令知之尋奏署知縣石玠恭辦

蘆殿大差並未額外派累民間知縣趙德滋因報捐河工經費輒令鄉地湊辦雖事非強派賦未入已究屬因公科歛業經革職應請不准開復該縣丁役訊無蒙官舞弊情事應免置議下部議從之○壬寅江蘇巡撫傅繩勛

奏銅山縣知縣左仁擅將武舉趙天常等咨文驛遞現飭確查辦理得旨嚴行審辦○緩徵江蘇上元江甯句容溧水高淳江浦六合長洲元和吳江震澤常熟昭文崑山新陽華亭奉賢婁金山南匯青浦陽湖無錫江陰宜興荆溪靖江丹徒丹陽金壇溧陽山陽阜甯清河桃源安東高郵泰東臺江都甘泉儀徵寶應銅山沛蕭錫山宿遷睢甯太倉鎮洋通泰興海門川沙武進金匱嘉定寶山崇明

六十一廳州縣暨淮安大河揚州徐州蘇州太倉鎮海金山鎮江九衛被水村莊本年漕糧及新舊額賦有差○癸卯

上詣

壽康宮問

皇貴太妃安○諭內閣鄭親王端華現在丁憂其下屬應赴

慕陵值班之期著派春山會同裕誠前往補行住班○又諭前據裕泰等奏武昌府同知勞

光泰議論。謾務新章。其子率行刊刷。當降旨將勞光泰嚴加議處。並令陸建瀛查明該員所論。係何意見。據實具奏。茲據陸建瀛奏。該同知投遞稟函。並作有移岸三論。現在板雖銷燬。而散布已多。深恐商販見而裹足等語。淮南鹽務新章。甫有成效。豈可任不肖委員。散播浮言。阻撓挾制。著裕泰派員將勞光泰解往江南。交陸建瀛督同運司劉良駒嚴行審訊。務將摺內所指各情。逐一研鞫。據實具

奏。毋稍含混。當此整頓謾務之時。銷岸暢行。方收實效。裕泰總制楚疆。自當不分畛域。協力疏銷。著即督同該鹽道認真辦理。一面嚴密查訪。如有似此播散浮言者。即行拏究。按律懲辦。斷不可稍有徇隱。以除積習而杜弊端。○又諭。王植奏。請將差役擾民。不能約束之知縣革職。並失察之知府摘去頂帶一摺。安徽前署合肥縣知縣升補無為州知州莫善。於差役因案詐贓。匪棍乘機搶掠等情。先

既毫無覺察。後復意存護庇。實屬罷職不職。

莫英著即行革職。交該撫提集人證。嚴行審辦。

該管廬州府知府胡元燁。近在同城。未能查察。著摘去頂帶。督同新任知縣實力整頓。

儻仍前疲玩。即將該府一併嚴叅。○協辦大學士陝甘總督琦善奏。甯夏駐防滿營。應需

明歲兵糧。不敷估支。請於從前部議採買一

萬五千石之外。添買糧二萬七千七百石。以

資兵食。允之。○以惠親王綿愉著鑲黃旗領

侍衛內大臣。○命固倫額駙德木楚克扎布。

在御前大臣上學習行走。○緩徵兩淮富安

安豐梁垛東臺何垛丁溪草堰劉莊伍右新

興廟灣板浦中正臨興十四場被水竈戶舊

欠折價銀

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二十一

實錄卷三十一

三十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二十二

光緒二十九年十一月甲辰諭內閣徐澤
醇奏故員家屬應繳銀兩捏報家產淨盡審
明定擬一摺此案已故湖北黃州府知府楊
庚應攤賠屬員虧那銀共四千五百十二兩
零該前署江安縣知縣盧光吉並不認真查
追輒行捏報該故員家屬赤貧無力完繳並
有試用訓導周懋濤代為調停囑託等情盧
光吉周懋濤著一併革職所有未完攤賠銀
兩仍飭令該故員家屬按限賠繳○又諭文
興奏審訊侵蝕庫項案內查出虧短倉糧牽
殺修

道光三十年庚戌十一月甲辰諭內閣徐澤

光緒二十九年十一月甲辰諭內閣徐澤

三十一

涉前任糧員一摺著正白旗滿洲都統將前任烏什糧餉章京煜堃送交刑部訊明各情取具確供交該大臣按律覈辦尋接任烏什辦事大臣麟魁奏刑部取具煜堃親供據稱派令金泳德管倉因未飭令隨時曬晾以致徽變倉糧一千五百石之多煜堃又改派王德接管經王德查出所虧麥石呈明該員並不呈堂究辦僅令金泳德買補還款實屬迴護徇隱復因運往阿克蘇軍糧途次傷耗輒

行那用一千石至交卸時私令俞叔棠以代買糧價銀三百五十兩轉交接任糧餉章京寶賢而俞叔棠侵欺入己以致倉儲久虧合依那移庫款例問擬從之○四川總督徐澤醇奏鹽務積弊酌擬章程一稽查井竈透漏一責成關隘盤查一酌加鹽斤一清釐邊岸一勒繳殘引一嚴緝私販一課歸代商完納一裁革冗費又奏查辦茶務彌欠杜弊均下部議行○江南河道總督楊以增奏覆周天

爵所稱海口刷塌查無其事得旨認真確勘不可受屬員蒙混○以福建興泉永道張熙宇為甘肅按察使○賞鄭親王端華銀四百兩為伊母治喪○

上以冬至祀

天於

圓丘自是日始齋戒三日○乙巳諭內閣昨派

春山代端華輪赴

慕陵守護班期尚遠其前派

孝德皇后前冬至致祭之處春山自可屆期前往禮部率行奏請改派實屬疏忽禮部堂官著傳旨申飭承辦司員著查取職名交部察議○又諭慶祺奏米色潮溼請將幫弁摘去頂帶扣留挑晾一摺江西吉安幫領運千總姚文淦於領運米石不能慎重管束任令船戶使水攪和以致米石潮溼情形過重實屬懈玩姚文淦著摘去頂帶扣留北倉俟明春將潮溼米石挑晾乾潔再行驗收如有折

耗照例分別賠補現值回空受兌緊要之時若將該幫旗丁扣留候質轉恐有誤新漕著該侍郎就近查訊先飭該旗丁迅速回南趕兌新漕其船戶人等有無勾通舞弊情事俟刑部訊明後一併照例辦理諭軍機大臣等前因兩粵用兵及常年支放各項需費浩繁戶部請開籌餉事例朕以十數年來水旱河工業經屢次捐輸思與吾民休息御極之初即停止各項捐例以冀培養閭閻元氣而度支告絀又不能不先事豫籌宵旰縈懷時深焦灼因思各省藩庫報撥之款除部臣隨時籌撥外其留支持用及雜款各項銀兩中有可酌量暫緩及應裁應減者若使各就本省情形認真通盤籌畫亦可移緩濟急挹彼注茲部庫藩庫均為一體部臣籌之於內疆臣籌之於外協力同心庶克有濟該督撫等身受重恩當國家經費短絀之時定亦同深憂慮著督飭藩運兩司及關道迅速籌覈於

例撥諸款外每省或四五十萬或二三十萬酌定數目一面奏聞一面委員起解近京各省於封印前奏到遠省於明年開印前奏到如此則部庫可資周轉亦何必遽議開捐朕之本懷諒中外諸臣必能共喻也其有歷年積欠現已催繳在庫與清查案內追繳賠攤屆限應完之項一併詳查開單呈覽並飭迅速委解毋稍遲延將此各諭令知之欽此

西陵守護兵丁緩扣借支銀兩蠲免直隸安隆平甯晉河間文安永清東安七州縣積滯窪地本年額賦有差並緩徵本年及節年應完旗民糧租丙午

上詣

南郊齋宮齋宿 閩浙總督劉韻珂因病解任調湖廣總督裕泰為閩浙總督未到任前以福建巡撫徐繼畲署理調雲貴總督程喬采為湖廣總督未到任前以湖北巡撫龔裕畧理以浙江巡撫吳文鎔為雲貴總督湖北

布政使常大瀉為浙江巡撫雲南按察使梁
星源為湖北布政使○調湖南按察使春熙
為雲南按察使以直隸清河道陳之驥為湖
南按察使 丁未冬至祀

天於

圓丘

上親詣行禮○詣

關帝廟拈香○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝和睿皇后暫安寢殿○遣官祭

宣宗成皇帝暫安寢殿○遣官祭

孝穆成皇后

孝慎成皇后

孝全成皇后陵寢○遣官祭

孝德皇后殯宮○遣官祭

端慧皇太子園寢○詣

壽康宮問

皇貴太妃安○以禮節嫺熟賞太常寺卿常志

二品頂帶○賞八旗兵丁一月錢糧○戊申

諭內閣理藩院奏在京居住之喀爾喀圖謝

圖汗部落扎薩克多羅郡王倭特薩爾巴咱

爾請回游牧據呈請旨一摺倭特薩爾巴咱

爾尚未及歲既係情願回歸游牧著准其於

明年春際跟隨伊祖母並伊母回歸游牧令

其學習蒙古文字俟及歲時再行報部進京

陛見○又諭徐廣縉葉名琛馳奏勒辦翁源

境內竄入各匪大獲勝仗一摺廣東賊匪自在石角墟擊敗之後復分股竄入翁源縣屬各墟計有四千餘人經該督撫等派委文武員弁遴選精銳兵勇合力圍剿於十月二十一日在雪廟墩遇賊迎撲抗拒經兵勇登時擊退該匪竄入樹林冀圖設伏詎誘我兵排列五陣分路前進賊匪三千餘人亦分三隊抵禦疊經官兵奮力夾攻左右環擊自辰至申殲斃賊匪三百七十六名生擒一百六十七名受傷倒斃者一百六十八名各路捕獲者三百零二名並驗明殲斃頭目十二名訊明生擒頭目八名該匪橫行肆擾罪不容誅此次大加擒剿洵足寒賊膽而快人心惟賊股眾多難保不潰而復聚該督撫等務當督飭文武員弁趁此聲威益加奮勇殲滅羣醜力淨根株切勿以偶獲勝仗稍存大意另片奏籌撥經費等語著准其暫撥粵海關稅銀二十萬兩以資要需○諭軍機大臣等鄭祖

琛向榮馳奏生擒擁入遷江縣城之首匪並殲擒來賓案內劫獄戕官首夥各犯現經分路進剿一摺又片奏藤縣拒捕傷官及蒼梧縣擒獲各匪亦經擒獲並殲斃多名等語廣西各屬盜匪股數眾多現據奏稱擁入遷江縣城之首匪鍾亞春及來賓案內起意劫獄戕弁之首匪盧發申李四一併擒獲而各股著名兇渠難免分投竄逸現在向榮張必祿勞崇光業已到粵李星沅周天爵先後計可馳抵該省所調各省官兵亦可陸續到齊正當乘機追剿一鼓殲除勿任奔竄勾結方免蔓延貽患李星沅周天爵未到以前勞崇光等尤當及時盡心籌剿不可稍存觀望將此由四百里各諭令知之 以畏葸規避革廣西左江鎮總兵官盛筠職 予廣西陣亡千總鄧紹邦祭葬世職如守備例 蠲緩浙江富陽德清武康山陰會稽蕭山仁和錢塘海甯餘杭臨安新城嘉興秀水嘉善海鹽平湖

石門桐鄉烏程歸安長興安吉孝豐慈谿奉化諸暨餘姚上虞嵊金華蘭溪東陽義烏永康武義湯溪西安龍游建德淳安遂安壽昌桐廬分水臨海天台縉雲四十八州縣暨杭嚴衛被水村莊新舊額賦有差並賑山陰會稽蕭山諸暨安吉五縣災民兩月口糧仁和錢塘餘杭餘姚上虞五縣災民一月口糧○己酉諭內閣吳文鎔奏請將造冊舛漏之知縣議處一摺浙江現任常山縣前署永康縣

知縣李維著於永康縣任內應行復造清查豁免各冊並不覈實復查致有舛漏實屬顛預草率李維著著交部議處所有冊報漏存銀二萬九千八十餘兩即著落該員照數賠繳以示懲儆其率行轉造並未查出之該管金華府知府崇福並著交部察議○追封孝德皇后父原任太僕寺卿富泰為三等公母宗室氏為公妻一品夫人祭一次修墳建碑如例○以禮部尚書惠豐暫署兵部尚書

庚戌

上詣

壽康宮問

皇貴太妃安○諭內閣惠親王係朕之叔前經降旨於叩拜禮節加恩優免因思諭旨奏章內與諸王一律書名朕心仍有未安嗣後除朝祭大典外其餘諭旨並各衙門奏摺祇書王號毋庸書名以示朕敬長親親有加無已至意○又諭琦善奏河北番回及循化撒拉

悔罪投誠縛獻各賊審明辦理一摺另片奏在事出力人員可否分別保奏等語番回擾害良民頻年肆行搶劫自應加以懲辦該督帶兵巡閱先將潛踞內地之雍沙番及黑城撒拉回匪次第勦除現在黃喀窪番族悔懼該管喇嘛率領頭目人等縛獻賊犯一百數十名均經分別審辦西甯東路河北一帶番回及循化八工撒拉均已投誠現飭提鎮等撤兵歸伍辦理尚為迅速其黑城地方移駐

營汛之處著即妥議具奏此次在事出力文武員弁著該督擇其勞績尤著者分別保奏候朕施恩毋許冒濫○諭軍機大臣等有人奏本年入秋以來海盜猖獗大船中礮械具備每遇商船劫人勒贖按船隻之大小貨物之多寡勒銀自數百兩至一二千兩不等計八月中劫案多起均在復州錦州地方登州商船亦有被劫勒贖之事天津海口一帶毗連奉天山東為商船往來要地若如所奏盜賊肆行無忌商民望而裹足非嚴拏懲治必致釀成後患著奕興訥爾經額陳慶偕督飭地方文武無分畛域認真巡緝合力殲擒其摺內所指各案盜匪務期設法購獲以淨根株毋得稍有諱飾原摺均著鈔給閱看將此各諭令知之○又諭有人奏本年十月初甘肅七品小京官張瀚由天津回籍行至邢臺縣離城三里地方被劫去銀一千三百兩又平泉州民人曹鳳志劉聰行至密雲縣之九

松山地方被騎馬賊二人劫去銀四百四十兩並紬緞等物劉聰被賊扎傷報縣驗明案犯未獲又赤峯縣民人王姓於二十九年九月行至順義縣地方被賊搶去現銀三十餘兩並會票一張馬一匹經事主報縣被押四十餘日案犯均未報獲等語畿輔重地屢經申諭整頓何以任聽搶劫橫行可見捕務廢弛已極著順天府府尹直隸總督嚴飭所屬按照所指各案嚴行查拏從重究辦如查有兵役庇賊官弁諱盜等情即行從嚴叅辦原片著鈔給閱看將此各諭令知之○戶部會同王大臣等議覆兩廣總督徐廣縉廣東巡撫葉名琛奏粵省清查倉庫欠解各款實數分別勒追籌補應如所奏辦理從之○馬蘭鎮總兵官慶錫奏報瑞雪優霑得旨似此祥雲實堪慶幸但不必如此頌揚轉成虛文○以鑲黃旗漢軍副都統劉鈺署正黃旗漢軍副都統以直隸大名鎮總兵官炳文為福

建陸路提督江甯城守營副將董占元為直
隸大名鎮總兵官 鑄給雲南順雲協新設
左右二營守備關防從總督程喬采請也
予故福建陸路提督徐華清祭葬諡威恪
辛亥江南河道總督楊以增奏洪湖修補石
工完整報聞○山西按察使孫毓汶奏報接
印任事得旨受恩若驚固人臣之分朕期汝
永待斯念慎終如始勿蹈因循勿過率真汝
之心地才能早為朕嘉賞於汝實有厚望焉
慎勉為之 壬子河東河道總督顏以燠奏
遵查十字河情形 切履勘得旨妥為查勘
不可稍有遷就○福州將軍裕瑞等奏察閱
官兵技藝得旨操演技藝必當勤奮辦理營
務亦當公平爾等毋忘 癸丑

上詣

壽康宮前殿行禮後殿問

皇貴太妃安 詣

英華殿拈香 諭內閣田雨公奏陳用人宜

慎三條朕詳加披覽其所言用人常經尚不
為無見至倭仁以三品卿給予副都統職銜
作為葉爾羌幫辦大臣邊疆大臣要任令其
歛歷諳練並非投閒置散而該少卿以為用
違其才若如所奏則外任皆為左遷而新疆
換班者尤為擯斥豈識國家文武兼資內外
並重之微意乎孫瑞珍年近七旬精力尚健
於戶部事務本非素習然數月以來朕觀其
孜孜講求無時稍懈該少卿稱其辦公竭蹶
物議紛滋經軍 入臣傳旨詢問僅以傳聞
嘲誚之詞回奏其傳聞數端又皆同堂公議
並非孫瑞珍一人之私見朕親政伊始耳目
未廣用人惟知公正從不稍存成見九卿科
道拾遺補闕朕所樂聞然黜陟大權朕自持
之田雨公此奏殊屬冒昧著傳旨申飭嗣後
有言責諸臣仍當遇事直陳無隱不得因有
此旨遂緘默不言負朕虛衷納諫之本意也
又諭程喬采奏甄別遊擊都司一摺雲南

提標右營遊擊現署開化鎮遊擊向文美當防堵鄰省盜匪之際軌行告病顯係規避著即革職貴州鎮遠鎮左營遊擊彭萬春精力就衰雲南楚雄協都司姚華年逾六旬辦事竭蹶均著勒令休致貴州畢赤營遊擊克木能額於營務難期振作著送部引見姚華承襲之世職著該部照例辦理大理寺少卿田雨公奏新授道員呂佺孫知府孫毓桂未及到任均擢臬司用人太驟恐閱歷未深無

實錄卷三十一

六

以收駕輕就熟之效得旨朕之破格恩施乃振興之權汝所言乃用人之常經所奏不為無見然二人究有何不堪外任者何不明言又奏外官有聲名平常經督撫科道叅奏者驗之不爽當經斥罷若留京補用恐黜者冀死灰之然劣者為棧豆之戀批此又何不明指其人朕知之汝所奏意必在萬貢珍嚴良訓二人然二人亦堪內用者免雲南銅廠民欠無著工本銀○甲寅諭內閣朕聞各省

州縣虧那庫項往往藉流攤名目列入交代積弊相沿遂成鉅款前於清查案內疊經王大臣會同戶部議立章程禁止流攤濫抵等弊並嚴飭交代盤查認真稽覈第恐奉行日久視為具文不肖州縣復逞其侵漁故智上司不加查察甚或有意徇隱舊欠未補新虧又增國家度支有常豈容如此耗蠹著各督撫府尹於所屬各州縣覈算交代時如查有分年流攤名目或虛報工程或藉稱賠累輾

實錄卷三十一

十七

轉攤認以致庫款虛懸即行徹底根究嚴叅懲辦庶侵虧之弊可杜彌縫之習漸除儻仍前徇庇經朕查出或被人叅奏定將該督撫等一併重懲不貸將此通諭知之○又諭近來各省盜賊橫行劫案累累甚至湖南會匪滋擾兩粵賊勢蔓延推原其故皆由保甲之法不行以致莠民無所忌憚本年春間曾經降旨通諭各直省督撫嚴飭該管州縣力復舊章實心辦理迄今已逾半年各省大吏並

未將現辦情形據實覆奏。是直以通諭為虛文。視保甲為故事。無怪各省搶劫之案層見疊出。毫無儆畏也。盜匪一日不除。閭閻一日不靖。安良鋤暴。時廩朕懷。各督撫府君身任疆圻。宜如何勤思綏輯。著即遵照前奉諭旨。各將地方現辦章程據實具奏。州縣中認真奉行。著有成效。眾所共知者。即應加以鼓勵。其奉行不力。或虛詞欺飾。及借端擾累者。亦即指名嚴參懲辦。以肅吏治。而清盜源。毋得

實錄卷三

六

以空言覆奏。致良法美意徒成具文。將此通諭知之。○又諭。理藩院奏扎薩克多羅郡王托克托瑚圖魯以其第二子三音蘇查喇勒圖賞挑乾清門行走差使。呈請來京叩謝天恩。一摺。因思喀爾喀車臣汗部落距京師路途較遠。加恩托克托瑚圖魯著毋庸入京謝恩。○又諭。都察院奏浙江生員俞紹聖具控吏部書吏章石樵索詐不遂阻襲世職等情。著步軍統領順天府五城一體查拏章石樵。

送交刑部嚴行審辦。俞紹聖著聽候傳質。其應否承襲世職之處著該部照例辦理。○大學士兼管順天府府尹卓秉恬等奏遵查香河等縣搶劫各案分別辦理並飭各屬認真查緝情形得旨。所奏各情節惟哈玉麟一案尚有實不盡著再嚴行查辦。不可含混了事。一奏塞責。○調成都將軍倭什訥為杭州將軍。杭州將軍奕湘為成都將軍。○乙卯諭內閣。給事中黃兆麟奏稽查倉內情形請飭

實錄卷三

九

查辦一摺。據稱本月二十五日萬安倉倉門無故敞開。監督並不在倉。任容夫役多人擁入。經該給事中查問。則以挑晾為詞。其中顯有情弊。著倉場侍郎即查明是日入倉之夫役人等。按名解送刑部。嚴行審訊。其贖誤值宿之監督。交部嚴加議處。不該班之監督。交部議處。仍著聽候傳問查辦。○又諭。鄭祖琛向榮馳奏勦捕賊匪大獲勝仗情形一摺。廣西土匪竄擾武緣賓州慶遠等處。經該提督

向榮親督官兵馳往慶遠迎勦賊眾約有二千餘人在龍門司之索潭墟盤踞該提督恐其聞風逃竄不及早餐即督率將弁飛馳進勦殲斃賊匪數百名乘勝縱火圍攻該匪被傷燒斃及落崖身死者無數向榮甫經到粵即能身先士卒激勵將弁實屬忠勇可嘉其武緣賓州等處亦經該處文武督率兵勇圍練齊心勦力斬獲甚多均堪嘉獎此次出力員弁及紳民團練人等著李星沅周天爵勞

實錄卷三

三

崇光向榮等查明保奏候朕施恩現在兵威大振賊勢已蹙所調鄰省官兵計亦次第到齊正可乘機分路進勦悉數殲除勿留餘孽候補提督張必祿現雖病故其所帶弁丁等三十餘人想可得力均著留於軍營交李星沅等酌量差遣委用○又諭奕興奏繳口外牧廠地段懇請賞收一摺奕興舊有察哈爾所屬蘇魯克地方牧廠一段現因牧丁在彼滋事難以照管情願呈繳著照所請將牧廠

賞收其看廠丁戶等均交察哈爾都統等管理該處原撥看廠丁戶生齒日繁且與試墾地畝間有毗連應如何酌定章程嚴加約束不致日久滋事之處著該都統等妥議具奏尋察哈爾都統恆春等奏奕興牧廠應歸入察哈爾正黃旗游牧其丁戶統歸該旗總管等管轄仍令在牧廠棲止以免失所遇有命盜詞訟案件歸該旗承緝訊辦並於該丁戶擇人品端方者充作首領就近彈壓並由

實錄卷三

三

總管參領查明丁戶內有才堪造就者以各佐領下甲兵缺酌補該旗總管參領按年親歷詳查嚴禁私墾於年終結報咨部如該廠蒙古有犯竊劫案件將該旗總管參領照失察本管兵丁間散例交部議處下部議行○熱河都統惟勤奏報十月分糧價得旨飭查盜匪之事豈盡忘耶何多時不見覆奏抑亦另有別情著速行查訪具奏斷不可希圖含混豈以按月奏報照例數語遂為克盡厥職

懷之○以湖廣督標中軍副將雙福為河南河北鎮總兵官○予故河南河北鎮總兵官波啟善祭葬子安喜安林侯百日孝滿後帶領引見○展緩河南祥符榮澤商邱夏邑甯陵鹿邑永城柘城陽武原武鄆陵睢臨漳內黃鞏汜水陳留通許洧川中牟蘭儀鄭陽密新鄭湯陰安陽林武安汲新鄉獲嘉淇延津滑濬考城濟源修武孟洛陽偃師淮甯項城河內扶溝武陟溫西十八州縣被水被雹

實錄卷三

三

村莊並河占沙壓地畝節年緩徵銀米及民借籽種口糧倉穀○丙辰

上詣

壽康宮問

皇貴太妃安○諭內閣惠親王賽尚阿明訓奏

請飭催香鑪地租銀兩等語

雍和宮各殿香鑪供獻等項向由直隸大興等州縣官徵地租銀錢供備應用茲據奏稱此項地租歷年拖欠為數甚鉅節經催提延未

解到著直隸總督即將嘉慶二十五年以前陳欠並道光元年以後續欠銀兩錢文查明勒限嚴追迅速解交毋誤公用嗣後務須年清年款不准再有帶欠儻仍延宕著即從嚴參辦○兩廣總督徐廣縉等奏遵覆周天爵條陳夷務情形得旨卿智深勇著視國如家所奏各情形甚當朕聞汝今秋偶有微疴此時佳善否○贈故候補提督張必祿太子太保子祭葬諡武壯子同知由基蔭生由庚均俟服闋後帶領引見○丁巳諭內閣都察院奏廣西生員洗激清等呈訴逆匪橫行等情廣西土匪猖獗已疊降嚴旨飭令迅速勦辦並特派大臣前往會同巡撫提督等督率進兵著李星沅周天爵勞崇光按照紳士所訴受害各情節嚴密訪查一併按律究辦以安人心原告洗激清著即飭令回籍聽候查辦○諭軍機大臣等前據都察院奏密雲駐防已革馬甲魁山京控一案當交刑部審辦並

實錄卷三

三

派軍機大臣會同審訊。茲據奏稱密雲修理營房等處均係前任副都統雙德任內之事。並據海玉、蘇克都亨等供：道光二十七年間報修營房六處，估銀二千九百七十五兩。經海玉如數向藩庫領出，祇以二千三百七十五兩交庫收存，其餘六百兩或稱購料，或稱部費。海玉、蘇克都亨均向雙德回明等語。此項工程銀兩，海玉何以短交，蘇克都亨何以短收？既據各供回明，雙德何以當時雙德並不查明究辦，其短交短收之銀當日究係如何回明，作何使用？著雙德據實明白回奏。毋稍含混。將此諭令知之。尋奏：海玉用過銀六百兩，曾向稟明係屬部費，得旨：雙德著即解任。由慶祿派員伴送來京聽候傳質。○以故追封三等公富泰繼子德懋襲爵。

實錄卷三

三五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二十二

實錄卷三

三

究辦被賊各區尤當妥為招撫以安民心又

黏鈔一本並杜受田奏單均著鈔給閱看將

此由四百里各諭令知之○又諭陸建瀛奏馳往勘籌海口三牘等語據稱現在清高於黃回空漕船得以暢行正可乘勢刷黃無失機會至海口攔沙是否塌通草壩偏溜是否得介並添塘避牆較量水面高下是否合宜均著該督會同楊以增仍遵前旨親往確切勘明悉心妥議分別具奏將此諭令知之○又諭琦善奏遵旨覆陳勦辦雍沙番賊情形一摺另片奏現訊通事各供及蒙古近日情形各等語雍沙番賊歷年搶劫內地民人既經該督查明均有報案可憑並現訊各供確鑿可據自應如此辦理惟該處蒙古番雜處駕馭撫綏在在均關緊要該督務當隨地隨時豫籌妥辦總期法立於無弊患消於未萌儻經此次勦辦之後反致該處蒙古番族互啟猜疑別滋事端朕惟該督是問懷之慎之將此諭令知之○兩江總督陸建瀛奏淮甌銷路湖廣為巨惟有自任其難而於湖北鹽道

鄒之玉等全不計較誠恐遷怒商販尋隙騷擾無裨公事得旨鄒之玉如顯有阻撓情事何妨專摺奏參不可拘泥○緩徵甘肅河隴西靈西甯靈臺五州縣及隴西縣丞所屬被水被旱被雹被霜被災區舊欠額賦並皋蘭靖遠甯夏甯朔中衛平羅六縣新舊額賦○己未諭內閣吏部等衙門會議廣西學政孫鏞鳴陳奏四條一摺州縣為親民之官自應各守本任俾得盡心民事近日紛紛調署雖云為缺擇人恐不免為人擇缺一存調劑之見便開奔競之風此種積習於官方大有關繫至佐雜微員遽令署理正印尤易貽誤地方著各直省督撫力加整頓破除積習凡實缺州縣等官不得無故調署亦不得令佐雜濫署正印其有實係人地相需必須調署及委署者務宜各按定例秉公辦理毋稍瞻徇以杜夤緣而肅吏治將此通諭知之○諭軍機大臣等前據哈勒吉那奏稱琦善帶兵出卡

將海蘭插帳雍沙番子殲斃淨盡奪獲牲畜
擊打番帳等情當經諭令琦善明白回奏並
飭哈勒吉那查明覆奏嗣據琦善疊次奏陳
勒辦情形與哈勒吉那覆奏該管郡王呈訴
各情節迥不相符事關控取蒙番辦理稍有
失宜易致藉口啟釁薩迎阿現已有旨諭令
回京著即迅速馳赴西甯沿途密訪並將該
郡王恭木楚克集克默特並台吉集克默特
納木加立多爾濟端多布旺扎勒等傳齊悉

心查問該番族住牧該處原委及現在因何
遷延未回原牧其戕官劫搶各案是否積年
舊案抑係近時滋擾琦善辦理此事時其巡
邊摺內未經先行奏明是否因勒除柯柯烏
蘇賊匪未能得手移兵雍沙掩其不備誅戮
過當以致波及蒙古濫殺無辜且牲畜器械
奪獲者是否皆係賊物通共擊斃番族若干
蒙古人等若干所訊各供是否確鑿有無刑
求威逼情事其勒辦黑城撒拉回匪及黃喀

窪獻賊投誠等情是否所奏皆實此次辦理
之後現在蒙番情形如何琦善等摺內所陳
各節均著逐一訪查據實具奏薩迎阿久任
邊帥於地方綏輯事宜諒能深思熟計弭患
未然斷不致豫存成見遷就了事務當秉公
持平剖析是非如琦善有辦理過當及哈勒
吉那偏聽飾詞之處即應分別參奏不得稍
有不實不盡至蒙番如何經久相安不致別
生枝節一併通籌妥議奏聞琦善哈勒吉那

前後各摺件並單均著發交薩迎阿閱看將
此由四百里諭令知之○京畿道御史長秀
奏請湖南營制仿照浙江貴州廣西三省之
例鎮將以下就近由巡撫節制下部議從之

○庚申

上詣

壽康宮問

皇貴太妃安○貴州巡撫喬用遷奏遵旨飭屬
嚴防並拏獲陳亞潰匪黨審辦情形得旨仍

應飭屬嚴防不可疏懈如再續有擒獲務須訊明現在粵西究有幾股盜匪是否聲勢相通據實具奏慎之○以太僕寺卿托倫布為內閣學士兼禮部侍郎銜翰林院侍講學士愛仁為大理寺卿○辛酉諭內閣嗣後除朝祭大典外內廷行走班次及各衙門請派差使單內惇郡王奕諒著在恭親王奕訢之前○又諭吏部奏尋常捐輸議敘請酌定限制以杜冒濫一摺各省官紳商民急公報效捐

輸銀穀及捐辦各項工程該督撫覈實具題俱准分別給予議敘乃近年各省尋常捐輸每將歷年久遠之案彙請議敘其間官易數任稽覈稍疏難保無蒙混冒濫情弊自應予以限制嗣後各省尋常捐輸著自事竣之日起統限一年內由該督撫查明覈實具題如實有不能依限者准其咨部展限一年辦理如再逾限即毋庸議並著吏部於具題到部之日趕緊覈辦奉有諭旨即咨行該省督撫

速飭地方官按名傳知各該捐生俾得早邀獎敘不得任令吏胥人等抑勒稽延致滋流弊○諭軍機大臣等軍機大臣刑部會奏解任密雲副都統德順案內人證供難憑信請旨飭查一摺此案已革馬甲魁山京控海玉那用工程銀六百兩一節業經訊明其餘呈控各情質之現傳人證俱與魁山控詞不符難保無串供狡展情事魁山原呈既稱合營皆知自應一一訊明方成信讞現據禧恩遵

查德順被控案內大概情形已交軍機大臣會同刑部查覈訊辦著禧恩再將密雲未經傳案之協領以下驍騎校以上各員就近逐一查訊德順曾否剋扣餘銀伊子托京阿會否前往密雲賣缺家人高二有無得贓求情並與德順囑鬧情事按名各取親供奏明咨部如有與魁山控詞相同者即究出實據酌傳送部以憑質對至高二籍貫現訊各供或稱江蘇或稱甘肅均未確指州縣地址密雲

署中必有書役人等知其蹤跡是否現在密雲藏匿抑逃往何處並著禧恩確切查明據實具奏原摺著鈔給閱看將此諭令知之尋奏高二籍貫不能知其確據先將常川在署之柯克僧額等咨送刑部得旨著軍機大臣會同刑部審訊○改鑄山西絳縣知縣印信從巡撫兆那蘇圖請也○壬戌

上詣

時應宮

福佑寺

昭顯廟拈香○緩徵江西南昌新建進賢清江峽江鄱陽餘干建昌安義德化湖口彭澤十二縣被水災區本年額賦並展緩南昌新建萬年星子建昌安義德安瑞昌彭澤豐城鄱陽都昌湖口新喻新淦德化進賢餘干峽江新昌清江二十一縣及九江同知所屬積歎村莊銀米蘆課○癸亥
孝惠章皇后忌辰遣官祭

孝東陵○

上詣

壽康宮問

皇貴太妃安○察哈爾都統雙德緣事解任以前任荊州將軍賡福署察哈爾都統未到任前以察哈爾副都統慶祿暫行署理○甲子改鑄浙江鄞縣知縣印信從巡撫吳文鎔請也○旌表守正捐軀浙江桐鄉縣民周維熊母潘氏○蠲緩浙江仁和錢塘富陽海甯餘杭臨安新城嘉善石門桐鄉歸安烏程長興德清武康安吉嘉興秀水海鹽平湖二十州縣被水被旱積歉災區新舊漕糧○緩徵浙江東江曹娥蘆港仁和四場被水被風竈地新舊額賦○乙丑

新舊額賦○乙丑

上詣

大高殿行禮○諭內閣劉韻珂徐繼畬奏續倫謀命重案訊驗未能明確請將代理知縣原委典史分別扣留撤任一摺此案倫紀攸關

稟詳互異虛實均應根究前代理甯化縣知縣對調浙江永嘉縣丞黃開先著扣留該省長汀縣典史吳錫蕃著即撤任交該督撫等歸案徹底嚴訊並速調鄰省諳練件作覆檢屍傷務期水落石出情罪允當以成信讞尋李芝昌奏遵訊甯化縣民楊威岐等聽從楊茲琬誣告楊茲珪瀆倫謀命汀州府知府李佐賢原詳未確代理知縣黃開先失察縣役索詐夫價請將李佐賢照例議處黃開先

重華奏

土

革職典史吳錫蕃革職杖六十徒一年下部議從之○諭軍機大臣等劉韻珂徐繼畬奏接據琉球國來文嘆夷船噠哈尚未撤回仍咨兩廣總督查辦等語嘆夷船噠哈住居琉球已閱數年該國以有嘆夷船隻到彼仍未載回且出恐嚇之言致該國甚為憂慮復行籲請查辦前經徐廣縉奏稱該酋咬咬設詞推諉自係意存逗遛惟琉球以海島藩封頻來呼籲未便置之不問著徐廣縉再向咬咬

設法開導妥為勸諭務令將咭噠哈等及早撤回免致該國驚擾又據劉韻珂等奏有大西洋葡萄牙國黑夷上岸用刀戮傷民人林舉為一案福州並無該國領事官現已移咨該督並將兇夷哈波囉吐哈噠二名解送廣東等語夷人領事官住居澳門著俟解到後即飭發交該領事官查照章程秉公辦理以符成約將此諭令知之○又諭劉韻珂徐繼畬奏匪船槍斃夷人並上岸夷人戮斃民人

重華奏

土

現分別照例辦理等語據稱蘇以天即囑國夷人發士呂吉士在內洋突遇賊船被槍將發士刺落水中淹斃現將匪船上之朱青青等四名擊獲著徐繼畬於現獲匪犯內先行嚴訊兇犯確係何人按律定擬懲辦如裕泰現已抵任即會同研訊明確務使民夷各得其平毋任稍有偏倚致令別生枝節其上岸黑夷用刀戮斃民人林舉為一案既據查明福州並無大西洋葡萄牙國領事官即著遵

委委員將兇夷噙波囉吐哈噠二名解送廣東交徐廣縉查照條約辦理將此諭令知之○撫恤朝鮮國遭風難夷如例○丙寅頒賞王大臣暨內廷翰林各省督撫

宣宗成皇帝御製詩文餘集各一部○諭軍機大臣等御史金昀善奏泰江蘇知縣侵賑蝕穀消弭命案各劣蹟一摺據奏江蘇賑務交州縣領放多有不實如所參署寶山縣知縣吳雲前署青浦縣知縣毓慶休致無錫縣知

縣張轉晏縣知縣李輝德改簡吳江縣知縣姚銳署震澤縣知縣陸保武進縣知縣張慶韶或侵吞賑項或乾沒賑餘或以穀價罰賑抵賑或減放賑數或以賑銀那補他縣前虧或領賑不發牽混民捐或浮開戶口按圖索費以及委員查辦賑務賄和控案含糊了結又據稱崇明縣知縣孫豐匿災不報借荒侵蝕倉儲又有土棍張龍圖姦不遂焚斃朱天素之妻子一家三命重案該員倡令屍親具

結及縱容幕友衙黨勒借民財等事如果屬實尤為貪劣著陸建瀛按照所參各員劣蹟秉公嚴密訪查據實參辦毋稍瞻徇姑容原摺著鈔給閱看將此諭令知之尋奏原參各節均無實據惟毓慶李輝德以正賑例賑銀錢數目輾轉造銷遲緩張輯准令屍親更正報呈並未聲敘請一併交部議處從之○又諭前因琦善疊次奏陳勒辦雍沙番子情形與哈勒吉那覆奏該管郡王呈訴各情形不

符業經降旨令薩迎阿於回京時馳赴該處密查矣茲又有人奏稱琦善到任後屢有番賊搶掠重案該督並未嚴飭勒除至本年七月間始奏請巡閱時帶兵追捕於時番賊搶劫頻聞該督始猶移兵避賊迨賊眾抗拒不得已調兵會剿乃於番賊逃匿之後將熟番妄行殺戮並嚴拷被獲熟番倡令供認勾結其晚間開礮轟斃撒拉回子情形尤為慘酷若如所奏該督濫殺無辜貪功喜事於邊務

大有關繫著薩迎阿於接奉前旨馳往密查之際按照摺內所指各情一併嚴密訪查據實具奏斷不准稍有隱飾諒薩迎阿必不肯代人受過也原摺著鈔給閱看將此由百里諭令知之改鑄江蘇吳縣知縣印信從巡撫傅繩勛請也○丁卯

上詣

壽康宮問

皇貴太妃安○戶部議覆山西巡撫兆那蘇圖

奏變通河東鹽務章程○復長商以專責成○裁浮費以歸節省○禁擡池價以杜居奇○酌減銷價以節虛糜○暫停活引以紓商力○河工經費照時估以錢易銀○按引加斤以濟不足○商鹽加價以裕公項○嚴緝私販以免滯銷○三場均運以裕池產○應如所請飭令覈實辦理從之○以固倫額駙德木楚克扎布為總理行營大臣○戊辰
孝和睿皇后初周年忌辰遣惠親王綿愉詣

昌陵聖殿恭代行禮○諭內閣徐廣縉葉名琛馳奏佛岡英德兩處勦匪疊獲勝仗並廉州疊次殲擒巨匪又覆奏兩省交界嚴防合勦各一摺廣東南韶一帶匪徒前在翁源縣境受創後餘匪尚多經該督撫等督率文武於十一月初二日在佛岡廳之二渡水地方砍斃執旗頭目五名生擒頭目二名轟斃一百六十五名又於初九日在英德縣之望樓坪等處斃賊二百八十六名生擒十五名現在匪徒疊次潰竄入山官兵逼近巢穴葉名琛親督戎行務當嚴飭弁兵一鼓作氣分路進攻以期擒捕淨盡尤須據險持重步步為營不可稍存大意至廉州一帶匪徒以方晚為渠魁現經鄉民應募擒獻正法並將廣西匪首蘇三誘獲殲斃又靈山縣與廣西宣化接壤匪首陶安仁嘯聚多人經該縣調帶兵練由紳士引入巢穴分路夾攻殲斃百餘名殺斃三百餘名並將匪首陶安仁轟斃賊巢盡

行焚毀該府屬舉行團練頗為有效又署欽州呂詮訪獲通賊助逆之土匪七名悉數正法辦理亦頗得要其方晚餘匪劉八一股及陶安仁夥匪黃大等仍著分飭迅速勦辦所有南韶一帶兩次勦匪及廉州殲擒巨匪之出力員弁紳勇俱著查明酌量保奏兩粵接壤之區肇慶一府尤為西江往來門戶其餘各屬多與廣西毗連現值賊匪被創奔竄該督撫等惟當督飭文武紳勇於各要隘處所

合力兜勦毋任免脫總期一律肅清迅殲羣醜以慰朕望○又諭前因廣西各屬被賊蹂躪徵調頻仍特降諭旨令林則徐查明被擾及官兵經過地方將本年應徵錢糧分別蠲免緩徵現據鄭祖琛奏請將歉收及被擾地方酌量分數應徵應緩自係在未奉諭旨以前朕軫恤民艱惟恐澤不下逮致吾民顛沛失所著李星沅周天爵勞崇光等遵照前旨迅速查明鄭祖琛所奏情形是否分別緩徵

即可稍紓民困如兵燹之後州縣中有全境被擾力難輸將者即量予豁免朕亦不惜立沛恩膏俾吾民共登衽席李星沅等務即悉心體察詳細查明據實具奏毋稍延緩○諭軍機大臣等據徐廣縉奏通籌廣西勦辦事宜並武緣縣兵練大獲勝仗各一摺廣西平樂柳州一帶自陳亞潰就擒漸見安戢惟潯州慶遠思恩等府賊數眾多兵力較單自應擇要併力攻圍以期迅速肅事李星沅計已

行抵軍營著即與周天爵勞崇光向榮體察各郡形勢密訪盜賊淵藪悉心籌畫合力攻擊其調到各兵道路不熟恐羣匪乘間竄逸或設伏抗拒互相勾連亦須酌籌妥為布置總期兵多力厚將賊匪屯聚最多之處先行掃除他股畏懾軍威定能望風解散兵機制勝全在該大臣等因時因地調度得宜朕亦不為遙制也另片奏武緣勦賊兵練得力前據鄭祖琛奏到已降旨令該大臣等查明出

力兵勇據實奏請鼓勵此次徐廣縉所奏得獲勝仗全賴團練之力與鄭祖琛摺內開列姓名互有詳略著該大臣等迅速查明覈實保奏候朕施恩其各郡團練有能似此奮勇出力者該大臣等一併查明奏獎至兩粵交界處所尤須嚴密督飭防守毋令盜匪此擎彼竄是為至要徐廣縉各摺均著鈔給閱看將此由四百里諭令知之○又諭前因疊有人奏嘆夷強租閩省神光寺居住民夷不安

各摺當降旨交劉韻珂徐繼畬查奏旋據劉韻珂等奏稱該夷寂處蕭寺斷難久延復降旨查詢何時該夷方可搬去何以前此令其闌入令劉韻珂等據實直陳現在劉韻珂業已因病令其開缺新任總督裕泰尚未到閩徐繼畬職任封疆撫民防夷責無旁貸乃於降旨飭查至再至三之事日久並不奏聞是既已錯誤於前又復因循於後漫不關心成何事體徐繼畬著傳旨申飭刻下神光寺夷

人究竟曾否搬出該撫現在如何籌辦夷情是否靜謐紳民能否相安俱著明白回奏毋再含混延宕將此諭令知之○又諭前因有人奏閩省夷情叵測漸至蔓延當降旨交徐廣縉逐加訪查據實奏聞茲據該督奏稱閩省督撫但知將就夷人不思固結百姓以致夷情愈驕民心日離現將發去摺內各情繕札委員前往確查等語著徐廣縉於該委員查明稟覆到日即將閩省實在情形是否內

地奸人為之勾引詳細陳至咬箇與閩夷有無暗通信息之處著隨時密查具奏將此諭令知之○廣西巡撫鄭祖琛奏請酌增兵丁鹽菜及壯勇工食從之以御前大臣上學習行走固倫額駙德木楚克扎布為後扈大臣○予廣東陣亡守備馬兆祭葬世職如都司例外委何正光祭葬世職旌表守正捐軀江蘇崑山縣儒童王樹元妻周氏江西德化縣民朱明貴聘妻鄒氏○己巳

孝德皇后初周年忌辰遣怡親王載垣詣

頤宮行禮○諭內閣朕恭讀

皇祖仁宗睿皇帝諭旨申明

世宗憲皇帝

高宗純皇帝成訓嚴禁朝臣與諸王往來交接

杜漸防微意深且遠朕親政以來諸王暨內

外大臣率皆承事

先朝定知恪守憲章靖共爾位第恐法制禁令

習久漸忘用特重申儆諭嗣後除奉旨會辦

事件及因公接見外諸王與在廷大小臣工

各宜懍遵

聖訓引嫌自重固不得私信交通致啟賄託之

漸雖文墨細事亦不得有唱和之風其封疆

大吏斷不准私行干謁信札往還在諸王守

身謹慎恩眷克承而諸臣循分從公夙夜無

忝庶期朝綱整肅臣職交修仰副

列祖諄諄訓誡之至意朕於諸王大臣有厚望

焉其令宗人府各部院旗務衙門並各督撫

將軍等衙門各錄一通敬謹懸挂用資儆惕

○又諭陸建瀛奏請崇正學以黜邪教等語

近來邪教流傳蔓延各省始不過燒香斂錢

煽惑愚民漸至聚眾滋事總因地方官平日

化導無方民間父兄師長又不能隨時訓迪

俾顛蒙服教畏刑不致為邪說所惑我

皇考曾命儒臣恭聞

聖諭廣訓黜異端以崇正學一條編撰四言韻

文頒行各省啟發愚氓朕思性理諸書均為

導民正軌著各直省督撫會同各該學政轉

飭地方官及各學教官於書院家塾教授生

徒均令以

御纂性理精義

聖諭廣訓為課讀講習之要使之家喻戶曉禮

義廉恥油然而生斯邪教不禁而自化經正

民興庶收實效各該督撫等務當實力奉行

毋得視為迂闊具文日久生懈則風俗人心

蒸蒸日上朕實有厚望焉將此通諭知之○

又諭

孝德皇后之母家著擡入鑲黃旗○又諭前據刑部具題湖南民鄭添明毆死小功服叔鄭正煥一案內閣照例票擬雙簽朕詳加披閱該犯之小功服叔鄭正煥行竊雖在昏夜而被毆不止一傷豈有負痛不言絕無聲聞相知之理是該犯罔知倫紀肆意毆斷難倖逃法網昨已將該犯依律斬決矣因思內外問刑衙門辦理服制命案往往避重就輕

此等積習實堪痛恨在尋常關毆案內情傷稍重秋審時尚且酌量加嚴擬以情實予勾惟服制之案倫紀攸關轉得以並非有心干犯一語為救生不救死之計豈國家明刑弼教之道乎嗣後刑部及各省督撫於服制命案務須悉心研鞫不可意存開脫轉令鄉曲愚氓得啟干名犯義之漸亦不得因有此旨刻意周內於實在可原情節不為研究聲敘致滋冤抑總期毋枉毋縱情法兩平用昭明

慎用刑之意將此通諭知之○又諭前因御史吳廷溥奏泰直隸縣令各款當降旨交訥爾經額查辦茲據審擬覆奏盧龍縣知縣蔡五辰雖無徵收緩免錢糧加徵新賦及控案釀命官親門丁詐贓各情事惟因起解錢糧提出櫃書應得銀兩作為解費致櫃書生心欲向各花戶加納復以麪價居奇飭差邀集公議定價實屬鄙吝取巧蔡五辰著交部嚴加議處撫甯縣知縣徐天秩承審鹽巡頭目

槍斃人命一案訊明正犯並非頂兇即案內串囑代認各情亦經該縣審明檢舉惟於事後裁賊未能審明幾致罪名失出咎實難辭徐天秩著交部議處諭軍機大臣等前因俄羅斯國懇請於伊犁等處通商令該將軍等籌議後由理藩院覈定咨覆該國茲據該國薩納特衙門來咨稱遵照派員於明春啟程來赴伊犁會同定議等語此事曾由薩迎阿會同奕山擬議現在薩迎阿來京奕山接

任將軍於原議曲折自能深悉著將現在該國來咨鈔給閱看事關邊疆貿易奕山務必先事籌度周詳所有伊犁塔爾巴哈台二處添設貿易一切事宜前據奏稱礙難照恰克圖事例所見甚是如進卡出卡人數與牲畜貨物多寡撥兵接護並此外有無應行籌及之處著奕山等查照前奉諭旨並廣諮博採逐細斟酌妥善臨時公同商榷定立規條以期垂之久遠彼此相安有利無弊至喀什噶

爾毋庸通商一層前次理藩院咨文業將種種窒礙並無利益情形委曲開導今該國來文仍欲於此處添設喀什噶爾距內地窵遠商販稀少不敷易換本係實在情形但恐該國官員於到伊犁會議時仍復申請無已奕山等務必曲為譬說使其心折服自不致再有曉瀆此次理藩院咨覆該國文底亦著鈔給閱看此事關繫綦重奕山等加意慎重於國體邊防必須面面顧到斷不可草率定議

致貽後患也慎之將此諭令知之○又諭有人奏廣東高州土賊肆擾委員彌縫一摺據稱廣東信宜縣有土匪凌十八聚黨二三千人肆行劫掠該縣知縣官步霄率同紳勇捕得賊弟凌廿四署知府胡姓委茂名縣知縣胡宗政查辦聞有如將伊弟送還即不攻城劫官之說該委員畏懼講和捏稱賊為良民旋將凌廿四送回並給凌十八銀四百兩該府據所稟偽詞通詳以致賊勢猖獗紛紛效

尤又據片稱欽州平山堡亦有汛兵通賊之事等語廣東匪徒蔓延該管各官宜如何認真查辦若如摺內所指賄賊偷安養癰貽患尚復成何事體著徐廣縉葉名琛按照所奏各情秉公訪查嚴行懲辦毋得稍事姑容將就了事原摺片均著鈔給閱看將此諭令知之尋奏信宜欽州等處尚無賄賊情事得旨密行察訪○又諭有人奏廣西現調兵丁宜加防範有四可慮等語國家用兵所以衛民

第恐駕馭無方則衛民之兵適以害民搆捕賊匪出入民舍藉端搶奪患與賊等鄉勇在前固稱得力官兵在後宜籌策應至於楚兵之驕悍土賊之勾連尤賴統兵大員隨時訓練逐處稽查方能有備無患著李星沅等按照摺內所指各情悉心體察總期兵與民安勇與兵睦同心勦力綏靖邊疆方為不負委任原片著鈔給閱看將此諭令知之○兩江總督陸建瀛奏現辦緝捕盜賊章程及查無

淮安府喫俸名目並覈實保甲以清邪教之萌得旨嚴禁於已成之後曷若暗消於未肆之初全在地方大吏認真稽覈平素於屬員某為何等才於何缺相宜心存默識方能收指臂之效尤在身為表率務貴誠實勿蹈欺偽於奸徒小犯必懲於良吏微功必錄則上行下效返本還淳庶幾肅清未萌又奏淮南鹽務仿照淮北章程於儀徵設立棧房令商人請運一引即納一引正雜額課並將錢

糧責成兩淮緝私責成各岸下部知之○改鑄浙江按察使印信從巡撫吳文鎔請也○以迎提漕船出力予直隸道員譚廷襄等議欽○以拏獲鄰境疊劫擒匪予山東知州董振鐸升敘○庚午

上詣

壽康宮問

皇貴太妃安○諭內閣陸建瀛傳繩勛奏請將

白糧照案海運一摺江蘇蘇州松江常州三

府及太倉州應徵道光三十年白糧正耗米七萬二千石零著准其援照二十六年成案由海運赴天津以期迅速其天津剝船等費及沙船水腳耗米運費仍照成案由各津貼款內支用○調河南河北鎮總兵官雙福為貴州古州鎮總兵官以浙江平陽協副將李漸磐為河南河北鎮總兵官○以翰林院侍讀克明充日講起居注官○以辦賑出力予江蘇知府吳葆晉等加銜升敘有差○賞

慕陵值班官員兵丁銀○予故貴州古州鎮總兵官崇福祭葬○辛未諭內閣朕於明年正月十五日啟行祇謁

西陵並恭詣

皇考慕陵几筵前補行初周年祭禮著派肅親王敬敏定郡王載銓協辦大學士尚書杜受田尚書柏蔭阿勒清阿留京辦事○又諭前因江西巡撫陳阡有被參款蹟諭學政張芾密查茲據覆奏查明陳阡在吉安府任內並

無勒增布稅之事其因開漕槍斃匪徒一案亦尚無消弭情事惟與升任參將穆齊賢通判古連魁廬陵縣知縣陳儁曾喚女優進署演唱非尋常燕會可比實屬有玷官箴陳阡著即革職聽候查辦穆齊賢古連魁陳儁著一併解任交新任巡撫陸應穀分別咨提據實查辦此外尚有何項劣蹟從嚴參辦毋稍瞻徇○又諭徐澤醇奏辦理西昌等州縣災務情形一摺四川西昌縣及會理州屬披沙

汎等處地震被災經該地方官紳捐辦工賑俾災民得以復業城工等項亦次第興修署會理州知州喬用遵先行捐廉散給口食修費尚知急公所有西昌會理兩處捐輸經費及在事出力官紳人等著該督酌保請獎毋

許冒濫○又諭徐澤醇蘇布通阿奏夷匪出巢搶擾疊經官兵轟擊遁回一摺四川馬邊屏山等廳縣近有夷匪滋擾經該督等嚴飭文武員弁帶兵追捕先後轟斃並生擒夷匪

多名均經訊明就地正法現在夷匪業已遁回仍籌酌抽兵練分隊巡邏辦理尚屬周妥惟夷性靡常難保不復出滋事現值冬春之際該督等仍當嚴飭地方文武隨時密防毋稍疏懈○諭軍機大臣等前因有人奏江西巡撫陳阡任福建知縣時遇事營求荒於飲博並與賣珠翠之民婦同賭飲酒其胞兄陳四千預公事結交錢鋪丁二等語當密諭劉韻珂查訪具奏現在劉韻珂業已開缺裕泰

甫經到任無所用其迴護著按照原奏所指各情確切訪查據實具奏毋得稍有不實不盡以致代人受過懍之原片著鈔給閱看將此諭令知之○又諭有人奏陝西白水縣知縣徐良槐疊次向部民劉家瑞借銀因未滿意輒藉劉家瑞之族人自縊身死一案將該民人父子拘押班房刑嚇多贓均有銀號及經手丁役人等可據並蠹役馬升等勒索得財該縣始行消案又候補知縣江開會經被

書錄本三十一

十一

叅有案現在陝西候補常入撫署與該撫張祥河飲酒上年鄉試江開充同考官以文理荒謬之卷強呈考官求中未允以致物議沸騰該撫徇庇不問等語著琦善按照所奏各情逐款詳查據實具奏毋許稍有不實不盡原摺片均著鈔給閱看將此諭令知之○又諭有人奏天津府屬靜海縣為漣沱清河諸水入海必經之地而蓮花淀尤為洩水要區乾隆年間置木橋涵洞復挑引河加護隄以

時節宣近年有奸民希圖墾地於蓮花淀下游違禁擅築私隄並挖橫溝偏水倒灌引河受淤上游遂多水患漕河西岸屢致衝開於運道農田均有關係著訥爾經額遴委明晰水利之員認真查勘即將私隄橫溝應否平毀以復舊制之處悉心妥議具奏原片著鈔給閱看將此諭令知之○又諭據向榮馳奏敬陳管見一摺廣西土匪滋擾所陳現在辦理情形不為無見該提督自抵粵後身先士

書錄本三十一

十一

卒屢立戰功殊堪嘉尚至請將現任陝甘總督琦善飭赴粵西會同商辦等語行軍命將朕心自有權衡豈容妄叅末議所請著不准行李星沅周天爵等均經朕特派前往廣西會同勦辦計該提督現已接奉諭旨務當同心協力盪滌賊氛果能認真勦捕剋期蕙事朕必立加恩獎儻始勤終怠致賊匪日就蔓延該提督亦難辭重咎懍之勉之此旨並著李星沅周天爵勞崇光等公同閱看將此諭

令知之○以江南督糧道鄒鳴鶴為順天府府尹○以順天府府尹陸應穀為江西巡撫未到任前以布政使陸元烺暫署○以勦辦廣西慶遠賊匪獲勝提督向榮得旨嘉獎並予陣亡把總馬遙祭葬世職○予擊匪被戕四川千總康占彪祭葬世職○命協辦大學士陝甘總督琦善撥銀四萬七千五百兩有奇解赴伊犁備咸豐元年經費○壬申上詣

實錄卷五十三

十一

雍和宮行禮○詣

壽康宮問

皇貴太妃安○諭內閣本日召見安徽蕪象營遊擊薩齡阿朕觀其人雖粗率詢之於營伍事務尚屬去得惟伊謝恩時並未奏清語迨問及眼前清語亦茫然不知且奏稱自幼並未學習殊堪詫異我朝根本以清語騎射為首務薩齡阿實屬旗人中之敗類伊本由健銳營出身著仍回健銳營當差賞給四品頂

帶令伊專心學習清語騎射毋仍蹈外省惡習著載銓等留心察看如果自知奮勉俟有何項章京缺出酌量補用○又諭前據御史文光奏參易州有縱容書吏胡人槿包攬租糧等弊降旨令訥爾經額查究茲據奏稱查明該州歷年經官設櫃並非戶書私設額徵糧租亦無浮收濫折蠲免道旁二三里界內糧租均係照部文扣蠲易州知州朱家學訊無任聽書吏包攬情事等語該御史所奏應

實錄卷五十三

十四

毋庸議惟此案係九月交查何以至今始行奏覆實屬遲延訥爾經額著傳旨申飭此後躡路所經遇有蠲免錢糧該督務當嚴飭所屬實力奉行毋任吏胥蒙混滋弊○以詹事府詹事王慶雲署順天府府尹○以雲南巡撫張亮基兼署雲貴總督○賞昌陵值班官員兵丁銀

等御史湯雲松奏籌議鹽斤加價一摺淮南改票新章浮費盡裁在該督為恤商便民通籌立法自未便先設公費名目開濫觴之漸惟據稱捆鹽口岸以及經過關津引地在在皆須實力稽查現在巡緝員弁自必酌給薪水其款究何從支發該督等必有成算應否如該御史所奏另議於鹽斤加價以資公費著陸建瀛悉心體察并嚴定分年巡緝覈計功過章程一併妥議具奏原摺著鈔給閱看

將此諭令知之尋奏緝私本有公費鹽斤未便加價報聞○又諭前因福建省城夷人強占神光寺勒買民房起造樓屋甚至釘塞大礮數尊向商船索洋銀護送並用槍打傷幼孩各等情先後諭令劉韻珂等詳查具奏茲據奏稱神光寺二夷業已搬遷實無勒買民房起造樓屋及釘塞礮眼之事並委員勸諭各商不准再租夷船護送查明幼孩並非夷人槍傷各等語著裕泰到任後按照節次寄

諭並劉韻珂覆奏各情逐一訪查是否確實該省夷情果否安靜地方官辦理夷務是否一味遷就有無專事消弭辦理不善之處著裕泰一併詳細確查具奏毋得稍有不實不盡劉韻珂原摺著鈔給閱看將此諭令知之○又諭有人奏江西德化湖北黃梅二縣有遊民結伴同往鄰境莊村橫索錢米攘竊財物經過村莊時被擾累遊民倚為生計其中實在鄉愚依附同行轉不免中道流離等語

各省偶遇偏災朕無不立加賑恤該地方官果能妥為經理小民自不至失所何肯輕去其鄉轉致借端生事著陸建瀛嚴密按照所奏各情確切查訪並飭地方官遇有此等災民必須分別良莠彈壓撫綏俾令及早復業毋致轉徙道路別滋事端原片著鈔給閱看將此各諭令知之○熱河都統惟勤奏遵拏朝陽縣匪徒江隴潭等審訊得旨嚴行究辦不可俾兇徒漏網爾到任時日尚淺斷不准

迴護亦不准稍示寬柔若罔知認真根究朕必立加重譴矣○以山東十字河運道疏濬深通予同知查保安升銜○予故直隸定州知州張孔源河南延津縣知縣羅耆勳四川北道黎學錦彰明縣知縣張宏軒樂至縣知縣竇端人祀名宦祠從總督訥爾經額裕誠徐澤醇巡撫潘鐸請也○予江蘇故吏部員外郎任基振浙江故湖北德安府同知茹敦和福建故翰林院編修陳壽祺山東故工

部郎中丁廷樸陝甘故四川樂山縣知縣茹金陝西鄜州學正范芝雲南故陝西華陰縣知縣張履程四川新甯縣知縣吳協貴州故雲南沅江州知州鄭燧人祀鄉賢祠從總督布彥泰琦善巡撫傅繩勳吳文鎔徐繼畲陳慶偕張日最喬用還請也○甲戌月食○

上詣

壽康宮問

皇貴太妃安○諭內閣前據御史吳廷溥奏請

訓練侍衛等語當經降旨交領侍衛內大臣妥議具奏茲據仁壽等奏稱侍衛各有差使與演藝各營專司操練者有別其挑補時向係考驗馬步射並無試驗刀矛之例如有差懶技疏者均即立予參革至五年一次考驗例歸軍政立法本屬周詳且值班禁門責令講習兵書恐於守衛稽查轉致疏忽自係實在情形該御史所奏著毋庸議惟該侍衛等守衛宮禁稽查出入是其專責該大臣等務當留心督察俾令各勤職守如有曠班誤公情事即著隨時叅懲毋稍容隱○又諭訥爾經額奏遵旨審擬知縣典史被叅各款請將知縣革職典史發往軍臺一摺直隸豐潤縣知縣宋復新雖訊無吸食鴉片及任聽門丁把持各情事惟於鄉民幫差銀兩長支兩季復於畢廣平刀傷畢嗣發一案不為迅速審辦以致畢嗣發愁忿自縊並失察門丁因事詐贓實屬昏庸荒謬典史歸途身任職官曾

經吸食鴉片。且時至縣署。與長隨孫馨坐談。致物議沸騰。實屬品行卑污。此等劣員。必應嚴行懲儆。宋復新著從重發往軍臺效力贖罪。歸途著從重發往新疆效力贖罪。○諭軍機大臣等。裕泰龔裕泰楚岸辦理鹽務情形等語。已諭令陸建瀛酌量時地所宜。悉心籌計。並令嚴飭稽查夾帶矣。現當整飭鹽綱之時。該署督務當破除成見。力祛積習。與陸建瀛同心合力。認真辦理。俾綱地日有起色。儻有不肖屬員。因循怠玩。營議阻撓。即著從嚴叅辦。將此諭令知之。○又諭。裕泰龔裕泰楚岸辦理鹽務情形等語。准饒引地以兩湖為最廣。惟湖北之宜昌襄陽湖南之衡永寶慶向因淮鹽成本過重。積不能銷。遂為鄰私浸灌之地。自須設法分銷。據稱江省現擬將鹽包交鹽道轉發。已據該道議詳。宜昌衡州二府仍令通判赴省領運。襄陽則擬令樊城商棧認運。各商照前辦理。或照運宜章程改為

官運各情。著陸建瀛量其時地所宜。乘此鹽價平減。應如何使官鹽源源接濟。不致私鹽仍前侵占引地。官吏人等又添浮費。立法之初。必期周密。毋令日久更蹈積習。至所稱江省應嚴查夾帶一節。自屬喫緊要務。該督自必防制周詳。其悉心籌計。妥議具奏。原片著鈔給閱看。將此諭令知之。○江西巡撫陳阡奏請將本年大計。俟新任巡撫陸應穀到任展限三月舉行。從之。○以故一等男惠隆子普祥三等男喜和弟喜志各襲爵。○乙亥。諭內閣。前據御史張廷瑞奏。陝西郃陽縣知縣沈壽曾。贓私各款。當交張祥河嚴行查辦。茲據審明定擬。沈壽曾以現任知縣。先則聽許郭茂才等銀兩。繼而事後得受雷務相財物。且因案擅罰車步月等銀錢。並失察丁役等得贓種種妄為。肆行無忌。著從重發往新疆充當苦差。已革訓導王聘臺。次說。情聽許財物。實屬卑鄙無恥。著杖一百。徒三年。已革

教諭王步元挾制分肥情同誑騙著杖一百。流三千里均不准援免收贖。大荔縣知縣熊兆麟於發交管押人犯病斃多名並不通詳實屬任意草率著與承審不實之同州府知府李恩繼潼關廳同知凌樹棠據詳照轉之前署潼商道萬保遠准銷案之前任臬司嚴良訓一併交部分別議處。又諭奕格等奏參任意辦公之盟長並剋扣錢糧巧詐妄為之協理台吉一摺。圖謝圖汗部落之盟長扎薩克和碩親王額琳沁多爾濟因上年春間所屬扎薩克多羅郡王拉蘇倫巴扎爾等四旗地方偶遇偏災其應當之差遠令所屬扎薩克公黨蘇倫多爾濟由該旗雇覓代替既未與該副將軍等咨行商辦事前亦未稟報辦公實屬任意。公黨蘇倫多爾濟該旗幫辦台吉臻楚克多爾濟等於該旗出派守卡官兵之際任意將赤貧台吉等出派又於該旗官貯牲畜項下借給台吉蒙克等十四人將

該台吉等錢糧銀兩坐扣以抵該旗公帳實屬輕視邊要重差著照所請盟長額琳沁多爾濟交部議處協理台吉臻楚克多爾濟車布德音達什及甲喇那遜瓦齊爾等一併交部嚴加議處以示懲儆。諭軍機大臣等有奏知縣貪鄙不職一摺據稱順天府屬懷柔縣知縣姚培基需索稅契使費任用家丁于二押責莊戶勒出門牌錢文將密雲縣已經結案之道士傳令家丁于姓郭姓楊姓嚇詐銀兩並傳詢賣姦民婦供出該縣丁胥即行枷責得贓後准其賣姦又傳開店之民人交銀後准其開店等語似此卑鄙貪污豈容濫司民牧著卓東恬王慶雲會同訥爾經額迅即查明據實參辦毋許稍有隱飾並確查此外尚有何項劣蹟一併嚴參原摺著鈔給閱看將此各諭令知之。又諭前據劉韻珂奏租住神光寺二夷業已搬遷並遵查各情當經降旨交裕泰到任後按照節次寄諭並

劉韻珂覆奏各節。逐一訪查。茲又有人奏。嘆夷自占神光寺後。復欲於東門水部門西門外。建造樓屋。閩省工匠互相糾約。不准受雇。乃閩縣侯官兩知縣。出示嚴拏。不肯受雇之人等語。似此抑民奉夷。尚復成何政體。著裕泰到任後。秉公密查。據實覆奏。毋稍瞻徇。原片及告示。均著鈔給閱看。將此諭令知之。○又諭。李星沅奏。馳抵粵西。暫住柳州。會籌剿賊。並就現在情形。約舉大略六條。廣西賊匪

廣東本志

十

現經勞崇光向榮督飭弁兵。連獲勝仗。柳州慶遠諸賊。殲除殆盡。而左右江各屬。勢尚蔓延。所有潯州府之大黃江桂平之金田村及附近平南鬱林等處。賊蹤出沒。人數甚多。該大臣現駐柳州。策應與勞崇光向榮互為聲援。計周天爵亦將馳抵軍營。厚集兵力。分路兜捕。當不難迅掃機槍。著該大臣等。因地制宜。於所擬六條。斟酌妥辦。朕亦不為遙制。總期迅速肅清。不致糜餉勞師。方為不負委任。

已革巡撫鄭祖琛。既據稱熟習情形。著交李星沅差遣委用。其應行查辦之處。仍著嚴密確訪。據實奏聞。毋稍徇隱。雲南遊擊呂飛鵬。都司李廷楷。施嘉祥。貴州遊擊任大貴。何澤都司彭長春。已令雲貴總督飭令兼程赴粵。隨同勦辦。廣東潮州鎮官兵。前經選定一千名。亦准其咨調粵西。以備調遣。頃據徐廣縉奏稱。廣西署桂平縣知縣李孟羣。係首先督同練長將賊首陳亞潰拏獲。鄭祖琛前奏亦

廣東本志

十一

稱密札顧元凱。李孟羣等督捕。著李星沅再行確查。如實係李孟羣首先督拏。即據實保舉。候朕施恩。其未獲夥匪。鄭廷威仍著速行捕擒。毋任漏網。徐廣縉奏摺著鈔給閱看。將此由四百里諭令知之。○以內閣侍讀學士八十二為太僕寺卿。○廣東潮州鎮總兵官德存因病解任。以廣西梧州協副將壽山為廣東潮州鎮總兵官。○以勦辦廣西橫州賊匪獲勝提督向榮下部優敘。予陣亡把總馬

子超外委謝光祖祭葬世職○丁丑上詣

壽康宮問

皇貴太妃安○諭內閣刑部覈覆外省案內用藥迷姦人犯由題改奏一摺此案湖北崇陽縣人朱靈機在通城縣地方畫符咒水為人治病捉賊已屬妖妄復因圖姦婦女七人哄誘拜符用藥迷姦致張周氏妻吳氏均被姦污實屬淫惡不法朱靈機著照部擬改為絞

立決即行正法以昭炯戒該撫龔裕辦理此案比照強姦律擬絞監候尚屬輕縱著傳旨申飭○諭軍機大臣等有人奏秦陝西臬司多慧性情貪鄙在山西多年把持公事等語據稱該員與在省開設帳局之孟春亭結拜兄弟遇有州縣領解各款非經該員與孟春亭之手不辦該員因知府李元慶患病代為彌縫又因伊兄多瑞前在山西介休縣任內虧空皆後任代為擔承是以辦理清查時專

責出結之員不問前任凡遇升題調補俱令出缺名為彌補清查均由多慧手收如所指沈林之調永濟文泰之調洪洞汪和之調河津並程茂冲朱德澧之不肯出銀各款如果似此行私納賄必當徹底究辦巡撫兆那蘇圖是否徇情容隱亦應確查根究張集馨現任在調任河南藩司著傳旨諭令該藩司道經山西會同山西臬司孫毓汶按照所奏各款逐一嚴密訪查訊究據實奏張集馨係特派之員孫毓汶甫經到任均無所用其迴護儻查辦或有不實不盡將來朕別有訪聞或被入叅劾恐不能當此重咎也原片著鈔給閱看將此傳諭知之○宗人府奏本年應考試宗室王貝勒貝子公將軍之子請封以應得品級得旨以奕佩為不入八分公義樾為二等鎮國將軍載崇為頭等輔國將軍溥豐謙實為二等輔國將軍壽善嘉善為三等奉國將軍祥翰遐齡遐昌裕安為奉恩將軍○

改鑄直隸懷安縣印信。從總督訥爾經額請也。○戊寅。修熱河喀喇河屯官倉。從熱河總管經文圖等請也。○准廣東南海番禺東莞香山新會新甯六縣暫停加徵溢坦租銀。○己卯。

上詣

壽康宮。問

皇貴太妃安。○諭軍機大臣等。勞崇光向榮馳奏。進剿桂平金田會匪情形一摺。另片奏。剿

捕思恩等縣匪犯。及殲擒首匪各等語。廣西桂平縣屬之金田村。有會匪屯聚。經署總兵周鳳岐等督率兵勇。分投防剿。並派副將李殿元等。馳往堵禦。該署總兵等。宜如何設法。布置奮勇爭先。乃在思旺墟追擊。被賊分股回撲。官兵失利。以致副將大員陣亡。文武員弁被害。雖因賊勢猖獗。亦由調度無方。遂致墮賊術中。深堪憤恨。著李星沅等查明失機。文武員弁。據實嚴參。向榮勒驛橫州等處賊

匪屢獲勝仗。現據奏稱。督帶官兵。馳往桂平。督同周鳳岐。及在事文武。激勵兵勇。合力兜擒。自當相度地勢。熟審賊情。將此股逆匪。剋日殲除。至該匪詭裝壯練。溷入我軍。尤當豫為設防。勿致售其奸計。所有思恩羅城。及昭平等縣。擒捕賊匪多名。均分別從嚴辦理。出力之文武員弁。查明保奏。未獲之賊首張晚。要犯鄭廷威等。仍著設法擒捕。無使稽誅。計此時周天爵。當已抵粵。該大臣等。雖分駐各

處。聲息相通。務當共殫心力。運籌決勝。遇有奏報。著該大臣。及巡撫提督等。一併列銜會奏。以歸確實。而免紛歧。將此由五百里各諭令知之。○禮部議奏。次年上元服色。得旨。正月十三日。朕御龍袍。貂貂褂。王公大臣官員。穿蟒袍補褂。進壇時。穿蟒袍貂貂褂。爾部所擬。實屬錯誤。至擬請閱視祝版。御龍袍。尤屬大謬。○浙江巡撫吳文鎔奏。杭州嘉興湖州三府屬。有漕州縣。本年秋禾。被水被旱。被風。米質

未能一律純潔請照例紅白私梗兼納從之
○以廣西勦賊失利摘副將李殷元等頂帶
予陣亡副將伊克坦布祭葬世職如總兵例
千總田繼壽祀總藩繼邦劉洪海保定清何
其莊楊萬福外委王興黃建勳彭昌鑄巡檢
張鑄祭葬世職○展緩浙江新城長興仁和
錢塘海甯餘杭臨安嘉興秀水嘉善海鹽石
門平湖桐鄉烏程歸安德清武康十八州縣
因災緩徵舊欠額賦○撫恤日本國遭風難
夷如例○庚辰諭內閣惠豐等奏議擬服色
錯謬請交部議處等語禮部尚書惠豐侍郎
瑞麟均兼管太常寺事務侍郎聯順在內廷
行走遇有舉行典禮時常隨從均應熟諳禮
節何以於奏摺錯謬之處並未看出惠豐聯
順瑞麟均著交部議處尚書何汝霖署侍郎
孫葆元侍郎曾國藩均著加恩改為交部察
議所有承辦司員著查取職名交部議處○
諭軍機大臣等前因周天爵有海口坍塌可

以來機築壩攻刷清江三牖水係平流可以
廢牖等議諭令陸建瀛楊以增查勘情形具
奏茲據勘明海口塌寬係在兩岸河崖潮汐
往來礙難於溜猛沙浮之處強為偏濶並據
確量各牖壩水勢遞高節節鉗束實非平水
三牖不可議廢各等語披覽所呈圖說形勢
顯然自無庸驟議紛更惟所稱宜於上游土
堅水平處所相機築壩以資衝刷著該督等
仍照前議妥辦毋膠成見而失事機至添塘
避牖一節是否確切可行應如何籌畫辦理
亦著詳悉奏聞勿徒畏難而自畫也將此諭
令知之○以勒辦雲南灣甸土匪出力賞巡
檢周錫桐藍翎知府彭崧毓等升敘有差○
以搶築浙江海塘完竣予同知張玉藻等加
銜升敘有差○辛巳奉安
宣宗成皇帝
孝穆成皇后
孝全成皇后神御於

壽皇殿

上恭詣行禮○詣

壽康宮問

皇貴太妃安○諭內閣裕泰龔裕奏請將道員休致等語○湖北鹽法武昌道鄒之玉於鹽務新章甫定之際遇事因循且委令查辦川私屢催尚未啟程實屬不知振作鄒之玉著即勒令休致○兩江總督陸建瀛奏縣差夾帶私硝拿獲審辦得旨所獲各犯嚴行訊究至

各營縣官兵尤應徹底根究不可稍有遺就

○四川總督徐澤醇奏查明川省地丁關稅鹽課情形並裁革陋規浮費力杜虧那章程得旨知之非艱行之惟艱斷不可託紙上空言一奏了事致行與言有相違耳○改鑄四川總督關防從總督徐澤醇請也○以協捕洋盜出力予江蘇道員麟桂等加銜補敘有差○壬午孝莊文皇后忌辰遣官祭

昭西陵○

上詣

壽康宮問

皇貴太妃安○諭內閣刑部奏審擬偷竊倉糧人犯並請飭定議章程等語近來裕豐儲濟太平等倉疊有偷竊倉糧之案總由該員弁等漫不稽查防範以致賊匪肆行實屬不成事體嗣後應如何定議章程倍切嚴密之處著步軍統領會同倉場侍郎妥議具奏至旗

丁糧員在本省私折銀兩到通後買米回漕

營私害公其流弊尤甚者漕運總督嚴行申禁認真覈查如有虧短立即從重治罪並著直隸總督順天府府尹於糧船抵通時嚴飭沿河州縣並委委員嚴查密訪如有囤積米石售賣回漕及買米回漕等弊即行從嚴拏辦以除積蠹而重倉儲○諭軍機大臣等前因琦善勒辦番回一案降旨令將前後情由據實覆奏茲據琦善奏稱此次帶兵巡閱係

自外而內以次埽除及抵柯柯烏蘇賊已聞風遠颺竄入雪山深處礙難窮追即將雍沙黑城二處番回殲除黃喀窪旋亦投誠並非因外賊未能得手始行移勒內匪等語著薩迎阿仍遵前旨迅速馳赴西甯一帶沿途訪查雍沙等處番回果否與外夷勾結為奸必應勦洗其殺傷是否過當所陳先後勦辦情由果否確實有無掩飾其審擬雍沙番賊現在甘省監禁者尚有二十四名著薩迎阿到

甘省時提訊確供是否與琦善所取各供相符務當悉心研鞫無枉無縱琦善覆奏原摺著鈔給閱看將此由四百里諭令知之○以兵部尚書裕誠工部尚書王廣蔭戶部左侍郎朱鳳標兵部左侍郎恩華工部右侍郎奕毓充經筵講官刑部左侍郎周祖培署經筵講官大學士祁寯藻吏部尚書柏蔭充文淵閣領閣事內閣學士載齡詹事府詹事王慶雲充文淵閣直閣事癸未諭內閣陳慶偕

奏參革知縣稟許原恭上司審明定擬一摺此案已革山東嘉祥縣知縣恒山於二十八年大計案內經該管濟甯州知州黃作霖以該革員年少高興不知檢束揭參乃輒以上司誣揭妄行稟訴曉曉置辯經該撫審訊毫無屈抑眾供確鑿指復狡執不服實屬刁健恒山著從重發往新疆效力贖罪○諭軍機大臣等前據劉韻珂奏租住神光寺二夷已經理諭搬遷各情當降旨交裕泰確實詳查

茲據徐繼畲覆奏該二夷以城外難得住處先搬至道山觀暫住即將神光寺交還等語道山觀與積翠寺東畔相連其去神光寺遠近若干該撫並未確切指明且同係福州城內廟宇若止陽易其名顯預遷就仍恐紳民不能相安著裕泰到任後遵照節次寄諭並徐繼畲現奏各情逐一訪查及該二夷應如何曉諭搬移據實覆奏至劉韻珂徐繼畲等頻年辦理夷務有無措置失宜及遷延消弭

之處一併詳細密查具奏毋得稍有不實不
盡徐繼畲密片著鈔給閱看將此諭令知之
○又諭據德齡奏署烏什辦事大臣文興不
遵國制朝夕鼓樂出入聲噉果如所奏實屬
任意妄為著麟魁於抵任後確切查明據實
具奏毋稍徇隱原摺著鈔給閱看將此諭令
知之○以緝獲斬犯多名予福建知府霍明
高等升敘有差○准江南江安蘇松各幫丁
緩買行月等米○展緩河南原武永城臨漳

三縣因災緩徵舊欠額賦○撫恤朝鮮國遭
風難夷如例○

上以歲暮裕祭

太廟自是日始齋戒三日○甲申諭內閣前據
御史嵩齡奏參直隸威縣有門丁書役蒙官
舞弊等情當經降旨令訥爾經額嚴查參辦
茲據查明該前署縣石珍承辦春間大差係
照舊章並無額外派累該縣趙德滋因永定
河漫口挑挖引河稟請捐銀二千五百兩乃

以捐資無措科派地畝京錢一千七百餘千
實屬故違功令威縣知縣趙德滋著即革職
交該督提同丁書人等嚴行審訊按律究辦
○諭軍機大臣等昨據徐繼畲奏租住神光
寺二夷擬先搬至道山觀暫住已有旨交裕
泰確查矣茲復據徐繼畲奏遵查各情節著
將原片鈔給該督閱看其中釘塞破眼一層
所奏反復割辯恐有掩飾著裕泰到任後不
動聲色再行嚴密查訪並將節次寄諭確查

詳悉密奏毋稍含混將此諭令知之○定郡
王載銓等會同戶部議覆浙江巡撫吳文鎔
奏清查各屬虧那款項等議節省彌補章程
據稱裁減養廉扣款及一切解費公用並存
留役食及司道各書紙飯等項每年約銀三
萬餘兩錢八萬串凡各員應繳銀數完至五
成者餘五成歸入籌補完至三成者准籌補
三成其四成仍展限追繳庶籌補非為濫施
追賠易收成效應如所請辦理從之○乙酉

以歲暮裕祭遣官祭

太廟中殿

後殿○頌盧溝橋

永定河神廟

御書扁額曰永衛神京○諭內閣向來每屆年終各直省督撫於所屬藩臬道府出具考語密封進呈奉行日久各省大吏往往視為具文本年各省密封考語率多空泛即如河南陳州府知府黃慶安係巡撫潘鐸保舉之員

該撫密考內稱其才具開展力求整頓地方不避嫌怨又另摺奏黃慶安被控收受苞苴請解任質訊兩摺係同日拜發是潘鐸出考之日黃慶安已有被控之案該撫不得諉為不知何以密單內於被控情節並未聲明一語殊非覈實考察之道嗣後各直省督撫於年終密考務將各該員賢否實蹟指出確據臚列密陳不得僅以空言含混了事儻有保舉在先而該員不能始終奮勉亦著據實直

陳母稍迴護封疆大吏朕寄以耳目腹心旌別之公私即以定勸懲之得失若考覈不精名實不副是上以實求而下不以實應安用此虛文為耶將此通諭知之○又諭潘鐸奏叅被控之知府一摺河南陳州府知府黃慶安因已故商水縣知縣萬孚交代未清扣留家屬聽候覈算何以將其戚屬直隸候補主簿蔡阮堂家屬一併扣留該主簿呈控該知府收受程儀供應事涉賄私虛實亟應徹底根究黃慶安著即解任交潘鐸提同應訊人證秉公嚴審究辦毋得以保舉在前稍存迴護淮甯縣知縣吳承芳現赴部引見著該部即飭該員迅速回豫以憑質訊○又諭奕興奏遵查職官吸食鴉片特符校展請革職嚴審一摺奉天復州知州王安業既經起獲鴉片煙具供有吸食情事又稱煙具係其跟役之物顯係特符校展王安業著即革職交該將軍嚴行審訊按律覈辦該革員平日如何

廢弛捕務此外有無別項劣蹟一併嚴查確
究先是安徽布政使蔣文慶奏請飭沿海
州縣講求團練並令海疆道府仿照臺灣定
制兼管兵事下各督撫籌議至是山東巡撫
陳慶偕奏稱禦戎之策在外修戰備內固人
心查沿海居民貧苦團練恐致擾民東省登
萊青道本兼兵備似無庸仿照臺灣辦理得
旨舊章甚妥固不必擅議紛更○賞科爾沁
郡王僧格林沁四圍正龍補服○緩徵直隸

永清東安肅安高陽慶雲六州縣被災村
莊次年新賦並展緩三河武清薊霸保定大
城蠡雄河間獻任邱天津靜海滄南皮鹽山
雞澤大名龍門玉田涞水隆平成安廣平永
年邯鄲二十六州縣舊欠額賦○丙戌拾祭
太廟
上親詣行禮○遣官祭
永陵
福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝和睿皇后暫安寢殿○遣官祭

宣宗成皇帝暫安寢殿○遣官祭

孝穆成皇后

孝慎成皇后

孝全成皇后陵寢○遣官祭

孝德皇后殯宮○遣官祭

端慧皇太子園寢○詣

壽康宮問

皇貴太妃安○遣官祭

太歲之神○諭內閣哈勒吉那等奏訪章嘉呼圖克圖呼畢勒罕查有三子等因一摺朕以必有大呼圖克圖呼畢勒罕出世甚為欣慰茲由理藩院將現在

雍和宮降經之三子其名歸入金瓶將端嚕布所生之子桑哈色特迪掣定且端嚕布之子桑哈色特迪識認前代章嘉呼圖克圖曾用物件即鈴杵素珠末碗三項應手認出則是章嘉呼圖克圖呼畢勒罕無疑矣朕心何勝

平定縣志

卷八

歡悅著將朕素日常用念珠一串賞給該呼畢勒罕交哈勒吉那敬領轉交該呼畢勒罕收領將此曉諭各蒙古王公及在京之呼圖克圖喇嘛等並章嘉呼圖克圖住持寺院各喇嘛外仍著曉諭駐藏大臣轉行知照達賴喇嘛班禪額爾德尼等以慰所望○烏嚕木齊都統毓書奏各屬辦事領隊大臣年終密考得旨汝所密陳各大臣考語七八俱是八個字考語並無事實可見平日於公事漫不

關心殊屬無恥之極○朝鮮國使臣權大肯等三人琉球國使臣夏超羣等二人於午門外瞻覲○是年旌表孝子直隸等省邢付等十三名孝友福建等省鄭文久等七名孝義山西省王迪彝一名孝婦江蘇等省談費氏等三十九口孝女江蘇等省榮素月等八十三口守節合例宗室福元妻關佳氏等二十一口滿洲善貴妻奇佳氏等一百十七口蒙古王志妻何氏等五十二口漢軍存柱妻佟

平定縣志

卷九

氏等二十八口內務府奎福妻吳氏等五口各省駐防海祥妻韓佳氏等二百三十五口奉天等省高銅妻曲氏等一萬二千四百九十五口未婚守志宗室西勒蒙額妻富察氏一口滿洲林布妻伊爾根覺羅氏一口江蘇等省史周氏等一百九十二口採訪貞節婦女直隸等省施鉅妻潘氏等五百四十五口百歲壽民婦浙江等省管作廷等十六名口五世同堂江蘇等省瞿大觀等二十七家捐

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二十四

典選司官擬選員議此處係官太子太保主書局編修文淵閣開閣事新科授官庶士指卷叙不該常川當國體察其
 大書寺管理工部三庫事務管理刑部事務加十二級凡係十六次周社培驤等常奉少協管理內膳書房格對引大臣軍機大臣
 大書寺管理工部三庫事務管理工部事務加十二級凡係十六次周社培驤等常奉少協管理內膳書房格對引大臣軍機大臣
 銀錢滿洲游說戶部尚書管理工部事務加十二級凡係十六次周社培驤等常奉少協管理內膳書房格對引大臣軍機大臣
 遼寧武備營參謀旗蒙古都元禮部尚書管理蒙古鴻臚寺事務加十二級軍功加級隨帶加八級凡係五次係十理有等奉
 欽修

咸豐元年辛亥春正月戊子朔

上詣

奉先殿行禮○詣

堂子行禮○遣官祭

太廟後殿○御太和殿受朝中和樂設而不作○

不讀賀表○詰

壽康宮前殿拈香後殿

皇貴太妃前行禮○詣

大高殿

壽皇殿行禮○詣

弘仁寺拈香○諭內閣朕寅承丕緒撫馭萬方敬念

列聖御極之初蠲免積逋覃敷閭澤俾人安樂利戶免追呼共享昇平之福誠以民為邦本厚民生正所以培元氣也當茲建元肇始之時宜行體仁長人之政自道光十五年二十五年兩次欽奉

皇考宣宗成皇帝恩旨將二十年以前各省民欠錢糧盡予豁免後自二十一年迄今又屆

十稔民間續有積欠允宜大沛恩綸期與薄海羣黎同躋仁壽所有各省節年民欠正耗錢糧及因災緩徵帶徵銀穀並借給籽種口糧牛具及漕項蘆課學租雜稅等項即著各該督撫將軍府尹等將道光三十年以前實欠在民者詳悉查明按照該省所屬之某州某縣銀數若干速行開單具奏候朕以次降旨全行豁免並著先將此旨刊刻謄黃徧行曉諭務使城市鄉村遐陬僻壤咸喻朝廷德

意毋任官吏胥役等延閣侵漁致滋弊竇庶吾民休養生息慶洽綏豐用示朕元春布德以仰副

皇考三十年子惠元元申錫無疆至意○又諭僧格林沁等奏本日升殿鳴鞭之際有人自西向東趨走糾儀科道未經攔阻等語著都察院查明奏○以固倫額駙德木楚克扎布為御前大臣○命戶部尚書協辦大學士賽尚阿為大學士管戶部事○命大學士卓

秉恬管兵部事祁寯藻管工部事○調兵部尚書裕誠為戶部尚書工部尚書特登額為兵部尚書以戶部左侍郎阿靈阿為工部尚書署葉爾羌幫辦大臣舒興阿為戶部左侍郎兼管三庫事○己丑

上詣

壽康宮問

皇貴太妃安○諭內閣都察院及糾儀科道等奏參吏部侍郎明訓元旦朝賀錯入班次明

訓著交都察院照例議處。惟昨日行禮後一人由西向東趨過班末糾儀御史未阻著查取職名送吏部議處。○調正白旗滿洲都統惠親王為鑲黃旗滿洲都統。正白旗漢軍都統薩迎阿為正白旗滿洲都統。以戶部尚書裕誠兼正白旗漢軍都統。調鑲紅旗漢軍都統桂良為鑲白旗滿洲都統。以正白旗滿洲副都統阿靈阿為鑲紅旗漢軍都統。調錦州副都統德興為正白旗滿洲副都統。鑲藍旗漢軍副都統惟祿為錦州副都統。以頭等侍衛哲爾經額為鑲藍旗漢軍副都統。○給安徽鳳陽五河二縣災民一月口糧。○庚寅高宗純皇帝忌辰遣官祭裕陵。○	上詣壽皇殿行禮。○詣關帝廟拈香。○以順承郡王春山署正白旗滿洲都統。鑾儀衛鑾儀使聯順署鑲紅旗蒙
--	--

古副都統。○辛卯諭內閣軍機大臣南書房翰林合詞奏請將朕履信書屋全集刊刻頒行一摺從前	皇曾祖	皇祖	皇考御極之初俱允大臣所請刊刻聖製詩文全集頒行海內。	天章炳耀	懋典昭垂朕自惟冲齡就傳以來典學之功僅十餘載篇章未富易敢仰覲前徽惟諸臣籲懇甚殷自應勉俞所請因思我皇祖刊刻聖製味餘書室全編因朱珪向曾侍學經帷特命詳細勘訂朕在書房經協辦大學士杜受田昕夕講求詩文積有彙本其中可存之作即交杜受田重為校勘編次進呈俟朕閱定再行發交繕刻。○又諭惇郡王奕諒因壽皇殿隨從行禮到遲自請議處一摺。惇郡王
--	-----	----	---------------------------	------	---

奕諒雖隨從行禮未誤。究屬到遲。著卽照所請。交宗人府議處。○命正黃旗蒙古副都統明慶兵部右侍郎春佑三等侍衛西拉布恭詣

西陵查看紅椿。署廣西巡撫勞崇光奏請本年大計。俟軍務告竣。展限舉行。從之。○緩徵山東濟甯惠民陽信樂陵霑化鄒單朝城聊城清平金鄉鄒平齊河臨邑海豐商河滋陽嘉祥魚臺十九州縣。並德州東昌臨清濟甯

四衛。被水被旱被雹災區。本年額賦。○是日立春。順天府進土牛春山寶座。○壬辰諭內閣。李星沅等奏。請將堵禦不力之副將等革職。拏問等語。廣西潯州協副將李殿元署提標遊擊事都司宋煜署柳州城守營都司事。守備陶玉德前因賊匪竄踞思旺墟。堵禦不力。經勞崇光向榮奏參。降旨摘去頂帶。責令戴罪自效。茲據該大臣等奏稱。該員等防堵要隘。所帶兵練不少。乃任賊匪衝突。致巡檢

張鑛禦賊被戕。實屬膽玩。李殿元宋煜陶玉德均著先行革職。拏問。仍確查如有遇賊逃避等情。卽行按律嚴懲。以昭儆戒。○諭軍機大臣等。徐廣縉馳奏廣西勒匪屢獲勝仗。及弁兵團練。助勦情形一摺。現在廣西兵勇雲集。經費倍增。亟應續籌接濟。俾得支發應手。著徐廣縉於關稅等款內籌撥餉銀二三十萬兩。派委妥員迅速解往廣西。以資支應。毋稍延緩。將此由五百里諭令知之。○又諭據

李星沅等奏。懇撥軍餉一摺。已諭戶部速議具奏矣。又據奏總兵李能臣帶領滇兵遇賊獲勝。現在合兵進剿。並請簡調提鎮大員。分任領兵一摺。又覆奏接到疊次寄信。通籌全局等語。廣西潯州府屬之金田村。賊首韋正洪秀泉等恃眾抗拒。水陸鴟張。自應聚集精兵全力攻剿。庶期埽穴擒渠。餘匪聞而膽落。該大臣所陳擇急勦辦。自應操有成算。與巡撫提督隨時審度機宜。同心協力。會籌迅剿。

朕亦不為遙制。惟賊情狡譎。難保不揚言大夥所在。而分遣夥匪襲我之所不備。江河分汊。山徑叢雜。尤須堵截周匝。鄰省毗連扼要處所。均須聲急相通。勿令竄逸。所請簡調大員。貴州總兵秦定三。甫於冬間陞見出京。卽著該大臣飛咨沿途。無論該員行抵何處。卽飭迅赴廣西。協同向榮督兵分剿。所奏張家祥帶勇殺賊。未必暗與賊通。現值用人之際。若果可資得力。自當用其所長。俾得立功自

效。若察看情形。反覆無常。難於駕馭。則剪除奸匪內應。庶不墮其術中。總宜隨時體察。勿稍游移。致有漏洩為要。至徐廣縉疊次奏報廣西剿賊情形。均在廣西馳奏之後。自因相距較遠。得信較遲。第恐兩省奏報前後參差。易致重複。著該大臣等於具奏廣西軍務摺件。隨時知照廣東。以歸畫一。而免分歧。將此由五百里各諭令知之。○又諭廣西匪徒滋擾。前經降旨調貴州官兵二千名。業已抵粵。

現在軍務未竣。尚須添兵進剿。著喬用遷再選精銳官兵一千名。揀派將弁帶領星馳赴粵。朕聞定廣協副將李瑞人尚勇往。著喬用遷悉心斟酌。如李瑞堪以任使。卽著帶領此次官兵前往軍營。儻另有得力之員。該撫卽一面酌派。一面奏聞。刻下秦定三計當回黔。著該撫迅卽咨行該總兵。無論行抵何處。卽飭馳赴廣西。毋稍遲延。將此由五百里諭令知之。○署正白旗滿洲副都統敬徵因病乞

休。命毋庸開缺。仍賞假調理。○以鑲黃旗滿洲副都統德全署正白旗滿洲副都統。○貸江西德化湖口二縣被水災民籽種。○給湖南澧安鄉二州縣被水災民一月口糧。並貸武陵縣農民籽種。○癸巳

上詣

壽康宮問

皇貴太妃安。○諭內閣。賽尚阿等奏會同審訊解任都統等供詞支飾。請旨革職一摺。解任

察哈爾都統雙德密雲副都統德順均著革職交軍機大臣會同刑部嚴訊究辦○朝鮮國王李昇遣使奉表謝恩恭賀上

宣宗成皇帝

尊諡並進貢方物命留抵下次正貢賞賚如例

○琉球國世子尚泰遣使奉表謝恩並賀

登極進貢方物命留抵下次正貢賞賚如例

甲午

世祖章皇帝忌辰遣官祭

孝陵○遣官祭

太歲之神○諭內閣龔裕泰請開復縣衛等

官頂戴一摺湖北潛江縣知縣龔煥枝黃州

衛守備王吉昌前因經徵錢糧完解不力降

旨摘去頂戴茲據奏稱該員身於被參後趕

緊如數全完尚知愧奮龔煥枝王吉昌均著

開復頂戴○乙未諭內閣朕啟鑒後內繕書

房印鑰著阿勒清阿佩帶○以鑲黃旗蒙古

都統巴清德署行在正黃旗領侍衛內大臣

○丙申

上詣

壽安宮西所問

如皇貴太妃安詣

壽康宮問

皇貴太妃安湖南巡撫駱秉章奏請將調任

雲南按察使春熙留署湖南藩司得旨春熙

著俟陳之驥到任後接署藩篆即令伊啟程

來京貸湖南提標常德等營兵丁一月餉

銀○丁酉享

太廟遣惇郡王奕誼恭代行禮○諭內閣汪本

銓奏請將徵漕短絀之知縣摘去頂戴一摺

浙江歸安縣知縣張銑於該縣應徵米數短

絀甚多著即摘去頂戴勒限如數徵足趕緊

兌運儻有貽誤即著嚴參該護撫仍飭查明

欠數最多之戶提訊懲辦○戊戌

孝全成皇后忌辰遣官祭

陵寢○諭內閣陸建瀛奏因案究出雇充商夥

之職官請旨革職等語江蘇儀徵縣六品銜候選知縣徐芝起卽徐秀崖以職官為淮南鹽商公雇作夥盤踞多年實屬卑鄙無恥徐芝起著卽行革職以示懲儆○又諭張祥河奏請將被控之知縣革訊等語陝西白水縣知縣徐良槐被該縣民人劉家瑞呈控刑押詐贓等情經該撫撤任調省詰訊該員概不承認案關訐告贓私必應徹底根究徐良槐著卽革職交該撫提同全案人證研審確情

按律定擬具奏並飭署任之員查明該縣倉庫錢糧如有虧短情弊據實叅辦○又諭張祥河奏請將縣丞知縣一併解任質訊等語陝西富平縣縣丞李世欽稟揭該縣知縣沈功枚延案不結押累多人經該撫委員前往查明在押各犯與原稟數目不符自應撤提到省確切訊究沈功枚李世欽均著解任交該撫質訊明確照例叅辦○又諭陸建瀛傳繩勛奏修復東壩情形一摺江蘇高淳縣境

之東壩為下游蘇松等府保衛經該督等飭委官紳確勘高下酌量丈尺估需銀一萬八千兩均由該處下游各官紳民分別捐辦洵堪嘉尚此項銀兩著免其造冊報銷再東壩本係官築並非民產高淳縣民自不得藉口世業圖建房屋卽著嚴行申禁嗣後永遠不准在勘定壩基南北十二丈之內蓋屋搭棚如實有完糧憑據卽由高淳縣查明詳請豁免其應行建復廟祠均飭於岸上購覓隙地

蓋造該督等務當嚴申禁令妥為保護以息水患而杜爭端○湖廣總督裕泰等覆奏宜昌襄陽衡州均係淮鹽引地應照原議由運司按其所需引數委員解交南北鹽道分銷從之○以修築江蘇東壩出力予知府陳廷恩等升敘開復有差○

上以次辛祈穀於

上帝自是日始齋戒三日○己亥

孝德皇后殯宮月祭遣官行禮○諭內閣禮部

奏琉球國使臣呈稱該國世子此次恭進方物懇照嘉慶六年十四年道光二年准予賞收免其留抵等語該國世子因慶賀登極專遣使臣呈進方物前經降旨准其留抵正貢原以昭體恤而示懷柔今據該使臣等呈稱伊等臨行時該國世子再三諄囑懇請准予賞收免抵下次正貢具見抒忱效悃誠懇可嘉著照所請此次所進方物准予賞收下次正貢屆期該國遣使來京時再當優加賞賚

用昭柔惠遠藩至意該部即傳諭該使臣令於回國時轉告該國世子知之○又諭給事中袁甲三奏豁免民欠請嚴除積弊一摺又另片奏豁免之後宜禁止官民錮習等語據稱歷屆豁免積欠成案各省因駁飭行查有遲之數年而不結者良由本無限期以致輾轉耽延官吏營私弊端叢出若不豫為制防是竟以加惠之政遂若輩豁壑之私尚復成何事體此次豁免積欠值清查初歲民欠款

目皆已剔清外司內部已知確數勢固較然難欺卽近年奏銷在清查以後者亦不難將徵冊串根覈其實欠數目著各直省督撫將軍府尹於奉到豁免諭旨後限三箇月卽行詳晰開單具奏戶部亦卽趕緊查明覈奏其銀穀款數稍有未符者部議時一面覈准一面將不符之處行令咨部更正毋任書吏藉詞駁換致有需索至騰黃告示該地方官務須徧貼城鄉並將里戶豁免實數清單另刊黏於騰黃之尾使窮鄉僻壤無不周知庶幾吾民得霑實惠此後杜積弊於未然在官當嚴察其侵那毋令捏災遞展豫為巧抵之地在民當嚴禁其拖欠毋令希恩延宕豫開倖免之門總期各大吏共體朕心俾膏澤無不下究實有厚望焉將此通諭知之○以鴻臚寺卿呂賢基為工部左侍郎○庚子

上詣

南郊齋宮齋宿○諭內閣御史嵩齡奏請開墾

南苑閒地一摺。南苑為我朝肄武之地。春秋蒐獮。藉以習勞。

祖制昭垂。具有深意。該御史係屬旗人。既知從前有禁止開墾之

旨。何以冒昧具陳。但見小利。罔顧大體。所奏實屬鄙陋。嵩齡著交部議處。○又諭貴州學政翁同書。奏陳修水利。練水師二條。農田以畎澮為先。戎政以海防為重。水利不常修。則灌溉之區。轉多壅遏。水師不豫練。則巡緝所至。

未盡肅清。亟宜實力講求。策額振怠。著直省各督撫。於境內應修塘堰陂障。認真修復。宣濬。以除害為興利之要。其沿海地方。務當督率水師將弁。將礮械船隻。加意振新。隨時訓練。俾溝洫治而井里皆豐。島澍安而萑苻悉靖。朕於該大吏有厚望焉。將此通諭知之。○諭軍機大臣等。有人奏貴州貴陽府知府廖惟勳。才本平庸。性工鑽刺。該省苗匪滋擾。重案疊出。該府在鎮遠府任內。於地方紳耆。控

告多案。概置弗理。以致匪勢日張。勞師勦捕。該府謀調首府。反得置身局外。巡撫喬用遷復。以審辦逆匪出力。疊次為請議敘等語。著張亮基。於路經貴州之便。按照摺內所奏各情。沿途嚴密訪查。據實具奏。不准稍有隱飾。原摺著鈔給閱看。將此諭令知之。尋奏。廖惟勳頗有清聲。並無鑽刺之處。惟才具平庸。因循寬縱。得旨。來京引見。○辛丑。祈穀於上帝。

上親詣行禮。○

宣宗成皇帝初周年忌辰。遣恭親王奕訢。詣

暫安寢殿行禮。○詣

壽皇殿。行初周年禮。○詣

壽康宮。問

皇貴太妃安。○詣

關帝廟拈香。○諭內閣。訥爾經額。奏拏獲圖免糧租。斂錢聚眾。人犯。究出營求賄囑各情。並鈔錄摺彙呈覽。一摺。又片奏婦女夥控顯

有刁徒唆訟等語。案關營求陳奏必應徹底根究。著訥爾經額。卽將現獲人犯丁大觀林四。徐文興等解交刑部嚴訊究辦。其在部當差之周雲會開設茶館之宿姓吏部經承周鳳鳴及吏部廚房雇工之邱玉丕。在白欄胡同住家之秀太均著步軍統領順天府五城一體嚴拏務獲。交部審訊。案內逸犯陳洛勃任洛廣等暨斂錢奪犯各犯均著該督嚴緝到案解部究辦。除影控之婦女毋庸提解外。如有刁徒從中唆使著該督嚴飭密查拏究並將控指索詐差費之州役蘭普及原拏徐文興搶取錢物之差役一併勒提解部審辦。○湖廣總督程喬奏本年大計請俟藩司徐有壬到任後展限三月舉行從之。○以祈穀大祀天氣晴和禮儀祇肅予太常寺執事官員議敘。○以辦理清查出力予江蘇同知何士祁等加銜補敘有差。○壬寅上詣

大高殿
壽皇殿行禮○奉
皇貴太妃啟鑾恭謁
西陵○至盧溝橋詣
龍神廟拈香○詣
皇貴太妃行宮問安至還宮皆如之○諭內閣
僧格林沁等奏叅直隸布政使陳啟邁本日
由御道旁經過未經迴避一摺陳啟邁著交
部議處○以恭謁
慕陵行周年大祭禮免經迴之宛平良鄉涿房
山涿水易六州縣次年額賦十分之三○是
日駐蹕黃新莊行宮

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二十五

實錄卷之二十五

十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二十六

欽此
咸豐元年辛亥正月癸卯諭軍機大臣等陳
肝奏請裁陋規一摺據稱江西學政按臨考
試每府需用棚規前任學政孫葆元收受規
項不一而足現任學政張芾亦復踵而加厲
等語該省歷任學政是否循照舊章相沿收
受著陸建瀛陸應穀按照摺內所指各情秉
公確查據實具奏原摺著鈔給閱看將此各
諭令知之○是日駐蹕半壁店行宮○甲辰
駐蹕秋瀾行宮○乙巳

上詣

永福寺拈香。○諭內閣李星沅勞崇光向榮奏請調營員分帶楚兵一摺。湖南靖州協副將博春准升鎮。臬右營遊擊瞿騰龍著署湖廣總督龔裕迅飭該二員兼程赴粵。交李星沅等酌飭分帶楚省官兵以資策遣。○又諭李星沅勞崇光奏請分局收捐一摺。廣東暫開捐輸原為兩省勦匪之用。現在廣西需費較繁。既據奏該省紳民及外省士商捐貲助餉情形踴躍。若必令赴廣東報捐未免轉增

周折。著准其於廣西省城設立分局就近收捐。查照部行章程妥辦。○又諭李星沅勞崇光奏查明臨事逃避之都司請旨革職等因。一摺。廣西署龍憑營都司譚永德於賊匪尚未入境之先即將關防等件交該營把總看管。先自逃避。迨賊匪竄入龍州該州知州被賊掠去。又未能即時救護。所稱打仗受傷之處毫無憑據。顯係捏飾。似此喪心無恥實堪痛恨。譚永德著革職等因。交該大臣等嚴審

確情按律治罪。尋部議譚永德擬問斬監候。業已畏罪自盡。應毋庸議。從之。○諭軍機大臣等據李星沅等馳奏各摺件已分別明降諭旨均依議行矣。另片奏縷陳籌勦事宜等語。解散脅從誠用兵之良策。然須實在鄉愚無知被賊裹脅者自宜原其一綫准予自新。其中詐偽情形必當確加密察。儻係計圖內應探我虛實或為利所動暫時投誠旋即反覆賞盜之戒不可不知。據稱辦理可有端倪。

想該大臣等確察情形不至墮賊奸計。且賊匪近來糧草火藥勢將不繼。正當趁此機會官兵全力攻勦。壯練分段兜擒以期迅就殄滅。古人用兵有以多制勝者。亦有以少擊眾者。全在相地度機。用人得當。固不必盡出一轍也。現在賊匪究有幾股。每股頭目確係何人。前次奏報均未詳悉。聞陳朕心甚為懸繫。所有前經添調之黔兵一千名及所請調之廣東潮州兵均著該大臣迅即分咨飛調會

勦仍當迅速籌辦毋致老師糜餉坐失事機
昨據喬用遷奏訊出粵西盜匪股數並差探
情形一摺鈔給該大臣等閱看其所稱賊匪
姓名圖章暗號均著嚴密訪拏悉數偵獲該
大臣即分咨雲南貴州湖南廣東各鄰省分
飭各交界地方文武協力同心互相堵截如
有賊匪竄往或各該省土匪與粵西賊匪勾
結一經獲訊得有該匪等股首盜窩真實情
形著各該督撫一面具奏一面飛咨該大臣
等迅速掩擒免致遲誤前諭令查閱正鳳貽
誤實在情形並此外劣蹟著即據實具奏將
此由四百里各諭令知之○賞蹕路經過看
守各行宮弁兵半月錢糧○予廣西陣亡都
司雷振坤千總張世成合永平把總張彩雲
石貴李逢春馬良春主恩詔外委張應星雲
騎尉薛大經祭葬世職額額外委易閔昌等
賞卹如例○是日駐蹕梁格莊行宮翼日如
之○丙午

上恭謁

泰陵

泰東陵

昌陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○御更衣幄次冠摘纓緯詣

孝和睿皇后几筵前行禮躬奠哀慟王以下文

武大臣官員均隨行禮○御更衣幄次服綰

素恭謁

慕陵未至碑亭即降輿慟哭步入

隆恩門詣

宣宗成皇帝几筵前行周年大祭禮躬奠哀慟

王以下文武大臣官員均隨行禮○御更衣

幄次冠綴纓緯詣

孝穆成皇后

孝慎成皇后

孝全成皇后寶城前行禮躬奠哀慟王以下文

武大臣官員均隨行禮○御更衣幄次服編素詣

宣宗成皇帝几筵前行辭奠禮○賞守護

昌陵

慕陵值班官員細各一疋○兵丁半月錢糧○丁未諭軍機大臣等主懿德奏由京啟程行至河南見祥符至中年一帶地寬六十餘里長逾數倍地皆不毛居民無養生之路等語河南自道光二十一年及二十三年兩次黃河

漫溢膏腴之地均被沙壓村莊廬舍蕩然無存迄今已及十年何以被災窮民仍在沙窩搭棚棲止形容枯槁彫敝如前覽奏深堪憫惻著潘鐸親往該處履勘查明從前如何撫恤是否辦理不善並現在窮黎戶口實數若干應如何設法安插之處悉心籌計妥議具奏民生疾苦地方大吏必應隨時留意況地近省垣耳目尤切該撫自當仰體朕懷俾中澤哀鴻得謀安集庶不負父母斯民之責也

將此諭令知之○是日回鑾駐蹕秋瀾行宮○戊申

孝穆成皇后忌辰遣官祭

陵寢○吏部以大學士養尚阿應定何殿閣請得旨著為文華殿大學士○是日駐蹕半壁店行宮○己酉諭軍機大臣等周天爵奏馳抵粵西探聞賊匪情形一摺所論頗為明晰並以大黃江一股會匪地險人眾亟宜先事戡除與李星沅等前奏擇要進攻所見不謀

而合昨據李星沅奏因積雨連旬滇兵尚未到齊現在設法解散脅從懸賞購募首逆擬合湖南雲貴各處官兵加以壯練由提督向榮策遣進攻目下計已接仗李星沅向榮謀勇兼施自必將金田會匪殲穴擒渠此處辦理得手則右江各屬股數雖多自然聞風瓦解可成摧枯之勢惟行軍之要首在臨事而懼好謀而成粵西羣盜如毛豕突鴟張未可輕視即使金田奏捷尚待次第掃除周天爵

慙直樸誠甚有血性。向榮亦勇敢過人。朕心深所嘉許。但恐過於勇往。所向無前。轉不免輕進疏率之失。李星沅計慮務出萬全。自屬老成持重。但恐過於慎重。又不免遲誤事機。行兵事勢機宜。所爭間不容髮。需遲固屬不可。輕銳尤屬非宜。李星沅既命為欽差大臣。自宜總領戎行。專司籌辦。而周天爵向榮各受知遇重恩。務各殫竭智力。相助為理。現在周天爵甫抵桂林。向榮在潯。李星沅在柳。總

須扼要分防。仍復和衷合辦。使三人如一人協力同心。剛柔互濟。泯意見而杜推諉。於事方為有濟。朕引領南顧。宵旰焦勞。想李星沅周天爵向榮定能不負誥誡。速掃賊氛。以慰廑望。周天爵現署巡撫。兼軍務。僕各屬有須親赴勦辦。未便坐失事機。隨時會同李星沅等相機督剿。其地方尋常事件。藩司勞崇光儘可代理。驛站一切。臬司吳鼎昌亦可分辦。固不必辭撫篆而專辦軍務也。至李殿元

宋煜陶玉德前已有旨革職。拏問治罪。著即嚴訊定擬具奏。已革巡撫鄭祖琛前經李星沅稱其尚能熟悉該處情形。准令隨營差遣。現在該大臣到粵已有數月。自能訪知一切。該革員毋庸仍留軍營。著即飭令回籍。將此由四百里諭知李星沅周天爵向榮並傳諭勞崇光吳鼎昌知之。○是日駐蹕黃新莊行宮。○庚戌。

孝聖憲皇后忌辰。遣官祭。

泰東陵。○

上詣

大高殿行禮。○還宮。○辛亥。詣

壽康宮問

皇貴太妃安。○諭內閣。朕念深典學。御極之始。即欲舉行日講舊典。禮臣以乾隆嘉慶年間兩朝訓諭。皆以此事易滋流弊。徒尚虛文。俱奉命停止。是以斟酌未行。然朕心未嘗不念茲在茲也。尚書有言曰。辭尚體要。又曰。不由古訓。

于何其誦儒臣進善於君。援古即以證今。若紛紛論列時事。恐啟挾私逞臆之端。轉失講道沃心之義。朕幾務餘閒。將於翰詹諸臣中。輪流選派親命題目。各擬講義。分日進呈。在朕既可以古為鑑。且以觀諸臣器識學問。為量能授任之資。庶幾上下交相勉勵。用副朕集思廣益。崇實黜浮至意。○又諭給事中蘇廷魁陳奏一摺。朕詳加披覽。所稱求宏濟之道。防驕泰之萌。意在推誠任賢。慎始圖治。能

見其大。朕甚嘉之。其論孝廉方正一條。亦合循名責實之意。著各省督撫學政認真訪擇。務將品學兼優。眾所推服之人。切實保舉。以備錄用。毋得虛應故事。名實不符。如所舉非人。惟濫保之員是問。其各慎之。○又諭徐繼畬奏請將僉差不慎之知縣議處一摺。福建署南平縣知縣劉用錫。於接解盜案內。應行質訊人犯。並不嚴飭差役小心管解。以致九犯全行脫逃。非尋常疏忽可比。劉用錫著交

部嚴加議處。其任聽差役推諉漫無覺察之水口縣丞。亦著該撫查明送部議處。該撫即勒提各兵役解省。提同已獲二犯。研訊確情。分別究辦。未獲七犯。仍飭嚴拏。務獲按律懲辦。○諭軍機大臣等。前因福建租住神光寺二夷欲搬至道山觀居住。降旨令裕泰確查情形具奏。茲據徐繼畬奏稱。夷人已於十一月十二月內先後搬至道山觀居住。將神光寺房屋交還。並將用印之租約亦繳還塗銷。

等語。前任侯官縣知縣興廉。前因辦理不善。降旨革職。何以此次夷人搬移復責成該革員辦理。著裕泰查明徐繼畬有無迴護徇庇等情。並遵前旨飭查各件。一併據實具奏。將此諭令知之。尋奏徐繼畬責成該革員經理。實因與該夷先有搬移之約。不使該革員置身事外。尚無迴護徇庇別情。報聞。○以福建上年晚稻歉收。暫緩各屬買補動缺穀石。○壬子諭內閣翰林院自學士以下。詹事府自

庶子以下著該衙門將現任人員名單開列進呈按月更換一次○又諭賡福奏遵查已革都統任內所辦事件並參革人員呈訴各情一摺已革委署翼長車凌皮勒巴勒黨車林既經賡福查看該二員精力未衰於牧務可期得乃著照所請毋庸革退令其回羣當差仍著隨時查察如精力稍形遲鈍即著據實甄別其休致總管車林丕勒及伊子協領嘎勒桑達爾齊被參各情著刑部提訊雙德

按照賡福摺內情節取具確供奏明即交賡福就近秉公查辦○又諭陸建瀛奏被參知縣具稟申請請歸案查辦一摺前任江西廬陵縣知縣陳雋前經學政張芾遵旨查奏陳阡案內降旨解任交陸應穀查辦茲據該員具稟申請虛實均應根究著陸建瀛會同陸應穀將此案前後各情節秉公確查據實具奏毋稍含混○又諭莊浪城守尉懷成奏馬廠地界久被番民侵占耕種懇請查辦一摺

著琦善派委妥員確實查勘應如何辦理之處覈議具奏涼州副都統興泰因何不肯會銜著一併查明覆奏○諭軍機大臣等據禮部奏稱琉球國使臣在部呈遞稟函復以啖夷在彼逗遛懇求開導撤回等語此事前已疊次降旨諭令該大臣向叻酋設法開導飭令撤回茲復據該國稟稱不惟啖夷尚未撤去且屢有啖夷船隻到彼惡言驚嚇來去靡常以致該國日久憂慮琉球國臣服天朝

最稱恭順況該王世子年幼初立屬令使臣到京具稟豈能置之不問著徐廣縉仍遵前旨再向叻啖相機開導諭令迅將啖夷並其妻子人等一律撤回以免驚擾而恤藩封琉球使臣原稟著鈔給閱看將此諭令知之○又諭本日據禮部奏琉球使臣在部呈遞稟函因啖夷在彼逗遛懇求開導撤回等語已有旨交徐廣縉查辦著禮部即遵旨傳諭該國使臣知之○兩江總督陸建瀛奏遵籌

添塘避牆擬俟本年漕竣興工得旨不可藉詞支吾亦不可含混了事○江甯布政使楊文定奏報回任日期得旨爾之才具斷不致因循廢事但屬員之因循蒙混尤應認真察劾不患不明惟患不公朕期汝事事須一誠字一當字○命內閣中書姚近韓左春坊左贊善郭沛霖戶部員外郎顏錫惠禮部主事江健江西道御史存葆於本月二十七日起每日一員聽候召見○癸丑

上詣

壽安宮西所問

如皇貴太妃安○詣

壽康宮問

皇貴太妃安○諭軍機大臣等有人奏會匪結黨勾引蔓延請飭查辦一摺並請嚴禁私礦出境等語據稱漳州府屬會匪嘯聚數萬人以廈門人陳馨同安人王泉為大頭目設局斂錢鄉愚被其煽惑橫行郡縣恣意搶奪嚇

索上年十一月間有賊目王靖李景黃允劉四等各擁眾入會地方文武不能查辦現在漳泉各處道途梗塞似此盜賊公行若不及早殲除必致釀成巨案裕泰甫經簡調無所用其迴護著於到任後嚴密確查該匪等有無勾通夷匪假借名色迫脅良民其傳習者共若干縣實在黨與人數多少與兩廣土匪是否聯為一氣密飭明幹妥員不動聲色將頭目陳馨王泉先行購緝設法擒獲其餘以次偵捕不難悉數就擒該省武職陳興隆尚知認真緝捕而文員乃專事輕縱此種惡習必應懲創毋令該地方官以容隱在前意存消弭規避處分至淡水廳屬產有硫磺有無奸民偷採往販外夷去年該夷有請赴難籠山採煤之謠未必非借此影射亟宜實力查禁著一併嚴飭該鎮道查明覈辦並嚴派委員前往訪查曾否封禁以杜奸萌是為至要原摺片著鈔給閱看將此諭令知之○命山

東巡撫陳慶偕來京陛見以布政使劉源灝署巡撫○甲寅諭內閣本年輪應查閱直隸山西陝西甘肅四川等省營伍之期直隸著即派訥爾經額山西著即派兆那蘇圖陝西著即派張祥河甘肅著即派琦善四川著即派徐澤醇逐一查閱認真簡校如查有訓練不精軍實不齊者即將廢弛之將弁據實劾參毋得視為具文○又諭徐廣縉葉名琛奏勦捕賊匪大獲勝仗一摺據稱連平州屬九連山一帶前有經擊敗之匪徒屯聚意圖北竄經該督撫飭委員弁分三路進兵探知大夥賊匪盤踞和平縣屬之剎頭墟即於十二月二十五日五鼓督率兵勇兜擒追殺翻山十二重接仗五次計殲斃賊匪二百五十九名生擒一百三十八名餘匪復於次日經署連平州知州吳昌壽帶領兵勇殲擒多名詔州一帶潰散匪徒既經痛加勦洗不難全力殲除著即督率文武將佛岡英德山內藏匿

匪徒嚴行搜捕毋任伏莽潛蹤以期淨絕根株迅速肅事至高州廉州各屬與廣西毗連防勦尤關緊要提督陶烜文現已抵任著即前往該處會同高廉道宗元醇妥籌防勦毋令兩省交界處所勾結蔓延以靖賊氛而綏邊圉○署廣西巡撫勞崇光奏請將尋常命盜各案俟軍務完竣展限審辦從之○命委散秩大臣麟興在乾清門行走○命雲貴總督吳文鎔在紫禁城騎馬○修浙江錢塘餘杭山陰會稽蕭山上虞六縣塘隄各工從署巡撫汪本銓請也○乙卯諭內閣慧成奏豫禁侈言祥瑞一摺並片奏整頓吏治等語所奏甚是深契朕衷蓋國家以賢才為寶豐年為瑞朕寅承丕緒夙夜惕乾敬念皇祖仁宗睿皇帝親政皇考宣宗成皇帝御極疊奉訓諭以侈言祥瑞近於驕泰惟益勵寅恭共圖

上理於日月合璧五星聯珠諸奏皆不准宣付史館朕何敢不恪遵

成憲以迪前光近來內外臣工章奏尚無鋪陳符應粉飾太平之語但杜漸防微不可不交相儆惕況此時東南民氣甫冀少蘇而兩粵用兵邪氛正熾若惑於浮說徒貽笑於後人內外諸臣當以敬慎存心不可少蹈浮夸之習惟期政通人和年穀順成以副朕志至於吏治廢弛苦口訓誡何啻再三無奈各省州縣親民之官深染積習因循不振總由大吏甄劾不明勸懲不公以工於趨承者為開展以拙於應接者為迂拘遂至惴惴之吏沈抑下僚奔競之徒濫膺薦贖人材不振國計民生將何賴焉各督撫大吏或文

先朝厚恩或由朕加特簡於用人行政之際果能破除情面懷遵成法事事矢以實心濟以實力何慮頽風不能盡挽賢才不能奮興轉移之權操之自上諸臣亦分任其責其各洗

心滌慮共襄邦治勿復視朕言為具文也將此通諭知之○

上以祭

社稷壇自是日始齋戒三日○丙辰

孝儀純皇后忌辰遣官祭

裕陵○旌表守正捐軀四川巴縣民張國儒妻

文氏崇慶州民杜上崇女金秀○丁巳諭內

閣學郡王奕謨著於四月二十日卯時入學

讀書○改鑄湖南衡陽縣知縣印信從巡撫

駱秉章請也

勝為江南壽春鎮總兵官。江南壽春鎮總兵官哈豐阿為浙江處州鎮總兵官。○予故貴州提督秦鍾英祭葬。○撫恤朝鮮國遭風難夷如例。○庚申遣官祭。

文昌帝君廟。○諭內閣。此案已革密雲協領海玉報修工程。輒將領項內用銀六百兩付給戶部書吏王雨田作為使費。希圖分案覈准。實屬以財行求。海玉著從重發往新疆效力贖罪。已革察哈爾都統雙德任聽海玉付

給書吏銀兩。復聞知德順欲行參奏。措銀補還庫項。顯係徇庇於前。消弭於後。已革密雲協領蘇克都亨以管庫之員。聽從海玉向書吏行賄。即應以為從論。已革密雲副都統德順於該處修工草率。業經查出。輒聽屬員求情。具結了事。結內註寫與己無干字樣。實屬有意消弭。自為開脫。且協領缺出。即將辦工草率之海玉升補。並將資格尚淺之恩成升補佐領。又於伊子私往密雲。並不阻止。雙德

蘇克都亨德順均著從重發往軍臺效力贖罪。雙德德順雖年逾七十。不准收贖。事犯雖在恩赦以前。均不准其援免。已革馬甲魁山因革差挾嫌。將不干已事牽控多款。實屬刁健。著銷除本身旗檔。發近邊充軍。到配枷號三箇月。枷滿嚴行管束。未獲之高。王雨田即王潤祥仍著嚴緝務獲。送部究辦。○又諭給事中汪元方奏請停增附捐納教職一摺。教職有考課諸生之責。增附生員學業尚淺。

驟令司鐸。不足以示矜式。著即將增附捐教一條永行停止。至前項捐生已經選補者。應不准其濫膺保薦。其應如何酌定限制之處。著該部議奏。尋奏增附出身之教職擬請俟二次六年俸滿。方准保升。其有續經中式舉人副貢者。照例扣滿六年。以知縣保升。從之。○署廣西巡撫周天爵奏請設局收捐米石。以裕軍儲。從之。○命倉場侍郎朱嶠前赴天津。督同司員驗收海運漕糧。○辛酉諭內閣。

皇考宣宗成皇帝梓宮永遠奉安

山陵據欽天監奏謹擇於咸豐二年三月初二日並擇於明年四月十一日行釋服禮所有應行典禮及一切事宜著各該衙門屆期敬謹豫備○諭軍機大臣等有人奏因地制宜籌滅賊匪一摺據稱粵西萬山絡繹計惟增險嚴守先將各小股賊匪偪困一隅次第殲擒然後將大黃江金田村各大夥巢穴合兵接捕其十萬山一帶極為險峻進剿為難但

須阻賊出路勢必內潰意在以守為攻善後之策亦具於此所言尚中肯要著鈔給該大臣等閱看按其所陳各情勢妥為籌辦又有入奏請力行堅壁清野一摺歷陳從前川陝楚教匪滋事堡寨告成然後殄滅現在廣西勦匪亦惟深溝高壘人自為兵各保藩籬守望相助俾良民不至脅從匪徒一無接濟賊勢窮蹙而後擣穴擒渠算操必勝又片奏團練成效如嘉慶年間明亮所稱各州縣於大

鎮市勸民修築土堡環以深溝其餘或十餘村為一堡或數十村為一堡長麟所稱守我有糧有民之區偏賊歸入無食無人之地黨孤食盡自然竄出以逸兵待困賊不難一舉撲滅等語均著該大臣等悉心酌度現在賊勢眾寡水陸險隘情形一面相機勦捕一面剴切勸諭紳耆廣募練勇互相保衛事易功倍庶殄滅之後不致再留餘孽昨周天爵奏大營不可為所誘動嚴飭州縣處處團聚聯

絡堅守意亦大概相同並據稱避賊良民多據形勝自守若官為倡導保護民志自必更堅兵氣亦可大振矣將此由四百里諭知李星沅周天爵向榮並傳諭勞崇光吳鼎昌知之○予捐修廣東惠來縣

文廟官紳于元培等加級紀錄職銜有差○

壬戌

上詣

壽康宮問

皇貴太妃安○諭內閣前有旨令河南布政使張集馨於道經山西時會同按察使孫毓淮查辦現任陝西按察使多慧被叅各款茲據奏稱多慧前在山西雖訊無與放債之孟春亭結拜兄弟及為休致知府李元慶彌縫病狀並升調各缺亦無染指各劣蹟惟以監司大員違例借貸不知自愛又失察跟役向孟春亭送禮抽豐並於督辦清查一案其兄多瑞前在介休任內虧短甚鉅並不引嫌自避

又復含混具詳有心取巧咎無可辭著交部嚴加議處山西巡撫兆那蘇圖查無徇情容隱情事惟於多慧詳辦清查未能通盤籌畫辦理不無流弊著交部議處所有隨同畫臺之司道一併交部查取職名照例察議山東陽信縣知縣多瑞虧短介休縣任內正雜各款一萬六千八百餘兩著山東巡撫嚴飭該員勒限半年解交山西藩庫清款母任延宕○又諭張集馨孫毓淮奏請將山西清查另

行籌議等語該省辦理清查雖為正款有著起見惟設法補苴未盡妥善且恐藉口彌縫更滋流弊著兆那蘇圖督同藩司蔣蔚遠集司孫毓淮體察情形妥籌辦理據實具奏○又諭穆騰額等奏將哲布尊丹巴呼圖克圖呼畢勒罕轉世之幼童驗看掣定一摺上年十二月初九日據駐藏大臣等會同達賴喇嘛呼徵阿齊圖諾們罕及伊徒達喇嘛等帶領眾喇嘛等奉經由金瓶掣出番民密瑪爾

之子烏金策仁之名定為呼畢勒罕達賴喇嘛當據經理將哲布尊丹巴呼圖克圖之呼畢勒罕名為哲布尊阿旺吹濟旺渠車拉嘉木磋德此事甚屬吉祥朕心殊深忻悅著加恩賞給該呼畢勒罕黃手帕一方佛一尊大緞四卷并交庫倫辦事大臣德勒克多爾濟等轉行曉諭喀爾喀四愛曼之汗王及伊徒喇嘛等知悉所有應行辦理迎接哲布尊丹巴呼圖克圖之呼畢勒罕事宜著交德勒克

多爾濟等先行敬謹妥為辦理○又諭穆騰額等摺內所稱班禪額爾德尼現患駭疾舉動艱難朕心殊屬惦念班禪額爾德尼年老且患駭疾必須安心調理著穆騰額等轉諭班禪額爾德尼知之以副朕期念之意○諭軍機大臣等前據徐廣縉奏廣東陽江鎮總兵曾逢年丁憂請以升署大鵬協副將溫賢署理該鎮印務當即降旨允准該員署任已逾數月於洋務是否熟諳能否勝總兵之任

著徐廣縉迅即查明據實具奏將此諭令知之○又諭署浙江定海鎮總兵周士法前於道光二十九年曾奉

諭旨令劉韻珂察訪能否辦理得宜俟屆滿一年時具奏現在劉韻珂業已告病開缺周士法署任已逾一年著裕泰到任後留心訪查該署總兵周士法辦理一切營務是否得宜迅即據實具奏毋稍遷就將此諭令知之○福建臺灣鎮總兵官呂恆安因病解任調浙

江温州鎮總兵官葉紹春為福建臺灣鎮總兵官浙江黃巖鎮總兵官陳世忠為温州鎮總兵官以浙江平陽協副將湯倫為黃巖鎮總兵官○以福建臺灣緝捕洋匪出力予通判卓津等升敘有差○癸亥

上詣

壽康宮問

皇貴太妃安○宗人府會同刑部奏易州民人圖免錢糧賄求條奏將御史文光解任嚴訊

得旨文光著即革職交軍機大臣會同宗人府刑部嚴訊尋奏已革浙江道御史文光於易州民人求免錢糧輒敢聽受賄囑率行陳奏所許之賂雖未入手究屬貪鄙無恥應請從重實發黑龍江充當苦差遇赦不赦秀崐身係宗室聽從邱玉丕等營求說事希圖酬謝已受賂銀六十兩實屬卑鄙應革去四品頂帶從重發往盛京交該將軍嚴加管束徐文興等或起意行賄或說事過錢分別流徒

杖責從之○甲子

孝淑睿皇后忌辰遣官祭

昌陵○遣官祭

先醫之神○諭內閣從前內外現任大員之兄弟子孫五年一次挑取侍衛拜唐阿當差挑取後尤須習學清語技藝騎射以為差使得人起見自道光二十六年查辦以後迄今已逾五年又屆應行查辦之期惟思該大員子弟內或身體軟弱馬上平常或自幼讀書

未能及時習學騎射此輩即使挑為侍衛拜唐阿又焉望其得力耶自應量為通融辦理嗣後在京文職自三品以上武職自二品以上外任文職自總督以至按察使武職自將軍提督以至總兵該大員之兄弟子孫內如有年已及歲於侍衛拜唐阿差使相當遇五年查辦之時情願挑取者著該大臣等仍照從前呈報該旗由該旗造冊咨送軍機處彙奏經朕指出者帶領引見僅有身弱殘疾抑

或騎射平常不能挑取侍衛拜唐阿者著該大臣即行據實呈明該旗轉行軍機處聽其自便該旗亦不必指名催取以示朕普育旗僕量材器使之意○乙丑遣官祭

關帝廟○諭內閣傳繩勳奏遵查豁免積欠請旨遵辦一摺向來查辦豁免積欠降旨指豁自某年至某年者總以奏銷截數為準若未入奏銷不得統作積欠蠲免歷經該部纂入則例一律遵行本年元旦經降旨飭令各

該省將道光三十年以前實欠在民者詳查具奏候朕以次施恩各該省遵旨查辦自應仍照舊章凡實欠應蠲總以欠數已入奏銷為準其道光三十年正賦此時尚未奏銷不得謂之積欠著再通諭各直省督撫將軍府尹等遵照從前成案並現在戶部議行各事宜明晰曉諭分別辦理毋致小民誤會觀望致礙新賦庶應蠲者實惠均霑應徵者輸將無誤官吏人等自不至有影射蒙混等弊至

傳繩勛奏稱江蘇道光二十九年漕項雖未歷過奏銷。但地丁漕項向係一條編徵。難以劃分。著准其援照嘉慶二十三年成案。一併查明。請旨豁免。各督撫等。各就該省應豁民欠數目。詳細勾稽。覈實查辦。使布德行惠之典。比戶周知。用副朕意。將此通諭知之。○諭軍機大臣等。有人奏陝甘總督琦善之胞弟琦齡。前在固原州安定縣各任內。虧空甚鉅。謊報完繳。率請開復。令各屬代為彌補。以致

無處不虧。甯夏虧數最多。泰州肅州平羅甯朔等處。均有虧缺。因代琦齡賠補。虧空得免。參撤。又有余魁。曹玉盤。踞甘省出入衙門。行私納賄。曹玉向與劣幕孫芷清朋比。為奸。余魁前經犯案。追繳捐照。遞回原籍。近乃詭入皋蘭籍貫。干預公事等情。事關大吏袒護親屬。貽累屬員。清查不實。不盡。虧缺之員。應參不參。甚至縱容犯案棍徒。仍前逗遛干預。均應徹底查究。著薩迎阿將所指琦齡及各州

縣虧空代賠實數。確切查明具奏。並將余魁等劣蹟訪查。嚴行訊辦。原奏片鈔給閱看。將此諭令知之。尋奏遵查肅州等屬虧空實數。知縣聶爾者等。並無代琦齡彌補情事。著賠之項。業咨四川省追繳。應毋庸議。余魁應照長隨盤踞衙門例。杖一百。枷號一月。遞回原籍。曹玉。世居皋蘭縣城。訊無盤踞出入衙門等事。應毋庸議。下部議從之。○又諭據杜受田呈遞奏單一件。縷呈兩粵匪徒。先後滋擾

情形。及賊匪名目。已革總兵盛筠。首為招撫之議。以致匪徒日益猖獗。並擬整軍威。募精勇。勸鄉團。察地形。務解散五條。頗為詳晰。著李星沅等。按照單內所陳。詳加採擇。體察情形。認真妥辦。廣東兵勇。是否可資得力。前調潮州兵一千名。是否已到。至所稱象州紳士韋姓。以本地團勇殺賊。地方官僅給薄賞。遂致開散。博白縣亦有鄉兵踰境殺賊。宣化貴縣團勇力拒賊匪。官兵不能救應等語。著即

派員確切查明分別勸懲以勵眾心至張家祥是否悔罪自效前已諭令查辦盛筠如何貽患著仍遵前旨一併確查據實奏原單著鈔給閱看將此各諭令知之○又諭有人奏山東滕縣有著名賊匪富聚急應嚴拏懲辦等語上年春間江西舉人王言堯在滕縣沙河地方被劫一案前經降旨嚴飭查拏嗣據陳慶偕奏該縣黃良楷所獲各犯並非此案正盜當將該員交部嚴加議處仍飭迅緝賊賊至今尚未弋獲又上年十月間湖南守備俞勝被劫受傷一案亦未獲賊據稱皆由該縣捕頭梁繼先即梁留得賊包庇並有地保分肥以致盜匪肆行無忌著陳慶偕督同臬司福濟速即遴委員弁馳赴該處將摺內所指各犯按名查拏務獲究辦並查該縣捕頭地保等窩賊各情即行按律嚴辦原摺著鈔給閱看將此諭令知之○丙寅

上詣

壽康宮問

皇貴太妃安○諭內閣訥爾經額奏豁免積欠旗租請旨遵辦一摺各直省民欠錢糧前經降旨將道光三十年以前已入奏銷者全行豁免此項佃種旗地之民近隸畿疆同深望澤允宜共沛恩施所有直隸各州縣道光三十年以前實在民欠各項旗租並各案補徵銀兩著加恩一體豁免該督即刊刻謄黃徧行曉諭毋任胥吏舞弊務使實惠均霑用副

朕布闡推恩至意○丁卯祭

先師孔子遣大學士賽尚阿行禮○以廣東

廣州府知府易棠為陝西按察使○戊辰

孝康章皇后忌辰遣官祭

孝陵○諭內閣載銓等奏考驗過身兼十五善

射善騎射善鵠射之公侯官員兵丁等騎射

分別去留請旨一摺又據奏載銓腰痛中山

逾歲所兼之善騎射十五善射懇請開缺等

語載銓所兼之善騎射中山所兼之十五善

射善騎射俱著毋庸開缺俟將十五善射善騎射善鵠射帶領引見時再行酌降諭旨其由兵缺十五善射現升任五品以上應入於官缺十五善射之乾清門頭等侍衛那瑪善等三十一員朕於本月二十四二十五日在御箭亭閱看步箭○又諭徐繼畲奏請暫留升任臬司等語升任甘肅按察使興泉永道張熙宇會同該管文武拏獲會匪首要各犯多名現在拏拏餘匪訊取確供正在喫緊之際著即責成該員一手經理俟將此案辦竣再行文卸前赴升任○又諭此案拏獲把持倉務之甯八即烏林泰係銷除旗檔疊次在倉舞弊定擬充軍之犯膽敢脫逃來京詭名盤踞各倉怙惡圖利實為玩法積蠹必應從重懲辦以肅倉務著交刑部嚴行審究毋任狡展柳二即八五兒孫富高七即得兒司二即星路一併交刑部歸案訊辦○戶部議覆

閩浙總督劉韻珂等奏查明臺灣府屬地丁

錢糧虧那實數請旨飭下閩浙總督福建巡撫轉飭臺灣府屬按員分別追繳毋再另行立限從之○以青州副都統常清署葉爾羌幫辦大臣○福建漳州鎮總兵官兆麟因親老回旗以湖南常德協副將萬飛鷹為福建漳州鎮總兵官○己巳

上詣

壽康宮問

皇貴太妃安○

孝德皇后殯宮月祭遣官行禮○遣官祭黑龍潭

昭靈沛澤龍王之神玉泉山

惠濟慈佑靈瀨龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○調浙江溫州鎮總兵官陳世忠為

山東登州鎮總兵官○修甘肅南川營黑城子土堡衙署從總督琦善請也○庚午遣官祭昭忠祠○諭內閣李星沅周天爵向榮奏進勦金田逆匪情形並上龍土司等地方勦匪各一摺又片奏各屬擒獲匪犯等語廣西桂平縣屬金田逆匪竄踞大黃江一帶地險人眾經提督向榮等督飭文武員弁合力進攻於正月十八日直抵賊巢連環攻擊自辰至午轟斃賊匪二百餘名並拋擲火具燒毀賊巢房屋多間乘勢進追又斃賊匪數十人其由別路進攻之水陸壯勇復分投攻勦殺斃數十名該匪退竄回巢負隅固守至龍州之上龍土司一帶有大夥賊匪滋擾經該鎮道督兵分路夾擊殲擒匪犯多名署守備楊致英手刃執旗賊目二名奮勇可嘉永康州之都結佶倫等土州地方亦有賊匪奔竄現已派兵馳往勦捕務須嚴密梭拏勿任蔓延其南甯府文武於隆安縣境勦斃賊匪三百

八十餘名並將賊首殲斃太平梧州等府修仁等縣疊經拏獲戕官要犯及曾經降旨飭拏各犯多名分別正法辦理尚屬認真所有獲犯出力各員及兵練等均著查明覈實保奏候朕施恩○諭軍機大臣等李星沅等奏進勦金田及上龍土司等地方賊匪各一摺此次進勦金田大股賊匪雖少有擒獲弁兵亦有傷亡急宜厚集兵力設法兜擒庶不至勞師糜餉所有續調貴州官兵一千名據喬用遷奏飭令李瑞等管帶兼程赴粵計已馳抵軍營惟前准調之廣東潮州兵據徐廣縉奏稱該省高廉一帶防勦正當喫緊之際勢難分兵前往僅兵力實有未敷著李星沅等悉心商酌應調若干名准其仍於湖南廣東各府屬一面飛咨調取一面具奏以期迅速肅事至所需餉銀計由部撥解及廣東撥往為數已不為少現在捐輸該省業經設局於經費亦不無接濟如收有成數即著隨時奏

聞周天爵前奏調各員內。江蘇候補道周燾。朕聞係巡捕出身。專事鑽營。行止貪鄙。又廣東候補千總香山縣武舉韋允升。於道光二十一年。以團練義勇為名。冒領帑項肥己。當此藉資羣策之時。既經該署撫奏請差遣。朕無不俯允所請。惟人不易知。僅用之不當。轉受欺蒙。恐貽後悔。朕既有所聞。特諭知李星沅。周天爵隨時查訪。如實係得力之員。自不妨舍其所短。用其所長。或喜事貪功。無裨實用。斷不可因已經奏調。稍存遷就之見。該大臣等。忠君體國。和衷共事。因材器使。自必慎之又慎也。將此由四百里諭令知之。○又諭徐廣縉。馳奏遵籌接濟廣西軍需。並潮州兵難再調一摺。所稱廣東近年撥解支銷。為數既多。兼之清遠英德高廉等處軍務未戢。以後勢難再籌。自係實在情形。粵東現開捐輸事例。報捐官商。諒已陸續具呈。俟收有成數。著即奏報。酌量緩急。以備兩省軍需。又據稱

潮州兵一千名。已派往高廉一帶防堵。無可再調等語。該督兼轄兩省。潮州官兵。現雖無可再調。粵東何處之兵。尚可調用。務須通盤籌畫。隨時知照李星沅。周天爵等商酌辦理。如粵西兵力不敷。該督即一面奏聞。一面派兵前往接應。慎勿遲誤事機。將此由四百里諭令知之。○又諭寄諭兩江總督陸建瀛。據江蘇蘇松太道麟桂呈。遞整飭海口一摺。據稱。喫夷經費不足。其技已窮。宜乘此使其自窘。計在杜其取利。用其所忌。如鴉片土獲利最厚。但令無人買食。販賣者不驅自退。該夷商不能獲利。勢必不能久住。請將吸食之犯。照例嚴辦。意在懲一儆百。不禁自止。又如夷人最忌粵人。請將福建之興泉永。浙江之甯紹台。江蘇之蘇松太。各道缺。皆用廣東籍貫人員。使五口聲氣相通。俾該夷更生畏忌。又如嘯嘯哂哂。專事傳教。習教之人。遇與民人爭訟。有在上海主教之趙方濟。暗為庇護。往往

使領事官與地方官議論是非。為結納眾心之計。請嗣後凡遇此等案件。該夷從中阻撓。干預。概不准理。則習教之人。無可仰藉於該夷。其教不攻而自解等語。該道員既任海疆多年。據情入告。諒必向該督稟明。所言夷情暨整飭事宜。現在辦理如何。其所稱海口道員。專用粵人。是否更滋流弊。該督體察情形。定有所見。著即據實具奏。如果洞中窺要。足以奪夷之魄。是該員熟悉情形。即責成該員妥為辦理。以期得力。將此諭令知之。○熱河

都統惟勤因病解任。以署察哈爾都統廣福為熱河都統。正黃旗滿洲副都統恆春為察哈爾都統。○賞廣西隨營效力廕生向繼雄花翎。○以湖南弁兵隨勦粵匪奮勇出力。賞副將和春都司鄭魁士守備陳明志花翎。千總周維新等藍翎。餘升擢有差。○以廣西紳團勦賊出力。賞團長生員黎建勳五品頂帶藍翎。餘升用給頂有差。○予廣西陣亡守備

王崇山千總湯成光把總李茂王薦魁洗蛟張秉政外委吳大經李光煜嚴發成伍佐邦王慶光武舉劉正彪祭葬世職。○辛未諭軍機大臣等。據都察院奏河南生員王正誼。控稱商邱縣郭老家集地方。搶匪郭鎖等糾眾持械搶竊勒贖。冒充官長。賁夜入室劫物傷人。並將事主馬三科殺死滅跡。及事主被搶。繼死各重情。搶匪如此橫行。實屬目無法紀。若不嚴行懲辦。恐致蔓延鄰省。釀成巨案。著

潘鐸按照所控各案。悉心研鞫。務得確情。並嚴飭該地方官認真查拏。將各犯悉數弋獲。不准一名漏網。以懲兇暴而安善良。原呈並單均著鈔給閱看。將此諭令知之。尋陸應穀奏遵訊土匪郭鎖等。僅止行竊四次。並無糾搶及殺死事主馬三科滅跡等情。惟與王正誼口角。糾同郭狗奪等四人持械毆傷王光行等。應照歸德府屬兇徒結夥三人以上持械傷人罪。發雲貴兩廣極邊烟瘴充軍。生員

王正誼業已因案斥革復誤聽人言控訴失實應照申訴不實律杖一百下部議從之○調戶部右侍郎書元為刑部右侍郎以二等輔國將軍禧恩為戶部右侍郎兼管錢法堂事務○調鑲白旗蒙古副都統成凱為正黃旗滿洲副都統正藍旗漢軍副都統基溥為鑲白旗蒙古副都統以鎮國公有鳳為正藍旗漢軍副都統○改鑄直隸萬全縣知縣印信從總督訥爾經額請也○壬申

上詣

壽康宮問

皇貴太妃安○諭內閣陸元烺奏防堵情形等語江西南贛各屬多與粵省毗連經該署撫派委贛南道黃樂之贛州府知府周玉衡候補道蔣啟敷等帶領弁兵分路防守上年十二月間有廣東英德等縣匪徒乘夜明火持械直撲定南之龍子嶺被都司遮克敦布等開礮擊退又有匪徒竄至龍南之芳竹嶺經

都司安勇等開礮擊傷賊首數人擒獲匪黨五名並據周玉衡等先後稟獲匪犯三十名防堵尚屬認真此股匪徒雖經粵省截殺殲擒難保無潰散餘匪復行竄入江西地界巡緝不容稍懈其與兩粵毗連之湖南福建雲南貴州等省仍著不分畛域協力防守一有匪徒竄逸立即盡數截拏毋任漏網如有疏虞以致蔓延滋擾惟各該督撫是問懍之○又諭龔裕泰被參降調同知列款稟許牽涉

多人一摺湖北降調武昌府同知勞光泰現經解往江南審訊著陸建瀛於訊明後即行解回湖北交程喬采龔裕會同親提該參員逐款嚴審徹底究辦毋得稍有不實不盡所有牽涉回籍及升任離省各員即著該督撫分別咨查辦理○諭軍機大臣等龔裕泰參員列款稟許總督藩司一摺湖北降調武昌府同知勞光泰許稱裕泰停止各卡飯食為廢棄緝私二十四年二十八九年整輪扳價

以致鹽費私提節省岸費多有面諭無札二十八年捐賑即在岸費內提用作為自捐等款並該參員有無向該督詐索該督有無飭令藩司給與該參員銀一萬兩作為盤費之事均著裕泰明白回奏將此諭令知之尋奏查各卡員弁飯食向係動支商捐岸費等項上年因岸費未經解到酌行裁撤並非一概停止至楚岸鄰私以宜昌襄陽為要隘上年冬奏委道員羅遵殿前往督緝屢經報獲解

案何得謂之廢棄緝私查離務章程整輪散輪板價跌價向由兩江督臣主政前因小商屢次爭先搶跌大商亦因而效尤不得不隨時提板以固商本前因兩省辦理撫恤等事面諭鹽道酌提岸費備用有報文存案二十八年辦理水災借支銀四千兩旋照數札發還款並無提用岸費作為自捐之事又該參員向臣詐索臣飭令藩司給銀一萬兩作為盤費一節更屬毫無影響報聞○又諭龔裕

泰參員列款稟許一摺據稱湖北降調武昌府同知勞光泰許稱署藩司椿壽向鹽道鄒之玉索銀五萬兩已許銀二萬兩該參員親供椿壽署藩司以何詞向鄒鹽道索銀應取與否伊不敢問又稱浙江巡撫常大瀾甫卸藩司數日內中情節必深知之等語椿壽有無向鄒之玉索銀情事如何措詞作何使用著常大瀾據實回奏將此諭令知之尋奏前在湖北藩司時未見椿壽向鄒之玉索銀情

事惟據勞光泰口中所述及外間傳說原委未及詳查無從證明報聞○又諭前因俄囉斯頭人私入邊界阻攔查邊道路當由理藩院行查該國旋據薩納特衙門覆稱奉到咨行已剴交邊界官俟其查明再覆茲又接據該國薩納特衙門咨理藩院文稱上年伊犁官員在庫克烏蘇河與該國頭人會遇時告以哈薩克時常偷竊馬匹經該頭人代為尋獲馬一百五十四匹駝六隻令哈薩克素勒坦

送交伊犁官員。領有收到回頭。並稱因哈薩克本係該國所屬。伊等偷竊牲畜。自應查尋繳還等語。查上年薩迎阿。奕山具奏俄囉斯私入邊界情形。並兩次覆奏。均未提及向俄囉斯索取哈薩克偷去牲畜之說。何以該國來文。以此藉口。且稱令素勒坦送到。領有回頭。又似確有其事。俄囉斯入邊。在道光二十九年八月。是時適有哈薩克賊犯偷馬一案。所奏訪獲情節。牲畜數目。不甚相符。是否即

實錄卷一百一十五

七

係此事。原奏係據佐領富珠爾泰稟報。該佐領與該國頭人巴喇會晤時。有無向其私懇代尋馬駝情事。收到回頭。何人所給。著奕山。布彥泰。即行逐細查訪明確。據實具奏。不准稍有隱飾迴護。現在該頭人等。是否尚在哈喇塔拉迪。北距卡倫六百里外地方居住。上屆兩年。應收哈薩克馬租。曾否收取。又該國請赴伊犁商議貿易一節。果否遣人前來。一併覆奏。事關外夷邊界。必應慎重覈實辦理。

一俟該將軍等奏到。再由理藩院備文飭知。所有薩納特來文。並譯出清漢文二件。均著鈔給閱看。將此諭令知之。

實錄卷一百一十五

七

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二十七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二十八

監修總管經旨撰起居注官李太僕上書房編修又編閱閣事翰林院掌院學士稽察殿上諭事侍從國史館觀書官

大學士管理部事務加三級紀錄十四次臣等積案未報數官經延誤官太子太保文淵閣學問事武英殿總纂官教習廣吉奎行

大學士管理戶部三庫事務管理刑部事務加二十三級紀錄一次_臣周柱岳謹識奏_臣少保管理四庫書事務對引大臣軍機大臣

錄蘇漢洲都統部尚書管理庫務石印版隨帶加五級紀錄三次臣寶鑒璽職官擬延請官杜禮敬習文誦進書局經研

運國文館總教官正藍旗蒙古都統禮部尚書管理太常寺鴻臚寺事務加二級軍功加四級隨帶加八級紀錄五次臣德什碑等奉

救修

咸豐元年。辛亥。二月。癸酉。諭軍機大臣等。已

革提督閔正鳳前在廣西。遽延誤事。有無別項劣蹟。曾有旨令李星沅。徐廣縉查明具奏。徐廣縉業經奏到。現據兵部奏。該革員到京。已交刑部聽候查辦。著李星沅遵照前旨。即將閔正鳳及已革總兵盛筠貽誤各款。並有無別項劣蹟。確切查明。迅速由驛具奏。以憑覈辦。將此諭令知之。○以堵築直隸永定河漫工出力。開復革職道員熊守謙等處分賞。知縣喬綏福等。藍翎。餘升敘有差。○旌表守

正捐軀直隸甯津縣民王立名妻蔣氏○甲戌

上詣

壽康宮問

皇貴太妃安○乙亥諭內閣顏以燠覆奏遵查
十字河西隄改挖新河窒礙難行並繪圖呈
覽一摺據稱事無把握流弊較多不能計及
久遠自無庸輕議更張惟十字河為漕船經
由要地該河督務當督飭員弁循照舊章隨
時搶撈俾重空軍船往來暢行並飭認真挑
挖囊沙引渠俾免淤墊儻有阻淺遲誤惟該
河督是問○戶部議覆兩江總督陸建瀛等
奏江蘇清查倉庫虧墊確數一摺江甯藩司
所屬共虧銀二十二萬六千有奇蘇州藩司
所屬共虧銀四十八萬五千有奇俱係有著
之款請飭嚴追從之○丙子春分朝
日於東郊遣莊親王奕仁行禮○

壽康宮問

皇貴太妃安○諭內閣步軍統領衙門會同倉場侍郎遵議稽查防範倉儲章程均著照所擬辦理惟太平萬安二倉西面俱附城牆仍恐賊匪由城上釣搦為奸著步軍統領衙門嚴飭城門領等隨時加意防範並著查城王大臣一體認真稽查總期倍加嚴密毋得再有疏虞至京通各倉值宿監督由倉場侍郎責令無分晝夜不時稽查如有曠誤即著從

嚴叅辦○戶部奏官兵補領米折銀一項請照舊章仍支本色得旨務使旗員補領此項米石均霑實惠斷不可徒飽胥役也○改鑄浙江桐鄉縣知縣印信從巡撫吳文鎔請也○丁丑諭內閣廣西匪徒滋擾各郡前經降旨將提督閔正鳳革職諭令李星沅徐廣縉嚴查該革員並已革總兵盛筠貽誤各情茲據李星沅徐廣縉查明覆奏閔正鳳身任提督全省營伍皆歸統制乃於賊匪在府城外

肆行搶劫並不親往督捕迨官兵打仗陣亡多人仍未渡河救應賊首陳亞潰肆擾修仁荔浦等縣被兵擊走閔正鳳時在象州並不扼要堵截幾至賊首漏網似此養癰貽患退縮無能若不立予重懲何以勵將材而作士氣閔正鳳著即發往新疆充當苦差此時兩粵正當勦捕緊要之時如有身歷戎行有心玩誤該大臣等嚴查叅奏必當立正刑誅以肅軍律寬典不能倖邀也至已革左江鎮總

兵盛筠平日訓練無方臨事又多貽誤本應一併發遣現已病故著無庸議○諭軍機大臣等據李星沅周天爵奏廣西省大兵均駐潯郡南太各路酌派防勦並咨會廣東一體堵拏等語潯屬金田會匪勦辦尚未得手官兵齊集該處南太二府地居上游鞭長莫及盜匪愈形猖獗現在廣東提督陶烜文帶兵馳勦廉州一帶若粵西無重兵合勦勢必北竄蔓延各股糾結屯聚益恐難制前因會匪

與盜匪不相聯絡。如果金田匪徒負隅堅拒。一時難以撲滅。而南太盜匪日熾。上游兵力單弱。不免顧此失彼。於大局深為有礙。兵機操縱變化。不可執一。諒李星沅周天爵定能通籌全局。酌量緩急。一面會同向榮督率潯州大兵。廣設方略。確查賊首蹤跡。或誘令離巢。或乘其不備。將該處大股逆匪迅速剿除。一面嚴飭鎮將等督率兵勇。將太平近邊土司一帶賊匪相機勦捕。如有欽州靈山各處匪徒被廣東倡亂竄入。即行會合堵截。勿任逃竄。十萬山一帶。致難搜捕。如該處兵力不敷。仍遵前旨。酌量調撥援應。勿誤事機。總之東西二省境界毗連。匪徒奔突竄擾。難分彼此。李星沅總統戎行。固可便宜從事。徐廣縉統轄兩省。亦屬責無旁貸。務當與周天爵向榮等協力同心。會商合辦。於撥餉調兵有應彼此通籌之處。均應不分畛域。推誠相與。一以國事為重。庶幾速殄賊氛。太平等處均有

通越南之路。儻賊匪由土屬竄逸。逼近該國。該大臣等應即豫先行文知會越南國王。告以土匪情形。令其自行保衛。以免越境滋擾。至廣西客兵雲集。待餉孔殷。前諭徐廣縉續撥廣西軍餉。現解十萬兩。務即湊足三十萬兩。速解濟用。勿誤急需。將此由四百里各諭令知之。○戊寅。

上詣

壽康宮問

皇貴太妃安。○以正白旗滿洲副都統德興署正黃旗漢軍副都統。正藍旗蒙古副都統。已雅爾署正藍旗漢軍副都統。○已卯諭內閣。上年冬至以後。雪澤稀少。氣候頗形乾曠。入春來。冷煖不時。昨日節過春分。密霰凝寒。本日始放暄霽。朕念切民依。時時返躬內省。深恐措施未當。不能上感天和。去冬禮部彙題烈婦一本。朕以向來烈婦夫亡無偏迫等情。遽行殉節者。例不准旌。雍正年間。

聖諭煌煌原於維持風化之中。寓愛惜民命之意。並經內閣照例票擬雙籤呈進。遂用不必旌表之籤發下。迄今事後追思。該烈婦等身殉其夫。舍生取義。究屬人所難能。而各省歲終彙題。不過二三十人。未必遽開輕生之漸。若給予旌表。亦足以激薄俗而勵綱常。所有上年禮部彙題各直省夫亡殉節之烈婦彭氏等三十七口。仍著准其一體旌表。以慰貞魂。該部即遵諭行。○諭軍機大臣等。昨有旨

諭李星沅等。廣西大兵均駐潯州。其南太一帶界連高廉。深恐兵力單弱。不能扼要堵截。已飭令該大臣等。通籌全局。派兵防勒矣。因思重兵雲集。統率需人。將領難資分遣。上游地方文武控制維艱。防勒稍疏。所關非細。本日已特降諭旨。令廣州副都統烏蘭泰。馳赴廣西。幫同該大臣等。辦理軍務。並令湖北鹽法道姚瑩。馳往軍營。交該大臣等。差遣委用。該二員到後。應如何協勒分防之處。著該大

臣等相機商辦。庶期布置周密。不致顧此失彼。右江鎮總兵惠慶。右江道慶吉。所屬賊匪肆擾。自上年以來。並未聞該鎮道如何調度。是否株守偏隅。一籌莫展。著該大臣等。迅即查明據實具奏。該省前後撥解餉銀不下百餘萬兩。軍需總局責任綦重。現又分局設捐。經理皆須得人。勞崇光職任藩司。自應統籌一切。第支應紛繁。非得廉明公正之員幫辦。恐稽查未周。致滋冒混。務當分委賢員。協同

妥辦。責令實心經理。其各路分局亦必須委用得人。庶免濫應侵欺等弊。頃有人奏。署桂林府廉良澤貪鄙狡獪。工於趨承。鄭祖琛受其欺蒙。若如所奏。令其辦理糧臺。必致貽誤。該大臣等。留心察看。儻有劣蹟。即行參辦。將此由四百里諭知李星沅。周天爵。向榮。並傳諭勞崇光知之。○又諭廣州副都統烏蘭泰。向於火器最為留心。如有製造得用各器械。著烏蘭泰酌量帶往廣西軍營。以資運用。其

平素操練得力之章京兵丁亦准酌帶數人一併馳驛前往將此由四百里諭令穆特恩徐廣縉並諭烏蘭泰知之○又諭裕泰奏現到閩浙總督新任沿途疊奉廷寄交查已革巡撫陳旰叅款及神光寺夷情現在逐案查辦等語陳旰被叅江西吉安府任內各款業經查明降旨革職聽候查辦其被叅福建知縣任內營求飲博各情務須確切訪查據實叅奏不得以業經革職稍涉將就至神光寺

二夷人搬至道山觀內又據該督查明烏石山下馬巷邊地方民房亦有租給夷人居住行醫之事究竟城內山上夷人共有若干其山下是否尚有夷人居住著裕泰詳細查明妥為控馭既不可操之過急設成事端亦不可示以寬柔漫無限制其應如何開導諭令遷徙之處總在該督相機應變庶於安民撫夷各得其宜再暎夷在閩買房釘礮各節及劉韻珂徐繼畬頻年辦理有無錯誤著該督

仍遵歷次諭旨確切查明據實覆奏毋得稍有不實不盡將此諭令知之○閩浙總督裕泰奏報到任日期得旨心期誠事期當視國事如家事夫奚有遷就瞻徇勉之誌之又批不可空言了事惟期慎終如始○庚辰諭軍機大臣等穆騰額鄂順安奏廓爾喀王懇請遣使朝貢一摺廓爾喀王請進登極表貢情詞懇切自應准其恭進惟來年即係該國例貢之期所有呈進表貢著令其統俟咸豐二年例貢時一同恭齋來京呈進以省跋涉之勞穆騰額等即檄諭該國王欽遵辦理將此諭令知之○命江蘇淮揚道嚴正基馳赴廣西交欽差大臣李星沅等差委○辛巳上御箭亭閱十五善射翼日如之○諭軍機大臣等李星沅等奏進攻金田大股逆匪疊獲勝仗並遵查賊匪股數名目添調精兵協剿各一摺又片奏各屬勒匪獲犯情形金田村大股逆匪經此次痛加擒剿大挫賊鋒正可

乘勢激勵將士直抵賊巢不難立就撲滅惟賊股甚多分擾各屬難保不暗通消息彼此互為救援以為牽掣我師之計重兵均駐金田各屬兵力頗形單弱該大臣等務當通盤籌畫嚴飭各屬文武將弁合力兜擒勿致顧此失彼逆首韋正韋元烱洪秀泉及各股匪首等尤宜設法偵獲勿令乘間竄逃李星沅周天爵尚榮皆朕特簡大員深資倚畀前降諭旨殷殷訓勉無非推心置腹之誠諒諸臣

必能協力同心和衷共濟以紓朕南望焦思也勉之望之將此由五百里各諭令知之○又諭廣西現在軍務未竣尚須添兵協剿著張亮基喬用遷於雲貴兩省各選精兵一千名派定將弁管帶俟欽差大臣李星沅等咨調到日即飭迅速馳赴廣西聽候調度並著駱秉章於湖南省各營內豫選精兵咨詢李星沅等應調若干名即派將弁管帶前往將此由五百里各諭令知之○以勸辦廣西金

田逆匪獲勝賞提督向榮巴圖魯名號予陣亡武舉李祥麟賞卹如例○以廣西明江河池龍甯明廬州各城被賊竄陷革同知恆椿知州鄧樹榮吏目張文棟朱濂都司羅起龍守備李陞榮千總何光燦把總劉克威外委蔡榮尊黃現達劉鳳懷李崢發職○緩徵廣西全省本年額賦○壬午

上詣
壽康宮問

皇貴太妃安○江蘇巡撫傅繩勛因病解任以江甯布政使楊文定為江蘇巡撫調湖南布政使祁宿藻為江甯布政使以湖北按察使椿壽為湖南布政使科布多參贊大臣瑞元為湖北按察使○賞湖南辰州府知府色克通額頭等侍衛為科布多參贊大臣○癸未孝昭仁皇后忌辰遣官祭景陵○甲申上詣

壽康宮問

皇貴太妃安○遣官祭賢良祠○諭內閣奕格等奏喀爾喀貝子齊克都爾扎勒所屬之烏梁海人等每年呈進該貝子皮張請旨仍照舊章派委官兵往收一摺齊克都爾扎勒游牧距烏梁海游牧較遠所有每年應交皮張若責成烏梁海人等解送沿途未免拮据著加恩將該烏梁海人等每年應進皮張仍照從前派委官兵往收以示體恤該委員兵丁等如有夾帶貨物私行售賣不安本分情弊不止將該官兵等嚴行治罪並將該貝子齊克都爾扎勒議處○定郡王載銓等奏會議湖北清查一案計虧短正項雜捐及米穀折價共銀四十六萬八千有奇請飭湖廣總督湖北巡撫遵照奏定章程迅速嚴追從之○烏魯木齊都統毓書奏上年密陳各大臣考語接奉硃批指飭惶懼莫知所措得旨嗣後惟當益加勉勵不在奏謝之虛文也○以勸

辦廣東靈山石城等處賊匪獲勝賞遊擊玉山何萬興都司饒成龍守備饒永福花翎○以喀喇沙爾續墾地畝升科予章京常壽等優敘○乙酉諭內閣楊殿邦奏浙省兌漕遲延情形又片奏蘇松等屬亦未兌足等語本年新漕前經飭令提前趕辦必須早兌早開方能依限北上乃據奏稱浙江有漕各屬因有查豁積欠恩旨民間未諳定例以致徵兌遲延江蘇蘇松太三屬亦未據報兌竣向來查辦積欠未屆奏銷者不准豁免例有明文前已明降諭旨通飭曉示各省接奉後諒已明白示諭新漕自必踴躍輸將至漕船兌足開行全在各官吏經理得宜迅速催趲始得進行無誤豈容藉口耽延卸責著江蘇浙江巡撫嚴飭各州縣將起運漕糧趕緊交幫受兌立即開行並會同該漕督督率各該糧道分飭縣幫一切妥速辦理儻有遲誤查明係何縣何幫即行指名嚴叅懲辦其江廣漕船

並著沿途各督撫一體飭屬催提及早抵淮以速漕行而符例限○諭軍機大臣等前據劉韻珂徐繼畬奏接據琉球國來文以噶夷哨噠吟住居伊國仍未撤回籲請查辦朕以琉球恪守藩封夙稱恭順頻來呼籲未便置之不問當經降旨令徐廣縉再向噶設法開導並於本年禮部據呈代奏時復令該督曉諭夷酋令其撤回茲據徐廣縉奏稱噶噠僅在中國為公使並非噶夷所有之事悉聽

命於該酋從前劉韻珂咨會之時噶噠曾經設詞推諉未便再行照會等語該督仍當隨時體察情形加意控馭揆幾度務原不在多費詞說也將此諭令知之○又諭朕聞邪教流傳蔓延數省河南祥符縣有吳光漢偽稱赤天大王四川綦江縣有馬武成偽稱赤地大王廣東英德縣有李三文偽稱赤人大王均為各省邪教總目之首此外總目尚復不少其教與天主教同宗一派噶夷在粵散布

頭目勾結黨與且有內地革紳王如繼張懷亮匪徒徐繼龍等附彼助謀至邪教頭目所住地方其徒充當衙役為之探事差弁查拏先通消息一時未能緝獲似此邪教蔓延若不豫為之防勢必釀成巨案著徐澤醇徐廣縉葉名琛潘鐸等遠委妥員不動聲色嚴密偵訪如查有傳教各頭目及包庇串通之衙蠹迅即掩拾研究徒黨咨行鄰省一體訪拏懲辦以杜其勾結之漸至保甲清賊匪之源

團練備守禦之法該地方官果能實力奉行何至匪徒潛相煽誘各該督撫總當弭患未然勿致養癰貽害但須持以慎密不可稍涉張皇轉滋擾累將此各諭令知之○山西巡撫兆那蘇圖以辦理清查未善奏謝降級留任恩得旨多慧係汝所明保之人朕以汝平日尚屬認真故從寬僅予降留乃不知倍加感激於摺內仍照例數語昧良負恩莫此為甚朕尚可欺天豈可欺乎嗣後爾若能盡改

前愆庶可仍邀眷遇。若自甘暴棄。復蹈故轍。則革職逮問矣。朕近聞汝好與朝臣交往。甚屬卑鄙。有則改之。無則加勉。此係朕所聞。特諭汝知。非罪汝也。正愛汝也。○丙戌。

上詣

壽康宮問

皇貴太妃安。○諭內閣。朕每日御殿。召見內外大小臣工。詢事考言。固以通上下之情。尤當防漏洩之漸。

皇考宣宗成皇帝前曾特頒

硃諭。飭令豫備次起召對之人。及奏事處帶領之總管首領太監等。俱著在廊下祇候。不准擅進明殿。

聖訓昭垂。寓有深意。上年因冬令嚴寒。諸臣分起進內。待召需時。暫令在懋勤殿旁屋祇候。以示體恤。惟思該處係裏邊太監執事之所。語言交接。易啟囑託之漸。若輩行為。何所不至。所關非淺。著內務府於乾清宮西階下之

西添設板棚一座。嗣後豫備召對之大小臣工。即令在棚內憩息。藉蔽風雨。於挨次召見。亦可不致遲誤。並著御前大臣。軍機大臣等。隨時留心稽查。凡召見引見官員人等。概不准與太監接談交涉。在諸臣各知自愛。當不至故違訓誡。自蹈愆尤。儻太監等。有不遵約束者。即著該大臣等指名奏參。加等治罪。此旨著軍機處。奏事處。上書房各存記。○又諭據兵部奏甘肅西甯鎮總兵薩炳阿。上

年差派把總趙勝等帶兵六名。赴永安一帶探野番蹤跡。把總趙勝及兵丁二名。均被賊戕害。僅據陝甘總督咨部等情。該鎮薩炳阿。遊擊朱成貴。都司張順等。職任巡防。於把總被戕之後。並不發兵追剿。輒以該弁輕率。自取等詞具稟。該督又不將被戕官兵題奏。僅以咨部了事。顯有不實不盡。著琦善確切查明。賊匪戕官。並不親身追剿之總兵以下各官。據實嚴參。並將被戕官兵造冊具題。覈辦。

勿稍含混。諭軍機大臣等。奕興奏遵查奉天海疆情形。請籌款添設船礮。以資防捕。一摺。據稱奉天洋面。上年商船疊次被劫。因山東捕拏嚴緊。竄入北洋。當即委令水師營弁前往山東。訪求緝捕之法。並與山東巡撫陳慶偕往返札商。講求辦理。現已仿照山東章程。添造開風船二隻。廣艇船二隻。連礮位器械。並招募水勇。責成金州副都統督率駕馭等語。該將軍既與陳慶偕札商籌議。自應不

平泉奏

十九

分畛域。同心協力。會商妥辦。惟奕興所稱新添船械。查照山東辦法。飭令黃富興就近在廣東代為招募製辦。仍派員往粵會同駛回奉天一節。是否可期。濟用。不至往返需時。有誤事機。又所稱統計經費。約需銀五萬兩。暫由盛京戶部庫項借用。另片奏奉天海口每到商船一隻。勸捐銀一兩。約計十數年即可補足一節。盛京本無閒款可籌。勸捐易滋流弊。此項所需。本省有無另款可以協濟。著陳

慶偕一併會議。即作正開銷。亦無不可。奕興原摺片均著鈔給陳慶偕閱看。將此各諭令知之。○兩廣總督徐廣縉等奏營弁妄拏良民。誣指為盜。請將外委石鈺福殷亮明革職。發新疆効力。及始終回護之都司吳榮邦。交部嚴議。從之。○以頭等侍衛輔國將軍載堪。為乾清門侍衛。○調正白旗漢軍副都統瑞昌。為金州副都統。以馬蘭鎮總兵官慶錫。為正白旗漢軍副都統。○以廣東拏獲洋盜多

平泉奏

二十

名賞參將黃開廣花翎千總李新明。藍翎○丁亥。以攻毀廣西金田賊巢。賞知府劉繼祖。花翎總兵官李能臣等。下部議敘。○以廣西橫山追賊失剋。遊擊馬芳春都司麻長慶。革職留任。陣亡武舉黃彥彰。賞卹如例。○舉行道光三十年大計。奉天才力不及官一員。直隸卓異官十六員。罷輟官一員。才力不及官一員。年老官四員。有疾官二員。熱河卓異官一員。浙江卓異官十一員。不謹官二員。才力

不及官三員。年老官三員。福建卓異官七員。
不謹官一員。罷輟官一員。浮躁官一員。才力
不及官一員。年老官五員。安徽卓異官五員。
不謹官四員。罷輟官一員。浮躁官二員。才力
不及官一員。年老官二員。湖北卓異官十員。
不謹官四員。罷輟官一員。浮躁官一員。才力
不及官一員。年老官二員。有疾官二員。湖南
卓異官十員。不謹官二員。罷輟官一員。年老
官五員。山東卓異官十三員。不謹官一員。才
力不及官三員。年老官五員。山西卓異官十
二員。才力不及官二員。年老官四員。有疾官
三員。甘肅卓異官七員。才力不及官一員。年
老官二員。有疾官一員。廣東卓異官十二員。
不謹官三員。罷輟官二員。才力不及官二員。
年老官六員。有疾官二員。四川卓異官十四
員。不謹官六員。才力不及官四員。年老官三
員。有疾官二員。貴州卓異官七員。罷輟官一
員。才力不及官二員。年老官三員。河南卓異

實錄卷二十九

七十一

官十一員。不謹官一員。才力不及官三員。年
老官二員。有疾官一員。南河卓異官一員。年
老官一員。有疾官一員。東河卓異官一員。年
老官一員。有疾官一員。分別議敘處分如例。

實錄卷三十

七十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二十八

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二十九

臣等謹將本年內各款開列如左
大學士管理吏部事務等因欽此
大學士管理戶部事務等因欽此
大學士管理刑部事務等因欽此
大學士管理工部事務等因欽此
大學士管理禮部事務等因欽此
大學士管理兵部事務等因欽此
大學士管理刑部事務等因欽此
大學士管理工部事務等因欽此
大學士管理禮部事務等因欽此
大學士管理兵部事務等因欽此
欽此

秋修

咸豐元年辛亥三月戊子朔兩江總督陸建

瀛奏查覆現辦保甲情形並變通章程一分
設總巡公所一慎選牌長更夫一豫備鑼鐙
器械一酌定巡更地段一嚴密稽查奸宄一
豫籌巡更經費一編設戶口門牌一沿河沿
湖需用船巡一地面有犬牙相錯之處各董
事會巡一地保從中阻撓准董事稟究報聞
○己丑

上詣

壽康宮問

皇貴太妃安○遣官祭

歷代帝王廟○江西巡撫陸應穀奏報到任
日期得旨實力實心事事整頓去浮躁戒因
循○駐藏幫辦大臣鄂順安因病解任調科
布多幫辦大臣額勒亨額為駐藏幫辦大臣
伊犁領隊大臣西拉納為科布多幫辦大臣
賞已革伊犁領隊大臣奕經藍翎侍衛為伊
犁領隊大臣○命翰林院侍講楊式穀提督
雲南學政○以辦理浙江石塘工程出力予
同知唐光照等加銜議敘有差○撥浙江漕
糧三萬石並捐賑餘米二萬九千七百石有
奇抵放缺額俸餉○庚寅諭內閣翰林院編
修何桂珍著授學郡王讀○諭軍機大臣等
前因廣西匪徒滋擾各郡先後降旨將提督
閔正鳳巡撫鄭祖琛革職並飭查欺飾各情
及畏葸貽誤款蹟嗣據查明閔正鳳養癰貽
患退縮無能業將該革員發往新疆充當苦
差鄭祖琛身任封疆不能消患於未萌又不

能將貽誤之提鎮及文武各員早行參奏以致勞師糜帑僅予革職回籍不足示懲著李星沅周天爵遵照前旨將鄭祖琛遷延徇庇各情迅即據實參奏毋得稍有隱飾將此諭令知之○雲貴總督程喬采奏報籌辦思茅邊外善後章程一嚴禁土弁苛派一永杜漢奸盤剝一嚴防猺匪侵犯一添撥汛卡巡邏得旨均照所擬辦理不可日久生懈轉費周章○改鑄貴州布政使印信從巡撫喬用遷請也○以勦辦雲南思茅匪徒出力予知府張之旭加銜餘升敘有差○辛卯清明節上詣									
奉先殿									
壽皇殿行禮○遣官祭									
永陵									
福陵									
昭陵									
昭西陵									

孝陵									
孝東陵									
景陵									
泰陵									
泰東陵									
裕陵									
昌陵○遣官祭									
孝和睿皇后暫安寢殿○遣官祭									
宣宗成皇帝暫安寢殿○遣官祭									
孝穆成皇后									
孝慎成皇后									
孝全成皇后陵寢○遣官祭									
孝德皇后殯宮○遣官祭									
端慧皇太子園寢○改鑄貴州提標中軍參將關防從巡撫喬用遷請也○貸湖南武陵龍陽沅江安鄉湘陰益陽華容七縣修築隄垸銀○壬辰									
上詣									

壽康宮問

皇貴太妃安。○諭內閣。廣西賊匪自蟻聚金田。負嵎抵抗。我師併力定謀。摧堅深入。屢破賊巢。殲其渠首。逆匪已畏鋒逃竄。必當乘此銳氣。前截後追。分堵合剿。現在該省兵勇雲集。鄰省亦協力兜擒。朕曠懷南服。亟思一鼓蕩平。復命湖南雲南貴州三省。再調精兵三千名。又添調安徽勁兵一千名。選派得力將弁。管帶前往。足資調遣。該大臣李星沅等務當督率文武員弁。度地相機。分布要害。使賊進不敢拒。退無所逃。其裏脅愚氓。亦即剴切曉諭。許令悔罪自首。免致玉石俱焚。如能縛獻渠魁。仍應加之獎勵。朕聞該省紳士商民。各處團練。同仇奮義。自必率同土勇合力殲除。斷不容釜底遊魂。擾我樂土。至軍需糧餉。已命所司寬為籌撥。源源接濟。惟望捷音。疊報全境迅就肅清。朕必立加懋賞。爾臣民其共勉之。特此布諭。嚴疆咸知朕意。○諭軍機大

臣等李星沅周天爵向榮奏。賊勢狃。官兵不敷策遣一摺。李星沅周天爵向榮均經朕特簡。授以重任。深資倚畀。添兵籌餉。無不立允所請。毫無掣肘之處。況金田大股逆匪。已經焚毀賊巢。連獲勝仗。該大臣等勦辦已屬得手。正可乘機兜捕。即各屬報有夥匪。亦宜度地相機。分派員弁督剿。以期全境肅清。何以此次奏請特簡總統將軍來粵督辦。無論命將遠來。必致耽延時日。且兵將等一聞另有遣將之諭。勢將紛紛觀望。設有貽誤。罪將誰歸。朕於軍旅之事。任人勿疑。前經疊次訓勉。亦可見君臣一體之意。即諸臣意見偶有不同。無非因公起見。兵貴神速。聞不容髮。豈可遽思諉卸。坐失事機。李星沅周天爵向榮俱著嚴行申飭。該大臣等務當勦力同心。滅此醜類。各屬地方賊情。應如何調派將弁統領。分剿合擊之處。朕亦不為遙制也。昨有人奏。賀縣知縣鶴年。因兵民逃散。力不能支。以

致自繼。龍州同知王淑元合家被害。武緣縣知縣邵坦吞金自盡。除查明業經賜卹外其餘各情仍著該大臣確切查明奏請議卹。原片著鈔給閱看。將此由四百里各諭令知之。○以故霍碩特扎薩克頭等台吉額琳沁多爾濟子齊默特車琳襲職。○調雲南貴州湖南安徽兵各一千名赴廣西勦賊。○免盛京遼陽開原錦州廣甯義鐵嶺六府州縣積欠銀米。○癸巳祭

先蠶之神。遣內務府大臣柏葰行禮。○諭內閣龔裕駱秉章奏請將派銀彌補清查案內虧空之知府革職審辦一摺。此案湖南永順府知府夏廷樾派辦清查於該員前署湘潭縣任內並歷任短交捐雜流攤銀兩及虧空社穀價銀並不稟明追繳輒行派令戶糧各書捐銀彌補迨經查詢該員僅以書欠答覆實係意存掩飾夏廷樾著即革職交該撫提同人證研審確情。秉公覈辦。至該書等因年

捐之項力難湊捐赴藩司衙門呈控該司何以有急公好義之批著一併確查具奏尋奏遵查湘潭縣地丁錢糧解省水腳等費向係由縣籌捐發給縣書領解該書等隱瞞節省銀兩私自分用經前藩司萬貢珍委知府夏廷樾前往查出勒令分年完繳時值該縣紳士議增社穀及書院膏火等費求夏廷樾飭知縣李春暄傳諭該書一同設法籌捐該書等因值湊繳節省等銀不願再為籌捐捏稱

該縣交代虧缺派各書出銀一萬兩代為彌補赴藩司衙門呈控又稱委員諭令每歲籌銀捐買社穀並未將隱匿節省銀兩之案聲敘該藩司萬貢珍因呈內祇稱代縣彌補虧缺遂以該書等好義急公批獎並未詳查實屬顛預請交部議處從之○以禮部尚書惠豐暫署兵部尚書○貸湖北荊州荊左荊右沔陽並湖南岳州五衛幫丁運義造費銀○甲午

上詣

壽康宮問

皇貴太妃安○諭軍機大臣等格泰奏遵查夷情並陳阡被參劣蹟與定海鎮署總兵情形各摺片據稱神光寺二夷搬入道山觀後該省士民即無異說並以觀內居住夷人已歷多載彼此相安懇請從緩辦理民夷果屬相安自不宜操之過急況該夷領事閩那現既病故著俟該夷更換新領事到閩後遵照成

約夷商人等不准在城內居住一條妥為開導隨時相機辦理該領事閩那故後經該督飭令地方官理論夷目不得在城內埋葬控馭尚為得體所有劉韻珂徐繼畲有無措置失宜之處著仍遵前旨密查並據裕瑞黃贊湯奏淡水同知史密於前署閩縣及海防同知任內大不理於紳民之口劉韻珂到任訪得該員聲名平常曾經撤其署任後又屢次保薦以此致招物議劉韻珂之於史密前後

訪察何以不符著一併查明據實具奏周士法署理定海鎮已閱年餘前已有旨諭令該督即行察看具奏並據稱提臣善祿查明該署鎮於此缺尚屬合宜是否確實應准俟數月後由該督察訪明確奏聞至陳阡被參各款前另有旨交陸建瀛陸應穀查辦應俟該督撫奉到後再降諭旨將此諭令知之○撫恤琉球國遭風難夷如例○乙未以祈禱靈應頒發浙江天竺山

觀音大士廟

御書扁額曰垂慈應感○諭軍機大臣等廣西軍興以來雖疊獲勝仗而賊勢披猖縱橫皆是現又添調滇黔楚皖精兵前往協剿兵力既厚需餉孔殷設使轉運稽時勦辦必至棘手前有旨飭部於江南江西湖北湖南各省籌撥各款銀兩委員解赴廣西恐部文遞到後各省輾轉籌商委員又遷延就道甚或以指撥之款藉詞推諉剋扣抵算往返尤遲朕

夙夜焦勞。粵土一日不安。朕心一日不釋。著陸建瀛。陸應穀。龔裕。駱秉章。各將歷次部撥軍餉。已起解者。沿途迅速催趲前行。未起解者。即日派委幹練員弁。星馳解往。各按所撥銀數。分起領運。務須接踵而至。源源接濟。其鄰近省分。接到欽差大臣李星沅等飛咨撥餉。無論何項銀兩。一面先行速籌撥解。一面具摺奏聞。不得以未奉諭旨。或未接部文。致有遲誤。昨諭陸建瀛再行豫籌廣西軍餉。現在籌備若干。先行奏明。所有飭調安徽精兵一千名。著陸建瀛飛檄揀調。派員管帶啟程。中途不得耽延。其江西湖南界連廣東廣西各處所。尤當刻刻嚴防。不可疏懈。贛州南安各屬。先因防堵謹嚴。賊匪竄回。故廣東將弁得以乘勢夾擊。獲有勝仗。惟防兵日久恐生玩泄。設為賊匪偵知。不免反撲偷越。攻我不備。永州靖州寶慶各屬。雖據駱秉章奏稱督防周密。該匪等距楚境漸遠。惟粵西徧地瘡

痍。居民已無可擄掠。大兵圍剿既久。難保該匪等不竄赴近鄰。為乘間劫掠之計。是該二省堵剿情形。必應隨時嚴飭地方文武加意防維。自此次訓諭之後。設有粵匪闖入鄰省邊界。不但將守邊文武嚴行治罪。並將該省大吏重懲。斷不能倖邀曲宥也。將此由四百里各諭令知之。○又諭廣東匪徒。勦捕尚未淨盡。而廣西賊匪勢更披猖。徐廣縉統轄兩省。自必通籌兼顧。現撥各省銀兩解赴廣西。尚恐有需時日。東省毗連更近。聲息相關。儻有迫不及待之需。徐廣縉等務必於本省庫款內通融撥解。即係留支款項。亦應權其輕重。先儘解往以濟急用。現在英德匪徒。撲捕情形如何。其高廉一帶盜匪。提督陶烜文現已帶兵馳往勦捕。惟西省重兵會勦桂平大夥。上游兵力不免單弱。節據李星沅等奏稱欽州靈山等處賊匪萬餘。將竄上思宣化一帶。石城匪徒劉八等被東省擊敗。竄至博白

之大垌墟人數亦有萬餘。陶烜文帶兵趕到如賊匪已乘虛西竄。即親督官兵馳赴西省會同勦辦。不必以越境為嫌。總須視同一體合謀併力。以期殄無遺。不致老師糜帑。是為至要。將此由四百里諭知徐廣縉葉名琛並諭陶烜文知之。○丙申。諭軍機大臣等。廣西自上年以來土匪滋擾。經朕特派李星沅周天爵向榮馳往會勦。業經疊獲勝仗。並將金田大股賊巢焚毀。正可乘機兜捕。一律肅

清。日前該大臣等請簡總統將軍往粵督辦。自係意存諉卸。是以降旨嚴行申飭。朕夙夜焦思。添兵籌餉。惟恐羣盜分竄。擾及鄰省。楚粵之交尤為緊要。特命賽尚阿及巴清德達洪阿馳驛前往湖南廣西交界地方督辦防堵事宜。李星沅周天爵向榮等接奉此旨。不得以朕特派有人稍存觀望。務當督率將弁激勵兵民。因地因時。協謀攻勦。該大臣等統領戎行。責無旁貸。又有特派重臣為之聲援。

兵氣既揚。賊鋒自挫。如賽尚阿未到湖南以前。業已一鼓蕩平。捷音迅報。渥膺懋賞。實惟爾諸臣之攻懷各持意見。不以公事為重。老師糜餉。坐失事機。亦惟爾諸臣之罪。孰得孰失。孰利孰害。該大臣等自能熟思審處。也懷之勉之。將此由四百里各諭令知之。○命大學士賽尚阿馳往湖南辦理防堵事宜。鑲黃旗蒙古都統巴清德鑲白旗滿洲副都統達洪阿隨往協同辦理。○命大學士祁寯藻兼

署管戶部事。以吏部尚書柏葰署步軍統領。戶部左侍郎舒興阿署京營右翼總兵。○命內閣侍讀穆蔭以五品京堂候補。在軍機大臣上學習行走。○丁酉。命大學士卓秉恬禮部左侍郎聯順恭齋冊寶。尊封

仁宗睿皇帝

如皇貴妃鈕祜祿氏為

如皇貴太妃。冊文曰。翊坤元而贊化。播蠡重闡。體異順以含章。揚芬中禁。爰稽懿典。懋貴溫

綸

皇祖如皇貴妃鈕祜祿氏

德秉柔嘉

性成淑慎。式儀型於圖史。雅副徽音。協矩度於珩璜。虔修內職。椒塗佐治。輦衣彰第祿之華。蘭掖凝麻。螽斯衍相封之祚。宜申隆禮。用表

芳聲。謹以冊寶尊封為

皇祖如皇貴太妃。於戲。琅函紀盛。綏景福以無

疆。瑤笑增輝。迓洪禧於有永。謹言。

上詣

壽安宮

如皇貴太妃前行禮。○命直隸天津鎮總兵官

長瑞。隨同大學士賽尚阿。前往湖南。聽候差

遣。○頒給大學士賽尚阿欽差大臣關防。○

以吏部尚書柏蔭署

實錄館總裁官。理藩院尚書吉倫泰署蒙古副

總裁官。兵部尚書裕誠署稽察欽奉上諭事

件處。吏部左侍郎瑞常署國史館副總裁官。

○調四川兵一千名。赴廣西湖南交界處所

防堵。○戊戌

孝賢純皇后忌辰。遣官祭

裕陵。○

上詣

壽康宮。問

皇貴太妃安。○命工部尚書阿靈阿恭辦

昌西陵工程。○命定郡王載銓。佩帶內繕書房

印鑰。○以鑲紅旗滿洲都統載垣。署正黃旗

滿洲都統。正紅旗蒙古都統車登巴咱爾署

鑲黃旗蒙古都統。○己亥。祭

先農之神。遣豫親王義道行禮。○

孝德皇后殯宮月祭。遣官行禮。○諭內閣。候補

五品京堂穆蔭。朱補缺以前。加恩賞給五品

俸。其本任內閣侍讀。著即開缺。○以翰林院

侍講蔣元溥。充日講起居注官。○庚子。

上御紫光閣。閱侍衛騎射。○定郡王載銓等會

議協辦大學士陝甘總督琦善覆查甘肅省各屬倉庫虧數分別彌補追賠酌定章程七條一清查冊報以已徵未徵實虧倉庫勒限著賠扣廉彌補一原請虧銀三千兩以下者予限一年三千兩以上者二年六千兩以上者三年一萬兩以上者四年一萬五千兩以上者五年二萬兩以上者六年三萬兩以上者七年其本員現任或已故而子孫現任知縣以上者照限追繳並由戶部移咨吏部停

其升調選補儘逾限不完監追查抄令該上司分成賠繳至虧賠並追之員應令兩案併計數在四萬兩以上者予限八年每年各繳八分之一一州縣徵收錢糧儘徵儘解紅簿串根即時調驗其按缺攤銷之項於通省文職養廉內分成酌扣一官墊民欠銀糧草束按照現報冊內原墊各員勒限賠交民欠之項概予豁免如各員藉口帶徵以後仍有官墊民欠名目道府州縣一併叅處一實虧各

員或已故而子孫無官原管上司亦係家產盡絕應將道光十一年奏明攤扣一成養廉於咸豐八年攤銷補完之後接續扣補並每年酌提草價息銀一半以為通省攤捐之用一甘州平涼西甯三府所虧封存銀兩應將擅動各員勒限三箇月如數追繳其升任他省並回籍病故者即由各省及原旗籍家屬嚴追償限滿不能完足著落濫准借支道府賠繳一道府各庫提存所屬銀錢如係交存

糧價即分別買補還倉並將日期咨部如係完繳正項應存司庫者即入冊候撥隨案造報俾有稽查從之○以馬箭嫺熟賞御前大臣德木楚克扎布黃韁○喀爾喀貝子沙拉布貢格等二人於神武門外瞻覲○辛丑上御撫辰殿陳帝帳步射並閱王大臣侍衛等射○以辦事奮勉予大通橋監督松阿禮以應升之缺升用○改鑄江蘇靖江縣知縣印信從巡撫傅繩勛請也○予宋臣李綱從祀

文廟從福建巡撫徐繼畬請也○賞欽差大臣大學士賽尚阿鑲黃旗蒙古都統巴清德鑲白旗滿洲副都統達洪阿緞匹並從征員弁兵丁銀有差○壬寅命大學士賽尚阿為正使祁寯藻為副使恭齋

冊

寶尊封

宣宗成皇帝

康慈皇貴妃博爾濟吉特氏為

康慈皇貴太妃

冊文曰化佐坤儀令則早宣於蘭祀禮隆異命徽音聿播於椒塗爰考彝章式崇顯號

皇考康慈皇貴妃

溫恭秉德

淑慎垂模度著珩璜侍

宵衣而矢恪儀昭圭璧式星拱以流徽璇闥表

翊贊之勤久隆

恩眷彤管協臧嘉之頌益茂

芳型宜奉崇儀用彰

懿範謹以冊寶尊封為

皇考康慈皇貴太妃於戲康彊逢吉蕃釐增玉

篆之輝

慈愛為懷令聞煥金泥之字謹言○命協辦

大學士杜受田為正使內閣學士載齡為副

使恭齋冊寶尊封

宣宗成皇帝

琳貴妃烏雅氏為

琳貴太妃冊文曰坤儀翊化徽音夙播於椒

庭異命揚庥寶篆聿輝乎芝檢式稽彝典敬

奉鴻稱

皇考琳貴妃

昭德珩璜

提躬繩矩

位崇九御佐禕衣而稟職無愆

舉搗六宮標彤管而秉心有恪載惟

懿美宜晉榮褒謹以冊寶尊封為

皇考琳貴太妃於戲瑤函煥采紫闥之景福彌彰。珠樹翔華。朱邸之春暉益永。謹言。○命內閣學士杜翱持節齋冊尊封

宣宗成皇帝

常貴人赫舍哩氏為

常嬪。冊文曰。椒塗表德。備謙順以凝釐。

蘭殿延麻。承坤元而著嫵。載揚休問。聿貴彝章。

皇考常貴人

賦性安貞。

持躬溫淑。動循內則。奉巾悅以無愆。譽藹掖庭。佩珩璜而有節。宜加

顯號。用表

令儀。謹以金冊尊封為

皇考常嬪。於戲瑤函煥采。綸衣特燦於雲章。玉篆敷文。寶冊常輝於錦字。謹言。○命禮部尚書惠豐持節齋冊尊封

宣宗成皇帝

佳貴人郭佳氏為

佳嬪。冊文曰。蘭宮翊化。協矩度於珩璜。椒掖揚麻。備尊榮於簡冊。載稽茂典。宜奉隆稱。

皇考佳貴人

懿質含貞。

婉心迪哲。恪恭奉職。翟衣昭承侍之勤。雍肅垂型。彤管播令儀之譽。聿加

位號。用表推崇。謹以金冊尊封為

皇考佳嬪。於戲玉檢輝騰。特重彝章之貴。瑤階瑞溢。長膺福履之綏。謹言。○命禮部尚書何汝霖持節齋冊尊封

宣宗成皇帝

彤貴人舒木魯氏為

彤嬪。冊文曰。德協珩璜。聿贊椒塗之治。禮嫺糾組。久昭蘭禁之型。爰考彝章。祇申茂典。

皇考彤貴人

溫恭有恪

淑慎其儀。圖史揚芬。飭言功而靡忒。繭絲分課。曩職事以增勤。宜晉

崇稱。用彰

令範。謹以金冊尊封為

皇考彤嬪。於戲。象服榮加。益著徽柔。於壺則鴻禧。疊迓。長欣。錫羨於綸音。謹言。○命禮部左侍郎聯順持節齋冊尊封

宣宗成皇帝

成貴人鈕祜祿氏為

成嬪。冊文曰。坤闈佐化。昭雅度於珩璫。異命申褒。表芳規於綸綍。隆稱允副。渥典斯彰。

皇考成貴人

蘊性柔嘉

視躬端謹。職參九室。承恩膺象服之榮。禮贊三宮。錫慶荷鸞章之貴。懿

溫恭之懋著。宜

位號之加崇。謹以金冊尊封為

皇考成嬪。於戲。光燦芝函。益見徽音之播。釐延椒掖。長凝蕃祉之綏。謹言。○命禮部右侍郎瑞麟持節齋冊尊封

宣宗成皇帝

祥貴人鈕祜祿氏為

祥嬪。冊文曰。椒掖延禧。助坤元而贊化。芝泥煥采。被異命以揚芬。爰賁彝章。用崇典禮。

皇考祥貴人

秉心柔順

賦性安貞。德協蘭儀。表金相於宮壺。馨流蕙質。循玉度於

宸軒。宜晉

榮名。式昭

懿範。謹以金冊尊封為

皇考祥嬪。於戲。琅函璀璨。彌增象服之華。寶篆輝煌。允集鴻釐之慶。謹言。○

上詣

壽康宮

皇貴太妃前行禮。並侍午膳。○江南河道總督楊以增。河東河道總督顏以燠。會奏。寨子民堰。添建滾壩。請從緩辦理。囊沙引渠。沙壩改為減牘。請毋庸議。十字河噴沙。每歲挑挖深通。隨時妥辦。報聞。

平定本元

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二十九

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三十

欽修
奉 諭 旨 著 內 務 府 將 各 部 司 官 及 各 衙 門 司 官 內 有 不 稱 職 者 一 概 行 革 職 其 有 才 幹 優 異 者 一 概 行 獎 敘 其 有 不 稱 職 者 一 概 行 革 職 其 有 才 幹 優 異 者 一 概 行 獎 敘 其 有 不 稱 職 者 一 概 行 革 職 其 有 才 幹 優 異 者 一 概 行 獎 敘

咸豐元年辛亥三月癸卯

上御撫辰殿。閱官員兵丁等射。至乙巳皆如之。○諭內閣。朕因廣西勦匪半載以來。尚未掃除淨盡。誠恐匪黨滋蔓愈多。民生窮蹙益甚。特命大學士賽尚阿。及都統巴清德。副都統達洪阿。揀帶官兵。馳往防堵。楚粵之交。地居扼要。必得重臣駐劄調度。既防竄擾。藉作聲援。當即寄諭李星沅。周天爵。向榮等。不得以特派有人。稍存觀望。仍當督率將士。激勵紳民。協力殲擒。剋期埽蕩。在廣西士民聞有此

旨。定知朝廷眷念邊疆。不安宵旰。無不奮迅感激。志切同仇。即各路調集兵勇。亦可知重兵在後。益振軍威。士氣既揚。賊鋒自挫。如賽尚阿等未到以前。業已馳報捷音。肅清各郡。李星沅等奏績行間。自當渥膺懋賞。賽尚阿等亦即可振旅而還。以慰朕望。第恐中外臣民未喻斯意。特用明白宣示。俾知朕命將出師。不欲我民之久遭蹂躪。而又慮徵調過多。不免滋累。於綏疆靖寇之意。固一日不能釋。

也將此通諭知之。○又諭。前有旨。派大學士賽尚阿等酌帶官兵。馳往湖南督辦防堵事宜。旋經賽尚阿等酌派征兵二百名。隨兵四十名。管帶火器。並章京司員等。不日由京分起前進。朕思人數眾多。經由驛站。易滋騷擾。著賽尚阿等飭令隨往文武各員。毋得多帶跟役。並嚴諭兵役人等。沿途行走。毋許藉端挑斥訛索。從前征兵過境。往往包帶客貨。多用民夫。甚至廣占民房。陵辱州縣。種種弊端。

皆所不免。朕知賽尚阿向來出差。頗能約束。此次分起出都。特諭賽尚阿於最後啟程。著即沿途探訪。留心稽查。儻有滋擾各弊。無論係何人所帶兵役。立即截留。按律懲辦。並將管束不嚴之員。指名奏奏。毋稍徇隱。至各省州縣地方。文應兵差。例有明文。儻有意存見好。濫行應付。並著賽尚阿一併嚴查。隨時奏辦。毋負朕諄諄詰誡之意。將此通諭知之。○又諭。昨因賽尚阿出差。特旨將內閣侍讀穆

蔭開缺。以五品京堂候補。在軍機大臣上學習行走。穆蔭係軍機章京行走多年。尚稱熟悉。故令隨同學習。藉資造就。茲據給事中蘇廷魁奏稱。超擢太驟。易啟倖進之門。已不成話。併稱俟賽尚阿回京後。仍令該員回章京當差。黜陟自下。巧為嘗試。尤屬亂道。該給事中。人甚端方。此奏似不出其手。但所言尚無大謬。姑置不問。夫軍機大臣。本為要任。滿漢兼用。斷不應稍有區別。朕用人行政。一秉大

公從無分於滿漢。穆蔭人亦中材。朕本欲添派滿洲軍機大臣。惟內斷於心。親加選擢。黜陟大極。朕自持之。非諸臣所可輕議也。用是明白宣示。使知朕意。○烏魯木齊都統毓書等奏。酌添擡槍六十桿。分給各協挑選精兵。一律練習。報聞。○命前任太常寺卿唐鑑來京聽候召見。○命江蘇淮揚道嚴正基馳往廣西軍營。辦理糧臺事務。○甲辰。

上詣

壽康宮問

皇貴太妃安。○諭軍機大臣等。李星沅等奏。分剿賊匪情形各摺片。周天爵於進剿武宣東鄉逆匪時。手刃退走閩勇二人。親督東勇前進。殲斃賊匪數十人。看其精神矍鑠。並非老不能軍。現既親歷戎行。著即專辦軍務。帶兵督剿。俾得殫竭血誠。捷音迅奏。惟逆匪自牛排嶺潰竄之後。直走武宣一帶。距桂林不遠。省垣重地。尤宜加意防守。著該大臣等體察

情形。一面兜捕。一面嚴防。斷不可稍有疏虞。致匪徒乘閒而入。昨有旨命賽尚阿等帶領官兵。前往湖南廣西之交防堵。並添調四川兵三千名。飭部另籌軍餉一百萬兩。有此聲援。賊必聞而膽落。攻剿更易得手。所有續調楚皖滇黔官兵四千名。本日又由四百里分飭迅速赴粵。大兵雲集。併力夾攻。自不難迅掃欃槍。肅清各郡。該大臣居中調度。周天爵向榮謀勇兼施。務當同心勦力。計出萬全。早紓宵旰焦思。方不負此重任也。再自軍興以來。該省輿地。並未繪圖貼說呈覽。著即詳細繪一全圖。將水陸道里遠近。山川險隘。與隣省何處毗連。各股賊匪竄踞何處。逐一註明。迅速呈奏。將此由四百里各諭令知之。○以廣西布政使勞崇光。暫署巡撫。○以剿辦廣西武宣賊匪獲勝。賞都司鄭魁士花翎。餘升敘有差。並予陣亡遊擊謝陞恩。祭葬世職。如副將例。把總曾朝玉。袁國璘。外委李元吉。州

同蘇勒芳阿州判李懋華從九品吳貽書祭葬世職○調四川兵二千名赴廣西湖南交界處所防堵○乙巳

上詣

壽皇殿行禮○丙午

上御撫辰殿陳帝帳步射並閱王大臣侍衛等射○諭內閣慶祺朱嶠奏請飭催南糧起運幫船等語近年各省幫船受兌開行總未能趕符定限以致迎幫剝運殊費周章上年甚至將剝船凍阻河干打冰行走又復截卸北倉實屬不成事體本年辦理新漕自應提前趕辦現在江蘇浙江首幫軍船已報先後開行如各省幫船到淮在江浙等幫之先應否不拘次序隨即盤驗放行著楊殿邦相機辦理總期跟接北上毋許一幫脫空稍形遲滯並著沿河各督撫仍遵前旨飭屬催提並遴委妥員督同地方文武實力趲催以速漕行而符定限○諭軍機大臣等步軍統領奏拏

獲攜帶經卷形跡可疑之貴州民人劉泳壽請交部審辦並訊據該犯供稱普安州龍土司之子龍冬係廣西土匪頭目現帶土匪數千在廣西滋事龍土司與其表弟張滿千歲結交土匪搶奪財物送往廣西賊匪等語著

喬用遷飭即嚴查該土司父子有無通匪滋事實蹟確切提究一面先行覆奏原摺著鈔給閱看將此諭令知之尋奏遵查龍冬並非土司之子實無勾通土匪情事下部知之○

丁未

上詣

壽康宮問

皇貴太妃安○諭軍機大臣等寄諭兩廣總督徐廣縉等前因江西南贛各屬多與粵省毗連飭令該省地方官嚴密防堵茲據陸應穀奏稱廣東巡撫以首要各犯就擒咨行江西將防堵弁兵撤回各等語該督等勒辦清遠英德匪徒如已戢事自應將現在情形先行

奏報。此次擒獲首要各犯。業已咨令江西撤防。何以該督等尚未奏到。現在該處匪徒。是否全就肅清。鄰省接壤之區。防堵各兵。果否應撤。著該督等。迅將現辦情形。詳細奏聞。以慰朕念。並著悉心體察。如尚有餘黨竄擾他處。即行飛咨鄰省。一體嚴防。無稍疏虞。將此由四百里諭令知之。○又諭。陸應穀奏粵東匪徒次第就擒。現撤防兵歸伍一摺。江西南贛一帶。前因堵禦粵匪。節經擊退。茲據稱該匪屢挫。餘黨逃竄。邊境肅清。並據廣東巡撫。以首要各犯就擒。咨行江西。將防堵弁兵撤回各等語。現在廣東清遠英德一帶。軍務尚未奏報完竣。該省接壤之處。恐尚有逃匪隱伏。尚須加意巡防。著陸應穀察看情形。飭屬認真查緝。勿使餘匪乘閒再有竄擾。至該省防禦出力之文武員弁。著俟廣東奏報完竣。再行奏請。將此由四百里諭令知之。○又諭。據琦善奏。遵旨歷陳番夷。及內地實在情形。

豫籌立法一摺。並將分別查詢各事宜。開單呈覽。該處善後事宜。即著該督悉心體察。酌定章程具奏。總期蒙番雜處之區。經此次籌畫防維。可以久安無事。是為至要。將此諭令知之。○兩江總督陸建瀛奏。遵查沿江水道阻遏情形。因沮洳之處。種柳種蘆。致令水停沙聚。擬於每年春夏之閒。委員查勘。如有壅種。立予嚴辦。得旨。種洲必應嚴禁。每年查勘。不可視為具文。○戊申。命熱河都統賡福。在

紫禁城騎馬。○己酉。閩浙總督裕泰奏。漳泉會匪已獲要犯多名。現在提省審辦。並密派委員。赴臺查禁私礦。得旨。現獲各犯。嚴行審訊。從重定擬。斷不可因有喫夷照會。稍有遷就。亦不可濫及窮黎。致生枝節。朕調汝閩督。欲資整飭。勿效劉韻珂之消弭。亦不必過為見好。沽虛譽而無濟於實。總之公事以公心辦。毋存一己之私。誌之。○以怡親王載垣。克勤郡王慶惠。兼十五善射大臣。○命福建巡

撫徐繼畲來京。陞見。以閩浙總督裕泰兼署福建巡撫。○庚戌。

上詣

壽康宮問

皇貴太妃安。○諭內閣。前署烏什辦事大臣文興。於期年之內。鼓吹放礮。實屬違制。著照部議革職。○辛亥。諭內閣。李星沅。周天爵。奏遵查知縣自盡情形。請將堵勒不力之營員懲辦一摺。廣西已革署富賀營都司李慶付。於

匪徒竄入賀縣之時。但以守城為詞。並未下鄉堵捕。至賊匪竄擾里松。李慶付督率把總劉大綱。外委勞玉榮等。帶兵抵禦。復有損傷。迨該縣鶴年。情急自縊。又不能窮追賊蹤。奮力勦洗。實屬庸懦無能。李慶付著發往新疆充當苦差。劉大綱。勞玉榮。均著革職。發往軍臺效力贖罪。前署平樂協副將伊凌阿。雖查無畏葸縱賊各情。惟身膺專閫。於賊匪竄擾。未能迅速撲滅。實難辭咎。著交部議處。○諭

軍機大臣等。李星沅。周天爵。向榮。馳奏。進剿武宣逆匪。未能得手情形。並周天爵。瀝陳病狀。與向榮會籌。勦辦事宜。各摺片。賊匪滋蔓日久。股數既多。勢不能旦夕殄殄。自宜妥籌戰守。以冀奏功。前此向榮。屢獲勝仗。朕固日盼捷書。此次進剿武宣賊匪。互有勝負。秦定三所帶黔兵。能將身穿黃衣之大頭目。用槍擊斃。亦屬奮勇得力。該大臣等。仍當和衷共濟。盡力籌畫。務須計出萬全。不可再有挫失。

固不必遽請議處也。周天爵。身歷行間。朕素嘉其勇往。是以前旨。令其專辦軍務。所有巡撫篆務。已命勞崇光暫署。周天爵。舊疾復作。朕深以為念。著即在營。善為調理。祇須調度有方。正不在親自銜鋒禦侮。前命賽尚阿等。馳往楚粵之交。正為廣西用兵。熟籌此舉。已飭調四川精兵三千名。先後馳往協剿。其餘鄰近各省官兵。有可酌調之處。該大臣等。察看情形。徑行檄調。朕亦不為遙制。其湖南總

兵李伏遊擊成林四川副將劉長清均已諭令帶兵前往並諭徐廣縉揀選精兵五百名飭往備用。賽尚阿等未到廣西之前該大臣等總當恪遵前旨迅速籌辦不可稍事遷延觀望其應如何籌守籌戰先堵後剿並度地勢設伏抄擊之處該大臣與周天爵向榮熟思審處協力妥辦庶慰朕懷其大黃江賊營挖獲逆書已由軍機大臣呈覽矣將此由五百里各諭令知之○又諭前有旨令廣州滿

洲副都統烏蘭泰馳驛前往廣西幫辦軍務現在正當勦捕喫緊之時著該督等揀選綠營精兵五百名備帶適用器械如烏蘭泰業已啟行即遴派得力將弁管帶兼程赴粵西軍營聽候調遣。昨因陸應穀奏稱接據葉名琛咨會撤防該督等何以至今尚未奏到現在清遠英德一帶情形究竟如何著即詳細馳奏以慰朕懷其高廉一帶匪徒勦辦是否得手著一併奏聞廣西需兵孔亟現已添調

滇黔楚蜀等兵前往廣東清遠軍營如已凱撤兵勇似可移往粵西協剿至軍餉一節雖已飭部寬為撥解尚恐緩不濟急徐廣縉統轄兩省自必通籌兼顧無待朕再三諄諭也將此由五百里各諭令知之○又諭前飭湖南省續調精兵一千名現在廣西需兵孔亟著駱秉章迅即選派星速前進聽候欽差大臣李星沅等調遣並著派綏靖鎮總兵李伏提標左營遊擊成林統帶兼程前往毋稍延

緩將此由五百里諭令知之○又諭前有旨飭調四川精兵三千名馳赴湖南廣西交界候賽尚阿到日調用茲據李星沅等奏飛咨四川挑兵一千名遴委總兵管帶並請派督標副將劉長清一同赴粵等語著徐澤醇即將初次所調川兵一千名飭令劉長清帶往廣西軍營聽候李星沅等調遣其二次續調川兵二千名即遵前旨選派得力將弁星速馳往楚粵交界處所候賽尚阿調遣該督並

將帶兵員名及何日啟程。何日出境之處。一面由驛奏明。一面飛咨欽差大臣。審尚阿及廣西軍營查照。毋得稍有遲誤。將此由五百里諭令知之。○又諭廣西勦辦賊匪。前已添調各省官兵。並飭雲貴各續調精兵一千名。諒已選派迅速前往。朕聞雲南土守備義勇巴圖魯左大雄。前在軍營出力。極為勇往。所轄土練。亦甚精銳。著張亮基察看情形。該土弁是否可以遠赴徵調。其所管地方。是否必須該土弁彈壓。如無窒礙之處。即一面奏聞。一面飛札飭令酌帶得力土練數百名。星速馳赴廣西。聽候欽差大臣調遣可也。將此由五百里諭令知之。○賞印務參領謙亨副都統銜。為伊犁領隊大臣。○壬子。

上詣

壽康宮問

皇貴太妃安。○諭內閣。前據御史王之斌奏。秦陝西白水縣知縣徐良槐。候補知縣江開各

款。當交琦善詳查具奏。其徐良槐刑押詐贓一案。先據張祥河奏。參革職。嗣據王懿德審結。已交刑部議奏矣。候補知縣江開。在撫署閱看課卷。校對本章。雖無與該撫飲酒之事。惟於己酉科派充同考官。將別房薦而未中之卷。代呈主司求中。實屬故違功令。臨潼縣知縣鍾錫瑞。將主司未中之卷。用藍筆加以密圈密點。亦屬不合。江開鍾錫瑞均著交部分別議處。至御史張廷瑞前。參該撫張祥河詩酒風流。不理公事一節。亦經琦善查明。張祥河供京職時。詩酒在所時有。現在陝撫於一切公事。並無延誤。張祥河著毋庸置議。惟封疆大吏。身膺簡畀。自宜整躬率屬。本不得有所偏好。致屬員得以摩揣逢迎。即文墨唱和。結習未除。亦恐有誤公事。清談廢務。浮文妨要。古所戒也。各省大吏。其各勵精圖治。專意從公。無負朕諄諄訓誡至意。○又諭廣西勦辦賊匪。籌調兵餉。最為先務。除該省陸續

動用外。前經李星沅等奏請飭部撥餉八十萬兩。現復派大學士賽尚阿。為欽差大臣。前往楚粵之交。督辦防勦事宜。調兵較多。已飭部續撥餉銀一百萬兩。星速解往。以濟軍需。自可收飽騰之效。惟念大兵雲集。需用浩繁。必應寬為儲備。源源接濟。使後路糧臺毫無支絀。則兵心無內顧之憂。奮迅勇往。庶期靖邊圉。著再由內務府廣儲司。給發內帑銀一百萬兩。作速解赴大營備用。朕睽懷南服。

宵旰焦勞。小醜一日不除。粵民一日不靖。不惜大發帑金。饋餉轉運。以殄羣盜。而安善良。諒該大臣等。定能督飭領兵大員。奮力攻勦。迅速藏事。俾匪黨悉就殲滅。邊陲立見肅清。用副朕靖寇綏疆之意。○又諭奕興奏。覺羅呈控協領各情。請解任送部會同審辦一摺。覺羅貴臣。呈控水師營協領榮琪。在省設局聚倡誘賭。並以假鴉片煙土抵還賭債。經該將軍派員查辦。貴臣始則令親屬呈懇免究。

繼復稱病躲避。種種殊多疑竇。且指控各款。所關綦重。虛實均應徹底根究。榮琪著暫行解任。同覺羅貴臣。一併交奕興會同景瀉。研審確情。按律定擬具奏。尋奏遵審。榮琪在金州海口。拏獲廣東金永豐等船戶私販鴉片煙土。將煙土一半解報上司。一半運存私寓。覺羅貴臣。聽聞民人綽六告稱。榮琪帶回煙土。唆令貴臣誣賴與榮琪同賭。藉端訛詐。貴臣即捏寫榮琪聚倡誘賭。以假煙土抵還賭

債等詞。控告榮琪。擬發極邊煙瘴充軍。覺羅貴臣擬發吉林安置。下部議從之。○諭軍機大臣等。琦善奏。遵查馬廠地界。請飭勘辦一摺。莊浪滿營馬廠。地面遼闊。附近民番。乘閒開種。迄今歷年已久。廠地必應清理。邊氓亦宜撫綏。其應如何劃分界址。定則升科。總未議立章程。殊非覈實經久之道。著即派涼州副都統興泰。並甘涼道等。親往查勘。由琦善覈明。妥議章程。會同興泰具奏。至前此懷成

奏懇查辦一摺。與泰究竟因何不肯會銜。著再確查具奏。將此諭令知之。○又諭。四川沿江州縣。舊存倉穀。著徐澤醇分飭各屬。迅即碾動。湊足米五千石。由水路運至湖南地方。交該省轉送廣西。一切費用。准其作正開銷。如一時碾動不及。著即動項如數採買運往。仍將碾動倉穀。湊足米五千石。豫備隨後撥運。毋得設詞藉口。有誤軍需。將此由五百里諭令知之。○湖北巡撫龔裕奏報撥解軍餉。

并籌辦防勤情形。得旨。防堵情形。隨時據實具奏。勿得稍事含混。○調四川兵一千四百名。赴湖南聽候調用。○癸丑。諭內閣。周天爵著賞加總督銜。會同向榮。專辦軍務。○又諭。龔裕奏。請將疏防隄工。延不修復之知縣交部議處一摺。湖北前署江陵縣事宣恩縣知縣姜國祺。於隄塍要工。既未能竭力搶護。迨經漫缺成口。又不設法趕築斷流。以致缺口刷寬。多費工費。轉圖委卸。實屬玩泄。著即交

部議處。勒令賠修。該處工程緊要。著照所請。暫於司庫雜款內。借動銀六千兩。交荊州府督率姜國祺暨現任知縣俞昌烈。趕緊修復。所借銀兩。嚴飭追繳歸款。○禮部奏朝鮮國王李昇。以其祖李裍。為其先世戚臣。金龜柱等。誣陷以死。嘉慶辛酉年間。該國邪黨獄起。曾將伊祖李裍。羅入黨案。恐內府編輯。載有其事。懇辦其誣。惟查當日欽奉

上諭。暨會典所載。並無李裍之名。所有該國黨案。既未經載輯。將來自無慮流傳。該國王以先世被誣。備陳枉抑。實係為人後者之至情。應照所請。許其昭雪。從之。○荊州將軍台湧等奏。驍騎校三音阿。與文舉人春福。自京回荆。行至湖北鍾祥縣地方。不知去向。咨送署湖廣總督龔裕。提案根究。得旨。認真究辦。俟查有何情弊。再行具奏。春福尤應嚴訊。尋奏。遵查三音阿。前赴京引見防禦缺。因未經補缺。心常怏怏。與駐防文舉人春福。結伴回家。

途中言語顛倒行至湖北鍾祥縣石牌地方泊舟後忽失所在將同行之春福及船戶等再四研訊所供前情相符堅稱並無別故三音阿失志忿鬱走失落水均難臆料其為別無疑竇已可概見春福於該將軍等委員查訊時未即詳晰供明殊有不合應請照不應輕律答四十下部議從之○以順天府府尹鄒鳴鶴為廣西巡撫○以廣東高廉道宗元醇為順天府府尹未到任前以詹事府詹事王慶雲署理○甲寅吉林將軍固慶等奏酌量變通緝盜章程請將原設巡緝捕盜之員停其專設遇有賊盜滋擾隨時揀派緝捕可靠之員前往嚴密搜捕例給該官弁等盤費即作為隨時派去官兵經費從之○

上以孟夏時享

太廟自是日始齋戒三日○乙卯諭內閣徐廣縉葉名琛奏勦辦靈山縣境匪徒大獲勝仗全股首夥盡行殲滅一摺覽奏嘉慰逸匪黃

大一股自正月擊敗逃竄之後率眾二千餘人由竹山坪竄踞那彭壩經署都司饒成龍指揮兵勇奮力攻擊立將黃大槍斃並轟斃賊匪一百餘名委員陳義等擊斃三百餘名餘匪逃入壩內於壩前排列大礮施放我軍冒煙衝鋒並進搶得礮位轉向內轟並拋擲火礮壩中周圍火起燒死四百餘名外逃各匪復經署遊擊玉山等分兵截殺二百餘名生擒男婦四十五名並將黃大之妻賴氏擒獲此次統計轟擊焚殺賊匪首夥一千五百餘名生擒二百二十三名奪獲大小銅鐵礮八十四位馬八十三匹槍矛刀械無算此股首夥各匪業已勦除殆盡署都司饒成龍身先士卒不避艱險實屬奮勇著以應升之缺即行升用先換頂帶在事出力文武各員均堪嘉尚著即據實保奏候朕施恩傷亡兵勇查明咨部議卹其欽州蘇凝三等股及劉八等匪徒仍飭該處文武不分畛域盡力勦捕

以期羣醜殲除迅速藏事。○又諭徐廣縉葉名琛許乃釗奏南海東莞請分別停試一摺。據稱南海縣西湖書院生徒因挾知府改斷公項之嫌不遂其欲投遞匿名罷考紅帖經該督諭令舉出主謀餘可免究尚復容隱不發東莞縣因抗糧生員畏罪自戕一案合邑士子輒即刷印長紅徧貼罷考請將南海縣西湖書院肄業生童並東莞合學暫停考試等語國家設科論秀原期於風淳俗美之地選取才良若士習刁頑不加懲創仍使不率教者得登庠序而與賓興將何以勸良士是以雍正年間諭旨奉有生童以私心之忿借罷考為挾制即令停其考試聖訓煌煌於鼓舞人才之中寓變化愧厲之道且罷考罪名綦重士子束身名教尤當守法懷刑廣東近年士氣民情朕方冀其蒸蒸日上若因一二敗類遂致挾制成風是稂莠聞

生轉使嘉禾不殖朕甚愧之著將南海縣西湖書院肄業生童及東莞合學俱暫停考試該督等即確查主謀罷考及附議之人分別首從照例懲辦該書院及該學中有端謹老成將首謀者舉出抑其人悔罪自首或父兄呈出到官既肯自新仍可量從寬典其脅制被累之同學經該督等察實奏明即當許其考試此朕董教兼施猶是古人郊遂移風之遺意凡屬多士其各懷遵訓誠毋忽○又諭龔裕奏審明同知濫刑釀命知縣驗訊龐率請交部嚴議議處一摺湖北安陸府同知多瑞本無審理案件之責輒因輕聽差役濫押民人擅用刑責以致鄧正國畏罪服毒身死又誤指王雙和等擡屍圖賴實屬謬妄多瑞著即行革職以示懲儆鍾祥縣知縣馬晉圖相驗漏填傷痕並誤審鄧正儒為謀命圖賴雖未成招定案驗訊俱屬龐率馬晉圖著交部照例議處○諭軍機大臣等寄諭欽差大

臣李星沅等。徐廣縉奏投誠賊目。疊次殺賊出力等語。據稱廣西賊目張劍即大頭羊。由芳即大鯉魚。侯志即捲嘴狗。蘭鉅即大隻具等。經藩司勞崇光委員查訪。准其投首。責令殺賊自贖。旋經候補知府劉繼祖督率。在金田勦捕會匪一次。斃匪一百餘名。又在大黃江勦捕會匪一次。斃匪一百餘名。奪獲礮械火藥多件。本年二月初三等日。進勦會匪張劍等。皆隨同殺賊。初八日。火燒大黃江。牛排

嶺。張劍等首先施放火箭。焚毀賊巢。似此以毒攻毒。若果辦理得宜。未始非化盜為民之法。著該大臣等。查覈劉繼祖所稟。是否確實。其所請俟事竣後。將所帶夥伴。給予路票回籍。及不願回籍者。賞充壯丁之處。徐廣縉議駁甚是。將來如何安插。或擇其可用者。留營差遣。亦宜豫為籌酌。勿滋流弊。至陶八。楊撈家兩匪。有無續經投誠。殺賊自效。並張家祥現在何處。隨營效力。是否帶勇殺賊。尚有微

勞。均著隨時奏聞。此等投首賊目。是否可靠。全在留心控馭。恩威並用。庶不至墮其術中也。原片著鈔給閱看。將此由四百里諭令知之。○又諭。寄諭兩廣總督徐廣縉等。前有旨將高廉道宗元醇。并授順天府府尹。該員現在防勦匪徒。正當喫緊之際。著俟新任道員薩炳阿到任後。再令來京供職。至該省勦辦匪徒。屢獲勝仗。此次黃大一股。業已殲除殆盡。餘匪無多。清遠英德一帶。計不日亦可肅

清。即著該督等。察看情形。如粵東賊氛漸靖。即移兵廣西。合力兜勦。兩路夾擊。以期立淨根株。該督身任兼圻。責無旁貸。尤當通盤籌畫。無失事機。至該省捐輸。現在成數若干。廣西調兵較多。需餉孔亟。屢經籌撥。並發內帑。猶恐緩不濟急。朕甚懸念。該督就近籌酌。各款務當先其所急。勿致顧此失彼。是為至要。將此由四百里諭令知之。○又諭。據哈勒吉那奏青海蒙古生計維艱。請免派兵駐防一

摺。青海各旗蒙古。向設正副盟長。原以約束巡防。藉習武備。茲據哈勒吉那奏。該處王公等。因屢被番賊搶劫。窮蹙日甚。懇請免派駐防兵丁。並將盟長裁撤。繳銷印信。又稱近年以來。該盟長並未帶兵親往。亦未習練武備。似屬有名無實。可否准其裁撤。以示體恤。事關更易舊章。自應詳細體察。著薩迎阿。於路過該處查辦事件之便。察看情形。應如何酌辦之處。據實具奏。原摺著鈔給閱看。將此諭

令知之。○實授溫賢廣東陽江鎮總兵官。○丙辰諭內閣。戶部錢法堂奏。請飭催銅運等語。銅運為鼓鑄攸關。斷不容遲延貽誤。現在庚戌年加運一二起委員。尚未據雲南咨報開行。其已酉年正運四起吳鴻昌。加運一起彭克儁。二起趙崑。庚戌年正運一起鄭訓達。正運二起王日省。三起陳步萊。四起顧恩綬。均於上年及本年或報自瀘開行。或報自滇啟程。或報已出川境。或報甫入川境。又湖南

委員王秀深。於上年十一月。在清河縣停讓空漕。江蘇委員黃培唐。於上年十二月。兌竣開行。迄今均未據咨報行抵何處。著沿途各督撫。及藩臬大員。速查各運銅船行抵何處。一面報部查覈。一面派委幹員。會同經過地方文武員弁。無分晝夜。實力迎提。務期於禦黃壩未啟以前。全數趲抵清江。過壩後。即責成楊殿邦。楊以增。押令各運銅船。緊跟首進糧艘。插檔行走。飛輓北上。斷不可如上年跟隨尾幫漕船。輓運致有遲滯。其未經咨報開行各運。著雲貴總督雲南巡撫。嚴飭廠運各員。迅速開兌開行。毋稍延玩。儻各該運員。藉詞延宕。藩臬大員。及地方官。催趲不力。即指名嚴參。以肅運務。而資鼓鑄。○先是山西巡撫兆那蘇圖奏。遵辦清查一年限滿。追補數目。請將全完未完各員。分別開復摘頂勒追。下原議王大臣議。至是覆奏。山西省清查各屬虧短銀兩。於一年限內。完繳過半。該撫辦

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三十

監修總裁官禮部尚書陸潤庠
纂修總裁官內閣學士蔣元棻
大學管理刑部事務加三級紀錄六次臣寶桂奏為總管經筵講官李鴻藻等請開缺事竊照前開事欽此謹將各員履歷開列

大學管理戶部事務加三級紀錄十六次周祖培總辦官李洪儒管理兩廣總督事務計引大臣軍機大臣
大參堂管理戶部事務管理刑部事務加三級紀錄十六次周祖培總辦官李洪儒管理兩廣總督事務計引大臣軍機大臣

鑲黃旗滿洲都統內務府尚書管理庫事務加四級隨帶加五級紀錄五次臣寶桂奏為總管經筵講官李鴻藻等請開缺事竊照前開事欽此謹將各員履歷開列

遼陽副將軍富綱奏為該部所轄糧餉事務加二級隨帶加八級隨帶五次臣寶桂奏為總管經筵講官李鴻藻等請開缺事竊照前開事欽此謹將各員履歷開列

欽奉

咸豐元年辛亥夏四月丁巳朔享

太廟

上親詣行禮○詣

壽康宮問

皇貴太妃安○諭內閣陸建瀛奏委員議論鹽務阻撓挾制審明定擬一摺此案降調湖北武昌府同知勞光泰奉委催鹽輒以船戶市肆無據之言作為移岸三論刊板傳播並投稟要挾阻撓且藉修署等項曾向商人借銀八千餘兩尤屬卑鄙不職勞光泰著即革職

咸豐元年辛亥夏四月丁巳朔享

太廟

上親詣行禮○詣

壽康宮問

皇貴太妃安○諭內閣陸建瀛奏委員議論鹽務阻撓挾制審明定擬一摺此案降調湖北武昌府同知勞光泰奉委催鹽輒以船戶市肆無據之言作為移岸三論刊板傳播並投稟要挾阻撓且藉修署等項曾向商人借銀八千餘兩尤屬卑鄙不職勞光泰著即革職

永不敘用。仍著該督遵照前旨。派員解回湖北。交該省督撫歸案訊辦。○雲南巡撫張亮基奏委廣西知州丁楚玉。馳往廣南防堵。得旨。嚴密防堵。若稍有疏虞。惟汝是問。○命恭親王奕訢兼十五善射大臣。○修建浙江錢塘縣被水衝塌營汛房基。從巡撫吳文鎔請也。○以山西代文水孝義大同靈邱猗氏六州縣糧價增昂。命發常平倉穀出借平糶。並緩右玉保德隰甯遠陽曲臨汾太平曲沃虞

鄉霍十廳州縣買補動缺穀石。○戊午。諭軍機大臣等。奕山奏俄羅斯國懇請於喀什噶爾貿易。先事籌度。並將德齡函稱礙難三條照繕呈覽一摺。前據該國來咨。派員於今春來赴伊犁會商貿易章程。現在尚未前來。奕山以該國於哈薩克地方久已收其租稅。用其烏拉。今請於喀什噶爾通商。則路經伊犁西南之哈薩克。接連布魯特。亦必供應烏拉。兼收租稅。所慮極是。德齡所稱礙難三條。亦

能計及久遠。俄羅斯前請三處添設貿易。其心本屬叵測。因以近邊民人生計為詞。未便拂其和好。准於伊犁塔爾巴哈台試行。而喀什噶爾則窒礙之處甚多。斷無准行之理。若俄羅斯人來。仍復申請無已。奕山等務將礙難各情。曲為譬說。以我朝平定新疆。回疆已歷百數十年。該國向於恰克圖通商。歷久相安。何以至今忽有三處通商之請。因念和好多年。未便全行拒絕。伊犁塔爾巴哈台兩處窒礙之處尚少。是以勉從所請。三端之中。已允其二。即屬格外體恤。至喀什噶爾地方。過於遼遠。貨少商稀。卡外夷回種類不一。加以該國人在彼通商。必至爭論生事。在中國既窒礙多端。即外夷亦必有損無益。此理甚明。斷難允准。奕山等臨會議時。固宜平心靜氣。罕譬善道。以德齡所慮情形。逐層分晰開諭。尤宜堅持定見。理直氣壯。勿為恫喝之詞所奪。遽行草率定議。遷就曲從。將來致滋流弊。

惟該將軍等是問。其伊犁塔爾巴哈台兩處亦當妥議章程。面面顧到。以期經久無弊。前奏礙難照恰克圖之例。抵賠遺失貨物。此層尤關緊要。如有似此非分干求。即應據理駁斥。凡事均須慎之於始。萬不可勉強應允。貽患將來。邊防疆計。所繫極為重大。諒該將軍等定能懍遵節降諭旨。加意慎重辦理也。將此諭令知之。○又諭。朕命賽尚阿督帶官兵前往湖南防堵。原因李星沅等奏懇專派總統期於事權歸一。該大臣行抵楚粵之交。著即馳赴廣西軍營。接辦軍務。並傳知李星沅馳回湖南。會同駱秉章辦理防堵事宜。前頒給李星沅欽差大臣關防。即由驛遞繳回可也。將此諭令知之。○己未。諭內閣。恆春奏查明已革都統妥參屬員據實覆奏一摺。已革察哈爾都統雙德陳奏不實。本有應得之咎。業因另案革職。發往軍臺效力。著無庸議。副都統慶祿於會參之案。並不細心查明。隨同

列銜亦屬草率。著交部議處。所有被參休致之總管車林丕勒。協領嘎勒桑達爾。窄查明並無劣蹟。均著咨送內務府帶領引見。○湖南巡撫駱秉章奏派撥官兵赴粵會剿。得旨。已有旨令該省嚴密防堵矣。不可稍存大意。致滋蔓難圖也。○命戶部左侍郎舒興阿在軍機大臣上行走。○庚申。

上詣

壽康宮問

皇貴太妃安。○御乾清門聽政。○撥江蘇長洲無錫三縣正耗米五千六百八十石有奇。並隨徵米石協濟蘇松等屬幫丁行月等米。○辛酉。河南巡撫潘鐸奏遵查祥符縣並無教匪吳光漢之名。現已密派幹員分赴各處。以抽查保甲為名。儻實有形跡可疑。立即掩捕懲治。免致煽惑良民。養癰貽患。得旨。斷不可稍涉紛擾。○壬戌。諭內閣。薩迎阿奏遵查知縣被參各款等語。甘肅昌吉縣知縣尚貴前

在山丹縣任內。雖查無勒折糧石。餽送消弭等情。惟詢以公事。應對遲鈍。不能清楚。於邊缺難期勝任。著即撤任回省。以內地之府經歷縣丞降補。知州銜張掖縣知縣陳鑣任聽幕友門丁在署外居住。關防不能嚴密。雖查無別項劣蹟。究於要缺不宜。著撤任留於甘肅以簡缺。知縣補用。○諭軍機大臣等。寄諭兩廣總督徐廣縉。據李星沅等馳奏。進勦賀縣匪徒。官兵遇伏。致有挫折。並懇陳兵餉支絀情形。廣西賊氛日熾。節經調兵籌餉。以期源源接濟。惟各省道路遠近不一。猶恐緩不濟急。現在廣東勦辦匪徒。已經得手。該督務即遵照前旨。激勵將弁。移得勝之師。迅赴廣西。會同勦辦。並著曉諭該省士紳。如有捐貲募勇。隨同勦捕出力者。朕必優加獎敘。該督所派副將齋清阿。參將左忻等。前赴賀縣協勦。均能奮勇殺賊。為國捐軀。實堪憫惻。已降旨加等賜卹。可見東省兵壯無遷延退縮惡

習。仍須鼓勵士心。再接再厲。勿令賊勢蔓延。旬結。至廣西軍餉。前經兩次飭部撥銀一百八十萬兩。昨又特發內帑銀一百萬兩。但長途護解。遲速難定。廣東接壤西省。如廣西現。有急需。著該督仍遵節次諭旨。無論何款何項。務即迅籌解往。毋致稍失事機。該督職任兼圻。責無旁貸。總當事事兼權並計。俾兩粵早就肅清。以慰朕廑。現在賽尚阿等。已於四月初旬先後出都。所有東西兩省會勦情形。該督一面奏聞。一面沿途飛咨該大臣查照。可也。將此由五百里諭令知之。○又諭李星沅。周天爵。尚榮奏。會勦賀縣賊匪。將備遇伏陣亡。並續調黔兵。會勦各一摺。另片奏。分勦陸川縣等處賊匪情形。續請籌撥軍餉各等語。覽奏。實深焦灼。此次進勦賀縣匪徒。我兵奮勇爭先。乘勝前進。擊斃賊匪不少。乃因左右另出賊匪。四圍放大。以致我兵失利。將備陣亡。用兵之道。謀定後動。必須豫為布置。籌

畫萬全。後路接應之兵。尤為緊要。當賊匪設伏圍裹之時。設後路有兵。層層接應。乘勢殄滅。安知不轉敗為功。朕屢次諭令李星沅等。嚴密布置。勿令墮其奸計。乃竟屢次遇伏。致挫我師。未見我兵壯設伏誘賊。及至賊黨飽颺而去。乃始調兵尾追。搪塞了事。於事何濟。該大臣等。既知賊匪詭詐異常。非奇兵不能破。何尚毫無成算。一至於此。嗣後必須偵探賊情。知其出沒蹤跡。每遇督兵進剿之際。務

當格外嚴密。防其奸詭。毋得再有疏虞。李星沅總統軍務。數月以來。未見所辦何事。現派賽尚阿督兵接應。尤不准稍形觀望。致干咎戾。該大臣等。縱不自愛。其如吾民塗炭何。言之至此。憤悶殊深。至陸川縣一帶。各股賊匪。尤當嚴飭該文武督帶兵勇。分投防剿。勿令凌十八及劉八等。與武宣賀縣大股逆匪。合而為一。總兵惠慶德亮均係專閫大員。統兵督剿。責無旁貸。現在帶兵防剿何處。來摺均

未敘及。能否得力。據實具奏。該省節次請調官兵。不下一萬數千名。兩次由部撥餉一百八十萬。昨又特發內帑一百萬。是添兵增餉。不為不多。該大臣等。宜如何合力同心。謀勇兼施。以期迅速藏事。用副朕望。耶。將此由五百里諭令知之。○熱河副總管毓祺奏。綏成殿應修等工完竣。謹擇於四月二十一日。敬由

澹泊敬誠殿奉移

宣宗成皇帝

聖容供奉

綏成殿得旨。是○予廣西陣亡副將齊清阿。參將左忻。護都司郭維彪。守備劉恩錫。千總侯建祁。把總梁興富。邱先源。外委郭安。祭葬。世職。生員梁拱辰等。賞卹如例。○調貴州兵一千名。馳赴廣西聽候調遣。○

上以常雩祀

天於

圖丘自是日始齋戒三日○癸亥朝鮮國王李昇遣使表謝並呈進方物命留抵下次正貢賞賚如例○庫倫辦事大臣德勒克多爾濟因病賞假以頭等侍衛玉明署庫倫辦事大臣○甲子

上詣

南郊齋宮齋宿○諭內閣前據徐廣縉查奏廣西巡撫鄭祖琛彌縫粉飾各情當經降旨將鄭祖琛革職周天爵抵廣西後即將鄭祖琛

釀禍原委陳明朕以該革員身任封疆既不能消患未萌又不能將貽誤之提鎮及文武各員早行參奏僅予革職回籍不足蔽辜復諭令李星沅周天爵將該革員如何遷延徇庇之處再行詳查奏茲據李星沅據實查明並參覈衆論鄭祖琛於通省文武員弁凡勦捕不力泄沓苟安者實不能早為參劾是關茸無能皆伊一人作俑即如閔正鳳盛筠等之畏葸延誤鄭祖琛但知見好同官周旋

粉飾朕察其設心非第袒護大員即屬吏亦不敢參劾似此養癰貽患以致吾民塗炭糜餉勞師僅予罷斥歸田轉得置身事外何以挽頽風而儆有位鄭祖琛著發往新疆効力贖罪以為封疆大吏玩誤者戒○准截留廣東解黔餉銀十三萬兩濟廣西軍需○乙丑常雩祀

天於

圖丘

上親詣行禮○詣

關帝廟拈香○詣

壽康宮問

皇貴太妃安○閩浙總督裕泰奏洋面捕務喫緊請令黃巖鎮總兵官湯倫暫緩陞見俟本年秋後察看洋面情形再行奏請得旨湯倫著不必來京至本年秋後亦毋庸奏請又奏候選教職楊熙元夥販煙土請革審批嚴行究辦毋稍輕縱○調福建漳州鎮總兵官萬

飛鷹為甘肅涼州鎮總兵官。○賞請轎鑾儀衛校尉銀。○丙寅諭內閣。廣西盜賊橫行。民遭塗炭。推原禍始。總由地方官不得其人。撫綏無術。而大吏又不能澄清舉劾。以致養癰成患。業將巡撫鄭祖琛提督閔正鳳革職發遣。並疊次飭令李星沅。周天爵等。確查該省文武各官。分別保舉叅劾。現在廣西通省舉行團練。若非慎選牧令。使良民得所倚恃。何以收衆志成城之效。其前此失事及庸懦各員。業據李星沅等陸續奏參外。所有守禦得力。及平日治民出色之員。自應秉公奏保。以昭激勸。現據周天爵特舉林士傳以下十餘人。臚列勞績。開單具奏。現當用人之際。周天爵既破格請予獎勵。朕即不難破格給予恩施。各該員承受朕恩。宜如何力圖報稱。益加奮勉。儻或始勤終怠。先後易轍。朕亦惟執法嚴懲。至該省劣員。仍著確訪款蹟。據實糾參。毋稍徇庇姑容。庶幾吏肅民安。盜風自戢。朕

實有厚望焉。○又諭徐廣縉奏賊目張釗等投誠自效。殺賊立功。已降旨飭令確查。茲復據周天爵會同向榮奏。稱張釗與頭目九人。帶領七百水勇。於賊踞東鄉三里墟時。飭令扼要防江。嚴斷接濟。賊勢為之窘急。乃謀暗攻勒馬。又經候補知府劉繼祖。飭張釗等設伏山腰。斃賊無數等語。是其歸誠效力。確有明徵。既能殺賊立功。即不妨寬其既往。勵其將來。著照周天爵等所請。賞給張釗六品頂帶。並賞戴藍翎。此後若更能勦力效命。不難續加優賞。若始勤終怠。亦難再邀寬典也。○諭軍機大臣等。周天爵奏急獎有功。並陳目前賊情各摺片。據奏賊踞東鄉三里墟。食鹽煙硝斷絕。勢不能不出而速戰。以圖潰圍。北上其窘迫情狀。如見肺肝。現因兵力不敷。力持固守之說。徐圖連營逼進。將各股賊匪。驅入羅淶崗。然後聚而殲之。周天爵親歷行間。所見自有把握。惟賊情狡獪。務當嚴飭我兵。

防堵周市。設百密而一疏。致令突圍竄逸。與凌十八。劉公合謀。則勦捕更為棘手矣。張劍投誠立功。現已俯准所請。給予優賞。此輩性情不定。設有游移反覆。關繫匪輕。該大臣等先當示之以誠。令無疑懼。使脅從之眾悔罪來歸。亦以賊制賊之一法。至田芳投誠之後。有無立功之處。其餘頭目能否同心效命。均著確查。隨時奏聞。所請調取遣軍流犯協勦一節。向來辦理軍務。兼用遣勇。亦取其剽悍。

性成。於衝鋒破陣。可期得力。但須善為駕馭。勿令別滋事端。其周濤章允升二人。既據力為申辯。諒能用其所長。軍旅之事。亦難盡選全材也。至所保紳民單內各職員。究係何官何職。且有未聲明籍貫者。著查明具奏。前次賀縣勦匪遇伏之後。賊勢如何。是否再有接仗。現在鄰省會籌協勦情形如何。著一併覆奏。以慰廑注。賊首韋正洪秀泉馮雲山楊秀青胡一洗曾三秀等。既訪得確實。知其習教。

伎倆。即當設法懸賞購緝。使賊黨自猜。攻勦更易得手。該大臣等總宜相機籌辦。毋令日久勾結。再致蔓延為要。將此由四百里各諭令知之。○以貴州官兵勦賊奮勇。賞參將清長都司嚴承恩花翎。都司彭長春等藍翎。餘升擢有差。○以守禦出力。賞廣西知府張敬修花翎。知縣張鵬萬等藍翎。道員林士傳等優敘升賞有差。○丁卯。

上詣

壽康宮問

皇貴太妃安。○吏部右侍郎明訓等奏恭勸

福陵

隆恩殿工程。頭停檐柱。續有虧朽情形。關繫重大。亟須及早興修。得旨。敬謹辦理。務期妥實。

○以廣西紳民勦賊出力。賞職員劉士哲等藍翎。餘升賞有差。○戊辰。

孝德皇后殯宮月祭。遣官行禮。○己巳。

上詣

壽康宮問

皇貴太妃安。○諭內閣。前據李星沅等奏會勦賀縣賊匪。將備遇伏陣亡。業經降旨將副將齊清阿等。加等賜卹。茲據徐廣縉葉名琛。馳奏。賀縣勦賊情形。廣西桂平梧鬱道林士傳。經李星沅派令督帶兵勇會勦。乃逗遛榕津地方。並未入賀縣境內。又於進勦時。撤退壯勇四百餘名。以致孤軍無援。深入被困等語。此次廣東將弁等。奮勇越境追賊。若使廣西

官兵。接應得力。何至墮賊奸計。該道奉札督辦。遷延貽誤。咎無可辭。林士傳著交部嚴加議處。署賀縣知縣甯域。署廣甯縣知縣程兆桂。或未能臨時偵探。或不能先事撲除。致令賊匪竄擾。均難辭咎。除甯域先已降旨革職外。程兆桂著交部議處。廣東肇慶府知府蔡振武。於所屬地方。匪徒滋擾。籌勦無方。著一併交部議處。○諭軍機大臣等。前據李星沅等奏。會勦賀縣賊匪。將備遇伏陣亡情形。朕

即以設使後路有兵。層層接應。何至屢挫我師。責其不能設奇制勝。毫無成算。茲據徐廣縉。葉名琛。奏稱。此役先勝後敗。實由林士傳牽掣貽誤。已明降諭旨。將林士傳嚴加議處矣。惟昨據周天爵保奏人員。已在賀縣失事之後。何以尚將林士傳列入單首。粵西軍務。前曾諭令彼此互相知照。以歸畫一。李星沅。周天爵等。前奏及徐廣縉等。此次所奏。摺尾俱彼此會銜。何以署賀縣知縣甯域。前經李

星沅等奏。參革職。徐廣縉此次仍未敘及。僅請交部議處。甯域既將林士傳撤兵一節。稟知總督。何以李星沅等摺內。並未據稟奏。參種種歧異。殊不可解。著賽尚阿到軍營後。確查林士傳是否官聲素好。賀縣失事情形。是否係林士傳逗遛所致。甯域所稟。該道撤回壯勇四百餘名。是否屬實。抑係探知參革。設詞誣罪。務須分別查明。據實具奏。徐廣縉等原摺。著鈔給閱看。將此諭令知之。○免浙江

出征官兵未完借裝銀○庚午諭內閣戶部奏山東省上年因災緩徵錢糧分別請旨豁免等語所有山東省道光三十年錢糧因災緩至該年麥後秋後徵者除已完銀兩應令查明確數據實造報外其餘未完銀兩著一併加恩豁免至各省如有因災緩徵錢糧與山東事同一律者均著照此辦理以歸畫一○又諭李星沅周天爵奏查叅總兵道府並特叅廢弛之知府一摺廣西右江鎮總兵惠慶右江道慶吉於賊匪滋擾時株守偏隅均未能運謀設策潯州府知府顧元凱公事不能振作俱著革職仍留軍營效力署桂林府知府鎮安府知府廖良澤聲名平常不協輿論著革職永不敘用○又諭賂東章奏請飭部酌撥銀兩一摺湖南現辦防堵並應付過境兵差自應寬籌經費著戶部於湖南鄰近省分迅即酌撥銀二十萬兩奏明行令該省迅速解赴湖南以濟要需○諭軍機大臣

等李星沅奏即日親往武宣會籌勦辦一摺又據李星沅周天爵向榮片奏督勦賀縣等處賊匪情形等語武宣大股逆匪既據探明欲分三路逃竄武宣與象州唇齒相依為全局關鍵全在該大臣相度地勢調度得宜李星沅現由象州至武宣與周天爵向榮悉心商榷務當探明賊蹤將由何處衝突即先行扼要布置設奇制勝該大臣等是否合兵一處抑須分路堵剿總宜聲援相應籌畫萬全至後路接應之兵尤關緊要前日賀縣一役即其前車之鑒所稱紫荊山一帶僅飭桂平平南兩縣帶同壯練巡防未免過形單弱仍當酌量添調兵勇嚴密分布以堵奔竄之路毋再疏虞現在賀縣勦匪與廣東湖南會辦仍應添派總兵大員前往督勦其凌十八劉八各股疊經地方文武紳練追勦即著嚴飭各路兵勇相機兜截防其竄逸勿使各股合而為一至官兵與壯勇同隊擊賊意氣之間

難免兩不相下。惟在督帶大員。駕馭有方。使
 之甘苦適均。尤須賞罰秉公。自可令其感畏。
 用命。再象州舉人韋任元等。及博白紳士朱
 德華。朱德缺。王汝諧等。均於上年募勇殺賊。
 何以未獲議敘。貴縣宣化等處。屢獲要犯之
 團練。何人何名。著一併查明。分別保奏。以昭
 激勸。將此由四百里諭令知之。○江蘇巡撫
 楊文定奏。報到任日期。得旨。江蘇漕務。年來
 疲玩已極。汝須力求整頓。任怨任勞。不可稍
 示慈柔。如再有大戶把持。據實具奏。朕必從
 重治罪。以儆刁風。朕言之必行。莫視為具文
 也。懍之。此旨著與武棠同閱。○以本年鄉試
 考試。應開列試差人員於保和殿。○鑲藍旗
 蒙古都統敬敏。因病請解任。命賞假一月。母
 庸。管閱兵大臣事。○以湖南衡州協副將谷
 韞璵。為廣西右江鎮總兵官。○旌表守正被
 戕山西潞城縣民衛安常義女圪甲女。○辛
 未。命江南徐州鎮總兵官黃慶春來京。調四

川北鎮總兵官楊霖。為江南徐州鎮總兵
 官。以湖南寶慶協副將趙如勝。為四川北
 鎮總兵官。○以勦辦廣東英德股匪。地方肅
 清。總督徐廣縉。巡撫葉名琛。下部優敘。賞總
 兵官崑壽花翎。○撥江南鹽關銀六十萬兩。
 解赴廣西。以備軍需。

大清文宗協天翊運執中垂謨懋德振武聖孝
 淵恭端仁寬敏顯皇帝實錄卷之三十一

西取道湖南亦應妥為彈壓勿令滋擾將此由四百里諭令知之○乙亥諭內閣禁門重地理宜嚴肅自大清門至午門外朝房數層向有該班兵丁及步甲人等輪流稽查不准閒人出入但恐該管官視為具文不能實力查察以致兵丁等曠班偷惰閒雜人等任意行走甚至朝房門窗被人扳拆各處灰土堆積且恐值宿官兵引類賭博殊非慎重禁地之道嗣後著該管各衙門嚴飭值班兵役輪

班看守嚴密稽察如有閒雜人等並無差使任意出入者即行拏究懲辦儻該兵役等仍前玩泄該管各衙門疏於督察經朕查出除將該兵丁等嚴行懲辦外並將該管官重處不貸○又諭英隆克興額泰懇頒擡槍式樣添造演習一摺黑龍江現擬添造擡槍八十桿著僧格林沁等於內外火器營檢派熟習火器章京一員挑選擡槍二桿及隨用器械並帶同工匠數名前往盛京如式製造分撥

各處加意訓練以重操防○諭軍機大臣等上年陸建瀛奏江西防堵粵匪南贛鎮德坤未便拘泥成例遣出閱伍已飛飭星夜折回等語當降旨令陸建瀛並署巡撫陸元烺轉飭該鎮暫緩閱伍會同該道黃樂之就近嚴防後經陸元烺陳詳先後覆奏防堵情形均但據黃樂之一人稟報而於德坤之曾否折回並未提及茲據德坤具奏閱伍情形一摺所稱上年九月間業已聞知粵匪滋事商明

同城道府藉巡閱之便往與西南相近之興國甯都永鎮三營順道訪查遙作聲援而陸建瀛原奏則稱該鎮前赴東北之甯都袁州等處是德坤所閱各營不與粵東相近所云遙作聲援者何在該員於道光二十七年會奉

諭旨飭令李星沅密查能否得力可靠旋經覆稱該員操防無懈雖未通曉兵法尚不失為中材是該鎮德坤本非出眾之員現在防堵

雖已藏事而該鎮之出閱營伍是否藉端規避且陸建瀛既經飛飭折回何以仍復從容閱伍是否自行已意不遵札飭以上各情均著陸建瀛秉公確查據實覆奏毋稍徇隱將此諭令知之○湖北巡撫龔裕奏報保甲章程得旨務期實力奉行不可虛應故事○丙子諭內閣李星沅周天爵向榮奏賊匪擁入西林縣城請將失守城池文武及該管知府一併革職拏問一摺凌雲縣河口首匪陳三帶領匪黨至西林滋擾不過數百餘人該縣文武僅能先事嚴防協力迎捕據城固守何至被賊擁入衙署搶掠一空如入無人之境該署府督帶壯練自郡啟程何以聞有攻襲郡城浮言竟不查實即行折回西林縣知縣文滋盛典史邵治護理上林營都司馬正標千總朱雲把總楊錦魁並署泗城府知府徐埭均著革職拏問交李星沅等嚴訊確查如城守文武各員中實有見賊逃避情事著即

一面正法一面奏聞以肅軍威而昭國憲至已革總兵惠慶當時是否託名防堵潘大股匪並不帶兵赴剿致誤事機並著嚴查具奏○又諭李星沅周天爵向榮馳奏進剿上林墟賊匪殲擒殆盡一摺此次疊獲勝仗文武各員均屬奮勇可嘉張國樑謝錫祥於悔罪投誠之後既能隨同官弁殺賊立功即可寬其既往予以自新張國樑著以千總補用並賞戴藍翎謝錫祥著賞給六品頂帶以觀後效○諭軍機大臣等據李星沅周天爵向榮奏堵剿懷集陸川各匪情形等語賊匪溫大貨五一股前由賀縣竄至懷集縣之慈樂墟復竄至梁村盤踞膽敢直撲縣城雖經該署縣李萱嚴防迎擊並經副將阿爾精阿等帶兵馳抵該處會剿而該匪等已分為兩股潛由陸路逃竄此股賊匪前經徐廣縉等奏稱探知由里松竄赴羅石擬分兩股由桂嶺大凝分逃其懷集之冷坑岡坪梁村馬凝一帶

當其衝已飭遊擊強其修等督帶清遠行營
撤回弁兵馳往籌防計勞崇光由梧州帶兵
馳往督剿即可與東省文武合力夾擊俾該
匪不得東奔西突自可迅速殲擒其滋擾陸
川縣之劉八一股據稱經各村團練先後斃
匪多名復斃賊首該署縣張琳堵禦尚嚴署
臬司楊彤如與總兵李能臣等此時如已將
鬱林凌十八股匪剿滅淨盡定可移兵往剿
惟該匪等退回烏石復由雞籠卡一帶竄去

該處毗連博白之三灘冷潭前博白縣游長
齡現已降旨補授肇慶府知府該員勦辦賊
匪激勵團練素得民心如一時未便更易生
手即著留於該處俟勦辦事竣再赴升任所
有肇慶府一缺現當防堵喫緊之際即著徐
廣縉等派委明幹之員署理至凌十八匪黨
如敢竄往武宣與金田會匪合夥必須設法
堵截切不可令其勾結其武宣東鄉大股逆
匪官兵連次接仗尚未得手現在如何籌畫

勦辦朕心實深懸念想不至坐待統帥前往
虛延時日也至烏蘭泰早報啟程於何日到
粵西軍營是否亦在武宣會辦左江鎮總兵
德亮現帶兵在何處勦賊是否得力均著附
報具奏將此由五百里各諭令知之○改鑄
浙江蕭山縣知縣印信從護巡撫汪本銓請
也○以進勦廣西鬱林州會匪獲勝獎署守
備秦如虎花翎以都司用○予守城捐軀廣
西賀縣知縣鶴年卹廕如例○丁丑

上詣

壽康宮問

皇貴太妃安○諭內閣兆那蘇圖奏甄別知縣
請分別撤任降補一摺山西太原縣知縣王
倬緝捕竭蹶於衝繁之缺難期周妥陽城縣
知縣劉象恆人地不宜均著撤任留省察看
遇有相當缺出酌量補用臨縣知縣趙錡辦
事迂緩審斷亦欠明晰著以府經歷縣丞降
補歸部銓選前署高平縣候補知縣鍾湘識

見短淺聽斷粗疏該員本由縣丞保舉知縣著仍以縣丞歸部銓選○湖北巡撫龔裕泰遵查湖廣水道均無新漲河洲及築圍築隄阻塞水道情形惟支河港汊間有淤積當即隨時督屬設法挑疏報聞又奏查出已故監利縣知縣陳進荆門州知州郭觀宸短交銀米穀石現已嚴提該故員丁屬究辦得旨認真究辦○山西巡撫兆那蘇圖奏查閱營伍順道抽查保甲查有武鄉縣知縣劉熙敬於奉文後並不迅速辦理且具稟請展期限實屬迂緩請摘去頂帶以示懲儆報可○庚辰福建學政黃贊湯奏報歲試完竣接辦科試情形得旨整飭尚屬認真勉力為之○河東河道總督顏以燠奏報東省運河挑工普律完竣先經啟壩迎濟新漕南糧重運首幫已入東境得旨實力催趲毋稍遲滯○修福建臺灣廠戰船從總督裕泰請也○辛巳

上詣

壽康宮問

皇貴太妃安侍午膳○諭內閣戶部奏請飭定軍需章程等語廣西各股盜匪滋擾疊經頒發內帑並飭撥各省銀兩以濟軍需兼令附近廣西各省添防設備現在辦理糧餉款項紛繁必須豫定章程方足以昭覈實而杜浮濫著該部即將軍需則例頒給廣西等省按照例載先將安設臺站地名里數及大營何日改移臺站何日裁併繪圖造冊奏明交部並著廣西巡撫暨總理糧臺各員鄰近廣西各督撫等通盤籌畫迅即遵照定例妥議章程酌定各項支發銀數奏明畫一辦理其例無明文款項一概不得濫支以重帑項○又諭前派大學士賽尚阿為欽差大臣督帶官兵前往湖南防堵原因李星沅等奏懇專派總統期於事權歸一本月初旬賽尚阿啟程以前即經密交諭旨令即馳赴廣西軍營接辦軍務並令傳知李星沅馳赴湖南會辦防

堵事宜本日據李星沅奏稱移駐武宣舊疾增劇現在醫治已將欽差大臣關防暫交周天爵等語。賽尚阿現已在途著即馳赴廣西接辦欽差大臣事務並傳知鄒鳴鶴兼程前赴巡撫新任李星沅著即回籍養病毋庸留駐軍營。所有前頒給李星沅欽差大臣關防著暫交周天爵收存俟賽尚阿到日即由驛遞繳還。周天爵於賽尚阿未到以前通省軍務仍著會同暫署巡撫勞崇光提督向榮悉心籌畫相機妥辦勿稍延誤其湖南防堵事宜駱秉章余萬清現在督辦毋得稍有疏懈。

○諭軍機大臣等據李星沅等奏鬱林州會匪被擊潛逃州圍已解一摺會匪凌十八等圍攻鬱林州城兩旬有餘先經總兵李能臣署臬司楊彤如等督兵進剿大獲勝仗當降旨飭令乘勢攻擊務將凌十八陳十六賴八各首匪悉數殲擒以除醜類茲據奏稱該文武員弁分路進攻逼近賊巢風雨大作該匪

冒雨分股潛遁等語此股會匪雖經懲創而首惡稽誅餘黨諒亦甚夥現既竄至距城十里之頭塘地方該處切近陸川博白各縣境務飭各該文武實力堵剿不可更令竄擾並著周天爵責成李能臣楊彤如等將該股會匪乘其潰散之餘賊膽已怯激勵軍士併力兜剿趁機擒捕斷不可任該匪等與武宣大股會合致令餘燼復然也該州被圍日久居民蹂躪不堪著周天爵勞崇光等迅飭查明

加意撫綏現在武宣一帶如何籌辦之處並著隨時奏聞以慰朕念將此由五百里各諭令知之○又諭寄諭安徽巡撫王植據蔣文慶奏徽州府屬歙縣婺源縣於三月十二日大雨狂風兼下冰雹菜麥間有打壞房屋不無坍塌雖無傷斃人口而二麥收成究竟有無妨礙據稱已由該地方官捐廉撫恤並委員馳赴確查計該撫不日抵皖著將該處辦理撫恤能否認真被災戶口是否尚不甚多

即詳細查明迅速具奏毋得置民瘼於不問至合肥鳳陽等縣春雨過多驛路間有被淹務飭該地方官趕緊疏通毋令文報遲滯將此諭令知之尋奏該二縣被雹甚輕二麥約有六分收成坍損民房均已修復至合肥等縣驛路現添設腰站並於阻水處所設船筏濟渡文報不至遲滯報聞○護安徽巡撫蔣文慶奏報保甲情形酌議團練章程一派雇團丁以資保衛一豫籌經費以期經久一擇

人經理以專責成一酌分段落以便呼應一設立公所以司號召一輪班防警以均勞逸一置給器械以資捍禦一示給獎賞以杜擾害一造換冊籍以嚴稽覈一隨時訓練以明大義又酌議巡江事宜一嚴查匪船以清盜窩一嚴防港汊以絕盜蹤一分段稽查以專責成一添設棚卡以期周密報聞○免熱河平泉豐甯三州縣民欠地糧旗租銀一蠲免吉林三姓地方因災緩徵銀米○壬午諭內

閣曾國藩條陳一摺朕詳加披覽意在陳善責難豫防流弊雖迂腐欠通言尚可取朕自即位以來凡大小臣工章奏於國計民生用行政諸大端有所裨補者無不立見施行即數陳理道有益身心者均留置左右用備省覽其或窒礙難行亦有駁斥者亦有明白宣諭者朕欲求獻納之實非沽納諫之名豈得以毋庸議三字付之不論也所奏除廣西地利兵機已令查辦外餘或語涉過激未能

持平或僅見偏端拘執太甚念其志在進言朕亦不加斥責至所論人君一念自矜必至喜談惡直等語頗為切要自惟藐躬德薄夙夜孜孜時存檢身不及之戒若因一二過當之言遂不量加節取容納不廣是即驕矜之萌朕深思為君之難諸臣亦當思為臣之不易交相咨儆庶坐言起行國家可收實效也○諭軍機大臣等本日據曾國藩奏廣西軍務宜審度地利慎重軍需等語著賽尚阿於

行抵軍營時酌量情形是否應分三路進兵其安設糧臺究於何處為便均須斟酌盡善妥為辦理原奏著節鈔給與閱看將此由四百里諭令知之○又諭寄諭雲貴總督吳文鎔等翁同書奏貴州盜風日熾鎮遠黎平二府為尤甚黎平距省最遠更易藏奸該郡匪徒共有三種一日土匪一日苗匪一日外來游匪數百為羣聚散無定搶劫拒捕民不聊生又有銅仁府萬山廠徒散而為匪牛皮大箐之旁亦有苗匪四出剽掠似此盜賊充斥若不嚴行懲治必致釀成巨案現在廣西勦賊未竣前據喬用遷奏擊獲匪徒即由廣西竄入儋查辦稍疏致與鄰省勾結尤為可慮著該督撫嚴飭該地方官上緊緝捕其已報各案固不可稍涉寬縱其未報者尤宜密訪嚴查巨盜江大五前於正月間該撫奏稱黎平府報獲審辦著名巨匪郭濟民是否尚有其人務宜及早訪拏淨絕根株以杜後患儋

因循粉飾釀成事端朕惟該督撫是問懍之原摺著鈔給閱看將此由四百里各諭令知之○改鑄四川按察使印信從總督徐澤醇請也○癸未諭內閣前任兩江總督李星沅由翰林散厯外任疊蒙皇考簡昇封圻因勦辦雲南漢回軍務思加太子太保銜賞戴花翎旋令總制兩江嗣以病請假回籍上年來京召對朕見其精神強固年力方盛足資倚畀因其母老多病俯准所請俾令歸里侍養冬間廣西盜匪滋事特授為欽差大臣頒給關防令其馳赴該省勦辦歷據馳奏籌畫軍情均能周妥昨由柳州力疾進駐武宣正擬親督將士掃除羣醜乃甫報病勢增劇即聞溘逝披覽遺疏詞意憂憤悼惜殊深念其不遑將母歿於王事尤堪憫惻李星沅著加恩照總督例賜卹任內一切處分悉予開復應得卹典該衙門察例具奏並賞給銀五百兩經理喪事即著湖南

巡撫於藩庫內支給頒去人蔘十兩。交駱秉章一併派員致送其家。賞給伊母俾資調養。李星沅之次子李樞三子廩生李桓均著俟服闋後。交吏部帶領引見。候朕施恩。尋予祭葬。諡文恭。○諭軍機大臣等。周天爵奏東鄉賊情。烏蘭泰奏馳抵軍營。及辦理情形各摺。片。現在李星沅病故。著周天爵暫署欽差大臣。即用廣西巡撫印信。其欽差大臣關防。仍遵前旨收存。俟賽尚阿到軍營後。由驛繳回。該匪以東鄉為淵藪。東嶺三里墟為門戶。經周天爵等督飭各營兵丁練勇。將四面隘口扼要堵截。分番巡緝。並派候補知府劉繼祖。於江路各渡口。統領水勇等晝夜梭巡。屢次拏獲大小頭目。又獲戕官之大頭目偽右先鋒湯亞才。訊供正法。賊情窘迫。計可聚族而殲。周天爵殫竭血誠。向營奮勇。出眾烏蘭泰初抵軍營。正可會商勦辦。此時自以設偵選鋒。嚴防賊匪竄逸為要。賊所必經之水陸各

路務即設法斷其鹽米接濟。俾食用無資。進攻更易得力。兵貴神速。亦應持重。如兵力不敷。斷不可深入重地。致墮奸計。周天爵等身歷戎行。相機籌辦。自必計出萬全也。勞崇光暫署巡撫。著仍用藩司印信。賽尚阿未到以前。所有陳奏事件。著周天爵會同勞崇光。向榮烏蘭泰連銜具奏。以歸畫一。將此由五百里各諭令知之。○總督銜專辦軍務周天爵奏欽差大臣李星沅病故。並自陳舊病已愈。得旨。現已命汝暫署欽差大臣矣。須妥為調度。勿失機宜。朕聞汝昇衽實深眷念。雖精神復完。尤應善自調攝。切勿過形激憤。以體朕懷。○改鑄直隸東明縣知縣印信。從總督訥爾經額請也。○甲申諭軍機大臣等。昨據周天爵奏。武宣東鄉逆匪。經官兵圍勇分路堵截。勢漸窘迫。一俟滇黔續調兵到。剋期進剿。可一鼓偪入羅淥。尚聚而殲。旃又據烏蘭泰奏。會匪狡悍。異常兵力尚單。再戰無益。只可

相持嚴堵以待續調之兵各等語當降旨飭令持重嚴守勿墮奸計會匪併命抗拒其黨甚堅與各股盜匪情形不同武宣兵力稍形單弱自應以守為戰遏其竄逸惟續調官兵據各省節次奏報啟程計已陸續抵粵僅因接濟斷絕匪勢窮蹙將圖突圍分竄鋌險而走生力官兵續到大營士氣益奮兵機間不容髮亦不可坐失機宜賽尚阿未到以前周天爵暫統軍務向榮烏蘭泰相助為理自必同心協力三人直如一人斷不至各執己見未能計出萬全即或稍有挫折斷不可互相謾過軍營所集兵勇雖有省分風氣之不同其為干城禦侮則一師克在和古訓昭垂總期善為駕馭固不可輕率債事亦慎勿遲延貽誤以慰朕望將此由四百里諭令知之○兩廣總督徐廣縉等奏委候補知府陳瑞芝管帶潮勇赴廣西會剿得旨諸務妥協實屬認真○江蘇巡撫楊文定奏藩臬兩司到任

未久請將江蘇省道光三十年大計展限三月舉行從之○以勦辦廣東欽州股匪出力予提督陶煜文總兵官楊昌泗優敘陣亡紳練等賞卹如例○免江蘇出征兵丁未完借裝銀○乙酉
孝慎成皇后忌辰遣官祭陵寢○
上詣
壽康宮問
皇貴太妃安○盛京將軍奕興山東巡撫陳慶偕會奏奉天山東洋面接壤戰船規制略同今東省既照廣東戰船另造奉天亦應一律辦理擬俟冬間委員赴粵添造船隻務令經費不致虛糜勦捕克收實效得旨均著如所請行俟委員赴粵時仍行奏聞○伊犁將軍奕山奏奏摺誤字未能留心得旨諸務認真經理分所當然瑣屑細故本難不無疏漏汝當大事留心小節不可苛求朕不過偶爾閱

及此奏甚屬無謂○兩江總督陸建瀛奏江蘇米價平減無需閩商運米接濟請停閩商裝載豆石出口之例報聞○江蘇巡撫楊文定奏報三月分雨水糧價得旨認真查勘分別辦理不准粉飾○貸江甯駐防八旗及督漕河標各營兵米折餉銀○丙戌廣西巡撫鄒鳴鶴奏報籌勦情形得旨務期實力奉行不可被屬員蒙混盜風滋熾必應先勦後撫而粵西吏治亦資爾整飭振刷精神竭忠盡力勉為之○山海關監督春保奏關稅生息銀兩向為兵丁差操之用近來積欠愈多庫款虛懸請飭部覈議得旨操防庫款均屬緊要應如何酌定章程毋任延宕之處著戶部妥議具奏○命雲南按察使春熙留京以三四品京堂候補以直隸永定河道崇綸為雲南按察使

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三十二

或諱匿不行。或改強為竊。或偏具悔狀。或賠贓完結。道光二十九及三十年間。岫巖恆裕店。劫去銀八百兩。遼陽沙河南搶劫小車六輛。吉林貢差至新民屯。劫銀二百兩。職員夏景虞行至海城縣。被劫贓至六百餘兩。又錦縣永和公鐵器鋪。被劫銀四千七百餘兩。其盜窩則在遼陽沙河之劉爾堡。接官堡。筆管堡三處。窩盜二百餘名。盜首劉大老虎。劉二老虎。每日率領行劫。又有海城牛莊富家莊。回匪一二百名。日日行劫。姦污婦女等語。盛京根本重地。前經疊次有人奏參。該處盜風日熾。屢經嚴諭。該將軍府尹等。督飭查拏。從嚴懲辦。如果認真整頓。何至盜案疊出。肆行無忌。似此捕務廢弛。地方文武所司何事。著奕興。恆毓。文俊。按照原參各案。及著名盜首。嚴飭地方各官。認真捕拏。贓賊務獲。按律懲辦。如有諱飾不報。及勒改呈詞等情。一併嚴參。毋稍徇隱。原摺鈔給閱看。將此諭令知之。

○又諭有人奏。江蘇候補通判袁雲。向任蘇州。在閶門外開設袁聚祥字號。藉買紬緞為名。私販鴉片煙土。上年曾與署臬司吳其泰等合夥。運往常州無錫一帶售賣。箱上黏貼署按察使印封。被已革舉人朱福保。詭去洋銀五百圓等語。職官私販煙土。且以司道大員。夥同年利。罔顧法紀。若如所奏。尚復成何事體。必當嚴查究辦。以儆官邪。著陸建瀛。楊文定。確切查訪。蘇州省會之地。斷難掩人耳目。該員等如何私販。如何合夥。徹底根究。據實具奏。毋得稍有徇隱。原片著鈔給閱看。將此諭令知之。○以翰林院編修呼延振。為雲南鄉試正考官。戶部主事蔡賡。為副考官。翰林院編修左璣。為貴州鄉試正考官。華祝三。為副考官。○改鑄福建仙遊縣知縣印信。從巡撫徐繼畲請也。○戊子。

上詣
壽康宮問

皇貴太妃安。○諭內閣周天爵烏蘭泰向榮奏賊眾竄逸一摺。逆匪蟻聚武宣。據前奏稱四面圍困。將羣匪逼入羅涿洞賊巢。即可殲滅。何以相持日久。仍復任賊竄逸。流入象州。統兵大員調度乖方。咎無可諉。周天爵著革去總督銜。無庸暫署欽差大臣。辦理軍務。即回省暫署巡撫事務。向榮奏定三。均著拔去花翎。與周天爵一併交部議處。此次賊匪竄逸。咎在主將不和。以致將弁觀望。朕姑示薄懲。

責令戴罪自贖。烏蘭泰初抵廣西軍營。著與向榮督同各鎮將分剿合擊。相機籌辦。賽尚阿指日到粵。統制有人。各處續調官兵次第雲集。蠢茲羣醜。諒可迅就蕩平也。○又諭理藩院奏據呈請追佃戶抗租一摺。前因科爾沁蒙古王旗佃戶捐納遊擊吳保泰等抗欠地租。降旨交盛京將軍奕興審辦。嗣據該將軍以並無私增地租查覆。當飭令比追抗欠。並將案內人證提解訊究。茲據該郡王僧格

林沁呈稱。自上年春季迄今一年之久。眾佃延不交租。實係吳保泰主柏齡等。以減租煽惑等語。蒙古戶口繁多。全賴地租為生計。似此刁徒抗玩。必當認真比追。著該將軍會同奉天府府尹查照成案。剴切曉示各佃戶等。諭令及早完納。並將霸抗之佃戶吳保泰。主柏齡等嚴究懲辦。具奏毋稍寬縱。○諭軍機大臣等。據周天爵等奏追堵不力。致賊竄逸。請將鎮將治罪。並自請嚴議一摺。覽奏實深

憤懣。前據周天爵等奏稱武宣逆匪。經兵勇分路堵截。勢漸窘迫。一俟續調兵到。即可一鼓殲擒。朕即恐其鉅險而走。諭勿遷延貽誤。坐失事機。以為周天爵向榮身歷行間。必能相機籌辦。乃至賊匪大股潰圍而出。僅以參劾鎮將自請嚴議一奏請旨。而於堵截迎剿現在辦理情形。全未陳明。該鎮將等不受節制。懦怯逗遛。致令武宣東鄉逆匪。兩夜一日全行竄出。本應一律治罪。姑念勦辦正當。契

緊之時。均令戴罪自效。若再不知感知懼。臨陣不前。軍法具在。不能姑容矣。周天爵回桂林省城後。所有地方事宜。即著與藩臬各員。悉心熟籌妥辦。勞崇光是否仍應分駐梧州。朕亦不為遙制。現在武宣逃竄之逆匪。即責成烏蘭泰。向榮督同該鎮將等。同心協力。急圖進剿。以贖前愆。儻再有遲延貽誤。定當從重治罪。再賊匪突圍而出。竄至象州地方。究竟意欲何圖。東鄉賊巢。是否平毀。桂林平樂一帶。如何防堵。象州地方。有無險要可守。扼其奔竄之處。務即詳細具奏。以慰懸念。向榮非不能辦賊之人。秦定三亦素聞勇往。何以坐擁重兵。任賊遠颺。周天爵現已專辦巡撫事務。汝等勦捕之責。更無可諉。朕非不能執法之主也。將此由五百里諭知周天爵烏蘭泰。向榮並諭令勞崇光知之。○又諭本日據周天爵等奏。鎮將不受節制。致賊竄逸等語。周天爵勇於任事。而不能用人。不但失秦定

三之心。亦不能與向榮和衷辦事。覽其陳奏。概行參劾。並無拊循激勵之方。賽尚阿到粵。尚需時日。此時若照周天爵所奏。全予罷斥治罪。此數十日中。軍務延誤。將誰責乎。賽尚阿接奉此旨。一面迅速馳赴廣西。一面豫籌勦辦事宜。飛行烏蘭泰。向榮秦定三。相機堵剿。朕已諭知烏蘭泰。務將不和情形。密查覆奏。並令隨時知照該大臣矣。賽尚阿到粵。仍即詳查確訪。主帥不善馭眾。及將領不遵調度之處。據實參奏。慎之密之。賽尚阿如有何豫籌方略。亦可隨時密陳。所有周天爵等摺片。及諭旨一道。字寄三道。又徐廣縉摺一件。片一件。均著鈔給閱看。將此由五百里諭令知之。○又諭本日據周天爵烏蘭泰。向榮具奏。鎮將不受節制。又據周天爵單銜片奏。向榮曲徇其子。向繼雄軍。不用命等語。湖南副將博春。和春。統帶楚兵。何以時歷三日。並無一戰。向榮屢著戰功。何以周天爵參其曲徇

伊子致失人心。詳聞陳奏各情。皆因統兵大員不和。以致觀望貽誤。周天爵忠直素著。向榮奮勇爭先。人所共知。而近日徐廣縉亦有參該提督。該卸觀望之奏。是否實情。奏定三之心地。朕未深悉。烏蘭泰甫到軍營。無所用其迴護。其所以不和實在情形。自己訪察。周知。是否係周天爵不善馭眾。致失兵心。抑係向榮奏定三等。各有徇私觀望之處。著即查明。據實密陳。毋稍隱飾。並將現查各情。於具

奏後。一面迅速知照。賽尚阿可也。賽尚阿未到以前。烏蘭泰必能仰體朕意。調和諸將。使之盡釋前嫌。共圖決勝。烏蘭泰朕素知其沈毅。諒必不負委任。況係密旨交查之件。尤不可洩漏。勉之慎之。將此由五百里密諭知之。○又諭本日據周天爵等奏。粵匪北竄象州。連籌防勦等語。現在武宣賊勢潰散。恐由修仁荔浦等處窺伺桂林。該提督余萬清現已駐兵江華防堵。著即確探賊蹤。不可令與賀

縣賊匪合股。其桂林一路扼要地方。如有可以應援之處。即速前往協同堵剿。勿失機宜。將此由五百里諭令知之。○己丑。

孝誠仁皇后忌辰。遣官祭。

景陵。○以告休雲南北勝土知州高守箴子極壽襲職。○命黑龍江將軍英隆在紫禁城騎馬。○修福建水師各營戰船。從巡撫徐繼畲請也。○蠲免浙江省各廳州縣衛積年民欠銀米。暨道光二十九年分漕項銀。○庚寅。

上詣

壽安宮西所。問

如皇貴太妃安。○詣

壽康宮問

皇貴太妃安。○諭內閣。前據都察院奏。劉張氏遣抱告侯升京控一案。當降旨交潘鐸督同藩司查明覈辦。茲據左副都御史李嵩奏。此案控係清查不實。該省巡撫似宜迴避一摺。潘鐸平日尚能辦事。於特旨交查之件。諒亦

不敢迴護。張集馨甫經到任。尤無所用。其顧忌。李嵩既有此奏。該撫與該藩司。益當徹底查辦。儻將來辦理。或有不實不盡。朕亦自能洞悉情弊。正不必令該撫先行迴避也。○諭軍機大臣等。周天爵奏。編查保甲完竣。並將採取保甲說開單呈覽一摺。保甲為除暴安良之善法。該署撫刊有保甲章程。以除暴為急務。自不至文飾塞責。惟保甲行於無事之時。團練行於有事之日。現當粵匪未靖。保甲

釐奸團練禦侮。防守之道。兩皆緊要。著周天爵。鄒鳴鶴。督飭所屬實力辦理。俾宵小無自潛蹤。閭閻得以安堵。儻奉行不力。仍復視為具文。如所稱賊黨勝而善類衰。封疆大吏。將何以辭其責也。將此各諭令知之。○旌表守正捐軀安徽全椒縣民高越妻許氏。○辛卯諭內閣。載垣等奏。鑲紅旗滿洲副參領豐盛額。呈稱本月初一日夜間。被賊匪十餘人。持械威逼銀兩。擲打受傷。請飭查拏一摺。輦轂

重地理宜肅清。該匪等膽敢糾眾。黃夜踰門入戶。持刀嚇逼銀兩。並將職官夫婦擲打成傷。實屬目無法紀。著步軍統領順天府。五城一體嚴拏。務將首夥各犯悉數弋獲。從重究辦。毋稍延玩。柏蔭瑞常舒興阿均著傳旨申飭。○福建陸路提督炳文奏報到任日期。得旨。訓練操防。實心實力。勿徒託空言而無濟於事。尤須清潔自持。身為表率。勵士氣而易澆俗。勉之。朕知汝辦事認真。閩省行伍欲資汝整飭。如漸次有何應辦之處。須斟酌盡善。徐徐奏聞。請旨。莫欲速。亦莫因循。慎記勿忘。○改鑄湖北江陵縣知縣印信。從巡撫龔裕請也。○壬辰

上詣

壽康宮問

皇貴太妃安。○諭內閣。徐廣縉奏。叅畏賊玩捕之總兵。及追捕被擄之護都司。把總。請旨一併革職。嚴審一摺。廣東護都司諸文標。身任

營員不能奮勇捕賊。致被賊擄。復差被擄之。把總劉尚高持信回營。為賊乞恩免罪。庸懦無恥。實堪痛恨。該管碭石鎮總兵王鵬年。以專閫大員。於此等重案。並不上緊緝拏。遷延畏憚。犯無一獲。復敢鈔呈諸文標。寄回信稿。希圖將就了事。居心實屬狡詐。王鵬年。諸文標。劉尚高。俱著先行革職。交該督嚴切根究。從重治罪。以肅軍政。○以福建澎湖協水師副將謝焜。為廣東碭石鎮總兵官。○命廣西

桂平梧鬱道許祥光。前赴廣西軍營聽候欽差大臣賽尚阿差委。○免西藏換防兵丁原借置裝銀。○癸巳諭內閣。本月十一日。恭逢康慈皇貴太妃四旬慈壽。是日在京之王公文武各官。著穿蟒袍補褂一日。其前三日後三日。均著常服戴朝珠。俟二十七月後。每年五月自初八至十四等日。在京之王公文武各官。均著穿蟒袍補褂。該部即遵諭行。○又諭周天爵。向榮奏。遵旨審明堵禦不力之將備。

請嚴行懲辦一摺。廣西已革潯州協副將李殿元。署提標遊擊事都司宋煜。署柳州城守營都司事守備陶玉德。前因防堵要隘。任賊衝突。經李星沅等奏。降旨革職拏問。茲據周天爵等審明定擬具奏。雖訊無遇賊逃避情事。惟當賊匪擁至之時。既不能奮勇擊賊。又不能極力堵禦。實屬庸懦溺職。李殿元。宋煜。陶玉德。均著發往新疆效力贖罪。以示懲儆。○又諭周天爵奏。據探查參潯州府縣等

官請分別革職拏問一摺。廣西武宣縣生員王作新。前經呈控馮雲山等。在桂平習教結盟一案。已革潯州府知府顧元凱。丁憂桂平縣知縣王烈。事前既毫無覺察。迨經控告到案。又不赴鄉親查。嚴行究辦。江口司巡檢調補廣東省巡檢王基。專司緝捕。乃既疏於查拏。又復任聽賄囑。吏治廢弛。至此已極。必應徹底根究。王烈。王基。均著革職。同已革知府顧元凱。一併拏問。交鄒鳴鶴提同府縣幕友。

人等嚴訊確情。按律懲辦。○又諭周天爵勞崇光奏。請將性耽安逸聲名狼籍之署參將革職。拏問等語。廣西署鬱林營參將事桂林營遊擊吉祥。當賊匪竄擾該州。從未出城勦捕。迨會匪凌十八等圍攻州城月餘。該員不能極力守禦。又不能出城夾擊。實屬昏懦。溺職。吉祥著革職。拏問。交鄒鳴鶴嚴審究辦。以肅軍令。○諭軍機大臣等。據大學士卓秉恬奏。請仿堅壁清野之法。以平盜賊。撫難民。一

摺。並將原任知府龔景瀚所著議三篇鈔錄進呈。覽其所議。與此時事勢頗多可採之處。著鈔給賽尚阿閱看。並行知鄒鳴鶴察看地方情形。妥為籌辦。並知照廣東督撫一體酌行。又據新選桂平梧鬱道許祥光面奏。接到家信。聞廣西賊匪有窺伺糧臺之意。並看守糧臺不宜專用募勇等語。行軍以轉餉為先。務軍餉所儲積。重在糧臺。經理固貴得人。保衛尤須嚴密。安設糧臺之處。當審地形可守

者。選派弁兵。謹慎巡防。始可有備無患。其地宜分置而不宜合儲。使供給易周而轉輸亦便。其守護之處。更宜慎派弁兵。嚴密稽察。勿稍輕忽。前已降旨。疊飭軍營在事大員。茲特再寄該大臣先事豫籌。並即行知鄒鳴鶴督率糧臺各員。加意慎重為要。將此由五百里諭令知之。○烏魯木齊都統毓書奏。力行保甲。拘管遣犯章程。得旨。著照所奏行。認真辦理。嚴行查察。不可稍滋擾累。又奏請捐修綏

來縣城垣關牆。從之。○考試應開列試差滿漢二品以下京堂各官於上書房。○改鑄浙江平湖縣知縣印信。從巡撫常大滄請也。○以攻勦廣西大黃江賊匪獲勝。賞都司李登魁。呂盛元。白人鵬。守備余開春等。花翎。守備申有謀等。藍翎。餘升敘有差。○修山東至聖先師廟書院。從巡撫陳慶偕請也。○展緩廣東佛岡。英德。翁源。三廳縣。及肇慶高州。廉州。三府所屬州縣。被賊滋擾。上年未完額

賦○甲午

上詣

壽康宮問

皇貴太妃安○諭內閣周天爵勞崇光向榮奏
兵壯勦滅西林縣股匪並追勦博白縣股匪
大獲勝仗一摺據稱該匪陳三等竄往西林
縣陽萬淶沖地方經百色廳同知孫蒙督率
兵練將首匪陳三麥亞富用礮轟斃其逃逸
者旋被泗城府圍練殺盡又稱劉八等由陸
川竄回博白經知縣游長齡前任黎平府知
府朱德璣督飭壯練擊賊屢挫其鋒並諭示
脅從解散者幾二千人四月初十日賊目黃
錦泗馮子材等九百五十人復請投誠自贖
該員等擇留精銳隨同打仗劉八聞風潛逃
該府縣等追殺至馬尾嶺殲斃賊將軍頭余
四並賊先鋒十二人賊匪三百五十六人墮
崖落澗者甚眾現在乘勝追入廣東合浦境
內勢已窮蹙著廣東交界處所文武各員即

速合剿以淨根株百色廳同知孫蒙著先行
交部議敘西林博白出力之官紳壯練查明
酌保候朕施恩賊匪到處擄掠良民被其裹
脅此次經博白等縣出示曉諭棄械來投者
不下二千人可見流離轉徙陷於賊中者不
知凡幾大兵一到向化回心皆吾赤子即如
黃錦泗馮子材等亦知悔罪投誠殺賊自效
如果始終出力不難與張釗等同寬既往悉
予自新統兵大員務當仰體朕心翦滅兇頑
保衛良善勿使吾民久困於鋒鏑也○諭軍
機大臣等周天爵烏蘭泰向榮奏賊匪現在
竄踞情形繪圖呈覽並奏堵禦不力之鎮將
一摺東鄉逃竄之賊據探現踞象州之百丈
新寨中坪等村皆是苦鄉勢難久踞難保不
窺伺省垣所有三處入省之路已經飭委文
武分帶兵勇扼要堵塞周天爵現計已回省
城辦理防堵事宜仍當於近省各縣險要處
所層層設防勿令北竄其四排七排八排等

處民多富足。斷不可任賊擾掠。致齎盜糧。且與徭民毗連。地勢絕險。尤當擇要嚴防。勿致蔓延。勾結賊匪。逃出東鄉之後。該處賊巢。正可乘機平毀。撫卹難民。此事最關緊要。何以摺內總未議及。廬望實深。現在東鄉羅淶洞等處賊巢。是否賊匪全數逃去。抑尚有賊占踞。著烏蘭泰。向榮。迅即分飭文武員弁。併力搜緝。以杜竄匪歸巢之路。所請暫行革職之楚黔兩省領兵將官。未免太無區別。此次署貴州古州鎮總兵李瑞等。據稱接仗尚勇。失於籌畫。著與前次追堵不力之鎮將周鳳岐等。一併責令戴罪自贖。該鎮將等。果能激發天良。奮勇堵剿。權衡功罪。尚可量從末減。儻仍不知感知。懼致誤事。機斷不能再為寬宥也。烏蘭泰。向榮。專辦剿捕。責無旁貸。賊匪現當奔竄未定之時。較之東鄉等處。更易得手。正可督率將士。紳勇。合力兜剿。勿使再有竄逸。其賀縣一帶。剿辦情形。若何。並即隨時奏

聞。以慰廬注。將此由五百里各諭令知之。○以玩視軍務。廣西知州彭作檀革職。逮問。○以遇賊逃避。革廣西守備夏文龍。蘇春華。職。均逮問。○乙未。諭軍機大臣等。前據徐廣縉等奏。南海東莞兩縣。因公項命案之嫌。聲言罷考。請分別停其考試。已降旨飭令暫為停考。查明懲辦。其被累之同學。察實奏明。仍即許其考試。該督等諒已確查辦理。現尚未據續奏。朕心殊深懸念。此事一由書院公費之改移。一由生員抗糧而自盡。固緣一二人懷嫌。輦動。亦安知非有激而然。其間附和。想亦無多。南海一書院中。與東莞一邑生徒。皆為所累。若不分晰是非。明白勸懲。致使良莠同科。轉非所以策勵士習。至義倉經費。始而斷入書院。既而斷還義倉。何以前後兩歧。東莞抗糧一案。生員黎子驊。何以在縣署自戕。有無屈抑。以致眾心不平。士風刁玩。固宜重懲。吏治乖方。亦應嚴儆。著徐廣縉。葉名琛。體察

羣情務期平允。玩法者不可無所董戒。被累者亦不可過事苛求。即將現在辦理情形。據實具奏。以慰廑念。將此諭知徐廣縉葉名琛。並許乃釗知之。○丙申。

上詣

壽康宮。問

皇貴太妃安。侍午膳。○諭軍機大臣等。張亮基奏滇省銅務現辦情形一摺。據稱近年礦少質劣。礮硎愈深。富路愈遠。且附近炭山。砍伐

殆盡。工費益繁。以致額銅不能依期到店。往往停腳待運。廠員店員。均極疲累。廠店交疲。則運員之遲逾。銅質之低潮。皆所難免。所奏自係目前實在情形。惟地不受寶。亦賴人力相機籌辦。該撫現已遴選妥員。設法攻採。麗江。東川。所管各廠。或據報獲礦。或覓得子廠。較上年漸有起色。現在京局鼓鑄。需銅孔亟。著吳文鎔到任後。會同張亮基。督率藩臬兩司。嚴飭廠店各員。認真經理。務於循守舊章。

之中。寓力求整頓之意。即使量為變通。亦應斟酌盡善。慎勿輕議紛更。總之廠員須善躡引苗。嚴督砂丁。不得聽其以硎老山空。一報塞責。而店員之承運遲滯。運員之沿途逗遛。甚至恣意偷竊。捏報遭風。均應節節嚴防。以杜積弊。庶期於銅務漸有裨益。諒吳文鎔等必能勉力籌辦。不待諄諄告誡為也。將此諭令知之。○署雲貴總督張亮基。請以調任提督榮玉材。暫緩交卸。防堵粵匪。從之。○以翰

林院侍讀學士萬青黎。為廣東鄉試正考官。編修呂官孫。為副考官。編修劉崐。為廣西鄉試正考官。吏科給事中汪元方。為副考官。通政使司通政使羅惇衍。為福建鄉試正考官。翰林院編修徐士穀。為副考官。○丁酉。皇貴太妃四旬慈壽節。

上詣

壽康宮。

皇貴太妃前行禮。侍午膳。○諭內閣。廣西軍務。

前已有旨令烏蘭泰與向榮督率鎮將相機籌辦。向榮係該省提督。本有節制鎮協之責。烏蘭泰係特旨派令幫辦軍務。所有廣西省鎮將以下及各省徵調赴剿官弁。均著一併聽其節制。賽尚阿行抵軍營以後。著自巴清德達洪阿烏蘭泰向榮以次。並通省文武。統歸節制。以肅軍紀。○又諭烏蘭泰奏勦辦無方。請旨治罪一摺。賊匪由武宣東鄉竄至象州。已將周天爵向榮奏定三。分別懲處矣。烏蘭泰雖係幫辦軍務。惟甫經抵粵。與久駐軍營者有間。著毋庸議處。○又諭陳慶偕奏候補守備未能改習水師。請赴廣西軍營效力一摺。周光碧著以山東陸路守備候補。並著即赴廣西軍營。交賽尚阿差遣委用。○諭軍機大臣等。本日據烏蘭泰奏賊匪竄入寺村一帶。分路堵截情形。並自請治罪一摺。另片奏教練節制及鄉勇壯勇事宜各等語。所論頗為明晰。此次武宣東鄉賊匪竄至象州廟

旺墟。將古城營盤燒毀。乃四月十七日夜間之事。如果楚兵及秦定三所帶黔兵迅速追剿。與李瑞所統古城防兵首尾夾擊。何至困久垂擒之賊。全數遁竄。李瑞孤軍無援。營盤被賊燒占。而向榮秦定三所帶之兵。不能用命。將弁亦不協心。事機坐失。為主將者所司何事。現在賊又竄往寺村一帶。將由中坪白丈圖入四排。四排北通省垣。東北即接八排。搖山。此係最要關鍵。提督向榮已馳赴桐木。扼其前路。斷不可稍有疏虞。任賊竄擾。續調楚兵黔兵各千名。俱已到營。此乃生力之兵。合原駐官兵共七千餘名。又隨營壯勇六千數百名。兵勇之數。不為不多。前奏竄逸賊匪。祇四千餘人。似即應堵剿兼施。相機兜捕。惟軍無紀律。兵驕將惰。若不力挽積習。即徵調頻仍。亦豈有濟。向榮自嘉慶年間。身歷戎行。豈不知約束兵丁。嚴申軍法。坐視失事。甘受重罪耶。現在烏蘭泰轄帶之兵。著即如法教

練楚黔各營亦宜痛除惡習整飭號令若再遇賊奔北仍蹈前轍朕惟統兵之大員是問至烏蘭泰所奏鄉勇冒稱壯勇浮領錢糧及壯勇不宜添雇並於壯勇內挑作新兵等語所論不為無見賽尚阿計日可抵軍營新任巡撫鄒鳴鶴亦可抵任應如何分別籌辦之處汝等悉心斟酌可也再投誠賊目如張劍張國樑黃錦泗等均已殺賊立功既肯悔罪自新即可寬其既往其詭詐反覆之徒自不容輕率收納致貽後患惟在統兵者隨時隨地操縱得宜亦不必豫存成見也將此由五百里各諭令知之○又諭據烏蘭泰馳奏武宣賊匪竄入象州分路堵截並論軍行紀律及團練募勇各情形所言不為無見賽尚阿計日可抵軍營著即悉心籌度分別酌辦烏蘭泰各摺片並諭旨字寄又程藩采據咨調派鄖陽宜昌二鎮官兵赴粵奏片均著鈔給賽尚阿閱看仍知照鄒鳴鶴可也將此由五

百里諭令知之○修山東運河泇河二廳隄壩從河道總督顏以燠請也○戊戌

上詣

壽康宮問

皇貴太妃安○

孝德皇后殯宮月祭遣官行禮○諭內閣前據

德坤奏閱伍情形一摺與陸建瀛奏稱飭令

折回各情不符當降旨交陸建瀛確查具奏

茲據奏稱該鎮經該督飛飭折回後即行具

報回營第前稱藉巡閱之便往興國甯都等

處遙作聲援與原稟兩歧且該處均非贛州

西南不與粵東相近其所稱順道訪查各情

實屬文過飾非陳奏失實德坤著交部嚴加

議處即來京聽候部議○又諭陸建瀛奏已

革道員稟許司道請飭查辦一摺前署江西

鹽法道慶雲前因需索鹽務月費被參議處

復經陸建瀛以該員性情貪鄙輿論不孚奏

參革職乃於已革數月之後仍用鹽法道印

封郵遞稟函牽涉司道各員意圖挾制妄冀投效軍營殊屬狡詐慶雲著交陸應穀就近提訊並確查稟許各情如屬虛誣即行嚴叅懲辦該革員何以擅用印封公文一併查明究辦○兩江總督陸建瀛奏請停止襄陽運鹽報聞○調鑲藍旗蒙古副都統綿勳為正黃旗滿洲副都統以散秩大臣巴雅爾綽克托為鑲藍旗蒙古副都統○調甯夏將軍舒倫保為西安將軍以正黃旗蒙古副都統成

凱為甯夏將軍○賞伊犁領隊大臣奕經二等侍衛為英吉沙爾領隊大臣調英吉沙爾領隊大臣佛隆阿為伊犁領隊大臣○以服闋總兵官阿隆阿為江西南贛鎮總兵官○以辦理淮南鹽務出力賞同知謝元淮花翎餘升敘有差○予故西安將軍扎勒罕泰祭葬諡威恪○修南河江防廳屬防風埽工從河道總督楊以增請也○己亥遣官祭關帝廟○諭軍機大臣等賽尚阿奏途次接

周天爵信將原函進呈請添調湖北兵二千名一摺粵西各股匪徒如賀縣溫大貨五一股已由懷集竄回粵東距懷集三百餘里東省必能殲滅凌十八一股為滇兵擊敗散走劉八一股經博白縣游長齡等殲擒夥黨解散脅從現追入粵東合浦界內西林一帶潘大陳三等股匪經百色廳孫蒙督率練勇殲斃首犯併餘黨剿滅殆盡其南甯府屬顏品瑤等股匪於竄回靈山後經廣東提督勦擒

大半是粵西通省盜匪其勢已衰惟武宣東鄉會匪大兵屯聚相持日久仍任北竄廟旺寺村等處前奏金田匪眾萬餘現竄出四千餘人可見會匪除婦女老弱及裹脅外人數亦不甚多總因主帥各執意見兵將解體觀望推諉以致老師糜餉曠日無功古人用兵有以多勝少者亦有以少勝多者師克在和總在統兵大員善為調度若不能駕馭如楚黔兵將前轍兵雖多亦何濟耶賽尚阿到後

事權歸一。自必節制嚴明。激勵將士。信賞必罰。力矯前此漫無紀律之惡習。俾各營將弁兵丁。咸奉約束而遵號令。庶克殄除醜類。迅奏膚功。周天爵函內所指各情。該大臣於沿途逐一訪察。是否確實。附報覆奏。至所稱德亮有口才而無膽氣。用之多事之鄉。久必為累等語。該大臣悉心察看。據實奏聞。惠慶業已革職。並查明西林失守。何以不即應援。迅即一併具奏。周天爵原信二件。均著發還。將此由五百里諭令知之。○馬蘭鎮總兵官慶錫奏瞻仰

東陵後龍風水。查勘總汎。並擬添小汎報聞。○欽差大臣賽尚阿奏。請將河南把總董荆山。前任浙江知縣江忠源。已革湖南遊擊劉文賢。帶往軍營差委。允之。○湖南巡撫駱秉章奏。遵旨飭屬力行保甲。並呈明現辦章程。得旨。認真辦理。毋以空言塞責也。○新授科布多參贊大臣色克通額奏。報謝恩。得旨。請安。

謝恩各摺。率行均繕漢字。著申飭亦毋庸自請處分。徒滋繁文。○以禮部尚書惠豐署吏部尚書。○以定郡王載銓署步軍統領。○調湖北兵二千名赴廣西剿賊。○辛丑。

上詣

壽康宮問

皇貴太妃安。○諭內閣。周天爵。勞崇光。奏。參狡貪不職各員。請革職。拏問一摺。廣西署鎮安府知府事。通判羅福果。上年辦理堵禦。該署

府並未遇賊。輒報獲勝。希圖掩飾。又承領經費銀六千兩。僅雇壯勇四十名。捏報六百名。豫為冒銷地步。候補知州周誠之。聲名狼籍。前在知縣通判任內。屢被民人控告貪劣。本年代理平南縣。於恩准豁免緩徵之新舊錢糧。仍照常催徵肥己。此等劣員。均當從嚴懲辦。羅福果。周誠之。著一併革職。拏問。交新任巡撫鄒鳴鶴。嚴行訊究。按律定擬具奏。○又諭。張祥河。奏。審明縣丞稟訴知縣一案。請將

知縣開復頂帶。交部議處一摺。此案陝西解任富平縣知縣沈功枚。經該撫訊明。尚無延案拖累情弊。惟於刁匪在保病故。驗明後並未申詳。實屬不合。該員前因短解錢糧。摘去頂帶。現據奏稱限內埽數全完。自應分別辦理。沈功枚著准其開復頂帶。仍交部議處。已革縣丞李世欽。訊明尚非需索挾詐。惟以傳聞之詞冒昧稟訴。業經革職。著毋庸議。○諭軍機大臣等。周天爵烏蘭泰。向榮奏。黔兵三

實錄卷三三

三

營大挫賊鋒一摺。此次象州賊匪分股撲營。經總兵重綸等併力堵擊。業已大挫賊鋒。惟賊巢糧米無多。勢必鋌而走險。該處距省路徑紛歧。且與四排等處徭峒接連。尤為要隘。匪徒詭詐多端。更難保不設法誘我。以為明攻暗度之計。烏蘭泰。向榮等務當嚴飭各路弁兵。實力堵擊。以防奔竄之路。用兵固當鎮定。不應冒進。亦不可坐失事機。現在賊鋒既挫。續調各兵。亦陸續到營。正可乘勢直搗賊

實錄卷三三

三

巢。一鼓殲擒。全在統兵大員。臨時決勝相機籌畫。烏蘭泰。向榮專辦軍務。周天爵回省防守。務當各盡乃心。妥為布置。毋任賊匪再有竄逸。龍門司巡檢馮元吉。如何殉難。即將原委詳查具奏。請卹。將此由五百里諭令知之。○又諭本日據周天爵等馳奏。黔兵大挫賊鋒。請鼓勵出力將弁。並請將救應太遲。及逗遛不進各將官。分別懲處。又奏。參署鎮安守羅福杲等摺片。已分別降旨矣。周天爵所奏總兵李伏。沿途逗遛。是否因未帶長夫。州縣應付不及所致。賽尚阿到軍營後。查明具奏。再降諭旨。外省赴調之兵。自帶長夫。與州縣應付夫馬。二者孰為速便。亦著賽尚阿訪察情形。知照鄒鳴鶴。督同糧臺各員。妥速斟酌辦理。至調任廣西右江道嚴正基。現已派辦糧臺。定能籌備周妥。湖北鹽道姚瑩。曾任海疆。著有勞績。朕知其謀略素優。是以飭令前赴軍營。賽尚阿到後。贊畫需人。想該員必能

隨同運籌。不負委任也。周天爵等摺片三件。並寄發各諭旨。均著鈔給。賽尚阿閱看。仍即知照。鄒鳴鶴可也。將此由五百里諭令知之。○又諭步軍統領衙門奏。民人馬成齡呈遞奏章。請復康熙年間混江龍鐵埽刷沙舊法等語。著陸建瀛。楊以增。即查明混江龍等法。於何年裁撤。從前有人條陳。仍復舊制。因何仍不能行。歷查舊案詳細具奏。黃河形勢。日淤日高。受病滋深。自宜力籌疏通海口之策。

實錄卷三十三

五

務須體察情形。悉心籌度。以為久遠之計。該民人所遞奏章。著鈔給閱看。將此諭令知之。○刑部奏。牛呼魯氏被火燒傷身死案內。解任正紅旗漢軍副都統薩凌德。請飭暫回本任。俟提到證據。李幅再行傳質。得旨。薩凌德。豈有回任再候傳質之理。著添派祁寓藻。穆蔭會同刑部。將現有人證認真審訊。不准稍涉迴護。致有枉縱。俟李幅解到。歸案辦理。○鑲藍旗蒙古都統敬敏。因病賞假。以鑲藍旗

漢軍都統花沙納。署鑲藍旗蒙古都統。○以河南荆子關副將董光甲。為河北鎮總兵官。○以堵剿廣西象州會匪獲勝。賞總兵官重綸。副將佟攀梅。參將德安。都司富珠隆阿。花翎。餘分別功罪。開復摘頂有差。予陣亡千總朱連雲。祭葬世職。

實錄卷三十三

五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三十三

撤兵回省之時。著該督撫等商酌何處情形緊要。或須葉名琛親往兩粵交界處所。駐劄督辦。即一面啟程。一面具奏。總期兩省夾擊。迅速掃蕩。羣醜慎勿再延時日。頃又據駱秉章馳奏。探報廣東另有曾大生股匪。欲至湖南滋擾。而前由賀縣竄回廣東廣甯之匪。亦未撲滅。如仍向英德清遠避竄。則湖南宜章桂陽一帶。又須防堵等語。著徐廣縉等迅即查明曾大生一股。是何處賊匪。趕緊擒剿。毋

致蔓延鄰省。奏摺一件。著鈔給閱看。將此由五百里諭令知之。○又諭據駱秉章奏。湖南邊防喫重。現在調兵防堵一摺。廣西武宣大股逆匪。竄至象州地方。勢必四路奔竄。湖南與粵西毗連處所。防堵自應嚴密。其廣東曾大生一股。係何處賊匪。欲至湖南何處滋擾。據廣西咨稱。湖南土匪接應之說。尤應密察嚴防。不可稍涉大意。余萬清現已派調兵勇。扼要分堵。著即於楚粵交界各地方。相度要

隘。督兵堵截。勿令粵匪稍有竄入。程高采。襄轄兩省。著察看情形。如須帶兵親赴湖南邊界督辦。即一面奏聞。一面啟行前往。勿失事機。駱秉章駐劄省垣。現值四川安徽等省兵差絡繹。亦須妥為布置。勿令遲誤。將此由五百里各諭令知之。○又諭張亮基奏。滇省防堵情形一摺。粵西賊匪未平。誠慮流竄鄰省。據稱滇黔沿邊。宜講堅壁清野之法。雖地雜苗夷。未能一律辦理。自當度其形勢。備豫不虞。現已於廣南府屬與西林連界之寶甯縣各隘口。築堡練丁。試行已有章程矣。廣西州

邱北師宗等縣。與曲靖之羅平等處。次第照辦。自必認真督率。漸收成效。切不可有名無實。奉為具文。至土富州交界之谷臘白羊等地方。有匪徒滋擾。該督撫等。尤應督飭文武加意巡防。毋稍懈弛。斷不可令廣西竄匪勾連滋蔓。將此諭令知之。○江西巡撫陸應穀奏。星子都昌瑞昌湖口等縣。三月間。雨電交

作鄉田無不損傷現飭分別確勘得旨妥為勘辦毋致災黎失所○以工部石侍郎奕毓為

實錄館副總裁官○停止本年秋決○修廣東

南海縣桑園隄工從巡撫葉名琛請也○癸

卯諭內閣

壇

廟大祀理宜整肅向來有專派稽查大臣俾司

巡察朕看近來未免視為具文因循怠忽不

過以站班為當差使殊失敬慎之道本月二

十三日

方澤大祀著該大臣等於前一日搜查後次早

尤應認真稽察不准偷安其並無執事之人

及跟隨人等不得任其出入自由其

櫺星門內左近勿令閒人在彼偷觀若稍有疏

忽惟將該大臣等懲處不貸嗣後凡遇親行

大祀均應一體嚴恪將事毋稍疏懈○河南巡

撫潘鐸奏報豫省二麥約收分數並稱內菁

臨漳考城等縣被雹委員查勘得旨被雹處所認真查勘不可稍存含混○甲辰

上詣

大高殿行禮

時應宮拈香○詣

壽康宮問

皇貴太妃安○諭內閣朕前因琦善勦辦雍沙

番族一案與哈勒吉那所奏情形不符又屢

被人叅奏各款降旨令薩迎阿馳赴西甯查

辦茲據奏查明琦善勦辦黑城撒拉回子及

黃喀窪番賊尚無過當之處惟訊明雍沙番

犯等供詞並詳查番族住牧原委及被勦情

形實屬率意妄殺刑求逼供等語向來甘涼

一帶時有番賊搶掠居民行旅均受其害邊

疆大吏原應隨時查拏懲辦以戢奸宄而衛

善良此案若使琦善勦辦得宜朕方嘉其才

能幹濟乃據查奏所稱任性錯謬竟至於此

實屬大負委任琦善著即革職由薩迎阿派

員解送來京。交刑部按照摺內所恭情節。嚴行查訊。又薩迎阿。前奏琦善上年未能禁止張燈演戲一節。著刑部一併定擬具奏。所有前次刑部覈擬雍沙番犯罪摺片。著仍交該部。於全案覈定時。另行奏明。請旨辦理。又諭。文俊奏。交審案件。原告牽控家丁。自請迴避一摺。前據都察院奏。奉天民人楊琳呈控一案。降旨交恆毓。文俊親提嚴訊。茲據文俊奏稱。原告楊琳。牽控伊家丁捏詞舞弊。自

應准其迴避。此案即著恆毓提集人證卷宗。確切訊究。按律定擬具奏。尋奏楊琳兄楊湖被兇犯呂汶興起意糾毆傷斃。業經將該犯擬絞監候。秋後處決。至府尹門丁趙連廷。與呂汶興素不相識。並無假傳府諭。將楊琳責押等情。應請免議。從之。○又諭。薩迎阿奏。前任平慶涇道范懋德。列款稟揭屬員。牽涉上司。不為訊辦。並囑人講和等情。請派大員往查一摺。此案前因該員揭參固原州知州李

懷庚。審斷不公。並虧短驛馬。靜甯州知州張若齡。虧短錢糧。降旨交琦善提訊。何以延至十月之久。尚未結案。著陝西布政使王懿德。馳驛前往甘肅。提集全案卷宗。秉公訊究。據實定擬具奏。毋稍徇徇。○諭。軍機大臣等。薩迎阿奏。遵旨查明琦善被參各款一摺。據稱琦善勦辦黑城撒拉回子。及黃喀窪番賊。尚非無故興師。惟將雍沙番族殺斃多名。實係妄加誅戮。邊疆地方。蒙番雜處。搶掠之案。層

見疊出。查拏懲辦。固不可使有屈抑。亦不可稍示寬縱。薩迎阿查辦此案。於該處情形。操縱緩急。自必確有定見。琦善既已獲咎。蒙古郡王所遞訴詞。業經為之剖白。薩迎阿現署總督。即將蒙古番民日久相安章程。悉心酌覈。奏明妥辦。不可因此案。琦善辦理過當。轉開姑息。養奸之漸。其現訊之通事千總馬圖。把總七福。供吐不實。並供詞狡展之把總康潤。均著革職。嚴行審訊。並將現經訊明之雍

沙番子等如何安置之處一併妥議奏聞。前交查辦各案亦著逐款查明分別具奏。再琦善前次保奏勦辦番回出力各員。雍沙之案業已錯謬。自不能再邀鼓勵。琦善原奏摺單片均著鈔給閱看。其中僅有一二員於另案出力者亦即覈實具奏。毋任冒濫。將此諭令知之。○以正白旗滿洲都統薩迎阿暫署陝甘總督。○旌表守正捐軀直隸河間縣民尉清簡妻馮氏。○乙巳諭內閣刑部事務較繁。

杜受田現在專司勘辦

實錄彙本職任綦重。雖前已諭令毋庸赴刑部辦事。惟緊要案件例須同堂面商定讞。究難兼顧。杜受田著加恩以協辦大學士管理禮部事務。俾得專勘館本。益昭敬慎。○又諭華山泰等奏請嚴定章程以肅禁廷一摺。紫禁城內外各門係兩翼八旗管理。該統領等自應督飭值班官兵晝夜嚴密稽查。不得任聽閒雜人等行走。惟稽查門禁固以察驗腰牌

為憑。其是否當差正身抑係招募雇替仍難辨別。且恐當差人等偽稱匠役工作私帶閒人溷跡出入尤不可不實力稽查。除由前鋒統領護軍統領隨時嚴查外著總管內務府大臣將所管各處所應如何酌定章程嚴密稽覈不致疏漏之處悉心詳議具奏。以肅宮禁而嚴守衛。○又諭周天爵自上年派赴廣西辦理軍務歷次署理巡撫秉性忠直不辭勞勩朕素所嘉尚第念其年近八旬久居瘴

癘之鄉朕心時深眷注現在賽尚阿已將抵粵軍營事務統率有人鄒鳴鶴計日亦可抵任。周天爵著於交卸巡撫篆務後即行來京。○諭軍機大臣等本日據徐廣縉奏接烏蘭泰來函確知軍營實情等語。周天爵先經飭回省城暫署巡撫現計鄒鳴鶴到粵已降旨令周天爵於卸事後即行來京。象州大營軍務責成烏蘭泰向榮二人節制管轄無所掣肘。自當妥速辦理現在續調大兵節次到營。

兵力既厚。烏蘭泰平日精於教練。朕所素知。即應相機進攻。分投堵截。以期一鼓勦滅。羣醜提督向榮。初到粵西。疊獲勝仗。豈不能辦賊之人。若云統帥牽制。不能自行。已意。此時周天爵已令來京。賽尚阿即日行抵軍營。事權歸一。復何能藉詞推諉。現在黔兵已挫賊鋒。著即與烏蘭泰嚴督各路鎮將。並鈐束驕悍兵丁。力蓋前愆。以圖後效。若再游移觀望。坐失事機。責有攸歸。朕不能為爾寬也。至投

誠賊目如張釗。張國樑。黃錦泗等。既已殺賊立功。原可予以自新。其前曾攻城戕官。現聞大兵雲集。窘迫詐降。反覆之徒。必應加意防察。萬勿輕信招納。致墮奸計。而怠軍心。賽尚阿到軍營後。其各恪聽節制。奮勉立功。以慰朕念。懷之慎之。將此由五百里諭令知之。○又諭徐廣縉。葉名琛。奏堵剿各匪。疊獲勝仗。並陳奏廣西軍務情形各摺片。又奏高廉各屬勦捕事宜。未便遽易生手一摺。高廉各股

匪徒現尚未經殲滅。自應趁此聲威。力圖兜剿。以淨根株。宗元醇督辦一切。既能權衡應變。不誤機宜。著即暫留廣東。會同在事文武合力堵剿。其高州府屬安鰲嶺等處賊匪。昨已有旨寄諭。迅籌勦辦。現據奏稱已飭總兵楊昌泗。速回高郡。務令趕緊撲滅。勿致蔓延。該省各股匪徒肅清。即著陶煜文遵照前旨前往廣西會剿。宗元醇曾任廣西知府。於該省情形熟悉。並著該員會同陶煜文前往辦

理。統俟兩省軍務告竣。再令宗元醇來京供職。所有廣西軍餉。仍著該督權時緩急通盤籌畫為要。將此由五百里諭令知之。○又諭據徐廣縉奏。堵剿賀縣竄回股匪。疊獲勝仗。及高廉各屬勦辦緊情形。並論廣西軍情各摺片。已分別降旨寄諭矣。周天爵忠直有餘。馭眾之術。朕恐其不得軍心。該大臣到粵後。或致掣肘。於大局甚有關繫。現已飭令來京。毋庸仍留該省。計鄒鳴鶴已接巡撫印務。

省城防堵及通省團練守禦各事。即飭鄒鳴鶴督同藩司勞崇光。及新授臬司姚瑩辦理。已革右江鎮總兵惠慶。據徐廣縉奏稱。功多過少。賊匪潘大一股。實係惠慶督兵擒拏。斃賊甚眾。是否李星沅。周天爵。叅劾過當。另有別情。著即確切查明。據實覆奏。周天爵已令來京。軍營一切調度。皆該大臣專責。其在事文武各員。人材不乏。足供器使。賽尚阿忠誠豁達。朕所深知。必能鎮服羣情。樂為驅策。於

推心置腹之中。仍寓沈機默運之力。庶得人任事。賞罰嚴明。姦茲醜類。諒可剋期蕩平也。勉之望之。諭旨並各摺片。均著鈔給閱看。將此由五百里諭令知之。○兼管奉天府府尹恒毓奏。交審楊琳一案。牽告府尹門丁。請派員會審。得旨。已有旨交汝審辦矣。務須秉公研訊。不准稍有袒護。亦不可草率了事。○命戶部尚書裕誠。協辦大學士。以刑部左侍郎周祖培為刑部尚書。戶部左侍郎朱鳳標為

都察院左都御史。詹事府詹事王慶雲為戶部左侍郎。兼管三庫事。仍兼署順天府府尹。安徽巡撫王植。為刑部左侍郎。○調閩浙總督裕泰。為陝甘總督。以都察院左都御史李芝昌。為閩浙總督。○以安徽布政使蔣文慶。為巡撫。按察使李本仁。為布政使。調甘肅按察使張熙宇。為安徽按察使。廣西按察使吳鼎昌。為甘肅按察使。以湖北鹽法道姚瑩。為廣西按察使。○以堵勒廣東廣甯股匪獲勝

賞參將衛佐邦。花翎。○丙午。以刑部尚書實錄館副總裁官周祖培。為總裁官。署吏部右侍郎何桂清。為副總裁官。○以工部尚書阿靈阿。兼署兵部尚書。○以服闋侍郎何桂清。署吏部右侍郎。命仍在南書房行走。○以鑲白旗滿洲副都統華山泰。署正黃旗漢軍副都統。鑲紅旗蒙古副都統忠泰。署正藍旗漢軍副都統。正黃旗滿洲副都統珠勒亨。署鑲藍旗蒙古副都統。○以翰林院編修吳保泰。

為湖南鄉試正考官工部員外郎喬松年為副考官翰林院編修何彤雲為四川鄉試正考官徐樹銘為副考官○蠲免貴州桐梓縣因災緩徵銀米○

上以夏至祭

地於

方澤自是日始齋戒三日○丁未諭內閣糧船各幫水手曠悍性成往往尋讎鬪毆甚至戕害人命道光十四年曾欽奉

諭旨嚴飭查辦隨時整頓屢經嚴加懲創而積習相沿暨不畏法現據願以燠奏鎮江後幫漕船行至聚林牆地方該幫後所水手聚集多人與前所水手挾嫌械鬪致斃多命經官兵捕役往拏尚敢拒捕傷人不法已極漕船行走運河督運員弁有約束水手之責豈容任聽恃眾藐法沿途滋事著楊殿邦即速查明失察之該管員弁分別嚴叅仍責成各省糧道嚴飭各幫押運之委員幫弁等於所屬

水手嚴加彈壓一路督押巡行不准片刻停留攏泊致生事端並著沿途各督撫遴派文武各員分段巡查遇有水手滋事立即嚴拏究辦此案現獲各犯著交陳慶偕親提嚴訊並緝拏逸犯務獲歸案從重懲辦毋任一名漏網以肅漕政而儆兇頑○又諭張亮基奏遵議保甲章程及嚴拏燒香結盟匪徒一摺據奏滇省界連川黔粵西等省各州縣村寨以外多有廠地砂丁人等五方雜處引類招

朋而臨安開化廣南永昌廣西各府州屬兼有夷人沙人儂人等曠悍性成聚眾滋擾擬於城廂內外並各村寨責成鄉保廠丁鑪戶責成客長土司所屬及沙儂夷人皆責成頭目各將所管界址門戶立簿按月稟送該管官認真稽查如有結盟為匪等事立即指拏各等語所議尚屬周妥惟言之非艱行之惟艱若徒議立章程不能實力遵辦或任令吏胥徇庇甚至藉端騷擾致使良法美意日久

視為具文。是除弊而轉以滋弊。著該督撫督飭地方官。即按照現定章程。認真辦理。其燒香結拜等匪。一經查獲。立即從嚴懲辦。勿令釀成巨案。○戊申。諭內閣。前據黑龍江副都統清安奏。請各省駐防修製烏槍。並滿營挑放各缺。考驗烏槍一摺。交各駐防將軍等查議。先後覆到。茲據兵部會同八旗都統。叢議具奏。駐防兵丁。以騎射為根本。並演習火器。歷來辦理。自有舊章。惟在實力訓練。隨時操

防無懈。悉成勁旅。正不在變更成法。徒事虛文。所有各該駐防挑選領催前鋒委官。既據該將軍等奏稱。考驗弓馬。兼看烏槍。即著各按本處酌定章程。責成認真辦理。務令器械精良適用。勤加教演。施放有準。不得日久生懈。其總管協領以下。驍騎校以上。向於保送到旗時。由該旗考驗步射騎射後。帶領引見補放。若加以考驗烏槍。諸多窒礙。儻驗不合。式必致駁改。耽延徒使額缺懸曠。況如印房

左右兩司。有辦事之責。勢難添習烏槍。協領等官。須擇諳練營務。弓馬嫺熟之員。並曾經出師者。有勞績者。均堪揀選補放。更難概令練習火器。現在京城八旗。及各省駐防所操陣式。立法本極周備。總在該管大臣。平日貴心教練。自能一律精純。與其徒議更張。不如仍循舊制。所有各駐防旗員。勒限演習。及來京考驗。加看烏槍之處。著毋庸議。至期滿卓異等項官員。由兵部考驗帶領引見者。亦即

照八旗所議畫一辦理。再上年兵部議准光祿寺卿許乃普條奏。各省陸路武職。到京考驗。兼看火槍。予限自咸豐二年。起一體練習。因思綠營與旗營事同一律。考驗未便兩歧。嗣後綠營除水師人員赴部。仍閱看槍礮外。其陸路武職。到京著仍照舊制考驗。毋庸兼看火槍。以歸畫一。○兵部遵議。江西南贛鎮總兵德坤。以武職大員。陳奏失實。應照溺職例革職。其身兼勳舊佐領。及騎都尉世職。亦

應一併革退。得旨。德坤著革職。勳舊佐領一併革退。加恩仍留騎都尉世職。○修造福建漳州廠戰船。從巡撫徐繼畲請也。○己酉夏至祭。

地於

方澤

上親詣行禮。○

孝恭仁皇后忌辰。遣官祭

景陵。○詣

雍和宮行禮。○詣

火神廟拈香。○詣

壽康宮問

皇貴太妃安。○諭軍機大臣等。奏用還奏。請飭

催協撥兵餉銀兩一摺。貴州省歲需各營官

兵俸餉等銀。歷由外省協撥。以供支放。茲據

奏稱。上年部撥咸豐元年夏秋冬三季兵餉

係浙江鹽課銀三十八萬餘兩。江西庚戌年

地丁銀八萬兩。豫撥咸豐二年春季兵餉。係

江西辛亥年地丁銀三十萬兩。均未據咨會委解。啟程。因需用孔亟。業經借款墊發等語。各營兵餉。按季支放。不容稍有遲逾。黔兵現在派赴廣西協剿。兼之辦理防堵事宜。俸餉尤關緊要。著常大瀉陸應穀。分飭藩運兩司。將協撥黔省本年兵餉銀兩。迅速委員啟解。俾得及時支放。其豫撥咸豐二年春季兵餉。亦務於本年九月以前解到。並將前後啟解日期。迅即覆奏。毋得藉詞延宕。致誤要需。將

此由四百里諭令知之。○山東巡撫陳慶偕奏。審辦鎮江後幫滋事水手。得旨。已有旨矣。惟應嚴訊定擬。毋稍寬縱。○以陝西布政使王懿德。為福建巡撫。調貴州布政使吳式芬。為陝西布政使。以四川按察使呂佺孫。為貴州布政使。以前任福建按察使蘇敬衡。為四川按察使。○調伊犁領隊大臣伊昌阿。為科布多幫辦大臣。科布多幫辦大臣西拉納。為伊犁領隊大臣。○予故前任廣西提督薛蔭

祭葬諡勤勇○庚戌諭內閣前據山海關監督春保奏永平府屬欠解差費生息銀兩無憑籌墊當交戶部覈議茲據該部奏請飭催並請酌定章程等語直隸永平府七州縣鹽當各商向有承領生息銀兩係作為山海關八旗兵丁每年差操及各項公用之款乃自道光十六年秋季起至本年春季止共積欠息銀至一萬一千五百餘兩之多前經該部奏催該地方官既不按款清交復又遞年積欠事關兵丁差操公費豈容稍有貽誤著直隸總督長蘆鹽政嚴飭各該地方官將歷年欠解息銀迅即如數補解並著山海關副都統一體嚴行督催儻仍復玩延即著據實叅辦嗣後應如何嚴定期限不致再有延欠並每年偶遇解交稍緩如何籌款墊發之處均著該督會同該鹽政及山海關監督分別酌擬章程奏明辦理○又諭戶部奏請暫停工程等語道光二十年曾奉

諭旨一切工程暫行停止十餘年來中外臣工自當欽遵辦理第恐閱時既久工作漸增又滋浮濫之弊著仍欽遵聖訓凡京外各衙門除壇廟緊要工程仍隨時興修外其餘一切工程均著暫行停止以示限制○又諭訥爾經額奏請借款給發南糧剝價一摺各省漕糧在楊村起剝例借剝價油脰等銀歷係天津道籌墊由各省解還歸款現在南糧首進各幫陸續挽入直境所需剝價亟須給發道庫無款可墊自應另為籌措著照所請准其暫行借動長蘆運庫銀二萬兩解交天津道庫應用所借銀兩著由本年江浙等省於應解道庫剝價銀內撥還運庫以清款目至江浙等省欠解天津道庫歷年墊款銀至十八萬餘兩之多延不解交以致道庫不敷又復借撥運庫似此輾轉那墊尚復成何事體著該督撫

等嚴飭所屬如數完解還款償再任意延玩
即行嚴叅○辛亥

上詣

壽康宮問

皇貴太妃安○御箭亭○閱大員子弟步射○諭

內閣周天爵○勞崇光○向榮奏○勦捕懷集南坪

賊匪一摺○另片奏○追勦劉八股匪○及進勦會

匪凌十八等各情形○此次勦捕南坪另股賊

匪○雖獲勝仗○惟溫大貨五○何名科等○皆著名

兇賊○已由懷集竄回廣甯○近據徐廣縉等奏

報○勦辦廣甯賊匪○亦未將首逆殲擒○若非東

西兩省合力痛剿○不分畛域○何以迅掃賊氛

至劉八○凌十八等○兩股賊匪○奔竄兩粵交界

地方○雖屢經擊散○旋復嘯聚○總因兩省帶兵

各員○不能併力兜圍○以致此拏彼竄○良民受

其蹂躪○遭其裹脅○何時還定安集○朕心實深

焦念○現在賽尚阿○業已馳抵軍營○著即嚴飭

在事文武○激勵兵勇○迅速殲擒○並著徐廣縉

葉名琛○督飭帶兵大員○於肇慶高廉各屬交

界處所一體會勦○務使著名兇匪○悉數就擒

償該文武等○有推諉退縮等情○即著據實嚴

叅○朕必執法從事○斷不能稍為寬宥也○諭

軍機大臣等○粵西一省○羣盜如毛○必須大兵

會合兜剿○方能淨絕根株○惟用兵之道○謀定

後動○此時賊匪○自以竄踞象州之會匪為最

大一股○其凌十八○劉八○溫大貨五等○股奔竄

兩粵交界地方○此拏彼竄○蔓延日久○疊據兩

省奏報○均不免互相推諉○所謂師克在和者

安在耶○賽尚阿計已馳抵軍營○審度地勢人

材○全局在胸○現在勦辦○當以何股為先○何股

為次○或合兵一處○聚而殲擒○或分兵協剿○同

時並舉○務當權其輕重緩急○相機布置○各股

著名賊首○擒獲甚少○必應殲厥渠魁○乃可散

其黨與○先勦後撫○庶無後患○其應如何運籌

決勝○朕亦不為遙制○現踞象州中坪一帶匪

徒○勢已窮蹙○思竄○是否仍歸羅浚嶺舊巢○正

可乘機設誘設伏截其奔竄之路以冀一鼓殲擒至凌十八劉八等股竄回化州合浦等處經西省文武兵總跟蹤追剿何以東省全無接應著即飛飭廣東文武於交界處所合力圍捕毋令坐失事機至竄入懷集縣之賊匪既經該署縣李嘗約會湖南官兵合擊何以帶兵遊擊韓世禧忽然捲旆而返是否恣意刁難抑係聞賊逼近有心退縮著一併查明嚴叅又據周天爵等片奏查明左江鎮總兵德亮疊次殲擒賊匪尚能表率等語著仍遵前旨與惠慶一併確查具奏周天爵等此次摺內何以烏蘭泰並未列銜殊不可解豈軍營情形竟不與聞耶朕覽廣西前後奏到各摺所陳情形未免急遽無序賞罰恐難平允是以諭令周天爵來京茲據鄒鳴鶴奏報五月內可於全州接印任事賽尚阿抵軍營後定能相助為理沈靜致遠謀勇兼施諒該大臣必能契合朕心迅奏偉績也周天爵所

調文武各官及紳士兵勇人等著留心察看斟酌用之周天爵等摺片均鈔給閱看將此由五百里諭知賽尚阿並諭令巴清德達洪阿烏蘭泰鄒鳴鶴等知之○賞護軍扎經阿四等侍衛在乾清門行走○壬子諭內閣陸建瀛奏審辦販私人犯請由運司勘詳等語淮南釐務新章初定緝私最為緊要揚州府屬地方私梟出沒各州縣拏獲人犯往往因距省較遠諱飾消弭致梟徒罔知儆懼當此整頓鹽務之時自應酌量變通冀收實效嗣後揚州府屬八州縣鹽犯問擬軍流以上罪名者著由該府徑解鹽運司勘詳該督分別覈辦其罪僅擬徒者著由臬司會同運司覈轉如有夥梟拒捕殺傷重犯仍著該督提省審辦總期有犯必懲毋任倖脫以儆梟頑而肅釐政○河南巡撫潘鐸奏遵查祥符縣被水災民現飭勘明沙壓地畝請蠲除錢糧並設法撫恤情形得旨督率所屬認真勘辦

○命工部右侍郎彭蘊章在軍機大臣上行
走○以禮部右侍郎曾國藩兼署刑部左侍
郎○癸丑

上詣

壽康宮問

皇貴太妃安○諭軍機大臣等前任太常寺卿
唐鑑奏廣西用兵請飭設立民保收恤難民
一摺粵匪未靖疊經言事者以堅壁清野上
陳並據大學士卓秉恬錄呈龔景瀚三議周

天爵亦曾奏及保甲衛民之法均降旨令該
大臣體察情形飭令地方官籌辦唐鑑曾任
廣西知府於該省情形熟悉所論尤為親切
勦匪以安民為亟若民有險可守自不至被
賊裹脅民氣益固則賊勢益孤勦辦更易得
力○鄒鳴鶴係新任巡撫地方是其專責現已
諭令督率司道實力辦理即需費一二十萬
亦非所惜想該大臣與該撫必能善體朕意
妥為經畫也原摺鈔給閱看將此由四百里

諭令賽尚阿知之○又諭廣西賊匪肆行節
經降旨飭令通省居民舉行團練互相保衛
並寄發大學士卓秉恬錄進龔景瀚所著堅
壁清野各議周天爵亦曾奏及保甲等法茲
復據前任太常寺卿唐鑑奏陳設立民保收
恤難民二條該員曾任廣西知府熟悉該省
情形所論頗為親切著鄒鳴鶴按照摺內所
擬設堡事宜酌量地勢與賊近遠如當賊之
衝及嘗被蹂躪等處尤宜妥速辦理善用古

法參酌時宜督同藩司勞崇光臬司姚瑩責
成各道府劉諭紳士人等分投妥辦不可有
名無實尤不可稍涉擾累至收恤難民酌給
口糧勿使流而從賊最為目前要務果能嚴
飭所屬實力遵行辦理經費需用一二十萬
兩為吾民謀久安之計朕亦何所靳惜總期
民氣益固賊黨自孤眾志成城小醜無難撲
滅即將來善後規模亦不外是矣原摺著鈔
給閱看將此諭知鄒鳴鶴並傳諭勞崇光姚

瑩知之○甲寅諭內閣訥爾經額奏遵查河道隄埝並籌議辦理一摺天津府靜海縣屬西鄉泊水以引河為去路自嘉慶年間勘明挑挖具有成案自應仍照舊章導水入子牙正河使西鄉不致被淹北鄉各村亦無虞波及其蓮花淀南土埝既於河道無礙且非近年私築即無庸平毀以符舊制著照所議章程嗣後修隄挑河及啟閉各事宜責成獨流鎮巡檢就近管理由靜海縣稽查督辦以弭水患而息訟端○又諭徐廣縉葉名琛奏叅規避取巧延不赴任之知州一摺廣東准升儋州知州朱庭桂在省託故遷延已屬規避取巧迨該藩司飭催赴任竟敢抗違不遵實屬任性乖張准升崖州知州宜慶部署潮州通判事將及一載延不回省亦係規避煙瘴遠缺朱庭桂宜慶均著即行革職以示懲儆○又諭戶部議覆裕泰等奏閩商司代課銀不准停徵並帶輸銀兩准其酌展一半已依

議行矣另片奏閩省商疲引滯請飭該督撫另議章程實力整頓等語各省鹽務滯銷固由銀價昂貴亦因緝私不力浮費不裁以致商力疲困閩省籤商之弊與河東同而閩省情形尤甚該督撫等既稱商疲引滯力保全網即應窮其致弊之源急圖挽救乃僅請停減例課而於緝私裁費之緊要關鍵並未議及雖復請停請減徒使帑項無著竟於大局何裨從前雲南課歸井竈至今暢銷淮北改行票鹽之後變滯為暢近年淮南仿照辦理亦有成效可見積弊雖深得人則理若但為乞恩之請不籌窮變通久之方年復一年何所底止著新任閩浙總督李芝昌福建巡撫王懿德於到任後察看情形悉心講求通盤籌畫其應如何除弊興利變通整飭之處妥議章程據實具奏○命揀發湖南知縣閔光弼前赴廣西軍營聽候欽差大臣賽尚阿差委○蠲免奉天遼陽金岫巖新民甯遠義海

城錦廣甯九廳州縣節年民欠應徵銀米並
兵丁站丁借支口糧○乙卯

上詣

大高殿祈雨○諭內閣薩迎阿奏審明通事誘

倡供詞並通事供出承審各員非刑倡供暨

司道誘供故入人罪各情一摺並分別定擬

開單請旨所有擬請革職發往新疆之甘肅

署蘭州府慶陽府知府步際桐候補知府桂

昌署靜甯州知州趙桂芳候補知縣姜態平

羅縣知縣候評靖遠縣知縣李志學署平涼

縣知縣劉元績署碾伯縣知縣尹泗調任鎮

迪道西甯道文桂涼州俄塲嶺營遊擊冷震

東擬請革職發往軍臺之署按察使前任鞏

泰階道朱其鎮均著即行革職交該署督派

員解交刑部朱其鎮現經告病如已啟程回

籍著咨行沿途各督撫派員解京其擬請革

職發往新疆之調任河南布政使甘肅布政

使張集馨著革職交藩鐸派員解交刑部一

併歸案質訊覈議具奏並著該署督將案內

已革通事馬圖七福康潤及兵丁馬仲元林

治康伏元通丁馬明春蘇祿馬得成王廷美

一併押解刑部質訊將所擬罪名覆覈辦理

所請嚴議議處之前署督標中軍副將現題

補平羅營參將珠克登西甯北川營都司石

長興肅州安西營都司辛殿甲西甯鎮標石

營千總趙國棟鎮海營千總米兆魁丹噶爾

同知彭衍堂西甯府知府鈴祥均著刑部於

定案時分別覈擬請旨至訊係無辜奏請省

釋之番族洛尕等十七名著刑部定案時奏

明辦理○諭軍機大臣等薩迎阿奏審擬通

事誘倡供詞並分別議擬非刑倡供之承審

各員及誘供之司道開單呈覽已明降諭旨

將張集馨等先行革職同通事馬圖等解送

刑部歸案覈辦矣另片奏覆查琦善原奏各

條披覽均悉惟已革蒙古章京格富先經琦

善奏革頂翎嚴審迨定案摺內並未聲敘現

尚留省監禁。雖查與雍沙番案無涉。其與柯柯烏蘇賊匪送信一節。是否恃無質證。狡飾不承。仍著薩迎阿確切查明辦理。前次交查各件。著一併確查具奏。將此諭令知之。○浙江巡撫常大瀛奏。於甯波府城四門分設義學。督同道府恭將。

欽定四言韻文頒發各學報可

卷之十四

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三十四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三十五

皇極經世一書自講起唐詩管一卷卷一書虎隱傳入海關開闢寺謝院院監士釋廢錄一本諸事并處國信藏書及
太常寺律學博士等增知主殿紀錄十次以直官相書本館載有紀述詳官表一本使入海關開闢寺武成縣雜爲管教書局書體仁閣

太常寺管理郎一座房一府管理刑部寺增知主殿紀錄十六次周祖時賜武官一卷少保管理的總書唐書序引各軍撤入臣

領蓋張滿洲郡元戶部尚書管理唐書增知主殿紀錄五次以直官司馬魏魯爲管教書局後復兼判清文計連言唐書

遼陽館監之官並蓋張太君校禮部尚書管理太常寺禮樂寺事務知二級筆計如四級隨帶入就錄五次任什瑞祥奉本

教修

咸豐元年○辛亥○六月○丙辰○朔○諭○內閣○據○兵部

奏叅衛弁失察水手滋事。畏葸不拏。漕督並不據實嚴叅一摺。上年長淮四等幫糧船水手王大漢等糾眾訛索旗丁。偏給溜子。並偏令空運千總王振彪蓋用鈐記。復將重運千總惠慶堯肆行辱罵。該千總等於水手種種不法。不即嚴拏懲辦。畏葸無能。咎有應得。該漕督何得因其會同獲犯。遽請免議。惠慶堯王振彪均著革職。以示懲儆。漕運總督楊殿邦著交部議處。諭軍機大臣等。據周天爵

烏蘭奉向榮奏進勦逆匪連獲勝仗此次署
右江道潯州府知府張敬修雲南昭通鎮總
兵經文岱等由寺村迤東之長烈嶺分股進
勦東股之福勇東勇開礮迎擊賊匪紛紛落
下崖谷惟新到桂平平南之英勇一見大呼
輒行走散而東澗西澗之伏賊蜂擁而出以
致賊匪未受大創英勇旋已潛逃是英勇隊
中顯有賊匪夥黨假名暗伏詭譎伎倆殊堪
痛恨兩軍對壘不能不藉資壯勇以助兵力
若謂盡屬可疑則防不勝防必難期其用命
若謂概屬可信又恐墮其奸謀應如何密查
嚴防俾為我用不為賊用之處務當於招募
之初責成管帶之人悉心體察勿使奸徒涸
跡方為妥善將此由五百里諭知賽尚阿並
諭令巴清德達洪阿烏蘭奏周天爵那鳴鶴
向榮知之○湖南巡撫駱秉章等奏遵查賊
蹤扼要堵勦得旨仍應嚴密防堵勿令蔓延
馳往協勦之處不可稍示張皇致輕進失機

○調山西布政使蔣蔚遠為河南布政使以
河南按察使郭夢齡為山西布政使江南江
安糧儲道沈兆雲為河南按察使○以進勦
廣西象州會匪獲勝廣州副都統烏蘭泰下
部優敘予陣亡參將馬善寶遊擊博勒果布
劉定泰祭葬世職○以攻勦廣西金田會匪
獲勝賞總兵官經文岱副將常祿署參將彭
長春署遊擊色欽額都司馮景尼花翎署守
備戴文蘭等藍翎餘升敘有差○以攻勦廣

上詣

壽康宮問

皇貴太妃安○諭軍機大臣等據賽尚阿奏馳
抵長沙統籌粵西勦辦事宜一摺據稱粵西
賊匪以象州為最鉅此股勦捕得力則各股
自成破竹之勢並酌擬激勵鄉團解散脅從
先行刊發告示及慎重糧餉等情所論均合

機宜該大臣現已馳抵軍營。各省大兵雲集。象州之賊固應厚集兵勇。大隊合圍。迅速剿滅。其南甯太平一帶。及懷集奔竄各匪。亦應分派大員帶兵前往督剿。現在巴清德達洪阿亦次第到粵。各省鎮將足資調遣。著該大臣審度地勢人材。某處應派何路官兵。何人管帶。可期得力。某處官兵應派何人接應。務使聲勢聯絡。凡賊巢險隘誘伏處所。必須偵探的確。庶可一鼓殲擒。使各股賊匪不能互相救援。方為萬全之策。至糧臺之設。尤關緊要。該大臣籌畫情形。與疊次諭旨正相符合。即著選派弁兵嚴密保衛。並分置各處。俾利轉輸。不可稍存大意。朕觀烏蘭泰頗有謀略。紀律向榮。亦久歷戎行。必能與巴清德達洪阿等助卿宣力。同心共濟。迅奏膚功也。周天爵前已有旨諭令來京。毋庸留於江華防堵。其所募皖勇二百名。應如何分布管帶酌量辦理。前調安徽兵一千名。既屬輒弱。又沿途

不甚安靜。恐難得力。著隨時查察。分營布置。其統帶將弁不能約束。即著查明參奏。將此由四百里諭令知之。戊午諭內閣。工部錢法堂奏請分撥銅斤以資鼓鑄等語。工部寶源局現存銅斤不敷鼓鑄。在途各運。疊經嚴催。尚未據報抵何處。自應先事豫籌。著戶部錢法堂於業經提到之湖北銅六十萬斤內。撥交工局二十萬斤。以資接濟。其奏提未到之江蘇湖南存銅共四十四萬三千斤。俟解到時。亦著照向來滇銅定額。分撥工局三分之一。嗣後戶部如再提他省銅斤。並著照此劃分辦理。以昭平允。己未

上詣

大高殿謝雨。諭內閣。前據華山泰等奏請嚴定稽查門禁章程。當降旨交總管內務府大臣議奏。茲據柏後等酌議具奏。所有分段稽查及更換腰牌點驗匠夫一切章程。均著照所議辦理。仍著前鋒統領護軍統領嚴飭值

班之官員兵丁等於各項人役出入隨時詳細查驗與內務府衙門互相查覈毋得視為具文日久生懈以昭嚴密○吏部右侍郎明訓等奏會查

永陵樹株被伐情形得旨認真查勘勿稍遷就

○熱河都統慶福奏遵查保甲現辦情形得旨良法具在得人而理本不在更張為也爾斷不准虛詞了事一奏塞責○庚申

上詣

壽康宮問

皇貴太妃安○諭內閣刑部奏審擬攜帶腰牌滋事及賭博鬪毆人犯一摺已將太監白三喜周玉慶均交內務府定擬具奏餘俱依議行矣禁門重地理宜嚴肅是以出入人等均須有腰牌以憑查驗其並無差使人役概不准私行出入此案太監白三喜因病告假輒將腰牌私帶回家並令白太攜帶至隆宗門外託人向周玉慶取出物件是雖有腰牌並非

本人攜帶各門查驗竟係虛文現經內務府大臣奏定章程於腰牌上詳書花名年貌立法尚為周密第恐查驗稍疏日久仍滋弊混嗣後著各門值班官員與內務府衙門互相查察除該太監等照例差使及買辦食物等事准其照常出入外如查有違例私自出入及私帶外人滷入禁門等弊即著奏明究辦毋稍疎懈○壬戌

上詣

壽康宮問

皇貴太妃安○諭軍機大臣等有人奏直隸前任甯河縣蘆台巡檢分發貴州試用通判羅世瑤呈控甯河縣徵稅弊混一案延不審結恐有挾制迴護等語此案上年七月內據訥爾經額奏參當經降旨將羅世瑤革職交該督嚴訊並將該前任知縣朱以升暫行革職歸案審訊迄今將及一年並未據該督奏明完結其因何遲延之處著該督明白回奏又

據奏稱上年春間羅世瑤列款稟訴內有省城官員出入俱用紅繖銜節筵宴觀劇並示令民間懸燈結彩花爆喧闐刊刻諭旨騰黃內謄字甚多幾致文義訛謬等情以上各款該督於奏請革審時何以未經敘入著一併查明據實覆奏原摺著鈔給閱看將此諭令訥爾經額知之○豁免伊犁阿齊烏蘇民回各戶借欠籽種○癸亥諭內閣前據蔣文慶奏三月分雨水情形摺內稱歙縣婺源縣被

雹及合肥鳳陽等縣雨多水漲當飭王植於回任後詳查茲將大概情形先行覆奏據稱被雹之處僅一隅中之一隅麥收尚無妨礙坍損房屋均已修復惟所稱無力之家雖經官紳資助是否各安生業及合肥一帶濱臨淮水被淹處所恐一時尚未涸復著蔣文慶仍飭各該地方官詳細查勘隨時妥為辦理毋稍玩忽○又諭慶祺朱嶠奏南糧首幫抵通並衛河水淺情形一摺據稱揚州等幫未

能銜尾前進因由山東入直隸境一帶淺阻過甚而景州等州縣剝船短少不敷輪轉以致停泊待剝漕船現有十餘幫之多著訥爾經額嚴飭各州縣寬為雇備俾隨到隨剝以速漕行至北運河水勢消長無定自應酌量加剝濟運並隨時挑濬一律深通著該侍郎等妥籌辦理並飭沿河文武員弁加緊催趲毋任延滯○甲子

萬壽節遣官祭

太廟後殿遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝和睿皇后暫安寢殿○遣官祭

宣宗成皇帝暫安寢殿○遣官祭

孝穆成皇后

孝慎成皇后

孝全成皇后陵寢○遣官祭

孝德皇后殯宮○遣官祭

顯佑宮

東嶽廟

城隍廟

上詣

大高殿

壽皇殿行禮○詣

壽康宮前殿拈香○後殿

皇貴太妃前行禮○是日不御殿受賀王以下

文武大臣於乾清門外行禮○乙丑

上詣

壽安宮西所問

如皇貴太妃安○詣

壽康宮問

皇貴太妃安○諭內閣薩迎阿奏遵查青海蒙

古情形擬裁察漢城駐防蒙古兵丁仍留盟

長等官一摺另片奏蒙古郡王懇請暫居永

安城外住牧等語著派德興會同理藩院悉

心妥議具奏○以工部左侍郎呂賢基為浙

江鄉試正考官翰林院編修沈桂芬為副考

官侍講學士沈兆霖為江西鄉試正考官編

修龔寶蓮為副考官編修馮培元為湖北鄉

試正考官彭涵霖為副考官丙寅諭內閣

前據周天爵等奏進剿象州逆匪大獲勝仗

當經降旨將烏蘭泰交部從優議敘茲據烏

蘭泰奏稱五月初九日梁山村接仗先已獲

勝次日因威甯鎮兵見賊退縮以致將弁傷

亡自請治罪等語此次我兵逼近賊巢奮勇

勦殺逆匪已大受懲創雖小有挫衄究屬罪

不掩功。且烏蘭泰尚能轉敗為勝。所請治罪之處。著無庸議。其前經交部議敘。亦著毋庸註銷。烏蘭泰據實陳奏。具見不欺。若能迅速立功。仍當加以懋賞。惟管帶威甯鎮兵之署副將佟攀梅。著參將慶祿。始則屢催迎敵。延不出營。迨賊匪撲營。輒即退回。致令全勝之後。復有挫折。實屬罪無可逭。佟攀梅慶祿。著即革職。拏問。交賽尚阿嚴訊定擬具奏。此外失機之將弁兵丁等。一併查明懲辦。嗣後帶兵將弁。務各恪遵號令。奮勇圖功。毋再玩誤。致蹈重罪。懷之。諭軍機大臣等。據烏蘭泰奏。遵查鎮將不和情形。又縷陳連日獲勝後。因誤敗。自請治罪各一摺。及另片所陳各情形。並將獨鼇山形勢繪圖呈覽。披閱均悉。此次進兵獨鼇山南。連獲勝仗。賊眾轟斃潰散。下山僅賸七賊。復上山。梁直撲威甯大營。該營官兵計有千人。何以不敢出營抵禦。全行奔潰。致有挫折。實出情理之外。著賽尚阿即

查明該營弁兵。究係何人首先奔潰。按律懲辦。以肅軍令。威甯鎮總兵重綸。是否實係因病並未在營。抑係有心規避。確查具奏。再向榮所帶湖南弁兵。初到粵時。頗覺勇往。是否因向繼雄濫得保舉。因而解體。抑係該弁兵等恃勝驕悍。不聽號令。既不得力。即留營亦恐誤事。現在湖南防堵緊要。亦須兵力。著賽尚阿到營察看。是否可以裁撤。或令仍回本省防堵。向榮籍隸四川。現調四川兵有四千餘名。或即酌撥數千。交向榮管帶。似此量為轉移。可資得力。其威甯鎮潰散之兵。勢不足恃。應如何安插裁撤之處。亦著酌量辦理。烏蘭泰所論覈實保舉一節。頗有所見。現在周天爵業經來京。軍營賞罰事權歸一。嗣後保舉叅劾。想賽尚阿必能權衡功過。允協羣情。毋苛毋濫也。至烏蘭泰覆奏。查明軍營主將不和緣由。及湖南副將博春。和春不能稟請追賊。及張敬修。獨未被叅等情。業據咨明該

大臣著與前此疊降諭旨。飭令查覈功過各件。一併確查。據實具奏。將此由五百里諭知。賽尚阿。並諭令烏蘭泰知之。○湖廣總督程商采等奏。接奉廷寄。俟有警報。即督兵馳往。楚粵交界得旨。設若楚南有警。必須汝馳往。勦辦。仍應一面啟行。一面奏聞。毋稍遲滯。○

丁卯

孝德皇后殯宮月祭。遣官行禮。○雲貴總督吳文鎔奏。報到任日期。得旨。汝之有謀有猷。濟

之以張亮基能持能斷。則滇省之吏治民風。自可漸臻淳樸。朕將拭目待之。此旨與張亮基同看。○以內閣學士杜翻署工部左侍郎。○改鑄江西永新縣知縣印信。從巡撫陸應穀請也。○戊辰

上詣

壽康宮問

皇貴太妃安。○御乾清門聽政。○諭內閣呂恆安。徐宗幹奏。臺灣澎湖地方偶遇風災。委員

查勘籌款辦理一摺。據稱澎湖廳上年晚收歉薄。本年三月復猝被風霾。以致雜糧枯萎。民情倍形拮据。業經該鎮道會商。於道庫提銀二千兩。又撥銀三千兩。委員解往該廳。查明分別撫恤。仍著察看情形。或應加賑。或應緩徵錢糧。即行據實具奏。並詳明該督撫覈實辦理。以副朕軫念災區至意。○廣西巡撫鄒鳴鶴奏。報到任日期。得旨。勦撫兼施。不可偏廢。破除情面。感發天良。其盡心焉。○命大

學士賽尚阿。戶部尚書裕誠。為內大臣。順承郡王春山。吏部尚書柏葰。兼閱兵大臣。○翰林院侍講學士沈兆霖。為詹事府詹事。○己巳。改鑄直隸延慶州知州浙江溫安縣知縣印信。從總督訥爾經額。巡撫常大澂請也。○庚午。諭內閣鄒鳴鶴奏。請鄉試展期一摺。現在廣西軍務未竣。各屬士子。或因團練保衛。或因道路梗阻。未能如期應試。自應量加體恤。所有本年恩科廣西文闈鄉試。著展至

十月舉行武闈鄉試。著展至來年四月舉行。仍著該撫察看情形。於八月初奏到。毋致遲誤。廣西正考官編修劉崐。副考官給事中汪元方。無論行抵何處。著即馳驛回京。諭軍機大臣等。寄諭欽差大臣大學士。賽尚阿。據鄒鳴鶴奏。南太各郡賊氛未熄。現飭藩司分駐勦辦。並添兵防守省城一摺。廣西勦匪。以韋正洪秀泉等。大股為最急。而南太一帶。餘匪未淨。且地方寫遠。深恐鞭長莫及。轉致蔓延。

延該撫鄒鳴鶴。擬請飭派藩司勞崇光。分駐南甯太平。扼要處所。並咨商該大臣遴委勇幹將官帶兵會同馳往勦辦。諒已酌量調遣矣。現在續調各路官兵。均可到粵。如何分派合擊。前已有旨。諭令熟籌辦理。左江鎮德亮。勦賊是否得力。仍著隨時察看。據實具奏。其各股匪徒。除象州會匪外。現在尚有幾股。每股約計若干人。及賊首姓名。均著查明開單奏聞。該撫所稱林一昌顏品瑤等股。及養利

州左州龍州等處。均有游匪。忽聚忽散。務當嚴飭分股勦捕。迅速撲滅。勿任合成大股。其省城防守。各屬團練。及保護糧餉各事宜。據鄒鳴鶴次第籌辦。該大臣到粵後。擬駐何處。及如何通盤籌畫之處。諒有奏報在途矣。將此由四百里諭令知之。○又諭鄒鳴鶴奏。南太各郡賊氛未熄。請飭藩司分駐勦辦。並防守省城情形一摺。粵西勦匪。自以象州大股為最要。此外游匪如林。聚散靡定。亦應遴派

大員分兵督勦。俾不至愈聚愈多。據稱勞崇光前駐梧州。勦滅首匪鄧立奇等。著有成效。著即飭令該藩司移駐南甯太平一帶。會督該處在事文武。協力勦捕。毋令蔓延。其梧州一帶。仍應派員防勦。著該撫會商賽尚阿。妥籌布置。至省城防守。尤關緊要。經該紳士龍啟瑞朱琦等辦理團練。眾志成城。殊堪嘉尚。但恐兵力尚形單薄。著即於全州等營酌調兵丁。並添雇壯勇。協力防守。毋稍疏忽。另片

奏嚴正基深明團練之法。現在會同藩臬兩司及候補道周煦徵辦理糧臺。俟擬定章程。即飭嚴正基前往各郡督辦團練。籌畫頗合機宜。均著照所議辦理。將此由四百里諭令知之。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三十六

[illegible]

咸豐元年辛亥六月辛未諭內閣戶部奏遵

撥銀兩解赴湖北一摺。現在湖北辦理過境兵差需用較繁。所有部撥江海關稅及江西河南山東監銀共十五萬兩。著各該省迅即按數委員解赴湖北以資支放。至兩淮欠解湖北省已酉庚戌兩綱匣費銀兩。著兩江總督速飭運司按照奏定新章先行提解。並將節年未解匣費銀兩分別籌解。毋再延宕。○又諭慶祺朱嶧奏南糧幫船脫空日久請旨飭催一摺。本年糧艘渡黃較早而頭進各幫。

入直隸境。過天津關。均有脫空。其後各幫。尚無行抵何處消息。似此節節耽延。沿途各地。方官所司何事。著直隸總督。山東巡撫。迅派勤幹大員。督同各州縣。通籌合辦。不分畛域。凡河道淤淺處所。趕緊設法挑濬。並添設剝船。以利轉運。務期跟蹤飛輓。毋使一幫脫空。如地方員弁。有催趲不力。互相推諉者。即著指明嚴參。以肅漕政。○戶部議准陝甘總督琦善奏報。烏嚕木齊所屬蘆草溝等處。撥給

新增子弟地畝。扣限期滿。照例升科。從之。○以鑲白旗滿洲都統桂良。暫署吏部尚書。○豁免直隸通州等處五十三州縣民欠旗租。及應徵銀穀。○豁免浙江仁和等處五十一州縣衛所帶徵銀米。○壬申。

上詣

壽康宮。問

皇貴太妃安。○諭內閣。載銓等奏。請變通旗營官員處分條例一摺。據稱。步軍統領衙門所

屬旗營官員。前曾增擬公事錯誤處分專條九款。於通行則例。顯有窒礙。又旗營竊案。每年按季奏請議處。議敘章程。賞罰未能平允。無裨實效。所有前擬專條九款。並竊案章程。著照所請。均毋庸議。旗營各員。以緝捕為要務。惟在認真督察。懲勸公明。嗣後著仍遵守舊章。於各員公事勤惰。隨時酌量賞罰。分別辦理。俾疲玩積習。日就湔除。正不在多設科條。轉滋避就也。○又諭禮部。議覆護理浙江

巡撫汪本銓。題請敕賜祠額一摺。宋臣岳飛。精忠大節。炳耀古今。其杭州湯陰武昌等處。均有祠額表揚。惟嘉興金陀坊祠宇。尚無題額。著內閣擬呈祠額字樣。俟朕親定頒賜。以示褒崇。而光祀典。尋奏上。賜額曰顯忠。○江西巡撫陸應穀。奏報行軍利器。槍礮為先。舊存擡槍一百二十桿。槍身較短。不能及遠。擬再行增製八十桿。並舊存一律修治。以期有備無患。得旨。致遠命中。不計槍身之短長。輕

重也。務須專委妥員。庶期兵得實用。費不虛糜。○京口副都統琦忠奏。報回任日期。得旨。回任奏報。何得率用漢字摺。太不曉事。著傳旨申飭。亦不准再行請議。○癸酉。諭內閣。前據御史張燁奏。直隸已革巡檢羅世瑤。呈控徵稅弊混。案延不結。恐有挾制迴護等語。當降旨。交訥爾經額明白回奏。茲據該督覆奏。羅世瑤所控徵稅弊混各員。並誣告等情。現已審明定擬。其稟訴省城官員。於國服百日。

內出入俱用紅緋。及銓節筵宴觀劇。並令民間懸燈結綵各款。經該督親提詰訊。該革員或自認誤稟。或稱係傳聞。查無實據。著毋庸議。惟該革員於上年四月。向保定府知府吉珩。列款稟訴。該府並不照例通稟。又刊刻諭旨。謄黃內。謄字甚多。查係臬司恆福署理藩司任內之事。均屬咎無可辭。吉珩恆福著交部分別議處。該督訥爾經額。未能先事覺察。著一併交部議處。○又諭。常大瀄奏。遵議保

甲章程開單呈覽一摺。浙江山海交錯。舟居陸處。遷徙靡常。編查保甲。誠為要務。據奏現從省城分段。守望已臻嚴密。村落因地制宜。一律互相策應。戶口實填。更換隨時抽查。以及牙行寺觀船戶等處。悉行編列。更為選舉保長。務用端人。禁絕賭倡。勿滋盜藪。各條所議。尚為周妥。惟發令之初。易於見效。若不持之以實力。久且視為具文。全在該大吏認真督率。尤須申戒屬員。示以勸懲。並嚴查胥役。毋

得藉此擾及閭閻。使民間共知保甲之設。所以衛民。樂於從事。則法可久而不廢。自不致陽奉陰違。始勤終怠也。○貸直隸任邱。雄三縣修理隄橋銀。○甲戌。諭內閣。徐廣縉。葉名琛奏。勦辦廣甯匪徒。三獲勝仗。生擒賊首一摺。廣西賀縣股匪。竄回東境。由四會至廣甯高要等縣界。經該督等。飭令文武員弁。勦捕四月二十九日。追至大播墟。候補縣丞劉鎮。潮州府司獄年考祥。率潮勇攻破賊壘。槍斃

多名。該匪分股突出。黃岡協守備鍾慶瑞會同廣甯縣知縣程兆桂。署督標守備薩國亮。三面合擊。斃賊甚多。賊遂分竄。開建之雲塘。封川之長塘。署督標水師營千總盧威。揚肇慶協把總何振標。江口汛把總李得祿。於五月初九日。由漁潯直搗賊巢。轟斃七十餘賊。鍾慶瑞。薩國亮。劉鎮年。考祥。分帶兵勇。於十三日進剿。轟斃一百三十六名。生擒二十四名。奪獲銅鐵礮三十二位。及大旗槍矛多件。餘匪潰散。其逆首溫大貨五一名。復經前任肇慶府知府蔡振武。懸賞購緝。督同各員。於十四日在廣甯之梅子尖。拏獲。解省審辦。此時肇慶一帶。漸就廓清。夥匪曾亞。溫等。勢已窮蹙。不難悉數殄滅。著該督等。督飭文武。盡力搜捕。勿任竄逸。所有出力員弁。著查明確實。分別保奏。○諭軍機大臣等。據徐廣縉等奏。勦辦廣甯匪徒。連獲勝仗。並追勦東省各股零匪。及覆查廣西大股會匪情形。又奏

參升任總兵託故遷延。各一摺。已分別明降諭旨。將趙如勝以都司降補。交賽尚阿差委。並諭令徐廣縉等。督飭文武。嚴密堵剿矣。該大臣已抵軍營。所有該處賊股。地勢情形。自必全局在胸。妥為布置。象州大股逆匪。固應厚集兵力。合併圍剿。其南甯太平一帶各股零匪。紛如蝟集。勢甚猖獗。亦應多派弁兵。併力掃除。前據鄒鳴鶴奏。請飭藩司勞崇光。分駐該處。並咨商該大臣。遴委將官。會同勦辦。諒已酌量調遣。降補都司趙如勝。前在廣東勦捕。尚屬得力。現交該大臣差委。著即酌量調撥。或飭赴南甯太平一帶。與高廉接壤扼要處所。隨同勦賊。察其能否感奮。據實具奏。賊首劉八。及凌十八兩股。並何名科一股。雖經廣東文武。疊次擒剿。而渠魁總未就獲。餘黨仍復分竄。若不急合東西兩省兵力。四面兜捕。滋蔓伊于胡底。著該大臣隨時知照。徐廣縉等。嚴飭高廉一帶文武。不分畛域。與廣

西派出之文武員弁。兩路夾擊。以期及早撲滅。淨絕根株。其賊首溫大貨五一名。已據廣東拏獲。解省審辦。惟夥匪曾亞渴等。黨與尚多。已諭令徐廣縉等。嚴密擒捕。西省文武。亦應一體堵緝。勿令竄逸。是為至要。將此由四百里諭令知之。○又諭。據徐廣縉馳奏。勦辦廣甯匪徒。生擒要匪。連獲勝仗。各情。逆匪溫大貨五。業經擒獲。其夥匪曾亞渴。尚有數百之眾。難保不因首匪就擒。鋌而走險。至劉公

凌十八。及何名科。各股賊犯。雖據疊次追拏。而逆首尚未擒獲。勦辦不容鬆懈。現在周天爵。已飭令來京。賽尚阿等。業已馳抵軍營。事權歸一。該督兼轄兩省。尤當不分畛域。合力兜拏。庶可速圖蒞事。以副朕望。至所奏蔡振武。拏獲逆匪溫大貨五一名。著即查明。據實保奏。將此由四百里諭令知之。○四川川北鎮總兵官趙如勝。緣事降調。以督標中軍副將劉長清。為川北鎮總兵官。○予廣東陣亡

署千總盧咸揚。祭葬世職。○乙亥。

上詣

壽康宮問

皇貴太妃安。○諭內閣。本日據賽尚阿奏。六月初四日。馳抵桂林。巴清德達洪阿。亦先後馳到。現在相機勦辦。並繪呈廣西全省地圖。單開賊首名數。所陳剿汰兵勇。申明紀律。多購閒諜。解散賊黨。嚴斷接濟。實行圍練。使賊無可掠之食。無可竄之路。籌畫均合機宜。該大

臣等。經朕特簡。畀以重任。到粵之始。即能通籌全局。條理秩然。深慰朕念。著發去黃馬褂二件。大荷包一對。小荷包一對。火鑲一箇。賞給賽尚阿。祇領。黃馬褂二件。分賞巴清德達洪阿。祇領。粵西地近瘴鄉。時當炎暑。現值用兵之際。朕念軍士勤勞。馳驅用命。曠懷南服。宵旰難忘。惟望迅掃賊氛。俾吾民咸登衽席。不特該大臣等。渥膺懋賞。即文武員弁。紳士壯勇。亦得共荷恩施。用酬勞勩。朕實有厚望。

馬○諭軍機大臣等。據賽尚阿馳奏。到粵籌
剿賊匪。布置一切事宜。並提鎮進剿逆匪。三
獲勝仗。及遵查李伏。密訪湖南會匪寬籌軍
餉各摺片。並開列股匪清單。繪呈全省地圖。
披覽均悉。廣西羣盜如毛。自用兵以來。雖屢
獲勝仗。時有斬擒。總未大加懲創。該大臣現
抵軍營。節制各將。事權歸一。所陳廣西匪股
地勢情形。瞭如指掌。據稱先行甄汰怯懦之
兵。烏合之勇。而後嚴定賞罰。痛勦力攻。使賊
匪無可掠之鹽糧。無可竄之隘路。並堅堵賊
巢。解散黨與。實行團練。布置均合機宜。象州
大股逆匪。距省不遠。固當嚴防北竄。但既聞
有欲竄回東鄉之說。更當嚴飭文武。四面堵
截。斷不可再令竄回舊巢。復致滋蔓。此次連
獲勝仗。楚兵似尚可用。著該大臣體察情形。
其尚堪驅策者。留在軍營。其餘或令回守省
城。或撤回湖南防堵。酌量辦理。前任道員林
士傳。既經查明貽誤屬實。著即革職。與已革

職知縣甯域。均著留於軍營差遣。仍查明能
否得力。據實具奏。該大臣暫駐省城。控制全
局。糧臺諸務。鄒鳴鶴已籌辦周妥。巴清德達
洪阿。烏蘭泰。向榮等。皆能奮勇圖功。堪資分
任。應如何分剿合擊。度地相機。以操勝算。想
該大臣必能契合朕意。埽蕩賊氛。迅奏膚功。
也將此由五百里諭知賽尚阿。並諭令巴清
德。達洪阿。烏蘭泰。鄒鳴鶴。向榮知之。○又諭。
據賽尚阿馳奏。密訪湖南會匪情形等語。現
在廣西賊氛未靖。湖南境地毗連。若會匪潛
相勾引。所關非細。著程喬采。即行馳赴湖南。
督同文武大員。於要隘處所。加意防堵。仍不
動聲色。訪查該省會匪實在情形。妥為防備。
總期弭患未然。斷不可稍涉張皇。致滋事端。
至賽尚阿。歷陳湖南吏治之廢弛。民情之浮
動。自係確有聞見。該督兼轄兩省。本有應行
查辦之責。著即按照所奏各情。亟圖整頓。其
應如何察吏安民。激勵化導之處。諒該督必

能酌量情形隨時奏聞辦理也。原片著鈔給閱看。將此由五百里諭令知之。○又諭。賽尚阿奏請寬籌軍餉。以備撥用一摺。前經特發內帑銀一百萬兩。又經戶部籌撥銀一百萬兩。嗣據江南奏撥鹽庫銀六十萬兩。昨復據廣東奏撥粵海關稅銀二十萬兩。均解赴廣西軍營應用。計已可敷支發。惟糧餉至要。必當寬為儲備。以免臨事周章。著徐廣縉。葉名琛。仍於關稅項下。按季扣存。連前次已經撥

解之二十萬兩。統籌備銀一百萬兩。聽候賽尚阿咨撥委解。毋稍遲誤。再前有旨。令該督撫等察看兩粵交界。何處情形最為緊要。如須葉名琛親往駐劄督辦。即一面奏聞。一面啟程可也。將此由五百里諭令知之。○以翰林院編修貢璜。為陝甘鄉試正考官。檢討顏培瑚。為副考官。吏部左侍郎瑞常。為江南鄉試正考官。翰林院侍讀金國均。為副考官。○以攻勦廣西象州會匪獲勝。免總兵官李伏。

革職處分。仍下部議敘。予陣亡把總熊士貴。祭葬世職。○予廣西陣亡千總龍應春。何龍章。管璣。鍾懷玉。把總丁紹奇。鄧遇春。陳坤祥。朱釗。蔡雲階。顏先春。外委蕭鳳臺。余步廷。祭葬世職。○丙子。諭內閣。奕山。布彥泰。奏山水暴發。農田渠道。間被衝淹一摺。伊犁城東。有東西大渠一道。灌溉農田。本年四月間。因大雨並積雪消化。山水暴發。致將大渠衝缺。田畝亦有淹浸。業經該將軍等。派員前往查勘。

撫恤。並將渠道修復。被衝橋梁。亦經派員修整。其被災田畝。仍著於秋後查明。妥為辦理。○諭軍機大臣等。據奕山。布彥泰。奏查明佐領富珠爾泰。並未向俄羅斯屬其代尋馬匹。亦無收馬給與回頭之事。其已桑失馬一案。亦與該國來文數目不符。並將近年收哈薩克馬租等情。詳細陳明。現在俄羅斯遣使已抵伊犁。會議通商。此事最關緊要。該將軍等。給與該夷信稿。甚屬妥協。仍著遵照節次諭

旨熟籌妥議。總期經久無弊。毋致貽患將來。至該夷飾辭代尋馬駝情節。既經查明。仍須慎密。勿令該夷心生猜疑。是為至要。將此諭令知之。○丁丑。諭內閣。據理藩院奏。達賴喇嘛遣巴雅爾堪布到京。可否令候班禪額爾德尼。差來之巴雅爾堪布。同謁。

慕陵並謁

昌陵行禮之處。請旨一摺。達賴喇嘛等。因孝和睿皇后

宣宗成皇帝大事。遣使呈獻供品。著准其等候班禪額爾德尼。差來之堪布。會同恭謁。

昌陵

慕陵行禮。該來使等齋來供品。屆期仍著原護送來京之同知全佑等。妥為護送。○又諭潘鐸奏。參勘報發掘已故大員墳冢情節。合混之知縣一摺。河南新野縣知縣龐家淦。詳報賊匪發掘原任四川提督齊慎墳墓。竊出贓物情形。與事主齊重義呈報不符。已屬含混。

且僅獲從犯李小一名。又未能訊出首夥各犯蹤跡。迅速查拏。緝捕實屬廢弛。龐家淦著先行摘去頂帶。勒限三箇月。嚴拏賊務。獲究辦。僅限滿無獲。或查有諱飾輕縱情弊。即行據實嚴參。○諭軍機大臣等。有人奏。河南擒匪猖獗。請嚴飭籌勦一摺。據稱。南陽府屬捻首喬建德。匪黨二千餘人。盤踞泌陽縣之角子山。攔路搶劫。擄人勒贖。本年四月間。一日搶掠十數家。殺斃事主七人。南召縣擒首李大。李二。率匪千餘。將山內陳姓。搶劫一空。並有姦淫斃命重情。經事主控縣。該縣知縣畏葸不辦。鄰境裕州知州姚慶溥。率領兵壯往捕。該匪膽敢抗拒。施放槍礮。又唐縣擒匪千餘。肆行焚搶。幾至圍城。此外鄧州。桐柏。新野等處。均有匪黨賊巢甚多等語。該撫潘鐸。身膺疆寄。於匪徒肆擾州縣。因循諱飾。何以毫無覺察。該撫前參葉法誤拏捻首。何以事隔一年之久。始將該管文武分別奏參。而擒

首迄未就獲。又未將該匪徒橫肆情形。及現在籌畫事宜。詳細陳明。豈於民生疾苦。竟置不問耶。著潘鐸明白回奏。南陽毗連湖北。為楚豫閭戶。若不設法偵緝。勢必滋蔓難圖。著該撫。即飭南陽鎮總兵圖塔布。南汝光道鄭敦謹。督同文武。上緊拏捕。務令悉數弋獲。毋使一名漏網。南陽一府如此。他郡亦恐不免。並著嚴飭各地方官。不分畛域。實力查拏。其畏葸諱飾。如南召縣知縣者。此等劣員。即行

查明從嚴參辦。儻仍疲玩。致匪徒肆行句結。釀成事端。朕惟知執法從事。恐潘鐸不能當此重咎也。又另片奏。南陽府屬鄧州掘墓各案。開單呈覽。該撫本日奏到。已故提督齊慎墳冢。被賊發掘一案。即係南陽所屬新野地方。可見單內所稱。並非無據。何以鄧州東鄉十餘里內。掘墓各案。如此之多。並未具奏。豈因案關已故大員。始行奏參。其餘各案。僅以咨結了事。抑任令該地方官遷延諱飾。匿不

詳報。著按照單內所開各案。詳細查明。一併據實具奏。原摺片並單。均著鈔給閱看。將此諭令知之。○又諭。寄諭兩江總督陸建瀛。湖廣總督程番采等。有人奏。河南捻匪肆橫。南陽府屬為尤甚。匪徒結黨數十人。或數百人。不等。賊巢甚多。不外內鄉縣浙川廳各山內。及鄧州之林家壩。孟家樓。魏家集。溝龍關。李官橋等處。並湖北均州房縣諸山中。及光化縣之潦河口。襄陽縣之樊城鎮。皆為遁逃淵

藪等語。河南捻匪橫行。總由地方文武。不能實力查拏所致。南陽一府如此。他郡亦必不免。若不及早撲滅。必致滋蔓難圖。所有湖北。安徽。江蘇等省。均與河南毗連。著各該督撫。一體飭屬。於交界處所。不分畛域。合力堵緝。毋任此孽彼竄。其湖北省均州等處。現有賊巢。更當嚴密搜查。認真懲辦。以期殄絕根株。勿貽後患。儻辦理不能妥速。或致釀成事端。惟該督撫是問。將此各諭令知之。○又諭。據

德興等奏遵議裁撤察漢城駐防蒙古兵丁。及蒙古郡王恭木楚克集克默特懇請暫居永安城外住牧。未便率行議准。一摺。該郡王等暫居永安城外。業已二年有餘。前據薩迎阿奏。擬准再住一二年。由青海大臣察看。如生計充裕。即飭令回牧。原係從權辦理。惟是一二年後。償該郡王等。生計仍然拮据。未能撤回原牧。又將如何辦理。其駐防兵丁全數裁撤。則蒙古與漢兵聲氣不能相通。守望難以相助。儻被野番滋擾。該蒙古益覺進退維谷。亦恐未為盡善。著薩迎阿會同哈勒吉那通盤籌畫。將如何防禦野番。安插蒙古之處。再行詳細妥議具奏。勿貽後患。所有德興會同理藩院議奏原摺。著鈔給閱看。將此諭令知之。○又諭。寄諭閩浙總督季芝昌等。據裕泰奏。遵查福建淡水同知史密被參各情。已將該員開缺。撤回省城察看矣。據稱該員性近剛愎。遇事喜功。於海外各缺。人地不宜等。

語著該督等於到任後。隨時留心察看。並密查該員有無別項劣蹟。據實具奏。將此諭令知之。○以正白旗滿洲副都統德興署吏部左侍郎。○以兵部左侍郎恩華署京營左翼總兵。鑲藍旗漢軍副都統哲爾經額署正白旗護軍統領。○戊寅。
上詣
壽康宮問
皇貴太妃安。○遣官祭
火神廟。○己卯。諭內閣。明訓等奏。遵查永陵樹株被伐情形。請將管山防禦等解任。吏員革去頂帶。嚴訊一摺。
永陵管山防禦花什布。慶謙。稽查樹株。是其專責。現在查明偷砍甚多。是否知情。故縱。必應徹底根究。花什布。慶謙。均著先行解任。交明訓等。提同案內人證。嚴行審訊。吏員郭茂林。有無藉端挾制。訛索等情。著即革去頂帶。一併質訊。又另片奏。現在樹密草深。未能徧查。

請俟霜降後樹植顯露。由奕興再往敬謹履勘等語。著照所擬辦理。其奕興自請議處之處。著俟定案後再降諭旨。○諭軍機大臣等。前因河南南陽府捻匪橫行。當經降旨令陸建瀛等。於交界處所。合力堵拏矣。茲據王植奏。壽州匪犯程六麻孜等。結捻橫行。訛搶鄉民。經地方官督率勇役查拏。膽敢拒捕脫逃。復據懷遠縣詳報。程六麻孜糾眾搶劫。燒毀張學清等家房屋。並合肥縣匪犯高四八孜。

亦有搶劫傷人之案等語。現在壽春鎮兵分調廣西。該匪等乘隙滋擾。若不及早肅除。必至養癰貽患。著陸建瀛。蔣文慶體察情形。及早籌辦。勿令漏網。儘所委文武各員。查辦不力。即著指名嚴參。毋稍姑息。再前據賽尚阿奏。調派安徽兵一千名。前赴廣西。沿途不甚安靜。且聞兵亦輟弱。可見平日訓練紀律。並不認真。著該督撫等嚴飭鎮將。實力整頓。新任壽春鎮總兵德勝。其性情才力。是否堪膺。

重鎮。並著陸建瀛。蔣文慶隨時察看。據實具奏。將此各諭令知之。○安徽巡撫蔣文慶奏。謝恩請覲。並查拏捻匪程六麻孜得旨。認真查拏。毋稍諱飾。不必來京請訓。○豁免福建廈門。龍溪。南靖。古田。永福。邵武。連城。福安。龍巖。九廳州縣民欠銀穀。○豁免直隸滄靜海。青南皮。鹽山。慶雲。天津。寶坻。八州縣及豐財。蘆臺。嚴鎮。三場。竈丁積欠額課。○庚辰。

上詣

壽康宮問

皇貴太妃安。○諭軍機大臣等。步軍統領衙門奏。江西南豐縣耆民聯名控案。已明降諭旨。交王植馳驛前往審辦矣。此案南豐縣耆民謝恆周等聯名五十餘人。遣抱告呈控紳棍鄒希孟等。已漕需索。糾眾倡官。並生員魯宗顯等。繳還衣頂。意圖挾制。前曾赴都察院控訴。咨回本省。將抱告夏富希押縣一年有餘。不為究辦。及巡撫臬司偏袒各款。案關糾眾。

包漕牽涉大吏。虛實亟應徹底根究。是否該知縣辦理不善。撫臬大吏有無袒護實據。紳棍如何侵漁。控詞有無捏飾。著王植秉公查辦。悉心研究。以期水落石出。毋稍含混。原摺呈均著鈔給閱看。將此諭令知之。○兩江總督陸建瀛等奏。遵覆民人馬咸齡請復混江龍及石壘等法。窒礙難行。應無庸議。報可。○以戶部左侍郎舒興阿。署教習庶吉士。○辛巳。諭內閣。琦善奏番賊復出搶掠一摺。另片奏。永昌縣追捕賊匪情形等語。據稱西甯鎮總兵薩炳阿稟報。哈拉庫圖爾有番賊一百餘人。騎馬持械。盤踞下破口地方。當經該鎮挑派弁兵。馳往堵捕。又南川王溝爾等莊有番賊搶掠牲畜。該鎮等派令署守備汪永楨等追捕。斃賊十餘名。復經該鎮帶兵督捕。餘賊始行逃竄。署守備趙國棟被傷陣亡。兵丁亦有傷亡。其撒口水溝地方。搶掠牲畜賊匪。經永昌縣知縣郭雲青會營追捕。殺斃騎馬

賊三名。奪回被搶羸馬並奪獲賊馬三匹。及烏槍刀矛帳房鉛彈多件。兵勇均未受傷。該處番賊甫經勦辦。又復四出搶掠。甚至拒捕傷及官兵。實屬目無法紀。著薩迎阿嚴飭鎮將跟蹤勦捕。不得以賊匪遠颺稍疏防範。如有託故遷延不肯實力查拏者。即著嚴參懲辦。署守備趙國棟交部照例賜卹。○又諭前據兵部奏。甘肅把總趙勝經總兵派委探賊被戕。該督未將總兵以下各官查參等情。當降旨。交琦善確查覆奏。茲據查明該弁趙勝驪探賊蹤。實因輕率追捕。以致遇賊被戕。該鎮薩炳阿於派委查探之時。既未詳慎指示。及該弁兵被戕之後。又不立即躡捕。署永安營遊擊朱成貴。署察漢俄博營都司張順。於界連地方潛匿賊匪。漫無覺察。迨經失事。並不趕往截緝。均難辭咎。薩炳阿朱成貴張順著一併交部分別議處。其被戕官兵。著該部照例覈辦。○諭軍機大臣等。據琦善奏撒拉

回子復聚眾於卡爾岡莊。前往昂思多黑城子拉曲山等處。稱欲修蓋供拜。搬取黑城工所軌瓦。拆燒工用物件。打毀木架禁條等語。上年琦善帶兵勦捕時。各莊撤回恭順投誠。交出賊匪。何以故智復萌。於原爭修建地方。輒敢攘取工物。妄圖修蓋。殊屬反覆無常。著薩迎阿。迅飭該鎮將。將該撤回頭人。設法查拏懲辦。一面將各莊良回。妥為開導。毋令藉端滋擾。原片鈔給閱看。將此諭令知之。○壬

實錄卷三十五

五十五

午。諭內閣。安徽鳳陽府為衝繁疲難最要之缺。且時有緝捕重案。新任知府牛鎮。前於召見時。察其才具。恐尚未能勝任。著撤回安徽省城。交蔣文慶留心察看。遇有相當知府缺出。酌量奏補。○又諭。陸建瀛。楊文定奏。遵旨查訊職官販賣煙土。請革職審辦一摺。江蘇候補通判袁雲。既供曾經吸食鴉片。其販賣煙土重情。訊未承招。難保非飾詞避就。著即革職。交該督撫提同案內應訊人證。嚴切根

究務得確情。按律定擬具奏。尋奏。審明吸食鴉片。並販賣煙土屬實。請發往軍臺效力贖罪。下部議。從之。○又諭。陸建瀛。楊以增奏。驗收西隄工程。請將承修不力之工員。革職賠修一摺。江南江揚兩廳西隄工程。據該督等先後親往勘驗。江運廳境各工。間有碎石單薄。土工亦不堅實之處。所有承辦各工之候補州同龔之格。李慶堯。候補縣丞裴輔。王其瀚。候補州判倪輓。候補通判胡志章。宿遷北

實錄卷三十六

五十六

岸主簿倪楣。高埕經制效用荀繼順。候補知縣胡克文。郭世昌。候補縣丞邢寶第。林渭。候補未入流夏渭。俞元相。候補協防萬立鈺。著一併革職。責令趕緊賠修。工竣覈實驗收。償再有革率偷減等弊。即著嚴參懲辦。此項工程。前經奏明攤徵歸款。著免其造冊報銷。○又諭。楊殿邦奏。請將押運幫弁。分別革職摘去頂帶一摺。江蘇鎮江後幫領運千總張謙六。於漕船水手滋事重案。事前既不能嚴行

約束事後又不能趕緊緝拏。任聽逸犯遠颺。實屬庸懦不職。張謙六著即革職。仍責令押運北上。俟抵通交卸。糧米無虧。再令離任。隨幫空運千總楊光藻未能協同約束。亦屬玩忽。著即摘去頂帶。其未獲各犯。仍著嚴緝務獲。歸案審辦。○兩江總督陸建瀛等奏報節年辦理洋務情形。得旨。從實辦理。不可徒作空談。○以修築江南運河西隄出力。予候補通判黃程直等升敘有差。○癸未諭內閣。慶

實錄卷三十六

十六

祺。朱嶧奏。漕糧到橋。潮涇發塊。又抽查漕糧。御史富興阿。范承典奏。查出南糧涇米過多。各一摺。並據該御史。將米樣包封呈覽。近來經紀人等。起運漕糧。往往攪和水土。任意舞弊。節經降旨嚴查懲辦。乃積習相沿。牢不可破。實堪痛恨。茲據奏稱揚州二幫糧米到橋。先經坐糧廳呈驗米樣。均屬乾潔。何以到橋之米。潮涇發塊者。竟有三十餘載之多。顯係該經紀等。於驗卸之後。攪和舞弊。現在南糧

接續抵通。若不嚴行查辦。京倉正供。竟耗於積蠹之手。尚復成何政體。所有承起揚州二幫之經紀。著交刑部嚴訊究辦。毋稍寬縱。至石壩州判吳元忭。於上載時。並不實力稽查。難保無知情故縱情事。著聽候刑部傳質。其坐糧廳查驗是否認真。有無蒙混之處。並著倉場侍郎查明具奏。○甲申。

上詣

壽康宮問

實錄卷三十六

十六

皇貴太妃安。○諭內閣。楊殿邦奏。請將押運通判。交部議處等語。江蘇鎮江後幫押運鎮江府糧捕通判李鴻。有約束水手之責。乃事前毫無禁約。致令聚眾滋事。咎實難辭。李鴻著交部議處。○諭軍機大臣等。載銓等奏。拏獲販運小錢人犯馬得河。即馬太。訊據供稱。係河間府阜城縣人。本年四月間。至京北沙河。見該處使用小錢。隨向素識之東光縣人侯太。買得小錢。欲運至沙河售賣。並供侯太在

東光縣小陳莊居住。每逢三八日。在大陳莊
 信賣小錢等情。販運小錢。久干例禁。今該民
 人馬得河即馬大。膽敢向侯大買得小錢圖
 售。實屬藐法。現將馬得河即馬大。交部審辦。
 其侯大一犯。著訥爾經額。迅委妥員。拏獲解
 部。東光縣大小陳莊等處。如有私局鑄賣小
 錢。即行查拏嚴究。至沙河地方。使用小錢。究
 由何處販運前來。著卓秉恬。王慶雲。派員確
 訪嚴拏。償查有私鑄販賣等弊。立即從嚴懲
 辦。毋稍寬縱。原摺著鈔給閱看。將此各諭令
 知之。○漕運總督楊殿邦。奏糧船水手。强悍
 性成。動輒逞兇滋事。現在全漕尾幫過竣。自
 淮抵通。道路綿長。飭糧道幫弁等。隨時嚴查
 究辦。得旨。事後徒託空言。夫復奚益。辦理尚
 不為無見也。○改鑄直隸隆平縣知縣印信。
 從總督訥爾經額請也。

實錄卷三六

三六

大清文宗協天翊運執中垂謨懋德振武聖孝
 淵恭端仁寬敏顯皇帝實錄卷之三十六

實錄卷三六

三九

竊罪人第誣拏逞光情殊可惡而該犯越獄脫逃又在恩詔以前若仍予絞決顯與定章不符若照例科以絞候實不足蔽辜應如何酌覈加重之處著刑部議奏尋奏擬絞監候從重入於秋審情實辦理從之○鑄給廣西平南縣秦川鄉巡檢印信從署巡撫勞崇光請也○予甘肅陣亡把總趙勝祭葬世職○丙戌諭內閣載銓等奏參玩視公事各員請分別懲處一摺京城八旗地面堆撥更房分

派兵丁輪班巡緝理宜倍加嚴密茲據奏稱查出鑲黃旗三固山空誤兵丁竟有九十餘名之多實屬玩視公事所有鑲黃旗滿洲領班步軍校椿齡阿克敦保達郎阿懷他那富連該班步軍校誠瑞郭仁郭仲保雙喜蒙古領班步軍校福成懷塔布該班步軍校莫爾根漢軍領班步軍校蔡永盛衡建忠該班步軍校三音保均著交部嚴加議處該管之鑲黃旗滿洲署協尉永恰哈蒙古協尉法保漢

軍協尉得福均著交部議處兼轄之左翼翼尉海福副翼尉德祥委翼尉富寬一併交部察議以示懲儆○又諭前據徐廣縉葉名琛許乃釗奏南海縣西湖書院暨東莞縣士子因公項命案之嫌聲言罷考已降旨暫停考試茲據該督等奏稱倡議罷考之人多係刁徒藉端生事其安分生監不在其列等語現在鄉闈伊邇多士有志觀光未便因一二刁健之徒致阻良善進身之路著照所請所有

西湖書院及東莞一縣生監等俱著准其一體鄉試其倡議罷考之人仍著嚴拏究辦以示勸懲○又諭前據徐廣縉奏稱已革右江鎮總兵惠慶功多過少當經降旨交賽尚阿確查茲據查明惠慶曾經打仗有功無過留心營務行軍頗有紀律賊入西林縣城時正當該鎮在上林墟勦匪地距數百里鞭長莫及並非託名防堵延不赴援惠慶著加恩賞給二品頂帶以總兵候補留於軍營交賽尚

阿差遣委用以觀後效。又諭現在徐廣縉前赴高廉一帶督辦軍務。所有廣東勦捕事宜。即著徐廣縉專辦。至廣西省亦係該督兼轄之區。其有交涉事件。著與賽尚阿互相知會。毋致兩歧。諭軍機大臣等。賽尚阿奏象州逆匪竄越東鄉新墟連日追勦堵禦情形。並北流壯練殲擒多賊各摺。片清單披覽。均悉。該匪乘大軍尚未到齊。即由象州回竄東鄉。自係畏懼聲威。負隅走險。第恐其南合凌

十八等股匪。則黨與更眾。勦辦尤為棘手。該大臣密札桂平。平南貴縣一帶。嚴防江口。並令候補知府劉繼祖帶領水勇防其偷渡。分遣巴清德達洪阿各帶官軍。兩路會赴潯州策應。諒烏蘭泰向榮等有此聲援。即可設法誘其出巢。併力攻勦。務須前截後追。勿令勾結蔓延。現在新調官兵。計可全數抵粵。該大臣擬用全力攻勦。會匪大股藉生力之兵。可期得手。以次分勦各路。並激勵團練。冀收實

效。甚合機宜。應如何調遣防勦之處。朕亦不為遙制。此次賊匪竄回舊巢。究係分作幾股。仍須防其聳東擊西。誘我南向。乘虛北撲。致我兵又成尾追之勢。所查各文武稟報股匪九處。即著分飭在事員弁。度地相機。併力兜捕。早清一股。賊匪即早安一路。生靈想該大臣與朕同心。不須諄諭也。惠慶已明降諭旨。以總兵候補其德亮是否堪資任使。仍著隨時察看據實具奏。本日又據徐廣縉等奏。高

廉一帶賊匪竄擾。該督已於六月二十六日。馳赴該處勦辦。已諭令該督專辦。東省堵勦事宜。仍隨時咨報。該大臣並嚴防西省逸匪竄入。以冀勦力同心。肅清邊圉。將此由五百里諭知賽尚阿。並諭巴清德達洪阿烏蘭泰。向榮知之。又諭徐廣縉葉名琛奏遵查高廉賊匪情形。及曾大生股匪一摺。信宜縣賊首凌十八奔竄兩省。肆行滋擾。急應嚴拏懲辦。毋任遠颺。署茂名縣知縣胡宗政前聽紳

者之言。將凌十八之弟凌廿四保釋。現經該督等將胡宗政撤任訪查。務期徹底根究。毋任蒙混。其踞住安鶯之股匪何名科。屢經兩省夾攻。剿除黨與。並將其母女妻子生擒解省。惟何名科現在逃往何處。仍著嚴飭緝拿。務獲。現在徐廣縉前赴高廉一帶督辦軍務。葉名琛留省辦理文武鄉試。所見甚是。葉名琛於鄉試事竣後。仍著駐省就近調度。將此由四百里諭令知之。○欽差大臣大學士賽

尚阿奏報粵匪情形。並請寬期勦辦。得旨。鄉之調度。甚合機宜。殊堪嘉尚。朕心已深慰矣。俟新兵到齊。從容妥辦。汝之性情稍急。身體須加意保重。至應何處添調。何處防剿。朕亦不為遙制。卿之忠悃。朕鑒之。亦天下所共知者。○以追剿廣西東鄉新墟賊匪獲勝。賞還提督向榮花翎。主簿陳登仕藍翎。餘升擢有差。予陣亡把總程步津。任萬年外委吳義鴻。祭葬世職。○丁亥。

上詣

壽康宮問

皇貴太妃安。○諭內閣。端華等奏。奏事處領班御前侍衛聯順。行走常有遲誤等語。聯順不以公事為重。行走常有遲誤。甚屬非是。著革去奏事處領班交部議處。○又諭。鄒鳴鶴奏。遵查廣西省道光三十年實欠在民錢糧。懇請豁免等語。廣西省被賊擾累。節經降旨加恩。期與吾民休息。何忍更事追呼。所有道

光三十年民欠地丁錢糧。著該撫查明確數。開單具奏。准其豁免。其前請緩徵案內。聲明照常徵收之三十年應徵本折米石官穀。並著查明。如有輸將拮据之處。據實具奏。准其一體豁免。以紓民力。該撫即刊刻謄黃。先行曉諭。俾邊圍窮黎。豫知朝廷德意。用慰朕念。○戊子。諭內閣。裕泰奏。福建省現辦保甲章程。參酌變通。開單呈覽一摺。保甲為弭盜良法。閩省山海交錯。民貧地瘠。盜賊滋多。現在

漳泉會匪甫經懲治尤宜力行保甲以消奸宄而安善良惟立法尤貴得人若地方官不能實力辦理該管上司又不能實力稽查必致良法徒託空言且易起胥吏擾累等弊著李芝昌王懿德於到任後按照原擬章程督飭所屬認真妥辦務期漸收實效不至仍前廢弛儻或始勤終怠日久視為具文即著指名嚴叅懲辦○又諭吳文鎔喬用遷奏叅緝捕不力之文武員弁一摺貴州思州府屬蔴音塘地方賊匪膽敢糾集多人白晝強劫輪姦放火拒捕傷人不法已極該前署思州府告病知府朱逢莘並不加意防範現署思州府知府楊書魁交卸八寨同知印務遲延月餘始行抵任以致釀成巨案均屬玩誤朱逢莘楊書魁並分防思州汛右哨千總張鶴皋著一併革職留於地方協緝兼轄之代辦玉屏汛守備事左哨千總羅亨祿著先行摘去頂帶均勒限一箇月將在逃各犯全數弋獲

歸案訊究儻逾限不獲即著從嚴叅辦○廣西巡撫鄒鳴鶴奏報各屬情形並議實行團練得旨團練之法務收實效盡心勉力為之又奏請將調任臬司吳鼎昌留署藩司俟軍務漸竣飭赴本任允之○以光祿寺卿富呢雅杭阿署順天府府尹王慶雲監臨順天鄉試○緩徵奉天新民廳歉收地畝額賦○己丑諭內閣英山毓書布彥泰奏遵議滿洲營添考烏槍酌擬考驗章程並綠營一律辦理一摺據稱伊犁烏魯木齊兩處滿洲營兵丁向係兼習烏槍著即責成該將軍都統等照舊教演毋令日久生懈其考驗官缺一節前據兵部會同八旗都統覈議具奏業經降旨各駐防旗員來京考驗加看烏槍之處毋庸置議該將軍所請協領等員由部考驗烏槍未能合式即令暫回升任停其升轉保舉勒限勤習未免事涉紛繁著仍遵前旨務循舊制不必另議更張至伊犁所屬之錫伯索倫

察哈爾額魯特。四愛曼。或專習騎射。或向習
杈子槍。若令改其素習。轉非用其所長。所見
甚是。亦著仍循舊章辦理。至伊犁烏魯木齊
所屬之綠營各員。送部考驗。與旗營事同一
律。均著毋庸另議章程。另片奏伊犁滿洲營
籌款添造槍礮。伊犁鎮標捐造擡礮長矛等
件。請免造冊報銷。及歲需操演鉛丸火藥。請
照例報銷等語。俱著照所擬辦理。○貴州古
州鎮總兵官雙福奏謝伊子德隆授廕生恩。
得旨。汝之才具好。心地明白。但不可搪官差
說官話。狃於積習。因循不振。清字是居官第
一要務。須識得破。認得真。方於己身有濟。此
數語。汝切誌之。不可忘。至防堵事宜。盡心辦
理。方為不負委任。○改鑄江蘇陽湖縣知縣
印信。從巡撫楊文定請也。○賑福建澎湖廳
被風災民。○庚寅。

壽康宮問

上詣

皇貴太妃安。○諭內閣。前因南糧到橋抽驗。米
多潮溼。降旨令慶祺等查明坐糧廳是否認
真查驗。茲據奏稱。該廳員逐日驗米。尚屬認
真。並無蒙混之處。惟未能嚴禁經紀。驗後攪
和舞弊。究屬疏於防範。坐糧廳毓鍾。俞樹鳳
均著交部議處。○又諭給事中焦友麟奏。吏
治因循。亟宜綜覈名實。一摺。各省大吏。有察
吏安民之責。即如緝捕一端。已疊經申諭。力
求整頓之方。若如該給事中所奏。近來四川
之囑匪。河南之捻匪。湖南之齋匪。湖北之痞
匪。以及山東兗沂曹安徽廬鳳潁地方。匪徒
結黨成羣。幾於所在皆有。若不力加搜捕。何
以除莠安良。著該督撫等各飭所屬文武。嚴
密查拏。以期消患。未形毋得因循坐誤。並著
於年終將特旨交辦事件。並拏獲盜案除辦
結外。其未完若干案。分晰開單。並將現辦情
形具奏。以備查覈。至於辦事之遲速。獲案之
多寡。即可驗屬吏之勤惰。該督撫等。如果表

率有方吏治必有起色奸宄何至潛蹤斷不可仍前玩泄自蹈愆尤員狀諄諄訓誡之意也將此通諭知之○又諭御史雷維翰奏吏治疲窳許告成風請申明舊例一摺近來各省被劾人員往往投遞呈詞藉端挾制許告之案層見疊出如被劾之員果有冤抑原許其據實申訴若於被劾本案之外摭拾別項款蹟砌詞聳聽顯係懷挾私仇藉圖報復而該管上司等恐被許告遂多徇隱或於開缺

之後始行糾參或於已參之後復為消弭以致刁劣屬員肆無忌憚尚安望其整飭官方耶嗣後如有被參人員以不干已事許告上司以圖報復者內外問刑衙門著照定例立案不行仍分別治罪以杜挾制各省督撫以下凡有表率之責者如果各屬廉隅奉公守法自立於無過之地俾該屬員無瑕可指亦何致啟反噬之漸惟當激發天良潔己率屬不可因豫防挾制隱忍姑容亦不得固有立

案不行之條特為無人發覆遂不自加檢束也至各省遇有特旨查辦之案均應徹底根究迅速清釐毋得迴護遷就轉致稽延庶大法小廉而劣員亦知所懲儆於吏治人心均有裨益將此通諭知之○諭軍機大臣等有人奏湖南善化縣知縣易學超貪婪不法上年勸捐辦賑捏稱賠累勒令各鋪戶再行捐銀以肥私囊其門丁張福蠹役王洲等遂業詐贓開設錢店之吳姓因案逃走該縣即將

其店中所存銀錢金器帶歸衙署將店改易名號自行開設張福又唆使窩倡之李氏控告書吏侵漁案牽王姓因即濫押得贓該縣於城中酒館蓋造戲臺時往聽戲以致邑民相率效尤已陵縣知縣王逢吉用土棍萬五為門丁因吞蝕賑銀被控經巡撫將該縣撤任萬五傳訊收禁查核該縣蒙稟署臬司刪改供詞意圖掩飾平江縣知縣張宗世遇案索費私設非刑其所索之費係其父及其胞

兄親收。前年因事赴鄉。被民人糾眾毆打。狼狽歸署。不敢上稟。安化縣典史潘姓。與已赦軍犯王吉明開設小押。訛詐鄉愚。該邑蠹役熊陞等。均有綽號。倚勢虐民。知縣徇隱不究。各等情。著程喬采按照所奏各款。逐一訪查。務得確情。從嚴叅辦。毋得稍有。不實不盡。以儆官邪。原奏著鈔給閱看。將此諭令知之。○以翰林院修撰張之萬。為河南鄉試正考官。工部員外郎文格。為副考官。署吏部左侍郎德興。為山東鄉試正考官。翰林院編修邊浴禮。為副考官。國子監司業史瀉。為山西鄉試正考官。戶部郎中杜學禮。為副考官。○補行道光三十年大計。江西省卓異官十一員。才力不及官一員。年老官五員。有疾官一員。分別議敘處分如例。○辛卯。浙江學政吳鍾駿奏稱甯波府城。諸夷雜處。左道易惑。現飭各學教官。於鄉鎮中。勸立義學。以正人心。報聞。○以戶部右侍郎禧恩。署正紅旗漢軍副

都統。○命候補總兵官長壽。馳赴廣西軍營。聽候欽差大臣賽尚阿差委。○壬辰。諭內閣。駱秉章奏。請將被控浮收錢糧之知縣暫行革職一摺。湖南澁浦縣知縣薛超文。經該管知府。以該員官聲平常。輿情不協。現被紳士呈控。該縣有浮收錢糧。勒幫採買。派捐兵差等情具稟。自應嚴切根究。薛超文著暫行革職。交該撫提同人證。嚴行審訊。務得確情。按律懲辦。○又諭。駱秉章奏。請將玩視軍餉之

知縣交部議處等語。湖南湘陰縣知縣劉松嶺。於兵餉過境。並不照例撥給兵役。又不嚴加約束。致令入夫中途逃散。經該委員雇夫前進。始抵長沙。實屬玩泄。署湖南綏甯縣知縣試用知縣范邦檄。領解靖州兵勇口糧等項銀兩。耽延十日之久。始行啟程。亦屬疲玩。劉松嶺范邦檄均著交部議處。○諭軍機大臣等。據駱秉章奏。接據賽尚阿移咨湖北漢陽府屬士民程瑞凱等。呈請捐貲助餉代已

革發往新疆之前任湖南長寶道楊炳堃贖罪並請飭赴廣西軍營效力等語已革發遣道員楊炳堃前在漢陽府知府任內是否實在恤民愛士除莠安良著有善政實蹟該士民程瑞凱等所具呈詞公捐銀兩果否實心愛戴樂於捐助抑係該革員授意飾詞著程商承詳加訪察據實具奏毋稍徇隱原摺鈔給閱看將此諭令知之○以刑部左侍郎全慶兼署吏部左侍郎○以正白旗蒙古副都

統定福署正白旗滿洲副都統○癸巳

上詣

壽康宮問

皇貴太妃安○諭內閣徐廣縉奏叅營員世職一摺廣東三江協中軍都司線得智與世襲雲騎尉彭世勳夥運私鹽經地方官訪獲看管輒敢縱令脫逃迨經該督委員審訊該員弁等堅不供認顯係恃符狡展線得智彭世勳著一併革職交該督嚴審確情按律懲辦

○諭軍機大臣等昨據駱秉章奏查探兩粵賊蹤及防堵情形據稱廣西賀縣賊匪竄回懷集縣大竹頃與湖南江華縣濠界毗連廣東賊匪分竄樂昌縣平石市及陽山縣白虎墟亦與湖南宜章臨武二縣鄰近業經該提鎮添兵協堵並飭各該營縣雇募勇壯一律嚴防本日據吳文鎔張亮基奏粵西賊匪竄入滇省廣南府境當經升兵練勇勦殺多名餘匪潰散滇省既有粵匪竄擾湖南毗連處所尤為喫重前有旨令程喬采馳往湖南防剿著即會同該撫嚴飭地方文武於楚粵交界要隘分投防堵不得以兩粵逸匪距境稍遠遂形疏懈儻防堵不嚴致賊匪乘間竄入楚境勾結蔓延惟該督撫是問將此諭令知之○又諭吳文鎔張亮基奏粵匪竄入滇省廣南府境經兵練勦捕潰逃現在添兵防堵一摺雲南廣南府三面界連粵西先經該督撫飭屬嚴防四月下旬有西林縣賊匪三百

餘人竄至距府城一百五十里之者孟上下
兩寨地方滋擾當經兵勇勦捕格斃十八名
生擒五名餘匪潰逃仍竄回西林縣境據稱
地方居民尚未被其蹂躪但滇粵犬牙相錯
必須嚴加堵截方不致越境蔓延該督撫現
已派員添兵防守著即嚴飭地方文武於交
界要隘實力查拏毋稍疏忽雲南既有粵匪
竄擾貴州各屬毗連處所尤為喫重並著喬
用遷於黔粵交界一律嚴防勿懈其雲南邱

北一帶夷薈之黑沙人春間曾有竄入粵省
邊界搶掠之事著隨時嚴拏懲辦勿令復出
滋事以杜勾結將此各諭令知之○河東河
道總督顏以燠奏黃河水勢盛漲兩岸工程
平穩得旨妥為修防毋稍疏懈○修廣東巡
洋師船從總督徐廣縉請也○甲午

孝懿仁皇后忌辰遣官祭

景陵○諭內閣本年八月初十日恭值

皇考宣宗成皇帝聖誕朕御龍袍龍褂挂朝珠

皮詣

壽皇殿行禮隨從人員均著穿蟒袍補服挂朝
珠是日

慕陵寶殿殿門外著派端華敬謹行禮○又諭
固慶盛桂奏請將發遣宗室隨同巡查禁荒
等語著照所請宗室奕紀准其隨同協領等
官前往各處周查禁荒事竣後不准代為乞
恩○兩江總督陸建瀛江南河道總督楊以
增奏節交大暑河湖並漲啟放壩河修防平

穩得旨實力修防不可徒託空言查明墊卸
石工速行具奏以慰朕懷卿等果能克勤克
敬則億萬生靈蒙福矣勉之望之○乙未諭
內閣戶部錢法堂奏滇銅運解遲延已酉未
到三運或甫入東境或甫抵清江庚戌六運
均無確信恐緩不濟急等語銅運攸關鼓鑄
似此節節耽延必致遲逾貽誤屢經降旨飭
催仍著沿途各督撫及派出之藩臬各員並
河漕各總督不分畛域一體飭屬嚴催務令

趕緊運京以資鼓鑄毋任遲延儻各該運員任意逗遛或沿途地方官不能實力催趲即著指名嚴參懲辦○又諭刑部奏審訊漕糧到橋潮涇發塊一案所有揚州二幫現在收存號房米石著倉場侍郎飭令趕緊分別挑瞭免致微變並著會同抽查漕糧御史將此項米石詳細查覈每經紀名下潮涇米若干石結塊米若干石挑瞭後除尚堪食用外每人實虧米若干石分晰奏明報部其未經到

案之經紀二十一名即著迅速解交刑部歸案審辦○又諭程喬采龔裕奏省會城垣現多坍塌隙裂請責成承辦之員賠修一摺湖北武昌府城垣於道光二十九年商捐興修三十年六月工竣迄今未及一年坍塌隙裂竟至二百八十餘丈之多著飭令該藩司先行籌款趕辦暫資保衛俟秋後再行勘估興修至此段城工係已革同知勞光泰與竹谿縣告病知縣馬銓承辦著責令該革員等將

工料銀兩照數賠繳毋任延宕○又諭程喬采奏參約束不嚴之帶兵各官一摺湖北提標左營遊擊珠爾松阿管帶兵丁赴粵自應認真彈壓乃先一日啟行致兵丁漫無紀律行至澧州安鄉縣境內輒敢於支給鹽糧外訛索各費滋鬧喧譁該遊擊珠爾松阿擅離隊伍實屬膽玩著摘去頂帶仍令帶罪前赴軍營效力千總吳必濤於所帶兵丁滋事不行阻止顯係有心徇縱著即革職解往湖南

交該省藩臬兩司提集該州縣辦差丁役實訊懲辦此外帶兵各弁有無隨同徇縱並著查明懲處其統領之宜昌鎮總兵阿勒經阿未能先事豫防亦難辭咎著俟定案時聲明請旨○又諭程喬采龔裕奏請將疏防盜案之文武員弁摘去頂帶勒限嚴緝一摺湖北江陵縣沙市地方盜匪多人執持刀械一夜連劫三家並拒傷事主鋪夥及營弁兵丁至十五人之多實屬目無法紀該管文武員弁

平日捕務廢弛。事後又未能獲犯。自應分別示懲。湖北江陵縣知縣俞昌烈。署江陵縣沙市巡檢。陳長春。專汛荊州城守營右哨千總丁達璋。協防外委常輝廷。著一併摘去頂帶。勒限三箇月。嚴拏賊務。獲僮逾限無獲。即著嚴叅懲辦。署荊州府通判施鏜。係有督捕之責。疏於防範。著交部先行議處。○丙申。

孝德皇后殯宮月祭。遣官行禮。○諭內閣。程喬采龔裕奏。拏獲聚眾抗糧首要各犯。解省究辦。一摺。湖北通城縣刁徒王尚志等。聚眾抗糧。侮官毆差。經該督等派員往拏。猶敢負固不服。拒捕傷人。實屬目無法紀。現在首犯王尚志並要犯王風世等。均已就獲。必應嚴行訊究。以儆刁頑。著交龔裕提同現獲各犯。嚴審確情。按律懲治。其未獲夥犯。仍著嚴拏務獲。歸案審辦。毋任一名漏網。湖廣總督程喬采奏。密陳湖南會匪。並地方情形。得旨。隨時密訪妥辦。○兩江總督陸建瀛等奏。請將

實錄卷三十七

三

蘇松太道麟桂。調署鹽道。得旨。朕看麟桂貌有才而心實餒。著陸建瀛等。秉公查看。如於鹽道缺相宜。即密行奏聞。候朕簡調。若斷難將就。即露章奏。叅以為自顧身家者。戒。又奏。嚴拒嚇囑。嚆求還天主堂。批。卿等處之。盡合機宜。俟辦竣覆奏可也。○緩徵山東曹嘉祥二縣。並濟甯臨清二衛。被雹災區。新舊額賦。○丁酉。

上諭

實錄卷三十七

高

壽康宮問

皇貴太妃安。○諭內閣。兵部奏。遵議聯順處分等語。聯順係屢經獲咎。棄瑕錄用之員。不知感激圖報。任意懈弛。厥咎甚重。著將御前侍衛。正紅旗護軍統領。一併革去。在乾清門侍衛。上行走。仍照部議。罰俸一年。不准抵銷。以為玩誤公事者戒。○以鑲藍旗漢軍副都統哲爾經額。為正紅旗護軍統領。鑲白旗漢軍副都統多爾濟那木凱。署正白旗護軍統領。

<p>○戊戌諭內閣龔裕奏湖北黃陂等州縣地方被淹現飭查勘分別覈辦等語據稱湖北黃陂孝感應城沔陽公安江夏漢陽天門江陵蘄水監利武昌枝江京山嘉魚石首荊門當陽大冶蒲圻二十州縣因入夏後五六月間大雨連旬江湖河並漲以致軍民田地被淹又公安江陵監利石首四縣民隄亦多漫缺業經該督撫等委員往勘著即嚴飭該管道府及委員認真查勘被水人民如何安輯被淹田地能否及早潤復乘時補種漫缺隄段如何設法堵築迅即查明具奏分別辦理以副朕軫念災區至意○己亥中元節上詣奉先殿</p>									
<p>壽皇殿行禮○遣官祭</p>									
<p>永陵</p>									
<p>福陵</p>									
<p>昭陵</p>									

<p>昭西陵</p>									
<p>孝陵</p>									
<p>孝東陵</p>									
<p>景陵</p>									
<p>泰陵</p>									
<p>泰東陵</p>									
<p>裕陵</p>									
<p>昌陵○遣官祭</p>									
<p>孝和睿皇后暫安寢殿○遣官祭</p>									
<p>宣宗成皇帝暫安寢殿○遣官祭</p>									
<p>孝穆成皇后</p>									
<p>孝慎成皇后</p>									
<p>孝全成皇后陵寢○遣官祭</p>									
<p>孝德皇后殯宮○遣官祭</p>									
<p>端慧皇太子園寢○改鑄福建福清縣知縣印信從總督裕泰請也</p>									

調度有方。烏蘭泰督率在事。文武謀勇兼施。從此乘機痛剿。何難剋日殲除。烏蘭泰於獲勝回營後。次日當已進兵。向榮由後路攻入達洪阿所帶之兵。亦可馳到。諒已續獲全勝。奏報在途矣。會匪韋正係屬渠魁。必當設法殲擒。勿令免脫。至馮雲山為東鄉賊首。現在竄入紫荊山。恐其翻越滋擾。尤當趕緊兜截。毋使逆燄復張。該逆匪等詭詐性成。我軍乘勝追擊。萬勿稍存大意。墮其奸謀。是為至要。

平定縣志

十

其劉八曾亞倡二犯業經廣東擒獲。惟凌十八一股前據單開。逃至化州平定墟地方。兩省文武現在如何勦辦。著即飛咨東省合力會剿。此股亦係著名兇狡會匪。即當趁此殲擒。勿留餘孽。將此由五百里諭知賽尚阿。並諭令巴清德達洪阿。烏蘭泰。向榮知之。○又諭朕聞河南擒匪劫掠肆行。州縣因循諱飾。當經諭令潘鐸明白回奏。茲據奏稱擒匪槍劫拒捕。並掘墓各案。有已經獲犯者。有未據

稟報者。現俱委員確查等語。擒匪結黨肆擾。最為閭閻之害。全在該大吏平時加意訪查。嚴拏懲辦。庶可弭患於未形。若至釀成巨案。尚以未據屬員稟報為辭。則不肖州縣規避處分。多方諱飾。何所忌憚。安民以察吏為先。豈民生疾苦。僅憑屬吏一紙稟報。聽其欺蒙耶。外官習氣。沾染殊深。著潘鐸遵照前旨。將各案匪犯。遴派幹員。分路捕拏。嚴行究辦。務使地方靜謐。不致別滋事端。其該地方官有

平定縣志

十

諱匿畏葸等情。查明據實嚴參。若官官相護。代為諱飾。潘鐸之咎更重矣。懍之。將此諭令知之。○淮安關監督興業奏報到任日期。得旨。盡心辦理。莫負委任。雙明在任數月。有何聲名據實具奏。不准迴護。尋奏查得雙明辦理淮宿海三關稅務。及大小口岸。均係循照舊章。與情尚屬相安。亦無不知檢束之處。報聞。○以攻勦廣西新墟股匪獲勝。賞副都統烏蘭泰花翎。並賞還總兵官泰定三花翎。餘

升敘有差○以殲擒廣西逆匪曾亞倡出力賞已革道員林士傳五品頂帶○以勦殲廣西逆首劉八出力賞知府朱德璣游長齡花翎餘升賞有差○辛丑諭內閣御史宗稷辰奏實行保甲事宜十條保甲為弭盜良法向例編查完竣年終彙奏一次原以昭覈實而期經久乃近來沿為具文有名無實節經降旨通飭妥辦該御史所奏久任一條古之郡守牧令行一善政動須數載惟能始終其事

是以立法周詳今之州縣雖不能不因地量材以時遷調至於興利除弊實非旦夕可期即如辦理保甲亦須寬其時日俾得從容奏效儻責之太急勢必草率從事以為見長地步上司不加查察被其蒙混致開濫保之端非徒無益又滋流弊至所稱填寫門牌宜詳細覈對董事胥役毋派費累民及酌用丞簿等官以資襄助分編巨族小姓以為聯屬並可申明讀濬之典兼收團練社倉之益所奏

各條如果實力舉行地方必臻安謐著各直省督撫各就該處情形詳加體察參酌行之但不得視為故事徒託空言其或循良之吏規畫於前庸劣之員廢弛於後則徒法不行終歸無濟惟在封疆大吏知人善任使良法美意經久不渝於吏治民風庶有裨益也將此通諭知之○又諭德勒克多爾濟等奏恰克圖北一帶地方俄囉斯城內失火請將率眾馳往城內救火之恰克圖理藩院章京獎

勵一摺恰克圖理藩院章京賽音博勒格圖因俄囉斯城內失火即率眾幫助撲滅尚知和睦兩國之體賽音博勒格圖著交部議敘再隨往幫助撲滅之民人等應如何賞給之處著德勒克多爾濟玉明酌量鼓勵○壬寅諭內閣昨據賽尚阿奏殲除賊匪曾亞倡一股已降旨著徐廣縉等查明擒獲該匪人員即行保奏矣茲據該督撫奏稱廣甯夥匪曾亞倡經潮州兵勇痛勦分股逃竄屯聚橫石

墟衛佐邦督飭弁兵分作兩隊先後進發繞至墟外施放連環槍礮該匪力不能支盡從後路翻山竄逸經李敦業督同署廣甯縣知縣程兆桂並該管營汛帶領兵勇於十七日在廣甯之扶溪地方將會亞倡及夥黨十一名擒獲並另股糾夥之會土生等亦先後全行拏獲其竄入都江各匪復經前廣西鹽法道林士傳擒獲殆盡該匪竄擾兩省閱時已久茲得埽除淨盡洵足以伸國法而快人心

該督等督飭地方文武合力協辦辦理實屬認真所有在事出力文武各員著即查明保奏候朕施恩其節次陣亡弁兵壯勇一併查明交部議卹○又諭蔣文慶奏衙署不戒於火自請議處一摺安徽藩司署內失火延燒住房升任藩司蔣文慶疏於防範著交部議處並著照例賠修○諭軍機大臣等徐廣縉等奏勦辦會匪凌十八疊次接仗情形一摺據稱該匪凌十八一股由西省竄回信宜之

懷鄉墟經總兵楊昌泗知府胡美彥於六月初五月初七日兩次進剿殲擒百餘名焚燒賊巢十餘間因賊眾兵單未能痛加勦洗是此次接仗情形未甚得力該匪等聲勢相倚凌十八一日不除則韋正得藉資援應西省勦辦亦難得手且尚有何名科一股首匪未獲一經嘯聚勾結必至他處蔓延該督現既飛調潮州兵勇及提標各弁兵親往督勦務將各股迅速撲滅總期於兩省毗連處所嚴

飭文武分堵夾攻不得再令該匪東西竄擾該督現駐高州一帶所有勦辦一切情形諒已隨時知照賽尚阿和衷妥辦不誤機宜也再前據駱秉章奏探得廣東英德曲江一帶

名琛就近查辦迅速撲滅毋致滋蔓為要將此由四百里各諭令知之○兩廣總督徐廣縉奏督兵馳赴高州得旨該匪等聲勢相倚凌十八不除則韋正不弱卿至高州和衷妥辦其盡心焉○引見六部保送御史人員得旨蔡紹洛宋延春彭久餘劉子城張鍾彥伍濬祥袁溥徐資乾劉重昭謝煌孔繁洙陳山嶠張佑陳鶴年賈世行伍輔祥武興緒俱著記名以御史用○甘肅西甯鎮總兵官薩炳

阿緣事降補調甯夏鎮總兵官雙銳為西甯鎮總兵官以四川阜和協副將武慶為甘肅甯夏鎮總兵官○予廣東陣亡守備滕躍龍祭葬世職如都司例○癸卯

上詣

壽康宮問

皇貴太妃安○

上御乾清門聽政

御製述志詩示在廷諸臣曰大廷循典觀公卿

考訓親承戒滿盈慎厥修身四時懍審於出治一心明屏私圖已兼援友盡敬愛君必澤氓宵旰勵精期共勉閉邪陳善竭丹誠又於詩註內訓諭廷臣曰朕自幼即渥蒙皇考誨育深恩迨膺付託之重諄諄以奉三無私保泰持盈為勸言猶在耳敢不銘心是用慎厥身修克自抑畏審於出治以正朝廷爾諸臣亦當知為臣不易思日贊襄屏圖已援友之私庶期公溥務愛君澤氓之實力戒因循陳善閉邪勵精圖治宵旰旰食朕志不渝茲於御門聽政援筆成吟爾諸臣其共體朕意毋蹈積習實有厚望焉○諭內閣前派王植馳赴江西審辦南豐縣控案茲據奏稱該侍郎與布政使陸元煥知府李藩均係同年應請迴避等語王植著毋庸迴避此案著添派江甯副都統惠密馳驛前赴江西會同王植秉公審辦惠密應

帶隨員並著酌量帶往准其一併馳驛○調任刑部左侍郎安徽巡撫王植奏拏獲安徽擒匪高四八孜等審辦得旨嚴行審辦務期淨絕根株斷不可含混了事此旨著傳知蔣文慶○命前任福建巡撫徐繼畲以四品京堂候補○甲辰諭內閣○

皇考宣宗成皇帝聖容供奉盛京

鳳凰樓所有恭送日期著欽天監諏吉於九十月間敬謹舉行○又諭永康等奏○

慕陵隧道等工請分別承辦一摺明年三月初二日

皇考宣宗成皇帝梓宮永遠奉安

慕陵所有應辦隧道支搭候時

蘆殿及內外平臺餞橋等項工程著文工部查

照成案屆期敬謹辦理其應搭棚座即著永

康等督率易州工部司員承辦○直隸總督

訥爾經額奏報永定河伏汛工程平穩得旨

尤應認真修防毋稍大意心存敬畏竭勤辦

公自可上邀

天佑切勿惑於浮俗以天道遠一語文其欺罔以鞠躬盡瘁為不懂事戒之懷之○四川總督徐澤醇奏遵查綦江縣並無教目馬武威及其徒黨充役情事仍當時刻密訪得旨隨時密訪不可擾累閭閻諒汝亦必能妥辦也又奏查明川省保甲情形並擬保甲章程三十二條○先應慎選保正○甲長牌頭宜得人○一編聯戶口○一刷門牌○一編聯無論貴賤

一稽查客店棧房一盤查祠廟一變通堡練一查各廠丁夫一查村僻小路一稽查行船一拏小竊一嚴究窩藏一更換牌簿一地方官隨事詢訪鄰佑一保正甲長賞罰宜嚴一命案不累地鄰一城鄉修立欄柵一各戶以鳴鑼接應一齊力格拏匪人一守要隘一協捕通衢盜賊一禁竊案虛報一防盜劫線索一禁收買賊贓一禁帶刀閒遊一禁把持詞訟一各給稟狀一講求團練一勒令熟夷出境

一禁漢民典種夷地一禁漢民往夷地開窰
挖礦得旨所擬章程俱妥○以己革奉恩將
軍崇齡子盛寬襲職○予故雲貴總督林則
徐入祀名官祠從署總督張亮基請也○乙
巳

上詣

壽康宮問

皇貴太妃安○諭內閣鄒鳴鶴奏查明現訊各
案內情節較重之知州知縣請分別懲處一

摺廣西升用知縣署荔浦縣知縣李時燝於
民人具控匪劫差擾一案輕率完結著先行
革職嚴審究辦永安州知州劉葆真於連劫
案犯逾限未獲惟平日居官尚知黽勉著以
州同降補雖容縣知縣代理興安縣知縣楊
毓麟現有被控負債潛逃案件著革去頂帶
撤任訊究○諭軍機大臣等有人奏湖南衡
永寶三府郴桂兩州以及長沙府之安化湘
潭瀏陽等縣教匪充斥有紅簿教黑簿教結

草教斬草教捆柴教等名目每教分溫良恭
儉讓五字號每號總領數百人至數千人又
有齋匪名曰青教皆以四川峨嵋山會首萬
雲龍為總頭目所居之處有忠義堂名號其
傳徒皆用度牒蓋以圖記聲氣聯絡往來各
處皆供給銀錢飯食每月按三六九期赴會
頭目乘轎騎馬動輒數百人搶奪淫掠無所
不至地方官不敢櫻鋒遇有呈報會匪字樣
偏令更換呈詞或改盜為竊反將事主收押

陵虐遂致匪蹤愈熾又寶慶府之邵陽新化
武岡等處教匪以阻米出境為名肆行搶奪
各等語匪徒擾害閭閻總由地方官不能覺
察於先又復容隱於後似此黨徒充斥若不
早絕其源必致蔓延勾結著程晉采會同駱
秉章按照摺內所指各情嚴密訪拏務期消
患未然勿使釀成巨案現已諭令徐澤醇訪
拏峨嵋山會首如該省訪獲要犯訊出情形
即密咨四川一體查辦又據片奏該匪傳教

惑人有性命主旨及水滸傳兩書湖南各處坊肆皆刊刻售賣盡惑愚民莫此為甚併著該督撫督飭地方官嚴行查禁將書板盡行銷燬仍當嚴飭各屬勿令吏胥藉端滋擾原摺片著鈔給閱看將此諭令知之○又諭有人奏湖南地方教匪充斥皆以四川峨嵋山會首萬雲龍為總頭目等語湖南與四川接壤該省會匪甚多朕早有所聞節經降旨令湖南省嚴密查訪該匪徒等傳徒布黨必有總頭目為之首倡以致煽惑日眾前據該督徐澤醇覆奏訪查碁江匪徒馬武威並無其人今復有人奏峨嵋山藏匿會首之事此等匪徒行蹤詭秘姓名既可改易地方亦可遷移委查之員或稍不盡心或意圖省事輒以查訪無蹤一稟塞責切不可受其欺蒙著徐澤醇按照此次所奏各情遴委妥員嚴密訪察固不可張皇滋擾亦不准諱飾養奸萬雲龍一犯如有其人必當立拏嚴訊並可將究

出徒黨知照湖南一體查辦務須淨絕根株勿貽後患原摺著鈔給閱看將此諭令知之○丙午諭內閣靈桂自簡任總管內務府大臣以來察其言動頗覺高興現值恭辦昌西陵工程輪應住班因病未往本日銷假召見據奏稱伊合家患病伊母近因初喪幼孫殊深軫悼並稱奴才至工次察看懇恩俟八月初間仍同魏元娘回京我皇上以孝治天下諒無不允准之理其母患病與否自問於心可知已屬急情偷安意存要挾我宗室中從未有似伊無出息者又奏稱阿靈阿病尚未痊吉倫泰有赴陵差使可否令吉倫泰就近照料其意即欲令吉倫泰在彼住班尤屬膽大妄言居心詐偽靈桂惟知眷戀妻孥全不以公事為重即此一節已應立予罷斥第念伊歷練未深姑示薄懲靈桂著毋庸辦理陵工並革去工部左侍郎總管內務府大臣仍

留正紅旗蒙古副都統令伊痛改前非盡除
委靡之習仍可再邀恩眷也○又諭前因兩
江總督陸建瀛奏請崇正學以黜邪教當經
降旨飭令各省地方課士授徒均以

御纂性理精義

聖諭廣訓為講習之本良由士為民倡士習端
則民風自歸淳正近年兩廣盜賊肆行據奏
多係會匪煽惑鄉曲愚氓習聞異說致罹法
網朕甚憫焉因思正人心必先息邪說息邪

說必先廣化導恭讀

皇考宣宗成皇帝欽定敬聞

聖諭廣訓黜異端以崇正學一條四言韻文語
簡意賅允足警覺冥頑俾知感悟從前曾奉
諭旨頒行直省大小官吏自必敬謹奉行第恐
日久視為具文而窮鄉僻壤又未能家置一
編人人誦習茲特親書一通命武英殿勒石
搨印頒行天下各直省將軍督撫府尹學政
督飭地方文武官員及各學教官欽遵宣布

無論官紳士庶均准摹勒刊刻以廣流傳俾
山陬海澨鄉塾黌蒙口誦心維滌瑕蕩穢咸
曉然於名教之可樂邪說之難容父師以是
為教子弟以是為守正道既明羣情不惑一
切誕妄之言無從煽誘薄海蒼黎涵濡

聖化風俗蒸蒸日上朕實有厚望焉將此通諭
中外知之○又諭徐廣縉葉名琛奏請將總
兵知州革職拏問一摺廣東瓊州鎮總兵黃
慶元於儋州土匪勾串黎人滋事帶兵馳往

自應迅速勦辦乃祇知擁兵自衛畏葸不前
實屬貽誤事機署儋州知州張亨舒身為民
牧辦理乖方亦屬庸懦無能黃慶元張亨舒
均著革職拏問交該督等嚴訊定擬具奏○
賞已革吏部尚書文慶五品頂帶命辦理
昌西陵工程○以署吏部左侍郎德興為工部
左侍郎○浙江布政使汪本銓以親老解任
調湖南布政使椿壽為浙江布政使以直隸
按察使恆福為湖南布政使直隸通永道周

啟運為按察使○以廣東龍門協副將吳元猷署瓊州鎮總兵官○改鑄山東登州鎮總兵官關防從署巡撫劉源灝請也○予故貝子綿清祭葬如例○旌表守正捐軀河南羅山縣民張錦帆妻畢氏○丁未諭內閣工部奏南河西隄工程銀兩是否仍令造冊報銷請旨遵辦等語此項工程銀兩著仍遵前旨免其造冊報銷至南河工用議定每歲以三百萬兩為率不准於定數之外任意浮加該河督務當實力撙節於借墊攤還之款仍須認真稽覈毋得因邀免報銷遂致工程草率帑項虛糜又滋流弊○又諭薩迎阿奏野番搶掠戕傷弁兵請將專汛之都司革職一摺甘肅南川營都司焦士忠於野番入境之時既未偵探稟報馳往緝捕及至遇賊又不奮勇向前實屬怯懦無能焦士忠著即革職野番出沒無常全在該鎮將等迅速掩捕立時懲創方可保衛邊圉著該署督嚴飭地方文

武實力偵緝並訪查內地奸匪勾串嚴行究辦儻緝捕不力致賊犯遠颺搶劫牲畜不能追獲即將該管員弁從嚴叅處毋稍寬縱○以故霍碩特扎薩克頭等台吉圖魯蒙庫子拉錫德勒克襲職○戊申

上詣

壽康宮問

皇貴太妃安○諭內閣候補四品京堂張錫庚奏勦辦粵匪宜先巨股以扼要領一摺據稱

廣西賊匪以韋正馮雲山等一股為最巨宜用全師先除此股而後分兵以及餘匪所陳各情現在軍營本係如此辦理其所指賊目據廣西先後奏報較伊摺內更為詳悉張錫庚所奏無可籌辦著無庸議原摺發還粵西正當用兵之際如有緊要情形九卿科道等確有見聞仍當據實直陳以備采擇不得因循此摺發還遂相率緘默不言也○諭軍機大臣等有人奏山東文登縣上年因巡撫查閱

海口曾派差馬一次。今每里里長各出制錢二千五百文。皆係城內德裕銀號商人王輝遠宮雁賓孫由晉等經手。秋間復因解賊赴省。又派差馬一次。有書役王毓畔畢振東杜欽馬煥章等串通門丁葉二王二。令每里里長各出制錢五千五百文。本年四月該縣起解錢糧赴省。復向民間出派差馬。每解銀一千六百兩。勒派每里里長各出制錢十三千文。外給胥役等制錢三千文等語。各直省州

縣起解錢糧。均有成案可循。即尋常各項差徭。亦不得於例外絲毫擾累。若如所奏藉端苛派。民何以堪。著陳慶偕按照摺內所奏各情。查訪確實具奏。從嚴懲辦。並將該縣增派差馬之處。永行禁止。不准絲毫累民。原摺著鈔給閱看。將此諭令知之。尋署巡撫劉源灝奏。遵查前任巡撫陳慶偕於道光三十年赴文登縣查勘海口。跟隨員役車馬俱係自備。並未派用贏頭。是年秋間水師擒獲榮城縣

洋盜三百餘名解府。經過文登縣界。該紳等因人犯過多。用贏不敷。墊價向鄰境添雇。該縣汪澄之聞知。即將墊項發還。惟咸豐元年四月間。該縣起解錢糧。需用贏頭。每贏官發制錢十六千。差役杜欽畢振東等從中侵蝕。僅給制錢三千。擬將縣役杜欽等杖一百。仍革役追贓。該縣汪澄之雖無藉差派累情事。惟失察差役剋扣實屬疏忽。請下部議。處從之。○河東河道總督顏以燠奏報黃河伏汛

安瀾。工程平穩。仍飭慎防秋漲。得旨。仍應實力修防。務期穩固。○添撥河南司庫銀二十五萬兩。備東河防險。從河道總督顏以燠請也。○己酉

仁宗睿皇帝忌辰遣官祭

昌陵

上詣

奉先殿

壽皇殿行禮。○諭內閣陸建瀛楊以增奏南河

工需情形等語。現在甫交秋汛。河湖水勢消長無定。惟當加意防護。不可稍失機宜。至需用款項。如果實係緊急。自應豫為籌備。但須力求撙節。不可開浮濫之端。著該督等隨時察看情形。覈實奏辦。其所稱向來遇閏之年。均准添請銀兩之處。著該部查議具奏。尋奏查南河歷次遇閏舊案。或因黃運兩河異漲。或因運河兩岸要工。皆係豫籌要需。並非專為遇閏請撥。不得援以為例。河工錢糧原以工程之大小為憑。非以日數之多寡為計。應請仍飭該河督等。力求撙節。以符定制。從之。

○諭軍機大臣等。賽尚阿奏進攻新墟詳細情形。並提督向榮攻擊豬仔峽得獲勝仗。另單奏各路勦匪情形。披覽均悉。紫荊山大股逆匪。經官兵四面堵偪。勢漸窮蹙。自應隨時合力進攻。該大臣仍駐桂林。扼其由大樟北竄之路。所見甚是。但恐兵力厚集。前後夾攻之際。該匪勢窮鋌險。拌死突奔。凡北面山嶺

險隘之地。固屬緊要。其南路通江各渡口。尤宜嚴加堵截。勿任竄突南趨。至糧鹽為賊匪要需。必當設法斷其接濟。攻勦更易得功。此時大兵會合。節制嚴明。蠢茲小醜。定必一鼓殲除。餘匪自望風瓦解。朕日盼捷音之至也。至節降諭旨查覈前此各文武功過。據奏現當用人之際。姑寬既往。僅能協衷集事。奮勇圖功。所有從前不遵調度。及漏未奏効之處。即可無庸深究。所論亦合機宜。均著照所議辦理。至單開各路勦辦情形。南太一帶。兵單賊眾。尤關緊要。雖經添兵協勦。仍須防其奔突蔓延。該大臣務當督飭司道鎮將等。激勵兵勇。互相保衛。並隨時知照徐廣縉。合力兜捕。務使著名賊首迅速就擒。將此由五百里諭令知之。○欽差大臣大學士賽尚阿奏遵查鎮將不和情形。並隨時開誠布公。寬嚴並用。新墟之役。各營將弁。勦力同心。可見具有天良得旨。皆汝聲望所至。將士用命。亦不必

過為謙抑。又奏籌布大局。擬暫駐劄省城。坐鎮。批持以鎮靜。斷乎不可焦急。○兩江總督陸建瀛。江南河道總督楊以增。奏報伏汛安瀾。得旨。實力修防。毋稍疏懈。誠敬事。

天篤念愛民。我君臣當共勉之。○安徽巡撫蔣文慶。奏拏獲擒匪高四八孜等。提省審辦。得旨。務期淨絕根株。不准稍留餘孽。經此次辦理後。若復仍蹈故轍。致被收令。蒙混朕惟蔣文慶是問。○命散秩大臣繼善。在乾清門行走。

○以攻勦廣西紫荆山會匪獲勝。賞知府陳瑞芝。花翎。餘獎敘有差。○以進勦廣西顏品瑤股匪獲勝。予候補千總張國樑。即補投誠。效用甯正岡。六品頂帶。○庚戌翰林院呈進侍講學士潘曾瑩。撰擬原任兩江總督李星沅。祭文碑文。得旨。祭文碑文。獎譽過實。況辭藻太多。著另行刪改。李星沅調度失宜。惟念其沒於王事。故爾優卹。其功過不相掩之處。亦應敘明。溯其歷任封疆。尤不足稱矣。○

以翰林院侍講學士李承霖署日講起居注官。○調雲南提督鮑超豹。為湖南提督。貴州提督榮玉材。為雲南提督。以貴州威甯鎮總兵官重綸。為提督。前任廣西右江鎮總兵官惠慶。為貴州威甯鎮總兵官。○辛亥。

上詣

壽康宮問

皇貴太妃安。○改鑄江蘇學政關防。從學政青慶請也。○豁免兩浙各場道光二十一年以

後竈戶積欠正雜額賦。○壬子。諭內閣奕格等奏。請將主事職銜。改就武職一摺。著照所請。烏里雅蘇台理藩院幫辦主事職銜。依成額。准其改就武職。送部引見。仍俟效力期滿。照例咨回該城。以防禦補用。○命工部尚書阿靈阿。總管內務府大臣基溥。奏甯鎮總兵官德春恭辦。慕陵隧道工程。○癸丑。

上詣

壽康宮問

皇貴太妃安○甲寅諭軍機大臣等陸建瀛奏遵旨查拏擒匪情形等語安徽壽州合肥等處匪犯節據王植蔣文慶先後奏稱拏獲高四八孜等犯多名當經諭令蔣文慶嚴行審辦務期盡絕根株茲據該督奏稱程六麻孜現已究出蹤跡著即嚴飭地方官迅速查拏毋使漏網其邳州與山東連界地方及與銅山縣交界地方均有匪徒滋擾業經陸建瀛飭令徐州鎮總兵督率將弁嚴行搜捕仍著該督撫等隨時嚴督地方文武一體緝拏並查明前次帶兵捕匪之千總趙守元有無畏蒞情事從嚴懲辦至徐州一帶與山東郯城蘭山等縣連界該匪徒等此拏彼竄勢所必至著陳慶偕遴派得力員弁於兩省交界處所合力兜捕並查沂州等各屬有無土匪勾結潛藏認真偵緝不可稍分畛域其程六麻孜是否即喬建德黨與著陸建瀛等查探確

實知照河南查拏究辦毋稍疏縱將此各諭令知之

大清文宗協天翊運執中垂謨懋德振武聖孝淵恭端仁寬敏顯皇帝實錄卷之三十八

監生魏家經自日講起歷年奉太子太傅官當師傅之職以開閣閣事翰林院學士詹希淵奏請開閣於開閣後奏請太子太傅官管理六部事務四十三級紀錄以臣等相掌本總憲官並請開閣太子太傅以開閣閣事武學承襲總憲官職官原官一體仁簡

大學管理戶部三庫事務管理刑部事務加一三級紀錄一次周祖柱總教習太子少保管理內繕書房事務對引大臣軍機大臣

鎮藍旗滿洲都統處管理二庫事務加級隨帶五品紀錄十二次陞發總管官題詳官弘德殿敷教清文館進士書令總詩

建國史館藏舊本並張家方都統禮部尚書管理太常寺鴻臚寺事務外派軍功四級隨帶刀級紀錄一次俟什琿布等奉

救終

本日據賽尚阿由六百里馳奏進攻新墟賊

巢並攻破雙髻山要隘移營山頂各情形此

次進攻新墟達洪阿烏蘭泰等督率鎮將分

路進兵若非韋允升誤遇伏匪被害又值大

雨已可直擣賊巢殲茲羣醜雖小有挫衄究

屬奮勇爭先巴清德向榮等由紫荊山後路

越嶺前途攻克豬仔峽連破雙髻山僉益要

口一日之間進占山頂又復窮追深入所戕

一之門之山丁之在冀之法之轉發

多名覽奏昌朋嘉應止時財匪失其真峰之

可守我兵奮力殲擒居民亦可乘勢縛獻相

度機宜時不可失至鵬化花洲大樟等處山

徑分歧賊匪窮極或思回竄且路通平南一

帶我兵現在前後圍攻新墟逆首韋正洪秀

泉馮雲山等均在園中若不嚴防竄路即使

婦人恐未能全獲渠魁該大臣已先見及此

必能加意方者。藏余魄。歸淨色。恨珠也。朕於

昨日武分言詩二首今日印尋捷章采慰繫

日。賈臣言。二子今日。既在扶音。六縣事。

念惟冀諒大旨等因奉
厯以厯厯厯厯厯厯厍

朕懷勉之望之將此由五百里諭令知之○
以攻勦廣西新墟賊匪獲勝欽差大臣賽尚
阿得旨獎賚賞總兵官劉長清花翎都統巴
清德提督向榮賞敘有差予陣亡武舉韋允
升祭葬世職如都司例○改鑄山東永阜場
鹽大使印信從巡撫陳慶偕請也○

上以祭

社稷壇自是日始齋戒三日○丙辰遣官祭

文昌帝君廟○諭內閣前據潘鐸奏參河南

陳州府知府黃慶安被控收受程儀供應等
情當降旨將黃慶安解任交該撫審訊茲據
審明定擬具奏並自請交部議處黃慶安係
該撫保舉之員既經訊明有向屬員借貸情
事潘鐸未能先事覺察著交部議處○河南
巡撫潘鐸奏永城等縣雨水過多委員履勘
辦理得旨認真查勘勿稍粉飾若再蹈習氣
朕必將潘鐸治罪勿謂戒之不豫也○湖廣
總督程裔永奏遵旨籌防粵匪得旨嚴密防

堵毋稍疏懈又奏查探粵西軍務情形並訪
拏會匪批督飭所屬勉為之楚南會匪潛伏
已久俾勿勾引為患是為至要若內患已成
一朝瓦解不可問矣又奏請以丁憂提督余
萬清留辦湖南防堵事宜允之○班禪額爾
德尼七十生辰賞

御書福壽字並珍翫文綺○改鑄廣西龍州廳
關防從署巡撫勞崇光請也○命署陝甘總
督薩迎阿撥銀六千九百兩有奇解赴喀喇

沙爾備咸豐三年經費○緩徵河南臨漳內
黃考城三縣被雹村莊新舊額賦○丁巳祭
先師孔子遣大學士祁寯藻行禮○諭內閣
王懿德奏審明道員列款稟揭一案分別定
擬一摺此案前署甘肅固原州知州李懷慶
於該道提審路循閱控案將人證發交收管
輒行釋放又於道役陳世全控案並不訊明
原委輒行掌責革役又未能將差役私用鎖
鑰詐贓情弊查明究辦實屬聽斷疏率前任

平慶涇道范懋德揭參屬員各款雖多失實尚係因公起見惟於例案未明率稱藩臬府縣通同一氣不為訊辦並以猜疑臆度之見臚列浮詞牽涉多員呈求入告殊屬不知輕重除案內各員現已查明應分別免議回任均照所擬辦理外李懷庚范懋德均著交部分別議處范懋德仍遵前旨送部引見其原審此案遲延疏忽各員並著該部查取職名照例議處○又諭這所參清查案內那款數

逾五萬兩之前任浙江永嘉縣降調回籍知縣趙汝和即著革職著直隸總督派員押解前赴浙江交該撫嚴行勒追毋任延宕其原籍及任所貲財分別查封備抵○盛京將軍奕興等奏遵查奉天新民廳等處搶劫各案飭屬嚴緝務獲得旨盡心辦理不可大意○浙江巡撫常大瀛奏杭州各屬得雨深透得旨朕欣慰覽焉皆由汝等大吏誠心辦事感召

天和嗣後尤應加慎加勉實力為之○以勦擒廣西博白縣匪首劉八出力賞署知府沈棟輝花翎予提督陶煜文等優敘○予甘肅陣亡把總杜彥春祭葬世職○戊午祭

大社

大稷

上親詣行禮○詣

壽康宮問

皇貴太妃安○諭內閣前據鄒鳴鶴奏參廣西

署永福縣事新甯州知州慶祺短少載兵船隻請將該員摘去頂帶茲據吏部奏稱大兵需用船隻解船短少者例有降調處分該員備船不敷雖水陸並進不誤行程究屬玩忽鄒鳴鶴並未照例查參亦有應得之咎慶祺仍著交部照例議處鄒鳴鶴一併交部議處○又諭陳慶偕奏疏防劫案文武各員一摺山東前署德平縣事候補知縣陳樞該縣專汛把總朱起麟協防經制外委汪殿魁於該

管地方盜匪入城連劫多縣重案業經疏防於前又不能迅速究獲賊證非尋常疏忽可比陳樞朱起麟汪殿魁均著交部嚴加議處以示懲儆○已未諭內閣仁壽等奏昨日於社稷壇內豹尾槍後擊獲官役家人二名請交刑部治罪等語劉興梁玉著交刑部審明按律治罪失察官役家人之給事中金肇洛御史史秉先均著交部議處仁壽祿普特登額綿勳係自行查出均著免其察議仍傳旨申

飭○又諭前據莊浪城守尉懷成奏馬廠地畧久被番民侵占耕種懇請查辦並據稱涼州副都統興泰給札有違行陳奏顯係文職寢閣等語當經降旨著琦善派員查勘並將興泰因何不肯會銜之處一併查奏旋經琦善奏派興泰並甘涼道等親往查勘其不肯會銜一節再行確查興泰自應靜候查辦茲據奏參懷成不遵體制任意率奏摺內既稱事隸地方亟應認真查辦何以與前札所稱

有礙文員語意相背著薩迎阿將前後所奏各情秉公確查據實具奏興泰摺內所稱敕書內載莊浪滿營官兵係伊統轄向來遇有事件由城守尉谷呈該副都統轉行谷奏等語著薩迎阿一併查明具奏○庚申

上詣

壽康宮問

皇貴太妃安○諭內閣禮部奏敬擬恭送

皇考宣宗成皇帝聖容供奉盛京

鳳凰樓禮節開單呈覽著照恭送

實錄

聖訓典禮敬謹豫備朕於是日親詣彩棚拈香

行禮○以協辦大學士杜受田為順天鄉試

正考官吏部尚書柏葰戶部左侍郎舒興阿

右侍郎翁心存為副考官○以鑲白旗滿洲

都統桂良署吏部尚書兵部尚書特登額署

管戶部三庫事刑部左侍郎全慶兼署戶部

左侍郎兼管三庫事兵部左侍郎恩普署吏

部左侍郎以正藍旗滿洲都統僧格林沁署
鑲白旗蒙古都統宗人府左宗正仁壽署正
藍旗漢軍都統正黃旗滿洲副都統綿勳署
京營右翼總兵○辛酉以督修安徽沿江隄
壩出力賞道員奎綬等升敘有差○撫恤越
南國遭風難夷如例○壬戌

上詣

壽康宮前殿

宣宗成皇帝聖容前行禮○詣

壽康宮問

皇貴太妃安○以兵部尚書特登額兼署禮部
尚書○改鑄江蘇寶應金壇三縣知縣印信
從巡撫楊文定請也○癸亥

太宗文皇帝忌辰遣官祭

昭陵○諭內閣特登額等奏據大興縣監生孫
啟盛等呈稱直隸京官劉岱駿等把持印結
阻撓考試懇請查辦復據劉岱駿等以該貢
監等籍貫於例均有違礙連名中辦等語著

順天府會同直隸總督查明燙議據實具奏
○又諭興業奏回空漕船挂欠准宿關稅關
單請旨飭催等語所有各幫欠解正耗銀九
千五百四十五兩零屢經該關監督催繳延
不解交實屬任意延宕著漕運總督兩江總
督江蘇安徽江西湖南各巡撫查照各幫欠
解銀數轉飭糧道嚴督各該幫弁勒限兩箇
月埽數追繳儘再逾延即著查明奏辦○又
諭前據鄂鳴鶴奏請將廣西鄉試展期舉行

當經降旨令該撫察看情形於八月初奏到
茲據鄂鳴鶴孫錫鳴奏稱該省士子現多派
令董理團練保衛鄉里該省文武各官因軍
務未竣各有應辦要務礙難於本年十月舉
行鄉試自係實在情形廣西自軍興以來各
屬士子等均能敵愾同仇隨同地方文武各
員勦賊立功自應俯順羣情曲加體恤所有
廣西省本年辛亥恩科文武鄉試著准其展
至來年與士子正科一併舉行倍額取中仍

遵照恩詔條款准予廣額至所請癸丑科會試恩加中額之處著禮部屆期奏明請旨○補行引見刑部保送京察一等郎中文秀得旨記名以道府用○河南布政使蔣蔚遠奏報到任日期得旨滿招損謙受益爾其戒之○河南巡撫潘鐸緣事降調以甘肅布政使李德為河南巡撫浙江按察使黃宗漢為甘肅布政使調山西按察使孫毓淮為浙江按察使以降調河南巡撫潘鐸為山西按察使

○改鑄山東安邱縣知縣印信從巡撫陳慶偕請也○豁免廣西臨桂靈川全平樂富川昭平藤桂平貴橫雜峒武緣賓十三州縣暨興隆等土司所屬舊欠額賦○豁免山東歷城章邱鄒平長山新城齊東齊河濟陽禹城臨邑長清陵德德平平原泰安萊蕪東平東阿惠民陽信海豐樂陵商河濱利天津靈化蒲臺滋陽曲阜甯陽鄒泗水滕嶧汶上陽穀壽張荷澤單曹定陶鉅野鄆城濮范觀城朝城

蘭山鄆城費莒沂水蒙陰日照聊城堂邑博平茌平清平莘冠館陶高唐恩益都博興臨淄高苑樂安壽光昌樂臨朐安邱平度昌邑濰高密福山招遠萊陽臨清邱夏津武城濟甯金鄉魚臺嘉祥八十九州縣暨德州濟甯東昌臨清四衛道光二十九年以前民欠銀米○甲子

上諭

壽皇殿行禮○詣

壽康宮問

皇貴太妃安○諭內閣前因已革江西巡撫陳珩有被參款蹟當交陸建瀛陸應穀秉公確查茲據陸建瀛等分別查明覆奏陳珩古連魁各喚女優至署演唱陳雋在省寓所亦曾喚唱一次實屬有玷官箴並先據裕泰覆查陳珩前在候官縣任內有與賣珠翠民婦同賭之事更屬不自檢束陳珩古連魁陳雋業經革職姑免置議穆齊賢訊無聽過女戲惟

係地方武職大員並不照例驅逐亦有應得之咎所有革職之案著准其開復仍交部議處至陳珩奏學政收受規費一節現據查明孫葆元張芾考試各府均係循照舊章辦理並無格外需索情事著毋庸議此案陳珩被參各款朕特命學政查辦乃陳珩奏學政陋規即在張芾查參之後並因前充提調時與學政孫葆元結有嫌隙一併牽劾具奏名為因公起見實則有心挾制陳雋又復具稟申

訴與陳珩所奏如出一轍難保非受其指使巧為詆訐似此特交查辦事件被參各員藉端挾制欲使查案大臣先存避謗之心相率為偽扶同隱飾致朕耳目壅蔽於政體大有關繫此風斷不可長至各省學政經朕特簡為士子表率亦各宜砥厲廉隅恪守清操雖延請幕友出棚按試費用較繁向資棚規津貼但各省均有舊章豈容踵而加厲嗣後各學政如有不知自愛任意需索者著各督撫

隨時查察據實奏參毋稍徇隱○以河南布政使蔣蔚遠署巡撫○命署陝甘總督薩迎阿撥銀一千三百兩有奇解赴庫車備咸豐三年經費○乙丑
太祖高皇帝忌辰遣官祭
福陵○諭內閣載垣等奏鑒儀衛豫備玉輦金輦查例請旨等語明年四月後遇朕親行
天壇大祀詣
壇日著照例豫備玉輦

地壇大祀豫備禮轎又諭明訓等奏遵旨嚴訊官弁賄縱盜伐樹株分別定擬一摺此案永陵管山防禦慶謙花什布管理山界稽察樹株是其專責乃漫不經心以致樹株屢被盜砍迨拏獲人犯復聽囑縱放收受餽送食物實屬卑鄙不職慶謙花什布俱著革職發往新疆充當苦差前任總管全喜係統轄之員於官樹屢被盜砍漫無覺察並失察防禦受賄故縱等情著即革職以肅功令至案內疏

防之管山翼長及失察之該旗民地方各官並率行詳報各員均著查取職名送部分別議處將軍奕興亦有失察之咎著一併交部議處○諭軍機大臣等王懿德奏士民呈控番賊擾害請飭查辦並節錄原稟呈覽一摺本年五月以來西甯一帶野番時出搶劫節經薩迎阿奏官兵追捕情形並將遇賊怯懦之都司焦士忠奏參革職先後降旨諭令該署督分飭各鎮營實力操防嚴守要隘茲據王懿德奏稱西甯紳士平番耆民等於金縣途次具稟並稱曾在署總督處喊稟多次不為查辦是否該署督前奏情形尚未詳盡抑或另有別情現在賊番果否斂跡地方文武如何辦理廩生李國棟等業由王懿德遞交甘省著薩迎阿確切訊明妥為查辦據實覆奏番匪屢出搶劫事關邊防民瘼必應嚴飭勦捕大加懲創方足以衛民生而肅邊圉諒薩迎阿自能博遵節次諭旨認真整飭不因

暫時署事稍形寬懈亦斷不以琦善因勦辦番案獲咎遂任鎮將等姑息偷安轉貽後患也原摺並呈稟二件均著鈔給閱看將此諭令知之○丙寅

上詣

壽安宮西所問

如皇貴太妃安○詣

壽康宮問

皇貴太妃安○

孝德皇后殯宮月祭遣官行禮○諭內閣總管內務府奏援案請將永遠枷示之逃走太監改為發往黑龍江永遠監禁一摺向來逃走太監永遠枷號均在慎刑司羈禁原以該太監等愚頑性成就近枷示以昭懲儆若改發黑龍江監禁恐稽察難周或仍致在配脫逃轉不足以示儆其如何變通之處著總管內務府大臣等再行妥議具奏尋奏近來太監紛紛報逃豈不畏法應遵諭就近枷示查番

役衙門距慎刑司衙門較近嗣後永遠枷號之太監若積聚較多擬即在番役衙門分禁枷示責令管轄番役司員等妥為稽察從之○諭軍機大臣等陳慶偕奏登州水師戰船被賊占駕海防喫緊擬親往督辦一摺山東登州洋面上年屢遭閩匪劫掠經該省雇募廣艇痛加勦辦盜風稍息茲據奏稱七月二十五日榮成縣石島洋面有盜船十餘隻聯踪抗拒官兵接仗互有殺傷次日副將鄭連

登等督兵進擊因眾寡不敵官兵勇盡行落水新舊戰船被賊占駕九隻副將關防文卷盡失望見賊船各有夷人數名等語此項盜船究係來自何處何以內有夷人是否閩粵匪徒偽為夷裝藉以恐嚇或挾上年勦捕之讎併力報復似此猖獗不法實堪髮指必應迅速勦辦除分飭盛京直隸江南於所屬洋面合力堵剿並飭陸建瀛等迅派得力將備酌撥上海戰船水勇赴東協捕外陳慶偕

現已將鄉試監臨事宜委令藩司代辦即日馳往登郡著督飭新任登州鎮陳世忠登萊青道英桂等調集三營水師並飭守備黃富興招募沿海艇勇由該鎮統帶出洋剋日追勦務將盜船悉數拏獲確究來歷窩巢徹底懲辦勿任竄越外洋及向他省洋面勾結滋擾並著查明鄭連登等所稟在洋力戰被礮轟傷落水後遇救登岸等情是否確實如果該副將等見賊畏怯棄船先遁復敢捏詞飾

報即著從嚴叅辦另片奏雇船募勇等項需費頗鉅著准其在於司庫廟工生息款內借支銀二萬兩以濟要需事竣籌補還款將此諭令知之○又諭據陳慶偕奏登州水師戰船被賊占駕海防喫緊一摺洋盜擾害商船拒傷官兵竟將水師戰船占駕九隻亟應多募艇勇厚集兵力痛加勦洗惟該匪往來洋面四路可通江蘇與山東毗連尤應密飭水師將弁一體嚴防勿稍疏漏又片奏上年上

海勇船曾因自衛商艇來東頗資協勦之力現在山東洋面勦捕盜匪情形甚為緊要必須與江南省合力勦辦方不致有誤事機著陸建瀛等遵委水師幹練將備數員飭令上海商局挑選勇船十餘隻水勇四五百名多帶槍礮器械星速駛往東洋幫同勦辦以壯聲威想該督等接到山東咨照已籌畫及此也原摺片均著鈔給閱看將此諭令知之○又諭陳慶偕奏登州水師戰船被賊占駕海

防喫緊一摺洋盜肆擾急宜嚴防盛京直隸各海口與山東洋面毗連東省既嚴加勦捕勢必至紛竄各口著奕興訥爾經額遵委幹員帶領弁兵各於該省海口要隘處所嚴密防堵如有匪徒竄入該二省洋面即著分投截擊杜其逃竄之路庶東洋勦捕更易得力原摺著鈔給閱看將此各諭令知之○給山西長治長子二縣被水村莊修屋埋葬銀○丁卯

上詣

壽皇殿行禮○詣

關帝廟拈香○諭內閣戶部奏請飭查福建鹽務辦理情形等語閩鹽東西兩路倒退運額前經劉韻珂奏請改為委員官運甫屆兩年何以復請將東路官領運本統交販戶領運辦理殊屬兩歧著新任總督李芝昌巡撫王懿德確查現辦官運有無把握是否須仍改歸商運如將民捐運本交販戶承領試辦有無流弊查明據實覆奏並將該省鹽務如何整飭變通可資經久之處悉心妥籌奏明辦理尋奏遵查官運幫銷日絀勢難加辦又無殷實商人可以招舉惟有力節虛糜務歸實在並將代銷名目永遠革除報聞○又諭前經都察院奏湖北已革巡檢潘歲遣抱告赴該衙門具控各款已降旨交龔裕提訊並查該參員被劾劣蹟具奏本日據程商采龔裕奏稱該革員於違例擅受詞訟被參革職

之後稟許藩司家丁倚勢弄法漢陽府家丁勒薦長隨漢陽縣知縣侵蝕賑銀等款該革員並不將應訊家丁薦函交出顯有挾私報復情事潘歲著即拏問仍交龔裕提同全案人證研訊確情按律懲辦毋稍徇縱○又諭前據駱秉章奏湖北漢陽府屬士民程瑞凱等呈請捐貲助餉代已革發遣新疆之前任湖南長寶道楊炳堃贖罪當降旨交程喬采訪察具奏茲據查明該士民等同心愛戴係

屬實情惟該革員前次獲咎情節較重且此端一開將來獲罪人員恐不免有授意飾詞希圖邀恩情事所有該士民等呈請代楊炳堃贖罪之處著不准行○諭軍機大臣等前因有人奏河南捻匪劫掠肆行節經寄諭潘鐸飭令嚴行究辦茲據奏稱查明泌陽縣角子山附近村莊並無匪徒盤踞形跡亦無一日搶掠數十家及唐縣匪徒欲行圍城情事現獲喬建德夥黨止供有訛索錢文各案此

時實在情形斷不至釀成事端等語外省州縣於盜劫重案往往心存諱飾化大為小未可受其蒙蔽李德到任尚需時日將肅遠現署巡撫責無旁貸著將潘鐸所奏各情節確加查訪各府屬有無捻匪出沒嚴密緝拏並飭偵捕喬建德務獲懲辦不准稍涉鬆懈尤不准代人受過曲為迴護以靖地方而懲積習將此諭令知之○湖廣總督程喬采奏遵查善化縣知縣易學超等被參各款飭署布

政使陳之驥等先行確審得旨陳之驥滑吏也到任後官聲若何密行訪察據實具奏尋奏陳之驥曾任州縣多年未免於州縣有逾格見原之處雖未至貽誤要需而辦理已不勝其竭蹶報聞○以辦理福建噶瑪蘭開墾出力予通判朱材哲等升賞有差○戊辰

上詣

壽康宮問

皇貴太妃安○遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園惠濟祠

河神廟○諭內閣陸建瀛楊文定奏泰疏防餉銀被劫之文武印委各員一摺江蘇丹徒縣知縣張元揆丹徒司巡檢謝綸恩鎮江營

專汛把總金詔協防外委李宗瀉於餉銀過境並不小心防護致被盜劫四千四百兩之多並有拒捕斃命重情丹陽縣知縣張禮並不豫先知會下站接護該委員試用直隸州州同郁岷江亦不催令按站行走致有疏失均非尋常玩忽可比張元揆張禮郁岷江謝綸恩金詔李宗瀉著一併革職留於地方協同接任之員勒限嚴緝務期贓盜全數弋獲不准一名漏網未經起獲銀兩責令該府縣

先行賠補督緝不力之鎮江府知府豫亨先因另案摘去頂帶著不准開復鎮江營參將經文泰中軍守備陳世安著一併摘去頂帶勒令督緝○又諭楊殿邦奏泰領運漕糧玩誤之千總請旨革職一摺江西安福守禦所領運千總尹肇善押運漕糧並不實力催趲以致幫船失風沈溺又不督押丁舵設法搶撈實屬玩誤尹肇善著即革職仍責令將該幫運務及抵壩交糧各事一手經理如有挂

欠即行據實嚴參以肅漕政○以成都將軍奕湘為禮部尚書未到任前以工部尚書阿靈阿兼署○以兵部尚書特登額署吏部尚書○以刑部左侍郎全慶兼正藍旗護軍統領調鑲白旗漢軍都統吉倫泰為鑲白旗滿洲都統以伊犁將軍奕山為鑲白旗漢軍都統仍留將軍任○以頭等侍衛特爾卿額為鑲黃旗蒙古副都統察哈爾都統恆春為正藍旗漢軍都統御前侍衛西凌阿為察哈爾

都統仍兼御前侍衛○調福州將軍裕瑞為成都將軍以鑲白旗滿洲都統桂良為福州將軍○贈故禮部尚書惠豐太子太保子祭葬謚恪慎○旌表守正捐軀廣東香山縣民劉亞保母梁氏增城縣民張華佐妻梁氏○加賞江南江淮等幫困災減歇各幫丁月糧銀米○己巳遣官祭

關帝廟○諭內閣徐廣縉奏參總兵知府一摺廣西左江鎮總兵德亮太平府知府吳德

徵於廣東省匪黨李士青李士明等被勒竄入太平土州之時並不實力堵捕轉飾稱難民不分良莠概行稟請送回欽州原籍辦理實屬乖謬德亮吳德徵均著交部嚴加議處○諭軍機大臣等據徐廣縉奏參總兵知府畏賊不勦飾稱難民咨送回籍一摺賊匪李士青李士明係李士倡餘匪夥同顏品瑤等在南太平府土州等處滋擾年餘竄回廣東經該處兵勇痛勦復逃廣西積至四千餘人

該總兵知府何以不分兵堵捕轉給路票咨回欽州本籍又於何時將李士青等招撫曾否稟明該大臣覈辦德亮等因李士青等人數眾多該處兵力不足會稟總督暫為從權辦理是否飾詞推卸抑係兵力本屬單弱為此將就目前之計現在廣西重兵自以圍攻新墟殲滅大股為要是否尚能分兵南太一帶協勦勞崇光現駐該處所帶兵勇是否足資調遣著該大臣飭令該司悉心體察隨時

稟明酌辦毋誤事機徐廣縉現在督辦羅定州凌十八一股巨匪已飭陶烜文等督帶潮州兵勇於欽州扼其要隘亦未知能否越境會勦是太平一帶兵力空虛亦屬可慮想該大臣已與徐廣縉通盤籌畫計出萬全也本日據奏軍需支發銀數一摺頗為明晰其潯州府城添設糧臺現委左江道楊彤如管理徐廣縉又奏委楊彤如馳往梧州遏賊旁竄之路此時究竟何處情形最要著與徐廣縉

鄒鳴鶴酌量辦理。又前據程商奏。湖南武岡營拏獲奸匪陳先得一名。據供曾在廣西融縣充當鄉勇。被賊擄捉服役。六月初一日。有大頭目禹老八等。派出二十人。飭往各處查探等語。禹老八係何處會匪。何股頭目。果否有派出多人各處查探之事。著嚴密查拏。勿令越境勾結。至金田新墟逆匪前已四面堵截。奪其後路。要隘賊勢已形窮蹙。行軍制勝。惟在相其緩急。不失事機。或重圍進逼。聚

而殲滅。或設伏誘擒。出其不意。總須謀而後動。正不必急於見功。此股會匪一經殄滅。即移兵南太一帶。勢如破竹。朕盼望情殷。惟冀該大臣蕩寇安民。至軍行一切遲速機宜。亦不為遙制也。左江鎮總兵德亮。太平府知府吳德徵。現交部議。均著仍令在軍營效力。自贖。德亮本係交該大臣察看之員。此次辦理乖謬。是否畏葸推諉。仍著確查具奏。將此由五百里諭知賽尚阿。並諭令鄒鳴鶴知之。○

又諭寄諭兩廣總督徐廣縉。此次德亮吳德徵於地方著名賊目。停留太平土州等處。並不實力勦辦。反行飾詞。咨送回籍。實出情理之外。其所稱兵力不足之處。是否飾詞推卸。抑係太平一帶。兵力本屬單弱。仍宜酌撥。弁兵協勦。現在勞崇光已抵該處。著該督飭令該司察看南太等郡賊勢。應如何添兵分剿。並知會賽尚阿。應酌派何處將弁兵丁前往會辦。務須通盤籌畫。不可稍分畛域。該督揜

勦逆匪劉八之後。現在籌勦凌十八一股。若能速獲渠魁。即可移兵廉州。督同陶烜文等。與廣西太平等處文武會合。以全力兜捕。庶可漸就肅清。該督統轄兩省。當與賽尚阿隨時咨商。計出萬全。慎勿顧此失彼。致誤事機。至前奏儋州土匪滋事被害之巡檢胡晨署守備鄺宗霖。把總張遇春。外委林鳴鸞等。著查明奏請議卹。又署廉州府知府沈棟輝。昨因擒獲劉八。賞戴花翎。該員於道光二十九

年勦辦陽山等縣匪徒案內業已得有翎枝
此次軍功應如何加獎之處著該督另擬具
奏將此由五百里諭令知之○安徽按察使
張熙宇奏報到任日期得旨事務求允當
不可徒務虛名懷之○以先賢程子後裔星
昂襲五經博士○以工部尚書阿靈阿為
實錄館總裁官刑部右侍郎書元為副總裁官
○以內大臣載銳署正白旗漢軍都統鑲紅
旗蒙古都統祿普署鑲白旗漢軍都統

實錄卷三十九

二十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之三十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之四十

監修實錄總纂官臣等奉命纂修實錄恭奉
諭旨著將此由五百里諭令知之○安徽按察使
張熙宇奏報到任日期得旨事務求允當
不可徒務虛名懷之○以先賢程子後裔星
昂襲五經博士○以工部尚書阿靈阿為
實錄館總裁官刑部右侍郎書元為副總裁官
○以內大臣載銳署正白旗漢軍都統鑲紅
旗蒙古都統祿普署鑲白旗漢軍都統

實錄卷四十

十

咸豐元年辛亥八月庚午遣官祭昭忠祠

諭軍機大臣等賽尚阿奏進勦新墟現在前
後兩路諸營逼近賊巢一摺並單開各路堵
截零星匪情形及挖獲逆書偽示各件逆匪盤
踞新墟經該大臣督飭統兵將官分路進剿
雖未得手亦各有斬擒且以官兵劉營離賊
寨較遠恐臨期有誤約會飭令前後兩路諸
營先後移劄逼近賊巢以期聲勢連絡布置
均合機宜此次巴清德向榮進勦冷田村焚
燒賊糧四百餘石該匪糧食漸少難保不鋌

而走險別圖搶掠且據探訪逆首韋正等冀圖竄越鵬化該處七十餘村屯積頗多且與胡以洗等花州舊巢毗連現值秋稻成熟之時更當分飭各該處弁兵嚴密堵禦斷其接濟並曉諭村民自相保衛毋令積穀之所轉齎盜糧現在軍營逼近賊巢糧臺尤關緊要務須督飭防護弁兵慎密守禦萬勿稍存大意該匪雖於附近多增木寨復於稻田設荆棘等物難保不外示拒守陰思他竄其後路

實錄卷四〇

上

鵬化一帶業經派兵防堵其西南羅添崗若設計誘令賊匪竄入以懈其死守之心攻勦更易得力偽軍師楊秀青徧貼偽示編造妖言倡脅愚民實堪痛恨必須將著名各逆首設法殲擒勿令漏網以快人心該匪等被圍窘急正似困獸猶鬪之時若冒險輕進稍有挫衄賊勢恐致復張總宜計出萬全算操必勝昨已諄諭及此想該大臣操縱緩急自有權衡也至單開各股零匪並無德亮等稟報

李士青等股咨回欽州一節著仍照前旨確實查辦所有傷亡官兵文瑞等著查明請卹署遊擊袁貴殺賊深入不知下落一併查明具奏將此由五百里諭令知之刑部奏甘肅番案內解京大員請派大臣會審得旨著派大學士軍機大臣會同刑部審訊定擬具奏署陝甘總督薩迎阿奏甘肅應撥口外兵餉經費不敷請將司庫封儲喀什噶爾軍需銀提借六十萬兩俟協餉到甘儘數歸還

實錄卷四〇

上

如所請行命鑲白旗滿洲副都統達洪阿來京以攻勦廣西新墟雙髻山賊匪獲勝賞還參將胡倬伸頂帶賞兵丁孫起泰藍翎以外委拔補贈故前任禮部尚書龔守正太子太保子祭葬諡文恭辛未

上詣

壽康宮問

皇貴太妃安諭內閣刑部等衙門具題湖北民人李雄詳因姦謀殺本夫一案將姦婦喻

李氏比照不知情絞候律上減等杖流從重實發駐防為奴此案本係刑部以供情支離題駁覆審該撫於覆審後仍照原擬具題經該部覆准詳閱本內情節喻李氏與李雄詳通姦其夫喻卜感縱姦在先嗣因口角有欲將李雄詳捕獲殺害之言喻李氏輒向姦夫告知已有背棄其夫之心迨李雄詳起意謀殺既商明該氏之兄為之加功該氏豈毫不知情且該氏是日何以適值外出及回家見

實錄卷四十一

中

屍哭問被姦夫嚇阻即不肯告是夜仍與李雄詳續姦更出情理之外案關倫紀必當細心研鞫方成信讞此案疑實甚多著龔裕親提人證卷宗再行覆訊務得確情定擬具奏毋得稍存迴護致滋輕縱尋奏遵審李雄詳因姦謀殺喻卜成身死喻李氏實係知情按律擬斬立決李雄詳擬斬監候秋後處決該氏之兄李憫怔在場加功擬絞監候秋後處決下部議從之又諭固慶等奏派員緝捕

清 實 錄 咸豐元年八月下

盜賊擬酌撥兵役隨帶鳥槍等語吉林所屬地方無業流民每多搶劫之案該匪犯等往往帶有鳥槍器械不服拘拏近來盛京所屬地方盜案亦多必應嚴行懲辦嗣後盛京吉林黑龍江等三省緝捕盜匪均著准其撥給兵役攜帶鳥槍以資保護仍嚴飭該兵役等毋許妄行施放致滋事端至民間私造私藏火器例禁甚嚴近日匪徒用鳥槍拒捕之案層見疊出地方官查禁不力已可概見著通

實錄卷四十一

五

諭各直省將軍督撫府尹各飭所屬遵照定例嚴行查禁以靖盜源又諭固慶等奏請將獲犯出力之驍騎校量予獎勵等語吉林刑司驍騎校色普徵額前在佐領任內因緝捕疏懈奉

旨降為驍騎校不准升轉茲據該將軍等奏稱該員奉派帶領兵役緝拏盜犯於半月內擒獲拒捕首盜數名並獲從犯二十餘名尚知愧奮色普徵額著交部議敘嗣後緝捕如能

五五一

倍加奮勉該將軍等再行奏請恩施 盛京將軍奕興等奏

福陵

隆恩殿工程完竣請飭欽天監諏吉由

東配殿恭請

神牌還

御得旨該衙門敬謹辦理 盛京禮部侍郎耆

瑞奏遵旨查收

福陵

南河總督楊以增奏報河湖水勢及各廳

隆恩殿明樓月牙城工程如式修竣報聞 江

南河道總督楊以增奏報河湖水勢及各廳

工程情形現將節屆白露仍督飭文武加意

修防得旨督率認真妥辦 肅親王敬敏以

病乞休得旨勿庸開缺停俸 壬申順天府

以宗室鄉試中額請得旨取中五名 直隸

總督訥爾經額奏訪獲教匪王進中提省審

辦並飭州縣嚴密查拏不使稍留餘孽得旨

嚴行訊究毋稍輕縱此案辦理頗屬認真但

不可含混了事懍之 甲戌

上詣

壽康宮問

皇貴太妃安 諭內閣前經特召前任太常寺

卿唐鑑來京疊次召對嘉其品學兼優器識

安定欲令留京供職念該員年逾七旬力陳

衰老若使勉強服官轉非所以示體恤唐鑑

著加恩賞給二品銜仍留江南主講書院江

南為人文淵藪得老成碩學為之教導俾後

進有所矜式於士習民風當有裨益也 又

諭刑部奏門軍私將枷號人犯開卸多名請

將該管之門千總門領分別革職解任訊辦

一摺此案朝陽門門軍保山等於發交看守

之枷號人犯輒敢聽許錢文私將文敬等十

六犯枷號開卸該管千總等知情不舉亟應

嚴切根究朝陽門門千總王墳麟德均著暫

行革職其供不知情之門領三音布鶴年均

著解任一併交刑部歸案訊辦 以協辦大

學士裕誠署吏部尚書 撫恤琉球國遭風
難夷如例 乙亥諭軍機大臣等奕山布彥
奏奏會議俄羅斯通商事竣擬定章程並開
單呈覽一摺此次俄羅斯使臣來赴伊犁會
議通商事宜該將軍參贊公同酌定條款內
如卡外搶案中國不管及在內地竊案分別
酌辦等情所議均屬周市並將喀什噶爾不
准通商一層據理折辯該使臣無可置對給
予文憑以為回國銷差之據文內仍正詞拒
絕杜其日後請求辦理尚屬妥協現在該使
臣已回本國所有伊犁塔爾巴哈台二處貿
易是否即自明春試辦每年清明後入卡冬
至節停止其辦理通商安靜情形如何分別
奏咨存案並內地商民如何稽查約束一切
未盡事宜仍著該將軍等悉心妥議具奏單
內第二條商人與夷商交易彼此設官照管
係由營務處派員前往各自秉公辦理經此
次議定後常時貿易全賴派出之員彈壓撫

綏照管一切遇有爭鬪小事公同剖斷不至
因小釀大邊防所繫最為緊要必須遴委廉
明公正之員通曉事體而不貪小利者方能
經理得宜彼此歷久相安免啟外夷輕侮該
將軍參贊及塔爾巴哈台大臣遇派委時切
宜加意慎重及如何酌定年限輪替之處詳
晰議奏另片奏會議將來有犯罪名一條該
夷使堅執不肯問抵呈出乾隆五十七年恰
克圖辦過舊案該將軍等所議條款內稱儻
遇人命重案即照恰克圖現辦之例辦理措
詞尚未得體至摺內所稱嗣後遇有殺傷俄
羅斯人等犯均解往陝甘總督衙門訊辦等
語甘肅距邊遼遠若將人證解往訊辦轉多
未便應否仍由該將軍參贊等就近訊明定
罪再行解往甘肅辦理之處一併詳議具奏
將此諭令知之 以鑲黃旗漢軍副都統哈
芬署正黃旗漢軍副都統宗人府右宗人奕
縉署正藍旗漢軍副都統左翼前鋒統領華

山泰署鑲藍旗蒙古副都統 丙子

上詣

壽康宮問

皇貴太妃安 丁丑

世宗憲皇帝忌辰遣官祭

泰陵

上詣

壽皇殿行禮 詣

壽康宮問

皇貴太妃安 奉

皇貴太妃幸延壽堂侍午膳 諭內閣徐廣縉

葉名琛奏越南國差官護送廣東遭風弁兵

回粵一摺廣東崖州協把總吳會麟管帶兵

丁五名水手四名駕船至峯嶺運硝磺回營

於上年十一月十八日由瓊州海口行駛被

風漂至越南國順安汛洋面經該國王資給

錢米派撥官兵駕船護送於本年六月回至

廣東越南國遠隔重洋素稱恭順今該國王

因內地弁兵船隻遭風漂泊到境款待周詳
護送回粵實屬恪恭盡禮可嘉之至自應優
加恩賚以廣懷柔著降敕褒獎並賞賜該國
王各樣緞疋此次該國帶有壓艙貨物及將
來出口貨物俱著加恩免其納稅仍循照舊
章先行開艙起貨銷售俾免稽遲所有頒給
該國王賞件著該督等先行文該國王知之
俟奉到敕諭賞件遇有該處船隻之便即飭
令齎帶回國如無便船即移交廣西巡撫酌

量妥寄其該國行价黎伯挺等亦著該督等
從優賞賚交該國王頒給 諭軍機大臣等
前據徐廣縉奏叅廣西左江鎮總兵德亮太
平府知府吳德徵於匪徒李士青等竄入太
平府境並不堵捕轉飾詞請送回原籍當經
降旨將該總兵等交部嚴加議處並諭知賽
尚阿仍令該員等在軍營效力自贖一面將
德亮辦理乖謬之處是否畏葸推諉確查具
奏茲據兵部覈議覆奏已降旨將德亮革職

矣。惟據該部以原奏情節較重，應否飭交刑部覈議罪名，聲明請旨。著賽尚阿仍遵前旨。察訪確情，若革職不足蔽辜，即著據實嚴叅。奏請治罪，固不可失之苛求，亦不可稍形寬縱。將此諭令知之。河東河道總督顏以燠奏報節過白露、黃河工程水勢情形，得旨：認真督辦。廣西左江鎮總兵官德亮緣事革職，以貴州定廣協副將李瑞為廣西左江鎮總兵官。准浙江杭州嘉興湖州各幫丁分限搭交耗米。戊寅諭內閣：慶祺、朱嶠奏請飭催三進在後幫船等語，據稱三進前十五幫糧船雖已跟接過關，次第驗卸，其在後之浙江、江廣等幫，尚未據報行抵何處。似此任意遲延，必致貽誤。限著直隸總督山東巡撫漕運總督嚴飭所屬實力提催，務令各幫跟蹤飛輓，毋使片刻耽延。儻查有幫船任意稽遲及沿途地方官催趲不力，即著嚴叅懲辦，以利漕行而肅運務。己卯諭內閣：吳文

鎔、張亮基奏請將京運短銅之員革任，勒賠一摺。雲南俸滿撤回之緬甯通判椿齡，准升安平同知。李崢嶸領運額銅交局短絀，均至十三萬斤之多。實屬經理不善。椿齡、李崢嶸例應革職留任，均著即行革任，仍留該省勒限照數賠繳。諭軍機大臣等：賽尚阿奏新墟前路進剿情形，並後路攻破風門坳，屢戰屢勝，一摺。覽奏實深欣慰。逆匪自雙髻山受創之後，經官兵疊次進剿，該匪節節抗拒，實屬頑很異常。此次前後兩路進攻賊巢，屢戰屢勝，斬獲甚多，並經巴清德向榮由後路乘勝前追，將風門坳一鼓奪獲。現在我兵逼近賊巢，其前路要隘處所，經該大臣分飭烏蘭泰等處處嚴防，並將新到之四川湖北各兵及達洪阿所帶官兵總歸烏蘭泰調度。兵力既厚，防剿更易得手。惟賊勢窮蹙，已極困獸猶鬪，難保不鋌而走險，以圖竄逸。且該匪狡黠異常，或佯敗詐降，疊施奸計，亦不可稍涉

大意賊首韋正洪秀泉楊秀青馮雲山胡以洗等此時均在新墟各村圍困之中一經大軍攻破必須按名擒獲或臨陣殲斃亦須確切認明毋令免脫該處村民如有設法縛獻賊渠者不惟免其從賊之罪並可格外給予恩施想該大臣已籌及此矣又片奏南太一路勞崇光前帶兵壯一千六百名復派重綸帶黔兵一千名前往又募儂沙等勇三千名並將在省城聽調之湖北兵五百名派往協剿惟據疊次單開各股賊匪顏品瑤雷志賢等往來竄擾我兵仍形單弱現在新墟大兵正在圍偪喫緊之際勢難分派而省城重地防範亦關緊要著該大臣酌量情形如新墟刻已攻破埽穴擒渠即移兵南下勢如破竹儻一時重兵未能移撥而左江一帶兵力尚不敷用或於鄰近雲貴湖南等省再酌調一二千名以資防剿即一面飛調一面奏聞毋稍游移至軍餉實數足敷幾月之用亦著豫

為籌覈奏明協撥勿致臨時周章總期盡殲醜類拯我窮黎朕日盼捷音之續至也再勞崇光能否得力據實具奏將此由六百里諭令知之改鑄福建將樂縣知縣印信從總督裕泰請也以攻剿廣西雙髻山豬仔峽賊匪出力賞副將和春營總烏蘭都參領富順巴圖魯名號副將松安參領福曜遊擊陳時亨都司額勒和泰守備魯占鼇朱占教馬文遠等花翎護軍校倭和等藍翎餘升敘有差以攻破廣西風門坳賊巢欽差大臣賽尚阿都統巴清德副都統烏蘭泰提督向榮下部優敘予廣西陣亡遊擊袁貴祭葬世職如副將例千總周維新祭葬世職如守備例千總羅渭膺外委饒學義祭葬世職庚辰

上詣

壽康宮問

皇貴太妃安遣官祭賢良祠辛巳諭內閣

鈕福保著授鍾郡王讀翁心存著仍在上書房行走 又諭潘鐸奏續經查明匪徒攔路竊詐行旅現籌巡緝一摺河南南陽府屬裕州唐縣南陽三州縣管轄之青臺鎮與賒旗店相近地方南北僻捷小道向有匪徒乘機竊詐行旅該處未設墩臺營汛以致行旅畏避繞道行走現經潘鐸擬定章程仿照大路一體設防均著照所擬辦理裕州知州姚慶溥南陽縣知縣鄭宗玉勒休唐縣知縣朱萼

中書未申

下

疏於防範均著交部議處前任巡撫潘鐸著一併交部議處並著該署撫蔣蔚遠督飭該地方文武員弁嚴行訪拏攔路竊詐行旅各匪徒務期盡數弋獲從重懲辦不得以現無報案致滋疏縱 又諭德勒克多爾濟等奏哲布尊丹巴呼圖克圖之呼畢勒罕尚在年幼俟屆迎接之時請旨再行派人一摺哲布尊丹巴呼圖克圖之呼畢勒罕本年甫及二歲西藏距庫倫路途遙遠一切難於照料著

照所請該呼圖克圖之呼畢勒罕俟年至六歲時再行奏請派人護送至庫倫坐牀 賞故堪布噶租羅布桑楚臣銀一百兩 淮湖南頭二三幫丁分限買補虧耗米石 壬午諭軍機大臣等有人奏革員陳阡自罷官以後干預公事自稱前任巡撫囑令首府寫信通省屬員湊集盤費非得銀二萬兩不肯出省已革知縣陳儁被叅後稟訴已革道慶雲被叅後呈控各案皆係陳阡指使陳儁前調

中書未申

下

吉安府首縣即係陳阡所保其署泰和縣收漕之時轎前排列大礮百姓畏懼不令進城各情如果屬實必當嚴究懲辦著王植惠密於審辦南豐一案後將該革員等現在被叅各款嚴究按律定擬具奏毋得稍有徇隱原片著鈔給閱看至慶雲被叅後稟訴一案前有旨交陸應穀查辦即著該侍郎等一併查訊明確嚴行究辦將此諭令知之 癸未秋分夕

月於西郊遣豫親王義道行禮

上詣

壽康宮問

皇貴太妃安諭內閣程喬采奏湖南吏治廢弛皆因大員未能表率致各州縣相率因循前任布政使現任大理寺卿萬貢珍在任七年馭下過於寬縱因而屬員膽大妄為丁役營私舞弊門丁書吏因緣為奸弊端百出吏治所由日壞現在告病之辰永沅靖道呂恩

奏奉
聖旨

欽此

湛由捐納知府在省數十年專事逢迎廣為結納辰沅道任內所管屯糧經費虧欠甚多交代難於結報似此顛預辦事貽誤地方若不嚴行懲創何以除積習而儆將來萬貢珍呂恩湛均著先行交部嚴加議處即著程喬采查明該二員任內劣蹟並呂恩湛虧欠屯糧曾否交代清楚據實具奏毋稍徇隱至現經查出各州縣門丁書吏因緣舞弊各案亦即逐款嚴行究辦以挽頹風諭軍機大臣

等前據王植奏壽州匪犯程六麻孜等結捻橫行拒捕脫逃當經降旨交陸建瀛蔣文慶及早籌辦旋據該撫覆稱拏獲擒匪高四八孜等多名程六麻孜尚未弋獲茲有人奏該匪日久在逃更有匪徒魏水烟頭張大礮楊思華結黨強劫豎旗有魏大元帥張大將軍字樣擾害善良搶奪解犯姦污婦女又有綽號貓耳躲鷹及太歲金剛閻王老虎者不一而足俱有擡礮鳥槍刀矛器械乘轎放礮嚇

奏奉
聖旨

欽此

詐橫行若不迅速撲滅必至滋蔓難圖著陸建瀛蔣文慶按照摺內所指各情選派幹員上緊查拏務期盡絕根株毋任漏網程六麻孜現在逃往何處尤應通飭各屬跟蹤密捕至安徽廬鳳穎三府與江蘇之徐邳山東之兗沂曹等府州接壤誠恐此拏彼竄日久勾結貽患非輕著江蘇安徽山東各督撫飭屬各於交界處所不分畛域合力堵截並知會河南一體嚴拏毋稍疏縱原摺著鈔給閱看

將此各諭令知之。又諭鄒鳴鶴奏密陳粵西積弊已深。擬次第籌辦一摺。據稱到任後。檢閱積案至五百八十餘起之多。未完交代亦積至二百數十起。餘如驛站稽遲。緝捕廢弛。種種弊習相沿。幾難挽救。廣西民貧地瘠。官斯土者。率諉於邊荒僻遠。困苦異常。因而相率苟安。不思振作。然總由歷任大吏。因循粉飾。不能實力整頓。以致積弊日深。若不力挽頹風。何以飭官方而蘇民困。著即照該撫

中嚴奉旨

奉

所請次第籌辦。先將積案擇要清釐。萬勿再任積壓。尤須身先率作。以整飭廉隅為本。刻去貪濁。興起循良。庶吾民瘡痍彫敝之餘。得所倚賴。而政貴有恆。事期覈實。勿徒空言美觀。或至始勤終怠。矢之以慎。持之以恆。朕實有厚望焉。將此諭令知之。湖廣總督程裔采奏遵旨嚴拏教匪。通飭各屬實力奉行。以正人心。而維風化。得旨。毋許飭查了事。一奏塞責若釀成巨患。朕必將爾等重懲不貸。又

奏新甯城步各縣均與粵西毗連。已檄飭在事文武嚴防。竄越批辦。理尚屬周妥。其盡心焉。廣西巡撫鄒鳴鶴奏報設立堡寨。撫恤難民各情形。得旨。所議自係實在情形。著飭屬妥辦。不許紛擾。應查者迅速查明具奏。以慰朕懷。豁免山西太原岢嵐應天同山陰豐鎮朔右玉左雲平魯甯遠神池歸化托克托薩拉齊興襄陵洪洞汾西和順五臺垣曲翼城武鄉安邑徐溝清水河和林格爾二十

實錄未中

三

八廳州縣道光三十年以前民欠銀米

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之四十

實錄卷四十

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之四十一

恭錄
奉
旨
纂
修
臣
等
謹
將
宣
統
元
年
辛
亥
閏
八
月
甲
申
朔
諭
內
閣
陸
建
瀛
等
奏
修
守
不
慎
以
致
河
隄
漫
塌
之
道
廳
營
員
請
分
別
革
職
摘
頂
勒
限
賠
修
一
摺
據
奏
八
月
初
一
二
等
日
西
北
風
暴
大
作
江
運
廳
屬
甘
泉
縣
境
牆
河
內
之
撐
隄
搶
禦
不
及
致
漫
溢
潰
塌
二
十
餘
丈
民
埵
十
餘
丈
前
江
運
廳
丁
憂
同
知
彭
以
竺
於
修
築
大
隄
未
能
一
律
如
式
偶
遇
風
暴
即
節
節
危
險
以
致
接
任
之
員
會
營
搶
護
無
暇
顧
及
牆
河
實
屬
咎
無
可
逭
彭
以
竺
著
即
革
職
接
署
江
運
廳
同
知
朱
忻
江
防
營
守
備
欽
此

咸豐元年辛亥閏八月甲申朔諭內閣陸建

瀛等奏修守不慎以致河隄漫塌之道廳
營員請分別革職摘頂勒限賠修一摺據奏
八月初一二等日西北風暴大作江運廳屬
甘泉縣境牆河內之撐隄搶禦不及致漫溢
潰塌二十餘丈民埵十餘丈前江運廳丁憂
同知彭以竺於修築大隄未能一律如式偶
遇風暴即節節危險以致接任之員會營搶
護無暇顧及牆河實屬咎無可逭彭以竺著
即革職接署江運廳同知朱忻江防營守備

蔡觀賢於彭以竺修築不能如式及有無庫項未清並未即日通稟該管常鎮通海道姚熊飛於彭以竺經手工程錢糧未能覈實辦理均有應得之咎朱忻蔡觀賢著一併革職暫行留任姚熊飛著摘去頂帶勒限賠修如逾限不完即將該廳營嚴叅治罪○又諭御史吳廷溥奏請查辦偷漏稅課等語據稱崇文門稅課以茶酒為大宗茶販半從穆家峪等處繞越出口漏稅日多酒稅一項例不准

由外局報稅近來奸民販私包私串通崇文門差役海巡人等設立私局包攬偷漏以致稅銀減少必當嚴懲弊端力加整頓著步軍統領衙門順天府五城按照該御史所指各情並各處著名販私匪犯嚴行查辦務期仍遵舊例不得繞越偷漏以重課稅而除積蠹○諭軍機大臣等陸建瀛等奏士民呈請嚴禁天主教批准立案嘉獎並酌擬章程數條開單呈覽該督等辦理此事甚屬妥協惟與

外夷交涉事件自應循守舊章以杜曉瀆尤須隨時應機通變期於制馭得宜若將此時所擬章程知照該夷設該夷亦另有所求將何以應之即如單內第二條免其查禁等句意在申明條約轉覺語涉痕迹俾習教者恃有明文益無忌憚總之原約所有者無庸再為申說其非原約所有須因時酌量者在當日定約之初即已意在言表全在各該地方官權宜操縱不必分列條款豫定成規更無

須事事照會致該夷反滋辯論事無了期該督等即將擬辦事宜咨行內地飭屬自行辦理並將該省現辦情形咨會廣東毋庸將此章程給與夷人照會凡事慎之於始勿自我發端轉啟將來饒舌也將此諭令知之○盛京將軍奕興等奏稽查東邊外山場與朝鮮官會哨情形得旨雖屬照例巡查亦應認真不可視為具文因循廢墮天下之通病慎戒之○改鑄浙江仁和縣知縣印信從巡撫常

大瀉請也○撫恤琉球國遭風難夷如例○
乙酉諭軍機大臣等據載從慶錫奏遵查前
後藏喇嘛呈進貢物從前辦理情形一摺此
次前後藏達賴喇嘛等恭進佛座畫像著永
康等暫於永福寺供奉俟

孝和睿皇后

宣宗成皇帝梓宮奉安時再行酌定供奉處所
所有呈進貢物除奏書哈達業經焚化外其
餘藏香紅花璫璫等貢物著於月祭時分別

敬謹焚化將此諭令知之○山東巡撫陳慶
偕奏行抵登郡現辦洋盜情形得旨盜首務
期必獲飭令鎮將等認真勦捕勿稍推諉陳
世忠人樸誠尚屬有用之材妥駁之○免四
川出征兵丁未完行裝銀○丙戌

上詣

壽康宮問

皇貴太妃安○諭內閣河南南召縣地方現在
緝捕緊要著該撫於現任知縣內揀選人地

相宜之員調補新選南召縣知縣修際熙著
歸部另選○又諭薩迎阿奏審擬已革蒙古
章京格窩一案並請將前鋒翼長佐領富克
津泰等飭回伊犁當差等語富克津泰等著
暫留甘肅聽候諭旨所請量予鼓勵之處著
俟番案會審完結後聲明請旨○署陝甘總
督薩迎阿奏甘肅皋蘭等九州縣被旱被雹
被水情形得旨被災較重之區勘明迅速具
奏不准耽延○頒賞王大臣暨內廷翰林各

省督撫石刻

御製御門聽政述志示在廷諸臣詩各一分○
丁亥諭內閣楊以增奏趕辦民堰漫水工程
請飭河員分賠歸款等語江運廳據隄民堰
經該河督親往督辦計八月內業已竣工所
用銀兩准其先由河庫墊發仍著前同知彭
以竺及署同知朱忻署守備蔡觀賢等分賠
歸款○又諭楊以增奏豐北廳屬隄身坐墊
現在趕辦情形一摺據稱本年黃河水勢自

白露節後逐日加長八月二十日寅時風雨交作河水高過隄頂豐下汛三堡也上無工處所先已漫水旋致隄身坐墊刷寬至四五丈現經該河督馳抵該處先飭查明被水村莊妥為撫恤並查照嘉慶元年豐北六堡漫水成案辦理著陸建瀛楊以增嚴督廳汛各員將現在漫口趕緊盤裹應辦各工迅即興築儻搶護遲延致漫口刷寬愈甚回空漕船或有貽誤惟該河督等是問並著查明此

次墊隄是否實係無工處所毋得藉詞掩飾其疏防之該管文武各員著即嚴行叅奏○又諭前因御史張廷瑞奏請酌改新疆換防兵丁並侍郎恆春奏請一體改為眷兵各摺均交伊犁將軍會同陝甘總督等妥議具奏茲據奕山薩迎阿等通盤籌畫臚列各條具奏所陳車輛之糜費浩繁鹽菜之有增無減以及添置鍋帳房屋展寬各城添設官員耗費糧食已屬諸多窒礙且回疆各城向無內

地婦女如改防兵為眷兵紛紛遷駐更易滋生事端計各城遷改眷兵費用先須籌墊銀二百四五十萬兩迨三十餘年後每年始能節省銀六萬兩是所省尚在異日而所費已在目前自無須輕議更張轉滋流弊所有該處換防兵丁均著仍照舊章辦理並著該將軍等行知各城大臣認真操練如有庸懦將弁及老弱兵丁務須隨時甄別裁汰以重邊防將此諭知奕山薩迎阿並諭布彥泰毓書

德齡知之○戊子諭軍機大臣等賽尚阿奏連日進攻賊匪疊獲勝仗一摺此次雖連日獲勝究未大加懲創現據訊供該匪有由石背渡江南竄之信自應分派兵勇嚴密堵禦惟該匪詭譎異常難保不為聲東擊西之計其東北鵬化一路經該大臣激勵該處紳士及山內徭勇均已志切同仇並經烏蘭泰派撥兵勇前往接應布置已極周密儻該匪窮蹙竄出必能會合免擒又據片奏探得新墟

賊匪紛紛扒越後路高嶺逃竄現經兵勇衝殺圍攻等語該匪股數眾多恐其分作數路牽制我師尤當防其詭計現在賊首韋正楊秀青馮雲山等均在圍中必須設法誘擒勿令竄逸更致勾結至該匪在墟外加築土牆並於地上盤旋難保不別蓄詐謀不可不防砍斃黃鬚賊目究係何人著即確查具奏提督重綸忽得疾疫著該大臣察看如未能速愈或愈後尚難回任即奏請開缺另行簡放

重綸所帶之兵雖已交惠慶管帶而貴州提督亦甚緊要未可耽延至兵貴神速當此乘勝之時正可一鼓作氣掃蕩賊氛固不可急遽貪功亦不可遷延誤事想該大臣必能洞悉機宜上孚朕意也勉之望之將此由六百里諭令知之○又諭程喬采奏粵東股匪竄撲宜章縣境一摺粵東餘匪僅數百人何以一入楚境遂致搶卡戕官可見該省疊次奏稱嚴密防範盡屬虛詞現在該匪竄聚乳源

交界之客家洞地方業經該鎮道選帶兵勇前往著該督等嚴飭堵剿仍咨會廣東文武一體勦捕斷不可互相推諉致令蔓延生擒賊婦王蕭氏等著嚴行審訊按律懲辦所供沙包會收徒一百餘人是否有湖南會匪暗相勾結其同夥之廣東匪徒楊得魁劉上元等如訊有窩聚地方即飛咨廣東督撫查拏務期全數弋獲至被賊衝散不知下落之守備趙鴻賓著查明隨時奏聞將此由五百里

諭令知之○又諭程喬采奏廣東陽山縣匪徒數百人竄撲宜章之思仁坳卡守備趙鴻賓等受傷署千總張凌雲把總杜瑞被害該匪屯聚莽山糞粃嶺一帶續經宜章縣營帶兵往剿轟斃賊匪十餘名生擒頭目賊婦王蕭氏餘匪又竄聚乳源交界之客家洞地方現已飛飭永州鎮總兵孫應照衡永柳桂道張其仁馳往勦辦並咨廣東會勦等語湖南宜章縣界連廣東連州陽山乳源等處匪徒

竄入滋擾戕害弁兵負隅屯聚亟宜痛加剿洗著徐廣縉葉名琛即飭將弁帶兵馳赴該處合力兜捕掃數殲除勿留餘孽至王蕭氏一犯訊供起會收徒與廣東之楊得魁劉上元等同夥著該督等遴派妥員將該犯等嚴密訪拏務獲懲辦其沙包會係何邪教王蕭氏所收之徒一百四十人現在何處遊奕此外入會之人尚有若干均著嚴查究辦毋得稍有不實不盡原摺鈔給閱看將此由五百

里諭令知之○湖廣總督程裔奏前獲匪犯陳先得等供詞虛捏得旨仍應嚴密防範勿致本境另起股匪○以攻勦廣西新墟賊匪獲勝賞副都統烏蘭泰都統銜二等侍衛開隆阿頭等侍衛○以湖南宜章縣疏防隣匪竄入縣境叅將積拉明阿知縣鄒颺廷下部議處予陣亡千總張凌雲把總杜瑞祭葬世職○予父子殉節廣西巡檢馮元吉祭葬世職並於任所本籍各建專祠子澍溥附祀

己丑

上詣

壽康宮問

皇貴太妃安○諭內閣奕湘徐澤醇奏請將妄稟之勒休知縣革職一摺四川勒休知縣閻有倫牽稟降調糧員武來雨一案前經降旨交奕湘會同徐澤醇審訊茲據該將軍等審明閻有倫所稟各情並無實據仍復堅執其說巧為避就居心實屬險詐閻有倫著即革

職以示懲儆武來雨查無捏造蒙蔽等情著毋庸議○又諭卓秉恬等遵旨查明直隸京官與貢監生互稟一案又王慶雲奏覆試屆期請豫禁爭端各一摺並請復還改籍舊制等語考試用京官印結原以識認稽察為重近來直隸京官專舉十二人出結其勢不能周知無怪該貢監等紛紛聚訟目為把持嗣後考試出結自應查覈舊例以息爭端所有卓秉恬等議覆一摺並王慶雲陳奏事宜均

著禮部速議具奏其覆試後改歸原籍新章與舊例孰為妥協亦著一併詳議具奏○庚寅諭內閣徐廣縉等奏勦辦凌十八股匪情形一摺賊匪凌十八自移竄廣東羅定州羅鏡地方經該督調兵籌勦茲據奏各隊兵勇均至分界劄營三路進攻先經小捷繼獲大勝護參將衛佐邦管帶兵勇現已起至羅定正可奮勇攻勦一鼓成擒將首匪凌十八並夥黨悉數殲除勿令乘間免脫其何名科等

股並著該督分飭鎮將速行勦捕將高廉一帶各匪埽除後即可移兵與廣西會勦共奏膚功也所有陣亡之黃岡左營把總蕭振聲提標外委駱雄超並陣亡兵勇著查明一併咨部議卹○又諭前據琦善保奏勦辦番回出力各員曾經降旨交薩迎阿查覈茲據覆稱琦善前次攻勦番回伊未曾目覩所保人數較多不能查出何員出力措詞已屬含混又稱容俟留心考察另請鼓勵是於勦辦番

案之外復開冒濫保舉之端尤屬錯謬薩迎阿著傳旨申飭○又諭御史吳若準奏請嚴禁差役積弊一摺各省州縣設有胥役原為辦公差遣之用而蠹役即因之舞弊假公濟私大為民害如該御史所稱假催科為名擾及保甲復假辦差為名科斂錢文至緝捕不力泰盜分贓及遇地方失事誣扳良民任意需索似此種種積弊若不嚴行申禁何以靖閭閻而肅吏治著各直省督撫嚴飭地方官

隨時查察儻有前項各弊立即嚴行懲辦如州縣袒庇故縱著即從嚴叅處至直隸河南等省白役一州一縣何至盈千累百之多若如所奏其擾害地方不問可知並著該督撫嚴查禁革毋稍徇隱○又諭御史張澧翰奏河工道缺職掌今昔情形不同請分別歸併改隸以專責成一摺另片奏南河錢糧事宜請照東河之例分交各道庫收放並將河庫道改為題調缺等語著陸建瀛會同楊以增

悉心體察妥議具奏尋秦南河庫道一缺因係清黃文匯之處時有要工未便照東河例將錢糧分儲各道惟察看情形本有改併之議擬於每年額費三百萬兩內提銀數十萬兩專儲河督衙門遇有急工隨時奏明酌提得旨妥議章程必期可垂永久○以理藩院尚書吉倫泰兼署兵部尚書○辛卯豁免福建省道光二十九年以前竈地未完額課○撫恤日本國遭風難夷如例○壬辰

上詣

壽康宮問

皇貴太妃安○以協辦大學士戶部尚書裕誠為滿洲繙譯鄉試正考官通政司參議倭什琿布為副考官○癸巳諭內閣富隆阿於文卸英吉沙爾領隊大臣事務常清於接受署任俱用漢字摺奏殊屬非是著傳旨申飭○甲午諭內閣楊以增奏馳抵豐北三堡勘得口門續經塌寬至一百八十五丈水深三四

丈不等現在大溜全行掣動迤下正河業已斷流被淹地方居民罹此凶災流離失所朕心實深憫惻著該督撫等迅速籌款派員妥為撫恤毋令一夫失所河溜現已分作兩股所擬啟放各壩並勘估各工均著趕緊籌辦仍嚴飭道將等將東西盤裹壩頭竭力保護儻再有疏虞或致貽誤漕船回空該河督等自問當得何罪耶所有專管廳汛疏防失事之豐北廳通判王熙善豐北營守備郝瀛東

著即行革職枷號河干示眾豐縣主簿鍾乃澄豐下汛把總李廣愛協防朱保珍著一併革職兼轄之徐州道沈濂河營參將呂邦治淮徐遊擊闕興邦均著革職暫行留任責令隨同辦工不准置身事外楊以增身任河督未能先事豫防實難辭咎著摘去頂帶與兼管河務之兩江總督陸建瀛交部分別議處另片奏沛縣被災較重先行捐銀拯濟並啟放外南之順清河使湖水刷滌河身等語均

著照所擬妥速辦理。又諭都察院奏各省奏交案件逾限未結請照咨案一律知照該衙門以憑催參等語。據查自道光二十一年至二十九年奉

特旨交辦之案尚有福建省十一件廣東省五件奉天省二件山東省一件江南省一件直隸省一件均屬有逾例限似此因循成習勢必拖累無辜於民生大有關繫著各該督撫等查明逾限各案迅速審辦完結毋得再有

延宕所有承審遲延各職名並著咨部照例議處嗣後奏交案件著與咨交各案一併將已結未結起數咨報都察院查覈例限催參以清案牘而儆廢弛其步軍統領衙門逾限奏案亦著歸入都察院催參案內辦理○又諭顏以燠奏黃河盛漲兩岸險工搶鑲平穩一摺本年黃河水勢自白露節後逐日加長上南蘭儀睢甯商虞下北曹河等六廳尤為險要經該督督飭各道分投搶鑲得免貽誤

現在南河豐北漫口水勢橫溢該督尤當嚴飭道廳營汛妥慎修守毋稍疏懈又片奏現飭運河道迦河廳查勘黃水漫溢處所究於何處歸宿是否有礙運道著即將實在情形迅速具奏至被水村莊著陳慶偕迅委委員查明撫恤毋令失所○又諭御史吳廷溥奏查辦考試出結未能覈實摺片各一件並鈔錄科場例案呈覽著禮部與現議卓秉恬等並王慶雲原奏一併秉公查覈妥議具奏此

案現交部議尚未覆奏該御史係直隸籍貫自應靜聽部議如所議有未允協原可據實指陳乃於部議未定之先率行陳奏殊屬非是吳廷溥著傳旨申飭○諭軍機大臣等楊以增奏勘明豐北漫口情形並繪圖貼說呈覽此次豐北三堡黃流漫溢口門已塌寬一百八十餘丈大溜全行掣動民田廬舍多被淹浸所謂保障斯民者安在耶現在辦理堵築需用浩繁國家經費有常豈能任貽誤各

員殃民糜帑應如何分別罰賠及設法籌款之處著該督等迅速悉心籌畫妥議具奏務當激發天良搏節覈計毋得稍有浮糜重干咎戾將此諭令知之○江南河道總督楊以增奏報豐北被災籌辦撫恤事宜得旨流離失所皆朕之德薄所致爾若不激發天良何顏對朕若入奏稍有不實是增朕之過也稽首籲

天夫復何言 甘肅涼州鎮總兵官萬飛鷹奏

報到任日期得旨勉力為之又批勤加訓練力戒因循操守尤為緊要此諭須默識之不可忘○乙未

上詣

壽康宮問

皇貴太妃安○

孝德皇后殯宮月祭遣官行禮○諭內閣工部

錢法堂奏請嚴催銅運等語銅運為鼓鑄攸關斷不容遲延貽誤現在戶工兩局銅斤短

絀疊經降旨嚴催而該運員等行走遲滯習

為故常若非責成地方官竭力催提必致貽

誤鼓鑄所有已入山東境之己酉年加運一

起彭克偁二起趙崑已渡黃之正運四起吳

鴻昌庚戌年正運一起鄭訓遠已入湖北境

之二起王日省現在何處逗遛著沿途各督

撫及藩臬大員飛飭提催先將已入山東境

之彭克偁趙崑已渡黃之吳鴻昌鄭訓遠等

四起銅運趕於九月內運送到京以資接濟

其報入湖北境之王日省及庚戌正運三起

陳步棻四起顧思綬加運一起鄒行泰二起

彭蓋忠等在途各運亦著趕緊嚴催迅速趨

行儻各該運員沿途逗遛或地方官不能實

力催趨即著指名嚴叅懲辦 又諭程藩采

龔裕奏民隄漫缺請將搶護不力各員交部

議處一摺湖北公安江陵監利石首四縣民

隄於本年六月初間均有被水漫溢致成缺

口處所該管各員搶護不力咎實難辭署公

安縣事試用知縣劉德紀江陵縣知縣俞昌烈監利縣知縣彭鳳池代辦石首縣事石首縣縣丞黃履元著一併交部照例議處該督撫即嚴飭該員等迅將潰口搶築修復毋稍延宕其被水居民據稱業經妥為安撫仍著察看情形據實具奏以挑挖運河並催趲出力賞山東同知吳吉昌知州陳寬升銜○丙申諭內閣奕興奏奉天捕務因循日久請及時分別勸懲等語奉天所屬復州蓋平縣等處盜案滋多節經降旨飭令該將軍將捕役募盜分肥各情嚴行查辦茲據奕興奏稱前派蒙古驍騎校恩合拏獲賊犯張景堂供認曾被復州捕役葛倫莊青王姓等緝獲旋因索給錢文私行釋放當將該犯交熊岳防守尉衙門派差押解中途疏脫又經蓋平縣拏獲旋派役劉廣解至遼陽城守尉衙門加派驍騎校慶雲幫同護解又復逃逸原派解役劉廣亦攜帶解送印文潛逃其中顯有賄

縱情弊復州捕役等既據賊犯供稱得受東錢至二千餘千之多是其臨時賄縱及平日得賄包庇情形已可概見若不嚴行究辦何以懲積蠹而靖盜源著該將軍府尹嚴飭各該州縣將賊犯張景堂捕役劉廣等緝拏務獲並捕役葛倫莊青王姓等一併嚴審按律究辦驍騎校慶雲著摘去頂帶勒限緝拏儻逾限無獲即行革職以為護解不慎者戒蒙古驍騎校恩合疊次查拏盜犯設法購綫先後緝獲要犯多名尚屬勤奮著賞戴藍翎以示鼓勵○又諭賽尚阿奏新墟賊匪逃竄官兵追剿情形一摺廣西逆匪自竄踞新墟壘經前後兩路官兵進剿該匪勢漸窮蹙焚巢而竄八月十七十八等日我兵分路追剿擒斬甚多並生擒偽司馬楊繼倡訊供偽軍師周錫能業已殲斃現在該匪由藤縣和平墟等處逃逸惟巴清德向榮等截賊前路乃因屢遇大雨被匪衝撲致有損失李瑞王夢麟

帶兵駐劄古城墩。經文岱等駐鄧塘水地方。李伏管帶楚兵。均未能遏賊奔竄之路。實難辭咎。李瑞、王夢麟均著摘去頂帶。仍交部嚴加議處。李伏、經文岱均著交部嚴加議處。仍一併留於軍營。責令立功自效。巴清德向榮、長瑞亦著交部議處。仍著會同烏蘭泰等合力兜剿。務將竄出各匪併力殲擒。毋得再有疏失。致干重咎。陣亡千總楊成貴著交部照例議卹。○諭軍機大臣等。寄諭欽差大臣大學士賽尚阿、新墟賊匪由藤縣和平墟竄逸。此路可通永安、修仁等處。為入省要路。該大臣自應持以鎮靜。嚴飭向榮一軍激勵士卒。與烏蘭泰等聲勢聯絡。或前後夾擊。或設伏抄剿。總令該匪奔喘不暇。斷其搶掠之路。再此時賊匪分竄。勢已渙散。正可乘此機會。立懸重賞。設法擒縛。逆首數人。則賊膽自落。其勢更易解散。所募福勇潮勇。即飭趕緊招募。精壯者數千。以資堵截。總兵德亮等業已革

職。著仍遵前旨。留營效力。匪首顏品璠是否已被殲戮。李士青等現在如何設法擒捕。均即查明具奏。該大臣務當相機妥籌。嚴密布置。毋得再有疏失。以副朕望。至軍餉已飭戶部續撥一百萬矣。將此由六百里諭令知之。○又諭前據楊以增奏。豐北三堡黃流漫溢。朕心實深焦灼。著瑞常於場事完竣後。回京路過徐州。即前往豐北一帶。訪察該處漫口。是否實係無工處。所究係何員貽誤。所報口門壩寬一百八十五丈。是否屬實。現辦裏頭已否完固。其民田廬舍淹浸若干。被水居民如何安撫。沛縣一帶村莊被災尤重。現在情形如何。飢民眾多。有無匪徒乘機搶掠。滋生事端。陸建瀛計已馳抵工所。現與楊以增如何籌畫經費。覈實辦理。至河流串入運道。於回空漕船果否無礙。以上各情節。著瑞常逐一詳細查明。迅速由驛具奏。以慰朕念。楊以增先後奏到摺片。並諭旨二道。均鈔給閱看。

將此諭令知之○盛京將軍奕興奏遵查浙江福建等省商船在金山復州錦州屬界洋面被劫勒贖業將緝捕不力之水師營弁奏叅摘頂王以咸在牛莊界被劫業經勒緝查叅錦州府知府並無遣人進京中途被劫之事已革復州知州王安業前在雲南同知任內吸食鴉片既已戒絕因患寒疾復借煙具冀圖治病尚非無故久慣吸食孫雲沛與馬泳德等至事主曲泳順家行劫得財梁洪春富盜分贓均經分別問擬斬決梁洪春與何泳幅等二十六人結拜弟兄並無歃血訂盟情事緝獲梁洪春時眾鋪戶懼板受累措備東錢一千四百串寄在吳學讓家嗣經詢無其事將錢退還並無為梁洪春行賄用錢萬串之事捐職千總蔡序東係通判劉榮桂戚誼曾至吳學讓鋪內致招物議實無勾通情弊刑書樂吉生等亦無受賄舞弊重情至奸民偷宅金沙曾經酌定緝捕章程每年春秋

會哨一次現復嚴飭臺卡各員隨時認真稽查報聞兵部左侍郎孫葆元以親老多病乞開缺回籍侍養允之轉兵部右侍郎趙光為左侍郎以署吏部右侍郎何桂清為兵部右侍郎戶部右侍郎翁心存兼署吏部右侍郎都察院左副都御史李嵩署禮部左侍郎丁酉湖北巡撫龔裕奏遵旨查拏痞匪及現辦緝捕情形得旨認真辦理不可視為具文○刑部尚書阿勒清阿因病開缺仍管正紅旗漢軍都統以察哈爾都統恆春為刑部尚書吏部尚書柏葭署正紅旗漢軍都統○戊戌上詣壽康宮問皇貴太妃安○諭內閣陸建瀛奏鹽場猝被風潮委員查勘大概情形一摺淮南豐利柟茶掘港草堰等場本年八月內猝遭風雨潮勢洶涌將范隄稽隄衝缺數處竈田廬舍多被

淹浸埤場坍塌滴灰漂灑人口亦有損傷殊堪憫惻該督現已委員馳往查勘有應行撫恤之區著即先行籌款散放勿任一夫失所並著查明各場何處被災較重何處不致成災覈實辦理淮南甫定新章正值秋產緊要之時斷不可任聽該場員等藉口被災豫為缺額地步衝決之范隄等工均著勘明趕緊修復其豐利場電棍藉災滋鬧一案著即飭屬嚴拏懲辦以戢奸宄而安善良○諭軍機

大臣等有人奏前任湖南巡撫陸費璣在任時貪贓賣缺以巡捕蔡鼎新王逢吉為腹心致佐雜人員爭先進賄知縣張宗世俞舜欽俞會昌皆有賄賂情事等語湖南吏治廢弛總由大吏表率無方前因程喬采奏參前任藩司萬貢珍道員呂恩湛已照部議革職並諭該督查辦若如所奏是萬貢珍等未能整頓未必非陸費璣為之厲階著程喬采按照摺內所稱逐款訪查如有前項劣蹟據實具

奏毋稍徇隱原摺著鈔給閱看將此諭令知之○又諭有人奏湖南同知俞舜欽前在江西鉛山縣任內貪賄庇差以練保兼催漕米各都未完之米勒令練保賠墊以致該縣五十餘都胥受其累又私設班館濫押無辜非刑拷打致斃練保余添福等數十人之多或捏稱病故或抑勒家屬出結俱在該府衙門控告有案又囑令書吏朱象賢等藉端詐贓及蠹書張朱周楊等姓說事過錢各等語州

縣為親民之官保甲為弭盜之法若如所奏種種擾累貪酷大干法紀著陸建瀛陸應穀按照摺內各款逐一訪查其有案可據者提省秉公訊辦據實奏毋得稍有不實不盡原片著鈔給閱看將此諭令知之尋奏俞舜欽任鉛山縣時用練保催辦錢糧又將監生吳兆南勒充練保戶書朱象賢從中需索實屬辦理不善下部處分如例○命福建按察使查文經馳往江南隨同兩江總督陸建瀛

又諭吳文鎔奏參徇庇屬弁扶同諱竊之守備請旨革職一摺貴州安義鎮長壩營外委李錦榮於鈐記被竊捏報火燬該管守備牛步麟膽敢扶同徇飾屢經飭查猶不據實稟辦實屬庸劣不職牛步麟著即行斥革永不敘用○雲貴總督吳文鎔奏校閱省標六營官弁兵丁技藝情形得旨認真督率練習乃疆吏分內之事重文輕武巨患潛伏戒之戒之改鑄直隸通永道關防從總督訥爾經

額請也○庚子諭內閣軍機處為絲綸重地滿漢章京繕寫諭旨尤宜慎重考選嘉慶年間疊奉

仁宗睿皇帝諭旨令各衙門堂官於司員中書筆帖式擇其人品端方年力富強字畫端楷者出具切實考語保送並限其額數又定濫保處分

聖訓煌煌永垂法守現當保送軍機章京之時著各該堂官認真揀選必須先取人品並察

看年力文字照例咨送毋許徇情冒濫軍機大臣傳集考試著將試卷彌封公同校閱擬定次第帶領引見候旨記名如該員等充補之後急情不職即咨回原衙門當差儻查有舞弊營私劣蹟即著該大臣等據實嚴參朕必寬其失察之咎如徇隱姑容經朕察出惟該大臣等是問並將濫保之各衙門堂官一併議處該章京等內廷供職向例覈其勞績甄敘從優當如何砥厲廉隅以圖報稱嗣後

各宜倍加謹飭於一切交遊書札均須慎密毋得仍蹈積習致干重罪○又諭訥爾經額奏永定河秋汛安瀾一摺直隸永定河本年伏汛內節經盛漲在工員弁防護數月之久慎勉從事現已節逾秋分查勘通工悉臻穩固所有廳汛各員著擇其尤為出力者酌保數員候朕施恩毋許冒濫○又諭常大瀉奏海塘埽石各工衝缺請將承修員弁革職留任勒令賠修一摺浙江海塘因八月內連日

風潮猛烈。先後坍卸石塘。計駒字號二丈零。食字號二十丈。場字號四丈。其柴埽各工。亦俱坍塌。現在口門業經堵合。著即將石埽各工趕緊接續修復。以資抵禦。該廳營各員原辦工程。未能堅固。實難辭咎。杭州府西塘海防同知馬椿齡。海防營守備夏德風。均著革職留任。勒令賠修。現署西塘海防同知仲孫樊。未能先事籌禦。杭嘉湖道舒化民。疏於防範。均著交部分別議處。○又諭。端華等奏查

驗軍械請飭認真經管等語。圓明園八旗所存弓箭。撒袋。長槍等項。照例十年修理一次。茲據查明損壞過多。究屬收存不善。經此次修理後。著該管大臣嚴飭各該旗章京等。妥為經管。儻每年查驗軍器時。再有損壞之處。即由查驗大臣據實奏。毋稍瞻徇。○辛丑上詣

壽康宮問

皇貴太妃安。○壬寅。諭軍機大臣等。賽尚阿奏

新墟賊匪竄入永安州城。我兵繼至。且追且擊。該匪逃入城中。閉門據守。現在巴清德向榮。烏蘭泰等均已督帶各路兵勇。先後追至。務當嚴密堵禦。四面圍攻。城中賊匪。是否有逆首在內。尤須探明設法殲擒。再據賊供。洪秀泉有乘小舟欲駛出濛江口之信。濛江偈近藤縣。係東通梧州水路。該大臣已飭劉繼祖。湯俊等及防河各委員嚴密堵截。此股逃匪七八百人。船礮俱備。且有逆首等在內。務須加意嚴防。設計擒剿。劉繼祖等是否可靠。所帶兵勇。是否足恃。朕心實深懸念。至賊匪分竄各路。往往乘虛而逸。是該匪探知我兵情形甚熟。而賊中消息。我兵轉未能得其確情。用兵之道。偵探為先。何得如是草率。現在首逆韋正等。如何分竄。某首匪在某處。亦未詳細聲敘。所謂知己知彼者。安在耶。所調湖南兵一千名。現在是否趕到足資防剿。其先調之楚兵。日久疲乏者。或即汰回。或換令防

守不可強使當先反致誤事此一節務須慎密斷勿稍有漏洩致滋解體新墟一帶賊巢既已焚毀其零匪是否勒淨聞逃匪有怨恨思散之言若能設計誘將首逆縛獻則餘黨更易翦除賽尚阿自抵軍營以來凡遇奏報勝仗著有勞績朕無不優加賞賚即巴清德向榮等亦均屢有恩施現在賊匪仍肆猖獗攻破城池該大臣等當如何知感知愧力圖報效以贖前愆耶將此由六百里諭令知之

○欽差大臣大學士賽尚阿奏報永安賊匪擊敗被圍得旨逆匪被困正可聚而殲旃勿令一名免脫至洪秀泉等欲由水路潛逃尤應嚴密防範若首逆未能擒獲只殺餘匪以塞責朕惟知將賽尚阿重懲不貸懍之○駐藏大臣穆騰額奏達賴喇嘛採買緞匹逾限懇准趕行採辦得旨著加恩准行嗣後不得援以為例○改鑄山東滕縣知縣印信從巡撫陳慶偕請也○以廣西永安州城被賊竄

陷欽差大臣大學士賽尚阿下部議處革提督向榮都統巴清德翎頂○以攻勦廣西新墟賊匪出力賞知州馮玉衡花翎勇目張興藍翎餘升敘有差予陣亡侍衛文瑞守備劉正江張相桓千總周接受張文魁把總定治王鴻信外委李陞李銳武傳尚陞尹克選藍翎長伊精額步軍校齡山祭葬世職○癸卯上御乾清門聽政○甲辰上詣

壽康宮問

皇貴太妃安○命翰林院編修趙昀在上書房行走○乙巳諭內閣刑部等衙門具題湖南衡山縣民曾思義劃傷小功服兄曾敘倫身死一本聲明並非有心干犯夾發請旨該犯曾思義與曾敘倫夥砍山柴至晚清算擔數曾敘倫因被斥攏扭僅止用柴向毆曾思義何以尚帶柴刀在身遽行抵格且一傷適在致命處所恐不免以案關服制相沿救生不

救死之惡習。曲為開脫。著駱秉章再將此案親提悉心研鞠。務得確情。據實定擬具奏。以成信讞。尋奏覆。審曾思義被毆情急。抵格適傷。委非有心干犯。請仍照原擬辦理。得旨。改為斬監候。秋後處決。○又諭程喬采奏。粵東竄入股匪。經楚粵兩省會剿。殲擒多名。一摺。前撲宜章縣邊卡之粵匪。擊退後。逃至乳源交界之客家洞。參將積拉明阿等。分路上山。腹背夾攻。斃賊不計其數。該匪逃至曲江龍

歸墟。復經南韶鎮崑壽先後殲擒百餘名。該匪等經兩省合力剿捕。餘黨無多。所有廣東湖南毗連之處。仍著程喬采飭令鎮道會同廣東文武。探蹤搜捕。務期殲除淨盡。不留餘孽。守備趙鴻賓前攻思仁。身先士卒。奮勇被戕。情實可憫。著交部從優賜卹。陣亡兵勇一併照例議卹。○諭軍機大臣等。前因廣東股匪竄撲湖南宜章縣邊卡。當降旨飭令徐廣縉。葉名琛。派兵兜捕。本日據程喬采奏。此

股賊匪。經湖南官兵在客家洞地方攻剿。殲擒多名。餘匪仍竄回粵東。又疊被粵省官兵剿捕。屢有擒獲等語。仍著徐廣縉等督飭地方文武。將此股逸匪搜捕淨盡。勿留餘孽。前飭查拏沙包會匪楊得魁等。並著嚴拏務獲。再粵西新墟會匪竄逸。逆首洪秀泉。有由水路東下之信。永安藤縣。接連梧郡。為東西兩省孔道。徐廣縉遠駐高州。葉名琛在省。務須添派弁兵。嚴守肇慶。儻匪徒竄近梧州。悉力堵禦。勿令順流東下。是為至要。將此由五百里諭令知之。○又諭程喬采奏。酌撥永州防兵一千名。馳赴廣西省城。以資捍衛。並弓調各營兵丁補防等語。湖南永明江華等處。與永安州相近。現在廣西大兵圍攻永安。難保餘匪不乘間逃竄楚境。且新甯城步。亦與廣西壤地毗連。各該處派兵設防。是否不至單薄。該督移駐衡州。是否堪資策應。不至鞭長莫及。提鎮帶兵分駐之處。是否扼要。著與駱

秉章悉心籌畫。督飭文武。加意巡防。勿任鄰省餘匪竄入勾結。將此由五百里諭令知之。湖廣總督程喬采奏。遵查湖南齊匪。并獲犯嚴懲。得旨。嚴行究辦。毋稍輕縱。○以禮部尚書奕湘兼正紅旗漢軍都統。未到任前。以鑲白旗滿洲副都統華山泰署理。○命成郡王載銳。帶領侍衛十員。往奠故刑部尚書阿勒清阿茶酒。予祭葬。謚愍慎。○丙午。

上詣

壽康宮問

皇貴太妃安。○諭內閣。陸建瀛奏。六牘漫工堵合一摺。前因江運廳境。六牘內撐隄。漫溢潰塌。降旨責令廳營賠修。茲據奏稱。購集料土。刻日興工。經河督及該督先後駐工督辦。已於本月初四將漫口堵合。所有被淹灾民。仍著飭令該府縣妥為撫卹。毋令一夫失所。○諭軍機大臣等。陸建瀛奏。豐北漫口情形。一摺。並片陳徐屬民情等語。此次全河北趨。由

沛縣之華山。咸山分注微山。昭陽等湖。挾清水外泛。運河牘壩繚隄。均已漫淹。現在回空。軍船銜尾南下。不能片刻停留。如何急籌宣洩。俾運道繚隄涸出。回空可以無誤。其豐沛。銅山。碭山各縣。及毗連山東境內灾黎。蕩析離居。不堪設想。雖據該督奏稱。酌提銀兩。分飭該管道府縣撫恤。並捐廉倡率。以資接濟。能否不致流離失所。俾逃亡者可以次第復業。著該督等趕緊設法。飭屬妥為辦理。並移咨山東一體實力安撫。不得令庸劣屬員。諱飾侵漁。致滋流弊。徐屬民情强悍。尤當隨時查察。有無匪徒乘機搶掠。或勾結饑民。致釀事端。查文經到工。尚需時日。該督等即行飭屬勘估工需。將現在籌辦情形。迅速具奏。以慰朕懷。至楊以增前奏。請撥來年歲料銀兩一摺。已交戶部議奏矣。將此由四百里諭令知之。○丁未。諭軍機大臣等。據徐廣縉葉名琛奏。暹羅國王先後奉到

孝和睿皇后

宣宗成皇帝遺詔遣使進香。又齋遞表文方物慶賀登極。並因例貢屆期將貢物一併呈進等語。上年七月內據鄭祖琛奏越南國王遣使進香當經降旨以

孝和睿皇后梓宮已於三月內奉移

山陵

宣宗成皇帝梓宮亦擇於九月內奉移

慕陵該國王遣使進香已在奉移之後不及恭

薦諭令不必遣使遠來其慶賀登極方物亦無庸呈進。今暹羅國遣使進香更在期年以後著徐廣縉等即傳知該國使臣毋庸來京。所有呈進儀物方物著該使臣齋回至應進例貢現當國制二十七月之內不受朝賀並停止筵宴著俟該國嗣王恭請敕封時一併呈遞該督等即行文該國遵照可也。將此諭令知之。○軍機大臣大學士祁寯藻等會議申明奪佃增租例禁請飭直隸總督順天府

府君將各屬新編莊頭詳查坐落州縣及舊係某莊頭退交之每畝原租並現在官租實數一併分晰開造咨報戶部內務府以憑查覈其新莊頭已領一錢以上之地畝租項永遠照數徵收與舊莊頭數目相等以免日後莊佃抗租之弊其一錢以下之地畝業已報明戶部者亦即令新莊頭照現徵租數收取內務府計畝收租新舊佃戶俱毋得藉詞妄希輕減至尚未議租報明戶部者現已令該督暨府尹飭屬一律詳查退交原租並現徵租數核實定議不得擅行輕減亦不得任意取盈迅即造報以便莊頭照議收租交產其佃戶自二十九年抗欠租項不交者應徵飭各該地方官查明如何抗欠分別辦理嗣後遇有莊頭誤差被革遵照內務府奏定章程退交地方官令該州縣按革退莊頭原租徵收待內務府派員牌取以昭覈實而重差項如仍有佃戶抗欠莊頭勒增以及書吏勾串等

弊或控告到部或被內務府查出一經審實即照定例分別治罪從之○甘肅巴里坤鎮總兵官伊隆阿因病解任調山東兗州鎮總兵官業布冲額為甘肅巴里坤鎮總兵官以浙江嘉興協副將百勝為山東兗州鎮總兵官以攻勦廣西新墟及莫村賊匪出力賞參將德安巴圖魯名號同知江忠源參將李廷楷白人鵬遊擊瑞存明安泰孔廣順守備程秀馮服襄石長明胡惟釗穆大本王溥防禦承惠花翎前鋒海福等藍翎餘加銜升敘有差○以攻奪廣西風門坳出力賞參將樊燮遊擊長明劉永鈞等花翎把總廖世榮等藍翎餘加銜升敘有差○豁免湖南湘陰益陽巴陵臨湘華容武陵桃源龍陽沅江澧安鄉十一州縣暨岳州衛積欠額賦並武陵龍陽沅江華容益陽五縣未完修隄銀○豁免江西省道光二十九年以前未完銀米○戊申遣官祭

歷代帝王廟○諭內閣顏以燠奏湖河漲漫籌辦回空漕船一摺山東省微山等湖因江南豐北漫口黃流下注普漫隄頂一片汪洋當此回空軍船銜尾南下之時急應妥籌宣洩著東南兩河總督各就地方情形督飭該道廳趕緊設法疏通俾下游暢達漫水漸退庶回空可以無誤其運道湖河相連處所據顏以燠奏設立水站多雇緯船插標導引漕船當可一律暢行不至誤入歧途轉多周折若能迅籌分洩清出緯道更為穩妥至被水災黎蕩析離居尤堪憫惻著江南山東各督撫趕緊飭屬妥為安撫並嚴緝匪徒毋使藉端滋事○諭軍機大臣等前因俄囉斯使臣來赴伊犁會議貿易章程當經降旨飭令奕山布彥泰將一切未盡事宜再行妥議具奏茲據國子監祭酒勝保奏請思患豫防嚴定限制等語所有通市日期該將軍等前奏每年清明後入卡冬至節停止又稱限內貨物

如未賣完。仍聽該國商人居住。售賣完竣。飭令旋回。據該祭酒所稱。恰克圖章程。自十一月開卡。來年二月開卡。平時即不通往來之處。可否仿照辦理。抑係伊犁塔爾巴哈台兩處情形。與恰克圖不同。其入卡人數貨物。前奏由卡倫官員點驗。但未限定數目。該祭酒稱。恰克圖交易之時。夷商運貨至圍城者。總不得過二百人。事竣即行出卡。不准稽留。所以久安無事。是否亦可仿行。著奕山布彥泰一併妥為籌計。悉心擬議具奏。總期防患未然。經久無弊。原奏片著鈔給閱看。將此諭令知之。○直隸總督訥爾經額奏。閏伍回省。道經都門。懇請入覲。得旨。卿自勉力為之。不在虛文。勿得惑於習俗。以多見幾面為榮。著毋庸前來。○已酉。諭軍機大臣等。賽尚阿奏官兵續獲勝仗。擊斃竄匪多名一摺。又片奏獲勝大概情形。賊匪分作三路竄擾。其濠江一路。已經壯練擊沈船隻。竄回永安。現在賊首

洪秀泉等。是否與韋正等俱竄入永安城內。抑係分竄他處。務須偵探確實。設法誘擒。無令兔脫。用兵之道。在於善用間諜。即如顏品瑤一股。經壯目張鴻才投充匪夥。即能知賊舉動。殲其渠魁。現在賊匪大眾聚入永安州城。所有城內被脅良民。自復不少。正可乘機設法。密委有膽有識者。潛入城中。探悉賊情。或設伏誘擒。或與城內被脅紳民。密相要約。以為內外夾攻之計。則勒擒更易得手。諒該大臣必能早見及此也。再據單開獲犯供詞。有太平王坐轎進城。大頭人俱住城內之語。究竟係何頭目。是否係韋正。擒其渠首。則餘黨自易解散。又據供稱羅大光被官兵擊敗後。有欲走修仁荔浦之信。更須嚴飭各路將官。或合力堵截。或乘機設伏。誘而殲之。全在該大臣設計用間。俾賊匪一舉一動。無不豫知。庶乘機應變。自不難於一鼓蕩平也。勉之望之。將此由六百里諭令知之。○甯夏將軍

成凱奏報到任日期得旨於諸事務必留心辦理凡滿洲騎射等件尤當妥為教習勿忘我滿洲風俗江西南贛鎮總兵官阿隆阿奏報到任日期得旨朕何嘗特命汝攜眷此等細事亦申之奏牘太可笑矣○命河南河北鎮總兵官董光甲湖北鄖陽鎮總兵官邵鶴齡湖北鎮標右營遊擊胡定國馳赴廣西軍營聽候差委○以拏獲河南泌陽縣捻首喬建德予總兵官圖塔布道員鄭敦謹議敘

以勦斃廣西匪首顏品瑤出力予布政使勞崇光優敘賞守備張國樑花翎把總張鴻才藍翎餘升擢有差○以勦捕廣西股匪劉八曾亞渴出力賞同知招敬常知州朱德華等花翎知縣朱德缺等藍翎餘加銜升敘有差以勦辦廣西永安州平南藤縣等處賊匪獲勝賞副都統烏蘭泰黃馬褂生員覃瀚元藍翎餘獎敘有差○以帶勇無功及藉病推諉撤道員張敬修都司白人鵬千總李鍾

英獎敘○庚戌

上詣

壽康宮問

皇貴太妃安○諭內閣漕糧為天庾正供近來重運漕船不能如期抵壩以致回空歸次冗收新漕節節耽延本年幫船北上疊據該漕督稱運河水勢充盈行走較為順利惟南河豐北漫口黃流下注屢經降旨飭令東南兩河總督妥籌宣洩諒可無礙漕行現在節近霜降亟應嚴催回空幫船趕趲歸次庶於來年受兌新漕不致有誤著漕運總督嚴飭起卸空船即日連檣南下不准片刻停留留並著東河南河總督及有漕各督撫分飭地方官嚴切催提及早歸次來年新漕尤當趕緊辦理按限兌開於四月初十日以前催抵清江剋期渡黃無許稍有延誤儻意存怠玩仍於例限有逾定將該漕督及各省督撫嚴行懲處決不寬貸將此通諭知之○諭軍機大臣

等據花沙納等奏棍徒把持倉務請旨拏辦除將該犯姓名交步軍統領等衙門查拏外著派舒興阿趙光迅即前赴萬安倉將該倉東廠潛字宙字西廠張字麗字盈字等廠查明現存陳黑梭米土米豆石並將私造小斛起出奏明辦理將此諭令知之○又諭常大瀉奏浙江石浦洋面探有廣東夾板船十二隻攜帶礮位家眷查訪均係廣東人民口操粵音在洋游駛擄人勒贖經各幫師船圍捕

平定本由十二

十一

匪船南竄等語盜船肆擾必應併力兜拏著徐廣縉葉名琛洪名香督飭水師鎮將帶領弁兵於該省洋面嚴密巡防如有匪船竄入即著痛加勒洗悉數殲擒並確查該盜船來自廣東何處務須根究盜窩徹底懲辦勿留餘孽將此由五百里諭令知之○又諭據常大瀉奏七月間接兩江咨會洋盜已搭駕船十餘隻欲在浙省之普陀山設壇打醮當即飭屬嚴拏旋據詳報石浦洋面探有大小廣

東夾板船十四隻攜帶礮位家眷皆廣東人口音詭稱係黃富興雇募前赴山東往北駛去現復探有大小廣東夾板船十二隻在洋游駛並擄捉商船水手勒銀取贖已調集各鎮將督帶師船兵勇前往圍剿又片奏知府羅鏞招募漁船多隻由外洋駛往石浦於閏八月初三日隨同師船將盜船圍剿盜船紛紛南竄現飭官兵迅速追捕並分咨兩江閩粵水師一體堵拏各等語洋盜擾害商船亟

平定本由十二

十一

應痛加勒洗該匪現由石浦紛竄洋面遼闊必須各路兜剿方能得力著陸建瀛楊文定李芝昌主懿德善祿鄭高祥督飭水師將弁分投截擊並飭陸路員弁嚴加防範務期悉數殲擒勿任一名漏網至浙洋盜船僅十餘隻該省招募漁船有一百二十五號之多加以鎮將所帶水師船兵力不為不厚何竟任其免脫著常大瀉查明在事文武如有畏葸遷延情事嚴參懲辦並嚴飭鎮將等管帶兵

勇跟蹤追捕毋令違颺各督撫提督等惟當不分畛域認真督辦務使盜氛盡熄以靖洋面而安商旅將此由四百里各諭令知之○又諭前據陳慶偕奏登州水師戰船被賊占據親往督辦現尚未據該撫將勘辦情形具奏朕心實深懸念本日據常大瀉奏浙江石浦洋面有盜船十二隻連蹤游駛擄人勒贖經該處師船圍剿匪船紛紛南竄等語此項盜船是否即係山東滋擾之船守備黃富興

奏案卷十

十一

追捕盜匪有無消息盜船曾否南駛江南派往師船現在如何會同協剿著該撫迅即詳細具奏登州鎮總兵陳世忠到任後於水師勤捕事宜能否認真籌辦有無沾染積習諱飾消弭情弊前此盜船盤踞島岸該總兵彈壓驅除如何辦理守備黃富興素稱奮勇該總兵能否駕馭得宜著一併密查據實具奏毋稍徇隱將此諭令知之○又諭廣西賊匪竄擾現在大兵雲集所需兵餉尤關緊要朕

心甚為懸念前經降旨准撥廣東關稅銀兩并戶部籌撥廣東各款著徐廣縉葉名琛按照所撥銀數星速解赴廣西軍營以濟急需此外正雜各款並開款內有可以通融協濟之項著該督撫悉心籌畫寬為儲備並著傳諭曾維於關稅應解項內無論何款酌量豫備一面奏明一面知照賽尚阿如有急需即行飛咨調撥現在南河又出鉅工經費更形支絀廣東勒辦匪徒雖亦在需費之時惟與

奏案卷十

三二

廣西毗連緩急尚可相濟想該督撫等必能仰體朕意先其所急也將此由五百里諭令知之○河南河北鎮總兵官董光甲奏報各營借兵買糧銀兩數目得旨已有旨命汝赴粵西矣須趕緊啟程不准耽延○撫恤琉球國遭風難夷如例○辛亥諭內閣前因王懿德奏甘肅士民呈控番賊擾害等情當令薩迎阿妥為查辦據實覆奏茲據該署督逐層聲覆其派兵前赴打坂地方賊已竄逸無從

接仗一節何以不行入奏已屬有心迴護且諭令呈控番匪之廩生李國棟等各安生業並飭協同訪躡試思該紳民等累被番賊擾害搶去牲畜有何生業可安且自保身家不暇又何能協同訪躡奸匪該署督於特旨交查之案辦理如此草率實屬老悖昏庸薩迎阿著交部議處仍著將此案認真查辦並嚴飭該鎮道等隨時實力緝拏毋稍疏懈儻仍玩視捕獲即著嚴叅懲辦○又諭此案著派

戶部侍郎王慶雲會同倉場侍郎及稽查萬安倉御史將該倉潛字張字麗字盈字等廠現存土米並陳黑稜米若干石逐一盤查其因何存積及未經報明之土米並嚴座門板因何短缺均著查明緣由據實具奏所有該倉經手花戶人等著倉場侍郎送交刑部審訊起出小斛八張平斛一張一併交部查覈辦理又諭御史吳若準奏江北疊被水災請派大臣籌辦賑撫一摺南河豐北廳屬隄

工漫塌節據陸建瀛楊以增先後奏報情形朕念江南山東兩省被淹地方小民蕩折離居深堪憫惻迭經降旨飭令陸建瀛楊文定陳慶偕各將境內災黎速行撫恤並諭知瑞常於江南試差回京之便親赴豐北一帶查勘漫口並被災情形據實奏聞該督撫等職在牧民責無旁貸著仍遵前旨督飭地方官妥為撫綏實力籌辦儻有玩視民瘼或假手吏胥致啟侵吞剋扣等弊即著指名嚴叅該督撫等如有心徇隱經朕訪聞或別經發覺朕必另派大臣前往查辦並將該督撫處不貸至豐北三堡漫塌口門前據楊以增奏稱現寬一百八十五丈東西盤裹壩頭不致續塌何以該御史奏稱口門有三四百丈之寬著陸建瀛等迅即確查具奏○諭軍機大臣等薩迎阿哈勒吉那會議察漢城蒙古防兵仍該裁撤並右翼郡王仍暫居永安一摺據稱今昔情形不同籌議斷難執一不得不

通權酌辦。以安眾蒙古之心。所有蒙古駐防兵丁。仍請裁撤。擬留盟長各官。蒙古右翼郡王。仍請暫居永安。俟二年後。即令撤回原牧等語。事關變易舊章。且係邊防要地。尤宜慎重。著舒興阿到甘肅後。悉心體察。通盤籌畫。再行覈議具奏。薩迎阿等原摺及蒙古郡王等呈詞印結二件。均鈔給閱看。將此諭令知之。○以工部左侍郎德興署戶部左侍郎兼管三庫事。○以正黃旗滿洲副都統綿勳署

京營右翼總兵。○命署陝甘總督薩迎阿來京。以戶部左侍郎舒興阿署陝甘總督。○壬子諭內閣廣東肇慶府知府蔡振武。前因勦捕首匪溫大貨五一股。籌辦無方。降旨交部議處。已將該員降二級調用。茲據該督等奏稱該員懸賞購緝。將著名首要各犯。剋期就擒。尚知愧奮。蔡振武著加恩以直隸州知州仍留廣東補用。○又諭陳慶偕奏審明戰船被賊占駕及登岸滋擾各情。請將怯懦無能

之文武各員分別治罪。嚴議一摺。山東榮城縣石島洋面。係該副將鄭連登專管。乃於捕賊機宜。毫無把握。任聽遊擊韓進忠聯船退守。臨時又不能激勵兵勇。設法抵禦。以致戰船被賊占駕。關防遺失。實屬怯懦。無能。除韓進忠業經畏罪自盡外。水師文登協副將鄭連登著即革職。發往新疆效力贖罪。署福山縣知縣張濟第。文登右營都司德亮。各帶兵勇防守烟臺口岸。於賊匪登岸。不能堵禦。輒

行退守。以致賊匪擄人勒贖。土匪乘機搶奪。亦非尋常疏防可比。著一併交部嚴加議處。守備葉國棟。年力已衰。不堪驅策。著即飭令休致。○諭軍機大臣等。昨因盜船在浙洋被勦。紛竄。諭令沿海各督撫合力堵拏。務獲懲辦。茲據陳慶偕奏稱訪知賊目鮑亞北。陳成發。陳華勝。吳維馨。羅新全。係廣東香山順德新安等縣人。又有賊目陳姓。係福建人。並聞該匪等銷贓聚會。俱在廣東香山縣之澳門。

香港及浙江之石浦温州等處其船內多帶私貨難保不偽為商船赴各處口岸銷售現飭令守備黃富興帶領師船跟蹤追捕等語著陸建瀛楊文定李芝昌王懿德常大瀛徐廣縉葉名琛督飭水師將弁嚴密巡查並飭陸路將弁一體防範儻查有盜匪攜帶私貨假充商旅立即捕拏毋令冒混至守備黃富興現帶原雇粵勇駕駛戰船二隻艇船七隻跟尋盜蹤南往追剿第恐兵力消單必須各

廣東省志

卷四

路接應方能聲勢聯絡著各該督撫飭令水師將弁各於洋面巡探如見黃富興追剿盜船即督帶兵勇協力殲擒勿使遠颺現在山東盜船雖已聞拏回竄惟賊未捕獲著陳慶偕仍嚴飭鎮將等實力巡防勿稍疏懈將此由四百里各諭令知之○又諭程喬采等奏現審勞光泰許告上司案內查出道光二十八年湖北被水前藩司唐樹義請發該督撫倡捐銀一萬兩前湖廣總督裕泰面諭鹽道

以節省岸費解司所發與所請不符又二十九年總督衙署被火裕泰扎提岸費五千兩卸事後未經發還此二款前次裕泰遵旨迴奏摺內未將支用緣由聲明著裕泰再行明白迴奏原摺著鈔給閱看將此諭令知之尋奏前借岸費放賑未將籌補緣由札司備案至衙署被焚亦借岸費修理因調任未及籌還得旨著交程喬采龔裕歸案查覈辦理○又諭徐廣縉等奏進剿凌十八等各股匪徒

廣東省志

卷四

情形一摺據稱凌十八自疊受挫衄以後該督復飭兩路兵勇三次進剿皆已獲勝因該匪恃險固守致未能立時攻破賊巢其何名科一股仍入信宜縣境現以兵力尚單添調兵勇合剿等語著徐廣縉葉名琛嚴飭各路帶兵文武相機設法迅將凌十八一股剿滅即移兵信宜縣境務將何名科與梁二十大等匪黨悉數殲擒勿留餘孽至該督等奏稱有湖南桂陽縣匪徒朱幅隆譚幅糾約廣東

匪徒李啞仔鄧叫古馮房長等分股滋擾共有六七百人經總兵崑壽南韶道祥和等先後將李啞仔鄧叫古拏獲並經各路兵勇將馮房長一併生擒現在廣東首要各犯均已擒獲惟湖南起意為首之朱幅隆譚幅等是否拏獲未據該省奏報著程喬采駱秉章督飭該省文武迅速查拏按名弋獲無任免脫致復勾結為患並著廣東湖南各督撫於兩省交界地方嚴飭帶兵員弁並各縣營務當

平定縣志

卷四十二

不分畛域合力兜緝勿令此拏彼竄以期力淨根株將此由四百里諭令知之○命兵部尚書特登額署教習庶吉士○補造山東文登協水師戰船從巡撫陳慶偕請也

大清文宗協天翊運執中垂謨懋德振武聖孝淵恭端仁寬敏顯皇帝實錄卷之四十二

實錄卷四十二

三十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之四十三

臣等謹將本年八月內奉 上諭旨 諭內閣 前因戶工兩局銅斤短絀降旨飭令沿途督撫飛催各銅運已入山東境及已渡黃各起限於九月內趕運到京本日據陳慶偕奏運員吳鴻昌領解已酉年正運四起鄭訓達領解庚戌年正運一起銅船均於八月內趲入山東境內飛飭提催等語現在京局鼓鑄需銅緊要此兩起銅運入

咸豐元年辛亥九月癸丑朔

上詣

壽康宮問

皇貴太妃安 諭內閣前因戶工兩局銅斤短絀降旨飭令沿途督撫飛催各銅運已入山東境及已渡黃各起限於九月內趕運到京本日據陳慶偕奏運員吳鴻昌領解已酉年正運四起鄭訓達領解庚戌年正運一起銅船均於八月內趲入山東境內飛飭提催等語現在京局鼓鑄需銅緊要此兩起銅運入

山東境又逾一月著直隸總督山東巡撫各派妥員迎提北上其前次已入山東境之彭克偁趙崑二起銅運一併飛速提趨務於本月內抵通運京以資接濟儻再逾延即著指叅懲辦其在後各起銅運仍著沿途各督撫趕緊嚴催迅速趲行毋任稍有延緩 甲寅諭內閣陸建瀛楊以增奏請將已革廳員從重治罪等語已革南河豐北廳通判王熙善於該工漫口不能先事豫防迨危迫之時又不早稟上司及該道得信發銀已屬人力難施似此誤工殃民僅予枷號不足蔽辜王熙善著即拏問交該督等嚴行審訊按律定擬具奏仍責令完繳應賠工費以示懲儆 閩

浙總督季芝昌奏報接印任事日期得旨凡應整飭者須漸次辦理不可性急汝之才力履外任有餘但能不矜不伐則盡善矣朕事惟知一實字汝還朕亦一實字慎勉為之以副委任 貴州巡撫喬用遷奏編查保甲

現辦情形得旨辦理尚屬認真毋得日久生懈以查辦番案草率拔署陝甘總督薩迎阿花翎乙卯諭內閣戶部奏河南省驛站項下積欠較多請飭分別追補完解並將各年未完銀數開單呈覽據奏河南通省額徵驛站銀兩向有裁扣建贖二款計自嘉慶二十年起至道光二十年止未完建贖銀二十九萬二千餘兩道光二十一年起至二十九年止未完裁扣建贖銀四十萬三千餘兩皆

例應入撥之款豈容任意延宕懸欠無著著新任巡撫李德督同藩臬兩司趕緊查明欠解細數分別勒追攤補擬定章程迅速具奏其近年欠款嚴飭儘數催追報部候撥不得再任延欠另片奏該部節年登記河南省例應入撥延未報造各款並著一併查明迅速報撥毋任延緩又諭程喬采奏丁憂提督仍請暫留防堵一摺湖南提督鮑起豹現已到任惟該省防堵正當喫緊之際余萬清著

准其暫留該處協同鮑起豹籌辦一切事宜俟防堵事竣即行回籍守制至余萬清現用文移准其借用湖南提督印信或分路駐劄亦可就近借用武職印信該督擬請另鑄關防之處著無庸議諭軍機大臣等寄諭欽差大臣大學士賽尚阿廣西巡撫鄒鳴鶴程喬采奏遵查湖南會匪現獲多名究出頭目等語據稱衡陽清泉兩縣訪獲匪徒謝發祥夏紹銀熊仁和三名究獲頭目左家發並獲

蕭二等犯起獲旗幟及木印令籤陣圖書信偽照各物據左家發供係聽從廣東人李丹入會現接李丹自廣西來信囑令糾人派伊為衡州總管各等情李丹係由廣西致信左家發是該匪現在西省已有端倪此時竄匿何處影黨若干如何勾通衡州齊匪亟應嚴查勒捕盡絕根株又據左家發供聽從李丹入會以廣東老萬山即狗頭山之朱九濤為會首朱九濤自稱太平王李丹稱平地王張

添佐稱徐光玉令旗用印寫有老萬山三字等語前據賽尚阿奏獲犯供詞有太平王坐轎進永安州城之語是否即係朱九濤抑係韋正並洪秀泉是否即係狗頭山朱九濤之匪黨俱著確查具奏再達洪阿諒已啟程來京已清德現在梧州養病計當痊愈永安攻勦情形現在如何張敬修前次遣散壯勇是否安靜回籍不至滋事顏品瑤雖經就戮其弟顏三及其夥黨竄擾何處仍應乘勢殲滅

毋令賊勢復熾又前據單開容縣梁二十大興業縣黃亞佐等賓州麥二邱二嫂各股匪俱多至二千餘人其餘股匪亦復不少著即嚴飭該處文武併力堵截殲厥渠魁解散黨與是為至要所調各省之兵何省最為得力何省疲弱一併具奏程商采奏片著鈔給閱看將此由五百里諭令知之又諭程商采馳奏訪獲會匪訊究各情等語湖南衡州地方齋匪甚多經該知府陶恩培訪獲謝發祥

等犯究獲頭目左豕發並於獲犯蕭二家起獲旗幟黃布馬褂號衣木印令籤陣圖書信偽照多件提訊左家發據供係聽從廣東人李丹入會以廣東老萬山即狗頭山之朱九濤為會首又有張添佐改名赤松子在湖北湖南各處藉名賣藥暗行勾結朱九濤自稱太平王李丹稱平地王張添佐稱徐光玉朱九濤約令該犯糾結匪徒等語該犯等行蹤詭秘游奕於楚粵之交若不協力訪拏勢必

滋蔓愈甚著徐廣縉葉名琛查明老萬山坐落何處是否即係狗頭山該匪等係何會名夥黨若干分隸何處務即嚴密訪查派委員弁將頭目朱九濤及匪黨全行弋獲並擣其巢穴毋得稍留餘孽其在湖北湖南勾結各匪著程商采等就現獲各犯究其黨與詰其住址密飭兩省州縣不動聲色一體訪拏毋令一名漏網原片著鈔給徐廣縉葉名琛龔裕閱看將此由五百里各諭令知之安徽

巡撫蔣文慶奏續獲首犯程六麻攷併按捕夥黨多名現仍飭屬訪拏如再能多獲巨犯當擇尤酌保得旨若能全行弋獲方准奏請加恩識之 廣西巡撫鄒鳴鶴奏籌辦保衛省城事宜並拏獲會匪廖五正法得旨辦理尚為妥協省城左近地方似此潛伏者料亦不少隨時嚴密懲辦不可疏懈雖練勇可靠其中良莠不齊亦應加意慎重 丙辰

上詣

壽康宮問

皇貴太妃安 諭內閣惠親王等奏遵鑄御筆四言韻文摺印墨刻呈覽著照所請先行頒印二千分交禮部祇領即將各直省應行頒發之處開單具奏如有不敷著武英殿續行摺印交該部頒行並准各直省一體摹勒刊印以廣教思 諭軍機大臣等昨面諭定郡王載銓工部右侍郎彭蘊章內務府大臣基溥相度萬年吉地聞陸應穀於地理之學素

所講求本日已明降諭旨令該撫來京陛見陸應穀接奉此旨交卸後即行來京協同載銓等詳細相度並著延訪江西紳民中精曉堪輿者一二人帶同進京以資商酌將此諭令知之 命江西巡撫陸應穀來京陛見以刑部左侍郎王植署江西巡撫 以告休奉恩將軍奕錦子載績襲職 封禁貴州清水站黑鉛子礦廠從巡撫喬用遷請也 丁巳河東河道總督顏以燠奏報秋汛安瀾命詣

河神廟祀謝並下部議敘出力員弁升賞有差又奏飭催漕運幫船設法趲輓務使回空各幫安穩南行剋期歸次得旨若稍有遲滯惟汝是問 湖南學政車順軌因病解任命翰林院編修劉崐提督湖南學政 予湖南陣亡守備趙鴻賓祭葬世職額外唐學均賞卹如例 戊午諭內閣刑部議奏直隸續獲圖免糧租賄求陳奏案內逸犯罪名一摺均著照所議辦理至易州承派差徭既據該督

奏稱向資民力。即著查照舊例。妥議章程。究係何項。應減何項。應留務使官民兩無偏累。吏胥不致藉端滋擾。並出示曉諭。俾閭閻周知。歷久遵行。儻地方官辦理不善。即著從嚴。叅處。其刁民糾眾抗差滋事。一併按律懲辦。以息爭端。斷不可將就了事。轉費周章也。○又諭前因南河豐北廳屬漫口當降旨令瑞常於試差回京之便。馳往該處查勘。茲據查明具奏。漫口丈數及被淹地方情形。與該督

等原奏大略相同。回空漕船據查亦不致有阻滯。現在大工正當購料興辦之時。著陸建瀛。楊以增。遵照疊次諭旨。妥速籌辦。並隨時咨會。顏以燠。陳慶偕。務將漫水宣洩。清出運道。俾回空漕船暢行無誤。其被水居民。既據查明情形。輕重不等。仍著江蘇山東各督撫加意撫恤。毋令失所。○又諭陸應穀奏。參員赴署咆哮。請發往軍臺一摺。已革江西吉安府通判古連魁。喚唱女優。有玷官箴。據該撫

陸應穀查訊確鑿。會同陸建瀛具奏。降旨業經革職。姑免置議。乃該革員並不自知愧悔。膽敢赴該撫衙署咆哮毀辱。似此逞刁挾制。若不嚴行懲辦。何以肅法紀而儆官方。古連魁著即發往軍臺效力贖罪。以為任性妄為者戒。直隸總督訥爾經額奏謝頒賞御門聽政詩。刻得旨。卿其善體朕意。力挽積習。長句一篇。比於箴銘可也。○以御前大臣端華署步軍統領。並署管欽天監事。宗人府右宗

正春。暫署正黃旗領侍衛內大臣。○以署工部左侍郎杜翱。暫署管錢法堂事務。○已未。

上詣。

壽安宮問。

如皇貴太妃安。詣。

壽康宮問。

皇貴太妃安。諭軍機大臣等。奕興奏演圍屆期。一摺。著於供奉。

宣宗成皇帝聖容吉期以前。趙程回抵盛京。敬謹將事。將此諭令知之。盛京將軍奕興等奏。謹遵吉期恭請。

福陵

神牌還

御安奉禮成。得旨敬悉。江蘇巡撫楊文定奏。

已故太倉州知州徐家槐。缺交庫項。請將該故員寓所貲財。查封備抵。並飭提同丁屬嚴審究辦。得旨。嚴行究辦。以挽頽風。又奏報雨。

水糧價情形。批認真辦理。妥為撫恤。勿致一夫失所。以盛京戶部侍郎恆毓。暫署將軍。

庚申遣官祭

都城隍之神。諭內閣吳文鎔。張亮基。奏甄

劾知府同知知縣。請分別休致。改教一摺。雲

南署楚雄府麗江府知府許文設。不能約束

子姪官聲。平常著以原品休致。署永北廳直

隸同知臨安府雙水塘分防同知嚴良。裴前

因欠解銀廠稅課。降旨摘去頂帶。茲據奏稱。

業經解完。惟該員疏懶。因循難期振作。著開復頂帶。以原品休致。試用知縣楊玉德。即用知縣詹錦堂。均屬才力不及。難膺民社。楊玉德。係舉人出身。詹錦堂。係進士出身。俱著以教職歸部銓選。又諭王慶雲等。奏遵查萬安倉積存土米情形。並嚴座門板短缺緣由。一摺。著交刑部歸案。嚴行查訊究辦。其現存土米二千六百四十餘石。著戶部查覈辦理。又諭御史福昌。奏請嚴飭訓練水師。慎重

海防一摺。本年山東洋面盜匪占駕官船上岸搶劫。疊經降旨。諭令陳慶偕督飭水師鎮將實力追剿。並諭令沿海各督撫分路兜拏。該匪現雖南竄。難保不乘機北駛。著山東巡撫及奉天等省。嚴飭水師員弁。隨時認真防範。不得以盜蹤遠颺。互相諉卸。巡緝稍疏。至山東河南直隸等省。陸路亦時有搶劫重案。瞬屆冬令。尤恐查拏不力。以致盜匪擾害商民。著各該督撫嚴飭地方官。不分畛域。一體

嚴密偵緝有犯必懲毋得因循疏懈致干重咎諭軍機大臣等賽尚阿奏改勒水竇賊營大獲勝仗並各路勒捕零股賊匪情形該匪竄踞永安以水竇莫村為前路門戶經烏蘭泰督帶將弁分路進攻四次獲勝先將水竇攻破賊氣大挫惟莫村餘匪未淨永安州城逆首尚未擒獲我軍乘勝圍攻是否兵力不致過單現經張敬修就近募勇千餘名歸烏蘭泰一路會合攻勦著隨時察看情形調

度接應務出萬全並嚴飭已清德向榮趕緊帶兵前赴永安協勦毋得再有遷延坐失事機該匪於濛江一帶備有船隻希圖竄越逆首洪秀象是否仍在其內該大臣已密飭張鵬萬劉繼祖等分帶練勇潛伏以待並派姚瑩長壽分赴荔浦平樂等處相機防堵斷不可令該匪等乘間竄逸追捕又費周章再永安州距省甚近匪眾盤踞州城內外難保不分股窺伺現在湖南續調之兵想已趕到務

須加意嚴防妥為布置毋得稍有疏虞將此由六百里諭令知之署江西巡撫王植江甯副都統惠密奏交查革員陳阡等案遵即嚴密訪詢并取到案卷分別傳訊得旨認真查訪毋受人蒙混以勒職廣西股匪麥二等出力賞知府黃輔相花翎予知縣張汝瀛議敘以攻勦廣西水竇逆匪獲勝賞副將銜屯官思達朋總兵銜予遊擊穆騰額等優敘陣亡外委譚永亮祭葬世職予廣西陣

亡從九品周大勳祭葬世職辛酉諭內閣近來東南兩河工次每有過往官員及舉貢生監幕友人等往求資助河工各員或礙於情面或恐其挾制往往那動公項以為應酬之費積習相沿久滋流弊道光二十四年曾奉

諭旨嚴行禁止近聞此風雖較前稍息而遊客之請求河員之濫費仍不能免試思河工銀兩國帑攸關多一分應酬即減一分工料勢

必侵吞剝削。貽誤要需。於河務大有關係。必當嚴行申禁。力挽頹風。嗣後官員士子等。各宜自愛。不准前赴河工。藉詞要求幫助。河工官員果能廉正自持。又何難概行拒絕。儻有無賴之徒。敢於挾制。或投遞書函。公行請託。經該河督查出。即將其人扣留。指名嚴參懲究。如河員剋減工程。濫施邀譽。一併從嚴參辦。以除陋習。而慎河防。將此通諭知之。諭軍機大臣等。據陳世忠奏。山東洋面盜匪年

增一年。今歲尤甚。請前赴粵洋。跟蹤緝捕等語。據稱盜船初旋。亟應追剿。惟東省兵船兩無。不能前往。請飭閩省水師。將遊巡幫船。配齊。并兵軍火礮械。分派將備管領。統交陳世忠帶赴粵洋。會同粵省兵船連幫剿捕。以期擣穴殲渠等語。水師巡洋捕盜。固當不分畛域。協力夾攻。而本省洋面。職分攸關。亦須兼權熟計。若如陳世忠所奏。統率閩船。前赴粵海。則登州洋面。該總兵轉有鞭長莫及之勢。

設有不靖。伊誰之責。既稱東省兵船兩無。則由東赴閩。該總兵應用何船。應帶何兵。亦未籌及。事關海防要務。該總兵自應與該撫籌計萬全。以昭慎重。著陳慶偕接奉此旨。將陳世忠所奏各情。悉心商榷。以目下情形而論。是否陳世忠可以遠赴閩粵。於勦捕機宜。確有把握。其登州鎮又應派何人暫署。是否不至顧此失彼。著該撫等妥籌會議。迅速具奏。陳世忠所陳水師情形摺片等件。已寄諭沿

海各督撫查辦矣。將此諭令知之。又諭前因山東洋面盜匪占駕官船。南竄降旨。令陳慶偕督飭水師將弁追剿。並飭沿海各督撫一體兜拏。本日據登州鎮總兵陳世忠。憑陳水師情形。該省洋面遼闊。水師兵弁無多。成造船隻。既須遠資閩粵。而駕駛風濤。又非猝能教習。該總兵請飭江浙兩省。仿照閩省遊巡之例。各營酌撥大船一隻。配足弁兵軍火。選派精幹將領管帶。會合連踪專司截捕。並

自請前赴閩浙粵洋跟蹤追緝朕思閩省遊
巡兵船既稱得力江浙等省似可仿照辦理
現在閩省巡船如能前赴粵洋追捕山東竄
回盜匪即可由閩省水師提鎮中帶兵往剿
較之陳世忠由東赴閩更為直捷著沿海各
督撫等各就該省洋面情形悉心籌畫迅速
具奏該總兵又稱盜船由粵閩入浙界歷江
省洋面以至東洋山向鉞盤均有必經處所
並著該督撫嚴飭將弁實力梭巡如果認真

堵緝該匪等何至直抵登州肆行劫搶從容
南去如入無人之境乎前據常大瀋陳慶偕
節次奏稱該匪等係廣東福建浙江等處人
而銷贓聚會在澳門香港與石浦溫州又有
在普陀山打醮情事是盜匪淵藪確有可據
趁此冬令賊匪飽颺之後出其不意各省調
集舟師擣穴擒渠亦不可失之機會也該總
兵原摺片二件均著鈔給閱看將此各諭令
知之 命五城於冬春二季設廠煮賑○旌

表守正捐軀河南考城縣民秦家安妻張氏
○壬戌

上詣

壽康宮問

皇貴太妃安○諭內閣徐廣縉葉名琛奏圍剿

逆匪獲勝一摺逆匪凌十公屯聚羅鏡地方

踞險固守經該督等調集官兵招募莞勇隨

同進剿賊勢大潰該匪等恃險負隅為日已

久茲既疊受懲創不難埽穴擒渠著徐廣縉

等督飭將弁兵勇乘勝進攻迅將匪首擒獲

毋令竄逸 諭軍機大臣等前因廣西新墟

逆匪分竄降旨飭令徐廣縉等嚴守肇慶等

處本日據奏水陸嚴防現辦情形並如數撥

解廣西軍餉等語逆匪竄擾永安州城尚未

克復昨據賽尚阿奏現探該匪復於濠江一

帶備有船隻恐官兵一律到齊又思竄越東

下肇慶各屬為東西兩省孔道最為喫重該

督等已添派員弁督帶兵勇馳往交界處所

著嚴飭認真防堵。斷不可任其竄入。至藤縣距信宜不遠。現在凌十八梁二十大等股。尚未撲滅。該匪與廣西韋正等皆係會匪。結為死黨。恐韋正等被勒窮蹙。南竄信宜。合夥必應於沿江一帶扼要堵截。勿任勾連糾結。轉致蔓延。再該督現駐高州。辦理凌十八等股匪。屢獲勝仗。計可指日肅除。一俟此股辦竣。即酌量移駐兩省扼要地方。合力堵剿。聲勢更為聯絡。諒該督等已籌及此也。將此由四

百里諭令知之。兩廣總督徐廣縉等奏飭委鎮道督兵嚴防廣西新墟股匪分竄得旨。責成該鎮道認真嚴防。斷不可聽其勾連為患。○癸亥諭軍機大臣等。陳慶偕奏遵旨查明覆奏一摺。據稱登州鎮總兵陳世忠辦理水陸營務。操持過急。駕馭將備弁兵。不能寬嚴悉當。雖未協輿情。尚無實在劣蹟。俟察看數月。再行擬定去留等語。昨據陳世忠奏登州水師情形。並自請統帶閩省遊巡兵船前

赴粵洋捕盜。已降旨令與該撫熟商。該鎮職任水師。山東洋面是其專責。茲因盜船南竄。自請遠出捕盜。雖似勇往。而本鎮防勦事宜。又將誰屬。該撫接奉前旨。務當與該鎮悉心籌畫。計出萬全。水師人材難得。觀陳世忠所論海程。鉅路。風汛。島嶼。各情。自係久歷重洋。果能言行相符。尚可冀其措施有效。該撫擬請從容察看。自為愛惜人材起見。著即留心試看。如果該鎮與所轄軍民積久相安。漸能

整頓一切。則水師營伍自必日有起色。倘查有劣蹟。即著據實奏。斷不准姑容貽誤。登州海防現關緊要。該撫察看陳世忠。如與此缺不宜。而他省水師鎮將中有為該撫素信之人。不妨據實具奏。候旨升調該處。以資整飭。其陳世忠現請赴粵勦捕。是否可行。即行妥議覆奏。黃富興現帶兵勇追捕盜船。早已出洋。有無追獲盜犯。或與鄰省兜捕得手。該撫一聞確信。著即奏聞。以慰廑念。將此諭令

知之。戶部奏上年奏准暫開捐例。擬請行文各省遵照辦理。謹先酌議辦法二條。一。歷屆奏開事例。捐生赴部報捐。零費甚為繁重。應請將歸公飯銀照費。並四分之平。餘具呈領照。諸費概行裁撤。一。外省捐輸章程。有加無已。所捐銀數。動用並不報銷。無從稽覈。此次擬開事例。係在部庫交銀。應將外省捐輸一律停止。從之。山東巡撫陳慶偕奏。督辦海防舊疾復發。到省後趕籌災務。病勢日增。當

茲遭運災區。萬分喫緊。惟有力疾從公。設有貽誤。不勝惴惴。得旨。安心調攝。不必躁急。現值地方有事。朕甚懸念。續有應奏事件。將病體情形。附摺再奏。命御前大臣載垣來京。宗人府左宗人仁壽敬詣

慕陵住班。撥山東司庫銀十萬兩。備濟甯等處賑需。免廣東省節年民欠地丁正耗米。及買缺資本銀。甲子

孝德皇后殯。官月祭。遣官行禮。以鑲紅旗蒙

古副都統忠泰署正紅旗護軍統領。戶部議准浙江巡撫常大瀾疏報。定海廳屬開壑蕩田十六畝。有奇。照例升科。從之。乙丑

上詣
壽康宮問

皇貴太妃安。閩浙總督兼署福建巡撫季芝昌因病賞假。以調任福州將軍裕瑞兼署閩浙總督。布政司慶端暫護福建巡撫。丙寅。諭內閣陸建瀛奏恭刊

御纂性理精義

聖諭廣訓直解。裝潢進呈。並將現在宣講章程開單具奏。該督所進之書。刊刻甚好。已留覽矣。單開各條。朕詳加披閱。所稱責成教官。慎選樸實生員。每日赴鄉宣講。藉可驗對保甲戶口。並令地方官於因公赴鄉時。獎勸教官課士。書院授徒。均令加試性理論一道。並將

欽定四言韻文。頒給各州縣令塾師詳細講解。

以正蒙始。所擬均屬可行。著即飭屬認真遵辦。毋得始勤終怠。視為具文。至該督所轄三省各營現擬頒給

聖諭廣訓直解一部。惟在該管將備隨時講解。使兵丁等明曉大義。有勇知方。自未便以書塾規條施之營伍。該督所稱操演事畢宣講之處。執謬難行。著毋庸議。又諭陸建瀛奏勸捐鄉穀以儲民食等語。江蘇省頻遭水患。閭閻拮据。經該督飭屬勸捐鄉穀。兩月以來。

據上元縣鄉捐穀三萬二千石。江甯縣鄉捐穀二萬七千石。已屬辦有成效。著該督即飭各屬按照所定章程。廣為勸導。實力奉行。毋得日久生懈。義倉之設。係由民間公正紳耆。自收自放。不涉官吏之手。無抑勒侵蝕等弊。最為善政。朕軫念民艱。時縈懷抱。封疆大吏。均有父母斯民之責。果能豫籌本計。圖置於豐。使官民之心。上下相信。則調恤義舉。吾民自必樂從。較之歉歲始議捐輸。更有裨益。著

各省督撫。各就地方情形。詳細體察。妥為辦理。用副朕意。諭軍機大臣等。本日據理藩院奏章嘉呼圖克圖之徒。眾扎薩克喇嘛嘉木磋等。呈稱。章嘉呼圖克圖呼畢勒罕。現在居住卓扎巴噶地方。附近多有搶劫案件。恐被滋擾。籲懇救護等語。著舒興阿。哈勒吉那。派委妥員。前往該呼畢勒罕居住地方。慎為保護。尤當持以鎮靜。不可稍涉張皇。致生事端。是為至要。理藩院摺並原呈。均著鈔給閱

看。將此各諭令知之。中城御史聯福等奏。拏獲私販小錢之沈大等。請交部審辦。得旨。均著交刑部審明辦理。其拏獲鄰境案犯之中城副指揮朱森著刑部於定案時。聲明請旨。嗣後各城指揮等官。如能查拏鄰境要犯。方准請旨量予鼓勵。若僅於該管地面訪獲尋常案犯。仍不得濫行請獎。旌表守正被戕貴州桐梓縣民戴倡同妻余氏。丁卯命戶部右侍郎書元。馳往熱河覆審控案。

索停船滋事。立即會同幫弁嚴拏務獲。從重懲辦。以戢兇暴而速運行。○湖廣總督程喬采等奏。部選漢陽府通判金本。初登仕版。未諳政務。請暫留省學習。得旨。著留心察看。是否勝任。再行奏聞。○以禮部石侍郎瑞麟。兼鑲藍旗漢軍副都統。鑲白旗漢軍副都統。多爾濟那木凱。為正紅旗護軍統領。○予故正紅旗護軍統領哲爾經額祭葬。賞銀三百兩治喪。○己巳

上詣

壽康宮問

皇貴太妃安。○以江南京口協副將武迎吉。為福山鎮總兵官。○庚午。諭內閣。賽尚阿奏。出省督勦逆匪。並特參因病謫卸之提督。遇敵怯退之署鎮。及進兵遲延之都統一摺。廣西大股逆匪竄踞永安州城。一月有餘。烏蘭泰雖屢獲勝仗。仍須巴清德。向榮督兵會合。策應。乃該都統提督。前因官村挫失。頓兵平南。

月餘始抵昭平。經該大臣屢催前進。仍各稱病。折回梧州。往返耽延。至九月初三日始繞抵平樂。永安急需圍攻收復。而督兵大員。似此謬卸延誤。實出情理之外。向榮久歷戎陣。豈竟不知緩急輕重。前此雙髻山風門坳之捷。皆能身先士卒。累奏奇功。朕方冀其努力滅賊。克膺懋賞。乃於萬分喫緊之時。自稱病勢增劇。將兵弁交與巴清德。遽行回省。身任本省提督。擅離營壘。設有疏虞。咎將誰屬。自

問於心。安乎否乎。向榮著即革職。仍責令隨營效力。廣西提督。朕不遽行簡放。著劉長清暫行署理。向榮果能知感知懼。奮勉出力。尚不難再承恩眷。若竟意存謫卸。甘棄前功。自速後禍。朕亦不能曲加寬宥也。至巴清德。以都統大員。督帶重兵。亦復屢次託病。任意遷延。與向榮厥罪維均。著一併革職。留營自效。署古州鎮總兵李瑞。前在古城堵守。縱賊竄出。今復於永安所屬之古東村地方。被賊撲

營傷亡弁兵多名。退回昭平。不復前進。實屬
恒怯無能。著即革職。拏問治罪。以示懲儆。左
江鎮總兵著惠慶調補。該大臣現已出省。馳
赴陽朔一帶。親督各路帶兵大員。併力進剿。
務將永安州城即日攻克。著名首匪悉數殲
擒。勿令竄逸。致干重咎。懍之勉之。○又諭前
據步軍統領衙門奏。江西南豐縣民聯名呈
控一案。先後降旨。令王植惠密馳往會同審
辦。茲據逐款訊明。按律定擬具奏。已革浙江

温州府知府劉煜。於遣戍釋回之後。不知安
分。輒敢設局包漕。勒詐索費。並假冒學政銜
名製造石扁種種妄為。復疊次砌詞呈控。捏
誣重情。又編寫供詞。教令案證串供。囑勿吐
露真情。實屬積慣訟棍。怙惡不悛。劉煜著即
發往新疆充當苦差。其在温州府任內應賠
銀兩尚未完繳。伊子候選知州劉圻彥。被控
有案。著該部扣選。押令回籍訊辦。並責令完
繳賠項。前署南豐縣知縣叢占鼐。現任南豐

縣知縣黃之晉。於棍徒滋鬧設局包漕各重
情。未經通詳懲辦。建昌府知府李藩。失於覺
察。均著交部照例分別議處。臬司惲光宸。查
無庇護偏袒情事。著無庸議。○諭軍機大臣
等。賽尚阿奏。叅都統提督總兵及督師出省
前進日期一摺。向榮久歷戎行。素稱驍勇。自
湖南移鎮廣西。屢獲勝仗。前此雙髻山風門
坳之捷。皆能身先士卒。疊奏奇功。何至官村
一挫之後。與前判若兩人。該員為本省提督。

勦賊是其專責。即有疾病。亦當力圖進取。以
贖前愆。何遽藉詞謫卸。輒行回省。是否與巴
清德意見不合。其赴省面見該大臣。有無稟
訴之詞。巴清德向榮。又何以藉病遷延。兩人
如出一轍。著賽尚阿詳細訪查。並將前次雙
髻山風門坳之捷。巴清德與向榮究係何人
首先奮勇。奪隘先登。官村之敗。是否兩人互
相推諉。以致失機。一併確查具奏。該大臣仍
當酌量兩人才識優劣。用其所長。如不能同

心合力即令各領一軍責以自效勝則立予
敘勳敗即嚴行治罪功罪分明該員等便無
所用其推諉想該員等奉到前降硃諭亦當
知感知奮也諸賊首萃集永安正如釜底遊
魂不難併力殲斃况賊心離貳有機可圖我
軍又各路堵截圍市該大臣現既進駐陽朔
即當激勵諸將迅督兵勇立埽妖氛萬不可
再事稽遲致該匪乘間突圍竄擾他處並須
嚴密訓誡各營毋得稍洩軍情致匪黨得以

探聽消息如土匪范連得等尤當設法偵獲
所有雲南都司施嘉祥即著該大臣飛調赴
營差委前調之邵鶴齡董光甲胡定國已先
後帶兵赴粵矣將此由六百里諭令知之○
欽差大臣大學士賽尚阿奏報各路進兵情
形得旨汝既出省督勦誓必攻破永安全數
殲戮或追剿盡淨亦可若再稍有挫折朕必
惟汝是問○署河南巡撫蔣蔚遠奏遵查南
陽匪徒現已嚴飭地方文武認真巡緝並籌

議移駐營弁添設鋪卡隨時訪拏得旨督飭
所屬認真妥速辦理勿被蒙混○河南河北
鎮總兵官董光甲奏報帶兵赴粵啟程日期
得旨沿途斷勿耽延○辛未諭內閣軍機大
臣會同戶部議奏奕山等會議新疆兵屯章
程一摺新疆換防兵丁前據御史張廷瑞奏
稱多有倩人代替老弱充數者邊陲重地彈
壓撫綏全資兵力若任令老弱遊民冒濫充
數於操防控制尚安望其得力著陝甘總督

烏魯木齊都統於每屆換防之時務須挑選
年力強壯弓馬嫺熟兵丁前往更替如查有
冒名代充立即從嚴懲辦以肅營制而重邊
防○諭軍機大臣等有人奏廣東新安縣屬
沙井之孔進鄉陳姓聚族而居兇悍不法現
聚匪黨結立南北兩會首匪陳翹著陳顯猷
等各招集千餘人製造長龍瀨跳等船裝載
礮械在該縣沿海村莊打單劫掠道光二十
三年及上年以來疊出擄殺多命抗官拒捕

重案似此拜會肆劫大干法紀若不趕緊嚴辦必至釀成事端著徐廣縉葉名琛迅即派員密速查拏勿任一名漏網再本日常大瀆奏浙洋現有閩粵盜船游奕已飭水師會剿探明此次船內匪徒多係廣東新安縣人盜首姓布名阿北即係新安蠶戶各船均歸管領等語是新安一縣竟為水陸盜藪儻按捕不速致會匪與洋盜勾結更恐滋蔓難圖徐廣縉等現在勦辦毗連廣西各匪其各屬水

陸匪徒必應嚴飭捕拏盡淨毋得顧此失彼是為至要原摺並常大瀆奏片均著鈔給閱看將此由五百里諭令知之○兩江總督陸建瀛奏捐銀賑濟並派兵巡查擒匪得旨嚴行懲辦毋得稍涉鬆勁○浙江巡撫常大瀆奏已革廣西巡撫鄭祖琛在籍病故得旨鄭祖琛辜恩昧良可恨已極該犯在家身死太覺便宜○以甘肅蘭州協副將佈克慎為貴州威甯鎮總兵官○壬申

上詣

壽康宮問

皇貴太妃安○諭內閣廣西自軍興以來調派各省弁兵募集壯勇為時已閱一載屢次移營勦賊士卒等觸冒暑雨瘴癘辛勞跋涉夙夜馳驅朕睽念南疆日盼捷音速奏俾吾民得安衽席而從征將士亦得以早息疲勞現在逆匪竄聚永安正如釜底遊魂暫偷視息賽尚阿出省親督各路官兵環攻會剿自不難剋日蕩平朕聞在營兵勇無不切齒同仇誓圖滅賊當此賊勢窮蹙士氣奮揚之際統兵大員等自當乘機鼓舞多方激勵諭以及早成功即可立膺升賞儻臨敵退縮亦必執法從事嚴明賞罰更足勵士氣而固軍心其帶兵員弁遇有保舉叅劾尤須覈實平允庶人人知感知奮定可迅奏膚功朕宵旰焦勞念逆匪一日不除吾民一日不靖賽尚阿現抵大營著將朕意剴切宣布自各路帶兵大

員及行間兵丁練勇人等咸使聞知從此埽蕩妖氛靖巖疆而安黎庶朕實有厚望焉○
癸酉諭內閣近日各城御史奏拏獲鄰境案犯懇將獲犯各員量加獎勵疊經降旨令刑部於定案時聲明請旨矣各城司坊等官捕盜是其專責既能弋獲鄰境重案自應量予鼓勵以獎微勞但恐該員等希圖甄敘專以緝拏鄰境匪犯為事而於本任捕務轉多廢弛從前道光十三年曾奉

諭旨凡有拏獲鄰境要犯之員必確覈本任緝捕並無未獲之案方准酌請鼓勵仍於摺內隨案聲明儻將本任緝捕漏不敘入即係違例保奏著該部概行議駁並將該御史議處聖諭煌煌於微勞必錄之中仍寓隨事覈實之意近來各城保奏摺內間有敘及該員前此緝捕案件而於本任有無未獲之案並未詳細申敘似此有勸無懲於捕務仍無裨益嗣後各城御史均當恪遵前奉

諭旨遇有奏請獎勵之案將該員本任緝捕並無未獲之案隨摺聲明毋得違例保奏致開冒濫之端至緝獲鄰境重犯既予議敘則本境疏防之員自應奏請議處方足以昭平允所有現在各城所奏拏獲鄰境人犯交部審訊各案即著該部查明該員等本任有無未獲之案照例辦理並將疏防要犯應議各員一併飭查聲明具奏○盛京將軍奕興等奏拏獲越邊偷運木植人犯得旨嘉獎下部議

敘予佐領集爾哈布等優敘○命前署廣西巡撫周天爵在紫禁城騎馬○甲戌敕諭暹羅國嗣王鄭明據兩廣總督徐廣縉廣東巡撫葉名琛遞到該嗣王進香表文並慶賀等表文共五道鑒王誠悃增朕悲懷惟嗣王素沐先朝柔遠厚恩茲謹遣使航海來庭篤於恭順朕心深為嘉納第以外藩使臣向無帶赴山陵叩謁之例上年越南國王阮福時遣使進

香曾經教諭以

孝和睿皇后梓宮已於三月內奉移

山陵

宣宗成皇帝梓宮亦擇於九月內奉移

慕陵該使臣到京已在奉移之後不及恭薦令

該國王不必遣使遠來其慶賀登極方物亦

無庸呈遞今暹羅國嗣王遣使進香更在期

年以後事同一例朕怙冒萬國於海徼藩封

並無歧視所有該嗣王呈進儀物方物仍飭

疆吏發交使臣齎回以免跋涉該嗣王其悉

朕體恤至意益矢悲忱永承懋著欽哉○以

戶部右侍郎禧恩兼正紅旗漢軍副都統○

戶部議准熱河都統慶福疏報承德府屬墾

種荒地五十三項三十畝有奇照例升科從

之○乙亥諭內閣

昌西陵工程現屆冬令所有辦工各員著於停

工後均即回京所有各項料物著德春督率

員弁兵丁妥慎看守其應種樹株並著德春

豫為購備敬謹辦理○又諭據戶部奏續撥

豐北工需銀兩一摺並另片奏歸還動支銀

款等語均依議行矣此次工程緊要業經該

部如數撥給該督等即當嚴飭辦工各員趕

緊修築趁此冬令水落之時及早合龍俾被

水災黎得安生業明年重運亦不至有貽誤

尤當破除情面慎選妥員力為撙節覈實辦

理毋得徇於積習任聽庸劣工員濫援成案

致滋浮冒草率等弊國家經費有常遇此大

工朕不惜數百萬帑金為民禦災捍患該督

等具有天良亦當於應賠各員勒限追繳以

濟要需若請帑則必期如數追賠則視為緩

圖實心任事之大臣當不如是也懍之○丙

子

上詣

壽康宮問

皇貴太妃安○諭內閣御史王茂蔭奏請振興

人才酌擬五條呈覽其請造就宗室八旗人

才。歷陳近來積習。自係實在情形。我朝人才蔚起。宗室八旗文武謀略。超越前代。良由習尚淳樸。不事浮華。以清語騎射為本務。登進之途。原不必盡由科甲。蓋學為有用之學。斯才皆有用之才。近來文風日盛。留心經濟者固不乏人。第恐沾染時習。以文章風雅自詡。不思講求本務。殊非崇實黜華之道。疊經朕申諭諄諄。我宗室及八旗大小臣工。諒必咸喻朕意。嗣後益當奮勉砥厲。求為有用之學。

欽此

上

以備國家腹心干城之選。該管王大臣等。尤當因才造就。俾文事武備各盡其長。毋負朕培養教誨之意。○又諭前因東南兩河工次。每有過往官員等。干求資助。業經降旨嚴禁。茲聞各省鹽務衙門。亦有出京官員往求資助。試思鹽務銀兩。國帑攸關。豈容瞻徇私情。濫為酬應。必當一體申禁。力挽頹風。嗣後如有官員人等。向各省鹽務衙門求助。及投遞書函逗遛不去者。即著該督撫等嚴查叅奏。

以除陋習而肅齷政。將此通諭知之。○諭軍機大臣等。有人奏前任香河縣知縣陳可珍。工部司務易紹琦家屬回南。俱在直隸邯鄲縣城外。被匪徒搶去衣物銀兩。並傷人口。又景州東光縣地方。水路搶案疊出。河南正副考官回京。行至衛輝府濬縣境內。有盜賊數十。攔劫並將跟役刃傷等語。盜匪結夥劫掠。總由地方官不能實力查拏。似此肆行無忌。並敢攔劫馳驛官員。尚復成何事體。著訥爾

欽此

上

經額李德。即飭各屬迅速嚴拏。認真究辦。毋得諱飾疏縱。自干咎戾。將此各諭令知之。○又諭戶部尚書孫瑞珍。奏河海並運。以裕庫儲。一摺。據稱從前海運著有成效。請將來歲蘇州松江太倉三屬新漕。照案改由海運。計節省之項。可補庫儲。又另片奏檢查成案。歷陳海運之可行等語。著陸建瀛楊文定。按照所奏各情。體察該省地方現在情形。明年漕運是否有宜變通之處。務當豫為籌畫。悉心

妥議迅速具奏原摺片均鈔給閱看將此諭令知之○河東河道總督顏以燠奏親勘運河各廳漫水及籌辦回空軍船得旨認真辦理回空漕船勿得稍有遲誤○以廣西紳民辦理團練出力賞在籍知縣卓希泰并銜花翎武舉廖凌漢等藍翎餘升擢有差○修山東加河運河二廳石埽各工從河東河道總督顏以燠請也○丁丑諭內閣各部院學習行走人員行走年滿向由該堂官嚴定去取分別咨留近來各衙門報滿之員奏留者居多咨回吏部者甚少未免無所區別道光九年曾奉

諭旨各部院堂官務將所屬賢否秉公查察於應留者准其奏留不應留者即據實咨部不准姑容

聖訓煌煌允宜遵守著通諭各部院堂官於學習行走人員務當留心察看如果當差勤慎始准保留儻有辦公疏懈或於該衙門不甚

相宜者即照例咨回吏部候選不得概行保留致滋浮濫其業經留部人員或始勤終怠亦著隨時淘汰毋稍瞻徇以副朕澄敘官方至意○諭軍機大臣等御史張祥晉奏請將江蘇新漕援照從前海運成案推廣常鎮各屬及浙省一體試辦等語南漕海運雖有舊案可循是否可以推廣並地方現在情形是否可行著陸建瀛楊文定常大瀄悉心體察迅速妥議具奏又另片奏江浙漕糧繳錢之

地居多如改辦海運將節省之錢運交河工並可以平錢價著一併議奏原摺片均鈔給閱看將此各諭令知之○先是綏遠城將軍托明阿奏安設穆納山卡倫章程下理藩院議奏至是奏遵查烏喇特三公旗所屬穆納山產有木植向係官為開採嗣因民人擾害蒙古部議封禁近有匪人結夥入山砍不運賣并有拒捕刃傷台吉等案應如所請安設卡倫六處每卡派官一員兵十名以資防守

從之○以烏什辦事大臣麟魁為察哈爾副都統賞候補三品京堂春熙頭等侍衛為烏什辦事大臣○戊寅

上詣

壽康宮問

皇貴太妃安○以右春坊右贊善徐玉豐署日講起居注官○己卯

孝慈高皇后忌辰遣官祭

福陵○諭內閣戶部奏飭催江南省例應入撥

各款請分別定限清釐一摺各直省例應入撥銀兩向由戶部登記備撥自應趕緊造報以憑撥用乃經該部疊次奏催而江甯江蘇安徽各藩司延未造報之款自道光三年起至今年八月止竟至一千五十九款銀數至九百二十六萬餘兩之多此中款項即有應行釐剔之處其實存在庫者為數甚鉅豈容任意玩延致起侵那之漸著兩江總督江蘇安徽各巡撫嚴飭各該藩司按照該部單開

各款將道光三年至二十三年未報各款予限三年二十三年至二十七年未報各款予限一年二十八年至本年八月未報各款予限半年迅即查清分款造報如再玩延逾限即著據寔嚴叅○又諭御史周有蓋奏已滿已革書吏在京逗遛請飭查拏一摺向例在京役滿書吏勒限飭令回籍如有逾限不即啟程及到籍後潛行來京者由地方官查報斥革遞解並革退書吏一律遞回原籍嚴加管束不准在京逗遛定例極為嚴密乃近來如戶部已滿書吏王潤祥工部已滿書吏章端本兵部已滿書吏陶姓皆役滿仍住京師舞弊犯案可見各衙門已滿已革書吏任意逗遛不回原籍者正復不少此輩盤踞京中與現在經承貼寫互相勾結把持公事漁利分肥是其慣技且難保無已滿者另名重充已革者更名復充情弊若不嚴行查究何以除積蠹而遏弊端著在京各該衙門隨時查

察究辦並著步軍統領衙門順天府五城一體訪拏照例嚴懲毋稍疏縱○陝西提督石生玉奏報到任日期得旨認真訓練務期有裨實用切勿徒飾外觀營弁委靡習氣尤應破除情面從嚴懲辦○山東巡撫陳慶偕因病賞假以布政使劉源灝署巡撫○庚辰諭內閣英興等奏派員比追蒙古旗租佃民聚眾抗違請將辦理不善之員交部議處並自請議處等語此案著派德興馳驛前往盛京

會同奕興詳查舊案秉公覈辦並查明為首糾眾要挾之佃戶按律嚴行懲治以儆刁風協領楊玉美協領記名佐領奇克慎同知興泰知州崇光均著交部議處奕興恆毓文俊著改為交部察議○又諭永康等奏置買地畝辦理完竣一摺所有廣恩庫動款置買直隸安州等處地畝及每年應收地租銀兩著訥爾經額派員詳細查勘地畝租數是否相符奏明存案毋稍含混○諭軍機大臣等德

勒克多爾濟等奏俄羅斯新派固畢爾那托爾移於恰克圖俄羅斯北柵永遠駐劄等語此事德勒克多爾濟等所辦甚是俄羅斯改派固畢爾那托爾並另移地方駐劄均係伊國內之事與中國無干若究問因何更改舊章轉恐俄羅斯妄生嫌疑然於一切應辦與俄羅斯交涉事件尤宜留心詳慎不可輕率著德勒克多爾濟等將該俄羅斯究竟因何更改舊章隨時查訪遇便奏聞將此諭令知

之○禮部奏遵議直隸考試印結請飭順天府出示曉諭如有祖父寄籍捐考未經呈明子孫因而捐考者予限一年補行呈明並請嗣後順天考試出結不必限定人數凡係土著均准出結其大興宛平童試仍照定例歲試用土著廩保八人科試六人令其互相稽覈並將金臺書院送考之條禁止從之○以故貝子綿清子奕標降襲鎮國公○准江西饒州吉安等幫緩交虧折米石○

上以孟冬時享

太廟自是日始齋戒三日○辛巳

孝敬憲皇后忌辰遣官祭

泰陵○諭內閣徐廣縉葉名琛奏堵勦廣西交界地方匪徒三獲勝仗一摺廣西南太一帶地方自殲斃巨匪顏品瑤之後夥匪尚多閏八月初八初九等日經提督陶烜文飭令遊擊蘇崇阿署遊擊玉山何萬興署守備饒永福署廉州府知府沈棟輝督帶兵勇馳至新

鋪村那陵地方奮力前進槍礮齊發該匪受創逃逸初十日進兵至那片村潮州兵勇首先攻入各兵均奮勇直前將賊巢燒毀據探匪首王錫從業經槍斃此次會勦廣西交界地方匪徒疊次獲勝該督仍當激勵兵勇分頭堵勦務將著名要匪及各股餘匪悉數殲擒以期淨絕根株所有出力文武員弁兵勇著查明酌量保奏毋許冒濫陣亡兵勇照例議卹○又諭陳慶偕奏請將撤任知縣革職

嚴審一摺山東陽信縣知縣多瑞前因縣民商秉正具控該員偽造赤書改官欠為民欠等款降旨撤任歸案審訊茲據該撫訊據該員供稱徵糧赤書流水於本年五月間被火燒毀錢糧完欠全以赤書為憑即或不戒於火亦應立時稟報巡撫藩司聽候覈辦乃匿不通稟直待被人訐告始稱被燒顯係有意消弭希圖抵飾多瑞著即革職交該巡撫提同丁書人等嚴審究辦毋稍寬縱○諭軍機

大臣等徐廣縉等奏堵勦廣西交界匪徒三獲勝仗一摺廣西南太一帶股匪竄擾兩粵交界地方經廣東文武督帶兵勇分路堵勦現雖連獲勝仗而餘匪尚多且廣西正在攻勦喫緊之際更恐四路分竄仍當嚴飭在事文武實力堵截痛加勦洗不分畛域以期淨絕根株逆匪凌十八前已疊受懲創現在踞險困守著即督飭將弁趕緊兜拏毋得稍有疏懈致令免脫廣西調撥潮勇三千名業已

啟程刻下想已行抵軍營。惟念大兵雲集。所需兵餉尤關緊要。朕心甚為懸念。除戶部指撥軍餉銀兩外。著徐廣縉葉名琛仍遵前旨。於正雜各款並開款內。有可通融協濟之項。寬為儲備。並傳諭曾維於關稅應解項內。無論何款酌量豫備。以濟要需。將此由四百里諭令知之。○河南巡撫李德奏報到任日期。得旨。事事勉力為之。以副委任。黃慶安一案。汝須嚴行懲辦。以儆官邪。若稍有不實不盡。

實錄卷四十五

三

經朕訪聞。必治汝以欺君之罪。朕言出法隨。勿謂言之不豫也。况汝新到豫省。無所迴護。汝之不苟不私。朕已洞悉之。○以都察院左都御史朱鳳標署工部尚書。刑部左侍郎全慶署戶部左侍郎。兼管三庫事。○以御前大臣僧格林沁署管鑾儀衛掌衛事。○以宗人府右宗人奕縉署鑾白旗護軍統領。正藍旗滿洲副都統瑞常署正白旗滿洲副都統。○錫綏直隸高陽安武清大城永清天津滄南

皮鹽山慶雲晉平鄉永年邯鄲雞澤清豐懷來霸州河間靜海薊城開元城保安定清河。二十七州縣。被水被雹。村莊新舊額賦。○壬午諭內閣。都察院奏安徽民人王太豐呈控。被匪擾害等語。此案安徽壽州匪徒王如修。以購捕未獲之犯。與逃兇張五老虎。王懷春等結夥肆劫。擅放火槍。連斃三命。並賄囑差役蒙蔽縱脫。經州差帶同團練拏獲。復被伊黨監生石二麻子糾眾奪去。如果屬實。不法

實錄卷四十五

三

已極。著蔣文慶督同臬司張熙宇。提集人證。研訊確情。並勒緝各犯。務獲按律究辦。毋稍疏縱。原告王太豐。該部照例解往備質。○賞鎮國公奕標散秩大臣。○以鑾紅旗蒙古副都統忠泰署正黃旗護軍統領。兵部左侍郎恩華署京營右翼總兵。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之四十四

寶錄卷四十四

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之四十五

[illegible]

咸豐元年辛亥冬十月癸未朔享

太廟

上親詣行禮○遣官祭

永陵。

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵遣官祭

孝和睿皇后暫安寢殿遣官祭

宣宗成皇帝暫安寢殿遣官祭

孝穆成皇后

孝慎成皇后

孝全成皇后陵寢遣官祭

孝德皇后殯宮遣官祭

端慧皇太子園寢詣

壽康宮問

皇貴太妃安頒咸豐二年時憲書浙江巡撫常大瀄奏遵查石浦洋面盜船被攻南甯

在事文武尚無畏蕙遷延情事現飭水師將弁約會江南山東來浙勇船追赴閩洋會同

閩省水師相機圍攻得旨既無畏蕙情弊仍應責令會勘○甲申以恭送

宣宗成皇帝聖容至盛京供奉

上詣東華門外彩棚

聖容前行禮○諭內閣前因已革道員慶雲稟

許司道一案當交陸應穀查訊旋據該撫訊

明定擬復諭令王植惠密覆覈具奏茲據奏

稱訊明前後情節與陸應穀所奏均屬相符

其稟許亦非由陳阡指使等語此案已革道

慶雲於被叅數月後擅用印封遞稟陳訴牽

涉司道雖據查明係病後精神恍惚尚非有

心許告但以叅革人員妄行稟瀆究屬不安

本分慶雲業經革職著即押令回旗永不敘

用以示懲儆○命禮部尚書奕湘刑部尚書

恆春周祖培都察院左都御史朱鳳標戶部

右侍郎禧恩工部左侍郎德興右侍郎奕鯨

鑲白旗滿洲副都統華山奏在紫禁城騎馬

○乙酉江蘇巡撫楊文定奏考校官兵技藝

並恭錄嘉慶二十二年

上諭飭發各官廳敬謹懸掛令各將備隨時訓

諭得旨嚴行整飭以挽澆漓隨時推誠開導庶可漸有起色汝恭錄

上諭比之到任後循例出示裨益良多○正白旗蒙古都統中山因病休致賞食半俸以御前大臣德木楚克扎布為正白旗蒙古都統○撫恤琉球國遭風難夷如例○丙戌

上詣

壽康宮問

皇貴太妃安○諭內閣英興等奏參廢弛學務

之正管長一摺盛京宗室學正管長明志於該學教習學生等應領公費銀兩印領積壓多日經該將軍等傳署訓飭擬定章程該員仍復任意稽延實屬有心違誤正管長明志並所兼族長著一併革職以示懲儆○丁亥諭內閣西凌阿奏遵旨體察牧青官馬歸羣牧放一摺察哈爾八旗牧青馬匹既據該都統詳細體訪官兵重受賠累請分歸商都等處牧放以便照料不致經久弊生自係實在

情形著照所請此項馬匹准其分歸商都兩翼太僕寺驛馬羣內牧放至所請將生息銀兩撥節津貼各項之處均著照所議辦理○又諭陸建瀛楊文定奏捐辦工程請免造冊報部等語江蘇高淳縣境之東壩經下游各府紳民捐貲修復此項工程既係民捐民辦前經降旨准免造冊報銷所有該部咨令將工段銀數造送備查之處著毋庸議該處壩工修復以後民人彼此相安所有溧陽營都

司駐劄處所著毋庸移往東壩○諭軍機大臣等陸建瀛楊文定奏追剿洋匪盜首投誠等語山東洋面盜匪占駕官船南竄經該督等督飭弁勇截擊嗣在浙江石浦探聞盜船由溫州三盤洋面駛往閩洋山嶼島停泊守備周鼐率同勇目方翔等追剿盜首布興有呈請投降並懇請呈繳船隻印信及槍礮等物該匪等挾黃富興之嫌輒敢占船搶印其目無法紀已可概見現在各路會剿呈請投

誠未必非因被追窮感為苟延旦夕之計。著陸建瀛等即飭鎮將將礮船印信先行押回。仍飭密察情形。儻稍有反覆。即併力勦捕。擒穴擒渠。毋令片帆逃逸。斷不可因一時乞憐。墮其奸計。並著閩浙各督撫。迅派水師將弁。協力痛勦。以期淨絕根株。黃富興現行抵何處。著查明具奏。至廣東碣石都司印信。平海把總鈴記。係於何時被盜搶去。著徐廣縉等。迅飭查明。據實奏聞。將此由四百里各諭令知之。○又諭。賽尚阿奏官兵燒毀水竇賊巢。續經進兵情形。各摺片據稱。九月初十二等日。南北兩路進勦。獲勝。並十六十九等日。力籌進攻。各情該逆匪雖未竄離永安。而官兵仍未能攻入城中。鐵檢渠首現計所募潮勇。必可到齊。該大臣駐劄陽朔。就近調度。即當分撥南北兩營。四面圍而步步逼入。將各處賊營。迅籌攻毀。該匪首既探明分住各營。並非蟻聚城內。固當先圖克復城池。為搆穴

擒渠之計。俾在外各匪無可竄入。負固抗拒。尤當力防各匪首之在水竇莫村等處者。分路逃竄。務飭統兵將帥。趁此圍勦喫緊之時。將著名各匪首悉數殲擒。毋任漏網。該匪既有將輜重船隻。順流竄入濠江之信。所有潮勇前赴梧州時。是否已於途次將該匪船截擊。其沙囊塞水放船不能遠出之說。恐係匪黨播散訛言。懈我追兵。或因我兵前截後追。登岸他逸。尤須密飭劉繼祖。馮玉衡等。刻刻嚴防。切勿稍有疏虞。墮其奸計。其南太一路。經勞崇光籌辦妥協。然尚未埽除淨盡。現在白山遊匪。雖經勦散。著責成該藩司等。設法按捕。將乃利中等犯按名弋獲。其謝江甸一犯。詭計奸謀。尤當留意。並嚴查該犯藏匿何處。即行拏究。以免煽惑。向榮前因患病。是否回省。抑在陽朔軍營養病。查明覆奏。至前奏飭調之雲南都司施嘉祥。是否即係李能臣。營內先經保升參將之員。亦著遇便查奏。將

此由六百里諭令知之○欽差大臣大學士
賽尚阿奏進攻永安賊匪情形得旨目下軍
務正當喫緊汝斷不可過於焦急若用心過
度轉致成病是不能善副朕懷又奏近聞豐
北漫口興築萬難措手漕運一節不可不先
事區畫請飭籌議海運章程以資接濟批近
日孫瑞珍等亦有此奏已有寄諭矣覽卿所
奏可謂體國之大臣又奏粵西股匪以金田
會匪最為頑狡金田稱太平天國匪首稱太
平王此時各匪徒未有李丹名姓其麥二邱
二塔各股匪及顏品瑤餘黨現飭兵練嚴密
挖查報聞○以湖南靖州協副將博春為綏
靖鎮總兵官○以攻勦廣西永安州賊匪獲
勝復已革總兵官長瑞職賞遊擊田學翰巴
圖魯名號把總全玉貴花翎並升敘有差○
予廣西軍營病故總兵官李伏祭葬卹廕○
戊子

上詣

奉先殿
壽皇殿行禮○詣
開帝廟拈香 諭內閣本年南河豐工漫口
江蘇山東被水災民朕心實深繫念疊經降
旨飭令各該督撫妥為撫恤諒必仰體朕懷
次第籌辦茲據給事中袁甲三奏請飭令江
蘇山東各督撫設局收養勸諭各紳商捐貲
助賑如捐有成數或自行設局經理者事竣
之日迅速奏請優敘並於交界地方派員撫
輯大工處所嚴行彈壓等語向來興辦大工
首先撫恤災民並可以工代賑第恐該地方
官辦理不善或有侵漁剋扣實惠不能及民
其有情殷桑梓急公捐賑者又不能覈實請
獎以昭激勸且於地方匪徒聚眾逞兇等案
不能從嚴懲辦何以戢奸宄而安善良著江
蘇山東各督撫並鄰省各地方官按照該給
事中摺內所陳各就地方情形詳細體察妥
協籌辦其捐貲助賑紳民經該督撫奏請獎

勸朕必立沛恩施以為急公好義者勸現在
豐北工次該督等已奏派總兵大員帶兵彈
壓如有匪徒藉災滋事即著嚴拏懲治地方
官不能實心辦理致生事端並著從嚴叅辦
○諭軍機大臣等本日據戶部奏粵省軍需
孔亟請准該省商民出貲助餉一摺從前辦
理夷務粵東商民多有捐貲助餉之舉現在
東西兩省軍務方殷均應寬為籌備著徐廣
縉葉名琛察看地方情形如有急公好義捐

貲較多者不妨專摺奏請候朕破格施恩以
昭激勸想該督等必能妥協辦理力求實濟
不致稍滋流弊也原摺著鈔給閱看將此由
四百里諭令知之○己丑

上詣

壽康宮問

皇貴太妃安○諭內閣前因御史雷維翰奏湖
南吏治廢弛請飭徹底查究當降旨交程喬
采嚴密訪查茲據該督逐款查明覆奏前任

湖南巡撫陸費瑔雖查無受賄徇私實據惟
該撫在任多年於地方事務未能整頓又辦
理習教匪徒諸形寬縱實難辭咎陸費瑔著
交部議處前任湖南布政使萬貢珍宸沅道
呂恩湛既據查無別項劣蹟業經革職著母
庸議知府銜前任桂陽直隸州知州俞昌會
性近巧猾且以應行送部人員逗遛省垣私
置產業殊屬不合著革去知府銜勒令休致
即飭回籍又諭程喬采奏查拏首要重犯

請寬免文武各員處分等語此案教匪左家
發等勾結多人潛謀不法於未經滋事之先
即將首要各犯訪獲多名按律懲辦程喬采
督辦此案甚為妥速著加恩交部議敘文武
員弁應得處分及失察職名均著加恩免其
議處仍將未獲各犯嚴密查拏無任一名漏
網此等習教匪徒地方官如能於未經滋事
之先迅速訪拏究辦弭患未然無論曾否藏
匿及年月遠近歷任官應得處分原可酌量

寬免。若意存迴護。消弭不肯實力訪拏。該督撫仍當隨時查察。嚴參懲處。不得稍事姑容。所有查拏審訊此案各員。均屬著有微勞。著該督擇其尤為出力者。酌量保奏。候朕施恩。毋許冒濫。○又諭陳慶偕陳世忠奏遵旨會議前赴閩粵追剿盜匪一摺。登州鎮總兵陳世忠著即迅速前赴福建。交閩浙總督差委責成。追捕山東洋面竄回盜匪。務令悉數殲擒。勿留餘孽。勒匪事竣。即回山東本任。所有

實錄卷一百一十

十一

登州鎮總兵印務著陳慶偕派員署理。○緩徵山東臨清章邱鄒平長山新城齊東濟陽禹城臨邑陵德德平平原東阿陽信樂陵商河鄒汶上壽張鄆城濮范觀城朝城恩邱歷城齊河東平惠民濱利津滋陽甯陽陽穀河澤單曹定陶鉅野聊城堂邑博平在平清平莘冠館陶夏津武城博興城武海豐霑化樂安高密五十七州縣暨德州東昌臨清濟甯四衛被水被風被雹村莊新舊額賦。庚寅

諭內閣前因御史蕭時鰥奏直隸邯鄲縣地方有匪徒搶劫之案。當降旨交訥爾經額飭屬嚴拏。茲據該督奏稱邯鄲縣知縣盧昌輔邯鄲汛千總程殿元於該縣城外過客被劫。拒傷重案。事前既疏於防範。事後又不能速復。贓盜捕務實屬廢弛。盧昌輔程殿元均著摘去頂帶。勒限兩箇月。將贓盜悉獲究辦。如限滿無獲。即著從嚴參處。該督既接據該縣稟報。自應即行奏參。何以於奉旨查辦後始

實錄卷一百一十

十一

行具奏。訥爾經額著傳旨申飭。○又諭刑部等衙門具題甘肅徽縣民李金玉等毆傷胞兄李奉灝身死一案。李金玉著照擬凌遲處死。其李平兒一犯。經該部聲明僅止上前攔勸。因被按情急將李奉灝撞跌倒地致碰一傷。並非有心干犯。夾籤請旨該犯李平兒係李奉灝胞姪。案關服制。罪名出入。其是否有心干犯。著陝甘總督再將該犯親提研鞫。務得確情。據實定擬具奏。尋奏覆訊李平兒將

李奉灝撞跌致斃按律擬以凌遲處死惟覈其情節實非有心干犯應仍遵例聲明得旨著改為斬監候秋後處決以河南布政使蔣霽遠為貴州巡撫廣西右江道嚴正基為河南布政使未到任前以南汝光道鄭敦謹署理○予故貴州巡撫喬用還祭葬○辛卯賞前任察哈爾副都統慶祿頭等侍衛在大門上行走○以貴州布政使呂佺孫署巡撫

(壬辰)

實錄卷四十五

十四

上詔

壽康宮問

皇貴太妃安 諭軍機大臣等奕山布彥奏奏遵旨覆議俄羅斯通商章程未盡事宜一摺據稱前次俄羅斯來議通商使臣祇有明春遣吏商貿易之說其到伊犁遲早彼亦不能豫定自係實在情形著該大臣等於明年該吏商初到時即將吏官是否同來及入卡後沿途行走果否恪遵議定章程先行具奏其

如何蓋造房屋及該吏交易一切情形均俟初次試辦完竣時詳細具奏其應如何分別奏咨之處亦俟辦過一次後再行酌定至此次議定章程係於營務處協領等官內專派二三員令其照管通商事宜如派委之員辦理妥協自可令其一手經理毋庸拘以年限亦須試辦後隨時察看情形奏請酌定該大臣等務當遵照前旨遴委妥員以期歷久相安免滋流弊將此諭令知之尋奏俄羅斯商

實錄卷四十五

十五

使到時沿途安靜並無滋事業已給與地址聽其修房報聞○烏魯木齊提督桂明奏製造擡槍完竣業已分撥各營立限操演以備調驗得旨認真操練務期精熟不可只圖好看但講架式以故土爾扈特貝勒喇特納錫迪弟鄂齊爾襲爵改鑄江蘇無錫縣知縣印信從巡撫楊文定請也○緩徵福建臺灣澎湖被風靈鹹雨災民地種船網滄繒銀癸巳諭內閣徐廣縉葉名琛奏圍剿股匪

大獲勝仗。並將頭目殲斃一摺。廣東何名科。梁二十大股匪在信宜縣境滋擾。經兵勇分路迎擊。奪獲破械多件。並將頭目梁二十大。立時槍斃。賊勢已極困蹙。仍著嚴飭高州鎮道等。激勵兵勇。趁此聲威。悉數掃蕩。並將股首何名科嚴拏務獲。勿任免脫。其凌十八股匪。現經該督帶兵圍剿。並著迅速兜拏。毋令竄逸。○兩廣總督徐廣縉奏酌善藩關兩庫各款銀三十萬。留備廣西軍需。下部知之。○

實錄卷四十五

十六

署山東布政使福濟奏報到任日期得旨。實心整飭。斷不可畏難苟安。以禮部右侍郎曾國藩為順天武鄉試正考官。詹事府詹事沈兆霖為副考官。予廣東陣亡外委朱瑞賢祭葬世職。○甲午。孝德皇后殯宮月祭。遣官行禮。諭內閣。阿靈阿奏遵查大祀王公百官隨從行禮一摺。嗣後

壇

廟大祀朕欲福受。昨及謝福。昨時陪祀之王公百官。有應由傳贊官傳贊隨從行禮之處。俱著恪守舊章遵行。如傳贊時有應行禮而不行禮者。或傳贊遲誤。即著糾儀各衙門查明。叅奏。○浙江巡撫常大澂奏查明松所私鹽充斥。多從定海岱山等處航海而來。現在委員設局收買定岱等處所產鹽斤。招商配運。清其來源。或可漸資整頓。得旨嚴查收買。勿致有名無實。又奏紹所銷鹽漸形短絀。溫處兩府私鹽浸灌為甚。現議設卡改巡。試行官運之策。批認真辦理。隨時具奏。○浙江布政使椿壽奏報到任日期得旨。振刷精神。勉為之事。事從實斷。勿自欺。○命甘肅提督索文。在紫禁城騎馬。○乙未。

實錄卷四十五

十七

上 詣 壽康宮問 皇貴太妃安。御乾清門聽政。以太僕寺卿龔文齡為大理寺卿。○旌表守正被戕雲南

思安縣民戴狗妻李氏○丙申領山東曹河廳汛

大王廟

御書扁額曰恬波佑順○諭內閣特克慎奏請將虧短庫餉之同知撤任並請派大員查辦一摺吐魯番同知榮春發給兵餉銀兩何以成色不符有無虧短情弊著派烏魯木齊提督桂明馳往吐魯番秉公確查訊究並查明該廳庫所存銀兩是否足數散放應如何籌

實錄卷四十五

十八

撥之處據實具奏榮春著先行撤任聽候查辦○河東河道總督顏以燠奏南糧回空頭進首幫輓出東境後幫行走維艱現在豐北漫水波及東省運道以致河漕諸多棘手惟有督屬設法趲輓以冀回空船隻以次南下得旨回空行走遲滯固由豐工漫溢朕斷不歸咎於汝汝何必明言殊屬推諉顏以燠著傳旨嚴行申飭丁酉諭軍機大臣等薩迎阿奏番賊搶掠鎮羌等營地方及古婁等堡

先後堵捕情形該鎮將等遷延畏葸或不發兵接應或帶兵前往已在賊匪遁逃之後種種貽誤殊屬可惡該省沿邊一帶近日番賊搶劫之案較前更多若非該處文武平日全無布置何以賊匪一經竄擾如入無人之境舒興阿現已馳抵署任著將該省現在賊匪情形及薩迎阿如何督飭防捕之處查明據實奏聞舒興阿係特簡之人務期竭盡心力以副朕望將此諭令知之○又諭賽尚阿奏

實錄卷四十五

十九

遵查向榮巴清德尚無互相推諉等情並現在接仗情形一摺該匪竄踞永安我兵屢次進攻惟以抗拒不出為苟延之計其窮蹙情形已可概見但我兵日久疲乏能出隊者僅五六千人即使潮勇到齊合計亦只八九千人果否足資調遣兵力不至單弱潮勇到齊之後該大臣務當嚴飭帶兵將官四面圍攻合力進剿嚴密布置謀定後動務將賊首韋正洪秀泉等設法誘擒不可任其竄逸破城

之後。僕有零星餘匪分竄他處。亦應嚴密堵截。勿留餘孽。逆匪占踞永安州城。已兩月有餘。添調兵勇。又復數千。軍需浩繁。籌餉日形支絀。朕日盼捷報。宵旰難忘。諒該大臣亦必萬分焦急。總期籌畫萬全。一鼓蕩平。以慰朕望。向榮現在病體若何。如已就痊。即飭令迅赴軍營。勉力自效。以贖前愆。將此由六百里諭令知之。○欽差大臣大學士賽尚阿奏報向榮已清德接仗情形。得旨。看來巴清德亦非軍營中必不可少之人。著留心查看。如尚堪驅策。則已。若留之無益。則稍俟令伊少立寸功。即行奏聞。候朕調回。密之。○以訪獲煽惑滋事。僮匪。予雲南知縣劉邵高議敘。○錫免雲南石屏建水三州縣被旱民田本年額賦。

實錄卷四十五

二十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之四十五

實錄卷四十五

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之四十六

監修魏武宮經道員講進唐汪曾季太保云書房魏碑又瀾閣閣事翰林院掌院學士稽察欽奉十前事件屬史館魏武宮武英殿

大學士管理兵部事務加十三級紀錄十四次臣寶積等奉總裁官經筵講官太子太保文淵閣領閣事武英殿總纂修臣等謹題

大學士管理戶部三庫事務管理刑部事務加二十三級紀錄十六次臣周祖培總裁官李少保管理內繕書房事務對引大內軍機大臣

欽定四庫全書
欽定四庫全書

達蘭吳館藏我當正藍旗蒙古都統程部尚書管理太常寺鴻臚寺事務加二級軍功四級隨帶加級紀錄五次臣德什理布等奉

子

咸豐元年辛亥十月戊戌

上
讀

壽康宮問

皇貴太妃安
諭軍機大臣等御史宗稷辰奏

山東海防緊要請將登州鎮改為水師提督

兼轄陸路一切團練巡防俱責成經理等語。

山東巡撫本兼提督銜如專設提督於水陸

操防果否實有裨益該撫統轄全省一切徵

調是否不致窒礙事關更改營制不可不詳

慎籌畫著陳慶偕按照所奏體察情形悉心

妥議具奏原摺著鈔給閱看將此諭令知之
尋奏東省巡撫向以提督銜節制各鎮一切
徵調稽查呼應較易若專設登州水師提督
兼轄兗曹兩鎮陸路各營非惟水陸情形迥
異且提督駐登距兗曹兩鎮邊界各營千有
餘里文檄往返輟轉需時設有要事轉易延
誤該御史所奏應毋庸議報聞○廣西巡撫
那鳴鶴奏拳獲刃傷縣丞白良棟等匪犯雷
亞書等立予正法得旨嗣後仍著照此辦理

追予浙江陣亡總兵官葛雲飛鄭國鴻原

籍建立專祠○緩徵吉林三姓被水地方本

年額賦）己亥諭內閣刑部等衙門具題湖

北遠安縣民羅鉦鳴毆傷胞兄羅鉦汰身死

一案聲明並非有心干犯夾籤請旨此案羅

鉦鳴因胞兄羅鉦汰被母詈毆遷怒於弟羅

鈕安拾甌，向擲該犯，適與羅鈕安站在一處。

舉手將甌塘轉何以適中羅鉦汰頭上致傷

身死倫紀攸關情節是否屬實著龔裕再將

該犯親提研鞠務得確情據實定擬具奏尋奏遵訊羅鉦鳴實係奪靚毆傷胞兄羅鉦汰致死即為有心干犯應按律問擬斬立決下部議從之○諭軍機大臣等有人奏湖南省近來捕務廢弛陸路固多盜匪水路洞庭湖尤甚有白晝連劫一二次者有黑夜連劫二三次者事主因湖面遼闊不知屬何州縣管轄且無錢給與書差只得隱忍不報即間有事主報案地方官因湖面界限不分互相推

諉且書差需索包庇終難弋獲又片奏湖北鄖陽安陸施南等府近來匪徒甚多與船戶勾結設計誘騙女孩匪徒與船戶姦污過便沿途販賣各等語盜賊滋擾最為商旅之害洞庭湖在兩省交界汪洋數百里最易藏奸著程商采龔裕駱秉章嚴飭所屬無分畛域認真查拏如有州縣推諉及書差需索包庇等弊即行從嚴懲辦至誘騙女孩肆行姦賣尤堪痛恨著程商采龔裕一併飭屬嚴密訪

拏按律懲辦以靖奸宄而安良善原摺片著分別鈔給閱看將此各諭令知之○江甯布政使祁宿藻奏報到任日期得旨汝之有為有守已在朕洞鑒之中但須事事從實勿稍惑於浮言尤應猛以濟寬慎勿一味和柔也○湖南提督鮑起豹奏報到任日期現值邊防喫緊與前任提臣余萬清會商妥籌嚴防得旨嚴密防範勿稍疏虞若粵匪意圖竄擾務須扼要堵截不分畛域盡數殲擒如本省

會匪稍有蠢動更不可稍涉張皇致勾連為患轉難圖也懍之此旨與余萬清同看○以吏治廢弛革前任湖南巡撫陸費瑔職○緩徵湖北武昌咸甯嘉魚蒲圻大冶漢陽黃陂孝感沔陽黃岡蘄水黃梅廣濟潛江天門雲夢應城江陵公安石首監利松滋荊門漢川江夏鍾祥京山枝江二十八州縣暨武昌武左沔陽蘄州黃州德安荊州荊左荊右九衛被水村莊本年漕糧及新舊正雜額賦有差

庚子諭內閣廣西逆匪竄踞永安州城現
在大兵進剿層層圍攻賽尚阿駐劄陽朔督
辦所需軍餉業經戶部陸續撥解源源接濟
蠢茲小醜已如釜底游魂指日即可一鼓蕩
平擒渠掃穴惟念兵勇雲集需用浩繁必應
寬為儲備除現經戶部撥解外著再由內庫
添撥帑銀一百萬兩作速解赴廣西大營備
用朕眷懷南服宵旰難忘不惜疊發帑金數
百萬兩為吾民除害諒該大臣必能督飭文
武紳民兵勇殄滅醜類迅奏膚功以副朕綏
靖巖疆至意 諭軍機大臣等據哈勒吉那
奏呼畢勒罕現在吹布藏寺住坐並派兵保
護一摺章嘉呼圖克圖之呼畢勒罕現經吹
布藏呼圖克圖暨章嘉呼圖克圖之徒弟依
格凝等延請到寺並經該大臣嚴飭就近之
威遠白塔二營派兵保護並派署總兵崇保
酌派兵丁在於該處輪流巡緝自可不致疏
虞哈勒吉那已前赴該處照料現在既派員

帶兵保護呼畢勒罕業經平安居住該大臣
即可回任毋得稍涉張皇舒興阿到任後遇
有應行會商之事想必隨時會同辦理也將
此諭令舒興阿哈勒吉那知之 辛丑
上詣
壽安宮西所問
如皇貴太妃安 詣
壽康宮問
皇貴太妃安 諭軍機大臣等御史張祥晉奏
江蘇新漕請量地改收折色一摺據稱太倉
等屬各州縣產米素少民間向納折色銀兩
由地方官購米兌交請飭令無庸購米即將
折色銀兩解部等語著陸建瀛楊文定按照
摺內所陳各情悉心體察是否可行籌議具
奏原摺著鈔給閱看將此諭令知之尋奏明
年海運業已定議若僅將太倉州屬另行改
折似多窒礙請將太鎮嘉寶四州縣本年新
漕循舊徵辦一律歸於海運俟來年體察情

形再行定議報聞 壬寅諭內閣裕瑞奏恭
勦捕洋盜遲延之水師鎮將並堵擊不力之
營員及地方各官一摺福建福甯鎮總兵孫
鼎鼐准升臺灣協水師副將現任烽火門參
將蔡潤澤陸路銅山營遊擊沙肇修於匪船
多隻寄泊沙埕洋面經該署督檄飭福甯水
師馳赴閩浙交界防堵該管鎮將輒因風色
不順藉詞遲延及各匪船闖入閩洋寄泊旬
餘之久復不能剋期進攻致該盜匪即在泊

船海澳演戲設醮毫無顧忌似此怠玩習氣
可惡之至孫鼎鼐僅予摘頂不足蔽辜著與
蔡潤澤沙肇修一併暫行革職仍各留任責
令帶罪緝拏以觀後效代理福鼎縣知縣永
和里縣丞李賡星福鼎縣蔡嶼巡檢劉錫夔
署福甯府知府張元祥任聽盜匪登岸來去
自如未能扼要堵截亦屬咎無可辭均著交
部分別議處仍飭閩浙各水師確探盜蹤不
分畛域密速追捕務期悉數殲除勿令竄逸

儻該鎮將等始終玩誤或另有畏葸遷延情
事著即從嚴叅辦 諭軍機大臣等前據薩
迎阿審辦雍沙番子一案現派大學士軍機
大臣會同刑部審訊所有甘肅監禁之番犯
十四名著舒興阿督同藩司黃宗漢署臬司
易棠慎選通曉番語之人親提覆訊該番子
等平素有無為匪及勾結野番夥同搶劫情
事秉公定擬具奏薩迎阿前審此案是否辦
理草率有無偏袒意見並伊子書紳如何干

預公事曾否與隨員同坐問供佐領富克津
太如何隨同審訊所覓通事幾人是何姓名
現在何處其如何訊取供詞情形均著確切
查明據實具奏毋稍含混將此諭令知之
河南巡撫李德奏遵審已革知府黃慶安被
控案件臬司沈兆澐與黃慶安係屬姻親應
准迴避得旨沈兆澐著准其迴避又批認真
訊究不可稍存避怨之心 調陝西按察使
易棠署甘肅按察使 癸卯實授舒興阿陝

甘總督 以鑲黃旗漢軍副都統哈芬署正
黃旗漢軍副都統鑲白旗蒙古副都統基溥
署正藍旗漢軍副都統正黃旗滿洲副都統
珠勒亨署鑲藍旗蒙古副都統 予故陝甘
總督裕泰祭葬諡莊毅 甲辰
上詣

壽康宮問

皇貴太妃安 諭內閣陸建瀛楊以增奏請飭
催各省撥款一摺此次南河興辦大工業經

實錄卷四十六

九

戶部指款在於山東山西陝西甘肅江西安
徽浙江等省先後按數撥給現在挑挖引河
採辦料物需用緊急除業經解到及奏報起
解並抵撥各款外著各該督撫查照部撥銀
數迅即委員趕解工次以濟要需毋得稍有
遲延致滋貽誤 諭軍機大臣等前據琦善
奏勦辦番回酌保出力員弁當降旨交薩迎
阿查奏嗣據奏稱原保人數較多何員尤為
出力未能查出確據不敢濫保等語琦善所

勦番回不止雍沙一處如黑城子黃喀窪等
處豈無一二出力之員堪膺保舉者著舒興
阿再行確切訪查據實具奏候朕酌予恩施
毋稍冒濫所有琦善薩迎阿原奏摺片清單
均著鈔給閱看其請撤察漢城蒙古防兵並
右翼郡王暫居永安一節事關邊界防戍更
易舊章必應慎重籌議以期日久相安著舒
興阿仍遵前旨悉心體察不可將就目前致
滋流弊該督經朕特簡邊疆重任諒能彈壓

實錄卷四十六

十

撫綏悉臻周妥也勉之將此諭令知之 轉
戶部右侍郎禧恩為左侍郎兼管三庫事以
察哈爾副都統麟魁為戶部右侍郎兼管錢
法堂事務未到任前以左侍郎禧恩署管錢
法堂事務 調鑲黃旗蒙古副都統書元為
正紅旗滿洲副都統正紅旗蒙古副都統慶
興為鑲黃旗蒙古副都統以前任古城領隊
大臣阿彥達為正紅旗蒙古副都統 調吉
林副都統盛桂為察哈爾副都統京口副都

統琦忠為吉林副都統以山東德州城守尉
文藝為京口副都統 旌表守正捐軀湖北
隨州民蔡宏亮妻陳氏 貸盛京金州水師
營弁兵巡洋口糧 乙巳諭內閣徐廣縉葉
名琛奏追剿何名科股匪情形並特參總兵
參將各一摺據稱逆匪何名科自九月初九
初十等日大受懲創以後該匪紛竄廣西岑
溪縣地方經遊擊劉開泰帶兵追剿沿途獲
匪多名岑溪縣知縣張永綸乃聽信壯丁彭

李奉書

上

肇昌恐嚇之言畏葸先退以致逆匪遁逃該
壯丁彭肇昌並有得銀縱賊情事實堪痛恨
張永綸著革職拏問仍嚴飭緝拏彭肇昌到
案治以通賊之罪廣東高州鎮總兵楊昌泗
於剿辦逆匪何名科梁二十大兩股種種調
度乖方增城營參將王學詩不能與遊擊劉
開泰協力剿賊疊次逃避以致賊得乘間免
脫實屬怯懦無恥楊昌泗著先行開缺交部
嚴加議處王學詩著革職拏問從重治罪現

清 實 錄 咸豐元年十月下

在該逆何名科竄往北流縣地方著該督嚴
飭兩省文武員弁合力兜拏勿令漏網另片
奏圖剿逆匪凌十八先後斃匪數百名擒獲
六十九名匪勢窮蹙現仍藏匿羅鏡困守不
出該督務當激勵將弁併力圍攻仍須設法
誘擒並將附近賊巢一帶地方嚴密搜查斷
其接濟以期迅速剿除毋致遷延時日 以
直隸督標中軍副將福興為廣東高州鎮總
兵官 予浙江故戶部右侍郎徐士芬入祀

李奉書

上

鄉賢祠從巡撫常大瀛請也 丙午諭軍機
大臣等前據琦善奏撒拉回子復聚眾於卡
爾岡莊前往昂思多黑城子拉曲山等處稱
欲修蓋禮拜寺搬取黑城工所甌瓦拆燒工
用物件打毀木架禁條等語曾諭令薩迎阿
飭令鎮將等將撒拉回子頭人查拏懲辦現
在如何辦理之處尚未奏到該回子頭人曾
否拏獲各莊良回是否安靜著舒興阿遵照
前旨妥為籌辦毋令別滋事端琦善原摺片

六三一

著鈔給閱看將此諭令知之 賞三等男梁翼之二等侍衛在大門上行走 以直隸永定河防汛出力予同知毛永柏等升銜有差

丁未

上詣

時應宮拈香 熱河都統賡福奏訊辦朝陽匪徒江隴池等尚無與根得招夥劫情事惟該犯等傳有綽號即非善良應即先行擬結仍嚴緝江隴海六喇嘛等務獲究辦得旨六

喇嘛久聞是夥匪之首奉天各案皆謂六喇嘛窩留匪徒並有寄贓情事該犯現已就獲是否竄匿抑已另犯別案著查明具奏 戊申

上詣

壽康宮問

皇貴太妃安 諭軍機大臣等有人奏湖南江華縣知縣劉興桓之門丁夏培元曾充該縣書吏與徐綝綽號徐老虎彭世雄即彭秉剛

綝號癩皮狗結拜在縣城夥開錢店賭局把持衙門遇案詐索現辦防堵僅募鄉勇數十名該門丁蒙報六百名徐綝彭世雄每年二月八月必往廣西姑婆山赴會尤恐有勾通賊匪情事又邵陽縣差役多至二千餘名分為六班設差總三十六人凡詞訟命案執票下鄉轎夫擡夫以及白役不下百餘人民間無力供給輒行搜搶至有被傷自盡者生員唐際盛監生黃五典等案詐索多贓並將童生陳之鈺誣以毆差截搶勒供杖斃邵陽五十六都每年各都差役勒索飯食規費監生賀立朝被誣抗供以致掌責後斃命以上各案俱在知縣趙朋齡龐公照任內現在該二員均已調任差役橫肆依然又安仁縣知縣王化成之門丁謝一遇案勒索費經手錢糧蒙官以收作欠盡肥私橐虧空一萬餘兩等語湖南吏治廢弛疊經降旨飭令該督等嚴查懲辦似此丁差倚勢詐索毫無忌憚該地方

官所司何事必當從嚴懲儆以挽頹風著程
商采駱秉章按照所奏各情確切訪查認真
究辦毋得稍有不實不盡其徐懋彭世雄蹤
跡可疑是否串通廣西會匪尤當嚴密根究
勿令勾結滋事原奏片著鈔給閱看將此諭
令知之○又諭有人奏貴州省黃平施秉台
拱清平丹江古州黎平思州鎮遠二帶苗匪
聚劫前案未獲後案復出上年苗匪保禾計
也結黨滋事雖經獲犯多名餘孽未淨該匪

平集書十

上

之弟高禾姪响立又復糾黨殺人嗣經獲匪
六十餘名高禾等仍未就獲該匪愈肆鴟張
燒殺姦搶之案不可枚舉該省官吏瞻顧處
分置之不辦並該省學政翁同書所奏牛皮
箐萬山廠等處盜匪及上年黃平州施秉縣
盜匪搶劫重案均未獲犯嚴辦等語似此緝
捕懈弛必至養癰貽患且該省與廣西壤地
毗連尤恐互相勾引另生枝節著吳文鎔呂
奎孫按照摺內所奏各情實力查拏務將著

名各匪悉數擒獲按律懲辦毋稍諱飾寬縱
原摺著鈔給閱看將此諭令知之 以恭送
宣宗成皇帝聖容至盛京供奉禮成予護從王
大臣及執事官員議敘有差賞護送兵丁半
月錢糧 予貴州捐修
文廟官紳議敘 展八旗兵丁應扣借支庫
銀限期兩月 免伊犁被水田畝本年額賦
已酉貴州威甯鎮總兵官惠慶奏報到任
日期得旨與勞崇光合力同心勿稍存成見

平集書十

上

勉為之

上以冬至祀

天於

圓丘自是日始齋戒三日 庚戌諭內閣御史

宗室英華奏請肅清蹕路一摺

壇

廟大典御路所經自宜嚴肅嗣後凡遇朕親行
典禮自千門至大清門及蹕路經由處所著
該管大臣等遵照定例嚴行查察毋得視為

具文如有閒雜人等不遵約束任意往來者即著查拏懲辦總期一律肅清以崇體制諭軍機大臣等前據戶部奏粵省軍需孔亟請准商民出貲助餉當降旨著徐廣縉葉名琛妥協辦理如有捐貲較多者准其專摺保奏並由戶部行知山西陝西等省一律遵辦茲有人奏道光二十三年山西省曾勸捐銀二百餘萬該地方官假公濟私藉端滋擾者甚多有因怨家捏指勒出重貲者有因私賄賁緣脫身事外者有因得優敘而索費始詳者有棍徒勾串假託者種種弊端不可勝言等語國家經費有常一時緩急借資民力不惜破格施恩以為好義急公者勸惟在各該省大吏督飭所屬開誠布公妥為勸諭若如摺內所陳從前劣員藉端舞弊尚復成何事體且山西一省如此他省亦恐不免著廣東山西陝西各督撫於接到部文之後妥定章程明白曉諭務使上下相信不得假手吏胥

並責成該管道府隨時稽察儻有不肖官吏從中漁利或辦理不善致生物議立即指名嚴參總期民不擾而事易集於軍國要需方有裨益原摺著鈔給閱看將此各諭令知之

辛亥

上詣

南郊齋宮齋宿直隸總督訥爾經額奏遵籌

收養鄰省災民派委道府大員輪流巡查以期實惠均霑得旨認真妥為辦理稽查弊端

平糶奏摺

上

撫恤災黎嚴拏匪徒原可並行不悖直省附近京畿朕見聞所及若辦理不善徒使吏胥中飽朕必惟汝是問貴州巡撫蔣霽遠以章奏失體奏陳感悚下忱得旨汝既膺茲疆寄但事事留心則可斷不准養尊處優事事委之於人

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之四十六

實錄卷之四十六

十九

清 實 錄 咸豐元年十一月上

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之四十七

欽此
咸豐元年辛亥十一月壬子朔冬至祀
天於
圜丘
上親詣行禮詣
闕帝廟拈香遣官祭
永陵
福陵
昭陵
昭西陵
孝陵

六三五

孝東陵

景陵

泰陵

泰東陵

裕陵

昌陵遣官祭

孝和睿皇后暫安寢殿遣官祭

宣宗成皇帝暫安寢殿遣官祭

孝穆成皇后

孝慎成皇后

孝全成皇后陵寢遣官祭

孝德皇后殯宮遣官祭

端慧皇太子園寢詣

壽康宮問

皇貴太妃安賞八旗兵丁一月錢糧蠲緩

江蘇豐利耕茶角斜掘港東臺何垛丁溪伍

佑板浦中正臨興富安安豐梁垛劉莊新興

廟灣十七場被淹竈地新舊額賦並給豐利

耕茶角斜掘港四場竈戶口糧有差蠲緩

安徽鳳陽靈壁五河宿當塗無為合肥定遠

鳳臺泗銅陵貴池青陽東流廬江含山宿松

望江蕪湖懷遠繁昌舒城巢壽阜陽盱眙天

長和懷甯潛山桐城潁上霍邱建平三十四

州縣被水被旱村莊屯坐新舊額賦並給鳳

陽靈壁五河宿懷遠當塗六州縣災民一月

口糧癸丑諭內閣昨據徐廣縉葉名琛奏

越境窮追擒獲首匪一摺逆匪何名科一股

嘯聚數千人奔竄兩粵交界地方滋擾日久

罪大惡極茲經廣東廣西兩省官兵練勇合

力兜剿將首夥各匪悉數擒獲訊明正法餘

匪翦除殆盡辦理甚屬可嘉其首先擒獲逆

首者何人協力追剿購緝接應者何人著賽

尚阿徐廣縉等會同確切查明據實保奏兩

省出力文武各員並著賽尚阿徐廣縉等分

別查明保奏務期覈實毋稍歧異現在竄踞

永安州之洪秀泉等及羅鏡墟之凌十八等

均係著名會匪豈容日久遁逃該大臣暨該督等仍當激勵將士併力圍攻迅速殲除以慰朕望又諭徐廣縉葉名琛奏剿辦凌十八股匪先將吳三一股剿除一摺逆匪凌十八陳二吳三分作三股竄入羅鏡墟經升任高廉道宗元醇署肇慶府知府李敦業分飭弁兵前後迎擊將吳三一股全數殲滅逆匪三股已去其一賊勢愈孤兵心愈壯該督仍當嚴飭將弁趁此聲威趕緊圍攻羅鏡賊巢

諒首匪凌十八等釜底游魂不難指日掃蕩也諭軍機大臣等賽尚阿奏連日進剿永安賊匪情形一摺賊匪久踞永安雖經官兵疊次攻剿總未得手豈逆匪死黨固結我兵不免觀望耶抑調度接應設閑用伏帶兵大員不能布置得宜耶烏蘭泰查出退走之兵六名即於軍前正法行兵紀律為要自應如此辦理嗣後臨陣如有先行退縮之弁兵著即立時正法以肅軍令該處調到之兵其疲

乏及病弱者均經分別裁汰現在軍營存留兵丁得刀者共有若干雇募壯勇實在可用者共有若干新募潮勇到營果皆驍勇善戰正可乘其銳氣隨同官兵克期進剿切勿稍有挫衄再延時日老師糜餉各將誰執向榮素尚勇敢現既病痊何以仍令其閒處豈以官村挫敗之後竟不堪再用耶著該大臣酌量派委責令分帶兵勇勉力自效以贖前愆軍餉又發去內庫銀一百萬兩另由戶部撥

解一百萬兩諒可源源接濟惟據稱軍營每月需銀七十餘萬兩值此國用支絀之時儻再耽延何以為繼該大臣諒亦顧慮及此迅籌全局以慰宵旰焦思也另片所陳南太一帶各股匪勦辦情形並隆安縣歸德土州戕官各匪徒著飭令勞崇光會同鎮道等督率文武員弁兵勇分路剿除勿令餘燼復熾勾結滋蔓將此由六百里諭令知之以湖南永綏協副將和春為綏靖鎮總兵官予廣

西軍營病故總兵官博春等祭葬卹廕 予
廣西陣亡知縣高延祉土知州黃為錦祭葬
世職 甲寅遣官祭

先醫之神 諭內閣書元奏遵旨覆訊蒙古
女子九花兒等京控一案按律定擬一摺梅
倫烏爾土那東圖訊無受賄情事惟於扎勒
三等既屬戚誼不知遠嫌輒因開種牧場從
中袒護著與率諭開墾致肇命案之協理旗
務台吉均交理藩院查明分別議處熱河都

統及承審司員辦理此案罪名雖無出入審
斷究有未協著一併交部查取職名分別議
處 又諭常大瀋奏請將人地不宜及衰庸
各員弁分別懲儆一摺浙江杭州府西塘海
防同知馬椿齡准升紹興府南塘海防通判
李枝青於經管塘工人地均不相宜馬椿齡
著開缺留於該省以地方同知酌量補用李
枝青著註銷准升通判之案仍以知縣留於
浙江補用海塘營守備夏德風精力衰頹修

防不能得力著即勒令休致海塘營李家埠
汛把總張讓精力已衰辦公遲鈍戴家橋汛
把總陳鼎魁心地顛預護庇兵丁張讓陳鼎
魁均著革職以示懲儆 又諭常大瀋奏泰
防捕洋盜不力之總兵一摺浙江石浦及台
州府所屬之甯海各洋面現有盜船往來游
駛並有擄劫商船等案經該撫疊次咨催定
海黃巖温州三鎮總兵出洋追捕該鎮等事
前既不豫為防備及匪船竄回石浦等處擄

劫訛索又不迅帶舟師跟蹤攻擊實屬遷延
玩誤署定海鎮總兵提標右營遊擊周士法
黃巖鎮總兵湯倫署温州鎮總兵乍浦協副
將池建功著一併交部議處仍責令戴罪堵
拏以觀後效儻始終延玩即著從嚴叅辦
諭軍機大臣等據常大瀋奏盜船竄回浙洋
現籌會剿並各鎮防捕不力情形一摺另片
奏江南勇首林龍義等駕船駛抵石浦帶領
盜匪赴江南省投首等語盜首布興有呈請

投首前據陸建瀛奏到時卽降旨令該督等
密察情形防其反覆並著閩浙各督撫迅派
水師將弁合力兜剿現尚未據該督等覆奏
廣艇盜匪膽敢於山東洋面搶占官船竄回
閩浙洋面肆行擄劫必應嚴拏懲辦該匪等
如果實心悔罪投誠何以又在浙洋擄劫商
船並於海口索借水米似此詭詐兇頑之輩
豈可遽信其必無反覆著各督撫仍遵照前
旨協力緝拏常大瀟業已添雇水勇多帶礮

械與山東江南兵勇各船聯成大幫惟兵力
尚恐不敷著裕瑞迅飭水師提督鄭高祥統
帶舟師趕緊赴浙會同勦辦石浦匪船是否
業經江南勇首帶領起碇開行其船礮果否
呈繳前此投誠之說是否係該匪等詭計苟
延冀懈我師著陸建瀛等悉心訪察萬勿墮
其奸計現在各省如何辦理若稍遷延推諉
必致釀成後患該督撫等能當此重咎耶將
此由四百里各諭令知之 乙卯

上詣

壽康宮問

皇貴太妃安 諭軍機大臣等本日據惠親王

面奏由

西陵回京行至去易州二十里地方有婦女糾
聚攔輿訴冤經該處兵丁前往攔阻該婦女
等拋擲石塊毆拒該村民人均站立高坡觀
望等情易州地方前有奸民徐文興等圖免
錢糧斂錢賄託並有婦女夥控情事經該督

查拏訊究由刑部等衙門會審擬結並降旨
令該督查照舊例妥議章程出示曉諭其夥
控之婦女從寬免其提解到部審訊乃刁風
日長竟敢在親王前攔阻喊叫什百成羣拒
毆汎兵實屬不成事體著訥爾經額派委司
道大員前往易州訪查此次喊訴各婦女之
夫男等嚴行訊究係何人指使即行從重懲
辦如該地方官辦理不善或吏胥舞弊苛派
以致激成怨讟即著嚴叅懲治無稍輕縱至

易州每歲蹕路經行之地一切差徭均有舊章可循該督總當妥定章程明白曉諭務期官民相安經久無弊將此諭令知之 命工部尚書阿靈阿恭詣

昌西陵查看欽工料物 調福建臺灣鎮總兵官葉紹春為福甯鎮總兵官 蠲緩山東濟甯金鄉嘉祥魚臺滕嶧六州縣及濟甯臨清二衛被水村莊新舊額賦給災民口糧並坍塌房屋修費 丙辰諭內閣都察院奏山東

民人孫明亮呈控諱盜勒結一摺此案費縣民人孫明亮在沂水縣地方開設鋪面本年五月被盜竄夜持械劫掠拒傷事主當經捕獲夥盜一名報縣不為究辦反將事主嚴押逼令改換被竊呈詞迨費縣知縣緝獲夥盜一名解送沂水縣供明盜首姓名該縣仍不為起贓緝盜似此抑勒事主諱盜為竊無怪近來劫案頻仍匪徒肆行無忌若不嚴行懲辦何以救靖地方著劉源灝督同署臬司司

徒照親提人證卷宗研訊確情務將案內盜犯按名緝獲從嚴究辦儻該地方官實有諱盜情事即著嚴叅懲處 又諭前因莊浪城守尉懷成涼州副都統興泰於查辦馬廠地界一案前後互相叅奏情節不符降旨交薩迎阿確查茲據查明具奏並另片聲明該二員札稟內均稱差員往見琦善曾有面諭之語因諭令刑部堂官傳詢琦善由部錄取供詞據稱琦善因地界不能明白令其詳查繪

具圖說向本管副都統商酌並無城守尉有奏事之責等語何以懷成僅憑防禦德克登額捏稟之詞率行具奏且摘敘興泰札尾數語意存攻訐又不指款明叅殊屬含混興泰摺內既稱事隸地方亟應查辦何以與懷成札內又云遽行陳奏顯係文職寢閣其事似屬不宜前後語意自相矛盾且於奉旨查辦之件並不靜候輒於數月之後具摺奏實屬冒昧興泰懷成著一併交部分別議處

漕運總督楊殿邦奏回空幫船走湖艱滯現已飛飭幫弁彈力趲行若得連遇順風十一月初旬可以全數趲出東境渡黃歸次得旨斷斷不可再遲以恭修盛京

太廟配殿命將軍奕興等先期備辦料物丁巳

上詣

永安寺拈香 諭內閣朕本日出神武門詣永安寺等處拈香悅心殿傳膳辦事惟值日

之部旗等衙門奏事甚屬寥寥其餘各衙門竟無一事陳奏豈本日並無應奏之事乎若因朕臨莅處所或有未便遂將應行陳奏事件改期呈遞名為仰體實則自耽安逸殊失朕孜孜求治惟日不足之本意嗣後遇有臨幸傳膳地方非經傳旨推班日期各衙門均著照常奏事毋仍蹈因循之習致公事轉多曠誤將此通諭知之 戶部議覆前閩浙總督裕泰疏報閩省兵餉不敷撥解應如所請

在於道光三十年咸豐元年秋撥彙報各款銀內撥湊從之 戊午

上詣

壽康宮問

皇貴太妃安 予故陝西提督成玉祭葬 己

未諭內閣據載垣面奏此次恭送

聖容途次住宿食用均係自行豫備乃經過地方仍有豫備公館之處殊屬非是且恐地方官因欽使過境託名供應苛派民間致滋擾

累嗣後凡過特派王大臣赴盛京各項差使非奉旨馳驛者該地方官不准豫備公所及供應一切以期無累閭閻儼經此次申諭之後該地方官仍蹈積習即著派出之王大臣據實奏參毋稍徇隱 又諭顏以燠奏揀員請補河工要缺同知一摺山東兗州府洳河同知員缺准其以吳吉昌署理俟經歷三汛再請實授此因現在挽運緊要人地相需嗣後不得援以為例 河東河道總督顏以燠

奏報回空三進尾幫趨進臨清牘現將南路幫船設法趕催得旨實力催趨勿任託故耽延料不須諄諄飭諭矣庚申諭軍機大臣等前因查拏把持倉務之棍徒田永德等降旨令倉場侍郎查訪各倉如有似此棍徒即行嚴拏懲辦茲據慶祺朱嶠奏訪得各倉開放米石之先向有匪徒找向該倉花戶索要錢文名曰需光錢該花戶定期於放米後或在廟宇或在茶坊酒肆散給錢文為數甚多

請飭查拏等語匪徒任意訛索於倉儲大有關繫必應嚴拏究治惟慶祺等摺內未將姓名住址確切指明無憑躡緝且統稱各倉亦未將何倉係何人把持詳晰聲明該侍郎既有訪聞著即將花戶等密傳查訊令其指出匪徒姓名迅速具奏以便飭拏嚴辦至該花戶等因舞弊受人挾制亦當查明送部究辦毋得含混但以一奏塞責也將此諭令知之展緩河南永城鄆陵夏邑睢安陽臨漳內

黃汲新鄉淇延津封邱原武陽武十四州縣被水被雹村莊新舊額賦有差辛酉

上詣

壽康宮問

皇貴太妃安諭內閣訥爾經額奏甄別知縣同知通判各員一摺直隸雖澤縣知縣郭時亮精力就衰聽斷遲鈍候補理事同知德克進布兩耳重聽語言蹇澀河工試用通判沈泰精力衰頹身弱多病均著勒令休致涑水

縣知縣王濱才具未能練達聽斷亦不明晰難膺民社著以府經歷縣丞降補歸部銓選又諭穆騰額奏達賴喇嘛於明年前往布啦濟綢及齊齊克塔拉等寺請派駐藏大臣一員護送抑或另派一官護送一摺所有達賴喇嘛遵照前世達賴喇嘛前往舊建寺廟熬茶布惠化導下人其意出於至誠朕心甚為嘉悅惟是該達賴喇嘛現在年幼且齊齊克塔拉距藏較遠著照穆騰額所請俟該達

賴喇嘛明年擇吉前往齊齊克等寺講經之時即派恩特亨額妥為保護直隸總督訥爾經額奏遵查易州婦女糾聚喊控一案派委清河道譚廷襄等前往查辦務究指使之

人仍飭妥議章程總期官民相安經久無弊得旨人數太眾豈能盡行拏究惟擇其為首指使之

上詣
雍和宮行禮

知之致滋懈惰即詞色之間亦不可稍露使伊等揣摩劉衡朕未能悉其人卿欲差委須加斟酌譚廷襄亦非真正可靠者免湖北省節年民欠各款銀壬戌

用得旨務期有裨大工帑項勿致虛糜專委查文經妥協辦理斷不可令不肖工員掣肘

癸亥

孝德皇后殯宮月祭遣官行禮以光祿寺卿富呢雅杭阿為盛京副都統賞伊犁參贊大臣布彥泰副都統銜命烏魯木齊都統毓書西甯辦事大臣哈勒吉那庫倫辦事大臣玉明巴里坤領隊大臣景亮伊犁領隊大臣岳明阿回京以盛京副都統樂斌為烏魯

木齊都統正紅旗蒙古副都統阿彥達為西甯辦事大臣賞已革盛京刑部侍郎訥勒亨額三等侍衛為庫倫辦事大臣已革駐藏辦事大臣孟保三等侍衛為巴里坤領隊大臣調塔爾巴哈台領隊大臣常山為伊犁領隊大臣賞古城領隊大臣豐紳頭等侍衛調塔爾巴哈台領隊大臣內閣侍讀學士恩慶頭等侍衛為古城領隊大臣改吉林雙城堡協領為雙城堡總管加副都統銜添設委協

領一員從將軍固慶請也 免湖南新甯縣
被匪滋擾未完額賦 甲子

聖祖仁皇帝忌辰遣官祭

景陵

上詣

壽皇殿行禮 詣

關帝廟拈香 詣

壽康宮問

皇貴太妃安 諭內閣前派大學士軍機大臣

實錄卷四十七

元

會同刑部審訊番族一案經該大學士等將
琦善供詞及續經解到之已革藩臬道府等
供先後呈覽並奏明該司道等供詞尚多歧
異再行研訊等情朕復諭令舒興阿督同藩
臬兩司覆訊監禁番犯取供具奏現在應訊
之已革署知州趙桂芳等均已解到該革員
等供詞與已革藩臬道府等供有無歧異並
與通事等供是否相符仍著大學士軍機大
臣會同刑部督飭章京司員等秉公審訊悉

心研究孰是孰非務須質對明確毋得稍存
成見致有不實不盡 又諭吏部等衙門奏
遵議慎保倉員一摺各倉監督有整頓倉務
之責果能釐剔弊端著有成效自應優予升
途以示鼓勵嗣後各監督期滿保奏到部即
照此次部議酌予升途該監督等既膺甄敘
自當知感知奮益加勤勉而各該衙門之堂
官尤應慎選其人不可開奔競之風除貪婪
枉法將原保堂官從重懲處外至所議原保

實錄卷四十七

元

之上司於未經發覺之先協同訪聞參辦仍
照例免議等語亦應候旨定奪不可為例
蠲緩湖南武陵龍陽澧安鄉已陵臨湘華容
湘陰沅江九州縣暨岳州衛被水村莊新舊
額賦有差並貸安鄉縣農民麥種銀 乙丑
署陝甘總督舒興阿奏報到任日期得旨已
授汝為陝甘總督矣盡心經理以副簡任
丙寅署江西巡撫王植奏江西界連楚粵南
贛一帶每有匪徒結黨拜會肆行劫竊之事

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之四十七

[illegible]

咸豐元年辛亥十一月丁卯

上
詣

壽康宮問

皇貴太妃安。諭軍機大臣等。據常大瀉奏。匪船仍在浙洋游駛。山東勇船被圍。現在親往督辦。一摺。覽奏憤懣已極。據稱山東守備黃富興帶領勇船出洋。匪船由金塘洋面駛來。江南勇首方翔前赴匪船曉諭。盜首布興有稱與黃富興挾有深讎。欲行報復。是夜匪船十餘隻連踪駛至。開礮向黃富興船上轟打。

兵船開砲攻擊。匪船並未向兵船回砲。黃富興船被匪圍住。欲將該守備殺害。經布興有力阻。並向方翔告知投誠之意。已決斷不將黃富興殺害。現在石浦洋面聽候回示等語。該匪等果與黃富興挾有宿讎。何以不在江浙山東各督撫衙門具呈申訴。乃敢占駕登州官船。竄回浙洋。肆行擄掠。索借水米。詭稱投誠。已屬居心叵測。復將黃富興勇船圍住。牽駛不即放回。名為投誠。實則希圖挾制。狡

橫情形。可恨之至。該處兵船何以並不直前救護。所云匪船不向兵船回砲。是否藉詞掩飾。抑係兵船坐視不救。致令黃富興力竭被擄。此等情形。必當嚴查懲辦。提督善祥何以一無調度。水師將領平日並不訓練。臨事退縮不前。已可概見。昨將湯倫池建功周士法等懲處。令其戴罪自效。若謏云風色不順。何以黃富興勇船尚能出洋。匪船南北游奕自如。獨三鎮兵船逗遛南洋。未能追北。又安用

此等懦怯將領為耶。前據裕瑞奏。飛咨鄭高祥統帶兵船赴浙。此時計已可到。陳世忠計亦馳赴閩浙。聽候該督調遣。葉常春所帶之船當先已到浙。常大瀉現駐甯波。即與各該提鎮會商夾擊。痛加勦洗。現在該匪等如果將黃富興送回。船砲呈繳。即著飭令鎮將押赴上海。交陸建瀛察其情偽。酌量辦理。儻稍有反覆。即當督飭水師合力兜剿。斷不可墮其奸計。設或兵力不敷。仍著江浙福建各督

撫迅籌添派。星馳赴援。並飭蘇松太道添募水勇。船隻助剿。務期盡殲醜類。以靖海疆。將此由四百里各諭令知之。○命吐魯番領隊大臣特克慎。回京賞降。調涼州副都統興泰。二等侍衛為吐魯番領隊大臣。以遼陽城守尉綿洵為涼州副都統。○戊辰

上詣

大高殿行禮。○己巳。戶部奏。江西省上屆豁免案內行查各款。遲至四載有餘。始行造報。仍

未覆奏實屬任意稽遲請飭將前項民欠各款迅即覆奏辦理以昭慎重得旨著行文該撫迅速覆奏如再延玩爾部即行嚴叅○命通政使司通政使赫特賀大理寺卿龔文齡前往楊村查驗續增官剝船隻○庚午

上詣

壽康宮問

皇貴太妃安○諭內閣鄒鳴鶴奏遵旨將革職拏問之署參將審明定擬一摺廣西署鬱林

營參將事桂林營遊擊吉祥身任專城武職大員當賊匪圍攻之際輒因偶爾患病遂不上城巡防亦未出城夾擊實屬玩視軍務吉祥著發往軍臺效力贖罪以示懲儆○又諭鄒鳴鶴奏遵旨將革職拏問各員嚴審定擬一摺廣西已革知縣王烈已革知府顧元凱於審辦馮雲山一案雖未有意寬縱惟於習教結盟重情事前既毫無覺察迨經被控到案又不嚴查究辦實屬玩視要案僅予革職

未足蔽辜王烈顧元凱均著照議從重發往軍臺效力贖罪已革巡檢王基訊無得賄釋放情事惟於該匪未經被控以前疏於查拏咎亦難辭業經革職著毋庸議另片奏顧元凱於革職奉旨留營後現尚選派壯勇購緝捕賊著准其暫緩遣戍仍遵前旨留於廣西軍營效力○命江南壽春鎮總兵官德勝來京調浙江衢州鎮總兵官恩長為江南壽春鎮總兵官以二等侍衛富勒興阿為浙江衢

州鎮總兵官○賞順天等省鄉試年老諸生張霄翀等一百二十六人舉人副榜有差○辛未諭內閣現在南河豐北業已開工災民赴工力作餬口有資惟念時屆隆冬整鴻徧野以工代賑祇能惠及壯丁其老弱婦女尤應加意撫恤朕眷念災區時廑宵旰昨據陸建瀛奏豐沛銅碭等縣辦理賑務民情尚屬安帖其附近之邳州一帶因微山湖水漫淹該處紳民亦經捐貲助賑災黎不致失所但

恐窮鄉僻壤未能周徧該督撫等仍當妥為籌畫或分設粥廠或酌放錢文因地制宜毋稍遺漏至明春青黃不接之時亦應及早設法勿致臨時周章儻地方官辦理不善或有侵漁剋扣等弊即行查明嚴叅其山東被災處所亦著遵照疊次諭旨實力奉行該督撫等其各勤恤民隱俾實惠均霑以慰朕念○又諭纂尚阿等奏請飭催軍餉一摺前因廣西軍需緊要特發內庫帑銀一百萬兩並飭

部籌撥廣東山西河南兩淮地丁鹽課各項銀一百萬兩迅解大營備用現在各該省諒已趕緊提款委員馳解其未經起解之款務須遵照指撥數目無論何款先行撥解統限於年內解到並著沿途各督撫飭屬於餉銀過境時小心護送並迅速催趲前進毋稍遲延貽誤○諭軍機大臣等寄諭兩江總督陸建瀛等據周天爵奏遵查豐工情形一摺朕詳加披閱自係實在情形此次豐北工程正

值國帑支絀之時撥解銀兩即一時未能到齊該督等自應酌量緩急設法通融不妨權宜辦理其銀票一節應如何抵用之處亦可變通籌畫不必拘執總期有濟實用無誤要工現在購料興築大局已定正當乘時趕辦剋期蒞功若遲至桃汛將臨則春水方生更難措手該督等既知引咎自責即當通籌全局為朕分憂若徒藉口於帑項不齊以致貽誤則前愆未贖後患復滋誤國殃民又將誰

諉耶至周天爵所稱撫恤饑民本日已明降諭旨該督等務當遵旨妥為籌畫無令匪徒涸跡滋生事端又據片奏改錢賑為粥賑酌截南漕以作賑需等語著該督等二併體察情形妥籌具奏周天爵摺片三件均著鈔給閱看將此諭令知之尋奏粥賑多有攙和轉易滋病不如散給錢文現捐賑款擬分六次散放計至明年三月為止似可無須截漕報聞○又諭前據常大瀄奏希興有等匪船現

將山東勇船圍住等情。當諭令江南閩浙各督撫提鎮等迅速會剿。並因該匪曾有投誠之稟。如果將黃富興送回。船礮亦均呈繳。即著押赴上海。交陸建瀛酌辦。昨據陸建瀛奏稱。現接常大瀆來咨。已添雇勇船前往接應。如該匪畏罪繳船。即由常大瀆就近查辦。毋庸押回上海等語。除盜以勦捕為先。聞有盜勢窮蹙。悔罪投誠。因而准其自首者。亦未始非相機設計。權宜辦理之法。此案前據陸建

瀛奏。守備周鼐帶勇追匪。該匪遣小船迎降。並據布興有呈遞稟帖。懇請繳還印信。船礮該督即飛飭葉常春。迅赴該島將該匪及呈繳等件。押回上海。聽候查辦。朕以匪徒詭詐多端。總當察其情偽。仍一面飭催閩浙等省師船迅速會剿。惟該匪投誠之說。本由江南鎮弁據情稟報。茲陸建瀛又以匪船本在浙洋。應由浙江查辦。恐辦理兩歧。盜匪或乘間遠颺。轉難措手。陸建瀛向於海疆操縱事機。

頗有決斷。此事豈可稍分畛域。著即與常大瀆密商合辦。仍嚴飭師船併力追剿。該匪等窮蹙投誠。即可將計就計。令將船礮繳出。並將黃富興送還。再行奏明覈辦。該督現在徐州。儻因上海鞭長莫及。屆期即派明幹大員前往查辦。斷不可稍存推諉。致誤事機。再前經諭令該督撫籌議海運。未據奏到。著陸建瀛揚文定常大瀆等察看情形。迅速妥議具奏。毋再遲延。將此各諭令知之。欽差大

臣大學士賽尚阿等奏。永安尚未克復。現督全軍嚴密兜圍。得旨。一鼓作氣。掃數殲擒。豈容再耽時日。然斷斷不可孟浪。致再有挫折。更屬難圖。卿試思非朕命之欽差大臣。千里之外。卿自制之。用法貴嚴。貴當。勿得一味姑容。徒博寬厚之名。則大失朕望矣。○以宗人府右宗人奕縉為鑲黃旗蒙古都統。○調正紅旗漢軍副都統禧恩為鑲紅旗滿洲副都統。以上駟院卿托雲保為正紅旗漢軍副

都統兼管御槍處事。以宗人府左宗人綿勳管火器營事。予故前任鑲黃旗蒙古都統已清德祭葬。諡果毅。賞銀三百兩治喪。壬申諭軍機大臣等。卓秉恬等奏會審甘肅番案現訊各員。及通事等供詞。與原奏兩歧。請旨飭查一摺。此案前經降旨。飭令舒興阿。督同藩臬兩司。提訊監禁之番犯。並查訊書紳。及富克津太等。取具供詞具奏。茲據大學士。軍機大臣。會同刑部。連日提訊。司道知府。州縣各員。及通事人等供詞。多與原奏不符。著舒興阿。仍督同藩司黃宗漢。署臬司易棠。按照摺內所指各情。應訊者。提傳確訊。應查者。詳細訪查。一併據實具奏。卓秉恬等摺一件。著鈔給閱看。將此諭令知之。○癸酉上詣壽康宮問皇貴太妃安。○諭內閣。陳世忠奏交卸總兵印務。啟程赴閩一摺。廣艇盜匪。現在浙洋游駛。

福建提督鄭高祥。已帶兵船赴浙。江蘇兵勇各船。亦在浙洋會剿。陳世忠抵閩後。著李芝昌酌派游巡師船。委令管帶出洋。隨同鄭高祥。並會同江浙舟師。合力追捕。隨時相機辦理。另片奏。應否借用印信等語。前飭該總兵赴閩交閱浙總督差委。自應聽候調遣。並非專責統帶。所請暫刻統帶截記之處。著毋庸議。○諭軍機大臣等。寄諭閩浙總督李芝昌。前有旨令陳世忠迅赴福建。交該督差委。責成追捕山東洋面竄回盜匪。茲據陳世忠奏。交卸啟程日期。已明降諭旨。著李芝昌酌派師船。令其管帶矣。現在盜匪在浙洋游駛。山東勇船被圍。已據裕瑞飛咨鄭高祥。赴浙督剿。陳世忠抵閩後。或令隨同該提督勦捕。或令自領一隊。著該督詳加查訪。陳世忠平日為人。是否奮勇。於海洋勦匪事宜。能否言行相符。確有把握。不至貽誤。一併據實具奏。將此諭令知之。尋奏。陳世忠人極爽直。詢以營

務洋政亦甚明悉報聞○又諭前據琦善奏陳番夷及內地實在情形將分別查詢各事宜開單呈覽曾降旨令其酌定章程具奏琦善旋即卸任未及議奏舒興阿現已補授陝甘總督正當籌畫經久之計著即查看地方情形應如何酌量變通辦理使奸匪無從勾串番賊知所懲儆不至更生枝節妥議章程具奏琦善原摺單三件一併鈔給閱看將此諭令知之○又諭有人奏直隸天津縣聚和

錢鋪武清縣河東地方利興錢糧店朱姓王姓被盜劫搶浙江監生胡鑑在楊村被劫通永鎮張家灣有盜匪用紙糊面連劫萬成義泰兩錢鋪糧船旗丁在天津安平地方遇盜擄劫文安縣民人程得林奪得順在董格莊被盜殺傷前任湖南江華縣葉為珪在山東恩縣被騎馬賊匪劫掠一空該地方營汛員弁或認賠贖掩飾或聞報不勘或推諉賄閱等語盜賊肆行無忌劫案層見疊出地方文

武諱匪蒙混尚復成何事體著卓秉恬王慶雲詢爾經額陳慶偕按照摺內所陳被劫各案嚴飭所屬迅速查拏從重懲辦千總汪治平馮雲彪王遇清等如實有賄贓推諉及賄閱等情即著指名嚴參並查明聞報不勘之都司一併參奏另片奏直隸著名盜首榮年身騎快馬慣在沿河一帶及山東河南等省行劫並著行知河南巡撫李德一體嚴密查拏務獲究辦又直隸東安縣屬龍門莊播羅

莊半壁店等處近有匪徒傳習摸摸邪教盡惑庸愚等語邪教聚眾斂錢傷風敗俗最為地方之害若不及早查辦必致滋蔓難圖著順天府直隸總督迅即密委妥員前往各該處不動聲色嚴密查拏究辦仍不得擾累平民原摺并奏片二件俱著鈔給閱看將此各諭令知之○以宗人府左宗人綿勳兼京營左翼總兵○緩徵甘肅皋蘭甯夏甯朔西甯大通河狄道固原靈臺崇信靈臺鎮原碾伯

十四州縣暨隴西縣丞所屬被水被雪被風被旱災區未完新舊銀糧草束○乙亥

上詣

宣仁廟

凝和廟

普度寺拈香○以兵部左侍郎恩華署京營右翼總兵○改鑄直隸贊皇縣知縣印信從總督訥爾經額請也○免直隸安隆平甯晉河閒東安天津六州縣被水村莊本年額賦

有差並展緩節年應徵糧租○丙子

上詣

壽康宮前殿行禮後殿問

皇貴太妃安○詣

英華殿拈香○諭軍機大臣等據賽尚阿奏兩次進剿獲勝情形所稱十月十八日永安以南官兵進攻及東南古眉一路均有勝仗而北路兵勇未能得力新到潮勇屢戰屢退是大局軍情並未得手諸逆且坐踞州城從

容布置而我兵曠日持久尚無制勝之謀細察各路分布兵勇形勢尚未能層層逼進前剿後應且屢為該匪鐵釘蒺藜梅花坑所阻是我兵既難立腳何以賊匪出拒時仍復坦行無礙殊不可解其深溝固壘被攻兩月有餘何至如前完整得非乘我之懈時時修復營中散漫情形已可概見即烏蘭泰督兵在州南攻剿雖屢有小勝未經大加懲創亦恐布局設閒未臻嚴密官兵勢難再籌添調軍餉亦艱於多方轉運該大臣豈不知之向榮素有膽略身受重恩今復棄瑕錄用宜如何奮勉爭先出奇決勝即烏蘭泰亦須檢齊軍實激勵兵心身先士卒毋徒博慎重之名轉蹈因循之習其從前疲敝之兵勇隨時酌量裁撤潮勇屢經揀調新到者豈皆精銳若不慎加選擇致有挫失或恐反受其累北路退縮之兵係何人管帶何人首先退走若不大加懲辦何以申紀律而振軍威即如趙如勝

之不能用命。徐大醇之擅離營盤。該大臣均當確實查明。懲一儆百。勿再姑息。養奸其鎮將中素有謀略。奮勇出力者。該大臣亦當量才任使。各盡其長。俾令迅速圖功。毋相推諉。前奏斷賊接濟。是行軍要策。該逆既困守一城。我兵又四圍周匝。何數月以來。未見賊勢窮蹙。必有奸民接濟。兼恐窺伺我軍餉道。如貴縣劫餉等事。更屬不成事體。現在如何防護接遞。如何嚴斷接濟。如何分派攻剿。如何

書奏事

上

購綫內應種種機宜。有無把握。賊營所設魚網暗溝。令我兵俯仰均無所措。而我兵所購毒草鋸水。效驗毫無。恐不免為人所欺。該大臣駐劄陽朔。離永安一百餘里。歷次稟報軍情。是否確實。應如何就近督察調度之處。朕亦不為遙制。至賊情詭詐。儂窮而思竄。為聲東擊西之計。尤不可不豫為準備。前據奏賊目分踞城內城外各處。近日是否仍前分踞。抑已蟻聚一方。於擒獲賊犯奸細時。必應隨

時訊明。相機攻取。不得再任竄逸。更費周章。該大臣於兵餉全局。均應通籌併計。固不可孟浪從事。亦不可遷延失時也。懍之慎之。將此由六百里諭令知之。○欽差大臣大學士賽尚阿奏。南邕顏品瑤餘黨。負隅死守。連日攻擊。尚未得手。降補都司趙如勝。管帶兵勇。難期得力。得旨。趙如勝。因何又不出力。著查明具奏。不可因奉旨派往廣西。稍涉遷就也。又奏。湖南都司徐大醇。擅離營盤。請革職留

書奏事

上

營效力。以示懲儆。批。徐大醇。此次如實有退縮情形。或以後仍不出力。著即行正法。○以攻勦廣西永安州賊匪。獲勝。賞已革提督向榮三品頂帶。予陣亡都司馬文遠。把總鄧貴。祭葬世職。○丁丑。諭內閣。戶部奏。請飭催廣東省未完借墊銀兩。及雜款攤捐等項。並歷年行查應覆各案。分別開單呈覽。廣東藩道各庫。歷年借墊銀兩。並藩庫應收田房稅義。及攤捐連州軍需等款。經該部節年分案奏

催並按李咨催迄今逾限未完銀尚有二百
十九萬二千餘兩之多若不趕緊清釐勢必
益滋弊混著徐廣縉葉名琛督同藩司柏貴
按照戶部單開未完各款勒限催追埽數清
完報部撥用至該部行查外省之件例應照
限查覆何以廣東省及江蘇等省未報未覆
之案積有三十餘件至五十餘案之多著各
該督撫趕緊查催毋得再任延宕○又諭蔣
文慶奏清釐司庫積存銀兩一摺安徽省藩
庫歷年款項繁多必應徹底清釐分別造報
該撫現在派員查覈著即督同藩司李本仁
飭令該委員等悉心勾稽將應行入撥及存
留各款分別造冊報部辦理毋稍蒙混至各
省司庫存款疊據戶部奏催冊報往往視為
具文日久延宕著各直省督撫督同藩司一
體詳細稽覈迅速報部備查以重庫儲○戶
部奏廣西軍用浩繁銀錢錢貴糜費愈多湖
南雲貴廣東皆與該省接壤應由各鄰省附

近府分籌解錢文至粵以平市價而裕軍餉
得旨著諭知賽尚阿鄒鳴鶴等悉心籌畫妥
速辦理斷不可有名無實并傳諭嚴正基知
之○豁免廣西臨桂靈川興安陽朔永甯永
福義甯全灌陽恭城富川賀修仁荔浦昭平
藤容岑溪懷集桂平平南貴武宣南甯陸安
橫永淳新甯上思崇善左養利永康甯明馬
平維容柳城羅城融來賓象天河河池思恩
武緣賓遷江上林凌雲鬱林博白北流陸川
興業五十四州縣暨萬承等三十二土州縣
司被賊災區上年未完額賦○戊寅諭內閣
通政使羅惇衍奏請崇儉禁奢一摺國家承
平日久生物繁滋官民競尚奢華於風俗人
心大有關係必當申明舊制以復淳風道光
年間曾奉
諭旨飭令內外各衙門將民間應用服色及昏
喪儀制悉照會典所載刊刻簡明規條使百
姓知所恪守乃近來奢靡之風未能盡革總

因有司奉行不力。視為具文。規條久不頒行。鄉曲無由曉喻。俗吏積習相沿。轉以條教為迂談。以化導為末務。將所謂上行下效者。安在耶。著禮部查照道光八年頒行簡明條規。通行內外各衙門。遵照刊刻出示。徧行曉諭。俾民聞知。所遵循漸歸淳樸。以副朕崇儉黜奢至意。將此通諭知之。○諭軍機大臣等。本日據僧格林沁面奏由。

西陵回京。在途有易州直隸州知州具呈。現在

書來由十人

十

查傳攔輿喊訴各婦女之夫男。及嚴追主唆等情。並將原呈陳奏。此案前經惠親王回京面奏。當即諭令訥爾經額派員查辦。旋據該督奏稱。已派清河道譚廷襄等前往。尚未據奏獲犯幾名。作何辦理。著該督仍遵前旨。覈實查辦。現在該知州呈稱。該處訴冤婦女。即係從前圖免錢糧。問擬流徙之徐文興楊進福家屬。並先有山南村民任洛吉搶去州役冊票一案。現在飭拏審訊等語。奸民藐法抗

租。必當嚴行懲辦。以儆刁風。至該州吏胥苛派舞弊。以致激成事端。亦不可不從嚴懲治。經此次查辦之後。務當妥定章程。俾官民相安。經久無弊。原呈著鈔給閱看。將此諭令知之。廣西巡撫鄒鳴鶴奏。生員鄧大猷等。擊賊陣亡。懇請優卹。得旨。為國捐軀。可嘉。可憫。方不負讀聖賢書。彼武夫者。亦有性成義烈。若徒以素業相尚。則心期富貴。而忘國者。又可同日語哉。○予廣西陣亡生員鄧大猷。陸

書來由十人

十

鳳崗曾聯錦。祭葬世職。如外委例。○撫恤廣西桂平貴平南武宣宣化新寧隆安永淳龍明江甯明崇善左養利永康蒙宜山天保百色十九廳州縣。並所屬土司。被擾災民。○已卯
上詣
壽康宮問
皇貴太妃安。○以勦辦廣東英德等處賊匪。地方肅清。加巡撫葉名琛太子少保。賞總兵官

崑壽巴圖魯名號升任按察使祁宿藻副將
通安參將懷塔布遊擊劉開泰都司賈運感
羅璋守備李道森陳國輝杜佳才熊應飛張
瀚同知韓鳳翔知州海廷環吳壽昌馬映階
花翎千總孔繼堯等藍翎餘升敘有差○辛
巳兩江總督陸建瀛河道總督楊以增奏通
籌豐工撥款未能剋期全到時已仲冬距來
年挑汛僅八十餘日勢難再緩謹即諏吉興
工查照部撥暫借藩關各庫銀兩濟用得旨
現已興工不可遲緩朕惟有稽首額
天以救黔黎又奏東西正壩及續估東西壩應
做土心護埽一律開工以工代賑窮黎均不
致有失所批覽奏稍慰前已屢降嚴旨稽查
盜匪不可始勤終怠

實錄卷四十八

三十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之四十八

實錄卷四十八

三十一

[illegible]

上詣

清實錄
咸豐元年十二月上

上讀

壽康宮問

水師訓練不嚴緝拏不力所致至內地粟米

六五七

盜源將此通諭知之。展緩江西南昌新建豐城進賢餘干星子建昌安義德化德安瑞昌湖口彭澤十三縣被水莊屯新舊正雜額賦。甲申。

上御乾清門聽政。諭內閣善祿奏疏防洋匪。自請議處一摺。山東守備黃富興在浙洋失事。該提督不能先事防護。咎實難辭。善祿著交部議處。以詹事府詹事沈兆霖為內閣學士兼禮部侍郎銜。以救援不力革浙江

定海鎮總兵官周士法黃巖鎮總兵官湯倫。署溫州鎮總兵官池建功等職。均暫留任。撥浙江搭運漕米七千石濟放。匠月糧。緩徵浙江仁和海甯富陽臨安新城於潛嘉興秀水嘉善海鹽平湖石門桐鄉歸安烏程德清武康蘭谿東陽義烏武義浦江西安龍游常山麗水縉雲青田二十八州縣暨仁和場被潮被風被旱歉收田地新舊額賦。乙酉。

上詣

壽康宮問

皇貴太妃安。以故一等伯西喇杭阿弟佐領裕壽襲爵。豁免湖北各屬道光二十九年以前軍民未完額賦。兩淮通泰海三分司所屬道光二十九年以前竈地未完額賦。丙戌。

上詣

福佑寺。

昭顯廟拈香。諭內閣奕興奏恭查

陵山樹株酌擬章程開單呈覽另片奏。

三陵辦理章程均擬畫一等語。朕詳加披閱。如

紅椿以內稽查樹株酌分界限明定賞罰。查

山防禦輪替更換。並

陵山樹株造冊存案。分別應存應除。嚴密抽查。

其青椿禁地劃分界限以專責成。並添設卡

房酌派官兵守護。所議均屬周妥。嗣後每年

查驗樹株著該將軍恭詣

福陵

昭陵興京城守尉恭詣

永陵敬謹查看仍由該將軍遴派協領等官會同該總管等監視伐除如有含混影射等弊將監視各員一併叅處至

永陵前煙筒山樹株並著責成興京城守尉與京廳通判常川稽查以昭慎重該將軍務當嚴飭該管各官遵照現定章程覈實查辦毋致日久視為具文○又諭陸建瀛楊文定奏

遵旨籌議海運一摺前據尚書孫瑞珍奏陳從前海運成效請將新漕援照辦理並據御史張祥晉奏請推廣成案試辦海運疊經降旨諭令陸建瀛等體察情形悉心妥議具奏茲據該督撫籌覈大概情形先行覆奏所有來年蘇州松江常州鎮江太倉五府州漕白糧米著准其一律改由海運該督撫即查照成案迅將籌辦章程詳議奏聞並著嚴飭各屬覈實認真辦理毋致滋生事端○諭軍機

大臣等陸建瀛奏接據總兵葉常春來稟盜

匪布興有違其弟布良大等赴該總兵船上哀懇投首情願呈繳船礮該總兵即邀請常大瀉到船親見該匪等跪地哀求毫無異說等語匪徒詭詐多端難保不因我師四面夾擊窮蹙無路詭詞投首以為緩攻脫逃之計前經諭令該督與常大瀉密商合辦無分畛域著即相度機宜察其真偽如果該匪等實係畏罪投首原不妨網開一面准予自新令

將船礮全行繳出查明驗收酌覈情形奏明辦理儻稍有反覆仍即嚴飭各路水師合力進剿務期力淨根株不可墮其奸計又據陸建瀛楊以增覆奏豐工情形及單開現辦工賑章程該督等即當督飭在事人員妥速辦理剋期蒞功以慰朕念將此由四百里諭令知之○蠲緩江蘇上元江甯句容六合江浦長洲元和吳吳江震澤常熟昭文崑山新陽華亭奉賢婁金山青浦宜興荆溪丹陽丹徒

金壇溧陽山陽阜甯清河桃源鹽城高郵泰
東臺江都甘泉儀徵興化寶應銅山豐沛蕭
錫山邳宿遷睢甯太倉鎮洋海沭陽漂水高
淳安東海門通五十五廳州縣暨蘇州太倉
鎮海淮安大河揚州六衛被水歉區新舊額
賦賑銅山豐沛邳西州縣暨徐州衛災民○
丁亥

孝惠章皇后忌辰遣官祭

孝東陵○命於

大高殿設壇祈雪

上親詣行禮詣

時應宮拈香○遣惇郡王奕諒詣

宣仁廟恭親王奕訢詣

凝和廟成郡王載銳詣

昭顯廟拈香○諭軍機大臣等本日據戶部

奏酌改鹽務章程一摺已明降諭旨派王慶

雲聯英馳驛前往山西查辦矣該藩司接奉

此旨無論行抵何處即行折赴山西俟王慶

雲到時會同兆那蘇圖悉心體察該省鹽務
情形妥為籌辦聯英前在山東兩淮辦理鹽
務如屬員中有通曉鹽務情形之人准其奏
明的帶一二員前往並著准其馳驛戶部摺
已鈔給王慶雲矣將此諭令知之○又諭有
人奏福建汀州府武平縣匪徒結夥設立紅
會勾通衙蠹肆劫又連城上杭長汀等縣匪
徒以廖岸智及衙蠹周勇即周恭為首設立
江湖會其徒羅安等同惡相濟煽惑鄉愚出
錢入會道光二十一年二十九年均連城
縣曲溪地方做會誘脅至三四十人近又分
遣頭目潛赴各處擾害行旅設局抽稅私給
印票匪黨稱廖岸如為大霸周勇為二霸周
勇本係連城縣革役署縣徐茂林任令改名
復充倚勢病民屢被上控經委員提拏設法
詭免本年四月該縣金雞嶺地方盜劫廣客
一案串誣平民縱差索詐百姓畏差甚於畏
盜延平府沙縣永安尤溪沿河地方均為盜

數又汀州邵武至江西白水鎮中黃竹嶺地方亦有匪徒私抽客稅又光澤崇安等縣有花會名曰連城縣解省錢糧被歸化縣會匪搶銀三千餘兩消弭不報等語會匪勾結蠹役抽稅肆搶擾害地方若不及早拏辦必致滋蔓難圖著李芝昌王懿德嚴飭所屬並委幹員嚴密查拏務將著名匪犯緝獲懲辦毋稍寬縱原摺著鈔給閱看將此諭令知之尋奏遵查革役周勇等歛錢結會已由該府擒獲嚴訊閩省花會已先後捕獲正犯林光華等十四名俟訊明與前項匪犯分別辦理連城縣解省錢糧被劫一案已由前撫臣將疏防各員照例開參報聞陝甘總督舒興阿奏報謝恩得旨以實心辦公事以慰朕望永安城一事妥為經理不可張皇蒙古固宜體恤然不可受其欺蒙總之操縱在我毋遽認其哀告為真也密之又奏籌辦番務情形批安籌辦理綠營積習廢弛粉飾將不能馭兵

兵不知畏將汝之辦法尚屬簡易可行第條款愈多俾黠者益得滋其欺偽老實者無所適從惟有明定賞罰懲勸兼施責成各該員弁等毋得稍存觀望推諉之心寬其既往觀其後效兩省將領中可用者固不乏人識之欲真任之貴當舒與阿係朕特簡之人初任封疆固應虛心博採衆志成城然斷不可竟聽人言茫無主見天下事被剛愎之人決裂者尚少惟被委靡拘迂者廢墮實多汝可仿琦善之嚴而去其偏苛薩迎阿年衰昏憤不足責也命戶部左侍郎王慶雲江蘇布政使聯芳馳往山西查辦事件以兵部右侍郎何桂清署戶部左侍郎兼管三庫事兵部左侍郎趙光兼署順天府府尹戊子諭內閣明年三月初二日

皇考宣宗成皇帝梓宮永遠奉安
山陵朕於二月二十日啟鑒所有應行典禮並一切事宜著各該衙門及直隸總督敬謹豫

備○又諭趙光泰祖籍順天例應迴避等語
王慶雲所署之順天府尹著改派龔文齡
兼署○兵部尚書特登額因病賞假以工部
尚書阿靈阿兼署兵部尚書○以國子監祭
酒勝保為光祿寺卿○己丑

上詣

萬善殿拈香○黑龍江將軍英隆奏報試放
杈子槍得旨○常川操演斷無不熟之理○旌
表守正被戕直隸河間縣民張清順女滿姐

守正捐軀○四川崇慶州民女王金蓮○庚寅
上詣

壽康宮問

皇貴太妃安○四川總督徐澤醇奏遵查裁眉
山並無教匪總目萬雲龍其人及忠義堂名
號得旨仍應嚴密訪緝勿稍鬆懈○命大學
士賽尚阿為國史館總裁官○工部右侍郎奕
毓為副總裁官○調陝西漢中鎮總兵官春
福為伊犁鎮總兵官○伊犁鎮總兵官穆特布○

為陝西漢中鎮總兵官○調鑲黃旗蒙古副
都統特爾爾額為齊齊哈爾副都統○辛卯
湖南巡撫駱秉章奏遵查洞庭湖盜匪飭屬
實力查拏得旨認真辦理不可一奏了事○緝
察奸宄宜尚嚴勿稍寬○甯夏將軍成凱奏
遵諭訓練騎射得旨○操演日期既添尤應認
真訓練庶可名實相副○斷不准奉有疎諭一
奏塞責○過此仍急急也○是時天下之通病因
循不振大可恨大可懼朕知汝非糊塗不曉
事者然此等積習斷非官話數語所能挽回
○以鑲紅旗漢軍參領佟鑑為鑲黃旗蒙古
副都統○賞乍浦副都統吳必瀉副都統銜
為西甯辦事大臣○以西安協領穆克德訥為
乍浦副都統○豁免湖南鳳凰乾州永綏古
丈坪保靖瀘溪麻陽七廳縣積欠租穀○壬
辰
孝和睿皇后再周年忌辰遣恭親王奕訢祭
暫安寢殿○諭軍機大臣等德興英興奏帶兵

緝拏糾眾要挾各犯親往籌辦等語科爾沁蒙古王旗佃民糾眾抗拒屢經示諭不服經該侍郎等委員帶兵往拏膽敢踞險恃眾施放槍礮威嚇官兵並擬劫營搶犯實屬藐法已極現在德興奕興添派官兵會同親往督率勦辦著即將首先糾眾抗拒各要犯迅速擒拏並將已獲各犯嚴行審訊究明滋事根由按律懲辦以儆刁頑至十六社中被脅愚民尤須分別良莠毋致玉石俱焚該侍郎等

務當詳慎籌辦以副委任將此諭令知之○

除湖南沅江縣被淹草地一千二百七十頃有奇額賦 癸巳

孝德皇后再周年忌辰遣成郡王載銳祭

殯宮○宗人府奏本年應考試宗室王貝勒貝

子公將軍之子請封以應得品級得旨義實

為二等鎮國將軍奕杰祥亨崇善為奉恩將

軍溥盛為二等輔國將軍載騫隆怡為三等

輔國將軍改鑄四川宜賓縣知縣印信從

總督徐澤醇請也○予故直隸定州知州王大年由陽縣知縣潘光燾安徽合肥縣知縣沈祥煦休甯縣訓導費元鎔四川合州知州紀大奎入祀名宦祠從總督訥爾經額陸建瀛徐澤醇請也○予直隸故江西鹽法道朱成烈山西故太谷縣訓導馮士龍江蘇故山西河東道張大鏞安徽故廩生余元邁山東故候選兵馬司副指揮曹塢湖南辰沅永靖道張映蛟四川布政使董瀄河南故署鄧州

學正任若海江西故生員張向榮入祀鄉賢祠從總督訥爾經額陸建瀛巡撫王植兆那蘇圖傅繩勛陳慶偕蔣蔚遠請也○旌表守正捐軀廣東樂會縣民馮大和妻李氏○蠲緩安徽宿靈壁五河懷甯桐城潛山望江當塗蕪湖繁昌舒城巢壽阜陽潁上盱眙天長建平宿松霍邱二十州縣被水被旱村莊本年額賦 甲午

上詣

壽康宮問

皇貴太妃安 以拏獲福建匪犯出力予總兵官呂恆安等議敘 乙未以戶部右侍郎翁心存為工部尚書調兵部右侍郎何桂清為戶部右侍郎兼管錢法堂事務以內閣學士杜翹為兵部右侍郎內閣學士邵燦署吏部右侍郎以翰林院侍讀學士俞長贊為詹事府詹事仍留河南學政任 命翰林院編修馮培元在上書房行走予故工部尚書

王廣蔭祭葬諡文慎 丙申

上詣

雍和宮行禮 諭內閣刑部具題議駁四川總督徐澤醇審擬雅安縣民張洪順被胞弟張沅嬉誤傷又被大功堂弟張洪三砍傷身死一案所駁甚是此案張沅嬉因其胞兄張洪順用斧背毆期親伯母張楊氏該犯向勸將斧格開何以不慮及伊胞兄張洪順受傷竟致斧刃誤碰殊難憑信至張洪三因母被毆

攏護業將張洪順手中鐵斧奪回復砍傷其脊背深至抵骨受傷甚重何以張洪順尚能將張楊氏又住不放致該犯復砍傷張洪順咽喉殞命種種情節均屬支離該督將張洪三問擬斬決聲明並非無故逞兇干犯張沅嬉問擬絞候聲明並非有心干犯案關服制罪名出入懸殊著徐澤醇再行親提各犯查照部駁情節悉心研鞠務得確情按律定擬具奏 又諭培成奏參部員營求一摺盛京工部筆帖式多隆阿於京察未經過堂之先輒敢至該侍郎私第營求迨該侍郎進署面斥將其前次卓異一等銷除該員仍敢當堂懇求實屬有干功令多隆阿著即革職以為妄事營求者戒 是日壬子年立春順天府進土牛春山寶座

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之四十九

實錄卷四十九

十
二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之五十

[illegible]

咸豐元年辛亥十二月丁酉

上詣

大高殿行禮○詣

壽康宮問

皇貴太妃安諭軍機大臣等德興奕興奏督
兵親往查辦抗租佃民一摺科爾沁蒙古王
旗佃民糾眾抗租官兵查拏膽敢抗違拒捕
經德興等親自帶兵前往各佃民既求予限
交租何又聞風潛逃是否果係畏懼解散抑
或另有別情儻官兵撤後故智復萌仍復抗

租滋事是辦理終未妥協著德興等仍遵前旨將首先糾眾抗拒各要犯迅速擒拏嚴審懲辦此外脅從之眾剴切曉諭並查明租額舊章嚴究滋事根由秉公辦理固不可過事張皇亦不可含混將就致貽後患將此諭令知之○又諭寄諭直隸總督訥爾經額有人奏直隸永平府屬之遷安縣盜賊充斥知縣于志瀛庇差募盜聲名狼籍民間有于大強盜之稱捕役趙鳴岡等積慣窩盜曾經訪拏

破案恃有于志瀛袒護愈行無忌門丁李大收取窩盜月規每月束錢數百串署內所用鴉片煙皆由諸賊供給因此聚盜日多民間劫案累累或旋拏旋放或屢控不拏又本年十月間于志瀛藉差科派鋪戶為數甚多並借命案索贖等語畿輔重地似此盜賊公行捕役通同窩庇而知縣有心諱縱種種貪婪荒謬實出情理之外于志瀛著即撤任交該督徹底嚴查據實叅辦並將捕役趙鳴岡任

得勝等及門丁李大書吏郭洛德等一併按名拏獲將所叅各案嚴行訊究務得確情不准稍有實不盡以儆官邪而除民害原摺著鈔給閱看將此諭令知之尋奏遵訊于志瀛於門丁李大藉案索贖及捕役趙鳴岡縱賊分肥重情毫無覺察業經革職應無庸議捕役趙鳴岡擬發極邊足四千里充軍門丁李大發近邊充軍下部議從之○又諭有人奏山東樂陵縣知縣劉鐔前任范縣及現任

樂陵各虧空鉅萬該員之妾及其姪壻女婿等私收漕糧干預公事劉鐔為其妻及伊母作壽收受禮物嫁名門丁演戲種種不法又沂水縣知縣童挺於尹家峪莊甯景成被盜毆傷一案將甯景成及報案車夫尹富來嚴刑逼供傷係自毆並將甯景成之妻嚴訊勒令認誣盜賊概置不問又以巡鹽為名荼毒鄉民無所不至有博興縣民王成元被巡役張復盛等截劫毆傷伊父張復盛又霸占公

兆祥之妻。該員一味徇庇含混了事。林西莊民人張福吉劉殿士路遇巡役既被搶劫復被火槍將張福吉轟死。該縣概置不問。並將孀婦掌責鎖押又提用生息公銀及庫存糧銀均與管理鹽務之嚴以駁分肥。該員到任未及一年地丁雜稅已虧空累累各等語。州縣為親民之官若如所奏種種散法營私擾害閭閻實堪痛恨。著陳慶偕按照所指各案嚴密查訪。如果屬實即行嚴參究辦以儆官

邪而靖地方。原片著鈔給閱看。將此諭令知之。尋奏遵訊知縣劉尊虧空錢糧業已摘頂勒繳。惟於伊故父拖欠舊帳不為清理。債主皆赴任所索欠致招物議。知縣童瑩被參各款均無實據。惟於巡役張復盛訛詐霸占等情未經審實。按律懲辦。各下部處分如例。○又諭有人奏河南南陽縣知縣鄭宗玉於所屬石橋地方十月間有過客祁公興被劫銀一千三百餘兩又蠹役車廣德本係捻匪經

該府顧嘉衡查拏交縣訊辦。該縣因顧嘉衡去任開脫釋放。又本年正月間城內錦文德錢鋪被劫有縣役在內。該縣明知不拏並加增稅契勒索錢糧民不堪命。又署鄧州知州王煥辰到任後接收呈詞需索錢文查驗行戶每名索費鋪民為之罷市。又巨匪侯三冤孽業經拏獲該署州得錢放去。又署南陽府知府李樹穀於喬建德一案主使泌陽縣令通判宣維祈將稟詞改換為冒功地步。並到

任日諭令鼓樂放礮遠迎境外攔輿遞呈者一概不准家屬到時差役等迎接稍遲加以重責各等語。喬建德被獲原案先據蔣爵遠奏稱於八月初七日在柘城縣拏獲解赴泌陽縣審辦。今據奏稱係屬投首而該署府改換日期捏稟拏獲與知府顧嘉衡白稟不符。該署府先經派委會同顧嘉衡將各州縣被控匪徒督拏懲辦何以於喬建德一案彼此參差。李德前奏李樹穀曾署該府事務辦理

妥協何以所聞異辭河南盜劫之風比比皆是非得賢明守令認真整頓不避嫌怨難期挽回積習若如所奏傲倖冒功庇匪貪贓各劣員不可不嚴行查辦以儆官邪著李德按照摺內所參各情節逐一訪查如果確實即行嚴叅毋許稍有不實不盡原摺著鈔給閱看將此諭令知之○以故一等公文輝子惠鑑故三等子富珠隆阿子英瑞各襲爵○賞一等公惠鑑頭等待衛在大門上行走○戊

戌諭內閣桂明奏遵旨據實查辦一摺吐魯番撤任同知榮春既據查明庫存經手錢糧並無虧短其借墊兵餉查係歷來如此辦理尚無那移情弊惟現復呈遞親供許告現署領隊大臣特克慎虛實均應徹底根究榮春著毋庸即飭回任仍交桂明提集案據確切查辦據實具奏前署吐魯番同知之主事即補直隸州知州菩薩保查有虧短庫項何以日久未交該員現署鎮西府知府著即撤任

交毓書將該員虧短銀錢勒令完交歸款並查明因何虧短情弊其署鎮西府任內庫存備用銀兩如有虧那一併據實叅辦毋稍徇隱至桂明所擬各城放餉章程著毓書悉心覆覈妥議具奏○諭軍機大臣等賽尚阿奏進剿永安逆匪連獲勝仗一摺向榮自統帶北路各兵以來與諸鎮將同心協力南路烏蘭泰督兵夾擊與東路許祥光張敬修等為犄角之勢十一月二十日以後各仗頗為得

手正與前次奪獲雙髻山風門坳等仗聲勢相埒向榮先經賞給三品頂帶茲又開復原官正宜感激激勵乘勝迅剿烏蘭泰親督南路各兵勇亦復旁無牽掣兩路移營進剿漸逼州城自不難剋期攻克其城外水竇各處賊寨亦須同時進攻勿令匪黨互相救援致有竄逸該大臣即飭烏蘭泰尚榮督率將弁兵勇合力圍攻趁此連勝之時人人踴躍用命迅奏膚功同膺懋賞向榮一个武夫朕屢

次施恩。不為不厚。若再不知感奮。良心何在。細閱所奏二十四日以後布置一切。不甚得力。即如前此雙髻山風門坳之捷。彼時若能合力進攻。防堵周密。何至新墟餘餒。過而復張。以後如不能迅速攻剿。徒延時日。朕惟賽尚阿是問。若或防堵不周。致賊匪潰竄。再擾他處。或城已攻破。諸將不和。爭功忘能。致逆賊復張。朕惟烏蘭泰向榮是問。其能當此重咎耶。將此由六百里諭知賽尚阿。並傳諭烏

蘭泰。向榮知之。○又諭穆騰額奏藏屬邊界寺院喇嘛互鬪抗斷不遵一摺。唐古忒東南錯拉營官所屬之打旺寺內喇嘛翁則對與四朗歐柱向係同寺居住。偶因錢債小忿。糾約多人。互相爭鬪。經派往戴琿查辦。復揀派番目前往開導。何以尚敢恃強聚眾不遵傳審。是否另有別情。現據該大臣已與諾們罕飭令前派番目秉公查辦。儻仍前抗違。即著另揀漢番各員陳永生等前往會同妥籌辦

理。該喇嘛等性本愚頑。且地連邊界。自當持以鎮靜。不可輕啟兵端。著該大臣等相機妥速酌辦。總期兩造心服。各釋舊憾。以靖邊界。將此諭令知之。○浙江巡撫常大瀛奏浙省漕糧礙難海運。請仍循舊章辦理。得旨。既屬窒礙。著暫停試辦。○以告替一等公崇恩子忠山一等侯那銘子榮全各襲爵。○以勦賊遲誤。雲南臨元鎮總兵官李能臣革職。逮問。以雲南武定營參將文俊為臨元鎮總兵

官。○以捐辦浙江石塘坦水工程。予同知唐光熙知府補用。○以擒獲廣西恩府屬首匪凌亞東等出力。予布政使勞崇光總兵官谷韞燦優敘。餘升敘有差。○以攻勦廣西永安州城賊匪獲勝。開復提督向榮原官。並賞還花翎。予陣亡千總伍志學外委龔發張拱翔祭葬世職。○己亥予廣東陣亡武生李鎮邦祭葬世職。如外委例。○庚子

上詣

壽康宮問

皇貴太妃安。○諭內閣廣西逆匪竄踞永安州城數月以來官兵四面攻圍尚未克復朕心實深焦盼昨據賽尚阿奏現在南北兩路移營進逼疊獲勝仗叢爾孤城自不難指日攻克行軍之道賞罰為先朕已疊申訓誡並於賽尚阿出京時頒給軍營備賞各件又特賜用遏必隆刀期於信賞必罰以振軍威而作士氣當此大兵合剿賊匪窮蹙之時尤當號

令嚴明俾我將士知感知畏併力爭先庶克一鼓殲擒膚功迅奏賽尚阿現駐陽朔統率諸軍晝夜籌辦與朕同此焦勞著再傳旨諭知在事文武員弁兵壯人等務各齊心協力奮勉圖功乘此屢勝軍威機不可失斷不得稍形疏懈令逆匪日久稽誅其出力將士果有奮勇超羣者除由該大臣據實保奏外即將前頒賞件傳旨賞給以示褒榮其有臨陣退縮不能用命或守禦不嚴致賊竄逸貽誤

事機者該大臣即用朕所賜遏必隆刀立正典刑以肅軍紀毋稍姑息總期賞罰公允迅掃妖氛以慰朕望勉之。○湖廣總督程藩采奏年終密陳文武大員切實考語得旨卿留心吏治考語無絲毫不實不盡之處洵屬可嘉朕用卿封疆重任原欲代朕治人俾下情得以上達方不負古大臣之風卿若能永保茲念不惟渥承恩眷亦可格

上天之佑護也又批閱單開有大臣干預公事

者著隨時察訪有確據即行奏參密考摺單汝既手繕甚好嗣後寫行書亦可。貴州提督重綸因病解任調浙江提督善祿為貴州提督以福建福甯鎮總兵官葉紹春為浙江提督。○辛丑諭內閣戶部奏籌議節用各款一摺理財之道不外開源節流二端而節財之流尤為濟時要務如能實力經理必可行之無弊該部將現在應節各條分晰具奏朕詳加披閱如嚴覈上下兩忙分別藩司功過

以專責成。各省存贖款項。按年抵撥。以免牽混。驛站餘贖銀兩。提存司庫。以備封儲。嚴查交代。以杜新虧等語。皆係就國家自有之財。為覈實經久之計。著即照所議辦理。該部即會同吏部。將上下忙全完未完省分各藩司。應如何分別議處。議敘之處。妥議章程。通行遵照。至八旗甲米。仍復舊章。全放本色。緞疋庫現存物料。分別應抵應停。自係酌劑盈虛之道。該部仍隨時察看。妥籌辦理。其酌減營

馬一條。所陳積弊。亦係實在情形。除該部所議京營及北五省駐防毋庸裁減外。其餘各省著該將軍督撫副都統提鎮查照部議裁改分數。妥議具奏。由兵部會同戶部覆覈。奏請施行。總期帑餉不致虛糜。樽節均歸實用。以慎出納而裕度支。○又諭工部錢法堂奏。遵將發下小錢嚴查覆奏一摺。鼓鑄制錢。向有定式。豈容偷工減料。致多攙雜。此次發下小錢。是否局鑪私鑄。現既無憑。確查姑免深

究嗣後該侍郎等驗錢時。挑出不合式樣小錢。概令回鑪重鑄。毋許仍前搭放料錢。以除積弊。並著嚴飭該監督等。隨時稽察。有犯必懲。如有扶同諱飾。經該侍郎等查出。除將舞弊之鑪頭工匠交刑部治罪外。並將該監督嚴參懲處。其每月解交部庫錢文。著陝西道御史認真抽查。如有攙雜小錢。將該侍郎等一併叅處。毋稍徇隱。至戶局事同一律。亦著該部侍郎等飭令監督嚴加釐剔。並著稽查

之御史一體抽查。務各實力整頓。以肅圖法而清弊端。○又諭陸建瀛奏。民販糾搶商局打毀衙署。現將案犯提省審辦一摺。江西新建縣吳城鎮地方。本年十一月間。有江西幫鹽販因售鹽與鎮楊幫商人構釁。輒赴主簿衙署打毀門壁。乘機毆搶。公局鹽棧。經署鹽道將敗歇督飭委員先後拏獲。易傳清胡啟敏等犯四十七名。解省審辦。現當整頓鹽務之時。該犯等膽敢恃眾滋鬧。毀搶衙署鹽棧。

實屬刁頑必應從嚴懲治著陸建瀛督飭江西臬司鹽道等提集現犯嚴切訊究並將餘犯悉數緝獲歸案審辦如鎮揚幫商夥把持鹽務不洽眾情亦即分別懲辦以昭平允官運委員安樹森有無激變情事主簿姚鑲擅受拘押以致釀成重案均著提省研訊按律定擬具奏另片奏蔣啟敬深明鹽法等語著俟此案審結後該督即飭該員赴兩淮幫同運司辦理鹽務尋奏遵審鹽販易傳清等糾

眾折毀主簿衙署搶奪各棧銀鹽擬照充惡棍徒為首例加等發遣新疆委員安樹森主簿姚鑲辦理不善下部處分如例○又諭桂明奏查明廳員計告領隊大臣各款一摺吐魯番現署領隊大臣特克慎因飭領餉銀成色不符疑係廳庫有虧帶員往查並因該廳匿餉不交委員將廳庫看管查係因公起見尚無不合惟查庫之時並未提取該廳供支底冊逐款細查亦屬草率又函薦家人情近

請託以致該同知有所藉口至該同知榮春業經撤任自應聽候查辦乃於被參後遽供託告撫拾筆聽以圖報復參員挾制之風斷不可長特克慎榮春著交部分別議處其吐魯番領隊大臣官銜應刪辦事二字著該部查照定例行知遵辦○諭軍機大臣等寄諭欽差大臣賽尚阿等有人奏前任博白縣知縣游長齡及該縣紳士朱德璣虛冒軍功游長齡前經捏報殲賊匪劉九又賊首劉八

先充游長齡轎頭本年春間曾用愚弟帖告知該縣稱素有交情斷不進城沙河之戰捏報招集團練六千松山及秤鉤灣之戰並無殺賊之事又屢次打仗皆係黃錦泗帶勇並非朱德璣督戰賊匪擁眾至朱德璣家該紳士託人說和將黃錦泗獻出始行解去又賊匪吳晚一股曾至該紳士家將其親丁二人捉出鎖勒索贖春間朱德璣帶勇協攻徐亞二一股為賊所擄拘禁三日始得放還又廣

東擒獲吳晚時探出印票一張係游長齡發給收執有沿途驗放毋庸查拏字樣各等情用兵之道必當賞罰嚴明豈容稍有虛冒捏飾若如所奏游長齡朱德璉各種情狀雖係得自風聞不可不認真查覈以杜冒濫此外軍營人員有無似此欺冒等弊一律查明辦理該大臣等務須秉公覈實查辦慎勿各存成見轉致受人欺蒙也原摺鈔給閱看將此各諭令知之○直隸總督訥爾經額奏遵議

易州差務章程得旨惟在官辦理得體方能日久相安現已酌定章程甚善以後如再有愚民控告只可嚴懲吏役重辦為首者斷不可一經有案即議減差徭此旨可作為汝意通示該州縣百姓等○陝甘總督舒興阿奏遵查甘肅歉收地方來春無庸接濟報聞又批向來滿洲督撫於地方應奏事件應書寫臣字凡本人謝恩請安等事方書寫奴才字樣嘉慶年間奉有

諭旨汝可仍遵舊例行○緩徵山東濟甯金鄉嘉祥魚臺滕嶧臨清鄆平長山齊河濟陽禹城臨邑陵平原東平海豐商河滋陽陽陽鄆觀城朝城高密章邱德齊東德平東阿惠民陽信樂陵濱霑化汶上陽穀壽張單曹鉅野濮范聊城堂邑館陶恩邱四十七州縣暨德州東昌臨清濟甯西衛被水屯莊次年正雜額賦○以山東秋禾歉收緩買各屬動缺倉穀○士寅諭內閣西凌阿奏拏獲二次脫逃

廢員訊明定擬一摺廢員恩連前在配所脫逃因係自行投回照例免罪仍發軍臺效力茲復逃走被獲輒敢捏詞扶制希圖卸罪實屬狡詐恩連著改發新疆充當苦差到配加枷號一箇月嚴加管束○又諭賂東章奏辦解剝船委員因案革職仍勒令趕解交收一摺湖南善化縣知縣易學超前因被參門丁張福詐贓該縣延不交出當經降旨革職茲據該撫奏稱該革員領造直隸剝船三百五

十隻現在押解在途並已支給運費若另委員接解勢必耽延貽誤著即責令該革員一手經理迅速解赴直隸交收事竣即飭回湖南造冊報銷並著沿途各督撫派員催令前進毋任延宕仍嚴飭該革員無論行抵何處即將門丁張福送交地方官委員解回湖南歸案審辦○秦甯鎮總兵官德春奏遵備樹株詳擬種植章程得旨著照所擬辦理汝可敬詣

昌西陵外應種樹株之處詳細察看有無砂石即行據實具奏豫籌妥辦朕於明歲謁

陵時仍欲親詣履其慎之○准湖南頭二三幫

漕船分限扣交應攤剩價銀○癸卯

上詣

大高殿行禮○諭內閣訥爾經額奏請將失察

衙役私拷案犯斃命之知縣撤任質審一摺

直隸邯鄲縣知縣盧昌輔於已獲之犯王五

旦既不趕緊訊供又不慎選差役妥為看管

以致該犯被看役私行拷傷捏報患病該縣並未據實報輒以患病具詳該犯旋即身死經該管知府委員驗明實因拷傷致斃該縣盧昌輔是否親行提驗抑係因失察私拷有心迴護扶同捏報甚或因該犯已死希圖借以銷案均應確切根究盧昌輔著即撤任交該督提同犯證嚴行審訊按律定擬具奏至該縣境內被搶一案前經勒限緝拏迄今兩月限滿案犯仍未全獲協捕典史陳鍾英○

邯鄲汎千總程殿元著一併撤任交部議處再勒限三箇月協同接任員弁上緊緝拏務將賊贓悉獲究報儻逾限仍無弋獲即著從嚴參辦近來各省搶案疊出總由捕務廢弛甚至諱飾消弭遂致盜風日肆必當認真整頓以肅吏治而靖奸宄尋奏遵審縣役魏恩榮等私造非刑拷傷王五旦致死知縣盧昌輔失於覺察應請即行革職魏恩榮等發往新疆給官兵為奴下部議從之○又諭願以

燠奏南糧回空幫船全數催出東境請將出力員弁量予鼓勵一摺糧船回空催趲出境本係歷年地方應辦之事惟念今年係南河豐北漫口水溢幫船改由湖坡行走輓運維艱與往年催趲情形不同著該河督擇其尤為出力者酌保數員候朕施恩毋許冒濫嗣後不得援以為例○甲辰

上詣

壽康宮問

皇貴太妃安○諭內閣前據禮部奏江蘇舉人安徽黟縣訓導朱駿聲呈遞說文通訓定聲一書當交南書房翰林詳加閱看進呈朕幾餘披覽引證尚為賅洽頗於小學有裨朱駿聲著賞加國子監博士銜以為留心經訓者勸○又諭培成奏參員稟許事關庫款請旨查辦一摺盛京工部筆帖式多隆阿前經該侍郎奏參妄事營求當降旨將該員革職茲復具稟許告主事覺羅廣正扣留庫款藉端

肥已並稱本年二月曾稟請該侍郎代奏未經查辦等情參員許告上司例應立案不行惟關涉庫款虛實自應徹底根究著交樂斌景瀄提集人證檔冊據實查訊具奏○乙巳諭內閣徐廣縉章名琛奏勦辦廉州賊匪屢獲勝仗一摺廣東廉州與廣西交界處所自顏品瑞等匪經官兵擊敗後其餘股匪尚在兩省交界之新鋪那芹等處分踞險要拒守不出自九月以來兵勇會合進剿屢次獲勝

復經該督等添派弁兵攜帶大礮擡槍於十一月初三十二等日由提督陶煜文督率進攻轟倒礮樓一座打毀木柵牆垣節次分攻賊巢迭有殲擒此數股匪徒負隅固守勢已窮蹙仍著該督等嚴飭在事文武員弁會督兩省兵勇迅速剿除勿留餘孽其羅定州之凌十八股匪並著督飭官兵剋期掃蕩毋再遷延○以勦捕廣東瓊州洋盜一律肅清賞總兵官吳元猷都司吳全美花翎把總馬中

駿等藍翎餘升敘有差○丙午

孝莊文皇后忌辰遣官祭

昭西陵○

上詣

慈寧宮

壽康宮前殿行禮後殿問

皇貴太妃安○諭內閣固慶奏籌議吉林六旗

馬廠地租賞兵餘贖錢文請發商生息備修
各處捐辦工程一摺吉林六旗馬廠地租歷

年搏節現積存錢三萬八千串著准其以三
萬串發商生息每年息錢三千餘串按數解
歸吉林將軍衙門收存作為修理捐辦要工
經費以免攤扣官兵俸餉之弊所餘錢八千
串即留為現在修理宮殿廟宇等工之用該
將軍仍當隨時認真稽查覈實節省動支不
得任聽經手各員藉詞開銷稍滋浮冒工竣
仍著造冊報部覈銷以杜弊混○丁未諭內
閣陸建瀛楊以增奏前參員弁請旨開復等

語前因江南江運丁憂同知彭以筭於修築
大隄未能如式接署江運同知朱忻江防營
守備蔡觀賢未據通稟常鎮道姚熊飛於屬
員工程錢糧未能覈實辦理當降旨將該員
弁等分別革職並革職留任摘去頂帶勒限
賠修茲據稱該員弁等於被參後將漫工依
限堵合應辦各工一律修竣著賠工費銀兩
亦如數完繳尚知愧奮所有前參革職之同
知彭以筭革職留任之同知朱忻守備蔡觀

賢並該管道姚熊飛摘去頂帶處分著准其
一併開復○又諭李德奏遵旨審訊試用知
縣稟計知府一摺河南試用知縣徐士弼前
稟計開封府知府瑛桂於委審已革陳州府
知府黃慶安被控一案有囑令設法周旋改
捏供詞情事當交李德復訊茲據該撫訊明
瑛桂並無前項情弊著與業經革職永不敘
用之黃慶安均毋庸議徐士弼所改供詞情
節與本案罪名無關出入原審尚無不實惟

因畏累懷疑輒行具稟實屬冒昧徐士弼著
交部照例議處○又諭鄭鳴鶴奏遵旨審擬
革職等因各員一摺廣西已革前署鎮安府
知府通判羅福景訊無捏報獲勝及冒銷軍
需情事其勦賊尚有微勞惟領銀數千兩並
不將支銷數目隨時具報究屬玩忽羅福景
著開復通判原官仍革職留任已革前代理
平南縣事候補同知周誠之訊無私徵侵蝕
情弊惟於普免錢糧並不迅速造冊詳報已

屬玩延復因錢債細故輒行咎責以致客民
向安吉等藉口上控亦屬辦理不協周誠之
著革職留營效力○又諭穆騰額奏噶布倫
辭退出缺請旨補放一摺並鈔錄諾們罕原
稟呈覽噶布倫頗柱多布結年老辭退所遺
之缺據該諾們罕等稟稱乏員揀擬請以病
痊之前任戴琿策策墊升補本屬與例不符惟
念該番員於前次噶布倫出缺時曾經擬陪
且屢次效力戎行得有三品頂帶銜缺相當

既據達賴喇嘛稱其辦事可靠明年隨往各
處瞻禮布施可期得力策墊著加恩免補原
缺即以噶布倫升補○諭軍機大臣等德齡
奏密陳各城大臣考語一摺並開單呈覽朕
詳加閱看俱係八字空言毫無實際是該參
贊大臣於所轄各城大臣平素漫不經心及
至年終出考不過循例敷衍虛應故事殊非
循名責實之道德齡著傳旨申飭原摺單均
著發還交該參贊大臣另行詳細出考臚列

事實密封覆奏毋得仍以空言塞責將此諭
令知之○廣西左江鎮總兵官惠慶奏報到
任日期得旨奮勇向前不可甘蹈積習○以
都察院左都御史花沙納充經筵講官工部
尚書翁心存著經筵講官內閣學士沈兆霖
充文淵閣直閣事翰林院侍讀學士阜保署
文淵閣直閣事○以勦辦雲南永昌等處外
夷野匪肅清予土守備左大雄等議敘有差
撥山東司庫銀十五萬兩備賑○准河南

武陟縣應繳修隄銀分限攤徵

上以歲暮裕祭

太廟自是日始齋戒三日○戊申調福建汀州

鎮總兵官恆裕為臺灣鎮總兵官浙江温州

鎮總兵官富爾遜布為福建汀州鎮總兵官

○展緩雲南白鹽井竈戶應繳撫恤修費銀

○己酉以歲暮裕祭遣官祭

太廟中殿

後殿○諭內閣理藩院奏科爾沁扎薩克多羅

郡王僧格林沁率領本旗台吉阿勒巴圖等

謝恩並具呈陳奏該旗昌圖農民吳保泰等

抗不交租惑眾斂錢請特派大員率領官兵

查辦所需銀兩情願由伊應得地租銀兩內

照數備撥以補庫款等語上年僧格林沁因

該旗昌圖農民吳保泰等抗不交租請特派

大員帶領官兵查辦仍係本地方應辦之事

茲據僧格林沁呈請願將此項兵丁需費由

伊應得地租銀內照數備撥彌補庫款感戴

實出至誠惟念蒙古等生齒日繁自必賴此

度○若由此項租銀彌補兵費伊等生計未

免拮据所有兵丁需費銀兩加恩著毋庸僧

格林沁彌補用示朕軫念蒙古世僕之至意

○又諭前據陸建瀛常大瀆先後奏廣艇盜

匪畏罪投誠屢經降旨以該匪等前在山東

登州海口膽敢占去船礮竄回閩浙洋面游

奕亟應會督師船迅速剿辦茲據常大瀆會

同陸建瀛李芝昌察看情形具奏並將該匪

等繳出船礮開單呈覽據稱該匪布興有等

畏罪投誠出自實心其未即呈繳船礮及在

浙洋圍困守備黃富興勇船均因盜匪陳成

發恃係各船總管從中阻撓指使眾夥搶占

滋事現將陳成發砍傷捆縛交出並將黃富

興送回繳出山東師船勇船共二十一隻水

勇二百餘名商船船戶水手一百八十餘名

並被擄難民全數送出大小鐵礮共三百餘

位及器械等件一併呈繳向來辦理盜匪開

有實心悔罪。繳械投首。亦姑網開一面。以示法外之仁。此次廣艇盜匪布興。有等業經該撫等察其投首。出自實心。其從中阻撓之陳成發。現已戮首示眾。所有該匪等六百二十四名。著加恩一概免其治罪。其懇請遞回原籍之陳亞福五百六十餘名。著責成署定海鎮總兵周士法。黃巖鎮總兵湯倫署溫州鎮總兵池建功。分起由海道解回廣東。交各該地方官嚴行管束。仍行令福建廣東各水師

提鎮。逐程接解。毋許沿途逗遛。其現在浙江之布興。有等五十餘名。著常大瀋委員解回廣東。交徐廣縉分撥各營酌量安插。令其戴罪自效。儻不遵管束。即著從重懲辦。斷難再事姑容。山東守備黃富興。出洋追匪。輕進失事。咎有應得。姑念所帶兵勇不多。著從寬摘去頂帶責令管帶山東船礮。仍回該省交陳慶偕差遣。以觀後效。其餘繳出盜船並礮械等件。即著分配浙江水師各營管帶。各省師

船勇船。即行撤回。諭軍機大臣等。此次投首陳亞福等五百六十餘名。業已解回廣東。交地方官嚴加管束。其中有浙江福建人二名。是否亦交原籍管束。其布興有等五十五名。交徐廣縉等分別安插。據冊開各犯多係籍隸廣東。該督仍當嚴加防範。勿令再滋事端。至此輩在洋日久。熟悉風濤。如聞浙江蘇水師各營中有可安插之處。著陸建瀛李芝昌常大瀋等酌留分撥各營。令其效力。亦可

備捕盜之用。如仍獷悍難馴。不安本分。即行分別照例懲辦。斷不可稍事姑容。勇頭方翔帶領布興有等投誠。尚屬出力。著陸建瀋酌量給獎。至浙省洋面匪船游駛沿海。奸民勾串接濟。尚未能盡絕根株。著李芝昌常大瀋嚴飭所屬文武實力搜拏。盡法懲辦。其水師鎮將等官。前因遷延懲處。即責令在於沿海各口所轄洋面認真搜捕。將通盜匪犯盡數獲解。或可稍贖前愆。儻有盜船行劫之案。即

著從嚴叅辦陳世忠現已調任温州鎮總兵

所有山東船礮即交黃富興押送迅回登州。

或再須添派水師員弁幫同管押之處著常

大瀉酌量辨理將此由四百里各諭令知之

○江甯副都統惠密因病解任以福州協領

霍隆武為江甯副都統調山東登州鎮總

兵官陳世忠為浙江温州鎮總兵官江南福

山鎮總兵官武迎吉為山東登州鎮總兵官。

以福建銅山營參將陳勝元為江南福山鎮

總兵官○貸湖北公安江陵監利石首漢川

五縣修隄銀並賑漢川縣被水災民撫恤

琉球國遭風難夷如例
庚戌拾祭

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵

秦陵

泰東陵

裕陵

昌陵○遣官祭

孝和睿皇后暫安寢殿○遣官祭

宣宗成皇帝暫安寢殿遣官祭

孝穆成皇后

孝慎成皇后

孝全成皇后陵寢遣官祭

孝德皇后殯宮遣官祭

端慧皇太子園寢○詔

壽安宮西所問

如皇貴太妃安○詣

壽康宮問

皇貴太妃安○遣官祭

太歲之神○山西巡撫兆那蘇圖奏年終密陳各官考語得旨汝於各鎮司道考語尚屬認真惟外府考語率皆八字殊屬搪塞嗣後如再不知振作應得何咎汝自知之○賞莊親王奕仁三眼花翎是年旌表孝子江蘇等省戴君用等六百十五名孝婦山東等省訓導韓陞魁妻徐氏等三十五口烈婦江蘇等省李昌裘妻趙氏等二百七十八口貞婦廣東等省饒承光妻鄭氏等九十五口孝女江蘇等省陸臻女寶麟等五十五口烈女江蘇等省楊希成女等五十五口貞孝女浙江施氏一口貞烈女湖南等省林菊秀等六口烈婢江蘇李昌裘婢女鄧氏等二口義婢浙江丁氏一口悌弟江蘇吳滄等七名孝友福建陳永奎等二名順孫江蘇汪士榮等六名義夫雲南張起一名守節合例宗室懷他布妻李氏等十三口滿洲富秀妻羅佳氏等一百十六口蒙古秀福妻佟佳氏等三十九口

漢軍毓慶妻白氏等三十二口內務府福註禮妻董氏等五口各省駐防羅寶妻呂氏等一百五十三口奉天等省蘭恆昌妻李氏等二萬七百十三口夫亡殉節江蘇等省張福申妻曹氏等四十五口未婚守志滿洲誠明聘妻宗室氏等三口蒙古富英聘妻盧佳氏等二口內務府希斌聘妻明氏一口廣州駐防官世鋼聘妻范氏一口江蘇等省梅正才聘妻陳氏等一百九十一口百歲壽民婦廣東等省譚慈成等八十六名口七世同居河南杜永齡一家五世同堂湖南等省唐堯書等六十七家均給銀建坊如例一產三男山東房永等三家會計天下民數穀數除江蘇湖南湖北未經冊報外直隸等省通共大小男婦四萬三千二百十六萬四千四十七名口存倉米穀二千七百一十一萬一千五百二石三斗七升四合六勺

乾清門外。眾官暨朝鮮國使臣等。於午門外
行禮。○諭內閣。高來親郡王等。例應在紫禁
城內騎馬者。年至六十五歲。始准其乘坐椅
轎。惠親王係朕之叔。允宜特加優異。著即在
紫禁城內乘坐二人椅轎。用示朕敬長親親
至意。○又諭。綿悌之繼子奕勳。著加恩賞給
貝子。兼奉慶良郡王綿懋祭祀。○命工部右
侍郎彭蘊章。總管內務府大臣基溥。在紫禁
城騎馬。○癸丑。

上詣

壽康宮。問

皇貴太妃安。○緩徵直隸任邱。固安。高陽。武清。
薊。大城。永清。天津。滄。南皮。鹽山。慶雲。晉。平鄉。
永年。邯鄲。雞澤。大名。清豐。懷來。霸。雄。河間。靜
海。臺城。開。元。城。保安。定。二十九州縣。上年被
水被雹村莊。新舊額賦。並給任邱。固安。高陽。
三縣。被水災民口糧有差。○給安徽鳳陽。靈
璧。懷遠。五河。宿。當塗。太平。七州縣。及屯坐各

衛。上年被水災民一月口糧。○甲寅。

高宗純皇帝忌辰。遣官祭

裕陵。○

上詣

壽皇殿行禮。○詣

關帝廟拈香。○諭內閣。朕於四月初六日啟

鑒。敬詣

西陵。初十日恭謁

泰陵。

泰東陵。

昌陵。暨

孝和睿皇后几筵前。行禮。並恭謁

慕陵。十一日敬謁

慕陵。行釋服禮。禮成後。回鑾。於十四日還宮。所

有應行事宜。著各該衙門。照例敬謹豫備。○

乙卯。

上詣

壽康宮。問

皇貴太妃安。○陝甘總督舒興阿奏。遵辦甘肅保甲情形。酌議章程八條。○稽查保甲。宜歸覈實。○慎選保正。俾專責成。○編冊挨查。弗假手吏胥。○鄉閭丁壯。兼行團練。○宣示教化。互相勸誡。○有司勤惰。宜明定舉錯。○各境番回。宜分別種類。○各境漢奸。宜協同偵緝。得旨。所議章程。尚屬妥善。汝係朕特簡之人。天良具在。斷不准沾染外官習氣。扶同粉飾。致負委任。又批。本境若有未獲之案。而徒緝鄰境盜賊。斷不准奏請鼓勵。至蠟緝鄰境盜匪。尤須不露聲色。不准會同鄰境。○命甘肅涼州鎮總兵官萬飛鷹來京。調陝西漢中鎮總兵官春福。為甘肅涼州鎮總兵官。陝西陝安鎮總兵官豐伸。為甘肅伊犁鎮總兵官。以山西蒲州協副將福誠。為陝西陝安鎮總兵官。○貸江西德化縣。上年被水農民籽種。○貸湖北漢川。公安。監利。三縣暨屯坐衛所。上年被水軍民籽種。○給湖南安鄉縣。上年

被水農民一月口糧。○丙辰。諭內閣。德勒克色楞著。在後扈上行走。載銓差務較繁。著加恩。毋庸進領侍衛內大臣班。載銓進班之期。即派德勒克色楞代進。○山東兗州鎮總兵官百勝。奏報到任日期。得旨。訓練操防。隨時講求。勉力為之。○上以孟春時享。太廟。自是日始。齋戒三日。○丁巳。賞浙江等省辛亥科鄉試年老諸生。張凌雲等六十二人。舉人副榜有差。○戊午。世祖章皇帝忌辰。遣官祭孝陵。○以上辛祈穀於上帝。自是日始。齋戒三日。○己未。享太廟。上親詣行禮。○遣官祭太歲之神。○諭內閣。前據慶錫奏。請恭勘陵寢河道。酌籌疏通一摺。茲派陸應穀。敬謹履

勘據奏稱均係應行疏濬之工著即派慶錫敬謹承修所需銀兩准其在於搏節歸公項下動支辦理並著欽天監先將東西兩方本年宜修處所擇吉興工其南北兩方俟明年再行諏吉興辦○又諭戴垣等奏恭遵旨查明獻帛之奉恩將軍一摺本日祭

太廟獻帛之奉恩將軍奎文朱等作樂率爾先行獻帛且於跪拜均有失儀甚屬非是奎文著交宗人府嚴加議處○又諭此案已革擬

遣之湖南瀏陽縣縣丞王逢吉遣抱告在步軍統領衙門呈控御史與外官通信請託等情吏科給事中雷維翰著解任交刑部查訊抱告劉四並呈出原信著一併交刑部訊明具奏○庚申

上詣

南郊齋宮齋宿○甘肅提督索文奏報到任日期並飭所屬各標挑選精壯勤加操練防緝番賊得旨務須言行相符不可徒循故事好

好為之文武相濟事克有成斷不准自甘愚蠢反畏文員武弁習氣固壞然較之不肖文吏猶為彼勝於此默識心存不必形於言色營伍若有應整頓者隨時奏聞○命吏部尚書奕湘兵部左侍郎恩華查估

東陵河道工程○朝鮮國使臣李熾等三人於午門外瞻觀○辛酉祈穀於

上帝

上親詣行禮○詣

關帝廟拈香○詣

壽康宮問

皇貴太妃安○諭內閣鄒鳴鶴奏遵旨審明勦捕不力之文武員弁分別定擬一摺上年四月據李星沅周天爵向榮奏賊匪擁入西林縣城當經降旨將西林縣知縣文滋感典史邵治護理上林營都司千總馬正標千總朱雲把總楊錦魁並署泗城府知府徐增一併革職等因茲據鄒鳴鶴查明西林縣城久已

坍塌並訊明該文武等尚無見賊逃避情事且於失事後仍將該匪悉數殲除惟未能先事嚴防咎無可辭文滋感邵治馬正標朱雲楊錦魁均著革職以示懲儆文滋感據該撫奏稱居官尚得民心著准其隨營效力徐墉因賊欲襲府城折回扼要防堵並督營縣將賊匪全股剿滅惟於軍務重情稟報遲延亦屬咎有應得徐墉著開復原官仍革職留任○諭軍機大臣等上年十二月十七日賽尚

阿奏報軍務以後迄今又將一月未據續有奏報朕心甚殷盼望前奏南北二路疊次獲勝連營進逼朕又聞向榮奪據橫嶺俯瞰永安州城外賊匪紛紛遷入城中是我兵已據勝勢正可乘機合力一鼓攻克何捷報尚爾遲遲耶現在永安北路已有重兵進壓南路及各路兵力是否不至稍單即日攻克州城總宜將著名首匪悉數殲擒儻僅將州城收復仍任匪眾潰圍出走再向他處竄擾尚

復成何事體賽尚阿膺此重任經朕節次訓誡諒無不布置周妥凡水陸各要隘逆匪可圖竄逸之處總宜嚴密隄防即前次攻克之風門坳紫荊山等處山隘叢雜久為該逆巢穴亦宜加意防堵毋任逸匪復行竄踞以致日久稽誅本日據賽尚阿鄒鳴鶴會奏鄰省撥解錢文諸多窒礙現在勸諭商民分別灑帶領運以平錢價等語著即照所擬妥為辦理又鄒鳴鶴片奏各屬團練漸收成效仍著

通飭妥辦永安蕞爾孤城如果四面各州縣嚴杜接濟則賊匪自閏八月朔踞城後幾及半載鹽糧火藥何以不見困乏仍能抗拒自如團練以資防守而斷賊接濟尤為要務著嚴飭近賊各屬地方及帶兵文武員弁一體實力杜絕使賊資糧內匱則大兵會合攻剿可期迅速藏功不致虛延月日矣將此諭令知之○命協辦大學士戶部尚書裕誠為大學士管兵部事直隸總督訥爾經額協辦大

學士。以戶部左侍郎禧恩為尚書。調工部左侍郎德興為戶部左侍郎。兼管三庫事。未到任前。以刑部左侍郎全慶兼署。以英吉沙爾領隊大臣奕經為工部左侍郎。○調鑲紅旗漢軍副都統扎拉芬為鑲紅旗滿洲副都統。以散秩大臣華豐為鑲紅旗漢軍副都統。○賞前任哈密辦事大臣安成二等侍衛為英吉沙爾領隊大臣。○以山東膠州營副將金剛保為雲南騰越鎮總兵官。○以聲音洪亮

賞太常寺讀祝官慶瑞五品頂帶花翎。○以江西防堵粵匪出力賞道員黃樂之花翎。餘升用有差。○壬戌

孝全成皇后忌辰遣官祭

陵寢。○諭內閣御史張煒奏請嚴禁演戲奢靡積習等語。京師五城向有戲園戲莊歌舞昇平歲時宴集原為例所不禁惟相沿日久競尚奢華如該御史所奏或添夜唱或列女座宴會飯饌日侈一日殊非崇儉黜奢之道至

所演各劇原為勸善懲惡俾知觀感若靡曼之音鬪狠之技長奸誨盜流弊滋多於風俗人心更有關繫現在國服將除必應及早嚴禁著步軍統領衙門五城御史先期刊示曉諭屆時認真查辦如仍蹈前項弊端即將開設園莊之人嚴拏懲辦以振靡俗而除積習。○又諭賽尚阿奏進攻逆匪續獲勝仗並親往督戰情形一摺。永安大股逆匪抗拒日久各路官兵一律移營進逼自上年十二月初

二至二十三等日北路向榮南路烏蘭泰許祥光張敬修等晝夜環攻計接仗十餘次均各斃賊多名現在賽尚阿已統率文武員弁馳赴永安以北距城三里地方安設大營親自督戰計此叢爾孤城不難即日攻克著即嚴飭各路帶兵大員激勵將士奮力併攻並將水竇莫村賊寨迅速掃蕩殲除勿留餘孽所有節次打仗尤為出力之員弁兵勇著覈實保奏傷亡弁兵人等查明照例請卹。○諭

軍機大臣等。戶部尚書孫瑞珍奏。淮南鹽務。急須嚴杜川私。請於湖北東湖縣屬之平善壩。南津關。西壩。宜都縣之白洋河。紅花套。設卡緝私。責成宜昌鎮總兵分撥弁兵。實力巡查。以專責成。此外另有走私之處。卡座或移或添。隨地隨時相機辦理。並請明定章程。如於定額之外。再有溢銷。則以官鹽溢銷之多寡。為該總兵功效之大小。各等語。淮南鹽引銷路全仗兩湖。近來粵私。潞私。浸灌尚少。惟四川與湖北毗連。由長江順流而下。駛入楚境。大為淮南之害。該尚書所奏。均係實在情形。著程喬采。按照摺內所陳各情節。逐一講求。悉心體察。應如何添設卡座。分撥弁兵。妥議章程。明定賞罰。即責成宜昌鎮總兵認真稽查。總期私鹽無透越之虞。官鹽有暢銷之勢。庶於國課民食。兩有裨益。原摺著鈔給閱看。將此諭令知之。○又諭。前因有人奏。廣東新安縣屬沙井之孔進鄉土匪陳翹萃等。招

集匪徒。結盟拜會。製造船隻礮械。擄殺人命。各情。當降旨交徐廣縉等查辦。茲又據奏。該匪陳翹萃。陳顯猷。陳亞索等。更招得番家萌。鄉潘耀夫。潘華頭等。數千餘人。加造長龍。瀨跳船隻。添製礮械。在沿海鄉村劫掠。上年九月。該匪圍劫白岡窰下兩鄉。殺斃八十七命。焚溺屍身。又擄去九人囚禁。搶掠財物。焚燒祠宇。屍親赴省喊告。經委連平州知州張應康。到縣拏犯。該匪竟敢加築礮臺。排列船械。為拒捕計。該委員到縣一月。並未赴鄉緝拏。反欲勸令各屍親。將案和息。又該省南海縣人梁敏功。在省城開設安威海味行。與孔進鄉匪徒勾結。所有該匪製造戰船礮械。一切銀兩。俱係梁敏功豫為供給。各等語。匪徒聚黨肆劫。大干法紀。全在地方官實力查拏。隨時懲辦。若如所奏。委員畏葸養癰。意存消弭。必致釀成後患。近來兩粵盜匪肆行。重煩兵力。皆地方官因循廢弛所致。著徐廣縉。葉名

琛。遣委文武員弁。實力勦捕。勒限嚴拏。務將各案要犯。全行弋獲。盡法懲治。毋任一名漏網。並確查前派委員張應庚。如有私和命案。受賄不辦情事。即行據實奏。毋稍瞻徇。原摺著鈔給閱看。將此諭令知之。○欽差大臣大學士賽尚阿等奏。大兵雲集永安。克復州城。期在指顧。報捷後需費繁多。請籌撥餉銀二百萬兩。俾得迅速蒞事。下部議從之。○癸亥。

孝德皇后殯宮月祭。遣官行禮。○諭內閣。上年降旨。令兩江。閩浙。兩廣總督。各於水師副將內。遴保堪勝水師總兵人員。現在各該督尚未全行保奏。水師需才緊要。各省副將中。豈無堪勝總兵之員。著該督等詳加遴選。迅速保奏。送部引見。候朕記名。不得以無員可保一奏塞責。至水師副將以下。如有材技出眾之員。亦著隨時據實保奏。以備錄用。○諭軍機大臣等。著浙江定海鎮總兵周士浩辦理。

營務。是否得宜。上年降旨。令裕泰據實查奏。嗣經裕泰以到任未久。無由深悉。請從緩察訪等語覆奏。李芝昌到任業經數月。於所轄各鎮。自必留意察訪。周士法本係遊擊署理總兵。現經革職。暫行留任。該員於平日操防事宜。能否得力。定海一缺。最為緊要。未便久乏實任專員。著李芝昌。悉心體察。據實具奏。毋稍遷就。將此諭令知之。○甲子。

上詣

壽康宮問

皇貴太妃安。○兩江總督陸建瀛等奏。籌辦海運事宜。並酌議章程十條。○海運事繁任重。必期經理得人。○交倉漕米。必須籌補足額。○籌銀款以備撥用。○籌補緩缺南糧。毋庸援案截撥。○停運旗丁水手。分撥調劑資遣。○沙船領運漕糧。悉遵成案。○巡哨防護。倍宜周密。○籌備天津通倉經費。照案支用。○剥船經紀食耗等米。備帶本色。○天津交米。

之後。循舊責成經紀。下部議行。○乙丑。

宣宗成皇帝再周年忌辰。遣惇郡王奕諱祭。

暫安寢殿。○

上詣

壽皇殿行禮。○諭內閣。前據巡視中城御史聯福。袁甲三奏。賊犯王立功。又名王六。先在武清縣充當捕役。因案擬徒。又犯案擬軍。經其弟王八帶往捕役劉桂林等多人中途劫回。復充捕役。其夥黨約有百餘人。勾結水賊。沿

河偷竊。得贓均分各等情。當經嚴飭步軍統領衙門。派員前往查拏。茲據載銓等奏。稱將王立功等拏獲。並在王立功家起獲刀槍蠟桿火槍等四十餘件。王立功以兩次犯案刺字擬遣。中途脫逃之犯。何以復在該縣充當捕役。該縣知縣何以毫無覺察。且該犯家內存有刀槍器械四十餘件。其平日為匪不法。更可概見。似此捕役泰盜害民。無怪盜風日熾。若不從嚴懲辦。何以綏靖地方。所有現在

拏獲之王立功。即王右劉大即恩兒王二。李大。邵九。並起獲刀槍器械等物。均著交刑部嚴行審訊。徹底根究。按律定擬具奏。其未獲之捕役劉桂林。王八。王禿子。粗胳膊李二。仍著步軍統領衙門。順天府。五城。一體嚴密訪拏。務獲歸案審辦。毋任漏網。○諭軍機大臣等。楊文定奏。江蘇錢漕積困日深。現籌整頓情形一摺。江蘇漕務疲玩。與大戶把持之弊。朕早有所聞。必當力求整頓。庶可漸挽頽風。茲據該撫縷陳積困情形。並酌籌辦法數條。分晰具奏。朕詳加披閱。如調查州縣實徵紅簿。嚴覈牧令交代限期。減漕尾以速催徵。慎更調以杜虧欠。所議均屬周妥。其大戶之包攬。小戶之詭寄。刁生劣監之把持。公事圖喫漕規。以及州縣幫弁之藉詞勒索。書吏門丁之借勢中飽。種種弊端。皆應實力訪查。隨時懲辦。該省蘇松等屬漕糧。現在改由海運。著該撫於漕務辦竣時。飭屬各就地方情形。認

真清釐總期苛徵可息。民困可蘇。如有紳衿
大戶把持抗欠等弊。即行據實具奏。從重治
罪。以儆刁風。至所稱興修水利。墾築荒廢淹
浸田畝。均係地方要務。該撫惟當實力整頓。
毋託空言。以副委任。將此諭令知之。○以兵
部左侍郎恩華為總管內務府大臣。○修江
蘇華亭縣沿海土石各塘。從巡撫楊文定請
也。○展緩浙江仁和海甯富陽臨安新城於
潛嘉興秀水嘉善海鹽平湖石門桐鄉歸安

本集卷五

下

烏程德清武康十七州縣。上年歉收。地畝應

徵額賦。○丙寅

上詣

大高殿

壽皇殿行禮。○詣

壽康宮前殿拈香。後殿問

皇貴太妃安。○諭內閣。常大瀉奏。未能獲犯

之都司等語。浙江鄞縣東鄉匪徒聚眾奪犯

滋事。經該撫派令甯波城守營都司潘肇富

帶兵捕拏。該都司未能迅速追捕。犯無一獲。

咎實難辭。潘肇富著先行摘去頂帶。責令隨

同地方文武各員嚴拏各犯。務獲解辦。如再

延玩。即著嚴參。○又諭常大瀉奏徵收漕米

未能一律圓潔。援案請旨一摺。浙江仁和等

州縣未經被歉田畝。應完漕糧。據該撫查明

田禾雖獲有收。米質率多柔嫩。不能一律圓

潔。著照所請。准其紅白兼收。俾小民便於輸

納。該撫仍嚴飭各州縣認真選擇。不准任意

實錄卷五

十九

濫收。此係因地方災歉變通辦理。嗣後毋得

藉端率行奏請。致滋弊混。○命戶部尚書孫

瑞珍倉場侍郎慶祺前往天津驗收海運漕

糧。

壽康宮問

皇貴太妃安○諭內閣李芝昌王懿德奏查辦保甲章程一摺。福建省山海交錯。最易藏奸。前任總督裕泰酌擬辦理保甲章程。具奏當經降旨令李芝昌王懿德到任後認真妥辦。茲據該督撫等參酌舊章。設法稽查。其沿海船戶。種山棚民。尤為逋逃淵藪。往往窩藏盜匪。接濟奸民。必應一律嚴查。著照所擬各屬水路船隻。按埠編甲。責成澳保人等逐日查點。務令各歸各埠。不准在洋逗遛。至延津等屬棚民。即照浙江新定章程。飭令棚長。依限取結。如覓雇傭工。浮住無保者。即拆毀棚窩。遞籍管束。現在閩浙洋面盜匪雖已畏罪投誠。水陸巡防。仍不容稍形鬆懈。總以撥除窩頓。斷絕接濟。為弭盜要務。該督撫惟當嚴飭所屬實力奉行。儻地方官始勤終怠。即著隨時叅處。以肅吏治。而靖閭閻。○又諭李芝昌王懿德奏遵查撤任同知請旨勒休一摺。福

建撤任淡水同知史密前據裕泰奏該員性情剛愎。遇事喜功。於海外各缺。人地不宜。茲復據該督等查訪該員前在內地歷署知縣。同知輿情未能浹洽。官聲亦甚平常。史密著即勒令休致。○又諭程喬采龔裕奏審明革員勞光泰。託控上司。分別定擬一摺。此案浙江藩司椿壽前在署湖北藩司任內。於前護湖北鹽道武昌府知府明善。移查裕泰提支岸費用款。未將前藩司請發捐項緣由聲敘明善亦未查明。因捐項提支岸費。又於裕泰札借修署銀兩。漏未查稟。俱屬率忽。椿壽明善均著交部議處。其歷任總卡委員。虛報鹽引。俱經隨時補銷。姑從寬免。其查叅。○又諭前據恒毓奏遵旨審辦民人楊林京控一案。聲明擬將獲犯之署防守尉克科僧額等。分咨各衙門鼓勵。茲據奕興奏查明克科僧額實非緝獲此案逃免之員。並請飭盛京各衙門覈實獎勵。以免冒濫等語。所見甚是。克科

僧額原請鼓勵之處。著毋庸議。向例屬員賢否。應由該管上司秉公舉劾。以專責成。而杜冒濫。嗣後各衙門。均應遵照定例。毋得越俎保薦。致起夤緣倖進之階。其有特交查訊案件。非奉旨於定案時聲明奏請者。亦不得率請鼓勵。為見好屬員地步。懷之。○修湖北武昌府城垣。從總督程喬采等請也。○己巳。福建巡撫王懿德奏。請將緝捕廢弛。並私帶錢糧被搶之知縣。分別議處。得旨。外省習氣。大率如此。冗闕不職之員。留之無益。黜之不勝其衆。日趨日下。何時方可挽回。○安徽巡撫蔣文慶奏。山東省審辦結擒結幅。強劫訛搶匪犯。以人數之多寡。定罪名之輕重。已於道光二十五年立有專條。纂入例冊。請作為山東安徽通例。下刑部議。尋奏例載。山東省匪徒。如有結擒結幅。聚眾至四十人以上。帶有軍器。強當訛索得財。不論賊數多寡。首犯擬絞立決。四十人以下。十人以上。首犯擬絞監

候。為從均發新疆酌撥種地當差。如數在五人以上。首犯亦照前擬遣。為從俱擬發極邊足四千里充軍。若聚眾四十人以上。及十人以上。訛索強當。未經得財者。首犯擬發極邊足四千里充軍。從犯杖一百徒三年。五人以上。首犯杖一百徒三年。從犯杖九十徒二年半。其造意之擒首幅首。身雖不行。但經夥犯訛索強當。按人數多寡。照為首例問擬。其未經結擒結幅。並聚眾未及五人。尚未滋事者。仍各照本律本例問擬。若遣軍人犯脫逃。回籍復行入擒。入幅。訛索強當。或向原擎兵役尋釁報復。除實犯死罪外。其餘俱擬絞監候。從之。○以勦辦廣東廣甯匪徒出力。賞按察使崔佃。知府李敦業。守備鍾慶瑞。花翎千總薩國亮等藍翎。餘加銜升敘有差。○以勦辦廣東廉州匪徒出力。予升任道員宗元。醇優敘。賞都司玉山。守備饒成龍。巴圖魯名號。提督陶烜文。知府彭舒萼。都司張遇清。守備曾

廷相等。花翎知縣呂銓等藍翎。餘加銜升敘有差。○以勦除廣東何名科股匪出力。予參將劉開泰等優敘。賞巡檢章增耀等藍翎。餘升敘有差。○以催趲山東回空漕船。予出力員弁。加銜升敘有差。○准福建各屬緩買動缺倉穀。○庚午諭內閣。廣西糧臺總局。款目紛繁。必須細心鉤稽。通盤釐定。方足以剔浮濫而歸覈實。現在管理總局之升任河南藩司嚴正基。調任甘肅臬司現署廣西藩司吳

鼎昌均著俟大兵凱撤後。辦理軍需奏銷完竣。再行各赴新任。○諭軍機大臣等。據孫鏘鳴奏。廣西難平之患。尚不在永安一處。其招募之廣勇及各處壯勇。均不受節制。戰不向前。處不安靜。並有暗中通賊者。聞與裁汰。遂肆劫掠。新到潮勇尤節節滋事。經過梧州地方。閉城數日。其招安之巨匪如大頭羊。大鯉魚等。仍在潯梧一帶江面。包貨抽稅。剽劫如常等語。向來召募鄉勇。最難遣散。現因兵力

不敷。不能不兼資練勇。將來事平之後。或抽擇精壯充伍。其出力得功者。留營拔用。其餘遣歸復業。或酌留若干人。派員管帶。按捕土匪。防守地方。一二年再行全撤。必應先事妥為籌計。務期萬全無弊。不致貽害將來。即現在各路募勇。亦應嚴飭管帶之員。堅明約束。若如所奏。戰不向前。處不安靜。甚至陽奉陰違。與賊暗通消息。萬一輕信誤用。貽害無窮。至大頭羊即張釗。大鯉魚即田芳等。投誠以

來。是否真能效死。現在如何驅使。若仍在沿江劫掠抽稅。地方官隱忍姑容。必致又釀巨患。以上情節。均著賽尚阿嚴密訪查。據實懲辦。切勿受人蒙混。原片著鈔給閱看。再大兵雲集永安。剋日收復。前經降旨。北路軍威雖壯。南路及各路要隘。必須一律堵截。其紫荆山等處。逆匪舊巢。尤應防其復踞。著再申諭帶兵各員。嚴密攻勦。斷不可再任竄逸。儻不能遏其出路。查明賊自何路竄出。朕惟有將

該處帶兵大員重治其罪決不寬貸將此由
四百里諭知賽尚阿並諭令鄒鳴鶴知之
以戶部尚書禧恩兼署吏部尚書○免江蘇
淮安徐州海蘇州松江常州太倉七府州攤
徵未完挑築河工銀○辛未

上詣

壽康宮問

皇貴太妃安○諭內閣陸建瀛楊以增奏請將
承辦料廠弊混各員摘去頂帶勒限賠交等

語南河委員署揚河通判張嘉琳候補通判
王恩沛劉春芳候補州同晏芬承收料垛斤
數均各短少實屬有心蒙混王恩沛等奉委
管廠自交之料所短更鉅其與驗收委員顯
有通同弊混情事張嘉琳王恩沛劉春芳晏
芬業經該督等查明撤委著與海防同知李
萬傑一併摘去頂帶勒限十日責令將不足
之料賠交另儲覈實驗收其王恩沛劉春芳
晏芬三員情節尤重著該督等嚴行查訊懲

辦李萬傑係在東壩辦事著飭令交出料戶
嚴訊究辦以剔弊竇○壬申

孝穆成皇后忌辰遣官祭

陵寢○諭內閣德春奏遵旨察看種樹處所大
概情形一摺

昌西陵外應種樹株處所據該總兵敬詣察看
間有砂石查照成案應於樹窩添換黃土現
有推積物料未能全行查驗著德春於今冬
種樹時再行親往逐一查驗詳細估辦據實

奏聞所種樹株務須培植穩固日臻蕃茂以
昭敬慎○吏部以大學士裕誠應定何殿閣
請得旨著為文淵閣大學士○以

宣宗成皇帝二周年致祭前引屆時不到革贊
禮郎德靖職○以刑部右侍郎書元署正黃
旗漢軍副都統鑲藍旗滿洲副都統希興阿
署正藍旗蒙古副都統正紅旗漢軍副都統
隆慶署鑲藍旗蒙古副都統○甲戌

孝聖憲皇后忌辰遣官祭

秦東陵

上詣

慈宣宮

壽康宮前殿行禮。後殿問

皇貴太妃安。諭內閣。三載考績。激揚大典。朕

受

皇考付託之重。惟知克敬克勤。仰報

深恩。與內外臣工共圖上理。滿漢諸臣。有人品

端方。辦事實心者。固應量予甄敘。或年力就

衰。因循不振者。亦斷難姑容。茲屆京察之期。

吏部將京外各大員。開單題請。朕詳加酌定。

大學士賽尚阿。邪窩藻。禮部尚書何汝霖。在

軍機處行走有年。實力匡襄。殫心竭慮。自軍

興以來。夙夜在公。勤勞倍著。賽尚阿。總統軍

務。調度有方。工部侍郎彭蘊章。有參樞務。以

來。克盡厥職。協辦大學士杜受田。學醇品正。

在上書房行走多年。深資訓誨。現承辦

實錄底本。詳慎纂輯。不遺餘力。戶部尚書孫瑞

珍。辦理部務。事事實心。盡力籌維。任勞任怨。

協辦大學士直隸總督訥爾經額。久任畿疆。

於吏治營伍。亦能整頓。辦事諳練。湖廣總督

程喬采。除暴安良。克膺疆寄。兩廣總督徐廣

縉。慎密有為。操縱合宜。雖所轄兩省地方不

靖。而平日辦理一切。朕甚嘉許。均著加恩。交

部議敘。吏部左侍郎侯桐。年力衰邁。右侍郎

明訓。辦事顛預。難期振作。精神太覺頹敗。俱

著原品休致。餘著照舊供職。又諭西凌阿

奏。廢員不服約束。請改發新疆。並加枷號。一

摺。軍臺效力。廢員富爾松。阿。到臺甫及兩月。

輒敢藉詞。告假。擅離臺所。不服約束。經站員

駁飭。復敢繞越進口。捏供狡賴。實屬生事。妄

為。居心刁詐。富爾松。阿。著改發新疆。充當苦

差。仍先在口外枷號一月。示眾。滿日再行起

解。以為廢員不安本分者戒。又諭此案釋

回遣犯劉煜。前在浙江温州府任內。因案再

三翻控。審明發往伊犁。釋回後。不知安分。輒

敢設局包漕種種妄為。疊次砌詞呈控捏誣重情。經王植等訊明。降旨發往新疆充當苦差。復敢遣抱告在步軍統領衙門呈控。欽差審辦不公。請提全卷赴部詳覈。劉煜居官居鄉。動輒挾制把持。逞弄刀筆。屢次京控。實屬積慣訟棍。怙惡不悛。問擬發遣新疆。罪無可逭。若將伊解京提訊。反得遂其拖延誣陷之計。著王植仍遵前旨。即日派員將該犯押令起解。如敢逞刁逗遛。即行奏明從重懲治。至

南豐縣鄉民孫添祥等。所控漕務各情。著交陸建瀛會同王植秉公再行查辦。務期官民相安。不致藉端生事。儻查係劉煜從中指使希圖洩忿減罪。即著從重究辦。○以都察院左都御史朱鳳標為國史館副總裁官。○轉吏部右侍郎張著為左侍郎。以內閣學士邵燦為吏部右侍郎。調刑部左侍郎全慶為吏部右侍郎。轉刑部右侍郎書元為左侍郎。調工部左侍郎奕經為刑部右侍郎。以內閣學

士錫齡為工部左侍郎。○調鑲黃旗漢軍副都統哈芬為鑲紅旗滿洲副都統。以戶部右侍郎麟魁兼鑲黃旗漢軍副都統。○派吏部左侍郎瑞常通政使司通政使羅惇衍知貢舉。○乙亥諭內閣

孝和睿皇后梓宮奉安

昌西陵尚需時日。所有恭理喪儀事宜。著添派彭蘊章基溥敬謹將事。○又諭本年輪應查閱湖北湖南雲南貴州等省營伍之期。湖北

湖南著即派程喬采雲南貴州著即派吳文鎔逐一查閱認真簡校。如查有訓練不精軍實不齊。即將廢弛之將弁。據實劾參。毋得視為具文。○肅親王敬敏因病解任。賞食全俸。○命吏部右侍郎全慶為正使。正紅旗漢軍副都統隆慶為副使。馳往朝鮮國冊封王妃。○命吏部左侍郎張著仍留江西學政任。以禮部右侍郎曾國藩兼署吏部左侍郎。工部左侍郎呂賢基兼署刑部左侍郎。○以鑲白

旗蒙古副都統基溥署刑部右侍郎○以戶部尚書禧恩兼署鑲藍旗蒙古都統○丙子諭內閣徐廣縉葉名琛奏叅徵收錢糧延不完解之知縣一摺廣東試用知縣文煥前署三水縣任內徵收錢糧一萬六千餘兩延不解繳實屬怠玩文煥著摘去頂帶勒限三箇月埽數全完如再玩延或查有虧那情事著從嚴叅辦○又諭前據徐廣縉葉名琛奏革職留營知府史樸等於被叅後拏獲要犯打

仗尚知愧奮當降旨准其酌量保奏茲據該督等查明分別奏懇恩施著照所請廣東暫革知府史樸著俟服闋後留於廣東以直隸州知州補用暫革千總蔣朝剛著以把總補用暫革外委黃雄泰著以額外外委補用暫革巡檢顧侃著以典史補用○刑部奏審明倉場私造小斛田泳德等定擬罪名得旨田泳德著發往新疆遇赦不赦郁五發極邊煙瘴充軍遇赦不赦凡倉場花戶雜役人等有

犯案充發者均不准遇赦釋回嗣後刑部辦理此等案件務須加倍從重若稍涉寬厚恐爾部堂司各官不能當此重咎也○熱河都統廣福奏遵查盜犯六喇嘛訊無下落並飭咨協緝得旨該犯兇暴久著焉肯遠颺止問該犯之兄焉肯吐實又會同蒙古徒涉張皇會同鄰境協緝斷無不推諉之理汝可密飭幹員往拏務期必獲若恐有礙蒙古即傳旨令伊交出亦可慎之○丁丑諭內閣李芝昌

等奏臺灣匪徒聚眾謀逆業經擒獲首夥各犯一摺此案匪首洪紀等在臺灣嘉義交界之附近內山地方歆血結盟豎旗肆搶糾約林漏等多人偽稱元帥先鋒分為四大股首各用紅布為記輾轉裹脅先後在官佃等莊及溪底各處屯聚經臺灣鎮道葉紹春徐宗幹等督飭文武員弁併力攻勦疊次殲斃賊匪多名生擒偽副元帥李兆基偽先鋒林昇顧耀並將首逆洪紀要犯林漏偽軍師胡枝

摺偽副元帥吳仰一併拏獲正法該逆等甫經蠢動事起倉猝該管文武各官即能先行訪聞率兵分剿未及一旬已將首要各犯悉數就擒夥黨亦獲犯過半辦理尚為妥速惟該犯等糾邀黨與究有若干潰散餘匪未經全獲難保不潛相勾結更起事端著李芝昌王懿德嚴飭該鎮道等督率所屬徧行搜捕務期有犯必懲毋任一名漏網續辨情形及在事出力獲犯最多各員著該鎮道等查明

據實具奏○引見京察三品以下京堂各官得旨順天府府丞陳寶禾才具平庸光祿寺少卿鄭家麟年力衰邁均著以原品休致餘著照舊供職○江南道御史隆慶奏財用匱乏請飭九卿科道督撫大臣共陳理財長策以收實效得旨所奏不為無見汝非戶部之員言之甚易使汝現為戶部司員恐未必言行相符若如汝所奏令原奏者會議朕先曰窒礙難行看汝並非真有見解不過撫拾陳

言希圖塞責嗣後各大員若真有前項弊端者風憲官必應據實奏斷不可因有此旨相率緘默不言將此通諭各部院衙門知之甘肅西甯鎮總兵官雙銳奏報到任日期得旨認真操練不可沾染習氣邊陲要地文武尤須和衷汝之才具雖非出人者若悉心講究成就有餘慎勿自暴自棄也○朝鮮國王李昇遣使奉表謝恩並貢方物命留抵正貢賞賚如例○戊寅

上詣

壽康宮問

皇貴太妃安○諭內閣

慕陵寶山上一帶東西砂石及

龍鳳門至元寶山等處樹株回乾者若干株其

雖未回乾枝葉未能暢茂或有乾枯情形者

若干株著德春親詣各處詳細確查分晰開

單據實明白覆奏毋稍含混○添築安徽無

為州江壩隄工從巡撫蔣文慶請也○己卯

諭內閣三月初二日

宣宗成皇帝梓宮永遠奉安

慕陵所有御前行走之內扎薩克蒙古王公等

渥受

皇考厚恩自應感念

先恩奏請同來叩謁惟念各蒙古王公等游牧處所各有應辦事件且道途遙遠若令前來不免往返著加恩該蒙古王公等均毋庸奏請著理藩院即咨會遵行以示朕體恤蒙古

臣僕之至意○又諭李芝昌王懿德奏請將原叅摘頂之署知縣革職拏問一摺福建前代理連江縣候補府經歷瞿墉於應解丁耗銀兩屢催未解先經降旨摘去頂帶茲據該督撫查出該員徵存未解銀共有一萬六千餘兩之多又糧米二百四十餘石顯有侵那情弊瞿墉著即革職拏問交該督撫提集經手倉庫丁胥案卷嚴行審訊究追按律懲辦該員寓所貲財著即查抄其江蘇原籍家產

一併查封備抵○湖南按察使陳之驥因病解往以江蘇鹽巡道岳興阿為湖南按察使

○庚辰

孝儀純皇后忌辰遣官祭

裕陵○諭軍機大臣等刑部奏現審賊犯王立功究出夥黨請旨飭拏並開單呈覽該犯等多係籍隸順天直隸各屬且有在逃軍徒並設立下處恭賊分贓種種不法必應按名弋獲盡法懲辦著卓秉恬龔文齡訥爾經額按

照單內所開各派幹員迅速嚴密查拏解交刑部歸案審辦勿使一名漏網原摺及各犯名單均著鈔給閱看將此各諭令知之○修築河南河內縣沁河南北兩岸民隄從巡撫李德請也○辛巳春分朝

日於東郊遣恭親王奕訢恭代行禮○諭內閣廣西軍需經戶部陸續撥解並由內庫發給帑銀諒可源源接濟惟念此時兵勇雲集需用浩繁賽尚阿已移營永安城外督兵進剿

偏近賊巢。不難指日蕩平。檢渠埽穴。正當圍攻緊要之際。所需軍餉。尤不可稍有延緩。致誤事機。著戶部再行迅速籌畫。寬為儲備。以濟要需。其前次指撥各款。如查有尚未起解者。亦著戶部迅即飛咨各省。催令速解。廣西毋得遲誤。○又諭御史倫惠奏京西妙峰山廟宇。每於夏秋二季。燒香人眾。有無賴之徒。裝演雜劇。名曰走會。請飭嚴禁等語。鄉民春秋報賽。詣廟燒香。原為例所不禁。若如所奏。

匪徒以走會為名。裝演雜劇。以致男女混淆。於風化殊有關繫。著步軍統領衙門。順天府。及西北城各御史。先期出示曉諭。如有前項匪徒。即行拏究懲辦。仍不准差役人等藉端擾累。○又諭賽尚阿奏進攻賊巢。連獲勝仗一摺。永安逆匪。於上年十二月二十七。三十等日。疊次出巢窺伺。均經兵勇擊退。本年正月初一日。向榮親督鎮將攻城之西礮臺兵勇奮勇爭先。並將東礮臺之賊擊傷多名。初

二日向榮仍至西礮臺。用大礮對嶺轟擊。東礮臺之賊分股來撲。參將馬龍督兵追擊。立將賊匪擊敗。次日向榮督率鎮將先將東礮臺紅廟等處誘賊出巢。兵勇短兵衝殺。該匪竄回。乘勢追入。立奪小礮臺一處。烏蘭泰與開隆阿督帶兵壯攻西礮臺之南。並攻開賊寨。兵勇擁入。該匪被擡槍火彈擊斃甚多。許祥光張敬修於初二日擊退賊匪。遂於松山立營。築礮臺於能六嶺頂。又於獨守廟及古

眉峽口等處立三大營。十二日紅廟等處之賊冒雨撲我新營。亦經兵勇擊退。並據奏稱賊之礮臺望樓為風雷擊毀。兩處該逆等罪大惡極。神人共憤。現在勢益窮蹙。定可即日蕩平。該大臣等當激勵將士。乘勝圍剿。務使悉數殲除。勿留餘孽。○諭軍機大臣等。賽尚阿奏連次攻剿情形。並密陳一摺。逆匪竄踞永安州城。數月以來。負隅抗拒。該大臣移營永安城外。督兵進攻。晝夜籌維。不避艱險。披

閱之餘朕心甚為懸繫該匪詭譎異常現在大營去賊巢甚近布置號令安保其不潛窺密探務宜加倍慎重不可稍有疏虞向榮壘次攻賊均能身先士卒不負委任現既督率各路鎮將即著與該大臣面商機宜隨時贊助其提督印務仍著劉長清署理此時南北兩路責成烏蘭泰向榮督辦合力堵剿克城之日孰為首功朕必立加重賞若賊首潰圍出走查明由何路竄出朕亦必嚴治其罪現在逆匪北路之東西礮臺南路之莫村水竇皆與州城相為犄角該大臣趕製攻具係由何處攻入是否先攻城外之礮臺及莫村水竇等處去其羽翼抑或直抵城下攻其巢穴務當相機進剿出奇制勝諒賽尚阿必能籌畫萬全胸有成算也至嚴斷接濟尤為第一要著該匪困守一隅所需糧鹽火藥等項如果無人接濟何能日久支持現既屢有俘獲仍當嚴行斷絕使賊匪進退失據勢孤力竭

自不難一鼓成擒卿密摺內所陳各情具見忠悃至朕不能言喻亦不忍覽卿雖艱苦備嘗形瘦心疲斷不可過費精神有誤大事朕亦無言再諭矣至向榮頓改前非奮勇出眾朕心甚喜卿可傳旨嘉獎使伊倍知感奮烏蘭泰人尚持重南路喫緊責在一人斷不准再有疏虞賽尚阿身膺重任忠誠朕所素知亦斷不疑其坐擁遷延虛糜帑項軍餉一節甚關緊要現已飭戶部再為寬籌儲備矣該大臣其善體朕意努力蒞功以慰廑念將此由六百里諭知賽尚阿並諭烏蘭泰向榮知之○以追剿廣西新墟等處賊匪獲勝賞同知朱啟仁知州褚汝航等花翎從九品職銜謝有庸等藍翎餘升敘有差○以攻剿廣西大黎里及新墟等處賊匪出力賞巡檢浦錚等藍翎餘升敘有差○以廣西南北兩路疊次獲勝賞總兵官長壽參將史榮椿遊擊慶福成林都司蕭逢春王瑞均守備米興朝張

明祥王崑山向承恩戴文蘭等花翎守備張宗文等藍翎餘加銜升敘有差○予廣西陣亡參將李廷楷外委張開甲祭葬世職監生王謀定等賞卹如例

寶鑑卷五十二

十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之五十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之五十三

敕修

咸豐二年壬子二月壬午朔。

上詣

壽康宮問

皇貴太妃安。○諭內閣我朝景運延長。

列聖相承均於登極之初選建萬年吉地朕紹

登大寶。恪遵

成憲於上年特派載銓彭蘊章基溥前往

東陵相度並諭令陸應穀來京協同選擇茲據

該王大臣等先後奏稱現於

東西兩陵擇有吉壤數處仍宜詳加勘度以昭

慎重著派定郡王載銓大學士裕誠禮部尚書奕湘總管內務府大臣署刑部侍郎基溥工部侍郎彭蘊章會同江西巡撫署刑部侍郎陸應穀各帶諳習堪輿之人敬謹覆看繪圖呈覽以定福基用副朕續承

先緒垂裕後昆至意○兩江總督陸建瀛江南河道總督楊以增奏壩工過半挑工將次全完現仍加緊趕辦冀早合龍得旨慎重趕辦斷勿遲延○以詹事府詹事俞長贊充日講

起居注官翰林院侍講汪振基編修龍元僊署日講起居注官○癸未諭內閣顏以燠奏料垛被燒一摺河工料垛帑項攸關該管員弁自應嚴加防守近日南河有料垛被燒之案而東河蘭儀廳料垛竟至延燒六十餘垛之多據該河督查明尚無借端捏飾情弊該管同知羅鈞亨業經賠補全完其失火係在該員赴省期內姑從寬免其議處蘭陽汎千總諸葛元著摘去頂帶仍責令該員弁等會

同地方官嚴拏放火人犯務獲究辦以示懲儆○又諭陳慶偕奏審擬京控命案一摺此案山東鄆城縣捕役蕭德與縣民于克敬口角爭毆將于克敬踢傷身死膽敢棄屍井內串通仵作捏報傷痕若非提省審辦幾致正兇漏網冤獄莫伸前署鄆城縣知縣趙東曙既失察差役毆斃人命迨檢驗屍傷又不細心辨視致被仵作舞弊蒙混僅予議處不足示懲趙東曙著交部嚴加議處○甲申

上詣

壽康宮問

皇貴太妃安○遣官祭

文昌帝君廟○遣官祭

先醫之神○諭內閣前據步軍統領衙門奏已革湖南瀏陽縣縣丞王逢吉遣抱呈控御史與外官通信請託等情當降旨將給事中雷維翰解任交刑部查訊茲據該部奏稱訊取雷維翰供詞與王逢吉呈出原信情節尚

屬相符。惟雷鐸信函未經該給事中呈出。有無請託等弊。未得實據。王逢吉係雷維翰叅劾之員。其藉端訐告。是否虛捏。希圖反噬。非確切查訊。不足折服其心。著交湖北巡撫龔裕親提王逢吉全案人證卷宗。再行研訊。覈實定擬。並將湖南醴陵縣知縣雷鐸提案訊取確供具奏。並著湖廣總督程喬采查明雷維翰所寄書函有無請託。明白回奏。解任給事中雷維翰著暫交都察院飭令聽候傳訊。

尋奏雷維翰所寄信函並無請託。亦無雷鐸傳遞信函之事。王逢吉信任門丁婪贓舞弊等情。已由湖南撫臣駱秉章親訊確供。情真罪當。該革員以雷維翰係叅奏之人。虛捏反噬。情節顯然。報聞。○以

宣宗成皇帝梓宮奉安

山陵恭奉

神牌黃輿回京。免經過之宛平。良鄉。涿房。山。涿。水。易。六州縣地方本年額賦。○乙酉。諭內閣。

興業奏。回空漕船挂欠關稅。請飭催解一摺。上年回空各幫軍船。經過淮宿兩關。共未完正耗稅銀一萬六千三百九十兩零。著漕運總督並兩江。湖廣。江蘇。安徽。浙江。江西。湖北。湖南各督撫轉飭各該糧道。按照每幫欠稅銀數。先於道庫籌墊解交該關。仍勒限催追各幫。繳還道庫。以免懸宕。而重國課。○又諭德興。奕興奏。查辦蒙古王旗地酌議章程。開單呈覽。據稱奉天捕盜弁兵。責成該管廳

員認真考覈。該管府尹衙門。按年覈其獲犯多寡。以定功過。去留。其滋事首犯王柏齡。易發增。吳保泰等。所種地畝。撤歸該王旗另行招佃。不准扣還押荒銀兩。其餘從犯暫免撤地。以觀後效等語。均著照所議辦理。其歷任辦理不善之廳員。著奉天府府尹查明據實分別叅奏。仍嚴定考覈章程。奏明遵辦。以除積習。而收實效。○又諭奕興奏。請將支借帶兵需用銀兩。由養廉銀內分年扣還等語。此

次派兵查拏科爾沁旗抗租匪犯。借支盛京戶部銀六千五百一兩零。著准其作正開銷。毋庸在該將軍養廉內扣還。○引見各衙門保送京察一等人員。得旨。此次京察一等圈出人員。著各該堂官再行出具切實考語。交吏部帶領引見。圈出之滿洲蒙古中書筆帖式等官。著歸入理事同知通判內。遇有缺出。與舊記名人員一體帶領引見。漢軍漢人著交部以撫民同知通判等官分別選用。戶部

員外郎宗室靈杰。起居注主事文光。太常寺寺丞文光。侍衛處主事興福。步軍統領衙門主事瑞禧。上諭處委署主事舒璧。太常寺贊禮郎特克什。布覺羅景蘭。國子監助教清恩。鴻臚寺鳴贊裕通。慶存。欽天監博士陳希齡。俱著交部照例以應升之缺升用。所有內閣侍讀麟泰等二百六十二員。俱著准其一等加一級。○
上以祭

社稷壇。自是日始齋戒三日。○丙戌。諭內閣朕於本月二十日啟鑾後。著派順承郡王春山。大學士卓秉恬。尚書禧恩。吉倫泰。都統祿普。留京辦事。○以候補總兵官長壽為甘肅涼州鎮總兵官。○丁亥。祭

先師孔子。遣協辦大學士杜受田行禮。○諭內閣自本月二十四日起。至三月初一日止。所有御營隨從之王公大臣官員等。俱著穿青長袍褂。冠綴纓緯。○又諭此次京察引見

年至六十五歲以上之宗人府副理事官宗室瑞本。戶部筆帖式哲春。兵部郎中覺羅慶長。刑部筆帖式麟書。工部郎中奎齡。工部筆帖式盧銘璋。理藩院司務伊昌阿。太常寺博士繩格。欽天監五官正忠福。崇文門宣課司副使胡嗣超。均著以原品休致。餘著照舊供職。○山東巡撫陳慶偕因病解任。調河南巡撫李德為山東巡撫。未到任前。以布政使劉源灝暫署。以廣東布政使柏貴為河南巡撫。

雲南按察使崇綸為廣東布政使。安徽甯池太廣道張印塘為雲南按察使。○戊子。祭

大社。

大稷。

上親詣行禮。○

孝淑睿皇后忌辰遣官祭

昌陵。○詣

壽康宮問

皇貴太妃安。○以勦捕福建臺灣洋盜出力。予

同知孔昭慈等加銜升敘有差。○己丑。遣官祭

關帝廟。○諭內閣兆那蘇圖奏參革知縣具

稟訴辯請旨交審一摺。山西已革太原縣知

縣王傳於被參革職後。輒赴該撫衙門稟計

該管上司揭參不公。經該藩司傳訊各情。全

無憑據。供詞仍復狡展。兇員訐告上司。此風

斷不可長。若仍令該上司覆訊。轉得藉口逞

刁。希圖挖累。著王慶雲聯英於查辦鹽務回

省時將該革員就近提訊。務得確情。按律定

擬具奏。○河南南陽鎮總兵官圖塔布因病

解任。調四川北鎮總兵官伊薩布為河南

南陽鎮總兵官。○庚寅。諭內閣三月初七日。

恭奉

宣宗成皇帝升祔

奉先殿前殿禮成後。著惠親王綿愉恭請

宣宗成皇帝神牌。恭親王奕訢恭請

孝穆成皇后神牌。惇郡王奕誼恭請

孝慎成皇后神牌。成郡王載銳恭請

孝全成皇后神牌。奉安

奉先殿後殿東室。○命兵部右侍郎春佑三等

侍衛麟興二等侍衛西拉布恭詣

西陵查看紅樁。○辛卯。

上詣

壽康宮問

皇貴太妃安。○遣官祭

歷代帝王廟。○陝甘總督舒興阿奏署漢中

鎮總兵官祥瑞未能潔己率屬不洽兵情現調省察看另派員接署得旨查明有何項劣蹟即行據實奏參又奏甘肅省防緝番匪情形批辦理尚為妥速此等番案宜嚴斷不宜寬○修築浙江西防廳坍卸石塘從巡撫常大瀉請也○壬辰

孝康章皇后忌辰遣官祭

孝陵○

上詣

壽康宮問

皇貴太妃安○引見內務府三院等處京察保送一等人員得旨此次內務府三院等處京察一等圈出人員著各該堂官再行出具切實考語帶領引見圈出之堂主事廣恩內管領嵩璜掌儀司贊禮郎文泰堂筆帖式承裕祿安恆俊世祥常榮福長會計司筆帖式福祿掌儀司筆帖式廣智管理三旗銀兩莊頭處筆帖式廷瑞掌關防管理內管領事務處

筆帖式保慶上駟院筆帖式海斌武備院六品虛銜委署庫掌常德武備院筆帖式廣裕松林圓明園主事世榮圓明園六品庫掌貴寶靜宜園六品苑丞寶純俱著交吏部記名照例選用所有一等官員筆帖式達他等員俱著准其一等加一級至年已逾歲之御藥房主事吉瑞堂筆帖式明福慎刑司筆帖式志恆圓明園八品苑副倭克金年力就衰均著以原品休致○以戶部左侍郎德興署兼管錢法堂事務○癸巳

上詣

壽康宮問

皇貴太妃安○

孝德皇后殯宮月祭遣官行禮○遣官祭黑龍潭

昭靈沛澤龍王之神玉泉山

惠濟慈佑靈瀨龍王之神昆明湖

安佑普濟沛澤廣生龍王之神密雲縣白龍

潭

昭靈廣濟普澤龍王之神○遣官祭圓明園惠濟祠

河神廟○諭內閣陸建瀛楊文定奏籌補災缺兵糧循案碾動倉穀並改放折色一摺著照所請所有上年江淮各屬災缺咸豐二年省倉旗營綠營暨漕河等標營兵糧共一萬六千四百餘石內漕河各標營本年應需兵米六千四百餘石除將江都等縣徵存米一

千一百餘石儘數抵撥外其不敷米五千二百石准其動碾鹽城等州縣常平倉穀抵補其災缺省倉兵匠等米一萬石著仍照上年成案並按照市價酌減改放折色旗營每石折給銀一兩四錢綠營每石折給銀一兩於司庫正項內動支給發事竣造冊報銷○諭軍機大臣等有人奏安徽鳳陽潁亳等屬民情强悍常掖刀游蕩名為曳刀手壽州漢回尤多不睦私造刀槍擡槍每因口角細故各

糾集匪徒數百人約期互毆以致匪徒乘機搶掠等語漢回尋釁互鬪最為閭閻之害該地方官若不隨時懲戒必致釀成巨患雲南永昌之案可為前鑒著陸建瀛蔣文慶嚴飭各屬於所轄地方力行保甲剴切曉諭並嚴禁私造兵器以期弭患未萌儻頑梗不化報復相尋立即查拏按律懲辦毋稍姑息原摺著鈔給閱看將此各諭令知之○復引見京察一等圈出人員得旨宗室存誠著交軍機

處記名遇有應升缺出題奏其餘各員除龍元僊孫晉墀金鶴清陳宗元杜學禮徐資乾覺羅奎齡桂清李維醇祿勳和色布麒慶恩錫慧誠梁同新全善無庸記名外麟泰清盛許誦恆蔡宗茂蔣元溥王履謙張行重袁泳錫劉書年崇恩熙麟世焜紹德恩保董醇錫祉齡椿英毓保成劉重昭孔繁洙明鑄恩齡多山吳廷棟李清鳳文發多瑞奎文明昆賽沙布福昌周炳鑑厲恩官俱著交軍機處記

名以道府用。烏勒洪額著記名以關差道府用。○命協辦大學士直隸總督訥爾精額在紫禁城騎馬。○修福建臺灣廠協標中右營戰船。從巡撫王懿德請也。○甲午遣官祭昭忠祠。○諭內閣昨據恆春奏刑部擬補題缺主事與侍郎書元意見不同。當降旨交書元明白回奏。茲據奏稱刑部主事題缺專將一等筆帖式題升。而以候補人員專補選缺。與各部院衙門揀補章程不符等語。刑部題補主事該尚書侍郎各執己見。究應如何辦理。以昭公允。著派載銓會同吏部查覈例案。據實具奏。至刑部向來擬補章程。並現出主事一缺。該堂官等意見與恆春書元孰同孰異。著周祖培呂賢基陸應穀各自具摺陳奏。尋刑部尚書周祖培等奏主事題缺應將一等筆帖式題升。均與恆春意見相同。命定郡王載銓會同吏部查奏。尋議以書元固執己見。越次攙補。恆春未能執中果斷。均屬不合。得

旨。書元恆春著交部分別議處。○諭軍機大臣等廣東凌十八股匪自困守羅鏡墟以後。經該督徐廣縉督兵圍剿。將全隊奔逃之吳三等匪斬擒殆盡。該督於十二月初十日進駐信宜縣城。就近督兵攻圍。並嚴斷接濟。自不難剋日殲除。惟自正月十八日接該督奏報後。又將一月未得續報。朕心甚為焦盼。此股匪首凌十八係著名會匪。與洪秀泉等同惡相濟。現在賽尚阿親抵永安城外。督兵環攻。逆匪勢日窮蹙。若凌十八一股刻即剿除。該督乘勝前赴永安。合力圍攻。更易得手。且可堵截逆匪逃竄之路。著徐廣縉嚴飭帶兵員弁將凌十八股匪迅速殲滅。毋任窮寇苟延。一有捷音。該督即行馳奏。並督帶官弁兵勇與賽尚阿會合。迅奏膚功。以慰廑念。將此由四百里諭令知之。○復引見內務府三院等處京察一等圍出人員。得旨。各員內除文勳廣恩銘海景紱毓清明秀寶齡積慶誠明。

毋庸記名外明善興保文態恆祺文謙明新
福瑞義泰師曾恆起俱著交軍機處記名○
鑾儀衛鑾儀使蔣柏齡因病解任以甘肅甯
夏鎮總兵官武慶為鑾儀衛鑾儀使福建長
福營叅將全慶為甘肅甯夏鎮總兵官○乙
未以戶部尚書禧恩請假改派都察院左都
御史花沙納留京辦事並署步軍統領○丙
申清明節

上詣

奉先殿
壽皇殿行禮○遣官祭
永陵
福陵
昭陵
昭西陵
孝陵
孝東陵
景陵

泰陵
泰東陵
裕陵
昌陵○遣官祭
孝和睿皇后暫安寢殿○遣官祭
宣宗成皇帝暫安寢殿○遣官祭
孝穆成皇后
孝慎成皇后
孝全成皇后陵寢○遣官祭

孝德皇后殯宮○遣官祭
端慧皇太子園寢○御乾清門聽政○諭內
閣德春奏遵查樹株情形開單呈覽一摺
慕陵
寶山上一帶東西砂山及
龍鳳門至元寶山等處查有回乾樹一百十三
株著德春於今歲冬間敬謹補種至枝葉未
能暢茂各樹株務即督率各員勤加澆灌以
期一律蕃滋其有乾枯情形者一併妥為培

養並著於秋冬之際再行詳細查看據實奏聞○漕運總督楊殿邦奏新漕首進過淮日期並運河水勢枯涸情形得旨實力辦理不准推諉汝與河臣必須事事和衷毋得稍分彼此又奏催漕出力員弁請擇尤酌保批著照所請行必須尤為出力者酌保數員毋許冒濫○以光祿寺卿勝保詹事府少詹事朱蘭為內閣學士兼禮部侍郎銜

大清文宗協天翊運執中垂謨懋德振武聖孝淵恭端仁寬敏顯皇帝實錄卷之五十三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之五十四

大清宣宗成皇帝奉安
神牌黃輿回京所有經行道路宜較常時倍加整肅著傳諭派出之管道大臣督率官兵等嚴行稽查概不准隨扈執事員役車馬踐踏如有疏縱或經人參奏或由朕查知惟管道大臣是問並著訥爾經額飭知沿途地方官敬謹看守一體管束並勤加修治以昭嚴肅

咸豐二年壬子二月丁酉諭內閣三月初二

日

皇考宣宗成皇帝奉安
慕陵禮成後奉

敬謹看守一體管束並勤加修治以昭嚴肅

○河東河道總督顏以燠奏運河北路挑工
剋期可竣並周查各廳工料豫籌修守得旨
挑撈運河之時妥慎趕辦以無礙重運為要
○工部右侍郎奕毓因病請解任允之命仍
為

實錄館國史館副總裁官並賞給二品半俸
調工部左侍郎錫齡為右侍郎兼管錢法堂
事務以鑲紅旗滿洲副都統哈芬為工部左
侍郎○戊戌

實錄卷五四

上詣

壽康宮問

皇貴太妃安○諭內閣和色本等奏清理蹕路
一摺鑒輿經行道路理宜整肅此次豫備恭
奉

神牌黃輿回京尤宜加意慎重昨已有旨令管
道大臣及直隸總督嚴飭稽查著訥爾經額
即查明分段弁兵員名人數咨交管道大臣
俾督率可期得力該督仍飭地方官一體實

力巡查不准車馬踐踏以昭嚴肅○兩江總
督陸建瀛奏前督臣陶澍於淮北極疲之時
議改票鹽一切規模數年而後定現聞淮南
議論紛紛意欲更改章程業經出示查禁俾
人心不致搖惑得旨慎勿為浮言所惑著傳
諭劉良駒斷斷不准將就若稍有搖惑則前
功盡棄矣○以國子監祭酒穆蔭為光祿寺
卿○賞江西等省辛亥科鄉試年老諸生徐
金章等五十五人舉人副榜有差○己亥祭

實錄卷五四

三

先農之神遣莊親王奕仁行禮○諭內閣賽
尚阿奏南甕兵勇攻破那勤賊巢殲擒多名
一摺粵匪顏品瑤餘黨在靈山縣新鋪那勤
地方分踞日久經兩省兵勇疊次圍攻連獲
勝仗藩司勞崇光與左江鎮惠慶定計先攻
那勤賊巢密遣土人偽為接濟柴米溷入賊
營乘機反間並分派兵勇知會廣東提督陶
煜文高廉道沈棟輝定期分路進攻直逼賊
巢該匪不料我軍冒雨突至未及點礮即開

柵出拒。我兵先於山路潛伏柵後。見匪出巢。即從半山衝下。施放火具。立將柵木燒斷。延及該匪收藏火藥房屋。乘勢掩殺。斃賊甚眾。其新鋪救應之賊匪。亦經東省兵勇先期設伏。迎頭堵截。擊敗回巢。不敢出援。此股匪徒。負險拒守。甚屬狡悍。勞崇光惠慶及參將德亮等。設計用間。於除夜冒雨焚毀賊巢。殲擒殆盡。謀勇兼施。實堪嘉尚。著即督飭在事文武。會合兩省兵勇。乘銳前進。將新鋪賊巢一

實錄卷十四

四

律蕩平。並將帶傷逃竄之首匪蘇凝三。嚴拏務獲。毋任遠颺。把總張鴻才。疊次裏創力戰。奮不顧身。勇敢異常。著即以千總升用。此外出力官紳員弁兵勇。查明據實保奏。候朕施恩。○又諭。賽尚阿奏。連次轟擊賊巢。進兵獲勝。情形一摺。據稱南北各路圍攻永安逆匪。節次進逼。該匪堅拒不出。正月二十八日以後。官兵連用大礮四面轟擊。城內外賊屋擊塌無數。並遣勇壯誘賊出巢。節次殺斃多名。

其往來羅賈水竇之賊。均被兵勇堵截抄殺。現在仍用礮連環轟打。並斷其糧汲路徑等語。逆匪抗拒日久。兇狡異常。自該大臣親抵永安城外。督飭大兵占據山嶺。合力環攻。匪勢日就窮蹙。著即趕造攻具。督率將士。迅掃妖氛。勿任竄逸滋蔓。○又諭。賽尚阿奏。遵查降補都司不知愧奮。請旨革職等語。趙如勝前於擢升四川北鎮總兵後。因徐廣縉等奏請留粵防剿。託故遷延。降旨以都司降補。

實錄卷十四

五

發往廣西軍營差委。該員苟有天良。應如何感激圖報。以贖前愆。乃自派往南太之後。仍復不知愧奮。於賊竄靈山時。經惠慶等派帶兵勇赴崎嶇會剿。輒以兵單為詞。多方藉口。實屬畏葸無能。有心巧飾。僅予革職。不足蔽辜。趙如勝著革職。發往軍臺效力贖罪。以示懲儆。○諭。軍機大臣等。本日據賽尚阿奏。擊賊獲勝。並連日陰雨情形一摺。此股賊匪負隅日久。雖官軍屢次戰勝。而其兇狡之狀。百

出不窮。恃逆多端。實堪髮指。細察各路。勤辦情形。自正月二十四日。至二月初二日。將士辛勤。人人用命。該大臣盡心竭力。備極憂勞。朕懷時深。塵念該匪醜類眾多。屢經官兵戮。勢已窮蹙。且困守孤城。果能斷其米鹽。火藥接濟。及釁汲路徑。釜底游魂。豈能持久。現在南北兩路圍攻。逼近城垣。務須嚴飭在事文武。勦力同心。滅此朝食。其著名首逆。尤當悉數殲擒。萬勿稍有疏虞。致令免脫。所望晴

實錄卷五十四

六

霽連旬

上蒼默佑。攻戰得力。迅奏蕩平。該大臣諒亦知朕寢饋之不安矣。徐廣縉現駐信宜。前已諭令該督將凌十八股匪迅速殲除。後即督帶官弁兵勇乘勝馳赴永安。與該大臣合力圍攻。庶兵力更厚。且可截擊逆匪逃竄之路。所有應用軍餉。前飭戶部寬為儲備。并著咨催各省。將未經起解之款。速行解粵。不知廣東勸捐兵餉。成數若干。著即飛咨徐廣縉葉名

琛。有可撥解應急之款。先行儘數解赴粵西軍營。較部解及各省批解。更為捷近。另單所奏。思恩。泗城。鬱林。新甯。天保。遷江。貴縣。各府州縣屬。奇零餘匪。或漏網殘生。或倉猝嘯聚。各該地方員弁。隨時勦滅。尚多脫逃之犯。聞閭未能安靜。仍著督飭藩司。勞崇光率屬妥辦。現在靈山縣。那勤地方賊巢。業經焚毀。斬擒殆盡。若再將新鋪地方股匪殲除。則南太一帶。不難次第肅清。專盼永安捷音。早晚入

實錄卷五十四

七

告也。所有出力之文武各員。弁兵勇。著該大臣詳查據實保奏。其陣亡兵勇。著分別咨部議卹。將此由六百里諭令知之。○又諭。有人奏。河南許州知州金梁。暨候補知縣沈姓。奉委查辦南陽府屬各案件。逐處勒索差費。派銀二百兩。至五百兩不等。其銀兩現存南陽縣庫中。裕州知州姚慶溥。未給差費。金梁等挾恨誣陷。以唐縣為南陽所轄。青臺鎮擒匪滋擾。將姚慶溥職名填入。為陷害之計。又省

城發審局委員卽仲連任孟縣時因錢糧加價釀變撤任任尉氏縣時復因錢糧加重被控撤任現在發審局藉案嚇詐等語委員索費陷誣劣吏挾權盤踞若不嚴行懲辦何以肅吏治而儆官邪著李德嚴飭確查所稱青臺鎮地面是否與裕州毗連南陽縣庫有無勒派銀兩卽仲連有無招搖實據其前兩任內撤任案據著一併查明據實奏毋稍徇隱原摺著鈔給閱看將此諭令知之○馬蘭

實錄卷五

八

鎮總兵官慶錫奏循案擬請伐除

東陵海地樹株得旨著照所奏敬謹辦理○兩

江總督陸建瀛江南河道總督楊以增奏啟放引河溜勢十分暢順現在趕鑲門占一俟盤壓堅固即可相機合龍得旨仰賴

天神佑助益增感畏忻慰覽焉○欽差大臣大學士賽尚阿奏連次轟擊賊巢進兵獲勝並連日陰雨情形得旨雖連次獲勝而該逆仍負隅不出覽奏曷勝憤悶卿奉命出師將及

一載朕不得不屢次嚴催卿斷不可過為焦急致傷身體朕之苦心諒卿亦必知之○以浙江杭州協副將尚安泰為甘肅甯夏鎮總兵官○以攻奪廣西古眉峽賊營賞都司銜武舉張騰驤等花翎把總李登朝等藍翎餘升敘有差○予廣西永安陣亡把總丁占元外委藍道昌祭葬世職○賞給內務府馬蘭峪官房四十餘間為辦事公所○庚子諭內閣徐廣縉葉名琛奏圍勒羅鏡逆匪連獲勝

實錄卷五

九

仗情形一摺逆匪凌十八一股自竄踞羅鏡墟以來負隅拒守該督徐廣縉於上年十二月進駐信宜督飭挑濠築牆以防逃竄該匪疊次衝突俱被我兵奮勇抄截擒斬多名無一走脫現在賊勢坐困訊據獲犯供稱自挑濠築圍以後接濟全斷墟中鹽糧將盡計可一鼓勦除著即嚴飭在事文武督率兵勇迅速進攻務將此股逆匪聚而殲旃毋任餘黨竄逸另摺奏廉州會勦匪徒攻破那勤賊巢

等語。昨已據賽尚阿奏到。此次兩省官兵用計設伏。將那勤賊匪殲擒殆盡。均堪嘉尚。著徐廣縉仍飭兩省帶兵文武乘勝會合。將新鋪賊巢一併掃蕩。勿留餘孽。○諭軍機大臣等。本日據徐廣縉等奏請撥粵海關稅以濟廣東軍餉一摺。據稱接奉部行接濟團練章程。業經出示曉諭。一俟捐有成數。即行儘解。廣西惟自上年十月停止捐輸以後。一切經費計無所出。是該省自行動用之款。已形支絀。而接濟西省之項。亦關緊要。著該督等再行籌畫。如現在停止捐輸。於軍餉急需。實有窒礙。即著查照該督等原議捐輸章程。一面迅速奏聞。一面妥為辦理。總期有裨實用。無誤事機。於兩省軍需得以源源接濟。諒該督等亦深知近來撥解惟艱。必能通盤籌畫。辦理妥善也。將此由四百里諭令知之。○盛京將軍奕興等奏請將被控協領榮琪革職。提究得旨。榮琪著革職。交奕興嚴行審訊。從重

實錄卷五四

十

定擬。以吏部左侍郎邵燦兼署工部右侍郎兼管錢法堂事務。辛丑。

上奉

皇貴太妃啟鑒。恭謁

西陵。○至盧溝橋詣

龍神廟拈香。○詣

皇貴太妃行宮問安。至還宮皆如之。○是官祭

賢良祠。○以

宣宗成皇帝梓宮奉安

實錄卷五四

十一

山陵恭奉

神牌黃輿回京。賞經過地方平毀麥田。籽種銀

○是日駐蹕黃新莊行宮。○壬寅。諭內閣奕

山所進菊花青馬。朕乘騎甚好。著賞給松華

駿名號。並著加恩賞給奕山八絲大緞二疋。

○頒浙江甯波府殉節兩江總督裕謙專祠

御書扁額。白忠蓋承家。○加給浙江省減歇幫

丁米石。○撫恤朝鮮國遭風難夷如例。○是

日駐蹕半壁店行宮。○癸卯。諭內閣張祥河

奏紳民請建原任巡撫專祠一摺。林則徐前在陝西巡撫任內居官慈惠率屬廉明其籌辦撫賑培植學校嚴懲奸宄諸政蹟均於地方有裨。現據該撫奏稱該省西安同州鳳翔等屬紳民公懇建立專祠著准其擇地捐建以表臣績而順民情。○是日駐蹕秋瀾行宮。○甲辰。

上詣

永福寺拈香。○諭內閣載垣等奏本日自行

實錄卷五十四

十一

宮以至沿途在後隨從人等均在

神牌御道路上行走將未經管轄之侍衛章京

等參奏等語。左翼後扈侍衛奕寶蘇克通阿

端倫博啟特克什赫經文祥英惠鑑恒齡鄂

肅帶領後扈章京惠增均著罰俸六箇月。嗣

後如有在

御路上似此以車馬踐踏者著該管侍衛章京

等嚴拏懲辦。○諭軍機大臣等劉源灝奏籌

辦海防情形一摺。本年海運山東省水師將

弁不敷巡防自係實在情形惟請飭江蘇遴

派武職大員北來防衛一節業據陸建瀛等

奏定章程並分咨山東直隸等省沿途接護

又據稱飭令江蘇在籍員外郎王承基安徽

候補知縣沈譽來等雇募水勇分為頭尾兩

幫督押糧米起運是江蘇已有勇船防護不

致漫無約束況米船現經陸續開洋若此時

始令派委大員轉恐遷延時日緩不濟急該

署撫仍照現定章程妥為辦理毋庸再議更

實錄卷五十四

十一

張至登州鎮總兵武迎吉計日即可到任該

省水師情形應如何整頓之處即著與該鎮

隨時會商籌辦實力操防毋得稍存諉卸致

有疏虞也將此諭令知之。○賞請輜之鑾儀

衛校尉銀。○賞蹕路經過看守各行宮弁兵

半月錢糧。○展賑山東濟甯嘉祥金鄉魚臺

滕嶧六州縣並臨清濟甯兩衛被水災民一

月口糧。是日駐蹕梁格莊行宮。○乙巳

上恭謁

泰陵。	泰東陵。	昌陵俱未至碑亭。即降輿慟哭。步入隆恩門。詣	寶城前。行禮。躬奠哀慟。王以下文武大臣均隨行禮。○詣西朝房更衣。幄次御素服。冠摘纓緯。詣	昌陵饗殿。	孝和睿皇后梓宮前。行饗奠禮畢。詣西朝房更衣。幄次御編素。恭謁	墓陵。未至碑亭。即降輿慟哭。步至隆恩殿。	宣宗成皇帝梓宮前。行饗奠禮。哭踊無算。哀動左右。至燎所奠酒畢。詣東朝房更衣。幄次御素服。詣	孝穆成皇后	孝慎成皇后	孝全成皇后寶城前。行禮畢。閱視
-----	------	-----------------------	--	-------	--------------------------------	----------------------	---	-------	-------	-----------------

寶城。○諭內閣王慶雲。聯英奏。遵旨查明山西清查情形。並參員追款一摺。山西清查章程。既經兩次釐定。由部議准。一切應追應解各款。著即由該撫分別報部查覈。其彌補舊虧有酌提優缺羨餘一節。恐啟那新掩舊之弊。嗣後州縣交代。該撫務當嚴飭該司。截清款項。禁止通融。斷不准以前任無著之款。累及後任。儻該管上司。抑勒接受。及虛出通關。希圖掩飾。即著一併參處。○又諭。前因已革山西太原縣知縣王倬。稟計上司。揭參不公等情。當降旨交王慶雲。聯英查辦。茲據該侍郎等奏稱。訊明該革員。於地方連劫盜案。規避捏報。被參後。輒指為道府授意知情。臬司挾嫌洩忿。各情全係虛誣。居心實屬險詐。王倬著從重發往軍臺效力贖罪。應追清查案内未完銀兩。著該撫照例辦理。○是日駐蹕妃園寢前御營。至辛亥皆如之。○丙午	上詣
--	----

慕陵。未至碑亭。即降輿。慟哭。步至隆恩殿。

宣宗成皇帝梓宮前。行朝奠禮。自是日至庚戌。皆如之。○詣

昌西陵。閱視工程。並閱視

慕陵後山。○諭內閣。訥爾經額奏。拏獲形跡可疑人犯。請旨審辦等語。回民楊逢年。於夜間

在秋瀾行宮前空地坐歇。被官兵盤獲。著交

行在刑部審明辦理。藍翎侍衛何瀛。著聽候

實錄卷五十四

十六

傳質。其看守圍鑊。疏於防範之官兵。著俟定

案時查明覈辦。尋刑部奏。訊明楊逢年。因與

何瀛認識。乘夜往覓借錢。擅入鑊城。按律擬

杖六十。徒一年。從之。○命莊親王奕仁。在御

前行走。○賞已革刑部左侍郎寶清三等侍

衛。為駐藏幫辦大臣。○豁免湖廣荊州。荊左。

荆右。沔陽。岳州。五衛。並湖南華容。臨湘。益陽。

澧。巴陵。湘陰。六州縣。道光二十九年以前積

欠錢漕。並各項銀米。○丁未。

孝昭仁皇后忌辰。遣官祭

景陵。○戊申。

上至梁格莊行宮停蹕。閱視魏家溝山勢。○已

酉。以

宣宗成皇帝梓宮奉安

山陵。前期三日。遣官告祭

天

地

太廟

實錄卷五十四

十七

社稷。○諭內閣。賽尚阿奏。進攻永安逆匪。屢獲

勝仗一摺。並片奏南太一帶賊匪肅清等語。

二月初七初十十三等日。我兵南北兩路進

攻賊巢。斃匪甚多。惟因連旬暴雨。未即大舉

深入。該大臣仍當激勵將士。相機進剿。殄此

醜類。無稍疏縱。至新鋪賊巢。經兵勇攻破。首

匪顏三。臨陣斬獲。其甯明州。及龍州一帶巨

匪黃東太。翟二。並偽軍師陳樹禮。均各就擒。

南太一帶業已肅清。廣西藩司勞崇光。自赴

南太以來。與東西兩省文武會督勦賊。調度有方。將匪黨悉數埽除。洵堪嘉尚。勞崇光著賞給頭品頂帶。以示獎勵。所有出力之文武員弁兵勇人等。著該大臣查明保奏。候朕施恩。該省現有波山艇匪。在梧州一帶滋擾。即著勞崇光。乘勝帶兵馳赴該處。督率地方文武。迅速翦除。勿令勾結延蔓。仍嚴防永安賊匪逃竄之路。與大軍聲勢聯絡。定當即日奏功也。○諭軍機大臣等。賽尚阿奏連日進攻。

實錄卷五四

六

並雨水過多情形。又據賽尚阿。鄒鳴鶴奏。追捕波山賊船各一摺。永安城外南北兩路。經烏蘭泰。向榮連日進攻。雖屢有斬擒。皆因雨水過多。攻具難施。以致未能攻入。朕心實深焦灼。逆匪困守孤城。勢已窮蹙。我兵攻具現既陸續齊備。即當密飭帶兵大員。相機攻勦。破其礮臺。與莫村水竇犄角之勢。斷其鹽米火藥接濟之路。並分派將弁。各路埋伏接應。俾賊首尾不能兼顧。庶可一鼓殄滅。據稱日

日攻擾。使賊不能竄逸。固宜如此辦理。惟我兵槍礮徒費鉛藥。而鉛子轉為賊所取資。且負嵎死守。牆濠外蔽。賊匪內藏。出入自由。互相援救。似此堅持坐耗。何日是破城之時。用兵之道。計謀為先。總當相度地勢。出奇制勝。若既不能設法用閒。復不能嚴斷接濟。一味奮勇冒險前進。徒勞無益。殊為可惜。該大臣讀朕批示。當與烏蘭泰。向榮。熟籌破賊善策也。至波山賊船。滋擾近江各郡邑。已歷數月。

實錄卷五四

七

現已諭令勞崇光。速赴梧。藤督辦。該匪船至藤縣城下。屢次攻撲。並有欲到梧州攻奪府城及永安逆匪約會之說。不可不迅速翦除。該大臣現已分飭弁兵。兼程前往。並飛咨東省。快蟹巡船。攔頭截擊。即著督飭藩司。勞崇光。嚴飭在事文武。合力堵剿。勿令勾結蔓延。張釗等既有反覆情形。即當不動聲色。妥為駕馭。仍著勞崇光。隨時察看。斷不可受其欺蒙。致貽後患。尤不可寡斷生疑。使得肆志。此

事辦理稍柔。關繫匪輕。仍應慎密為之。其那
勤匪首蘇凝三。是否業經殲斃。抑係脫逃。仍
著查明具奏。將此由六百里諭知賽尚阿。並
諭令鄒鳴鶴知之。○庚戌。兩江總督陸建瀛
等奏。豐工引河放後。猝遇風暴。大壩門占壅
動。現仍竭力趕辦。合龍得旨。卿等竭盡心力。
妥慎趕辦。朕虔祈

天佑。以待佳音。○閩浙總督李芝昌奏。水師副
將遵保林建猷。葉萬清二員。此外別無可保。

實錄卷五十四

五

得旨。閩浙兩省水師參將遊擊內。如有熟悉
洋面。才能出眾者。據實奏聞。不准冒濫。○以
福建閩安協副將林建猷。為福甯鎮總兵官。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之五十四

實錄卷五十四

五

潘鐸亦無迴護清查等情劉文麟到案即將各情逐一供明尚無不合著送部引見前任沈邱縣降調知縣嚴圻父交虧缺銀尚有一萬三千餘兩之多著即革職嚴追償逾限不完即行從嚴叅辦又諭鄒鳴鶴奏叅勒堵不力之文武各員一摺廣西梧州府一帶河面近有波山艇匪竄入滋擾經該撫等檄飭文武各員實力堵捕該員等遷延時日未能將賊匪速行撲滅實屬勒堵不力梧州府知

府湯俊署梧州協副將廣東廣州協副將伊什扎木蘇均著先行革職留任勒限上緊勒捕儘再玩延即著從嚴叅辦候補同知徐增帶勇會剿任意稽遲所稱因火藥失水曬晾耽延是否託辭飾混必應確切根究徐增著暫行摘去頂帶仍撤回省城交該撫審明辦理○又諭吳文銘奏叅卑鄙乖張之都司請革職查辦一摺雲南署他郎營遊擊候補都司常興曠誤職守嗜酒無檢著先行革職並

交該督查明該員如有侵蝕公項及包修工程肥己情事即行嚴叅懲辦雲貴總督吳文銘奏校閱省標官兵情形得旨烏槍雖致遠稍遜擡槍然輕便適用實有過之可使勤加練習毋得荒廢貴州巡撫蔣肅遠奏報到任日期得旨汝須振作有為朕拭目待之有應奏者緩緩奏來壬子

上詣

慕陵未至碑亭即降輿慟哭步至

蘆殿奠酒跪拊

梓宮呼號哀慟丑刻恭奉

龍輜車引綿入

寶城永遠奉安於

寶牀

上慟哭攀戀叩顙擗踊逾時始出復於

地宮外奠酒行禮瞻依痛切退至幄次涕泣不

已禮臣奏題

主屆時

上更衣服詣

隆恩殿向上立大學士裕誠祁寯藻恭題

神主奉安

寶座

上就位行虞祭禮鑒儀衛官設

黃輿於丹陛

上詣

寶座前行禮恭捧

神牌奉安

黃輿內步隨至碑亭南跪送

黃輿啟行

上瞻戀

慕陵不忍遽離王大臣環跪固請

上始乘輿由間道至梁格莊詣宿次恭候

神牌黃輿至奉安行禮自是每日黎明

上詣

黃幄行禮跪送

黃輿啟行由間道至宿次復詣

黃幄行禮至還宮皆如之命莊親王奕仁鎮

國公有鳳輔國公恆明協辦大學士杜受田

禮部尚書奕湘刑部尚書恆春都察院左都

御史朱鳳標兵部右侍郎杜翻工部左侍郎

呂賢基散秩大臣繼善恩醇乾清門侍衛載

驚恭奉

宣宗成皇帝神牌黃輿回京以大葬禮成遣

官告祭

泰陵

泰東陵

昌陵

孝和睿皇后暫安寢殿並

慕陵

后土

永宣山之神○諭內閣我朝

列聖相承

山陵禮成恭建

聖德神功碑用垂不朽我

皇考宣宗成皇帝臨御天下三十年

深仁厚澤懣載彌綸

時救幾康

躬行節儉舉凡制治保邦之要悉本憂勤惕厲

之心洵足媲美

前徽昭茲來許乃

聖懷謙抑

遺訓諄諄不得建立豐碑頌揚功德泣讀

慈諭曷敢有違伏念我

皇考功德之盛天下臣民共聞共見况

實錄

聖訓炳若日星朕即竭慮闡揚詎能仰贊萬一

茲當

慕陵奉安大禮告成祇承

先志不敢建立

聖德神功碑謹述感

恩哀戀之忱含淚濡毫撰成

慕陵碑文一篇用誌孺慕並當敬謹書寫即鐫

於

隆恩門外碑石以垂永久我

皇考在天之靈定邀

默鑒也碑文曰

皇考宣宗成皇帝御極之初首戒聲色貨利垂

訓諄諄臨蒞日久

聖衷彌篤驕奢永戒而心虞或放勤儉時操猶

力恐未堅迨辛卯歲重卜龍泉吉壤一切規

模悉從儉約並

聖製詩章以垂法守崇儉德訓後世可謂至且

盡矣我

皇考孝思不匱謂斯地不獨龍脉蜿蜒且咫尺

昌陵得遂依依膝下之素志歲在戊申春三月

上恭謁

諸陵至龍泉峪大殿

召子臣同恭親王奕訢至

御座傍

命讀

硃諭藏於殿內東楹蓋

聖意深遠默定

陵名現已恭鐫在石碑坊南北面遵

遺訓也己酉冬遇

皇祖妣孝和睿皇后大故

皇考哀毀異常雖

聖躬違豫已久猶必盡禮盡哀恪遵

成憲奉安

梓宮於綺春園迎暉殿至正月十一日猶

躬親叩奠至十四日卯刻

召_{子臣}至寢宮並

召宗令御前大臣軍機大臣內務府大臣等同

至寢宮手宣

硃諭立_{子臣}為皇太子命王大臣等同心贊輔

總以國計民生為重無恤其他並

賜御用冠服朝珠親為加諸頂項聞

命之下感悚交集雖自陳愚昧辭卻再三而

聖意彌堅以_{子臣}年幼才疏身承未有之

恩思何以仰報

付畀之重修身寡過以慰

聖懷懼滋甚焉方冀日承

庭訓長侍

慈顏孰意降

旨甫經半日積氣上壅於是日午時

龍馭上賓_{子臣}攀號莫及猝遇鞠凶嗚呼痛哉

因與顧命諸臣公啟密緘始知

皇考於道光二十六年六月十六日密將_{子臣}

名書置祕函豫立儲位大寶艱哉

深思莫報並書皇六子奕訢封為親王暨不准

行

郊配

廟享之儀撤去供奉筆墨皮冠皮衣之類以及

陵寢斷不可建立大碑樓遽稱聖德神功字

樣如有撰述可於小碑樓碑陰鐫刻

聖德謙沖

聖慮周詳推心泣血不忍讀矣迴思丁未春

祈穀大祀

命子臣偕惇郡王奕諱詣

壇習禮至戊申

祈穀大祀即

命子臣恭代默膺神器

聖眷優加撫今憶昔感畏愈深予小子德薄任

鉅雖慄遵

訓諭而知短才疏於一切知人安民之事詎敢

仰跂

皇考况

皇考屢值艱鉅

聖意時以蒼生為念

仁參幃戴蓋自海疆滋擾將及八年噫無一日

聖懷得寬慰也子臣席大業之隆幸遘罕有之

恩若弗兢業自持曷能仰答

高厚於萬一嗚呼痛哉敬卜於咸豐二年壬子

春三月二日丑時恭奉

宣宗效天符運立中體正至文聖武智勇仁慈

儉勤孝敏成皇帝梓宮安葬

墓陵以

孝穆溫厚莊肅端誠孚天裕聖成皇后

孝慎敏肅哲順和懿熙天詒聖成皇后

孝全慈敬寬仁端懿符天篤聖成皇后祔含淚

濡毫以誌永慕云爾又諭

皇考宣宗成皇帝永遠奉安

地宮大禮告成在事諸臣敬謹襄辦妥協周詳

朕於哀痛迫切之中得以盡誠盡禮允宜仰

體

聖慈優數閭澤所有隨入

地宮之惇郡王奕諱恭親王奕訢醇郡王奕譞

鍾郡王奕詒孚郡王奕譔御前大臣德木楚

克扎布御前侍衛景壽尚書奕湘均著各再

加一級其工部執事司員候補五品京堂工

部員外郎文彩著以四品京堂候補仍在工

部員外郎上行走郎中吉爾杭阿景奎麒麟慶

達綬賈世行員外郎喬松年主事英樸均著

遇有應升缺出先行升補候補主事李仲良著遇有本部主事缺出儘先補用額外主事桂祥著俟學習期滿遇有本部主事缺出儘先補用○以恭題

宣宗成皇帝神主賞加大學士裕誠祁寓藻太子太保○以

宣宗成皇帝奉安禮成賞總理喪儀

慕陵值班暨承辦

隧道工程之王公大臣文武官員加級升敘有

差賞恭送

梓宮及扈從之王公文武大小官員一級守護慕陵及隨從拜唐阿兵丁一月錢糧賞直隸辦差大小員弁一級並沿途當差兵丁一月錢糧○是日駐蹕梁格莊行宮○癸丑諭內閣戶部奏遵議直隸藩庫借墊銀兩分別開除撥放追賠一摺直隸藩庫自道光十一年起至三十年止歷任借墊雜款未歸銀四十八萬八千二百四十八兩零除准其就款開

除外其應歸各款著該督即飭藩司分別撥補提還攤解查扣徵繳還款毋任延宕其例不准銷銀五千六百八十三兩零即著在於前任藩司顏伯燾光聰詣陸費瑒郭熊飛溫子翼等並家屬名下照數著追歸款以重帑項○以吏部尚書賈楨署翰林院掌院學士

○賞恭請

龍輜車夫匠銀○是日回鑾駐蹕秋瀾行宮

甲寅以

宣宗成皇帝

孝穆成皇后

孝慎成皇后

孝全成皇后神主升祔

太廟先期遣官告祭

天

地

太廟

社稷○諭內閣前據徐澤醇奏請將護送堪布

在途搜索之遊擊喇嘛解往山西審訊當降
旨飭交王慶雲聯英提訊現在王慶雲等差
竣回京著改派兆那蘇圖秉公研訊明確定
擬具奏○以

宣宗成皇帝

孝穆成皇后

孝慎成皇后

孝全成皇后神主升祔

太廟自是日始齋戒三日○是日駐蹕半壁店

行宮○乙卯是日駐蹕黃新莊行宮○丙辰

上詣

黃幄行禮恭送

黃輿啟行後由閒道回京詣

大高殿行禮命莊親王奕仁恭代行夕奠禮○

以刑部尚書周祖培為會試正考官○兵部右

侍郎杜翱內閣學士戴齡戶部右侍郎何桂

清為副考官○以都察院左都御史朱鳳標

署刑部尚書內閣學士沈兆霖署兵部右侍

郎戶部左侍郎王慶雲兼署管錢法堂事務
賞恭送

神牌黃輿回京之王公大臣暨護送員升各一

級兵丁半月錢糧○賞沿途恭請

神牌黃輿鑾儀衛校尉銀○改鑄甘肅河州知

州江蘇溧陽縣山西山陰縣各知縣印信從

總督舒興阿巡撫楊文定兆那蘇圖請也○

丁巳命莊親王奕仁恭代行朝奠禮寅刻

上御朝服詣

太廟街門外恭俟

神牌黃輿至

上跪迎至甑城門外詣

黃輿前行禮親捧

宣宗成皇帝神牌前行○惠親王綿愉恭親王奕

訥淳郡王奕諱恭捧

孝穆成皇后

孝慎成皇后

孝全成皇后神牌隨後入

太廟代行謁

列聖

列后禮迺恭捧

宣宗成皇帝神牌奉安

高宗純皇帝之次

孝穆成皇后

孝慎成皇后

孝全成皇后神牌以次奉安行升祔禮如時享儀禮成更禮服詣

奉先殿奉安

宣宗成皇帝

孝穆成皇后

孝慎成皇后

孝全成皇后神牌於

前殿行禮如大饗儀禮成惠親王綿愉恭請

宣宗成皇帝神牌恭親王奕訢恭請

孝穆成皇后神牌惇郡王奕誼恭請

孝慎成皇后神牌成郡王載銳恭請

孝全成皇后神牌奉安

後殿東室行禮如儀遣順承郡王春山詣

孝德皇后殯宮行二十七月祭禮祭

先蠶之神遣內務府大臣柏復行禮諭軍

機大臣等前據薩迎阿等奏蒙古右翼郡王

仍請暫居永安俟二年後即令撤回原牧現

距上年查辦之後已屆一年舒興阿擬限至

本年夏季草青水旺之時飭令歸還原牧以

符舊制自應如此辦理著舒興阿哈勒吉那

妥為曉諭該郡王等從居永安業經數載雖

積久困弱必應思自強之計且止攜阿勒巴

圖五十餘戶其餘九十餘戶仍置卡外難於

兼顧愈渙散愈形疲弱況原牧地方水草茂

盛棄之更為可惜現在奏奉諭旨令爾仍回

故地正望爾等積漸自強代為慮及久遠之

意如此明白開導該郡王等自必感激懍遵

不致日久遷延妄生希冀至察漢托洛亥等

處蒙古防兵向係五百名現據查明該蒙古

生計艱難著即裁撤一半仍酌留兵二百五十名分班輪派以備偵探野番接遞文報等項差使該督等即會同籌議明定章程並剴諭各蒙古經此次變通調濟以後務各勤奮當差毋得自甘怠惰仍蹈舊習也將此各諭令知之○兩江總督陸建瀛等奏江蘇海運漕糧續兌正耗米三十二萬三千六百石有奇白糧正耗米二萬七千五百石有奇委員查明各船隨帶器械跟幫開行並派勇船護送出洋報聞○以升祔

太廟禮成賞太常寺執事官員紀錄有差○修湖北鍾祥縣隄工從總督程爾采請也○戊午以升祔

太廟禮成頒詔天下詔曰朕惟禮重烝嘗世室與明堂並祀詩歌將享烈考與文母同尊紹庭而敷繹思升歆展懋假廟而崇殷薦豫順揚麻爰沛新綸用彰茂矩欽惟

皇考宣宗成皇帝

斟元錫羨
秉錄延洪
健順同符敷播馨香之治
勳華合揆懋昭
繼述之光尊養備而
聖孝難名幾康救而
皇猷丕顯
執中立極
心傳紹燕翼之詒

崇儉垂箴

手諭紀龍飛之始

披章夕殿勗逸加勤

溥惠春畿蠲租賚實興三正俗考憲典於丹圖

揆五選官肅班聯於黃序騰九霄之

麗藻炳若星輝奮八表之

威校勇由

天錫曜靈合軌既隆於蠻於

兩郊報

德稱	功宜媲美崇閔於	七室。緬休有烈光之盛。莫罄臚詞。當肇稱殷禮	之初永綏多祐	皇妣孝穆成皇后	道隆矩地	德備倪天	端恪持躬	粹訓早貽於彤史	溫恭表度	芳猷聿煥夫黃裳	皇妣孝慎成皇后	儷聖思齊	協維作則	哲惠佐	虞廷之治。頌洽家邦。	肅雝嗣	如幄之型。芬流宮壺
----	---------	-----------------------	--------	---------	------	------	------	---------	------	---------	---------	------	------	-----	------------	-----	-----------

皇妣孝全成皇后	徽音克紹	聖善彌彰。溯	懿範於椒闈	寬仁贊化。蔭	慈暉於蘭掖。昌熾徵符。仰	寢殿以懷	恩望	橋山而增肅	几筵在御。如親優見於羹牆。遽豆孔嘉。祇告明	禋於	黼構謹率諸王貝勒文武諸臣。於咸豐二年三	月初七日。恭奉	宣宗效天符運立中體正至文聖武智勇仁慈	儉勤孝敏成皇帝神位	孝穆溫厚莊肅端誠孚天裕聖成皇后神位	孝慎敏肅哲順和懿熙天詒聖成皇后神位	孝全慈敬寬仁端慈符天篤聖成皇后神位。合
---------	------	--------	-------	--------	--------------	------	----	-------	-----------------------	----	---------------------	---------	--------------------	-----------	-------------------	-------------------	---------------------

附於

太廟。鏤瓊熙號三十年保艾允懷。錫玉鳴虔。億萬禩嘉。薌普洽念本仁。以陳教宜。錫類以推恩。所有事宜。開列於後。一。內外大小各官。於從前恩詔後升職加銜補官者。悉照現在職銜給與封典。一。試職各官。俱准實授。一。貢生監生。仍派大臣官員考定職銜。照舊例送吏部註冊。一。各省儒學。以正貢作恩貢。次貢作歲貢。一。貢生監生在監肄業者。免坐監一月。

一。軍民年七十以上者。許一丁侍養。免其雜派差使。一。窮民無力營葬。並無親族收殮者。該地方官擇隙地多設義冢。隨時掩埋。毋使拋露。於戲上儀具。舉有聲賡通駿之章。繼序無忘。孔厚衍龐鴻之澤。崇九筵而介祉。申錫無疆。合萬國以臚歡。實承勿替布告天下。咸使聞知。○庚申諭內閣。鄒鳴鶴奏克復永安州城。生擒逆首先行馳報一摺。逆匪占踞永安州城。經官兵迭次攻勦。斷其接濟。賊勢窮

感於二月十七日丑刻。冒雨突圍。由東路奔竄。大兵跟蹤追勦。殲斃賊匪數千名。並擒獲逆首洪大泉一名。賊眾現已分竄。鄒鳴鶴聞信後。即飭臬司姚瑩。馳入永安州城。安撫百姓。現與賽尚阿籌議。添派員弁嚴守要路。並於近省各要隘。分派員弁帶領兵壯會合圍剿。節節防堵。自不致稍涉疏虞。惟該逆等。突狼奔意圖竄擾。據稱探聞賊竄之路。總在東北一帶。務當乘勝追截。悉數殲擒。勿使兇

敵復熾。諒賽尚阿等必能妥速籌畫。相機勦辦也。○又諭。固山貝子奕劻之父綿懌。母那拉氏著加恩。准其一併追封。其繼母棟鄂氏。照例毋庸給封。○諭軍機大臣等。據鄒鳴鶴奏克復永安州城。生擒逆首先行馳報一摺。據稱三月十七日丑刻。賊匪冒雨突圍。由東路奔逃。我兵跟蹤追勦。殲斃數千人。擒獲逆首洪大泉一名。因山徑陡險。大霧迷漫。鎮將遂致陣亡。賊眾現已分竄等語。前據賽尚阿

奏東路之古束沖口等處被賊屢次攻撲。此次逆匪是否即由此處竄越昭平縣之大洞龍寮荔浦縣之天平坳等處。現在是否均有賊匪。其大廣地方究係何縣所轄。務須偵探明確。實力堵截。其前踞永安州時。因我軍遷延不能立時攻剿。致彼得以從容布置。深溝高壘。抗拒多時。現因圍困日久。窮蹙奔逃。正可乘其倉皇渙散之時。分路截擊。悉數兜擒。斷不可再有延緩。使該匪得以乘間擄掠飽颺而去。若或復踞城邑。逆燄熾張。朕惟賽尚阿是問。該大臣親督追剿。非前次遠駐省城可比。現在駐劄何處。朕心實深繫念。向榮駐守荔浦。自係擇要防守。惟現當追捕喫緊之際。該提督駐守一隅。是否足資策應。此時平樂府城最關緊要。該大臣所派鎮將是否得力。總期以有用之材。置之扼要之地方。為計出萬全。賊匪四竄。蹤跡靡常。省城重地。務須督率文武。激勵兵練。加意防堵。該撫如須出

省帶兵接應。勿稍拘泥。致誤事機。至波山艇匪。現在梧州一帶沿江滋擾。恐與永安竄匪勾結為患。已諭令徐廣縉等添派將弁迅速會剿。此時勞崇光計已自南太移兵馳赴該處。著該大臣等嚴飭該藩司及在事文武合力勦辦。並飭令沿江地方各官認真防堵。儻堵剿不嚴。致城池或有疏失。必將該地方官重治其罪。其餘一切情形。俟賽尚阿馳報到日。再降諭旨。將此由六百里諭知賽尚阿。鄂

鳴鶴並傳諭勞崇光知之。○又諭。本日據鄂鳴鶴奏。克復永安州城。生擒逆酋。先將辦理情形馳報。現在探知大廣地方及昭平之大洞龍寮荔浦之天平坳等處。均為賊匪逃竄之路。東西兩省毗連處所。尤不可不豫為堵截。著徐廣縉等迅派文武員弁嚴密巡防。不准稍有疏虞。致滋延蔓。其波山艇匪尚在梧州一帶。勢頗猖獗。若與永安逆匪勾結。兇燄益張。前已諭令勞崇光由南大馳赴該處督

兵攻勦並著該督等選派得力員弁配帶礮船會同粵西將弁合力兜截迅速殲除至凌十八股匪圍困日久想不致再有竄逸此時如已勦滅該督即統率大兵前往廣西會勦以期剋日蕨功將此由六百里諭令知之○又諭本日據鄒鳴鶴奏永安逆匪於二月十七日冒雨突圍由東路奔竄湖南與粵西毗連處所尤宜加意嚴防著該督即飭地方文武員弁於交界要隘分投防堵不得以逸匪距境稍遠遂形疏懈至逆首洪大泉一犯據稱三月二十五日解到廣西省城已加派弁兵護送過境如係將該犯押送進京路經湖南湖北務須派員小心防護仍察看情形儻恐或有疏虞即一面奏聞一面就地正法著程喬采酌量辦理可也將此由六百里諭令知之○鑲藍旗宗室總族長輔國公繼昆因病解任賞食輔國公半俸

大清文宗協天翊運執中垂謨懋德振武聖孝淵恭端仁寬敏顯皇帝實錄卷之五十五

勦致有挫失。現在分投堵勦一摺。又據片奏。逆賊偏近省垣等語。覽奏實深憤懣。永安逆匪竄出之後。我兵奮力窮追。已出龍寮山口。斬擒不少。功在垂成。乃因大雨。山徑險滑。雲霧迷漫。被賊衝突。以致鎮將陣亡。逆賊復熾。實堪髮指。現據該大臣奏稱賊之頭隊。已到陽朔縣屬之高田墟。復據鄒鳴鶴馳奏。二月二十七日。接據諜報。有賊數千人。已由山路。越至臨桂縣之六塘地方。距省僅六十餘里。

現在向榮、劉長清等帶領兵壯。由間道疾趨抵省。民心自可大定。惟是賊匪四竄。詭譎異常。難保不為聲東擊西之計。省城緊要。固宜加意巡防。嚴密布置。但恐我軍全力保衛省垣。而賊或乘機他竄。上窺平樂。下趨梧州。搶掠郡邑。其勢必更滋蔓。向榮等馳抵省垣。是否列兵城外。為犄角之勢。間出奇兵。扼賊奔竄之路。抑係株守城中。僅以登陴塞責。現在四鎮陣亡。各路追擊截堵。派委何員管帶兵

勇。以目下情形計之。省垣最要。平樂、梧州兩府地方。均極喫緊。正可乘賊倉皇未定之際。腰擊尾追。俾彼不得喘息。無暇據掠。方為上策。斷不可株守一隅。稍有延緩。使該匪得以擇險而居。從容布置。勦辦更難得手。賽尚阿。駐劄永安州城。是否足資控制。抑或移營平樂。居中調度。烏蘭泰分守荔浦。果否扼要。此中緩急輕重情形。均著該大臣相度機宜。妥速籌辦。鄒鳴鶴督辦團練。如果著有實效。此

時逸匪經過地方。自應各有準備。不致受其蹂躪。若專恃兵勇。臨時調撥。始資保護。所謂團練者。安在耶。該撫調撥兵勇。以資守衛省垣。固應如此辦理。然逆匪分竄無定。設若再踞別城。亦該撫統轄之地。斷難辭咎。鄒鳴鶴豈可胸無成竹。徒涉張皇。至波山艇匪現在梧州一帶滋擾。永安竄匪亦有前赴梧州之信。若令句結。為患益甚。現雖諭令徐廣縉等酌量帶兵。馳赴該處會勦。尚恐緩不濟急。勞

崇光此時計已馳抵梧郡。著即督飭地方文武激勵紳民兵勇。設法剿除。此股賊匪萬勿令永安竄匪與之糾約。賊首僅獲洪大泉一名。其洪秀泉等匪有無被我兵殲斃及分竄何處。均著確查具奏。將此由六百里諭知賽尚阿並諭鄒鳴鶴知之。○又諭據賽尚阿奏收復永安州城。鎮將追賊致有挫失。現在嚴飭各路兵勇堵擊竄匪。偵知該匪由大崗等村竄出昭平屬之三昧嶺夫平坳至大小古西村及福祿村等處。並訊據生擒賊匪供稱該逆等不上窺平樂。即下駛梧州。至波山艇匪現亦在梧州江面一帶盤踞。已飭勞崇光前往防剿。此次逆匪雖窮蹙出逃。勢尚猖獗。且分路滋擾。現在我軍新挫。兵力尚單。著徐廣綰體察情形。如能親往督辦。即迅帶兵勇馳赴兩省要隘地方。相機堵剿。至凌十八股匪尚未殲除。尤不可稍涉鬆勁。若徐廣綰出省會剿。所有羅鏡匪徒或交葉名琛或交陶

煜文專司督剿。如葉名琛出省。即著柏貴暫留廣東辦理地方事務。該督撫酌量緩急。勿誤事機。是為至要。將此由六百里諭知徐廣綰葉名琛並諭令陶煜文知之。○又諭本日據賽尚阿鄒鳴鶴馳奏逆匪紛竄。逼近省城。先後咨調湖南精兵來粵迎擊堵剿。該督諒已選派員弁帶兵馳赴廣西會同剿辦。現在永安逆匪潰圍奔突。蹤跡靡常。難保不逃入楚境。著程番來於鮑起豹余萬清兩員內酌派一員。在兩省毗連處所扼要駐劄。督飭弁兵實力巡防。毋任鄰匪乘間竄入。致滋勾結。將此由六百里諭令知之。○又諭陸建瀛楊以增奏稱自前次門占蟄塌後。金門愈刷愈深。大溜趨注兩壩。續作之工復有蟄塌十餘丈。業已趕築攔黃堰。並搶築護埽多拋碎石。慎重趕辦。惟現在桃汛方漲。若復遷延旬日。水勢愈大。人力必愈難施。儻有疏失。不特數百萬帑金消歸烏有。其糧船運道災區撫恤

又將如何辦理該督等自問能當此重咎耶
著陸建瀛楊以增督率在事文武員弁竭力
趕辦於慎重之中務求妥速之法懷之將此
由四百里諭令知之○以已革貴州古州鎮
總兵官李瑞為直隸天津鎮總兵官雲南楚
雄協副將常祿為河南河北鎮總兵官湖南
永綏協副將馬龍為甘肅涼州鎮總兵官雲
南曲靖協副將王錦繡為湖北鄖陽鎮總兵
官○以擒獲廣西逆首洪大泉出力賞守備

金玉貴巴圖魯名號餘並升補有差○予廣
西陣亡總兵官長瑞長壽董光甲邵鶴齡祭
葬世職如提督例參將成林田學韜遊擊王
瑞都司徐大醇守備丁廷仙羅錦川千總成
魁吳正道劉元慶把總古振奇趙世祥蕭大
龍王榮外委昇儒郭長安沙得勝馬應祥祭
葬世職○以廣西追賊挫衄革總兵官王夢
麟知州甯域職○壬戌

上詣

壽安宮西所問

如皇貴太妃安○詣

壽康宮問

皇貴太妃安○癸亥諭軍機大臣等據鄒鳴鶴
馳奏賊匪竄逼省城官民竭力守禦情形一
摺覽奏彌深憤懣據稱二月二十九日逆賊
已由六塘地方竄至桂林城下環攻南門文
昌門西門兩晝夜勢甚猖獗計省城存兵千
餘名向榮帶到兵壯亦千餘名兵力雖不甚

厚而省垣城池堅固紳民鋪戶勦力同心人
思敵愾其防守機宜諒該撫亦早為豫備必
不至稍有疏虞第賊眾蟻聚城外少延時日
即恐其挖濠築壘詭計多方而城內火藥鉛
丸有應接不暇之勢自應飛調各路援兵星
馳赴救前經該撫咨調之湖南兵二千名與
粵西最近之永州鎮標各官兵並粵省提標
全州各營兵六百名著鄒鳴鶴迅速飛催赴
援其烏蘭泰先經賽尚阿派往荔浦所帶兵

勇三千名與許祥光張敬修李孟羣所帶各勇諒可早到該匪大隊北竄必慮官兵之蹶其後但使首尾不能兼顧則前有堅城後有勁旅逆匪進退失據安知不轉敗為功該撫城內布置果能周匝當與烏蘭泰向榮等密商突出奇兵於該匪圍攻稍懈匪眾所不及防之處或於昏夜風雨之中內外夾擊不但可以解圍並可因其散漫四郊並無巢穴可守乘機制勝一面偵探該匪自永安竄出後

攜帶婦女輜重安頓何處恐修仁荔浦陽朔一帶山徑叢雜別有險要可以踞守即當分兵前往勦襲令攻城之匪聞而疑懼亦釜底抽薪之法我軍雖新有挫失而賊匪亦係鋌而走險奔突無定此時該撫正當持以鎮靜勿露張皇該匪狡譎異常恐有奸民潛相勾結洩漏機宜尤須與合城文武官紳慎密稽查毋令涸跡偵事至賽尚阿暫駐永安聞警後是否已移營北指各路兵勇赴援省城又

恐賊匪回竄平樂與修荔各屬地方並恐由賀縣富川灌陽全州各路竄入湖南由昭平等處下趨梧州揚言圍撲省城使我兵盡力赴援於分竄之路轉多疏縱應如何調度分投遏截該大臣定已計及荔浦糧臺重地與各處糧臺務飭在事員弁加意保護不可偶有疏失所有波山艇匪切不可令與該逆匪大隊聯蹤為患勞崇光諒已馳抵梧州務將艇匪設計殲擒並密探該匪與艇匪勾通奸

細偵獲懲辦鄒鳴鶴兩次奏報為省城防守緊要於賽尚阿現在大營情形未經奏及朕不勝焦慮該大臣當與鄒鳴鶴等速籌勒辦聲勢聯絡隨時將現辦情形馳奏以慰廑念其軍需一切如何調撥濟急之處亦著悉心籌畫是為至要將此由六百里加緊諭知賽尚阿鄒鳴鶴烏蘭泰向榮並傳諭勞崇光劉長清等知之○又諭本日據鄒鳴鶴馳奏賊匪已直逼桂林省城現在官民竭力守禦專

望各路援兵攻勦等語。省垣重地。豈可稍有疏虞。現在城內。向榮等帶兵防守。烏蘭泰等亦馳赴救援。但恐兵力專注省垣。南路未能兼顧。且波山艇匪盤踞梧州。恐乘我兵調撥之際。與該匪會合。更屬滋蔓難圖。著徐廣縉等。即遵前旨。迅速籌計。如該督帶兵前赴廣西梧州一帶會勦。其羅鏡匪徒。即交葉名琛。或交陶烜文。專司督勦。萬勿疏縱。想該督接奉前旨。已通盤籌畫。不致遲延誤事也。將此

由六百里加緊諭令知之。○又諭。前因廣西賊匪北竄。逼近省城。降旨令程喬采選派員弁前往會勦。並令於交界隘口。分路嚴防。本日據鄒鳴鶴馳奏。賊已直逼桂林省城。官民竭力守禦。專望各路援兵攻勦等語。廣西省垣重地。豈可稍有疏虞。著程喬采即飭前任提督余萬清。督帶精兵。探明賊匪蹤跡。馳往廣西迎擊。既可杜其奔竄湖南之路。即可會同各路援兵。并力救援桂林。該督接奉此旨。

即飭余萬清星夜遄行。不可稍涉延緩。致誤事機。至湖南與廣西毗連要隘。著該督飭令鮑超豹分飭弁兵。實力巡防。毋任鄰匪乘間竄入。至該督駐劄衡州。是否足資策應。並著酌量情形。慎重防禦。毋稍疏忽。將此由六百里加緊諭令知之。○賞故陝甘總督裕泰子員外郎長善。二等侍衛。在大門上行走。○以雲南布政使徐有壬。家五世同堂。賞伊母御書扁額。曰篤慶延齡。○濬江蘇蘇州白茆河。

并修建石牆。從巡撫楊文定請也。○甲子。諭軍機大臣等。本日據程喬采馳奏。探聞粵匪逃竄。籌辦防堵情形。並續調官兵一摺。永安逸匪竄擾桂林。圍撲城垣。昨降旨諭令程喬采調兵赴援。茲據該督奏稱。前派往廣西兵一千名。因湖南防堵喫緊。仍行截留。現在桂林。是否解圍。殊深懸繫。所有另調赴永州備調之官兵一千名。計已星速調發。著仍遵前旨。即派余萬清帶領前赴桂林。以資策應。仍

由該督酌量辦理。毋誤事機。其續調湖北兵一千名。並著飛咨調至楚粵交界。以備緩急。該督仍會同提督督飭文武員弁。於近粵要隘。加意嚴防。毋稍疏忽。將此由六百里諭令知之。○又諭前因軍需河工用度浩繁。經戶部籌議。遵旨行知山西陝西河南四川等省。令各督撫。勸諭官紳士民。量力捐輸。以濟要需。現在廣西軍務。未能剋期竣事。籌解軍餉。仍當寬為儲備。著戶部。於未經行知各省分體察情形。分別籌議。此項捐輸。在下抒急公之誼。在上施獎勵之恩。歷有成案可循。惟在得人而理。務令各該督撫。飭屬妥為曉諭。毋許抑勒苛派。致滋擾累。或官吏因緣為奸。婪索中飽。即著嚴行究辦。粵西一日不靖。朕心一日不安。即各省官紳士民。當亦同仇敵愾。踴躍輸將。各該督撫。亦必能善體朕心。妥速辦理。其應如何通行之處。該部速議具奏。將此諭令知之。○乙丑。

上詣

壽康宮問

皇貴太妃安。○諭內閣。理藩院代奏敏珠爾呼圖克圖之商尼呢爾巴濟克默特巴勒丹等。呈請自備資斧。由西甯迎接伊師敏珠爾呼圖克圖之呼畢勒罕。來京瞻覲等語。該呼畢勒罕。年十四歲。業經出痘。伊徒等呈請願自備資斧。迎接來京瞻覲。具見伊等誠惓。即著照所請。於本年秋間。來京瞻覲。後再令退回。

勤習經藝。○兩江總督陸建瀛等奏報海運漕糧全數兌竣。計兌漕糧正耗米一百七萬八千石有奇。白糧正耗米八萬一千三百石有奇。委員查明各船。隨帶器械。跟幫開行。並飛咨沿海各鎮營帶兵巡護。以聯聲勢。報聞。○賞前任吐魯番領隊大臣海校藍翎侍衛為科布多幫辦大臣。○丙寅。

上詣

大高殿行禮

時應宮拈香。○浙江衢州鎮總兵官富勒興阿奏報到任日期得旨。浙江營伍廢弛。汝須振作有為。不准因循。汝所屬地方情形。續行具奏。朕覘汝之才識。○戶部議准江蘇巡撫楊文定疏報靖江縣新漲平田二十頃一十二畝有奇。照例升科。從之。○改鑄浙江歸安縣儒學條記。從巡撫常大瀛請也。○除江蘇靖江縣卅田二十二畝有奇額賦。○丁卯諭軍機大臣等。據鄒鳴鶴馳奏。連日抵禦攻城逆匪。疊經獲勝一摺。并片陳各情形。逆匪竄至城下。在各門屢次攻撲。經該巡撫提督等激勵兵勇壯練。並官紳人等協同設法抵禦。該逆大受懲創。紛紛退去。不敢近趨城下。夜間又令壯勇縋城暗劫賊巢。辦理尚為得手。現在總兵王錦繡等。知府李孟羣。各帶兵勇趕到。均令劉營城外。與城內相為犄角。布置亦合機宜。惟此地攻城之賊。據云約有二三千人。是否有逆首在內。該逆自永安竄出後。

未必全赴省城。究竟共分幾股。屯聚何處。均未據該大臣與該撫詳細奏到。賊匪揚言有六七千人。隨後踵至。亦須時加偵探。飭令各路團練。嚴密豫防。儻能出奇制勝。內外夾擊。正可轉敗為功。賽尚阿是否尚在永安。數日未據奏到。朕心甚為懸念。該大臣駐劄處所。與省城必須聲息相通。設為賊兵梗阻。以致彼此不相聯絡。甚為可慮。至荔浦為糧餉重地。前據賽尚阿奏。烏蘭泰帶兵三千。赴荔浦追截賊匪。今賊已至省城。尚未知烏蘭泰現在何處。荔浦僅有疏失。關繫非輕。烏蘭泰豈尚按部徐行耶。著賽尚阿查明迅速馳奏。前次四鎮陣亡。兵勇共傷亡若干名。並現在平樂梧州等處。如何防勦之處。亦著查明具奏。至該撫請撥餉銀。已飭戶部速議。各省籌款之艱。該撫既能縷晰陳之。豈內帑支絀。獨不知耶。軍需河工各款。籌畫必須兼顧。該撫總司軍餉。亦應通盤覈計也。將此由六百里諭

知寨尚阿○鄂鳴鶴並諭向榮劉長清知之○
又諭逆匪攻撲廣西省城經鄂鳴鶴等協力
勦擊連次獲勝守禦尚屬嚴固惟該逆等既
不得肆志難保不紛逸滋擾楚省邊界地方
倍形喫重程喬采現又續獲習教傳徒匪犯
業經審明按律懲辦仍著督飭各州縣加意
嚴防毋稍疏懈前任提督余萬清現已統帶
官兵一千名馳赴桂林援應甚為迅速其續
調兵一千名仍酌量緩急以備調用鄂鳴鶴
咨商程喬采由衡州移劉零陵以期就近策
應之處諒該督先已籌及矣將此由六百里
諭令知之○命綏遠城將軍托明阿在紫禁
城騎馬○命禮部尚書何汝霖無庸在軍機
大臣上行走○予廣西陣亡參將長明祭葬
世職○旌表守正捐軀江蘇豐縣民常方來
妻李氏○戊辰

上詣

壽皇殿行禮○詣

壽康宮問
皇貴太妃安○諭內閣刑部等衙門具題江西
彭澤縣民周瓊洗網縛楊許氏身死一案即
照該撫原擬依威力制縛人因而致死者律
問擬絞監候秋後處決此案周瓊洗因楊許
氏吵鬧氣忿既用繩網縛其兩手復用布幅
纏繞其頸項拴繫窗櫺以致楊許氏站久力
乏身往下墜勒住咽喉氣閉身死且有周廣
才等幫同網縛及裝溺掩飾等情謂非有心
欲殺殊難憑信難保無避重就輕故為開脫
情弊著王植再將此案人犯親提細心研鞫
務得確情定擬具奏毋枉毋縱尋署江西巡
撫張芾奏復訊屍子楊林枝供伊母委被周
瓊洗網縛適傷身死檢核原驗情形屬實周
瓊洗合依威力制縛人因而致死者律擬絞
監候秋後處決曹會蒙訊止隨同網縛照律
擬杖一百周廣才已病故應無庸議下部議
從之○又諭賽尚阿奏逆匪竄擾省城派兵

防勦現在移營陽朔督辦情形一摺。昨據鄒鳴鶴馳奏省城防守嚴固。並連日出城截勦各情。業經降旨飭令賽尚阿等分扼要隘。嚴防竄匪。茲據奏稱竄擾省城之賊。疊受懲創。現在內守既嚴。外援續至。該大臣已由荔浦移營陽朔。該處切近桂林。督兵攻勦。聲勢聯絡。兼可杜賊匪回竄之路。著賽尚阿仍遵前旨。相機勦辦。與鄒鳴鶴向榮等內外夾擊。務將分竄之匪。迅速撲滅。以衛省垣。毋稍延玩。

清軍機大臣等

九

○諭軍機大臣等。賽尚阿奏稱逆匪圍撲。及我兵抵禦各情。逆匪全數北竄。直撲省垣。幸向榮帶領兵勇。間道先抵桂林。人心得以安定。連日復激勵在城兵練紳民。設法抵禦。疊獲勝仗。布置一切。尚合機宜。惟烏蘭泰帶兵追賊。已至省城南門外將軍橋地方。甫經接仗。獲勝。又因身受礮傷。退回良豐。復由良豐回至六塘。以致將軍橋險隘。被賊占踞。修立寨柵。失此機會。殊為可惜。烏蘭泰素有謀略。

何以前次永安追賊墮澗。與奉定三帶兵退回。此次又因受傷退回六塘。其調度布置。何以漫無把握。現在受傷輕重若何。有無遷延情事。即行查明具奏。奉定三暫領烏蘭泰軍。由南路進攻。是否足恃。此時賊勢。前有堅城之阻。後有援兵追擊。乘其散渙。內外夾攻。不但城圍立解。且可大挫賊鋒。若委任非人。再有疏失。或遲延時日。使賊占踞要地。又成巢穴。勦辦更難得手。該大臣親督兵勇。並帶同

清軍機大臣等

十

總兵經文岱等。拔營前進。以為後路聲援。兵力既壯。人心益固。正可趁此聲勢。出奇制勝。以期一鼓殲除。該省北門倚山為城。尤當豫為嚴防。萬不可為賊所踞。余萬清想已帶兵由湖南馳到。一切情形。仍當隨時知照程番。采驛路文報。勿致梗阻。張國樑所帶壯勇。現亦催調來省。其波山艇匪。如何勦擊。勞崇光是否已抵梧州。該大臣務須通盤籌畫。酌量緩急。毋再貽誤。將此由六百里諭知賽尚阿。

並諭令鄒鳴鶴知之。○又諭現在永安逆匪竄偏桂林省城。經賽尚阿調撥各路兵勇赴援堵擊。其勞崇光帶赴梧州之兵勇二千餘名。亦經調赴桂林。梧州兵力較單。恐艇匪乘機勾結。愈肆滋擾。著徐廣縉迅即督帶兵勇前往剿辦。毋誤事機。至凌十八股匪。或交葉名琛或交陶煜文專司堵剿。仍遵前旨酌量辦理可也。將此由六百里諭令知之。○欽差大臣大學士賽尚阿奏報逆匪偏近桂林省城。並弁兵守禦情形。得旨。向榮布置尚好。開隆阿亦屬可用之人。派該侍衛進攻西路。不致挫折。上次奏報已親覽矣。○戶部尚書孫瑞珍等奏。天津驗收海運米石計漕白糧米十三萬三千石有奇。分起撥運。此後續到船隻。即飭隨驗隨收。以期迅速。肅事。報聞。○以鑲黃旗蒙古都統奕縉為正白旗領侍衛內大臣。塔爾巴哈台參贊大臣扎拉芬泰為正紅旗蒙古都統。仍留參贊大臣任。○改鑄江

西蓮花廳同知關防。從署巡撫王植請也。○予宋臣韓琦從祀。文廟。從河南巡撫李德請也。○命惇郡王奕諒帶領侍衛十員。往奠故喀爾喀扎薩克親王車登巴咱爾茶酒。賞銀一千兩治喪。予祭葬。以其子達爾瑪襲爵。○免浙江甯波無徵洋商稅銀。○已。已。諭內閣。李芝昌奏遵旨察看現署總兵一摺。署浙江定海鎮總兵提標右營遊擊周士法前經降旨。交李芝昌察看。該員於操防事宜。能不得力。茲據該督奏稱。該員署理總兵。已越兩年。平日操防辦事。俱屬認真。署理定海鎮總兵一缺。尚堪勝任。周士法即著留署定海鎮總兵之任。仍帶革職留任處分。以觀後效。○以鑲藍旗滿洲都統花沙納署正紅旗蒙古都統。琿春協領德昌為正黃旗蒙古副都統。○以廣西勦賊失律。降大學士賽尚阿四級。革廣西提督向榮廣州副都統烏蘭泰職。均留任。拔烏蘭泰花翎。○庚

午。禮部以宗室會試中額請得旨。取中二名。
○葉爾羌參贊大臣德齡奏。遵旨密考各城
大臣。得旨。朕教汝實心任事。並非問汝履歷。
汝所奏全係遁辭。不堪之至。又據拾前奏三
事。以圖掩飾。不獨居心巧偽。更屬膽大。○改
鑄江蘇阜甯縣知縣印信。從巡撫楊文定請
也。

實錄卷六

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之五十六

清 實 錄 咸豐二年二月下

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之五十七

大學士學士等奏。臣等謹將本年十一月內。各省
奏到。各款。恭摺。具奏。伏乞。聖鑒。訓示。謹奏。
奉。旨。著。該部。知道。欽此。
大學士學士等奏。臣等謹將本年十一月內。各省
奏到。各款。恭摺。具奏。伏乞。聖鑒。訓示。謹奏。
奉。旨。著。該部。知道。欽此。
大學士學士等奏。臣等謹將本年十一月內。各省
奏到。各款。恭摺。具奏。伏乞。聖鑒。訓示。謹奏。
奉。旨。著。該部。知道。欽此。
大學士學士等奏。臣等謹將本年十一月內。各省
奏到。各款。恭摺。具奏。伏乞。聖鑒。訓示。謹奏。
奉。旨。著。該部。知道。欽此。

秋修

咸豐二年壬子三月辛未

上詣

壽康宮問

皇貴太妃安。○諭內閣。京師自二月以來。雨澤
稀少。朕於宮內。齋心默禱。尚未渥沛甘霖。現
在已交立夏。農田望澤孔殷。朕心彌深焦切。
因思時雨愆期。恐刑罰不中所致。近聞刑部
繫囚甚多。亟應迅速清理。以冀感召和甘。著
該部堂官。督飭承審各司員。將現審各案。認
真細心推鞠。當罪者即行擬結。無辜者亦免

七四九

久羈其有問徒以下輕罪人犯及干連待質例應取保候審者立予清釐省釋毋稍稽滯以示矜恤而過祥和○又諭朕於四月初六日啟鑾後著派審親王仁壽定郡王載銓大學士裕誠協辦大學士杜受田尚書柏俊留京辦事○又諭呂賢基奏請求直言一摺朕登極後特詔求言內外臣工條奏凡有可採取者均已見諸施行現在粵西軍務未平豐北河工漫口未合內外諸務因循未能振作畿輔自入春以來缺少雨澤朕焦勞宵旰方矢憂勤惕厲之忱爾諸臣目擊時難自當與國家同其休戚豈可泄泄沓沓自謂循分盡職乎著再申諭各部院大臣九卿科道等有言事之責者於政治得失民生利病有可補偏去弊力圖挽救之處各據見聞直陳無隱朕非好諛惡直之主亦非欲博下詔求言之名爾諸臣其各力矢公忠悉心獻替惟不得徒託空言浮泛塞責若或受人指使詐偽居

心或欲沽直名置國是於不問殊負朕集思廣益之苦衷也○又諭工部錢法堂奏鑪匠不遵調度請將派頭人等交部審辦等語工部寶源局老鑪匠役於奏定減卯章程抗不遵依並聲稱欲撒勤鑪情殊藐法上年查出該局鑄有小錢經該堂官奏明僅止飭令回鑪重鑄未加深究本年又請將該匠等借支款項停扣五年朕皆俯如所請屢加體恤乃該匠役等不知感激膽敢恃眾把持玩視功令實出情理之外非徹底查辦不足以儆愚頑所有派頭韓德俊關永年鑪頭王浚侯儼均著交刑部嚴行審訊將首先不遵調度之老鑪匠役究出奏明即著步軍統領衙門按名查拏送部懲辦○壬申諭內閣步軍統領衙門奏甘肅舉人鄒璠等呈控番賊肆搶並開列被搶各案清單呈覽甘肅地方歷年多有野番搶掠之案近來賊膽愈張竟至拒傷官兵戕害人命該舉人等所控上年四五月

以後西甯等處劫案累累沿邊居民屢遭毒害若不大加懲創何以除兇暴而安善良著舒興阿按照所控各案飭屬嚴密查拏務期破獲究辦並著嚴飭各鎮營整飭武備實力操防毋稍疏懈○又諭舒興阿奏總兵互相稟訴請派大員查辦一摺陝西署漢中鎮總兵副將祥瑞先經該督聞其營務廢弛奏請撤任調省察看復據前任漢中鎮總兵春福稟揭祥瑞劣蹟該督正在密查該署總兵祥

瑞具稟申辯許告春福與現任總兵常英勾通陷害臚列春福營私各款並疑該督輕信被蒙冀圖挾制武職大員互相攻訐跡涉賊私必應徹底查辦以肅官常舒興阿無所用其迴避即著督同藩司黃宗漢署臬司易崇秉公研訊定擬具奏○禮部以會試中額請得旨滿洲取中九名蒙古取中二名漢軍取中三名直隸取中二十二名奉天取中三名山東取中十八名山西取中十名河南取中

二十一名陝甘取中十九名江蘇取中十七名安徽取中十一名浙江取中二十名江西取中十八名湖北取中十名湖南取中九名福建取中十一名廣東取中九名廣西取中五名四川取中十名雲南取中十名貴州取中七名○兩江總督陸建瀛等奏遵旨趕辦壩工現於邊埽上下多拋碎石壩面層層加壓柴土俾臻鞏固報聞○以故陝甘總督一等侯楊遇春嫡長孫炳襲爵○以江蘇捕獲

洋盜出力賞董事同知銜王承榮藍翎餘升敘有差○癸酉

上詣

壽康宮問

皇貴太妃安○諭軍機大臣等鄂鳴鶴馳奏援兵陸續趕到連日接仗獲勝情形一摺現在各路援兵陸續到齊並防守兵勇計有萬餘名省城內外布置周密兵力不為單弱逆匪撲城我兵分門守禦屢次出擊亦既大挫其

鋒惟省垣重地豈可從事株守急宜乘賊進退失據之時出奇制勝該撫與向榮等此時想已督飭將弁分路進剿賽尚阿現駐陽朔距省匪遙正可與省城聯絡聲勢內外夾擊且逆首洪秀泉楊秀青蕭朝濱韋正等聚集一處尤不可失此機會務須激勵將士合力痛剿以期聚而殲旃渠魁既除餘匪自可以次剿辦據稱賊眾男婦約有四五千人分踞各村並將軍橋頭塘等處若不及早攻剿勢必樹立柵寨據險負隅仍為窺伺省垣之計象鼻山為水陸要隘賊匪搶占必應痛加剿擊勿令據險北城外各山及水路亦宜嚴密防堵不可令其乘間竄踞所稱匪船四十餘隻停於紫家洲及象鼻山之背婦女輜重俱在其中未始非因省垣堅固為奔竄他郡之計梧州一帶偵探防堵均關緊要勞崇光計已馳抵梧江著即督率地方文武併力剿除匪徒徐廣縉接奉前旨想已督兵來粵矣其

毗連楚粵各界尤宜隨時知照程喬采分兵駐守不可稍有疏虞余萬清如已帶兵抵粵即可合力兜剿一鼓殲擒毋得稍存畛域致誤事機烏蘭泰是否仍在六塘其礮傷輕重若何秦定三所帶之兵是否呼應得力著賽尚阿查明具奏該省紳士龍啟瑞朱琦志切同仇協同防禦已有旨交部議敘其餘出力文武紳民人等仍著於省城解圍後覈實保奏倘有守禦不力遷延退避不遵調遣者即著從嚴叅辦另片奏請就近會同向營調遣各軍等語所見甚是軍務緊急刻有變遷自宜相機行事也將此由六百里諭令知之○駐藏辦事大臣穆騰額奏報校閱前藏官兵春操情形得旨朕近聞汝心神恍惚辦事不能用心併有稱汝不見屬員高卧衙齋者若果屬實於邊疆要地深有關繫可據實奏來若有一字欺瞞難逃朕鑒○以援剿廣西賊匪獲勝賞同知謝繼超知州王建泰參將蔣

福長遊擊游坤垣都司常啟雲花翎餘升敘
有差○以守禦廣西省城出力賞副將瞿騰
龍巴圖魯名號○甲戌

上御乾清門聽政○諭內閣徐廣縉葉名琛奏
封川江口堵剿廣西匪船大獲勝仗現在分
派員弁會剿一摺廣西匪船前在梧州一帶
肆擾經該督等調集兵勇各船派委佛山同
知沈保頤廣州協右營守備黃者華等會同
江口委員嚴密防堵二月十四日匪船四十

餘隻由梧州順流而下直撲江口委員南雄
州知州郭超凡督標水師營參將崔大同署
水師提標後營遊擊李仁安與沈保頤等督
率水陸兵勇開礮環攻轟斃賊匪三百餘名
生擒首匪關亞幅一名並夥犯二十一名餘
匪當即竄逸仍在梧州戎墟及榕塘一帶灣
泊該督等已分飭郭超凡會同崔大同等督
帶兵勇馳抵梧州會剿仍飭沈保頤李仁安
等扼要嚴防所辦均合機宜著徐廣縉即督

飭兩省文武員弁無分畛域合力勦辦務將
艇匪悉數殲除無任竄逸○又諭徐廣縉葉
名琛奏攻破新鋪賊巢匪首就殲全獲勝仗
一摺逆匪顏品喜即顏三分踞新鋪地方夥
黨眾多恃險肆劫據該督等奏稱廣東提督
陶煜文分派員弁並知會廣西遊擊雙貴等
兩路合剿斃匪多名賊勢窮蹙陶煜文及高
廉道沈棣輝即會督員弁進逼賊巢適左江
鎮惠慶等設法購綫並有頭目潘七太願為

內應即知會陶煜文等分派兩省兵勇訂期
四路進攻設伏接應齊抵賊巢該匪開柵衝
突兵壯奮勇撲前賊眾大潰逆首顏三乘間
竄往沖天坳為潘七大伙兵斫死並將黨匪
七人一同殺斃柵外逸出之賊殲擒殆盡此
股匪徒最為強悍經兩省文武協力攻圍痛
加勦洗俾積惡罪魁駢首就戮統計勦斃賊
匪七百餘名生擒四百餘名各團練拏獲逃
匪二百七十餘名洵足伸國法而快人心所

有兩省出力文武員弁兵勇人等著賽尚阿、徐廣縉等查明保奏候朕施恩。諭軍機大臣等：徐廣縉等奏勦辦廉州新鋪賊巢並堵勦廣西匪船及羅鏡墟逆匪各摺片，廣東高廉一帶與廣西南太等府接壤盜賊繁多，此等彼竄首匪顏三業經斫斃其餘黨亦殲擒殆盡，惟蘇凝三尚無下落難保不逃竄他處。復行勾結欽州李士青一股現仍分踞大寺。該督務當嚴飭兩省兵勇剋期會勦迅速殲

除勿留餘孽。至廣西匪船四十餘隻前在梧州一帶屢肆滋擾復由梧州順流直下經廣東文武兵勇奮力勦截大加懲創該匪仍回竄梧州戎墟及榕塘一帶業經該督分飭郭超凡等帶兵勇各船三十餘隻馳抵梧州會勦自可互相策應惟匪船尚有三十餘隻現因桂林省城緊要該處防兵又復咨調到省兵力較單已疊經降旨令徐廣縉督帶兵勇親赴梧州會勦想該督奉到諭旨必當酌量

緩急情形不致顧此失彼。藩司勞崇光既已馳抵梧州乘此匪船潰敗奔竄之時合力堵勦定可一鼓殲滅淨絕根株其凌十八一股坐困羅鏡斷不可稍疏防範致令竄突。陶煜文現既患病即著在欽州調理該督兼署提督如赴梧州即可令葉名琛接辦羅鏡軍務並署提督篆務高廉文武各員亦即統歸節制或崑壽署理提督亦好諒該督撫等定知相機應變籌畫萬全以副委任將此由六百

里諭令知之。○刑部尚書恆春等覆奏因積私酒人犯請仍照原擬辦理得旨著照所擬辦理嗣後如再有因積過數者必應嚴懲恆春自任刑部以來諸事廢弛近日尤甚著降為三品頂戴以觀後效。○以太常寺卿常志翰林院侍讀學士萬青藜為內閣學士兼禮部侍郎銜翰林院侍講學士毓檢為詹事府詹事。○以內閣學士常志兼管太常寺事。○改鑄山西薩拉齊廳通判關防從巡撫兆那

蘇圖請也○予廣東陣亡都司饒成龍祭葬世職如遊擊例○乙亥命於

大高殿祈雨

上親詣行禮○詣

時應宮拈香○遣惇郡王奕諒詣

宣仁廟

凝和廟怡親王載垣詣

昭顯廟恭親王奕訢詣

黑龍潭覺生寺睿親王仁壽詣清漪園

龍神廟靜明園

龍神廟拈香○諭內閣戶部奏滇省辦銅低

潮過多領運各員行走遲滯請飭催查辦一摺雲南省辦運京銅自應遵照定例依限開

船乃近年在瀘各運無不以患病守水為詞

任意耽延且解局銅斤低潮過多鐵砂尤甚

現在京局鼓鑄急需宣容解運遲滯低潮攪

雜致有貽誤著雲貴總督雲南巡撫查照戶

部前奏章程嚴飭廠店各員以及領運委員

務將所辦銅斤煎鍊純淨整鑿清楚毋稍含

混並飭領運各員依限到瀘瀘店委員隨到

隨兌償仍前玩誤即著從嚴叅辦該督等惟

當實力整頓剔除積弊如銅斤成色不能純

淨起運不能迅速即著該部查明將該督撫

奏請一併議處另片奏庚戌年正運一二起

委員王日省陳步萊已於上年十月運抵淮

安現在時逾立夏尚未據將渡黃日期咨報

到部實屬玩延著漕運總督兩江總督即將

該二運銅船押令隨漕插檔前進並著山東

直隸各督撫一體嚴催如該運員等有脫空

落後任意逗遛情事即行指名嚴叅至在後

之庚戌年正運委員顧恩綬加運委員鄒衍

泰彭蓋忠及辛亥年正運一起委員施鍾等

渡黃後均著照此插檔行走毋得稍有遲延

以肅運務而資鼓鑄○免江西節年民欠緩

徵銀米○貸山西太原太谷翼城豐鎮河曲

安邑夏聞喜永和遼萬泉十一廳州縣上年

歉收貧民倉穀并緩右玉保德甯遠陽曲太平曲沃虞鄉臨汾靈石九廳州縣買補節年動缺倉穀○丙子諭內閣五月初四日

方澤大祀

皇考宣宗成皇帝升配

地壇朕於前一日閱視祝版畢還宮辦事後由

東華門出安定門恭詣

皇祇室拈香即至

宣宗成皇帝神牌黃幄行禮仍進安定門詣

雍和宮齋宿嗣後

地壇大祀俱照例在宮齋宿○欽差大臣大學

士賽尚阿奏廣西守禦獲勝及在陽朔督辦

情形得旨卿在外調度所見甚是現在城南

兵少恐墮奸計我兵精銳斷不可聚於一處

連日見陳金綬言之甚詳特諭卿知之○河

南巡撫李德泰勦辦擒匪情形得旨辦理認

真罔顧嫌怨洵不愧疆圉重任使各省督撫

各州縣皆能如是何患有不破之案卿其移

會鄰封俱遵此諭辦理○命湖北提督博勒

恭武來京以貴州古州鎮總兵官雙福署湖

北提督○予廣西永安州殉難副將阿爾精

阿知州吳汪學正丁履吉吏目宋光烈祭葬

世職並建專祠幕友黃雲鵬等賞卹如例○

追予廣西禦賊被害龍州同知王淑元署隆

安縣知縣高延祉建立專祠○蠲緩安徽鳳

陽靈璧五河宿當塗懷遠望江蕪湖無為巢

壽盱眙大長合肥舒城定遠鳳臺泗和懷甯

桐城潛山銅陵廬江阜陽潁上霍邱含山建

平貴池青陽宿松東流繁昌三十四州縣被

水村莊及屯坐各衛上年額賦○丁丑

上詣

太廟東甬門外綵幄恭閱

宣宗成皇帝

孝穆成皇后

孝慎成皇后

孝全成皇后

玉冊

玉寶入

太廟前殿行禮親奉

冊

寶藏於

後殿○詣

壽康宮問

皇貴太妃安○諭內閣朕於四月十一日恭詣

慕陵行釋服禮禮成後穿青長袍褂戴雨纓冠

至中伙時更行衣所有隨從之王公大臣官

員等均於禮成後青長袍褂冠綴雨纓隨行

至中伙時一併更換行衣○雲貴總督吳文

鎔等奏永昌逃匪馬順儀等潛回惑眾現飭

提省訊辦得旨現獲各犯嚴訊定擬地方按

捕餘匪情形續行奏聞以慰厘懷尋奏首從

各犯悉數殲擒馬順儀按律從重擬凌遲處

死監斃仍剝屍梟示王國太等按律擬斬立

決從重梟示下部議從之○賞降調馬蘭鎮

總兵官容照頭等侍衛在大門上行走○戊

寅諭內閣據載垣奏昨日勝保呈遞封奏一

件呈遞後復自行撤回本日亦未據再遞著

勝保即將封奏呈進并將因何自行撤回之

處據實回奏○又諭楊殿邦奏江廣各幫陸

續兌開請飭各關查驗放行不准羈留等語

向來江廣幫船經過九江蕪湖龍江等關查

驗納稅關書人等往往藉端刁難致稽時日

該漕督所奏自係實在情形著九江蕪湖龍

江各關監督一俟江廣幫船到關立即查驗

放行不准羈留如各幫船於例帶土宜外尚

有應繳稅銀即酌留伍丁令其照數完納俾

幫船迅速前行毋致貽誤至各幫丁舵人等

沿途售貨任意逗遛該漕督亦應嚴飭各糧

道督率運弁隨時實力稽查催趲過行毋任

藉詞延宕並著沿途各督撫派員一律嚴催

以速漕運○直隸總督訥爾經額奏報各屬

先後得雨情形得旨京師於二十四日得雨

一寸餘惟冀續沛時霖於農田尚有裨益事
天以誠不以文尤在心常敬畏若稍蒙

鑒佑即自滿溢是不能承受

厚恩也在朕尤難在卿等亦不易耳○貴州巡

撫蔣霽遠奏報體察黔省全境情形並分飭

員弁嚴防竄匪得旨汝接篆伊始整頓尚易

但恐日久生懈耳勉之勉之○調吏部左侍

郎張芾為刑部左侍郎仍留江西學政任轉

吏部右侍郎邵燦為左侍郎以內閣學士沈

兆霖為吏部右侍郎工部左侍郎呂賢基兼

署刑部右侍郎○署江西巡撫王植因病解

任以布政使陸元烺署巡撫○以催提空運

出力賞還漕運總督楊殿邦頂帶予江西同

知顏貽曾等升敘有差○濬江蘇淮揚運河

從漕運總督楊殿邦請也○修陝西灞滻橋

隄從巡撫張祥河請也○已卯諭內閣昨降

旨令各部院大臣九卿科道各進直言以匡

時政本日據給事中陳壇遵旨陳言懇請遇

災而懼益深惕畏以召

天和而固人心披覽所奏頗合責難陳善之義

深契朕衷朕承

皇考付託之重仰惟

列聖創業艱難天下億兆生靈撫綏懷保責在

藐躬自登極二載以來無日不以敬

天愛民為念兢兢業業夙夜不遑曷敢稍存滿

溢之志致開逸欲之萌惟思與中外臣工洗

滌前非共圖上理乃因循疲玩積習相沿法

令廢弛撫循無術以致盜賊橫行重煩兵力

自上年粵西小醜不靖調兵勦辦各屬盜匪

漸次解散撲滅獨金田會匪尤為狡詐兇悍

大兵節次進攻相持日久仍被突圍而出甚

至挫師折將省城戒嚴前此破陷永安合城

文武殉難捐軀迨賊他竄後州城及莫村永

甯各處僅留警病數人是城內居民或不得

已而被其裹脅或不甘從逆而遭其屠戮者

不知凡幾現又竄擾桂林省城城外及昭平

荔浦陽朔一帶村墟居民諒無不受賊蹂躪焚燒擄掠傷心慘目不言可知亦子何辜毒罹鋒鏑興言及此寢饋難安回思前任疆吏粉飾因循深堪痛恨然勞師糜餉俾么膺小醜未能迅就蕩平皆予罪也而南河豐工漫口至今尚未堵合災民蕩析離居更為可憫自惟薄德時切憂勤宵旰苦衷原難共喻亦不願天下知惟有自省愆尤倍深刻責而已廣西軍務賽尚阿未能迅速奏功疊予薄懲望其力圖補救以贖前愆現在該大臣駐劄陽朔與省城聲勢聯絡如能剋日會合攻剿兼扼其南竄之路不難復振軍威滅此羣醜若再曠日無功朕亦豈能寬宥著再申諭賽尚阿及帶兵大員等務各激發天良勿致復蹈故轍國典具在朕非不能執法之主也至廣西紳士居民人等於辛苦墊隘之中舉行團練各衛身家殊堪軫念現當賊勢奔竄靡常其各一乃心力敵愾同仇或偶被妖賊煽惑或陷賊後革心悔悟自拔來歸者不惟予以自新且當妥為撫恤有能殺賊自效者更當加以恩獎廣東湖南與廣西壤地毗連疊經諭令該督撫通飭所屬實力防堵仍當妥諭士民團集保伍並宜加意綏徠無至驅良為匪用副朕除害安民之至意該給事中另片奏賊偽軍師洪大泉擬請毋庸解京等語洪大泉籍隸衡州係從賊夥黨原非首要之匪現既檻送在途仍著解至京師以憑訊究

將此通諭中外知之○又諭上年因廣西辦理軍務所有辛亥恩科文武鄉試降旨展至本年與壬子正科一併舉行現在該省軍務尚未肅清本年正科考官該部例應於五月初旬具題該省各屬士子或舉行團練保衛鄉里或隨同地方文武勦賊立功且恐道路或有梗阻能否如期赴省應試著鄒鳴鶴體察情形儘本年仍難舉行即改於來年為該省特開一科仍倍額取中並予廣額該撫即

迅速查明務於五月初旬由驛奏到毋稍遲延○又諭本日據內閣學士勝保遵旨回奏二十七日呈遞封奏因查有應行迴避字樣是以自請撤回等語勝保既呈遞事件又復自行撤回殊屬不合著交部察議奏事官常通並著交部議處○戶部議准長蘆鹽政崇綸疏報蘆臺場開墾灘地一項十四畝有奇照例升科從之○

上以常零祀

天於

園丘自是日始齋戒三日○庚辰以恭奉

宣宗成皇帝配

天前期遣官告祭

天

地

太廟

社稷○諭內閣勝保奏陳時務各條朕詳加披閱所論軍務河工明賞罰以振紀綱等語與

給事中陳壇所奏大畧相同昨已明降諭旨宣示中外其所稱近日硃批多而諭旨少又云市井細民時或私論主德朕因其語無確指令軍機大臣傳旨飭令據實回奏茲據勝保覆奏所云諸臣條奏及交部重案議覆上時奉旨依議發下外人不知似宜通行宣示此言未諳政體向來各部奏事有依所議行者即不另降諭旨此係

列聖成憲歷久遵行若每事必特降諭旨宣示

無論勢不能行亦日不暇給矣至副都統慶璽係明降諭旨休致本非硃批又非革職勝保所言自係傳聞之誤恆春之降三品頂帶因其莅任刑部以來諸事廢弛是以姑示薄懲給事中方允鑲則因王柏齡抗租一案上年曾風聞入奏後經欽差侍郎及盛京將軍查辦該給事中所奏情形未能確實是以批飭吏部以後應升應保不准開列此皆朕黜陟權衡非臣下所能干預且恆春降三品頂

帶之硃批發下軍機處交內閣即日發鈔人
人皆見又何必特降諭旨而後能通示中外
乎至所稱游觀之所煥然一新等語不為無
因現在重華宮小有工作所云萬方歡樂入
歌謠楹聯乃嘉慶年間舊句並非新撰若採
辦梨園服飾以備進奉更無此事至飲博二
端朕本無此好萬幾之餘觀書習射游藝兼
資又何暇為此無益之舉況時艱孔亟朕方
宵旰焦勞豈敢稍耽安逸且我

實錄卷五十七

吉

皇考手諭聲色貨利之戒垂示後人朕惟拳拳
服膺日慄憂勤惕厲於深宮獨處之中此間
修慎獨之本衷原不期人人共喻也古語云
止謗莫如自修勝保採風聞以入告朕即並
無此事亦可引以為鑑惟勝保既有此傳聞
即宜於原奏內直陳無諱方為知無不言言
無不盡乃隱約其詞迨傳旨詰問始行臚列
入奏殊失事君有犯無隱之道念其意存諷
諫於朕修身勵行既不為無補即不必加以

妄言之罪勝保著免其置議嗣後有言責者
惟當臚陳實事不得摭拾空談致負朕望

實錄卷五十七

五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之五十七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之五十八

宣宗成皇帝神牌黃幃行禮畢詣
南郊齋宮齋宿○諭內閣哈勒吉那代奏吹布
藏呼圖克圖呈稱應請伊姪喇廓呼圖克圖
進京當差等語喇廓呼圖克圖已回原牧十
年有餘且距京路途寫遠加恩著毋庸進京
當差以示朕體恤之至意○又諭昨因容照
敕修

咸豐二年壬子夏四月辛巳朔享

太廟遣惇郡王奕諒恭代行禮○

上恭詣

皇穹宇拈香隨至

宣宗成皇帝神牌黃幃行禮畢詣

南郊齋宮齋宿○諭內閣哈勒吉那代奏吹布

藏呼圖克圖呈稱應請伊姪喇廓呼圖克圖

進京當差等語喇廓呼圖克圖已回原牧十

年有餘且距京路途寫遠加恩著毋庸進京

當差以示朕體恤之至意○又諭昨因容照

由兵部帶領引見飭令該部查明該員前次
降調回京未經丁憂以前何以不行引見茲
據該部查明覆奏所有道光二十七年漏未
調取引見之堂司各官著吏部查取職名議
處其歷年及現任未經查出從前遺漏行文
之堂司各官著一併交部議處○山東兗州
鎮總兵官百勝奏報校閱營伍情形得旨分
別責革整頓頗好惟冀汝在任日久時常振
作斷不准一奏了事現在天下提鎮大員遇

事退後若稍有振作即被文員駁斥積習既
深朕必欲力加挽回俾有猷者不敢卸責疲
庸者亦斷難戀棧庶營伍稍有起色不致臨
時掣肘也著兵部將此殊諭諭令各提鎮知
之○壬午常雩祀

天於

園丘

上親詣行禮恭奉

宣宗成皇帝配享如儀○詣

關帝廟拈香○詣

壽康宮問

皇貴太妃安○

諭內閣程裔采奏賊匪突入州

署劫獄戕官現派文武大員馳拏各犯一摺

湖南郴州突於三月十四日有賊匪百餘人

晝夜執持刀械入署打毀監獄放出監犯署

知州胡禮箴喝拏被賊戕害並殺斃家丁二

名賊匪膽敢恃眾劫獄戕官不法已極必當

嚴行懲辦以儆兇頑據稱該州吏目已會同

營弁紳民帶領兵勇擒獲賊匪十餘名復經

該督派委永州鎮總兵孫應照臨武營參將

強其修署宜章營參將積拉明阿等帶兵勦

捕續獲二十餘犯餘匪逃散居民尚未被擾

現已委員馳赴該州提犯訊供等語著程裔

采駁秉章即飭嚴拏逸匪並劫放監犯盡法

懲治毋任一名漏網仍查明起釁根由是否

因胡禮箴拏辦齋匪劫獄奪犯抑或另有別

情據實具奏○又諭鄒鳴鶴奏堵剿撲城賊

匪情形一摺據稱逆匪疊次撲城湖南官兵

緹城殺賊奪獲木梯多件總兵馬龍候補知

府陳瑞芝等督帶兵勇由北門外飛龍橋前

進與副將吳應龍備弁米興朝劉季三萬年

新王家翼萬明魁知府李孟羣等分路接應

賊眾敗走現在分派各軍更番出擊等語永

安逆匪竄撲省城我兵屢有新獲賊勢已挫

現在勞崇光所派壯勇計已馳抵桂林余萬

清亦可帶兵趕到賽尚阿現駐陽朔務當嚴

督各路援軍剋期進剿與城內文武紳民合

力堵擊將著名逆首悉數殲擒毋得稍涉遷

延再有疏縱○諭軍機大臣等程裔米馳奏

賊匪晝夜突入州署劫獄戕官等情一摺此

案湖南署郴州知州胡禮箴因查拏會匪嚴

緊又將一土棍嚴刑拷訊訪獲齋匪五人收

監各匪竟因此挾仇晝夜糾集多人執持刀

棍撞門進署打毀監獄該署州趕出喝拏竟

被各匪砍斃並殺家丁二人入署搶劫實屬

目無法紀。惟所稱復仇一節。究係揣度之詞。是否該署州辦理不善。抑或別有起釁緣由。其中有無鄰匪竄入勾結。該督現已派委署桂陽州知州李啟詔。馳詣該州接署。著即督飭速提已獲各犯。訊取確供。查明首犯是何姓名。夥黨共有若干。現獲各犯。有無首要。該督務當查訊明確。據實具奏。毋得稍有迴護。該處居民。尤須妥為安撫。以定人心。案內逸匪。並劫放監犯。仍飭迅速查拏。毋許一名漏網。湖南會教匪徒。糾眾結盟。擾害良善。查緝必應認真。惟此輩詭詐多端。往往勾串胥役。暗通消息。查拏稍不慎密。最易走漏風聲。滋成事端。或任聽吏役訛詐。甚至誣良為匪。致令奸徒藉口。轉失除暴安良之道。該督等務須督飭地方各官。訪察明確。要速辦理。於緝捕之中。仍寓撫綏之意。該省與兩廣毗連。更當嚴防鄰省匪徒竄入勾結。免致蔓延為患。解餉委員。乘間赴稟。所解餉銀若干。是否被

搶。該署州印信文卷。有無遺失。著一併查明具奏。將此由六百里諭令知之。○廣西巡撫鄒鳴鶴。滙陳逆匪攻逼省城。竭力堵禦情形。得旨。所奏實堪憐恤。朕亦無復諭矣。朕非不知汝心。第身為疆吏。豈可倉皇無措。轉無益於事。朕是日齋宿。南郊。惟誠祈垂佑也。○以南郊大祀恭奉。宣宗成皇帝升配。禮成。予執事陪祀之王公大臣官員。加級紀錄。有差。賞校尉樂舞生。拜唐阿護軍。步甲等。一月錢糧。○停次日頒詔。朝賀。○以援勦廣西桂林賊匪出力。賞總兵官馬龍。巴圖魯名號。予追賊陣亡都司額勒和泰。祭葬世職。○貸湖北荊州。荊在荊有。沔陽。四衛。並湖南岳州衛。幫丁辦運銀。○癸未。以恭奉。宣宗成皇帝配。天禮成。頒詔天下。詔曰。朕惟禮祀明度。易象徵

夫殷薦尊崇盡禮周頌詠夫思文道備乎饗
帝饗親溯黃虞而同揆義協乎配天配地並
高厚以升歆詳考彝章彌隆懋典我國家誕
膺

景命丕冒海隅

世德光昭

昊慈眷佑

太祖高皇帝

太宗文皇帝

世祖章皇帝

聖祖仁皇帝

世宗憲皇帝

高宗純皇帝

仁宗睿皇帝

帝載之同符重

顯穹之陟配欽惟

皇考宣宗成皇帝

函三立極

撫萬綏猷

體健順以成能

參易簡而正位明且仰

鑒觀之赫顧謨維嚴崇卑微

效法之精馨聞罔聞

德符離照雲日蔚其光華

澤沛需膏雨露深其露被緬

靈壇之肝饗東甕

誠通召帀宇之和甘

執圓道著祥徵

乾象耀珠聯璧合之輝寶溢

坤輿紀嶽貢川珍之瑞丕釐

上帝命豈

合撰之能名迪惟

前人光倍思成之增企格

廟方申其殷禮配

天宜極夫崇儀琮璧焜煌奉

兩郊之大祀

几筵肅穆繼

列聖以時歆敬昭告

天

地

宗廟

社稷率諸王貝勒文武羣臣於咸豐二年四月

初二日常雩恭祀

上帝於

圓丘奉

宣宗成皇帝配享五月初四日夏至恭祀

地祇於

方澤咸豐三年正月初六日上辛祈穀於

上帝並奉

宣宗成皇帝配享芬揚疊俎慎報本以馨香樂
備圖函奏陳常而妥侑式昭懿樂聿沛鴻施

所有事宜開列於後一

歷代帝王陵寢

先師闕里應遣官致祭著察例舉行一五嶽

四瀆等祀應遣官致祭著察例舉行一各省
童生入學額數大學著增七名中學增五名
小學增三名詔到舉行一次不著為例一地
方有才品優長山林隱逸之士著該督撫覈
實具奏酌予錄用一各省民人孤貧殘疾無
人養贍者地方官加意撫恤一各省要路橋
梁及過渡船隻間有損壞妨礙行旅者地方
官查明隨時修理一一直省軍流以下人犯分
別減等發落一傷病留營兵丁不能充伍者
該管將弁查明本家如有子弟至戚可以教
練差操即令頂食名糧免致失所於戲飭虔
恭於祝嘏告備告時卜說豫於神人是宜是
享上儀有赫齊覆載以垂庥錫類無疆徧寰
瀛而被德布告天下咸使聞知○頒發朝鮮
國

宣宗成皇帝配享

郊壇詔書賞給該國王緞匹如例○諭內閣前
因內閣學士勝保呈遞封奏復行撤回當降

旨交部察議並將奏事官常通交部議處茲據吏部遵旨具奏並恭查嘉慶二十一年

諭旨按照定例將勝保議以降三級調用係私罪不准抵銷常通議以降二級留任係公罪例准抵銷分別請旨勝保前奏時務各條原無不合即其風聞失實各款朕亦念其意存諷諫不加譴責惟既經遞摺擅自撤回實屬有違定制嘉慶年間所奉

諭旨杜漸防微具有深意煌煌

聖訓曷敢不遵勝保著即照部議降三級調用不准抵銷奏事官刑部員外郎常通著照部議降二級留任准其抵銷並著退出奏事處嗣後各衙門及有言責者陳奏事件概不得遞後擅撤奏事官亦不得任聽撤回如有率意妄為者著御前大臣查明即行參奏又諭常大瀉奏匪徒藉端聚眾派兵拏辦並請將辦理不善之知縣撤任一摺浙江奉化縣連山鄉屬地方匪徒藉端免民欠為詞妄思

將已完銀米遞抵新賦糾眾毀壞該縣衙署門壁並搶去衣物銀錢又鄞縣所屬西南東南兩鄉匪徒因圖減完糧銀價聚眾至府縣兩署毀壞門壁及署內衣物並勒給減價印示鄞縣所屬姚家浦私集挾嫌拆毀鹽商公所及該商住屋似此匪徒藉端糾眾實屬目無法紀亟應嚴拏懲辦以儆刁頑該撫現已飭委臬司孫毓汶署運司慶廉湖州協副將張蕙酌帶弁兵前往嚴拏各案匪犯著即督飭泳委各員分案查拏斷不准一名漏網並現獲之私梟案內匪犯張得富等十一名一併交該撫親提嚴審按律擬辦鄞縣知縣馮翊署奉化縣知縣舒達辦理不善且恐另有縱容書差弊混浮索情事馮翊舒達均著撤任交該撫秉公查辦○以翰林院侍講吳保泰左春坊左中允史瀉署日講起居注官○甲申諭內閣歷代史書皆以帝王本紀冠諸簡端我朝

列聖相承均經國史館恭修

本紀敬謹尊藏伏念

皇考宣宗成皇帝峻德崇功顯謨彝訓業經特

命開館纂修

實錄現已進呈至十五年允宜恭修

本紀垂示後昆著國史館總裁遴派提調等官

督率謄錄諸

實錄館將業已進呈之書照副本恭繕一分恪

遵編纂隨時進呈於

實錄告成後陸續辦竣所繕

實錄副本即恭藏史館以資考證○又諭前因

王慶雲聯英會同山西巡撫兆那蘇圖奏通

籌河東陂務酌議留商改票先課後鹽章程

開單呈覽當交戶部妥議具奏茲據該部逐

條覈明分晰議奏如永禁食商以省挖累責

成改票以期暢銷革浮費禁攤派以杜虧絀

定池價減銷價申明畦地租課舊章以免流

弊覈科則以輕成本立口岸以便發販緝鹽

池之透漏堵引地之私售另籌公用酌加鹽斤及潞澤節省銀兩歸於通綱攤完各條既經該部悉心籌度分別准行著即照新定章程妥為辦理整頓陂務總以裁費緝私為剔弊大端裁費務盡不得名去實留緝私本地方官之責現在池價既定恐坐商周利售私必應認真巡緝不得藉口減費稍存玩泄該撫惟當飭屬力除積弊恪守新章陂務自日有起色儻該官商等有敢於阻撓廢格以致

平素本主人

辦無成效即著指名叅辦毋稍徇隱○以工

部左侍郎哈芬署管工部錢法堂事務○乙

酉

上詣

壽康宮問

皇貴太妃安○諭內閣禮部奏遵議給祭齋戒

日期酌擬應用服色一摺本月十六月拾祭

太廟前期齋戒十三月朕在途次仍穿行衣十

四日由行宮換戴緯帽常服挂朝珠隨從王

公百官均戴緯帽常服挂朝珠十五日閱視祝版朕御龍褂挂朝珠王公百官均穿補褂挂朝珠○又諭現在恭纂

皇考宣宗成皇帝實錄已進至道光十五年所有在館之提調總纂纂修協修校對收掌繕譯謄錄及供事等官均著交部照例議敘○又諭徐廣縉奏請展限辦理鹽課奏銷一摺兩廣省河鹽課向於次年底截數奏銷現值軍務未竣引鹽銷運較滯既據該督查明商

力難支援案懇恩展限著照所請所有道光三十年分省河鹽課准其展限五箇月於本年七月內造冊奏銷以後仍遞年趨早一月至咸豐九年復歸年底原限無得藉詞再有遲逾以重課項○又諭朱嶧奏請飭催河運漕糧一摺本年江蘇蘇松等四府一州糧米業經由海運抵津其餘江安浙江江西湖南湖北各省漕糧均仍由運河挽運北上現在南河臺北漫子尚未據報合龍各省糧船已

次第兌開前進南北運道設有阻隔必致節節耽延於漕務大有妨礙著陸建瀛楊以增顏以燠楊殿邦體察情形趕緊籌辦總期漕船及早催挽如限抵通毋致臨事周章儻有貽誤惟該督等是問○以鑲白旗漢軍副都統多爾濟那木凱署正黃旗蒙古副都統○以湖北施南協副將王家琳為河南河北鎮總兵官○丙戌

上以服闋行釋服禮恭謁

慕陵啟鑒至盧溝橋詣

龍神廟拈香○諭內閣前據李芝昌等奏臺灣匪徒糾眾結盟暨旗肆搶經該鎮道督飭文武率兵分勦首要各犯悉數殲擒當經降旨著該督等飭令該鎮道將辦理情形詳查具奏茲據葉紹春徐宗幹將首從各犯審明分別定擬並聲稱南北兩路安堵如常辦理尚為妥速葉紹春徐宗幹均著交部議敘其在事尤為出力之文武員弁紳民人等著查

明據實保奏候朕施恩毋許冒濫○又諭陸建瀛楊以增奏豐工未能堵合懇請展緩並自請嚴加治罪一摺南河豐北漫口責成該督等辦理堵築由部撥解鉅款以濟工需該督等宜如何盡心竭力妥慎督辦乃於興工數月以來兩次走占以致不克合龍請於霜降水落後補築糜帑殃民曷勝憤懣惟念此時籌辦重運撫恤災民皆刻不可緩之事若將該河督等概予罷斥治罪轉得置身事外楊以增著即革職暫留工次督辦河務陸建瀛著降為四品頂帶均仍責令秋天補築合龍以觀後效轉瞬重運臨如何設法使無阻滯江南山東一帶被水災民如何撫恤著河道總督漕運總督並地方各督撫等趕緊妥籌辦理所有大工用存料物銀錢覈實收存即將秋間興築事宜豫行籌計具奏其掌管東西壩前經革職留任之河營叅將呂邦治淮徐遊擊關興邦著即革任仍留工效力

掌壩文員裏河同知于昌進外南同知婁晉均著革職留任責令籌辦重運如再貽誤即行嚴叅其疊次走失埽占照例著賠○又諭賽尚阿奏軍務未能蒞事自請治罪一摺賽尚阿自督辦廣西軍務以來先曾調度得宜自賊匪竄入永安數月未能攻克及至突圍北竄又誤事機實難辭咎昨已降旨令其戴罪圖功以觀後效若徒以請罪塞責於事何濟現又飭令徐廣縉揀帶精兵馳赴廣西會辦軍務賽尚阿惟當激發天良力圖補救無徒事虛文自劾為也○諭軍機大臣等賽尚阿奏自請治罪一摺已明降諭旨暫令戴罪圖功並派徐廣縉馳往粵西會辦矣現在逆匪尚在圍攻省城各處兵力聚於北路該大臣駐劄陽朔省南兵力稍單萬一逆匪因省城固守難於攻撲復向南路竄突該大臣現帶之兵僅有二千儻致疏虞更屬不成事體本日已降旨飭令四川雲貴各再挑備精兵

二千該大臣如有應需調遣之處即一面奏聞一面飛調應用鄒鳴鶴向榮等守禦省城現與該大臣聲息相通除軍事隨機應變不及往返咨商外其舉劾等事仍當統歸欽差大臣查覈具奏以免兩歧朕聞賽尚阿近日身體多病諒因憂勞所致而本日摺報並未提及患病情形朕心甚為懸繫已特令徐廣縉迅速馳抵廣西軍營會同辦理徐廣縉到後僕賽尚阿病尚未愈勢難勉力支持當以國事為重即將欽差大臣關防移交徐廣縉祇領奏明聽候諭旨又本日賽尚阿奏巡撫鄒鳴鶴自行節制諸軍恐將領莫知所從等語鄒鳴鶴赴任時即以辦團練為己任現在賊竄省城六塘九塘一帶毫無守禦而前奏省城團練五萬人似亦並無實際著即會同徐廣縉密查該撫僕有夸大粉飾遇事張皇情事即行據實奏另單開烏蘭泰營內出力各員擬請獎勵烏蘭泰現已歿於王事其

隨營文武原不宜沒其勞績但單內所稱節次打仗出力並未實指時地而文員僅辦理文案所請獎敘多屬過優已革遊擊劉文賢本係遣戍人員所請免罪以守備補用之處未免太優恐烏蘭泰身後或有冒濫入單人員致滋物議著賽尚阿覆加查覈另奏請獎再降諭旨將此由六百里加緊諭令知之○又諭前因廣西軍務喫緊節經降旨令徐廣縉酌量情形前赴梧州督剿茲據賽尚阿鄒鳴鶴先後馳奏省城戰守情形該匪竄逼省城雖屢被攻擊而勢尚猖獗時已兼旬烏蘭泰復因中礮傷亡賽尚阿駐劄陽朔僅有兵勇二千陽朔為省南衝要重地僕賊匪回竄我兵單弱稍有疏虞更復成何事體且聞賽尚阿現在患病頗形委頓朕心甚為焦急本日已明降諭旨令徐廣縉遴選精兵馳驛前赴廣西會同賽尚阿籌辦軍務該督接奉此旨著即迅速帶兵前往現已諭知徐澤醇吳

文鎔等。各選精兵二千。聽候調遣。該督酌量如。需此項兵力。即一面奏聞。一面飛調。但不。可專待遠兵。致誤機會。該督行抵廣西。如。賽。尚阿病勢難支。即將欽差大臣關防接領。任。事。以專責成。朕已另諭賽尚阿矣。至。鄒。鳴。鶴。舉行團練。未有成效。經理糧餉。是否覈實。著。會同賽尚阿密行察訪。如有。夸。張。粉。飾。等。情。即據實奏。至該督馳赴廣西。其。羅。鏡。匪。徒。即著。葉。名。琛。馳往督勦。省城地方。應辦事件。柏貴即可代辦。該督統轄兩省。責無旁貸。自。必。通。盤。籌。畫。以副委任也。將此由六百里加。緊諭令徐廣縉。並諭葉名琛知之。○命兩廣。總督徐廣縉。馳赴廣西。會同欽差大臣大學。士賽尚阿。勦賊。○調正藍旗漢軍副都統有。鳳為廣州滿洲副都統。○予廣西陣亡守備。白玉魁。把總王錦雲。樊永泰。沙文外委李招。發。張元美。縣丞朱以銛。祭葬。世職。前鋒藍翎。英亮。武舉王思聰等。賞卹如例。○調四川雲。

貴兵各二千名。赴廣西勦賊。○免蹕路經過。之宛平。良鄉。房山。涿水。涿易。六州縣。次年額。賦十分之三。○是月。駐蹕黃新莊行宮。○丁。亥。諭內閣。逆匪初撲省城。烏蘭泰。督兵直至。城下。已據將軍橋要隘。乃因礮傷入骨。甫及。兩旬。遽致殞命。深堪憫惻。烏蘭泰。著加恩。照。陣亡例議卹。以慰忠魂。尋予祭葬。世職。如都。統例。謚武壯。賞銀一千兩治喪。○又諭。程。藩。采。龔。裕。奏。請。籌。補。緩。缺。兵。精。一。摺。湖北。荊。州。府。倉。應支滿洲營兵米。因各屬被水。緩徵。不。敷。支。放。倉。穀。無。多。礙。難。碾。運。援。照。成。案。懇。請。動。項。買。補。著。照。所。請。荊。州。府。倉。不。敷。兵。米。五。萬。一。千。四。百。四。十。七。石。零。共。需。價。銀。六。萬。六。千。八。百。八。十。二。兩。零。准。其。在。於。該。省。地。丁。銀。內。照。數。動。支。交。該。府。就近採買。以濟兵食。○以理藩院右侍郎和色本。兼正藍旗漢軍副。都統。○是月。駐蹕半壁店行宮。○戊子。諭內。閣。李。德。奏。校。閱。營。伍。一。摺。河。南。北。左。營。守。備。

聶廷傑臨場告病著勒令休致南左營候補
守備世襲雲騎尉沈尚志襄城營候補守備
世襲雲騎尉李書田弓馬平常均著革去隨
營效力仍留世職○是日駐蹕秋瀾行宮○
己丑

上詣

永福寺拈香○諭軍機大臣等常大瀋奏鄞
縣梟徒被拏抗拒致傷兵勇並帶兵將領委
員被圍各情形一摺前據該撫奏奉化鄞縣

兩屬鄉民藉豁抵欠圖減糧價聚眾滋事並
姚家浦梟徒乘機竊發業經降旨飭令分案
查拏茲據奏稱該二縣紳耆紛紛呈稱以鄞
縣之東南鄉與奉化之埠頭莊各匪滋事伊
等或因倡脅入城或因他界附近以致牽連
情願督飭鄉民跟尋網送或帶領兵役拏犯
懇請暫免進兵可見小民具有天良尚知畏
法況國家正賦之供自有一定科則幸邀恩
旨豁免已屬格外之仁其不在豁免之列者

如該地方官曉示明白該鄉民何至據以藉
口該撫既經飭令臬運兩司前往查辦即著
迅將為首之人嚴拏懲究並徧諭各鄉紳耆
妥為約束毋得附和滋生事端以致玉石俱
焚並當嚴查該二縣知縣馮翊舒達如有故
違定例濫索浮收等情即行嚴參懲辦其鄞
縣東鄉鹽梟膽敢鳴鑼糾眾抗拒官兵副將
張蕙等竟被迎拒圍困兵勇俱有受傷實屬
腎不畏法該撫現在添調官兵馳往拏辦即

飭孫毓汶慶廉等相機妥速籌辦務將起意
為首各犯設法擒獲其被脅入夥者宣諭解
散毋令釀成大患並著查明該副將張蕙等
下落一面咨會調任提督善祿嚴防城鄉不
逞之徒勾連搶劫致安分閭閻被其騷擾至
地方文武有無辦理不善激成事端或鹽商
藉端激變之處亦著該撫詳查明確據實奏
辦不得稍涉含混將此由四百里諭令知之
○戶部會吏部議奏上下忙錢糧各省藩司

議敘議處章程擬請上忙完至三分下忙完至五分者免議其在三分五分以上者分別議敘其不及三分五分者分別議處從之○以戶部尚書禧恩為滿洲繙譯會試正考官○通政使司參議倭什琿布為副考官○直隸正定鎮總兵官侯鳳岐緣事降調調雲南昭通鎮總兵官經文岱為直隸正定鎮總兵官以廣東黃岡協副將清山為雲南昭通鎮總兵官○賞看守各行宮弁兵半月錢糧○是月駐蹕梁格莊行宮翼日如之○庚寅上恭謁泰陵泰東陵昌陵俱未至碑亭即降輿慟哭步入隆恩門詣寶城前行禮躬奠哀慟王以下文武大臣官員均隨行禮○詣昌陵

隆恩殿○孝和睿皇后梓宮前行禮躬奠哀慟王以下文武大臣官員均隨行禮○上御縞素恭謁慕陵未至碑亭即降輿慟哭步入隆恩門詣寶城前行禮躬奠哀慟王以下文武大臣官員均隨行禮○諭內閣前經降旨將慕陵內務府總辦差務之尚膳正那滿通額以應升之缺升用茲據德春奏所管內務府並無該員應升之缺請旨遵辦等語著總管內務府大臣議奏尋奏遵議尚膳正升途援案請予鼓勵得旨尚膳正那滿通額著加恩賞給三品頂帶遇有內務府三卿缺出該衙門題奏請旨○賞守護昌陵值班官員絀匹並兵丁半月錢糧

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之五十八

寶錄卷五十八

三

大清文宗協天翊運執中垂謨懋德振武聖考
淵恭端仁寬敏顯皇帝實錄卷之五十九

監於總兵處是日擢起居管官至十次上召總歸父還聞從國軍事翰林院實院學士稽察外學士謝等件俱免其總兵職官去後
上學士官理兵部事務加十三級紀錄十四次且其總兵官程廷謀實至十次係上還聞從國軍事武備總院實學官居官至十次一聞
大興士官戶部工庫事務督理刑部事務加二十三級紀錄十六次且周親父總兵官太子少詹官理內書房事務引父臣果職大臣
蘇彭彭謝州都統戶部尚書管理三庫事務加四級還常加五級紀錄十二次且實參總兵程廷謀實外總兵於督父論達一書居還常
達國大將軍總兵官至彭張實都統理內書房實至六次滿廳參書實加二級軍功加四級還常加八級紀錄五次且傳什像功等次
教修

咸豐二年壬子四月辛卯

上恭詣

慕陵行釋服禮未至碑亭即降輿慟哭步入
隆恩門詣

寶城前黃幄奠獻行禮送

冠服筐至燎所跪奠畢慟哭良久勉釋編素乃退王以下文武大臣官員均隨行禮○諭內閣程喬采奏匪徒聚眾謀逆現已擒獲多名地方漸就肅清一摺前因湖南郴州地方突有賊匪多人夤夜入城劫獄戕官經該處文

武及派委各員先後獲犯三十餘名餘匪逃散當經降旨著該督等即飭嚴拏盡法懲治茲據該督馳奏該匪等自州城竄至永興所屬之長茅冲馬頭嶺油榨墟一帶糾集地痞豎旗謀逆復經該督督飭派出之鎮將文武各員星馳勦捕旋據永興縣會同紳士分帶兵壯生擒首匪劉代偉等七十餘犯參將積拉明阿等會督紳士兵勇擊斃數十人生擒一百六十餘名桂陽嘉禾耒陽興甯等州縣協獲二十餘名地方漸就肅清居民均已安堵該匪等結盟拜會稔惡已深輒敢因地方官查辦嚴緊恃眾戕官糾黨謀逆若非迅加撲滅難免勾結蔓延程喬采辦理此案尚為妥速除首匪劉代偉已受傷身死外所有現獲各犯嚴審懲辦仍飭確查首要各犯暨在逃餘匪全數弋獲以淨根株○諭軍機大臣等鄒鳴鶴奏省城尚未解圍連日擊賊獲勝情形一摺並將省會城廂形勢繪圖呈覽此

次所報勝仗除焚毀賊匪攻具外未有出奇制勝之處是該匪仍未大受懲創所稱省城西清門突出舊礮多位及探聞賊營自言攻城時屢見神威助順等情亦多係敷衍空談又據奏稱余萬清帶到楚兵一千名是該提督已抵桂林前據程喬采奏賽尚阿咨調余萬清馳赴九塘地方本日程喬采奏又稱該提督接向榮來咨令其駐守靈川靈川在桂林城北而九塘則在省南既稱與賽尚阿聲息相通何以彼此咨調互相歧異再鄒鳴鶴疊次摺報均由六百里加緊馳遞前次因奏報省城被圍期於迅速若現在所奏守禦情形與上次大同小異何必仍用加緊字樣致駭沿途聽聞至另片所奏各情朕已詳細批示據稱省城內外兵勇二萬餘人賊匪男婦約共五六十人平樂昭平荔浦等處已無會匪滋擾全股俱在其內是該匪除婦女外真賊不過數千人若不乘此設法殲擒坐待賊

匪從容布置。又成負隅之勢。即向榮所論兵丁壯勇情形。雖不為無見。然生力軍豈能一時驟到。現在楚兵陸續赴援。勞崇光亦即日可到。內外夾攻。時不可失。著賽尚阿與鄒鳴鶴。向榮等同心籌畫。無致貽誤事機。自干重戾。懍之。將此由六百里諭令知之。○廣西巡撫鄒鳴鶴奏陳防守喫緊。請展秋審限期。得旨。均著照所請行。省城圍解。循例事件。自應趕辦。勿再耽延。○以守護

西陵悉臻妥協。賞泰甯鎮總兵官德春花翎。○賞沿途當差兵丁半月錢糧。○予湖南捕匪被害通判胡禮箴祭葬世職。如知州例。○是日回鑾。駐蹕秋澗行宮。○壬辰

孝德皇后殯宮月祭。遣官行禮。○是日駐蹕半壁店行宮。○癸巳。諭內閣。嗣後王公大臣著仍照舊例。遇朕恭謁

東陵回京時。在燕郊接駕。恭謁

西陵回京時。在黃新莊接駕。○又諭載垣等參

奏本日在卡倫門外謝恩各員。未遵舊例穿蟒袍補褂。請交部議處等語。周祖培等顯違舊例。殊屬疏忽。念係釋服還京。該尚書等不過一時拘泥。不值議處。周祖培何桂清杜翻載齡羅惇衍和色本毓檢彥昌均著如恩。改為交部察議。○諭軍機大臣等。據賽尚阿奏省城連日戰守情形一摺。該大臣駐劄陽朔。兵力尚單。省南諸賊不能不防。其回竄必須南北合力攻擊。方可破賊解圍。前已諭令四

川雲貴等省。選調精兵四千名。本日復諭令李芝昌揀選汀州漳州泉州各屬精兵三千名。聽候調遣。惟坐待各省徵調赴援。尚需時日。省垣被圍。市井萬無株守孤城。一無展布之理。南路空虛。尤須精悍兵勇接濟。勞崇光既經兼程前來。該大臣即可與之籌酌出奇制勝之策。令其在南路協同攻剿。杜賊回竄。並遏艇匪北駛。與諸賊勾結。其省城內外兵勇不下二萬餘人。即著專責向榮劉長清等

妥籌布置。與勞崇光南北夾擊。凡西門外之大夥。南門外分占之處。與象鼻山上下所築礮臺。及賊黨婦女輜重船隻。必須隨地相機攻擊。固不可冒昧輕試。尤不可坐誤事機。若鄒鳴鶴專恃向榮為長城。向榮又藉堅城為坐鎮。賊來不能擊之使去。賊竄又恐其復來。困守待援。豈桂林一城之外。皆不顧耶。徐廣縉未到粵西以前。該大臣總統大兵。精力如可支持。務當通籌全局。責成向榮勞崇光等。

分飭文武員弁。併力合剿。省城固屬緊要。他處亦不得再有疏虞。何路員弁兵勇。不能得力。即惟該處統兵大員是問。俟徐廣縉到後。如賽尚阿病體難支。即遵前旨。據實具奏。毋稍延誤。將此由六百里諭令知之。○又諭。昨有旨。飭令徐廣縉馳赴廣西。會同賽尚阿。督辦軍務。諒該督接奉此旨。必已星馳就道。惟前飭揀帶精兵。曾據奏稱廣東防剿處處喫緊。兵力難分。自係實在情形。本日已由六百

里寄諭李芝昌。令揀派汀漳泉等屬精兵三千名。以備該督調遣。閩粵壤地相連。由潮州取道。馳赴廣西。較之四川雲貴之兵。可期早到。或將閩兵留於廣東防堵。而以廣東得力獲勝之兵。調赴廣西。即由該督自行斟酌辦理。至桂林省城。現尚被圍。據鄒鳴鶴奏。賊匪全股連婦女在內。約祇五六千人。未知是否確實。省城兵勇二萬。不為不多。斷無株守坐困之理。已飭賽尚阿。督同勞崇光等。由南路

向榮率各處援兵。由北路相機夾擊。該督如已馳赴粵西。即會同妥籌辦理。軍中事權貴一。儻賽尚阿病體難支。自必遵旨將欽差大臣關防。移交該督。所有軍務。即統歸該督節制辦理。一切軍需款目。亦可覈實稽查。現當經費支絀之際。部款籌撥甚艱。且恐緩不濟急。昨據該督等遵旨覆奏。妥辦捐輸情形。如果踴躍著有成效。著與葉名琛酌商。於粵東各款內。移緩就急。通融撥解。廣西約須百萬

之數陸續分起源源接濟一俟捐輸有項次第劃歸原款諒該督撫定能兼權熟計無誤轉輸也將此由六百里諭知徐廣縉並諭葉名琛知之○欽差大臣大學士賽尚阿奏報桂林省城戰守情形得旨覽奏具見卿費盡苦心矣鄒鳴鶴究有何不妥之處已有旨令卿會查向榮尤應激勵莫使故態復作方好該提督現未回任又有守城之功遽以參贊自居矣○調福建兵三千名赴廣西剿賊○

貸伊犁被旱回民籽種

上以釋服裕祭

太廟自是日始齋戒三日○是日駐蹕黃新莊行宮○甲午

上詣

大高殿行禮○詣

壽康宮前殿拈香後殿問

皇貴太妃安還居弘德殿○諭內閣

先師孔子德配天地道冠古今我朝

列祖

列宗暨我

皇考宣宗成皇帝

親詣釋奠並臨雍講學多士圍橋觀聽洵盛典

也朕寅承丕緒志切景行謹於明年仲春上

丁親詣

文廟行釋奠禮並臨辟雍講學用昭重道尊

師稽古右文至意其應行典禮事宜著各該

衙門先期敬謹豫備○又諭恭親王奕訢於

本月二十二日分府著在內廷行走仍在上

書房讀書○又諭常大瀉奏梟徒被拏抗拒

戕害將弁委員現在督拏一摺浙江鄞縣梟

徒聚眾滋擾副將張蕙等帶兵往拏均被圍

困該撫續調兵勇馳救詎該副將等先已被

戕經署甯波府知府畢承昭等與提督善祿

所派員弁併力攻擊殲斃百餘人餘匪逃散

我兵及鄉勇亦有傷亡該梟徒等聚眾戕官

形同叛逆實屬罪不容誅該撫現已添調官

兵親往督辦著即嚴飭文武員弁迅速兜拏盡法懲治毋任漏網至該處因糧滋鬧一案與梟徒本不相涉既據紳耆等畏法呈求即將首犯按律懲辦其餘良民仍當剴切曉諭毋致玉石俱焚梟司孫毓漣署鹽運使事溫處道慶廉帶兵往捕調度失宜常大湑未能先事妥籌均屬咎無可辭著交部分別議處○諭軍機大臣等常大湑奏梟徒抗拒戕害將弁委員兵勇多名現在督飭拏辦並密陳籌辦情形各摺片覽奏殊深憤懣糧鹽匪徒滋事兩案同時並發全在地方官察看情形分別先後緩急妥為辦理即須兵力彈壓亦應先行曉諭解散匪黨繼以兵威方不致有挫失該撫派委大員前往何以輕率如此辦理太不成事此案鄞縣東鄉梟徒在石山街拒捕戕官即係上年冬間奪犯滋事之徒與本年東南西南兩鄉圖減糧價滋鬧之案本不相涉現據該梟司等探稟梟徒自知罪在

不宥藉以糧案為由散布傳單希圖哄動各鄉勾結一氣為恃眾抗拒之計此事尤關緊要該撫即飭梟司孫毓漣署運司慶廉督同該府縣等傳集地方紳耆曉以利害先將糧案趕緊查辦完結只須將首犯周祥千等拏獲懲辦毋令拖累無辜俟該處糧案完結後該撫即督帶前調弁兵親赴該處專辦滋事梟徒務須悉數殲擒盡法懲治無任一名漏網以伸國法而安善良將此由四百里諭令知之○予浙江捕匪陣亡副將張蕙千總沈兆堂知縣德成蔡祺通判袁廷舉縣丞李琪祭葬世職○乙未上居弘德殿○諭內閣本年三月皇考宣宗成皇帝升祔禮成朕釋服後於本月十六日恭詣太廟行祫祭禮奉先殿亦應敬舉特祭之典恭查從前皇祖仁宗睿皇帝升祔後

皇考復親詣

奉先殿致祭行禮朕敬法

前模用申誠悃謹於五月初一日恭詣

奉先殿前殿讀祝致祭所有應行典禮著各該

衙門照例敬謹豫備○又諭朕於本月二十

二日駐蹕圓明園內閣六部九卿衙門遇御

門理事及本衙門帶領引見該班奏事日期

均著遵照舊例輪留堂官一人在署辦事不

必全行赴園○又諭舒興阿奏請將虧短倉

庫銀糧之知縣革職拏問一摺甘肅前署通

渭縣事候補知縣張聰梓虧短正雜各款銀

七千九百餘兩倉糧一千二百餘石顯有侵

蝕情弊且接任知縣馬綸於清算交代之時

忽報身故該督訪聞馬綸死由服毒更恐另

有別情尤應徹底根究張聰梓著即革職拏

問交該督提同經手丁胥人等並馬綸親屬

嚴訊明確按律懲辦該員寓所貲財及原籍

家產一併查抄備抵○又諭固慶奏請飭禁

無票流民私出邊卡一摺吉林為根本重地

向不准無業流民私往潛住近聞各邊卡稽

查疏懈難保無逃亡人戶涸迹潛蹤冀圖私

墾若不嚴行禁止於旗民生計風俗均有關

礙著山海關副都統盛京將軍等嚴飭各屬

按照舊例於要隘地方往來行旅認真稽查

概不准無票流民私往潛住母任因循積久

致滋弊端○修山東運河捕河上河三廳隄

壩土石各工從河道總督顏以燠請也○丙

申

上親詣

太廟行裕祭禮○已刻

皇貴太妃幸重華宮

上跪迎於崇敬殿外奉

皇貴太妃御延春閣侍膳畢詣撫辰殿外跪送

皇貴太妃還宮○

上自弘德殿移居養心殿○諭內閣賽尚阿奏

逆匪被勒分竄現在省城圍解一摺據稱逆

匪水陸被勦於初一日夜分路逃竄。現在向榮駐守省城。余萬清勞崇光均各趕到。著賽尚阿即飛催各路文武督率兵勇分投追勦。並著程喬采徐廣縉等飭令文武於交界處所嚴防竄越。勿令逆蹤復張。現在徐廣縉計已帶兵馳赴廣西。正可合力攻勦。一鼓蕩平也。○諭軍機大臣等。賽尚阿奏逆匪分竄省城解圍。現飭各路兵勇分投追勦。並查探賊蹤各摺片。本日已由六百里諭令程喬采徐

廣縉等嚴密防範。迎頭截擊矣。逆匪圍攻桂林省城。已逾一月。屢次為我兵擊敗。於四月初一日夜間分投他竄。據該大臣探報。一由東路關雞山過河。一由西路廟頭墟分小路而去。與向榮所稟情形雖稍有不同。而其過河東竄一路已偵探明確。在粵西則平樂縣一帶最為喫重。而湖南廣東交界處所尤為緊要。其義甯一路亦與楚壤相接。賊勢分竄無定。該大臣已飛飭各路文武兵勇分投截

擊。務探賊竄之路。與鄰省合力截勦。惟賊情詭譎異常。往往於退走後設伏以誘我師。該大臣務當密飭統兵大員。於跟蹤追勦之時詳加偵察。處處接應。萬不可再墮詭計。亦不可藉詞耽延觀望。現在我軍統計兵勇七千名。均歸劉長清余萬清督帶追勦。兵力不為不厚。且湖南廣東各督撫均必併力兜截。正可乘賊勢分散。喘息未定。前後夾擊。一鼓蕩平。桂林省城解圍。固須防賊回竄。紳民挽留

向榮守城。亦係人情之常。惟鄒鳴鶴坐鎮省垣。督同留守防兵及紳民等嚴密巡護。亦可有備無患。向榮勇敢素著。自應於城外扼要地方督兵為各路聲援。使賊不敢回竄。且可相機進勦。著賽尚阿隨時調度。勿誤事機。將此由六百里諭令知之。○又諭。據賽尚阿奏逆匪分竄省城解圍一摺。逆匪圍攻廣西省城。幸城內守禦嚴固。城外援兵漸至。賊勢屢挫。於四月初一日夜間分投竄逸。賽尚阿已

嚴飭各路兵勇。跟蹤追擊。扼要堵截。並飛咨廣東湖南等省。嚴防竄越。該匪詭譎異常。現已分逸。勢必肆行竄擾。廣西東北東南一帶。與廣東湖南緊相毗連。在在可慮。必當協力防堵。著程喬采。駱秉章。徐廣縉。葉名琛。督飭文武員弁。認真巡防。嚴密堵禦。勿任賊匪闖入。並隨時偵探賊蹤。或於要隘處所。迎頭截擊。或越境協剿。相機進攻。總期速靖賊氛。勿致蔓延貽患。將此由六百里各諭令知之。○

以本年鄉試考試應開列試差人員於保和殿。○以黑龍江協領巴棟阿。為甯古塔副都統。○改鑄山西榆次縣知縣印信。從巡撫兆那蘇圖請也。○丁酉。

孝端文皇后忌辰遣官祭

昭陵。○諭內閣。顏以煥奏豫東黃運湖河現在受惠情形一摺。上年江南豐北漫口。黃流旁溢。以致山東境內被淹。節經降旨。飭令該撫賑恤災民。並飭該河督將運道分別鑲挑。回

空漕船。改由湖坡行走。先後歸次。現在豐北漫口。未經堵合。顏以煥所陳河湖受惠。輓運維艱。原係實在情形。惟補救因時。全在該河督設法辦理。現值糧船銜尾北上。務當督飭道廳營汛。牆委各員。竭力催趲。毋得藉口人力難施。稍形諉卸。遇黃水盛漲之時。應如何宣洩歸海。以免上游喫重。著與陸建瀛。楊以增。隨時會商妥辦。至該省被水災黎。今尚未能復業。朕心實深憫惻。著劉源灝。派委司道

大員。周歷巡查。妥籌賑撫。毋令一夫失所。地方匪徒。仍著密訪嚴拏。從重懲辦。以免藉災滋事。○又諭英隆等。奏參並未申報俄囉斯逃犯越邊之員一摺。驍騎校班札喇。克察於俄囉斯逃犯三名越邊之案。並未申報。且據供狡展。迨與俄囉斯瑪雨爾質訊時。始行承認。非尋常疏忽可比。班札喇。克察著即革職。從重在庫克托博卡倫地方枷號三箇月。以為邊疆坐卡者戒。德昌等於上年巡查俄囉

斯等卡倫時將應行查辦之俄囉斯逃犯一切要件並未申報實屬玩視邊務呼倫貝爾總管副都統德昌著交部議處總管兼世管佐領色巴克札布公中佐領茂索克驍騎校拜唐阿等均著交部分別議處○又諭據刑部奏廣西軍營生擒逆首洪大泉一犯現經賽尚阿派員押解到部著軍機大臣會同刑部嚴審定擬具奏○禮部以繙譯會試中額請得旨京旗取中三名各省駐防取中九名

○戊戌

上詣

壽安宮西所問

如皇貴太妃安○詣

壽康宮問

皇貴太妃安○諭內閣廣西自軍興以來在事文武各員志切同仇竭忠矢報其有臨難捐軀舍生取義者朕於奏報到日無不立沛恩施優加卹典因念陣亡各總兵之子孫尚未

盡邀賞賚著該旗及各省督撫查明廣西陣亡各總兵子孫有無官職年歲若干分別開單先行具奏俟孝滿服闋時由該部旗帶領引見候朕施恩至於守土各員隨征將弁以及兵丁鄉勇殺賊殞命業已隨時交部議卹其父母妻子榮獨無依尤堪矜惻著該旗都統及各省督撫等轉飭該管各員逐一查明加意撫恤毋令失所用副朕推恩忠節有加無已之至意將此通諭知之○又諭太僕寺

少卿徐繼畬奏陳釋服之後三漸宜防一曰土木之漸一曰晏安之漸一曰壅蔽之漸援古證今深切事理於朕修身制行聽言用人之道裨益良多現將移蹕園居僅飭所司照例繕葺並未特興工作每念

詒謀儉德昭示後人夙夜兢兢無敢逸豫至晏安之漸每起於隱微王化之原必基於宮壺朕恪遵

家法平日讀書窮理闇修慎獨自勵操存茲觀

該少卿所奏。杜漸防微。意深詞婉。實與朕心契合。其末條所論言路既通。而壅蔽轉生於不覺。尤為切中時弊。朕思聽言不可不廣。擇言不可不精。惟以理為權衡。以見諸行事為符驗。則是非可否。灼然不淆。乃有合於敷奏。明試之義。嗣後有言責諸臣。惟當竭誠匡弼。朕亦虛懷受納。上以實求。下以實應。庶幾宏濟艱難。俾治理蒸蒸日上也。徐繼畲此奏。朕當置之座右。用資省覽。昨據副都御史李萬

陳奏。因循積習等弊。四條所論。亦不為無見。著並存之。以備採擇。○以湖南布政使恆福。為太常寺卿。○己亥。諭內閣。雲貴人武佳氏。著晉封為雲嬪。所有應行事宜。著各該衙門。察例具奏。○又諭。此案逃軍王立功。復充捕役。廣結夥黨。養賊分贓。非嚴行懲治。不足以儆兇徒。王立功著照部議。即行處絞。所有失察該犯之歷任武清縣知縣。著吏部查取職名。嚴加議處。○諭軍機大臣等。前據戶部奏

請復綠營兵制舊額。以節糜費。並侍郎曾國藩條陳裁兵事宜。本日復據戶部尚書孫瑞珍奏。豫籌庫餉。請照前議施行等語。乾隆四十六年。添給武職養廉一案。增兵六萬六千餘名。嘉慶道光年間。節次裁改。尚餘四萬八千餘名。此項增添兵數。原因舊設空名錢糧。挑補足額。而自增兵以後。空糧之弊。仍復不免。朕訪聞各省皆然。是國家未收增兵之益。而徒受增餉之害。無論現在帑項未充。亟應

裁節。即以整飭營務而論。亦必嚴汰虛伍。而後養一兵可得一兵之用。著通諭各直省督撫。會同各該提鎮。查明某營某汛原額兵若干。續增若干。先行據實具奏。一面確查所屬空名錢糧。寬其既往失察之罪。即由該督撫總覈裁汰。如裁汰後。尚浮於乾隆年間舊額。以後遇有缺出。毋庸挑補。並隨時斥退老弱殘廢。約計三年。必可裁復舊額。仍將所裁兵數。與節省餉銀。每屆年終彙奏一次。以備稽

覈嗣後武職官員如再有隱匿空糧等弊即著該管大吏嚴叅重處以儆貪婪而肅戎政至各該地方今昔情形或有不同不妨於裁汰之中寓變通之法即有裒多益寡之處統全省綠營而計總不至逾舊額各該督撫受恩深重諒能各矢公忠妥為辦理也將此通行諭令知之原奏並戶部曾國藩各摺件均著鈔給閱看○又諭有人奏湖南沿江一帶盜匪結黨肆劫該省綏湖落擣鼓臺地方有

艍子船百餘隻攔江搶劫被劫商旅有報案者該地方官輒將船隻扣留湖南臨湘及湖北監利沔陽交界地方每遇報案地方官互相推諉不准呈報等語盜匪肆行大為商旅之害若如所奏州縣縱容書差藉案苛累事主無怪盜匪益無忌憚若不嚴加究辦何以除兇暴而安善良著程喬采龔裕駱秉章各委幹員前往履勘查明界址責成該管地方官嚴拏懲辦毋令漏網如有徇庇書差苛累

商旅及推諉不報等情即著從嚴叅處原摺著鈔給閱看將此各諭令知之○以山西按察使潘鐸為湖南布政使山水登萊青道英桂為山西按察使○庚子諭內閣毓書奏遵議支放餉銀請仍循舊章辦理一摺吐魯番滿洲營兵餉向係與經費及俸工役食等項歸併支用若將餉銀一項另行封存辦理轉多周折至每月散放餉銀本係文武各員會同支放無庸另議更張其烏嚕木齊巴里坤

古城三處情形大略相同均著仍照舊章辦理該都統惟當隨時認真稽查如有虧那情弊即行從嚴叅辦嗣後散放銀色應遵照口內議定成數搭放設遇借墊之時責令散放之員補足銀色不得含混滋弊○諭軍機大臣等據程喬采奏稱粵匪由象鼻山後翻山越嶺竄至海陽坪於四月初五日攻撲興安縣城初六日即進撲全州並有賊船五十餘隻分為水陸兩路意欲直撲永州此股逆首

係名羅亞旺約有五千餘人全州至永州水路要道該督現已添派防兵合力堵截並將灣泊各船飛飭全行撤歸楚岸現在劉長清王錦繡等馳赴興安嚴關口擬即由捷徑馳赴全州各等情永州水陸兩途均與全州接壤水路尤為迅速湖南官兵屢次調撥赴粵兵力較單現調湖北各兵亦難剋期趕到此時湖南防勦緊要所有前備四川兵二千名已諭令程喬采酌量催調赴楚矣此股匪徒

盡在全州一路其由西路廟頭墟分竄之賊究有若干賊首羅亞旺外其餘洪秀泉等各賊首又復竄往何處該匪既由江東扯綫路北走興安其平樂富賀一帶是否仍形喫重余萬清統帶重兵由桂林進追現在行抵何處著賽尚阿飛飭各員迅速應援合力夾擊毋稍延誤再賊眾大股全奔楚境桂林業已解圍且有巡撫坐鎮省垣值此追勦喫緊之時向榮仍守省城置之空間之地豈不坐失

機宜著該大臣體察情形何處最為緊要即飭向榮帶兵前往相機勦辦並可堵賊回竄之路該大臣此時是否仍駐劉陽朔抑已移營扼要處所軍情緩急應變制宜想必自有斟酌也至由永州至桂林一路現在梗塞所有文報軍餉改由何路一併查明具奏並隨時飛咨湖南勿稍大意將此由六百里諭令知之○又諭程喬采奏廣西逆匪由象鼻山後翻越竄至海陽坪四月初五日攻撲興安

縣城初六日進撲全州並有賊船五十餘隻分路欲撲永州等語湖南永州水陸兩路均與全州接壤水路尤為迅捷此時湖南防堵緊要之至該督現已添調官兵並飛咨鮑起豹移兵永州著即督飭文武分路嚴防水路船隻業經全撤並於兩岸設備如遇賊船竄入務須併力堵截儻此處稍有疏虞賊得揚帆順流而下勢更蔓延劉長清王錦繡等馳赴全州恐未能繞出賊前余萬清本係留楚

防堵之員。如能折赴全州禦賊。尚可保固楚南門戶。儻賊竄楚境。即著與劉長清等分投夾擊。毋稍延誤。該督前調湖北之兵。著即飛催趕到。前已諭令四川總督徐澤醇。選備精兵二千名。聽候廣西調遣。此時湖南防勦緊要。著該督酌量情形。如須調用。即著飛咨四川。催令迅速赴楚。以備攻勦。至衡永一帶會匪。仍應督飭地方官。加意豫防。毋令暗相勾結。地方紳民。尤須勸令實力團練。互相保衛。

不惟禦外來之賊。兼可防本境之匪。總在該督撫等相機籌辦。俾眾志成城。庶幾有備無患。各省解粵軍火餉銀。此時桂林一路梗塞。自應暫行截留。一俟探明路徑。即知會廣西接護解往。毋稍大意。將此由六百里諭令知之。○烏魯木齊都統毓書奏。審擬富佳氏控案。請將已革佐領西拉布開復。降為防禦。得旨。此案著交樂斌破除情面。覆訊定擬具奏。既無所用。其迴護。尤不准代人受過也。○以

大學士裕誠協辦大學士杜受田吏部尚書柏後工部尚書翁心存都察院左都御史花沙納朱鳳標吏部右侍郎沈兆霖戶部左侍郎德興為殿試讀卷官

大清文宗協天翊運執中垂謨懋德振武聖孝淵恭端仁寬敏顯皇帝實錄卷之五十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之六十

監修總裁官經義司講起唐汪官太子太傅上書房總師傅文淵閣領閣書翰林院學士稽察欽奉上諭事件處國史館經義司直學士

大學士管理兵部事務加十三級紀錄十四次。臣曾預蒙本總教習經筵講官太子太傅文淵閣領閣事武英殿總教習監國吉士體仁閣

大學三管理戶部三庫事務管理刑部事務加二十三級紀錄十六次
周祖培遇赦官太監少保管理內庫書庫論對引大臣軍機大臣

鎮江府知府都察院戶部尚書管理三庫事務加四級陞帶加五級紀錄十二次臣實鑒經筵官理經籍官弘文館纂修清文韻述上書房總纂

過國文館總武官正藍旗蒙古都統禮部尚書管理太常寺鴻臚寺事務加二級軍功加四級隨帶加八級紀錄五次臣倭什班布等奉

敕修

咸豐二年壬子四月辛丑策試天下貢士孫

慶咸等二百三十九人於保和殿制曰朕寅

紹丕基撫綏寰宇仰荷

昊穹洪貺

祖

考詒謀兢業勅幾日慎一日。勉思檢身治心之要。還淳反樸之原。詰戎講武之猷。足食裕民之制。冀與中外臣庶臻郅治之盛軌。致上理於大同。延攬人才。特開恩榜。茲值臨軒發策之始。虛中博採。爰舉臚詢。爾多士其敬聽之。

聖學之要在於主敬存誠。易文言於乾九三言誠。坤六二言敬。程子曰誠則無不敬。未至於誠則必敬而後誠。而以乾坤分為聖賢之學。昔聖微言曩哲粹語其紬繹而切陳之朱子謂格致誠正以至修齊治平始終不外乎敬。中和位育極之聖神功化樞紐不外乎誠。心法治法一以貫之者大學中庸二書實括其全。能申明其義歟。真德秀大學衍義於誠意正心之要立為二目曰崇敬畏曰戒逸欲。

蓋云備矣明邱濬復補以審幾微一節厥旨安在朕披覽前編服膺聖學近命儒臣重繕朱子全書用備觀省何以審端用力辨危微而致精一歟夫物力之盛衰係乎民俗之奢儉而欲民生之厚尤在上之人有以開其源而節其流易曰節以制度不傷財不害民書曰慎乃儉德惟懷永圖節儉之道非帝王之要務歟漢文帝以敦樸為天下先景帝令二千石修職以傷農事害女紅為戒遂成富庶

之業唐太宗戒盈崇儉亦致四海豐盈將上行而下自效歟抑轉移之道亦在於承流宣化者歟夫士大夫者庶民之所則效也乃習俗相沿漸成侈靡衣服輿馬競為美觀冠昏賓祭動多踰制果何由移風易俗使天下回心向道歟陸贄有言生物之豐歉由天用物之多少由人裁制之術厥道何由古者文德誕敷不忘武備詰戎振旅所以輔化安民也邊防之策漢唐最詳賈誼鼂錯陸贄之論昭然具在至宋則有鄉兵蕃兵明則有邊兵其制若何夫兵以訓練為先孫子所謂練士吳子所謂治軍唐太宗與李靖問對中所言手法足法明王驥所論練兵之法其目凡五能備舉歟自來太平日久武臣邊帥往往故事奉行不能盡心簡閱役使兵丁攤扣糧餉流弊孔多朕屢降明詔嚴飭武備鼓勵戎行直省督撫提鎮宜何如隨時操演加意稽察選精銳汰老羸簡器械協伍兩以期一兵得一

兵之用乎夫國以民為本民以食為天周禮旅師有春頒秋斂之法廩人掌九穀以待匪頒遺人掌委積以待施惠其為儲蓄甚備管仲權有餘不足而輕重斂散之李惺視歲之上中下而貴賤糴糶之法亦有合於古歟厥後取壽昌之常平倉長孫平之義倉朱子之社倉規制不一而行之既久均不能無弊何歟京倉為天庾正供元史所載河西務十四倉京師二十二倉通州十三倉即今制所由昉自伯顏建海運之議歲輸三百餘萬石史稱其便明初海陸兼運其後運河成而海運罷然昔人往往力陳其利能詳舉其說歟出納之經蓋藏之道轉運之方果何由而盡善歟凡茲四事慎修以端宸極崇儉以維世風肆武以飭邊防儲粟以贍民食敷施凝績莫切於斯爾多士講求有素蘊蓄自深其各摠見聞毋泛母隱朕將親覽焉○諭內閣

孝德皇后升祔

奉先殿典禮著侯

孝和睿皇后奉安

升祔禮成後該部再行奏請擇吉舉行○引見

庚戌科散館人員得旨許其光謝增業經授

職二甲庶吉士李德儀慎毓林袁保恆丁紹

周楊慶麟杜聯黃統徐桐季念詒崇實沈史

雲王敦敏張大桤朱文江岳世仁李羲鈞錢

桂森晉康孫衣言錢鉸葉炳華曾璧光姚詩

彥威士彥楊書香張雲望何福成梁駿觀俞

樾陳泰初鄭守誠寇嘉相邵亨豫孫學嗣呂

耀斗王道壩吳煒李培祐鄒石麟吳慰曾俱

著授為編修三甲庶吉士童秀春馬佩瑤載

肅均著授為檢討壽昌儲德燦武廷珍濮慶

孫揚彝珍劉傳祺傳觀海李嗣元葉毓祥俱

著以部屬用繙譯庶吉士清安依奇哩俱著

授為編修聯興著以部屬用○兵部尚書特

登額因病解任以福州將軍桂良為兵部尚

書○以前任閩浙總督怡良為福州將軍○

命吏部右侍郎全慶管國子監事○賞會試

年老舉人黃增慶等三十三人編修檢討學

正職銜有差○壬寅

上詣

大高殿

恩慕寺

恩佑寺行禮○辛圓明園詣

安佑宮行禮○癸卯

上詣桃花春一溪間

皇貴太妃安奉

皇貴太妃幸同樂園進膳畢跪送

皇貴太妃還綺春園○諭內閣杜受田現在出

差恭纂

實錄彙本著派翁心存敬謹接辦○諭軍機大

臣等鄒鳴鶴奏逆匪逃竄省城解圍一摺廣

西撲擾省城之賊乘夜分竄昨已據賽尚阿

馳奏與該撫現奏各情形大略相同續又據

程爾采奏逆匪於四月初五日攻撲興安縣

城初六日進撲全州並探賊分水陸兩路直撲湖南永州業經疊次諭令賽尚阿等迅飭將弁追剿矣此時廣西省城既已解圍賽尚阿已由陽朔回省與該撫會商防守自可無虞疏失惟逆匪全數奔竄楚粵交界情形極為緊要且湖南兵力單薄全賴粵軍大隊追擊合力兜剿現在劉長清等帶兵前往余萬清亦折回楚境仍恐賊股猖獗我兵不敷策應設有挫失關繫甚重向榮現因脇痛暫緩出省該提督受恩深重具有天良想不肯藉詞株守省城坐失事機也前此廣西省城被圍湖南鎮將趕即帶兵赴援此時自以援剿楚界之賊為要著賽尚阿體察情形隨時調度撥兵分路追剿毋令逆匪竄越鄰境勾結會匪更滋蔓延其守城出力文武員弁並著賽尚阿會同鄒鳴鶴確查酌量保奏毋稍冒濫將此由六百里諭令知之○命協辦大學士杜受田福州將軍怡良馳赴山東江南查

辦事件○廣東陸路提督陶烜文因病解任以南韶連鎮總兵官崑壽為陸路提督湖南永順協副將多順為廣東南韶連鎮總兵官命烏里雅蘇臺將軍奕格來京以烏里雅蘇台參贊大臣車林多爾濟署將軍○甲辰上詣大高殿行禮時應宮拈香○還宮○御弘德殿召讀卷官入親閱定進呈十卷甲第○調江南提督福珠洪阿為陝西提督以安徽壽春鎮總兵官楊霖為江南提督○予故陝西提督石生玉祭葬○乙巳上御太和殿傳臚賜一甲章釐楊泗孫潘祖蔭三人進士及第二甲彭瑞毓等一百八人進士出身三甲何桂芳等一百二十八人同進士出身○詣綺春園問皇貴太妃安○幸圓明園○以廣東惠州協副將張殿元為江南徐州鎮總兵官○丙午諭

內閣五月初一日朕恭詣

奉先殿前殿致祭行禮御龍袍龍褂○又諭賽

尚阿奏南邕官兵生擒首匪蘇凝三及其夥

黨殲擒殆盡等語顏品瑤股匪及其弟顏三

殲斃後惟首匪蘇凝三在逃經勞崇光密商

總兵惠慶並飭通判李天鈺等設法購綫廣

東高廉道沈棣輝亦派兵勇會同馳赴那谷

賊巢合力攻擊斃賊七十餘名將蘇凝三並

其兄蘇凝二一併拏獲兼獲夥匪多名起獲

礮械多件此股匪徒殲除殆盡南邕一帶地

方漸就肅清所有在事出力之文武員弁兵

壯等著查明保奏其投誠之潘其泰疊次接

應官兵殲擒首匪著以把總拔補並賞戴藍

翎以示鼓勵○又諭賽尚阿奏賊匪竄逸督

飭諸軍追剿一摺廣西省城解圍後賊匪竄

擾興安全州經劉長清余萬清等分帶各路

兵勇追擊現在該大臣已由陽朔進省著即

分飭帶兵大員迅速接應與楚省文武合力

攻剿毋令肆擾致滋蔓延向榮患病不能出

省諸軍無所統率湖南綏靖鎮總兵和春著

賞加提督銜帶兵進剿該大臣如須移營前

進即察看情形辦理廣西巡撫鄒鳴鶴身任

封疆於賊匪攻撲省城之初城外象鼻山將

軍橋等處險隘均無準備致為賊踞所辦團

練亦無實效疊次飛章入告桂林一城之外

全未計及朕即覺其張皇失措一籌莫展若

非賽尚阿豫調向榮赴省守禦幾誤事機此

次賊匪北竄又欲將猛將精兵留以自衛林

守省城實屬怯懦無能大員委任鄒鳴鶴著

即革職以示懲儆○又諭大學士軍機大臣

會同刑部具奏審明甘肅番案各員分別定

擬一摺已革陝甘總督琦善辦理雍沙番族

並無搶劫確據輒行調兵勦洗已屬謬妄且

並未先期奏明尤屬專擅著發往吉林效力

贖罪其審辦此案並未研究確情率行定擬

斬梟重罪之已革甘肅布政使張集馨已革

西甯道文桂已革署蘭州府知府步際桐承審此案始終其事之已革知州趙桂芳已革知縣尹泗均著發往軍臺效力贖罪已革遊擊冷震東非刑偏供任性妄為著發往新疆效力贖罪已革知府桂昌已革知縣姜熊劉元績候評李志學據供承審僅止數日並未隨同定案著暫行交旗交坊仍由陝甘總督查明該革員等曾否取供定案是否先期出省各部分別覈辦參將珠克登都司石長興

西甯府知府鈴祥訊問番案會取有認搶草供並未定讞上詳著一併交部議處番子羣吉等十四名既訊無搶劫確據著免其治罪仍交陝甘總督分撥不近番界之州縣嚴加管束儻有不安本分逞忿滋事等情即行從重懲辦前署陝甘總督薩迎阿於特派覆訊之案並未錄取各員供詞遽行擬罪實屬草率伊子戶部員外郎書紳並無審案之責輒與司員等同坐問供實屬不知檢束薩迎阿

書紳著交部分別議處其隨同審案漏未取供之刑部郎中梁熙員外郎覺羅奎棟武汝清亦屬不合均著交部議處嗣後甘肅邊界地方遇有野番搶劫並熟番及內地奸民勾引擾害之案該督仍嚴飭該管文武隨時隨地實力查拏盡法懲治不得因琦善以錯謬獲罪遂於應辦之案相率因循致蹈廢弛惡習自干咎戾諭軍機大臣等本日據賽尚阿馳奏賊竄興安全州催飭諸軍進剿並密

陳情形各一摺向榮身受厚恩值此事機喫緊之際豈坐觀成敗之時該提督前次帶兵馳救省垣力籌守禦朕方念其勤勞倚以破賊乃當匪眾全數北竄亟須追剿輒又稱病不出與巡撫株守省城藉紳民懇留為辭豈素號勇敢者固如是耶著該大臣傳知該提督一俟病痊即督兵馳往勦賊朕以誠待人功罪惟所自取但看其天良何如耳現在興安全州被賊攻撲而全州地方形勢為粵西

門戶。與湖南緊相接連。設使逆賊豕突狼奔。竄入楚境。賊餒愈張。懲創愈難。賽尚阿業經分派鎮將。督帶兵勇。分投追剿。仍當通盤籌畫。謀出萬全。趁賊倉皇未定之時。與鄰境合力夾擊。或可一鼓殲擒。毋令越境滋擾。是為至要。本日軍機大臣等。會奏審擬逆匪洪大泉一案。已將該逆凌遲處死。並據該逆供出盜營各匪姓名年貌。及湖南廣東廣西會匪各名單。著鈔給賽尚阿閱看。並知照廣東湖南一體嚴密查拏。毋令竄逸。將此由六百里諭令知之。○欽差大臣大學士賽尚阿奏。逆匪自省北竄。業經十日。現在已到全州。得旨覽奏。鄒鳴鶴力小任重。怯容可掬。惟向榮身受厚恩。不知感奮。天良喪盡矣。觀汝此奏。亦覺手太軟矣。此等事何用密奏。○以廣西布政使勞崇光為巡撫。○以致仕大學士潘世恩重宴鹿鳴。賞其子太常寺博士曾煒員外郎。○以勦辦廣西梧州艇匪獲勝。賞參將崔

大同知府郭超凡花翎。予陣亡知縣王德輔。把總李永貴外委劉嘉喜祭葬世職。○緩徵安徽無為州積歉災區。本年額賦暨壓徵蘆課銀。○廣西逆匪洪大泉伏法。○丁未上詣綺春園問

皇貴太妃安。○諭內閣。奕興奏移居宗室私自外出。審明定擬一摺。盛京移居宗室德克吉泰前因回京詐財滋事。發往吉林圍禁。迨釋回後復私自外出。潛逃回京。實屬不知改悔。德克吉泰著仍發往吉林。交該將軍嚴加管束。儻再出外滋事。即行奏明圍禁。該管主事文恪等自行查出聲報。著免其置議。○又諭現在各省保舉堪勝陸路總兵人員。將次用竣。著各該督撫於副將內。即行遴選曉暢營務堪勝總兵者。保奏數員。送部引見。候朕記名。以備簡用。○諭軍機大臣等。御史張祥晉奏籌辦滯漕。仍請改由海運一摺。本年除海運外。尚有應行河運漕米。本日據戶部奏請。

截留南糧五十萬石以備賑濟此外應行運京米石是否仍可設法輓運該御史請將漕仍由海運是否尚能趕辦有無窒礙之處著陸建瀛楊文定體察情形通盤籌畫迅速定議具奏原摺著鈔給閱看將此諭令知之尋奏海運多有窒礙現已嚴催漕船前進並截留南漕五十萬石備賑報聞○以武備院卿存佑為總管內務府大臣○以甘肅按察使吳鼎昌為廣西布政使江蘇蘇松糧儲道倪良耀為甘肅按察使○戊申諭內閣鄒鳴鶴奏請將防守不力之知縣革職一摺廣西署興安縣事揀發知縣商昌於大股逆匪衝入縣城焚劫之時該員雖在鄉團練究屬防守不力商昌著先行革職毋庸留辦防堵仍著勞崇光確查賊匪竄擾實在情形及同城文武有無遇賊退避情事據實具奏○己酉孝慎成皇后忌辰遣官祭慕陵○

上詣綺春園問皇貴太妃安○諭內閣上年豐北決口山東江南各州縣被災較廣疊經降旨動撥銀款酌籌捐項賑撫兼施俾災黎無虞失所現在大工緩堵時日方長賑款所餘誠恐不敷支發小民待哺嗷嗷朕心時深軫念昨已令戶部籌議截留漕米備賑本日又據杜受田怡良奏請派大員督辦賑務等語所有山東賑務著派藩司劉源灝江南賑務著派藩司祁宿藻率屬查勘專司督辦即著於江廣各幫漕糧內截留米六十萬石分撥江南三十萬石山東三十萬石以備賑濟其應如何撥運存儲散放之處即由各該藩司酌定章程妥為經理仍隨時報明欽派大臣杜受田等覈實查辦該督撫即刊刻謄黃徧行曉諭務使僻壤窮民均霑實惠毋任官吏丁胥營私漁利儻有隱漏侵吞情弊即著嚴叅懲辦以示朕軫念災區之至意○又諭劉源灝奏豫籌東

省災賑防捕各事宜一摺江南省豐北河工業經暫停堵築山東濟甯等各州縣漫水未消黎民不能復業自應亟籌接賑本日已降旨撥給江廣幫漕米三十萬石以備賑需惟此項米石運到東省尚需時日誠恐緩不濟急著該署撫擇其老弱不能傭作之人酌動捐款先為收恤俟賑米運到時再行廣為散放至本年漕船較難恐值秋深水落之時衛水淺阻剝運耽延該署撫議修臨清德

州倉廩以備中途截卸著照所請准其樽節估計覈實辦理其兗沂等屬捻幅等匪及運河一帶無業游民著嚴飭地方文武實力巡查扼要堵截勿致藉端滋事以靖地方○又諭徐廣縉葉名琛奏參捏報師船壞漏畏葸推諉之參將請革職等因一摺廣東海門營參將黎志安經該督等派往協勦艇匪託詞推諉已屬畏葸無能並查出該參將剋扣兵糧以致兵心不服復敢捏詞稟報冀圖掩飾

更屬狡詐黎志安著即革職等因以肅營伍而儆官邪○諭軍機大臣等現因豐工未能合龍山東下游各州縣被災較廣本日已明降諭旨令劉源灝專辦賑務李德即赴山東巡撫新任陸應穀署理河南巡撫矣李德接奉此旨著將應辦事件速即料理一俟陸應穀到任後即行啟程迅赴山東巡撫之任將此諭令知之○以刑部右侍郎陸應穀署河南巡撫○以翰林院編修趙昀為雲南鄉試

正考官黃經為副考官翰林院檢討張行重為貴州鄉試正考官編修許彭壽為副考官○旌表守正被戕江蘇銅山縣民房根柱母徐氏○撫恤琉球國遭風難夷如例○庚戌上詣

大高殿行禮○還宮○諭內閣兆那蘇圖奏遵查倉庫久任無虧各員請予鼓勵一摺同知銜山西沁水縣知縣潘兆桐經徵十載全完嵐縣知縣福倫泰經徵九載全完渾源州知

州王乃械大同府通判周厚基均經徵六載全完既據該撫查明該員等正雜各項錢糧埽數全完清查案內亦無帶欠催科尚屬得力除王乃械業經題升澤州府同知毋庸再予議敘外潘兆桐著以直隸州知州升用福倫泰著以同知升用先換頂帶周厚基著賞加同知升銜以示鼓勵○又諭前據喬用遷奏參貴州卸署興義縣事候補同知徐鉉興義縣訓導姜封齊濫保孝廉方正降旨將該員等革職提訊茲據蔣霽遠訊明該員等保舉孝廉方正鄧松青等三名尚無徇情賄囑情事惟鄧松青等名實不能相副該員等未能詳加採訪率行舉報究屬不合徐鉉姜封齊原參革職之案均著准其開復仍交部照例議處民人劉國卿並非身家不清興義縣知縣胡霖澍未經查明揭報失實著一併交部議處○又諭此案廣東新安縣沙市井村會匪陳翹萃等糾集多人行強搶劫早經有

人陳奏降旨飭查何以該督撫等延不究辦茲據民人鍾喜全等聯名在都察院呈控該匪等疊次圍劫至殺斃鍾姓七十八名之多若不嚴拏懲辦何以儆兇頑而靖地方著交葉名琛督同臬司親提人證卷宗秉公審訊嚴緝兇犯按律懲治以雪沈冤尋奏陳翹萃等建立義社團練鄉勇並無拜會擄殺等事鍾喜全等因與陳翹萃口角成嫌捏詞呈控牽連陳蜺濛等各起命案兇犯陳蜺濛等分別問擬如律下部議從之○以吏部左侍郎邵燦兼署刑部右侍郎

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之六十

寶錄卷六十一

七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之六十一

監行題前官縣就目撰此居法平子大餘上子唐題師傳文淵閣領閣事翰林院學士稽察奏上諭事件處閣史館總裁王或英撰

大學士管理兵部事務加十三級紀錄十四次臣 曾祺崇本經義臣 官經進議官太子太保文淵閣領閣事武英殿總裁臣 官教習學士體仁閣

大學士管理戶部三庫事務管理刑部事務加二十三級紀錄十六次

臣等謹將
欽定四庫全書
總目表

遼國史館直學士正藍旗蒙古都統禮部尚書管理太常寺鴻臚寺事務加二級軍功加四級隨帶加八級紀錄五次臣德什雅布等奉

敕修

咸豐二年壬子五月辛亥朔

上
詣

奉先殿行禮○諭內閣鄒鳴鶴奏查明守城擊賊之出力文武紳士兵丁請旨獎勵分別開單呈覽一摺本年粵西逆匪攻撲省城曾經降旨令賽尚阿鄒鳴鶴於賊匪解圍後將出力人等覈實保奏茲據鄒鳴鶴具奏朕詳加披閱人數太多過於冒濫且此次圍城賊眾雖經疊次攻擊並未大受懲創仍復全數北竄豈得以郡城圍解視為奇功鄒鳴鶴所稱

擊退賊匪。殊屬失實。惟念該文武員弁等。保守城池。一月之久。亦未可沒其微勞。著賽尚阿。將單片內所開各員。逐一確查。覈實的獎。並著勞崇光。一體查覈。不得任意濫保。致滋虛冒。至於在籍紳士。本無守土之責。該員等同心協力。登陴守護。自應量加獎勵。著賽尚阿。一併查明。覆覈酌保。候朕施恩。○又諭。奕山。布彥泰。庫存回布。壅積過多。請暫停徵運一摺。伊犁庫存回布。連起運在途。多至四十七萬餘匹。每年需用不過二萬匹。若不及早變通。必至積久。虧朽。著德齡。會同奕山等。查明葉爾羌。喀什噶爾。和闐等城。每年回戶布匹。正賦應如何變通折徵。仍不至苦累回戶。悉心籌議。奏明辦理。其塔爾巴哈台分運布匹。著即暫行停運。○正黃旗蒙古副都統德昌。緣事降調。以頭等侍衛載堪。為正黃旗蒙古副都統。○命翰林院編修呂宦。豫在上書房行走。○改鑄山西黎城縣知縣印信。從

巡撫兆那蘇圖請也。○
上以夏至祭
地於
方澤。自是日始。齋戒三日。○壬子。以恭奉
宣宗成皇帝配
地。前期遣官告祭
天
地
太廟
社稷。○諭內閣。朕在冲齡。仰蒙
康慈皇貴太妃撫育深恩。前已加崇稱號。錫爵
推仁。上年並諭。令在京王公文武官員。於每
年
慈壽之辰。及前後三日。均穿蟒袍補褂。用示尊
崇。惟念國家典禮攸關。一切祇遵
成憲。且
皇貴太妃懿德淵沖。每懷謙抑。若必遂朕一人
忱悃。轉非所以仰體

慈懷茲於五月十一日恭逢

皇貴太妃慈壽著在京王公文武官員俱穿蟒袍補褂一日庶於因時制禮之中仍不失率由舊章之義嗣後每年即著為例○又諭戶部奏海運剝船通壩驗收遲滯一摺定例漕糧抵通坐糧廳驗收起卸每日應起米三萬石茲據奏稱本年海運剝船通壩驗收每日僅一萬餘石或二萬餘石以致剝船停泊待驗積壓至二十餘里之遙該坐糧廳並未遵照例限如數斛收致令航海沙船不得及早回空辦理殊未妥協著交部議處仍著倉場侍郎嚴飭該廳員等隨到隨驗以速補運儻仍復遷延或縱容經紀人等故意刁難為需索地步即著據實嚴叅其大通橋各官亦飭一體遵照迅速轉運並將因何每日不足三萬石之處查明具奏至石壩州判有督催轉運之責著順天府尹嚴飭該州判於坐糧廳驗收後迅催轉運毋任再有稽延○又諭

程喬采奏逆匪逼近楚界請飭粵兵跟追並調回楚兵堵禦一摺據稱探聞廣西全州城垣被逆匪轟陷賊蹤距楚界甚近現在永州鎮總兵孫應照等防守楚粵交界之黃沙河提督鮑起豹早經移劄永州前任提督余萬清由粵趕回即赴道州堵截該督現於水陸兩路嚴密設防自應厚集兵力以期堵剿兼施著賽尚阿勞崇光迅將前赴廣西援剿之楚兵酌量撤回湖南俾資調遣並迅飭綏靖鎮總兵和春及廣西各路兵勇兼程前進與湖南弁兵合力夾擊程喬采惟當嚴飭在事文武實力巡防儻賊蹤竄近即令迎頭奮擊以遏賊氛毋稍延誤○諭軍機大臣等據程喬采馳奏逆匪攻陷全州賊氛愈近楚疆一摺此時賊勢直趨永州湖南官兵因救援廣西省城陸續調往現在程喬采於水陸兩路設防殊覺兵力單薄必需廣西兵勇兩面夾擊該大臣前奏擬由省城酌量移營前進現

值楚邊緊要。著即迅速移營。就近調度。廣西省城賊氛甫退。防勦事宜。不可稍懈。勞崇光已授廣西巡撫。責無旁貸。著即通盤籌畫。相度情形。或應留省督勦。或應出省應援。隨時與賽尚阿商辦。合力同心。以期共濟。該大臣仍飛飭各路將弁。督帶兵勇。或由閒道繞越賊前。或跟蹤緊追。使賊無暇喘息。總以力遏賊鋒。勿致蔓延楚境。是為至要。前已疊次諭令向榮帶兵出省。現在逆匪逼近湖南。未知

該提督聞之。亦復激發天良否也。至全州失守。在城文武如何下落。著即查明具奏。徐廣縉如抵粵西。即可專辦勦捕事宜。該大臣此時應以楚境為重。若能乘賊分竄。兩路痛加勦洗。仍可轉敗為功。懷之勉之。將此由六百里諭令知之。○又諭。逆匪圍攻全州。暗用地雷。遽將州城轟陷。擄馬擄船。水陸並進。兇殘益張。現距楚粵交界之黃沙河。僅二十餘里。又大張偽示。欲直撲長沙。湖南民情浮動。衡

永一帶。尤會匪充斥之地。難保不暗與勾結。該督等務當嚴飭地方官。密為查拏。豫防土匪乘閒竊發。全州與湖南水陸兼通。水路尤關緊要。或設法阻其行舟。或於要害地方。密置兵船。暗藏槍礮。截擊尾追。俾匪船不能順流直下。方為萬全。至楚粵交界。現已諭令賽尚阿。督飭和春。並帶兵將弁。跟蹤緊追。鮑起豹已移劄永州。儻該逆竄入楚境。該督即飛咨該提督。率同鎮將與粵西帶兵大員同心協力。前後夾攻。以期一鼓殲除。毋誤事機。所調四川江西各兵。如緩不濟急。應如何變通調撥之處。仍隨時與賽尚阿咨商辦理。至該督片奏。儻賊氛竄近。必須移護長沙等語。此事尤須慎重。衡州為入省要路。該督駐劄此處。正可控制全省。阻其入省之路。並可隨時與賽尚阿咨商機宜。儻一有移動。則衡永一帶人心惶恐。即全省亦不免震動。所關非細。該督務須酌量情形。通籌全局。不可輕於移

動全州文報不通。所有廣西摺件業已改道。即著分飭各州縣妥速飛遞。毋稍遲誤。湖北與湖南緊連。該督仍當隨時知會龔裕巖。拏匪徒。豫為防範。仍不可稍涉張皇。以安人心。將此由六百里諭知程商采。駱秉章。並諭令龔裕知之。○又諭。本日據程商采馳奏。廣西全州失守。賊氛逼近楚疆。請添兵堵剿一摺。前因逆匪紛竄。疊次諭令徐廣縉。選帶精兵馳赴廣西。會同賽尚阿。迅籌剿辦。現在逆匪攻陷全州。情形極為喫緊。若不痛加勦洗。必致蔓延楚粵。賊勢益張。徐廣縉奉到前次明降諭旨。諒已督兵前進。此時賽尚阿已督兵由桂林馳赴楚境。勞崇光已補授廣西巡撫。該督到粵西後。即專辦該省勒捕事宜。湖南兵勇多已調赴廣西。現經程商采咨調回楚。恐一時不能趕回。衡永之間。萬分緊要。我兵但知尾追。並無迎擊。如能選派勁兵。取道南雄州。由郴州。桂陽。繞出永州。據賊前路。迎頭

截擊。亦出奇制勝之一策。是否可行。酌量調度。業名琛業經出省。所有羅鏡股匪。即著責成督剿。該督撫等。惟當同心協力。殄滅妖氛。剋期蒞事。現在廣西。湖南。兩省兵餉。均關緊要。該督撫自必豫為籌畫。先其所急。無俟朕諄諄諭及也。將此由六百里諭令知之。○湖廣總督程商采奏。全州失守。賊氛逼近楚疆。前調楚兵。經廣西巡撫鄒鳴鶴。堅留桂林。未經派出。得旨。鄒鳴鶴可恨之至。又奏。桂林固屬重地。而全州亦係藩籬。此中一判重輕。不免跡分畛域。抵鄰疆大吏。猶能籌畫及此。而本省巡撫置之不顧。真無天良也。又片奏。密陳粵匪巨測情形。擬請移護長沙省城。又批。覽奏。曷勝憤悶。雖徵調鄰省。可資堵剿。第恐緩不濟急。奈何。○考試應開列試差二品以下京堂各官。於上書房。○調四川江西兵各二千名。赴湖南剿賊。○撫恤日本國遭風難夷如例。○癸丑

上恭詣

皇祇室拈香隨至

宣宗成皇帝神牌黃幄行禮畢詣

雍和宮齋宿○

孝誠仁皇后忌辰遣官祭

景陵○甲寅夏至祭

地於

方澤

上親詣行禮恭奉

宣宗成皇帝配享如配

天儀○幸圓明園○詣綺春園問

皇貴太妃安○諭內閣吳文鎔張亮基奏查明

病故廠員短辦京銅一摺雲南已故徵江府

知府許文設前管甯臺廠務短辦銅斤並未

採買足數飾詞蒙稟現據該督等查明該故

員實短銅四十萬二千二百餘斤所有長領

工本覈計例價共銀二萬九千三十六兩零

實屬侵吞肥己大千功令伊子候補衛千總

許保琅○分發貴州候補從九品許保瑚均著

暫行革職該故員原籍家產即著查抄寓所

貲財查封備抵不敷之數勒限嚴追許保琅

等賠繳以示懲儆○江南壽春鎮總兵官恩

長奏報到任日期得旨汝所轄地方有何應

整頓之處隨時專摺具奏斷不准稍有迴護

專聞責任非輕勉力振作為之○命湖南巡

撫駱秉章來京調雲南巡撫張亮基為湖南

巡撫以甘肅布政使黃宗漢為雲南巡撫陝

西按察使易棠為甘肅布政使河南河北道

長臻為陝西按察使○以

方澤大祀贊禮嫺熟內閣學士兼管太常寺事

常志下部議敘○乙卯諭內閣徐廣縉等奏

勦辦廉州股匪連破賊巢一摺前據賽尚阿

奏稱生擒首匪蘇疑三茲據該督等奏擒獲

蘇疑三之後即飭該道沈棣輝等查探賊首

李士青屯踞那瀉夥匪張惲榮藍大屯踞分

界李士芳阮亞丁屯踞那練廣東官兵移營

宿禾山。約會廣西遊擊雙貴移營下坡村。先
勦那瀉賊巢。都司張遇清等。伏勇底砦山。堵
那練賊匪來路。並飭那添壯練。分路牽制。絕
其應援。兩省兵壯。齊抵賊巢。柵外。參將劉開
泰。首先拔柵破寨。兵練一齊擁入。將張帽紫
藍大擊斃。賊巢屋柵。全行平毀。又出巢救應
之那練賊。亦經張遇清等。截殺多名。惟首匪
李士青。逃入那練。現在沈棟輝等。移營屯馬
約會雙貴進勦。該督等。仍嚴飭鎮道將弁。乘

勝迅將首匪李士青。拿獲懲治。務使廉州一
帶。伏莽盡除。毋留餘孽。所有此次出力之文
武員弁。著於拿獲李士青後。一併查明保奏。
候朕施恩。○又諭。前因廣西軍務未竣。能否
舉行鄉試。降旨令鄒鳴鶴體察情形。迅速覆
奏。茲據奏稱。現因逆匪竄擾。道路尚多梗阻。
且各屬士子。童率團練。協助官兵。保衛地方。
勢難如期應試等語。所有廣西省辛亥恩科
文武鄉試。本改於今年壬子正科。一併舉行。

現在軍務尚未完竣。自應再加體恤。著改於
明年。特開一科。仍倍額取中。並予廣額。下科
會試。加中額數。著禮部屆期奏明請旨。○諭
軍機大臣等。浙江鄞縣梟徒糾集多人。拒捕
戕官。與鄞縣奉化兩縣鄉民。圍減糧價。滋鬧
之案。本屬兩事。常大瀉派員帶兵前往辦理。
本未詳慎。茲據李廷昌奏稱。當以解散脅從。
安撫良民。為首務。並繕發印示。專差遊擊張
從龍。帶往曉諭。又挑備精兵。恩威並用。所辦

甚合機宜。現在浙江派員辦理。如已妥協。固
毋庸議。儻該梟徒等。始終怙惡。甚至與鄉民
狼狽為奸。情同叛逆。著該督酌量情形。如須
親往督辦。即帶現調官兵。馳赴浙江。相機調
度。務期首要就擒。盡法懲治。而良民亦不致
驚擾被累。方為妥善。將此諭令知之。○授一
甲一名進士章鑒。翰林院修撰。二名進士楊
泗孫。三名進士潘祖蔭。編修。○以
方澤大祀。唱樂官聲音洪亮。賞太常寺贊禮郎

特克什布。五品頂帶花翎。○丙辰。諭內閣。御史普安奏。請飭拏著名惡棍一摺。據稱京畿地方。棍徒疊出。或私販小錢。希圖牟利。或遇各倉放米。聚集多人。攔阻車輛。勒索錢文。著步軍統領衙門。順天府。五城。按照該御史單開姓名住址。嚴拏務獲。奏交刑部究辦。○諭軍機大臣等。賽尚阿奏。全州被賊攻陷。旋復擊退等情。逆匪圍攻全州。暗用地雷。將州城轟陷。已據程爾采奏到。曾諭令該大臣嚴飭各路將弁。跟蹤追剿。茲據奏該匪連日被剿。乘夜棄船。翻山逃竄。並將船隻自行焚燒。遺棄輜重米糧器械甚多。情形雖似窮蹙。而現在賊蹤已逼近湖南道州。永州等處。勢仍猖獗。和春等帶兵追捕。能否得力。著即嚴飭各路分督兵勇。合力攻截。並飛咨程爾采。兩路夾攻。迎頭堵擊。以期轉敗為功。勞崇光前往興安等處。昨已授為廣西巡撫。更屬責無旁貸。該撫前在南太。用兵尚有謀略。正可隨時

幫同賽尚阿籌畫一切。毋致再有疏虞。至該大臣酌保親隨文武各員。該員等辛勤一載。自不當沒其微勞。惟當此城池失陷之時。忽然論功行賞。殊不足以服人心。已將原奏摺單。暫存軍機處。俟大獲勝仗。再行分別加恩。將此由六百里諭令知之。○又諭。本日據賽尚阿馳奏。廣西全州賊匪勢將他竄。亟宜添兵追剿等語。前已有旨。著徐澤醇將前調四川兵二千名。飭令迅赴湖南。著再於松潘建昌。兩鎮內。挑選精兵各一千名。並著調任河南巡撫李鴻。於提鎮各標內。挑選精兵一千名。各備軍裝器械。並派得力將弁管帶。聽候調撥。毋得遲誤。將此由六百里各諭令知之。○命禮部尚書賈禎。戶部左侍郎德興。教習庶吉士。○以廣西全州被陷。欽差大臣賽尚阿下部議處。予陣亡千總劉子成。把總韋雄飛。外委包順忻。祭葬世職。○遣已革總兵官王夢麟。軍臺效力。○丁巳。

上詣清夏齋問

如皇貴太妃安○詣綺春園問

皇貴太妃安○引見新科進士得旨一甲三名

章鑒楊泗孫潘祖蔭業經授職外彭瑞毓薛

書堂朱潮蕭培元蔣英元羅翰隆周學源孔

拉豐阿倪文蔚董元醇張庭學馮晟胡履吉

李慶翱王蘭谷王楷李鴻藻黃先瑜孫樞吳

嘉善景其濬陳介猷丁培鑑吳仰賢梅啟照

鄧兆熊龐際雲周恒祺俞奎垣張洵趙曾回

劉成忠景廉張方詠衛榮光蔡興楷徐啟文

孫翼謀易堂俊孫慶咸曹光斗同扶奎李恩

長黃師閔宗室綿宜賀澍恩衍秀陸仁恬呂

錦文李甲先陳丙曾省三饒世賢婁道南

游顯廷張鼎輔何瑞丹劉洪簡王化堂郭鑑

襄尋鑒煒謝金誥鄭守廉杜瑞聯孫登瀛武

尚仁鄧賢芬許肯許應駭夏廷樞譚鴻儀余

撰李應田任兆堅陳夢蘭志和許宗衡范鳴

璜趙新孫桐生汪雨時趙福瀄俱著改為翰

林院庶吉士鄭世恭吳伯敬龔顯章張鴻芬

葆謙華鏐童大野李光廷張灃卿慶錫綸韓

綱元廖秩璋繼格趙汝淑陳承襄陳維嶽張

文泗尹匯瀛蔡逢年吳潮朱綢高天寵何桂

芳陳駿宋蔚謙李煜彭宗達饒桂豐汪時元

駱文蔚蔣奎樓上官煜邵雲鵠丁鹿鳴黎福

疇魁齡趙廷愷張崇俞允若李標王守基顧

鳳儀王文韶陳鳴玉馮德珍相燮竒桂逵衡

鄭韶唐張榮祝宗室阿里漢何毓福李文敏

石峻周世英樂以紱王鑑塘梁珏原峯峻興

恩鄭濟美任起鵬林駿聲楊凝照文彬劉毓

楠王鈞紳王家勤張美鄧慶麟景聞丁元正

王錫俱著分部學習曹翰書何燦潘文耀豫

師永順郎郡環高大奎張家鈺陳繼業何謹

順葉燦章濮尚暄何芳雲蔚桐俱著以內閣

中書用張啟辰裴季勳陳贊蔣慶第鄧楚翹

高得美李應選陳松齡馬緝熙陳壽元陶雲

升金耀達王致虞張世樸吳芳蕙方炳奎林

溥徐河清董春卿王廣佑吳學濤章濤張渠
杜琢章劉翼之李徽昉楊豐紳劉秉琳李昌
瑞明之綱張雲輝龐立忠翟允之劉濟韓蔭
華馬世璜高徽翰何現圖李勛陳景雍王阜
然徐宗勲武澄清崔玉徵李友齡鄒嶧麟張
煥宋志濂吳錫岱李昌祺胡聯奎馬炳昭高
鏡澄馮克勳龔敬敷吳之俊彭大賓辛于鏞
王之英李耀琛陳泰增傅篤興石虎臣夏家
升陳名傑俱著交吏部掣籤分發各省以知
縣即用戶部候補主事梁元桂著以主事即
用餘著歸班銓選○諭內閣慶錫奏恭挑
東陵河道工程完竣請申明舊例等語
陵寢河道風水攸關理宜疏暢現據奏稱遠近
河道業經一律挑挖眾水暢流嗣後仍應遵
照舊例辦理
陵寢遠近各河道著責令內務府禮部並鎮標
弁兵於每年秋末冬初敬謹清理仍著該總
兵於年終奏報一次並著自本年為始准其

於樽節歸公銀兩項下由永濟庫動支銀二
百兩分賞出力兵役以示體恤至
陵寢羅圍牆外東西馬槽溝及三路三孔橋下
堆積穢土現已全行除淨僅八旗值班官兵
並內務府茶膳房禮部員役不知慎重即著
從嚴叅辦○又諭現在
東陵河道已據慶錫奏明清理章程因思
西陵河道溝橋等處亦多淤塞著德春詳加履
勘應如何隨時清理之處查照舊章妥議具
奏○諭軍機大臣等有人奏江蘇臬司查文
經係奏派辦工之員大工未能合龍應加懲
處以昭平允著杜受田等明查暗訪此次豐
北未能能藏工是否查文經估計錢糧過於苛
刻以致債事抑係各廳員等侵蝕剋扣糜帑
誤工與查文經無涉據實具奏原摺鈔給閱
看將此諭令知之○戊午
上幸萬壽山○諭內閣惇恪親王之嫡福晉薨
逝著派總管內務府大臣基溥前往照料一

切喪儀。著照親王福晉之例。官為辦理。○又諭本月十二日大考翰詹。所有此次留館人員。著毋庸與考。○又諭程裔來馳奏。粵匪竄至永州。經官兵擊退。大獲勝仗。一摺。粵西賊匪。自攻陷全州之後。竄至永州城外。經提督鮑起豹。總兵孫應照。兩面夾攻。該匪潰散。竄往零陵縣屬之雙排地方。現在余萬清和春分路進剿。著賽尚阿。迅即馳赴楚境。扼要駐劄。統領諸軍。一切調度。俱由該大臣相機妥籌。毋稍遲誤。粵西所調湖南防兵。征兵暨湖北官兵。俱著先行遣回。以資策應。所需軍餉。著戶部寬為籌備。毋誤事機。朕思全楚人心。素稱強固。當茲賊氛肆擾。在籍官紳士庶。諒必志切同仇。咸深義憤。著程裔來。徧行曉諭。如有紳民團練。自固藩籬。互相保衛。殺賊立功者。即行破格保奏。候朕施恩。其有被賊倡脅。自拔來歸。擒獲奸細。殲斃賊匪者。並可寬其既往。予以自新。現復續調各省精兵。馳往

協剿。蠢茲醜類。計可速就殲除。該大臣督撫。提鎮等。其各協力同心。以副委任。○諭軍機大臣等。本日據程裔來馳奏。粵匪竄至永州城外。官兵堵禦。獲勝情形。並請欽差大臣前赴湖南。以一事權等語。前因楚邊緊要。飭令賽尚阿。迅速移營。就近調度。現在賊匪竄至零陵縣屬之雙排地方。雖經鮑起豹等合力堵擊。尚恐由道州一帶。肆行竄擾。程裔來已回駐長沙。為防護省城之計。著賽尚阿。迅即統帶大兵。馳赴湖南。扼要駐劄。鎮將中孰應留粵。孰宜赴楚。自行酌量調遣。其粵西防剿事宜。即著勞崇光籌辦。向榮前為鄰。鳴鶴留駐省垣。據賽尚阿奏。已飭劉長清赴楚。剿賊向榮。回提督本任。此次賽尚阿移營湖南。是否仍需向榮前往。可資得力。抑或令其專辦廣西軍務。均由該大臣酌度辦理。現已派前任湖北巡撫羅繞典。馳赴湖南。幫辦軍務。所有紳民團練防禦各事宜。即可商同籌辦。該

撫籍隸湖南情形必當熟悉也將此由六百里諭知賽尚阿並諭勞崇光知之○又諭程喬來奏粵匪竄至永州官兵擊退獲勝情形一摺該匪既有直達湘漢之謠更恐衡永一帶所在會匪嘯聚且郴州戕官案內漏網餘匪亦恐乘機勾結况湖北省城獲有偽示則該匪耳目心腹散置兩楚正復不少事機稍涉遲鈍必至勢若燎原該督折回長沙居中調度衡永兩郡雖有提鎮統兵嚴守而水陸間道既多處處均須防堵切不可顧此失彼致墮奸計前經兩次降旨令四川豫備精兵二千名又松潘建昌二鎮兵二千名候調如需用孔亟即著該督迅咨徐澤醇飛調至江西兵二千名想已催調啟程到後著察看情形妥為布置各路所解廣西軍餉准其截留湖南備用除前經該督請撥帑銀五十萬兩已由戶部速籌迅解外現今該部寬為儲備該督仍當撙節動用並督飭在事文武員弁

協力同心奮勇勦捕趁此賊鋒大挫官軍得手之時一鼓作氣蕩除羣醜尤須嚴密偵探訪獲奸細並激勵地方紳民互相保衛該逆聲東擊西是其慣技所稱欲撲長沙或即是令我應接不暇為窺伺衡永之計必須兼顧周到毋令乘我之隙仍當示以鎮靜以安民心將此由六百里諭知程喬來並諭龔裕駱秉章知之○又諭本日據程喬來馳奏逆匪竄至永州旋經擊退復有欲擾長沙等語已明降諭旨令賽尚阿馳往湖南督勦矣前疊經降旨令徐廣縉選帶精兵馳赴廣西會籌勦賊刻下計已督兵前進逆匪雖竄湖南而粵西境內餘黨尚多該督到粵西後即會同勞崇光迅速勦捕以淨根株勿留餘孽此時賊股奔竄楚境情形甚為喫重前經降旨令該督等選派勁兵取道南韶郴桂之間繞出賊前迎頭截擊著即相機妥辦毋誤事機葉名琛早經由省具羅鏡逆匪圍攻日久急宜

翦除諒該督撫等協力同心必不致顧此失彼也將此由六百里各諭令知之○命前任湖北巡撫羅繞典馳往湖南幫辦軍務○己未

上詣綺春園問

皇貴太妃安○諭內閣前據御史張澧翰奏河南許州知州金梁候補知縣沈姓委查南陽府屬案件勒索差費挾恨誣陷委員郎仲連挾權盤踞等情當交該撫確查奏○茲據李

德奏稱金梁並無收受差費惟於奉委密查之件未及查明地址輒以無據之言具稟實屬疏率沈如椿於各處致送盤費銀兩當時未能拒絕退還後亦未通稟前任鄧州已革知州徐柱臣前任唐縣勒休知縣朱堃前任南召縣降調知縣趙曉致送委員盤費雖非因事餽送均有應得處分前任河南巡撫潘鐸於金梁所稟三州縣交界未經確查即行奏奏亦有不合潘鐸金梁沈如椿徐柱臣朱

堃趙曉著一併交部分別議處裕州知州姚慶溥南陽縣知縣鄭宗玉原參處分應行更正之處著該部查覈辦理至前任尉氏縣知縣郎仲連因調補孟縣離任復因人地不宜撤省另補現在發審局內查無藉案嚇詐被人控告情事著無庸議○又諭常大淳奏鄧縣因糧滋鬧首犯到案現在設法督拏梟徒一摺浙江鄞縣西南東南兩鄉匪徒前因圖減糧價聚眾入城滋鬧曾降旨令該撫督飭所屬分別查辦毋令拖累無辜茲據奏稱梟司孫毓桂等督同地方委員會同紳士葉炯分赴各鄉周歷曉諭該鄉民即將首犯周祥千送出交官其被梟徒煽惑之眾亦已解散各鄉錢糧均已赴縣投納民情安帖著即將該犯周祥千嚴行審究起釁根由是否地方官辦理不善因而激變務得確情按律懲辦其奉化縣埠頭莊鬧糧匪徒僅獲從犯王三祖一名著即研訊該處首要各犯藏匿處所

嚴飭該府縣督率紳耆迅速跟拏務獲懲治以儆刁頑至鄞縣石山街梟徒尚在聚眾員固新任提督葉紹春現已到任著該撫會同商酌詳察該處進兵道路親往督率相機勦辦仍先督同紳士等妥為曉諭毋令良民受其要結並圖練鄉勇作為嚮導務將貌法兇徒悉數弋獲按律懲治以伸國法而安善良○予浙江陣亡千總周得標王汝霖把總沈寶林周御清湯凝泰外委高其祥俞祥麟徐廷寶祭葬世職○庚申諭內閣龔裕泰不諳軍旅現復患病懇請開缺一摺該撫身膺疆寄當此軍務防堵喫緊之際應如何殫竭血誠以圖報效乃因粵匪奔竄漸入楚境輒以肝氣舊病藉詞引退實屬辜恩大員委任著交部嚴加議處新任巡撫常大瀉未到任以前所有一切防堵事宜仍責成龔裕泰戴罪籌辦儻有疏虞朕惟執法嚴懲不能寬貸○諭軍機大臣等程商采等奏道州失守該督折

回衡州堵禦並咨調四川官兵各一摺覽奏殊深憤懣該督前奏賊由永州竄至雙排係通道州大路余萬清在彼駐劄兵力尚單和春帶兵萬餘跟追趕至議分兩路一由甯遠馳赴道州堵截是道州已有和春帶到之兵何至遽爾失守余萬清係在道州防堵之員何以率稱下游喫重徑赴衡州且該提督發咨次日州城已陷豈賊眾廣至先期一無聞見該州城防守有無準備文武各官有無恒怯畏避情事現在下落如何該督先已折回省城茲又前赴衡州省垣重地是否布置妥協衡永兩郡現俱喫重如何分派大員帶兵堵禦孫應照是否可資得力其和春分派由雙排尾追之兵是否足資策應和春現在何處攻剿所謂四川江西官兵仍恐緩不濟急賽尚阿接奉前旨想已調回湖南征兵防兵並湖北官兵著該督即與該大臣妥籌分撥嚴密布置現在賊夥是否盤踞道州抑係流

而不守。分股搶掠。均應處處設防。不可顧此失彼。其由甯遠。常甯。至衡州之路。尤須豫備。迎頭截擊。不可更有疏虞。並著將道州如何被圍失守情形。詳細奏聞。本日又據龔裕奏。荊州接壤湖南。水陸營兵。僅七百餘名。現已咨商將軍。台湧。酌派滿洲綠營等兵。分防要隘。應如何緝匪安民。鎮靜不擾。該督仍當妥籌兼顧。其湖南與兩粵交界處所。尤須嚴飭地方州縣。實力防堵。並剴切曉諭紳民團練保衛。自顧身家。斷不可為訛言搖惑。紛紛遷徙。儻有殺賊立功。或堵禦勦賊者。即隨時查明保奏。以昭激勸。賊匪剽悍。利在急趨。雖願猖獗。亦有冒險孤注之勢。若能壘挫其鋒。官民同心合力。轉移之機。亦在反掌。該督務須通盤籌度。出以鎮靜。以固人心。將此由六百里諭知程商采。並諭駱秉章龔裕知之。○又諭。現在衡永一帶。防勦十分緊急。賽尚阿接奉前降諭旨。諒已帶領得力鎮將。統帥大兵。

前往扼要駐劄。迅籌勦捕。向榮曾任湖南提督。一切情形。尚稱熟悉。現在病勢如何。應否調往湖南。協同勦辦。即著賽尚阿酌量飭知。總期兼權熟計。毋誤事機。至廣西賊匪大股。雖竄入楚境。地方餘匪不少。且與湖南毗連處所。均須嚴防截擊。徐廣縉此時是否能抵粵西。勞崇光身膺疆寄。務當通盤籌畫。緝匪安民。以副委任。將此由六百里諭知賽尚阿。並諭勞崇光知之。○調浙江巡撫常大澂為湖北巡撫。雲南巡撫黃宗漢為浙江巡撫。未到任前。以布政使椿壽署理。以四川布政使吳振棣為雲南巡撫。○以湖南道州被賊竄陷。總督程商采。巡撫駱秉章。下部議處。○辛酉。

皇貴太妃慈壽節
上詣綺春園
皇貴太妃前行慶賀禮。奉
皇貴太妃幸同樂園進膳。並賜內廷王大臣等

食○諭內閣貴州古州鎮總兵雙福著俟該省防堵事竣再行前往湖北署理提督印務博勒恭武仍俟雙福到任後來京陛見○諭軍機大臣等吳文鎔張亮基奏訪聞廣西提督向榮在軍營時誇詐冒功飾智欺人以致軍心不服當賊匪竄入永安之時向榮首先遁入平南旋復託病不出及賊素永安時又不詳審機宜祇率殘兵躲入省城反捏稱統兵赴援各等語向榮經朕屢次棄瑕錄用宜

如何感激朕恩力圖報效若如摺內所指各情種種辜恩溺職實屬大員委任著賽尚阿秉公確覈據實參奏徐廣縉抵廣西後留心訪察如果屬實亦即行參奏毋稍含混原奏片著鈔給閱看將此各諭令知之○又諭據吳文鎔等奏請飭廣西仿照嘉慶年間舉行築堡事宜並鈔錄明亮等原奏呈覽上年粵匪滋事疊經有人條奏堅壁清野之議飭令實力舉行現在賊竄楚境已降旨飭令該督

撫等勸諭紳民團練自相保衛著程商參會同龔裕駱秉章查照所奏各就地方體察情形飭屬認真試辦總須隨地制宜方為妥善常大瀄張亮基到任後並著接續辦理原奏片著鈔給閱看將此諭令知之○以福建按察使楊培為四川布政使江西吉南贛甯道黃樂之為福建按察使○壬戌

孝德皇后殯宮月祭遣官行禮○大考翰林院詹事府各官於圓明園正大光明殿○諭內

閣倭仁奏敬陳治本一摺意在責難陳善其言尚無不合惟朕特授倭仁為葉爾羌幫辦大臣原使其散歷邊疆俾資練習今觀所奏仍係統論治道並未及邊陲切要情形豈忽近圖遠轉以職守為無關輕重耶嗣後總宜留心邊務實力講求於任內應辦事件毋稍疏忽如有地方要務切實敷陳朕亦可驗其學識毋得徒託空言致負委任○又諭陸建瀛等奏籌辦江境運道一摺據稱黃河歸海

之路業經分飭廳營將邳宿一帶運河壩牘展拓俾令疏暢並加培運河緯隄安設水撥估挑替河各事宜均已一律興辦現在揚殿邦已督飭幫船陸續由順清河渡黃北上江境上下運道自可無虞阻滯惟山東省南路運道尤關緊要亟應設法辦理著顏以燠李德嚴飭所屬妥籌駁運務使幫船銜尾前進以重倉儲至已抵清江牘之銅船二起現隨糧船插檔行走著一體催趕其在後銅船亦

著隨時督催毋稍遲誤○以翰林院侍讀學士孫銘恩為廣東鄉試正考官編修胡燏為副考官詹事府詹事毓檢為福建鄉試正考官光祿寺少卿黃兆麟為副考官○賞湖南等省辛亥科鄉試年老諸生羅儲倫等五人舉人副榜有差○予廣西殉難副將阿爾精阿入祀京城及廣西昭忠祠○修湖南長沙府城從巡撫駱秉章請也○癸亥

上詣綺春園閱

皇貴太妃安○遣官祭

關帝廟○諭內閣前因倉場侍郎覆奏興平倉海運米石短少各情當交戶部詳覈速議具奏茲據該部奏稱查海運成案漕糧抵津由驗米大臣會同倉場坐糧廳直隸江蘇各委員眼同查驗由坐糧廳取具該經紀切結督收運通抵通後由裏河轉運大通橋如查有短少潮溼等弊均惟經紀是問現在興平倉米石如果在津時即有弊混該經紀何肯出具切結迨至抵通驗收該坐糧廳何以率行轉運且既經查倉給事中奏該侍郎又將斛面短少查驗得實何以不將舞弊之人嚴叅治罪照數追賠軌據經紀等一面之詞歸咎於天津驗米大臣著朱崢據實明白回奏當此整頓倉務之際若不嚴加懲創更恐肆無忌憚即著該侍郎等嚴飭坐糧廳驗收米石如查有潮溼虧短等弊即將舞弊之人送部治罪照例追賠至由石壩運大通橋後

分運各倉務各釐剔弊端實力訪察如經管各官意存迴護亦著據實參奏毋稍徇隱○又諭前據徐廣縉葉名琛奏勦辦廉州股匪連破那瀉分界兩處賊巢惟首匪李士青逃入那練茲據奏稱移營屯馬後高廉道沈棟輝等帶領兵勇分路進攻放火焚燒延燬賊巢斃賊不計其數惟首匪李士青逃往大直參將劉開泰等奮勇跟追沈棟輝會督遊擊蘇崇阿等拔營前進廣西遊擊雙貴等分路兜捕該首匪奔至大直經巡檢王維清督練截回劉開泰玉山頭隊趕到槍斃著名賊目劉亞潰殺賊百餘名賊逃入木脈隘旋竄唐雞隘我兵追至山內李士青率夥黨竄往那屯隘口該處團壯黃載熙誘入柵門我兵一到即將首逆李士青並李士芳李士奇方叱農及首逆之父李展成偽軍師邱天保周小吉七名及跟隨兇匪一併擒獲廉州境內匪徒殲除殆盡地方一律肅清該督撫調度有

方所有在事文武員弁自上年三月內勦辦陸屋匪徒大獲勝仗之後如那茂新鋪那瀉分界各處無不掃穴擒渠實屬始終奮勉著徐廣縉葉名琛擇其尤為出力者酌量保奏該督現飭沈棟輝督帶得力員弁迅赴高州著將羅鏡逆匪迅速掃除以慰廑念○命吏部左侍郎邵燮戶部右侍郎麟魁在軍機大臣上行走○甲子月食○諭內閣近來各直省問刑衙門多溺於救生不救死之說遇有關繫倫紀重案往往裝點情節避重就輕殊非明刑弼教之道朕於刑部等衙門題本其有情節可疑者屢經飭令覆訊原以法貴持平不可枉亦不可縱即如湖北喻李氏同謀致死本夫一案該撫原題並未究出實情經刑部駁令覆審該撫仍照原擬具題非朕指出疑竇特旨交審幾致淫兇漏網死者含冤湖北如此他省可知嗣後各直省督撫於一切刑名事件務各嚴究確情毋稍遷就其由

該部駁審之案。無論失出入。一經訊得實情。即當據實平反。毋得因執原題含糊了結。如委審之員。有瞻徇迴護情弊。即著從嚴叅辦。以副朕明慎用刑之至意。將此通諭知之。○又諭。自廣西辦理軍務以來。失事獲咎人員。間有因該省原奏。聲明留營效力者。朕念軍營用人。難拘常格。姑准留營。以資差遣。獲咎各員。果能知感懼。力圖報稱。原不必以一眚概從擯棄。若竟不知愧奮。遇事退縮。軍

營中亦安賴此劣員為耶。著欽差大臣暨各督撫等。認真查覈。不得濫請留營。以為開復地步。並將從前准留各員。詳加察看。分別奏請留撤。其失守城池各員。尤當嚴查。照例叅奏治罪。斷不准任聽稟報飾詞。稍存姑息。至臨事告病。尤屬心存規避。現在楚粵兩省防剿喫緊之際。該地方文武。有告病開缺者。著照從前海疆告病之例。交吏兵兩部。隨時存記。俟該員病痊引見時。聲明請旨。○又諭。吏

部等部奏遵議辦理番案各員處分一摺。此案曾經訊取認搶草供之題。升甘肅平羅營參將陝西黃甫營遊擊珠克登。題升甘肅北川營都司固原提標左營守備石長興。西甯府知府鈴祥。均著降三級留任。該員等係屬失入。著不准抵銷。辦理草率之前。署陝甘總督薩迎阿。著降四級留任。准其抵銷。隨同審案漏未取供之刑部郎中梁熙。員外郎覺羅奎棟。武汝清。均著降二級留任。准其抵銷。薩迎阿之子戶部員外郎書紳。並無承審之責。輒同司員問供。實屬不知檢束。著降三級調用。不准抵銷。○諭軍機大臣等。龔裕奏。籌辦防堵事宜。請酌撥官兵軍餉一摺。粵西逆匪竄入楚境。湖北與湖南接壤。必應豫籌防堵。據奏。已調宜施各營兵一千名。派員管帶。交將軍台湧。分派嚴防。並咨明程喬采等。迅派官兵堵截。即著嚴飭兩省帶兵文武。於水路各要隘。認真堵截。毋任賊匪攔入。尤須察看

地勢扼要設防嚴密偵探但不得過事張皇轉致人心搖惑前已有旨令提督博勒恭武暫緩來京陛見所有湖北防堵事宜著與將軍台湧會同地方官妥為布置粵西軍餉准其酌量截留以濟急需仍俟部撥餉款到日即行照數解還現當防堵喫緊之時龔裕雖經革職豈能置身事外若不激發天良意存諉卸設有疏虞朕必重治其罪程裔采身任兼圻更屬責無旁貸務當通籌全局不可顧此失彼致誤事機將此由五百里諭知程裔采龔裕並諭台湧博勒恭武知之○革湖北巡撫龔裕職仍令戴罪籌辦防堵事宜○調陝西兵二千名河南兵一千名赴湖北防堵○乙丑諭內閣太常寺奏天壇庫存器物被竊等語郊壇重地理應嚴肅據奏查明失去舊存龕衣及錫器等件該犯等潛蹤行竊實屬目無法紀所有現獲賊犯一名著刑部嚴行審訊未

獲各犯著步軍統領衙門順天府五城一體嚴拏務獲歸案從重懲辦奉祀顧虞魁著先行交部議處○又諭工部奏請飭催東河歸公水利銀兩一摺東河欠解道光二十一二十三等年兩次大工水利銀兩節經該部奏請飭催迄今尚未解到殊屬延宕著河東河道總督河南巡撫即將欠解歸公水利銀兩三萬一千餘兩迅速委員解部以資辦公毋得再有遲延○以都察院左都御史花沙納

署翰林院掌院學士

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之六十一

實錄卷之六十一

中

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之六十二

敕修

咸豐二年壬子五月丙寅諭內閣朱嶸奏遵

旨查明海運米石起卸情形一摺此次海運
米石由天津剝運抵通較之豫東漕糧起卸
尤宜迅速據該侍郎查明坐糧廳等尚無有
意積壓情事惟當大雨時行之際若每日起
卸不足三萬石之數必致輪轉不及且易啟
偷漏需索等弊著朱嶸嚴飭廳員迅速催卸
不得藉詞推諉有誤正供儻經紀人等故意
刁難即著嚴拏懲辦其石壩轉運並著督飭
趕辦如有遲延一併參奏○又諭廣東廉州

軍務現已辦竣順天府府尹宗元醇著來京供職○丁卯

上詣綺春園問

皇貴太妃安○諭內閣前已有旨令賽尚阿迅赴湖南籌辦軍務其未到以前著程裔采督辦防剿所有軍營提鎮以下帶兵大員統歸節制該督其通盤籌畫相機調度以副委任○諭軍機大臣等前因粵匪竄擾楚境曾經降旨令賽尚阿迅赴湖南統領諸軍調度一

切茲據奏稱賊蹤未定一經移動恐於控制調撥轉不相宜並將劉長清調回粵西省城以防賊匪回竄等語現在葉名琛接辦凌十八股匪徐廣縉計日可到廣西刻下衡永一帶防剿十分緊急賽尚阿著俟徐廣縉到後仍遵前旨迅即馳赴湖南扼要駐劄與程裔采合力勦賊毋稍遲誤劉長清打仗素稱得力如賊匪不致回竄該大臣即酌量帶往楚南軍營以資調遣勞崇光現在邊界各處嚴

密巡防楚粵兩省情形皆所熟悉著即通盤籌畫隨時知會程裔采併力夾擊或派勁兵越境追剿毋誤事機方為妥善此時賽尚阿暫駐廣西所派帶兵赴楚大員現已明降諭旨統令程裔采節制以期事權歸一○至賊首蕭朝潰是否實係殲斃馮雲中羅亞旺是否受傷仍著偵查確實具奏將此由六百里諭知賽尚阿並諭令勞崇光知之○又諭徐廣縉奏即日馳赴梧州及圍攻羅鏡情形前因

廣西軍務喫緊疊經降旨令該督酌量情形赴粵督剿復於四月初六日明降諭旨派令馳赴廣西會同賽尚阿辦理軍務該督接奉此旨定已啟程前進現在逆匪竄至湖南道州失守已諭令賽尚阿前赴湖南勦辦廣西巡撫勞崇光出省防堵省垣重地總理之人著徐廣縉迅即馳赴廣西沿途派委將弁將波山艇匪掃除所有該省應勦餘匪及安撫各事宜均歸徐廣縉督辦賽尚阿即遵前旨

馳赴湖南毋稍遲延至逆匪竄入湖南經楚
粵夾擊難保不窮感奔回兩粵交界地方尤
宜認真防禦不可稍存大意該督統轄兩省
事權歸一諒必通盤籌度計出萬全羅鏡凌
逆勢已窘蹙葉名琛到後不難剋日殲除該
督正可專辦廣西軍務也將此由六百里各
諭令知之○又諭賊匪破陷道州不即屯踞
勢必向他處竄擾程高采現已還駐衡州居
中調度該督統轄兩省責無旁貸所有和春

等統帶追剿之兵勇合共一萬五千餘名著
即相機調遣督飭進剿毋令紛竄蔓延廣西
兵餉已准其酌量截留現當賊蹤靡定防堵
喫緊之際轉輸糧餉最為行軍要務必須派
委妥員辦理源源接濟毋得遲誤至衡州為
全楚門戶該督現在扼要駐守總當隨時偵
探設法勦堵防其陸路翻山水路順流肆擾
他處是為至要將此由六百里諭令知之○
予廣西陣亡知州林光謙知縣梁士超守備

楊熹馬占魁千總王運帷把總楊應彪普正
榮楊通瑞麻勝國呂大標外委范偉李春林
張得勝侯登元祭葬世職千總繆逢恩祭葬
世職如守備例○戊辰諭內閣都察院奏前
任和闐辦事大臣四品頂帶達明阿呈遞封
章據呈轉奏等語達明阿本無言事之責其
所陳各條亦多窒礙難行雖無違悖字句究
屬冒昧著交部議處○又諭鄒鳴鶴奏省城
查拏土匪及安撫興安全州二處情形一摺

此次興安縣城被賊竄入知縣商昌業經降
旨革職查辦所有罵賊不屈被害之幕友湖
南生員沈昌世著交部從優議卹興安縣典
史彭蔭枚代理把總胡得升著一併革職交
勞崇光嚴查是否遇賊逃避據實具奏至全
州知州曹慶培卸署知州瑞麟護叅將事都
司楊映河學正農賢託據奏城陷被害惟屍
身尚未辨認清楚著勞崇光迅即確飭查明
奏請賜卹其同時殉難之文武員弁紳民人

等一併查明請卹○又諭奕山布彥泰奏甄別營伍一摺伊犁霍爾果斯營參將嚴武精力就衰騎射平常著即勒令休致已燕岱營都司李茂春雖年逾六十精力未衰於營務屯工均尚得力著准其留任仍著該將軍等隨時察看儻辦事不能如前即行據實具奏○又諭毓書奏撤任同知稟請復算交代後任不肯會算請派員查辦一摺前署鎮西府知府菩薩保因署吐魯番同知任內短交庫

款撤任著追旋據該員稟請與接任同知榮春再行覈算經該都統派員查覈乃榮春抗不會算又不將應查卷宗交出並稟訐菩薩保以前任虧空貽累後任及賣地得銀各款是否有狡飾情弊均須徹底查究著樂斌於抵任後提集人證卷宗秉公審訊據實具奏毋稍含混○諭軍機大臣等鄒鳴鶴奏越南國豫期請示來年正貢進關日期一摺越南國久列藩封明年例貢屆期自應令該使臣

恭詣闕廷俾申誠悃著於咸豐三年五月內到京其進關日期著勞崇光酌定知照該國遵照辦理將此諭令知之○又諭毓書奏吐魯番地方回民互鬪傷斃多命派委道員查辦一摺吐魯番回民與打花民人口角爭鬪聚眾多人互相鬪毆以致傷斃多命情節較重其因何起釁是否約期械鬪均須徹底根究著樂斌即飭鎮迪道和祥馳往該處嚴拏兇犯彈壓地方並查明起釁根由提集應訊

人證解交樂斌秉公審訊按律定擬具奏將此諭令知之○閩浙總督李芝昌奏體孱力薄力疾供職得旨加意調理以慰朕念○以閩浙督標中軍副將郭仁布為福建漳州鎮總兵官○添造福建水師戰船礮位從總督李芝昌請也○己巳諭內閣此次考試翰詹各員經閱卷大臣等校閱進呈朕復詳加披覽親定等第一等五員二等六十五員三等六十八員四等一員不列等一員其考列一

等之編修李聯琇龍元僖俱著以侍講學士
升用編修沈桂芬龐鍾璣俱著以庶子升用
編修孫鼎臣著以侍讀升用考列二等之編
修胡焯著以侍讀升用編修馮培元周壽昌
袁希祖俱著以侍講升用編修何廷謙徐樹
銘俱著以中允升用侍講學士王履謙著以
少詹事升用編修何彤雲著以侍講升用編
修沈炳垣著以中允升用編修郭驥遠著以
贊善升用以上各員現在無缺可補者俱著

先換頂帶在任候缺編修宜振卓樞侍讀學
士孫銘恩編修陸秉樞洗馬宋晉編修陳濬
侍講學士潘曾瑩侍讀學士阜保俱著記名
遇缺題奏並各賞大卷緞袍料一疋小卷緞
袍褂料各一件編修李戴熙唐壬森鍾啟峴
侍講汪振基左庶子煜綸編修林之望檢討
楊元白編修李希彬殷兆鏞張桐張守岱張
晉祺尹國珍李鴻章鮑源深王景瀛呂序程
呂宦孫俱著各賞大卷綢袍料一疋考列三

等之侍讀學士殷壽彭著以庶子降補右中
允史瀉著降為編修侍讀蔡宗茂著以中允
降補侍講寶珣著以贊善降補少詹事鈕福
保著以庶子降補仍在上書房行走編修蔡
徵藩章嗣衡檢討張修府編修啟文李品三
董似穀著各罰俸半年編修吳存義黃廷綬
孫觀鄭瓊詔檢討何其仁編修方俊劉有銘
著各罰俸一年左贊善蘇勒布著降為編修
仍罰俸一年檢討徐鼎編修殷壽臻著各罰

俸一年編修盧慶綸許振初檢討徐嵩生著
各罰俸二年洗馬玉山著以主事降補仍罰
俸二年考列四等之編修蔣達著罰俸三年
不列等之侍讀學士保清著即革職其考試
繙譯列入二等之編修廣鳳著以侍講升用
先換頂帶在任候缺侍講訥爾濟著記名遇
缺題奏並賞大卷緞袍料一件小卷緞褂料
一件列入三等之侍讀德瑛著罰俸半年右
贊善萬廣著降為編修餘著照舊供職該員

等其各勤學砥行以副朕培養人材至意○又諭曾格林沁等奏火器等營前赴廣西營員陸續回京等語火器營委翼長祥麟等經賽尚阿等帶往廣西輒以不服水土先行回京本有應得之咎姑念其前在軍營打仗著有微勞著免其治罪仍令回各處當差○諭軍機大臣等有人奏順天保定冀州一帶有著名賊匪勾引滄州山東大夥賊匪在鄰境州縣肆行搶劫以致文安任邱武邑衡水等縣數月之間搶案疊出總因捕役秦賊分賊州縣徇庇不究請旨查辦等語州縣設立捕役原以弭盜安民直隸各屬附近京畿尤當力加整頓若如所奏盜賊藉捕役為窩巢捕役以盜賊為利藪地方官規避處分徇庇諱飾尚復成何事體著順天府尹直隸總督各派員弁嚴密查拏務使按名弋獲盡法嚴懲並查明各州縣有無消弭情事據實嚴叅原摺單著鈔給閱看將此各諭令知之○又

諭寄諭湖廣總督程喬采等御史周有簾奏請飭速調各路兵勇保護衡郡並扼要堵禦一摺該督現駐衡郡固宜竭力保護以固全省其永州郴州所屬水陸各路亦宜分派員弁防堵並另片奏請於衡州城外水路安置礮位陸路添築堡牆及附省州縣團練保衛各事宜均著該督等體察情形相機籌辦其所稱教匪易老牛為永寶兩郡著名匪徒黨與甚眾尤當設法捕拏並解散其黨以防內應至該處紳民團練鄉勇殺賊衛家原為現在急務惟須查明鄉勇來歷勿令賊黨潛跡其間致墮奸計原摺片均著鈔給閱看將此由四百里各諭令知之○庚午

上詣綺春園問

皇貴太妃安○諭內閣此次大考三等之翰林院侍讀蔡宗茂業經降補中允著仍准記名以道府用其京察一等加一級著毋庸隨帶○浙江衢州鎮總兵官富勒興阿覆奏地方

情形得章辦理尚可然亦不過照例查驗朕
看於行伍無所裨益汝斷不可一奏塞責俟
汝履任日久於一切情形朕仍欲查詢先諭
汝知○辛未

上詣綺春園問

皇貴太妃安○諭內閣西凌阿盛桂奏查出家
人聽許銀兩請旨訊辦各一摺此案牛羊羣
總管等官許給都統家人徐九副都統家人
張四銀兩業經該都統訊有端倪無難徹底
根究何得率請派員交部紛紛瀆奏著仍交
西凌阿盛桂會同提集人證秉公研訊確情
按律定擬具奏毋得稍有不實不盡其未經
取供之左翼副總管扎克都爾著一併調傳
歸案質訊○壬申

上詣綺春園問

皇貴太妃安○御勤政殿聽政○諭內閣慶錫
奏行宮庫房氈毯被火燒損請將辦理遲延
乖謬致釀命案之弁兵等解部審辦一摺隆

清 實 錄 咸豐二年五月下

福寺六品千總李國泰著即革退並業經革
退之委署千總李超兵丁尹八十兒恩濬趙
連升常勝喜成安李伶周濬周幅周汶王幼
丁王得均著解交刑部嚴行訊究並幼丁周
富因何自戕身死之處研訊明確按律定擬
具奏慶錫及盤山總管富陞均著先行交部
議處○又諭刑部奏審明販運銅斤人犯尚
無影射情弊請飭錢法堂另議煎銅章程一
摺現當銅斤短絀之時若將此項鉛燥官為
煎練於局鑄不無裨益著戶工兩部錢法堂
體察情形嗣後鉛燥應如何官為煎練之處
妥議章程奏明辦理○諭軍機大臣等台湧
奏馳往荊州等處擇要設防一摺粵西逆匪
竄擾湖南邊界前據程喬采奏報道州失守
之後尚未據續報賊匪情形湖北與湖南連
境前已諭令龔裕隨時與台湧會商妥為布
置茲據該將軍奏稱即日馳往荊州所屬石
首監利兩縣將所帶滿營官兵一千六十餘

員名擇要設防所有該處各緊要隘口即責成該將軍嚴密防守毋得稍有疏虞所稱派兵作為水探豫防江陵公安交界處所並酌量抽調滿漢官兵等情均著照所議辦理仍隨時知照督撫提鎮一體妥籌勿致顧此失彼並剴諭居民斷勿驚惶遷徙於撫綏彈壓之中尤當示以鎮靜將此由五百里諭令知之○直隸宣化鎮總兵官趙毓桂奏報回任日期得旨時時振作勉力為之不可自甘暴

棄○以己革吏部尚書文慶光祿寺卿許乃普為內閣學士兼禮部侍郎銜○癸酉

孝恭仁皇后忌辰遣官祭

景陵○

上詣綺春園問

皇貴太妃安○諭內閣程喬采奏棄城失守文武各員並查明道州被陷情形前任湖南提督余萬清經程喬采派令帶兵防守道州乃於逆匪竄入境內輒先棄城而逃又復捏

詞支飾遊擊瞿我謙亦係駐守州城之員何以不知去向余萬清瞿我謙均著革職拏問仍於查拏瞿我謙到案時嚴訊逃避情形據實具奏道州知州王揆一有守土之責據奏受傷踰城投河遇救各情節殊屬支離著一併革職拏問另片奏請將該員留營效力著不准行現在賽尚阿尚未到楚此案即交程喬采秉公嚴審確情按律定擬具奏余萬清係程喬采駱秉章奏請留楚之員該督等保

舉不實著交部分別議處○又諭程喬采奏勦辦粵匪並分勦土匪獲勝一摺據稱粵西逆匪竄入湖南道州後經賽尚阿派委總兵和春升任藩司勞崇光會督總兵常祿秦定三李瑞經文岱王錦繡副將鄧紹良參將德亮委員江忠源及張國標帶領兵勇先後趕到並經程喬采咨會提督鮑起豹派令遊擊傅振邦帶兵會勦斃匪多名其甯遠縣土匪勾同粵匪持械撲城經署守備向東昇帶兵

勦捕賊即分竄。又東安縣地方有會匪餘黨糾眾撲城。該縣會同文武守禦署守備周祿署千總彭三元出城迎勦。斃賊一百餘名。又經署守備陳進榜等在白牙市地方轟斃賊匪多名。各匪紛逃。勢已窮蹙。逆賊竄踞道州。負隅抗拒。現在鄰近土匪疊經痛勦。賊勢已成孤立。勞崇光已移劄永州。策應較近。和春等又帶到兵勇一萬五千餘名。足資會勦。著程喬采督飭文武員弁激勵紳民與勞崇光

軍機處

卷一百一十五

合力圍攻。務期一鼓蕩平。以靖妖氛。而綏疆圉。○又諭駱秉章奏請鄉試展期一摺。現在粵西匪徒竄擾湖南邊境。各屬士子團練保衛。未能如期應試。自應量加體恤。所有湖南省本年壬子科文武鄉試著改於明年舉行。○諭軍機大臣等。程喬采奏粵匪竄踞州城並附近甯遠東安兩縣土匪竊發。現在勦辦情形一摺。粵匪竄越楚界。盤踞孤城。我軍兵勇共有一萬五千餘名。和春向稱奮勇。勞崇

光前在廣西辦理南太一帶匪徒調度尚合機宜。提督鮑起豹現亦督兵會勦。務當乘賊營未定之際。併力進攻。兵貴神速。斷不可稍涉遷延。且聞道州紳民激於義憤。團練勦賊正可設計約會。作為內應。聚而殲旃。萬勿失此事機。致貽後悔。道州處楚粵之交。賊匪北竄可撲。永州南竄即回粵境。勞崇光係廣西巡撫。越境勦賊尤當兼顧粵疆。以防逆匪回竄之路。至地方土匪乘間竊發。既有冒稱會

匪情事。即難保不暗相勾引。現在甯遠東安兩縣匪徒務即迅行撲滅。毋致蔓延。其餘附近州縣亦當嚴飭地方文武先事豫防。節次諭令程喬采飭屬舉行團練。諒已辦有端倪。賽尚阿到楚尚需時日。所有現在防勦事宜即責成程喬采。勞崇光會商妥辦。該督等其同心勦力。迅掃賊氛。以慰廬望。湖南湖北兩省輿地驛路形勢著詳細繪圖貼說呈覽。將此由六百里諭令知之。○又諭御史蔡紹洛

奏請飭拏張貼偽示奸民一摺。湖北省城獲有偽示已據程喬采等奏明嚴密訪拏。茲據該御史奏稱粵西距湖北甚遠難保非本地奸民藉此搖惑人心等語。著程喬采龔裕飭屬嚴密訪察務將黏貼偽示奸民拏獲懲辦。但不可稍涉張皇致居民紛紛驚擾。還從原摺著鈔給閱看。將此諭令知之。○以督收天津海運漕糧完竣戶部尚書孫瑞珍倉場侍郎慶祺下部議敘餘加銜升敘有差。○甲戌

上詣綺春園問

皇貴太妃安。○諭內閣前因朱嶠回奏海運米石短少情形與戶部原奏兩歧特派恩華彭蘊章前往查辦。茲據奏稱查驗坐糧廳公文清冊此項米石在天津不過蒸熟到通州始見潮溼通州坐糧廳仍加風晾始行驗收與該侍郎原奏據經紀供稱河干未能挑晾以致轉運後米身收縮之語不符其經紀在天津出結係屬向例該侍郎不得諉為不知等

語此次海運原為倉儲緊要權宜辦理若任聽經紀藉端挑斥必致遲延貽誤該倉場侍郎自應通盤籌畫以濟倉儲乃於倉米短少並不虛心引咎輒以天津收驗為詞曉曉置辯殊屬不合。朱嶠著交部議處其未收米石仍著責成坐糧廳及大通橋監督認真查驗迅速轉運如有潮溼短少情弊即著嚴究懲辦。○又諭徐廣縉葉名琛奏遵旨審明已革參將從重定擬一摺廣東增城營參將王學

詩前於何名科等匪徒竄擾掩捕不力降旨革職拏問從重治罪。茲據訊明該革員雖非無故遷延亦無畏縮逃避情事惟不能迅速迎敵又復因馬蹶被跌致賊脫逃實屬勦捕無能。王學詩著發往新疆效力贖罪以示懲儆。○乙亥

上詣綺春園問

皇貴太妃安。○內閣欽奉

諭旨

貞嬪晉封為

貞貴妃○諭內閣前已有旨將前任湖南提督余萬清等革職拏問交程喬采嚴行審訊茲據賽尚阿奏請將該員查辦一摺余萬清以提督大員帶兵分守道州不知設法防勦乃於賊匪竄偏州城時輒先出城引避並將西門防兵帶出以致州城失陷似此喪心昧良開門揖盜實出情理之外著程喬采遵照前旨將已革署知州王揆一原稟情形逐一嚴

查確訊並提余萬清與王揆一當面對質如果實係棄城逃避著即按律定擬請旨正法其王揆一踰城投河各情節與已革遊擊瞿我謙有無下落仍著迅即查訊定擬具奏嗣後統兵大員有臨陣脫逃或託病遷延致誤軍機者著該大臣督撫等一經查明確實即行據實參奏請旨正法其參遊以下各員如有逃避畏蒞以致失地喪師者著一面奏聞一面即於軍前正法以肅軍律不得巧為開

脫致啟徇縱之漸○又諭徐澤醇奏查已故知州虧短公項請將伊子革職究追一摺四川已故邛州直隸州知州葉朝采虧短該州任內正雜各款銀至一萬二千餘兩之多顯有虧那侵蝕情弊伊子捐納鹽大使葉嘉會任意拖延不行交出著即先行革職交該督提同經書人等嚴切訊究勒迫儻仍延宕即著監追照例治罪該故員寓所貲財著即查抄其原籍家產一併查封備抵○諭軍機大

臣等據賽尚阿奏逆匪竄踞道州經我軍圍勦並兼籌各路堵禦一摺前因粵匪竄楚壘經降旨令賽尚阿馳赴湖南調度一切茲據奏稱道州東西南面俱與粵省接壤道路紛歧處處交通該逆如勢難北竄必復折回粵境勢不能不暫留桂林省城現在勞崇光已赴永州防勦一時未能旋省該大臣自應暫留駐守以防賊眾回竄俟徐廣縉督兵到省賽尚阿即仍遵前旨迅赴楚南扼要調度毋

稍遲延另摺稱四川安徽解餉官員前在全州同時殉難所解餉銀若干是否被賊搶掠並著查明覆奏仍隨時知照勞崇光於楚粵交界處所通籌兼顧毋得稍有疏虞將此由六百里諭令知之○又諭陸建瀛片奏截留浙漕濟賑咨商常大瀉將本色米石查照時價易銀分別解至江蘇並稱江南辦賑每有刁生劣監希圖染指煽惑愚民滋鬧等語著杜受田怡良於所奏各情悉心體察米石應

否折價其放賑時應如何確切稽查使刁劣不至藉端生事仍責成地方官妥為辦理原摺片著鈔給閱看將此諭令知之○調河南南陽鎮總兵官伊薩布為四川北鎮總兵官以山西殺虎口副將柏山為河南南陽鎮總兵官○以援勦廣西全州不力革四川川北鎮總兵官劉長清職仍隨營效力○予廣西殉節知州曹燮培瑞麟參將楊映河祭葬世職任所原籍建立專祠學正農賢託都司

武昌顯守備余連陞千總田慶華馬瑞龍把總盧先振黃志林韓大典外委卜有祥孫紹全楊清麒由宏義揚大賓龔心仁由宗南祭葬世職武舉唐殿試等十一名賞卹如例○予解餉殉節四川知縣盧金第安徽典史陳壽祭葬世職○丙子

上詣綺春園問

皇貴太妃安○以太僕寺少卿徐繼畬為四川鄉試正考官翰林院編修沈炳垣為副考官

○丁丑

上詣綺春園問

皇貴太妃安○諭內閣戶部奏旗民交產擬請量為變通一摺另片奏奉天旗地仍照舊例辦理等語向來旗民交產例禁綦嚴無如日久弊生或指地借錢或支使長租顯避交易之名陰行典賣之實此項地畝從前免納官租原係體恤旗人生計今既私相授受適啟胥役人等訛詐句串等弊爭訟繁多未始不

由於此若仍照舊例禁止殊屬有名無實著照該部所請除奉天一省旗地盜典盜賣仍照舊例嚴行查禁外嗣後坐落順天直隸等處旗地無論老園自置亦無論京旗屯居及何項民人俱准互相買賣照例稅契升科其從前已賣之田業主舊主均免治罪一切應辦事宜仍著該部妥議章程具奏○又諭兆那蘇圖奏刁民聚眾抗糧請將知縣撤任提審一摺山西陵川縣郊義里等村刁民糾眾

抗糧擁至縣署閤堂傷差實屬目無法紀是否該縣知縣程培禮辦理不善以致激成事端必應徹底根究程培禮著先行撤任交該撫提同現獲之武迎柳等各犯研訊確情按律定擬具奏未獲各犯並著嚴拏務獲歸案審訊○戊寅

上詣綺春園問

皇貴太妃安○已卯諭內閣永康等奏請籌撥庫款銀兩備用等語

昌陵

孝和睿皇后几筵前需用各款前經永康等奏准將廣恩庫長蘆息銀並初次二次置地租銀項下動用茲據奏稱易州地租屢催未解支用不敷亟宜豫為籌撥著准其暫將三次置地租銀及長蘆另款二兩平息銀歸併前項銀兩內動用並著長蘆鹽政遵照成案將應交廣儲司另款息銀三千六百兩仍交廣恩庫以備應用至

昌陵值班官兵飯食不敷銀兩著一併歸入此項銀兩內動用其易州欠解地租著直隸總督飭令依限完解不得遞年拖欠○又諭舒興阿奏番賊竄擾搶劫現在嚴加防堵等語本年三月間番賊竄至永安城附近地方搶掠牲畜等物經永安營遊擊吳仕珍帶領弁兵追捕據報殲斃賊匪二名未曾割取首級賊已遠遁無蹤難保非藉詞掩飾吳仕珍著交部議處署經制外委馬生福擊賊受傷殞

命著該部照例議卹番賊肆行搶劫出沒無常全在汛卡員弁嚴密防守認真巡緝方可杜患於未萌現在西甯雖拏獲番賊才浪先木等訊辦而沙巴爾台等處番賊搶案疊出實為地方之害著舒興阿督同提鎮嚴飭弁兵隨時偵探遇有番賊近卡窺伺迅即捕拏勿令遠颺並著西甯辦事大臣一體嚴密巡防以期綏靖邊陲毋稍疏懈○諭軍機大臣等御史梁紹獻奏請查辦沿海各關走私積

弊一摺國家設關徵稅權衡貨力制有常經全在各該將軍督撫及各關監督等嚴察弊端庶期稅務日有起色若如該御史所奏廣東江蘇各海口均有內地奸民串通夷商走漏貨稅近年疊經查出走漏茶葉之案均有在官人役及巡船頭人扶同舞弊至洋漢緬緞餉食等貨近來報稅尤少似此藐法走私暗虧國課於稅務大有關礙著各該將軍督撫及各關監督等按照摺內所指各情認真

查辦事關交涉外夷辦理之法先在嚴查內地商民杜絕弊端俾夷商無可藉口斷不准稍涉張皇別生枝節原摺著鈔給閱看將此諭令該將軍督撫並傳諭粵海關監督知之

大清文宗協天翊運執中垂謨懋德振武聖孝淵恭端仁寬敏顯皇帝實錄卷之六十二

淵恭端仁寬敏顯皇帝實錄卷之六十三

歷修職方總兵同議起居注官太子太保上書處總解傳文瀾閣領閣事翰林院掌院學士捐軀於奉上諭事仲尼閣閣史館經我下世於

大學士管理兵部事務加十三級紀錄十四次臣賈慎堂本經筵官經筵講官太子少保又湖廣總督武毅伯魏繼載有敕習庶吉士體仁閣

大學士管理戶部三庫事務陞刑部尚書加二十三級紀錄十六次且周祖培雖爲太學少傑管理內閣書省事檢點引大臣軍機大臣

鎮蘇振濟部既戶部尚書管理三庫事務加四級隨帶加五級紀錄十二次

清史稿紀事本末
正藍旗蒙古都統德福尚書管理太常寺鴻臚寺寺務加二級軍功加四級隨帶加八級紀錄五次

臣倭什哩布等奉

咸豐二年壬子六月庚辰朔以安徽清查藩

庫出力予知府傳繼勛等加銜升敘有差

辛巳

上詣綺春園問

皇貴太妃安。諭內閣吳文鎔奏動款分年修

造軍械等項一摺雲南省道光二十五六等

年永昌案內並雲緬彌渡保山等案內損失

軍械用缺火藥鉛丸等項經該督查照各標

營報冊分別准駁籌款修造約需銀四萬三

千餘兩著准其將各營公費歲撥餘贖節省

補軍械統由該督在省委員監視修造毋庸

交各營領辦之處均著照所請行該督務當

隨時查覈毋任草率偷減仍於每年工竣後

另行造冊奏銷○以翰林院侍講學士訥爾

濟侍讀孫鼎臣侍講廣鳳編修晉康詹事府

少詹事王履謙充日講起居注官翰林院編

修卓標呂倌孫署日講起居注官○緩雲南

黑鹽井竈商應解續捐銀○壬午以翰林院

侍讀學士潘曾瑩為光祿寺卿以

先聖周公後裔東野茂嵩承襲五經博士

癸未

上詣綺春園問

皇貴太妃安○諭內閣陸建瀛等奏遵籌漕運

事宜一摺據稱現在東省水勢驟長八插已

無岸可循重運恐難逆輓請分別變價海運

並酌量起卸辦賑截漕抵給兵餉及行月兵

匠等米各款著戶部速議具奏其業經渡黃

各幫船仍著嚴催前進毋任遲延另片奏銅鉛船隻亦難工輒須豫籌變通之計請由臺莊陸運至濟甯再行雇船載運北工等語著戶部一併速議具奏○諭軍機大臣等季芝昌奏浙江鄞縣奉化縣鄉民因糧滋鬧鄞邑首犯已據鄉民縛送奉化亦獲有從犯應完糧賦均照常輸納惟東鄉拒捕梟徒員燭不服經該督派委張從龍前往曉諭解散黨與自無須重兵圍剿該督已將前調官兵撤回歸伍儻該梟徒等於曉諭後仍不知感悟必當加以兵力現在椿壽署理巡撫應如何調度之處仍著季芝昌會同該署撫酌量情形相機妥辦能將首要各犯悉數擒獲自可解散脅從不致釀成大患將此各諭令知之○福建陸路提督炳文奏查閱所屬營伍情形得旨隨時加意操演勿稍懈弛閩省營伍陋習固深然不可概以易興謗訕目之作大員者度量闊闊方可汝之此言是先存一弭謗

見好之心矣朕甚為汝憂○湖北巡撫龔裕等奏洞庭湖寬闊數百里水陸交通此時賊在永州自應豫為籌防已撥調省兵丁二百名赴蒲圻縣設防博勒恭武現將提標兵五百名帶赴荆江下游嘉魚等縣察看水陸地勢擇要防堵仍俟所調各兵陸續到省妥為布置報聞○以江西南昌城守協副將張廣信為福建汀州鎮總兵官○以催趙江浙回空糧船並督辦挑河出力予江蘇知縣翟鏞觀等加銜升敘有差○展緩江蘇清河宿遷海沐陽四州縣被水地方新舊額賦○貸江蘇蘇松等屬幫丁銀穀○甲申

上詣綺春園問

皇貴太妃安○諭內閣杜受田怡良奏遵查山東賑務先籌辦理情形並將劉源灝酌擬章程十條開單呈覽一摺據稱上年豐北漫口山東濱河州縣被淹成災魚臺最重濟甯次之金鄉嘉祥滕嶧又次之曾經分別重輕三

次放賑現在擬俟河運各幫有輓入東境者即令先行起卸以資散放等語著即責成該省藩司劉源灝於散賑時妥為經理惟伏秋大汛以後水勢大小及收成豐歉勢難豫定著杜受田怡良咨明山東巡撫飭令該藩司於秋收後確查被災輕重分別奏明辦理至截漕備賑各幫船昨已降旨諭令陸續等將業經渡黃船隻嚴催前進惟旗丁人等既知漕糧作為賑米恐沿途攬水和土藉滋弊

端著楊殿邦督飭該管糧道認真盤查如交米時有短少潮溼等弊即將丁舵人等嚴懲究辦仍責令賠繳以重賑務另單奏酌定限期豫籌剝運及遴委大員監盤分運並分剝賑米存卸災區剝運腳價作正開銷豫查戶口分設米廠各事宜俱著照所議辦理仍責成該藩司隨時體察情形斟酌妥辦又諭龔裕奏請將越分言事之知縣交部議處等語湖北枝江縣知縣朱啟鴻稟陳廣西軍務

實屬越分言事著交部照例議處惟念該員籍隸桂林於本地情形或能諳悉著即飭赴廣西軍營交勞崇光差遣委用並著察其才具能否得力如係空言無實即行據實奏參諭軍機大臣等程裔奏遵覆寄信諭旨一摺並陳道州接仗布置情形等語逆匪占踞道州已逾月計各路調集兵勇亦不為少加以本地團練亟宜乘該匪營巢未定之時設法合力攻圍該州地勢既屬平坦與粵

西崎嶇情形不同正可扼其要隘前後兜剿該督節制諸軍即飭帶兵各員相機妥速剿辦萬勿遷延致令該匪等深溝固壘布置從容復蹈永安之轍該城內外為賊匪逼脅之眾原其心跡不過畏累苟安豈肯甘心從逆乘此大兵雲集之時當先曉諭該居民或偵探賊蹤或作為內應及早掃除羣醜得以共安衽席是亦固結人心解散賊黨之一道也至圍困賊匪總以嚴斷接濟為要米鹽之外

尤應嚴防火藥透漏私售。即兵勇中大半楚粵之民亦難保無與會匪暗通消息私為接濟。即如廣東之羅鏡廣西之永安等賊皆圍困累月若鉛丸火藥真能斷絕逆匪豈能於彈丸之地憑恃兇殘久抗我軍耶。此節最為要著務須認真查察勿受欺蒙。勞崇光現在是否與姚瑩許祥光等駐劄永州籌辦軍務永州乃邊賊要路防堵不可稍疏仍須防賊回竄粵境該督與勞崇光統籌全局隨時知

照賽尚阿聲勢聯絡使賊匪無可乘之隙庶可一鼓殲滅長沙省垣大吏均非本任一切鎮撫接應事宜該督須時時兼顧仍密飭地方官嚴查奸細綏撫居民是為至要將此由六百里諭令知之。○舉行本年軍政侍衛處鑾儀衛滿洲蒙古漢軍各旗營卓異官一百三十九員才力不及官八員年老官二十九員有疾官二十六員分別議敘處分如例。○以拏獲湖南衡陽等縣匪徒出力予知府陶

恩培等升敘有差。○貸湖南鳳凰乾州永綏古文坪保靖五廳縣屯丁穀石。○乙酉上幸靜明園。○諭內閣嗣後遇朕臨幸清漪園靜明園各衙門著照常帶領引見。陝西陝安鎮總兵官福誠奏報到任日期得旨認真整頓不可甘蹈委靡之習。○丙戌上幸同樂園賜王公大臣蒙古王貝勒等食。○

諭內閣賽尚阿奏馳赴湖南永州督辦軍務一摺現在粵匪竄踞道州湖南軍務最關緊要著賽尚阿即帶欽差大臣關防扼要駐劄會同程喬采籌辦防勦事宜相機調度現在勞崇光已回廣西徐廣縉亦經馳抵梧州所有廣西軍務即著徐廣縉會同勞崇光接辦以專委任。○諭軍機大臣等據賽尚阿馳奏逆匪現踞道州我軍圍勦情形並通籌全局現已馳赴永州督辦各一摺據稱嚴斷接濟一節最關緊要昨已諭令程喬采認真查察該大臣現已帶兵馳抵永州著即將目前防

勘事宜會商妥辦道州城外各險隘現尚被賊占踞務即嚴飭鎮將先將各險隘攻破撤其藩籬使該逆株守孤城庶可聚而殲旃另片奏添調兵丁等語四川前調之兵業據徐澤醇奏稱遵派啟程自未便復令折回抽換其松潘建昌二鎮續調官兵並湖南湖北添調新兵即著賽尚阿程高采酌量情形隨時飛調或撥赴軍前或酌留防守一切機宜朕亦不為遙制至廣西各勇既稱在途滋事且

多不願越境此等無律之軍即勉強調派何能得力應如何酌留廣西分撥防守抑或應行遣散之處均著該大臣等咨行徐廣縉勞崇光妥籌辦理程高采現在駐劄衡州仍當兼顧湖北防堵事宜隨時咨商台湧龔裕博勒恭武等豫籌妥辦不得顧此失彼將此由六百里諭令知之又諭據賽尚阿奏勞崇光已由楚回粵現擬統帶弁兵前赴湖南永州並據徐廣縉奏現抵肇慶即日馳往梧州

各一擄廣西大股逆匪現雖竄越湖南而本境零星土匪尚未淨盡波山艇匪勢尤猖獗徐廣縉現已馳抵粵西所有該省堵剿各事宜即責成該督會同勞崇光妥辦其湖南軍務已飭令賽尚阿會同程高采辦理矣現在道州賊匪被勒緊急難保不復竄廣西即廣西未淨之匪與廣東毗連湖南處所亦難保不與道州賊匪暗相勾結接濟該督統轄兩省於楚粵交界地方務須嚴密防守以杜賊

匪分竄向榮現既稱病其提督事務暫令馬龍代辦究竟該提督病勢如何該督即察看具奏廣東羅鏡逆匪現交葉名琛督剿該督仍當隨時咨商調度迅速剿除毋令久稽顯戮廣西招募壯勇聞多滋事已諭令賽尚阿等酌量遣散並著該督等設法彈壓勿令別滋事端將此由六百里諭令知徐廣縉勞崇光並諭令葉名琛知之欽差大臣大學士賽尚阿奏參候補知府謝繼超不肯管帶潮勇

違令繳札請革職留營得旨謝繼超僅予革職不足蔽辜著發往軍臺効力贖罪○兩廣總督徐廣縉奏報遵旨馳往梧州籌辦勦匪情形得旨卿其妥為調度一切軍務貴嚴不貴寬○予廣西陣亡監生胡家貞賞卹如例○丁亥

上率

皇后詣綺春園

皇貴太妃前行禮○御同樂園升座受

皇后禮○賜王公大臣蒙古王貝勒等食○諭內閣朕惟易著咸恆首重人倫之本詩歌雖肅用端風化之原綏萬福以咸宜統六宮而作則式稽令典爰舉隆儀貞貴妃鈕祜祿氏質秉柔嘉行符律度自天作合聿徵文定之祥應地無疆斯協順承之吉惟克懋修夫內治允宜正位乎中宮其立為皇后以宣壺教所有應行典禮該部察例具奏○以勸平廣西何名科等股匪出力賞遊擊瑞保都司李

成瑞守備唐文燦李正升楊致英知府馬麗文同知張汝瀛等花翎知州李慶福等藍翎餘升敘有差○戊子

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

慕陵○遣官祭

孝和睿皇后暫安寢殿○遣官祭

孝德皇后殯宮○遣官祭

顯佑宮

東嶽廟

城隍廟

上詣

安佑宮行禮○詣綺春園○

皇貴太妃前行禮○御正大光明殿王以下文

武大臣官員蒙古王貝勒等行慶賀禮○幸

同樂園賜王公大臣蒙古王貝勒等食○已

丑

庚寅

辛卯

上幸同樂園賜王公大臣蒙古王貝勒等食

以工部右侍郎錫齡為浙江鄉試正考官翰

林院編修劉書年為副考官禮部右侍郎曾

國藩為江西鄉試正考官江南道御史丁浩

為副考官詹事府少詹事王履謙為湖北鄉

試正考官翰林院編修許其光為副考官○

庚寅

上詣綺春園問

皇貴太妃安○辛卯

孝德皇后殯宮月祭遣官行禮○諭內閣戶部

奏遵旨速議漕運事宜一摺所有江安江廣

各幫起運米石均著照該部所議分別催趲

並截留備賑抵給銀款其浙江幫船本年秋

間是否尚能改行海運著陸建瀛悉心酌覈

如果確有把握即責成該督妥為辦理應用

水脚剝價等銀仍由浙江巡撫覈實籌備償

因時交秋令行駛維艱該督即會同浙江巡

撫妥商截卸在附近上海地方存儲於今冬

壬辰

癸巳

豫籌來歲海運毋得互相推諉致干重咎此

次漕行遲誤總由豐工未能合龍所致陸建

瀛楊以增著交部分別議處另片奏銅鉛起

運亟籌變通等語著山東巡撫體察情形於

各運到境即飭地方官雇備車輛或多備剝

船催令迅速北上其在後各運並著兩江總

督設法催出江境毋任稍有遲延○以內閣

學士萬青藜署禮部右侍郎載齡署工部右

侍郎兼管錢法堂事務○壬辰

上詣綺春園問

皇貴太妃安○諭內閣僧格林沁奏端華於大
考翰詹時為已革學士保清修補試卷等語
著端華明白回奏是日監試王大臣載垣等
何以不行阻止並著據實明白回奏○又諭
賽尚阿奏馳抵永州督辦軍務一摺逆匪竄
踞道州經和春疊次移營進剿於五里亭地
方傷斃賊匪百數十名生擒五名賊眾仍踞
城築牆意圖抗拒現在賽尚阿已於六月初
一日馳抵永州府城分派各路官兵四面進
逼和春創營道州城北與東面聲勢聯絡劉
長清王家琳鄧紹良等各帶重兵分扼西南
布置尚屬妥協著即會同程耑來督飭統兵
各員乘此兵勇雲集之時合力兜剿務將屯
聚逆匪悉數殲除毋任竄逸復滋擾害○癸
巳

上幸萬壽山○諭內閣本日據端華載垣等遵
旨回奏各一摺殿廷考試功令恭嚴端華經

朕特派監試輒為已革侍講學士保清修補
試卷實屬違例著退出御前大臣交宗人府
議處載垣未能阻止著一併交宗人府議處
珠勒亨特興額多爾濟那木凱明慶穆克登
額德木齊扎布繼善恩醇聯順安興阿托精
阿索布多爾扎布均著傳旨申飭○諭軍機
大臣等御史彭慶鍾奏粵匪盤踞道州請飭
江西省實力防堵一摺江西吉安府屬之龍
泉永新及袁州府屬之宜春萍鄉等處均與
湖南接壤現在粵西逆匪盤踞道州經官兵
四面攻剿難保不潰圍奔竄擾及鄰境著陸
建瀛陸元烺體察情形於各屬要隘添派得
力將弁密為布置實力巡防勿任竄入但不
可稍涉張皇致令居民紛紛遷徙原摺著鈔
給閱看將此各諭令知之○甲午諭內閣舒
興阿奏遵旨籌議番務章程一摺並開單呈
覽朕詳加披閱所稱分別地界以杜推諉不
分畛域以嚴堵擊徵調營汛發給令旗裁撤

零卡統歸總隘以及添派馬探增築壕壘各
 營會哨隨地按查番族歲賞仍復舊例各條
 籌畫均屬周妥著即照所議辦理該督惟當
 督飭邊卡文武員弁實力奉行勿得日久生
 懈其各條內尚有未盡事宜著再行詳晰酌
 覈分別奏咨辦理○福建臺灣鎮總兵官恆
 裕臺灣道徐宗幹奏謝議敘恩得旨汝二人
 事事和衷辦理方好海疆重地尤為緊要不
 可見小而忘大勉之慎之○以勸辦甘肅黑

中錄卷之六十三

十七

城子撤回出力賞千總溫積桂等藍翎守備
 楊正才等升敘有差○以派辦甘肅蒙古番
 族事件出力予知縣吳春煥等升敘有差

大清文宗協天翊運執中垂謨懋德振武聖孝
 淵恭端仁寬敏顯皇帝實錄卷之六十三

中錄卷之六十三

十八

大清文宗協天翊運執中垂謨懋德振武聖孝淵恭端仁寬敏顯皇帝實錄卷之六十四

[illegible]

咸豐二年壬子六月乙未諭內閣陸建瀛奏

出省督催幫船請旨飭催在後各幫迅速趨
行一摺本年江安江廣各幫河運漕米除截
留備賑外其應行運赴通州之米為數尚多
事關京倉儲備該漕河諸臣宜如何竭力籌
維悉心趕辦茲據該督奏稱現在渡黃之船
僅止三百七十餘隻其首先渡黃之大河前
幫尚未行入山東境內湖北江西湖南各幫
亦皆阻壓不前轉瞬即交秋汛似此任意遲
延必致貽誤該漕河總督及地方大吏所司

何事現在陸建瀛業已督押江西尾幫提上清江牘並即馳往韓莊濟甯一帶督催所有在後各幫船著楊殿邦楊以增顏以燠督飭嚴催毋許片刻稽留儻意存諉卸任聽幫丁人等藉端遷延以致誤漕誤賑該督等豈能當此重咎耶至浙江漕船現在首幫尚未行過蘇州在後各幫復不能跟蹤前進該糧道惟知藉口水淺一味耽延更屬不成事體著陸建瀛仍遵前旨會同浙江巡撫體察情形

妥籌辦理並將貽誤各員查明叅奏諭軍機大臣等奕山布彥泰奏葉爾羌阿奇木伯克回子郡王愛瑪特呈控該城大臣請旨查辦並將原呈呈覽著即派布彥泰前往葉爾羌按照呈內所控情節秉公確查據實具奏愛瑪特本年應歸年班來京著有彥泰傳旨飭令毋庸來京聽候審辦將此由四百里諭令知之浙江巡撫黃宗漢奏謝調任恩得旨到任後應行整飭者緩緩辦理以通壩

收兌海運漕糧出力。予監督汪潤等開復議敘有差。○丙申。諭內閣。台湧奏將軍印信。應否帶往行營等語。台湧現辦防堵事宜。荊州將軍印信。著即帶往行營。毋庸派員署理。所有該衙門日行事件。著副都統官文貴。陸續代理。至該將軍現屆陞見之期。著暫緩來京。俟防堵事竣。再行具奏。○又諭程喬采奏。請將前叅棄城失守各員。交賽尚阿審辦。一摺。革職等問。之前任湖南提督余萬清。遊擊

瞿我謙。道州知州王揆一。著交賽尚阿會同程喬采。將該革員等。嚴行審訊。按律定擬具奏。○諭軍機大臣等。程喬采奏現籌圍剿逆匪情形。並糧餉不致遲誤。土匪業經撲滅。一摺。賊匪占踞道州。於附城要隘。豎柵立營。雖據稱察看情形。尚無他竄之意。而賊情詭譎。難保不分遣匪徒。潛赴各屬勾結。伺隙竄擾。若不及早攻剿。恐又蹈永安故轍。賽尚阿現已馳抵永州。扼要調度。與該督聲勢聯絡。務

當嚴飭帶兵大員及地方文武合力進攻。仍飭各屬密拏奸細。確探賊情。並激勵紳民。擒緝匪黨。互相保護。或約為內應。乘其不備。一鼓殲擒。全在該大臣等隨機應變。方能出奇制勝。不致墮其奸計。道州地勢平坦。四面皆河。米糧亦少。果能於水陸要隘。嚴斷接濟。賊勢豈能持久。火藥一項。尤關緊要。前已有旨。飭令嚴防透漏私售。此等奸徒。必當盡法懲辦。近來軍營破獲之案。甚屬寥寥。可見查拏

並不認真也。道州南路空虛。現已調撥各兵三千七百餘名。進劄水南。並委總兵孫應照。帶領兵勇一千二百名。鎮守甯遠。兵力亦不為單弱。惟孫應照能否得力。堪為南路屏蔽。仍須隨時察看。勿致貽誤。至糧餉為行軍要務。督辦須專責成。據奏廣西臬司姚瑩。鹽法道許祥光。稟稱已派員接辦糧臺。即照所請。現赴道州攻剿之兵勇。無論是楚是粵。一切鹽糧。仍由粵局供支。其在楚原防兵勇。暨續

調官兵即由楚局支應以歸畫一而免混淆其甯遠東安兩處土匪雖已殲擒蔣璜一犯現尚漏網務須設法偵拏各屬地方仍當隨時查察勿稍大意將此由六百里諭令知之○湖廣總督程喬采奏接奉諭旨與幫辦軍務羅繞典商辦築堡事宜得旨羅繞典人尚可用擇緊要處所試行之改湖北黃州府武黃同知為繁疲難要缺在外調補潛江縣知縣為難簡缺歸部銓選從總督程喬采請也○丁酉諭軍機大臣等前據德勒克多爾濟奏黑龍江邊外瞭見有俄囉斯兵往東邊一帶行走降旨諭令英隆留心探訪暗地防範不許稍事張皇茲據英隆等奏稱業已派委員弁帶兵於各要隘防守並請將本年軍政展限殊屬不曉事體前降諭旨不過令該將軍等留心探聽暗地設防何得紛紛派員防守要隘若令俄囉斯聞之豈不轉生疑懼所有本年軍政仍著照例舉行不准率請展

限將此諭令知之○廣東巡撫葉名琛奏報馳抵羅定籌勦凌十八股匪情形得旨籌畫尚為周妥廣西巡撫勞崇光奏報到任日期得旨汝之才具任事有餘更須實行虛心勿自以為是方好戊戌

上詣綺春園問

皇貴太妃安○諭內閣本年浙江漕船開行太遲現在甫入江境勢恐貽誤倪良燿於漕務尚能熟悉著兩江總督江蘇巡撫督同該臬司速即設法妥籌辦理毋任遲誤○又諭顏以燠奏患病增劇勢難赴工一摺本年豐北口門未經合龍運河漫水未退南糧北上已形艱滯現在大汛經臨黃河水長濟運修防諸關緊要該河督受恩深重正當力圖報效據稱手足麻木係屬積勞舊疾何以不早請開缺當此喫緊之時輒請將河督印信交河南巡撫兼署顯係畏難苟安諉過他人實屬取巧顏以燠著即開缺仍留東河俟病痊後

以道員降補河東河道總督著慧成補授即著馳驛前往。慧成未到任以前著陸應穀暫行兼署。○河東河道總督顏以燠奏黃運河湖。水勢加長設法催趲漕運得旨無論何幫抵境即迅速催趲若仍有意逗遛即將該漕督一併參奏。○調甘肅按察使倪良燿為江蘇按察使江蘇按察使查文經為甘肅按察使。○己亥諭內閣御史肇麟奏請實行積穀以除弊混一摺上年陸建瀛奏勸捐鄉穀上

元江甯二縣各捐穀二三萬餘石辦理已有成效當經降旨令該督轉飭各屬按照章程廣為勸導並著各省督撫一體妥辦原以義倉之設最為便民善政封疆大吏果能飭屬實力奉行圖匱於豐自能有備無患現在江蘇省續捐鄉穀共有若干及各直省如何舉行均未據詳細奏聞著再行申諭各督撫體察地方情形年歲豐歉飭屬勸諭紳民妥為籌辦據實具奏至該御史風聞外省私將積

穀改為積錢不肖州縣往往任意侵那藉肥私橐種種流弊難保必無著各該督撫嚴行稽察如有前項弊端即行參奏懲辦總期於民生實有裨益方不負朕諄諄誥誡之至意將此通諭知之。○又諭西凌阿盛桂奏訊明家人求索銀兩分別定擬一摺此案牛羊羣總管布林特古斯車林丕勒於請領俸餉時許給都統家人徐九副都統家人張四茶資銀兩該都統等失於覺察各有應得之咎僅

予察議不足示懲西凌阿盛桂布林特古斯車林丕勒著一併交部分別議處。○以吏部右侍郎沈兆霖為江南鄉試正考官翰林院編修萬景榮為副考官編修蘇仲山為陝甘鄉試正考官禮科給事中梁同新為副考官

○庚子

上幸靜明園詣

龍神廟拈香。○諭內閣舒興阿奏中衛縣城地震派員勘辦一摺甘肅中衛縣城鄉地方

於本年四月初八日起至二十三日連次地震。經該督派員查明居民房舍震倒二萬餘間。壓斃男女大小三百餘口。受傷者四百餘口。該縣城垣衙署及倉廩監獄等處均多坍塌傾圮。居民糧食衣物牲畜亦多被壓沒餓口無資。深堪憫惻。著該督迅委賢員前往妥為安撫。並將同時被震各堡迅速查勘。應動支何項錢糧分別撫卹。及該縣被災處所本年地丁錢糧應行寬免之處。一併確覈奏明。要速辦理。毋令一夫失所。以副朕惠愛黎元之至意。幫辦軍務前湖北巡撫羅繞典奏行抵楚北探詢湖南軍務並沿途面邀各官紳給與團練防堵條款諭令齊團以緝內奸練勇以防外寇堅壁清野以絕剽掠而固藩籬有能殺賊立功者許邀獎敘改匪歸良者准予自新報聞。戶部議准福建巡撫王懿德疏報。侯官福安二縣開墾田二百畝有奇。噶瑪廳田園一千九百九十二甲。照例升科。

從之。辛丑諭軍機大臣等勞崇光奏通籌防剿情形一摺。據稱道州距桂林平樂兩府屬之恭城富川賀縣灌陽興安全州等州縣均祇一二百里處處有徑路可通省城該撫自應通籌全局加意防堵所有分布兵勇團練各事宜俱著照議妥辦。至柳州慶遠鬱林各屬游匪土匪不時竊發勢難紛紛派兵防剿即著密飭各該管道府州隨時偵緝仍令實力團練以資捍衛不可稍懈。其南太一帶善後事宜並著陸續妥為籌辦。波山艇匪經徐廣縉親督兩省文武合力搜捕定可即日悉數殲擒該督於竣事後即行馳赴桂林與勞崇光會籌一切嚴堵要隘毋令逆賊竄回偵獲奸細毋致餘匪勾結。賽尚阿現已移劄永州所有廣西軍務即由該督撫悉心會議商辦其有關涉楚省事務隨時咨明賽尚阿行營庶可不致歧誤。提督向榮現在桂林稱病累月竟將公事委之代理殊屬不成事體。

著該督傳旨飭令接印任事。毋得藉詞觀望。致干重咎。將此由五百里諭令知之。○又諭。德勒克多爾濟等密奏請肅清邊界卡倫一摺。著照所請辦理。惟此事關繫外國。自應遵照舊章鎮定辦理。斷不可紛紛起釁。將此諭令知之。○以兵部左侍郎趙光兼署吏部右侍郎。○展緩山東濮范邱莒滕嶧蘭山東平滋陽曲阜甯陽鄒汶上郟城齊東十五州縣并東昌衛被旱被雹莊屯新舊額賦。○壬寅。

遣官祭

火神廟。○諭軍機大臣等。徐澤醇奏遵解粵西軍餉請飭湖南等省妥慎護送一摺。四川省撥解廣西軍餉銀二十萬兩。業已陸續委員管解。啟程著湖北湖南廣西各督撫於川省委解軍餉到境。迅即添派武職帶兵逐站防護。其各省撥解軍餉經由湖北湖南及廣西地方均著照此妥慎辦理。毋稍疏忽。將此由四百里各諭令知之。○駐藏辦事大臣穆

騰額因病解任。賞科布多幫辦大臣海枚二等侍衛。為駐藏辦事大臣。已革阿克蘇辦事大臣輯瑞三等侍衛。為科布多幫辦大臣。○癸卯。

上詣綺春園問

皇貴太妃安。○諭內閣鑾儀衛奏本月二十七日還宮。應否照例豫備儀仗作樂。請旨遵行。一摺。朕此次進宮。著毋庸豫備。嗣後自六月初六日至十二日。如遇還宮回園。著照例豫

備八人紅桿孔雀頂輦。引設騎駕作樂。其餘還宮回園日期。在六月內者。俱著毋庸豫備。○又諭國子監祭酒彥昌奏請將勝保發往廣西軍營。令其自效等語。勝保前因撤回封奏。有違定制。經部議降調。將來如何錄用。朕心自有權衡。豈臣下所當妄擬。彥昌所奏。迹近黨援。此風斷不可長。著傳旨申飭。○甲辰。命升任福州將軍桂良來京。以閩浙總督李芝昌兼署福州將軍。旌表守正被戕山西

歸化廳民楊桃山妻李氏湖南城步縣民陳友僖妻李氏○乙巳

上詣綺春園問

皇貴太妃安○以捕獲喀什噶爾賊匪領隊大

臣特克星額等下部議敘賞兵丁一月鹽菜

銀○賞喀爾喀扎薩克親王達爾瑪三眼花

翎復故前任河東河道總督顏以燠職予

祭葬○免浙江仁和錢塘海甯富陽餘杭臨

安新城嘉興秀水嘉善海鹽平湖石門桐鄉

安吉歸安烏程長興德清武康孝豐慈谿奉

化山陰會稽蕭山諸暨餘姚上虞嵊臨海天

台金華蘭谿東陽義烏永康武義湯溪西安

龍游建德淳安遂安壽昌桐廬分水縉雲四

十八州縣并杭州嚴州台州三衛被災緩徵

銀米○丙午

上詣

大高殿行禮○還宮以烏里雅蘇台將軍奕

格署鑲藍旗漢軍都統塔爾巴哈台參贊大

臣扎拉芬泰為烏里雅蘇台將軍賞三等侍衛豐紳副都統銜為塔爾巴哈台參贊大臣頭等侍衛英秀副都統銜為塔爾巴哈台領隊大臣○旌表守正捐軀直隸東明縣民王修妻高氏○

上以孟秋時享

太廟自是日始齋戒三日丁未兩廣總督徐

廣縉奏馳抵梧州勦辦波山艇匪獲勝情形

得旨卿居中調度籌畫尚妥勦辦艇匪因為

目前急務而兩粵軍務大局攸關尤應及早

籌維斷不可顧此失彼各省奏摺率云不分

畛域不可認作套語心內仍存歧視耳又奏

遵查提督向榮新墟古東兩戰損兵折將之

罪固不容寬而馳援桂林捍衛保障之功自

不可掩才力非不能辦賊惟更事過多趨避

過明請旨嚴飭向榮激發天良勉圖報效批

已有旨令該提督出省援勦應再行嚴飭之

時俟朕酌度○先是福建巡撫王懿德奏籌

行鈔法以濟急需。命軍機大臣會同戶部議奏。至是奏稱。民間行用鋪戶銀錢各票。乃取銀取錢之據。若用鈔。則鈔即為銀鈔。即為錢。與鋪戶各票之持以取銀錢者不同。必致民情不信。滯礙難行。該撫所請改行鈔法之說。應毋庸議。報聞。○以天津辦理海運出力。予知府錢所和等升敘有差。○戊申諭內閣。給事中袁甲三奏。參定郡王載銓。刑部尚書恆春侍郎書元各摺片。著載銓恆春書元即日赴軍機處閱看原奏各案。所參情節。明白回奏。至該給事中所稱載銓廣收門生一節。著即指實具奏。毋得稍有含混。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之六十四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之六十五

[illegible]

咸豐二年壬子秋七月己酉朔享

太廟。

上親詣行禮。○詣綺春園問

皇貴太妃安。○幸圓明園。○諭內閣給事中袁

甲三覆奏。定郡王載銓。廣收門生。一摺。據稱載銓曾繪息肩圖一卷。題詠甚多。凡屬門生。皆係師生稱謂。著載銓將所繪息肩圖。卽行呈進。○諭軍機大臣等。前有旨。令桂良來京供職。季芝昌兼署福州將軍。現在季芝昌患病。賞假。所有將軍印務。桂良著毋庸交卸。俟

怡良抵閩後再行交卸來京如已啟程無論
行抵何處接奉此旨即著折回將此諭令知
之○以福建巡撫王懿德兼署閩浙總督○
庚戌改鑄山東荷澤縣知縣印信從署巡撫
劉源灝請也○辛亥諭內閣朕於九月十一
日由圓明園啟鑾十四日祇謁

東陵禮成後十五十六駐蹕隆福寺行宮二十

日回圓明園所有應行事宜著各該衙門照

例敬謹豫備。又諭刑部題駁河南息縣民

人葉螞蝦糾毆葉玉章未遇砍傷葉荒身死

一案所駁甚是。葉螞蝦與葉連雙平素結捻。

訛詐鄉民葉連雙等曾向葉玉章訛詐得贓

四次葉玉章為人良懦既經屢被訛詐豈有

復向葉螞蝦借用土坯屢索不還之理。況該

犯前往葉玉章家尋毆葉玉章之子女姪等。

均係幼孩齊向推擁該犯儘可用言嚇唬何

遽持刀亂砍且砍傷一人亦當住手乃竟連

砍幼孩三人多在致命處所葉荒以傷重殞

命該犯尚不即時逃逸。又將葉玉章之妻刁氏砍傷。是該犯以結捻匪徒。訛詐不遂逞兇。故殺幼孩情節顯著。豈得任聽狡展。遂依同謀共毆人致死律擬絞候。致滋輕縱。著交陸應穀親提犯證。按照部駁情節逐層嚴訊。務得確情。按律定擬具奏。毋稍徇縱。尋奏覆訊。葉媽蝦供詞明確。遵駁更正。問擬斬監候。得旨。葉媽蝦依擬應斬。著監候秋後處決。○又諭徐廣縉奏勦辦波山艇匪全股。殲除一摺。

波山艇匪竄擾潯梧一帶。人眾船多。為日已久。茲經徐廣縉督飭高廉道沈棟輝參將劉開泰等帶領兩省兵勇於上下游合力夾攻。三次獲勝。該匪駛至蒼梧縣屬之戎墟江面。參將崔大同候補知府郭超凡等管帶兵勇乘風迎擊。奮勇爭先。生擒賊匪二百三十二名。擊斃及淹死者約計一千餘名。此股艇匪業已殲滅無遺。該督徐廣縉調度有方。深堪嘉尚。著交部議敘。仍飭上下游各州縣搜查。

餘匪勿留遺孽。所有在事出力文武員弁著查明據實保奏。候朕施恩。○諭軍機大臣等。前有旨令陸建瀛楊文定督同臬司倪良燿將浙省漕糧設法催趲。妥辦本日據椿壽奏浙漕礙難海運。現擬籌辦變價等語。本年浙江幫船開兌已遲。且據稱杭嘉湖三府米多價賤。銷售恐形壅滯。如以賤價變難。致使正供漕糧竟同虛擲。辦理亦未妥善。現在江安等幫業已渡黃催趲前進。浙省漕船諒亦跟蹤北上。仍著陸建瀛楊文定會同椿壽督飭江蘇臬司倪良燿體察情形。如運河照常行走。即行迅速提催。不准逗遛觀望。償須變通辦理。或行海運。或議變難。均著通盤籌畫。迅定章程。奏明妥辦。總期漕糧不致折耗。毋得藉詞推諉。再有貽誤。將此諭知陸建瀛楊文定椿壽並傳諭倪良燿知之。○又諭徐廣縉奏道州逆匪勢將南竄等語。據稱逆匪於六月初八日分夥二千餘人入湖南江華縣境。

該縣與廣東之連州陽山廣西之富川賀縣俱相毘連。先據該督咨廣東提督崑壽在陽山連州一帶防堵。並調集船隻嚴密封川江口。遏匪下竄之路。是廣東籌防高屬周密。至廣西之富川賀縣距江華甚近。防堵尤關緊要。該督先經派委員弁管帶潮勇一千名。扼要駐守。現復飛飭高廉道沈棣樞迅赴梧州酌撥兵勇前往嚴防。現在波山艇匪雖已剪除。而土匪尚未淨盡。且江華股匪意圖南竄。

必須迅速堵剿。先其所急。著徐廣縉會同勞崇光尚榮即飭令得勝將弁兵勇前往富賀一帶。遏賊回竄之路。或乘勢直抵江華縣境。與湖南將弁腹背夾攻。殲除竄匪。則道州逆匪亦必聞而膽落。想該督等通籌全局。不致顧此失彼。其廣西游匪土匪與散遣兵勇沿途滋擾。均宜次第剿捕。著徐廣縉等飭令各府屬督同練勇迅速掃除。總期邊圉肅清。不留餘孽。將此由六百里諭知徐廣縉勞崇光。

並諭令向榮知之。又諭徐廣縉奏道州逆匪分竄江華縣境等語。湖南道州西南各路先經賽尚阿奏明分派劉長清王家琳鄧紹良等各帶重兵分扼要隘堵剿。而鄧紹良由甯遠進剿水南。統帶兵勇三千七百餘名。兵力亦非單弱。應與和春合力圍剿。俾該逆坐困孤城。剋期投首。乃據徐廣縉奏稱六月初八日該逆分夥二千餘人已入江華縣境。勢將南竄。其如何突圍出走情形未據該大臣

等馳奏。朕心懸念。實深江華與廣西富川賀縣接界。一經竄回賊蹤。必將復熾。本日已諭知徐廣縉派員馳赴該處防堵。第廣西兵勇多已調赴湖南。惟有截其南竄之路。分飭諸軍與粵省兵勇合力夾擊。令首尾不能相顧。或可得手。至該匪大隊是否尚踞道州。既有竄逸之衆。難保其不四出衝突。窺伺衡郴。是東北各路尤為緊要。孫應照鎮守甯遠。如不得力。該大臣等即隨時酌度情形密籌援應。

萬不可稍有疏虞致衡永兩郡繹騷震驚也
前據該大臣奏我軍四面據河以守該逆不
能竄越較永安地面圍守較易何以該匪分
竄江華是否現在布置尚未周匝著該大臣
與該督督飭各路帶兵大員嚴密圍堵設法
攻勦迅速籌辦慎勿裹糧坐甲再失機宜將
此由六百里各諭令知之○以烏里雅蘇台
參贊大臣善燾兼署將軍○裁成都駐防額
馬四百匹副都統以下例馬五十匹減馬乾
銀六千四百八十兩從將軍裕瑞等請也○
予廣西馬平縣勦擊土匪陣亡知縣李燦千
總舒曾謀祭葬世職○壬子

上詣綺春園問

皇貴太妃安○諭內閣昨據袁甲三奏參載銓
恒春書元各款業經各自具摺回奏科道各
官例得風聞言事然事有確據朕必嚴辦若
以無據之談或暗受指使任意污毀其居心
更不可問矣即如所參書元於朝會之地每

見載銓必疾趨請安訥爾經額於差次向載
銓雙膝請安及書元在刑部負氣爭辯併有
帶刀入署保奏文秀等語是否該給事中目
見抑係聞自何人事關大員名節若非確實
查辦何以折服其心著袁甲三將傳自何人
一一明白回奏○無論堂司官俱應指實不准
稍有不實不盡其餘所陳各款如果確有憑
據著一併回奏○又諭本日書元明白回奏
一摺未將赴載銓府第與恆春相遇一節敘
及至召見奏對之言何以向外人漏洩著一
併再行明白回奏○又諭特克慎代奏吐魯
番扎薩克郡王阿克拉伊都呈請於本年秋季
成後瞻仰朕顏一摺阿克拉伊都世受國恩
其請於本年秋季成後率領伊姪蘇布爾來京
瞻仰實屬出於至誠著照所請准其於本年
率領伊姪蘇布爾與別城年班伯克等來京
陛見著特克慎轉行曉諭阿克拉伊都遵行
○裁貴州綠營逾額兵三千九百九十二名

從巡撫蔣霽遠請也 癸丑

上幸萬壽山 諭內閣本日袁甲三明白回奏
一摺據稱訥爾經額於差次向載銓雙膝請
安一節係聞之御史端昌云其弟彥昌所目
覩又書元收受文秀銀兩一節係聞自前署
刑部侍郎曾國藩前任刑部郎中吳廷棟現
任刑部郎中吳德清等語著派大學士裕誠
會同軍機大臣傳到該員等查詢具奏除曾
國藩現出試差外著直隸總督飭令吳廷棟

迅即來京聽候查詢 又諭賽尚阿程喬采
奏道州賊匪分股勾結土匪竄入江華縣城
一摺又片奏賊匪復撲永明縣城失守等語
該匪於旬日之間連陷兩城殊堪髮指地方
文武何以毫無準備帶兵大員何以不急籌
援救且江華失守後劉長清帶兵已抵永明
正當乘勢進攻乃繞赴遠處劉營實出情理
之外已革總兵劉長清著即拏問永明縣知
縣常連係守土之官輒以請兵為辭擅離職

守著一併革職拏問交賽尚阿程喬采嚴訊
定擬具奏賽尚阿程喬采賂東章和春著一
併交部議處該大臣等現已札調總兵馬龍
帶兵由恭城取道永明並派副將明安泰等
帶領川粵各兵前赴江永一帶進剿著即嚴
飭各鎮將奮勇攻擊迅圖克復勿令賊匪再
有蔓延 諭軍機大臣等賽尚阿程喬采奏
賊匪分股肆擾江華永明二縣先後失守摺
片各一件逆匪竄踞道州以來各處土匪多

為勾結現既分股撲入江華永明二縣勢必
四出衝突其南竄廣西之路固應嚴防而北
路衡永一帶尤關緊要儻稍有疏虞致該匪
乘間竄越勒辦更覺費手著賽尚阿程喬采
督飭帶兵各員於水陸要隘沿途層層布置
嚴密堵截毋稍大意提督向榮前已有旨飭
令任事如永州一帶現在情形緊急有須該
提督帶兵協剿之處著賽尚阿酌量札調廣
西提督印務即知會徐廣縉派員署理其潮

勇與鄉民互鬪致將委員李春華傷斃並著會同駱秉章嚴行查究所有續調各省官兵著即飛催來楚軍餉已飭部籌備俟解餉過境時仍遵前旨遴派弁兵妥慎防護又據賽尚阿奏粵西勦捕事宜難以兼顧一摺廣西軍務前已諭令徐廣縉勞崇光會同商辦以專委任所有賽尚阿經手未完各事及歷次保奏未經查覆者均著徐廣縉勞崇光詳細確查奏明分別辦理其有交涉楚粵兩省事

務仍隨時互相知照以免歧誤將此由六百里諭令知之予湖南江華縣守城殉難知縣劉興桓祭葬世職調福建兵三千名赴湖南軍營勦賊疏濬

西陵河道溝渠從泰甯鎮總兵官德春請也甲寅諭內閣內務府奏請飭催山東欠交各款銀兩並開單呈覽一摺山東鹽運使應交廣儲司庫各款銀兩係為供備各處領項及修理營房加演槍礮酌賞兵丁之費乃自道

光四年以後共積欠至一百二十餘萬兩之多似此節年遞欠任意拖延必致有誤要需著李鴻章即飭該運司按照單開各款迅速解交毋再遲誤又諭蔣霽遠奏請飭催協濟兵餉銀兩一摺貴州各營官兵俸餉銀兩向由外省協撥以資支放茲據奏稱部撥本年夏秋冬三季兵餉均未據咨起解兵餉要需豈容日久延玩著浙江廣東江西各巡撫即飭各該藩司運司將協撥貴州省本年兵餉

銀兩迅速起解其豫撥次年春季兵餉務於本年九月以前解到並先將起解日期咨部查覈又諭前據僧格林沁等奏火器等營員自廣西軍營陸續回京當因該員等曾經打仗出力姑免治罪仍令回各處當差因思軍營告病人員已有旨令吏兵二部照海疆告病之例隨時存記俟該員病痊引見時聲明請旨火器等營各員前在廣西軍營輒以水土不服先行回京與軍營告病人員無異

所有火器營委翼長祥麟營總烏蘭都空花翎莫爾根泰保升空花翎烏槍護軍校佛爾慶額藍翎烏槍護軍貴成巴彥倭什胡勒藍翎長連興藍翎護軍台廣正白旗護軍營保升參領副護軍參領法克精阿正黃旗前鋒營保升前鋒侍衛前鋒校永怡布健銳營委翼長海瑞均著交兵部及該營存記遇有應行升補之處聲明請旨仍著該管王大臣等留心察看如有差使懶惰者即行據實嚴參

以翰林院侍讀克明為河南鄉試正考官編修宋玉珂為副考官內閣學士許乃普為山東鄉試正考官翰林院編修黃偉為副考官檢討袁泳錫為山西鄉試正考官編修曹登庸為副考官乙卯諭內閣陸建瀛奏請截留江廣尾幫漕米備賑並催趲幫船北上等語本年湖南省起運漕米十二萬六千四百餘石尚未行抵江甯著即照數截留作為江南賑需其不敷之數著於江西尾幫內截

留山東賑米著於江西最後各幫內照數截留應在何處交卸著該督撫轉飭各該藩司酌定交該糧道等遵辦現在江西省幫船已經渡黃者六百九十九隻其在前各幫並著嚴催跟接首進之江安湖北各幫運糧北上毋得藉口截留米石及運道艱滯任意耽延致干重咎至已經渡黃之銅鉛船隻亦即催令插檔隨漕北上以免起卸之煩丙辰諭內閣椿壽奏擒獲鄆縣梟徒首要各犯地方安謐一摺據稱鄆縣梟徒以俞能貴為主謀首惡與張潮清狼狽為奸又有該犯族人俞武相為羽翼經該署撫督飭司道派令署甯波府知府畢承昭署鄆縣知縣段光清等先將張潮清拏獲俞能貴俞武相並夥黨一百餘犯仍潛伏石山街經該府縣委員營弁督帶兵勇會合東鄉紳民團練馳往圍拏搜獲俞武相及俞能貴張潮清等犯家屬起獲器械六十八件六月十一日探知俞能貴在奉

化焦坑地方廟內潛匿該府縣立即會同委員營弁帶兵往拏當將俞能貴擒獲地方一律安謐辦理尚為妥速該梟匪等糾眾戕官實屬罪大惡極著該署撫即將首要各犯提省嚴行審訊盡法懲辦以伸國法而儆刁頑在逃各犯仍飭該府縣督率紳民悉數緝獲毋留餘孽諭軍機大臣等據給事中袁甲三奏訥爾經額本年二月於隨扈差次行宮門口趨見載銓雙膝請安等語是否實有其

事著訥爾經額據實明白回奏將此諭令知之○以擒獲浙江鄞縣滋事梟徒寬減調任巡撫常大瀉等處分知府畢承昭等下部議敘○以福建疏縱官犯脫逃應奏不奏革前任總督劉韻珂巡撫徐繼畲職總督李芝昌等降級留任旌表守正被戕直隸武強縣民李存祿妻潘氏丁巳

上詣綺春園問

皇貴太妃安○諭內閣龔裕泰公安縣地方被

水較重現飭勘辦一摺另片奏大冶等州縣被水情形本年湖北省荆江泛漲公安縣地方疊被淹浸又因上游支隄漫潰水勢驟漲高過縣城所築子埝搶護不及將縣城西南角漫缺衙署監倉均被淹沒覽奏寶深軫念現經龔裕飭令該管知府就近確勘著即迅速查明被災情形動用司庫銀兩妥為安撫其被水較輕之大冶等十四州縣乏食貧民一併查勘撫恤毋令一夫失所所有被水各

州縣如何設法疏消本年應徵錢糧應行分別緩徵均著確查具奏仍查明公安江陵潛江等縣隄工是否因漫致潰據實奏○欽差大臣賽尚阿等奏辦理糧臺請分別楚粵以免歧誤得旨認真妥辦著傳諭該員等若稍涉冒濫朕必能知即行嚴懲湖廣總督程商采奏本年軍政因軍務未竣請展限舉行得旨湖廣省本年軍政著俟凱撤後再行補考兩省營員如有年老力衰及不能振作

有著該督隨時分別參辦 戊午

孝懿仁皇后忌辰遣官祭

景陵

上幸靜明園諭軍機大臣等前據奕山布彥

泰奏葉爾羌三品阿奇木伯克回子郡王愛

瑪特呈控該城大臣請旨查辦當有旨令布

彥泰前往確查並傳旨飭令該伯克毋庸來

京聽候審辦茲據德齡倭仁奏該伯克藉年

班進京訛索路費各回莊共攤元寶千錠復

實錄卷六十五

七

訛索羊羔皮二十張皆係該伯克護衛阿渾

經手等語愛瑪特著即解任交布彥泰按照

摺內所參並該伯克前控各情秉公研訊據

寶具奏原摺著鈔給閱看將此諭令知之

賞扎薩克親王達爾瑪每年應領俸緞折給

米四百斛

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之六十五

實錄卷六十五

六

[illegible]

較修

將八旗及各省駐防官員。告休定例。改歸畫
一等誨定例。綠營官員。凡遇軍政之年。不准
告病乞休。八旗則例。雖無專條。向俱照綠營
辦理。惟各省駐防多有臨考告休。仍請食俸
者。辦理殊未盡一。嗣後各省駐防旗員。均著
與在京八旗按照綠營定例。如有於軍政之
年告病乞休者。即行勒令休致。其出兵受傷
非在三處以上。亦不得題請給俸。以杜規避
而免歧異。該部即纂入則例。永遠遵行。○又

至六月十二日福興等合力進兵分東西中三路齊撲入墟西路都司姚麟等督帶兵勇攻破礮臺七座該逆凌十八渡水奔逃記委李鴻勳勇目馮日坤追及共將該逆斫傷割取首級即補縣丞劉鎮等燒毀礮臺二座同入西墟將凌二十八立時擒斬其中路東路各員弁均各攻奪險隘遊擊閻恒瑞生擒逆犯之父凌玉超兵勇四面會合將逆匪大館圍住焚燒火光燭天間有冒火衝出者均立

時擊斃各路截殺。擄獲無遺。共計生擒匪犯二百六十八名。呈驗首級一百六十七顆。並殲斃一千一百餘名。我兵勇祇陣亡十七名。受傷三百餘名。逆匪凌十八首級。查驗確實。業已磔屍梟示。此股匪徒與洪秀泉會匪聲勢相倚。擾及兩省。抗拒一年之久。實屬罪大惡極。經該督撫等先後籌剿。不遺餘力。得以掃數殲擒。洵足伸國法而快人心。所有在事出力各文武首尾一年前後幾及百戰。殲擒

六千有奇。皆能同心協力。滅此兇頑。洵屬著有勞績。著即確切查明。據實保奏。候朕施恩。至該匪起自粵西。竄入東省。各州縣尚能保守城池。又復協同堵剿。該管地方文武各官功過尚足相抵。著免其置議。○又諭春熙奏夷匪竄擾卡倫。現已堵逐出卡一摺。此次夷匪竄擾卡倫。雖經援兵當時擊退。該守卡官弁不能先期警備。以致焚燒房屋。傷斃官兵。均有應得之咎。守備崔萬清把總馬鈞。著與

失於防範之副將恆安。一併交部分別議處。春熙著交部議處。所有被傷陣亡之兵丁。著該大臣查明。咨部議卹。○諭軍機大臣等。本日據春熙奏夷匪鐵完庫里霍卓。於六月初六日竄擾烏什。畢底爾卡倫。經春熙先後派委本城駐防副將恆安守備崔萬清把總馬鈞等帶領兵丁。並飭伯克帶領回兵。分別堵捕賊匪。先因守卡弁兵睡熟。偷進卡倫。乘風縱火焚燒卡房。傷斃官兵。旋經援兵接應賊

始退出等語。現在該匪是否遠遁。抑仍在卡外游奕。內地回眾是否不致被其煽惑。勾引著布彥泰於行抵葉爾羌時。與德齡嚴密偵探賊眾多寡。並賊首鐵完庫里究係何處回子。何以有霍卓名目。查明具奏。春熙另片奏擬請酌派葉爾羌官兵等語。著德齡即選派精兵先後密咨該城。以便調用。仍著布彥泰酌量情形。密偵嚴防。務期弭患。未敢不可稍涉張皇。原摺片著鈔給閱看。將此由五百里

諭令知之○又諭扎拉芬奏請酌減文武官員養廉一摺朕思邊疆重地該大臣等歲支養廉一經裁減僅將來不敷辦公轉得有所藉口致滋流弊所請酌減養廉之處著不准行至各省督撫提鎮等官養廉俱係辦公要需若驟議裁減亦屬有名無實著毋庸議將此諭令知之○兩廣總督徐廣縉等奏勦辦羅鏡逆匪全股蕩平得旨卿等鞠躬盡瘁晝夜勤辦得以埽數殲擒皆卿等力也覽奏

深慰朕懷○以廣東勦平羅鏡逆匪加總督徐廣縉太子太保巡撫葉名琛總督銜仍下部優敘賞總兵官福興花翎巴圖魯名號○賞前任安徽壽春鎮總兵官德勝二等侍衛
庚申

孝德皇后殯宮月祭遺官行禮○

皇后千秋節宮內行禮如儀停止筵宴及在外公主福晉命婦進內行禮○諭軍機大臣等昨據徐廣縉葉名琛奏勦辦羅鏡逆匪全股

蕩平現在道州逆匪分竄江華永明賊勢日熾所有羅鏡軍營弁兵除應酌留若干摺查餘匪外著徐廣縉葉名琛迅即選派得力將弁管帶該處獲勝之兵勇馳往湖南軍營協同圍剿可期得力總兵福興能否飭令統兵前往並著酌量派委仍咨明欽差大臣賽尚阿湖廣總督程喬采查照調遣其經由路徑或從廣東徑赴湖南或從粵西間道馳赴兵貴神速想該督撫定能妥籌辦理也將此由

六百里諭令知之○以內閣學士萬青藜為禮部右侍郎○貸湖南臨武營兵丁倉穀○
辛酉

上御勤政殿聽政○諭軍機大臣等賽尚阿等奏連獲勝仗逆匪全股逃竄現在嚴督追剿一摺逆匪占踞道州並分擾江華永明二縣牽掣我軍經該大臣等嚴飭和春常祿等併力進攻緊逼州城疊獲勝仗該匪力不能支乘夜奔逃不敢窺伺竄遠徑由水打鋪前竄

下灌地方屯劄該大臣現已札飭鄧紹良瞿騰龍等迅由甯遠馳赴嘉禾明安泰等迅由江華馳赴藍山堵截並令和春趕緊尾追前後夾擊布置尚為周妥惟賊蹤靡定詭譎異常難保不再從嘉禾藍山越過東窺郴桂等屬及常甯新田等處為北竄衡州之計該大臣等務當督飭各鎮將於水陸要隘設伏嚴防毋令伺隙奔竄衡州為省垣屏障程喬采駐劄該郡人心所繫不可稍有搖動尤須嚴飭文武兵勇加意防守杜賊北來之路毋誤事機省垣重地亦須鎮靜彈壓嚴密守禦不可稍涉張皇該大臣駐守永州足壯聲威趁此賊勢散渙之時嚴飭各路帶兵大員合力兜勦前截後追庶可一鼓蕩平昨據徐廣縉葉名琛奏羅鏡凌十八股匪殲擒淨盡已諭令選派得力將弁乘勝帶兵馳赴湖南協剿刻下各省續調精兵計亦陸續到齊兵力不為不厚亟望該大臣等速殄醜類綏靖巖疆

慎勿老師糜餉再有疏虞也查奏守城出力各員摺內據稱副將瞿騰龍鄧紹良守禦最為出力何以此次保舉單內未經列入或因三月間鄧紹良已得優敘瞿騰龍已賞勇號不須再保耶著查明覆奏前據御史陳慶鏞奏請嚴申軍法一摺著該大臣查照摺內所陳各情酌量辦理原摺鈔給閱看將此由六百里諭知賽尚阿程喬采並諭令駱秉章知之尋奏瞿騰龍等守城有功已邀恩獎不復再行開列單內報聞○又諭常大瀉奏湖南岳州府為湖南全省屏障現擬親赴該處查看情形督同府縣及紳士等籌備防堵酌定章程等語兩湖交界地方犬牙相錯自應不分畛域扼要設防據稱岳州紳士吳翼行方宗鈞等才略可用著即密向咨詢與地方官妥籌布置其由武昌至岳州所過地方水陸各要隘應行察看設備之處並著豫為籌辦毋稍疏虞將此諭令知之○湖北巡撫常大

瀛奏報到任日期得旨楚北防堵最為喫緊巡撫為全省表率斷不可稍涉張皇藩司梁星源能否勝任精神若何著查看具奏○以都察院左都御史花沙納署鑲紅旗蒙古都統○改鑄四川漢州知州信印從總督徐澤醇請也○以廣西官紳守禦省城擊賊出力賞在籍翰林院侍講龍啟瑞御史朱琦布政使吳鼎昌道員嚴正基知府彭瑛知州史勳副將巴圖都司張心一王浚守備楊連李若珠蕭知音等花翎同知英秀等藍翎總兵官常祿巴圖魯名號復已革提督向榮職餘升敘有差○以廣西軍營出力賞都司白人鵬花翎把總黃慶保等藍翎餘升敘有差○以賊匪竄出湖南道州總兵官常祿下部議處

○壬戌

上詣綺春園問

皇貴太妃安○諭內閣前據陸建瀛奏請截留湖南及江西尾幫等漕米作為江南山東賑

需當經降旨准行並飭嚴催渡黃各幫跟接北上茲據李德奏稱山東湖河盛漲漕船難以趲運若俟秋後水落再行緯挽北上必誤回空請將已入東境之漕船概行截留以備東省賑米之用其在後渡黃各幫行至江南就近截卸除留備兩省賑米外餘米均在沿河散囤俟豐工合龍雇船起剝運通等語截漕備賑事關緊要豈容稍有延緩著戶部查覈該督撫等前後陳奏各情形究應截留何幫漕米以濟急需迅速定議奏請遵行毋任兩省各執已見致有貽誤至沿河散囤及雇船起剝各事宜有無窒礙之處著該部一併議具奏 撥山東海疆經費銀給廣艇水勇工食 撫恤琉球國遭風難夷如例 癸亥中元節

上詣

安佑宮行禮 遣官祭

永陵

福陵	昭陵	昭西陵	孝陵	孝東陵	景陵	泰陵	泰東陵	裕陵	昌陵	慕陵	孝和睿皇后暫安寢殿	孝德皇后殯宮	端慧皇太子園寢	督運道員等耽延阻滯請飭漕運總督速催	趙行等語本年豐工未合運道未能疏暢自	與往年情形不同然漕船果能依限開行該	漕督及糧道等於盛漲以前實力督催設法
										○遣官祭	○遣官祭	○遣官祭	○諭內閣陸建瀛奏湖北				

挽運何難跟接北上乃自有截漕變價之議	朕觀諸臣會奏即有藉詞觀望之意是以疊	降諭旨令該督撫等趕緊催趲不得以截留	漕米運道艱滯藉口遷延茲據陸建瀛奏稱	湖北糧道龔綬及押運同知誠意自四月行	抵瓜口沿途耽延兩月經該督嚴飭始肯渡	河猶復節節逗遛以致江西全幫阻壓似此	任意延玩不知是何居心豈視天庾正供竟	可虛擲河干諉過他人耶龔綬誠意均著先	行交部嚴加議處仍著楊殿邦飭令該員等	督押幫船飛輓前進如再延誤惟該漕督及	該糧道等是問○諭軍機大臣等徐廣縉奏	辦理廣西勦堵各事宜並量裁省局各摺片	前因廣東羅鏡逆匪蕩平諭令徐廣縉等名	琛選派得力將弁管帶獲勝兵勇馳往湖南	軍營協同圍剿並諭令酌派總兵福興統兵	前往茲據該督奏稱已飭福興統帶精兵二	三千名前來廣西就近將鬱林一帶土匪迅
-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------

速剿滅等語。自係為先除本境匪徒兼資防堵起見。惟湖南道州及竄擾江華永明賊匪。昨據賽尚阿等奏。全股東竄。徑由水打鋪竄至下灌地方屯劄。正在郴桂一帶勒辦喫緊之際。且恐各省續調之兵。未能到齊。衡永兩郡情形甚為緊要。該督仍當悉心體察。隨時偵探。如楚省急須援應。即酌派福興統兵迅由間道馳往協剿。務須先其所急。速殄羣醜。無誤事機。另片奏量行裁減省局支應一節。

所見甚是。即著照所議覈實辦理。仍移咨勞崇光確切查覈。從前辦理糧臺官吏紳民等有剋扣冒領等弊。即著從嚴叅辦。至湖南軍餉。近又請撥三百萬兩。已由戶部籌撥一百五十萬。其餘另行籌款。陸續撥給。現在兩粵地方漸就廓清。惟此股逆匪勢尚猖獗。不得不厚集兵力。以期一鼓殲除。而籌款維艱。且慮緩不濟急。朕心實為焦切。著徐廣縉彙名琛於廣東省設法籌畫。無論關稅錢糧及正

雜各款。或於商棧暫行通融。如湖南待用甚急。即迅速酌撥。以濟要需。諒該督等必能統籌全局。以紓朕念。將此由六百里諭知徐廣縉。並諭令葉名琛勞崇光知之。○又諭前據奕山布彥泰奏葉爾羌三品阿奇木伯克回子郡王愛瑪特呈控該大臣各情。並德齡倭仁奏該伯克訛索回莊各款。及春熙奏夷匪鐵完庫里霍卓竄擾烏什畢底爾卡倫經官兵擊退一摺。疊經諭令布彥泰前往葉爾羌

查辦。茲據奕山等奏。愛瑪特二次遣人投遞呈詞。鈔錄呈覽。著布彥泰仍遵前旨。迅即馳赴葉爾羌。將德齡等所參及該伯克歷控各情節。秉公確查。逐款研訊。是否該大臣等叅辦不公。抑係該伯克藉詞挾制。據實覈辦。毋稍遷就。至夷匪鐵完庫里先擾喀什噶爾。旋即竄至烏什。雖經官兵擊退。現在尚未遠遁。事關控制外夷。撫輯回眾。布彥泰久歷邊疆。一切情形熟悉。諒能妥籌辦理。操縱得宜也。

將此由四百里諭令知之○欽差協辦大學士杜受田等奏陳辦理江南賑務情形並呈江甯布政使祁宿藻所擬章程得旨該藩司所擬章程甚屬周妥卿等督辦賑務未能深悉地方情形務須責成該藩司盡心籌畫至應截留何幫米石已飭戶部速議著候部議行此旨著傳諭祁宿藻知之○以貴州古州鎮總兵官雙福為江南提督仍署湖北提督雲南順雲協副將愛興阿為貴州古州鎮總

兵官○予故江南提督楊霖祭葬○甲子諭內閣現在湖南軍務未竣賊蹤竄擾靡定各路帶兵攻剿需材孔亟因思滿漢各營中豈乏材技出畧足備干城之選者或因官職較卑限於資格無由及時自效殊為可惜著各該將軍都統督撫等留心簡練隨時考察自鎮將以下無論官職大小有謀勇兼裕或材力堪任折衝禦侮者即行據實保奏候朕簡用其鄰近湖南省分如保奏之員可資軍營

差遣即奏明請旨飭令該員前赴軍營聽候欽差大臣等酌量委用該將軍等其慎加遴選毋濫毋遺用副朕整軍經武之至意○又諭各省設立城垣所以保衛生民盤查奸宄自應一律修葺完整方能備無患近聞各直省府廳州縣城牆每因創建日久坍塌甚多地方官或將存公修築銀兩私自侵用或以經費不敷相率因循一旦有事遂至守禦無資即如廣西湖南賊匪竄擾各州縣若城垣堅固防守更可得力何至一經賊竄遽爾失守且聞各省門禁廢弛漫無稽查啟閉並不依時竟有終夜不禁出入者殊失詰奸禦暴之道著直省各督撫轉飭所屬凡有應行修理各城務須隨時設法籌辦以資保障其有官民捐資修理者著即覈實奏請獎勵並嚴飭地方文武員弁認真查察慎司啟閉毋任宵小涸跡致滋事端將此通諭知之○以戶部尚書禧恩右侍郎麟魁何桂清充經筵

講官工部左侍郎哈芬署經筵講官 貸閩
粵南澳鎮銅山營兵丁穀價銀兩 乙丑諭
內閣椿壽奏省城及各屬田禾受旱情形等
語浙江杭州省城及附近各州縣地方自五
月以後雨澤稀少田禾受旱間得陣雨未能
普遍深透著該署撫體察情形所有被旱各
地方本年應徵錢糧有應行緩徵之處即迅
速查明具奏以慰廛念 先是湖廣總督程
喬采覆奏湖北宜昌府為四川入楚門戶堵
巡私鹽應將向設隴旺冲等卡略為改移並
添派宜昌府協同宜昌鎮督緝以專責成覈
其功過奏請議敘議處下戶部議至是奏應
如所議辦理從之 以右春坊右庶子沈桂
芬署日講起居注官 准浙江定海廳減徵
額賦加展三年 丙寅
上詣綺春園問
皇貴太妃安 諭內閣協辦大學士杜受田東
躬端正勵節直清經術淵醇體用兼備蒙

皇考宣宗成皇帝特達之知由詞臣視學山西
特召還朝旋入直上書房為朕講習討論十餘
年中日承啟迪獲益良多嗣經洊歷正卿忠
勤益懋朕親政後加太子太傅銜以刑部尚
書協辦大學士特命管理禮部事務每召見
時於用人行政國計民生造膝敷陳深資匡
弼前因豐工尚未堵合江南山東兩省窮黎
急需賑恤宵旰焦勞難安寢饋特派前往查
辦疊據途次馳報東南賑務均已布置周妥
念其觸暑遠征心力交瘁正切憫懷而前後
奏摺中從未自陳病狀乃本日怡良等馳奏
杜受田竟以感受暑溼觸發舊患肝證於本
月初九日遽至不起披覽遺章不覺聲淚俱
下悲痛實深回憶書齋景況如在目前奉使
陛辭情尤眷戀方冀贊襄帷幄謹論常聞詎
料相睽兩月晤對無期耶著賞給陀羅經被
由驛發往加恩晉贈太師大學士入祀賢良
祠卽照大學士例賜卹任內一切處分悉予

開復應得卹典。該衙門察例具奏。並賞給廣儲司銀五十兩。經理喪事。靈柩回京。沿途地方官。妥為照料護送。准其入城治喪。屆時朕當親臨奠醊。用伸悲憫。伊父頭品頂帶。前任禮部侍郎杜壻。年屆九旬。猝聞此信。定深悼痛。著派恩華。即日前往看視。並賞給人蔭十兩。以資調養。伊子杜翰。著俟服闋後。加恩以庶子補用。伊孫三人。均著加恩。賞給舉人。准其一體會試。以示朕愴懷舊學。恩眷優加之至意。○又諭。朕念杜受田之父杜壻。年近九旬。在京就養。猝聞伊子差次病逝。自必傷感。逾常。伊孫杜翰。現任湖北學政。惟伊次孫杜翻。一人在京。若前往清江奔喪。則伊祖杜壻。膝前乏人侍奉。朕心實深廕念。著傳旨令杜翰。即由湖北馳赴清江浦。扶柩回京。所有學政關防。暫交巡撫兼署。杜翻即在京侍奉。毋庸前往。以示體恤。○諭軍機大臣等。據怡良楊以增奏。欽差協辦大學士杜受田。因病出

缺一摺。所有應行查辦事件。即著怡良。按照疊次發交各摺件。督飭隨帶司員。認真覈辦。據實覆奏。即在清江浦聽候諭旨。再赴福州將軍之任。將此諭令知之。○欽差福州將軍怡良等奏。遞欽差協辦大學士杜受田遺摺得旨。憶昔在書齋。日承清誨。銘切五中。自前歲春。懷承大寶。方冀贊襄帷幄。讜論常聞。詎料永無晤對之期。十七年情懷。付與逝水。嗚呼。卿之不幸。實朕之不幸也。○命翰林院編

修馮培元。提督湖北學政。○丁卯。諭軍機大臣等。昨據羅繞典奏。籌商省城應辦事宜一摺。據稱。行抵湖南省城。聞江華。永明。桂陽。州嘉禾。失守。賊匪現由小路分竄。下窺各處。拏有奸細。該前撫在省調度防禦。省城南城。及大小西門外。樹建木城。沿江之昭山。龍潭灣。先已設有木筏守兵。各等語。江華。永明。賊匪竄出。前經賽尚阿等奏明。其桂陽。嘉禾。兩縣如何失守情形。未據馳報。嘉禾至桂陽。僅百

八六八

里北界衡州亦近。僅再任其竄擾。衡湘各路帶兵大員。所司何事。自賊匪擾入楚境。各州縣紛紛失守。大兵祇能尾追。並不能設奇要擊。寇往而我亦往。勢將何所底止。現在賊眾是否占踞城池。意圖越過永州大營。直窺衡郡。我兵如何截剿。使賊不敢北竄。該大臣等務即督飭諸軍。分扼水陸要隘。並飭遠近各郡縣偵獲奸細。確訊賊情。則剿辦更易得手。其省城外木城。或可禦賊矢石。若賊以礮火攻撲。豈不轉資賊用。即如賊踞永安道州。皆用土石壘牆。以禦官兵。豈我軍反智出賊下耶。其木筏一項。亦恐運掉不靈。賊匪得之。適足為梯衝之具。果否適用。不致貽患。均著該大臣等妥籌辦理。思患豫防。固不厭精詳也。將此由六百里諭知。賽尚阿。程喬采。並諭令羅繞典。駱秉章知之。○命工部尚書翁心存為

實錄館總裁官。專勘臺本。吏部左侍郎邵燮。為

副總裁官。○以內閣學士李嘉端。為兵部右侍郎。未到任前。以光祿寺卿潘曾瑩署理。以詹事府詹事俞長贊。為內閣學士。兼禮部侍郎銜。○戊辰

上辛萬壽山。○諭內閣。呂倌孫著授惇郡王讀

○又諭。前據給事中袁甲三奏。叅定郡王載銓。刑部尚書恆春。侍郎書元。直隸總督訥爾經額。各摺片。已據該郡王等。各具摺明白回奏。復派大學士裕誠。會同軍機大臣。將該給

事中回奏。指出之御史端昌。祭酒彥昌。刑部郎中吳德清。前任刑部郎中直隸知府吳廷棟等傳到。查詢先後覆奏。如原叅載銓題升步軍統領衙門主事。與查辦刑部擬補主事。並奏咨刑部各案。或會同部臣議結。或隨時酌量辦理。其訥爾經額。向伊雙膝請安一節。查明並無其事。均無庸議。惟諸王與在廷臣工。不得往來交接。疊奉

聖訓。垂誡周詳。前歲冬間。朕復特降諭旨。申儆

自應敬謹遵守。乃恆春書元。因審辦案件。威氣相凌。俱至載銓府第私謁。當時載銓既未拒絕。事後又不參奏。至拜認師生。例有明禁。據載銓奏稱。於保舉之人。欲以師生稱謂者。不能豫為攔阻等語。均屬不知避嫌。有違定例。載銓著交宗人府嚴加議處。恆春至載銓府中私謁。並將審案略節面交。已據載銓奏明。乃恆春回奏。率稱於隨扈回京後。從未謁見。並無送給案據之事。顯係意存欺飾。書元

初次回奏。既不將私謁載銓府第一節聲敘。迨降旨詰問。仍復含混回奏。且於召見奏對之言。輒屢向同堂洩漏。並以相契談心。曲為解說。實屬不知慎密。有負委任。恆春書元。均著交部嚴加議處。至載銓所繪息肩圖。題詠甚多。內閣學士載齡。內閣侍讀許誦恆。均係師生。稱謂顯違例禁。載齡許誦恆。均著交部議處。其題圖之潘世恩。卓秉恬。祁寯藻。柏後。周祖培。麟魁。吳鍾駿。黃贊湯。錫齡。又慶慧。成

富呢雅杭阿。潘曾瑩。潘曾綬。輩名禮等。亦有不合著一併交各該衙門分別議處。所有傳訊各員。無庸置議。吳廷樞著回直隸知府署任。給事中袁甲三。例許風聞言事。且所奏尚非盡虛。惟覆奏片內。所稱名節攸關。難以隱忍等詞。自謂白其心迹。未免負氣爭辯。古來諍臣。謬謬之風。本於忠愛。豈為沽名。若將該給事中。加以譴責。恐言事諸臣。誤會朕意。率安緘默。殊非朕芻蕘必採之本意。嗣後科道

等官。惟當各秉公忠。靖共獻納。毋避嫌怨。確實指陳。但不得以傳聞影響之談。輕率入告。徒博彈劾之名也。○諭軍機大臣等。據給事中袁甲三。奏參載銓。恆春書元。各摺片內。稱上年刑部郎中文秀。由殺虎口稅差報滿回部。饋送書元代土銀三百兩。書元收受。後當文秀未放甯紹台道之先。忽一日進署。於司官回事既完。諭令文秀留後。告以今日召見時。曾經面保。指日就放。文秀聞之。自喜。回至

秋審處告知同事司官並送銀數目輾轉傳
播通國皆知等語除已令書元明白回奏外
著王懿德迅即飭令文秀將以上各情節逐
一登覆不准稍有含混取具親據實覆奏
將此諭令知之○命戶部尚書孫瑞珍充上
書房總師傅

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之六十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之六十七

奏為遵旨辦理山東湖河盛漲漕船難行請將各幫分別截留散囤雇船剝運一摺當交戶部迅速定議茲據該部查覈議奏天庾正供關係甚重本年又有截漕備賑米石京倉支放更恐不敷豈可因運道艱滯藉詞逗遛致有貽誤况各幫或經由鄱陽湖或長行大江衝風破浪皆所習慣即使微山等湖河水盛漲緯道淹沒亦當設法輓運豈有因河工未合坐視漕糧不抵京倉之理現在渡黃漕船統計一

咸豐二年壬子七月己巳諭內閣前因李德

千二百十隻在後之湖南三幫現亦提近江口可見漕運地方各官如果竭力督催自不難銜尾北上豈得以一二隻偶爾失事遂任聽全幫藉口且將在前各幫先行截留則後幫皆被阻壓辦理亦未妥協著仍遵前旨江南賑米在於湖南及江西尾幫截留山東賑米在於江西最後各幫截留至沿河散囤折耗偷漏以及雇船撥價種種窒礙難行所有在後各幫仍著該漕督嚴催跟接北上京倉

緊要該漕督所司何事豈得畏難苟安任令幫丁及地方官各為私計竟置京倉於不顧耶其已入東境各船並著李德嚴飭文武員弁迅速催趨該撫甫經到任無所用其迴護如該管道廳及催漕將弁查有延玩等情即著據實奏至運京銅鉛各船亦著一併飭催隨漕北上毋稍遲誤○又諭舒興阿奏番賊滋擾被勒遠遁現飭各營嚴防一摺據稱甘肅涼州永昌協所屬口隘突有番賊多人

肆出搶奪牲畜戕害弁兵經提督索文西甯鎮總兵雙銳署涼州鎮總兵崇保先後各派將弁帶兵勦捕疊次殲斃番賊數十人餘匪被追遠遁入山現在逐細搜查卡內均無賊跡等語此次番賊出擾不過三四百人適值該提鎮會哨之時所帶弁兵自敷派委果能認真督率實力堵擊何難悉數殲除署總兵崇保是否耽延貽誤其稟覆該督情節與提督索文原報不符有無捏飾著舒興阿確切

查明據實具奏仍嚴飭該提鎮等督飭將弁隨時偵探加意嚴防一遇番匪滋擾即行截勦務須賊賊並獲斷不可聽其出沒自由輒以追擊遠遁一稟了事也○以漕船行走稽遲革江西千總景禧湖南千總鄧聲南許瑞城寶善職湖南糧道龔綬通判恩綬下部嚴議○予甘肅堵賊被戕把總嚴克選祭葬世職○庚午諭內閣英山布彥奏賊匪竄入喀什噶爾卡倫官兵追勦連獲勝仗餘匪逃

竄一摺喀什噶爾地方前於五月間有賊匪鐵完庫里糾眾入卡被勒竄逸當經諭令該大臣等偵探嚴防茲於六月初九日又有逆匪倭里罕糾約布魯特賊匪二百餘人自圖舒克塔什卡倫竄至小阿爾圖什莊總兵桂齡帶兵往剿於初十日馳至伊思里克卡倫賊已聞風逃出卡外十三日賊匪由伊蘭瓦斯卡竄撲阿爾胡莊桂齡復馳赴迎擊該匪膽敢抗拒我兵槍礮齊發截擒賊匪多名復

向巴爾昌卡倫追剿斬獲甚多餘匪逃出家外仍著督飭守卡員弁隨時偵探加意嚴防毋稍疏懈○又諭色克通額海枚奏請將科布多戍守屯田期滿弁兵援照成案更換一摺著照所請准其將換防兵二百二十四名內選擇諳習耕作通曉蒙古言語之兵留駐一百十二名俟下屆班滿時再行更換○諭軍機大臣等據步軍統領衙門奏山東平度州民王圖南等呈控伊姪女毛王氏被夫毛

鳳翎與改娶之毛王氏等同謀虐毆勒斃隱匿傷痕捏報自縊復將其所生之子謀死並明冤錄一本呈覽此案毛王氏秉性貞烈屢經磨折矢志靡他其身死情節尤為慘毒據呈原審州縣會訊時其夫毛鳳翎已供認伊一人毆後勒死因未追出幫毆之人赴省控告迨委員與濟南府蒸檢又斷為受傷後自縊勒令結案種種含混若不徹底根究何以勵風化而慰貞魂李德審辦案件素尚認真

且到任未久無所用其迴護著督同臬司福濟親提全案人證嚴訊務得確情按律定擬具奏儻稍有不實不盡經朕訪聞或別經發覺定當提案來京審辦無難水落石出也原呈著鈔給閱看並明冤錄一本一併發給將此諭令知之尋奏毛鳳翎改娶小毛王氏因原聘大毛王氏堅守前盟仍娶為妻被小毛王氏唆夫陵傷毆傷抱忿自縊經訊驗覆檢屬實毛鳳翎及小毛王氏均按律擬杖八十

下部議。議上小毛王氏應加等擬杖六十。徒一年。毛鳳翎應加枷號兩箇月。從之。又諭。奕山。布彥泰。奏喀什噶爾又有逆裔帶領賊匪入卡。官兵連獲勝仗。斬擒多名。餘匪逃竄。一摺。賊匪鐵完庫。異先經竄入喀什噶爾。旋擾烏什卡倫。疊據該大臣等先後奏到。降旨。令布彥泰。馳赴葉爾羌。確查妥籌辦理。此次奕山等所稱六月初九日。又有逆裔倭里罕。帶領布魯特賊匪。自圖舒克塔什卡倫竄入。

經總兵桂齡等追剿至巴爾昌卡倫。逃出去。該匪等仍在卡外窺伺。並未遠颺。守卡官兵。何以任其出入。毫無抵禦。是否疏於防範。有無被賊拒傷。據報賊匪二百餘人。何以又稱殲斃不計其數。是否回莊已被裹脅。摺內俱未聲明。所稱逆裔。究係某逆後裔。刻下因何起釁。現又竄往何處。著布彥泰仍遵前旨。迅速馳赴葉爾羌。逐細詳查。相機妥辦。並迅飭各城邊卡一體嚴防。務期弭患未萌。毋得稍

形疏懈。亦不可稍涉張皇。將此由四百里諭令知之。尋奏喀什噶爾守卡官兵均未抗拒。受傷逆裔倭里罕查係巴布頂之子。張格爾之姪。鐵完庫里句結前來。並無起釁別情。現已遣歸兵皆歸伍報聞。裁四川綠營馬三百二十八匹。提督以下例馬一百二十五匹。減馬乾銀六千三百二十二兩。從總督徐澤醇等請也。以喀什噶爾剿匪獲勝。領隊大臣特克星額。總兵官桂齡下部優敘。命喀拉沙爾辦事大臣舒精阿往奠故土爾扈特汗盟長瑪哈巴咱爾茶酒。賞銀五百兩。以其子拉特那巴咱爾承襲。辛未。

上詣綺春園問

皇貴太妃安。諭內閣。宗人府奏遵議定郡王載銓處分一摺。載銓著改為罰王俸二年。不准抵銷。所兼領侍衛內大臣著即開缺。並毋庸管理健銳營事務。以御前行走土默特貝子德勒克色楞為正黃旗領侍衛內大臣。

○壬申

上幸靜明園詣

龍神廟拈香○諭軍機大臣等據賽尚阿程
番采馳奏逆匪竄入嘉禾桂陽旋復攻陷郴
州一摺逆匪自竄湖南以來勢甚剽悍連陷
數城如入無人之境固由土匪勾結內應何
以各州縣地方官兵既不能先事偵探又不
能嬰城固守迨至賊匪棄城逃竄又復任其
所之全無抵禦該大臣奉命出征一年有餘

粵楚各處紛紛失守歷次奏報軍情不過派
兵尾追並未迎頭截擊出奇制勝所謂調度
者安在程番采籌辦防堵為日已久何以地
方文武毫無布置遇賊撲城竟不能相持數
日以待外援耶現在賊已越過永郡踞守郴
州勢將下窺衡郡意圖長沙似此蔓延滋擾
何所底止賽尚阿現赴衡州與程番采會籌
防剿若再失機自問當得何罪朕已諭令徐
廣緝督同福興帶領精兵數千名馳赴衡州

一帶協同剿捕各省續調之兵計已到齊衡
湘乃楚南門戶最為緊要該大臣等務當通
盤籌畫激勵將士分扼要隘趁此賊匪喘息
未定之時併力夾擊迅埽逆氛尚可稍贖前
愆其廣東廣西江西各省交界處所並著隨
時知照一體嚴防毋任竄越羅繞典即著在
長沙省城與駱秉章籌辦防守總須慎密鎮
靜緝賊安民毋使人心稍有搖惑將此由六
百里諭知賽尚阿程番采並諭令羅繞典駱

秉章知之○又諭據賽尚阿等奏湖南逆匪
竄擾情形現復攻陷郴州嚴飭督剿一摺逆
匪自竄入楚境以來連陷數城雖土匪勾結
滋蔓總由督兵大臣調度失宜將弁不能用
命所致現在郴州又復失陷被賊屯踞該處
地頗豐腴市廛屯聚水陸兩路北通衡州長
沙而水路尤為喫緊賊匪勢甚剽悍意在窺
伺衡湘為直撲長沙之計賽尚阿自統領大
軍以來日久無功朕早慮其性情過於慈柔

賞罰未能悉當以致將弁等日久生玩不肯用命更恐為賊匪所窺動輒中其奸計是以前降旨令該督統兵前赴廣西如賽尚阿病體不支即接受欽差大臣關防專辦軍務及該督到梧州而桂林匪徒已竄楚南彼時艇匪正須勦洗該督勢難兼顧今得梧一帶漸次廓清即各處不免土匪勞崇光儘可籌辦較之楚匪情形自當先其所急徐廣綰沈毅有為朕所深悉前次圍勦凌十八股匪甚為

嚴密卒致殲除波山艇匪亦能剋期翦滅足見用兵之道全在統率得人現在湖南逆猷鴟張情形甚為喫重著徐廣綰統兵前往湖南會勦即將高州鎮總兵福興所帶得勝之兵數千名迅速統帶馳赴衡州一帶扼要調度毋稍遲延並將此旨宣示賽尚阿即將欽差大臣關防交徐廣綰祇領軍營及地方文武各員統歸節制該大臣務當整飭紀律嚴明賞罰以期壁壘一新迅殄羣醜庶釋朕南

顧之憂也賽尚阿交卸關防後仍著奏明聽候諭旨至廣西土匪即責成勞崇光妥為防勦毋稍疏虞提督向榮或帶往軍營或留廣西督辦土匪並由該大臣酌量飭行將此由六百里諭知徐廣綰並諭令勞崇光知之○又諭本日據賽尚阿程番奏賊匪竄踞湖南郴州已有旨諭令徐廣綰由廣西帶兵馳赴湖南會勦所有兩廣總督並欽差大臣關防著葉名琛署理廣東巡撫即著柏貴暫

署楚粵交界地方防堵緊要該署督務嚴飭提鎮及地方文武員弁隨時偵探扼要設防儻須越境夾擊毋稍拘泥致失事機至廣西湖南兩省軍餉如有緩不濟急之處該署督撫仍遵前旨無論何款趕緊設法籌備以資撥解將此由六百里諭知葉名琛並諭令柏貴知之○又諭湖廣總督程番未到任以來辦理地方尚無貽誤惟前聞賊匪一入楚境先由衡州退回省城旋又折赴衡州如此舉

動未免張皇恐臨事識力不能堅定致失機宜著徐廣縉詳加訪察如果不能勝任即著據實奏聞毋稍徇隱將此附六百里密諭知之○山東巡撫李鴻藻奏報濟甯等處雨水漫淹田地情形得旨被災處所俟查明即行具奏○命四川總督徐澤醇來京以成都將軍裕瑞兼署四川總督○以勦賊無功欽差大臣大學士賽尚阿湖廣總督程晉來湖南巡撫駱秉章下部議處○予湖南陣亡千總馬

金柱把總銀邦光祭葬世職○免江蘇海運沙船旗丁應賠遭風漂失米六百四十六石有奇○癸酉

仁宗睿皇帝忌辰遣官祭

昌陵○諭軍機大臣等本日有人奏督臣舉動乖方大為民害一摺據稱程晉來專駐衡郡防堵幾及一年全無籌畫準備致賊竄擾各處當賊至永州時該督乃奏稱省城緊要於四月二十五日微服乘小漁船由衡州折回

長沙各屬驚傳制軍逃走均疑永州已破居民相率奔竄數日不止老弱婦女投河死者不計其數等語程晉來防堵年餘任令粵匪竄入楚界已有應得之咎復於軍務喫緊之際退回省城以致人心動搖雖旋即折回衡郡而舉動倉皇中情怵怯已可概見著徐廣縉按照摺內所指情節逐一訪察如果確實即行據實奏參毋稍徇隱另片奏傳聞賽尚阿患病甚劇前奏賊竄下瀝語涉支離即係

精神不能照顧之證等語著一併查明密行覆奏原摺片均鈔給閱看又據副都統阿彥達奏陳軍務四條如募勇宜汰一條頗中時弊一併鈔給閱看著即體察情形酌量辦理軍行首重紀律賞罰尤貴嚴明朕既命徐廣縉為欽差大臣事權歸一自當乘此聲威力加整飭各路官兵如有玩誤軍令者即行嚴參治罪參遊以下一面奏聞一面即行正法以肅軍紀而振疲玩至賊匪現竄榔桂之間

意圖下窺衡湘萬分喫緊程番采既不足深任而賽尚阿又復患病難支朕心實深焦灼著徐廣縉於接奉諭旨後迅速督帶官兵前往並將啟程日期先行馳奏萬不可稍有延緩致誤事機諒該大臣必能統籌全局慰朕廬念也將此由六百里諭令知之○甲戌上詣綺春園問

皇貴太妃安○諭內閣乾隆年間

高宗純皇帝特降諭旨以禮義廉恥居官者立身

之要侍衛部院司官有見該堂官輒屈一膝者於定制甚為錯謬通行曉諭俱著侍立回事並諭有見王等長跪請安者凡王大臣遇見即行參奏○迨嘉慶八年復奉

仁宗睿皇帝明晰申諭

聖訓煌煌自當敬謹遵守但恐日久玩生仍蹈卑鄙諂諛之習不可不重申諭禁嗣後各臣工於親王郡王遇有公事接見禮儀自有定分不得長跪請安其侍衛部院司員接見本

管堂官祇應侍立回事儻有不遵定制屈膝請安者即著指名叅奏以肅體制而除陋習將此通諭知之○又諭昨因協辦大學士杜受田於差次溘逝業經降旨加恩茲據禮部查明應得卹典奏請予諡因思杜受田品端學粹正色立朝

皇考宣宗成皇帝深加倚重

特簡為朕師傅憶在書齋朝夕納誨凡所陳說悉本唐虞三代聖賢相傳之旨實能發明蘊

奧體用兼賅朕即位後周諮時政利弊民生疾苦亦能盡心獻替啟沃良多嘉慶年間大學士朱珪仰蒙

皇祖仁宗睿皇帝鑒其品節

特諡文正杜受田公忠正直媲美前賢揆諸諡法實足以當正字而無愧無庸俟內閣擬請著即賜諡文正其餘一切卹典均著照禮部所請辦理用示朕眷懷舊學崇錫令名至意○又諭吏部等衙門奏遵議恆春等處分一

摺刑部尚書恆春侍郎書元均著改為降四級調用。內閣學士載齡侍讀許誦恆均著改為降二級調用。潘世恩卓秉恬祁寯藻柏葰周祖培麟魁吳鍾駿黃贊湯錫齡文慶慧成富呢雅杭阿潘曾瑩潘曾綬葉名澧均著改為罰俸半年不准抵銷。又諭前據周天爵奏參豐北誤工各員當交怡良等查奏。茲據怡良奏稱南河掌管東壩裏河同知于昌進查無盤踞勾結及侵漁錢糧情事其承辦引

河料廠各委員亦無需索使費偷減料物弊端均著無庸置議。至已革河營參將李勝赴工希圖投效致滋物議應得答罪著照所擬辦理。現在豐工未合田廬多被淹浸必應及早堵築以奠民生著陸建瀛會同楊以增迅速妥籌購料興工慎選賢員無滋弊混儻再延玩該督等其能當此重咎耶。懍之。諭軍機大臣等常大瀄奏查勘岳州水陸要隘籌防各事宜並請補調鄰省官兵一摺現在賊

匪竄踞郴州意圖下窺衡湘賽尚阿程高米合駐衡郡羅繞典駱秉章駐守長沈復派徐廣綰督帶粵東兵勇馳赴湖南會同督辦各省續調官兵計日亦可到齊衡湘一帶大兵雲集當不致任賊北竄惟兩楚地界處處毗連自應扼要豫防所有常大瀄親赴岳州籌備洞庭湖漁船團練堵禦各事宜均著照所議辦理。據稱湖北防堵陸路兵力尚單本日已寄諭蔣文慶陸應穀於安徽省挑取精兵

一千名河南省挑取精兵二千名派定管帶將弁配足軍裝器械豫備調遣著常大瀄隨時確切偵探如湖南勦辦得手徵調自可從緩。儻有警信即行飛調皖豫距楚較近亦不致有誤事機。另片奏籌防荊州一帶並咨調駐防滿洲營兵一千四百名分撥駐守等語著會同將軍台湧提督博勒恭武熟籌妥辦。台湧應駐何處自應體察情形扼要駐劄以便調度該將軍巡撫提督等總須慎密籌防

尤當持以鎮靜。不可稍涉張皇。致滋驚擾。將此由六百里諭知常大瀆並諭台湧博勒恭武知之。○又諭特克星額桂齡奏續有另股安集延賊匪突入卡倫滋擾。經官兵迎擊得勝一摺。該匪等屢次入卡滋擾。現雖擊敗逃走。而首逆未除。難保不再行勾結。乘隙窺伺。著該大臣等飭令各卡倫隘口嚴防密探。儻仍敢糾眾入卡。即激勵官兵務期悉數殲擒。毋致稍有疏縱。此次拏獲賊犯同前次拏獲之密呢雅斯等四名著一併交葉爾羌參贊大臣於審明後即行正法。將此諭令知之。○吉林將軍固慶等奏報所屬兩廳地方編查保甲情形得旨。時時稽查。不可相率因循。○調工部尚書阿靈阿為刑部尚書。以戶部右侍郎麟魁為工部尚書。戶部左侍郎德興兼署工部右侍郎兼管錢法堂事務。○以兵部尚書桂良兼正藍旗漢軍都統。刑部右侍郎奕經兼鑲黃旗漢軍副都統。調鑲藍旗漢軍

副都統瑞麟為正紅旗滿洲副都統。以內閣學士常志兼鑲藍旗漢軍副都統。○命安徽選兵一千名。河南選兵二千名。豫備湖北咨調。○乙亥。命內閣學士常志為實錄館副總裁官。○調吏部右侍郎全慶為戶部左侍郎兼管三庫事。戶部左侍郎德興為刑部左侍郎。以大理寺卿愛仁為吏部右侍郎。內閣學士青麐為戶部右侍郎兼管錢法堂事務。未到任前。以禮部左侍郎聯順兼署。○以吏部尚書柏葰署正藍旗漢軍都統。○予故前任江甯將軍德珠布祭葬。賞銀三百兩治喪。謚襄恪。○免安徽和州借修官八圩未完攤徵銀。○丙子。上幸萬壽山。○山東巡撫李鴻奏報南糧首進幫船過濟日期得旨。著仍遵前旨實力催趲。截囤待運。斷無此辦法。不可首倡斯議。○廣東巡撫葉名琛奏報雨水積潦情形得旨。被災處所著查明具奏。○予山東捕賊捐軀祀

總趙大典祭葬世職○緩徵廣東佛岡翁源英德高要西會廣甯陽春封川開建德慶茂名信宜化合浦靈山十五廳州縣被匪滋擾地方道光三十年民欠銀米○撥河南藩庫銀二十五萬兩備東河防險工需○丁丑諭內閣步軍統領衙門奏查獲黏貼冤單人犯一摺四川勒休知縣閻有倫前因牽稟降調糧員武來雨一案當交夾湘徐澤醇審明所稟並無實據仍復堅執其說巧為避就居心險詐業經降旨將閻有倫革職茲復來京擅刻冤單遣家丁到處黏貼是否有挾制圖詐情弊必應徹底根究閻有倫及家丁孫二陳太均著交刑部審訊並查明原案情節覈議具奏前任四川綿竹縣知縣武來雨現在赴部引見著該部飭令聽候傳質尋奏閻有倫供稱藩司吳振棫知府王燕堂同知吳文錫刪去案由閱稟不收各情應解川審辦質訊明確從之○又諭兆那蘇圖奏遵旨審明護

清 實 錄 咸豐二年七月下

送堪布之四川委員在途失於約束請交部議處一摺前因四川靖遠營遊擊占佳川北鎮遊擊張延慶護送前後藏喇嘛進京經過山西介休縣據該縣稟有攜眷騷擾驛站及從憑喇嘛訛索等情降旨令徐澤醇將該遊擊等解赴山西交兆那蘇圖提訊茲據訊明遊擊占佳並未攜妾同行騷擾驛站張延慶亦無從憑喇嘛訛索情事惟於前藏喇嘛羅藏娃在途滋事後藏喇嘛因病逗遛該遊擊等失於約束占佳張延慶著一併交部照例議處介休縣知縣程震佑訊未違例濫應著無庸議○戊寅以勦平廣東儋州匪徒賞遊擊黃開榜巴圖魯名號道員江國霖花翎同知劉廷揚等藍翎餘升敘有差

八八一

江糧道胡元博均著交部分別議處以示懲儆並著吏兵二部查取浙江省經管運糧河道及總運領運各職名一併分別議處又諭朕因向榮久歷戎行才尚可用於道光三十年八月特旨調任廣西該提督到任以來偶有戰功無不立加優敘其官村古東兩次戰敗輒即稱病遷延久曠職守朕以忠厚待人不能為逆億僅予薄懲旋復任提督賞還花翎並念其保守省城勞績開復革職留任處

分加恩伊子向繼雄以同知用前據吳文鎔張亮基奏其夸詐冒功飾智欺人徐廣縉亦查其趨避過明非人是已朕俱不為深究該提督宜如何激發天良痛改積習感朕垂瑕錄用之恩方圖殺賊立功之效乃本日據徐廣縉奏奉向榮於六月二十七日先已接印至七月初六日奉到飭令任事之旨竟稱病難速痊求該督奏請開缺朕不料向榮喪心昧良膽大藐玩至於此極國家用人原期其

才能幹濟即使功過不掩亦不妨舍短取長若向榮如此存心殊出情理之外現當粵楚軍務喫緊之際文武員弁殫智竭力之時而該提督從容觀望竟欲置身局外且可藉口於朝廷不能用其才統帥不能盡其力若軍營相率效尤兵驕將玩更復何所懲戒耶向榮著即革職發往新疆效力贖罪以為辜恩巧避者戒諭軍機大臣等前因湖南賊匪連陷數城賽尚阿統領大軍日久無功諭令

徐廣縉帶兵馳往祇領欽差大臣關防軍營及地方文武統歸節制本日據奏籌辦剿捕廣西土匪各事宜均屬周妥惟現在湖南情形甚為緊要該大臣仍當先其所急所有廣西各處土匪應如何派員防剿分別布置之處即著勞崇光專司督辦該大臣接奉前旨著即帶兵馳赴衡州相機籌畫調度勿令賊匪下窺衡湘致難措手總兵福興本日已補授廣西提督如須帶往湖南差遣其提督印

務即行派員署理湖南永州鎮總兵孫應照
是否得力並著隨時察看據實具奏如不勝
任即派員署理毋令貽誤該大臣所奏向榮
湯俊各員均能不避嫌怨忠悃可嘉此次前
往湖南督辦軍務必能酌量緩急輕重秉公
舉劾俾將士感奮用命迅掃妖氛以慰朕望
也將此由六百里諭令徐廣縉並諭勞崇光
知之○閩浙總督李芝昌奏假限已滿病勢
未減懇請開缺得旨著暫緩開缺海疆要地

一切吏治營伍實賴卿整飭卿其緩緩調理
不可性急○命翰林院編修匡源仍在上書
房行走以太常寺卿陶樞為內閣學士兼
禮部侍郎銜以廣東高州鎮總兵官福興
為廣西提督貴州松桃協副將玉山為廣東
高州鎮總兵官以勦辦廣西廉州賊匪出
力賞參將劉開泰巴圖魯名號總兵惠慶遊
擊蘇崇阿雙貴都司劉永新知州呂銓等花
翎千總廖達章等藍翎餘加銜升補有差

庚辰

上詣綺春園問

皇貴太妃安○遣官祭

文昌帝君廟○吏部遵議欽差大臣賽尚阿
湖廣總督程喬采前任湖南巡撫駱秉章處
分請照溺職例革職得旨賽尚阿程喬采駱
秉章均著加恩改為革職留任先是刑部
審辦行竊

天壇祭器賊犯將賈三司三擬發黑龍江為奴

郭幅子等擬軍罪

上以刑部輕縱諭令覆審至是奏覆賈三司三

同進

皇乾殿內行竊均合依盜大祀神御物不分首
從斬律擬斬立決惟查該犯等行竊究在本
年四月初二日大祀以後且當時即被拏獲
香靠鑪膽尚未變賣稍有一線可原酌將該
犯賈三等量減為斬監候秋後處決從之○
辛巳遣官祭

關帝廟。諭軍機大臣等據卓秉恬王慶雲奏拏獲疊劫拒捕首犯請交部審辦一摺此案李四等犯疊劫殺人兇惡已極且有響馬頭名目必應盡法懲治以儆兇暴而靖閭閻其未獲之孫太即孫洛四各犯多係直隸山東等處人著卓秉恬王慶雲訥爾經額慶福李德按照單開姓名嚴密查拏該犯等結黨劫掠雖籍貫各異難保不互相窩藏且恐差役人等有恭賊包庇情事務當各飭所屬不

分畛域一體嚴緝並密派幹員分投訪拏悉數弋獲解部歸案訊辦毋任一名漏網原單鈔給閱看將此各諭令知之○以禮部尚書奕湘禮部右侍郎瑞麟著經筵講官壬午

上詣

大高殿行禮還宮○癸未以舉行仲秋經筵

遣官告祭

奉先殿

上詣

傳心殿行禮御文華殿經筵直講官柏後翁心存進講論語道之以德齊之以禮有恥且格講畢

上宣御論曰自古帝王御宇以德為基以禮為範誠以德不修則根本無以立禮不行則法度無以明德禮不先則下之觀感亦無由而致夫子知政刑之不足道齊也故於德禮求之知德禮之必有實效也故以有恥且格微之要非強民以難為實因民之所固有也夫

朝乾夕惕德之大原三綱五常禮之大體其端肇於一人而效見諸萬姓雖夙夜宵密非草野所能窺品節威儀非愚賤所能喻而秉彝之良民所同具尊卑之序民所共知使任其汨沒聽其縱恣則風俗人心將不可問矣大聖人作思其致此之由復其本然之性既以身為表率而勸誘檢束又使之自悟其非由是愧悔日深梗頑日化遵道遵路革面革心當斯時也懋勉在宸衷天下咸知孝弟忠

信之不容緩也。維持在名教。天下咸知規矩準繩之不可踰也。嗜欲之源滅。廉恥之心生。蒸蒸然共底於無為之治者。胥是道也。直講官恩華。何桂清進講書經。有言逆於汝心。必

求諸道。有言遜於汝志。必求諸非道。講畢。

上宣御論曰。從來人君。未有不以拒諫為非。納諫為美者也。而究之。謬之士。不克盡其忠。僉士之徒。轉得行其智。是非失實。趨舍乖方。為治之患。莫大乎是。此伊尹既告太甲以聽

德。惟聰而復斤斤致謹於聽言也。夫以言之不可一端盡也。法語之言。而激切出之。未有不逆於心。異語之言。而委婉將之。未有不遜於志。然道與非道分焉矣。使非精以求之。則為直言者。反蒙不韙之名。為諛言者。且獲將順之美。古來社稷之臣。有憚其難而遠斥之。側媚之輩。有知其佞而優容之者。其弊未有不由於此。然則聽言之道。可知已。欲辨其是非。必虛心以待之。虛則能明。欲定其趨舍。必

平心以察之。平則能公。既明且公。則如水如鏡。而妍媸莫能遁焉。如衡如石。而錙銖無或爽焉。於此進嘉謨。屏讒說。上下交泰。以成一德之休不難矣。禮成。

上幸文淵閣。賜講官及聽講諸臣茶。復賜宴於本仁殿。幸圓明園。詣綺春園。問

皇貴太妃安。諭軍機大臣等。有人奏。參湖北荊州府知府達昌阿性耽安逸。公務廢弛。不理詞訟。同城官旬月不見一面。所管萬城隍

工冬間估工派土。既不親詣估勘。夏令防險。又不到工督催。所屬各縣隄工。並不督率修防。及水漲潰漫。即捏報無工。處所希圖規避。又黃州府岐亭同知邵綸。不到本任。專住武昌省城。謀幹差事。遇鄉試之年。營求監試。招搖士子。拜伊門下。上年鄉試。榜後即有邵半榜之謠。等語。著常大濱按照所奏情節。確切訪查。如果屬實。即行嚴叅。具奏。毋稍瞻徇。原奏片查鈔給閱看。將此由四百里諭令知之。

尋奏達昌阿勉力供職修防隄工並無失事
江陵各縣失防隄潰例無處分無所庸其規
避邵綸查無鄉試舞弊實據亦未委派差事
現飭速回本任報聞又諭有人奏湖南湖
北籌辦防堵請招募水勇一摺據稱湖南之
洞庭湖湖北之大江均有捕魚小船不下數
千百隻大江口岸水手慣習打撈名曰水摸
以水摸駕使漁船可佐水師等語漁戶熟諳
水性若用之得宜亦可以備緩急前據常大
清奏稱洞庭一帶已豫為布置其餘兩省水
路要隘著該督撫等飭屬各就地方情形詳
加體察諮訪紳民如漁船可用即行妥為豫
備一遇緊急該漁戶等既可自保生業亦可
協助水師勦捕勿任令賊匪勾結致貽他患
原摺著鈔給閱看因思楚省當此防勦喫緊
之時府廳州縣稽察彈壓尤貴得人其循聲
卓著素得民心者必應重以委任俾盡所長
若才力不及平時既不能振作又安望其為

民禦侮捍患該督撫等務須嚴加甄汰另擇
人地相宜之員隨時酌調斷不可稍存遷就
致誤事機將此由四百里各諭令知之○江
南河道總督楊以增奏節交白露湖河水勢
宣防平穩得旨仍應加意防護勿稍疏虞○
以恭送
宣宗成皇帝聖容至盛京供奉賞加正黃旗護
軍統領綿勳等一級 甲申
上幸萬壽山○諭軍機大臣等陸建瀛奏江西
防堵緊要擬即親赴會商辦理又奏浙漕遲
緩情形各一摺另片奏堵築豐工請派大員
督辦等語逆匪竄踞湖南郴州東與江西接
界前已飭令陸元烺派兵防堵本日又降旨
令羅繞典署理江西巡撫就近由湖南馳往
辦理防堵事宜該督所請馳赴揚州趕辦鹽
務奏銷即回省清釐積案後以閱兵為名親
赴江西商辦防堵自係為軍務緊要起見惟
現在江南省河工漕務鹽務皆屬刻不可緩

且皆該督經手專責之事。豈可暫離更易主手所請親往江西察看坊堵。著毋庸議。有應行咨會羅繞典之處。隨時酌辦。亦尚不至鞭長莫及。其安徽備調官兵一千名。本日已寄諭蔣文慶。仍即調赴湖北。儘江西兵力不敷。著該督酌量另籌調遣。至豐工缺口。陸建瀛楊以增原係失事之人。自請戴罪於秋間堵築。朕以使功不如使過。且該督辦事素能任勞任怨。仍令與楊以增一手辦理。以期於事

有濟。節降諭旨甚明。何以此時忽請另派大員臨工督辦。若因原派委員有被人指摘者。姑為此請。無論委員人數眾多。斷不能保其盡能覈實無弊。且既無瑕可指。亦何恤乎人言。而該督現在辦工。即盡用原派委員。但期善補過。以贖前愆。亦不難再邀恩獎。所有籌備江海關稅銀。及海運節省項下銀兩。如有不敷。在藩關各庫。及應解南河工需款內。催提湊用。後俟捐項收齊歸款。均照所議辦理。

該督即會同楊以增悉心籌辦。無恤其他。至本年浙江漕糧開兌。過遲前此。海運變價等議。眾論紛紜。幾於茫無頭緒。今江安等幫業已催出東境。可知各省藉詞觀望。逗遛深為可恨。現在節逾白露。浙船渡江。僅百餘隻。所論恐誤。回空種種窒礙。亦屬實在情形。事已延緩至此。即交部議。尚恐輾轉貽誤。所有浙江重運幫船。無論行抵何處。即著陸建瀛體察情形。或尚可催趲北上。或應如何變通

辦理。該督即行酌定辦法。一面奏聞。一面知照漕河地方各督撫。趕緊照辦。總期有益於公。一切不為遙制。毋得再有異議。更致貽誤。其江南賑務。該督撫等仍督飭藩司祁宿藻認真經理。以專責成。總之該督平素辦事才具。朕所深悉。兩江地大事殷。且河漕諸多棘手。朕亦深諒其難。惟當勉報稱。一以國事為重。想該督必能力任艱劇。不負朕倚任成全之苦心也。將此諭令知之。又諭陸建瀛

奏近年黃河淤墊日高洪澤湖水不能入黃
高堰各壩連年啟放致將壩底刷通擬酌量
改築滾壩兩三座俾上下游得以節宣且可
省按年啟堵之費等語著怡良於查辦各務
完竣後就近詣該處確切查勘據實覆奏
以憑覈辦原片著鈔給閱看將此諭令知之
又諭本日據常大涓奏接據湖南稟報賊
匪勾結土匪竄入安仁攸縣恐由瀏陽小路
竄至平江瀏陽醴陵情形已極危急並據葉

名琛奏自六月初八日賊匪占踞江華以後
至七月初三日攻陷郴州中間尚有六月二
十八日攻陷藍山之事賊匪竄出道州以後
疊陷數城葉名琛所奏月日歷歷如繪該大
臣等於賊陷郴州以後如何勘辦情形賊蹤
有無分擾他處迄今旬日未據奏聞朕心實
深焦灼如常大涓所奏各情賊匪掉臂游行
何所底止勢將越過衡州直犯長沙岳陽該
處近接湖北有無準備想湖南前調湖北各兵

此時勢難挽回已飭續調安徽河南精兵前
往湖北備用現在衡州長沙岳州各屬既已
均有賊匪竄擾官軍祇知尾追從未迎頭截
擊且偵探賊情並無的信如廣東現獲奸細
四十餘名皆道州江華零陵永明等處人為
賊探路起獲貨單等物自係假扮客商希圖
潛迹若湖南亦能確探賊蹤先時防備何至
被其勾結連城失守我軍布置機宜既不能
慎密而賊匪轉得窺伺官軍消息恣意橫行

所謂知己知彼者安在耶現在徐廣縉是否
已抵湖南賽尚阿移營衡州以後與程番畧
如何布置兩楚交界如何設防並賊匪竄擾
各處情形著即迅速據實奏聞毋再延宕常
大涓摺著鈔給閱看將此由六百里諭令知
之又諭前有旨令徐廣縉馳往湖南接受
欽差大臣關防督辦軍務屢經寄諭諒已接
奉啟程矣本日據常大涓馳奏賊情緊急已
有粵匪勾結土匪竄入安仁攸縣探知醴陵

瀏陽情勢俱極危急等語是逆匪竄出道州以倭勢更猖獗江華永明桂陽嘉禾郴州之陷迭經賽尚阿等奏到於聲敘月日亦未明晰茲據葉名琛奏自六月初八日賊匪先踞江華至七月初二日攻破郴州中間尚有二十八日攻破藍山之事似此情形不但衡州可以超越長沙岳州亦萬分喫重儻再延時日事有不可問者該大臣既經奉旨接受關防則湖南勦捕事宜已有專屬朕所以尚未

明降諭旨者恐該大臣未到楚境而營中先有所聞號令愈不能行耳該大臣抵楚後即將前奉諭旨宣示賽尚阿接受欽差大臣關防統領全軍計賊匪現雖肆擾尚在奔突未定之際且官軍勇練數萬人若得人調遣何至任賊橫行總由賽尚阿督師日久無功兵與賊均不免心生藐視賊藐我而益驕兵藐賊而益懈該大臣當嚴定賞罰申明紀律為一鼓成擒之計士氣既振賊膽自寒定可轉

敗為功紓朕南顧之憂也所有湖南前調湖北省官兵諒此時分布各處難以調回已諭知常大瀆並飛調河南安徽兵三千名前往湖北聽候調遣該大臣到後察看情形如岳州勢當孔急則兩省交界處所尤當力籌堵禦萬不可再令蔓延湖北兵力較單豫皖征調恐到亦需時如何計出萬全俾居民不致驚擾之處著與常大瀆妥商辦理柏貴現已啟程已諭令折回廣東署理巡撫以便葉名

琛馳赴連州一帶防堵並諭令葉名琛如楚省勦辦得手有須夾擊之處即可越境圍攻兩粵文武皆該大臣統轄一切調度與葉名琛隨時酌辦定能迅掃妖氛剋期奏捷其廣西防勦各事宜著責成勞崇光經理該大臣仍與葉名琛隨時互相知照亦可聲息相通無虞睽隔常大瀆摺著鈔給閱看將此由六百里諭知徐廣縉並諭勞崇光知之○又諭常大瀆奏賊情緊急請撥回前調官兵並請

飭催各省官兵一摺。粵匪自竄踞道州後。連陷數城。茲復勾結土匪。竄入安仁攸縣岳州。戒嚴該郡及所屬之已陵臨湘平江各縣。均與湖北連界。自應不分畛域。協力堵禦。該撫請將調赴湖南官兵。就近撥回。自係為賊情緊急起見。惟湖南勒匪正須厚集兵力。前調湖北各兵。能否撥回。勢難遙制。著該撫隨時咨會欽差大臣等。應如何移緩就急之處。酌量辦理。至所調安徽兵一千名。河南兵二千

名。前已有旨。令各該撫選備候調。本日復有旨。飭令迅速前往。以備調遣。諒可不日抵楚。該撫即會同將軍台湧提督博勒恭武妥為布置。於毗連各要隘。嚴密設防。斷不可稍有疏虞。致賊乘間而入。尤須撫綏彈壓。密拏奸細。示以鎮靜。毋致人心惶惑。將此由六百里諭令知之。又諭。前因湖南逆匪竄踞郴州。當有旨令徐廣縉赴楚。祇領欽差大臣關防。督辦軍務。並令葉名琛署理兩廣總督。柏貴

暫署巡撫。茲據葉名琛奏。辦理羅鏡善後事竣。聞逆匪逼近廣東交界。回省籌防。逆匪由道州紛竄。未及一旬。連陷數城。所有廣東毗連各屬。先經葉名琛移咨提督崑壽統率兵勇移營連州。扼要防堵。旋因韶連各屬均與江華藍山臨武宜章桂陽各州縣互相毗連。復委副將通安帶領兵勇馳往防剿。是該省籌防尚為周妥。所奏探聽湖南賊情。亦甚明晰。自郴州失守之後。現尚未據賽尚阿等奏

報。本日復據常大澗奏。賊復竄入安仁攸縣。東奔西突。觸處堪虞。楚粵毗連各要隘。應嚴密巡防。以杜其奔竄之路。柏貴啟程北上。已有旨。仍令折回署理巡撫。著葉名琛即酌帶將弁兵勇。前赴連州一帶。楚粵扼要地方。駐劄調度。且可與廣西近楚邊界聲息相通。隨時咨會勞崇光籌辦一切。徐廣縉抵楚後。如勒匪得手。仍須兩省夾擊。該署督即帶領弁兵出其不意。越境協剿。使該匪腹背受敵。

則蠲減更可迅速。葉名琛與徐廣縉共事一方，向能同心協力，想必不分畛域。計出萬全，以副朕望也。將此由六百里諭令知之。又諭前有旨，令葉名琛署理兩廣總督，並令柏貴署理廣東巡撫。茲據葉名琛奏稱，柏貴現已由粵啟程來京。柏貴著仍遵前旨署理廣東巡撫，無論行抵何處，接奉此旨，迅即折回。將此由六百里諭令知之。○以工部尚書麟魁為順天鄉試正考官，都察院左都御史朱

鳳標、工部左侍郎呂賢基為副考官。○命太常寺少卿張鏞為奉天府府丞兼學政。大理寺卿龔文齡提督順天學政，戶部右侍郎何桂清提督江蘇學政，工部右侍郎錫齡提督安徽學政，內閣學士沈兆霖提督江西學政，禮部右侍郎萬青藜提督浙江學政，翰林院修撰張之萬提督河南學政，編修徐樹銘提督山東學政，檢討孫晉墀提督山西學政，右春坊右庶子沈桂芬提督陝甘學政，翰林院

編修何紹基提督四川學政，侍講吳保泰提督廣東學政，侍讀胡燏棻提督廣西學政，編修黃統提督貴州學政，調浙江學政吳鍾駿提督福建學政，湖北學政馮培元、湖南學政劉崑雲、南學政楊式穀俱留任。以戶部尚書禧恩兼署工部尚書，工部尚書翁心存兼署都察院左都御史，通政使羅惇衍署吏部左侍郎，兵部左侍郎趙光兼署戶部右侍郎，兼管錢法堂事務，內閣學士陶樸署禮部右侍郎，朱蘭署工部左侍郎。○以前任湖北巡撫

羅繞典署江西巡撫，調安徽兵一千名、河南兵二千名赴湖北剿賊。乙酉。

上詔

大高殿行禮。○還宮。諭內閣步軍統領衙門奏請將疏防劫案之守備等懲處一摺，據稱海淀老虎洞地方通盛錢鋪本月初三日被賊黃夜持械撞門入室，劫去銀四百兩，又天福錢鋪同時被賊劫銀一百五十餘兩，並將事

主郭獻璋毆傷等情。園汛重地理宜嚴肅。該員弁等專司緝捕。如果認真巡查。何至有一夜連劫二家之案。實非尋常疏防可比。中營暢春園汛守備福來。千總慶泰。把總德祿。均著摘去頂帶。先行交部嚴加議處。副將高馨。參將苗遇春。署遊擊賈士珍。均有管轄之責。著一併交部分別議處。仍勒限飭令嚴緝賊。賊僅限滿無獲。即著嚴叅。並著順天府五城一體嚴拏。務獲奏交刑部從嚴懲辦。又諭

舒興阿奏涼州鎮屬之鎮羌卡外番賊復行竄入。滋擾現派官兵勦捕一摺。甘肅近年以來沿邊番賊。每伺官兵進退。以為出沒前值。提鎮會哨之期。膽敢竄入永昌一帶滋擾。甫經擊退。復於七月間。由鎮羌卡外竄入松山寬溝等處。肆行劫掠。甚至阻截道路。拒傷官兵。如果該營官平日偵探的確。嚴拏內地奸匪。杜絕勾引。何至任其紛竄搶掠。毫無顧忌。現經該督派委署涼州鎮總兵崇保。署督標

中軍副將雙來。莊浪協副將松齡。署右營參將樂善等。分帶官兵。遏守要隘。在煙墩溝炭窑溝等處。兩次擊賊。殲斃甚多。並殲紅衣番僧數名。該番等竄入黑茨溝藏匿。並有甘州兵在察漢俄博金羊嶺一帶。西甯兵在永安大通等處。遏其歸路。趁此番匪腹背受敵之時。亟應痛加勦洗。以儆兇頑。而靖邊卡。著即責成該鎮將等。趕緊追捕。奮力夾攻。如卡外沿邊尚有潛伏零股。即著隨地殲除。並飭提

督索文。西甯鎮總兵雙銳等。一體偵探嚴防。總期有犯必獲。毋得稍有疏縱。另片奏署沙州營參將忠泰。藉口兵單待援。並不及時親往堵擊。致賊飽颺。實屬怙怯無能。安西協副將連英。經該鎮派令帶兵往援六日之久。尚未啟程。顯係有意遷延。均著舒興阿確查嚴行叅辦。傷亡弁兵。查明照例請卹。河東河道總督慧成。奏報到任日期。得旨。事事實心經理。不准因循。河員習氣固深。有犯必懲。勿

稍寬假若無事時斷不可自負清高常加詒
誥既不能得其力又不服其心徒於事無益
亦於汝無益也誌之

上以祭

社稷壇自是日始齋戒三日丙戌諭內閣昨
據步軍統領衙門奏參園汛守備福來等疏
防一夜連劫重案降旨摘去頂帶交部嚴議
並將管轄之副將高鑒等交部分別議處茲
據巡視北城御史張銘謙奏參該城副指揮

有專轄之責亦難辭咎北城副指揮任正訓
著摘去頂帶先行交部議處仍勒限嚴緝賊
賊務獲究辦逾限無獲即行嚴叅諭軍機
大臣等羅繞典等奏粵匪竄逼省城現籌防
勦一摺道州逆匪紛竄自攻陷郴州後安仁
攸縣相繼失守茲復由醴陵猝至長沙省城
逼近南門外妙高峰分擾近城各處似此猖
獗殊堪髮指大軍現劄衡州乃任聽賊從聞
道直逼長沙並不派兵邀擊亦未據報近日

攻勦情形豈坐擁重兵待賊自斃耶現在羅
繞典等督飭四川江西各營兵勇登岸開放
槍礮轟擊賊營雖賊勢稍退並斃賊多名而
大西門小西門及東南鼇山廟等處尚有賊
匪分擾省垣重地豈可稍有疏虞如衡郡刻
下尚未被圍賽尚阿即帶領大兵迅赴長沙
一帶督飭鎮將員弁於城外水陸各要隘分
路攻擊城內城外合力兜剿使賊匪腹背受
敵有進退維谷之勢何難聚而殲殲更宜嚴
拏奸細多設偵探不惟知彼知己且內外聲
息相通互資策應則勦滅更易得手惟賊清
說譎難保不聲東擊西明攻省垣暗遣夥黨
分股竄擾或徑窺岳郡或轉掠衡州亦不可
不偵探的確豫為布置並著程喬采督飭文
武員弁分路堵禦以絕其紛竄之路毋但坐
擁郡城一籌莫展郴州失守後憂陷各城文
武下落均未據賽尚阿等奏報是否道路梗
塞文報不通朕心甚為焦灼著即查明據實

具奏毋稍延宕將此由六百里加緊諭令知之○又諭前已屢次降旨令徐廣縉馳往湖南接受欽差大臣關防督辦軍務該大臣定已帶兵兼程前往本日復據羅繞典鮑起豹駱秉章馳奏賊匪於七月二十八日由醴陵猝至省城偏近南門占踞妙高峰經羅繞典等督率官兵登陴轟擊賊勢稍卻復由大小西門至東南鼇山廟一帶潛行分擾雖省垣防守尚為嚴密而兵力未免單弱現已有旨令賽尚阿統領大兵赴援而衡州是否被賊圍撲亦尚未據奏報朕南望焦灼寢饋難安該大臣何日由粵帶兵啟程抵楚後應於何處要隘劄營何處分兵截擊總期迅速援剿萬毋稍誤事機且賊自郴州北趨越衡郡而徑撲長沙不顧我軍之襲其後若帶兵大員調度得宜賊之冒險深入亦有孤注之勢大兵前後夾擊何難一鼓殲擒但恐師老力疲將士驕玩畏葸致令賊氛日熾坐失事機軍

情變幻旦夕不同亦難遙度想該大臣與朕同此焦思定能權衡緩急計出萬全也其兩粵防堵事務該大臣隨時與葉名琛勞崇光互相知照並將楚中剿賊情形與確探賊蹤所向隨時知會廣東廣西或嚴守邊界或起界痛剿妥籌辦理為要○羅繞典等摺鈔給閱看將此由六百里加緊諭令知之○又諭羅繞典鮑起豹駱秉章奏粵匪竄偏省城現籌防剿一摺長沙為楚南根本重地逆賊既由間道疾趨而來並有大股匪徒在後何以衡州大營官軍先期並無偵探沿途又未邀擊宣衡州刻下亦被賊圍撲耶且恐賊計詭譎陽撲省城而陰遣夥黨竄擾岳州湖北防兵亦僅能自顧無暇越境攻擊朕心實深焦灼提督鮑起豹幸已先至省城該撫等檄調陝西官兵屯紮城邊並招募瀏陽壯勇迎頭截擊布置均尚妥協惟賊踞高憑險復分撲近城各處我兵必須於城外要隘犄角環攻令

賊進有堅城之阻退無奔竄之路內外夾擊方可大挫賊鋒現已飛飭賽尚阿等速派鎮將督帶大兵前來援應該撫等准當激勵將士安撫居民毋令張皇遷徙督率地方紳士勸募勇壯分守各門偵拏奸細盤詰賊情虛實一面密遣得力文武官弁設奇出勦勿徒株守城中專待外援致令賊勢更熾且賊越衡州而徑撲長沙不顧大營之襲其後亦有冒險孤注之勢如果長衡兩處合力兜勦使

賊腹背受敵安知不轉敗為功羅繞典昨已有旨令署江西巡撫此時防守緊要自未便分身前往俟張亮基抵任省圍解後再行奏明請旨湖南防勦情形並著隨時知照常大涓一體嚴防毋稍疏懈將此由六百里加緊諭令知之○又諭昨有旨令羅繞典署理江西巡撫就近由湖南馳驛前往本日據羅繞典等馳奏賊匪竄撲長沙省城現在督率兵勇籌辦防勦等語湖南省城防守現當喫緊

之時該署撫勢難剋期前赴江西所有江西巡撫仍著陸元烺署理該省吉安瑞州袁州各屬多與湖南毗連且賊匪本有由醴陵竄越江西之謠邊界地方防堵甚要亟應嚴密布置俾免疏虞至團練保衛及地勢夷險情形本省紳士尤為熟悉前任刑部尚書陳孚恩現告養親回籍近在省城即著幫同陸元烺辦理一切團練防堵事宜隨時商酌務使官民聯為一氣布置周詳是為至要將此由

五百里諭知陸建瀛陸元烺並諭令陳孚恩知之○釋吉林效力已革陝甘總督琦善回旗丁亥

太宗文皇帝忌辰遣官祭

昭陵祭

先師孔子遣恭親王奕訢行禮○諭內閣張祥河奏興安府被水情形現飭查辦一摺據稱陝西興安府因本年七月間連日大雨漢江泛溢更兼山水陡長致將舊城衝缺多處

房屋坍塌淹斃人口情形較重殊堪憫惻著該撫迅飭該管道府及委員等將被水貧民戶口房間認真查勘妥為撫恤其沿江鄉村被淹之處應如何安撫並著查明具奏又諭怡良奏請將任性妄為之署知州先行革職一摺前據周天爵奏江蘇署邳州知州候補知縣馬軼羣勒捐酷刑一案特派大員前往查辦該員自應聽候質訊乃於查辦之時輒呈控原叅大員並牽涉案外之人實屬任性妄為馬軼羣著先行革職交怡良提同人證卷宗東公審訊按律究辦中書寶元清著歸案查訊其牽控之周天爵臧紆青臧鴻遠均著無庸傳質吏部遵議遲誤漕糧處分請將漕運總督楊殿邦前任浙江巡撫常大瀉署浙江巡撫布政使椿壽均降一級調用浙江糧道胡元博降二級調用得旨楊殿邦著改為降三級留任並摘去頂帶常大瀉椿壽均著改為降二級留任俱不准抵銷胡

元博著改為降一級調用仍責令趕緊押運北上一手經理毋再延誤命戶部左侍郎王慶雲為實錄館副總裁官以擎獲安徽要犯程六麻致等賞知州李鈞策等藍翎餘升補有差予陝西因公淹斃典史張紹鼎祭葬卹廕戊子祭大社大稷上親詣行禮詣奉先殿壽皇殿行禮（秋分夕月於西郊）上親詣行禮諭軍機大臣等現因粵匪竄擾湖南其鄰近之湖北江西兩省防堵緊要已有旨令安徽河南各調精兵迅赴各該省聽候調遣惟豫皖兩省調兵過多須於鄰省備調接應以壯聲威著舒興阿張祥河於陝甘

各標官兵內選備精兵三千名。豫派得力將弁妥備軍裝器械。如安徽河南等省咨調。即奏明派往。毋誤。將此由四百里各諭令知之。又諭陸元烺奏賊鋒漸近。撥兵防堵。請酌留銀兩。以濟急需。一摺。道州逆匪紛竄。現由醴陵竄逼長沙。江西萍鄉龍泉等縣。距楚甚近。經陸元烺派委文武員弁管帶精兵分布嚴防。當不至稍有疏虞。本日復諭令陸建瀛於安徽江蘇挑選精兵二千。備江西咨調。該督撫等自當派委得力員弁管帶星夜馳赴至團練鄉勇。雇募民壯所需經費。著准其在於藩庫正項下留備銀十萬兩。以濟急需。一俟捐餉充足。即行歸款。當此經費支絀之時。務宜加意撙節。認真查數。不可稍有浮糜。前任刑部尚書陳孚恩昨有旨諭令幫辦防堵團練各事宜。本省紳士於地方情形自當熟悉。一切保衛鄉里。勸捐籌款。該尚書受恩深重。必能激發天良。與該署撫相助為理也。將

此由五百里諭知陸元烺。並諭令陳孚恩知之。又諭常大涓奏前調河南安徽官兵。請仍飭如數調赴湖北一摺。前據該撫奏請派調安徽兵二千名。河南兵二十名。當諭令蔣文慶陸應敷遵派。備調。續據陸應敷以河南官兵未能多調。陸建瀛以安徽官兵請俟江西得有續報。再行調遣等語。先後奏到。復經降旨令蔣文慶等仍遵前旨抽撥足數。趕緊派往湖北。本日復諭令江蘇安徽派官兵二千名。以備江西防堵。並於陝甘兩省再備精兵三千名。豫備接替。以壯聲勢。其先經該撫奏調之安徽兵一千名。亦諭知陸建瀛等仍派赴楚。即著該撫與將軍提督扼要派撥。妥為布置。毋致稍有疏虞。將此由五百里諭令知之。又諭陸建瀛奏江西警報疊至。請將湖北省所調安徽官兵先行改赴江西一摺。據稱探聞湖南之永興安仁攸縣先後被賊蹂躪。七月二十日已至茶陵州與江西接壤。

勢甚危急自應添兵守禦惟昨據羅繞典等奏賊匪於二十八日由醴陵竄撲長沙本日常大瀘奏賊撲長沙省城恐分竄岳州常德直逼湖北是現在情形湖北尤為緊要所有前調安徽官兵一千名著仍遵前旨飛速調赴湖北至江西兵力不敷著該督即會同楊文定蔣文慶於江蘇安徽二省官兵內選調精兵二千名馳赴江西吉安袁州瑞州一帶聽候署巡撫陸元烺會同在籍尚書陳孚恩酌量調遣將此由五百里諭令知之補行引見戶部保送京察一等員外郎保衡得旨交軍機處記名以道府用

大清文宗協天翊運執中垂謨懋德振武聖孝淵恭端仁寬敏顯皇帝實錄卷之六十八

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之六十九

此條係臣等因是日在內廷侍奉皇上時見皇上親筆書寫於內廷之
大學士等因是日在內廷侍奉皇上時見皇上親筆書寫於內廷之
大學士等因是日在內廷侍奉皇上時見皇上親筆書寫於內廷之
大學士等因是日在內廷侍奉皇上時見皇上親筆書寫於內廷之
大學士等因是日在內廷侍奉皇上時見皇上親筆書寫於內廷之
大學士等因是日在內廷侍奉皇上時見皇上親筆書寫於內廷之
大學士等因是日在內廷侍奉皇上時見皇上親筆書寫於內廷之
大學士等因是日在內廷侍奉皇上時見皇上親筆書寫於內廷之
大學士等因是日在內廷侍奉皇上時見皇上親筆書寫於內廷之
大學士等因是日在內廷侍奉皇上時見皇上親筆書寫於內廷之

咸豐二年壬子八月己丑

太祖高皇帝忌辰遣官祭

福陵

上幸圓明園詣綺春園問

皇貴太妃安諭內閣前據羅繞典等奏逆匪

於七月二十八日由禮陵猝至省城逼近南

門占踞妙高峰麓山廟一帶分擾當經諭令

審尚阿統領大兵迅赴長沙應援並諭令徐

廣縉星速赴楚督勒本日復據羅繞典駱秉

章鮑起豹馳奏該匪於二十九等日對城開

放槍礮均經我兵擊退該匪仍踞麓山廟及
馬姓高屋於牆隙開礮傷我兵勇經該撫等
密挑壯兵督往放火該匪紛紛逃散現在大
股繼至分擾城外各處等語逆匪自竄踞榔
州以後膽敢繞越衡郡直撲省垣該大臣等
若能迎頭截擊何至令其肆行衝突即使賊
匪冒險深入亦應迅速發兵救援將現在攻
勦情形詳細奏聞何以半月以來並無奏章
報到殊出情理之外審尚阿程商采均著摘

去頂帶拔去花翎仍著審尚阿統帶官兵馳
援長沙徐廣縉此時當已督帶精兵行抵楚
境著即併力夾擊使賊匪進退無路庶期一
鼓成擒湖北提督博勒恭武現在岳州防堵
亦著帶兵前進趕緊應援羅繞典等務當激
勵兵勇紳民盡力守護毋稍疏虞朕現復簡
派各省勁兵即日赴援必當殄此醜類拯我
窮黎審尚阿統領全軍程商采節制兩湖均
屬責無旁貸儻再玩誤失機自問當得何罪

懷之。又諭訥爾經額奏參疏防城廂內外。一夜連劫之案。該管文武一併摘去頂帶。議處一摺。直隸安肅縣城內成興永暨關外天慶號各錢鋪。均於七月三十日夜猝被匪徒結夥連劫。傷及多人。賊逾滿貫。該地方官等平日既疏於查訪。臨時又未能拏獲一犯。實非尋常疏忽可比。近來各省劫案層見疊出。甚至連劫數處。拒傷事主。地方印官大率藉詞公出。以為規避。處分地步。該管上司亦並不認真督緝。僅以一叅了事。其拏獲案犯及賊盜並獲按律懲辦者。甚屬寥寥。似此因循疲玩。何以戢奸暴而靖閭閻。安肅縣知縣羅錦雲。典史錢震安。肅汎千總周銜著一併摘去頂帶。分別交部議處。仍勒限兩箇月。責令上緊協拏。務期賊盜並獲。從嚴懲治。儻限滿無獲。著即嚴行叅辦。○諭軍機大臣等。本日據羅繞典等馳奏逆匪攻撲長沙省城情形。危急一摺。已諭令賽尚阿統領大兵前來救

應。並諭令徐廣縉迅赴湖南督辦矣。因思湖南湖北唇齒相依。若長沙稍有疏虞。則湖北更難防堵。台湧現在荊州一帶。擇要嚴防。自可有備無患。博勒恭武近在岳州。著即督帶官兵星速馳往長沙。援剿解南省之圍。即可杜賊北竄之路。該將軍等當酌量緩急。毋得坐失事機。原摺著鈔給閱看。將此由六百里加緊各諭令知之。○又諭前經疊次降旨。令徐廣縉帶兵兼程前赴湖南督辦軍務。迅速援剿。諒該大臣現已啟行。本日又據羅繞典等馳奏該逆匪於七月二十九等日圍逼長沙。我兵屢次堵擊。並城外陝西營盤失利。情形甚為緊急。覽奏實深焦灼。且恐賽尚阿等現在衡州。形勢隔絕。呼應不靈。即派兵赴援。亦恐不善調度。致失事機。該大臣接奉此旨。務即不分晝夜。星速帶兵前來。並隨時偵探賊情。相機籌辦。仍將何時行抵何處。迅速馳奏。用慰朕念。羅繞典等摺鈔給閱看。將此由

六百里加緊諭令知之○又諭羅統典等馳奏逆匪攻偏省城於妙高峰上挑土肩石欲建礮臺經鮑起豹督飭將備用大礮擊斃數十人聞然四散又踞鼇山廟及馬姓高屋於牆隙開放槍礮我兵一面陽與接仗一面密遣兵壯分投放火將鼇山廟及馬姓高屋燒毀俾該匪不能藏身布置尚合機宜惟金盆嶺之沅州協副將朱瀚及石馬鋪之陝西各營盤均先後失利兵勇四散現在該匪廣集

南門外之金雞橋並瀏陽門外之較場時復遊奕小烏門等處人數甚眾晝夜環攻該撫等惟當設法守禦力保危城以待救援再該匪現聚南門等處其北路一帶諒不至於阻隔所有城內應需等物務須設法轉運源源接濟毋致有匱乏之虞方可持久仍須時出奇兵以撓賊勢賽尚阿統領大兵此時諒已行抵長沙湖北提督博勒恭武副營岳州去長沙甚近計不日亦可帶兵趕到徐廣綬自

廣西督帶精兵計已行抵楚境該撫等惟當激勵守城兵民紳勇竭力固守無稍疏懈並安撫居民密察奸細示以鎮靜勿令驚惶各路援兵一到即飭城內兵勇與城外各兵併力夾擊俾賊進退無路庶不難轉敗為功也陝西陝安鎮總兵福誠潼關協副將尹培立並沅州協副將朱瀚現在城外何處潰兵如何收集有無退避情事查明具奏將此由六百里加緊諭令知之○又諭據羅統典等奏

湖南省城情形危急一摺該大臣等統領重兵防剿賊匪保衛地方是其專責乃任聽賊眾猖獗進偏省城漫無應援且省城被圍情形已兩據馳奏何以該大臣等並未具報即使驛路梗塞亦當設法繞越一面迅速奏聞一面派兵赴援現據羅統典等奏稱已疊次飛咨該大臣等派兵救應是文報猶未阻絕豈奏報轉難馳遞耶著將現在賊勢及勦辦情形迅即據實具奏並著賽尚阿統帶各路

將弁兵勇趕赴長沙合力援剿目下省垣十分危急。僅有疏虞。更難措手。徐廣縉此時想已帶兵抵楚湖北防堵之兵已諭令相機赴援。該大臣務當振刷精神策勵將士毋再玩延致干重罪。將此由六百里加緊諭令知之。

○湖南巡撫駱秉章奏粵匪竄擾楚疆各屬防剿喫緊請將上年錢糧奏銷再行展緩得旨著俟軍務完竣即行造冊報銷毋任延宕而歸覈實。○賞土默特貝子德勒克色楞額紫

纓。○庚寅

孝德皇后殯宮月祭遣官行禮。諭內閣現在軍務未竣所有續撥軍餉自應寬為籌備著宗人府御前大臣大學士軍機大臣會同戶部詳議具奏。○又諭昨因逆匪猝至長沙城外分擾賽尚阿程裔采未能迅速派兵應援截擊降旨將該大臣等摘去頂帶拔去花翎本日據賽尚阿等馳奏賊匪仍踞郴州分踞永興派兵分投堵剿並派催將弁兵勇星馳

赴省應援各等情。該匪自踞郴州後經該大臣嚴飭諸軍分投合擊雖屢獲勝仗斃賊多名而夥匪仍分竄永興安仁攸縣醴陵等處復敢由間道直撲長沙省垣該大臣現已飛催鄧紹良所帶楚兵一千名及委員賈亨晉副將瞿騰龍所帶苗兵各一千名總兵王家琳所帶河南兵一千名星馳赴援並飛飭攻剿郴州永興之總兵和春常祿等分兵星速赴省策應此時想已到齊即著該大臣督飭

帶兵大員與長沙城內外兵勇合力夾擊賊夥雖多。大抵煽惑土匪裹脅窮民諒此烏合之眾一經痛剿即當潰散不但省圍可解並可盡掃賊氛儻帶兵各員遠延觀望畏葸不前即著立正典刑毋稍姑息。○諭軍機大臣等本日據賽尚阿程裔采馳奏逆匪仍踞郴州分竄永興安仁攸縣醴陵現在逐日進攻分投堵剿各摺片賽尚阿等近日辦理事務諸多遲緩該大臣等歷次奏報或稱調兵未

齊或稱臨敵遇雨皆係據各路稟報藉詞搪塞現在賊踞郴州分擾各縣直逼省城勢甚剽忽而我兵遠延散漫即尾追亦不能盡力所陳合力進剿分路堵截之處亦恐全無把握昨已降旨摘去翎頂稍示薄懲該大臣等務當振刷精神激勵將弁奮勇圖功以贖前罪斷不可任聽各營飾詞稟報再誤事機據稱雲南兵勇臨陣怯懦已將統兵之總兵經文岱遊擊呂盛元白人鵬摘頂示懲仍著嚴

查該鎮將等如係有心退避即行嚴叅已革湖南提督余萬清前於五月二十三日降旨革職拏問交程爵采嚴審定擬復於六月十七日令賽尚阿會同審辦迄今日久並未奏到此等情節一經查訊何難定讞乃亦如此延緩軍律何由整頓耶著即將此案迅速定擬並將革職拏問之總兵劉長清一併訊擬具奏將此由六百里各諭令知之○又諭賽尚阿程爵采奏桂陽縣稟報廣東韶州府屬

仁化縣七月初間突有匪徒千餘聲言欲由樂昌九峰等處竄赴湖南桂陽州一帶已飛咨廣東嚴防等語前據葉名琛奏稱湖南道州逆匪竄出分擾逼近廣東交界當經諭令酌帶將弁兵勇赴連州一帶扼要防剿計柏貴奉到前旨亦即馳回廣東矣現復據賽尚阿等稱有粵匪欲竄桂陽之信恐與道州竄出逆匪勾結為患著葉名琛仍遵前旨迅速帶兵馳赴楚粵交界地方扼要堵剿務將粵

匪餘孽悉數殄滅以期全境肅清並嚴防楚匪紛竄且與廣西聲息相通隨時咨會勞崇光妥為布置徐廣縉不日到楚勒辦諒能得手如須夾攻該署督即督兵越境協擊軍營情形旦夕不同勢難遙度惟在相機籌辦合力同心不分畛域速蕩賊氛以慰廑念將此由六百里諭令知之○兩廣總督徐廣縉奏廣東廣西軍務未竣請將本年軍政展限舉行從之○以援剿湖南郴州等處賊匪出力

賞千總黃天偉等藍翎予殉難知州李啟詔
孫恩保教諭歐陽復祭葬世職並任所原籍
祠祀○予湖南陣亡把總田慶豐江學海外
委鍾照祖王文藻祭葬世職並撤銷誤報陣
亡把總韓天興卹典○辛卯

上詣

安佑宮行禮○諭內閣御史范承典奏請嚴查
京師保甲以弭盜賊一摺前因圍汛地方有
一夜連劫重案當經降旨將該管營汛等官

摘去頂帶嚴加議處京師圍汛重地理應肅
清該員弁等如果認真巡緝何至匪徒糾夥
連劫拒捕傷人且當朕還宮已傳三籌之後
街道官兵星羅密布竟至任賊遠颺殊出情
理之外著步軍統領衙門順天府五城一體
迅速嚴拏務獲盡法懲辦毋使一名漏網仍
將現在管理地面應如何稽查巡緝分別勸
懲之處會同妥議章程詳細具奏至畿南各
省近日連劫拒捕之案層見疊出地方官以

緝捕為具文該督撫亦僅以一叅了事所謂
聯莊會哨其效安在耶編查保甲實為弭盜
良法上年曾經通諭各省一律奉行著各該
督撫嚴飭所屬平時於賊匪往來及窩藏處
所務當實力訪拏一遇搶劫重案迅速掩捕
毋得藉詞報勘遷延時日致賊遠逸經此次
諄諭之後若再視為具文緝捕不力惟該地
方大吏是問懷之將此通諭知之○又諭各
省保送水師人員因應以槍礮為重箭射亦

當兼習昨日兵部帶領引見之廣東保送水
師守備曾長齡箭射無準著發回本省以外
海水師守備補用仍罰俸四箇月所有原保
之兩廣總督徐廣縉著交部照例議處○又
諭張亮基奏行抵湖南常德府籌辦堵剿一
摺逆匪竄撲長沙省垣經羅繞典鮑起豹略
東章等協力防守並經賽尚阿等督飭帶兵
鎮將迅速赴援昨復令湖北提督博勒恭武
由岳州帶兵接應現在張亮基業已行抵常

德府城復調辰沅道所屬土兵一千名鎮巢鎮兵八百名並前調之貴州兵一千名合力進剿著該撫即親督將弁與省城派出兵勇內外夾擊痛加勦洗此時徐廣縉計可抵楚續調各省勁兵均可陸續馳到足資攻剿該撫等惟當同心勦力迅殄妖氛以綏疆圉○又諭張亮基奏請調道府各員赴湖南差遣等語雲南糧儲道崔光笏貴州黎平府知府胡林翼湖北黃州府知府徐豐玉均著准其

調赴湖南以資差委俟軍務告竣再行飭令回任○諭軍機大臣等張亮基奏遂次聞警趕調兵練設法堵剿一摺逆匪竄偏省城情形危急據賽尚阿奏稱飛飭將弁兵勇前往應援昨又諭令湖北提督博勒恭武由岳州就近帶兵接應此時諒俱趕到該撫現抵常德去省較近自應趕調官兵及前調貴州之兵親督將弁馳赴長沙會同各路援兵與城中合力夾擊迅解省城之圍萬不可株守一

隅致誤事機逆匪自入楚境後煽結土匪竄擾各處冀以牽掣我師而其大股及著名首逆仍踞郴州永興一帶該撫俟省城解圍後督帶精兵或扼要堵剿截其來往竄擾之路或徑赴郴州相機圍攻為擄穴擒渠之計前已諭令徐廣縉統帶廣東得勝官兵馳赴湖南督辦軍務計不日即可抵楚該撫統轄全省責無旁貸務當和衷商榷統籌全局併力進剿以期迅掃賊氛勿負委任將此由六百

里諭令知之○以廣州滿洲副都統有鳳為杭州將軍鑒儀衛冠軍使麟瑞為廣州滿洲副都統○予故杭州將軍倭什訥祭葬○壬辰

上詣綺春園問

皇貴太妃安○遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍

澤。

昭靈廣濟普澤龍王之神○遣官祭圓明園惠濟祠。

河神廟○諭內閣戶部奏廣西兵勇到營並截支軍餉員弁兵勇數目日期請飭迅速咨報一摺著兩廣總督廣西巡撫卽飭承辦各員按照該部前後指詢情節迅即查明分別奏咨報部以備稽覈毋再延宕其湖南軍營及鄰省防堵一切支銷款目均著各督撫隨

時報部以期覈實而杜冒濫○又諭羅繞典鮑起豹駱秉章奏賊匪竄撲省城兵勇疊獲勝仗一摺逆匪自竄長沙以後連日撲城八月初四日鮑起豹先飭川兵川勇下城攻擊斃賊多名奪獲槍礮黃旗多件生擒長髮二賊並善化縣知縣王葆生所募四川壯勇協同營兵出城殺賊無數奪獲器械甚多該匪於金雞橋開挖水道亦被我兵用火桶轟散現據賽尚阿程喬采已將派防安仁之河北

鎮所帶河南官兵鳳凰廳同知賈亨晉所帶留衛土兵副將鄧紹良所帶楚兵副將瞿騰龍所帶土兵並張亮基添調鎮寧鎮辰沅道所屬營貴州調到之兵約計不下七八千名分投趕赴省城與長沙城內外現存兵勇合力夾攻足資勦洗該撫等惟當督飭所屬官紳兵民勦力同心相機痛勦不但城圍立解並可掃蕩賊氛勉之望之○又諭現在湖南軍務未竣地方閒被賊擾朕每披章奏念吾

民流離顛沛深堪憫惻所有湖南被賊各地方應徵本年地丁錢糧著該督撫迅即確切查明分別奏請恩施以慰廑念○又諭常大瀋奏湖北省被淹被旱各州縣現飭查勘等語據稱本年江漢泛漲更兼山水陡發以致公安沔陽石首天門等州縣田畝被淹民隄漫缺又江夏漢陽等縣雨澤稀少高田被旱現經該撫派員查勘著即分飭該管道府及委員等確切查明有應行緩徵之處據實具

奏○諭軍機大臣等羅繞典等馳奏賊匪圍攻省城兵勇疊獲勝仗一摺該匪等連日用槍礮轟擊西南城角一帶經在事武竭力防守屢遣兵勇出城殺斃賊匪多名該匪於金雞橋開挖水道意欲傾陷城池復經該撫等豫安火桶轟散布置均尚周密惟據稱招回陝西及沅州等營兵丁並原存官兵僅三千有奇賽尚阿等所派援兵僅到鄧紹良管帶之兵九百名其餘尚未到省我兵雖疊次獲勝而賊勢仍屬披猖省垣重地豈容稍有疏虞自應趕緊設法痛剿以解圍急著賽尚阿等飛催前派援省官兵星速前赴長沙合力夾擊毋得稍有遲誤張亮基現抵常德距省不遠著即迅帶調到各兵赴省救援相機痛剿省城內外聲勢日壯賊匪自易勒除其郴州永興一帶賊夥賽尚阿等仍當嚴扼要隘截其北竄之路務使城圍早解毋任滋蔓難圖陝安鎮總兵福誠潼關協副將尹培亨

係帶兵大員何以均無下落是否遇賊退避以致兵丁潰散其接仗之時首先退縮之弁兵均著確切查明奏懲辦徐廣縉計日亦可抵楚該大臣等軍威既振賞罰嚴明諒此醜類不難立就殲除也將此由六百里各諭令知之○以翰林院侍讀學士孫銘恩為詹事府詹事○癸巳諭內閣前據御史范承勳奏請嚴查京師保甲以弭盜賊當降旨令步軍統領衙門順天府五城會同議奏茲復據給事中張祥晉奏請嚴定章程整飭捕務等語著一併詳細妥議具奏○諭軍機大臣等本年江浙漕船遲誤前已諭令陸建瀛體察情形酌定辦法一面奏聞一面知照漕河地方各督撫趕緊照辦毋得再有異議茲據奏稱浙漕首幫既未渡黃後幫亦無過蘇確信現已節逾秋分水日消涸誠恐節節阻滯即極力催趲北上亦恐徒託空言應如何變通辦理之處著該督仍遵前旨迅速酌量妥辦

總期於公事有濟不可再涉游移至浙船水手素稱兇悍著即責成楊殿邦督飭該管道廳各員沿途彈壓以免滋事將此諭知陸建瀛並諭令楊殿邦知之○又諭張亮基奏省城被圍緊急請添兵籌餉並於要路設防一摺常郡衝要固不可無兵防堵據該撫已將黔省先到之銅仁松桃兵擇要分路防守惟長沙被圍情形萬分緊要調到新兵自應先其所急疊經降旨令徐廣縉星夜前往督辦

並令湖北提督博勒恭武就近接應昨又據賽尚阿程喬采奏飛飭將弁帶兵赴援計各路官兵不下七八千名此時即徐廣縉博勒恭武之兵未能趕到而賽尚阿等所派援兵想已到齊該撫自當星馳前赴長沙地方督飭衡州派來官兵併力夾擊迅解省城之圍以固根本若留守常德一帶專待遣兵何以救目前之急所請湖北貴州兵各一千名並借撥銀十萬兩已有旨分別飭令酌派備調

並諭湖北籌款接濟矣其守備范成章外委王文保均准其暫留湖南差遣惟素習弁兵調度固易得力第恐親信太過稍形畸重則他兵轉生觀望軍營帶兵此等情形亦應計及惟在知人善任駕馭得宜自無流弊將此由六百里諭令知之○又諭張亮基奏常德防堵緊要請於湖北貴州二省各調兵一千名借撥銀十萬兩飛解來楚以濟急需又奏請飭雲南督撫挑選大理提標精兵五百名

派委龍陵營參將韋中魁管帶來楚以備調遣等語著吳文鎔吳振械即照所請挑兵五百名飭韋中魁管帶赴楚至湖北貴州調兵數已不少所請各續調兵一千名著常大瀉蔣蔚遠酌量情形先其所急以備調遣其借撥銀十萬兩貴州恐難濟急並著常大瀉於湖北各款內籌解湖南應用咨部撥還無稍延緩將此由六百里各諭令知之○葉爾羌辦事大臣德齡奏報烏什喀什噶爾二處嚴

防夷匪得旨若再進卡勾結務期全數殲擒勿任遠颺○調湖北巡撫常大澐為山西巡撫以署江西巡撫羅繞典為湖北巡撫江西學政刑部左侍郎張蔭桓署江西巡撫○甲午遣官祭昭忠祠○以右春坊右中允何廷謙翰林院編修匡源署日講起居注官○乙未上詣清夏齋問

如皇貴太妃安○詣綺春園問

皇貴太妃安○諭內閣訥爾經額奏永定河秋

汛安瀾一摺直隸永定河本年伏秋汛內節次盛漲在工員弁防護數月之久慎勉從事現已節逾秋分查勘通工悉臻穩固所有廳汛各員著該督擇尤酌保毋許冒濫○又諭羅繞典鮑起豹駱秉章奏援兵到省獲勝現籌防勦一摺逆匪撲城屢被官兵擊退其鋒已挫現在各路援兵雲集和春等大兵計亦不日可到著羅繞典等迅即會合攻勦並著張亮基督帶所調官兵速抵省城內外夾攻

務將撲城各匪悉數殲除毋稍觀望延緩致誤事機○予湖南陣亡把總胡萬全祭葬世職○丙申

上御洞明堂句到新疆雲南貴州廣東廣西上年情實罪犯停決新疆斬犯一人絞犯一人雲南斬犯二人絞犯一人貴州斬犯二人廣東斬犯二人廣西斬犯一人餘九十人予句諭軍機大臣等前據徐廣縉奏參向榮藉病規避當有旨將向榮革職發往新疆效力贖罪茲據向榮奏遵旨交卸赴楚援勦並詳陳患病情形自因該大臣參奏恐干重罪是以趕緊赴楚但未將咨請該督代奏開缺一節聲敘仍不免藉詞巧飾朕以向榮久歷戎行屢次優容原為其才尚可用惟屢於軍務喫緊之時稱病遷延是以降旨加以嚴懲該革員此次奏報是尚有愧懼之意著徐廣縉再行察看如向榮實係知感和懼力疾自效即由該大臣奏明暫停發遣留於軍營差遣

委用向榮前在湖南尚有勞績現當需人之際若令置身局外於事亦屬無濟儻仍前觀望趨避並非感激思奮就令留楚亦難期得力即據實奏明仍遵前旨發遣想該大臣操縱駕馭自能仰契朕心也向榮原摺著交給閱看將此由四百里諭令知之○順天府以宗室鄉試中額請得旨取中五名以拏獲販運私硝要犯賞江蘇縣丞張衍疇藍翎並守備薛舉升敘有差丁酉

上幸靜明園諭內閣慶祺朱嶧奏南糧首幫抵通等語本年南糧因截卸變價之議藉詞耽延以致首進幫船至本月十七日甫經輓抵通壩距回空例限已甚迫促其在後各幫尚有脫空似此節節阻滯必致有誤回空著慶祺朱嶧督飭楊村通判於軍船到時務即加剝濟運隨到隨收並嚴飭漕運通判及沿河員弁上緊催趲以利轉運務期各幫漕船晝夜邁行銜尾北上毋任片刻停留至回空

船隻著沿途各督撫嚴飭地方文武一體催令迅速南旋毋得互相推諉再致貽誤○諭軍機大臣等徐廣縉奏暹羅國王遣使補進例貢並請敕封現已行抵粵東等語上年暹羅國屆當例貢之期奏請呈進曾降旨令俟請封時一併呈遞茲據該國遣使齎奉表文方物補行入貢具見恭順之忱該貢使現已抵粵著即派委妥員伴送於本年封印前抵京其該國大庫所請將貢船先行回國修整

著照所請行原貢船隨帶貨物並准照例免稅至該嗣王鄭明懇請詰命應行頒給敕書之處已飭該衙門查照舊章撰擬俟該使臣到京後照例發給齋回該署督等即先行諭知該國嗣王可也將此諭令知之○又諭前據羅繞典等奏逆匪竄撲省城當經降旨令賽尚阿等飛催官兵星速救援並令張亮基迅速赴省相機痛剿本日復據羅繞典鮑起豹駱秉章奏連日進攻賊營負固不出現在

碧湘街、鼓樓門、西湖橋、金溪橋一帶民房均為賊踞。黨與甚夥。老龍潭白沙井履升典各處均建高臺。若安設大礮。則城中殊為可慮。計惟先毀礮臺。繼焚民房。使賊失所憑依。攻勦更為得手。自應如此辦理。惟該逆詭詐多端。現雖踞巢不出。難保非陽圍省城。陰圖他竄。以為聲東擊西之計。抑或候大夥匪眾續到。再圖攻撲。亦未可定。著羅繞典等密派得力弁兵。詳細偵探。應如何斷其接應。防其逃竄。相機籌辦。毋稍大意。賽尚阿等所派援兵。

惟鄧紹良已抵長沙。屢獲勝仗。此外如副將瞿騰龍所帶土兵。河北鎮王家琳所帶河南官兵。鳳凰廳同知賈亨晉所帶留衛土兵。現在是否均經到齊。衡州距長沙三百餘里。何以派出帶兵各員如此遲延。著賽尚阿等確切查明。僅係畏賊退縮。藉詞逗遛。即著一面奏聞。一面以軍法從事。毋稍寬縱。張亮基職任封疆。責無旁貸。不特鎮守辰沅等處官兵。

可供調遣。即欽差軍營兵勇亦可咨調撥用。況衡州已派援兵。該撫自當前赴長沙就近督率。若株守常德。又將調到各兵截留。省城設有疏虞。該撫豈能辭咎。著懷遵前旨。即帶現調官兵星速赴援。內外夾擊。迅掃賊氛。而靖疆圉。毋負委任。至總兵福誠副將尹培立等前於長沙城外遇賊兵潰。該總兵等何以尚無下落。是否臨陣退避。該撫等仍確查據實奏辦。將此由六百里諭令知之。○戊戌

上奉

皇貴太妃幸恭親王奕訢第。侍膳。諭軍機大臣等。據吏部代奏主事賀壽慈呈稱湖北沔陽州民人劉萬青。留心經世之學。於練軍布陣守衛等事。俱能講求。且生長楚省。風土山川更為熟悉等語。著常大瀉。即飭該州查明劉萬青住址。速為延致。送省察看。如果名實相副。或留於湖北備詢防堵事宜。或咨送軍營。交徐廣綰量材錄用。該撫即斟酌奏明辦

理。原呈著鈔給閱看。將此由四百里諭令知之。尋奏。察看民人劉萬青。於星象占驗。及行兵攻守成法。均能詳悉。堪備軍營諮詢。已送交督臣徐廣纘量材錄用。報聞。○以正黃旗蒙古副都統載堪。為內閣學士兼禮部侍郎銜。○以勒驛廣東波山艇匪出力。賞參將崔大同。已圖魯名號。同知沈保頤。沈映鈴。遊擊潘慶都。司李仁安。守備楊雄超。黃榮亮。劉佑邦等。花翎。州判孫方增等。藍翎。餘加銜升敘有差。

十卷八十九

十一

大清文宗協天翊運執中垂謨懋德振武聖孝淵恭端仁寬敏顯皇帝實錄卷之六十九

實錄卷六十九

十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十

與徐經畧書 題曰謝道居汪太守太傅上書 題師傳文淵閣閣事 翰林院掌院學士積察奏奉上諭案件 盧蘭文館題藏官武於縣

大興寺主簿。擢中書舍人。加十三級。紀錄十四次。貞觀嘗奉詔。載宮經延福宮。太子太宗文淵閣。傾閣。帝或昇殿。燬殿。官禁。發。展。言。亡。體。仁。願。

大學士、管理戶部三庫事務、管理刑部事務、加二十三級、紀錄十六次、臣周祖培、總辦官太子少保、管理內閣書房事務、對引大臣、崇機、大臣

領事領海關稅戶部尚書管理三庫事務加四級隨帶加五級紀錄十二次臣賢榮應敕官應選官外傳敕散習清文精通上書房總辦

遼國史館總纂官正藍旗蒙古都統禮部尚書管理太常寺鴻臚寺事務加二級采功加四級隨帶加入級紀錄五次臣倭什理布等奉

敕修

咸豐二年壬子八月己亥諭內閣此次病痊

補行大考之前任詹事府右贊善徐玉豐著
附入二等末仍以右贊善候補照例帶領引
見○又諭昨日兵部帶領引見之推升福建
陸路提標後營遊擊蒿禎箭不到靶著仍回
寶坻營都司本任原保之直隸總督訥爾經
額著交部照例議處○又諭步軍統領衙門
奏拏獲形跡可疑人犯並搭獲書本呈覽一
摺安徽民人傅巖妄撰平天下傳一本來京
意欲呈遞經步軍統領衙門拏獲進呈書中

雖無違悖字句。究屬荒謬。不安本分。傳巖著交刑部訊明。照例辦理。○又諭前據吳文鎔奏。叅前署雲南他郎營遊擊候補都司常興曠職嗜酒。及虧短營中公項各款。當經降旨革職。交該督查辦。茲據查明。該革員會辦土匪。擅離汛守。又將革廠游民。喚至署內。給予酒食。實屬躁率。其所修衙署各項工程。購製操弓等件。尚無侵肥入己情事。並將那用營存公項。如數賠繳。業已革職。著毋庸議。仍留騎都尉世職。飭令回旗。○庚子。

騎都尉世職飭令回旗○庚子○

御洞明堂。句到四川。上年情實。罪犯停決。斬犯二十人。絞犯二人。餘七十四人。予句。○諭軍機大臣等。舒倫保等奏。遵旨遴保協領佐領等員。並開單呈覽。據稱協領訥欽布。佐領穆精額。均經出兵。曉暢軍務。堪以備用。並稱該將軍於到任後。即揀選官二十餘員。精壯兵一千名。教演馬隊。槍箭擡槍。擡礮。常川操演。如遇調遣。可資得力等語。著將所練官兵。

仍勤加演習並將需用器械等件製備齊全
聽候諭旨一奉調撥即派訥欽布穆精額二
員統帶前往將此諭令知之○辛丑

世宗憲皇帝忌辰遣官祭

泰陵○諭內閣賽尚阿程喬采奏逆匪分竄長
沙省城內守外援並督諸軍分剿各匪一摺
據稱逆匪分股竄偏長沙其郴州永興仍有
賊首分踞賽尚阿等以省垣緊急先後派委
和春及總兵王家琳副將鄧紹良瞿騰龍同

知賈亨晉侍衛開隆阿副將巴圖等各帶官
兵星馳赴援分路抵省與城內官兵合力攻
剿兩次擊敗大股賊匪省城居民商旅人等
均資鎮定其郴州賊匪先經和春督率各鎮
將連日攻擊殲擒無數現移交總兵李瑞督
率進剿永興賊匪經常祿帶兵轟擊焚奪賊
營兩處殲獲甚多現在仍飭進攻等語長沙
被圍節經降旨令賽尚阿等赴援昨又諭令
張亮基由常德馳赴省垣當此大兵雲集急

實錄卷五

四

宜內外夾擊著賽尚阿即馳赴省城督率各
路官兵與羅繞典鮑起豹駱秉章等協同剿
辦務期迅解省圍埽除羣醜向榮前因稱病
遽延降旨革職發遣茲據賽尚阿奏稱前經
檄調向榮由粵赴楚現已馳抵衡州飭令統
兵即赴長沙應援該革員此次遵調來楚尚
為迅速著暫緩發遣即令統帶四川河南等
處官兵奮勉剿賊戴罪圖功以觀後效其郴
州永興等處賊匪仍嚴飭帶兵鎮將分路攻
剿毋任竄逸○諭軍機大臣等賽尚阿程喬
采奏逆匪竄撲省城內守外援並督兵分剿
郴州永興賊匪一摺逆匪竄撲長沙前據羅
繞典等奏約有萬人大股在後自係約略偵
探之詞茲據賽尚阿等奏逆首洪秀泉楊秀
青等均仍在郴州城內並分踞永興縣城其
直撲省城之賊係逆匪羅亞旺帶領長髮賊
七百餘人及土匪三千餘人是大股逆匪尚
在郴州永興分股撲省安知非牽率官兵大

隊馳救省城陰圖竄擾他處為聲東擊西之計現在各路援兵陸續到省賊匪僅偏南門並未四面圍攻張亮基何以行抵常德輒將新調之兵分撥截留遷延不進疊經降旨嚴飭該撫帶兵赴援並令湖北提督博勒恭武由岳州赴長沙援剿向榮和春等現又先後抵省是省城兵力厚集數倍於賊著羅繞典張亮基駱秉章會同鮑起豹博勒恭武向榮和春等迅飭各路兵勇分投布置務將撲城股匪全數殲除毋得觀望延緩任令旁竄以解圍為塞責至郴州永興之賊前據賽尚阿等奏已飭和春大軍移至陳家樓安營可將郴州永興大路截斷以尾追之兵改為迎頭截擊等語逆匪現在分踞別竄自應從中路截斷使賊首尾不能救應但何以郴州永興兩處俱報小有勝仗仍稱賊營聲勢甚為聯絡又稱賊中人數比前較多是所報獲勝情形尚恐不實不盡賊勢仍向北竄未見能迎

頭截擊此中調度布置宜有把握切勿僅據稟報飾詞又墮賊匪奸計現在郴州永興及長沙城外之賊若能相機衝截使其不至會合勦辦更可得手逆匪入楚後附從土匪雖多皆係烏合之眾其原自粵來慣能抵拒之悍賊總計不過數千如將大股逆匪痛剿其餘脅從自然瓦解衡州現有程喬采督兵防守賽尚阿自應統兵赴省就近調度惟據稱賊匪大股尚踞郴州永興兩處目下情形亦難懸揣仍著通盤籌畫勿誤事機至請將貴州新兵一千名及四川軍餉十萬兩分別督催赴省解衛及湖北官兵毋庸撤回江西官兵酌量調回防堵之處均著賽尚阿酌量緩急分別辦理可也將此由六百里各諭令知之○署江西巡撫陸元烺奏楚氛不靖派兵前赴吉安袁州二府防堵得旨嚴密防堵勿許闖入○命四川提督蘇布通阿馳赴湖南軍營聽候調遣○壬寅

上御洞明堂。白到福建奉天。陝甘上年情實罪犯。停決福建斬犯一人。奉天斬犯二人。絞犯一人。陝甘斬犯六人。絞犯二人。餘一百四十一人。諭內閣。奕山。布彥泰。德齡。特克星額。桂齡。奏賊匪復入卡滋擾。經官兵擊敗。逃遁。各一摺。據稱夷匪鐵完庫里。霍卓。與倭里罕。霍卓在喀什噶爾卡外。阿克薩伊地方會合。並有賊目克奇。克霍卓。卡提條列。霍卓。依善罕等。由霍罕逃出。同聚一處。於七月十一日。

夜竄至小阿爾吐什莊滋擾。經特克星額等先期準備。並派阿奇木伯克邁瑪特。撫諭回莊。桂齡帶兵防剿。飭令委營長奇車布吉新。布遊擊勒豐額等。併力攻擊。賊不能支。出卡逃竄。拏獲賊匪多名。奪獲器械多件。現仍嚴防。等語。夷匪屢次入卡滋擾。特克星額。區畫得宜。並能撫綏回眾。不至煽惑。桂齡督率將弁奮勇擊賊。調度有方。均堪嘉尚。特克星額。桂齡著加恩。各賞給白玉翎管一枝。白玉搬。

指一箇仍俱交部從優議敘。其在事出力之將弁兵丁及伯克等著查明據實保奏。候朕施恩。毋許冒濫。所有拏獲賊犯著仍解交德齡嚴行審訊。定擬具奏。○浙江巡撫黃宗漢奏報到任日期。得旨。事事奮勉為之。但勿操之太急。亦斷不可從寬二者酌中行之。○癸卯。

上幸萬壽山。○詣對鵲舫問。

皇貴太妃安奉。

皇貴太妃幸玉瀾堂。涵虛堂侍膳畢。跪送皇貴太妃還綺春園。○諭內閣。主懿德奏福州等府屬於五六月間。疊被狂風大雨。溪湖漲發。以致漫溢。城鄉各處。其漳州府屬之平和縣被水最重。淹斃男婦一百餘名。民房亦多坍塌。雲霄長泰等各廳縣亦有淹斃人口。均經地方官捐廉撫恤。著該撫再行派委妥員分赴各該處認真查勘。被水輕重情形加意安撫。毋令一夫失所。其鹽場營船及龍溪南。

靖等處堤岸應如何修整之處一併確查分別辦理○甲辰

上詣綺春園問

皇貴太妃安○御洞明堂旬到湖廣江西上年情實罪犯停決湖廣斬犯十人絞犯二人江西斬犯五人餘六十五人予勾○遣官祭賢良祠○諭內閣前據張亮基奏調貴州黎平府知府胡林翼前赴湖南差委當經降旨允准茲據蔣霽遠奏黎平毗連楚粵防堵需人

等語胡林翼著毋庸調赴湖南○又諭常大瀛奏請免商販米稅等語所有四川江西二省商販米船運往湖北荊州武昌漢陽等府售糶經過各關均著暫免米稅俟軍務完竣再行照常徵收○諭軍機大臣等程喬采奏郴州大股賊匪於八月十一十二等日由小路分逃似欲竄往長沙助勢官兵緊接跟追等語逆匪由郴州永興北竄長沙中間尚有攸縣安仁醴陵等處賊匪脅從雖眾未必能

由郴州至長沙處處聯絡必須從中路衝截使其不能會合以遏其勢現雖有和春等大兵在前李瑞等跟蹤於後若未能扼要布置必至大股逆匪直竄醴陵不但為長沙撲城股匪助勢安知不由瀏陽平江北窺湖北且可分竄江西總由大營將驕卒玩已成錮習兵勇雖眾遣調不靈輒墮奸計試問賊匪全股越過衡郡而北勢若燎原誰執其咎耶至長沙援兵計已雲集本日據張亮基奏已帶

兵八百名赴省博勒恭武前飭赴援長沙據常大瀛奏留該提督仍駐岳州杜賊北竄以現在情形而論自以控扼岳州為要但亦須於平江一帶擇要劄營使賊不能由陸路竄赴通城崇陽水陸兼扼更為周密至長沙城外之賊屢被勦敗負固不出自因官兵勢威待後路賊匪救援或圖會合他竄羅繞典張亮基等亟應乘賊勢分力薄之時出奇制勝激勵各路兵勇將城外賊營痛加勦洗切勿

坐視株守失此機會至兵糧緊要已飭部會議籌撥據程喬奏軍餉支發章程亦交部速議粵西開銷過於浮冒豈可再蹈前轍著該督督率糧臺大員查照成例酌量撙節動用並按月分晰報部以杜冒濫湖北商販米船准其過關免稅兩湖係產米之區如何互相接濟著隨時咨商辦理至各路運解兵餉紛紛截留償糧臺支應偶有不敷或官給印票暫向商棧通融及殷富紳民暫那濟用俟續撥餉銀到日照數給還總期設法接濟毋誤軍需再本日據陸元烺奏江西盤獲逆夥張二據供逆匪欲分股竄往江西並竄回廣西自係煽布流言虛張聲勢但既有此犯供亦不可不嚴加防範並揆查奸細毋使涸跡勾串將此由六百里諭知賽尚阿程喬榮羅繞典張亮基鮑起豹駱秉章並諭令和春傳諭向榮知之○又諭據陸元烺奏江西需兵甚急就近調撥閩浙精兵堵剿一摺另片奏

拏獲廣西逆夥並堵拏瀏陽土匪等語江西南昌袁州吉安南贛各屬州縣界連楚粵現在湖南瀏陽廣東仁化翁源等縣據探各有土匪聚眾滋事江西邊境自宜扼要嚴防以備迎擊前有旨令於江蘇安徽兩省選調精兵二千名馳赴江西茲據陸元烺奏蘇省相距較遠兵到緩不濟急著准其於福建汀州浙江衢州兩鎮營內就近各調精兵一千名由各該督撫迅派得力將弁飭令管帶迅速馳赴江西交張芾會同在籍尚書陳孚恩布政使陸元烺酌量分撥防守務須督飭地方文武各員嚴密巡防毋令賊匪涸冒闖入境內湖南軍營前調福建精兵三千名經賽尚阿奏令由江西行走如已行抵江西著張芾等酌度緩急截留備用所請於藩庫正雜各款下再留銀十萬兩以濟急需著照所議辦理至拏獲逆夥張二所供欲投義勇張嘉祥等詞斷難憑信且奸匪窺探鄰境亦恐不止

該犯一人江西萍鄉與湖南醴陵一徑相通所獲瀏陽土匪柳明華等犯或即有廣西會匪在內主謀必當嚴密審究飛咨各處一體查拏仍須撫輯居民示以鎮靜勿致驚疑遷徙將此由五百里諭知張芾並諭令陳孚恩陸元烺知之○又諭程喬奏楚省軍務支發章程未便照粵西辦理現在力求覈減一摺據稱查覈廣西省支發章程凡屬鹽糧銀數無不例外加增並有增至數倍者兵丁鹽

菜口糧每名日給銀米之數已屬與例不符又每百名給長夫八十名武職副將每月支給銀兩較楚省已多寡不同復有長夫五十餘名其餘各官亦俱類此甚至雇募壯勇亦給長夫諸多浮冒等語用兵以籌餉為最要若於例外浮加伊於胡底雖粵西地瘠民貧食物昂貴亦何至相去倍蓰至長夫不過為挑運器物之用何以文員武職支給各數十名之多兵勇長夫亦漫無限制前任巡撫鄒

鳴鶴督率糧臺大員專司其事何以任意開銷毫無察覈勞崇光在外勦辦匪徒糧臺非其專責無所用其迴護著即確查據實具奏並將細冊迅速咨送戶部其浮冒侵吞各員著即嚴叅毋稍含混原摺著鈔給閱看再據陸元烺密奏盤獲奸細張二供稱賊營分出夥匪兩股一股將竄江西一股欲回粵西賊情詭譎不可不防著於毗連各要隘派委得力將弁偵緝巡防毋稍疏懈將此由六百里

諭令知之○又諭前因湖南軍務喫緊疊經降旨令徐廣縉馳往督勦該大臣接奉前旨諒已趕緊啟程現在各路援兵計當陸續到齊徐廣縉無論行抵何處接奉此旨即著星馳倍道迅赴衡州接受欽差大臣關防嚴飭各路官兵速籌防勦事宜毋稍遲延將此由六百里諭令知之○湖南巡撫張亮基奏鎮軍等官兵陸續可到請將原駐常郡之松桃官兵二百名鳳凰廳土兵三百名九溪營官

兵一百名留於常郡防堵以安人心得旨酌留常德兵數未免太多再酌量調省援剿○調福建浙江兵各一千名赴江西防剿○乙巳諭內閣柏後等奏

昌西陵工程一律完竣著泰甯鎮總兵德春敬謹查驗看守○又諭朕於九月十一日啟鑾後著派惠親王大學士卓秉恬尚書柏後禧恩麟魁侍郎奕經留京辦事步軍統領著奕經暫行署理○又諭勞崇光奏馬平縣滋事

戕官土匪全股殲除一摺廣西馬平縣地方本年六月間有土匪突起滋擾戕害知縣守備當降旨令該督撫痛加勦洗茲據該撫奏稱派委副將吳應龍遊擊福謙守備馮格等帶兵分路馳往與原派之參將訥蘇肯等相機進剿並飭代理慶遠府李天鈺督率忻城土縣嚴密防截自六月二十四至七月十九日疊次追捕殲擒賊匪數百名奪獲馬匹槍礮刀矛旗幟無數賊匪節次潰敗竄至小洲

河地方經遷江縣知縣王鴻昌將首匪李志信即李士榮擒獲復經署柳州府知府張其翰等拏獲為賊主謀之來賓縣已革文生謝懷德並將戕官之兇匪馬紅萬劉四等犯截獲盡法懲辦洵足伸國法而快人心此股賊匪殲擒殆盡仍著該撫嚴飭地方文武悉心搜捕零匪務期盡絕根株毋任稍留餘孽所有在事出力之文武員弁著該撫覈實查明酌保候朕施恩傷亡兵壯練丁著查明咨部

照例議卹○又諭徐廣縉勞崇光奏參督勦艇匪不力之道員一摺艇匪竄擾廣西梧州一帶前經賽尚阿奏交左江道楊彤如專司勦辦該道不能督率梧潯兩屬文武與廣東破船上下夾剿致賊匪連踪上駛分擾潯州貴縣雖經徐廣縉督飭廣東文武員弁將該匪悉數殲除而該道督勦不力致延時日咎無可辭楊彤如著交部議處○又諭李德泰請將緝捕廢弛之文武員弁摘去頂帶並議

處勒緝一摺山東費縣衙署被賊越牆進內該署知縣王庚聞聲起捕被賊刃傷犯逃無獲又於境內連日搶劫重案未能先事豫防事後復未能將首要各犯全數弋獲捕務實屬廢弛署費縣知縣王庚費縣汛把總張志遠均著摘去頂帶交部先行議處勒限一箇月緝拏各案首要兇犯務獲究辦儻限滿無獲即行嚴叅○又諭李德奏虧空未結各案擬將延不詳揭之上司一併叅處等語州縣

徵存錢糧絲毫皆關國帑豈容任意延宕以致庫款虛懸山東省已叅未結各案自道光二十八年至今共有十一起之多該員等既已虧缺於前仍復玩延於後一遇事故即查抄抵補亦屬具文據該撫奏稱現飭藩司嚴定期期督同該管道府州勒令將應交之項如數解繳儻繳不足數該管上司仍不實力催追除將虧空之員立即嚴叅外並將該道府州咨部從重議處必應如此辦理各省奏

叅虧空之案甚多其能愧奮完解者實屬寥寥總由該管上司不肯認真督催所致著各督撫等嚴飭所屬將虧空各案趕緊催繳如仍延宕即將該管上司一併附叅懲處○又諭李德奏伊子擊賊被害與督臣奏報情形不符請查明更正一摺據稱伊長子湖南武岡州知州李啟詔在署桂陽直隸州知州任內與賊迎戰手刃賊匪多名身帶重傷力竭遇害並非投水身死等語李啟詔臨難捐軀

業經降旨從優議卹其遇害情形著該部即行更正以昭覈實○諭軍機大臣等李德奏飭拏搶劫匪犯等語山東兗州沂州曹州等府與直隸江蘇河南等省壤地毗連時有捻匪幅匪聚眾劫掠此拏彼竄現在蘭山縣匪徒張雪等拒殺武弁究出幅匪間三虎等籍隸江蘇銅山邳州並山東嶧縣費縣等屬已據李德嚴飭本省文武四路堵拏懸賞勒緝並究出各犯姓名籍貫飛咨鄰省撥捕著訥

爾經額陸建瀛楊文定陸應穀即派委幹員不分畛域一體嚴緝並將前此未獲之著名幅首李貫五蔡節運等二併按名按捕務期悉數弋獲盡法懲辦毋令一名漏網原片著鈔給閱看將此各諭令知之○廣西巡撫勞崇光奏遵查逆匪竄入興安縣城知縣商昌確係先期出城催調民團並無遇賊逃避情事得旨該員等既無畏避重情著勿庸置議似此等無能員弁斷斷不准奏留○以緝獲

夷匪多名賞四川土司小頭人包文明王守備銜○丙午

上詣

大高殿行禮○還宮○諭內閣現在

昌西陵工程完竣所有擇地定向之戶部郎中截取記名繁缺知府甘熙著加恩以道員用先換頂帶內務府員外郎明倫著加恩賞給武備院卿銜○又諭前據御史丁浩奏查文經係奏派辦工大員豐工未能合龍應加懲

處以昭平允等語當交怡良等查明具奏茲據怡良奏稱查文經以臬司大員經該督等奏調督工雖未經手錢糧並查無估計苛刻情事惟大工未能堵合總督河督及承辦各員均經議處該員豈能辭咎江蘇按察使現調甘肅按察使查文經著交部照例議處○又諭怡良奏覆查邳州捐賑情形審明定擬一摺前據周天爵奏江蘇署邳州知州候補知縣馬軼羣勒捐酷刑當降旨令怡良等

查辦嗣因該員呈控原參大員並牽涉案外之人經怡良奏將馬軼羣先行革職一併審訊茲據奏稱該革員承辦賑務訊無貪酷劣蹟惟於捐賑時未能善為勸導輒借按查漏稅派捐致滋物議辦理實屬乖謬業經革職著毋庸議失察之該管上司著吏部查取職名照例議處邳州吏目陳幹關說捐項情近囑託又失察門丁得受錢文著交部議處○陝甘總督舒興阿奏報勒捕番賊連獲勝

仗得旨續報情形再行據實具奏○朝鮮國使臣徐念瀉等三人於西安門內瞻觀○丁未諭軍機大臣等羅繞典等奏連日攻勦城外賊營情形一摺長沙城外賊匪總計不過三四千人我兵勇多至數倍自應乘後隊賊眾未到以前及早勦洗據稱該匪居高負固甌牆林立聞南門外妙高峯地勢尚不甚高民屋甌牆雖然堅固豈能屹若城墉難於攻破初十一十二等日接仗僅止互相轟擊

十三日分路進勦河北鎮王家琳督帶弁兵尚屬勇往而十五日和春等分兩路攻打賊巢自卯至午僅十餘礮打入牆內則兵勇之距牆甚遠發礮無準已可概見獨委員江忠源管帶楚勇搶至牆邊其餘將弁兵丁何不同時搶進且賊營占地無多我軍宜各路會合四面環攻同時並舉可期一鼓殲除何得分日輪流出隊任令負隅抗拒總由官兵積久疲玩不能併力向前和春自統帶諸軍以

來惟事尾追道州郴州等處任賊衝突蹂躪竟無與賊鏖戰之時賊竄後方始探聞每隔數日始拔營跟追此次帶兵援勦若再不奮勉出力致郴州永興大夥賊匪北竄復行串合自問當得何罪現在向榮已到長沙據稱該員素悉賊情著羅繞典張亮基等即會同籌議剋日分派諸軍會合進勦務將城外屯踞賊匪全數殲擒毋再遷延時日賽尚阿程喬采現在衡州距攸縣安仁等處近在咫尺

豈得坐視賊匪竄越務即遣派奇兵從中路攔截並飭常祿等迅速進兵夾攻使賊首尾不能兼顧仍飛咨台灣博勒恭武於荊州岳州水陸要隘及常德一帶嚴加堵截其江西與湖南交界地方一體飛咨嚴防毋任竄擾另片奏請於省城設立軍需總局著照所議辦理所有支放一切即照程喬采所奏章程覈實摺節不准復蹈粵西前轍致滋浮冒又據蔣文慶奏安徽軍餉運至湖南首站巴陵

縣交替等語著該督撫等即派員撥兵妥速迎提慎重接護毋稍疏失蔣文慶奏片鈔給閱看將此由六百里諭知賽尚阿程喬采羅繞典張亮基鮑超豹駱秉章並諭和春傳諭向榮知之○安徽巡撫蔣文慶奏安徽籌防需人請將升任雲南按察使張印塘暫留辦理防堵從之

卷之七十

七

大清文宗協天翊運執中垂謨懋德振武聖孝淵恭端仁寬敏顯皇帝實錄卷之七十

清 實 錄 咸豐二年九月上

大清文宗協天翊運執中垂謨懋德振武聖孝淵恭端仁寬敏顯皇帝實錄卷之七十一

大清文宗協天翊運執中垂謨懋德振武聖孝淵恭端仁寬敏顯皇帝實錄卷之七十一
奉 上 諭 著 該 督 撫 等 即 派 員 撥 兵 妥 速 迎 提 重 慎 接 護 毋 稍 疏 失 蔣 文 慶 奏 片 鈔 給 閱 看 將 此 由 六 百 里 諭 知 賽 尚 阿 程 喬 采 羅 繞 典 張 亮 基 鮑 超 豹 駱 秉 章 並 諭 和 春 傳 諭 向 榮 知 之 ○ 安 徽 巡 撫 蔣 文 慶 奏 安 徽 籌 防 需 人 請 將 升 任 雲 南 按 察 使 張 印 塘 暫 留 辦 理 防 堵 從 之

咸豐二年壬子九月戊申朔祭

教修

歷代帝王廟

上親詣行禮○詣

妙應寺拈香○幸圓明園○詣綺春園問

皇貴太妃安○諭軍機大臣等有入奏湖南軍

務臚列八條朕詳加披閱如所稱將弁遷延

稟報捏飾縱兵逃避捷勇潮勇肆行搶掠均

係實在情形和春帶兵自入楚境以來但事

尾追並未痛勦賊匪陝西及沅州協兵在長

沙南門禦賊逃散一空統兵將官福誠尹培

九二五

立等。至今尚無下落。似此毫無紀律。老師糜餉。何所底止。著賽尚阿。程喬采。按照摺內所陳情形。嚴查叅辦。並嚴飭帶兵鎮將。合力兜剿。迅將長沙城外賊匪。全數撲滅。其郴州永興一帶。竄出賊夥。趕緊分投截擊。使賊首尾不能相顧。毋得再任遷延貽誤。致干重罪。至所稱挑選精兵。堅守衛郡。分兵專剿零匪。收船以淨水面。均著賽尚阿等。悉心體察。妥速辦理。捷勇潮勇。尤須駕馭得宜。此輩本非善

類。既藉其剽悍殺賊。仍當禁其擾害。示以鈐制。著徐廣縉。與勞崇光密商。或將捷勇自為一軍。酌派力能管束之大員。督飭張國樞等分領。或留軍營。或撤回廣西。專勦本地土匪。其技勇出眾。人尚馴順者。拔置營伍。桀驁生事者。隨時酌量安插遣散。潮勇亦須妥為控制。勿令與賊黨暗相勾結。其所稱堅壁清野之法。前經唐鑑具奏。曾諭令廣西酌辦。此事自是良法。但須因地制宜。未便強民以所難

行。惟在守土官吏。相機勸導。築堡立寨。使民自為守衛。若必官為給帑。無論無此鉅款。且恐有名無實。轉滋擾累。著各就該省地方情形。妥為籌辦。務須實力奉行。足資捍禦。原摺著鈔給閱看。將此由六百里各諭令知之。○朝鮮國王李昇。遣使奉表謝恩。呈進方物。命留抵正貢。賞賚如例。○己酉。

上詣綺春園問

皇貴太妃安奉

皇貴太妃。幸含輝樓。至澄心堂侍膳。○諭內閣。御史王茂蔭奏。秋審冊內擬緩人犯。情罪未協等語。陝西秋審冊內。絞監候兇犯拜雙汶一案。刑部擬以緩決。據該御史指駁情節。頗為詳細。著九卿會同詳覈定擬具奏。○又諭。自廣西軍興以來。將及兩載。朕念生民塗炭。宵旰焦勞。無時或釋。前因大學士賽尚阿。人尚樸誠。能任艱苦。特命為欽差大臣。前往督剿。又慮其秉性慈柔。諄諄詰誥。特賜過必隆

乃冀其隨時振厲以肅軍威上年大軍圍賊於新墟紫荊山等處初猶屢次獲勝迨賊竄踞永安蕞爾一城圍攻半載有餘迄無成效轉致損將折兵任賊鴟張圍撲桂林省城旋又竄掠興安攻陷全州繼復任賊竄入楚境連陷數城現又分股圍撲長沙省城賽尚阿身為統帥調度乖方總由號令不嚴賞罰失當以致勞師糜餉日久無功實屬辜恩大員委任賽尚阿著革職拏問由徐廣縉派員解交刑部治罪程喬采總制兩湖特命前往湖南督辦防堵一年之久如果布置得宜堵禦嚴密何至任賊竄越竟由道州郴州永興一帶直撲省城該督初聞賊警遽返長沙已不免張皇失措繼復株守衡州一籌莫展前已摘去翎頂不足蔽辜程喬采著即行革職仍留軍營辦理糧臺事務駱秉章鮑起豹均有文武地方之責不能豫為防範咎亦難辭惟念現在長沙城內守禦正當喫緊之時著俟

勦辦省城賊匪完竣後再降諭旨前次賊竄永安朕即察知賽尚阿攻剿不能得力特諭徐廣縉統兵前赴廣西會剿嗣因梧州艇匪業已勦除淨盡桂林賊匪竄入湖南仍命該督統兵赴楚督剿茲據奏稱接奉諭旨當即啟行並飭福興統帶兵勇數千名先期開道前進計此時已抵湖南軍營徐廣縉平素辦事慎密有為操縱合宜朕所深悉著即投為欽差大臣接受關防並署理湖廣總督所有

軍營及地方文武統歸節制賽尚阿所帶文武各員著徐廣縉察看酌量分別去留該大臣膺茲重任必能整飭紀律嚴明賞罰迅奏膚功以慰朕望所有廣東廣西江西湖北與湖南毗連地方均責成各該督撫提鎮等嚴密堵禦勿令竄越務期同心協力掃蕩妖氛以綏疆圉○又諭葉名琛奏廣西遣散壯勇向串游民於韶州一帶聚眾滋擾現在分派勦捕並將堵捕不力之文武各員分別叅辦

一摺廣東曲江匪徒不過數百人該地方文武如能立即捕獲何至任賊勾串一千餘人擾及仁化樂昌乳源等縣並將樂昌監獄開放現經提督崑壽護南韶連鎮總兵通安等各帶兵勇四路合圍該署督葉名琛著遵前旨馳赴南韶一帶地方嚴飭帶兵各員奮力殲除毋任竄逸並將連平翁源廣甯各州縣股匪一律勦捕勿留餘孽徐廣縉現已抵楚督辦軍務如楚粵交界有須越境夾擊之處並著葉名琛飭令將弁合力協勦毋誤事機南韶連鎮右營都司李殿熊著曲江縣知縣符鼎庸堵捕未能嚴密接仗又復失利符鼎庸又於驛遞本章延閣十餘日之久更屬疲玩李殿熊符鼎庸均著革職仁化縣知縣劉福蔭城守營把總郭有成著樂昌縣知縣經文署城守營千總鍾煜雖於鄰匪紛竄入城旋即殺退究未能先事豫防非尋常疏忽可比著與樂昌縣典史婁禹甸一併革職留任

以示懲儆○兩廣總督徐廣縉奏訊明投誠之張劍等潛通賊匪接濟火藥即行正法並諭各屬如果該投誠人等真知改悔即予以自新之路必不過事苛求僅仍有通賊等弊斷難法外施仁得旨辦理甚好以此等反側無常之徒誅之以作先聲俟卿到楚後軍營耳目自必一新如此曉諭亦甚是○都察院左副都御史程庭桂乞解職回籍養親允之○命御前侍衛巴雅爾乾清門侍衛戴堪理藩院左侍郎綿壽恭詣東陵查看紅椿○庚戌上幸萬壽山○詣廣潤祠拈香○御閱武樓閱火器營操○諭內閣前據戶部奏請捐納軍功舉人生員一摺著不准行○辛亥上御勤政殿聽政○遣官祭都城隍之神○御洞明堂句到浙江安徽江蘇上年情實罪犯停決浙江斬犯五人安徽

斬犯三人。絞犯三人。江蘇斬犯一人。絞犯一人。餘六十三人。予勾。○諭內閣。昨日閱看外火器營操演槍礮聲勢聯絡。步伐亦極整齊。由內發銀五千六百兩。著賞該營兵丁。以示獎勵。○諭軍機大臣等。據賽尚阿等奏。連日戰守獲勝各情。又據羅繞典等奏。會商進剿獲勝。並郴州大股賊匪。踵至各摺片。逆匪大股竄出郴州。經我兵中途堵截。屢有斬擒。其圍撲省城之賊。亦經我兵屢次攻剿。殲斃

不少。惟賊勢尚熾。總未大受懲創。且郴州大股賊匪。全往省城。勢必拚死抗拒。省垣重地。豈容稍有疏虞。昨已降旨。授徐廣縉為欽差大臣。並署湖廣總督。此時計已馳抵軍營。著即相度地勢。扼要駐劄。督飭福興所帶得勝兵勇。並各路援兵。迅赴長沙接應。截賊分竄之路。痛加剿洗。與羅繞典鮑起豹駱秉章等。同心協力。殄此羣兇。至賊匪豕突狼奔。行蹤靡定。所有湖北防堵事宜。並著徐廣縉悉心

籌畫。以杜北竄。現在岳州。荊州等處。督辦防剿之博勒恭武。台湧。能否得力。著即確查。一面奏聞。一面酌量調度。毋誤事機。江西接壤之處。亦須隨時知照。合力兜剿。其已革提督余萬清。已革總兵劉長清。前令賽尚阿嚴審定擬。至今尚未奏到。並失守各城文武員弁。均著徐廣縉。迅即查明審擬具奏。又本日御史周有蘆奏。請申明軍令。並片奏解散脅從等語。現在賽尚阿已罹重罪。其所派統兵各

員。如有臨陣退縮。趨避取巧者。著即查明嚴行叅辦。以肅戎行。至賊匪裹脅之眾。不乏良民。即逼迫入會者。亦未必甘心從逆。應如何解散其黨。或出示曉諭。使賊眾日散。賊勢日孤。諒該大臣必能操縱得宜也。周有蘆摺片。鈔給閱看。將此由六百里諭知徐廣縉。羅繞典。張亮基。鮑起豹。駱秉章。並傳諭程喬采。向榮知之。○以成郡王載銳為內大臣。鄭親王端華。為閱兵大臣。定郡王載銓。為步軍統領。

○命協辦大學士直隸總督訥爾經額為大學士。仍留直隸總督任。戶部尚書禧恩協辦大學士。充國史館總裁官。吏部尚書賈楨協辦大學士。○命大學士祁寯藻管戶部事。○以內閣侍讀學士文清為大理寺卿。太僕寺卿廖鴻荃為太常寺卿。○調正紅旗漢軍都統奕湘為正黃旗滿洲都統。以著正藍旗漢軍都統奕格為正紅旗漢軍都統。○以克復湖南永興縣城。免總兵官常祿處分。參將德

亮等升敘有差。○予湖南陣亡參將任大貴祭葬世職。○命兩江總督陸建瀛會同河道總督楊以增勘辦洪澤湖仁壩工程。○壬子。上幸靜明園。○詣

仁育宮拈香。○命大學士卓秉恬管工部事。○是日。駐蹕香山靜宜園。至丙辰皆如之。○癸丑。

上御演武廳閱健銳營操。○諭內閣。理藩院奏那木喀呼圖克圖拉普丹呈請進京瞻觀天

顏一摺。該呼圖克圖年及二十。身已強壯。呈請進京瞻觀。自係出於至誠。著照所請。那木喀呼圖克圖准其來京瞻觀。○諭軍機大臣等。台湧奏。移營荊州沙市。分撥官兵堵禦一摺。據稱逆匪有從衡陽攻取長沙。直撲荊州之語。經該將軍飛飭地方官。於江陵公安二縣水路各要隘。分兵嚴防。復自行統帶精兵移營沙市。扼要調度。惟滿營兵丁經分撥一千七百餘名。分防要隘。存城之兵祇有二千

餘名。勢難撥往他處防堵。現在安徽河南兩省官兵先後已抵岳州武昌。惟荊州水路防兵尚形單弱。本日據徐廣縉奏。於八月十七日自梧州啟程赴楚。現在計已馳抵大營。著體察情形。如長沙賊匪被我兵攻勦。意圖北竄。務須先期探明。密派將弁帶兵繞出賊前迎頭截擊。其水路船隻亦須飭令收淨。毋令賊匪乘機搶去。以致順流北下。更難措手。荆岳皆楚北緊要門戶。斷不可稍有疏虞。並着

常大瀟派委員弁合力堵剿。毋稍大意。將此由六百里諭知徐廣綰。台湧常大瀟。並諭博勒恭武。雙福知之。○命協辦大學士戶部尚書禧恩管理藩院事。○命理藩院尚書吉倫泰管

雍和宮事。○以工部左侍郎呂賢基暫署管錢法堂事務。○正白旗領侍衛內大臣奕縉因病解任。以正白旗蒙古都統德木楚克扎布為正白旗領侍衛內大臣。○賞乾清門二等

侍衛國瑞頭等侍衛。在御前侍衛上行走。○賞正黃旗滿洲參領諄齡副都統銜。為駐藏幫辦大臣。○甲寅諭內閣。陸建瀛楊以增奏請留調任臬司幫辦大工等語。調任甘肅按察使查文經。上年幫辦豐北大工。未能堵合。昨降旨交部議處。茲據該督等奏稱。該臬司熟悉工程。任勞任怨。著准其仍留南河幫辦堵築事宜。工竣再行來京陛見。○又諭舒興阿奏官兵兜剿番賊。大獲勝仗。全股殲除。並

生擒首惡。現在撤兵歸伍一摺。甘肅涼州鎮羌卡外番賊。竄擾松山一帶。糾合族番二千三百餘人。分股搶掠沿邊牲畜。四萬有奇。潛匿麻黃溝內。經官兵疊次追剿。提督索文督同總兵雙銳副將雙來。並派護副將蕭鳴章參將樂善等。各帶弁兵。分路堵截。合力勦捕。先將大股番賊六百餘人。悉數殲除。又將分竄之賊。殲斃百數十人。其首惡阿里克公俘復經蕭鳴章督兵用礮轟傷。即時生擒。餘匪

逃竄者僅百餘人。此股番賊。糾結數千人。盤踞河北柯柯烏蘇地方。肆出搶掠。從未大受懲創。此次官兵冒雪衝鋒。兩日之間。四戰四捷。生擒賊首臬示。並將盈千番賊。殲斃殆盡。復疊次緝獲漢奸多名。分別根究懲治。該督等督辦有方。洵堪嘉尚。舒興阿索文均著交部議敘。所有鎮將備弁及兵練人等。著擇其尤為出力者。酌量保奏。候朕施恩。其節次陣亡弁兵。一併查明請卹。惟番賊出沒靡常。各

屬仍多零星搶劫之案。並賊目才旦朵爾吉等所帶野番尚多逃匿。不得因此股番賊勦除殆盡。稍涉大意。致有疏虞。仍著該督嚴飭該提鎮等於沿邊一帶要隘處所。隨時嚴密按捕。勿留餘孽。以肅邊境。而靖閭閻。○命前任湖南巡撫駱秉章暫留湖南。辦理防勦事宜。○乙卯。

上詣

十方普覺寺拈香。○諭內閣。穆騰額奏。哲孟

雄部長懇赴前藏瞻禮一摺。哲孟雄部長。向來赴藏瞻禮。例有定限。現在尚未屆期。念其稟請懇切。加恩准赴前藏。虔誠瞻禮。事畢飭即回牧。無任滋事妄求。○以綏遠城右衛軍政年逾六十。官十三員。精力未衰。命留任。○丙辰。諭內閣。

孝和睿皇后永遠奉安

昌西陵。據欽天監奏。謹擇於咸豐三年二月二十六日。所有應行典禮。及一切事宜。著各該

衙門。屆期敬謹豫備。○以戶部左侍郎全慶暫署京營左翼總兵。○賞福建等省辛亥科鄉試年老諸生洪際昌等五人副榜。○命五城於冬春二季設廠煮賑。○丁巳。

上詣綺春園。問

皇貴太妃安。○幸圓明園。○諭內閣。賽尚阿。程喬采奏。追勦竄往長沙賊夥。並省城防勦情形。一摺。據稱郴州夥匪。由茶陵醴陵一帶。欲竄省垣。經鎮將等分路追擊。連日獲勝。迨該

逆退踞譚家村。復經常祿李瑞德亮等督率張國樞併力痛加勦洗。後路之賊。勦殺殆盡。其前路賊匪。仍竄至省城。復經和春向榮等屢次攻擊等語。現在徐廣綰計已統帶精兵馳抵大營。各路援兵雲集。提督福興所帶兵勇數千名。亦可由郴州一路趕到。著徐廣綰等。乘此攻勦得手之時。合力殲擒。務期迅解省圍。殄滅羣醜。無任餘匪竄逸。總兵李瑞沿途追勦。雖疊有新擒。惟於郴州夥匪分竄。未

能攔擊。咎實難辭。著交部議處。○以湖南官軍勦匪奮勇。賞參將鄭魁吉。已圖魯名號。以副將補用。予陣亡千總李九成。祭葬世職。○旌表守正被戕。河南信陽州民張金潰妻張氏。○戊午。

上啟鑒恭詣

東陵○詣

東嶽廟

慈雲寺拈香。○諭內閣樂斌奏。遵查民回互

鬪起釁緣。由請將緝捕不力之署同知懲處一摺。前因吐魯番地方。民回互鬪。傷斃多命。諭令該都統嚴飭緝拏要犯。並查明起釁根由具奏。茲據奏稱。民回互鬪。係因爭占廟地。址及搶錢起釁。並無約期械鬪情事。署吐魯番同知薩斌奏。飭拏案犯。未能全行弋獲。經該都統嚴飭。又僅獲一名。緝捕實屬不力。薩斌奏著先行革職留任。勒限三箇月。飭將案內兇犯悉數拏獲。嚴行審辦。如限滿無獲。

著即嚴叅。○又諭前據毓書奏。孀婦富佳氏呈訴伊夫佟壽身死不明。並佐領西拉布。先後呈報互異。當交樂斌覆訊定擬具奏。茲據訊明馬甲佟壽。委係因病身死。佐領西拉布。呈報日期互異。尚無規避情事。惟置辦軍裝並不親身督押。輒先行回家。又於佟壽屍棺到城日期。任意填寫。實屬有心捏飾。西拉布著即革職。○諭軍機大臣等。據奕山德齡特克星額桂齡等奏。夷匪四次竄入喀什噶爾所屬卡倫。復經官兵擊退。各一摺。該匪等竄擾卡倫。已至四次。其中必有巨匪為主。謀是否即係倭里罕等。率領安集延及卡外回眾滋事。抑或另有從中勾串主使之。據拏獲安集延希魯特奸匪供稱。勾結潛辦鉛子火藥。又探聽官兵數目。是該匪等蓄謀煽亂已久。現在卡內回子。雖未被其煽惑。而賊匪總未大受懲創。仍在卡外窺伺。難保不去而復來。桂齡現在移營托古薩克。務與特克星

額確偵嚴防。毋稍疏忽。並著奕山布彥泰德齡嚴飭所屬。並附近各城一體嚴密防堵。不得以墨獲勝仗。稍涉大意。總以安撫回眾。絕其勾結為要。將此各諭令知之。○以故二等台吉額布列拉子哈勒專襲職。○以御前侍衛德崇額為正白旗漢軍副都統。○以署山東膠州協副將郝光甲為陝西陝安鎮總兵官。○予湖南陣亡總兵官福誠副將尹培立參將薩保都司塔勒祭葬世職。○予故奉恩

輔國公繼煜祭葬如例。○免蹕路經過大興通三河薊遵化五州縣地方。本年額賦十分之三。○是日駐蹕煙郊行宮。○已未

孝德皇后殯宮月祭。遣官行禮。○諭軍機大臣等。常大瀋奏賊欲北竄湖北防禦兵單。請飭湖南連派官兵來岳助防。並懇添調官兵一摺。湖北與湖南緊連。水陸處處可通。現在長沙大兵雲集。該匪被勒急迫。難保不分股北竄。所調陝甘各兵到楚尚需時日。仍恐緩不

濟急。該撫奏稱。盤獲奸細。據供逆匪有欲分三路來攻湖北。一由澧州。一由巴陵。一由平江。各於陸路行走。何以又供稱火藥槍礮擬用船載。由水路前進。與羅繞典等咨稱該匪分兩次坐船五十餘隻。欲竄下游等語。亦不符合。究竟賊蹤現在如何情形。湖北水陸要隘處所。如何設法布置嚴密堵禦之處。該撫均未詳悉。籌及朕心實深繫念。且岳州一路實為北省屏障。又關繫湖南運餉要道。設有

疏虞。所關非細。著徐廣縉與羅繞典張亮基等會商。於長沙大營速籌精兵數千名。前赴岳州。交博勒恭武添派扼要嚴防。如賊眾北竄。所有水陸兩路。必應派兵繞出賊前。設伏截擊。斷不可但事尾追。致賊竄逸。又蹈桂林前轍。其湖北衝要各處。著台湧常大瀋博勒恭武雙福等相機調度。扼要嚴防。仍宜示以鎮靜。毋得稍露張皇。轉致居民驚擾。常大瀋所請餉銀三十萬兩。已飭部速議具奏矣。將

此由六百里各諭令知之○又諭程喬采奏湖北江西境地毗連亟須籌防岳州水陸交衝尤關緊要必須重兵駐劄方足以資堵禦該處兵力既單博勒恭武現在岳州是否可期得力著徐廣綰迅即酌量情形選派大員統帶精兵前往策應務須杜賊北竄之路至江西交界地方逼近賊踪該大臣仍當隨時知照該省一體嚴防應如何調遣協濟之處毋稍疏忽長沙近日情形如何甚為懸念郴

州永興等處賊夥既已北竄則福興所帶之兵自應趕緊馳赴長沙一帶併力勦賊程喬采前已有旨革職留辦糧臺毋庸前赴岳州現在賊匪大夥已至長沙糧臺應設何處並著酌定地方仍交程喬采辦理以專責成該大臣抵湖南後應於何處駐劄扼要調度著察看形勢相機督勦其新田一帶土匪據程喬采奏均已次第勦散仍當督飭在事文武嚴密搜捕淨盡勿留餘孽該大臣膺茲重任

總期南北兩省通籌兼顧為要將此由六百里諭知徐廣綰並傳諭程喬采知之○以兵部左侍郎趙光知武舉工部尚書翁心存為武會試正考官翰林院侍讀學士龍元僊為副考官○調陝甘官兵三千名赴湖北勦賊○是日駐蹕白澗行宮○庚申

上詣

隆福寺拈香○以降調內閣學士戴齡為光祿寺卿○是日駐蹕隆福寺行宮至癸亥皆

如之○辛酉

上恭謁

昭西陵

孝陵

孝東陵

景陵

裕陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○詣

端慧皇太子園寢奠酒○諭軍機大臣等楊

文定奏遵旨籌議浙江漕運等語本年浙江

漕行遲滯前經降旨令陸建瀛體察情形酌

定辦理毋再異議其江南山東賑米業經陸

建瀛奏截留湖南及江西最後各幫亦經降

旨飭令轉行遵辦現屆九月放賑之期截留

米石自應如該督前奏斷無再行議改之理

惟浙船在前八幫截至八月下旬僅止陸續

出江在後各幫尚有在浙未入蘇境者海運

既經費無出難變又折耗堪虞若徒空言催

趲儻始終不能渡黃北上究應如何辦法著

陸建瀛仍遵前旨酌量妥籌變通辦理即由

該督議定一面迅速奏聞一面知照漕運河

道總督江蘇浙江巡撫一體照辦若再彼此

推諉致令天庾正供阻滯河干朕惟陸建瀛

等是問恐不能當此重咎也原片鈔給閱看

將此諭令知之○兩江總督陸建瀛奏陳各

營將弁分撥赴防請展限辦理軍政從之○

賞看守煙郊等四處行宮弁兵半月錢糧○

壬戌

上幸成子峪平安峪閱視山勢○諭內閣陸建

瀛奏現赴徐州督辦豐○請由學政代辦武

闈一摺本年壬子科江南武闈鄉試即著青

麐屆期赴省代辦○又諭羅繞典等馳奏長

沙兵勇大獲勝仗一摺逆匪大股至省欲肆

攻撲經羅繞典張亮基鮑起豹駱秉章豐和

春向榮等豫為準備分投橫截該逆死傷枕

藉分路奔竄我兵緊追賊忽總聚一處轉回

抗拒又經官兵截殺敗入賊巢該逆自圍省

城以來經此次大加懲創賊膽已落恐復乘

間逃竄著羅繞典張亮基等乘此攻勒得手

之時激勵將弁合力殲擒徐廣綰計日已到

大營著即督飭在事文武各員迅速進攻痛

加剿洗至湖北江西交界各處並著該將軍

巡撫提鎮等一體嚴防毋任餘匪分竄總期

掃蕩妖氛。勿留餘孽。以靖疆圉。○諭軍機大臣等。羅繞典等奏。兵勇大獲勝仗一摺。自逆匪圍撲省城。經我兵屢挫其鋒。迨賊大股來省。又經兵勇分隊迎擊。大獲勝仗。斃賊四百名。賊已大受懲創。其上游各鎮將管帶重兵。將次到省。福興所帶得勝之兵。計亦趕到。正可趁此大兵雲集。賊勢挫折之際。合力夾擊。一鼓蕩平。現在賽尚阿業已革職。擊問大營。亟須統帥。況當勦賊喫緊之時。軍情變幻。間不容髮。該大臣務當不分水陸。兼程前進。迅抵大營。庶文武員弁。得有統屬。調度號令。壁壘一新。刻下賊勢既挫。難保不分投奔竄岳州湘陰等處。為賊北竄要路。前已諭令徐廣縉。選派大員。帶兵數千。速赴岳州協防。著仍遵前旨。趕緊派員前往。其湘陰一帶。尤關緊要。應如何豫為堵截。遏賊北竄之路。著即妥密布置。毋失事機。並隨時飛咨湖北。江西一體嚴防。總期四面兜圍。俾賊進退失據。自

不難剋期殄除。張亮基所奏。籌辦各路堵擊情形。布置尚屬妥善。第恐賊到兵散。仍屬無補。總宜揀派得力將弁。督帶兵勇。擇要嚴防。以期人人用命。方能有濟。師克在和。不在眾。該大臣等。諒能同心協力。迅奏膚功也。將此由六百里諭知徐廣縉。羅繞典。張亮基。鮑起豹。駱秉章。並傳諭和春。尚榮知之。○兵部以武會試中額。請得旨。滿洲蒙古取中四名。漢軍取中四名。奉天取中一名。直隸取中十九名。陝甘取中二名。山東取中八名。廣東取中三名。江蘇取中一名。河南取中七名。安徽取中一名。山西取中二名。湖南取中一名。四川取中一名。福建取中一名。浙江取中二名。江西取中二名。雲南取中二名。貴州取中一名。○吏部以大學士訥爾經額。應定何殿閣。請得旨。著為文淵閣大學士。○兩江總督陸建瀛。江蘇巡撫楊文定。奏報海運安穩。妥速抵津。命陸建瀛。楊文定。遣員分詣

天后廟

風神廟

海神廟祀謝並頌

天后廟

御書扁額曰神功濟運○河東河道總督慧成

奏秋汎安瀾命慧成詣

河神廟祀謝予出力員弁升敘有差○以辨

理海運無誤予江蘇候補知府洪玉珩等升

敘有差

實錄卷之七十一

二十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十二

上辛輔君山平安峪閱視山勢○步軍統領載

銓因病賞假以刑部右侍郎奕經著步軍統

領○甲子

上辛朱華山酌酒

桃花寺拈香○諭軍機大臣等賽尚阿奏馳

抵湘潭探得省城賊匪分竄一摺據稱九月

初六日賊由省城上游渡江西岸於龍迴潭

等處村莊滋擾該處與寶慶常德湘陰湘潭

各路處處可通復接向榮稟報賊於初五日

咸豐二年壬子九月癸亥

敕修

上辛朱華山酌酒

桃花寺拈香○諭軍機大臣等賽尚阿奏馳

抵湘潭探得省城賊匪分竄一摺據稱九月

初六日賊由省城上游渡江西岸於龍迴潭

等處村莊滋擾該處與寶慶常德湘陰湘潭

各路處處可通復接向榮稟報賊於初五日

乘夜分二三千人潛由南湖港過河從龍迴潭竄去其大股賊匪仍踞省城迤南等語該逆於九月初二日在長沙較場曾經官兵大加懲創現復分股另竄顯係因省城大兵齊集希圖分我兵勢所有長沙現到官兵仍當併力直搗賊巢四面堵截不可再任分竄又成尾追之勢其由龍迴潭竄出賊蹤現在滋擾何處亟宜派兵迅速追剿賽尚阿所帶之兵亦可迎頭截擊惟所稱潮勇三千名既係

強猾不堪復用何以又令與向榮等追兵合擊逃竄之賊恐駕馭失宜轉為賊用不可不防省城大股賊匪前據羅繞典等奏賊回賊巢是否賊首及夥眾均在妙高峰一帶盤踞抑或另有巢穴在附近村莊如廣西莫村水竇情形著徐廣縉與羅繞典張亮基鮑起豹駱秉章等分飭在事文武各員相機度地或合力圍攻或出奇兵截斷賊勢杜其接濟路徑痛加勦洗賊撲省城已一月有餘我軍兵

力不為不厚徐廣縉及福興所帶兵勇均可到齊掃蕩賊氛正在此時切勿稍有遲延致失事機將此由六百里各諭令知之○是日回鑾駐蹕

桃花寺行宮○乙丑諭軍機大臣等朕於本月十五十六日親至平安峪閱看陸應穀所立標記在上奕湘另立標記在其南十五丈平坦之處堪與甘熙等六員又稱穴在中間北距陸應穀標記九丈餘南距奕湘標記五

丈餘朕親加詰問令與奕湘所帶堪輿鄭錫申等各抒所見呈遞說帖各執一詞著陸應穀平心體察真龍真穴究在何處務期考覈精詳勿涉游移兩可之見裕誠等摺片並甘熙等說帖俱著鈔給閱看將此諭令知之○又諭張祥河奏擇要舉行團練等語陝西興安一帶地方與湖北接壤固應先事籌防惟團練鄉勇一事現在廣西湖南等省均經該地方官次第辦理總無成效轉滋驚擾且鄉

民良莠不齊。易聚難散。若於無事之時。令其朝夕練習槍械。亦覺駭人耳目。自不如力行保甲。最為緝奸良法。該撫惟當嚴飭地方官。實力編查。豫防奸細闖入。並隨時教練弁兵。勤加操演。俾該處營伍。悉成勁旅。保衛民生。示以鎮靜。方於地方不致擾累。切不可過涉張皇。致滋流弊。所云現行團練。令民早晚練習。日中仍各安本業。是否無妨百姓生理。其官為合操經費何出。並將來如何遣散之處。

亦應豫為籌及。著張祥河即將現辦情形。與簡明章程各條。一併詳細具奏。將此諭令知之。○以工部左侍郎哈芬為滿洲繙譯鄉試正考官。通政司副使扎克丹為副考官。○是日駐蹕白澗行宮。○丙寅。諭軍機大臣等。據賽尚阿奏堵賊分竄情形。並帶兵進省一摺。逆匪分股由省城渡江西岸。至龍迴潭等處。又由該處渡見家河而南。屯踞陽湖等村。雖經賽尚阿督率兵勇連擊獲勝。將賊扼回北

岸。並將其南岸陽湖等村賊巢盡行燒毀。惟見家河路通省城江面。該逆已有船隻數十。礮船五六隻。隨時可以偷渡。現只有潮勇一軍。專堵見家河南岸之路。仍恐未能得力。而北路一帶尤關緊要。必須將西岸之賊痛加剿洗。其城南大夥尤應併力攻擊。萬勿遷延。致令紛竄。前曾諭令徐廣縉抵楚後扼要駐劄。現在賊眾全在長沙。城外情形萬分喫緊。何以至今尚未見該大臣奏報抵楚日期。且

賽尚阿業經獲罪。統帥無人。朕心甚為懸繫。著徐廣縉迅速兼程前進。直赴省城。與羅繞典、張亮基、駱秉章、鮑起豹等督率文武。乘此賊夥聚集尚未潰散之時。合力攻剿。一鼓殲除。毋再遷延。致誤事機。將此由六百里各諭令知之。○又諭舒倫保等奏遵旨備調精兵。請簡派大員帶領一摺。前據該將軍等奏。協領訥欽布、佐領穆精額均經出兵。曉暢軍務。堪以備用。並揀選官二十餘員。精壯兵一千

名候調。當經降旨。諭令聽候調撥。著仍遵前旨。將需用器械等件。製備齊全。靜候諭旨。僅奉調用。即著左翼副都統常春領兵前往。將此諭令知之。○是日駐蹕煙郊行宮。○丁卯。

上詣
慈雲寺拈香。○詣綺春園問

皇貴太妃安。○幸圓明園。○己巳。

上詣綺春園問

皇貴太妃安。○諭內閣御史孫鳴珂奏豐北大

工。宜妥籌堵築一摺。自豐工決口。已經年餘。江蘇山東被水各州縣災民困苦流離。不堪言狀。兼以運河淤墊。漕艘輓運維艱。若復再延時日。貽患何所底止。去年陸建瀛等辦工草率。以致合而復決。如該御史所奏挑挖引河。皆係夫頭包辦。挑出之土。即以培墊河屋。量深雖有三丈。其實入地止一丈有餘。且上寬下窄。中高邊窪。弊端不可枚舉。現屆大工喫緊之時。著該督等將前項弊竇。嚴加查察。

母任草率偷減。再有疏虞。儻仍事遷延。致災民不能安業。運道久難修復。必致貽誤新漕。恐該督等不能當此重咎也。懍之。○又諭賽尚阿等奏省城連日戰守各路屢獲勝仗。情形該匪敗退回巢。堅匿不出。現在省城兵力厚集。和春秦定三。劉營妙高峰下。與賊營緊逼。逆首楊秀青。屢謀開掘地道。俱被我軍破。其詭謀賊勢漸蹙。亟欲覓路遁逃。南面常棣李瑞。經文岱。王錦繡等營。分布梭巡。聲勢極

為聯絡。徐廣縉即日亦可統帶精兵。馳抵長沙。務須乘此攻勦得手之際。嚴飭向榮一軍。將竄赴西岸之賊。先行勦洗。其城南賊巢。東西南三面圍定。並著激勵兵勇。各路會合。併力殲除。毋任潰圍竄出。復滋擾害。○諭軍機大臣等。戶部奏安徽募勇留餉請飭覈實辦理一摺。自粵西軍興以來。國用支絀。現在逆賊滋擾湖南。安徽尚非鄰省。該撫思患豫防。固不得不密籌儲備。惟請將全省下忙地丁

關稅契雜監銀一併存留作為防堵之用。通計約銀一百三十餘萬兩之多。殊屬不知緩急。前經戶部指撥該省南河歲料銀及湖南軍餉各銀均未據該撫奏明撥解。輒請將該省正雜各款全行扣留。漢撥解之項稍有貽誤。咎將誰執。至募勇一節。廣西湖南軍營多有不能得力者。此輩性成慍悍。臨時既虞其滋擾。事後復難於遣散。加以添備器械製造船隻。隨在皆需經費。該撫並未全盤籌及。僅

以報銷一語了此鉅款。豈不知近來撥款甚艱。若他省均如此瀆請。將何以應之耶。該省額設營兵。雖經徵調存營之兵。正宜及時操練。悉成勁旅。以期有備無患。並當實力編查保甲。密拏奸細。持以鎮靜。俾民不致驚擾。即須募勇集團。互相保衛。以濟兵力之不足。亦宜與地方公正紳耆。籌商勸諭。捐貲出力。均可奏請獎勵。庶不致虛糜餉需。有名無實。著陸建瀛將丈慶體察該省情形。慎密防守。不

可徒事張皇。轉滋流弊。所請截留各款。必須認真搏節。應如何覈實支銷。所募壯勇。如何約束管帶。即行詳晰奏明辦理。戶部前撥南河湖南銀兩。亦著迅即委員起解。毋再遲延。將此各諭令知之。○又諭。穆騰額奏。乍丫小喇嘛復起釁滋事。派員馳往查辦。一摺。乍丫小喇嘛因挾夙嫌。膽敢糾集多人。將諾們罕屬下大小頭人殺斃十七名。敕書印信寺院財物。俱被焚搶。差人勸解。執拗不從。並搶劫

塘兵馬匹。現將諾們罕拘禁。復敢私擬斷牌。擅蓋印信。勒令遵依。似此狂悖。實屬目無法紀。現在該大臣派委噶布倫策墊前往查辦。並派察木多倉儲巴乍丫守備朱長春一同前往。著即飭令各該員等。秉公曉諭辦理。並詳查此次因何復起釁端。務令兩造輸服。彼此相安。儻小喇嘛抗不遵斷。仍將諾們罕拘禁。或致有戕傷等情。即著穆騰額查照道光二十七年琦善辦法。飭令乍丫連界各屬豫

備土兵。示以軍威。鎮靜彈壓。消其桀驁之氣。俾道路不致梗阻。總期妥慎辦理。以綏邊圉。將此諭令知之。○調任山西巡撫。湖北巡撫。常大瀛奏。湖北被淹各屬。已成災象。先行動項接濟窮黎。俾免失所。得旨。汝現雖調任。籌賑事宜。不可不盡心經理。○予湖南陣亡遊擊曾正川。祭葬世職。○旌表守正被戕。江蘇桃源縣民張二伶妻劉氏。○庚午。

上御洞明堂。句到河南山東上年情實罪犯停

決河南斬犯五人。山東斬犯九人。絞犯一人。餘六十九人予勾。○諭內閣李傳奏請豫籌剝運一摺。據稱現在衛水日消。重運漕船。未出臨清牘者。尚有江西各幫。並甫經入境之杭嚴各幫。自應及早籌剝。庶可以速補運。著倉場侍郎直隸總督即飭將楊村剝船。調集一千五百隻。迅赴臨清牘。與東省額設官剝。並例添二雇民剝各船。挨次剝運。毋得稍有稽延。至所稱仿照道光三十年剝運章程。並

查照成案。給發剝船經費之處。著會同直隸總督酌量辦理。○諭軍機大臣等。寄諭署江西巡撫張芾。御史彭慶鍾奏。防賊竄逸。請飭屯劉江西要地一摺。據稱袁州吉安南安贛州九江。皆宜分置重兵。萍鄉密邇長沙。尤恐賊蹤朝發夕至。且楚地白蓮教餘黨。根株未斷。近日瀏陽復有真義堂齋匪。黨與甚多。均慮其與賊勾通。延擾江西地方。廣東南雄韶州現有匪徒滋事。更防越嶺紛竄。請飭於藩

臬兩司內酌派一員。往南安堵禦。巡撫帶兵駐劄萍鄉等語。該省防堵情形。屢經奏聞。現在是否足資控制。抑必須省中大員。分劄要隘。以壯聲威。固不可稍涉大意。亦不可徒事張皇。其防堵員弁。遇有警報。能否與楚省兵勇協力夾攻。著該署撫察覈情形。奏明辦理。其防所道府鎮將以下各員。如有不能得力者。即著隨時據實參奏。毋稍遷就。該御史原摺著鈔給閱看。將此諭令知之。○山東巡撫

李德奏報八月分雨水糧價情形。得旨。山東省糧價甚昂。被災處所。除賑恤外。及明年春夏之間。有應行接濟之處。著查明酌量緩急具奏。汝摺內稱。堪以仰慰宸懷。實屬套語。斷斷不可置民瘼於不問也。又奏。歷城等十九州縣。麥收歉薄。本年應徵漕麥。請援案暫行改徵粟米從之。○辛未。

上御洞明堂。司到山西直隸熱河上年情實罪犯。停決山西斬犯八人。直隸斬犯二人。絞犯

六人。餘六十八人予勾。○諭內閣。程裔奏。請飭催各省撥解軍餉銀兩一摺。現在湖南軍務未竣。應需餉銀。必須源源接濟。不容稍有遲誤。茲據奏稱。兩淮等處部撥湖南軍餉。現尚未解到者。共銀二百六十六萬兩零。著兩江四川陝西安徽浙江河南山東山西各督撫。及長蘆鹽政。迅將未經起解餉銀。委員趕緊管解。啟程。其業經報解者。著沿途督撫派員催趕。兼程前進。解交湖南。以濟要需。儻

有延誤。著即查明嚴叅。○壬申。

上幸靜明園。○詣

龍神廟拈香。○諭內閣。樂斌奏。軍政屆期。請展限辦理等語。烏魯木齊及所屬滿洲營官員。本年軍政例應於十月內造冊報部。茲據該都統奏稱。甫經到任。俟考驗事竣。再行冊報。著照所請。准其展限兩箇月。覈實辦理。○以福州滿營軍政年逾六十。官二員精力未衰。命留任。○予貴州捕匪被戕把總楊錫鼈。

馬朝剛。祭葬。世職。○甲戌。

孝慈高皇后忌辰。遣官祭

福陵。

上詣綺春園。問

皇貴太妃安。○諭內閣。前據季芝昌王懿德奏。請以福建准升淡水同知保泰調補海防同知。當交吏部議奏。經該部照例議駁。茲據王懿德奏稱。該同知於民夷交涉事件。均能處置得宜。實屬人地相需。保泰著准其調補福

州府海防同知所遺臺灣府淡水同知員缺即以王江調補均著照例送部引見此係因海防同知地方緊要特允所請嗣後不得援以為例○兼署閩浙總督福建巡撫王懿德奏廣艇匪船在沙埕洋面寄泊現籌防剿得旨此次勦捕艇匪兩省鎮協各員如有若去歲之藉詞遲延者即行會同鄭高祥葉紹春叅奏○以協辦大學士贈大學士杜受田靈柩到京命恭親王奕訢帶領侍衛十員往奠茶酒○乙亥

上詣

大高殿行禮○還宮○陝甘總督舒興阿奏勘明中衛縣城鄉地震情形業將被災戶民分別撫恤得旨身任疆圉當體會朕心妥為撫恤時刻置諸懷抱勿稍遺忘○命醇郡王奕譞帶領侍衛十員往奠故肅親王敬敏茶酒賞銀三千兩治喪予祭葬諡曰慎○上以孟冬時享

太廟自是日始齋戒三日○丙子
李敬憲皇后忌辰遣官祭

奉陵○諭內閣德勒克多爾濟等奏哲布尊丹巴呼圖克圖商卓特巴那木濟勒多爾濟呈請本年瞻觀天顏一摺哲布尊丹巴呼圖克圖商卓特巴那木濟勒多爾濟著准其來京瞻觀○命貴州提督善祿赴湖南軍營交欽差大臣徐廣縉飭辦勦捕事務○以四川屏山縣設立新營修建城堡予出力員弁升敘有差○蠲緩直隸保定景薊高陽安阜城東光天津青靜海鹽山慶雲武清甯河大城霸縣獻任邱吳橋滄南皮晉唐山任永年邯鄲雞澤磁元城大名南樂清豐衡水雄東鹿隆平武邑深武強平鄉長垣四十二州縣被水被風被雹村莊額賦並給口糧有差○丁丑諭內閣前因李德奏請豫籌剝運曾經降旨令倉場侍郎直隸總督即飭將楊村剝船調集一千五百隻迅赴臨清拏次剝運毋稍

稽延該侍郎等接奉諭旨。即當飭令該道迅催剝船前往迎剝。即剝船不敷。亦當酌撥數百隻。迅速轉運。乃本日據慶祺朱嶧奏。接據天津道張起鵷稟稱。計剝船趕到臨清。河水恐已凝凍。且口糧需費甚鉅。道庫無款可墊。又恐有誤來春供撥。請將浙省各幫。於臨清德州等倉。暫行截卸。俟來年再為轉運等語。似此推諉空言。祇憑該道一稟。率行入奏。全未籌畫倉儲急需。及鄰省辦理難易情形。概置不問。豈竟諉之山東。但以一奏了事耶。本年南漕遲滯。固由河道阻礙。而浙江幫船。開兌遲延。亦從來所未有。如果漕運總督。並沿途各督撫。同心協力。及早設法催趨。何至如此貽誤。乃江南漕船。以勉強催至山東境為卸責。迨至山東需用直隸剝船。又不趕緊籌撥。觀該道張起鵷所稟。名為實在情形。實則推諉不辦。且既知撥運周章。豈不思及截卸有無窒礙耶。現在浙江嘉杭等幫米石。如能

撥船趕運。當仍遵前旨。酌撥楊村船隻。趁此天氣晴和。迅往撥運。設或沿途必須截卸。臨清德州等倉。是否足資容納。著倉場侍郎。直隸總督。漕運總督。山東巡撫。各將現在應辦急務。迅速妥為辦理。毋得任聽屬員推諉。惡習。各分畛域。再致貽誤。懍之。○又諭徐澤醇奏。拏獲糾眾滋事匪徒。審明懲辦一摺。四川酉陽州地方。有匪徒梅倡名。糾眾豎旗。肆行搶掠。經文武員弁。率領兵役團勇捕拏。該匪等膽敢踞險拒捕。兇頑已極。現據該督飭令川東道曹澍鍾。提集拏獲各犯。審訊明確。將要犯田三嬉等。就地正法。監斃首犯梅倡名等。戮屍梟示。其餘各犯。即著提省嚴切訊究。按律懲辦。並著嚴飭查拏逸犯。毋任一名漏網。此案該匪徒等。甫謀滋事。即經該管文武各員訪聞。拏獲究辦。功過尚堪相抵。該員等應得處分。著加恩寬免。○諭軍機大臣等。戶部奏請飭各省豫籌軍餉一摺。現在楚粵軍

務未能剋期竣事。應用軍餉浩繁。各省疆吏。自應迅速籌畫。以資接濟。除湖南湖北廣東。廣西江西甘肅雲南貴州等省。或用兵防堵。或地近邊陲。均毋庸議外。其餘各省。著該督撫鹽政等。督飭藩運各司。確查各該省可減可刪之款。及留支待用正雜等項。約計至本年下忙為止。可以移緩就急者。每省或二三十萬兩。或一二十萬兩。各自體察情形。從寬籌備。迅速覈明數目。開具清單。於一月內奏到。候朕飭部分撥。該督撫等身受重恩。目擊國用支絀。諒必極力圖維。不至以無款可籌。一奏塞責也。將此各諭令知之。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之七十二

臣等逆匪攻擾長沙已經五旬之久日夜槍礮與城上對相轟擊並開它地道用木板杉條堵挂欲用火燒陷城兇狡已極我兵雖連日攻勦獲勝總未直搗賊巢大加懲創其河西分股之賊經向榮督飭兵勇分路勦襲雖有傷亡我軍尚屬奮勉和春等攻擊城南賊匪不過敷衍塞責未見勇往出力徐廣縉此時諒已帶兵馳抵長沙省城接受欽差大臣關防及湖廣總督印信所有軍營及地方文

武統歸節制責無旁貸現在省城內外大兵雲集兵力不為不厚該大臣務當申明紀律督飭在事文武趁此賊匪屯聚一處併力圍攻以期一鼓殲除為擣穴擒渠之計萬不可任令竄逸更滋蔓延至河西分股賊匪尤須趕緊勦滅福興所帶之兵諒亦趕到著即飭令合力會勦毋稍延緩如將弁有臨陣畏葸退避仍蹈從前惡習者該大臣即一面奏聞一面於軍前正法以肅軍律逆首洪秀泉楊

秀青等是否均在妙高峯一帶賊巢務須設法殲擒應如何解散脅從以孤賊勢諒該大臣必能統籌全局以副委任也將此由六百里諭令知之○以中箭五枝賞乾清門三等侍衛托雲二等侍衛○予湖南陣亡參將蕭逢春都司姬聖脈守備程大振格圖肯郭進城千總張元昇朱京姜王天受徐占元劉成喜徐迎祥馬金柱米殿功把總鄭連有方志美朱良陟袁崔圭以得並成葉占魁楊灝石

守義馬祿外委趙得主治清徐文遙紀克明王登喜祁尚寅傅廷杰馬友黃通河張魁忠馬殿蛟任起林趙金喜龐仲貴任貴謝濂劉仲舉李振邦張世杰周大方姚萬成何玉范步雲祭葬世職○庚辰

上御箭亭閱中式武舉技勇○以吉林軍政年逾六十官六員廣州駐防軍政年逾六十官七員精力未衰均命留任○蠲緩山西托克托城被旱村莊本年額賦賑災民口糧有差

辛巳

上御乾清宮引見中式武舉親定甲乙○臨故協辦大學士杜受田第賜奠○諭軍機大臣等步軍統領衙門奏四川尼僧呈控惡棍霸占廟宇一摺成都府資州尼僧輔臣在該州胡家廟焚修有惡棍藍泳泰等招聚賊匪搶掠錢物拆毀廟宇上年二月間藍泳泰及夥孫光全又將積年青蓮教匪頭目梁洪順招在廟內夜間復糾集會匪四五十人歃血滴

酒似此教匪聚眾結盟大千法紀若不嚴行查拏必致釀成事端著裕瑞即行派委幹員迅將梁洪順藍泳泰孫光全等拏獲從重究辦並將該尼僧所控各情確切訊究毋稍寬縱原呈著鈔給閱看將此諭令知之○賞已革陝甘總督琦善六品頂帶○壬午

上御太和殿傳臚賜一甲田在田張虎臣趙玉潤三人武進士及第二甲黃國輔等八人武進士出身三甲梁鳳山等四十三人同武進

士出身○幸圓明園○詣綺春園問

皇貴太妃安○諭內閣昨日朕親臨杜受田宅奠醊撫棺灑淚悲悼實深並見其門庭卑隘依然寒素家風追念遺骸益增感愴當召見伊父前任禮部侍郎杜壻令其兩孫杜翰杜翻扶掖起跪精神尚可支持惟年屆九旬遭茲慘痛何以為情杜壻前已賞給頭品頂帶著再加恩賞給禮部尚書銜其勉自排遣加意頤養以慰朕念將來杜受田靈柩啟程回籍時著派恭親王奕訢前往祖奠目送並著沿途地方官妥為照料護送到籍用示朕篤念舊學有加無已至意○諭軍機大臣等陸應穀覆奏平安峪定穴係印證古書斟酌形氣一摺覽奏均悉惟所稱知其有石故請淺為開鑿恐其有水故請用土培築等語是否能臻鞏固若不慎重於先恐開工時多所掣肘因思成子峪一處上年載銓等相度以為可用迨陸應穀覆看亦以為合法惟所定皆

戊辰辰向。前據馬蘭鎮總兵慶錫呈遞道光年間奏案。當時曾經欽派大臣相度成子峪。擬定辛山乙向。並稱查看四面土色。皆係紅黃。並無大石等語。又據彭蘊章面奏。陸應穀於成子峪。雖擬戊辰辰向。亦曾言辛山乙向均屬可用。僅成子峪定作辛山乙向。其前準對何山。一切形勢理氣。較平安峪如何。著陸應穀細心考覈。據實指陳。以備採擇。將此諭令知之。○以拏獲福建臺灣匪犯王湧。予知

府裕鐸等升敘有差。○以疏防福建洋面艇匪革水師總兵官林建猷職。仍留任。○以涼州莊浪駐防軍政年逾六十。官二員精力未衰。命留任。○癸未。

上詣

安佑宮行禮。○諭內閣。僧格林沁奏。腰疾時發。步履維艱。一切差使。恐有不敬。請開御前大臣。領侍衛內大臣之缺等語。僧格林沁。毋庸開缺。嗣後凡遇隨從行禮差使。著加恩。毋庸

隨從。以示體恤。○又諭李德奏。籌款剝運南漕等語。現在山東省剝運南漕。所需剝費。准其在司庫存儲雜款內。暫行借動銀一萬五千兩。事竣照案歸款。並著撙節動用。覈實辦理。其剝運事宜。著仍遵前旨。與直隸總督倉場侍郎。一體嚴飭所屬。迅速趕辦。總期不分畛域。接剝抵通。毋稍遲誤。○諭軍機大臣等。常大瀉奏。土匪糾黨圖劫。派兵堵禦。進勒一摺。據稱湖南臨湘縣土匪王萬里等。糾集多

人。欲行搶掠。經提督博勒恭武。鹽法道王東槐。派兵會拏。該匪先已聞風逃竄。現派臬司副將。於湖北交界堵禦等語。此股土匪。既豎有偽號旗幟。難保無粵匪奸細。在內勾結。且已由岳州南竄。勢將奔投粵匪大夥。若不及早殲除。恐致煽結為患。其毗連臨湘之蒲圻。已據常大瀉派委臬司瑞元。副將春榮。撥帶兵勇。馳往堵剿。但恐博勒恭武。王東槐。防禦兵力尚單。著徐廣縉。於長沙大營。酌撥精兵。

派委員弁在南北接壤水陸各要隘合力防
勒或迎頭截擊或兩面夾攻俾賊進退無路
自不難一鼓成擒尤宜嚴拏奸細毋令與粵
匪會合致勒辦更難措手且恐他處土匪假
託偽號肆行搶掠尤不可不嚴密按捕台湧
現駐沙市其水路毗連處所更宜晝夜巡防
毋令竄逸至沿途餉鞘尤關緊要務令妥為
護送毋稍疏虞將此由六百里諭知徐廣縉
台湧常大瀉羅繞典張亮基駱秉章並諭博

勒恭武雙福鮑起豹知之○山東巡撫李德
奏遵查各屬村莊尚有續淹處所得旨所奏
尚無粉飾殊屬可嘉又奏豐工未合濟甯等
處被淹戶口將截留南漕三十萬石分四箇
月賑濟報聞○命貝子奕格在御前大臣上
學習行走○甲申諭內閣黃宗漢奏籌議新
漕懇請試行海運一摺本年浙江漕船開兌
過遲最後各幫延至九月下旬甫經晚運出
境即使截剝回空斷難如期歸次受兌所有

來歲新漕亟應變通辦理以免貽誤著照該
撫所請改由海運以期迅速並准將原辦河
運各費併歸海運支銷一切章程即由該撫
督飭司道慎重籌議妥速奏辦○又諭黃宗
漢奏參貽誤漕運之前任糧道一摺前任浙
江糧道胡元博於回空漕船迎提已遲迨新
漕監兌之後並不迅速催趲復屢次回省節
節耽延以致在後各幫至霜降後尚未具報
開行並訪聞未開各幫尚有銀米短絀情事

實屬玩誤胡元博著即革職由漕運總督委
員押令回浙將未報開行之在後四幫銀米
勒限清釐儻查有別項情弊著即嚴叅○又
諭鄭親王端華毋庸在後扈大臣上行走著
派御前大臣上學習行走之固山貝子奕格
在後扈大臣上補替行走○以熱河圍場二
處軍政年逾六十官十七員精力未衰命留
任○乙酉

上詣綺春園問

皇貴太妃安○諭內閣博勒恭武奏勦辦土匪請將出力之弁兵鼓勵一摺湖南臨湘縣土匪聚眾滋事經提督博勒恭武鹽法道王東槐調派員弁帶領兵勇前往桃林會拏當將賊巢焚毀拏獲逆匪楊勝兆等即行正法此股土匪雖殲斃多名尚未擒獲首犯惟念該員弁等盤查奸細揀出糾會逆帖拏辦尚有微勞著徐廣縉常大瀉悉心查覈會同博勒恭武酌保數員毋許冒濫其未獲首犯王萬里等仍著該提督等嚴飭緝拏毋任遠颺○丙戌

上御洞明堂句到新疆雲南貴州廣東福建本年情實罪犯停決雲南斬犯一人絞犯一人貴州斬犯九人廣東斬犯一人福建斬犯一人餘六十一人予○諭軍機大臣等張蔭密陳江西界連楚粵地方辦理防堵及團練鄉勇均不能不借資民力又兵差過境尤不免有擾累請特降諭旨詳細查明情形分別

蠲緩等語該署撫所奏自係體察地方情形為弭患未然起見朕原不難明降諭旨立沛德音惟楚粵毗連地方甚多雲南貴州湖北等省均辦防堵且有至一二年之久者至兵差過境地方尤難計數若止降旨加恩江西一省則他省不免向隅若各省概行查辦諭旨一到人人冀望恩澤不特借資民力勢恐有所藉口即請蠲緩地方官分別輕重情形亦難家諭戶曉且恐無知愚民以恩旨為

名紛紛呈請封疆大吏不能不覈實酌辦稍加裁抑即難保不以恩為怨甚至聚眾違抗別滋事端是弭變而適以滋變朕再四籌思諸多窒礙民可使由不可使知凡事慎之於始庶免流弊所有江西界連楚粵辦理防堵團練等處地方仍著該署撫詳細查明如有實在苦累之區即由該署撫分別輕重酌量奏請恩施正不必奉到諭旨始行查辦也另片奏設立軍需總局一節向來用兵地方例

准設立軍需專局如糧臺前設廣西迨賊匪由粵竄楚又復移至湖南原係兵行糧隨之義江西界連楚省派兵堵禦支用款目自應派員專司其事以慎出納惟與湖南軍營情形不同若設立軍需專局轉易啟委員等鋪張假冒之弊著即責成藩臬兩司經理其事查照則例派委妥員詳細勾稽籌節辦理無庸設立軍需總局名目該署撫卹贍疆寄所外省地方情形尚未深悉經此次密諭之

後諒必能仰體朕意酌量重輕於一切應辦事宜悉臻妥善也將此密諭知之○又諭有人奏請籌安徽防堵事宜據稱皖省設防不在省城而在安慶府屬之宿松縣此地與湖北黃梅江西彭澤各縣交界大江中流有小孤山為門戶於此善為防堵賊自無從飛越至於陸路獨太湖縣界連湖北餘如望江婺源祁門建德東流皆界江西率有崇山峻嶺可守惟當令府縣各官勸諭紳民互相保衛

並立法以拏土匪懸賞以緝遊匪無庸官辦防堵招集無賴徒滋擾害等語著蔣文慶按照所陳各節詳細體察不動聲色妥為籌辦其應行嚴防之處仍遵前旨慎密守禦不可徒事張皇轉滋流弊將此諭令知之○以盛京軍政年逾六十官三十員精力未衰命留任○蠲緩奉天金復遼陽岫巖熊岳牛莊海城承德新民九廳州縣被水旗地本年租賦貸遼陽牛莊旗戶一月口糧○丁亥

上幸萬壽山○泰甯鎮總兵官德春奏遵旨敬詣

昌西陵查勘補種樹株添換黃土得旨妥慎裁種不可草率○山東巡撫李鴻章奏遵查東省海防未便添用漁船報聞○命奉天府府尹文俊來京以山東按察使福濟為奉天府府尹調山西按察使英桂為山東按察使以浙江鹽運使麟桂為山西按察使○緩徵山東歷城章邱鄒平齊河禹城德平長山新城齊

東濟陽東平臨邑德平原東阿惠民陽信樂陵商河濱利津蒲臺滋陽富陽鄒汶上陽穀壽張荷澤單城武曹定陶鉅野鄆城濮觀城聊城朝城堂邑茌平莘冠館陶邱海豐四十六州縣及德州東昌臨清濟甯西衛被水被風被雹被蟲民屯新舊額賦○戊子

上御洞明堂句到四川本年情實罪犯停決斬犯十四人餘五十七人予○諭內閣詢爾經額奏籌辦迎剝南漕並動用解歸原借海

稅銀款發給放空口糧一摺本年南漕入東過遲前經降旨飭撥楊村船隻迅往剝運茲據奏稱遵調楊村官剝一千隻赴臨清州供剝另調官剝一百隻赴安陵一帶迎剝所需放空口糧著准其在海稅解部項下動撥銀八千二百五十兩以濟要需事竣照例扣還歸款至所稱剝船在途守凍議給口糧臨時體察一節仍著該督嚴飭領剝各員星速迎剝即使河水稍凍亦須設法打冰剝運總期

多到一船即多收一船之米僅因節候過遲竟不能全數抵通天津北倉尚可截卸斷不可以守凍為名遲延觀望徒致虛糜剝費仍無益於倉儲也○兩江總督陸建瀛奏江蘇安徽江西三省兵丁皆有徵調未能裁復舊額請俟軍務告歲再辦得旨著暫緩辦理俟何時可以議裁即行奏辦○以署吏部右侍郎羅惇衍為順天武鄉試正考官翰林院侍講學士宋晉為副考官○以直隸永定河伏

秋防汛出力予同知毛永柏等并敘有差○

己丑

上詣

廣仁宮拈香○至田村

孝德皇后殯宮奠酒○諭內閣徐廣縉奏十月初一日馳抵湖南衡州飭令福興督帶兵勇馳往長沙城外會同向榮攻剿河西一帶賊匪並派隨營熟諳船礮之員弁楊雄昭等隨同高廉道沈棟輝高州鎮玉山分隊前進徐

廣緝亦即馳往湘潭就近督辦所有福建兵三千名業據飭令由萍鄉一帶堵截其各省續調之兵著即分劄岳州防堵該大臣務當嚴申紀律督率鎮將等同心協力直擣城南賊巢毋令紛竄如有遷延觀望畏葸不前甚至賊至即潰賊出不追貽誤事機者即將帶兵之員用朕賜過必隆刀軍法從事以振積玩而肅戎行○又諭徐廣緝葉名琛奏查明未能認真捕匪並日久廢弛之文武各員請

交部嚴議一摺廣東前署高州府知府胡美彥前署茂名縣知縣胡宗政於匪首凌十公在平南拜會後初次回至信宜並未實力嚴拏以致復竄鬱林升任梧州協副將前欽州營參將恒山在任五年捕務是其專責乃任令各匪猖獗營伍實屬廢弛胡美彥胡宗政恒山均著交部嚴加議處○諭軍機大臣等徐廣緝奏長沙城外河西之賊多於河東並於江面搭造浮橋見家河口築有礮臺意在

牽掣我兵且為他竄之計該大臣務將河西股匪先行剿滅並將長沙城南賊巢併力圍攻毋任逆首乘間竄逸本日據蘇布通阿奏遵旨由四川馳赴湖南軍營著俟該提督到後即撥給四川兵三四千名令其督帶俾兵將相習可收指臂之效其所帶員弁兵丁十二名並會鹽營遊擊姚鵬程馬邊營守備張正倫千總陳澤主夢熊及得力弁兵五十員名著即歸該提督統帶並由該大臣察看酌

量差遣可也將此由五百里諭令知之○庚寅

上詣

安佑宮行禮○詣綺春園問

皇貴太妃安○諭軍機大臣等張祥河奏遵旨暫停團練力行保甲一摺前據該撫奏請於南山地方擇要舉行團練令民戶出一丁早晚練習官為合操朕以鄉民良莠不齊易聚難散且陝境去楚匪滋擾之地尚遠恐地方

官奉行不善轉致驚擾當經諭以力行保甲並隨時教練弁兵原期於保衛之中寓鎮靜之意茲據奏稱現停團練操演將舊有卡堡加以繕葺修整器械歸庫收儲壯丁造冊存記並飭訓練弁兵編查保甲等語俱係地方官應辦之事即著照所議辦理邊境地方緊要戰匪安民最為急務必須平日勤加講求方能有備無患著舒興阿張祥河督飭所屬將各營弁兵認真操練俾成勁旅並飭地方

官實力編查保甲盤緝奸匪不得因停止團練遂於訓練操防稽察等事稍形疏懈轉負朕諄諄訓飭之意將此諭令知之○緩徵廣西西江被賊各鹽埽應徵道光三十年課餉之半○辛卯

上詣

大高殿

壽皇殿行禮○還宮○以山東德州軍政年逾六十官一員精力未衰命留任○壬辰以冊

立

皇后前期遣官告祭

天

地

太廟

社稷

上親詣

奉先殿行告祭禮○遣官告祭

孝和睿皇后暫安寢殿○遣官告祭

孝德皇后殯宮○詣

壽康宮前殿拈香後殿問

皇貴太妃安○諭內閣昨據舒興阿奏發遣官

犯中途串匪劫奪脫逃一摺官犯陳昌言係

已革甘肅岷州知州前因誣訐該管上司審

明發往新疆充當苦差現由該督定地飭解

膽敢商串匪徒於中途劫奪潛逃實屬目無

法紀較之尋常人犯被搶逃脫尤出情理之

外且以官犯逃走何至遠颺無蹤著舒興阿

選委幹員督同失事地方員弁並飛咨鄰省將陳昌言並劫奪各匪一體嚴緝務獲訊明商串劫犯確情按律從嚴定擬具奏○又諭季芝昌王懿德奏參延不進剿之水師提督一摺福建水師提督鄭高祥督剿艇匪甫經出洋即藉稱風大按兵不動繼復以修理船隻折回廈港置勒匪於不問實屬畏葸不前鄭高祥著先行交部議處仍令戴罪統帶師船出洋勦捕務將各艇匪悉數殲除儻再藉

詞延宕即行嚴參○廣西巡撫勞崇光奏遵查粵西軍營支發章程惟優給壯勇雇值及加增武職鹽糧長夫均與例案不符係因軍務緊急量為變通將來歸入外銷辦理尚非任意糜費得旨汝摺內聲明外銷之款若無此旨則未免含混速定章程從實覈辦又奏勦捕鬱林州屬土匪肅清報聞○欽差大臣署湖廣總督徐廣縉奏報接受欽差大臣關防並陳在事鎮將半月以來按兵不動積玩

已久得旨鎮將各員玩泄固久然其中不無可用之人第觀駕馭何如耳朕知汝辦事才尚可觀然望汝擴充度量不致褊狹懷之○閩浙總督季芝昌以疾乞休允之調雲貴總督吳文鎔為閩浙總督以湖北巡撫羅繞典為雲貴總督廣東布政使崇綸為湖北巡撫○命工部尚書麟魁禮部左侍郎聯順刑部右侍郎奕經總管內務府大臣存佑內閣學士許乃普內閣學士署禮部右侍郎陶樑正

紅旗漢軍副都統托雲保鑲紅旗蒙古副都統忠泰鑲藍旗滿洲副都統西興阿在紫禁城騎馬○以陝西西安軍政年逾六十官十二員精力未衰命留任○予廣西陣亡千總秦玉麟外委陳兆龍何成秀祭葬世職舉人蘇元初賞卹如例

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十三

實錄卷之七十三

幸

清 實 錄 咸豐二年十月中

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十四
咸豐二年壬子十月癸巳諭內閣明年二月
教修

二十六日

孝和睿皇后梓宮永遠奉安據欽天監奏謹擇
於二月二十四日辰時由

昌陵隆恩殿奉移至

昌西陵隆恩殿所有應行事宜著各該衙門敬

謹豫備○又諭前據陸應穀奏內黃縣拏獲

脫逃遣犯沙二小請旨即行正法當交刑部

速議具奏茲據該撫查明沙二小係強盜案

內免死發遣之犯於恩赦後脫逃被獲仍應

九五九

按律擬斬入於秋審辦理前奏擬請即行正法係屬錯誤據實檢舉沙二小一犯著刑部查明照例更正河南按察使沈兆雲彰德府知府戴鸞翔內黃縣知縣何懷珍擬罪舛錯雖自行查出究屬疏忽著交部分別議處陸應穀著交部察議以署河南布政使鄭敦謹為廣東布政使命阿勒楚喀副都統薩炳阿前往湖南軍營交欽差大臣徐廣縉調遣以赴援湖南省城勦賊出力賞遊擊朱占鼇巴圖魯名號○以固守湖南省城賞副將鄧紹良總兵銜知縣王葆生都司周兆熊守備萬年新侯光裕花翎把總徐嶸等藍翎餘升敘有差予陣亡千總趙繼宗祭葬世職以山海關軍政年逾六十官七員精力未衰命留任 甲午

上御太和殿宣制冊立

皇后王以下文武大臣官員行慶賀禮○命大學士裕誠為正使禮部尚書奕湘為副使持

節齋冊寶冊立

貴妃鈕祜祿氏為

皇后冊文曰朕聞寶曜騰輝儷乾樞而作配金泥煥采申巽命以揚麻惟中宮實王化所基而內治乃人倫之本爰修茂典式舉隆儀咨爾貴妃鈕祜祿氏教東名門慶貽勳闕叶安敦而提福應地時行本淑慎以流徽覩天祥定在昔虞廷慎典肇傳鳩內之型周室延釐必本河洲之化既宜家而作則當正位以稱名茲以金冊金寶立爾為皇后爾其祇承榮命表正壹儀恭儉以率六宮和順以膺多福螽斯樛木樹仁惠之休聲蘭館鞠衣翊昇平之至治丕昭內則敬迓洪禧欽哉 山東巡撫李德奏地方積習已深力求整頓得旨汝辦事認真朕所深信洵可謂不避嫌怨加勉為之 乙未

上以冊立

皇后詣

壽康宮

皇貴太妃前行慶賀禮御乾清宮受

皇后禮○御太和殿王以下文武大臣官員行

慶賀禮禮成頒詔天下詔曰朕惟乾儀作儷

資厚載以成能坤德順成佐健行於不息粵

稽昔典丕著芳徽治贊垂裳緬娥臺之表瑞

澤繇卜世紀似幄之徵祥惟壹政之克宣教

符內職斯物宜之胥理化浹震區朕寅紹丕

基誕膺景運撫萬幾於宵旰思一德之匡襄

貞貴妃鈕祜祿氏慶毓璫源徽彰璇閣珩璜

式協既懿範之性成國史羅陳復前規之躬

秉幹締綌而無斁儉以持身詠葛藟之交榮

仁能逮下柔嘉懋著允宜萬福之綏禧翟增

輝庶作六宮之則爰諏吉日特舉崇儀敬考

典章式昭位序謹告

天

地

宗廟

社稷於咸豐二年十月十七日冊立貞貴妃鈕

祜祿氏為皇后體齊蘭殿襄邸治於龍飛瑞

溢椒闈兆隆庥於燕翼既成嘉禮特沛恩施

所有事宜開列於後一親王福晉以下至奉

恩將軍妻室等俱加恩賜一民公侯伯以下

二品大臣以上命婦俱加恩賜一從前恩詔

後官員有升職改任及加級改銜者照其職

銜給與封典一八旗滿洲蒙古漢軍婦人年

七十以上者照例分別賞賚一內務府三旗

婦人年七十以上者照例分別賞賚一各省

老婦有孤貧殘疾無人養贍者該地方官加

意撫恤毋令失所一除十惡及謀殺故殺不

赦外犯法婦人盡與赦免於戲深宮資內助

之賢原端風化寰海切毋儀之戴輝仰星軒

宜遐邇之推恩徧臣民而被澤布告天下咸

使聞知 丙申

上詣

壽康宮問

皇貴太妃安。○御懋勤殿。旬到奉天。陝甘本年情實罪犯。停決陝甘斬犯一人。餘七十八人。予○諭。內閣。前據御史王茂蔭奏。駁秋審擬緩之絞犯。拜雙汶一案。情罪未協。當交九卿叢議。具奏。茲據會同詳叢。擬請改入情實。並據兵部尚書魏元烺。以該犯情傷俱輕。不應入實。另議具奏。朕詳加披閱。此案陝西回民拜雙汶。刃傷無服族叔拜景汶至死死者。年已七十。且係徒手。該犯等各持有刀械。名

曰解勸。意實攢毆。迨拜雙濛連戳棄刀逃跑。之後。該犯目覩傷重。復行冒砍。致斃情節。實屬兇惡。刑部以毆非豫糾。傷無致命。擬入緩決。雖係查照歷年成案。辦理究於此案情節。尚未允協。所有拜雙汶一犯。著照九卿改擬入於情實。辦理。至向來金刃傷人之案。乾隆年間。曾奉諭旨。或以罵詈起釁。或以手足先毆。而兇犯輒持金刃。抵拒殺傷。其為逞強斃命。已可概見。

此等而不入於情實。何以懲暴除兇。後又疊奉

諭旨。即以金刃傷而論。亦當叢其情事之曲直。傷痕之多寡。今不詳細確叢。一概入於情實。又豈於恤庶獄之意。仰見

聖訓昭垂。至為平允。現在刑部所查近年成案。或金刃致斃徒手而死者。並非年老。或金刃致斃老人而死者。又非徒手。情節參差。與此案之理曲情兇。且目覩餘人連戳多傷。又加

很砍者不同。自應酌改入實。以儆兇頑。豈可拘泥成案。致滋疏縱。惟人命至重。案情不一。嗣後中外問刑衙門。遇有此等命案。均當確叢情傷。持平定議。斷不可惑於救生不救死之說。改易情節。牽就成案。致令死者含冤。亦不得因奉有此旨。概擬情實。致啟深文周内之弊。至案關服制。尤當研訊確情。詳叢定擬。總期情真罪當。無枉無縱。以副朕明慎用刑之至意。○以密雲駐防軍政年逾六十官八

員精力未衰命留任○丁酉

上幸瀛臺 諭內閣葉名琛奏馳抵韶州分兵截剿賊匪疊獲勝仗並各路圍拏多賊一摺廣東韶州一帶匪徒因楚匪先有糾約之信彼此勾串希圖劫掠經葉名琛督飭文武於東西兩路嚴密堵截疊獲勝仗大挫兇鋒辦理頗為迅速惟山內尚有餘匪往來嘯聚亟應趁此聲威痛加勦洗毋留餘孽並於楚粵交界各路加意設防如有應須協勦之處該

署督即飭令將弁越境合力殲擒以綏邊圉

戊戌

上御懋勤殿句到湖廣江西本年情實罪犯停決湖廣斬犯五人絞犯二人江西斬犯五人絞犯一人餘五十人予勾 諭內閣前據培成奏參員多隆阿稟揭主事廣正私扣庫款等情當經先後降旨交奕興景濱會同查訊茲據查明派修工程銀兩均經承修各員照數關領廣正尚無扣留情事惟與郎中富廉

查辦裁減豁免款項恐二十九年各款不准查豁輒商允各員將應領俸銀扣存備抵已屬不合復因採買秫稻將扣存銀兩私行動用迨稟揭後始如數歸還尤屬謬妄廣正著即革職富廉及隨同商辦之員外郎福聚五品官侯廷弼六品官袁國信訥欽布均著交部分別議處已革筆帖式多隆阿所稟雖未盡實尚屬有因業經革職著毋庸議侍郎培成失於覺察著交部議處○又諭御史張澧

翰奏軍流徒犯動輒脫逃逞兇肆擾請嚴加管束一摺據稱各省州縣安置軍流徒犯往往由配脫逃潛往他處滋事或在配所結黨聯盟肆行不法商民輒受其害此等人犯大率兇惡性成如果地方官嚴加管束無難消其桀驁化為善良無如近來該管官積習相沿漫不經心或聽其散處或任其遠颺及至別滋事端又復意存迴護巧為開脫即如兵部前奏烏魯木齊脫逃遣犯竟至六百七十

八名之多。其未經查出者尚不知凡幾。著各該將軍、都統、督撫、府尹暨新疆大臣等嚴飭所屬於各處安置人犯嚴密防範勿任潛逃。如有在配所滋事逞兇者即行從重懲治。至發遣人犯經過地方尤當妥為護解不得稍有鬆懈。其遇赦釋回人犯責令地方官嚴行約束認真稽查。用副朕除莠安良至意。將此通諭知之。○諭軍機大臣等御史張澧翰奏陝西寶雞縣有遣犯孫三張二田四賣煙聚賭並恃強向鋪戶居民賒借稍不遂意即持械尋毆。又安徽歙縣遣犯多發各鄉鎮居住藉開小押廣收賊贓誘人賭博重利盤剝平時勾通差役糾集亡命橫行無忌平民多受其害。紳耆呈請撤歸城中管束。地方官率不准行等語。此等遣犯兇惡性成若不嚴加管束必致別生事端。何以戢強暴而安良善。著張祥河飭屬查明寶雞縣遣犯孫三張二田四等不法情事按律懲辦並著蔣文慶飭屬

查明歙縣各鄉鎮遣犯如有收贓誘賭及勾通差役毒害平民重情從嚴究治。至遣犯散處城外查察難周應如何嚴加管束之處並著酌定章程辦理。將此各諭令知之。○己亥上御懋勤殿。旬到浙江安徽江蘇本年情實罪犯停決浙江斬犯四人餘六十六人予勾。○諭內閣黃宗漢奏參不協輿情之署知州請旨革職一摺。浙江署海甯州知州江山縣知縣吳春常於該州田禾被旱並不及早勘辦以致鄉民赴署滋鬧平時既不協輿情又不能將滋事人犯上緊拏獲實屬不職。吳春常著即革職交該撫提同現獲各犯嚴切訊明起釐根由按律懲辦並查明該員經手倉庫錢糧如有虧短即行據實嚴參以肅吏治。至該州被旱情形並著該撫迅速委員查勘分別辦理。○又諭禮部奏據朝鮮國王咨稱近年以來內地船隻前往該處沿海各島捕魚每次漁船或八九十隻或數百隻船載多人

並有鳥銃器械等件其船號俱是登州萊州
甯海榮城奉天江南蘇州各等處船隻未便
擅行驅逐等語沿海居民越界漁採例禁禁
嚴康熙五十一年曾奉

諭旨朝鮮海洋漁採船曾經申飭嚴緝今尚有
船至朝鮮邊界捕漁是即海寇嗣後許該國
即行追勒如有生擒者即速解送等因欽此
聖諭煌煌中外均應恪守乃近來復有內地船
隻前往該處漁採實屬有違定例著盛京將

軍奉天府府尹並沿海各督撫飭屬一體嚴
禁認真編查如有前項船隻越境漁採即行
照例懲辦將該管官查叅議處並著該部行
知該國王遵照康熙年間

諭旨嚴查辦理以肅邊防而申禁令○旌表守
正捐軀直隸磁州民柳奉山女狗女○庚子
上奉

呈貴太妃萃恭親王奕訢第○諭內閣季芝昌
王懿德奏遵旨查取前任刑部郎中現調補

福建道員文秀親供據實覆奏一摺文秀前
在刑部郎中任內尚無饋送堂官書元銀兩
情事惟於書元告知當差勤慎召見時面保
之語輒向同官談及亦有不合著交部議處

又諭慶祺朱嶧奏河水凍合亟籌截卸事
宜一摺本年南漕行走遲滯現在北運河業
已凍合所有在後之江安重運剝船勢難徑
抵通壩著准其照道光三十年辦過成案暫
行截卸天津北倉俟明春冰泮即行運通並

著派朱嶧帶同坐糧廳監督一員迅往天津
驗收一切經費均查照上屆成案辦理其浙
省杭嚴三等七幫已入東境現派剝船接運
著山東巡撫直隸總督嚴飭迅速迎剝催趲
設法打水前進務期剋日挽抵津關一併截
卸北倉毋任藉詞延宕其尚未報入東境之
嘉白等幫是否尚可趲行抑須就近截卸之
處著漕運總督山東巡撫酌量情形妥速籌
辦○署四川總督裕瑞奏屏山綿州三臺遂

甯筠連岳池廣安大甯等州縣沿河近山居民猝遭水患及被山塌壓均經籌款賑撫得旨認真查勘妥為撫恤○以勦獲福建臺灣匪徒洪紀賞臺灣道徐宗幹將常存花翎餘升敘有差○以成都駐防軍政年逾六十官一員察哈爾軍政年逾六十官六十四員精力未衰均命留任○蠲緩湖北公安天門江夏嘉魚漢陽廣濟石首監利咸甯黃陂孝感沔陽黃梅潛江雲夢應城江陵松滋荊門

蒲圻鍾祥漢川京山武昌大冶蘄水黃岡枝江二十八州縣暨武昌武左沔陽黃州蘄州德安荊州荊左荊右九衛被旱被水民屯新舊額賦賑鍾祥公安漢川天門災民口糧有差○辛丑

上詣

壽康宮問

皇貴太妃安○御懋勤殿旬到河南山西本年情實罪犯停決河南斬犯四人絞犯一人山

西斬犯七人絞犯一人餘五十一人予卹○諭內閣漕糧為天庾正供近來重運漕船不能如期抵壩以致回空歸次兌受新漕節節耽延本年幫船北上開行已遲沿途又不實力催趲直至運河漸已凍合尚未全數抵通現將在後之江安重運剝船截卸天津北倉浙省杭嚴三等七幫由山東打冰剝運並有嘉白等幫尚未報入東境似此任意延玩實從來所未有刻下節近大雪水勢日消若不

趕緊趲令歸次來年新漕受兌必致貽誤關繫匪輕除浙江各幫該撫請改海運江蘇各幫明年仍分別海運外其餘各省幫船著漕運總督嚴飭起卸各幫即日連檣南下銜尾遄行不准片刻停留並著東河南河總督及有漕各督撫分飭各地方嚴切催提及早歸次來年新漕尤當迅速辦理按期兌開統於四月初十日以前催抵清江剋期渡黃毋得因本年回空較晚又復藉口耽延儻將節次

諭旨視為具文仍致臨時周章有逾例限定將該漕督及有漕各省督撫嚴行懲處決不寬貸懷之慎之將此通諭知之○又諭葉名琛奏請將文闡舞弊之舉貢等及巡緝不力之委員分別懲辦一摺本年廣東鄉試經監試官惠州府知府蘇學健查出東文場水溝內有傳遞文字紙包並拏獲舞弊號軍馬亞幅一名究出監生劉韻瓊等雇倩副貢生黃子森代作文字傳遞入場等情科場舞弊大干例禁必應嚴行懲辦香山縣監生加捐同知銜劉韻瓊鶴山縣附生張存禮順德縣監生加捐翰林院孔目銜馮贊熙清遠縣附生郭昭祖監生加捐知州郭壽增均著即行斥革其在逃未獲之槍手副貢生黃子森舉人關鸞飛吳寶杰著一併斥革與已革舉人楊懋建及包攬傳遞之高亞騰簡亞滿等均著按名嚴拏務獲歸案訊究按律懲辦其巡緝不力之委員與甯縣巡檢潘成林瓊州府經

實錄卷十四

六

歷余金生廣州協右營效力武舉徐雄斌均著交部議處尋奏訊結劉韻瓊郭壽增馮贊熙郭昭祖張存禮馬亞幅照例擬軍逸犯黃子森等俟續獲究辦下部議從之以伊犂軍政年逾六十官二十九員精力未衰命留任○壬寅

上詣

時應官拈香○免江西撫州幫漕船遭風漂失米一千一十三石有奇淹斃旗丁賞卹如

實錄卷十四

七

例○癸卯諭內閣陸應穀履奏平安峪成子峪兩處地形一摺所有原派相度之王大除載銓現告病假外著裕誠奕湘彭蘊章基溥各帶堪輿前往該二處再行公同相度其平安峪穴旁地面此時可否先行開看土色抑俟來春再行開視著裕誠等悉心酌度辦理成子峪如立辛山乙向前面準對何山一併閱看詳細覆奏所有載銓陸應穀前帶堪輿各員著裕誠等一併隨帶前往○又諭李

德奏援案請展減引年限又片奏商捐釐頭等銀仍請暫停催徵各等語山東鹽綱減引十萬道前經奏准推展自道光二十八年至咸豐二年展限已滿茲據該撫查明商累未能復原本年場電又被潮災若將新引遽復舊額商力實有未逮加恩著照所請所有山東鹽課原減引十萬道准其援照成案自咸豐三年為始照舊減運俟五年限滿再行酌復舊額其應徵商捐釐頭及不敷公費銀兩

實錄卷七十四

六

亦著准其暫停俟咸豐四年即行催徵歸款該撫仍當督飭運司催辦課額毋稍延宕○山東巡撫李鴻章奏藩司劉源灝前赴濟甯督辦截漕放賑事宜均無遲誤得旨劉源灝辦理賑務尚屬認真著傳諭該司事事益當加勉以荊州駐防軍政年逾六十官七員精力未衰命留任○甲辰

上詣

永安寺拈香奉

皇貴太妃幸浴蘭軒侍膳諭內閣徐廣縉奏遵旨查明賽尚阿隨帶文武員弁兵丁飭令回京開單呈覽副都統銜頭等侍衛開隆阿係朕特命賽尚阿帶往軍營之員著仍留湖南軍營交徐廣縉差遣委用其餘士魁等文武各員及兵丁等均著飭令回京當差○諭軍機大臣等張芾覆奏江西防堵情形一摺據奏袁州吉安南安贛州各郡分派鎮道大員及紳士協同相度道里遠近分布防守尚屬周密至九江一郡為吳楚咽喉先事豫防固當籌及第賊匪現在長沙經大兵攻勦若竄江西地界自以袁州吉安為最要關鍵九江距湖南尚遠較之萍鄉等處緊接賊匪地方者有間該署撫惟當酌量緩急妥籌辦理兵分則單設非緊要之區派撥較多恐於應行嚴防處所轉致疏忽戰船廢弛已久經費當支絀之時倉猝籌辦不但購料修造緩不濟急且徒糜餉需無濟實用其江蘇舢板船

隻果否足資巡緝抑可就本地商漁船內酌度情形豫備應用該署撫務須不動聲色嚴密籌維於尋常稽查保甲之時加意偵緝遇有奸細窺伺立即擒捕嚴飭營員督兵防禦總期處以鎮靜勿使安堵居民轉因此而致驚擾並當嚴飭在事文武員弁於一切經費力求撙節毋得藉詞冒濫為將來開銷地步另片奏與陳孚恩商派各員前赴各府會同該地方官勸諭紳富樂輸等語著照所議妥為籌辦仍當嚴飭委員及地方官毋得抑勒苛派致滋弊端將此諭知張芾並諭陳孚恩知之○乙巳

上詣

壽康宮問

皇貴太妃安御懋勤殿旬到山東直隸熱河本年情實罪犯停決山東斬犯四人絞犯一人直隸斬犯三人絞犯一人餘六十人予旬諭內閣賡福奏命案供情傷痕與原審不

實錄卷十四

十

符一摺蒙古滌魯布毆傷業師莊培元身死一案經該都統覆審滌魯布供稱莊培元係自縊身死並非毆斃訊據原驗仵作所供傷痕亦與原驗傷單不符所有原審原驗之前任朝陽縣知縣富明阿前任建昌縣知縣明秀前任三座塔理事司員雙麟著正紅旗鑲白旗滿洲都統理藩院堂官飭令該員等迅赴熱河交賡福督同各該員詳加研鞫以成信讞○諭軍機大臣等御史福昌奏請嚴緝

實錄卷十四

十

奸宄一摺京城地面遼闊五方雜處匪徒易於潛跡全在該管各員認真稽查庶免滋生事端若如該御史所奏外省釋回各犯窩留在京不安本分以致各城竊盜之案層見疊出現當湖南賊氛未靖難保無奸細暗中潛入著都察院堂官飭令五城御史並著步軍統領衙門順天府於嚴查保甲之外密派員弁兵役實力巡緝凡九城內外隱僻處所時時留心明查暗訪遇有形跡可疑之人設法

盤詰如係奸匪即行拏獲解交該衙門訊究至禁城左近尤關緊要著一體嚴密稽查務當處以鎮靜毋得稍涉張皇轉致平民驚擾仍嚴飭該員弁等妥慎辦理將此各諭令知之○定郡王載銓等奏酌擬寬籌軍餉章程一王公文武京外各官及致仕休致降革丁憂告病大小官員一體量力捐輸一八旗已未出仕之宗室量力捐輸應如何獎勵之處請旨定奪一翰詹科道准捐外任一京察一等記名道府各員准捐分發一京外各官已補缺者試俸歷俸年限准全行捐免一內閣中書准捐免試俸一各項回原衙門行走之員准報捐外任一告假告病及丁憂服滿在恩詔以前各員准仍照原官捐請封典並准加級請封一捐封不限服制並准照例定應封品級酌加推廣一准推廣外端尊長捐封一休致人員准照原銜捐封一降革不准捐復人員除實犯贓私外其餘准加倍半捐復

一舉人及恩拔歲副優貢生准報捐國子監助教學正學錄一文武各官分別京外准各按品級報捐花翎一降革一品以下文武官員向不在捐復之列者准捐復原官頂帶一軍臺效力官犯准先繳臺費分別釋回免遣一發遣新疆等處官犯分別已未到戍酌定贖罪銀數准釋回免遣一軍營官員兵勇所得領項及商賈滙兌銀兩暫行交官充餉給與印單酌定期限給領一用廣儲司舊存金牌以抵軍營賞需一照浙江吏務案內用賞銀執照一京外置買房田未稅契者於文到日限三月內補稅一招商開採熱河及新疆各城並各直省所屬金銀礦得旨覽所議各條各項回原衙門行走之員報捐外任仍應歸吏部帶領引見候朕欽定京外文武一二品降革人員如有願捐復原銜者亦須奏明請旨以示限制而懲惡劣新疆等處官犯贖罪一條著暫不必行餘依議 丙午

上詣

壽皇殿行禮

關帝廟拈香○諭內閣昨據工部奏請派員查勘

東西兩陵工程當派出侍郎哈芬敬謹查勘哈芬著赴

西陵查估歲修另案並驗收各工所有

東陵歲修另案各工業經緩辦其應行驗收各工及前經專案奏請應修工程即著彭蘊章

平錄卷十四

事

敬謹查勘○安徽巡撫蔣文慶奏陳招募練

勇事宜得旨安省所募之勇因兵力較單為不得已之舉然此事可少則少不過藉茲聲

勢而已至通省營兵豈能盡不可靠惟在將領有出色之人尚可得力○調盛京工部侍

郎培威為理藩院右侍郎盛京兵部侍郎廣林為工部侍郎盛京禮部侍郎耆瑞為兵部

侍郎理藩院右侍郎和色本為盛京禮部侍郎以黑龍江軍政年逾六十官四十員精

力未衰命留任○緩徵山東范縣被水村莊新舊額賦○撫恤朝鮮國遭風難夷如例

平錄卷十四

事

大清文宗協天翊運執中垂謨懋德振武聖孝淵恭端仁寬敏顯皇帝實錄卷之七十四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十五

此等題義官經逐日講起居注官于太極上書居題師傳文詞閣領閣事翰林院掌院學士備察飲食上諭旨件度國文經親讀官武英殿

大學士官理兵部事務加十三級紀錄十四次臣費禎雲不總戎官經近謀官太子太保文淵閣領閣事武英殿總管教習詹士體仁

大正十二年戶部三度事務管理刑部事務加二十三級紀錄十六次在周祖培總裁官太子少保管理內閣書庫事務計引大臣軍機大臣

鎮益鎮滿州都統戶部尚書管理三庫事務加四級隨帶加五級紀錄十二次臣寶興奏委官經范鎮官引德俄教習清文請達上書房編譯

遼國史館編修官正監撰蒙古郡縣禮部尚書管理太常寺鴻臚寺事務加二級軍功加四級隨帶加入級紀錄五次且俸什琿等奉

教修

咸豐二年壬子十一月丁未朔日食○兩江

總督陸建瀛。江南河道總督楊以增奏稱。前次豐工未能合龍。人咸以為過於節省。羣相煽惑。以冀多請錢糧。惟有堅持定見。認真妥辦。得旨。辦此鉅工。首重覈實。朕知卿等斷不為浮言所惑。益當不避嫌怨。慎重為之。以蘇民困。以慰朕懷。○以內閣學士穆蔭兼正藍旗漢軍副都統。○戊申諭內閣。陸建瀛奏遵旨保舉營員。請將辦理洋匪出力之勇頭。以守備補用等語。江蘇勇頭方翔。辦理浙洋盜。

九七二

匪尚屬出力茲據該督奏稱方翔於外海內
江風水並搶礮等技俱能講求著准其遇有
江南外海水師守備缺出即行補用現在江
西籌辦防堵事宜著即飭令該員前赴江西
交張芾差遣委用○又諭陸建瀛楊文定奏
江蘇賑濟漕米一律截卸完竣陸續散放一
摺江蘇豐沛等州縣被水災民前經降旨截
留南糧三十萬石賑濟並派布政使祁宿藻
專司查辦現據奏稱應行截留之湖南江西

各幫漕米業已截卸完竣由該藩司查照奏
定章程陸續設廠開放統計豐沛銅山碭山
邳州等五州縣派撥米數於應賑戶口通融
撥補尚餘米七千餘石著即妥為收存留作
明春接濟之用其宿遷等六州縣派撥米石
並著該藩司督飭趕緊散放實力稽查現在
豐北開工各屬災民除按月給賑外兼可赴
工謀生據奏民情安帖災黎無虞失所稍紓
朕念所有江廣幫船除在江南卸載者已由

該督派員押令回空外至截卸山東賑米各船及接剝運通之江安湖北江西等幫昨已有旨嚴催一俟剝船起卸即著漕運總督沿途各督撫迅即督押回空南下不准片刻停留以期無誤新漕毋得藉詞延宕致干咎戾懔之○又諭陸建瀛揚以增奏參挑挖引河希圖墊厓之工員一摺南河委員宿南營守備劉元外北營守備石榮邳北通判丁承鈞於委挑引河工段膽敢將岸路河身一併墊高並改從灘上挑挖豫為墊厓地步似此侵帑舞弊巧為嘗試無怪上年引河不暢貽誤大工現當辦工喫緊之時該員等故智復萌實屬可惡僅予革職不足蔽辜劉元石榮丁承鈞均著革職枷示河干並責令將墊高之土盡數起除按照原估丈尺如式挑挖依限報竣儻再草率弊混即行從重治罪仍著該督等嚴查此外工段如有前項情弊即將該工員嚴叅重懲毋稍瞻徇○撥江南漕標左

營都司守備千總各一員把總三員外委四員額外外委三員兵丁二百六十四名移駐邳州並將原隸河標右營之邳汛千總把總外委各一員額外外委三員兵丁九十三名一併劃歸該營作為邳州營歸徐州鎮統轄從兩江總督陸建瀛請也○己酉

上詣

壽康宮問

皇貴太妃安○諭內閣通政使羅惇衍奏一月

之中日月並食請嚴飭廷臣實力修省以回天變並請停止冬至慶賀等語日月薄蝕躔度固有定數然自古帝王皆因此而深戒懼我朝

列聖每因災異特降

諭旨戒飭羣臣共圖修省蓋以

上蒼垂象必當君臣交儆克謹

天戒並非博側身修行之名載之史冊也現在盜賊未平河決未堵國用未足民困未蘇總

由朕用人行政多有缺失適見於

天敢不自省所有本年冬至升殿受賀典禮著即停止至內外大小臣工各有職守近來因循推諉積習頗深疊經降旨申誡其感奮有為者固不乏人而陽奉陰違甚至揣摩迎合者亦復不少是以朕於秋仲經筵以有言逆於汝心必求諸道有言遜於汝志必求諸非道命題特宣御論昭示臣工朕兢業寸衷幾康自救原不求中外共喻而諸臣事上之心

為實為名亦難逃朕鑒嗣後惟期共矢公忠力除積習洗心滌慮以佐朕躬斯即應

天以實不以文之意也將此通諭知之○又諭

戶部奏運送剝船遲延請將承運之員議處一摺直隸楊村剝船經該部按照定限奏交江廣等省趕緊成造解赴直隸備用茲據奏稱尚有江西省未解到船四百隻湖南省未解到船三百五十隻節次飛催仍未運到現在撥運漕糧不敷輪轉之用明春辦理海運

尤關緊要若再遷延必致貽誤且剝船工竣開行日期早經各該省先後奏報何以此時尚未解到著江西湖南各巡撫及沿途各督撫飭查江西三四兩限及湖南初二兩限委解剝船現抵何處一體嚴催務令迅速北上毋再延誤其承運之員並著查取職名交部照例議處○又諭羅繞典等奏賊匪被勦竄逃省城圍解一摺據稱賊眾分踞湖南省河東西疊經我兵圍勦十月十九日黃夜乘風

雨黑暗偷渡西岸皆由小路翻山四散紛逃復被我兵分途探截疊有新擒各鄉團練亦堵勦獲勝殺賊一千餘人生擒二百餘人並將偽翼王殲斃現已飛咨徐廣縉亟籌策應催追省城仍設兵防守等語逆匪擾撲長沙省城屢被我軍痛勦黨夥死傷殆盡其逃散餘眾勢益窮蹙著徐廣縉羅繞典張亮基督飭各路將弁兵勇迅速兜截合力追勦務期掃蕩賊氛毋留餘孽此次省城防守八十餘

日該督撫等統率各員弁晝夜嚴防內外夾擊壘挫賊鋒保衛城垣居民藉得安堵辦理尚無貽誤羅繞典著交部從優議敘張亮基著交部議敘駱秉章鮑起豹前因賊匪竄入楚境屢陷城池本有應得處分此次省城防守功過尚足相抵著加恩免其議處所有在事文武員弁紳民人等著徐廣縉會同羅繞典張亮基擇其尤為出力者秉公酌保候朕施恩毋許冒濫○諭軍機大臣等據羅繞典

等馳奏賊匪被勒竄逃省城圍解沿途截追一摺逆匪分踞長沙省河東西八十餘日疊經我兵攻剿斷其接濟散其黨與勢已窮蹙前後三次轟城均被我兵擊敗兇悍黨夥半已死傷其逃過河西賊營者復因追勒緊急皆由小路翻山四散紛逃沿途被張國樑朱啟仁張東价及鄉團唐秩臣等燒毀賊營並在見家河猴子石龍迴塘謝家橋郭思橋等處截殺各路官兵追至白箬鋪地方殺賊一

千餘名生擒二百餘名並將偽翼王殲斃現在賊由甯鄉白箬鋪逃去此地距縣城僅五十里有小路可達湘鄉常德岳州荊州一帶隨處皆可竄越若不嚴行追捕聽其一路裹脅必至餘灰復燃又成巨患著徐廣縉飛飭各鎮將分帶兵勇星速攔追乘其紛紛逃潰之時痛加勒洗速蕺大功至省城防兵仍應安設著羅繞典張亮基鮑起豹等督飭在事文武官紳加意巡防毋稍鬆懈殲斃之偽翼

王係何姓名逆首洪秀泉等是否擊斃抑逃竄何處均著查明具奏將此由六百里諭知徐廣縉並諭令羅繞典張亮基鮑起豹知之○命前任湖南巡撫駱秉章來京○庚戌

上詣

雍和宮行禮 詣

火神廟拈香○諭內閣季芝昌王懿德奏參消弭飭查事件之營員請革職訊究一摺據稱本年六月間桐山營遊擊申文內夾有匿

名揭帖聲訴提督炳文調操扣餉各情經該督等將揭帖封交署遊擊王煜飭令確查筆蹟並營中有無不公之處已據該署遊擊札交該營守備清住查出二人即應解省審辦乃任意延宕並將查對之件匿不交出顯係意存消弭匿名揭帖例應立案不行惟係印文封遞關涉提督大員且既查有端倪虛實均應徹底根究福建前署桐山營遊擊福州城守左軍都司王煜桐山營守備清住均著

暫行革職勒令將查出之人迅速解省交王懿德親提研訊據實具奏毋稍徇隱○又諭季芝昌奏請將庸劣不職之各營員并分別勒休革職一摺福建延平城守右營守備李可受身體軟弱技藝疏庸著即勒令休致浙江甯波城守營都司潘肇富緝捕廢弛難期振作温州城守營千總顏朝忠性情浮躁嘉興協右營千總邵占魁巡防不力著一併革職顏朝忠前因伊子滋事提府訊究儻查有

縱容別情另行參辦○辛亥諭軍機大臣等寄諭廣西巡撫勞崇光據孫鏞鳴片奏沿途情形內稱南甯之宣化土匪頻出滋擾永淳橫州客民獍民爭田啟釁糾眾仇殺不休潯州之貴縣鬱林之興業各有勒散餘匪正在搜捕容縣交界之自良墟蓮魚灣土匪盤踞該地邀截客商按船抽稅等語前據該撫奏各路勒匪情形除鬱林等屬業已肅清外如容縣之自良墟等處尚多伏莽著按照該撫前奏並該學政所指確查土匪蹤跡迅速勦辦務使一律肅清毋致稍留餘孽以靖地方將此諭令知之○壬子

上幸瀛臺○諭內閣嗣後遇朕臨幸瀛臺如進淑清院門御前大臣御前侍衛等俱在淑清門下馬如進德昌門御前大臣御前侍衛等俱在橋東下馬乾清門大臣侍衛等仍著照常步行跟隨○又諭徐廣縉奏賊匪由西路竄逃官兵追勦情形一摺賊於十月十九日

夜間全股渡河西竄。兵勇截勦。各有斬擒。現在逆匪已竄至甯鄉。經該大臣復派和春、秦定三、李瑞王、錦繡四鎮之兵。及瞿騰龍所帶鎮軍勁旅共五千餘名。會同福興等所帶粵兵。合力前追。並派候補知府江忠源帶楚勇二千名。趕赴湘鄉。截其南竄寶慶之路。並飛飭向榮由甯鄉抄前至益陽。堵其北竄常德之路。又派候補知府朱啟仁帶潮勇四千名。總兵常祿帶兵一千七百名。及張國樑捷勇四千名。馳往長沙西北一帶。遏其竄往湘陰之路。此次逆匪因大兵圍勦。米鹽將盡。紛紛竄逃。經各路兵勇及各團義勇四面攔追。截擊斬擒甚多。勢已窮蹙。該大臣分派將弁迅速堵扼。兵力亦不為不厚。該逆即冒死衝突。料難他竄。惟當嚴督在事文武。趕緊兜勦。務將著名逆首及從逆匪犯悉數殲擒。不准仍前竄逸。致干重咎。仍隨時知照廣西湖北一體嚴防堵截。勿令餘匪竄入。至福興向榮所

割營盤距賊竄出之路不遠。該提督等不能嚴密堵防。未便因其追勦獲勝。稍事姑容。福興著交部議處。向榮係已革發遣戴罪自效之員。著該大臣存記。如果追勦得力。據實具奏。儘始終不能奮勉。一併嚴參。重治其罪。○四川學政何紹基奏請鑄用大錢以復古教時。並禁止民用銅器得旨。所奏不為無見。然小錢大錢制雖異。用實同。現鑄小錢銅尚不足。何況大錢乎。汝知一未知二也。至器用多

銅原干例禁。本年曾經降旨。況古制亦非盡善舉。一事必欲復古。試問井田封建尚可復乎。此摺著戶部存記。若有可行時。不妨採擇入奏。○命兵部左侍郎恩華戶部右侍郎趙光馳往吉林查辦事件。○正藍旗蒙古都統特登額因病解任。以工部尚書麟魁兼正藍旗蒙古都統。○以學習御前大臣奕格署鑾儀衛掌衛事。○予陝西破水淹斃外委文玉珍阮鈞治祭葬卹廕。○賑陝西興安府破水

災民一月口糧給坍塌房屋修費○癸丑上詣

壽康宮問

皇貴太妃安命協辦大學士戶部尚書禧恩為正使內閣學士穆蔭為副使持節齎冊晉封

英貴人伊爾根覺羅氏為

英嬪冊文曰朕惟蘭殿重內官之選昭令範於星闈鞠衣褰中壺之勤晉崇班於月御寶

章光賁翟彩榮增咨爾英貴人秉性溫恭宅

心端謹贊坤元而叶吉儀式三宮申異命以揚休恩承九室是用冊封爾為英嬪爾其益

宣禮教嬪虞垂鳩汭之型聿著徽音佐妣播

周京之化欽哉○命協辦大學士吏部尚書賈損為正使內閣學士許乃普為副使持節

齎冊晉封

雲貴人武佳氏為

雲嬪冊文曰朕惟應四星而作輔坤儀懋協

贊之休率九御以承恩巽命荷重申之錫爰稽彝典載沛溫綸咨爾雲貴人賦質金貞秉心玉粹在青宮而奉帨早著莊姝侍紫極而曳綵彌昭恪婉茲冊封爾為雲嬪爾其榮膺象服益彰綸翟之輝虔迓鴻釐用佐睢麟之化欽哉○諭內閣陸應穀奏請飭催各省積欠河工料價銀兩一摺河南司庫例支河工銀兩嘉慶年間籌款發交兩淮長蘆山東各鹽商生息原為添補歲料等項之用乃各商不能按限清解致該省藩庫借墊日多經費支絀所有兩淮欠解息銀除籌議分綱代徵外尚應解銀四十萬五千兩長蘆息銀除籌議歸入清查分限展緩外尚應解銀二十九萬八千二百餘兩山東息銀除籌議調劑交代分年彌補外尚應解銀十一萬兩著兩江總督山東巡撫長蘆鹽政迅速籌撥趕於年內解交河南以供支用毋得再行延宕致誤要需○以吏部右侍郎愛仁兼署兵部左侍

郎工部右侍郎彭蘊章兼署戶部右侍郎兼管錢法堂事務○准江南宿州各幫丁緩交餘米○展緩河南永城夏邑商邱睢封邱杞陳留延津汲武陟扶溝內黃濬原武陽武新鄉溫淇考城臨漳虞城獲嘉安陽湯陰甯陵洛陽項城二十七州縣被水被雹村莊新舊額賦○甲寅遣官祭

先醫之神○諭內閣黃宗漢奏浙江新漕試行海運請飭江蘇委員幫同辦理一摺來年

浙漕海運係屬創始豫雇船隻最為緊要除由該省自雇北運商船外其不敷船隻應由上海添雇著兩江總督江蘇巡撫派委委員幫同辦理所有江蘇浙江海運事宜並著該督等責成按察使倪良燿總司其事以資熟手總期不分畛域妥速籌辦毋稍延誤○又諭穆騰額奏委員查辦打旺寺喇嘛互鬪一案完結一摺此案辦理乖謬釀成巨案之班墊曲丕著革去高卓特巴並仔仲交諾們罕

懲辦仍著查拏在逃之協饒扎巴務獲照例治罪○諭軍機大臣等穆騰額奏委辦乍丫夷務之噶布倫豫籌辦理情形一摺前因乍丫小喇嘛復起釁滋事經穆騰額派委噶布倫策墊等前往查辦當諭令該大臣飭令該委員等妥慎辦理茲據奏稱噶布倫策墊查照成案請於打箭鑪辦買茶葉並支領銀兩在藏購買各項賞需帶往俾辦理不致掣肘等語著裕瑞穆騰額迅即籌備應用飭令噶

布倫策墊會同各委員傳集兩造嚴切曉諭務令照舊相安支應差使僅小喇嘛桀驁不遵即仍遵前旨懾以軍威鎮靜彈壓毋致別生事端以綏邊境至廓爾喀貢使現在經過道路有無阻滯何時可以到京著一併查明具奏將此各諭令知之○以正紅旗滿洲副都統瑞麟署鑲黃旗護軍統領○上以冬至祀天於

園丘自是日始齊戒三日○乙卯諭內閣常大
溜奏運銅委員銅斤短絀請解交雲南查辦
等語雲南馬龍州知州董鈺領運咸豐元年
正運二起京銅在途丁憂經接運委員蔡傳
樞查出所運銅斤數有短少其原帶法馬比
較另起委員所帶法馬亦有輕短據供係家
丁經手具領殊屬玩視且難保無侵虧掉換
情弊董鈺著先行交部議處仍解交雲南巡
撫就近飭提人證審明因何平輕銅短緣由

照例懲辦所短銅十萬七千八百六十一斤
零即飭該員照數賠補並著常大溜飭令接
運委員將實收銅斤迅速起運赴京毋稍遲
誤○以江甯京口駐防軍政年逾六十官十
員精力未衰命留任○修築湖北襄陽老龍
官隄及公安鍾祥天門江陵石首潛江六縣
被水衝缺民隄從巡撫常大溜請也○賑湖
北公安鍾祥漢川天門四縣被水災民○丙
辰

上詣

南郊齊宮齊宿○謁緩安徵靈壁鳳陽五河宿
當塗懷遠懷甯桐城潛山宿松望江南陵銅
陵東流蕪湖繁昌壽定遠鳳臺潁上霍邱毫
泗盱眙天長和宣城貴池青陽建德無為合
肥舒城廬江巢阜陽含山建平三十八州縣
及宣州安慶廬州三衛被水被旱地畝新舊
額賦賑鳳陽靈壁五河宿四州縣被水災民
一月口糧

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十五

[illegible]

咸豐二年壬子十一月丁巳冬至祀

救修

天於

圖丘

上親詣行禮○詣

關帝廟拈香○遣官祭

永陵○

福陵

昭陵○

昭西陵

孝陵

清實錄
咸豐二年十一月上

孝東陵○

景陵

泰陵

泰東陵。

裕陵

昌陵

慕陵○遣官祭

孝和睿皇后暫安寢殿○遣官祭

孝德皇后殯宮。○遣官祭

端慧皇太子園寢○

上
讀

壽康宮問

皇貴太妃安○停次日朝賀○諭軍機大臣等○

據常大瀆雙福先後馳奏逆匪竄入岳州府

城失守。湖北情形緊急。各一摺覽奏。曷勝憤

閔逆匪竄入湖南節經降旨諭令該督撫等

派委提督博勒恭武帶兵駐劄岳州專司防

堵乃於十一月初三日賊匪大股由湘陰縣。

九八一

渡過東岸。竄至巴陵縣地方。博勒恭武帶兵迎擊。旋即東門火起。賊匪馬步從後抄出。我兵腹背受敵。不能抵禦。營盤盡被焚毀。以致潰散。府城失守。是顯有匪徒潛入岳城。為賊內應。該城文武防禦日久。何以毫無覺察。殊堪痛恨。岳州以北尚有蒲圻、嘉魚、咸寧等縣。何以不擇要堵截。遽稱撤兵回省。竟全然置之不顧耶。前次賊竄甯鄉。據徐廣縉奏稱。派和春、秦定三、李瑞、王錦繡、四鎮及瞿騰龍等。

各帶勁兵與福興、向榮等合力追剿。何以任賊肆竄。並據稱。今向榮設法抄前堵截。另派朱啟仁、常祿、張國樑等各帶重兵。遏其竄往湘陰之路。何以此次賊匪徑由湘陰縣屬竄入岳州。且府城文武何以全無準備。致賊匪如入無人之境。種種情形殊不可解。徐廣縉自粵赴楚。業已遲延。及到湘潭。正賊匪窮蹙。圖竄之時。屢接奏報。亦知杜賊竄路為最要關鍵。何以亦蹈從前覆轍耶。此時賊踞岳州。

是否分股北擾蒲圻以北。水陸要隘如何堵截。著該大臣迅即統帶大兵親往岳州一帶嚴督各提鎮將等設法繞出賊前。併力兜剿。斷不得再任奔突。常大瀉雙福駐劄武昌。防護省城。及境內水陸緊要地方。與台湧分飭文武嚴密防堵。徐廣縉仍當設法派兵接應。朕連日望報甚殷。該大臣想已續有奏報在途。以後軍情務須隨時由六百里馳奏。以慰朕懷。提督博勒恭武受傷是否屬實。何以任

兵潰散。著先行革職。仍著查明據實具奏。岳州府城文武下落。一併查明奏聞。湖南省城現有張亮基、鮑起豹駐守。羅繞典著暫留湖南。若有應行帶兵堵剿之處。著該大臣等酌量籌辦。毋誤事機。蘇布通阿帶兵現在何處。務須扼要調撥。此次賊竄究係何路失防。致令復肆猖獗。著徐廣縉確查嚴辦。毋稍姑息。朕細察湖南軍營積習。總由帶兵大員不能豫出賊前迎頭兜剿。或設伏要隘。攔腰截擊。

其在後追勦之兵。又不肯跟蹤緊躡。即如徐廣緝前奏內。向榮於追賊喫緊之時。又以兵單為詞。俟調省城兵到。隨後尾追。此等舉動。安能不失機會耶。該大臣統領大軍。責無旁貸。南北兩省。皆所統轄。現在賊已竄踞岳州。咽喉要路。為其所扼。軍餉銀兩。何路繞越。荆州防兵亦單。武昌城守尤要。該大臣應於何處駐劄調度。必當全盤籌畫。勿致顧此失彼。陝甘續調之兵。迅速催令趕到。兵貴神速。當

此萬分喫緊之際。若不就現在兵將相機調遣。即再調遠兵。亦緩不濟急。朕宵旰焦勞。省躬滋懼。該大臣等同膺委任。當如何盡心竭力。為朕分憂也。將此由六百里加緊諭知徐廣緝。並諭令羅繞典張亮基鮑起豹雙福。台灣知之。○湖北巡撫常大瀅等奏報賊陷岳州府城。提督博勒恭武受傷。兵潰得旨。博勒恭武受傷是否虛捏。朕未深信。覽奏曷勝憤悶。以冬至

大祀初次乘輦。賞鑾儀衛侍衛各員袍料。請輦校尉銀。○以前引禮節嫺熟。賞都察院左都御史花沙納花翎。○賞八旗兵丁一月錢糧。○戊午。

上詣

壽康宮。

皇貴太妃前行禮。○

孝德皇后殯宮月祭。遣官行禮。○諭軍機大臣等。昨據常大瀅等奏。逆匪竄入岳州。已由六

百里加緊諭令徐廣緝迅統大兵親往督勦。岳州為北省屏障。最關緊要。前於九月間。因博勒恭武在岳州防堵。兵力尚單。且未知能否得力。屢次諭令徐廣緝等速派精兵數千。赴岳扼要嚴防。即該大臣前奏。亦因岳州緊要。請將續調之兵分駐防堵。嗣據常大瀅博勒恭武先後奏報。查辦臨湘土匪情形。恐其南竄。與長沙大夥勾結。復降旨令徐廣緝等速派精兵前往南北要隘。合力防勦。原以防

守岳州為第一要務。朕早料賊匪詭詐。必由此路北竄。即該大臣亦見及此。何以此次賊匪竄入岳境。竟無湖南派往官兵。與博勒恭武會同夾擊。且博勒恭武係湖北提督。越境防守。該督撫等。何以不早派得力鎮將。協同防守。本日據御史王茂蔭奏。湖南督撫大員。並不以岳州為意。且以湖北提督駐守岳州。為多事。足見該大臣於奉到屢次諭旨。漫不經心。以致賊匪肆行無忌。竟陷岳州。該大臣

前派朱啟仁、常祿、張國樑等。分帶兵勇。遏賊北竄。湘陰之路。統計八千餘人。兵力不為不厚。若能抄出賊前。或跟蹤緊躡。與博勒恭武前後夾擊。即不能掃數殲除。賊匪亦當大受懲創。何致逆筴復熾。至岳州城內文武各官。如果豫防奸細。查拏嚴密。何至有東門失火之變。種種貽誤。實堪痛恨。現在逆匪是否全股占踞岳州。逆首洪秀泉等。是否在內。有無餘匪他竄。該大臣務當迅統大兵。速赴岳州。

或開道繞至岳州北路。趁此賊匪聚在一處。設法圍攻。斷不可稍延時日。致賊分踞城外。村莊要隘。或擄掠江面船隻。分股四竄。岳州、東達武昌、西達荊州。均關緊要。常大瀉、雙福等。現在湖北省城防堵。本日已有旨。令駱秉章留於湖北。幫同辦理。台灣防守。荊州兵力亦形單弱。仍著該大臣速派勁兵。及續調到陝甘新兵。酌量分赴武昌、荊州。協同守禦。總以鎮撫人心為要。萬勿再有疏虞。至漢口地

方。商賈輻輳。為大江南北咽喉。尤賊匪垂涎之地。必應設法防護。且恐匪徒涸跡句串。更須嚴密查拏奸細。飭令地方官督率紳耆。合力團練。以資保衛。岳州為兩楚重地。一旦失守。該大臣督撫等。自問當得何咎。昨已據常大瀉奏到。而湖南奏報。今日尚未接閱。不勝焦灼。此後緊要軍情。務須隨時馳報。以慰懸念。王茂蔭原摺。並著鈔給閱看。將此由六百里諭知徐廣縉。並諭令羅繞典、張亮基、鮑起

豹。召湯常大鴻臚秉章雙福知之。○以內閣學士許乃普署工部右侍郎兼管錢法堂事務。○命署河南巡撫陸應穀來京署戶部右侍郎兼管錢法堂事務。○賞已革陝甘總督琦善三品頂帶署河南巡撫。○命前任湖南巡撫駱秉章留於武昌省城幫辦防堵事務。○調陝甘兵二千名。西安駐防兵一千名赴河南防剿。○己未。

聖祖仁皇帝忌辰遣官祭

景陵

上詣

壽皇殿行禮。○蠲緩山東滕嶧濟甯金鄉嘉祥

魚臺六州縣及濟甯臨清三衛被水莊屯新

舊額賦。庚申。

上詣

永安寺拈香。○諭軍機大臣等前因固慶琦

忠互奏審訊私硝一案並參奏主事各摺片

當有旨派恩華趙元前往吉林查辦茲據固

慶以前摺未盡情形復行參奏著該侍郎等按照摺內各情一併查覈秉公辦理毋得稍有不實不盡原摺著鈔給閱看將此諭令知之。○兩江總督陸建瀛等奏稱拏獲青浦縣毆官拒捕案犯王阿辛等八名仍嚴緝首匪周立春等務獲究辦得旨此等匪犯務期必獲不可任聽屬員蒙混以遠颺無蹤為辭。○荊州將軍台湧奏遵旨慎密巡防湖北地方尚為安謐得旨湖北防堵著加意慎密辦理

○江蘇巡撫楊文定奏接准部咨遵將寶蘇局額錢按照定例仍以七卯鼓鑄以濟兵餉之用下部知之。○辛酉諭內閣戶部奏請飭催河南應豁節年民欠冊報一摺咸豐元年降旨豁免各省節年民欠錢糧各該省均經奏到惟河南省至今尚未造報屢經該部咨催仍以調驗冊串為詞任意稽延且恐有以完作欠希圖彌縫隱混情弊著署河南巡撫即責成署藩司鄭敦謹迅將奏銷冊報節年

民欠各項錢糧。覆加確覈。其應豁不應豁之處。詳細釐剔。如有已徵未解之項。勒令按數提清。即於奏請豁免單內扣除。仍趕緊於年內開單具奏。毋許稍有含混。藉詞延宕。致滋弊端。○又諭。本月十一日。據常大湑等馳奏。逆匪於十一月初三日。竄入岳州府城。當降旨將博勒恭武。先行革職。由六百里加緊。諭令徐廣縉等。迅速追截。兇勦。數日以來。望報甚殷。乃本日據徐廣縉等。五百里馳奏。猶是十一月初一日以前。沿途追勦各情。該大臣於本月初一日。移營長沙。此摺係初七日奏報。何以初三日岳州失守之事。毫無見聞。軍營偵探。所司何事。據稱帶兵大員等。於初一日已抵湘陰。距岳州甚近。豈前途失事。遲至數日。尚無稟報耶。覽奏憤悶。殊不可解。徐廣縉。羅繞典。張亮基。駱秉章。均著先行交部議處。岳州湘陰一帶。乃南北兩省要隘。朕早料及賊匪窮蹙。必由此路奔竄。九月間。屢降諭

旨。令該大臣等。派撥精兵。前往協防。即徐廣縉。前次奏報。亦經派兵扼賊北竄之路。何以博勒恭武。與賊接仗。並無湖南追勦官兵。前後夾擊。近日軍營積習。賊來不擊。賊去不追。種種膽玩。實堪痛恨。若不嚴申紀律。何以整飭戎行。著徐廣縉等。遵照前旨。查明賊由何路竄越。帶兵各員。何人追勦不力。儻係臨陣退縮。坐視不援。即著一面奏聞。一面以軍法從事。徐廣縉由粵赴楚。本已遲延。若不親督鎮將。就近調度。任聽飾詞。稟報貽誤。事機自問。當得何罪。長沙省城。現有羅繞典。張亮基。與鮑起豹等。防守。徐廣縉著即統帶大兵。兼程馳赴岳州一帶。繞出賊前。迎頭截擊。提督善祿。計已行抵湖北。著即截留該省。扼要駐劄。幫同勦捕。武昌漢陽荊州。水陸各要隘。俱著分派精兵。並新調到陝甘勁旅。一律防堵。毋任再有竄逸。逆匪前在益陽。有河可阻。該縣並不將船隻收往僻港。以致匪得渡河。進

城擄掠罪無可逭。益陽縣知縣陳應台著革職。拏問治罪。仍查明岳州失事文武各員據實具奏。○諭軍機大臣等。本日徐廣縉等奏到追剿逆匪情形。並未將岳州失守奏報。朕心實深焦灼。已明降諭旨。將徐廣縉等先行交部議處。以示薄懲矣。逆匪竄至安樂鋪地方。據該大臣奏報。不過三四十人。迨竄至甯鄉後。又據該大臣派令知府朱啟仁帶潮勇四千名。總兵常祿帶兵一千七百名。及張國

標捷勇四千名。馳往長沙西北一帶。遏其竄往湘陰之路。湘陰係赴岳州必由之路。且堵賊之兵數已倍半。何以任賊直竄岳州。毫無堵禦。聞該大臣等本日奏到連日追剿情形。所有帶兵將官及兵勇等一味尾追。從無一路繞出賊前者。相沿惡習。實屬可恨。至所稱賊退至河邊各村。我兵恐有埋伏。未敢再追。又於二十八日。由河岸跟追。所走均田塍小路。兵勇魚貫而行。甚為遲滯。若云均係田塍

向榮何以繞別路行走。可見俱屬捏報。以掩飾遲延之咎。是沿途追剿之兵。顯有耽延情事。且水路船隻亦帶兵大員。早應籌辦之事。何以不豫為布置。使賊先已搶占。我兵轉無船可渡。顯係藉詞諉罪。以掩其遲延玩誤。該大臣等僅參一縣。令了事。豈於軍營惡習。竟不加察。岳州失守數日。該大臣等近在長沙。尚茫然不知。可笑可氣之至。惟聽各將官等。飾詞稟報。任其耽延貽誤。抑亦已知岳郡失

事。故分兩次奏報耶。似此舉動。豈不又蹈從前覆轍。徐廣縉著即遵前旨。迅統大兵。開道馳赴岳州。迨北一帶督剿。毋得再有遲滯。並著查明追剿不力。及岳州失事各員分別擬罪具奏。僅查有臨陣退縮。及坐視不援者。一面奏聞。一面以軍法從事。毋稍寬縱。徐廣縉到楚以來。軍營並未起色。朕用汝。朕自知愧。第問汝於心何忍。何安。本日有人奏武昌、荊州及樊城等處。宜各設重兵防賊分竄。各

處團練皆有名無實一聞賊警紛紛搬徙該大臣督撫等須嚴飭地方官先期曉諭居民同心協力保衛城垣以期眾志成城迅掃賊氛毋再延誤致干重罪將此由六百里諭令知之○泰甯鎮總兵官德春奏黃新莊等處各行宮歲修工程繕單呈覽得旨所有點出十五處均著緩修餘著該衙門察覈具奏○壬戌月食○

上詣

大高殿行禮○諭軍機大臣等陸建瀛奏查明長江守禦一摺已有旨諭令江蘇安徽江西一體嚴防矣據稱逆匪若竄入長江惟有於湖北之漢口以下至黃州所屬之蘄州廣濟等縣察看江岸寬窄約計礮力能及處所較定準頭節節嚴防以備不虞等語逆匪竄入岳州昨已諭令徐廣縉常大瀉等將武昌漢口漢陽荊州水路各要隘分設重兵防賊奔竄並諭以漢口地方為大江南北咽喉賊易

垂涎尤應設法保護茲據陸建瀛所奏各節該督籍隸楚北所奏自係實情著徐廣縉常大瀉按照所陳悉心體察水陸地勢扼要設防尤須派委得力大員前往督率豫為布置鎮撫人心毋至臨時猝辦稍有延誤將此由六百里各諭令知之○又諭陸建瀛奏查明長江設法守禦情形一摺據稱彭澤縣屬小孤山一拳孤露挺峙江心既乏藏兵之地又無泊舟之所難以設防宜於湖北漢口以下

至黃州所屬之蘄州廣濟等縣節節嚴防等語所奏自係實在情形已有旨諭令徐廣縉常大瀉迅籌妥辦矣惟江路綿延數千里現在賊匪被勦竄入岳州難保不窺伺武昌漢陽希圖順流東下江西安徽江蘇沿江各處自應一體豫籌防守著陸建瀛楊文定蔣文慶張芾各就地方情形詳加察看凡屬扼要處所妥為設防總以鎮靜人心為要至管帶兵勇尤貴得人務當遴派得力文武員弁飭

令認真督率。毋致臨時猝辦。稍有延誤。將此由四百里各諭令知之。○又諭寄諭大學士直隸總督訥爾經額。昨日兵部帶領引見之保舉直隸務關路參將李志和。曾經出兵湖南廣東。前據該督奏稱。該員於廣西湖南情形最為熟悉。現在賊匪被勒北竄。湖南交界地方不能不嚴加防堵。如遇調撥直隸官兵協防。著該督即飭令該員。管帶前往。將此諭令知之。○展緩兩淮富安。安豐梁垛東臺河。

塔丁溪草堰。劉莊伍佑。新興廟灣。板浦。中正。

臨興。十四場。被水。竄地。新舊額賦。○癸亥。

上詣

壽康宮。問

皇貴太妃安。○諭內閣。本日徐廣縉等奏。岳州

失守。急籌堵剿。復據常大瀄等奏。賊匪竄踞

岳城。湖北省城防堵情形。各一摺。披覽之餘。

實深憤懣。自賊竄長沙。疊經降旨。令於岳州

荊州各要隘。嚴密堵剿。該地方官。應如何認

真防守。乃賊匪於初三日竄至岳州。而該郡官員。於初二三等日。先出城外。以致官兵潰散。賊匪得以竄入府城。是進不能戰。退不能守。平日毫無準備。遇變即棄城而逃。似此昧良喪心。實出情理之外。著徐廣縉等嚴行查辦。此等貽誤員弁。若不擇其尤者。正法數人。何以挽回積習。昨因該大臣等奏報遲延。已降旨交部議處。茲據徐廣縉具摺請罪。當此軍務緊急。調度乖舛。身為統帥。咎豈能辭。徐

廣縉著革職留任。張亮基。鮑起豹。均有地方之責。著各降四級留任。現在賊眾盤踞岳郡。窺伺武昌。據常大瀄奏。向榮已派總兵常祿。王錦繡帶兵赴援。已抵湖北省垣。仍著徐廣縉飛飭向榮。統領重兵。星速由通城崇陽。繞出武昌。截賊前路。該大臣亦即親督鎮將。直赴武昌。於水陸要隘。分布兜剿。荊州一帶。著將軍台湧等一體嚴密防範。毋任匪黨竄逸。並著羅繞典。張亮基。鮑起豹等嚴防賊匪回

竄之路現復添調各省精兵陸續前進誓必滅此醜類拯我生民該大臣等俱有天良其各悉心籌畫庶可以功補過儻仍前玩忽再失事機其能當此重罪耶近來地方惡習一聞警報輒藉詞擇險防堵先行出城規避取巧實堪痛恨該大臣督撫等著隨時嚴查儻賊經過地方文武員弁仍蹈此等惡習即一面奏聞一面正法以昭炯戒而肅軍律○又諭現在逆匪竄入岳州將竄湖北河南省應

辦防堵著派署布政使鄭敦謹馳赴信陽州一帶會同南陽鎮總兵柏山扼要籌辦署河南巡撫琦善著迅速啟程馳抵楚豫交界地方督飭嚴防前已有旨添調陝甘兵二千名西安駐防兵一千名並帶兵副都統鎮將各員均著交琦善調遣並著訥爾經額於直隸官兵內揀派精兵三千名交提督陳金綬統帶隨同琦善前往直隸提督印務著保恆署理○又諭昨已降旨諭令安徽江西等省於

沿江一帶節節嚴防現在賊竄岳州江防尤關緊要署江西巡撫張芾著即馳赴九江督同該鎮總兵清保及地方文武辦理防堵其省城事務著布政使陸元烺會同在籍尚書陳孚恩並司道等妥為辦理安徽按察使張熙宇壽春鎮總兵恩長著馳赴沿江扼要處所會同辦理防堵事宜巡撫蔣文慶仍駐省城就近調度毋稍疏忽○又諭張祥河奏請將兼襲世職情願入標之文生員比例請旨

一摺陝西韓城縣附生強盛齡著准其將文生員註銷以騎都尉世職發標學習○諭軍機大臣等昨已有旨飭令陸建瀛等於安徽江西沿江一帶節節嚴防本日據常大滄等奏逆匪竄入岳州後擄船四五百隻順流直下前隊已竄入江夏縣之金口距省城六十里等語已明降諭旨令署江西巡撫張芾親赴九江安徽按察使張熙宇出省各會同鎮將於江防扼要處所督辦防堵矣該督現駐

豐工堵築決口。人夫雲集。督率彈壓。正當萬分喫緊之際。自未便遽離工次。仍當隨時知照江西安徽。偵探賊蹤。儘必須該督親往。即酌帶官兵。馳赴扼要地方督辦。軍務河工。均關緊要。總須兼顧。毋稍貽誤。將此由六百里諭令知之。○又諭本日據徐廣縉等奏岳州失守。並常大瀄等奏賊蹤逼近湖北省城。各一摺。覽奏實深憤懣。已明降諭旨。將徐廣縉革職留任。張亮基鮑起豹降四級留任矣。該

匪突入岳州守城官員。膽敢紛紛出城。以致郡城失守。火藥大礮。餉鞘均已資賊。可見湖南地方官吏。前此並未講求守禦。殊堪痛恨。即如城陵磯地勢險要。向榮等追勤之兵。何以不疾行繞前扼守。任令順流北駛。該大臣所調度者何在。現在該匪擄船四百隻。聚眾數萬。直抵距武昌六十里之金口。湖北省城危急。防兵僅止三千餘名。並以王錦繡常祿。趕到之兵。亦僅止五千餘名。深恐不敷堵

禦。且該省沿江直下。經九江至安慶。瞬息千里。防不勝防。而對江之漢口。尤為賊所垂涎。北由孝感。西由荊州。襄陽。則河南震驚。賊勢剽急。所陷城池。擄掠即行。並不似永安。通州。尚為久踞之計。其心叵測。若再遷延觀望。祇事尾追。貽禍何可勝言。該大臣等以為朕不能執法從事耶。著徐廣縉親督大兵。迅即繞赴武昌。設法救援。並飛飭向榮等先到之兵。與湖北現有兵勇。合力攻擊。並設法腰擊。在

後之大股賊匪。毋令會齊。併力死拒。其博勒恭武收回潰散之兵。與瑞元防守蒲圻之兵。能否在通城。崇陽一帶接應。以牽制賊匪。使不能由陸路躡我之後。所有各路運到軍餉火藥。與武昌城內軍餉火藥。應如何密籌。分別布置。文報往來。驛路如何繞越。省垣備禦之器械土石。如何源源接濟。著徐廣縉常大瀄等。要密辦理。城內奸細。尤須晝夜偵緝。防守不力之文武員弁。一經查明。即行按律正

法務期保守武昌漢陽兩處於水路上游嚴兵扼守毋令賊匪更肆竄擾荊州一帶台湧仍遵前旨嚴密防堵仍著羅繞典等嚴防該匪回竄長沙常德等郡萬勿再有疏虞致干重罪將此由六百里諭知徐廣縉羅繞典台湧張亮基駱秉章常大瀉並諭鮑起豹雙福並傳諭向榮知之○又諭裕瑞伊琿額奏遵保堪赴軍營差遣之旗員並挑選駐防精兵五百名備調一摺現在逆匪竄擾湖北交界該處防勦喫緊所有成都駐防蒙古協領保慶正黃正紅旗滿洲協領英安正紅旗滿洲佐領吉祥鑲黃旗滿洲佐領托卜冲武正白旗蒙古防禦毓祥正藍旗滿洲防禦奎璧正藍旗滿洲驍騎校扎木丹鑲黃旗滿洲驍騎校特音等八員著即飭令管帶所選精兵五百名迅赴湖南交四川提督蘇布通阿統帶調遣毋稍遲誤將此由六百里諭令知之○陝西巡撫張祥河奏報稽查匪類嚴防卡隘

情形得旨緝拏匪類係平日地方應辦之事陝省近日情形尚屬認真目下急務惟在嚴密查拏會匪奸細慎之○予山東故江南徐州鎮總兵官邢洛書入祀鄉賢祠從巡撫李德請也○予廣西陣亡一等男阿爾精阿應卹騎都尉世職併為三等子爵以其子裕山承襲○以廣西陣亡一等子左忻子惠成襲爵並加一雲騎尉○以故三等男木通阿子恩啟襲爵○甲子諭內閣輦轂重地理宜肅清本年八月初三日海淀老虎洞地方有一夜連劫二家重案屢經降旨將該管營汛及副指揮等官摘去頂帶分別議處飭令迅速嚴拏此案賊匪膽敢於圓汛地方糾夥疊劫拒捕傷人且是夜值朕還宮已傳三籌之後站道官兵森列熟視無覩實出情理之外若不速獲重懲何以清禁地而申法紀乃降旨以來迄今三月步軍統領衙門及五城御史時有拏獲匪犯奏交刑部於此案並無一獲

順天府曾奏拏獲李四趙環等疊劫盜首亦非此案兇犯似此特旨飭拏要犯遷延日久任令遠颺該地方文武所司何事朕聞近日香山四王府一帶及圓明園青龍橋地方屢有騎馬盜匪數十人持械經過更夫瞥見鳴鐃轉被該匪威嚇經兵役救護解散圍汛重地匪徒藐玩至此該管大員及分轄文武等豈竟毫無見聞抑因尚未失事任聽消弭耶若再因循日久釀成巨案該管大臣等自問

應得何罪卓秉恬歷任有年奕經署任亦不為不久何得如是玩泄嗣後務當力振積疲嚴飭所屬認真緝捕所有老虎洞地方劫案內首夥盜犯仍著步軍統領衙門順天府五城一體迅速嚴拏悉數弋獲不准一名漏網並著直隸總督派員訪緝近京一帶查有窩藏處所迅即毀其巢穴淨絕根株徹底嚴行究辦其香山青龍橋等處各匪一併嚴密躡訪拏獲懲辦儆地方文武狃於諱飾徇庇積

習不知振作即著嚴叅重處毋稍姑容○以內閣學士文慶為戶部尚書○命大學士裕誠管理藩院事○以土默特貝子德勒克色楞為鑲藍旗蒙古都統○改鑄山西沁源縣知縣印信從署巡撫郭夢齡請也○贈故協辦大學士戶部尚書禧恩太子太保命莊親王奕仁帶領侍衛十員往奠茶酒予祭葬謚文莊○乙丑諭內閣黃宗漢奏籌議浙省海運章程開單呈覽一摺據稱目前辦理之法

以催提銀米雇備船隻為要務現經該撫委員趕辦其單開各款如裝載漕糧船隻兩次接運委員分辦以專責成天津剝船多為豫備巡哨防護宜加周密各條並查照江蘇成案章程均著照所議辦理並著兩江江蘇直隸各督撫於上海天津等處遴選妥為經理江蘇按察使倪良燿著仍遵前旨總司江浙海運事宜務期籌辦妥速毋稍延誤○又諭琦善奏河南防堵派委需令請旨飭調等語

甘肅甯夏鎮總兵。新授鑾儀使武慶陝西副將錫綸。甘肅副將雙來。守備常萬清馬永泰。並千總把總張維義。丁希鳳姜魁元秦兆泰。楊永魁等。著舒興阿張祥河飭令各該員。管帶現調陝甘兵丁。前赴河南。交琦善差遣。委用甘肅候補教職楊士履生員楊沅著一併准其帶往。○又諭琦善奏請添調精兵。以資調遣等語。著訥爾經額挑選直隸督標提標精兵各二千名。正定鎮屬之龍泉。倒馬。固關。

三營精兵。共一千名。大名鎮標精兵一千名。舒興阿張祥河挑選陝西漢中。陝安三鎮精兵各一千名。甘肅督標精兵一千名。迅派得力將弁管帶。均交琦善調遣。現在賊由岳州竄至湖北武昌漢陽一帶地方。朕已命徐廣爵督飭向榮等統領大兵。飛速應援。鄰近省分。亦命該督撫嚴兵固守。著琦善迅即馳赴河南。統帶新調精兵。協力防剿。並著嚴飭帶兵各員。務各約束兵丁。於經過地方。毋得藉

端訛。索擾累民間。如有多用民夫需索使費諸弊。即按照軍律懲辦。沿途各督撫等。著一體嚴查。儻州縣辦差丁役。有藉兵差名目。濫派閭閻者。除將該丁役從重治罪外。並將該州縣嚴行叅處。毋稍徇隱。將此通諭知之。○諭軍機大臣等。據常大瀉雙福馳奏。賊匪大股。水陸齊至。現飭登城固守等情。一摺。覽奏實深焦灼。自逆匪竄入岳州。即由六百里加緊諭令徐廣爵迅統大兵。馳赴岳州。迎北

一帶督剿。該大臣諒已剋期赴援。惟賊船已於十二日至武昌省城。江面復繞登對岸。攻撲漢陽府城。又有股匪六七千人。由蒲圻陸路竄下。直抵省城東門外。分作兩翼撲城。賊勢猖獗已極。湖北存城官兵。僅止五千有餘。情形甚屬危急。武昌重地。且為南北咽喉。豈容稍有疏虞。常綠王錦繡所帶之兵。未到省城。先被賊匪追襲。止贖一千餘名。是否有退縮情事。著徐廣續查明具奏。該大臣務當統

帶官兵星速北來。並飛催統領官兵之向榮。及各帶兵大員。帶領兵勇。兼程前進。救援武昌。萬不可稍有耽延。再誤事機。常大瀉雙福。駐劄省垣。守城是其專責。務須督飭在城文武紳民。竭力守禦。以待援兵。並隨時嚴查城內居民。無令奸匪潛入。漢陽與武昌對岸。僅隔一江。實屬唇齒相依。亦須飭令該城文武。並紳民人等。合力固守。就近為武昌聲援。又據常大瀉片奏。湖北口糧等需。無從購辦。請

飭湖南糧臺。多為備辦。又湖南大營。帶有粵西礮船。請飛調來北助。勦各等語。著徐廣縉。即照該撫所請。酌量妥速辦理。毋稍貽誤。常大瀉所請。飭江南水師廣艇礮船。逆泝截擊一節。已由六百里諭令陸建瀛。迅速趕辦矣。本日據給事中曹琳。堅奏。漢陽同知張曜。孫素得民心。請督令辦理團練。堵勦。朕思岳州失守。並非賊匪攻陷。實由地方官棄城而逃。深可寒心。若城中文武得人。登陴堅守。賊進

則受挫。退則被追。何至肆行無忌。現在防堵切近地方官。必應擇其才能幹濟。民心素服者。調遣位置。庶能為民保障。不致臨事巧避。再蹈覆轍也。又有人奏。湖南瀏陽縣東鄉。有會匪周國虞等。設立徵義堂名目。糾合匪徒。多年盤踞。暗蓄異謀。且藉團練為名。肆行搶劫。前陝西官兵。長沙城外失事。即係墮該匪等奸計。著羅繞典。張亮基等。嚴密訪查。設法妥辦。總期消患未萌。勿致激成事端。轉與大

股逆匪。勾結為患。原片並會匪名單。鈔給閱看。又據編修許彭壽奏。經過湖南。見所傳鈔報。竟將寄信諭旨刊布等語。軍營事機。理應慎密。何以任令外間刊刻傳播。可見一切緊要布置。必多漏洩。既不能確偵賊情。又復宣露機密。何以運籌決勝。著將刊本三件。發交閱看。該大臣督撫等。此後凡奉寄諭及軍中號令。一體加意慎密。毋稍疏忽。致干重罪。前有旨諭裕瑞。挑選成都駐防兵五百名派員

管帶至楚。交蘇布通阿統領。此項兵到。該大臣即飭令該提督遵照。以備調遣。又御史王之斌奏。楚境水陸要隘。應行防勤情形。一摺。一併鈔給閱看。將此由六百里加緊諭知徐廣縉。羅繞典。張亮基。常大瀉。雙福。台湧。駱秉章。並傳諭向榮知之。○又諭。現在逆匪竄踞岳州。直犯武昌。勢甚猖獗。沿江各省。均須急籌防堵。陸建瀛現任豐工。督率彈壓。正當喫緊之時。惟安徽江西。俱係該督兼轄。省分儻

軍情緊急。必須親往督辦。即著扼要駐劄。以資調度。河工要務。楊以增即督飭查文經。妥速辦理。毋稍延誤。常大瀉等片。奏請調江南水師。廣艇礮船。並中號小號礮船多隻。攔截九江。順風逆沂武昌一路。迎頭截擊等語。著該督酌量緩急。無分畛域。合力堵截。並著該督撫等。分飭地方文武大員。於沿江水陸要隘。節節嚴防。毋得稍有疏失。將此由六百里各諭令知之。○又諭。本日據琦善奏。馳赴督

防。請添調兵丁。及籌辦情形各條。朕詳加披覽。所奏不為無見。已有旨諭令吉林。黑龍江。直隸。陝甘。各將軍督撫。挑兵備防。另片奏請籌兵餉。亦著戶部迅撥軍需銀二百萬兩。以備湖北軍營。及河南調兵之用。惟酌加養兵之費。一節。意在體恤兵丁。現在軍營兵餉。均係照例支給。若將新調兵丁。增加銀兩。恐楚省軍營。兵心向隅。易滋藉口。現命戶部查覈成案。議奏。該署撫仍應全盤籌畫。凡事慎之。

於始。庶免流弊。所請調鑾儀衛使武慶等。隨營差委。已明降諭旨。允准矣。行軍之道。總在因地制宜。隨時通變。一切應辦事宜。該署撫既膺重任。自當竭力圖維。兼權並計也。勉之。望之。將此諭令知之。○又諭。琦善奏。請籌備兵餉等語。現在賊竄湖北。軍需緊要。河南防堵。亦需重兵。一切供支款項。均須急籌。著戶部迅速籌撥。銀二百萬兩。分解軍營。及河南。聽候撥用。另片奏。請酌加養兵之費。每名

於例給之外酌量加增以示體恤據稱嘉慶年間前總督那彥成在滑縣用兵前大學士托津在開州防堵兵丁皆有加給之處著戶部詳查檔案覈議具奏將此諭令知之○又諭琦善奏請飭直隸挑選烏槍長矛單刀兵丁等語著訥爾經額督同提鎮各員專選風習烏槍長矛單刀之兵無須弓箭不必按營勻派惟擇技藝精熟者逐加挑選其帶兵各員尤須年力精壯方可得力著一併遴選不

得派委怯懦將弁至例給餘夫原藉以紓兵力著准其由本處自行攜帶每百名祇准帶餘夫三十名以免派累民夫之弊帶兵將弁尤須申明紀律以肅戎行陳金綬將提標官兵挑選後即著迅速起程毋稍遲延將此諭知訥爾經額並諭令陳金綬知之○又諭據琦善奏遵赴楚豫交界督防請飭陝甘挑選烏槍長矛單刀兵丁並調甘肅銅礮等語著舒興阿張祥河專選風習烏槍長矛單刀兵

丁無須弓箭不必按營勻派惟擇技藝精熟者逐加挑選毋以庸劣充數其帶兵各員尤須年力精壯方可得力著一併遴選不得派委怯懦將弁僅查有吸食鴉片弁兵尤應嚴加斥汰毋令濫等至例給餘夫原藉以紓兵力著准其酌量由本處自行攜帶每百名祇准帶餘夫三十名照例折給夫價以免派累民夫之弊琦善前在陝甘總督任內所製銅礮四十尊著舒興阿即派員運赴河南並備

帶礮車礮子火藥修理器具以資利用又據御史王茂蔭奏湖北省地居腹裏自襄陽間道可直達陝西之商州請飭豫籌嚴防以杜賊匪竄越之路等語現在賊匪竄至湖北所有鄰境均須嚴密防堵前已寄諭舒興阿張祥河於南山一帶不動聲色妥為布置著該督撫遵派明幹大員前赴陝西湖北交界地方扼要防守隨時偵探嚴查奸細毋任賊匪偷越至山谿僻徑應如何籌防並著相機妥

辦總以鎮靜人心為要。御史王茂蔭原擢著鈔給閱看。將此由六百里各諭令知之。○又諭寄諭吉林將軍固慶、黑龍江將軍英隆。現在河南辦理防堵。該將軍等迅即挑選吉林、黑龍江馬隊精兵各二千名。即刻配齊軍裝器械。遴委得力營員管帶。候旨調撥。毋致遲誤。將此由四百里各諭令知之。○又諭有人奏安徽合肥縣知縣吳祥麟劣蹟各款一摺。著陸建瀛、蔣文慶秉公確查。毋得稍有徇庇。如果屬實。即著從嚴叅辦。原片著鈔給閱看。將此諭令知之。○浙江按察使孫毓汶因病解任。調四川按察使蘇敬衡為浙江按察使。以直隸霸昌道文煜為四川按察使。○調山東浙江兵各二千名赴安徽防剿。○丙寅。諭內閣。前因岳州失守。將派往防堵之湖北提督博勒恭武先行革職。並交徐廣縉查明該革員是否禦賊受傷。又諭令將棄城逃走各員一併嚴行查辦。守土各官遇有賊匪竄擾。

如能相機籌度。或嬰城固守。或出城奮擊。文武各盡職守。何致任賊橫行。毫無阻遏。近日地方惡習。一聞警報。藉詞防堵。出城規避。前已降旨。飭令該大臣督撫等隨時查辦。因思帶兵員弁遇有要隘可扼。仍須督兵堵剿。又豈可藉詞退避城中。棄險不守。現在賊匪經過處所。如有出城逃避員弁。即當按律懲辦。儻臨陣畏葸不出。以致棄險失機者。亦應查明嚴叅治罪。以肅軍律。毋稍徇徇。將此通諭知之。○又諭。朱嘯秦截卸漕糧。驗出潮溼米石。請飭究辦。一摺。現在截卸北倉之宿州二十八船較輕者五十八船。若非船戶使水攪和。幫丁通同舞弊。何以潮溼米至一萬六千餘石之多。所有另案革職之領運千總景禧及幫丁顧伍等。著一併扣留北倉。交天津縣看押。其潮溼米石另嚴收存。飭令自行挑瞭。再行驗收。如有虧折。著落賠追。仍將潮溼較

重之船戶並押撥幫下一併送交刑部嚴訊究辦○諭軍機大臣等太常寺少卿雷以誠奏湖北省沿江一帶如江夏之青山黃州之陽邏團風三江武昌之樊口大冶之道士洲蘄州之州城廣濟之田家鎮武穴皆扼要地方陽邏江西較狹道士洲磯險水急實吳楚門戶關鍵在省城下游現在逆匪窺伺武昌恐因省城難攻潛行東下則東南震動亟應加意籌防策出萬全等語著徐廣縉常大

清按照所奏體察情形凡屬要隘地方迅速派兵嚴密防守務飭帶兵將領認真督率其省城上游之金口等處水陸各要隘仍須設法堵禦以杜賊黨續至又片奏江夏縣所屬之土橋武昌縣所屬之葛店華容等處皆係達江南省必由之路著該大臣等派委得力員弁扼要防堵並隨時知照江南安徽一體嚴防毋得稍涉大意又失事機致干重罪向榮何日趕到湖北省城一帶該大臣何日督

兵入湖北境即由六百里奏聞毋再遲延致朕南望益增焦灼也雷以誠原摺片均鈔給閱看將此由六百里各諭令知之○又諭昨因逆匪竄擾武昌已有旨諭令陸建瀛酌量軍情如必須親往即扼要調度本日復據雷以誠奏江南富庶賊易覬覦若順流東竄在在可慮等語著陸建瀛楊文定蔣文慶張芾仍遵前旨分飭地方文武大員各於水陸要隘節節嚴防毋稍疏失現在豐工正當喫緊

之際朕心深為懸繫若陸建瀛駐工督辦一切呼應較靈更易集事僅因軍情緊急必須該督前往調度亦不能不先其所急朕思青慶交卸學政尚未來京著即暫留工次幫同該督等督率彈壓如陸建瀛前往要隘防堵工次仍有大員幫辦亦不為無益江甯省城重地即著楊文定前往暫行駐劄就近調遣陸建瀛兼轄三省應如何酌量緩急相機籌辦之處朕亦不為遙制總期撫綏鎮靜毋失

事機。又據陸應穀奏河南急應防堵。請將江南前辦夷務時所置礮位收存江浦者。調取三十尊。著即照數發交河南委員星速運回以資守禦。至沿江一帶圖山關以下並各江洲從前設防處俱有大礮並礮車。運用亦極靈便。如長江防堵水陸要地需用此礮即可暫移濟用。惟應位置得地護守得人。斷勿稍有疏虞。是為至要。雷以誠原摺片。御史王茂蔭所奏江防形勢一摺均著鈔給閱看。將此由五百里各諭令知之。○又諭前因楚匪北竄河南亟須防堵。諭令鄭敦謹馳赴信陽州一帶會同南陽鎮總兵柏山扼要籌辦。本日據陸應穀奏賊情緊急請調兵防堵一摺河南與湖北毗連地方甚多水陸皆通。在在堪虞。此時逆匪圍撲武昌漢陽勢甚緊急。南省追兵計日趕到。合力夾擊難保不再圖北竄。該署撫現在派撥官兵於信陽新野等要隘防堵。惟兵力尚單。所調鄰省之兵一時未

能趕到。著陸應穀於河南各營再行抽調二千名迅速派往交界處所擇險布置。俟新調兵到仍可撤令歸泚。現命琦善署理河南巡撫復調直隸陝甘精兵不下萬人交琦善統帶。不日即可趕到。該署撫即督同鄭敦謹柏山崇安等嚴密防守。並曉諭近楚居民團練保衛無致驚惶。遷徙仍須密查奸細嚴防擒匪勾結。該署撫如須出省調度即著擇要前往駐劄。俟琦善到日再行來京。至所稱調江浦大礮三十尊已諭令陸建瀛照辦矣。昨據御史王茂蔭奏豫籌防堵一摺著一併鈔給閱看。將此由五百里諭知陸應穀並傳諭鄭敦謹柏山等知之。○調山東兵一千名山西兵三千名赴河南防剿。○蠲緩浙江和錢塘海甯新城嘉興秀水嘉善海鹽平湖石門桐鄉金華蘭溪東陽義烏永康武義浦江湯溪西安龍游常山建德淳安遂安壽昌桐廬富陽臨安於潛烏程歸安德清武康慈谿

諸暨餘姚上虞新昌嵊甌海江山開化分水
麗水縉雲青田松陽雲和四十九州縣並杭
嚴嘉湖衢州三衛被旱被水被風歉收地畝
新舊額賦並給金華東陽義烏永康浦江五
縣災民一月口糧

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十七
教修

咸豐二年壬子十一月丁卯諭內閣楊殿邦

奏臨清州牘外

河神顯應請加封號一摺並另片奏該州紳
民稟請捐貲建廟等語本年南糧首幫輓入
東境正值衛河盛漲而浙船行抵臨清又在
冬令水落之時經督運文武各員先後詣
金龍四大王廟暨

漳神祠虔誠叩禱重運漕船得以全數出牘
首二兩進回空幫船亦得趁水連檣南下
神靈默佑欽感良深著禮部各擬二字封號

進呈候朕酌定加封以昭

靈貺至該州所轄尖家地方為豫省漕船必經之路既據該紳民等稟請建立

金龍四大王暨

漳神祠廟著即准其捐貲興建用申祈報○

又諭黃宗漢奏藩司自盡出缺一摺據稱浙江布政使椿壽於本月初九日夜間在署自縊另片奏浙江錢漕諸務支絀本年久旱歲歉徵解尤難該司恐誤公事日夜焦急以致

迫切輕生而椿壽遺囑內有因情節所偏勢不能生之語並未指明係何情節該司以二品大員即令公事難辦何至遽行自盡是否另有別情著該撫再行詳細訪察據實奏聞毋稍隱飾尋奏該司因庫款不敷漕務棘手致肝疾舉發因而自盡並無別情報聞○又諭德勒克多爾濟等奏喀爾喀兩部落汗王貝勒貝子公扎薩克台吉等因賊匪滋事捐銀二萬兩以備軍需一摺喀爾喀圖謝圖汗

車臣汗兩部落汗王等聞賊匪滋事請捐銀二萬兩實屬忠心出於至誠惟軍營應用銀兩現已備妥足敷支用且念蒙古人等生齒日繁全賴此項銀兩生計若遽行收納朕心深為不忍況各省大兵已將雲集盡爾么膺必可立時撲滅所捐銀兩毋庸賞收以示朕軫恤蒙古世僕至意德勒克多爾濟捐輸本身銀二千兩實屬誠悃著即賞收加恩交該部從優議敘○又諭德勒克多爾濟等奏哲

布尊丹巴呼圖克圖庫倫堪布諾們罕率領喇嘛等捐銀一萬兩呈請轉奏一摺該呼圖克圖等甫聞賊匪滋事情願捐銀一萬兩實屬忠心出於至誠惟現在軍需尚屬饒餘足敷支用所捐銀兩著毋庸收納並著賞給該呼圖克圖呼畢勒罕黃哈達一塊轉交諾們罕俟伊師哲布尊丹巴呼圖克圖呼畢勒罕坐牀後再行賞給其發去賞給庫倫堪布諾們罕羅布桑楚勒特木濟斯默特哈達一塊

俟接到時著德勒克多爾濟等轉行賞給以示朕嘉尚呼圖克圖等之意○又諭陸建瀛奏參浙江總運幫弁請旨分別議處革職一摺浙江台州前等四幫漕船因冬令水淺行至丹陽一帶不能前進經陸建瀛奏明飭令折回乃各幫弁藉詞觀望屢催罔應以致來往船隻均被阻滯湖州府總運浙江候補運副湯世勳著交部嚴加議處首先抗違之溫州前幫千總黃振著即革職並著黃宗漢速

飭新任糧道周起濱馳赴該處督飭湯世勳等將各幫重運漕船概行折回湖州水次聽候酌辦如再抗違即著嚴參治罪沿途水手人等即責成該道押令安靜行走並著江蘇地方官一體妥為彈壓毋致滋生事端○又諭陸建瀛奏飭緝匪徒擒獲多名等語江蘇邳州境內有山東擒匪靳豹等竄入經署邳州知州吳崇會營帶領兵勇馳往堵拏該匪折回竄逸復跟蹤追趕至邳城沭陽交界之

高唐溝獲犯五名海州知州毓彬派委千總秦懷揚等於邳城縣馬陵山等處先後獲犯十一名該州復會同署參將游桂林親督秦懷揚並署守備朱大平等於阿湖鎮附近地方生擒二十七名格殺二名奪獲槍礮刀械贏馬火藥鉛丸等物邳州海州文武各員不分畛域追逐緝捕擒獲匪犯多名辦理尚屬認真著陸建瀛楊文定即飭該員等將現獲各犯嚴行審究並著李德督飭山東交界地

方文武迅速合力嚴拏著名擒首及夥黨全數弋獲以懲兇暴而安善良○諭軍機大臣等前據陸建瀛覆奏小孤山設防不如於上游黃蘗等處扼險防堵當降旨諭知徐廣綰常大瀄等照辦並令該督撫等察看地方要隘處所豫籌防守茲據該撫奏稱小孤山實為長江之鎖鑰皖省之門戶斜對南岸彭郎磯南寬里許北寬半里兩岸擡礮並發均足擊及中流彭郎磯背緊靠江濱並可安放大

礮迎擊等語該撫既經委令升任雲南臬司張印塘親詣查勘派兵馳赴防堵並添造船隻器械雇募水勇操演即著照議妥辦前有旨令張印塘留於安徽辦理防堵事宜著蔣文慶即飭該員會同張熙宇恩長悉心籌辦所募水勇能否得力務須操練純熟不可有名無實粵楚地方每因奸匪勾串內應以致失事現在辦理防堵無論城鄉水陸總以盤查奸細為第一要務一切布置機宜尤須加意慎密使賊無從探聽而賊中情偽又必應確偵豫防方不至墮其奸計其界連湖北江西之英山霍山太湖婺源祁門建德等縣並著嚴密設防毋令賊匪竄入將此由六百里各諭令知之○又諭都察院奏吉林茂局商人周萬春呈控協領富尼雅杭阿盤踞茂局勒扣幫費故縱攬頭籽種秧一案已明降諭旨交恩華趙光審訊矣據稱此案曾在步軍統領衙門控告奉旨交吉林將軍訊辦該

局員等消弭賄託勒派幫費並虧短價銀等情著該侍郎等按照所控情節逐層嚴訊務得確情儘有牽涉該將軍副都統之處即著查取親供據實具奏所有該商人供呈共四件並帳簿十五本均著發給閱看將此諭令知之○安徽巡撫蔣文慶奏派兵防守小孤山並添造船隻器械雇募水勇遴員操演得旨雇募各勇藉助先聲則可以之禦賊朕難保必期得力○以山西按察使麟桂為浙江布政使調河南按察使沈兆濡為山西按察使賞已革河南布政使張集馨四品頂帶為河南按察使○戊辰上詣大光明殿弘仁寺仁壽寺拈香○諭內閣穆騰額奏班禪額爾德尼七旬生辰接受賞件呈請謝恩並呈進吉祥丹書克乞為轉奏一摺班禪額爾德尼

歷居後藏有年。深通經術。推演黃教。且其照
顧喇嘛黑人。為年更久。茲又請進丹書。克其
誠懇之忱。朕心尤為歡悅。著照所請。准其交
明年年班進京之堪布代為呈進。○改鑄陝
甘總督關防。從總督舒興阿請也。己巳。

上奉

皇貴太妃幸漱芳齋進膳。○諭軍機大臣等。現
在賊入長江。直犯武昌。漢陽二郡。下游江防
最關緊要。本日軍機大臣奏。有人呈稱。宜用

木筏收束江面。如桶口式。使賊船不得暢行。
再於隘口擊之。其法各於江面較窄之處。多
用木筏橫截彼岸。連以鐵鉤。防賊衝越。覆以
溼土。防賊焚燒。彼岸既阻。賊船必由此岸魚
貫而下。我兵即於桶口設防。係平坦處。則多
設礮位。係高阜處。則多安滾石。彼過一船。我
擊一船。每數十里。或一二百里。安設一桶。若
賊過第一桶。則將上桶木筏多用火具燒然。
順流放下。使賊船至第二桶時。前有桶阻。後

有筏燒各等語。長江一帶。木筏本多。若任其
為逆匪所得。更助兇銳。自應豫為收集。藉作
江防。惟當如何運用。何地安設。尤須層層慮
及。方免疏虞。著徐廣縉。常大瀉。陸建瀛。楊文
定。蔣文慶。張芾。各就江面情形。悉心體察。不
必拘定如此辦法。總期因地設險。毋資賊用。
惟賊情詭詐。若圖北竄。勢必水陸兼下。牽掣
我兵。沿江州縣。陸路要隘。亦必須處處扼險
防守。不可顧此失彼。將此由五百里各諭令

知之。○又諭有人奏。湖北省城。俘獲奸細數
十人。現皆監禁等語。賊匪正在武昌。漢陽。盤
踞。城中奸細必多。已獲之犯。訊明。如果屬實。
即應正法。以絕句串。內應。切勿遲疑。致滋他
變。近日失陷城池。多因奸細。洩入。著徐廣縉。
常大瀉。密飭地方官。無論城鄉。要隘。均應嚴
密盤查。不可稍有疏忽。逆匪等自岳州竄倡。
湖北省城。圍撲。漢陽。及龜山。營盤。情形緊急。
數日來。未接徐廣縉奏報。朕心實深焦灼。疊

經降旨令向榮趕緊赴援並令徐廣綰督飭大兵星速前進不知此時如何攻勦向榮雖經獲咎而該大臣仍令其統領諸軍朕亦念其前守桂林之勞停其發遣俾令趕赴長沙協同固守兩月以來尚無貽誤此次賊匪北竄岳州向榮不能迅速救援而其趕派常祿王錦繡帶兵星馳赴援武昌到在賊前見事尚屬機警向榮久於行陣朕看其屢次舉動尚非無用之才此時武昌戒嚴正伊奮激圖報之日如能迅速勦賊不但可贖前愆並可重邀恩眷著徐廣綰即將此旨宣示向榮俾知感勵朕用人一秉大公功罪皆由自取想該革員必能仰體朕始終成全之至意將此由五百里諭知徐廣綰常大瀉並傳諭向榮知之○又諭陸應穀奏河南與湖北交界地方防堵喫重請飭催前調官兵一摺前已有旨調山東官兵一千名山西南鎮官兵三千名馳赴河南防勦現在賊勢猖獗楚豫交界

地方堵勦十分喫緊著李德郭夢齡迅派得力將弁管帶挑選精兵星速啟行馳往河南以資調遣毋得稍有延誤將此由五百里各諭令知之○又諭陸應穀奏豫省防堵喫重請飭催官兵一摺已由五百里諭令李德郭夢齡將前調山東兵一千名山西兵三千名迅速飭催前往矣前因賊匪北竄曾諭令陝甘督撫再選精兵二千名西安將軍選備駐防官兵一千名星速馳赴河南昨又諭令訥爾經額將挑選大名鎮標兵一千名先行派往交該署撫調遣此項官兵計日均可先後趕到該署撫務須隨到隨撥於信陽羅山二屬及新野等處相度要隘層層布置並察看情形如必須出省調度即行擇要前往駐劄督同鄭敦謹柏山等設法堵禦現在琦善即日出京續調各省精兵已催令迅速馳赴豫省該署撫仍俟琦善到後再行交卸來京至南陽一帶素為捻匪出沒之區難保不乘機

竊發或與逆黨勾結不可不防著督飭地方官於團練保衛之中即隱寓鈐制之意總以鎮靜彈壓毋涉張皇是為至要將此由五百里諭知陸應穀並傳諭鄭敦謹柏山知之○署河南布政使鄭敦謹奏報到任日期得旨豫省為北方保障防堵事宜最關緊要其實心慎密辦理以副委任○甘肅賓夏鎮總兵官穆特恩奏奏報到任日期得旨邊疆重地操練為先汝其勉力整飭不可因循○蠲緩

湖南武陵龍陽沅江澧安鄉巴陵臨湘華容湘陰九州縣及岳州衛被水歉收地畝新舊額賦並貸安鄉縣無力貧民麥種○庚午

上詣

壽康宮問

皇貴太妃安以祈禱靈應頌山東登州海口

天后廟

御書扁額曰神功濟運諭內閣昨日兵部帶領引見之齊齊哈爾鑲黃旗協領巴揚阿黑

龍江鑲紅旗協領富尼雅綱阿墨爾根城鑲白旗協領經文齊齊哈爾鑲紅旗協領福祥黑龍江鑲紅旗佐領拜爾胡蘭墨爾根城鑲紅旗佐領那豐阿齊齊哈爾鑲紅旗佐領伯起打牲正紅旗佐領和山黑龍江正藍旗佐領烏里布黑龍江正紅旗防禦富勒德恩布黑龍江鑲黃旗防禦富興黑龍江鑲紅旗驍騎校阿勒精阿打牲鑲黃旗驍騎校海全打牲正白旗驍騎校勒慶阿打牲正黃旗驍騎

校業普鏗額等十五員均著交琦善帶往河南差遣委用○又諭直隸務關路參將李志和著交琦善帶往河南差遣委用○又諭御史周有簾奏軍營員弁浮冒錢糧請嚴行稽覈一摺據稱軍營統兵員弁希圖浮斂錢糧捏報名數以少報多管帶練勇之員亦皆效尤陣亡兵勇數目並不據實開報總局大員明知不查豫為奏銷地步致軍需要款半歸私橐所奏切中情弊自軍興以來屢經該部

行查調兵到營日期及傷亡裁撤數目等款並未據該省奏到其為意存虛捏已可概見當此紛紛籌餉之時何堪任聽劣員從中漁利著現在辦理軍務之大臣督撫等嚴飭管理糧臺總局各員詳細稽查即將藉端舞弊昧良肥己劣員指名嚴叅以肅功令而慎度支又片奏各省動用帑項每於奏銷時先遣人與戶部經承議定部費豫防部駁等語各部院衙門書吏因公需索大干例禁著各該

堂官督飭司員隨時密查如有部費名目及各項弊端著即奏交刑部嚴行治罪毋稍姑容將此通諭知之○諭軍機大臣等前因湖北賊勢猖獗安徽河南均須防堵先後降旨調山東精兵三千名分赴各該省協防茲據李德奏稱東省額兵不多時須派捕捻幅各匪又應分巡回空軍船未便徵調等語自係實在情形惟皖豫兩省與湖北交界地方防堵緊急著李德仍遵前旨將調赴安徽兵二

千名河南兵一千名迅即派委得力員弁管帶星速前往毋稍遲誤如安徽河南續調兵力足敷調遣再行奏明將該省之兵撤回歸伍可也將此由五百里諭令知之○烏什辦事大臣春熙奏查閱卡倫軍臺等處官兵軍械馬匹得旨此等事件應用清字摺滿洲舊俗豈可忽畧若遇緊要事件可用漢字摺汝清文生疏亦不必拘泥○辛未

上詣

壽康宮前殿行禮後殿問

皇貴太妃安○詣

英華殿拈香○御乾清門聽政○諭內閣軍興以來將兩年矣廣西瘡痍未復湖南又遭塗炭近乃逆氛更熾擾及武昌漢陽所過郡縣悉被蹂躪雖桂林長沙兩省城幸保無虞而我民之遷徙流離亦已不堪言狀朕御宇三載未能安輯四方俾我民咸登衽席深宮自省豈止寢食不安因思軍營將帥及各督

撫大臣皆

先朝舊臣留為保我子孫黎民之用際此時艱孔亟宜如何同心協力冀我蒼生以輔朕之不逮朕為吾民請命不憚祈禱頻仍每聞軍報至地方被害情形朕心如搏前命徐廣縉統領大兵分飭提鎮追剿羣匪直抵武昌復命陸建瀛蔣文慶張芾等各督官兵折流迎擊昨又命琦善統帶各省馬步精兵萬餘屯守河南南陽汝甯光州一帶為楚應援另調

吉林黑龍江勁旅隨後接應合三省之兵力不分畛域直趨湖北合力攻剿逆賊以左道煽惑愚民肆行搶掠荼毒生靈實屬覆載不容神人共憤經我軍疊次殲戮外其兇悍之賊不過數千餘眾大半皆裹脅之徒其甘心從逆者無多揆之天道人心賊匪惡貫滿盈必當指日殲除不致久為民患朕不惜數千萬帑金藉資勦辦本日又特頒部帑以濟軍需此外仍飭寬為籌撥源源接濟該大臣督

撫等均當仰體朕心為民除害行軍之道紀

律為先務須信賞必罰約束嚴明俾知有進無退人皆用命即小勝小負亦兵家之常事總宜據實奏報不可稍有粉飾朕賞功罰罪悉以軍報為衡儻有偏重偏輕何以令在營軍士知感知懼至團練鄉勇乃民間自為守禦藉以保衛身家或各村自為一團或數村共為一團其經費應由紳董自行經理豈可官為抑勒且以守望相助之傳輒復紛紛調

遣必至遷地弗良轉滋流弊民間捐助軍餉好義急公朕方破格施恩若地方官藉捐輸為名委員四出苛派騷擾胥吏因緣為奸又何以安善良而昭激勸即如會籌軍餉條款內稅契一節亦國家成例然或辦理不善亦足以滋擾累朕宵旰焦勞冀蘇民困吾民一日不安朕心一日不釋前此被賊滋擾省分疊經降旨令該督撫查明奏請分別蠲緩撫恤茲者岳州失守擾及武昌漢陽一帶眷懷

南服憂思益深。若再令疆吏飭屬照常徵納小民其何以堪。著該督撫悉心體察被賊地方分別蠲緩。奏請恩施。其餘應行徵收錢糧之處亦著嚴查各州縣總期照舊開徵。毋得稍有浮勒。庶幾吾民於顛沛困苦之時不至再受追呼迫切之累。該大臣督撫等即刊刻謄黃。徧諭閭閻。其各仰體朕意。速振軍心。用殲羣醜。毋再因循玩泄。致干重罪。將此通諭知之。○又諭慶錫奏籌議安裝涵洞柵木一摺。

東陵風水圍牆南面涵洞應添木柵。改安木柵所需工料著准其在於修辦河道繳回銀兩項下覈實動用。所需木料著在本年海樹回乾木內選用。此項工程著免其造冊報銷。○諭軍機大臣等本日據陸建瀛張芾各奏江防緊急情形已降旨飭令分投防剿並明降諭旨剴切通諭矣。逆匪竄入長江攻撲武昌漢陽一帶前據常大瀉奏報後又逾數日未

得續報。徐廣縉自報岳州失守以後亦無奏報。是否因道路梗塞。文報不通。朕南望殷憂莫名焦灼。現在武昌城守情形若何。徐廣縉向崇是否已統帶大兵繞赴湖北逆匪後隊。如尚踞岳州作何分路攻擊。湖南兵勇數萬急宜趨赴前途。或由江西捷徑繞赴武昌。或取道蒲圻一帶將陸路竄撲武昌東門之賊翦除。並將被賊占踞之大洪山等處即行奪回。省城形勢既壯自能保固。至漢陽切近

省城情形危急必應迅速分兵救應。賊眾精銳不過數千餘皆裹脅現在聲稱數萬大半烏合之徒。總以合力攻剿為第一要義。若但紛紛防堵則水陸四達防不勝防。徐廣縉抵武昌後當權衡全局。一面憑城固守。一面飛咨荊州將軍台湧督兵東下。並知會下游各省師船沿江西上迎頭截擊。及河陝北路之兵亦可由襄陽建瓴而下乘賊首尾勢分揀選精銳併力兜剿勿但株守一隅毫無布置。

致賊匪肆行無忌。徐廣縉業已遷延於前。若再任賊蔓延。自問當得何罪。再昨已有旨切諭向榮該革員久歷戎行。尚屬可用。因思蘇布通阿係向榮推引。竊尚阿奏令來營。前據徐廣縉奏明。已飭管帶川兵前進。該員如果得力。可令與向榮會同督帶鎮將奮力衝鋒。以期克敵制勝。軍營惡習。爭功妬能。最易誤事。向榮與蘇布通阿平素既無猜嫌。臨陣必互相應援。不致掣肘。該大臣到營日久。於諸將材質高下等差。諒已確加辨察。尤當隨時激勵鼓舞。使之齊心勑力。勿蹈前此覆轍。師克在和。此語當時刻銘心也。至大營兵勇雖多。患在未能選練團勇一項。尤不足恃。急宜分別良莠。妥為裁遣。以整軍威。而節濫費。本日據戶部片奏請將兵勇去留確數。在營月日及節次傷亡弁兵數目分晰造報。著即照所議迅速辦理。原片鈔給閱看。隨營各勇名目甚多人數甚眾。儻一時難於盡遣。亦須酌

量緩急。不動聲色。設法妥辦。俾留營者驅使可收實用。而遣散者亦不至別滋事端。方為妥善。前有人奏湖北形勢緊要一摺。著摘要一併鈔給閱看。將此由六百里各諭令知之。○又諭陸建瀛奏豫籌三省防堵。張芾奏先委臬司馳赴九江防堵。各一摺。前因岳州失守。疊經降旨諭令毗連各省迅速設防。現在賊匪攻撲武昌及漢陽一帶。其下游各省處處可通。急應嚴密防堵。俾不至分路竄擾。而

江西之九江府水陸皆與楚北毗連。尤為扼要之地。前有旨令張芾督兵堵禦。茲據奏已委臬司惲光宸前往會同該護鎮道暨署總兵音德布遊擊薛升堂並革員劉熾昌等籌辦。張芾著仍遵前旨馳往督率調度。省城重地。陳孚恩與陸元烺等仍當全局籌畫。勿稍疏虞。所調鎮江舢板船僅四隻。雖有水師方翔統帶。是否足資抵禦。陸路及江岸扼要處所亦必須派兵設礮。互為接應。至安徽省雖

在江西下游而順流而下片帆直達已據蔣文慶在小孤山擇要設防前經降旨令張熙宇張印塘恩長等督辦諒不至稍有疏虞惟賊情詭詐必須水陸皆有準備方不至顧此失彼本日已明降諭旨令徐廣縉琦善與陸建瀛等三面兜剿現在河工軍務均關緊要陸建瀛著仍遵前旨酌量情形如須親往督兵調度即星夜馳赴九江上游一帶扼要處所與張蔣文慶等相機布置並隨時知照

徐廣縉琦善等合力進攻粵楚前調安徽之兵此時能否撤回並著咨商辦理江西之兵如能迎赴上游亦可助楚北聲勢至江蘇撥餉若全數截留江西安徽不知楚省能否數用軍情緩急難以懸揣該督等亦應與楚省督撫隨時咨商不可稍分畛域致誤事機河南前調清江浦礮三十尊著即運往以濟急用前諭令將圖山關以下及各江洲所設之礮暫移水陸要隘備用想陸建瀛亦已計及

江防雖有遠近緩急必須層層布置尤應於陸路險要設防不可稍有疏忽又聞奸匪到處潛蹤其衣服髮辮暗有記號亟應嚴密查以清內患本日有人奏議防不如議勅各摺片一併摘要鈔給閱看將此由六百里各諭令知之又諭刑部尚書周祖培奏通籌豫省軍務一摺據稱河南南汝光一帶皆與楚北接壤自宜擇要固守尤應防剿兼施團練鄉勇藉資守禦徐廣縉統帶大兵既可窮

追而北琦善新調勁旅亦可迎剿而南等語著該署撫察看地方情形應如何團練鄉勇方能得力不致別滋流弊隨時隨地相機辦理湖北江西安徽江蘇各督撫並著隨時知會聯為一氣水陸並進南北夾攻使賊匪腹背受敵庶不再致蔓延至所奏懷慶府河內縣清化鎮地方突來他省客商開設錢鋪囤積米糧信陽光州一帶有大幫難民恐多奸細囤難又聞賊匪潛來內地其衣服髮辮間

暗有記號。並著該署撫遠派幹員前往各該處嚴密稽查。儻有形跡可疑之輩。立即嚴行擒捕。勿令匪黨涸跡其間。至擒匪鹽梟所在。皆有必須設法鈐制。以免勾結。以上情形。琦善未到以前。即著陸應穀妥籌辦理。毋誤事機。原摺均著鈔給閱看。將此諭知琦善。並由六百里諭令陸應穀知之。賞署河南巡撫琦善二品頂帶。以通政使司通政使羅惇衍為都察院左副都御史。光祿寺卿潘曾瑩

為內閣學士。兼禮部侍郎銜。內閣侍讀學士李維翰為太僕寺卿。蠲緩安徽靈璧宿懷甯桐城潛山宿松望江南陵銅陵東流當塗蕪湖繁昌壽懷遠定遠鳳臺潁上霍邱亳泗盱眙天長二十三州縣被水被旱歉收地畝本年額賦。壬申。

上詣

宣仁廟
凝和廟

普度寺拈香。諭軍機大臣等。寄諭欽差大臣署湖廣總督徐廣縉等。御史陳慶鏞條陳軍務一摺。朕詳加披覽。所奏不為無見。昨因兩載軍興。生民塗炭。深宮自省。寢饋難安。特降旨宣示朕意。並曉諭統兵大員。嚴明紀律。信賞必罰。復令查明被賊處所。分別蠲緩撫恤。該御史現尚未覩明詔。而所請特沛綸音。刊刻謄黃。與昨降諭旨。實相脗合。其所陳各節。亦切中時弊。當此防勦喫緊。首重人和。如

地方官能得民心。鎮將等能得兵心。何患不眾志成城。同仇敵愾。至所稱寬脅從以散賊黨。練精銳以遏賊鋒。惟在統兵大員體察民情。振作士氣。俾賊勢日孤。軍威日壯。庶可掃此妖氛。其有能擒斬逆首者。除賞銀十萬兩外。即封爵之榮。世職之賞。朕亦不吝。該大臣等。即懸示賞格。俾人人曉諭。儻陷於賊營之人。有能殺賊效命。自拔來歸者。亦可予以自新。加之重賞。其將弁兵勇。有不用命及退避

不前者即分別嚴懲無稍姑息該御史摺鈔給閱看即著採擇籌辦前據陸建瀛奏防江之法以黃州府所屬之蘄州廣濟等縣為最要雷以誠奏沿江情形亦甚詳覈茲發去武昌下游各要隘說帖一紙其所稱青山陽邏鎮武磯頭道士汛等處均可設防著該大臣督撫等體察情形嚴密防禦水路固屬緊要陸路尤不可忽該匪駕船竄駛必有陸路奸細為之接引若於陸路要隘處所暗伏兵勇多備槍礮則賊船經過何難轟擊殲擒該大臣督撫等務當不分畛域全局籌畫勿稍疏虞將此由六百里各諭令知之又諭前因賊匪北竄降旨令舒興阿張祥河派員於楚省交界地方扼要嚴防本日據御史陳慶鏞奏湖北間道自襄陽至鄖陽即可入陝西商州等語著舒興阿等仍遵前旨於楚陝毗連南山一帶要隘妥為布置先事豫防勿致臨時失措仍當鎮靜持重毋稍驚擾為要前調

西安駐防官兵此時想已行抵河南舒倫保仍將存營官兵加意操練以資捍衛毋稍疏懈將此由五百里諭令知之又諭前因江防緊要疊次降旨令陸建瀛酌度情形如須親往督辦即著馳赴上游扼要調度現已數日未接湖北續報賊氛方熾難保不順流東下援及沿江一帶該督前奏守禦長江惟有力量爭上游之法所見極是昨復奏江西省將有水陸受敵之勢若賊匪闖入九江無隘可扼安徽小孤山亦僅於下游設防本能力據上游該督籍隸湖北於長江形勢險要素為熟悉此時武昌漢陽戒嚴恐無暇顧及江防江西兵力又形單薄朕再四思維湖北黃州蘄州廣濟等處沿江險隘恐有疏虞所關甚重著陸建瀛迅即馳往九江上游扼長江之險援應湖北即為江西安徽自固藩籬之計軍事變遷旦夕不一必須籌之於先庶免臨時倉猝朕聞黃州迤南百二十里為道士汛

江面最窄。有山可據。地勢極為險峻。應否於此地扼守。與徐廣縉南路之兵。互為聲援。一面與蔣文慶張華熱籌布置。賊情詭詐。必不專由水路前來。其陸路險要地方。亦恐該匪勾結土匪。與水路船隻互相牽掣。仍須水陸兼顧。毋致失險。即如昨諭該督等。收集木筏。藉作江防。亦須斟酌行之。不可拘泥。沿江船隻。必須豫先收集。以備我用。毋為賊匪所得。豐工亦在喫緊之際。該督啟程後。即責成楊以增督同查文經。竭力妥辦。並飭該鎮道等認真彈壓稽查。務須趁此天氣晴和。料物充足之時。催令進占。剋期合龍。該河督係專管河務。查文經亦兩次派辦河工。責無旁貸。儻再因循誤事。朕惟楊以增查文經是問。青麐於河工本非所習。因其任滿回京。暫令在工幫同彈壓。非特派督辦者可比。楊以增等不得藉詞諉卸。青麐亦不可另出己見。祇須按照陸建瀛等所定章程。迅速催辦合龍。後即

行來京可也。浙江糧船阻滯丹陽河道。此時是否全行折回。並著附報覆奏。以慰懸念。將此由六百里諭知陸建瀛。楊以增。青麐。並傳諭查文經知之。改鑄貴州貴筑縣知縣印信。儒學條記。天柱縣知縣印信。儒學條記。天柱營都司關防。從巡撫蔣蔚遠請也。○癸酉。諭內閣。著派火器營官兵四十名。齎帶火箭二千枝。並各旗營火藥二萬斤。由驛前往河南。交琦善差遣備用。○又諭。本日據徐廣縉馳奏。十一月十八日。行至湘陰途次。探明漢陽府城失守。並查明岳州文武先期逃散情形。一摺。覽奏。曷勝憤懣。自賊匪攻竄岳州。屢經降旨。令徐廣縉統帶大兵。分飭提鎮直抵武昌一帶。繞出賊前。迎頭截擊。茲據奏稱。該大臣暫駐湘陰。並稱向榮於初七日帶兵直逼岳州府城。趕緊進攻。賊匪紛紛逃竄。兵勇登時搶上。殺斃數十名。生擒二十七名。因該匪大隊已去向榮率兵緊追。福興玉山之兵。

尚在向榮之後。蘇布通阿等又在福興之後。疊次嚴催。總未迅速。趨行以致賊由水路順流直下。岳州文武當賊未至。先自逃散。並未聞有帶兵迎擊之事。等語。不料該文武等。昧良喪心。一至於此。除已革提督博勒恭武。由該大臣迅速查奏外。岳州府知府廉昌巴陵縣知縣胡方穀。岳州營參將阿克東阿。均著先行革職。交刑部按律議罪。名具奏。蒲圻縣城存兵僅四百名。賊眾大至。以致失守。知

縣周和祥。罵賊不屈。被戕甚慘。不愧守土之官。嘉獎之餘。實堪憐憫。周和祥著賞加道銜。照道員例賜卹。並於蒲圻縣建立專祠。以慰忠魂。同時殉難之縣丞千總及陣亡之帶兵將備二員。均著查明請卹。並附於周和祥專祠。以昭旌獎。又據台湧奏。荆宜施道文輝。在白螺磯分防駐守。不能督兵堵剿。退離防所。著徐廣縉常大瀄。查明奏具。餘退避各員。弁並著查明分別奏。奏台湧著交部議處。向

榮計抵武昌。福興主山蘇布通阿等追剿之。兵計已到。齊徐廣縉著毋庸株守。湘陰仍遵前旨兼程馳赴武昌。一帶督率兵勇與常大瀄前後夾攻。毋得再有遲誤。岳州府城著羅統典張亮基鮑起豹等酌量帶兵前往收復。並撫綏難民。毋令失所。武昌下游朕已諭令陸建瀛統帶大兵。泝流而上。信陽以北復令琦善帶兵兼程前進。會合兜剿。並調集東三省勁旅前往接應。誓必滅此羣醜。以彰天討。

而快人心。漢陽失守情形。文武如何下落。並著該大臣等查明速奏。傷亡兵丁照例議卹。又諭桂良奏。遵旨保舉堪資軍營差遣協領一摺。福州鎮藍旗滿洲協領都爾遜著發往軍營交徐廣縉差遣委用。諭軍機大臣等據徐廣縉馳奏追剿賊匪情形。並漢陽失守一摺。岳州為南北咽喉。該匪既紛紛竄去。即應趕緊收復。著即由湖南酌調文武大員來岳州駐劄。分兵固守。堵賊回竄之路。萬不

可再有疏失。漢陽與武昌僅隔一江，逆匪既踞漢陽，則武昌更形危急。省垣重地，且為南北關鍵，四通八達之區，所關甚鉅。著徐廣縉帶領南省追兵，星速至漢陽、武昌一帶，合力攻剿。常大瀉、雙福當督飭在城文武，竭力守禦，並與城外救援各將密商，內外夾擊，萬勿株守城中。一籌莫展，致誤事機。土匪晏仲武勾結逆賊，圍搶餉鞘。該大臣業經派委鄧紹良等帶兵剿辦，此股匪徒諒不難剋期殄滅。

現在楚北軍情，著徐廣縉隨時飛咨河南、江西安徽、江甯各督撫，準備兜剿，三面圍擊，不可任令竄逸。復致滋蔓難圖。台灣駐劄荊州，據江上游，著一面擇要防守，勿令股匪竄入。仍一面派委得力水師兵船順江直下，應援武昌。毋稍遲誤。廉昌等棄城而逃，情節可惡，已命刑部按律治罪。巴圖爾如何被劫，著查明奏通判鄭德基守備王福海尚能保護十餘萬軍餉，送至省城，不致為賊所掠，著

徐廣縉酌量保奏，將此由六百里各諭令知之。又諭逆匪撲入漢陽，沿江下游地方，在堪虞情形，十分緊要。已諭令徐廣縉兼程前進，迅速兜剿矣。著陸建瀛酌帶江南水陸官兵，即馳赴上游，與徐廣縉、常大瀉等合力夾擊。江防利用火攻，務將槍礮、火箭、火罐等件配帶齊全，以期應用。尤須派帶得力將弁，毋得以庸懦濫充。江蘇、安徽、江西一帶均當亟為設備，自固藩籬。著楊文定、蔣文慶、張芾

遵照疊次諭旨，妥籌布置，互相應援。至陸路各要隘，尤恐有土匪勾結，並著一體嚴防。毋致稍有疏失。將此由六百里各諭令知之。又諭本日據徐廣縉奏賊匪北竄，漢陽府城失守，督兵進剿等語。楚豫交界地方，最關緊要，急應嚴密防堵。著陸應穀即遵前旨親往要隘處所督飭文武員弁實力嚴防，勿任賊匪闖入。並著琦善兼程前進，陳金綬亦即飛催所調各路官兵星速進行，毋得稍有遲誤。

所有火器營官兵四十名、火箭二千枝，並各旗營火藥二萬斤，即著琦善酌量差遣應用。河南兵餉，前已先由戶部籌撥矣。將此由六百里各諭令知之。浙江學政萬青藜奏：藩司椿壽留有遺囑，實因公事棘手，遽行自盡。得旨：已有旨令黃宗漢詳查具奏。汝近在省垣，若有所聞，亦可據實具奏。撫恤琉球國遭風難夷如例。甲戌。

上幸瀛臺。諭內閣：固慶奏遵旨保舉吉林各

城堪資軍營差遣人員一摺。拉林協領兼雲騎尉台斐音保烏拉鑲紅旗佐領獎賞藍翎。台穆甯古塔鑲白旗佐領常陞伯都訥鑲白旗佐領輯順鑲藍旗佐領金山、吉林正藍旗防禦開奇哩甯古塔正藍旗防禦忠春、三姓正紅旗防禦慶春、拉林正黃旗防禦恩林、吉林蒙古鑲白旗驍騎校哈勒洪、阿三、姓正黃旗驍騎校巴圖魯、正紅旗驍騎校獎賞花翎。蘇隆阿、阿勒楚喀鑲藍旗驍騎校永祥，並降

調之前任正黃旗副都統兼呼倫貝爾總管德昌著該將軍即派令管帶前備吉林馬隊精兵二千名配齊軍裝器械候旨調撥。均無庸送部引見。又諭慧成奏幫船進牕有礙挑工，恐誤重運一摺。本年浙江幫船回空已遲，自應催趨迅速。南旋據稱運河挑工關繫明年運道，若築壩過遲，恐誤重運。浙江十三幫能於十一月內趕至臨清，尚可進牕催行。僅遲至十二月，即擬令在牕外守候，自係實

在情形。惟現在天氣和暖，該河督仍當隨時察看。會同李德、熟籌妥辦，俾幫船不致全行阻凍。挑工亦無貽誤。方為妥善。諭軍機大臣等：張芾奏崇仁等縣會匪滋事，委員馳往會拏一摺。現在楚省逆匪未靖，江西界連各處疊次諭令嚴密防堵，稽察奸細。此種會匪糾眾滋事，經官兵緝拏，膽敢持械抗拒，且起有旗幟偽示等件，難保不與楚匪勾結。亟宜嚴拏懲治，以免貽害。現經張芾商同陳孚恩

選撥兵勇派委文武各員前往勦捕辦理尚合機宜著即嚴飭各委員等督率兵勇迅速撲滅毋任延蔓務將首從各犯悉數弋獲解省嚴行訊究從重懲辦將此諭令知之○改鑄四川建武營都司改設平安新營守備條記從總督徐澤醇請也○以派赴河南軍營賞火器營營總德克金布等銀兩有差○緩徵吉林三姓被水地畝應完上年銀數○緩徵江西南昌新建進賢玉山餘干五縣被水被旱地畝本年額賦並展緩南昌新建豐城建昌安義德化德安瑞昌湖口彭澤進賢十一縣節年緩徵正雜額賦撫恤朝鮮國遭風難夷如例乙亥

上詣

壽安宮西所問

如皇貴太妃安○詣

壽康宮問

皇貴太妃安○諭內閣已革廣西提督向榮自

抵廣西軍營節次勦賊獲勝雖聞有挫衄而每遇接仗尚能身先士卒本年桂林長沙省城先後被圍向榮均有守禦之勞現在逆匪攻撲武昌亦經向榮先派常祿王錦繡帶兵赴援並親督兵勇追至蒲圻福興玉山蘇布通阿等皆出其後是向榮督兵勦賊雖未見成效究屬老於行陣臨事尚知機警該員前因規避獲咎因念將材難得朕旋即加恩停其發遣命赴湖南軍前戴罪立功經徐廣縉

派令總統諸軍昨又降旨剴切訓諭今會同蘇布通阿共籌勦賊事宜並諭徐廣縉將此旨宣示該員具有天良諒必知感知奮朕復博稽眾論皆以向榮屢保危城緩急可恃宜專委任以重責成與朕所見適相符合向榮即著免其發遣並賞還提督銜幫辦軍務提鎮以下悉聽節制迅即統帶大兵馳赴武昌解省城之圍並杜賊奔竄之路凡湖南軍營得力將弁並准酌量檄調來營以備差遣向

榮經此次破格任用宜如何感恩圖報果能迅掃妖氛即可懋邀恩賞儻始終不知奮勉朕惟有執法從事決不姑容懷之勉之 諭軍機大臣等陸應穀奏請飭分守要隘等語南陽信陽相距六百餘里自應分路籌防鄭敦謹著即遵前旨赴信陽州一帶防堵其南陽一帶即著柏山專辦琦善未到任以前所有籌防應辦事宜著陸應穀妥速辦理琦善陳金綬現已啟程到河南後應如何扼要駐劄及分撥調度進剿之處著琦善等體察情形相機籌辦總期內資保衛防勦兼施方為不負委任將此由五百里各諭令知之 又諭賊匪肆擾自粵而楚已逾兩載現復竄入岳州漢陽援及武昌屢經降旨令徐廣縉統率大兵繞出賊前會同毗連各省之督撫三路兜剿因思賊起粵西沿途裹脅固多而首要各匪總以粵西為巢穴大股出巢其老弱必不能悉數遠出且難保無渠魁踞巢為黨

與歸竄地步前據勞崇光奏鬱林賊匪勦除殆盡南太一帶亦漸就肅清而伏莽尚多若不及早揔捕恐貽後患著葉名琛勞崇光會同密查賊巢所在及賊匪餘黨合力揔捕毋令一名漏網其有縛獻賊黨者免罪其親族家屬縛獻者免連坐縛獻首要者予重賞或雜伏良民之中紳士義勇及平民縛獻或密行報官者分別優獎並諭令地方官嚴查保甲勿因賊匪遠竄稍涉大意緝獲各犯嚴行審究首逆及著名賊目姓名有無偽託並飭屬密訪孽種墳墓現在何處盡行掘發以消逆醜而除戾氣將此由五百里各諭令知之 又諭昨據徐廣縉奏岳州失守情形與漢陽相繼失守當有旨令該大臣迅赴武昌一帶與常大溶內外夾攻並令台湧一體設法應援矣細閱徐廣縉摺稱向榮出隊逼近岳州城內賊匪紛紛逃竄追趕二十餘里而岳州府縣如何下落仍未據探確實該大臣

近在湘陰於逆匪突入岳州有無頭目在內。其大隊係何匪督領竄出之後是否尚有餘賊在城占踞向榮一路追剿在後之福興玉山蘇布通阿等何以不將岳州收復賊既遠竄則文武員弁存亡應有確信何以仍無稟報且稱該匪大隊去遠何以又稱趕調弁勇前赴岳州督剿是岳州之應否攻剿抑已收復該大臣尚無聞見奏報均未明晰至漢陽相繼失陷並無月日及詳細情形究竟現在逆匪分為幾股其陸路由蒲圻咸甯與水路沿江而下之賊作何分合係何頭目統帶武昌省城係十二日被攻十九日報到至今旬餘未得續報朕心焦灼難言逆首洪秀泉楊秀青馮雲山蕭朝濱羅亞旺等是否確在賊營何賊分撲武昌漢陽現在賊眾多寡漢陽城守文武如何下落該匪陷漢陽後是否又竄他處該大臣統率全軍兼轄兩省自應通籌兼顧勿再遲緩失機著即確查一一具奏

仍親督大兵由間道繞赴武昌下游險隘扼定該匪去路必須水陸並剿勿令該匪再行奪險占踞仍與向榮渡江之軍併力攻擊漢陽之賊琦善已馳赴河南陸建瀛亦沂江迎擊該大臣等三面攻剿定可立殄羣兇湖南賊匪與各縣小股土匪著責成張亮基鮑起豹盡數搜捕並確探岳州賊匪如未盡竄即嚴飭將弁趁其攻擾湖北之時趕緊兜圍迅速收復此舉最為緊要湖北荊州一帶雖有

台灣防堵尚覺空虛著羅繞典揀帶得力文武員弁兵勇馳赴襄陽與荊州水陸各兵表裏密防遏賊西竄俾不得由漢江北駛則徐廣綰向榮援救武昌漢陽之兵可資得力前任丁憂侍郎曾國藩籍隸湘鄉現聞在籍其於湖南地方人情自必熟悉著該撫傳旨令其幫同辦理本省團練鄉民搜查土匪諸事務伊必盡力不負委任雲南遊擊陳得功都司安如嵩著查明如未帶兵來楚即咨該省

督撫飭調來楚以資差遣連日據侍郎呂賢基太常寺少卿雷以誠條奏軍務各摺片多有可採之處著摘要鈔給該大臣等閱看將此由六百里諭知徐廣縉台湧羅繞典張亮基常大瀄駱秉章並諭向榮雙福鮑起豹蘇布通阿福興知之 以明年重興恩榮筵宴賞予告大學士潘世恩

御書扁額曰瓊林人瑞 調陝西提督福珠洪

阿仍為江南提督江南提督雙福為湖北提

督烏魯木齊提督桂明為陝西提督 命江

南徐州鎮總兵官張殿元留署廣東潮州鎮

總兵官以兩江督標中軍副將程三光為江

南徐州鎮總兵官 賞順天等省鄉試年老

諸生于學乾等七十八人舉人副榜有差

平定二十

聖

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十七

平定二十

聖

[illegible]

上
詣

清實錄
咸豐二年十二月上

劫掠請假以便宜寬其文法及時懲辦等語。昨據徐廣縉奏土匪晏仲武等謀劫鉤鞘已派鄧紹良帶兵勦辦此股諒不難撲滅前有
人奏瀏陽縣東鄉會匪周國虞等設立徵義
堂名目意圖勾結已有旨飭令密查妥辦此
項會匪蓄謀日久人數眾多聞該縣知縣趙
光裕素得民心是以伏而未動務須妥慎辦
理不可稍涉鹵莽激成事端現在賊匪竄至
湖北而湖南各屬伏莽尚多徐廣縉即日馳

往湖北著張亮基督飭各地方官酌量情形
密速查辦有須發兵勦辦者分別辦理准其
便宜從事一切不為遙制惟各屬會匪潛滋
日久此時查辦仍須各就地方情形察其輕
重緩急或密與公正紳士妥籌次第酌辦俾
要犯殲擒匪黨解散地方漸就廓清方為妥
善再據奏潮勇六千餘名近在河西不服約
束肆擾鄉村現已商同徐廣縉酌量裁撤隨
營各勇每多恣悍不法節次諭令分別良莠
妥速遣散此項潮勇係何人管帶即著徐廣
縉張亮基嚴飭帶勇各員迅速解歸原籍仍
須設法資遣彈壓勿令沿途滋事為要將此
由六百里各諭令知之○以甘肅巴里坤鎮
總兵官業布冲額為烏嚕木齊提督調直隸
正定鎮總兵官經文岱為甘肅巴里坤鎮總
兵官以署廣東潮州鎮總兵官張殿元為直
隸正定鎮總兵官○停運湖南湖北被擾州
縣本年新漕○修山東登州水師戰船從巡

撫李鴻章請也○丁丑諭內閣本日據陸應穀
馳奏湖北賊匪情形一摺逆賊於十一月十
三日攻陷漢陽府城旋即占踞江面直撲武
昌現在向榮已趕至離江夏六十里地方追
剿大獲勝仗殺賊二千餘人福興玉山蘇布
通阿等統帶大兵計已次第趕到著徐廣縉
即督率諸將迅掃賊氛向榮經朕破格任用
並假以事權提鎮以下悉聽節制自當愈知
感奮趁此聲威痛加勦洗速解省城之圍並
杜賊紛竄之路陸建瀛琦善南北兩路已令
進兵合擊至各省紳士朕先後降旨命羅繞
典陳孚恩曾國藩等於本籍湖南江西幫辦
防勦事宜其餘各省在籍紳士值此賊匪肆
擾之時諒必志切同仇為民捍患著該督撫
傳旨令該紳士等各就該地方情形幫同團
練保衛鄉閭或川堅壁清野之法使賊不能
擄掠倡脅一切布置經費應由公正紳士籌
辦不得官為抑勒致滋流弊該督撫等惟當

遴選賢能之員與各紳民同心協力嚴緝土匪密拏奸細以杜白串被賊裹脅窮民皆吾赤子尤當分別良莠予以自新有能殺賊立功自拔來歸或殲擒賊首者立即奏明優加恩賞朕宵旰焦思誓必殄此羣兇綏我黎庶封疆文武大吏其各仰體朕心毋負委任將此通諭知之○諭軍機大臣等候補四品京堂勝保奏江南省城亟宜扼要設防一摺現在逆匪竄入漢陽沿江一帶防禦喫緊江南

省城尤為重要必應籌備嚴密乃可杜賊匪之覬覦著祥厚陸建瀛楊文定霍隆武文藝按照所奏妥速籌商無論駐防綠營水師陸路各官兵遴派得力將弁一體勤加操演務令悉成勁旅以衛省垣並於江岸上游擇要嚴防扼賊東下之路至逆匪所到輒先有奸細潛來窺探尤當嚴密盤查審明後即行正法以杜勾引其紳士人等莫不自顧身家著遴選公正明幹之員令其自行團練互相保

衛如有實心任事於地方有益者隨時奏請優加獎勵所需經費出於樂輸毋許地方官藉端勒索致滋流弊其淮徐各處每有匪徒匿跡並著認真訪查嚴行緝捕免致勾結為患原摺著鈔給閱看擇其可行者酌量辦理將此由六百里各諭令知之○又諭陸應穀馳奏賊匪竄踞漢陽府城將漢口及江面用船搭造浮橋圍住武昌省城湖北應山以下孝感黃陂黃岡等處驛路梗塞現由應山縣

將夾板文報退回另由新野遞至襄陽等語豫省防堵此時甚為喫緊著琦善速即策程帶兵馳往河南湖北交界處所擇要防範萬勿遲延琦善未到以前著陸應穀盡心妥籌毋稍貽誤至湖北文報既由該署撫改道飛遞著即通飭各該州縣改設驛站小心遞送毋致遺失遲誤將此由六百里各諭令知之○又諭前因河南防堵緊要已有旨諭令該督撫等將前調陝甘山東山西等省官兵迅

派得力將弁管帶馳往河南聽候調遣茲據陸應穀奏賊匪竄至漢陽逼近河南請飭催鄰省官兵迅速赴豫一摺著舒興阿張祥河李德郭夢齡迅飭帶兵將弁管帶前調精兵星速馳赴河南以資防勦毋稍遲誤將此由五百里各諭令知之○禮部以明年元旦太和殿筵宴禮節請得旨停止○兩江總督陸建瀛等奏壩工慎重進占趕辦引河情形得旨受速辦理斷不准不肖工員因總督違難藉端遲延以為冒銷地步儻有似此者即據實嚴參朕必從嚴懲辦不止枷示河干將此意可曉諭在工員弁知之○署河南巡撫陸應穀奏請飭前調官兵赴豫防守得旨豫省防堵此時最關緊要汝現未卸事盡心妥籌○追封

皇后父原任工部郎中穆揚阿為一等承恩侯母宗室氏為侯妻一品夫人生母姜氏晉封為侯妻一品夫人○命候補四品京堂勝保

馳往河南交琦善差遣委用○命協領台斐音保巴揚阿等管帶吉林黑龍江兵各二千名赴河南交琦善調遣○戊寅諭內閣明年二月二十六日

孝和睿皇后梓宮永遠奉安

山陵朕於二月二十日啟鑾二十二日駐蹕梁格莊行宮二十三日祇謁

泰陵

泰東陵

昌陵暨

孝和睿皇后几筵前行禮並恭謁

慕陵二十四日奉移

孝和睿皇后梓宮至

昌西陵饗殿二十六日奉安禮成二十七日恭詣

慕陵行數土禮禮成後回鑾於三月初一日還宮所有應行典禮並一切事宜著各該衙門及直隸總督敬謹豫備○又諭內閣學士許

乃普奏請設立行營監察御史一摺近來軍營奏報不實疊經降旨嚴切訓誡惟在統兵大臣及各督撫等力除積習認真查察其蒙混掩飾者立即據實上聞嚴參治罪自可杜軍營捏報等弊該學士請設立行營監察御史雖為嚴查欺飾起見惟該御史既不能身歷行間目覩勝敗稽查採訪僅據傳聞儻所聞或有不實遽行入奏不但多所牽制轉恐有誤事機且統兵大臣及該督撫等皆朕特簡若以為盡屬可疑豈行營監察御史之言盡屬可信耶所奏著毋庸議○又諭刑部奏遵議失守岳州府城各員罪名一摺已革湖南岳州巴陵縣知縣胡方穀岳州營參將阿克東阿於賊匪未到之先輒自逃散以致府城失守較之被賊攻圍不行固守而輒棄去者情罪尤重均著照部議即行處斬以昭炯戒已革岳州府知府廉昌係同城知府先期逃出即照部議應斬著監候秋後處決該員

等尚無下落著徐廣縉等迅即查明遵旨辦理○諭軍機大臣等蔣文慶馳奏軍情緊急請迅催援兵一摺安徽奏調防兵業經陸續奏稱於松江等處酌調水陸兵二千名赴皖其餘一千名由安徽本省各營酌調茲復據蔣文慶奏待援緊急自係實在情形著陸建瀛再行撥兵一千名迅速派員馳赴皖省交該撫酌量分撥壽春鎮總兵恩長即留於該省與該撫會商籌勦陸建瀛著仍遵歷次

諭旨兼程馳赴九江上游擇要駐劄遏賊東下之路儻於九江一帶截擊則皖省亦可保無虞該督統轄三省諒必兼權緩急不分畛域迅速籌辦該撫亦須剴切曉諭居民勿令驚惶遷徙是為至要調任贛州府知府陳景曾著留於九江辦理防堵事竣再赴調任有人奏九江官兵分布官牌夾瑞昌馬頭小池口胡家埠等處實非要隘不若直趨上游與湖北防兵共守道士袱牛貫磯各隘口尤為

時務數事並著摘錄。又該大臣閱看採擇辦理。將此由六百里加緊各諭令知之。○調浙江按察使蘇敬衡為福建按察使。以山東鹽運使黃樂之為浙江按察使。○予湖南陣亡遊擊紀冠軍祭葬世職加等。○己卯諭內閣。昨據徐廣縉奏軍營近日情形一摺。據稱十月十九日賊自長沙城外西竄。時防堵東路之和春秦定三李瑞經文岱王錦繡常祿等未奉檄調。忽於二十一日帶兵齊赴湘潭。當即申飭令其拔隊緊追。隨又札飭和春秦定三李瑞瞿騰龍由小路馳往大荆堵賊竄往岳州之路。計程不過二百里。該總兵等於二十八日接札。初三日始抵大荆。賊已於初二日竄過。實屬有意遷延。其大隊追剿之兵。惟向榮尚知愧奮。繞道前行。餘皆遲延觀望。提督福興統帶廣東官兵一味推諉不前。現在派往堵剿之各鎮將除向榮外其餘並無稟報等語。覽奏各情形實出情理之外。不料軍

營將弁以及地方文武膽玩至於此極。徐廣縉身為統帥節次諭令如有抗違軍令者即將朕賜過必降乃以軍法從事乃以人數較多礙難概行奏奉自認昏瞶糊塗於事何濟此等將弁喪心昧良可惡可恨即盡予斥革治罪亦屬咎由自取惟現值派委追剿賊匪之時若令置身事外轉得遂其貪生畏死之私除王錦繡常祿帶兵救援武昌現已馳入省城守禦姑從寬貸外福興有心推諉厥咎尤重著先行革職留於軍營交向榮差遣委用戴罪自效和春秦定三李瑞經文岱瞿騰龍均著先行革職留任仍責令勦賊以觀後效朕思軍營積玩惡習皆由該大臣等含忍姑容又復代為彌縫以致號令不行毫無忌憚現在賊氛肆虐擾兩楚地方吾民顛沛流離死者不知凡幾即將弁兵出力打仗者亦傷亡相繼而若輩仍復逍遙觀望自便身圖縱寇殃民實堪痛恨若不按律懲辦何以除

銅習而振軍威嗣後該大臣等均當申嚴紀律如再有延誤軍令不遵調遣及帶兵藉詞遷延縱賊竄擾或守土文武遇賊棄城逃散者即一面奏聞一面先行正法昨刑部議奏失守岳州文武罪名已降旨將知縣胡方毅參將阿克東阿即行處斬知府廉昌亦定為斬監候矣該大臣等即傳諭軍營將士及地方文武等力洗前愆共圖振作儼仍因循不悟阿克東阿等即其前車之鑒勿謂國典可

倖逃也將此通諭知之○又諭前命徐廣縉由湖南開道疾趨武昌以解省城之圍並命陸建瀛泝流直上扼守九江上游琦善統帶重兵兼程前赴楚豫交界三面合剿連日據各路奏報向榮已抵江夏地方與賊接仗獲勝其餘鎮將統帶大兵已由南路次第赴援惟北路及大江迤東尚恐未能兼顧陸建瀛琦善以鄰省督撫分路赴楚會剿不免限於疆域未能號召諸軍會籌夾擊著頒發欽差

大臣關防兩顆分交陸建瀛琦善祇領陸建瀛即督率水陸官兵馳赴大江上游飭屬將各險要妥為防守即可直抵楚省應援武昌琦善計已早過保定所有前調官兵迅即催赴河南將南汝光等處要隘布置防守仍即統兵出境進攻與湖北向榮等所帶大兵合力勦賊徐廣縉即當親赴武昌一帶與陸建瀛琦善水陸兜圍萬不可各存意見致誤事機現在兵力不為不厚軍餉不為不充該大

臣等經朕特簡務期同心勦力迅奏膚功毋負委任○諭軍機大臣等昨據徐廣縉奏軍營將弁及地方文武膽玩情形已有旨令擇尤懲辦本日復明降諭旨將福興革職和春等革職留任矣逆匪猖獗壘陷城池朕以徐廣縉總制兩粵素有威望特命為欽差大臣並署理湖廣總督督勦賊匪是朕之倚畀甚重乃因鎮將不遵調度輒請另簡重臣豈身任兼圻統制軍務尚不得為重臣耶當此防

勦喫緊之際軍情旦夕變遷又何能遽易生
手更致呼應不靈頃命向榮幫辦軍務仍補
授廣西提督不特向榮當知感奮力圖報效
即該大臣亦得指臂之助但須同心合力嚴
申紀律督率諸軍迅勦羣醜又何必遲疑退
諉另請簡員耶所有湖南湖北兩路勦賊事
宜即責成徐廣縉向榮二人專辦本日復明
降諭旨頒給陸建瀛琦善欽差大臣關防所
有江蘇安徽江西毗連湖北各要隘責成陸

建瀛妥為布置仍令於上游扼要堵剿其河
南各要路即責成琦善帶兵進攻琦善昨已
啟程著仍遵前旨兼程前進勿稍延緩朕所
以命陸建瀛琦善為欽差大臣者以湖北賊
勢猖獗當其下游則江西等省最為喫重防
其北竄則河南信陽新野一帶亦甚緊要不
但自固藩籬必當出境合剿該大臣等膺此
重任務宜度地相機互為聲援或密行札商
約期會剿三路併進賊蹤猖獗亦有應接不

暇之勢前之被賊牽掣者今即以之制賊徐
廣縉等雖各分各路所辦實一事斷不可稍
存疆界之見總期勦力同心聲勢聯絡若何
路致賊竄逸朕惟何路大臣是問果能出奇
制勝迅奏膚功朕必加以懋賞克膺殊眷若
但知設防不圖進攻鄰省設或有疏虞本境
亦豈能自固老師糜餉伊於胡底該大臣等
接奉此旨其各仰體朕意和衷共濟懍之勉
之將此由六百里加緊各諭令知之○以提

督銜幫辦軍務向榮為廣西提督○庚辰

上詣

壽康宮問

皇貴太妃安○諭內閣載垣等奏請飭催兩淮
應解生息銀兩一摺兩淮應交圓明園八旗
內務府三旗生息利銀自道光七年至咸豐
二年共欠解銀十六萬二千兩之多此項銀
兩係充官兵口食及槍營公費要需豈容任
意延宕著兩江總督即飭兩淮鹽運使將前

項欠解利銀趕緊加數解交母任再有遲延
○署河南巡撫陸應穀奏豫省人心驚惶擬
暫駐省城俟大兵到後再馳赴南陽相機調
度得旨南陽等處更屬緊要該處若有巡撫
駐劄藉可稍定民心免致相率遷徙料汝欲
往彼去時琦善已到省矣朕所見如是特
諭汝知○以察哈爾副都統威桂署察哈爾
都統鑲藍旗漢軍副都統常志署正白旗漢
軍副都統○以浙江平陽協副將都隆阿為
雲南開化鎮總兵官○命雙城堡副都統銜
總管西昌阿甯古塔副都統巴棟阿三姓副
都統伊勒東阿管帶吉林兵赴河南並准前
任黑龍江副都統富春前任乾清門三等侍
衛依興額隨赴河南軍營效力○命正黃旗
蒙古副都統明慶正白旗漢軍副都統德崇
額鑲紅旗蒙古副都統忠泰御前頭等侍衛
穆克登額乾清門頭等侍衛德興阿察哈爾
都統西凌阿帶領吉林黑龍江官兵前赴河

南軍營聽候琦善調遣○辛巳
孝惠章皇后忌辰遣官祭
孝東陵○
上詣
福佑寺
昭顯廟拈香○以重運回空加山東臨清州
金龍四大王封號曰普運
漳神封號曰助順○以海運平穩加山東登
州海口
天后封號曰導流行慶
風神封號曰揚仁佐治
海神封號曰助順安瀾○以四川總督徐澤
醇為禮部尚書○以河東河道總督慧感署
四川總督奉天府府尹福濟為河東河道總
督降調刑部左侍郎書元為奉天府府尹○
以鑲藍旗護軍統領珠勒育署正藍旗漢軍
副都統○命恭親王奕訢帶領侍衛十員往
奠故禮部尚書何汝霖茶酒贈太子太保銜

予祭葬。謚恪慎。並賞其長孫承禧舉人一體會試。○緩徵河南祥符臨漳安陽尉氏陳留陽武湯陰通許睢寧中牟原武武陟內黃扶溝十五州縣節年積欠銀米。○壬午諭內閣給事中金肇洛奏。兵差騷擾過甚。請飭嚴查一摺。近年賊氛不靖。疊次命將出師。原期除暴安良。屢經降旨。令帶兵各員嚴加約束。不准兵丁沿途滋擾。若如該給事中所奏。官兵需索車馬酒食。干把總以上等官。酒席之外。

又有程儀及另折車價船價各名目。沿途訛索。有增無減。稍不如意。則百般陵辱。甚至任意逗遛。不肯出境。偏令該省督撫。參辦州縣。以致地方苦累。民不聊生。此等惡習。總由帶兵各員。不能身為表率。兵丁效尤。益無忌憚。若不嚴行約束。何以整飭戎行。著統兵大員。嚴飭將弁。徧行曉諭。兵丁經過地方。於例外絲毫。不准騷擾。並著各督撫。飭令該州縣。按例支應。催令前進。如有前項弊端。立即將滋

事官兵。指名稟報。由該督撫奏聞。扣留訊究。即照軍律。嚴行懲辦。至所稱此次古北口兵行至良鄉。即將該縣所備食器。摔碎桌凳。燒毀幾至延燒房屋一節。著訥爾經額。迅即查明具奏。毋稍徇隱。將此通諭知之。○諭軍機大臣等。有人奏江蘇青浦縣夏間。因催收緩徵銀兩。鄉民聚眾。將署知縣余龍光毆傷耳鼻。九月初。調蘇松兵勇一千餘名赴縣。與鄉民對壘相持。官兵將附近村房燒毀。拏獲數

人。現在村民尚未盡散。首犯亦未拏獲。案情重大。何以隱匿不奏。是否該撫與余龍光係屬同鄉。意存消弭等語。此案該撫楊文家。業經入奏。尚未結案。是否因余龍光徵收貪賄。以致激成事端。抑或刁民抗欠。暨不畏法。該撫有無迴護情事。著何桂清確切訪查。據實具奏。不准代人受過也。原摺著鈔給閱看。將此諭令知之。○又諭寄諭山東巡撫李鴻步軍統領衙門。奏拏獲扶鸞畫符傳徒人犯一

據已將該犯孫芝亭等交部審辦矣。據稱孫芝亭供係山東肥城縣人有本縣教讀之趙姓並開藥鋪之謝姓教伊扶鸞。上年二月間有曹榮桂拜伊為師。本年二月又收一徒係本縣阜役孫勝林取名明成。仍在本縣當差等語。此案孫芝亭等傳徒學習扶鸞畫符大干例禁。所供教讀之趙姓並開藥鋪之謝姓及肥城縣阜役孫勝林等著山東巡撫迅速派委妥員嚴密訪拏按名弋獲解交刑部歸

案審辦。原摺著鈔給閱看。將此諭令知之。○直隸總督訥爾經額等奏現調直隸各兵由琦善督催前行續到官兵即由陳金綬管帶得旨琦善現已授為欽差大臣軍中有所統率自可相機調度一切應緩應急朕斷不遽制。陳金綬忠誠素著勇敢無敵戰陣之事可與商酌。現在營員中經戰者甚少大半皆怯懦之人。陳金綬雖精力未衰究不宜仗仗在前朕不放心。殲茲羣醜在此一舉朕惟有竭

誠籲

天以消民劫也。此旨著寄與琦善陳金綬看。○改鑄山東聊城縣知縣印信從巡撫李德請也。○癸未

上詣

大高殿行禮。○諭軍機大臣等賊匪紛竄湖北蔓延經降旨令徐廣縉繞出賊前截剿。自十一月十九日常大瀉雙福馳奏武昌被圍十分危急迄今已屆兩旬未據該署撫續將情形

入奏。而徐廣縉本月初三日所奏有武昌可保無虞一語。省垣防兵及續到官兵僅五千餘名。雖向榮各隊陸續趕到而賊勢方張未識能否制勝朕心懸繫晝夜焦思。徐廣縉接奉疊次諭旨尚未馳抵湖北扼要駐劄武昌是否解圍豈竟毫無消息。現在賊勢如何大兵是否到齊如何進剿省城是否可保無虞毗連各境有無竄匿著徐廣縉迅即查明詳細具奏以慰朕念。向榮已補授廣西提督著

即將馳抵武昌連日進剿及省垣守禦情形
漢陽水陸各要隘是否均有賊擾現在如何
籌辦一面知照徐廣綰一面專摺具奏無稍
遲延本日據陸應穀奏前調陝甘赴楚官兵
三千於十一月十一日全數出河南境現在
已到湖北若干未到者屯聚何所著向榮妥
為布置切勿置之無用之地或被賊匪假扮
兵勇潛入我軍又致墮其詭計前據台湧奏
荆宜施道文輝稟報有聞常德被圍之語該

大臣何以並未奏及荆襄一帶亦甚緊要現
在如何設防萬勿大意將此由六百里各諭
令知之○盛京將軍奕興奏兵司協領塔芬
布等熟悉地方情形請留於地方任使得旨
所奏是該員等既於本地熟悉自應用得其
當以期有裨地方營務○科爾沁扎薩克圖
謝圖親王色登端魯布等六人喀爾喀圖謝
圖汗車林多爾濟等二人烏珠穆沁扎薩克
車臣親王彭蘇克納木濟勒阿拉善扎薩克

親王貢桑珠爾默特巴林扎薩克郡王那木
濟勒旺楚克喀喇沁扎薩克都楞郡王色伯
克多爾濟教漢郡王布彥德勒格呼圖魯克
齊阿巴噶扎薩克郡王阿爾塔什第扎賚特
扎薩克貝勒額爾特布喇木棍布扎布於遵
義門外瞻覲浩齊特扎薩克郡王吹精扎布
科爾沁貝勒貢葛喇布坦等二人土默特扎
薩克貝勒那遜鄂勒哲依喀喇沁扎薩克頭
等塔布囊德勒格爾翁牛特頭等台吉德木

楚克蘇爾隆蘇尼特頭等台吉布達琳噶拉
等二人扎賚特頭等台吉阿勒坦鄂齊爾於
隆宗門內瞻覲○甲申諭內閣翰林院侍講
汪振基奏崇儉節用一摺量入為出制用之
大經近年以來楚粵軍餉豐北工需所用多
在常年經費之外而各省水旱偏災經賑隨
時加恩蠲免歲入之數又復不能如額自應
出入相權力籌通變著戶部會同內務府大
臣通盤籌畫詳查歷年動用條款成案逐細

鈎稽除萬不可省者仍按舊章辦理外其餘應行撙節之處即分別酌議裁減具奏以昭覈實而裕度支尋奏內外各衙門用項歷經酌核裁減現在均係萬不可省之款惟內務府辦買雜物擬請以銀錢各半發放每銀一兩折給制錢一串五百文從之○又諭徐廣縉奏武昌追勦情形及肅除巴陵土匪一摺逆匪圍撲武昌向榮趕到後劉營白木嶺福興玉山蘇布通阿馬龍等續到之兵徑趨武

昌東門十一月十七日向榮親督頭隊由長虹橋直抵賊營開放槍礮該逆分隊抗拒和春泰定李瑞等分股攻擊轟斃賊匪多名斬獲數十名現仍分路進剿惟陸路固須進攻水路尤宜嚴防經徐廣縉飭令蘇布通阿帶兵過江遏其上竄荆襄之路並咨兩江督撫將上海所造船板等船駕赴九江以阻匪船東下該大臣等即督飭鎮將相機進剿迅解武昌之圍分路接應毋令水陸紛擾至巴

陵土匪晏仲武等經徐廣縉派阿勒經阿鄧紹良江忠源等帶領兵勇勦辦江忠源先擒獲匪黨四十四名並將匪巢燒毀阿勒經阿鄧紹良等復分三面進攻擊斃黃旗賊即生擒晏七等五十七名奪獲槍礮器械多件匪首晏仲武經遊擊駱永忠都司許連城等拏獲該匪等均受偽職為賊後應罪大惡極業已明正典刑埽其巢穴該大臣即統帶重兵前進將臨湘蒲圻一帶土匪乘勢勦洗直抵

武昌與向榮等迅殄羣醜毋稍延緩此次勦辦土匪出力員弁著酌保數員候朕施恩毋許冒濫○諭軍機大臣等徐廣縉奏武昌追勦情形並勦辦土匪一摺據稱武昌城外陸路之匪僅係分股向榮已抵武昌與福興和春等所帶各兵分股夾擊計此時又聞兩江該大臣定遵疊奉諭旨馳赴湖北親督各路官兵與向榮會籌攻剿省垣被圍日久內外文報不通不堪再事遷延向榮業經趕到武

昌直抵賊營著與諸將妥速籌勦當接仗獲勝之後士氣倍奮務須趁此機會竭力殲除能與城內拒守官兵出奇接應水陸兩路節節設伏要擊不令該匪順流下竄尤為周密軍情變遷不一全在該大臣與向榮等協力同心相機辦理迅速布置朕斷不為遙制前有旨令蘇布通阿與向榮合力勦賊嗣據該大臣奏稱欲令其渡江遏賊竄往荆襄之路不知此時究竟如何調遣總當察度緩急毋

實錄卷七十八

三十九

誤事機前諭羅繞典馳赴荆襄扼要駐守此時曾否奉到諭旨前往台灣督防荆州西路能否兼顧該大臣須通盤籌度不可顧此失彼本日據張芾奏請將福建調到官兵三千名仍令由江西繞出九江上游杜賊東竄等語所奏不為無見現在賊匪擄掠船隻甚多奔突靡定該大臣由南路追剿琦善由北路前進該匪被勦順流東竄則湖北黃蘄江西九江等處最為喫重昨已命陸建瀛由九江

汴流直上此項官兵該大臣正可與之熟籌分布蘄黃以下水陸各要隘萬不可令賊奪險東下又滋蔓延開隆阿業由江西遵旨折回湖北該侍衛係吉林人若令管帶吉林官兵較可得力該大臣即飭該員前赴河南交琦善酌量差遣至巴陵餘匪如安仁之李能通監利之張添佑及湖南地方各股零匪即著督飭地方在事文武實力搜查淨盡務絕根株不留餘孽為要將此由六百里各諭令知之○又諭張芾奏長沙圍解請將湖南所調福建兵三千名酌撥江西已有旨令徐廣

實錄卷七十八

三十九

縉飭令帶兵員繞出九江上游阻賊竄路賊匪現在武昌水陸盤踞圍撲省城向榮等赴援之兵先後趕到合力進攻該匪擄掠船隻甚多若被勦順流東竄九江甚為喫重陸建瀛不日即可馳抵九江著即會同商辦務期層層布置聲勢聯絡不可稍有疏虞侍衛開隆阿業經赴楚已諭知徐廣縉令其赴豫

聽琦善差委矣將此由六百里諭令知之○

又諭寄諭署兩廣總督葉名琛李芝昌王懿

德奏喚咭喇夷人久羈琉球該國王世子遣

使來闕求為請諭並鈔錄原咨呈覽一摺喚

夷咭喇在琉球國逗遛屢經該國懇請查

辦經徐廣縉等向住粵領事夷目咆哈查詢

迄今數年總未將咭喇撤回且屢有兵船

駛往滋擾琉球與喚夷向無交涉事件著該

署督再向該夷目咆哈相機開導諭令將咭

實錄卷七十八

三十一

咭喇撤回以示懷柔而杜他釁並將該領事

如何答覆之處一面奏聞一面咨會閩浙總

督諭知琉球使臣可也原摺著鈔給閱看將

此由四百里諭令知之尋奏遵查在琉球國

之喚夷咭喇一時未能撤回得旨該夷一

切可時時密探奏來○乙酉

上詣

壽康宮問

皇貴太妃安○諭內閣王懿德奏參員逞刁混

稟請飭審嚴辦一摺福建已革試用通判朱

璠前因署馬家巷通判稟請調劑經該督撫

奏參將該員以府經歷縣丞降補復因該員

任內有承緝京控遲延及應放兵米未給各

情分別彙參押追均屬照例辦理乃該員向

該撫投遞稟帖牽控泉州府知府來錫蕃挾

嫌詳請袒肥後任藩司幕友來殿藩袒庇同

鄉並牽涉通判李廷泰署通判必惟懷調缺

各等情參員訐告上司意圖挾制此風斷不

實錄卷七十八

三十一

可長必應徹底根究嚴行懲辦已革通判朱

璠著交怡良會同王懿德親提人證卷宗秉

公嚴訊按律定擬具奏○命墨爾根副都統

烏凌額呼倫貝爾副都統銜總管魁福統領

黑龍江馬兵馳赴河南聽候琦善調遣○緩

徵廣西桂平平南貴宣化象昭平橫七州縣

被擾地方上年額徵兵米

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十八

實錄卷七十八

三十三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之七十九

恭錄 咸豐二年十二月丙戌 諭旨 諭軍機大臣等朕聞逆匪現踞漢陽漢口為巢穴於江面上下搶掠船隻搭造浮橋兩座直接湖北省城以通往來復於武昌城外屯劄賊營數處作攻圍之計昨據徐廣縉奏稱陸路之匪僅係分股其大股全在水路我兵即能殲除陸匪亦仍無補是賊匪勢甚猖獗而我兵進剿是否能制賊死命尚無把握因思賊匪大股雖在水路而其巢穴

咸豐二年壬子十二月丙戌

實錄卷七十九

孝和睿皇后三周年忌辰遣恭親王奕訢祭

暫安寢殿 諭軍機大臣等朕聞逆匪現踞漢

陽漢口為巢穴於江面上下搶掠船隻搭造

浮橋兩座直接湖北省城以通往來復於武

昌城外屯劄賊營數處作攻圍之計昨據徐

廣縉奏稱陸路之匪僅係分股其大股全在

水路我兵即能殲除陸匪亦仍無補是賊匪

勢甚猖獗而我兵進剿是否能制賊死命尚

無把握因思賊匪大股雖在水路而其巢穴

俱在江北我軍均在江南若一面援應省城一面遴選精兵由沔陽間道至孝感黃陂潛出漢陽之後直搗巢穴前後夾擊亦出奇制勝之舉著徐廣縉向榮體察地方情形如可照辦迅即派提鎮大員帶兵繞道密速前往既可安置驛站與河南聲勢聯絡且可杜賊匪紛竄之路惟軍營情事變幻不常向榮及領兵各大員務須隨時察看緩急大江南北兩岸並上下游要隘均宜兼顧逆匪大股既在水路亟應設法火攻並先焚其浮橋截賊為二使其首尾不能相顧並隨時密咨陸建瀛會同夾擊互相策應再襄陽荊州一帶係陝豫兩省門戶最關緊要前已諭令羅繞典前赴防堵此時曾否馳往殊為懸繫著即酌帶官兵與台湧會籌辦理並與河南南陽駐守帶兵文武大員及陝西接壤處所隨時知照聲息相通互為接應不可稍分畛域致誤事機武昌被圍多日常大瀘等久無奏報朕

心焦灼寢饋難安向榮已授廣西提督兼幫辦軍務著即將湖北省城及軍營近日情形一面知照徐廣縉陸建瀛琦善等一面隨時奏聞以慰朕念驛站文報尤須設法妥遞萬不可為賊所得致漏軍情自十一月十一日以後所有寄該大臣等各諭旨日期著鈔單給閱曾否陸續接到有無遺失之處著徐廣縉等按單查明具奏將此由六百里諭知徐廣縉向榮並諭令羅繞典台湧知之○又諭逆匪紛竄湖北圍撲武昌疊經諭令陸建瀛兼程馳赴九江上游一帶迅籌江防遏賊東下之路並頒給欽差大臣關防復命戶部先撥庫帑銀三十萬兩以濟軍需現在該大臣行抵何處水陸各要隘如何設防文武員弁所用何人諒已一一籌辦刻下武昌驛路阻隔兼旬之久常大瀘等並無奏報朕心焦灼寢饋難安本日已寄諭徐廣縉向榮等趕緊進攻速解省城之圍並催令羅繞典迅赴荊

襄等處與台湧防堵西北上游惟賊匪擄船甚多若被勒順流東竄則江西安徽等處萬分喫重陸建瀛前已計及於九江水陸上游扼要布置著即迅速馳往將籌勦各事宜由六百里馳奏以慰朕懷該匪現踞漢陽將武昌漢口俱搭浮橋三面接應省城勢甚危急向榮等援兵先後已到武昌若能渡江直搗賊巢水陸並進陸建瀛張芾等復於九江上游要隘派兵前後夾擊使賊首尾不能相顧自可一鼓成擒儻逆匪捨船登岸分擾黃州一帶則陸路與安徽接壤處處可虞亦必須先期擇險設伏要擊方能互相策應若賊匪下竄黃蘄一帶我之水師既須防其火攻且可設法用火燒賊船隻或倣古人柴荻灌油繫走舸於船尾之法行之但必宜暗藏港汊俟賊船過後繞出上游順流乘風方可得手陸建瀛於楚北水陸地勢素所深知著即通盤籌畫與徐廣縉向榮互相知會協力同心

殄此醜類毋得稍分畛域致誤事機將此由六百里諭令知之○又諭蔣文慶密奏籌截賊匪情形一摺陸建瀛回至江甯省城布置一切諒已由陸路馳抵安慶該撫即會同該督籌商設防事宜所有江蘇浙江山東等省官兵計日當陸續到齊英山霍山太湖宿松等縣與湖北黃州處處毗連情形最屬喫緊省城尤關重要務當派撥兵勇扼險防守毋任賊匪由陸路竄越其水路要隘亦須布置周密勿稍疏失將此由六百里諭令知之○欽差大臣琦善奏賊情叵測請稍寬時日再籌進攻得旨觀汝此奏太覺顛倒存心若此豈不有負委任已有旨諭汝矣○以南河承挑引河遲延革通判英祿職○丁亥孝德皇后三周年忌辰遣成郡王載銳祭殯宮○諭內閣慧成奏請飭催豫省司庫應撥河工例款一摺本年豫省司庫應我東河工需不敷銀兩現當各廳辦料喫緊之時急須

錢糧接濟著該署撫卽飭藩司於年內先行籌撥五六成以便支發現辦工儲其餘四五成亦著於來歲春間找撥清款俾資工用至河南現辦防堵事宜軍需緊要仍著該署撫兼籌並計毋致貽誤○又諭扎拉芬泰等奏喀爾喀三音諾顏扎薩克圖汗兩部落汗王貝勒貝子公扎薩克台吉呼圖克圖等情願捐銀以備軍需呈請代奏請旨一摺喀爾喀三音諾顏扎薩克圖汗兩部落汗王等聞匪徒肆逆呈請捐銀一萬八千餘兩忠悃出於至誠朕甚嘉悅但軍營應需銀兩現已措備足敷支用且念蒙古人等生齒日繁藉資生計所捐銀兩毋庸賞收用示朕加惠蒙古軫恤世僕之至意○諭軍機大臣等昨據琦善奏請稍寬時日再行會合兜剿等語覽奏太覺顚預殊失朕望此次逆匪占踞漢陽圍困武昌兼旬以來未接常大瀉奏報徐廣縉自南而北水陸中途賊匪星羅密布既以道路

梗阻未能迅抵鄂垣陸建瀛沂流上行勢又不能疾駛該匪往來漢江南北無所顧忌設任其到處衝突則楚豫壤地毗連難保不潛謀滋擾况應山孝感黃陂一帶皆有賊營現在文報不通豫界防剿正當喫緊之時即使北路賊蹤稍遠而武昌為心腹重地稍有疏虞便難措置所以特命琦善與陸建瀛等均為欽差大臣以便會合勦辦在琦善經朕棄暇錄用方將大加委任即盼迅奏膚功殄茲羣醜在此一舉乃該大臣自上月二十七日出京本月初五日始由保定啟程似此緩轡徐行將何日始抵豫省耶軍情緩急朕原不必遙制而道里遠近行程遲速豈不可以逆計各路調集官兵一時本難到齊但應催令迅速前來毋許沿途逗遛該大臣即當星馳先抵豫楚交界將各州縣形勢險要與現在防守情形一一察度其分派各屬之文武員弁如有不能得力應行更調之處沿途亦可

察訪到彼後更可面詢機宜是否可用。非在直隸境內所能周知。布置者即以河南一省而論。存兵亦尚不少。朕先經徵調直隸陝甘兵六千名赴河南防勦。經該大臣奏請添兵籌餉。復增調兵一萬數千名。均交調遣。試思專辦豫省防堵。應需兵如此之多耶。楚豫膏齒相依。楚省得安。則豫省之藩籬自固。若心存畛域。但以聊固吾圉為謀。則賊氛所至。將有不堪設想者。該大臣欲為先固藩籬之計。

正當迅速馳往。將先到各兵揀選驍勇將弁管帶。親自統率越境進攻。其在後各兵陸續趕到。正可以壯聲威。陳金綬如尚未入豫境。即飛檄飭令帶兵先行。毋稍遲滯。行軍原貴慎重。但非遲緩之謂。趁此賊眾蟻聚武漢之間。尚未四竄。該大臣與徐廣縉陸建瀛三人所辦實係一事。無論何人先行趕到先行設法籌攻。何人首先破賊擒渠。策勳當居第一。若坐視不救。國法難寬。爵賞斧鉞。朕惟功罪。

是視不稍寬假。亦無所吝惜也。朕日夕焦勞。不安寢饋。何暇再寬時日。為該大臣等諉卸地步。所有一切事宜。著迅速密籌妥辦。先行由驛馳奏。毋許稍有遲緩。將此由五百里諭令知之。又諭前有旨。令舒興阿張祥河派委明幹大員。前赴陝西湖北交界地方扼要防守。續據張祥河奏遵旨相機妥辦。現在逆匪攻撲武昌。益形猖獗。所有東南北三路。疊派欽差大臣徐廣縉陸建瀛琦善各帶重兵。

分道進剿。深恐該逆被創西竄。則襄陽間道可以直達商州。其鄖西鄖縣竹山竹谿等處。路徑叢雜。隨處可通。興安之白河洵陽平利以及鎮安山陽商南等縣。現派羅繞典馳赴襄陽一帶。與荊州將軍會籌防剿。必須鄰省聲勢聯絡。方不致有疏虞。著舒興阿即日酌帶官兵迅速馳往陝西與湖北接壤處。所察度形勢險隘。擇要嚴防。務須隨時督飭地方文武員弁嚴密稽查。勿使奸細闖入。或假作。

楚省難民與南山無業之徒潛相勾結。所有
一切調度。並著該督撫會商籌辦。一面飛咨
新任陝西提督桂明。接奉諭旨。後迅即赴任。
仍須妥慎籌辦。不可先事張皇。致擾居民。該
督何時可以馳抵陝省。並著先行奏報。將此
由五百里諭知舒興阿。並諭張祥河知之。○
署直隸提督保恆奏到任日期得旨。尋常操
練總期於利用。不可徒壯觀瞻。陳金綬操演
章程甚好。汝行之不廢可也。○署湖南巡撫

張亮基奏岳州失守。湖北提督博勒恭武等
先期潰散。不為湖南固守地方。亦不為湖北
嚴防門戶。得旨該提督出境防堵。汝等楚南
官員。必以為多事。是博勒恭武雖勝亦不足
為功。試思此何時何事存如此小見。身膺疆
寄者。固當如是乎。○以內閣侍讀學士李道
生為通政使司通政使。賞還欽差大臣兩
江總督陸建瀛頭品頂帶。改鑄河南湯陰
縣知縣印信。從署巡撫陸應穀請也。○以廣

東勦辦羅鏡股匪出力。予升任道員宗元。醇
遊擊閻恆瑞。豫立都司張騰蛟。姚麟等。花翎
守備姚爵階等。藍翎餘升敘有差。予廣東
陣亡千總賴永祥。劉連陞。把總李榮宗。祭葬。
世職武舉周朝英。賞卹如例。○蠲緩直隸安
隆平甯晉河間任邱東安天津七州縣被水
村莊本年額賦有差。緩徵甘肅河靖遠安
定靜甯涇崇信鎮原靈臺皋蘭狄道渭源固
原甯夏甯朔靈中衛平羅西甯大同十九州
縣及隴西縣丞所屬被旱被水被雹被霜地
方新舊額賦。蠲緩浙江仁和錢塘海甯富
陽臨安新城於潛嘉興秀水嘉善海鹽平湖
石門桐鄉烏程歸安德清武康十八州縣被
水被旱地方本年漕米。戊子

上詣

永安寺拈香。諭內閣據陸應穀奏探聞湖
北大兵追勦情形。並出省調度一摺。該匪自
占踞漢陽之後。竄至黃陂滠口地方。經向榮

督同張家祥帶兵追殺二千餘人並將浮橋燒斷逆匪竄至黃州復經官兵截剿殲斃甚多賊勢已挫第恐勦敗之後四散竄逸河南信陽等處先經署藩司鄭敦謹前往派兵嚴堵陸應穀現復馳赴南陽一帶相機調度前調山東山西精兵並直隸大名鎮暨西安駐防勁旅均已先後抵豫在後官兵計已陸續趕到當此防勦喫緊之際豈容稍事遷延琦善接奉疊次諭旨必當兼程徑赴楚豫交界督同陳金綬籌辦防勦事宜毋庸先行到省致稽時日徐廣縉已將岳州土匪勦除自己督兵赴援著即與向榮嚴飭各鎮將於大江南北分路兜勦黃州一帶毗連江西安徽等處陸建瀛此時當已馳抵九江上游著即督同鎮將分扼水陸要隘毋任賊匪乘間紛竄徐廣縉陸建瀛琦善仍當隨時互相照總期協力同心和衷共濟蠢茲醜類何難一鼓蕩平該大臣等身受重恩自必妥籌制勝以

副朕望也陸應穀交卸巡撫印務後仍著奏明聽候諭旨○以翰林院侍講學士馮培元為光祿寺卿仍留湖北學政任○以烏嚕木齊巴里坤古城吐魯番滿營軍政年逾六十官十七員精力未衰命留任○扎嚕特扎薩克貝勒賽音濟爾噶勒阿巴哈那爾扎薩克貝子桑齊薩喇特多布科爾沁貝子阿米果爾圖等五人教漢貝子達克沁翁牛特輔國公克什克阿爾必濟呼歸化城土默特輔國公格木丕勒多爾濟烏珠穆沁鎮國公桑噶扎布於神武門外瞻覲○己丑諭內閣據戶部遵旨議覆崇文門徵收貨稅向以茶酒煙布為大宗近來酒稅日見虧短總因奸商雇覓貧民私運私背囤積隱賣漏稅日多則正稅日少著步軍統領衙門順天府將販運私酒各匪犯隨時一體查拏奏明懲辦至崇文門徵稅口岸向例在盧溝橋東壩板橋海淀設役巡查道光十三年並二十三年復於密

雲縣之穆家峪石匣順義縣之半壁店各地
方添設稅局派員稽查既有例定口岸該商
等自不容繞道巧避差役人等亦不得越境
私拏致滋流弊著崇文門監督遵照定例實
力整頓隨時稽查毋庸輕議更張諭軍機
大臣等有人奏豫省歸德府所屬毗連江蘇
安徽山東地方有捻匪陳四陳二耿金豹鄧
七等結黨滋擾陳二一股被拏逃至山東曹
縣單縣一帶該犯等與江蘇豐縣匪徒皇甫
棠聯絡一氣皇甫棠夥黨甚多分布水陸各
要隘屢經地方官查拏未能弋獲等語捻匪
結夥肆行最為地方之害現當楚匪未靖偏
近豫省恐暗中勾引為患更甚必應及早掩
捕以免蔓延著陸建瀛楊文定蔣文慶琦善
陸應穀李德各派明幹司道大員前往交界
處所督同各該地方文武選帶兵役嚴密查
拏務期不分畛域合力兜捕迅將首要各犯
悉數擒獲此等稔惡匪徒法所難宥拏獲訊

明後即當按律正法俾匪徒知所敬畏若照
尋常盜案審轉致稽時日轉恐有意外之虞
至所稱耿金豹及夥黨數人先經虞城縣拏
獲繫獄被陳二糾眾入縣索去又強借銀兩
該縣畏其兇鋌隱忍交給如果屬實地方官
養癰貽患無怪匪黨橫行肆無忌憚著琦善
陸應穀查明嚴辦毋稍徇隱原摺鈔給閱看
將此各諭令知之

以

皇后兄候補筆帖式廣科承襲一等侯賞委散
秩大臣以故一等繼勇侯倭什訥子希元
襲職以國子監祭酒許乃釗為內閣學士
兼禮部侍郎銜命喀喇沙爾辦事大臣舒
精阿烏里雅蘇台參贊大臣善燾塔爾巴哈
台領隊大臣伊勒東阿烏魯木齊領隊大臣
扎拉芬哈密辦事大臣慶昫哈密幫辦大臣
麟翔阿克蘇辦事大臣圖伽布伊犁領隊大
臣佛隆阿回京當差賞已革古城領隊大臣
文蔚藍翎侍衛為喀喇沙爾辦事大臣以鑲

白旗蒙古副都統哈勒吉那為烏里雅蘇台參贊大臣賞伊犁協領富勒胡善副都統銜為塔爾巴哈台領隊大臣庫車辦事大臣承芳副都統銜調烏魯木齊領隊大臣前任駐藏幫辦大臣鍾芳頭等侍衛為哈密辦事大臣正白旗參領慶英副都統銜為哈密幫辦大臣通政司參議倭什琿布頭等侍衛為阿克蘇辦事大臣通政使司通政使赫特賀副都統銜為庫車辦事大臣乾清門二等侍衛

特克慎頭等侍衛為伊犁領隊大臣予故四川石砭廳同知王縈緒安徽蒙城縣知縣劉曾銅陵縣知縣嚴越入祀名宦祠從總督徐澤醇巡撫蔣文慶請也予直隸故廣東羅定州知州王植山東故山西長子縣知縣王延年山西故湖北安襄鄖荆道尋步月四川故進士周元位石砭土司馬宗大福建故增生梁彩雲南故拔貢生盛雯入祀鄉賢祠從總督訥爾經額徐澤醇巡撫李德慶端郭

夢齡張亮基請也予江西故湖北學政王贈芳入祀名宦鄉賢祠從巡撫陸元烺龔裕請也○戶部議准署浙江巡撫椿壽疏報富陽象山樂清三縣開墾沙地蕩田塗田七頃五十二畝有奇照例升科從之○庚寅諭內閣徐廣緝奏武昌追剿賊匪屢次大獲勝仗一摺據稱逆匪自到武昌分股四面滋擾福興玉山蘇布通阿帶兵先後趕到經向榮商令徑逼洪山劉營向榮大隊從長虹橋一

路轉戰而進繞赴東路至魯家港劉營十一月二十三日分派兵勇二十餘隊合力進攻賊勢披靡殲斃甚多並將賊踞民房焚毀殆盡二十八日向榮等選兵三千餘名分路進剿施放槍礮噴筒拋擲火礮當將賊巢攻奪生擒逆匪多名奪獲黃袍黃旗及礮械贏馬等件賊營一律燒毀官兵直追至武昌城下該匪逃至江岸因漢陽浮橋先被我軍折斷賊仍折回死拒現在督兵勦洗等語逆匪竄

擾武昌經此次痛剿賊鋒已挫武昌自可解圍惟占踞漢陽及水路各匪勢必聞風紛竄徐廣縉現已趕赴武昌著與向榮督飭帶兵各員渡江奮力環攻上游荆襄下游黃蘄各處飛即分派精兵截擊並著羅繞典台湧於荆襄一帶遏賊西竄陸建瀛計已馳抵九江遏賊東路著與張芾蔣文慶嚴防江西安徽水陸要隘相機進攻陸應穀已抵南陽琦善不日亦可到豫北路大兵陸續雲集該大臣將軍督撫提鎮等務當不分畛域同心協力迅掃賊氛毋稍延誤諭軍機大臣等本日據徐廣縉馳奏追剿賊匪疊次大獲勝仗一摺逆匪自到武昌分股滋擾經向榮督同福興玉山蘇布通阿等合力進剿疊獲勝仗省城當可解圍惟南岸之賊仍係分股其大股俱在水路及江北漢陽漢口等處難保不聞風四竄且賊情詭譎異常更恐以南岸之賊牽掣我師其大股復潛圖他竄如廣西湖南

即前車之鑒賊由水路則江西安徽江蘇等省陸路則河南之信陽南陽等處在在均關緊要至西北鄖襄一帶為川陝門戶並須嚴防竄越徐廣縉計已馳抵武昌前奏擬派蘇布通阿馳往上游杜賊西竄之路此時是否已有布置著與向榮迅速籌辦萬不可令賊匪奪險分竄羅繞典此時是否已抵襄陽台湧荆州兵單亦恐未能力遏賊鋒必須派得力將弁添兵防剿陝西交界處所已諭令舒興阿等派兵設防務須聲勢聯絡不可稍分畛域武昌若已解圍向榮察看賊勢何處喫重即督率鎮將相機攻剿總以繞出賊前截擊或伏兵要隘接應斷不可徒事尾追又致滋蔓至福建兵未能出力業經向榮懲辦軍營近來習氣必應嚴加整頓此後僅有畏葸不前者無論將弁兵丁即以軍法從事斷勿姑容其出力將士立予獎勵俾人知懲勸則兵氣更揚至江面下游一帶陸建瀛計已統

帶重兵沂流而上江西安徽水陸要隘防不勝防惟有擇險據守確探賊蹤督兵進剿並隨時知照張芾蔣文慶楊文定及江甯將軍祥厚一體嚴防現在漢陽尚有賊踞孝感黃陂一帶均有賊營去豫甚近情形更為緊急若賊匪乘虛北竄而琦善尚未到境豈不坐失事機朕所以疊次嚴催琦善馳赴楚豫交界者正恐漢陽賊竄北路當衝著該大臣遵奉前諭與陳金綬統帶大兵星速趕行儻楚

匪竄入豫境朕必治以遷延之罪琦善未到以前陸應穀計已馳抵南陽所調直隸及山東山西陝西各勁旅計亦先行趕到兵力不為不厚即著陸應穀妥為布置堵剿兼施並隨時知照湖北軍營聯為一氣毋得稍有推諉將此由六百里各諭令知之又諭前諭令舒興阿帶兵馳赴陝西接壤湖北地方擇要嚴防本日據徐廣縉奏向榮等進剿武昌城外賊匪疊獲勝仗等語逆黨圖攻武昌而

月以來屢被官兵剿擊惟占踞漢陽及水路各匪尚多若被我兵進剿勢必紛紛竄逸其上游鄭襄一帶楚陝毗連地方路徑叢雜隨處可通防守甚關緊要舒興阿接奉前旨自必趕緊啟程惟到陝尚需時日著舒倫保張祥河迅即會商派委得力文武大員選帶精兵前往交界處所督率地方官察看要隘妥速設防並諭紳民團練互相保衛務期與楚省聲勢聯絡以免疏虞並隨時嚴防土匪密

查奸細毋致暗相勾結鳳邠道文海人尚諳練即著張祥河派往辦理防堵事宜將此由六百里各諭令知之○江甯將軍祥厚奏粵匪竄近湖北豫籌江甯防守情形得旨會同地方文武嚴密防守不可稍存彼此之見○戶部議准署雲南巡撫吳文鎔疏報安平同知所屬開墾民田三十四畝照例升科從之○辛卯以察哈爾一等子阿木爾布彥第三音阿木古朗襲爵○調喀喇沙爾辦事大臣

文蔚為哈密辦事大臣賞前任奉天府府尹
文俊頭等侍衛為喀喇沙爾辦事大臣以
甘肅擊獲盜犯出力予知縣崔國錦等升敘
有差蠲緩江蘇上元江甯句容江浦六合
長洲元和吳吳江震澤常熟昭文崑山新陽
華亭奉賢婁金山南匯青浦宜興荆溪丹徒
丹陽金壇溧陽山陽阜甯清河桃源鹽城高
郵泰東臺江都甘泉儀徵興化寶應銅山豐
沛蕭陽山邵宿遷雖甯太倉鎮洋海沭陽高
漣溧水通海門五十五州縣蘇州太倉鎮海
淮安揚州五衛被水被旱莊屯新舊正雜額
賦並截留漕米三萬二千石賑豐沛銅山邵
海沭陽清河桃源安東宿遷十州縣暨徐州
大河二衛災民口糧有差壬辰諭內閣張
芾奏參派委團練之紳士聞警逃避等語江
西現辦防堵在籍紳士均各奮勉出力保衛
桑梓前任貴州仁懷廳同知譚煒係九江城
內紳士服闋到省經該署撫諭令幫辦團練

該員業經遵照回籍乃復攜家遠遁實屬畏
葸無能巧於趨避譚煒著即行革職以示懲
儆諭軍機大臣等張芾奏馳抵九江籌防
情形一摺逆匪竄擾湖北逼近江西現在大
兵攻勦武昌當可解圍賊既窮蹙勢必紛竄
毗連各要隘急宜堵禦張芾現已馳抵九江
並於道士洑安設營壘派委大員帶領兵勇
前往駐劄惟九江存城及江蘇福建客兵不
過二千兵力尚形單薄所有湖南歸伍之江
西兵千名已有旨諭令徐廣縉張亮基飭令
迅速折回江西並於大營酌撥弁兵星速赴
九江合力截勦陸建瀛早經啟程此時計亦
可抵九江著會同張芾相機籌辦如向榮等
攻勦得手尚須東路策應陸建瀛即帶領兵
勇泝流而上與武昌大兵合力夾擊或武昌
圍解賊匪紛竄順流而下則迎頭截擊與向
榮等派出之兵兩面兜勦更可得力惟水路
固宜嚴防陸路亦必分兵守禦總期妥為布

置毋墮賊匪聲東擊西奸計其雇募糧船水手以壯聲威一節即著該督撫等商酌辦理將此由六百里各諭令知之○又諭本日張芾奏馳抵九江籌辦防堵一摺據稱湖南歸伍之江西兵一千名從前疊准該省督撫咨覆已飭啟程現據帶兵官李崇勳稟稱撫臣張亮基諭令暫緩節次咨催尚無覆信等語現在九江兵力單薄賊已竄離湖南所有應行撤歸原省之江西兵著徐廣縉張亮基即行飛飭啟程馳赴九江又福建兵三千名昨據徐廣縉奏剿賊不甚得力此項兵丁是否全數行抵大營應否飭赴九江協防之處著徐廣縉向榮酌量辦理現在向榮等得獲勝仗盡將賊營燒毀武昌自可解圍江中浮橋既被我兵燒斷當不患乏船濟渡徐廣縉計已抵武昌省城即與向榮督飭南岸大兵設法渡江將黃陂一帶賊營痛加攻剿能將水面及漢口土城賊匪合力圍攻即可乘勢收

復漢陽為一鼓殲除之計惟賊情詭詐勢必又圖他竄不上窺荆河則下擾黃蘄徐廣縉向榮務須通籌豫防儻賊順流東竄江省兵單甚為可慮著即由大營選派奇兵繞出下游與陸建瀛派防之兵扼要合剿勿任竄逸其西北荆襄一帶亦必須派兵與台湧羅繞典協同防堵仍隨時知照河南出兵夾擊該大臣等總當合力同心互為聲援以期無失事機切勿專顧本境致賊遠颺又蹈從前覆

轍將此由六百里各諭令知之○以故一等公福克津子連成二等男保慶子穆恩各襲爵○以大理寺卿文清為內閣學士兼禮部侍郎銜○改鑄江蘇金匱縣知縣印信從巡撫楊文定請也○癸巳

上詣

壽康宮問

皇貴太妃安○諭內閣本日據徐廣縉馳奏逆匪攻陷武昌省城失守一摺覽奏憤恨莫可

言喻向榮等追剿賊匪於省城之東疊獲勝仗而西面平湖文昌各門濱臨大江該逆開它地道竟於本月初四日地雷轟發守牌兵潰武昌省城遂至失守該大臣前次奏報尚云武昌自可解圍乃數日之間遽報失陷豈軍情緩急但憑稟報如在夢中耶徐廣縉自長沙前赴湖北本已遷延向榮為軍營統領雖經趕到獲勝乃不能乘勢擇要攻剿遲延數日致誤事機均屬罪無可逭現值勦辦喫

實錄卷七十九

三六

緊之際若即重治其罪轉得置身事外徐廣縉著革去兩廣總督拔去雙眼花翎仍以欽差大臣暫署湖廣總督向榮著革職仍幫辦軍務戴罪勦賊以觀後效武昌為省會要地乃竟被賊攻陷官兵士民慘遭荼毒朕自愧自恨用人失當不能迅速拯我生民殄茲羣醜顧瞻南服寢饋難安前已令琦善陸建瀛為欽差大臣各帶重兵馳往迎剿又命陝甘總督舒興阿四川將軍署總督裕瑞各選精

兵馳往楚省交界合力勦捕其各効力同心以靖疆圉毋得各存畛域觀望遷延致干重罪武昌城內文武各員著徐廣縉查明具奏○諭軍機大臣等本日據徐廣縉馳奏逆匪攻撲武昌省城失守覽奏焦急之至已明降諭旨將該大臣等革職戴罪自效矣徐廣縉督兵遲緩致誤事機向榮雖於城東疊獲勝仗未能保護省城均屬罪無可解現當賊勢猖獗勦辦喫緊之際是以姑從寬典徐廣縉

實錄卷七十九

三七

著即兼程前赴武昌會同向榮妥籌兜剿一面知照羅繞典台湧等嚴防上游一面飛咨陸建瀛張芾等各派精兵沂流而上一律截擊毋得再有遲延湖北省城文武下落並著迅速查明具奏至武昌省中截留軍餉三十餘萬盡為賊得軍營支用如何接濟此時撥餉在途者尚有若干著徐廣縉飛催前途繞道解運並須加倍慎重本日已寄諭葉名琛令其設法籌畫由江西湖南解運軍營以濟

急需矣將此由六百里加緊諭令知之○又諭前諭令舒興阿馳赴陝楚毗連處所擇要設防復諭令舒倫保張祥河於舒興阿未到之前派委文武大員迅往交界嚴密防守本日據徐廣縉奏本月初四日武昌失守逆匪勢益猖獗陝西路通湖北鄖陽等處防守緊要著舒興阿即遵前旨迅督精兵兼程前進其未到陝以前仍著舒倫保張祥河飭令所派各員妥速設防毋稍延誤將此由六百里各諭令知之○又諭前諭令琦善馳赴楚豫交界地方與陳金綬統帶大兵迅速進剿並令陸應穀馳赴南陽妥為布置該大臣等諒已兼程前進設法妥籌矣現在武昌失守楚豫毗連處所防剿十分喫緊琦善陳金綬著即督兵前進與徐廣縉向榮陸建瀛等各路精兵四面兜圍相機進剿斷不可各分畛域致誤事機將此由六百里加緊各諭令知之○又諭本日據徐廣縉奏武昌省城被賊

攻陷一摺覽奏焦急之至陸建瀛前奏先回省城料理即赴九江防剿惟現在賊勢益張勦辦萬分喫緊著該大臣迅速兼程馳赴九江會同張芾選派得力將弁一面扼要嚴防一面泝流直上會合楚省官兵前後夾擊無稍遲誤至安徽水陸各路與湖北多有毗連若賊匪乘勢東竄在在堪虞著陸建瀛蔣文慶將現在調到各兵遴選得力員弁管帶分守要隘一律堵截毋得稍有疏虞將此由六百里加緊各諭令知之○又諭武昌省城被賊攻陷所有截留餉銀三十餘萬兩諒必盡為賊得湖北大兵雲集待餉孔殷各省撥解餉銀亦恐不免阻隔著葉名琛迅速設法籌畫無論廣東何款但可移緩就急者即著奏明起解就近由江西湖南等處妥速遞往大營以濟要需並知會沿途各督撫多派幹員小心防護毋得稍有疏失將此由六百里加緊諭令知之○又諭現在賊勢猖獗四川與

湖北毗連亟應調兵策應裕瑞現署總督未便遠離省城著即選派得力鎮將酌帶精兵順流直抵湖北交界與徐廣縉等會同勦辦毋稍延誤所需經費並著該督設法籌辦以濟急需將此由六百里諭令知之馬蘭鎮總兵官慶錫奏遵旨收拾

陵寢樹林情形得旨培養新種樹林不可欲求速效惟在時加修理勿稍玩忽命直隸提督陳金綬幫辦軍務舉行本年軍政盛京

實錄卷七十九

三

將軍所屬卓異官五員不謹官一員才力不及官十五員年老有疾官十一員江甯將軍所屬卓異官三員年老有疾官三員保定等處卓異官一員年老有疾官二員荊州將軍所屬卓異官二員年老有疾官四員察哈爾都統所屬卓異官三員不謹官六員年老有疾官五員廣州將軍所屬卓異官二員西安將軍所屬卓異官二員綏遠城將軍所屬卓異官二員年老有疾官一員涼州副都統所

屬卓異官一員伊犁將軍所屬卓異官一員黑龍江將軍所屬卓異官二員成都將軍所屬卓異官一員年老有疾官四員青州副都統所屬卓異官一員熱河都統所屬卓異官一員年老有疾官一員吉林將軍所屬卓異官一員不謹官一員年老有疾官十一員福州將軍所屬不謹官一員浮踪官一員年老有疾官四員京營卓異官二員年老官二員直隸卓異官十二員不謹官一員年老官一

實錄卷七十九

三

員有疾官一員熱河卓異官二員山東卓異官三員罷輟官一員才力不及官四員年老官一員雲南卓異官三員有疾官一員貴州卓異官三員不謹官一員罷輟官一員年老官二員分別議敘處分如例賞湖南安鄉縣被水貧民一月口糧截留漕糧十萬五千石賑浙江金華東陽義烏永康浦江武義湯溪建德八縣被災貧民蠲緩浙江海沙鮑郎蘆瀝長亭橫浦浦東袁浦青村下沙頭

九場歛收竈丁新舊額賦○甲午諭內閣德勒克多爾濟等奏請捐備軍需一摺訥勒亨額倡捐銀一千兩著即賞收交部從優議敘其部屬章京主事筆帖式蒙古等官會同捐輸具見誠悃惟該員等所得俸銀藉以當差所捐銀兩著毋庸賞收以示朕體恤之至意○以前任湖南巡撫駱秉章暫署湖北巡撫○以革職廣西提督向榮暫署湖北提督○乙未諭內閣李德奏帶兵武弁縱兵滋擾逗遛等語前因兵差騷擾特降旨令統兵大員嚴飭將弁約束兵丁儻於經過地方例外需索即照軍律嚴行懲辦茲據奏稱濟南城守營千總李昌脈經制外委唐振興帶兵行抵滕縣輒因索費不遂縱兵鼓譟毆打辦差家丁逗遛不進實屬目無法紀若不嚴加懲治何以肅軍令而挽惡習李昌脈唐振興現已行抵安徽著蔣文慶即將該弁扣留委員押解山東交李德嚴訊沿途詐索情形按律從

實錄卷七十九

三十三

重治罪以昭炯戒○又諭理藩院奏內外扎薩克汗王貝勒貝子公額駙台吉塔布囊等因軍務未竣情願將一年俸銀捐備軍需呈請代奏等語蒙古諸王公等來京值此軍需孔亟情願將伊等所得一年俸銀呈請捐輸忠悃出於至誠朕甚嘉悅惟該汗王等所得俸銀既係藉以當差其所捐銀兩著毋庸賞收汗車林多爾濟親王巴圖魯登端魯布索特納木彭蘇克彭蘇克納木濟勒車林多爾濟貢桑珠爾默特郡王索特納木倫布木林沁扎勒贊濟克默特朗布色伯克多爾濟那木濟勒旺楚克布彥德勒格呼固魯克齊阿爾塔什第吹精扎布貝勒喇木棍布扎布貢葛喇布坦那遜鄂勒哲依布彥巴達爾呼賽音濟爾噶勒貝子阿米果爾圖達克沁桑齊薩喇特多布公烏勒金濟爾噶勒阿喇坦鄂齊爾帕勒布德哩克呢木克什克阿爾畢濟呼桑噶扎布等俱著各賞給大卷袍料一件

實錄卷七十九

三十三

台吉阿勒坦鄂齊爾必嗎喇濟哩第德木楚克蘇爾隆托第布木布達莽噶拉額附多布沁喇布濟烏勒濟布彥貢布色楞卓特已扎布塔布囊德勒格爾布彥圖三音錫哩多爾濟喇布坦三等子爵察克都爾扎布等俱各賞給小卷袍料一件八絲緞褂料一件由廣儲司撥給以示體恤蒙古世僕之至意○又諭理藩院奏喀爾喀扎薩克郡王托克托瑚圖魯率伊弟等呈請捐貲助餉以備軍需祈

實錄卷七十九

三十四

為代奏等語喀爾喀扎薩克郡王率伊弟扎勒幹扎布伊子莽朱巴咱爾養蘇察爾拉圖等具呈情願捐備軍需銀二千七百兩具見忠悃實出至誠惟軍營應需銀兩現已備辦足敷支用其所捐銀兩著毋庸賞收加恩該喀爾喀扎薩克郡王托克托瑚圖魯著賞給大卷袍料一件大卷褂料一件由廣儲司撥給以示體恤蒙僕之至意○大學士直隸總督訥爾經額奏報各屬雪澤情形報聞又批

直隸所屬與豫省毗連處所著繪圖貼說具奏務須慎簡幹員密之密之命戶部尚書文慶禮部尚書徐澤醇吏部左侍郎邵燦在紫禁城騎馬

實錄卷七十九

三十五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之七十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之八十

臣等謹將該部等詳請開復張節奏提徒聚眾開溝請將署任知縣撤任留緝一摺江
西泰和縣棍徒於該縣開徵漕糧時聚眾滋
事若不嚴拏懲辦何以肅漕政而儆兇頑署
泰和縣事贛州府通判王宇英緝捕懈弛著
先行撤任飭令協同接署知縣上緊緝拏務
將此案首從要犯按名弋獲從重究辦並著
該署撫查明起釁根由如係該署縣辦理不
善以致激成事端即行嚴參懲處○諭軍機
大臣等青慶楊以增奏辦理墾工一摺豐工
緊要日盼合龍自本月初二日奏報進占後
迄今又逾半月據稱初三以後風雪交作灤
凌凝凍未能冒險進占幸驟轉東風俟積凌
漸盡相機進占故河等語大工垂成不可不
認真趕辦但人力可施即須督令進占未可
以天寒藉口致誤事機該河督即督同在工
各員趁食門收窄之時迅速設法進占總期

咸豐二年壬子十二月丙申

上詣

雍和宮行禮○諭內閣前據春熙奏烏什卡倫
被夷匪竄入滋擾守卡官弁不能先期警備
當降旨將協防卡倫之守備崔萬清把總馬
鈞及副將恆安交部分別議處並將春熙交
部議處茲據奕山等奏稱當賊匪縱燒卡倫
之時該守備等立即帶兵往堵恆安亦即馳
往登時將賊匪擊退卡外地方並未滋擾回
莊亦未被裹脅等語該將弁等功過尚足相

年內及早合龍。以副朕望。楊以增。查文經。及在事員弁。經朕棄瑕錄用。應如何感激思奮。急圖自效。僕再有疏失。其能當此重罪耶。青慶著仍遵前旨。駐工督催。無任延誤。將此由四百里諭知青襄陽。以增並傳諭查文經知之。○又諭據陸應穀。琦善先後馳奏。探聞武昌失守情形。並催前調官兵。兼程赴豫。各一摺。已寄諭直隸。陝甘。山西。各督撫。迅催官兵。前赴河南矣。至吉林官兵。據報年內可以到

京。黑龍江官兵。亦可到關。所需馬匹。已飭該部速議。陸應穀現已行抵南陽。琦善抵信陽後。即與陳金綬。察看賊勢。何處喫緊。督飭鎮將相機進剿。以杜其紛竄之路。現在湖北漢陽。德安。安陸。一帶。數百里無兵防守。而河南南陽。信陽。處處喫重。若非協力攻剿。賊匪滋蔓。何所底止。著該大臣等。隨時知會徐廣縉。向榮。陸建瀛。三面兜圍。總期不分畛域。併力進攻。切勿稍事遷延。貽誤事機。將此由六百

里各諭令知之。○又諭寄諭大學士直隸總督訥爾經額。陝甘總督舒興阿。陝西巡撫張祥河。署山西巡撫郭夢齡。現在賊陷武昌。豫省防剿。萬分喫緊。著該督撫等。迅飭前調官兵。兼程前進。速抵豫楚交界。聽候欽差大臣琦善調遣。毋得稍有遲誤。將此由六百里各諭令知之。○又諭據陸應穀。琦善先後奏。探報逆賊攻陷武昌。將兵民一律殺害。銀米擄掠上船。文武各官。均已殉難。又據張芾奏。向

榮。退駐青山。賊船數百。已至黃州。掠糧各等語。覽奏憤恨。莫可名言。徐廣縉兼轄兩省。不能迅速督兵前進。力解武昌之圍。以致省垣失陷。若再令東竄江西。北竄河南。自問當得何罪。武昌失守後。賊匪是否占踞。分股他竄。抑已大隊出城。另圖滋擾。向榮不能力救危城。乃退守青山。現擬作何進止。昨有旨令向榮署理湖北提督。仍幫辦軍務。責無旁貸。據張芾奏。探武漢下游。如黃州大冶等處。並無

一兵堵截。該大臣與向榮豈任聽逆匪東竄束手無策耶。現在九江告急。陸建瀛沂流而上。兵力單弱。朕心甚為焦念。向榮與蘇布通阿。福興。玉山。和春。泰定。三。鄧紹良。瞿騰龍等。所帶兵勇不下數萬。豈有坐視該逆橫行。不謀截擊之理。著向榮即速選派得力鎮將大員先行統帶精兵數千名。無論水陸各路設法繞至九江上游。與張芾會同截擊。遏賊東竄。陸建瀛計亦馳抵九江。兩省共辦一事。斷不許稍存畛域之見。向榮仍察看賊勢何處緊急。即帶兵前往攻剿。毋失事機。省城被陷。文武官員如何殉節情形。著該大臣等迅速查明具奏。並分派官兵撥往北路。與河南大兵會合剿辦。令逆匪不得北竄。該逆自粵而楚。所至蹂躪不堪。儻再蔓延他省。則九江以下無險可守。東南數省繹騷。應山以北稍有疏虞。河洛亦為之震恐。該大臣等撫心自問。應如何為朕分憂耶。將此由六百里諭知徐

廣緒。向榮並傳諭軍營提鎮將弁等知之。○又諭陸建瀛奏遵旨籌辦並催調官兵啟程。出省各摺片。又張芾奏九江待兵孔急一摺。現在賊船數百已至黃州劫糧。所調官兵至九江者僅止百餘。即下巢湖武穴鎮老鼠峽等處江面屯兵均僅二三百名。賊氣偏近守禦實嫌單薄。該大臣既於本月十五日自江甯啟程。著迅速兼程前進。所調官兵船隻即派遊擊楊冠春。周龍統帶與方翔徑抵九江上游迎頭堵截。所請飭調直隸山東兵三千名無論該二省調防兵數已經不少。即使再加調遣亦恐緩不濟急。茲已諭知徐廣燾向榮派得力鎮將統帶重兵繞至九江截擊。並令向榮察看賊勢何處喫緊即行親赴應援矣。其前經調赴江西未至之兵著陸建瀛嚴札飛催。陸建瀛未到以前著張芾設法妥籌防守。如可力爭上游扼要進攻即著相機辦理。琦善即日可抵楚豫交界。本日已飭令統

帶生力勁兵疾趨湖北。遇賊東竄。並飭徐廣
縉。會合勦辦。其安徽省沿江一帶。布置機宜。
陸建瀛。與蔣文慶。務須悉心籌畫。督飭張熙
宇等。嚴密防守。有應行隨時酌商調派之事。
該大臣與該撫。飛咨商榷。毋須在皖耽延。總
以疾抵九江。鎮定人心。隨機進勦。為要。至江
甯一帶。各江防。均如所請辦理。著楊文定。與
將軍祥厚。督同藩司祁宿藻。並前廣西巡撫
鄒鳴鶴。將團練保衛事宜。與江岸水陸各要
隘。妥為籌備。江蘇。安徽。兩省。均著密飭文武
地方員弁。分投巡查。一有奸細。聞入。拏獲。即
行正法。江西。安徽。陸路與湖北毗連處。所一
律嚴防。該大臣馳赴蘄黃一帶。與徐廣縉。琦
善。會勘情形。隨時奏報。以慰廑念。將此由六
百里各諭令知之。○戶部左侍郎青慶。江南
河道總督楊以增。奏遵旨辦理壩工情形。得
旨。爾等竭力搶辦。倍加慎重。覽奏。十四日卯
刻。驟轉東風。此皆仰賴

天神佑助。即日已遣恭親王。虔詣圓明園
河神廟。

惠濟祠拈香。以答神庥。○欽差大臣琦善奏。
行過河南省城途。咨探報湖北賊匪情形。得
旨。兼程前進。勿稍遲延。汝抵信陽後。即行進
勦。若徒自固藩籬。是示弱於賊。轉招外侮也。
○喀爾喀貝勒布彥巴達爾呼。霍碩特扎薩
克頭等台吉齊默特車林。杜爾伯特扎薩克
頭等台吉滿達勒扎布。於神武門外瞻覲。○

丁酉

上詣

專康宮。問

皇貴太妃安。○諭內閣。前有旨。令駱秉章署理
湖北巡撫。著於荊州。襄陽。二府內酌量何處
緊要。暫行駐劄。辦理地方事宜。○又諭。據御
前行走哲里木盟長親王巴圖。昭烏達盟長
郡王那木濟勒旺楚克。卓索圖盟長郡王色
伯克多爾濟等。呈稱。伊等現因年班來京。聞

湖北逆匪攻撲城池。凡屬蒙古臣僕同深憤恨。願各揀精兵自備資斧前往報效。由軍機大臣代奏該盟長等世受國恩。情殷圖報。具見忠悃。惟現在軍營撥調各省精兵足資勦辦。所有呈請備兵赴勦之處著暫行無庸前往。仍聽候諭旨調遣。該盟長等志切同仇。深堪嘉尚。著俟軍務告竣時再予恩施。○諭軍機大臣等。裕瑞奏賊匪竄擾湖北。川省應辦防堵。請將前派赴楚之成都駐防官兵截留。

與綠營兵丁分布防範一摺。逆匪分竄湖北。漢陽武昌相繼失守。四川夔州府屬之巫山縣與楚省宜昌荊州毗連。亟應調集官兵嚴密防堵。所有前派赴楚之成都駐防旗兵五百名著准其截留在川。與建昌等綠營兵五百名統交重慶鎮總兵阜陞管領星速馳往巫山下游等處分駐要隘實力巡防並多備器械安設礮位盤查奸細偵探賊情以固川省門戶。即為楚北聲援。至保甲團練本屬緝

盜良法。刻下楚疆不靖。尤應認真編查。著裕瑞通飭所屬及川東一帶各地方文武實力奉行一體防範。毋得稍有疏虞。夔州所屬城垣堡寨應修處所並飭地方官督率紳民人等趕緊籌畫次第興修。務期有備無患。是為至要。將此由五百里諭令知之。○浙江巡撫黃宗漢奏報雨雪應時情形。得旨。獲霽渥澤。慶幸實深。爾等地方大吏克誠克敬。感格天恩。故若是之速。然而不可稍存自滿之志。驕

侈二字。我君臣當共勉力戒之。○命內閣學士許乃釗赴兩江總督陸建瀛軍營聽候差委。前山東按察使徐思莊交署江西巡撫張芾差委。○以甘肅追擊番賊不力。遊擊忠泰把總武定邦下部議處。○戊戌上辛瀛臺。○御勤政殿。賜蒙古王貝勒貝子公等宴。並賞養有差。○諭軍機大臣等。昨據江西探報賊船數百已至黃州掠糧。九江勢甚急迫。又據陸應穀奏附近河南信陽州之應

山黃陂等處俱有賊匪等語。河南安徽江蘇皆與山東毗連。亦應早為防範。著李儼偵探賊蹤遠近。察看地方情形。於交界扼要處所。帶兵前往。駐劄調度。以資防守。將此諭令知之。○又諭裕瑞奏。作了夷務情形。並廓爾喀貢使啟程來省一摺。據稱作了大小喇嘛。經委員朱長春多方開導。業已照常供差。並將首犯彭錯等拏獲。其諾們罕已遷移王卡寺中。聽候實清順道查辦。所有應用賞需茶葉。亦經委員帶往。自不難剋期了結。惟該處僧俗刁悍性成。仍須隨時相機妥辦。海校壽齡到任尚需時日。仍著穆騰額察看情形。如該喇嘛桀驁不遵。即遵前旨。備以兵威。所需口糧就近在藏餉項下先行動支。以歸簡便。廓爾喀貢使到省。著裕瑞派員妥為護送。毋令耽延。將此諭令知之。○署江西巡撫張芾奏。武昌失守。九江緊急情形。得旨覽奏。賊船已近道士袱。江西省十分喫緊。現雖飭向榮等。

分兵截勦。只恐斷難趕上。汝在九江。惟有竭力防堵。朕日夜悔恨無及。若江省再遭蹂躪。朕咎更深矣。○賞阿拉善扎薩克親王貢桑珠爾默特黃韃。青海扎薩克貝勒羅布桑濟木巴。鄂爾多斯扎薩克貝子達錫多爾濟。在乾清門上行走。喀爾喀扎薩克輔國公濟克濟特多爾濟。輔國公銜二等台吉車林桑魯布。喀爾喀扎薩克頭等台吉齊達爾巴拉。喀爾喀扎薩克頭等台吉喇布坦多爾濟。杜爾伯特扎薩克頭等台吉莽達勒扎布。霍碩特扎薩克頭等台吉齊默特車林。阿拉善頭等台吉濟克默特松魯布。翁牛特輔國公克什克阿爾必濟呼。歸化城土默特輔國公格木丕勒多爾濟。花翎。喀爾喀貝勒布彥巴達爾呼。扎魯特扎薩克貝勒賽音濟爾噶勒。雙眼花翎。○吐魯番扎薩克郡王回子阿克拉依都等二人。於西苑門外瞻覲。○己亥。諭內閣。前據英興奏。奉天災歉地方。旗丁出外謀生。

請變通章程辦理一摺。當交戶部速議具奏。茲據奏稱。該旗丁等。實因本年金州。復州。田禾災歉。貧苦無資。暫往雙城堡就食。與平日無故前往。希圖占居者。情事不同。等語。朕思該處旗丁。偶遭荒歉。若將其外出謀生之路。概行禁止。非所以示體恤。著照該將軍等所請。將原定續往雙城堡旗人。照逃旗辦理。章程。暫予寬免。仍著該將軍等。轉飭該管各員。挨戶查明冊報。俾有稽考。並著吉林將軍。妥

為勸諭。俟年歲豐收。仍各歸本旗。以安生業。儻查有流民。潛往影射。即著飭屬認真驅禁。毋任別滋事端。○諭軍機大臣等。前據徐廣縉奏報武昌失守情形。未能詳悉。數日又無續報。本日陸應穀奏。據李殿華等探稟武昌城內。兵民數萬人。盡遭賊匪慘害。朕覽奏悲憫之餘。尤深憤懣。該大臣屢次遷延。坐視貽誤。是何肺腑。向榮等。雖於城外攻勦。亦未能力解省圍。致數萬生靈罹此慘毒。若再不急

圖補救。自問於心何安。現在荊州。監。獲奸細。有窺伺荆襄之信。而下游黃州一帶。有賊船游奕。距道士洑甚近。賊情詭詐異常。聲東擊西。是其故智。陸建瀛。沂流而上。九江等處。兵力太單。朕心甚為廕念。昨已有旨。諭令該大臣等。選派得力鎮將。繞赴江西湖北交界。遏其東竄。此舉萬不可稍緩。再有貽誤。並著向榮。確切偵探。何處緊急。即提兵親往救援。並隨時知照陸建瀛。張芾等。不分畛域。合力兜

剿。如荆襄一帶。喫重。亦即先其所急。不可顧此失彼。賊情詭詐。慣為牽墮之計。向榮諒已深悉。有人奏。守城宜限以日期。並兵將趕緊赴援。各專責成等語。著鈔給閱看。如可試行。即通飭遵辦。漢陽武昌。殉難文武官員。即速查明具奏。將此由六百里各諭令知之。○又諭現在賊船。游奕黃州。武昌縣等處。距道士洑甚近。勢將沿流東下。陸建瀛。自必遵奉節次。諭旨。迅速馳抵九江。著即會同蔣文慶。張

帝互為犄角。相機防勦。木穉拒賊之說。已據該大臣覆奏。茲有人陳奏十二條。是否有可採擇。原摺鈔給閱看。江蘇道員吳健彰。捐備連環馬礮六百餘尊。諒已酌量帶赴軍營。此項礮位。為行軍利器。但須慎重調撥。不可聚於一處。付之庸懦弁兵。遇賊率行委棄。轉為賊匪所得。貽害不淺。慎之慎之。又有人奏。守城章程一條。所稱守土官及赴援兵將。立限責成等語。一併鈔給閱看。酌量辦理。將此由

六百里加緊各諭令知之。○又諭。據台灣等奏。擊獲奸細。有賊匪約於正月初間。竄擾荊州之說。該城守兵僅三千餘名。不敷防勦。武漢迤西。無官兵駐守。堵截等語。著琦善。陸應穀。迅將已到南陽之西安駐防兵一千名。即飭統領官員。星夜管帶。馳赴荊州。交台灣派撥守禦。現計該大臣早已行抵信陽。所有豫境防勦事宜。即與該撫陸應穀。將調到各兵。嚴密布置。陳金綬帶兵。應於何路進攻。斷不

可以有用作之兵。置之無用之地。自南陽至信陽一路。凡有鄰楚州縣。水陸要隘。如何設防。務須聲勢聯絡。相機進勦。為楚北援應。昨張帝奏賊船已近道士洑。九江情形緊急。陸建瀛所帶兵力。亦甚單弱。必須該大臣等。選派精兵馳往會勦。或派兵繞出安徽。迎頭截擊。不可專顧一面。致誤事機。在守土官員。固當早謀捍禦。而援兵觀望不前。以致力竭失守。罪亦難寬。該大臣等。即傳諭軍營將弁。儻有

派令援應。觀望不前者。即行嚴辦。至賊匪分布奸細。窺探軍情。據荊州獲犯。供有數十人。恐各路四散者甚多。並著嚴飭文武。隨時密拏。勿墮奸計。所有郡縣城濠。應行及早修濬之處。即行妥籌辦理。將此由六百里各諭令知之。○又諭。台灣官文。貴陞奏荊州喫重。請添兵防勦一摺。武昌失守。荊州危急。宜嚴防滿營存城官兵。僅三千餘名。實屬單薄。現調陝西綠營兵一千名。飭令速赴荊州。又諭令琦

善陸應穀將已抵南陽之西安駐防兵一千名就近先行馳赴荊州以備調遣昨據羅繞典奏由長沙挑帶陝西營官兵五百名並川勇毫勇前赴荆襄刻下計可抵郡著台灣等會同熟籌妥為布置務期嚴密設防以遏賊奔竄之路仍宜嚴拏奸細密設偵探不可稍有疏懈致誤事機將此由六百里加緊諭令知之○又諭昨據張芾奏賊船數百已至黃州掠糧是該匪已有東下之勢江甯省城尤為緊要現在陸建瀾馳赴九江督勦楊文定行抵省垣著會同該將軍副都統督同藩司祁宿藻等妥速籌商遣派得力將弁於江岸上游扼要防守遏賊東下之路提督福珠洪阿著即帶兵前赴江甯於城外要隘密為布置以衛省垣至京口為江蘇省城門戶並著會同該副都統加意防範毋稍疏忽該匪攻城慣用地雷果能嚴密巡查並於城外挖濠何至墮其奸計現在鄒鳴鶴計已到省其在

桂林守城尚有微勞賊情諒所深悉著即幫同籌辦江甯城大兵單守禦必應嚴密福珠洪阿到省後務當擇要布置以期水陸兜剿不可稍有疏虞將此由六百里加緊諭知祥厚楊文定霍隆武文藝福珠洪阿並傳諭祁宿藻知之○署河南巡撫陸應穀奏據湖北孝感縣知縣李殿華探稟武昌失守情形鈔錄呈覽得旨據李殿華等詳稟情形閩城文武兵丁及百姓不下數萬遭此慘毒朕垂淚覽之猶自恨無德無才不能感格上蒼也○賞欽差大臣琦善都統銜專辦軍務毋庸署河南巡撫○以戶部尚書文慶上邵左侍郎哈芬充經筵講官吏部左侍郎邵燮署經筵講官內閣學士許乃普翰林院侍講學士晉康充文淵閣直閣事○實授葉名琛兩廣總督柏貴廣東巡撫陸應穀河南巡撫張芾江西巡撫○調山東綠營兵一千名赴湖北荊州防剿○調山東青州駐防兵一千

名赴欽差大臣琦善軍營勦賊○庚子

孝莊文皇后忌辰遣官祭

昭西陵○

上詣

慈寧宮

壽康宮前殿行禮後殿問

皇貴太妃安○諭內閣徐廣縉奏遵查巡撫禦

賊被害一摺覽奏益增憤恨調任山西巡撫

湖北巡撫常大瀉秉性忠貞官聲素著前因

粵匪竄擾湖南即奏請嚴守岳州並力籌武

昌防守事宜不料岳州文武棄城失守遂令

逆賊長驅直入徑抵武昌該撫督率文武官

吏嬰城固守二十餘日竟被地雷轟發省城

失陷該撫猶親督守兵登陴力戰誓死不退

為賊戕害孤忠亮節可憫可嘉○大清加恩

著晉贈總督銜入祀昭忠祠即照總督陣亡

例賜卹任內一切處分悉予開復應得卹典

該衙門察例具奏尋奏上予祭葬世職諡文

節○諭軍機大臣等徐廣縉奏查明湖北署

撫臣殉難情形一摺已明降諭旨將常大瀉

賜卹矣岳州為水陸扼要之區大營糧臺由

此轉運自應擇要設防以為後路聲援向崇

現劉營洪山一帶與岳州大營聲勢自必聯

絡惟賊匪占踞武漢之間游船已抵道士洑

其為意圖東竄而以別股牽掣我軍情形顯

然現在北路尚有重兵而東路陸建瀛等兵

力甚單專望向榮飛派將弁帶兵繞出黃州

下游協同截勦遏賊竄路向榮與蘇布通阿

等尚知兵機豈竟坐擁重兵為該大臣前途

保衛任聽下游失事耶軍營近來習氣推諉

遷延固屬可恨而統兵大員用心亦復如是

前者桂林圍解留兵自衛輒以恐賊回竄為

詞不旋踵而全州失守擾及楚南今長沙圍

解賊入岳州棄而不守旋復攻陷漢陽武昌

而該大臣逗遛巴陵又以恐賊南竄為詞試

思賊匪徧滿武漢之間據船千計其意非欲

順流東竄而何。江皖兵單力弱。又係財賦之區。賊若水陸齊下。大勢將不可問。該大臣統領數萬重兵。即武漢尚未收復。不能全軍東援。亦必須分撥精兵。保護下游。與陸建瀛會合截擊。方為統籌全局。若竟以岳郡為藏身之固。以全師為自衛之謀。甘心失機。又蹈重罪。亦何面目對殉難官兵。及數萬生靈耶。前有旨。令駱秉章署理湖北巡撫。並令於荆襄兩郡。擇要駐劄。崇綸未到以前。所有湖北省

一切事宜。即著會同徐廣縉籌辦。另片奏。江蘇福建等省餉項。仍應取道江西。解赴長沙。由原辦糧臺轉運。其川省解到餉銀。就近解往荊州。分投糧臺支應等語。業經交部查照辦理矣。將此由六百里各諭令知之。○又諭。朕聞江中小孤山。為蘇皖鎖鑰。有險可守。前據蔣文慶奏。飭令臬司張熙宇等帶領兵勇。前往扼要布置。自可遏賊東竄之路。前任漕運總督周天爵。僞居皖省。已有旨。令其協同

蔣文慶。辦理團練防剿事宜。或即在小孤山協防。或另擇要隘處所。堵禦截擊。所帶練勇。即歸周天爵管束。以期調度得力。又聞安徽定遠縣知縣金光勛。善緝土匪。揚州候選教職張積中。為士民所推重。著陸建瀛等。詳加訪察。如堪委任。即酌量差遣。將此由六百里各諭令知之。○又諭。等諭陝甘總督舒興阿。陝西巡撫張祥河。昨據台湧等奏。荊州防兵需餉孔急。請飭部就近籌撥。已交戶部議

矣。現在武昌失守。荊州防堵。萬分喫緊。陝省距荊州較近。著該督撫。於陝西省庫存各款。移緩就急。酌量協濟。迅速解赴荊州。以應急需。切勿遲誤。陝西延綏鎮總兵金萬全。年力若何。於防剿事宜。是否可資得力。又前任江南提督馬騰龍。聞其現在陝西漢中府。該員久歷戎行。現在精力是否可用。著該督等。分別查明。如堪差遣。即行派令。幫同辦理防堵事

務將此由六百里各諭令知之。○調兵部右侍郎李嘉瑞為刑部左侍郎。以內閣學士許乃普為兵部右侍郎。○命前任漕運總督周天爵協辦安徽團練防勦事宜。太常寺卿恆福赴河南軍營。交欽差大臣琦善差委。○賞太常寺卿廖鴻荃。以尚書銜致仕。○以湖南護解軍餉出力。予通判鄭德基等升用有差。○辛丑。諭內閣。前因廣西逆匪。竄擾湖南。賽尚阿師久無功。特命徐廣縉為欽差大臣。就近督辦。乃由梧州抵衡州軍營。業已遷延多日。長沙被圍。兩月有餘。若非向榮及地方文武竭力守禦。幾致失事。及解圍後。徐廣縉始抵長沙省城。而逆匪已乘虛復陷岳州。長驅北竄。直撲武昌。徐廣縉調度失機。罪已難逭。朕猶冀其戴罪圖功。僅予薄懲。疊經屢諭。令其督兵兼程赴援。乃藉詞土匪牽掣。耽延不進。至今株守岳州。一籌莫展。惟向榮及諸將先後趕到武昌。與賊接仗。雖屢次獲勝。而主

將遠隔數百里外。兵機緊急。何所稟承。漢陽既已失守。武昌省垣。又復淪陷。文武官員。兵丁人民。數萬生靈。慘遭荼毒。朕引咎自責。寢饋難安。乃昨據徐廣縉奏報。仍以防賊回竄為詞。竟擬駐劄岳州。所有江面上下游。及漢陽北路一帶。全未籌及。是直以岳郡為藏身之固。擁重兵為自衛之謀。甘心失機。大負委任。已革兩廣總督。暫署湖廣總督徐廣縉。著革去署任。即行拏問。由張亮基派員解交刑部治罪。向榮自抵軍營。兩載有餘。雖亦不免挫失。而桂林。長沙。兩處守城。均能迅速赴援。追賊湖北。亦係該員首先趕到。朕用人略短。取長毫無成見。但能勇於任事。即可承受朕恩。向榮著即授為欽差大臣。接受關防。賞還提督頂帶。專辦軍務。所有軍營文武。統歸節制。有能奮勇立功者。據實保奏。其不遵調度。臨陣退縮。巧避者。即按律嚴辦。值此勦賊喫緊之際。陸建瀛。琦善。向榮。雖分省統兵。實則

共辦一事。若彼此推諉。稍分畛域。不肯合力夾擊。以致鄰境被擾。滋蔓難圖。朕亦惟有執法從事。決不姑寬。懷之勉之。○又諭國家養贍兵丁。原為遇有軍旅之事。共相奮勉。以期蕩賊氛而保良善。今逆匪騷擾廣西湖南等省。特調吉林黑龍江兵四千名。皆精銳之兵。槍箭最為純熟。必當剋日掃除。迅奏膚功。第該兵等由直隸河南地方經過。其中偶有無知之徒。因車輛飯食向驛站妄加需索。沿途任意折挫民間。則所謂保民者。實反害民也。儻有此等不知體統。妄生事端者。著該副都統等。立即拏交地方官。嚴行拘禁。據實奏。朕必將犯法之人。照軍法辦理。決不寬貸。儻該副都統等。徇隱袒護。不行奏聞。經該督等奏參。不惟將犯法之人。從重治罪。必將該副都統等。一併嚴行置議。著此次派出監放官兵口分獎賞之王大臣等。於吉林黑龍江官兵到日。將此旨明白曉諭。其各遵行。○諭軍

機大臣等。本日已明降諭旨。授向榮為欽差大臣。專辦軍務。將徐廣縉革去署任。即行拏問矣。逆匪占踞武昌。窺伺九江。賊船數百隻。逼近黃州下游。九江等處。情形十分緊急。該大臣既膺重任。責無旁貸。著即遵前旨。迅速選派鎮將。撥兵數千。前赴九江一帶。遏賊分竄。仍隨時知照陸建瀛。張芾。合力兜剿。無論水陸兩路。萬不可任賊東竄。其武昌漢陽之賊。並著相機進剿。以圖克復。荆襄一帶。及江北與河南交界處所。並隨時知照琦善。陸應穀。派兵接應。本日已諭令琦善。選派精兵。交陳金綬。由河南陸路。馳赴安徽一帶。繞出賊前。合力截剿矣。該大臣統領重兵。務當申明紀律。嚴加整頓。力洗從前遷延疲玩惡習。公明二字。時刻留心。軍中奮力將弁。如鄧紹良等。尚不乏人。提鎮大員。均朕特簡。豈無天良。但須調度有方。甘苦與共。自能同心協力。迅奏膚功也。將此由六百里加緊諭知向榮。并

著將此旨傳諭軍中帶兵各大員知之。○又諭據蔣文慶馳奏軍情緊急。請飭分兵堵剿。一摺。本日已授向榮為欽差大臣。令其揀派鎮將馳往九江一帶。扼要兜剿。又令陳金綬即由河南馳往安徽一帶。幫同截擊。該督撫等即將本省並已到各省官兵妥為布置。防剿兼施。但不可坐待援兵。以致誤事。將此由六百里加緊諭令知之。○又諭本日據蔣文慶馳奏軍情緊急。迫奉調之兵。止到浙江兵一千名。山東頭二三起官兵。甫抵皖境等語。安徽陸路毗連湖北。防堵情形極為喫重。現在陸建瀛所帶之兵不及五千。仍須南北鄰省官兵協力堵截。方不致有疏虞。琦善計已早到信陽。著將現到直隸官兵內。擇精銳數千名交陳金綬管帶。星速馳往安徽一帶。繞出賊前。幫同截剿。南北兩路應援。庶免賊匪竄越。若但自固藩籬。遷延觀望。坐視鄰境失事。朕惟統兵大臣是問。信陽南陽各處著琦善

與陸應穀派兵嚴行防範。琦善仍當遵奉前旨相機越境督兵進剿。與向榮聲勢聯絡。勿任賊匪從容布置。再滋蔓延。又前任遊擊牛鳳山係河南人。著交琦善陸應穀差遣委用。將此由六百里加緊各諭令知之。○又諭本日已明降諭旨。授向榮為欽差大臣。又命張亮基署湖廣總督。潘鐸署湖南巡撫矣。該督督接奉諭旨。即行馳赴岳州督辦防剿事宜。務與大營聲勢聯絡。所有湖南省城地方事宜。即責成潘鐸辦理。駱秉章前已諭令署理湖北巡撫。並令於荆襄兩郡酌量駐劄。著張亮基會同商定。司道以下各員應於何處分駐。印信遺失者。奏明頒發。程商采督辦糧臺亦應移至岳州一帶。糧臺分設。應在何處。著張亮基等一併會籌妥辦。毋得稍有貽誤。將此由六百里加緊各諭令知之。○以湖南巡撫張亮基署湖廣總督。湖南布政使潘鐸署巡撫。湖南按察使岳興阿為湖北布政使。湖

南衡州府知府陶恩培為按察使調河南按察使張集馨為湖北按察使直隸按察使周啟運為河南按察使以直隸永定河道穆清阿為按察使○以甘肅布政使易崇為山西巡撫未到任前以工部左侍郎哈芬署理賞陝西延榆綏道段大章三品頂帶為甘肅布政使○甘肅肅州鎮總兵官桂齡因病解任以甘肅永固城營副將雙來為肅州鎮總兵官○

上以歲暮裕祭

太廟自是日始齋戒三日○壬寅諭內閣明年

二月二十六日

孝和睿皇后永遠奉安

山陵業經降旨定於二十日啟鑾奉安禮成後

恭詣

慕陵行數土禮事關國家大典豈敢稍從簡略

惟現因勦辦楚匪直隸調兵數千又調吉林

黑龍江官兵春間陸續過境兵差絡繹畿輔

地方支應實繁民力已恐竭蹶若再以蹕路經行致煩供億朕心實有不安仰惟我皇考宣宗成皇帝臨御三十年惻隱在抱無日不以愛民為心即謁

陵典禮亦有從權停止之時矧茲逆氛未靖民困未蘇朕承

皇考付託之重惟思憂樂同民因時布惠豈忍拘循常典重累閭閻所有明年

孝和睿皇后梓宮奉安大典並恭謁

慕陵行數土禮屆期應遣近支王代朕行禮俟民力稍紓再行恭詣

山陵虔申誠悃至恭奉

神牌黃輿回京一切事宜著各該衙門及直隸

總督敬謹豫備經過州縣應行蠲免錢糧仍

當降旨照舊加恩此朕仰承

先志軫恤民依萬不得已之苦衷我

皇祖妣暨我

皇考在天之靈定遠默鑒也該部即刊刻謄黃

宣示中外。俾咸知朕意。○又諭。明年二月。舉行臨雍典禮。朕親詣。

文廟釋奠。著太常寺。即查照道光三年二月。上丁釋奠禮節。呈進。○又諭。前因給事中金肇洛奏。古北口官兵。行至良鄉縣。有摔碎食器。燒毀桌凳等情。當交訥爾經額查奏。茲據奏稱。古北口官兵。過良鄉境。均極安靜。祇有十二月初六日。山永協兵丁侯印魁。王士謹。在良鄉飯棚內烤火。順拾殘廢板凳。欲擲火。

中經書役攔阻。稟明帶兵把總等約束。即行中止等語。此奏。朕斷斷不以為實。既稱攔阻中止。是該兵丁等。並無不合。何以又請將把總張運隆等議處。兵丁咨革。顯有不實不盡。即如山東調赴安徽河南官兵。在滕縣滋事。李德即據實奏。並不以本省為嫌。訥爾經額。久任封圻。何竟沾染習氣。飾詞入奏。近來官兵過境。於例得支應之外。往往任意訛索。地方官欲行稟揭。恐上司以辦理不善。斥其

多事。即派員往查。亦率迎合上司。扶同隱飾。以致官兵過境。益無忌憚。不可不嚴加懲創。以肅戎行。著訥爾經額。再行詳細確查。據實具奏。另降諭旨。朕又聞宣化鎮官兵。行至涿州。亦有擾累之事。著該督一併查明具奏。毋稍含混。○諭軍機大臣等。據步軍統領衙門奏。永清縣武童宋玉隴。呈控匪棍聶姓。糾夥持械搶奪傷人。並延請教師姜家父子四人。教習槍刀。又令夥匪劉四。製造火藥等情。如

果屬實。大干法紀。著卓秉恬。宗元。醇。訥爾經額。各派幹員。妥役。迅速嚴密查拏。務獲解省。訊究按律懲辦。毋得稍存徇隱。致釀巨案。原摺著鈔給閱看。將此各諭令知之。○以禮部右侍郎瑞麟。兼署工部左侍郎。以鑲白旗蒙古副都統基溥。署鑲紅旗滿洲副都統。○賞派往軍營正黃旗蒙古副都統明慶等。銀幣有差。○是日。癸丑年立春。順天府進土牛春山寶座。○癸卯。以歲暮裕祭。遣官祭。

太廟中殿

後殿。諭內閣。戶部。議防勦粵匪支發事宜。十八條。分別准駁。聞單具奏。著依議行。該部。即飛咨署湖廣總督。湖北。湖南。巡撫。飭令糧。臺各員。遵照辦理。毋稍冒濫。至兵勇數目。及。到營日期。為軍需要緊關鍵。屢經降旨。飭查。迄今尚未報部。著該督撫。迅飭糧臺各員。即將所調各省官兵鄉勇名數。暨某起何日到。楚。何時起支口糧。每月糧餉。應發若干。所支。

之款。係何銀兩。先行造冊報部。以備稽覈。其。兵勇內隨時裁汰名數日期。尤須覈實造報。毋任隱混。另片奏。撫恤難民一款。現在被賊。蹂躪處所。小民顛沛流離。深堪矜憫。著該督。撫等。派委賢員。體察地方情形。按照水旱災。賑之例。分別妥為撫恤。覈實奏報。毋庸歸入。軍需案內辦理。以昭實惠。而清款項。○又諭。前據王大臣會同戶部議。籌軍餉內有房田。補稅一條。已令各督撫體察地方情形。妥籌。

具奏。茲據刑部侍郎李嘉瑞奏。勸限稅契。易。致擾民。請仍照舊章一摺。所奏不為無見。此。後各省房田稅契。仍照定例辦理。毋庸另議。更張。以杜流弊。○諭軍機大臣等。據向榮奏。籌勦情形。並陸應穀奏。探報賊情各一摺。該。逆攻陷武昌。後於漢陽漢口。搭有浮橋。將城。內銀錢。搬入船內。並有賊船三四百隻。滋擾。黃州府。及武昌縣。現在向榮。擬設法將賊船。橋焚毀。斷其往來。自應如此辦理。所奏調集。

礮船。招募水操。豫備火攻之具。已諭和張亮。基藩鐸。迅速妥籌。照辦矣。至所探黃州。武昌。兩城不能固守。距營一二百里。並無官兵防。堵。似此情形。則九江最為急迫。前已屢次諭。令陸建瀛。迅帶水陸官兵。前往迎擊。並令張。芾等嚴密布置。惟陸建瀛並未徵調他省勁。旅。所帶兵勇。不及五千人。九江上游一帶。兵。力單弱。朕心深為懸念。必須豫楚兩路大兵。迅往應援。堵截方能嚴密。三路始可會勦。朕。

所以屢諭琦善。向榮等。令其各選精兵。馳往九江及安徽一帶。與陸建瀛會合堵截。正是此意。若南北兩路。各固藩籬。不能迅速應援。則賊匪窺伺東路。兵單勢必水陸下竄。兩江當衝。設有疏失。亦必掣動全局。向榮既膺茲重任。必當通籌合計。一面攻剿武漢賊匪。一面即派提鎮大員。統兵疾趨。繞出黃州之前。或道士袱尚可扼守。即於彼處堵賊東下。計湖南鎮將派撥船礮。帶兵北來。亦可剋期而至。前後夾擊。定能得手。琦善與向榮共辦一事。若逆匪竄至豫省。向榮之有意欲清本境。琦善之諉過於人。斷難逃朕鑒也。琦善已抵信陽。即統兵馳赴湖北。並著陳金綬仍遵前旨。由安徽一帶。抄出賊前迎剿。兵貴神速。萬不可稍事遲延。至陸建瀛兼轄三省。前曾具奏。有刀爭上游之說。自省城水路。前赴九江。已覺遲緩。一切調度。均須虛心集議。勿稍囂張。張業蔭將文慶。各有守土之責。亦須與陸建

瀛同心合力。斷不可稍存意見。致失事機。總之該大臣督撫等。或在本境捍禦。或出鄰省應援。各盡心力。不分畛域。自有實效。朕惟知賞功罰罪而已。向榮擬調廣東水師。挖船戰船。著照議。飛咨葉名琛等。調撥應用。陸應穀奏。探報賊匪有窺伺荆襄之意。該大臣等。亦當密商台湧等。密為防範。將此由六百里加緊各諭令知之。○又諭。據向榮奏。稱逆匪攻陷武昌。仍於漢陽漢口。搭有浮橋。必須多備礮船。將浮橋焚毀。方可進剿。前刑部郎中盧應翔。所帶礮船。曾在長沙新家河擊賊。現在停泊何所。總兵音德布。在常德設防。逆擊韓世禧。分防長沙。該處距賊較遠。著張亮基。潘鐸。飭令音德布。韓世禧。於常德長沙。多雇船隻。率領前帶官兵前進。韓世禧所帶湖南兵數百名。著飭令於長沙防城。楚兵內。再挑數百。添足千名。以資調遣。副將鄧紹良。所帶兵勇。即於岳州一帶。多雇船隻。並於洞庭湖。招

募水摸二三百名。豫備柴草硝磺等物。同盧應翔船隻。迅速駛往。以期合力進攻。焚斷浮橋。勦辦可以得手。斷不可稍有遷延。致誤事機。向榮既命為欽差大臣。一切調度。事有專責。兵機貴速。尤忌牽掣。張亮基平素辦事。尚不迂緩。今與向榮共事一方。必須和衷共濟。諒不以前在雲南。曾有會同叅劾向榮之奏。稍存意見也。黃州府武昌縣文武下落著迅速查明具奏。將此由六百里加緊諭令知之。

○戶部遵議變通旗民交產章程。一查出私買旗地免追花利。一清查各項旗地劃除民地。一民人呈報升科寬予期限。一帶地投充等弊嚴行杜絕。一應報升科地畝不准徇隱。一從前典當旗地改立賣契。一借名私買旗地改歸買主。一屯居各項旗人分別辦理。一補納稅課銀兩先行解部。一新升旗產產科則酌中定額。一新賣旗地設法稽查。一奏銷考成從嚴核定。一每歲錢糧定期解部。一隨地

莊園准其並售。一旗產歸旗照舊納糧。一貢成州縣辦理分別勸懲從之。○以浙江杭嘉湖等府田禾缺雨米色不純准紅白私粳各色兼收。○甲辰拾祭

太廟
上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

慕陵。○遣官祭

孝和睿皇后暫安寢殿○遣官祭

孝德皇后殯宮○遣官祭

端慧皇太子園寢○詣

壽康宮問

皇貴太妃安○遣官祭

太歲之神○諭內閣兵部奏吉林頭起官兵到京一摺○此次調派吉林兵分作八起黑龍江兵分作十起均聞二日啟程所有各起官兵到京後仍准其間二日行走以示體恤惟

兵行首重紀律必須堅明約束俾沿途安靜行走昨已特降諭旨該官兵儻有需索擾害者犯法之人按軍法從事如帶兵大員瞻徇情面一併嚴加懲處本日據奕興等奏吉林官兵行過奉天地方即有多索車輛逐站喧擾之事可見帶兵官並不嚴明約束已降旨將該營總富陞革職示懲此後吉林黑龍江官兵陸續前來著帶兵大員嚴加約束毋許沿途需索並著派出監放賞件之王大臣將

朕節次諭旨向帶兵各員及兵丁等明白宣示俾各恪遵軍令毋致稽延兵部及沿途督撫一體妥為彈壓至所過地方州縣應付車馬食物按照定例妥速豫備如有任聽辦差人等剋扣侵漁以致兵丁藉口者該督撫即指名叅奏以期毋誤軍行將此通諭知之○諭軍機大臣等但明倫奏條陳軍務一摺並片奏逆匪煽惑等語其所陳大兵進剿情形及江南防範事宜均不為無見陸建瀛計已起至九江其江甯揚州一帶現在如何布置楊文定已赴江甯駐劄會同該將軍等籌辦防堵事宜該運司奏宜於江甯揚州一帶酌調崇明福山狼山三處之兵為大兵應援著陸建瀛楊文定酌量情形一面奏聞一面調撥毋誤事機其河工災民糧船水手及鹽場游民必當設法彈壓毋令別滋事端至團練保甲之法原以衛民而察奸惟須諭令各地方官及公正紳耆因地制宜實力舉行方足

以收實效。切毋虛應故事。原摺片均著鈔給閱看。將此由六百里各諭令知之。○盛京將軍奕興等奏。叅吉林帶兵營員沿途多索車輛。請交部議處。得旨。奕興等據實奏。不避嫌怨。可嘉之至。○土司宣慰司堅參生郎多吉等三人。及朝鮮國使臣徐有薰等三人。於午門外瞻觀。○乙巳。

上御保和殿筵宴。朝正外藩科爾沁喀爾喀烏珠穆沁阿拉善巴林喀喇沁柔曼阿巴噶教

漢沽齊特哈密吐噶番扎賚特土默特扎魯特青海阿巴哈納爾郭爾多斯郭爾羅斯翁牛特扎哈沁克什克騰蘇尼特杜爾伯特霍碩特察哈爾王貝勒貝子公額駙台吉塔布囊等。及朝鮮正副使臣土司等。隨文武大臣依次就坐。諸樂並作。

上進酒。召左翼科爾沁扎薩克圖謝圖汗親王色登端魯布科爾沁卓哩克圖親王巴圖科爾沁扎薩克達爾汗親王索特納木彭蘇克

烏珠穆沁扎薩克車臣親王彭蘇克納木濟勒科爾沁扎薩克圖郡王索特納木倫布木科爾沁扎薩克冰圖郡王林沁扎勒贊科爾沁郡王濟克默特朗布巴林扎薩克郡王那木濟勒旺楚克喀喇沁扎薩克都楞郡王色伯克多爾濟阿巴噶扎薩克郡王阿爾塔什第。教漢郡王布彥德勒格。喀喇沁貝勒貢葛特扎薩克郡王吹精扎布科爾沁貝勒貢葛喇布坦扎賚特扎薩克貝勒額外侍郎喇不

棍布扎布土默特扎薩克貝勒那遜鄂勒哲依扎魯特扎薩克貝勒賽音濟爾噶勒喀爾喀貝勒布彥巴達爾呼科爾沁貝子阿米果爾圖。教漢貝子達克沁阿巴哈那爾扎薩克貝子桑齋薩喇特多布郭爾多斯扎薩克貝子達錫多爾濟科爾沁扎薩克郡王僧格林沁。柔曼扎薩克郡王固倫額駙德木楚克扎布喀喇沁貝勒德木齊扎布土默特扎薩克貝子德勒克色楞右翼喀爾喀圖謝圖汗車

林多爾濟。喀爾喀扎薩克親王車林多爾濟。阿拉善扎薩克親王貢桑珠爾默特。喀爾喀扎薩克郡王托克托瑚圖魯青海扎薩克貝勒羅布桑濟木巴。喀爾喀扎薩克鎮國公巴勒達爾多爾濟。喀爾喀扎薩克輔國公濟克濟特多爾濟。喀爾喀輔國公章達密濟特。扎哈沁公敏珠爾多爾濟等。至。

御座前賜酒成禮。諭內閣張亮基奏。查明湖南岳州府文武弁兵下落一摺。據稱岳州府

知府廉昌。巴陵縣知縣胡方毅。出城避賊。先後因病身故等情。該府縣等有守土之責。自應竭力固守。致死勿去。乃竟先期棄城逃避。前經照准部議。分別定罪。若該員等尚在。必當明正典刑。以昭炯戒。現在均已病故。著毋庸議。已革參將阿克東阿。已革提督傅勒恭武。及武昌漢陽各文武下落。並殉難家屬。著該署督查明迅速具奏。又諭青慶揚以增奏黃河雪後復凍。請俟天融冰泮。加緊進占。

一摺。前據該河督奏稱。十二月十四日卯刻。南河工次驟轉東風。冰凌解泮。兩壩各進一兩占。即可相機放河。朕心稍慰。茲據奏稱。十六日夜間。大雪連宵。黃河復又凍阻。旋鑿旋合。人力難施。擬俟河冰融泮。加緊趕辦等語。金門現存二十餘丈。進占挂纜。最關緊要。即謂大河偶凍。亦應設法辦理。斷無工屆垂成。忽然停待之理。刻下節逾立春。轉瞬冰汛。將至。若不加緊籌辦。萬一再有疏失。自問當得

何罪。青慶本無辦工之責。著即由驛回京。豐工一切事宜。係揚以增查文經專責。著即迅速妥籌。相機剋期進占。毋得藉口人力難施。稍有延誤。並著將此旨傳諭在工人員等。趕緊遵辦。儻再有貽誤。朕惟有將楊以增查文經及辦工各員。從重治罪。決不寬貸。懍之。○諭軍機大臣等。據李德泰稱。東省官兵未便續調。自係實在情形。惟現在賊勢狡猾。若由水路東竄。窺伺兩江。該省水師兵力單

弱雖據向榮已咨調廣東戰船豫備會剿但恐緩不濟急因思登州水師戰船距江蘇較近該守備黃富興熟悉水面情形堪資得力著李德即派該守備並添派員弁飭令統帶水師乘駕新造師船迅由海道駛往江甯聽候該將軍祥厚巡撫楊文定調遣毋稍遲誤將此由五百里諭令知之○又諭昨據向榮奏籌勦情形已有旨命張亮基潘鐸飭令音德布韓世禧於常德長沙多雇船隻再挑防城楚兵數百湊足千名並令鄧紹良招募水摸二三百名同盧應翔船隻迅速駛往以為合力進剿兼用火攻之計本日據張亮基奏籌辦湖南堵剿事宜仍以防賊回竄為詞意在只顧湖南一省藩籬而置湖北於不問殊屬不知緩急桂林圍解鄧鳴鶴即以防賊回竄為詞長沙圍解徐廣縉又以此藉口試思賊陷岳州棄而不守合股下竄現在占踞漢陽武昌搭造浮橋並擄船數百隻其勢將順

流東竄已屬無疑我兵現患無船必須於上游多覓船隻豫備火具乘流駛下勦辦方可得手豈可再將有用之兵置之空閒之地雖湖南各處土匪亦應勦辦只須本省防兵酌量派撥並與紳士設國保衛自可漸就清理徐廣縉但知自衛全不以下游地方為意朕是以將其拏問治罪專責向榮以勦賊並派鎮將帶兵應援九江等處張亮基已署理湖廣總督統轄兩省豈可再蹈徐廣縉覆轍著仍遵前旨飭令音德布韓世禧鄧紹良盧應翔等統帶兵勇船隻迅速前往湖北聽候向榮調度設有貽誤朕惟該署督是問至湖南籌辦撥兵募勇各事宜即責成張亮基潘鐸會同在籍侍郎曾國藩妥為辦理徐廣縉業經革職拿問該署督派員解京時即將朕前賜欽差大臣逗遛必墜刀一併繳回至程商采現准回籍軍營糧臺著該署督即飭司道大員認真覈辦毋稍貽誤將此由六百里諭令

知之○署河南巡撫陸應穀奏密陳河南文武各官考語得旨○考語單係汝手書甚是密奏事件雖行書亦無不可又奏學政張之萬尚禾出棚考試候下屆再行照辦批留心訪察隨時奏聞○欽差大臣琦善等奏馳抵信陽迅籌會勦得旨屢次廷寄想已接奉遵行第楚省勦辦情形不可暫緩琦善係朕特簡應如何激發天良以副委任汝之才能遠過徐廣縉此事若不能辦竣何以對天下人若

果能成此偉績爵賞可致也○以廣西桂平梧鬱道許祥光為按察使○蠲緩湖南道嘉禾榔江華桂陽永明永興安仁茶陵攸醴陵長沙善化湘陰甯鄉益陽巴陵十七州縣暨岳州衛被擾地方新舊額賦有差○是歲在表孝子直隸等省趙士彥等三十五名孝友福建吳祥瑞一名孝義江西等省胡繼盛等四名孝婦江蘇等省王張氏等三十九口孝女江蘇等省談氏等六十一口順孫浙江李

林蔚等二名義夫浙江等省包析初等十名守節合例宗室載秀妻博爾濟吉特氏等十四口滿洲雙喜妻達佳氏等一百十三口蒙古穆騰額妻李氏等五十六口漢軍德楞額妻王氏等四十六口各省駐防李成蹊妻朱氏等二百八十五口奉天等省李成蹊妻張氏等一萬四千二百六十六口夫亡殉節江蘇等省彭蘊榮妻陳氏等四十二口未婚守志蒙古塔爾爾氏一口奉天等省孫保元聘妻白

氏等二百五十二口採訪貞節婦女直隸等省武建堂妻許氏等九千八百九十六口百歲壽民婦湖北等省樂大觀等五十七名口五世同堂浙江等省陳世龍等七十五家均給銀建坊如例○一產三男山東等省梁珩等二家○會計天下民數穀數除江蘇湖北湖南未經冊報外直隸等省通共大小男婦三萬三千四百四十萬三千三十五名口存倉米穀二千四百二十二萬二千五百三十


七石二升九合九勺

字彙

單

大清文宗協天昭運執中垂謨懋德振武聖孝
淵恭端仁寬敏顯皇帝實錄卷之八十

清 實 錄 咸豐二年十二月下



統一書號: 11018·1355—40

定 價: 51.00 元